



14

9-b

2

Ex Bibliotheca
majori Coll. Rom.
Societ. Jesu

14-g. b. 2.

6.10.
48
8
19


~~*48*~~
~~*8*~~

100-100

M

Rauy logica breu.

R
11



LOGICA MEXICANA

R. P. ANTONII

RVVIO RODENSIS,

DOCTORIS THEOLOGI,

SOCIETATIS IESV,

Hoc est

COMMENTARII BREVIORES ET

*maximè perspicui in Vniuersam Aristotelis Diale-
cticam: Vnà cum Dubijs & Quæstionibus
hac tempestate agitari solitis.*

NUNC PRIMVM IN GALLIA EDITI,

cum Capitulorum, Dubiorum, Quæstionum & rerum
notabilium, quæ in iis continentur, Indice.

*Coll. Rom.
Cant.
B.*



*Lib. J. J. J.
J. J. J.*




LVGDVNI,

APVD IOANNEM PILLEHOTTE,
sub signo nominis IESV.

M. DC. XI.

CVM PRIVILEGIO.





FLORENTISSI-
MÆ TOTOQVE
ORBE CELEBERRIMÆ
ACADEMIÆ
Complutensi,

*Pater Doct̃or ANTONIVS RVVIO,
viramque felicitatem
preccatur.*



V M Logices Commentarios nostros
nuper editos, ad eò vobis gratos exti-
tisse viderem; Rector dignissime, Do-
ctores, Magistrique grauissimi, & sa-
pientissimi, celebris, multisque nominibus Acade-
mia illustris; vt inito consilio, omnium calculo, &
sententia probatos, instituendæ iuuentutis gratia,
Dialecticæ professoribus, & Magistris discipulis
explicandos præscripseritis: cum denique decretum
hoc vestrum auctoritate regia firmatum, stabilitum-
que sit, vtpotè Scholasticis omnibus perutile, qui
germanam huius Academiæ, & Aristotelicæ disci-
plinæ consonam doctrinam, vestro iudicio in hisce
Commentariis repertam imbibere possent: hoc sa-
nè totum meum animum, huic vniuersitati iam du-
dum, nec immeritò, deditissimum, ad eò necessitudi-
nis amorisque vinculo adstrictum reddidit, vt nihil

non aggrediendum, nihil non tentandum putarem:
quod huic Academiae vtile, vel certè gratum fore iu-
dicarem. Cum autem eiusdem Academiae viri gra-
uissimi, pariter, & doctissimi; quibus me multis no-
minibus deuinctum fateor, Commentarios nostros
vberius protractos, quàm in eadem vniuersitate in-
uereratus ferret ysus, viderent: gratum pariter, ac
vtile fore arbitrabantur, si eosdem Commentarios
in compendium redactos, non sine multorum id iam
dudum, expetentium acclamatione iterum profer-
rem. Cum ergo communis boni studio tenerentur
accensi, & id a me iterum, ac sapius postularent: eo-
rum praeceptis parendum omnino fuit, quorum au-
ctoritas apud me plurimùm valens, ad alia prope-
rantem animum, extemplo ad hunc laborem susci-
piendum conuertit. Suscepi sanè, & qua potui dili-
gentia perfeci. Habetis iam viri grauissimi compen-
dium hoc, nihilo magis fermè nostrum: omnino ve-
strum: re quidem exiguum: placendi studio maxi-
mum. Id certè, vel maxime in eo spectandum fuit,
vt liberalium artium attingentium limina, iuuaren-
tur ingenia: ne rerum multitudine oppressi, vel certè
deterriti, ab incepto desisterent, aut perfectè rem se
assequi posse desperarent. Hunc ergo æquo certè
animo laborem susceptum, grati erga vos animi mo-
numentum, vestro maturiori prudentique iudicio
submitto, dignitatique vestrae sacrum volo. Quòd
si conatus nostros ea qua estis benignitate præ-
diti, sensero probari: quæ supersunt omnia
pari, & (si fieri poterit) maio-
re diligentia prose-
quar.

AD



AD LIBERALIVM ARTIVM STUDIOSOS

FLORENTISSIMÆ

Complutensis Aca-
demiæ.



*O Spariter, studiosi adolescentes, quæ ube-
rius antea, & fusius disputauimus, eâ nunc
paucis contenta suscipite. Quod iam du-
dum petistis, imò expetistis: quod Acade-
mia vera Complutensis probauit: quod li-
bens suscepit, & Aristotelica, ac diui Thoma doctrina
iudicauit consonum offerimus. Nostris utinam cedat
votis: quod susceptis iam suscipiendisq; laboribus con-
tendimus. Neque enim aquè aliud in animo est nostro:
atque omnibus, quæ fieri possit maximè (ut professionis
nostra ratio institutumque postulat) continuò prodesse.
Hic nostrorum laborum scopus: hic finis. Nostra ergo
diligentia, & opera (utinam utili) libentes frui-
mini. Omnia deinceps reliqua, modò di-
uinum adsit numen, accepturi.*

Valete.



IOANNES DE RIBERA, DEI
& Apostolicæ Sedis gratia Patriarcha
Antiochenus, Archiepiscopus Valen-
tin. Regiûsque Consiliarius, &c. Te-
nore præsentium licentiam & faculta-
tem concedimus typis mandandi in hac Valentina
ciuitate, & diœcesi, librum hunc Commentariorum,
in vniuersam Aristotelis Dialecticam, Authore P.
Antonio Ruuio, Societatis I E S V, S. T. D. Cuius
examen Patri Hieronymo Villanoua eiusdem Socie-
tatis S. T. Professori commisimus: qui nil Religioni
Christianæ repugnans in eo contineri: imò vtilem,
ac necessarium omnibus huiusmodi facultati operam
dantibus fore iudicauit. Dat. Valentia die 21. men-
sis Augusti. M. D C VI.

El Patriarcha Aræobispo de Valentia.

*De mandato Illustrissimi Domini
mei Patriarcha,*

Federicus Villarrasa Secret.

IVSSV

I V S S V Illustrissimi, & Reuerendissimi do-
mini, domini Ioannis à Ribera Patriarchæ
Antiocheni, & Archiepiscopi Valentini, per-
legi Commentarios hosce Patris Doctoris An-
tonij Ruuio, Societatis I E S V, in Aristotelis vniuersam
Dialecticam: in quibus non modò nihil doctrinæ Catholicæ
inueni repugnans: sed etiam eos doctrinæ, & Philosophis,
& Theologis utilissima refertos agnoui, & non solum flo-
rentissima Complutensis Academiae alumnis, (quorum
precibus hos Commentarios author in lucem nunc iterum
proferre) verùm etiam doctissimis quibûsque peritiles fore
iudicauit: unde dignos censui, ut in communem scholarum
utilitatem typis mandentur. Valentia in nostro Diui
Pauli Societatis I E S V Collegio. Octauo Idus Augusti.
1606.

Hieronymus Villanoua Societatis I E S V
Theologiæ professor.

E Go Ludouicus Guzman Prouincialis
Societatis I E S V, in prouincia Toletana;
potestate ad id mihi facta, à Reuerendo
admodum Patre Claudio Aquauina, Præ-
posito nostro Generali, facultatem con-
cedo: ut typis mandentur Commentarij in vniuersam
Aristotelis Logicam, à Patre Antonio Ruuio, Docto-
re Theologo Societatis I E S V, & sacrae Theologiæ
professore compositi, & grauium doctorumque ho-
minum iudicio nostræ Societatis approbati. In cuius
rei fidem, has literas manu nostra subscriptas, sigil-
lòque nostro munitas, dedimus. 27. Ianuarij, anni
1603. in nostro Collegio Complutensi.

Ludouicus Guzman.

â 4

FACVL-

FACULTAS R. P. PROVINCIA.

lis Societatis I E S V, in Prouincia

Lugdunensi.



V D O V I C V S Michaëlis Prouincialis Collegiorum Societatis I E S V, in Prouincia Lugdunensi, iuxta Priuilegium eidem Societati à Regibus Christianissimis Henrico III. die 10. mensis Maij, anni 1583. & Henrico IIII. vigesima Decembris 1606. concessum, quo Bibliopolis omnibus prohibetur, ne libros ab eiusdem Societatis hominibus compositos, absque illorum permissione imprimant, permittit Ioanni Pillehorte, Lugdunensi Bibliopolæ, vt, *Logicam mexicanam Antonij Ruuio Rodensis*, &c. ad sex proximos annos imprimere, ac liberè diuendere possit. Datum Lugduni die 28. Septembris, 1610.

Lud. Michaëlis.

INDEX



INDEX CAPITVM,

DVBIORVM, ET QVÆSTIO-

NVM, QVÆ IN VTRAQVE

parte Logicæ continentur.

PRIMA PARS.

QVÆSTIONES PROOEMIALES.

Q uæstio 1. Vtrum Logica sit necessaria.	pag. 1
Quæst. 2. Vtrum Logica sit scientia.	4
Quæst. 3. Vtrum Logica vt ens sit scientia.	6
Quæst. 4. Vtrum Logica sit vnus simplex habitus. 11	
Quæstio 5. Vtrum Logica sit scientia practica, & speculatiua.	18
Quæstio 6. Vtrum obiectum scientiæ sit modus sciendi realis, vel ens rationis.	25
<i>CAP. I. Porphyrij, cum expositione textus. Quæst. Vniuersales.</i>	33
Quæstio 1. Vtrum Vniuersalia sint in rebus.	34
Quæstio 2. Quenam sit essentia, & natura vniuersalium.	36
Quæst. 3. An detur in rebus ante operationem intellectus vni- tas formalis minor numerali.	39
Quæstio 4. An vniuersale sit in rebus ante operationem intel- lectus.	46
Quæst. 5. Per quam operationem intellectus fiat vniuersale.	49
Quæstio 6. Vtrum vniuersale Logicum fiat per simplicem comparationem naturæ cum indiuiduis.	57
Quæstio 7. An vniuersale sit vniuocum respectu prædicabi- lium, & verum genus eorum.	61
Quæstio 8. An vniuersale sit adæquatum obiectum libri præ- dicabilium, vel potius prædicabile.	63
Quæstio 9. An prædicabilia sint quinque vel plura, aut pau- ciora.	65
<i>Tractatus de Natura entis rationis.</i>	71
Dubium 1. An ens rationis sit.	ibid.
Dubium 2. Quid sit ens rationis.	72
Dubium 3. Quotuplex sit ens rationis.	74
Dubium 4. Per quam potentiam fiat ens rationis.	79
Dubium 5. An entia rationis fiant ab intellectu diuino, vel an- gelico.	81

INDEX.

Dubium 6. Ad quam scientiam pertineat agere de ente rationis.	84
Dubium 7. Quonam modo ens rationis reducat ad ordinem prædicamentalem.	ibid.
<i>Tract. De modo, quo circa prædicationes fiunt concretis, & abstractis primarum, & secundarum intentionum.</i>	86
Dubium, An abstractum superius prædicetur de abstracto inferiori.	87
<i>CAP. II. De genere, cum expositione textus.</i>	95
Quæstio 1. Quodnam sit definitum definitionis generis.	96
Quæstio 2. An definitum proprium eiusdem definitionis sit natura realis, quæ denominatur genus, vel secunda intentio, à qua denominatur.	98
Quæstio 3. An definitio generis sit quidditatiua, vel descriptiua.	102
Quæstio 4. Vtrum genus includat differentias & species actu vel solum potètia.	106
Quæstio 5. Vtrum genus prædicetur de specie tanquam totum, vel etiam vt pars illius.	109
Quæstio 6. An modus prædicandi in quid, separet genus à differentia.	113
<i>CAP. III. de specie cum expositione textus.</i>	115
Quæstio 1. Vtrum species fuerit definita à Porphyrio duabus vel tribus definitionibus.	117
Quæstio 2. Vtrum species subiicibilis, vt subiicibilis sit vniuersalis.	120
Quæstio 3. An species possit conseruari in vnico indiuiduo, & genus in vnica specie.	123
Quæst. 4. Vtrum definitio postrema speciei illis speciebus conueniat, quæ vnam tantum indiuiduum habere possunt.	127
Quæstio 5. An species distinguatur à genere per illas particulas suæ definitionis (prædicari de pluribus differentibus numero.)	132
Quæstio 6. An detur vna ratio communis atque realis indiuiduorum, quæ definiatur per secundam definitionem indiuidui.	135
Quæstio 7. An secunda intentio indiuidui per primam definitionem indiuidui definita sit vna.	140
<i>CAP. II. de differentia cum expositione textus.</i>	143
Quæ. 1. Vtrum prima diuisio differentie in communem, propriam & propriissimam sit sufficiens.	145
Quæst. 2. An diuisio differentie in communem, propriam, & propriissi-	

INDEX.

propriissimam sit generis in species, vel analogi in analogata.	148
Quæstio 3. An verum sit, genus sumi à materia, & differentiâ à forma, & quomodo intelligendum.	152
Quæst. 4. An compositio speciei, ex genere, & differentiâ sit realis, vel tantum rationis.	157
Quæstio 5. Vtrum differentia superior includatur in inferiori, & de illa prædicetur.	164
Quæst. 6. An differentia semper & necessariò sit perfectior genere, quod contrahit.	170
Quæstio 7. An secunda definitio differentie possit conuenire ultimis differentiis.	173
CAP. V. De proprio cum expositione textus.	176
Quæst. 1. An proprium solum quarto modo acceptum constituat quartum prædicabile, vel etiâ secundum alios modos.	177
Quæstio 2. An proprium sit vniuersale, aut quantum prædicabile respectu speciei, vel indiuiduorum.	180
CAP. VI. De Accidenti, cum expositione textus.	174
Quæstio 1. An accidens sit vniuersale, & respectu quorum id habeat.	185
Quæstio 2. An diuisio accidentis in ædens separabile, & inseparabile, sit bona.	187
Quæstio 3. An definitiones accidentis, intelligantur à Porphyrio, de inhærentia reali accidentis in subiecto, vel secundâ intentionaliter de affirmatione, & negatione.	189
Quæstio 4. An prima definitio accidentis sit bona.	190
Quæstio 5. An inhærentia apriorinalis, sit de essentia accidentis.	193
Proæmium in prædicamenta. Arist.	196
De inscriptione huius libri.	ibid
De inuentore artis prædicamentalis,	ibid
De fine huius operis.	ibid
An de vocibus, vel de rebus agatur in prædicamentis	197
De obiecto huius operis.	ibid
De modo procedendi, & ordinatione huius operis, cum cæteris partibus Dialecticæ.	ibid.
Ad quam scientiam pertineat de prædicamentis agere.	ibid
CAP. I. De æquiuocis, & vniuocis, & denominatiuis cum expositione text.	198
Quæst. vnica, Vtrum definitio vniuocorum, conueniat denominatiuis.	199
TRACT. De nominum Analogia.	201
Quid sit Analogia.	202
	Quæ

INDEX.

Quotuplex sit analogia.	203
An necesse sit rem, vel conceptum, significatum nomine analogi, intrinsecè solum reperiri in principali analogato, in cæteris verò, solum per extrinsecam denominationem.	210
An conceptus formalis analogorum, sit vnus, & abstractus ab analogatis, vel multiplex, & ab eis an abstrahi possit.	212
<i>Secunda pars quæstionis, de vnitæte conceptus obiectiui analogorum.</i>	214
Quonam modo conceptus analogi contineat analogata.	221
An ens sit vniuocum respectu substantiæ, & accidentis, aut analogum, & qua analogia.	227
An saltẽ ens completum sit vniuocum respectu substantiæ, & accidentis completi.	231
An ens sit vniuocum respectu aliquarum rerum eiusdem prædicamenti, vel diuersorum prædicamentorum.	233
An ens sit analogum comparatum ad ens creatum & increatum, vel ad Deum, & creaturas.	235
<i>Qua analogia dicatur ens respectu substantiæ, & accidentis, atque etiam respectu Dei, & creaturarum.</i>	237
Vtrum accidens sit vniuocum ad nouem prædicamenta accidentium, vel analogum.	240
An necesse sit accidens esse genus si sit vniuocum.	246
An saltẽ respectu aliquorum accidentium aut prædicamentorum, possit esse accidens vniuocum.	247
<i>C AP. II. De diuisione eorum qua dicuntur, & sunt, cum exposit. tex.</i>	249
<i>C AP. III. De regulis prædicamentorum essentialium, cum exposit. tex.</i>	250
Quæst. vnica, An genera non subalternatim posita, possint habere aliquam differentiam communem.	ibid.
<i>C AP. II II. Contineas diuisionem incomplexorum in decem prædicamenta, cum expositione text.</i>	256
Quæstio. 1. Ex quibusnam rebus per se componatur prædicamentum.	ibid.
<i>An, & quomodo indiuidua ponantur in prædicamento.</i>	264
Quonam modo res infinitæ ponantur, aut excludantur à prædicamento.	265
<i>Quæst. 2. An res sint ponendæ in prædicamentis sub nominibus abstractis, vel concretis.</i>	265
Quæstio 3. An necesse sit prædicamenta distingui realiter, aut ex natura rei; vel sufficiat distingui ratione.	271
<i>Quæstio 4. Vtrum prædicamenta fiat decem, ita vt nec plura esse possint, nec pauciora.</i>	275
<i>C AP.</i>	

INDEX

<i>CAP. V. Continens prædicamentum substantia, cum expositione</i>	
<i>tex.</i>	278
Quæstio 1. Quodnam sit supremum genus prædicamenti substantiæ.	282
Quæstio 2. Vtrum Deus ponatur in prædicamento substantiæ.	284
Quæstio 3. Vtrum Angeli, & corpora cœlestia sint in prædicamento substantiæ.	287
Quæst. 4. Qualisnam sit diuisio substantiæ in primam, & secundam: vniuoca, vel analogâ.	292
Quæstio 5. Quod sit formale definitum definitionis primæ substantiæ.	297
Dubium 1. Circa comparationes primarum, & secundarum substantiarum.	300
Dubium 2. Circa tertiam proprietatem substantiæ.	302
Dub. 3. Circa quartam proprietatem substantiæ.	305
Dubium 4. Circa vltimam proprietatem substantiæ.	307
<i>CAP. VI. Continens prædicamentum quantitatis, cum exposi.</i>	
<i>tex.</i>	312
Quæstio 1. In quonam sit ponenda essentialis ratio quantitatis.	315
Quæ. 2. Vtrum Linea, Superficies & Corpus, sint tres species distinctæ quantitatis continuæ.	320
Quæstio 3. Vtrum tempus sit vera species quantitatis continuæ.	325
Quæstio 4. An locus sit species quantitatis continuæ, distincta a superficie.	332
Quæst. 5. An motus sit species quantitatis continuæ.	336
Quæstio 6. An numerus sit species quantitatis discretæ.	338
Quæstio 7. An forma numeri sumenda sit ab vltima vinitate, vel ab omnibus.	346
Quæstio 8. An numerus prædicametalis, non solum reperiatur in corporibus, sed etiam in rebus spiritualibus.	351
Quæst. 9. An oratio sit vera species quantitatis.	352
In quonam sit ponenda quantitas orationis.	354
Quæstio 10. An si daretur linea, superficies, aut corpus, vel alia quantitas, actu infinita, collocaretur in prædicamento.	357
An numerus infinitus esset in prædicamento.	360
Qu. 11. An quantitas sit res distincta à substantia corporca, & cæteris accidentibus absolutis.	362
<i>CAP. VII. Continens prædicamentum ad aliquid, cum exposi.</i>	
<i>text.</i>	364
Quæstio 1. An ad aliquid, vel relatiuum constituat specie prædica	

INDEX.

<i>prædicamentum.</i>	367
Quæstio 2. An ad aliquid sit speciale genus entis realis.	369
Quæst. 3. Quodnam sit supremum genus prædicamenti ad aliquid.	373
Quæ. 4. An definitio relatiuorum, tradita ab Arist. ex propria sententia sit bona.	376
Quæstio 5. Vtrum omnes relationes, pertineant ad prædicamentum ad aliquid.	381
Quæstio 6. An species relationis prædicamentalis, à termino sit accipienda.	386
An filio correspondeat duplex relatio, vna in patre, & alia in matre, vel eadem in vtroque parente.	389
Quæstio 7. An terminus relationis, sit formaliter absolutus, vel formaliter relatiuus.	391
An vnum relatiuū possit, & debeat definiri per alterum.	399
Quæstio 8. An vnum relatiuum, ordinetur ad duos terminos eiusdem speciei, per eandem, vel diuersas rationes.	401
Quæstio 9. An entis realis ad non ens, aut ad ens rationis, detur relatio realis.	406
Quæstio 10. An aliqua relatio prædicamentalis, fundetur proximè in substantia.	411
Quæst. 11. An vna relatio realis, possit esse fundamentum alterius.	415
Quæstio 12. Vtrum relationes secundi generis fundentur in potentia, vel in actione.	420
Quæst. 13. An relationes tertij generis sint reales, & prædicamentales.	425
Quæstio 14. An relatio distinguatur realiter à fundamento, vel solum ratione.	429
Dubium de separatione relationis fundamento.	433
Dubium 1. An relationi conueniat habere contrarium.	435
Dubium 2. An relatiua suscipiant magis, & minus.	436
<i>CAPVT VIII. Continens prædicamentum qualitatis cum exposit. text.</i>	439
Quæstio 1. An qualitas sit supremum genus huius prædicamenti: & diuersæ qualitates, enumeratæ ab Arist. diuersæ species eius.	441
Quæstio 2. An habitus, & dispositio distinguantur specie.	445
Quæstio 3. Vtrum naturalis potentia, & impotentia, sint species qualitatis distinctæ.	449
Quæstio 4. De his, quæ pertinent ad passionem, & passibilem qualitatem.	453
Dubium 1. An passio, & passibilis qualitas, sint veræ species qualitatis	

INDEX.

qualitatis.	ibid.
Dubium 2. An passio, & passibilis qualitas, sint diuersæ species, vel vna tantum.	456
Dubium 3. An passionēs animæ pertineant ad hanc speciem qualitatis.	458
Dubium 4. An obiecta omnium sensuum externorum, vt obiecta eorum sunt, pertineant ad hanc speciem qualitatis.	462
Quæstio 5. Quid per Formam, & Figuram intelligat Arist. & an sint diuersæ species qualitatis, vel eadem.	464
CAP. IX. De prædicamento Actionis & passionis:	466
Quid Actio, & Passio sit	467
Quot, & quæ genera, & species habeant actio, & passio.	468
Quot, & quæ sint proprietates actionis, & passionis,	ibid.
CAP. X. De cæteris prædicamentis.	
Prædicamentum Quando,	469
Quot, & quæ habeat genera, & species hoc prædicamentum.	472
Quot, & quas proprietates habeat hoc prædicamentum,	ibid.
Prædicamentum Vbi,	473
Quid sit Vbi, aut in quo consistat ratio formalis eius.	ibid.
Quot, & quæ habeat genera, & species, Vbi.	474
Quot, & quas proprietates habeat vbi,	475
Prædicamentum Situs.	ibid.
In quo consistat formalis ratio huius præ.	476
Quot, & quæ sint genera, & species Situs,	478
Quot, & quæ sint proprietates huius prædicamenti,	ibid.
Prædicamentum Habere,	ibid.
Quot, & quæ sunt genera, & species habere.	479
Quot, & quæ sint proprietates huius præd.	480
Quæst. An habere sit aliquid intrinsecum, & inhærens: vel in sola denominatione extrinseca consistat,	ibid.
Quæstio generalis pro omnibus sex ultimis prædicamentis.	
An ratio formalis eorum consistat in aliquo intrinseco, & formaliter inhærenti; vel in sola denominatione extrinseca.	484
CAP. XI. De oppositis, cum expositione text.	489
CAP. XII. De modis prioris, cum expositione textus.	490
CAP. XIII. De modis simul, cum expositione textus.	491
CAP. XIV. De speciebus motus, cum expositione textus.	492
CAP. XV. De modis habere, cum expositione textus.	494
SECUNDA PARS.	
Quæstiones & dubia de interpretatione.	
Proæmium totius operis.	495
	Quod

I N D E X.

Quodnam sit obiectum huius operis.	ibid.
De loco quem hoc opus obtineat inter ceteras partes dialecti- caz, & diuisione eius.	497
<i>C A P. I. Cum expositione text.</i>	<i>ibid.</i>
Quæstio 1. An voces significant conceptus & res, atque scri- pturæ voces ad placitū, cōceptus verò naturaliter res. p. 499	p. 499
<i>C A P. II. De nomine cum exposi. text.</i>	503
Quæst. 1. An bene definiatur nomen per vocem.	504
Quæstio 2. An nomen definiatur per vocem tanquam per ve- rum genus.	506
Quæstio 3. An verum sit nomen significare ad placitum; vt in definitione dicitur.	507
Quæstio 4. An verum sit, partes nominis separatas, non esse si- gnificatiuas.	510
Quæstio 5. An nomen infinitum, omnino sit excludendum à definitione.	512
De modo significandi nominis infiniti.	513
De quibusnam dicatur nomen infinitū in propositione.	514
An transcendentia nomina possint infinitari.	517
An nomina definita sint enumeranda inter absoluta, vel inter connotatiua.	518
An nomen infinitum dicatur vniuocè de entibus & non enti- bus, vel analogicè.	ibid.
<i>C A P. III. De verbo, cum expositione textus.</i>	519
Quæstio 1. An verum sit verbum consignificare tempus.	520
Quæstio 2. An verbum sit vera pars propositionis.	525
Quæstio 3. An verbum infinitum possit collocari in propo- sitione.	528
<i>C A P. IV. De enunciatione, cum expositione textus.</i>	531
Quæstio 1. An in definitione orationis, definiatur ratio in vni- uersali, vt perfectam, & imperfectam, simplicem & compo- sitam comprehendit.	532
Quæstio 2. An enunciatio sit ens reale, vel rationis.	534
Quæstio 3. An enunciatio quidditatiuè sit definita ab Aristo- tele per veritatem, & falsitatem.	535
Quæst. 4. an enunciatio mentalis sit vna simplex qualitas.	537
Quæstio 5. An diuisio enunciationis, in affirmatiuam, & nega- tiuam, sit generis in species; vel analogi in analogata.	540
Quæstio 6. An diuisio enunciationis in simplicem, & compo- sitam, sit generis in species; vel analogi in analogata.	542
<i>C A P. V. De modis oppositionum.</i>	544
<i>C A P. VI. De oppositione, & veritate enunciationum de futuro contingenti, cum expositione textus.</i>	545
Quæstio	



QVÆSTIONES
PRO OE M I A L E S
PRO DIALECTICÆ
INTRODVCTIONE.

QVÆSTIO PRIMA.

Vtrum Dialectica sit necessaria.



DIALECTICAM, vt titulum quæstionis explicemus, in Naturalem & Acquisitam distinguunt quidam; Naturalem vocantes, discursus illos, quos solo naturali lumine efficere solent rustici etiam homines; Acquisitam verò eam, quam studio ac labore comparamus. Si tamen propriè loquendum est, non Dialecticam, sed quoddam eius initium à natura habemus, nempe naturale lumen intellectus; à quo discursus illi inordinati procedunt, qui satis impropiè Dialectica vocantur: propriè verò pro facultate acquisita solum accipitur; de qua inquirimus, An sit necessaria. Sed Necessarium dupliciter accipi solet in schola: simpliciter quidem aut sine addito; vel secundum quid, aut ex suppositione. Necessarium simpliciter illud vocatur, quod non per ordinem ad aliud, sed ex propria natura necessitatem habet: in qua acceptione solum Deus dicitur ens necessarium; quia absque ordine vel dependentia ab alio habet, quod non possit non esse. Necessarium verò ex suppositione vocamus illud, quod ex suppositione alicuius finis consequendi tale est; vt cibum capere necessarium dicimus ad sustentandam vitam. Ergo dum titulus quæstionis inquit, An facultas Dialectica sit necessaria; non de prioris necessitatis modo intelligitur, sed de posteriori: ita vt sensus sit, an sit necessaria ad alias scientias acquirendas. Prima opinio tenet, Dialecticam non esse necessariam ad alias scientias, sed posse sine illa acquiri, quamuis non sine magno labore, nec sine errorum

admixture; esse vero utilem, vt commodius ac facilius, & sine periculo errandi comparentur: ita tenet Iauellus in compendio sua Logica, tractatu .cap. 1. quem sequuntur pauci; & probatur duplici argumento. Primò, quia non est necessaria propter se, nec propter alias scientias, ergo nullo modo. Antecedens probatur, quòd non propter se: quia cùm Logica sit scientia simul, & modus sciendi, si ad seipsam esset necessaria, simul acquirenda esset scientia & modus sciendi, aduersus dictum illud Aristotel. .Meta.tex. 1. *Scientiam simul & modum sciendi quærere absurdum est*: quòd verò propter alias scientias non sit necessaria, probatur; quia quilibet scientia habet proprias definitiones, ac demonstrationes, ergo est sibi modus sciendi: quare non indiget Dialectica pro modo sciendi. Secundò, quia duo sunt necessaria vt aliquis consequatur scientiam: Primū, vt principia cognoscat; Secundum, vt certò sciat, se aptis ratiocinationibus uti, & non fallacibus in colligendis conclusionibus ex eis. Sed vtrumque potest homo sine Dialectica, per lumen naturale intellectus, vt patet in rusticis, qui vnum ex altero euidenter colligunt in hac vel illa materia: & de aliis refertur, quòd scientias sine Dialectica comparauerint; vt medicinam Hippocrates, & mathematicas disciplinas alii: ergo non erit Dialectica ad alias scientias acquirendas necessaria.

Secunda opinio opposita est, quæ affirmat; non posse vllam scientiam villo modo acquiri sine Logica, quam tenent plures; quòs idem Iauellus citat vbi supra; & probant vnico arg. quia vt aliquis acquirat scientiam certò scire debet reducere conclusionem vsque ad prima principia, vt docet Arist. 1. lib. Posteriorum cap. 1. per euidentes consequentias, sed repugnat absque Dialectica talem reductionem posse efficere, cum non possit certò cognosce, quòd tota conclusionum multitudo ex principiis deriuetur, nisi per artem, ergo non poterit nisi per Dialecticam.

Communis sententia media videtur inter has extremas, quæ tenent Sorus & Cardinalis Tolerus quæ est. 1. pro ximinali, quos sequuntur alii, nempe Dialecticam esse necessariam ad reliquas scientias perfectè acquirendas; sed ad comparandas modo imperfectò, non esse necessariam, sed utilem, ita vt sine illa comparari imperfectè possint.

Pro solutione quaestionis tria sunt breuiter notanda. Primum, 2 est, duo esse necessaria ad comparandam scientiam: Primum, quòd conclusio per euidentem consequentiam, ex euidenti principio deducatur: Secundum, quòd vtrumque constet euidenter

denique ei qui scientiam acquirit: nam si non cognoscit evidenter principium, solum erit ei creditum, vel opinatum: & si non cognoscat evidentem esse consequentiam, solum erit respectu illius probabilis: & tam ex primo quam ex secundo sequitur, quod conclusio quam colligit, non sit evidens, sed probabilis, cum non possit esse certior praemissis, aut consequentia: quare non erit scientifica. Secundò adnotandum est, posse quidem hominem per lumen naturale intellectus, imperfecto quodam modo discurrere, vnumque ex alio deducere, inordinate quidem; hoc est, non cognoscendo ordinem, ac dependentiam, quam habet conclusio ex principiis, quod docuit Arist. Rhetor. ad Theodectem cap. 1. illis verbis: *Multi hac temere & casu, nonnulli exercitatione ac habitu faciunt, &c.* quia ordo ille nequit sine arte cognosci. Tertiò adnotandum est, habitum scientiae per vnam demonstrationem generari, propter efficacitatem demonstrationis: sed dum generatur per vnum actum, imperfectam habet rationem habitus, aut scientiae, quia nondum est radicans in subiecto; quare nec ipsum denominat talem simpliciter: non enim dicitur acquisisse talem scientiam, quia vnam, aut alteram conclusionem eius acquisivit; nisi secundum quid, hoc est, secundum vnam illam conclusionem.

Ex his duas conclusiones colligo, quibus meam sententiam explico. Prior est; Ad vnam, vel alteram conclusionem alterius scientiae acquirendam, non est necessaria Logica, sed per solum naturale lumen acquiri potest. Probatur haec: quia sicut naturale lumen se extendit ad cognoscenda principia; ita etiam ad vnam, aut alteram conclusionem principis proximam: quia notissima est, per propriam industriam, & laborem hominis potest se extendere: & cum per vnam conclusionem scientia acquiratur, saltem imperfecta, verum est in hoc sensu, quod ad alias scientias imperfecte comparandas Dialectica non sit necessaria. Secunda conclusio. Integra scientia, non potest acquiri sine Dialectica, hoc est, secundum omnes conclusiones eius; quam sic probò. Non potest aliquis omnes conclusiones ex principiis colligere per evidentes demonstrationes, nisi cognoscat evidentem ordinem, secundum quem una derivatur ab altera usque ad ultimam, quae proximè colligitur ex principiis: Sed ordo omnium conclusionum inter sese, & cum principiis cognosci nequit sine arte reducendi, aut resolvendi eas in principia; Ergo non poterit integra scientia acquiri sine Dialectica: & hoc est non posse perfecte sine illa acquiri: & iuxta has duas conclusiones nostras, intelligenda est tertia opinio communis, quae se intellexit veram esse dicimus.

Ad primum argumentum primæ opinionis respondet Cardinalis Toletus: Logicam esse necessariam ad seipsam secundum diuersas partes quæ præsupponuntur aliis; vt secundum partem prædicamentorum, ad partem enuntiationis; & secundum hanc, ad syllogismum: sed cum prima pars non præsupponat alteram, non explicat hæc solutio, quoniam modo Logica secundum primam partem possit esse ad se necessaria: propterea alio modo respondeo: Logicam duo habere nempe esse scientiam, in quantum suas conclusiones demonstrat; & esse modum sciendi, in quantum instrumenta conficit per quæ scire possimus: & hæc ratio prior est illa secundum nostram considerationem: quia prius intelligimus instrumenta sciendi; vt definitionem, ac demonstrationem, quam intelligamus conclusiones demonstratas in Logica. Dicimus ergo, Logicam vt modum sciendi non solum secundum diuersas partes, sed etiam secundum se totam esse necessariam ad seipsam, vt scientiam; ad quod satis est, quod vt scientia præsupponat seipsam vt modum sciendi: dum autem Aristotel. docuit, *absurdum esse simul querere scientiam & modum sciendi*, per modum sciendi Dialecticam intellexit, sed per scientiam non eandem Dialecticam sed quamlibet aliam scientiam, vt docuit D. Thom. in expositione eiusdem loci, quam absurdum esse simul cum Dialectica querere: quasi dicat prius esse addiscendam Dialecticam, tanquam necessariam ad alias. Ad secundum respondeo, non posse naturale lumen nisi perficiatur per artem Dialecticæ, cognoscere ordinem omnium conclusionum inter sese, & cum principiis; & ideo nec perfecte alias scientias acquirere, vt iam docuimus. Argumentum secundæ opinionis solum probat, sine Dialectica non posse scientiam perfecto modo comparari. Ex dictis colligitur; quem locum Dialectica obtinere debeat in acquisitione scientiarum: est enim prima, a qua incipiendum est: quia cum sit modus sciendi, non possunt alia sine ea comparari, nec proinde simul cum ea acquiri: nisi absurdum illud sequatur, quod simul scientiam & modum sciendi queramus.

QVÆSTIO II.

Utrum Dialectica sit scientia.

Scientia hæc in parte propriè accipitur, pro certa cognitione per demonstrationem comparata, vt docuit Aristot. lib. de posteriori resol. cap. 2. sed diuiditur in scientiam Actua-

lem

lern & Habitualement: Actualis scientia dicitur assensus conclusionis: quæ per demonstrationem probatur, vt assensus huius conclusionis, Homo est risibilis: Habitualis verò scientia est quæ generatur in intellectu ex multis conclusionibus demonstratis: & licet vtræque sit propriè scientia, tamen in communi modo loquendi pro habituali accipitur. De hac loquitur titulus quæstionis dum quærimus, An Logica sit scientia.

Et prima opinio negat Dialecticam esse scientiam; sed asserit esse facultatem quandam, seu artem scientia inferiorem: & hanc tenuerunt, Ammonius in prologo prædicamentorum, Alexander in principio Topicorum, Agidius 1. lib. Posteriorum, quæst. 1. Magnesium lib. de interpretatione in principio: Petrus Niger quæst. 11. sui Clypei, & alii, quos secutus est Vilapandus quæst. 26. præcæmiali. Probatur primò duplici testimonio Aristotelis, qui 1. lib. Rhetoricorum ad Theodectem cap. 1. docet, *Rhetoricam esse particulam quandam Dialecticæ, & neutram esse scientiam sed facultatem quandam inuenientiarum rationum.* & 1. lib. Topicorum cap. 1. *Dialectici officium esse, inquit, ex probabilibus disserere.* Secundò, probatur ratione; quia quilibet scientia debet habere materiam particularem ac determinatam, circa quam versetur, tanquam circa proprium obiectum, & per quam distinguatur ab aliis; sed Logica non habet materiam determinatam, sed versatur circa materiam omnium scientiarum; quia in omni materia conficit definitiones, ac syllogismos; ergo non erit scientia. Vnde Arist. 1. lib. Metæ: cap. 2. textu 1. & 1. lib. de posteriori resolut. cap. 8. tex. 7. docuit non habere certum genus subiecti; hoc est, certam materiam circa quam versetur.

Secunda opinio est communis, & tenenda, Quod Logica sit vera scientia; qua sequuntur D. Thom. 1. Metæ: lect. 4. Scotus lib. 1. Elenchorum, quæst. 1. & in prædicabilibus, q. etiam 1. Niphus 4. Metæ. textu, in fine. Sotus & Card. Toletus, q. 1. præcæmiali, Fonseca 1. lib. Metæ. 2. quæst. 1. sectio. 9. & alii omnes. Probatur vnico arg. ex definitione scientiæ tradita ab Arist. 1. lib. Poster. cap. 2. *Scientia est habitus per demonstrationem acquisitus* sed Dialectica habet plures demonstrationes, ex euidentibus principiis procedentes, ergo ex eis generabitur scientia. Probatur minor. nam syllogismum primæ figuræ euidenter concludere, demonstratur ex illis principiis; Dici de omni & Dici de nullo; & in singulis partibus Dialecticæ sunt aliarum demonstrationes similes.

4 Ad primum argum. dicimus, *Rhetoricam particulam esse Dialecticæ* docuisse Arist. quia sub parte Topica quodammodo

continetur, in quantum docet loca inuenire, ex quibus eruantur probabilia argum. & quantum ad hoc neutra est scientia: Dialectica verò non solum docet loca inuenire; sed ea probat per demonstrationem. Præterea, quod probabilia arg. generent opinionem, & ex hoc habet veram rationem scientiæ: nihil autem horum Rhetorica facit, & propterea scientia non est, sed ars quædam scientia inferior. Secundum testimonium Arist. eodem fere modo declaratur; quia officium Dialectici est, probabiliter disserere non quomodocumque, sed doc. do per veram demonstrationem, ex quibus sit constituendus syllogismus probabilis, & quod probabilem solum generet assensum, & hoc est esse veram scientiam.

Pro solutione secundi arg. distinguenda duplex materia Logica; Remota & Proxima: Remota sunt res omni mundi, nam circa omnes efficit syllogismos, & definitiones; Proxima verò materia sunt operationes intellectus, quas dirigit & ordinat, constituendo ex eis instrumenta arg. ergo probat de materia remota, de qua etiam loquitur Aristot. in eo loco; scientia verò debet habere materiam proximam circa quam versetur, & per quam distinguatur ab aliis; & hæc sufficit, ut sit scientia determinata: quod verò materia eius remota non sit determinata, nullum est inconueniens, quia ex materia remota non sumitur ratio scientiæ, sed ex proxima.

QVÆSTIO III.

Vtrum Logica vtens sit scientia.

PRæsupponit titulus quæstionis, quod Logica diuidatur in Docentem, & Vttem: quam diuisionem tradiderunt D. Tho. 4. Met. lect. 4. & Scotus qu. 1. Elench. & quæst. etiam prima prædicabilium, in quibus eam accepit schola: sed priusquam diuersas opiniones proponamus declarandum est, An sicut Logica docens pro tota ipsa scientia accipitur ita etiam Logica vtens pro tota accipiat, vel solum parte topica. Nam quidam dicunt, solum partem topicam esse vttem, & non demonstrationem nec reliquas: quorum fundamentum est autoritas D. Tho. qui id videtur asserere 4. Met. lect. 4. & hoc arg. probare, quia Logica vtens est vsus definiendi, diuidendi, ac demonstrandi in aliis scientiis, non tam Dialectica appellanda est quam Philosophia, aut quælibet altera scientia, circa cuius materiam talis vsus versatur.

Communis tamen modus loquendi & sciendi Dialectice
scholæ

scholæ, Logicam pro tota scientia diuidit in Docentem, & Vtente-
tem: ita ut sicut tota ipsa docens est, in quantum tradit præcepta
conficiendi enunciationem, & syllogismum, ac reliqua instru-
menta per demonstrationem: ita in quantum vtitur omnibus
instrumentis in aliis scientiis, dicatur vtens: & hoc est nobis
tenendum tanquam verum & necessarium: & probatur primo
quia tantum se extendit Logica vtens, quantum vsus Logicae
docentis, sed Logica docens dicitur de tota scientia, & singulis
partibus, & non de sola parte topica: ergo Logica vtens de tota
& singulis partibus etiam dicitur. Secunda pars topica dicitur
Logica vtens, quia probabilibus argumentis vtitur in cæteris
scientiis: sed etiam vtitur Logica definitionibus, ac demonstra-
tionibus in cæteris scientiis: ergo dicitur vtens quantum ad
reliquas partes præter topicam.

Ad D. Tho. respondeo, hanc esse mentem eius, ut Logica quan-
tum ad partem demonstratiuam & reliquas, (præter topicam)
verè sit vtens, sed quia forma demonstrandi, qua vtitur in aliis
scientiis, vniuersalis & quasi generica est, determinatur per
materiam earum, quasi per differentiam ad speciem: non tam
Dialectica, quam Philosophia vocatur, eo modo, quo genus
cuiuscunque rei sub nomine specierum comprehenditur. v. g.
animal, quod est in homine, non vocamus animal, sed hominem,
sed de parte topica diuersa est ratio quia cum argumenta pro-
babilia non generent scientiam sed opinionem: potius retinet
nomen Dialecticæ, vsus huius partis quam aliarum scientia-
rum: quia pars est Dialecticæ, quæ vera scientia est, & quia
proprium Dialectici officium est, probabiliter disputare in
qualibet scientia: & differentiam hanc inter partem Topicam,
& reliquas partes Logicæ significauit D. Tho. eodem loco; ex
quo colligo, hanc fuisse eius mentem, & non excludere vllam
partem Logicæ à vera ratione vtentis.

- 5 Supposito ergo, quòd Logica vtens pro tota ipsa scientia, &
omnibus partibus sumi debeat: Querimus, an sit scientia, aut
saltem distinctus habitus à Logica docente: & prima opinio
asserit esse veram scientiam, sed non esse habitum distinctum à do-
cente, sed eundem: ita ut scientia sit, in quantum docens, & etiam
in quantum vtens. Hanc videtur sequi Niphus 4. Metaph. tex. 5.
& probatur hoc argumento. Quando aliquis vtitur Logica in
aliis scientiis efficiendo demonstrationes, acquirit facilitatem
intellectu ad eas & alias iterum efficiendum, & hanc facili-
tatem acquirit per actus procedentes à Logica docente, quam
præsupponit; ergo perficit eandem Logicam docentem: & ideo
erit vera scientia: quia scientia non perficitur nisi per scien-
tiam;

tiam; non tamen distincta, nec distinctus habitus, sed idem, quasi seipsum perficiens.

Secunda opinio, quam sequuntur moderni quidam, asserit; Logicam vtemem esse veram scientiam, & distinctam à docente. Vt autem vtrumque probent, distinguunt duo officia vel actus Logicæ. Primum, quo docet conficere instrumenta, vt syllogismum, aut definitionem; Secundum, quo vtitur præceptis traditis, efficiendo eadem instrumenta in aliis scientiis; & cum per multiplicationem actuum generetur facilitas in potentiis, quam facilitatem vocamus habitum, necesse est ex diuersis actibus diuersos quoque habitus generari in intellectu: ita vt primò reddatur facilis intellectus ad tradenda præcepta; deinde aliam facultatem diuersam acquirat per exercitium eorundem præceptorum efficiendo syllogismos. Exemplum assignari potest in musica, in qua duplex facilitas acquiritur: prima, in intellectu tradente regulas consonantiarum; secunda, in manibus: & primam vocare solent Theoricam; postremam Practicam. Vnde sequitur duplicem etiam facilitatem ponendam esse in Logica; vnâ, quæ sit Theorica, seu speculatiua; aliam, quæ sit Practica: & illa erit habitus Logicæ docentis; hæc verò Logicæ vtemis. Probant primò, quòd sint habitus distincti; quia syllogismus factus in Philosophia naturali non procedit ab habitu eiusdem Philosophiæ: quia nõ docet quomodo sit componendus syllogismus: sed nec procedit à Logica docente; nam hæc solùm habet tradere præcepta in communi efficiendi instrumenta, non ea efficere in particulari; ergo debet procedere ab alio habitu, qui sit Logicæ vtemis. Deinde probant secundo, quòd vterque habitus sit scientia: & de docente manifestum est, sed de vteme probatur; quia vt actus efficiendi syllogismum perfectus sit, & sine errore procedat, præsupponere debet habitum Logicæ docentis, per quem docemur quomodo efficiendus sit: quòd si eum præsupponit, non poterit ab eodem procedere; ergo ab alio habitu distincto, qui etiam est scientia, cum præsupponat habitum docentis, qui verè est scientia, & modo scientifico procedat in componendo syllogismo.

Nostra sententia est; quòd Dialectica vtems, vt vtems est, non sit scientia, nec habitus distinctus à Logica docente; sed habitus idem prout ars est, singulares syllogismos efficiens; itaque idemmet habitus Logicæ, prout tradit præcepta in communi cõponendi syllogismum, & alia instrumenta per demonstrationem, est Logica docens; sed in quantum efficit syllogismos singulares, est ars, & Logica vtems vocatur. Hanc sententiam

tiam sequitur D. Tho. 4. Met. lect. 4. sed quia duplicem partem continet; primam, quòd Logica vtens non sit scientia; secundam, quòd sit ars, vtraque probanda est. Probatur ergo primò, quòd non sit scientia; quia conclusio scientifica est actus, quem per demonstrationem colligimus ex principiis per se notis; sed actus Logicæ vtentis non est assensus conclusionis, quem per demonstrationem colligimus; sed opus quod efficiamus, nempe, syllogisum aut definitionem: ergo Logica vtens, non est scientia.

Secundò, scientia proximè versatur circa vniuersalia, nec de singularibus est; sed Logica vtens non versatur circa vniuersalia, sed circa actus singulares quos exercet componendo syllogismos, iuxta præcepta tradita à docente: ergo non est scientia, sed scientiam præsupponit.

Secunda pars nostræ sententiæ quòd Logica vtens, vt talis, non sit habitus distinctus à docente; sed idè prout est ars, præsupponit Logicam esse artē; non mechanicā quæ versatur circa opera externa, vt fabrilis est; sed liberalem, quæ versatur circa opera intellectus, ea dirigendo. Hoc docet expressè D. Th. 1. 2. q. 17. art. 3. ad 3. & 1. lib. Posteriorum lect. 1. & colligitur euidenter ex doctrina Arist. 6. Eth. lib. cap. 4. vbi definit artem. *Quòd sit habitus cum ratione factiuus vel actiuus*: per factiuum intelligens artes mechanicas, quibus efficiuntur opera externa; per actiuum verò liberales, quibus non efficitur externum opus; sed opera animæ interna diriguntur. Hoc supposito probatur primò, quia euidenter est, habitum Logicæ esse scientiam, cum procedat pèr demonstrationem: sed est etiam ars, quia est habitus cum ratione actiuus; nam opera intellectus dirigit, efficitque singulares syllogismos ex eis: ergo simul est scientia, & ars diuersa ratione; ita vt quatenus tradit præcepta efficiendi syllogisum, & alia instrumenta per demonstrationem, sit Logica docens, & vera scientia; vtens verò quatenus est ars efficiens singulares syllogismos iuxta præcepta à seipsa, vt docente, tradita.

Secundò probatur: nam habitus Logicæ docentis per primam demonstrationem acquisitus habet pro obiecto modum sciendi; cuius naturam contemplatur, & opera rationis, ex quibus docet syllogismos conficere; sed eo ipso quòd docet efficere syllogismos, habet virtutem eisdem efficiendi; cum non egeat alio instrumento, per quod eos efficiat; sed per eundem intellectum efficit; ergo eo ipso, quòd est Logica docens: est etiam habitus cum ratione actiuus; quòd est esse artem liberalem: quare sequitur vtrāque rationem habere

eundem habitū Logicę; nempe sciētiæ, & artis; sed ratio sciētiæ primaria est in eo, atque præcipua, ratio verò artis quasi secundaria, & rationem sciētiæ præsupponens. Nam prius intelligimus, quòd præcepta per demonstrationem tradat; deinde quòd iuxta præcepta tradita, singulares syllogismos efficiat.

Ad arg. primæ opinionis respondeo; Logicam perfici per exercitium efficiendi syllogismos, non vt sciētiæ; sed vt artē; sicut perficitur in ratione sciētiæ per demonstrationes, quibus probat suas conclusiones: quare non sequitur, vt vtem̃ esse sciētiā, sed artem.

Pro solutione argumentorum secundæ opinionis, notanda 7 est differentia inter artes quæ per membra corporis aliquo modo exercentur; quales sunt domificatoria, & musica ex vna parte; & ceteras, quæ circa actus purè internos versantur, vt Logica: quòd illæ duplicem facilitatem petunt. Vnam in intellectu, in quo sunt tanquam in subiecto; alteram in membro externo, per quod exercentur; vt musica, præter facilitatem intellectus, petit aliam in manu, vel lingua, & palato: & cum facilitas sit habitus, includunt duos habitus; quamuis facilitas, quæ est in membris externis non sit propriè habitus. Aliæ verò artes, quæ solùm dirigunt operationes intellectus qualis est Dialectica; sicut non exercentur per membra externa: sed per solum intellectum: ita non petunt nisi facilitatem intellectus: quæ habitus est: per quem singulares operationes efficiunt, ac dirigunt: & hæc est vna, & eadem in Logica, vt probatum est per quam præcepta in communi, & per demonstrationem tradit, vt sciētiā: & per quam singulares efficit syllogismos, vt ars. Et ideo vnus est, atque idem habitus sciētiæ, & artis: ex quibus sequitur negandam esse illam distinctionem de duplici facilitate in his artibus, quæ per membra externa non exercentur.

Iam ergo ad primum arg. eiusdem sententiæ respondeo; syllogismum factum in Philosophia naturali, & duplici habitu procedere; nempe ab habitu eiusdem Philosophiæ, & simul ab habitu Logicæ; ab illo secundum rationem particularem talis sciētiæ; ab habitu verò Logicæ secundum rationem communem formæ syllogisticæ; hoc est, modi & figuræ: præterea ab illo, vt sciētiā; ab habitu verò Logicæ, vt arte. Petit ergo talis syllogismus duplicem facilitatem, & duplicem habitum; non Logicæ; sed vnum Logicæ, alterum Philosophiæ.

Ad secundum, concedo, actum efficiendi syllogismum, præsupponere habitum Logicæ docentis; sed ex hoc non sequitur quòd generet alterum habitum; sed quòd eundem sub
ratione

ratione artis perficiat. Falsum igitur est quòd ab eodem habitu docentis Logicæ non procedat.

QVÆTIO IV.

Utrum Logica sit vnus simplex habitus, vnâue simplex qualitas.

8 **T**Riplicem possumus considerare vnitatem in scientia, sicut in alijs rebus; numericam, specificam, & quasi genericam: sed de vnitatem numericam non procedit quæstio; quia certò constat, Dialecticam non esse vnâ numero; sed tot esse quot sunt intellectus diuersi: vt alia numero est Dialectica, quam Petrus habet, ab ea quam habet Ioannes. In hoc ergo sensu manifestum est, non esse vnâ simplicem qualitatem, sed multiplicem. De vnitatem ergo specifica, aut generica inquiritur, quamnam ex his habeat. nam si solum habuerit genericam, non erit vna qualitas simplex, neque vnus habitus; sed plures sub se continebit: sicut animal continet plures species, quæ sub eo habent vnitatem genericam, si verò habeat vnitatem specificam, erit vna secundum speciem, sicut albedo: quare nec ex multis habitibus, aut qualitatibus erit composita, sed qualitas simplex, simplexque habitus vocabitur.

Iuxta has duas vnitates, genericam, & specificam, duæ sunt opiniones. Prima asserit; Dialecticam non esse vnâ habitum, nec simplicem qualitatem; sed compositam ex multis habitibus, & qualitatibus: ita vt tot sint habitus Logicæ distincti, quot sunt conclusiones diuersæ; nempe, alius habitus prædicabilium, alius prædicamentorum, sicque pro cæteris partibus distinctos habitus ponendos esse. imò & pro singulis conclusionibus eiusdem partis, si diuersæ sint; ex quibus quasi vnus habitus totalis, & quasi genericus componitur; & vna etiam scientia, in quantum obiecta omnium partium, sub ratione communissima entis rationis, aut modi sciendi continentur. Hanc sententiam tenet Scotus quæst. 1. prologi, dub. 2. Ocham ibidem, dub. 8. Marsilius, quæst. 1. art. 4. Greg. eadem q. 1. art. 1. Gabriel quæst. 8. Cardin. Toletus quæst. 3. proœmiali. Fonseca 3. Meta. cap. 7. quæst. 1. sect. 2. & probabilem reputat Sotus quæst. 1. proœmiali. Probatûrque duplici ratione. Prima, habitus, & scientiæ sumunt vnitatem, ac distinctionem specificam ex obiectis, atque etiam ex principiis, per quæ probant suas conclusiones, sed partes Dialecticæ habent diuersa obiecta, atque principia: ergo petunt distinctos habitus. Probatûr

bat̃ur minor: quia prædicabile, prædicamentum, enuntiatio, & syllogismus, quæ sunt obiecta diuersarum partium, specie diuersa sunt. Habent etiam diuersa principia quia definitiones horum obiectorum principia sunt, per quæ demonstrantur conclusiones in singulis partibus; & sunt valde diuersæ: ergo habebunt principia diuersa & conclusiones diuersas, per quas diuersi generabuntur habitus Logicæ.

Secunda ratio. Videmus sæpè intellectum esse faciliorem circa vnā partem Logicæ, propter frequentiorē vsum eius, quā circa alterā; vt circa syllogismos probabiles efficiendos, quā circa demonstrationes: ergo diuersos habet habitus earum. Probat̃ur consequentia: quia non potest vnus habitus simul esse facilior, & min⁹ facilis; sicut nec potest idem homo velociter simul, & tardè currere.

Secunda opinio maiorem vnitatem ponit in Logicā; affirmans esse vnā speciem: ita, vt nec plures habeat habitus, circa diuersas conclusiones eiusdem partis, nec circa diuersas partes: sed eundem habitum se extendere ad omnes partes, & ad omnes conclusiones earum. Hæc est expressa sententia D. Tho. 1. Posteriorum ca. 2. §. & 2. quæst. §. 2. art. 4. Eam sequuntur Caic. ibid. Ferr. 2. contra Gent. cap. 4. Sotus quæst. . . pro vniuersali, & ex modernis plures; & nobis videtur probabilior. Sed vnde, aut ex quo hanc vnitatem accipiat; non est certum apud omnes, qui eam sequuntur. Sed quidam asserunt à materia, aut materiali obiecto habere vnitatem, non ita vt obiectum materiale sit vnum specie, quia hoc non requiritur; sed satis est quomodocunque esse vnum; hoc est, vniuersum, vel analogum, genus, aut speciem; vel etiam vniuersalissimum, vt ens, quod est obiectum Metæ, à quo etiam si sit analogum, & vniuersalissimum, vnitatem specificam sumit Metæ, sic ergo Logica habet vnitatem specificam ab ente rationis aut modo sciendi vniuersalissimo.

Alii, verò ex obiecto etiam sumere vnitatem habitum inquirunt; non materiali, sed formali: distinguunt enim duplicem vnitatem in obiecto cuiuscunque scientiæ, Potentiæ, aut Habitus: ita vt altera sit vnitas eius in esse rei, quam Materialem vocant; altera in esse scibilis, quam vocant Formalem; vt in colore, qui est obiectum visus, vnitas in esse rei est, esse qualitatem: quæ genus est ad albedinem, & nigredinem: vnitas in esse visibilis est, quam habet in quantum mouere potest visum: dicunt ergo, scientiam habere vnitatem ex obiecto, non in esse rei; quia sequeretur, tot esse scientias, quot sunt res specie, aut genere diuersæ, quod nullus dixit: sed ex eodem obiecto in esse scibilis

scibili; hoc est, in quantum per scientiam cognoscibile est. Hæc tamen distinctio obiecti . falsa reputatur a quibusdam modernis; quod probat testimonio Arist. & ratione. Arist. enim . lib. Meta. cap. 1. docet, neque scibile per scientiam neque scientiam per scibile definiendam esse . quia . committeretur vitiosus quid . in circulus unum per alterum vi . sibi explicando, & ex consequenti idem per seipsum . ut si definias visum per visibile . dicens ; Visibile est, circa quod versatur visus; & rursus , Visum quod sit id , quod versatur circa visibile; non est aliud , quam visum per seipsum definire . Probat : nam si visibile definitur per visum ; ergo . visus definit visibile : & si visibile rursus definitur per visum , ergo definitur per suam definitionem : quod idem est, ac definire per seipsum; nam definitio, & definitum idem sunt . Ratio eorum est ; quia obiectum in esse scibilis , est posterius scientia: cum ab ea dicatur scibile : ergo non sumit ab eo unitatem specificam . Probat consequentia : quia si scientia prior est ; ergo prius una est quam obiectum intelligatur : ab alio ergo , quod sit prius obiecto in esse scibilis , sumere debet unitatem .

- 9 Nobis tamen, vera ac necessaria videtur distinctio obiecti in esse rei, aut in esse scibilis; aque etiam, quod ab obiecto in esse scibilis sumat scientia unitatem specificam, quia utrumque colligitur ex doctrina D. Tho. 1. part. q. 1. art. 4. & 2. . q. . art. 1. & est communis sententia fere omnium. Quod probo primò, quia conclusio eadem in esse rei, pertinet ad duplicem scientiam; quod non potest esse verum, nisi diuersam rationem scibilis in ea consideremus; hæc autem ratio scibilis diuersa, sumitur ex diuerso medio, per quod probatur; nempe ex diuersis principiis diuersaque demonstratione : ergo necessario talis distinctio & unitas specifica scientiæ , ex unitate obiecti in esse scibilis & non in esse rei accipienda est. Exemplum sumere possumus in hac conclusione , Terra est rotunda; quæ ad Astrologiam pertinet; in quantum demonstratur ab ea, per medium Mathematicum; & ad Philosophiam naturalem, in quantum demonstratur per medium Philosophicum. Secundò probatur in potentia visua; quæ colorem percipit, & lumen; ad id diuersa, & quæ non possunt conuenire ad constituendum unum obiectum visus, sub ratione qualitatis; nam sequeretur quod visus omnem qualitatem perciperet : neque etiam sub ratione qualitatis passibilis ; quia sequeretur omnem qualitatem passibilitatem percipere : & utrumque est falsum. Necessarium igitur est, quod sub alia ratione magis particulari conueniatur, ut utrumque ab eadem potentia percipiatur; & hæc ratio

non potest esse alia, nisi, quia utrumque potest mouere visum; & hæc est ratio visibilis: Eadem ergo ratione, omnia obiecta materialia alicuius scientiæ, diuersa quidem in esse rei, cum sint res diuersæ; sub aliqua ratione particulari conuenire debent; in quantum ab eadem scientia percipi possunt: & hanc vocat Caiet. rationem scibilis, per quam obiectum tribuit scientiæ unitatem.

Ad argumentum modernorum hac distinctione respondendum est: Denominatio scibilis duplex est; Actualis, & Relatiua; & virtualis atque absoluta: & prima à scientia ipsa sumitur, & ideo posterior illa est; secunda, verò ex natura, & essentia eiusdem obiecti: sicut etiam denominatio intelligibilis. v. g. homo dicitur intelligibilis denominatione actuali, & relatiua, ab intellectu, & intellectione, per quam intelligitur, aut intelligi potest: & ideo posterius est in esse intelligibilis, intellectu & intellectione; sed denominationem virtualement, & quasi radicalement, non ab intellectu, sed à propria natura sumit, quia ex propria natura, & entitate, res quælibet est intelligibilis: quare secundum hanc denominationem, non dependet ab intellectu, sed prior est illo. Testimoniū verò Arist. tangit modū definiendi vnum relatiuum per alterum, quare non potest commodè explicari, vsque ad prædicamentum ad aliquid.

Sed licet distinctio obiecti in esse rei, & in esse scibilis à Caiet. tradita necessaria non est tamen sufficiens ad explicandam unitatem specificam, quam in Logica ponimus; nisi amplius explicetur, & ostendatur, à quonam sit sumenda unitas obiecti, in esse scibilis: nam illud tantum erit ratio formalis à qua eadem unitatem accipiet scientia. Explicanda verò est per aliam distinctionem, ita habentem. In quocumque obiecto scientiæ, potentiæ, vel habitus, duo reperimus, nempe rem, quam per scientiam, aut potentiam percipimus: & hæc vocatur ratio Quæ: hoc est ratio Quæ percipitur: reperitur etiam ratio, Sub qua potentia versatur circa illam, aut eam percipit: & hæc dicitur ratio, Sub qua, obiecti, per quam determinatur: & ex utraque, ratione, Quæ, & Sub qua, constituitur vnum obiectum completū atque totale: ex ratione, Quæ, tanquā ex materiali; & ex ratione, Sub qua, tanquā ex formali: vnde contingere potest, quod eadē ratio, Quæ, sit obiectum diuersorū habituum; aut potentiarū, propter diuersas rationes, sub quibus percipitur: & propterea verum est, à ratione, Sub qua; tanquā à formali, & vltima, sumere suam unitatem, potentias, habitus, & scientias. Hoc exemplo fiet res manifesta. In obiecto visus reperimus id, quod videtur, & hoc est color, aut lumen; & vo-

catur

catur ratio, Quae obiectiua reperimus etiam visibilitatem; quae non est aliud, quam colorem, aut lumen ex propria natura posse mouere potentiam visiuam, & ab ea videri: & ex utraque ratione, nempe colore, & visibilitate, constituitur obiectum completum potentiae visivae; ex colore quidem, ut materia; ex visibilitate verò, ut forma, à qua unitatem accipit eadem potentia: & eodem modo ad obiecta scientiarum, applicanda est distinctio haec: dicendumque rationem, Sub qua, esse rationem scibilis, à qua unitas specifica earum sumenda est.

Sed restat explicandum, id quod in hac re difficillimum est; nempe ratio, Sub qua, in obiectis scientiarum: nam ratio, Quae, satis est manifesta: est namque materia circa quam versatur scientia; ut ens rationis, in Logica: & ens reale, in Metaphysica. Caiet. & Ferra. ubi supra, ratione scibilis, in obiecto cuiuslibet scientiae, ex tali modo abstrahendi à materia accipiendae esse docent; ut ratio, Sub qua, in obiecto Metaph. sit omnimoda abstractio eius à materia; hoc est, abstractio à materia, non solum sensibili, sed etiam intelligibili: in Philosophia naturali, abstractio à materia singulari, non tamen à materia sensibili.

Haec tamen sententiam falsam reputo, quia abstractio à materia nimis vniuersalis est: & propterea non potest esse ratio, Sub qua, tribuens scientiae specificam unitatem, aut distinctionem: nam sub eadem abstractione continentur plures, ac diuersae scientiae; ut sub abstractione à materia singulari, & non sensibili, utraque Philosophia, Naturalis, & Moralis; sub abstractione à materia sensibili, utraque; Mathematica, videlicet, Geometria, & Arithmetica.

Veram ergo sententiam ex doctrina D. Tho. colligo; nempe rationem, Sub qua, in obiectis scientiarum, desumendam esse, ex tali medio assentiendi conclusionibus; sicut in fide sumitur ex testimonio dicentis; medium verò assentiendi conclusionibus, sunt principia disposita in demonstratione, ex quibus colligitur conclusio: v. g. medium assentiendi huic conclusioni, homo est risibilis, sunt illa principia, omne animal rationale est risibile, omnis homo est animal rationale sic disposita, ut ex eis colligatur, hominem esse risibilem: nam propter illa assentimus conclusioni. Materia igitur, circa quam versatur scientia, in quantum sumitur sub talibus principiis eiusdem scientiae, in demonstratione dispositis, propter quae assentitur intellectus conclusionibus de eo demonstratis, est obiectum completum; sed principia sic disposita est ratio formalis, Sub qua, obiectiua; à qua scientia sumit suam unitatem specificam. Et colligitur etiam ex doctrina, quam tradit Arist. de

unitate.

vnitate, ac distinctione scientiarum 1. lib. de posteriori resolutione c. 23. vbi *principia scientiarum duobus modis se habere docet*: nam vel sic sunt diuersa, vt nec ex aliis fiant, nec ex alterutris; hoc est, nec ex aliis communibus dependeant, nec necessariam dependentiam inter se habeant: & hæc diuersas scientias constituunt: sic se habent principia Philosophiæ, & Mathematicæ, & propterea diuersæ sunt tales scientiæ. Sed principia Philosophiæ naturalis, ex communibus principiis Physicis, pertinentia ad materiam & formam, fiunt, & intrinsecam dependentiam inter se habent; in quantum principia librorum de cælo, & mundo præsupponuntur necessariò ad principia librorum de Generatione, & corruptione; & hæc ad libros de anima: propterea eandem scientiam secundum speciem constituunt omnes istæ partes. Et ita etiam se habent principia Logicæ: quia principia particularia omnium partium, præsupponunt communia principia entis rationis, aut modi sciendi, ex quibus fieri dicuntur: & eadem principia partium Logicæ se præsupponunt: & posteriora habent necessariam connexionem, & dependentiam ex prioribus, vt principium enuntiationis, quod est definitio eius; præsupponit necessariò principia prædicabilium & prædicamentorum, quæ sunt definitiones eorum: ac tandem principia syllogisticæ artis, præsupponunt, atque dependent ex principiis enuntiationis: & hoc est ex alterutris fieri, hoc est posteriora ex prioribus, propter necessariam dependentiam, quam ab eis habent: & principia, quæ ita se habent, dicuntur eadem formaliter, propter intrinsecam connexionem, ac dependentiam, & solum materialiter diuersa, quia diuersam continent materiam, simplicem quidem, aut compositam, & compositam quoque diuersam. vnde sequitur, rationem, Sub qua, in obiecto Dialecticæ, ex iisdem principiis desumptam, eandem esse, idèò vnitatem specificam scientiæ tribuere.

Ad primum argumentum primæ opinionis responderetur. 11
partes Logicæ materialiter quidem, aut in esse rei, diuersas esse: sed formaliter, aut in esse scibili, habere vnitatem specificam. Sicut colores specie differunt, vt albedo, & nigredo in esse rei cum sint res, aut qualitates diuersæ speciei: at verò sub ratione formali visibilis eiusdem sunt speciei: quod efficaciter probatur, quia eundem habent modum mouendi visum: vnde visio albi, & nigri, non sunt diuersæ speciei, sed eiusdem: eadem ergo ratione partes Logicæ, vt prædicabilia, prædicamenta, enuntiatio, ac syllogismus, vt sunt res quædam, diuersaque instrumenta, specie distinguuntur: at sub ratione scibilis, nempe

nēpe, vt sub eisdem principiis, & per easdem demonstrationes probatur conclusiones earum, eiusdem rationis sunt, quia eundem modum habet Logica eas cognoscendi, hoc est, per eadem principia. Et quod in argumento additur; Principia esse diuersa, eodem modo soluendum est. Esse quidem diuersas veritates; sed propter intrinsecam connexionem, ac dependentiam, quam habent ex principiis communibus entis rationis, & inter sese; in quantum posteriora præsupponunt necessariò priora, vt principia syllogismi, & principia enuntiationis, principia simplicium, ex quibus enuntiatio componitur, hoc est, prædicabilem, & prædicamentorum, eadem principia formaliter reputantur; vt Arist. docuit vbi supra: & propter formalem principiorum identitatē, demonstrationes cuiuslibet partis Logicæ, eiusdem etiam rationis sunt, atque etiam omnes conclusiones, & obiectum quoque idem, propter formalem identitatē principiorum.

Ad secundum respondēdo, quòd dum intellectus acquisiuit habitum Logicæ per demonstrationem vnius partis, & postea se exercet circa alias partes per nouas demonstrationes; quasdam alias faciliates acquirit, non tamen alios habitus: quia faciliates istæ, eiusdem rationis sunt, propter vnitatem specificam principiorum, & conclusionum, per quas acquiruntur, & solum distinguuntur materialiter, tanquam partes integrantes eiusdem habitus: qui licet sit qualitas spiritalis, & ideo non habeat partes integrantes quantitativas, atque corporeas; sic vt habent corpora: habet tamen spirituales, iuxta propriam naturam, quæ dicuntur partes extensionis: sicut certum est habere partes intensiōis, vt suo loco explicabitur, nec propter tales partes desinit esse qualitas simplex; quemadmodum desineret esse, si essent distincti habitus, vt allerit opposita sententia: quia esse simplicem qualitatem, hoc tantum significat; quòd non sit composita ex multis qualitativis aut habitibus formaliter, aut specie diuersis: nam talis compositio tolleret vnitatem specificam eius, quam certum est non tollere partes integrantes; solum materialiter diuersas: sicut non tollit quin albedo Petri sit simplex qualitas, quòd habeat partes integrantes in capite, & pede. Hanc autem compositionem partium ingredientium, ac materialium, tribuit scientiæ D. Tho. 1. quæst. 12. art. 2. etiam si expresse doceat esse simplicem habitum, & qualitatem, vt vidimus: quate non credit repugnare simplicitati eius.

QVÆSTIO V.

*Virum Dialectica sit scientia practica,
vel speculatiua.*

PRæsupponit titulus quæstionis quasdam esse scientias practicas, & alias speculatiuas: quod docet expressè Arist. 1. lib. Met. & est communis sententia totius scholæ; probaturque hoc argumento. Practicum est, quod sua natura ordinatur ad opus: sed quædam sunt scientiæ de operabilibus à nobis, & quæ ad finem operandi, earum cognitionem ordinant; vt Philosophia moralis agens de virtutibus, & medicina de corpore humano sanabili; aliæ verò quæ circa res purè speculatiuas versantur: ergo necesse est admittere practicas, & speculatiuas scientias. Quo supposito. quærimus, an Dialectica pertineat ad practicas, vel ad speculatiuas. Sed vt quæstio meliùs intelligatur, adnotandum est, quid sit praxis, & quid practicum. Praxis idem est quod operatio, & practicum idem, quod operatiuum, vel principium operationis, vel directiuum eiusdem operationis: sed principium operationis duplex est, proximum, & remotum: proximum est illud, à quo operatio procedit, vel dirigitur; remotum verò, quod considerat operationem in communi, tradens præcepta eam faciendi, aut dirigendi: ex quibus sequitur, vt eam in singulari faciat, aut dirigat. Exemplum primi habemus in artibus. Nam ars fabrilis proximum principium est operationis. Exemplum secundi in scientiis practiciis. Nam cum scientia non sit de singularibus, sed de vniuersalibus; & operatio nõ fiat nisi in singulari: non possunt scientiæ esse proximum principium operationis, sed remotum tantum; ex eo quod præcepta in communi tradunt, docentes quonam modo efficienda sit, aut dirigenda in singulari. Vnde sequitur practicum, prius ad principalius dici de artibus, quàm de scientiis: sed ad veram rationem scientiæ practiciæ satis est, esse principium remotum operationis modo explicato, quia impossibile est esse principium proximum operationis, cum nõ in singulari, sed in communi eam consideret. Vtraque acceptio practici continetur in Doctrina Arist. prima quidem, & propria 6. Ethic. c. 3. vsque ad 8. vbi solum enumerat duos habitus practicos; nempe prudentiam, & artem: quia solum isti sunt principia proxima factiua, aut directiua operationis. Secunda verò & minùs propria 1. li. Met. cap. 1. tex. 1. lib. 6. cap. 1. tex. 1. & 3. & lib. 11. c. 1. quibus locis practicum attribuit scientiis, diuidens eas in speculatiuas, & practicas; sed

sed scientiis non potest conuenire primo ac propriissimo modo sumpto; sed solum secundo modo, & minus proprio; sufficienti tamen, vt verè & propriè dicantur scientiæ practicae: ex quibus intelligitur, quòd dum quaerimus An Logica sit scientia speculatiua, vel practica; non de practico propriissimo loquimur, sed de minus proprio, quod potest conuenire scientiis.

- 13 Circa quaestionem igitur sic explicatam quatuor sunt opiniones. Prima tenet, Logicam esse scientiam speculatiuam, & non practicam, quam sequuntur Scotus quaest. 4. prol. Duran. quaest. 6. Sotus, & Tolet. quaest. 4. proemiali. Soncinas 6. Meta. quaest. 2. Capreolus quaest. 1. prol. art. 1. Niphus 1. Meta. quaest. 1. Canariensis in scriptis primæ partis, quaest. 1. art. 4. & eiusdem sententiæ videtur esse D. Tho. opusculo 70. fol. 128. pag. 1. & 12. quaest. 57. art. 1. ad 1. probaturque duobus argum. Primo, quia ex fine colligitur, An scientia sit practica, vel speculatiua, vt docet Arist. 1. Meta. tex. 1. sed finis Logice non est componere syllogisum, aut quod libet aliud instrumentum, sed naturam eius & proprietates quaerere, atque speculari: ergo non est scientia practica, sed speculatiua. Probatur antecedens, quia non dicitur aliquis acquisisse Logicam, ex eo quòd syllogismos efficiat, sed quia naturam eius cognoscit per demonstrationem: ergo Logica non est operatiua syllogismi, sed naturam eius speculatur: quare nec erit practica sed speculatiua.

Secundò probatur, ex modo procedendi: nam scientia practica procedit modo compositorio, quia compositio, operatio quædam est: speculatiua verò modo resolutorio, resoluendo, aut reducendo proprias conclusiones vsque ad prima principia: sed Logica non procedit modo compositorio; sed resolutorio, inquirendo naturam, & proprietates syllogismorum, & aliorum instrumentorum: ergo erit speculatiua. Probatur minor; quia etiam si aliquis nullum componeret syllogisum, Logicus verè diceretur; ex eo quòd cognosceret naturam, & proprietates eius per demonstrationem: ergo Logica non procedit modo compositorio, sed resolutorio.

Secunda opinio, affirmat Logicam esse scientiam practicam: quam tenent Gabriel. 11. quaest. prol. Ocham in 1. d. 1. quaest. 6. Venerus in principio suæ Logicæ: Albertus Magnus 2. lib. de Anima, c. 1. 12. Iandunus 6. Meta. quaest. 3. & 5. Fonseca 1. Meta. cap. 3. quaest. 2. sect. 4. & probatur: nam illa est scientia practica, quæ operatiua est, aut directiua operationum: sed Logica est directiua operationum intellectus; ergo est practica. Probatur minor 1. ex Aristot. 1. Rhetor. cap. 1. vbi docet, Dia-

Logicam inuentam se ad dirigendas operationes, quae bene & male fieri poterant. Deinde ratione, quia operationes intellectus secundum propriam naturam consideratae, non pertinent ad Logicam sed ad Philosophiam naturalem: solum ergo considerantur in Logica quatenus diriguntur & ordinantur, ut sine errore fiant & constituatur ex eis syllogismus, aut aliud instrumentum: ergo Logica est directiua earum quod est esse practica. Exemplum huius veritatis habemus in arte fabuli: perfecte practica, quae circa ligna versatur: non secundum eorum naturam: nam hoc modo considerata ad Philosophiam potius pertinent, sed disponendo ac preparando, ut fiat ex eis cathedra: ergo Logica quae versatur circa opera intellectus fit ordinando, ut ex eis possit fieri syllogismus, practica scientia erit.

Secundò. Scientiae speculatiuae quaeruntur propter seipsas, ut per eas cognitionem suorum obiectorum consequamur: practicae vero non propter se, sed propter operationes dirigendas sed Logicam non propter seipsam quaerimus, sed propter alias scientias, ad quas consequendas ordinatur, tanquam instrumentum earum: ergo non est speculatiua sed practica.

Tertia sententia cum videret utramque rationem practicae videlicet & speculatiuam, habere Dialecticam, & utramque rationem non posse conuenire eidem habitui: duplicem habitum in ea distinguit vnum speculatiuum, quo consideramus naturam syllogismorum & aliorum instrumentorum: alterum practicum, quo eos componimus, & primum habitum vocat Dialecticam Theoricam hoc est, cognoscitiuam obiecti: secundum Dialecticam practica, hoc est directiuam: & utitur exemplo medicinae in qua duplex etiam ponendus est habitus, vnus quo consideratur natura corporis sanabilis & medicamentorum, & vocatur Theorica medicina: alter quo applicantur medicamenta ad curandum corpus, & vocatur practica medicina.

Postrema sententia asserit, Dialecticam necesse speculatiuam, nec practica per se, sed instrumentum potius ordinatum ad consequendas speculatiuas scientias, & practicas: & propter utramque rationem speculatiuam, & practica, modo quodam accidentaliter ei conuenire. Ita tenet Petrus Niger quaest. 4 sui clyp. & Graeci omnes, asserentes *Dialecticam non esse Philosophiae vniu. r. aliter accipit partem, sed instrumentum.* Probatur haec sententia quodam testimonio Arist. lib. Topicorum c. 9. ubi problemata quae sunt propositiones in utramque partem probabiles, in contemplatiua, actiua, & instrumentaria diui-

dit: & hæc postrema vocat problemata Dialectica: ergo sentit Dialecticam non esse speculatiuam nec practicam, sed instrumentariam. Deinde ratione: quia Logica dirigit opera intellectus: sed intellectus non est speculatiuus nec practicus: sed vniuersalior quâdam potentia cui vtraque ratio conuenit accidentaliter: idem ergo dicendum erit de Dialectica.

1. Pro solutione questionis, notandû est: Logicam duo præstare. Primû namque præcepta tradit conficiendi syllogismos & cætera instrumenta, explicans partes, ex quibus componi debent. Probatur hoc ex definitione syllogismi: quæ asserit, *Esse orationem, in qua quilibet scilicet positis, aut nec feris sequitur, per ea quæ posita sunt*, id est, virtute præmissarum: Præmissæ igitur, quæ sunt maior, & minor, dispositæ in modo, & figura sunt partes quasi materiales syllogismi: dispositio verò in modo & figura quasi forma eius est. Aristot. etiam in libris de posteriori resolutione, præcipuè cap. 1. lib. definit demonstrationem, dic. *esse syllogismum constantem ex primis*, hoc est principiis, & veris quidem nam ex falso non sequitur vera conclusio, & ex capis conclusionis: quia præmissæ causæ conclusionis sunt. Hæc igitur sunt præcepta efficiendi syllogismum ac demonstrationem. Secundum quod præstat est probare eadem præcepta per demonstrationem, resoluendo conclusiones, vsque ad prima principia, quod fecit Aristoteles ibidem, docens *non posse aliquam habere scientiam conclusionis, nisi sciat præmissas demonstrare, & sive reducere vsque ad prima principia per se nota, & que indemonstrabilia*.

Secundò notandû est idem esse præcepta tradere componendi syllogismum & demonstrationem; quod docere modum, quo componi debeat, vt possit esse instrumentum acquirendi scientiam: & hoc est etiam procedere modo compositorio: quemadmodum ars domificatoria, ideo procedere dicitur modo compositorio; quia docet, ex lapidibus, & lignis, hoc vel illo modo dispositis, domum esse componendam. Idem est etiam docere per demonstrationem componere syllogismum, resoluendo aut reducendo conclusiones vsque ad prima principia; quod est, procedere modo resolutorio: vnde sequitur euidenter esse, quod vtrumque modum procedendi habeat Logica; & intrinsecum quidem: quia non posset perfectam cognitionem modi sciendi tradere, nisi vtroque modo procederet.

Tertiò notandum est, non solum habere Logicam vtrumque modum procedendi, sed etiam vtrumque finem; nempe operandi, & speculandi, & componendi syllogismum, quod sic probo; Modus compositorius sua natura ordinatur ad bene



componendum syllogismum: & bene componere syllogismum, est ordinare, aut dirigere operationes intellectus, ex quibus componitur: ergo Logica habet pro fine dirigere operationes, qui est finis practicus. De fine verò speculationis patet; nam modus procedendi resolutorius ordinatur ex se ad speculandam naturam obiecti; de quo probantur passionēs per demonstrationes, quarum conclusiones reducuntur ad prima principia. ergo ex modo resolutorio colligitur euidenter, finis speculandi naturam obiecti.

Postremo notandum hos modos procedendi; resolutorium, & compositorium; atque etiam hos fines dirigendi operationes intellectus, & speculandi naturam modi sciendi, quasi partiales, & inadæquatos esse respectu Logicae, & contineri sub adæquato, & totali fine eiusdem scientiae, qui est perfectè cognoscere naturam modi sciendi. Probatur hoc argumento: nam ad perfectam cognitionem modi sciendi, non sufficit scire modum componendi syllogismum, & alia instrumenta; sed requiritur, quòd per demonstrationem cognoscatur: demonstratio verò, vt perfecta sit, petit resolutionem præmissarum vsque ad prima principia; quod est naturam eiusdem modi speculari: ergo perfecta cognitio modi sciendi, qui est obiectum Logicae, & finis eius adæquatus, atque totalis, vtrumque finem, quasi partialem continet, & respectu vtriusque superior est. Sed sub eo mutuò sibi correspondent partiales & inadæquati fines, atque modi procedendi, & vnus ordinatur ad alterum, atque è conuerso: quia Logica docet componere syllogismum, vt per eum tanquam per instrumentum speculetur naturam eius; & naturam eius speculatur, vt perfectè sciat eum componere; quia perfecta compositio petit perfectam cognitionem totius compositi & partium eius; & sic modus correspondet modo, & finis correspondet fini, & ex vtroque resultat perfecta cognitio modi sciendi, qui est finis adæquatus Logicae, altior vtroque, & vtrumque continens eminenter.

His suppositis, nostra sententia est Logicā simul esse practicā & speculatiuam scientiā; quam præter alios sequuntur, pater Suarez tom. 1. suæ Meta. disp. 44. circa finem, & pater Gabriel Vasquez in 1. part. D. Tho. disp. 9. cap. 1. num. 1. quam efficaciter probat hoc arg. ex doctrina tradita sic colligendo. Scientia practica est illa, quæ non solum est de re operabili, aut dirigibili; sed procedit modo operabili, & in finem operandi, aut dirigendi operationes ordinatur: sed Logica habet has tres conditiones: ergo est verè practica. Probatur minor; nam in primis de re operabili, aut dirigibili agit, nempe de operationi

tionibus intellectus; & modo quidem operabili, hoc est; compositorio, & tandem in finem dirigendi easdem operationes ordinatur, quod & facit, dum eas ordinat in syllogismum aut aliud instrumentum. Quod verò sit etiam speculatiua probo. Nam speculatiua scientia est, quæ de re speculabili agit, modòque resolutorio procedit, & in finem speculandi naturam eius ordinatur: sed talis est Logica; ergo est speculatiua. Minor ita probatur. Modus sciendi, aut ens rationis, quod est obiectum Logicæ, est res speculabilis habens passiones, quæ de illo demonstrari possunt, & verè demonstrantur in Logica docente, resolvente easdem demonstrationes vsque ad prima principia: quod est resolutorio modo procedere: & modus iste resolutorius ordinatur ex se ad speculandam naturam rei; ergo habet etiam pro fine speculationem sui obiecti. Et hoc arg. satis declarat, quàm sit falsum id, quod quidam ex his, qui sequuntur primam opinionem, asserunt, nempe, Dialecticam procedere modo practico, sed hunc modum procedendi ordinari ad speculationem: & ideo non efficere scientiam practicam, sed speculatiuam. Non enim minùs ordinatur modus procedendi resolutorius ad praxim; cum ordinetur ad perfectè componendum syllogismum, & nihilominus constituit Dialecticam speculatiuam: ergo etiam si modus compositorius ordinetur ad speculationem, constituet scientiam practicam. Præterea, cum modus compositorius sit de essentia scientiæ practicæ, non potest reperiri in aliqua scientia, quin eam constituat practicam, siue ordinetur ad speculationem, vel non ordinetur. Ordinatio enim potius ostendit talem scientiam habere vtramque rationem practicæ & speculatiuæ.

Probatur secundo, quia Logica est ianua, per quam ad reliquas scientias ingredimur, & quasi organum, & instrumentum ad eas acquirendas; præbètque modum sciendi omnibus; sed inter alias scientias quædam sunt speculatiuæ, aliæ practicæ: ergo necesse est Dialecticam habere vtramque conditionem: quia si practica non sit, non potest esse ianua per quam ad practicas scientias ingrediamur; nec poterit eis tribuere modum sciendi, ac procedendi practicum: & eadem ratione non poterit hæc tribuere speculatiuis, nisi speculatiua sit. Necesse est ergo vtramque conditionem ei concedere.

Sed restat quoddam arg. aduersus nostram sententiam prius soluendum, quàm ad soluenda argumenta aliarum opinionum procedamus; & est huiusmodi. Practicum & speculatiuum, sunt differentie, per quas scientiæ distinguuntur specie; ergo non possunt eidem scientiæ conuenire. Probatur conse-

quentia; quia ex duabus speciebus non potest componi tertia: ergo nec ex practico. & speculatiuo Dialectica. Sequeretur enim in duabus speciebus collocari, & quasi monstrum esse.

Pro solutione huius arg. adnotandum est; quod sicut in causis efficientibus vniuersalibus, possunt esse vnitae virtutes diuersae speciei; ita vt vna, & simplex virtus causae superioris vtramque contineat eminenter, & respectu illius quaelibet sit quasi inadequata; & in causis formalibus, sub vna forma superiori, contineri possunt rationes essentiales inferiorum formarum; ita vt vna & simplex cum sit forma superior, tribuere possit vnum & aliud esse, quod ab vtraque forma inferiori tribuitur: eodem modo vna scientia superior, quae habet modum formae, continere potest rationes, aut modos essentiales diuersos inferiorum scientiarum. Exempla horum trium habere possumus satis manifesta. Nam sol per vnam ac simplicem virtutem, efficere potest plures effectus specie diuersos, qui non nisi a causis particularibus specie diuersis procedere possunt: quia in vna illa forma continentur eminenter virtutes inferiores specie diuersae: in formis quoque anima rationalis tribuit corpori esse vegetatiuum. & sensitiuum, quos gradus essendi, tribuunt formae inferiores specie diuersae, vt forma plantae, & equitae vt verum sit animam rationalem simul esse vegetatiuum, & sensitiuum, & in ea reperiri vnitae perfectiones formarum specie diuersarum; quas continere dicitur, non solum eminenter, sed etiam formaliter sub gradu quodam superiori. Et tandem in scientiis docet D. Th. 1. part. q. 1. art. 4. sacram Theologiam, simul esse practicam, & speculatiuam, ita vt vtramque perfectionem sub gradu superiori complectatur, propter eminentiam sui obiecti, quod est Deus; tanquam veritas speculabilis, & vltimus finis nostrarum operationum. Idem ergo nos concedimus Dialecticae; non propter eminentiam sui obiecti: sed propter vniuersalitatem: quia modus sciendi est respectu omnium scientiarum; & modum sciendi tribuit practicis, atque speculatiuis. & ideo necesse est vtrumque modum continere; eminenter quidem, quia quantum ad hoc superior est aliis scientiis; & etiam formaliter, quia formaliter continet vtrumque modum procedendi resolutorium & compositorium: & ad vtrumque finem dirigendi operationes intellectus, & speculandi naturam modi sciendi ordinatur. Sed rationes practicae, & speculativae, inadequatae sunt respectu ipsius; sub adequata & superiori ratione perfecte cognoscendi naturam modi sciendi contentae.

Ex his responso ad formam arg. nam dum dicitur, practicum, & speculatiuum esse rationes specie diuersas; concedendum est:

dum est: & ideo non posse eidem scientiæ particulari conuenire: sed bene vniuersali, habenti superiorem quandam rationem eminenter, atque formaliter continentem vtramque perfectionem. Quemadmodum vegetatiuum, & sensitium, non possunt conuenire eidem formæ particulari; sed bene vniuersali, qualis est anima rationalis: nec propterea talis scientia vniuersalis erit in duplici specie; sed habebit vnā quandam eminentiorem speciem, vtramque rationem continentem; respectu cuius quælibet est quasi partialis, & inadæquata.

Arg. primæ & secundæ opinionis. probant quidē Dialecticā esse practicā, & esse speculatiuā; non tamen, quod alterā tantū rationē habeat, ita vt vel solū sit practica, vel solū speculatiua.

Vltima autem sententiā falsa est; quia esse Dialecticam instrumentum omnium scientiarum; non tollit ab ea veram rationem scientiæ; & ideo nec veram rationem practicā, & speculatiuā: sed probat esse scientiam vniuersalem, ex quo habet, quod vtramque simul rationem cōplectatur eminenter simul, & formaliter: quia sub ratione formali superiori, atq; eminentiori.

Testimonium verō Aristot. de problemate instrumentario; quod Dialecticę tribuit, difficultate caret: quia sensus illius est, non esse actiuum solum, vel solum contemplatiuum, sed sub ratione superiori vtrumque continere. De intellectu verō alia est ratio, ac de scientiis: quia cū sit potentia vniuersalis, abstrahit ab vtraq; ratione practici, & speculatiui, quæ respectu scientiarū sunt quasi essentielles modi, per quos specie distinguuntur.

Q V Æ S T I O VI.

Quod sit obiectum Dialectica, vtrum modus sciendi realis, vel ens rationis.

17 **O**bjectum, subiectum & materia, vocari solet res illa, circa quam versatur scientia: nam hæc tria nomina eandem ferè significationem habent. Obiectum dicitur per ordinem ad habitum, quia quasi scopus est, in quem tendit: Subiectum, per ordinem ad passionē, quæ de illo probantur in scientia: Materia verō per respectum ad rationem formalem, sub qua, a scientia ipsa consideratur. Idem est ergo quærere, quodnam sit obiectum Logicæ, & quæ sit materia circa quam versatur, aut quod sit subiectum, de quo demonstrat passionē, & cuius cognitionem assequi intendit: & his explicatur titulus quæstionis.

Sed conditiones, quas habere debet obiectum, proponendæ sunt; vt intelligatur illud esse obiectum huius scientiæ, potius quàm aliud, cui melius conueniat. Est autem prima con-

ditio; vt sit in rerum natura, vel certè possibile sit. nō enim requiritur actualis eius existentia: nam de rosa in hyeme, quando non est, datur scientia; quia saltem est possibilis: de re enim impossibili, vt de chimæra, non potest dari scientia. Secunda conditio est; quòd cognitio eius intendatur in scientia. Tertia, vt sub se comprehendat omnia, quæ tractantur in scientia. Postrema quòd sit vnum aliquo modo, vt vnitatem possit tribuere scientiæ.

His expositis, præsupponenda sunt tanquam certa illa, in quibus omnes conueniunt; vt ad difficultatem quæstionis perueniamus. *Est autem certum primò*; Dialecticam habere aliquam materiam determinatam, circa quam proximè versetur, tanquam circa proprium obiectum. Cuius ratio est; quia quælibet determinata scientia, determinatam cognitionem alicuius rei intendere debet: sed Logica est determinata scientia, & distincta à cæteris: ergo habebit determinatam materiam, seu obiectum; cuius cognitionem intendat, & per quod ab aliis scientiis distinguatur: quia sicut potentia sumit suam vnitatem specificam ab obiecto; sic etiam scientia, vt Arist. docet 2. lib. de anima, ca. 4. Et licet hoc videatur contrarium doctrinæ Arist. asserentis, *Dialecticam nō esse vnius generis obiecti, aut circa omnia obiecta scientiarū versari.* 1. li. Post. c. 12. tex. 1. & 4. li. Met. tex. 5. verè tamen contrarium non est; quia de materia remota Dialecticæ loquitur, & hæc nō est determinata; cum circa omnes res mundi, enuntiationes, & syllogismos efficiat: proxima verò materia eius determinata est, de qua inquit quæstio præsens, an sit hæc, vel illa.

Secundò certum est, hanc materiam proximam Dialecticæ non esse voces, aut nomina; vt antiqui Dialectici asserbant; ex quo Nominales in schola vocati sunt: quia licet vocibus vtatur ad significandas res: de iis tamen principaliter disputat, vt docuit expressè Arist. 4. lib. Met. tex. 5. & probat experientia; quia syllogismos, & cætera instrumenta in rebus constituit.

Certum est tertio; materiam proximam, aut obiectum Dialecticæ esse ens rationis: nam ex hoc Rationalis vocatur: sed ens rationis duplex est; vnum directè & per se factum à ratione aut intellectu, quales sunt operationes eius, vt apprehensio simplicium, compositio & diuisio, ac syllogismus: aliud est ens rationis, non directè factum ab intellectu, sed quasi indirectè, & per accidens: & est proprietas consequens eandem operationes, vt ordinatas ab eo, hoc est, vt constitutas in propositione, aut syllogismo: & proprietas hæc non est realis, quia non conuenit eisdem operationibus ex propria natura: sed tribuitur eis ab intel

ab intellectu, dum sic ab eo ordinantur; ut dum ordinat tres propositiones, maiorem, minorem, & conclusionem, iuxta regulas syllogisticas; talem earum ordinationem consequitur proprietas, seu denominatio syllogismi, quam eis tribuit intellectus: & proprietas hæc vocatur ens rationis; non directe, sed indirecte factum ab intellectu, & quod non habet aliud esse, quam cognosci ab illo.

- 18 Iuxta hæc duo entia rationis, duæ in primis sunt opiniones de obiecto Dialecticæ. Prima, quam moderni plures defendunt, tenet; primum ens rationis esse obiectum eius, nempe operationes ipsas reales intellectus, ut dirigibiles ab intellectu; vel ut actu diriguntur, hoc est, ut constitui possunt in syllogismum; vel ut actu constituuntur: & utrumque horum dicunt esse quid reale; hoc est, tam operationes ipsas, quam dirigibilitatem (ut sic loquamur) hoc est, aptitudinem, ut ex eis fieri possit syllogismus, atque etiam ordinationem actualem. Duobus enim modis defenditur hæc sententia à modernis: quidam operationes reales dicunt esse obiectum, non ut actu ordinantur: quia ordinatio actualis nihil intrinsecum potest in eis ponere; sed solam denominationem extrinsecam, ab operatione quasi reflexa intellectus, eas ordinante; sed secundum aptitudinem quam habent, ut ordinari possint: & hanc aptitudinem vocant ordinabilitatem, aut dirigibilitatem: & realem quidem; cum eis ex propria natura conveniat, & antequam ordinentur. Alii verò easdem operationes, ut actu ordinantur, dicunt esse obiectum; ita ut aliquis modus realis, in eis sit actualis ordinatio; nam cum ordinentur per verum ac reale iudicium intellectus; aut certe non sint aliud operationes ipsæ, quam iudicia quædam intellectus ordinata; non potest non esse aliquid in eis ordinatio. Conveniunt tamen utriusque opinantes in eo, quod operationes istæ secundum aliquem modum, aut proprietatem realem sint obiectum: & ideo obiectum formale Dialecticæ, dicunt omnes, esse modum sciendi realem.

Probant 1. auctores huius sententiæ, quod ens rationis secundum, non sit obiectum hoc arg. Obiectum scientiæ duo habere debet, primum, passiones, quæ de illo demonstrantur in scientia: secundum, quod per se consideretur ab ipsa scientia: sed neutrum habet ens rationis; ergo non potest esse obiectum. Non primum, nam ens rationis nihil est in rebus; sed solum habet esse obiectivum in intellectu, tanquam aliquid ab eo constitutum; ergo nec habet naturam, cuius cognitionem intendat, nec passiones quæ de illo probentur: nam si passiones haberet, vel essent reales, & hoc non: vel entia rationis, & tunc de illis prædicaretur formaliter, quod repugnat: sicut repugnat homini prædicari formaliter

maliter de risibilitate aut de risibili. Secundò probatur; quia cū non sit directè factū ab intellectu; nec est directè aut per se cognitū ab eo; sed indirectè & per accidens; ergo nec erit directè aut per se cognitū per sciētiā quæ habitus intellectualis est.

Deinde probant secundò, quod ens rationis primū, aut modus sciendi realis, sit obiectum Logicæ, alio argumento; Syllogismus, vel demonstratio continet operationes intellectus ordinatas; & est instrumentum reale: ergo est modus sciendi realis; quare tamquam aliquid reale consideratur in Dialecticā; & eadem est ratio de aliis instrumentis; ergo modus sciendi realis; tamquam quid commune omnibus, erit obiectum Logicæ. Antecedens ita probāt: Demonstratio habet effectum realem, nempe sciētiā quam generat; ergo est causa realis eius; quare non potest esse ens rationis, sed reale. Et confirmant, quia Dialectica est scientia practica, vt vidimus ergo habet praxim, hoc est, operationem factam à se vel ordinatam, pro obiecto: sed operatio, vt facta vel ordinata, est quid reale: quia nihil potest per se fieri, aut per se ordinari, nisi sit reale: ergo obiectum Logicæ reale debet esse.

Secundo. Operationes intellectus, quatenus dirigibiles sunt ab eodem intellectu, pertinent ad aliquam scientiam vel artem, à qua diriguntur, & non ad aliā quā ad Dialecticā, quia nec per aliam diriguntur; ergo vt dirigibiles, sunt obiectū huius scientiæ, & dirigibilitas est proprietas realis earum: sicut intelligibilitas est proprietas realis entis realis; & numerabilitas numeri, & visibilitas coloris: ergo sub ratione realis sunt obiectum Dialecticæ, quod ex consequenti erit aliquid reale.

Secunda opinio asserit; Ens rationis, quod indirectè fit ab intellectu, esse obiectum Dialecticæ. Quam sequuntur D. Th. 4. Met. lect. 2. & opusc. 1. de natura generis, c. 4. Caic. sup. de genere. Flādria 4. Me. q. 5. art. 2. Sotus q. 1. pro 1. & ex antiquioribus C. in Ep. præd. ca. vii. & 4. Me. tex. cōment. 1. Auicena 1. Me. c. 1. & ex modernis nō pauci; habetque fundamēt. in doctrina Arist. Me. tex. 1. vbi asserit; *Dialecticu sicut & Philosophū agere de ente vniuersali*: sed nō agit de ente vniuersali realis; de quo agit Metaphysicus atque Philosophus: ergo intelligit Arist. agere de alio ente vniuersali nō habēte esse reale in rerū natura, sed solū obiectiue in intellectu; quod est ens rationis.

Probat. deinde hoc vnico arg. Logica agit per se de genere & specie, quatenus prædicabilia sunt; de subiecto etiā, & prædicato, vt alia sunt, & propositionem componit: sed hæc ōnia sunt entia rationis: nō à parte rei, aut ante operationem intellectus, nec dantur genus, & species, nec subiectū, & prædicatū: ergo

ergo ens rationis, vt comprehendit hæc. & alia, erit obiectum Logicæ. & confirmari potest. Quia ea, quæ tractantur in Logica secundum rationem materiale entia realia sunt, prædicamentum, propositio & syllogismus formaliter vero sunt entia rationis: sicut formæ, à quibus denominatur, quæ sunt relationes rationis, aut secundæ intentionis: ergo formale obiectum huius scientiæ ens rationis est; quamuis materiale sit ens reale.

Tertia sententia considerans omnia quæ tractantur in Logica, ordinari ad argumentationem componendam tanquam ad finem, tenet hanc esse obiectum eius: ita Albertus Magnus in prol. prædicabilium, quem sequitur Lemosus li. i. de erratis Dialecticæ. 6. Et quia inter species argumentationis, principalis est syllogismus: ad quæ componendum ordinatur cætera, de quibus agit hæc scientia: idem Scotus q. i. super Logicæ tenuit obiectum eius esse syllogismum: & tandem, quia inter species syllogismi, præcipua est demonstratio ad quam ordinantur reliqui, docuerunt alii demonstrationem esse obiectum vt Ammonius, & Simplicius in prol. præd. Alexander, & Philoponus, in principio priorum.

Antequam sententiam nostram proponamus, has tres opiniones tanquam insufficientes, refutamus unico arg. Obiectum adequatum debet continere proximè & adequatè omnia, quæ tractantur in scientia: sed nec argumentatio nec syllogismus, aut demonstratio proximè & adequatè continent simplicia, de quibus Dialectica disputat, sed solum remotè, in quantum sunt partes enuntiationum, ex quibus proximè componuntur diuisionem verò, aut definitionem, nullo modo: ergo non possunt esse obiecta adequata Logicæ bene tamè alicuius partis: & fortè aliquod eorum posset dici obiectum principale, vt demonstratio: quæ præcipuum instrumentum est ad scientiam assequendam. Vnde si de obiecto principali loquerentur, admitti posset saltem vltima: de adequato verò nulla earum admittenda est.

- 21 Restant prima & secunda de quibus iudicandum est, vtrius illarum sit probabilior: quod, vt melius fiat, illud tanquam certum supponendum est. propriam materiam Dialecticæ esse operationes intellectus: & ideo ad obiectum eius pertinere non secundum propriam naturam: nam hoc modo, ad Philosophiam potius pertinent, sicut anima, & intellectus, à quibus tanquam à principiis efficientibus procedunt: sed in quantum ab eo diuiguntur.
- 22 Secundo supponendum est, quid sit operationes has dirigere ab intellectu non est enim aliud quam fieri syllogismum, definitionem aut aliud instrumentum: vt tres propositiones ordinari non est aliud quam vnā pro maiori sumere, pro minori aliam, & tertiā pro conclusione: ita vt in modo, & figura, constituatur

ex eis syllogismus: & quod in eis resultat, est passiva ordinatio, id est, esse ordinatas, ac syllogismum constituentes. Triâ igitur possumus considerare in his operationibus, in quantum pertinent ad Dialecticam, ordinabilitatem, seu dirigibilitatem, directionem actiuam intellectus, & passiuam, resultantem in eis ex actiua.

Et de dirigibilitate probatur, vel non pertinere operationes secundum eam ad Logicam, vel non esse realem, sed ens rationis, hoc arg. Aut operationes esse dirigibiles, est potentia seu aptitudo naturalis, eueniens eis ex propria natura: vel solum obedientialis, in eo consistens, quod sicut lignum subditur artifici, & quasi ei obedit, ut ex eo possit cathedram efficere; sic operationes istæ subduntur intellectui, ut ex eis possit facere syllogismum: & si naturalis sit potentia, euidens est, non ad Dialecticam, sed ad naturalem Philosophiam pertinere: sicut quæcunque à natura habent operationes ipsæ, pertinent ad scientiam, quæ agit de natura earum, & hæc est Philosophia naturalis: si verò sit obedientialis, non potest esse realis. Nam potentia obedientialis ligni ideo est realis, quia per eam subditur artifici, ad formam realem cathedræ suscipiendâ: quare si forma cathedræ, non esset realis sed ens rationis, nec potentia illa esset realis: sed operationes subduntur intellectui ad suscipiendâ formam syllogismi quæ non est realis, sed ens rationis: ergo talis potentia non est realis. Probatur minor. Ordinatio per quâ efficitur syllogismus, est relatio vnius ad alterâ, non realis quia non ordinatur ex natura rei sed ab intellectu: ergo est relatio rationis.

Secundum, quod in operationibus considerare possumus, est ordinatio actiua, quâ intellectus facit per actum reflexum, quo supra eas reflectitur, & eas ordinat, constituens syllogismum: & hæc ordinatio actiua, realis est cum sit actus realis intellectus ordinantis: & per illam solum dicuntur operationes ordinate, denominatione reali extrinseca. v.g. syllogismus, aut demonstratio: sed esse syllogismum, aut demonstrationem, habent formaliter, per relationem ordinationis inter eas resultantem ex operatione intellectus ordinantis: & relatio ordinationis inter eas, non potest esse realis: quia non ordinantur ex sua natura, sed ab intellectu, qui nihil reale in rebus per suam ordinationem ponere potest: ergo directio per quam formaliter sunt syllogismus, vel aliud instrumentum, & ad Logicam pertinet, non est aliquis modus realis, sed sola relatio rationis.

His explicatis, est prima conclusio huius quæstionis; Obiectum Logicæ aliquid dicitur pro materiali, & aliquid pro formali: pro materiali quidem, reales operationes intellectus:

pro

pro formali verò relationem rationis, quæ dicitur ordinatio formalis earum, per quam efficiunt syllogismum, aut aliud instrumentum. Hæc probatur efficaciter ex doctrina tradita, hoc arg. Logica habet pro obiecto operationes intellectus, quas dirigit, vt per directionem constituat ex eis syllogismum, aut aliud instrumentum: ergo materiale obiectum, sunt operationes reales; formale verò, directio, aut ordinatio earum, per quam constituunt talia instrumenta: sed ordinatio est relatio rationis: ergo obiectum formale est ens rationis.

Secunda conclusio. Obiectum adæquatum Logicæ, est modus sciendi communis omnibus instrumentis, qui ex ente reali, pro materiali constat, & ex ente rationis pro formali. hæc sequitur ex prima: quare nõ indiget noua probatione. His duabus conclusionibus continetur, & explicatur secunda opinio D. Tho. & aliorum, quæ communis fuit semper in schola, & vt probabilior est amplectenda.

15 Solum restat arg. primæ opinionis soluere: & ad primũ concessa maiori, neganda est minor, quod ens rationis Logicũ, nec naturã, nec proprietates habeat, nec per se cõsideretur in Dialectica: quamuis enim non habeat naturam realẽ, nec subiecto inhereat, sed solum sit obiectiue in intellectu, actu cõsiderante: est tamẽ quædã denominatio rebus attributa ab intellectu, per modum, ac similitudinẽ formæ inherẽtis, vt esse genus, aut speciem, attribuitur nature ab intellectu: sicut albedo, aut alia forma inherens attribuitur corpori. vnde nõ est omnino ens fictũ, sicut chimæra, sed habet fundamẽtum in eisdẽ naturis, quibus attribuitur, prout ab intellectu, hoc aut illo modo, capiuntur: & hoc esse diminutum, considerari potest ab aliqua scientia.

16 Quod verò ad proprietates eius pertinet, hac distinctione explicandum est: ens rationis dupliciter considerari potest: primò, in abstracto, hoc est, vt forma quædam sine ordine ad subiectum, cui attribuitur: quemadmodũ consideratur albedo, sine ordine ad corpus, cui inhereat. Alio modo, potest considerari, in concreto, hoc est, vt forma applicata ad naturã, quam denominat. Et considerata primo modo, habet passiones vniuersales iuxta similitudinẽ entis realis, vt verum, bonũ, &c. cõsideratum verò secundo modo, nõ habet passiones aded vniuersales: quia nõ applicatur, aut attribuitur naturis in cõmuni consideratum, sed in particulari, secundum suas species: nõ enim denominatur natura aliqua ab ente rationis vniuersalissimo, sed à particularibus: vt à genere specie, subiecto, aut prædicato. quare sic sumptum, nõ habet passiones, nisi in suis speciebus, vt vniuersale in communi, habet prædicabilitatem pro passione,

passione, & prædicabilia, habent particulares passiones, vt genus, esse prædicabile de speciebus: sicque de cæteris: & quemadmodum ens rationis, consideratum in abstracto, non pertinet ad Logicam, sed ad Met. tanquam deficiens à perfectione entis realis; quod per se ab illa scientia consideratur: ita probare passiones vniuersales de illo, non ad Logicum sed ad Metaphysicum pertinet: sed passiones quas habet, vt applicatum naturis; aut eas denominans, in Logica probatur: & hoc sufficit, vt sit obiectum eius, de his verò passionibus, non prædicantur species entis rationis, quibus attribuantur prædicatione formali: quia non est verum formaliter, quod prædicabile sit vniuersale: sicut nec risibile formaliter est homo.

Ad secundum respondeo; Ens rationis dū sit ab intellectu, nō esse directē, aut per se cognitum, sed indirectē, & quasi per accidēs: sed postquā factū est; bene potest intellectus illud pro obiecto quasi per reflexionē sumere, & cognitionē eius per se primò intendere: & hoc modo accipitur, dū dicitur esse obiectū Logicę.

Ad primū aliud arg. quō probantur operationes reales esse obiectū Dialecticę, hac distinctione respondendū est. Demonstratio dupliciter consideratur, materialiter, pro operationibus ordinatis; aut formaliter, pro ordinatione, à qua habent vt sint syllogismus aut demonstratio: & in prima consideratione, admittendum est esse instrumentum reale; non in secunda: sed relatio rationis est. Et quod dicitur habere effectum realem, nempe scientiam, quam generat; etiam est admittendum, ratione operationum, quas pro materiali includit: non ratione significati formalis, in relatione rationis consistentis. Quod denique Logica sit scientia practica, vt in eodem argumento dicitur, verum est, & habere praxim, aut operationem pro obiecto, ab intellectu directam: ex quo non sequitur directionem esse realem, neque id est necessarium, vt Logica sit scientia practica: sed satis est operationem vtcunque dirigere, siue directio passiuā realis sit vel solum relatio rationis.

Ad secundum concedendum est, operationes, vt dirigibiles considerari posse ab aliqua scientia, & verē considerari à Dialectica: negandū verò, quod dirigibi-ritas sit realis: nō enim nisi ens rationis: sicut directio, per quam constituunt syllogismū, & ad quam ordinatur dirigibilitas, solum est relatio rationis, vt probatum est. De intelligibilitate verò, & numerabilitate, diuersa est ratio: quia istę conueniunt rebus, aut qualitatibus, ex propria natura: dirigibilitas verò, non nisi potentia obedientialis est, respectu formę syllogisticę, quę solum est relatio rationis: & ideo nō est quid reale, sed ens rationis.



COMMENTARI

IN PRAEDICABILIA

PORPHYRII, VNA CVM

DVBIIS ET QVAESTIONI-

bus hac tempestate agitari
solitis, compositi.

CAPVT I. PORPHYRII.

*Cum necessarium sit, Chrysaori, & ad eam, qua est apud
Aristotelem, Pradicamentorum
doctrinam, &c.*

BREVIS EXPOSITIO TEXTVS.



Hoc primum caput, quasi prooemium est totius libri Praedicabilium; & tria in eo agit Porphyrius. Nam primò, docet necessariam esse cognitionem praedicabilium, ad praedicamēta Arist. intelligenda: quia cum praedicamentum sit praedicabilem ordinatio secundum debitam subiectionem, & praedicationem; non potest ordinatio praedicamētalī cognosci, sine cognitione praedicabilium. Secundò, proponit materiam, de qua agendum est in toto libro, quae sunt quinque vniuersalia, aut praedicabilia, nempe genus, species, differentia, proprium, & accidens. & tandem asserit, quæstiones, quæ de his praedicabilibus tractari possunt, esse in duplici differentia: nam, quædam faciles sunt: quia circa ea versantur quæ natura eorumdem praedicabilium proximā iudicantur. & ideo cognita eorum natura, facilem solutionem habent: vt An vniuersalia, hoc aut illo modo praedicentur de inferioribus: & similes. Aliæ verò sunt difficiles: quia altiora quædam inquirunt; vt An vniuersalia sint in rebus; vel obiectiue solum in nostra cognitione. & illas quidem proponendas, ac disputandas esse asserit: has verò vsque ad Philosophiam relinquendas: quia non facile à Dialecticis intelligi possunt. Et his continetur litera Porphyrii.

C

QVÆS

QVÆSTIO I. VNIVERSALIS.

Vtrum Vniuersalia sint in rebus.

Quæstio hæc quasi fundamentum est omnium aliarum, 29
 quar de vniuersalibus disputari possunt. Vt autem ti-
 tulus eius intelligatur, notandum est; Vniuersale duplex esse,
 Complexum, & Incomplexum. Vniuersale complexum, est
 propositio vniuersalis, & per se nota, quæ principium est vni-
 uersale alicuius scientiæ: ex quo multæ inferuntur conclusi-
 ones: vt in scientia de homine, vniuersale principium est, quòd
 sit rationalis; ex quo colligitur, quòd sit admiratiuus & risi-
 bilis. Vniuersale incomplexum, est vox quædam simplex,
 significans aliquid multis commune; vt homo, & animal. Et
 de vniuersali complexo non procedit quæstio præsens; sed so-
 lum de incomplexo: quod quadruplex est, in causando, in sig-
 nificando, in essendo, & in prædicando. Vniuersale in Cau-
 sando, dicitur causa, quæ plures effectus producere potest, vt
 cælum. Vniuersale in Significando, est vox, vel conceptus
 communis, rem etiam communem multis significans; vt vox
 homo, & conceptus hominis, quem in mente formamus.
 Vniuersale in Essendo, esset res separata à singularibus, & in eis
 existens; si daretur: qualis esset idea illa, quam dicunt aliqui
 posuisse Platonem, nempe homo separatus à Petro & Ioanne,
 à quo procederent. Vniuersale denique in prædicando, di-
 citur natura communis, quæ de multis prædicari potest, &
 quam significant voces communes: vt natura hominis signata
 per hanc vocem homo, quæ de Petro & Ioanne prædicari potest.

Et vniuersale in Causando ad Physicum, aut Metaphysicum
 pertinet, qui de natura causarum agit: quare de illo non dis-
 putamus modò, nec de vniuersali Significando; quia Dialecti-
 cus non agit principaliter de vocibus, sed de rebus per eas si-
 gnificatis. sed nec de vniuersali in Essendo, quia iudicatur im-
 possibile, vt videbimus inferiùs. Solùm ergo proponitur quæ-
 stio de vniuersali in Prædicando, an in rebus verè sit; vt an id,
 quod de Petro & Ioanne prædicatur in his propositionibus,
 Petrus est homo, Ioannes est homo; sit aliquid præter vocem,
 quod in eis existat.

Circa quam fuit prima opinio Heracliti Ephesii, & Cratyl-
 antiquorum Philosophorum, vt asserit Arist. 3. lib. de cælo, &
 mundo, tex. 3. 1. lib. Meta. cap. 5. tex. etiam 1. lib. 4. tex. 21.
qui omnino negabant aliquid vniuersale in rebus esse, propter hoc
 argumentum. Omnia quæ sunt in mundo, sunt singularia: er-
 go nihil est vniuersale. Antecedens probabant dupliciter:

Primò

Primò ex sensibus; quia quæcunque per sensus cognoscimus, vt per visum, auditum, & reliquos, singularia sunt, & nihil commune multis; ergo non datur vniuersale in rebus. Secundò, omnia quæ fiunt in rerum natura, singularia sunt, cum fiant per actiones causarum, quæ non nisi de singularibus sunt; ergo nihil fit vniuersale: sed nihil est in rebus, quod non sit factum: ergo omnia sunt singularia, & nihil est vniuersale. & cum scientiæ non sint de singularibus, quæ passim corrumpuntur, negantes vniuersalia, consequenter negabant scientias. & videtur idem tenere Arist. lib. de Anima, tex. 3. vbi ita ait. *Animal vniuersale aut nihil est, aut posterius: similiter autem, & si quid commune aliud predicetur.*

Secunda opinio fuit Platonis, vt affirmat Arist. 1. lib. Meta. c. 3. tex. 12. & ca. 5. tex. 5. & 6. qui ponebat naturas quasdam vniuersales separatas à singularibus, à quibus eadem singularia procedebant; vt pro hominibus, naturam humanam separatam à Petro, Ioanne, & cæteris, à quibus singulares homines fiebant: quamuis D. August. lib. 73. quæstionum, quæst. 46. & Seneca lib. 8. epistolarum, epist. 66. affirmant, hanc non fuisse mentem Platonis; sed per ideas intellexisse quasdam similitudines rerum omnium, quas Deus intra se habet, & per quas eas producit. Omitto opinionem Nominalium; qui solum posuisse videntur vniuersalia in vocibus, de quibus scientias esse dicebant, & non de rebus.

31 Vera sententia Arist. & communis iam in schola, ab omnibus tenenda, tribus conclusionibus explicanda est. Prima conclusio. Non solum dantur voces vniuersales, sed etiam res de quibus sunt scientiæ. Probatur hæc, aduersus Nominales autoritate Aristot. lib. de interpretatione cap. 5. vbi *quasdam res vniuersales esse ait, alias singulares*: ergo sentit non solum in vocibus, sed in rebus dari vniuersale. Deinde ratione; quia nomina vniuersalia, vt homo, aut equus, non sunt imposita ad significandum res singulares, vt Petrum, & Ioannem; nec aliquem eorum distinctè significant; sed propriis nominibus significantur: ergo aliquid datur, præter singularia, ad quod proximè atque distinctè significandum imponuntur. Quod cum non sit singulare, erit vniuersale. Secundæ istæ propositiones sunt veræ, ac necessariæ; Petrus est homo, & homo est animal; & tamen si nihil præter voces prædicatur, erunt falsæ; cum nec vna vox sit alia, nec in ea includatur: ergo necesse est præter voces, res vniuersales ponere.

Secunda conclusio. Non datur vniuersale separatum reatèr a singularibus. Hæc est contra Platonem (si sententiam

illam tenuit, de ideis, quam ei tribuit Aristoteles) & probatur ex Arist. 1. lib. Poster. ca. 3. 5. tex. 38. 3. Meta. tex. 10. 7. Meta. tex. 5. 1. & 17. & 10. Meta. tex. 6. quibus locis ostendit *vniuersalia esse non posse separata à singularibus*. Deinde probatur ratione; quia quidquid verè & realiter prædicatur de aliquo, debet esse in eo: sed vniuersalia verè prædicantur de singularibus in his propositionibus, Petrus est homo, & homo est animal: ergo verè, & realiter in eis sunt. Probatior maior; quia ab eo, quod res est, vel non est, propositio dicitur vera, aut falsa: sed in his propositionibus prædicantur vniuersalia de singularibus: ergo aut sunt in eis, aut propositiones sunt falsæ.

Tertia conclusio. Licet omnes res mundi sint singulares, in ipsismet singularibus dantur vniuersales naturæ, quæ de eisdem prædicantur. hæc est aduersus Heraclitum. & probatur simul ac declaratur hac ratione, Singularia naturæ humanæ; vt Petrus & Ioannes, magis similia sunt inter sese quàm singularia alterius naturæ: habent enim definitionem, & prædicata essentialia sibi communia. Nam vterque est homo, & animal rationale: ergo concipit intellectus naturam humanam in vtroque existentem, & vtrique communem: & ideo erit vna, & in multis; quod est esse vniuersalem.

Ad argumentum primæ opinionis, concesso antecedenti, quod omnes res mundi sunt singulares: neganda est consequentia; quod nihil sit vniuersale: nam licet nihil sit vniuersale, ab eisdem singularibus realiter separatum, (vt fortè asseruit Plato) nec in ipsismet singularibus realiter ab eis distinctum, natura tamen, in qua omnes conueniunt, vniuersalis est, solum ab eis distincta per intellectum, eam concipientem, non conceptis singularibus, & de hac est scientia, etiam si non sit de singularibus. Ad testimonium autem Arist. responder D. Tho. in commentariis eiusdem; per illa verba excludere voluisse errorem Platonis, de ideis separatis, & simul docere, quonam modo vniuersale in rebus reperiatur: ideo sensus verborum eius talis est: Animal vniuersale nihil est, separatum à speciebus hominis, & equi; vt fingeat Plato: est tamen in eis quasi quid posterius; quia in eisdem fundatur, & ex eorum conuenientia sumitur.

QVÆSTIO II.

Quanam sit essentia, & natura vniuersalium.

Natura, & essentia cuiuslibet rei, explicatur per definitionem eius: ideo solutio huius quæstionis ex definitione
vniuer

vniuersalis dependet; qua adducta & explicata, soluta etiam erit quaestio. Duplicem definitionem vniuersalis tradit Aristot. diuersis suae doctrinae locis: Primam 7. lib. Meta. tex. 45. his verbis; *Hoc enim dicitur vniuersale, quod pluribus natura aptum est inesse*: Secundam vero 1. lib. de interpretatione ca. 5. vbi ita ait; *Dico autem vniuersale, quod in pluribus predicari natum est, ut homo quidem vniuersalium est*. Vtraque vero simul posuit 1. lib. de posteriori resolutione, ca. 10. tex. 25. dicens; *Esse quidem igitur unum de multis, verum dicere necesse est: non erit enim vniuersale, nisi hoc sit. oportet igitur aliquid unum, idemque in pluribus esse, non aequiuocè*: quibus vniuersale duo habere docet: Quod sit unum, hoc est vniuocum: quare excluduntur aequiuoca, & analoga à ratione vniuersalis: quia vel nullam habent unitatem, ut aequiuoca: vel solum unitatem secundum quid, hoc est secundum proportionem, vel attributionem, ut analoga. Deinde in multis, & quod de illis praedicetur; quæ licet non distinguantur realiter in vniuersali; quia formaliter sumptum, non est quid reale; sunt tamen duæ rationes, ita se habentes, ac si realiter distinguerentur: ex quibus prior est, quod in multis sit; posterior vero, quod praedicetur de multis. Quod ita probo. Causa veritatis praedicationum est rem ita se habere extra, sicut per illas significatur, & enuntiatur, ut docet Arist. 1. lib. de interpretatione, dicens; *Ab eo quod res est, vel non est, propositio dicitur vera, vel falsa*: ergo causalis ista propositio vera est; Quia vniuersale est in multis, praedicatur de multis; sed causa prior natura est suo effectui: ergo prius est, quod vniuersale sit in multis, quàm quod praedicetur de multis. Licet autem prior sit ratio essendi in illis, quàm praedicandi; conuertuntur tamen: quia verum est, quod est in multis, praedicari de multis: & contra, quidquid praedicatur de multis, in eis esse; cum nihil praedicetur de aliquo, nisi sit in eo.

34 Ex quibus sequitur primò essentiam vniuersalis esse, quod in multis sit, & quasi propriam passionem eius, quod de multis praedicetur. Probat hoc argumento. Illud quod primò intelligimus de aliquo, dicimus esse essentiam illius; sed primum quod intelligimus de vniuersali, est, quod sit in multis: ergo hoc erit de essentia eius. Illud etiam quod posterius intelligimus, si conuertatur cum priori, dicimus esse propriam passionem eius; sed praedicari de multis est quid posterius quam esse in multis; & cum eo conuertitur, ut probauimus: ergo erit propria passio eius.

Sed dum dicimus esse in multis, pertinere ad essentiam vniuersalis, & praedicari de multis, esse passionem: neutrum intel-

ligendum est secundum actum: sed vtrumque secundum aptitudinem, vt verba Arist. docent, & probat experientia: cum videamus naturam Solis, & Lunae esse vniuersalem, & nec esse actu in multis, nec actu de illis praedicari, sed vtrumque habere in potentia. Et hoc est, quod communiter dici solet; *Verba in definitionibus non dicunt actum, sed aptitudinem*; quare sensus primae definitionis est; Vniuersale est, quod aptum est esse in multis; sensus verò secundae, Vniuersale est, vnum praedicabile de multis.

Secundo sequitur, primam definitionem esse quidditativam, aut essentialem: quia continet essentiam vniuersalis. Secundam verò descriptivam, quia datur per passionem.

Tertio sequitur, falsum esse, quod a quibusdam modernis dicitur; esse in multis & praedicari de multis, non esse rationes distinctas vniuersalis; sed eandem omnino: quia eo ipso, quod intelligimus naturam in multis esse, intelligimus etiam esse praedicabilem. Hoc enim non est verum. nam si esse in multis est ratio prior, & causa praedicabilitatis de multis, vt probauimus; euidenter sequitur, quod possit intelligi, non intellecta praedicabilitate de multis: cum sit euident, id quod prius est, posse intelligi sine posteriori.

Explicata essentia vniuersalis; respondendum est tribus questionibus, quas Porphyrius omisit, propter earum difficultatem: quia ex earum solutionibus, melius intelligetur eadem essentia vniuersalis. Prima quaestio erat; An vniuersalia sint in rebus. Secunda, An sint substantiae vel accidentia. Tertia an sint aeterna, vel temporanea. Pro quarum solutione, notanda est distinctio vniuersalis, quam tradit D. Thom. 7. Meta. lect. 23. dupliciter, enim sumi potest; nempe pro natura, quae de nominatur vniuersalis, qualis est homo, vel animal: & hoc modo sumitur materialiter, aut fundamentaliter: aut pro vniuersalitate, quae est forma, à qua denominatur vniuersale: & haec forma vocatur secunda intentio, aut relatio rationis; per quam refertur natura ad indiuidua. Et si Vniuersalia sumantur primo modo; in rebus esse dicuntur, & non ab eis separata; quia homo & animal, in rebus ipsis sunt: homo in singularibus hominibus; animal verò in suis speciebus; equo, & leone. Si verò sumantur secundo modo, non sunt in rebus, sed obiectiue solum in intellectu: quia secunda intentio, aut relatio rationis, non habet aliud esse, quam cognosci ab intellectu; eam attribuente naturae, quam cum indiuiduis comparat.

Et eodem modo soluitur quaestio secunda: quia Vniuersalia materialiter, aut pro fundamento considerata: aut sunt entia

entia realia, vt equus, aut leo: vel entia rationis, vt genus, aut species: vel sunt substantiæ, vt homo vel anima: aut accidentia vt albedo, & color. Si verò sumantur secundo modo; non sunt substantiæ, sed accidentia: non realia, sed rationis: quia solum sunt denominationes quædam, quas intellectus attribuit naturis, eas vniuersales vocans. Ad tertiam tandem questionem sic respondendum est; si vniuersalia sumantur formaliter pro vniuersalitate, non sunt æterna, sed temporanea: quia vniuersalitas non est, nisi dum actu consideratur ab intellectu; sed non semper est intellectus in actuali consideratione: ergo nec semper est vniuersalitas. Si verò accipiatur pro fundamentis, alia distinctio addenda est. Nā res vniuersales, dupliciter sumi possunt; nēpe secundum actualem existentiam, quā habent in inferioribus, hoc est in indiuiduis, aut speciebus: & hoc modo, non sunt æterna, sed eis corruptis, ipsa quoque corrumpuntur, v. g. Flores diuersarum specierum, vniuersales sunt: & si sumantur secundum actualem existentiam in indiuiduis, non sunt in hyeme: ergo nec sunt semper, nec æterna, sed temporanea: sicut indiuidua ipsa. Si verò considerentur secundum essentialitatem; hoc est secundum prædicata essentialia; æterna sunt: quia licet actu non existant in singularibus, debita sunt eis eadem prædicata essentialia, non minus quā si actu in eis existerent, vt homo, & animal, secundum essentialitatem æterna sunt: quia etiā si nullus sit homo, aut animal in rerum natura; verum est hominem esse animal rationale, & animal viuens sensibile: quia hæc prædicata essentialia eis debentur.

37 Et si inquiras, vbi essent vniuersalia, si nullum esset singulare (nam si perpetua sunt, alicubi permanere deberent) Respondeo nullibi esse actu; sed solum obiectiue in intellectu diuino, actu cognoscēte eis esse debita essentialia prædicata, atq; etiā virtualiter in diuina omnipotentia; à qua produci possunt in suis singularibus: & ecce quomodo essentialiter sumpta æterna sunt.

QVÆSTIO III.

An detur in rebus ante operationem intellectus unitas formalis, minor numerali.

Agens Aristotel. de unitate rerum, c. lib. Meta. cap. 6 triplicem posuit unitatem, Genericam, Specificam, & Numericam. Generica est, quam habent species in genere, vt equus, & leo in animali. Specifica quam habent indiuidua in specie, vt Petrus & Ioannes, in homine. Numerica quam habet quodcunque indiuiduum in seipso; in quantum non est

distinctum à se, sed à quocunque alio : vt Petrus , dicitur vnus numero, quia est hoc indiuiduum, hoc est, à seipso non distinctus, sed à Ioanne, & cæteris.

Ex his autem tribus vnitatibus , maior est numerica ; minor specifica , & minima generica : cuius ratio est manifesta ; quia illa est minor vnitas, quæ secum compatitur maiorem diuersitatem ; sed vnitas generica maiorem compatitur secum diuersitatem ; minorem verò vnitas specifica, & nullam numerica : ergo hæc maxima vnitas vocari potest ; specifica minor ; & generica minima. Probatur minor ; quia quæ sunt vnum genere, differunt per differentias essentielles, & específicas, vt homo, & leo : quæ sunt vnum specie , non per differentias essentielles , sed per indiuiduales multò minores : at quod est vnum numero, neque habet in se diuersitatem specificam, nec indiuidualem, sed vtroque modo est in se vnum. Et de vnitatem numerica, non potest esse dubium ; quin & realis sit, & ante operationem intellectus detur : quare de hac non procedit quæstio ; sed de specifica, aut generica ; quæ formalis dicitur : quia est vnitas in essentia, & prædicatis essentialibus à forma substantiali rerum procedentibus ; & est minor numerali : de qua ideo querit titulus quæstionis, an detur ante operationem intellectus.

Et est prima opinio Scoti 7. lib. Meta. quæst. 16. & in 2. dist. 3. quæst. 2. assentis, dari vnitatem formalem , genericam, & specificam, ante operationem intellectus ; esseque essentialem ipsis naturis, aut saltem eis conuenire tanquam propriam passionem. Et probatur 1. ex Aristotele in prædicamento ad aliquid ; vbi docet, *Primum genus relationis fundari in vnitatem specifica, aut generica* ; quæ si fit inter substantias , erit relatio identitatis ; vt identitas specifica inter Petrum & Paulum, in vnitatem naturæ humanæ : si fit inter qualitates , erit relatio similitudinis ; vt inter duo alba : si inter quantitates , relatio æqualitatis , aut inæqualitatis : vt inter duo corpora eiusdem longitudinis. Ex quo tale argumentum colligitur. Relatio huius generis est realis, & datur ante operationem intellectus ; nā duo alba, etiam si non cognoscantur ab intellectu, erunt similia : ergo fundamentum eius, quod est vnitas formalis, erit etiā reale & dabitur ante operationem intellectus. Probatur etiam ratione ; quia vnitas est passio entis realis ; ergo cuiusque gradui entis realis, correspondet sua vnitas realis ; vt gradui entitatis numericæ, vnitas numerica realis ; & gradui entitatis specificæ, vnitas realis specifica ; & hæc est formalis ; ergo erit realis ; sicut gradus entitatis specificæ realis est , dabiturque ante operationem intellectus.

Secunda opinio, negat omnino dari aliquam vnitatem formalem minorem numerali, ante operationem intellectus; quam sequitur S. Tho. opusc. 55. non longè à principio, & 1. p. quæst. 85. art. 1. & 2. Albertus Magnus in lib. prædicabiliū q. 6. Themistius paraphrasi super præmium Arist. de Anima, cap. 4. Alexander Aphrodisius super 7. lib. Meta: post medium, fol. 131. pag. 1. & 2. Iacel. tract. 4. de quinque vniuersalibus in sua Dialectica. D. Ioannes Damascenus lib. de Dialectica c. 64. Capreol. in 2. d. 8. quæst. 2. Venerus lib. 2. suæ Dialecticæ tract. 4. par. 4. cap. 4. & probatur. Quia quidquid conuenit naturæ specificæ essentialiter, aut tanquam propria passio; debet etiam conuenire cuicunque indiuiduo eiusdem: vt si naturæ humanæ conueniunt rationalitas & risibilitas; Petro & Ioanni conuenire debent: ergo si vnitas formalis specifica conuenit ei essentialiter, aut tanquam propria passio, necesse est cuicunque indiuiduo conuenire; & ita, Petrus erit vnus, vnitatem formali specifica multis communi, quod euidenter falsum est.

Tertia opinio, distinguit vnitatem formalem, in Actualem, & Potentialem: Actualem vocat eam, per quam natura est actu, & formaliter vna multis communis: Potentialem verò, quam habere potest: & vtramque ait esse realem: sed potentialem tantum conuenire naturæ ante operationem intellectus in illa prioritate naturæ, qua prior est suis indiuiduis; quam haberet (inquit) actualem, si ab eis realiter separaretur; licet hoc sit impossibile: hanc verò vnitatem non communicare indiuiduis, quia ei conuenit, vt est prior natura eis. Hanc sententiam tenent Soncin. 7. Meta. quæst. 40. Fonseca 5. Meta. cap. 18. quæst. 3. sect. 2. 3. & 4. probantque hoc argum. Natura specifica significatur communi, & vniuoco; vt natura humana, hoc nomine homo: sed vniuocum nomen significat aliquid vnum: ergo datur aliqua vnitas formalis in natura, ante operationem intellectus, ratione cuius significetur nomine cōmuni: Quod si negaueris, sequitur nomen homo, & quodcunque aliud, significans naturam communem, esse æquiuocum: cum non significet aliquid vnum, quod est falsum.

Postrema sententia, est Caietani in opusculo de ente, & essentia, cap. 4. quæst. 6. Vbi alio modo distinguit vnitatem formalem, in positiuam & negatiuam. Positiua vnitas est, quam habent aliqua in forma, aut prædicato positiuo; vt Petrus & Ioannes, habent vnitatem formalem positiuam, in humanitate abstracta per intellectum ab indiuiduis, aut cum eis cōparata. Negatiua verò, non est aliud, quam negatio diuisionis; & si sit

negatio diuisionis materialis; erit vnitas numerica, quam habet Petrus per hanc materiā in se non diuisam; si verò sit negatio diuisionis formalis: erit vnitas formalis negatiua. Hac distinctione supposita, asserit, naturam non habere vnitatem formalem positiuam, ante operationem intellectus; quia diuisa est per differentias numericas in singularibus: quare nulla datur forma positua communis, in qua singulares homines conueniant; quousque abstrahatur eadem natura humana per intellectū ab eisdem singularibus, & cognoscatur eis non cognitis; tunc enim tamquam forma positua eis communis concipitur: Sed habet, inquit, vnitatem formalem negatiuam à parte rei: quia licet sit diuisa per differentias materiales, & numericas; non tamen per formales, & específicas: vnde Petrus & Ioannes, conueniunt in humanitate ante operationem intellectus negatiue, ex eo solum, quòd non distinguuntur in ea formaliter, aut essentialiter; licet distinguantur per hanc, & illam humanitatem singularem indiuidualiter. Hanc sententiam Caietani sequuntur plures moderni, probantque hoc argumento. Vnitas numerica, est carentia diuisionis materialis, ergo vnitas formalis, & specifica, est carentia diuisionis formalis, & specificæ: sed Petrus & Ioannes ante operationem intellectus, carent diuisione formali, & specifica, cum non distinguantur per differentias formales, aut essentielles, sed solum per numericas, & quasi materiales: ergo habent vnitatem formalem in humanitate, saltem negatiuam.

Et confirmari potest: quia quaecunque non sunt distincta in aliquo, dicuntur in eo conuenire, & esse vnū, saltem negatiue; sed Petrus, & Ioannes, ante operationem intellectus, non distinguuntur formaliter, aut specie in humanitate, ergo in ea conueniunt, & sunt vnū: quare dabitur vnitas negatiua utriq; communis.

Pro solutione huius quaestionis notandū est primò. Vnitatem formalem duplicem esse: Nā quaedā est, per quam aliquid dicitur in se vnum formaliter: quam habet Petrus per suam formam & essentiam, à qua dicitur vnus formaliter: Altera est, per quam aliquid dicitur vnum formaliter, multis commune; vt vnitas formalis, quam habet natura humana, dum consideratur ab intellectu abstracta à conditionibus singularium, per quas diuisa est in eis. Et de prima vnitate formali, duo sunt certa apud omnes. Primum, quod cuiusque naturae conueniat ex se, realiter, & essentialiter; & ideo eam habeat ante operationem intellectus in suis indiuiduis: ita vt quodlibet dicatur per eandem naturam, quae in eo est, vnum formaliter, & essentialiter; ita sentiunt D. Tho. Scotus, & alii vbi supra.

Secundò

44 Secundò certum est, hanc vnitatem formalem, aliquo modo distingui à numerica: cum ex diuersa radice oriatur. Numerica enim oritur, ex materia, aut etiam ex forma, in quantum ex earum vnione resultat hæc entitas huius indiuidui: formalis verò ex sola forma, non vt est causa huius entitatis, sed vt est radix omnium prædicatorum essentialium, quæ ei possunt conuenire. v.g. Vnitas formalis à qua Petrus est vnus homo, procedit ab eius anima, in quantum est principium ratiocinandi, ex quo habet idem Petrus vt sit rationalis, & eodẽ modo in cæteris naturis. Sed an distinguantur hæc vnitas formalis, & numerica, in eodem indiuiduo, ex natura rei, & ante operationem intellectus, vel sola ratione, & per intellectum, in hoc non conuenit Scotus cum D. Thom. asserit enim distinctas esse ex natura rei: sed D. Tho. quem omnes ferè sequuntur, tenet, non distingui ex natura rei; sed sola ratione per intellectum; præsupposito tamen fundamento in re, in quantum à diuersa radice procedunt, vt expliatum est. Et hoc videtur nobis non solum probabilius, sed omnino verum, & tenendum: quod hac ratione efficaciter probatur. Idem est ex natura rei in Petro, esse hominem, & esse hunc hominem, quia non est, nisi in quantum hæc humanitas veram habet humanitatis essentiam, sed per hanc humanitatem est vnus homo formaliter: ergo vtraque vnitas, formalitas, & numerica est eadem res. Sed distinguuntur per intellectum, in quantum ex diuersa radice proueniunt.

45 Certum est tertio, Vnitatem formalem cuiuscunque rei, determinari per differentiam indiuidualem, & per eam fieri hanc numero: quod probo primò. Petrus est vnus formaliter, per vnā formā & vnā essentiam quam habet, hoc est, per vnā humanitatem: sed humanitas eius est vna numero ratione differentie indiuidualis: ergo vnitas formalis, quam habet per eam, est vna numero ratione eiusdem differentie indiuidualis. Quod adeo verum est, ac necessarium; vt omnes gradus naturæ eius, omnia prædicata essentialia, quæ ratione eorum possunt ei conuenire, sint hæc, propter differentiam indiuidualem: est enim Petrus hæc substantia, hoc corpus, hoc viuens, hoc animal, hoc rationale, & hic homo; imò repugnat aliquid esse in Petro, quod non sit hoc numero, ratione differentie indiuidualis, à qua natura eius, & essentia fit hæc distincta à quacunque alia. Vnde, sequitur, quod sicut tot sunt in Petro vnitates formales, ratione distincte, quot sunt gradus naturæ eius, ita omnes sunt indiuidua, quia coniunguntur differentie indiuiduali determinanti omnes, & facienti eas has numero. Quibus

Quibus suppositis, nostra sententia tribus conclusionibus cōtinetur. Prima. Non datur aliqua vnitas formalis positua & actualis, ante operationem intellectus, quæ conueniat nature realiter, & essentialiter, aut tamquam propria passio, per quam dicatur multis communis. Hæc est contra Scotum.

Secunda conclusio. Non datur ante operationem intellectus vnitas formalis in potentia, quæ conueniat nature in illa prioritate, quam habet respectu indiuiduorum, quibus non communicatur. Hæc est contra secundam opinionem Soncinatis. 46

Tertia conclusio. Non datur vnitas formalis negatiua ante operationem intellectus. Hæc est contra Caiet. & probantur omnes simul ex doctrina tradita, hoc argum. Vnum, & indiuisum idem sunt; ergo diuisio opponitur vnitati, & eam tollit, ac dissoluit: vt si diuidatur partes hominis, nempe brachium à capite, & caput à pedibus; eo ipso tollitur vnitas compositi, & earundem partium: sed omnis natura secundum omnes gradus quas habet à parte rei, est diuisa per differentias indiuiduales; ergo nullam habet vnitatem formalem multis communem: Probat ur minor. Natura humana, quæ est in Petro & Ioanne; est diuisa per differentias eorum indiuiduales: ita vt quidquid habet Petrus, sit hoc, atque distinctum ab his quæ habet Ioannes; nempe, hæc substantia hoc corpus, hoc viuens, hoc animal, hic homo; & Paulus alia hæc substantia, aliud hoc corpus, aliud hoc viuens, aliud hoc animal, alius hic homo: ergo nec naturam, aut essentiam, neque vllum gradum naturæ possunt habere vnum aut communem, sed omnis vnitas formalis debet eis conuenire ratione naturæ, aut alicuius gradus eius, qui in eis sit vnus: ergo nullam habet vnitatem formalem communem.

Argumentum hoc concludit aduersus Scotum, quod nullam habeant vtilitatem realem positiuam & actuaalem. Sed videtur posse respondere Soncinas, & Caiet. quod ille non ponit vnitatem actuaalem sed potentialem: & Caietan. non ponit vnitatem positiuam, sed negatiuam. Sed verè non minus aduersus eisdem concludit, quam aduersus Scotum. Probat ur, aduersus Soncinatem concludere, quia si natura humana in Petro ante operationem intellectus est hæc, secundum omnes gradus formales, & essentielles; & diuersa à natura Pauli, & gradibus eius: ergo repugnat quod à parte rei possit aliquam habere vnitatem in eis: quare nec habebunt vnitatem formalem in potentia; nam quibus repugnat actus, non potest conuenire potentia. Sed eadem secunda opinio probatur falsa, quia duo asserit impossibilia. Primum, quod natura, vt est prior indiui

indiuuiduis, habet vnitatem formalem realem: hoc autem impossibile est; quia natura non est prior indiuuiduis aliqua prioritate reali, sed solum per intellectum, considerantem illam, non consideratis indiuuiduis; ergo si secundum hanc prioritatem est vna formaliter, non conuenit ei talis vnitas a parte rei, sed per intellectum.

Secundum, quod asserit, est; naturam non communicare illam vnitatem formalem indiuuiduis; quod impossibile probatur hac ratione. Natura communicatur indiuuiduis, secundum omnes gradus formales, & essentielles, quos habet: sed non potest habere vnitatem formalem actualem, aut potentialem a parte rei, nisi ratione alicuius gradus formalis, atque essentialis: ergo nec potest habere vnitatem, quæ indiuuiduis non communicetur.

48 Quod verò aduersus Caie. concludat argumentum nostrum probatur: Quia solum posset respondere, naturam esse diuisam secundum omnes gradus per differentias indiuiduales; non per essentielles, aut formales: quare cum tali diuisione bene potest esse non distinctio formalis, quæ vocatur vnitas formalis negatiua. Sed hoc non tollit difficultatem nostri argumenti. Nam licet natura humana non sit diuisa per differentias formales, in Petro, & Ioanne: satis est esse diuisam per indiuiduales: vt verum sit, quod diuersa est vnitas formalis eius in eis: ergo non potest habere aliquam vnitatem formalem etiam negatiuam, aut non distinctionem eis communem. Probatur consequentia: quia cum formæ, & essentiæ sint diuersæ, necesse est vnitates formales, etiam negatiuas, aut non distinctiones esse diuersas: quare sicut non possunt habere aliquid positium commune ante operationem intellectus, sic non possunt habere aliquid commune negatiuum: ideo non dabitur vnitas negatiua a parte rei, quam ponit Caietanus.

49 Argumenta aliarum opinionum soluenda sunt; & pro solutione illius testimonii, quod pro opinione Scoti adduximus ex Aristotele, in prædicamentis ad aliquid, notandum est: quod licet vnitas formalis, qua aliquid est in se vnum, sit realiter coniuncta, & realiter eadem cum vnitatem numerica, distinguitur tamen ab ea quasi virtualiter, ante operationem intellectus: quia ex diuersa radice prouenit, vt vidimus: & ratione huius distinctionis virtualis, potest intellectus eas distinguere, concipiendo vnitatem formalem, non concepta vnitatem numerali; & dum sic eam concipit, dicitur eam abstrahere ab indiuuiduis; & facere communem multis, & vniuersalem. Ex quo intelligitur, totum fundamentum vnitatis formalis, specifica

specificæ, aut genericæ, per quam aliquid est multis commune, & vniuersale, esse vnitatem formalem, qua aliquid est in se vnum formaliter, in quantum virtualiter distinctam ab vnitatem numerica, cui à parte rei cōiuncta est: ideo talis vnitas formalis, vocari potest vnitas vniuersalis, specifica, aut genericæ, in fundamento saltem remoto: & fundamentum etiam remotum vniuersalis: sufficiens tamen pro relationibus primi generis, identitatis, similitudinis, & æqualitatis, & in ea fundari intelligit Arist. non in alia.

Ad argumentum Scoti respondeo; singulis gradibus entitatibus, correspondere suas vnitates; non tamen distinctas, nisi per intellectum: sicut nec gradus naturæ distinguuntur, nisi ab intellectu: & ideo, nec conuenientes naturæ a parte rei, sed solum per intellectum.

Ad argumentum Caietani neganda est maior, quod vnitas numerica, sit carentia diuisionis materialis, aut specificæ, carentia diuisionis formalis: Nam carentia negatio est; vnitas verò non dicit solam negationem, sed entitatem etiam pro fundamento: & cum diuersæ sint entitates specificæ, diuersæq; vnitates formales, ante operationem intellectus; etiam si diuisione careant formali, non possunt habere vnitatem formalem.

Et eodem modo respondeo ad confirmationem, antecedens esse falsum; quod quæcunq; non sint distincta in aliquo, dicantur in eo conuenire: quia non distinctio solam negationem dicit: vnum verò, positiuam entitatem cum negatione adiuncta. Argumentum igitur procedit à pura negatione, ad positiuum habens negationem adiunctam, & ideo non est bonum.

Ad argumentum denique tertiæ opinionis respondendum est, nomina significare res, mediis cōceptibus, quos de illis formamus: vnde non significant eas, vt sunt à parte rei, sed vt à nobis cognoscuntur: & cum vniuoca nomina sint communia, significant rem, vt à nobis conceptam, conceptu cōmuni: quare non sequitur ex eorum significatione, dari vnum multis commune à parte rei, sed solum obiectiuè in intellectu; nec proinde vnitatem formalem inter multa, sed hanc fieri ab intellectu, naturam cognoscente, non cognitis inferioribus; siue positiva illa sit, vel negatiua.

Q V Æ S T I O IV.

An vniuersale sit in rebus ante operationem intellectus.

CVM vniuersale sit vnum in multis, eodem ferè modo loquuntur authores de illo, & de vnitatem; & ideo Scotus qui

qui docuit quaest. praecedenti : vnitatem formalem minorem numerali ex se conuenire naturae , & ideo ante operationem intellectus eam habere , consequenter docet , esse vniuersalem à parte rei. Et hæc est prima opinio circa hanc quaestionem , quam tenuit in 2. d. 3. quaest. 1. & 7. Meta. q. 18. Vbi eam defendit Antonius Andreas , atque etiam Ioannes Monlorius in disputatione quadam de vniuersali cap. 5. & 6. Probatúrque duplici argumento. Primò , quia vniuersalia sunt obiecta scientiarum , & etiam dicuntur ingenerabilia , & incorruptibilia , sed conditiones istae sunt reales : ergo conueniunt naturis ante operationem intellectus : quare ante illam erunt realiter vniuersales. Probatúr minor ; Quia scientiae sunt de naturis realibus , quæ non generantur , neque corrumpuntur , nisi secundum esse reale , quod habent.

52. Secundò , natura humana ex se non est incommunicabilis pluribus : ergo ex se est communicabilis , & ante operationem intellectus communicatur multis singularibus : sed esse vniuersalem idem est , quod esse communicabilem multis ; ergo ex se , & ante operationem intellectus erit vniuersalis. Maiorem ita probò ; Si natura ex se non est communicabilis multis ; ergo de se est incommunicabilis : sed esse incommunicabilem , est esse singularem : ergo ex se erit singularis ; quare nullo modo posset fieri vniuersalis : quod est falsum.

Secunda opinio est D. Thom. 7. Meta. lect. 13. opusculo de ente , & essentia cap. 4. 1. p. q. 85. art. 1. & 12. quaest. 29. art. 6. quibus locis asserit naturam ex se , hoc est , ex propria essentia , non esse vniuersalem , nec singularem ; sed per conditiones indiuiduantes fieri singularem , & per intellectum vniuersalem : ideo ante operationem intellectus non dari vniuersale. D. Tho. sequuntur Capreol. in 3. art. 3. d. 5. quaest. 3. Soncinas 7. Meta. q. 40. Caietanus in opusculo de ente , & essentia , cap. 4. Sotus q. 2. vniuersalium. Durandus in 1. q. 2. vniuersalium. Durandus in 1. q. 2. prologi , & d. 12. p. 2. Toletus in quaestionibus vniuersalibus. P. Fran. Suarius tomo 1. disp. 6. sectio 3. Et est communis sententia scholarum à nobis tenenda.

53. Sed vt eam probemus , notandum est , quòd cum vniuersale sit vnum aptum prædicari de multis , secundum definitionem ab Arist. traditam ; duo sunt necessariò requisita vt aliquid sit vniuersale : Primum , quòd sit vnum , non solum vnitatem formalem , qua aliquid est in se vnum ; sed vnitatem formalem , qua aliquid est multis commune. Quòd enim prima vnitatis formalis requiratur ; quaestione praecedenti probatù à nobis est : quia cum vniuersale comunice suam essentiam singularibus , & per
sitant

suam essentiam sit aliquid vnum formaliter in se; necesse est, quòd vniuersale habeat vnitatem formalem, per quam sit vnum formaliter in se: & hanc vnitatem dicimus esse primum fundamentum atque remotum vniuersalis. Sed quòd hæc vnitatis non sufficit ad rationem vniuersalis, probatur; quia vt etiã quæst. præcedenti diximus; vnitatis formalis, qua aliquid est in se vnum; eadem est secundum rem cum vnitatis numerica, & ideo ei semper coniuncta à parte rei; ex quo sequitur esse diuisam in singularibus; ita vt tot sint vnitates formales, quot sunt indiuidua. Non ergo sufficit vt natura dicatur vniuersalis; sed requiritur, quòd ab intellectu consideretur eadem vnitatis formalis, non consideratis singularitatibus; per quas diuisa est à parte rei: & ita considerata, vocatur vnitatis formalis, per quam natura est vna formaliter multis communis, quod est esse vniuersalem.

Secundò requiritur, quòd sit apta esse in multis; hæc autem aptitudo secundum Scotum, & alios, qui sequuntur eius sententiam, realis est in natura, & ante operationem intellectus; sed apud D. Tho. neutrum habet, sed per operationem intellectus ei conuenit. Duas igitur condiciones debet habere natura, vt dicatur apta esse in multis. Prima est, quasi remota. nempe; quòd ex suis principiis realibus multiplicari possit in multis indiuiduis: quod habent omnes naturæ materiales, & corruptibiles: si verò in vna tantum esse possit; ita, vt repugnet omnino habere multa; vt de naturis Angelorum tenent multis; non erit vniuersalis, vt videbimus in capite de specie. Alterum requiritur, tanquam proximum: nempe, quòd non sit determinata per singulares condiciones; sed quali indifferens; ita vt nō magis respiciat vnum singulare, quàm alterum: & cum à parte rei sit determinata per condiciones singulares, non habet aptitudinem, vt in multis sit: quia singulare cum sit incommunicabile, non potest communicari multis; necesse est ergo vt indifferens sit, quod per intellectum consideretur sine conditionibus singularibus: & ita considerata, non erit determinata ad aliquod singulare; sed equaliter poterit determinari ad omnia: & hoc est esse indifferentem, & aptam communicari multis. Itaque aptitudo naturæ præsupponit tria; duo quidem quasi remota. Primum, quod ex suis principiis realibus possit multiplicari: Secundum, quod sit vna vnitatis formali, per quam aliquid est in se vnum. Et præterea, tertium, quasi proximū, quod sit vna vnitatis formali, qua aliquid est commune multis. Et præter hæc tria, addit; quòd sit indifferens ad multa: & licet hanc indifferētiam habeat, eo ipso, quòd vna est vnitatis vniuersali;

tamen

tamen prius hæc vnitas intelligitur in ea, quàm indifferentia, vel aptitudo, sicut dicebamus quod prius intelligi in natura, quòd sit vniuersalis; quàm quòd sit prædicabilis.

Ex tota hac doctrina, colligitur efficax argumentum ad probandam nostram sententiam, quod non detur vniuersale à parte rei, sed solum per operationem intellectus, contra Scotum. Vniuersale est vnum in multis, & aptum prædicari de multis: sed natura ante operationem intellectus, nec est vna, neque habet aptitudinem prædicandi de multis: ergo non est vniuersalis. Probatur minor. Natura à parte rei, est diuisa per differentias individuales: ita vt alia sit in Petro, & alia in Ioanne: ergo est plures, & non vna. Sed si non sit vna, non potest habere aptitudinem prædicandi: quia aptitudo præsupponit unitatem, vt probatum est: ergo nec vna, nec in multis erit, quousque per intellectum abstrahatur à conditionibus, per quas diuidatur & fiat vna.

Ad primum argumentum Scoti, cedenda est maior, & minor neganda: quia sicut scientiæ habetur per operationes intellectus, & ante illas non dantur; eadem ratione non dantur obiecta scientiarum, nisi per intellectum abstrahentem naturam, & efficientem illam aliquo modo vniuersalem: & vt sic abstracta, ingenerabilis est, & incorruptibilis; & non vt est in indiuiduis, quæ passim corrumpuntur. Quare falsum est, quod in minori dicitur, naturam habere tales condiciones à parte rei: neutram enim habet, nisi operatione intellectus præsupposita.

Ad secundum c. cesso antecedenti, neganda est consequentia, dicendumque naturam necesse ex se proxime communicabilem multis, sed solum remotè, nec ex se incommunicabilem; vt docuit D. Tho. vbi supra: sed primum habere per intellectum; secundum à parte rei, per differentias individuales, quibus coniuncta est; ex se autem solum ei conuenire prædicata essentialia, vt naturæ humanæ rationalitatem; sicque de cæteris.

QVÆSTIO V.

Per quam operationem intellectus fiat vniuersale.

17 **U**T quæstio intelligatur, explicandus est modus, quo intellectus procedit, dum intelligit, vt ex eo cognoscamus quonam modo efficiat vniuersale. Notandum est ergo, quod cum omnis nostra intellectio incipiat à sensibus, necesse est, vt id quod intelligendum est, prius percipiatur à visu, vel alio sensu: quod fit per quandam similitudinem sui, quam ad

D oculum

oculum mittit, & quæ vocatur species intentionalis eius rei, à qua repræsentatur: Per hanc ergo speciem vnitur obiectum potentie visuæ, & fit visio rei. Virtute huius visionis, producit alia species eiusdem rei visuæ in alio sensu interiori, qui dicitur sensus communis, ex eo, quod ad ipsum perueniunt species omnium, quæ sentiuntur per sensus externos: & ipse disceat inter omnia cognoscens esse diuersa. Deinde ab hoc sensu, emittitur alia species eiusdem obiecti in alium, qui vocari solet phantasia, & est veluti memoria quædam: non solū sentiens ea, quæ per alios sensus percipiuntur, sed conseruans species omnium sensibilium: quæ species in ea conseruatæ solent vocari phantasmata.

Notandum est secundo, quod obiecto iam cognito per sensus, vsq; ad phantasiam: incipit operatio intellectus: qui duplex est: vnus qui dicitur Agens, & alter Possibilis: inter quos hæc est differentia quod intellectus agens nō est virtus cognoscitiua, nec aliquid intelligit: possibilis verò est, qui cognoscit. Præterea, intellectus agens, adiutus phantasmate, hoc est, specie sensibili conseruata in phantasia, producit aliam speciem eiusdem rei, repræsentatæ per idem phantasma in intellectu cognoscente, non iam sensibilem, & corpoream, sed spiritualem: sicut intellectus agens, à quo producit: & possibilis, in quo recipitur, spirituales potentie sunt. Et agens dicitur ille: quia sua actione specie producit: iste verò possibilis, quasi passibilis aut passiuus: quia recipit eandem speciem, per quam ei vnitur idem obiectum, quod à sensibus cognitum est: & informatus hac specie, seu similitudine obiecti, quæ intelligibilis dicitur: sicut species per quas cognoscunt sensus, dicuntur sensibiles, ipsum intelligit. Per hanc autem speciem intelligibilem (vt multi asserunt) repræsentatur natura sine conditionibus singularitatis, & ideo eam vocat abstractionem. Quia natura sine conditionibus repræsentata, quasi abstracta ab eis dicitur.

Sed tertio est notandum, quod intellectus possibilis duplicem habet operationem: Vnam per quam cognoscit obiectum, vt repræsentatum in specie, sine conditionibus: & hæc propriissimè dicitur abstractio: quia est cognitio nature, non cognitio indiuidui: Alia est operatio intellectus, per quam eadem natura cognita, non cognitio singularibus, iterum cognoscitur eisdem simul cognitio, & ad ea comparatur: & ideo vocatur comparatio, & hæc tres operationes; vna intellectus agentis: à quibusdam vocata abstractio & dua alie intellectus possibilis, vna quæ vocatur abstractio; & alia comparatio.

Iuxta has igitur tres operationes; sunt tres opiniones diuersae. Prima, aliterit vniuersale fieri per abstractionem intellectus agentis; quam sequitur Caic. in opuscul. de ente, & essentia, cap. 4. questio. 6. ad finem. Sotus q. 3. vniuersalium. Zumi. l. 1. p. qu. est. 19. art. 1. conc. 1. Et probatur testimonio Aristotelis. 3. lib. de anima, tex. 18. vbi comparans officium intellectus agentis, cum lumine corporeo, docet; quod sicut lumen corporeum sua illustratione materiali, facit colores visibiles actu: qui in tenebris solū erant visibiles in potentia; ita intellectus agens per actionem, qua producit speciem intelligibilem in intellectu possibili: facit naturam actu intelligibilem. Ex quo ita colligunt: Obiectum intellectus possibilis, est vniuersale; sed per intellectum agentem, fit natura actu intelligibilis; dum representatur in specie intelligibili, sine conditionibus: ergo fit actu vniuersalis.

Deinde duplici argumento. Primum sumitur ex definitione vniuersalis, quod est vnū in multis; sed natura per abstractionem intellectus agentis, est vna in multis: ergo est vniuersalis. Probat minor; quia in specie intelligibili representatur, sine conditionibus; ergo vt sic representata est vna, cum solū per conditiones sit. à parte rei plures: & est etiam in multis, a quibus abstrahitur; ergo vniuersalis.

Secundò; naturam esse vnam vnitatem vniuersali, duo dicit; Vnum pro fundamento, nempe vnitatem formalem; qua est in se vna: & aliud quasi pro formali, nempe carentiam diuisionis quam habet à parte rei, per differentias individuales: sed representata in specie intelligibili, est vna formaliter: & caret diuisione; cum representetur sine conditionibus: ergo est vna vnitatem vniuersali: & habet aptitudinem prædicandi de multis; quia representata sine conditionibus, non est determinata ad aliquod indiuiduum, sed indifferens ad omnia; ergo est vniuersalis.

60 Secunda opinio tenet; per abstractionem intellectus agentis, nondum esse naturam vniuersalem, sed requiri abstractionem intellectus possibilis; per quam natura cognoscatur sine conditionibus, & per illam fieri vniuersalem. Hæc est sententia Duran. m. l. d. q. 5. ad 2. & in 7. d. 3. q. 7. num. 12. & Cardinalis Toleri q. 2. vniuersalium, Vnicum est argumentum huius sententiae: Natura est vniuersalis à parte rei; ergo vniuersalitas eius non est realis, sed ab intellectu tribui debet: sed intellectus nihil potest tribuere naturæ, nisi eam cognoscat: ergo cū intellectus agens non cognoscat, non potest ei tribuere vniuersalitatem, sed cū primum cognoscitur ab intellectu, denominatur vniuersalis.

Tertia sententia, neque vnā, neque aliam abstractionem sufficere docet vt natura fiat vniuersalis; sed necessarium esse, vt comparetur ad indiuidua: quod cū fiat per secundam operationem intellectus possibilis; quæ dicitur comparatio: per hanc fieri vniuersale: hanc sequuntur Soncin. 5. Meta. quæst. 1. 7. concl. 2. & 10. Meta. quæst. 1. 5. Niphus, Meta. quæst. 1. 7. concl. 1. De a Hispalensis in .d. 1. quæ. art. 4. ad 1. Canar. 1. par. quæ. 28. art. 1. fol. 4. Probatur primò: Quia intellectus non potest tribuere naturæ denominationem vniuersalis, nisi eam cognoscat vt vniuersalem: Vniuersale dicit respectum ad multa, vt colligitur ex eius definitione, qua dicitur esse vnum in multis: ergo non cognoscitur natura vt vniuersalis, nisi cognoscatur per respectum ad multa, sed non potest cognosci per respectum ad multa, nisi eis cognitis: quia respectu non est cognoscibilis nisi cognito termino. At per abstractionem intellectus agentis nullo modo cognoscitur, & per abstractionem possibilis cognoscitur non cognitis indiuiduis: ergo non cognoscitur vt vniuersalis, nec ei tribui potest talis denominatio. sed per solā comparationem, per quam cognoscitur in ordine ad multa.

Secundò vniuersalitas est relatio vnius ad multa; non realis; cū non conueniat naturæ à parte rei; ergo rationis: sed relatio rationis non potest fieri, nisi per notitiam comparatiuum; ergo solum per hanc fit vniuersale. Probatur minor; quia relatio est comparatio inter duo extrema: ergo non potest fieri, nisi ab intellectu vtrumque cognoscente, & comparante; solum ergo fit vniuersalis per comparationem.

Præter has tres opiniones diuersas, inuenio quartam; per quam moderni quidam videntur ad concordiam reducere secundam & tertiam; hac distinctione. Vniuersale duobus modis sumi potest. Primò, per modum absoluti, nō dicentis respectum ad alterum; sed potentis fundare talem respectum, vt album, aut quantum: quæ absoluta sunt, & possunt fundare relationē similitudinis, aut æqualitatis. Alio modo, tanquam relatiuum: vtroque enim modo putant intelligi posse vniuersalitatē, nempe, vt formam relatiuam, & etiam vt absolutam; quam tamen consequitur quidam respectus, per quem explicatur nam vnitas, quā aliquid est commune, & aptitudo prædicandi de multis; formæ absolutæ sunt; sicut vnitas numerica & aptitudo ad ridendum; quas tamen explicamus per respectum ad actum ridendi, & ad obiectum. Idque declarat exemplo vniuersalis Platonici, separati a singularibus: quod vrē esset substantia, cū per se existeret; & ideo vniuersalitas eius forma absoluta, quia substantia res absoluta est, non dicens respectum
essē

essentialem ad alterum; & tamen explicaretur à nobis per respectum ad multa, à quibus participaretur: ergo etiam sumi potest vniuersale factum ab intellectu per modum absoluti: Alio modo sumitur tanquam relatiuum, essentialiter respiciens indiuidua. Vniuersale igitur primo modo acceptum, dicunt fieri per primam cognitionem intellectus possibilis; quia habet vnitatem cum aptitudine respiciendi multa, à quibus abstractum est. Si verò accipiat secundum modo, non fit nisi per comparationem: quia relatiuum non potest cognosci, nisi per comparationem ad suum terminum: & ideo nec vniuersale, vt relatiuum, nisi per comparationem ad multa. Et secundam opinionem, intelligendam esse affirmant de vniuersali, vt absoluto: & ita intellectam esse veram. Tertiam verò, de vniuersali, vt relatiuo.

63 Vt nostram sententiam proponamus, quædam notanda sūt. Primum vniuersale nomen concretum esse, habens materiale significatum, quod est natura; & formale, quod est vniuersalitas, à qua denominatur. Concretum verò duplex est; absolutum, & relatiuum, sicut forma denominans; est etiam absoluta, aut relatiua. Concretum absolutum est album: relatiuum verò, simile, aut pater. Hæc est autem differentia inter vnum, & alterum; quod concretum absolutum, pro materiali significato, solum habet nudum subiectum; vt album nudum corpus. Concretum verò relatiuum non nudum subiectum, sed aliquid aliud ratione cuius efficitur fundamentum proximum relationis: vt simile præter album, habere debet aliquam vnitatem, aut commenurationem cum alio, ratione cuius sit capax relationis; vnitatem quidem in albedine, & commenurationem in eodem gradu eius. Nam vt aliqua dicantur proprie similia, cōuenire debent in albedine, atque etiam in gradu eius, ita vt in vtroque sit, vt tria, vel vt quatuor.

Secundò, notandum est, tria esse fundamenta relationis; Remotissimum, Remotum, & Proximum: vt in similitudine; Fundamentum remotissimum est corpus: remotum est album: proximum verò album habet vnitatem, & cōmenurationem cum alio. Vocatur autem fundamentum remotissimum, & remotum; quia ea non sequitur relatio; nā corpus nisi habeat albedinem, aut aliam qualitatem, non dicitur simile: neque etiam, si habeat albedinem, quousque habeat vnitatem, & cōmenurationem cum alio. Tunc autem dicitur fundamentum proximum; quia eo posito, statim ac necessario sequitur relatio. Ita ergo intelligendum est de vniuersali; si sit relatiuum. Erit enim fundamentum remotum relationis vniuersalitatis, natura à

parte rei per unitatem formalem; qua est vna formaliter in se. Fundamentum verò remotum, dum repræsentatur in specie intelligibili sine conditionibus, aut dum cognoscitur per primam cognitionem intellectus sine illis; si non sequatur statim relatio vniuersalitatis, à qua denominetur. Et tandem erit fundamentum proximum dum comparatur ad inferiora: quia statim sequitur relatio vniuersalitatis ad illa.

His suppositis, nostra sententia his concl. continetur. 64
Prima: Vniuersale non esse nomen absolutum, sed relatiuum; hæc est aduersus ult. sententiam: probatur duplici argumento. **Primò:** Nomen cōcretum est absolutum, si forma per ipsum significata fuerit absoluta; & relatiuum, si fuerit relatiua: sed forma vniuersalitatis non est absoluta, sed relatiua; ergo nomen vniuersale non erit absolutum, sed relatiuum. Probatur minor ex definitione vniuersalis: Vnum in multis, & aptum prædicari de multis. In qua, per relationem ad multa explicatur vniuersale: nec solum explicatur, sed vniuersalitas relatio est: non forma absoluta, vt vltima opinio asserit: quod sic probo: Vniuersalitas non est forma conueniens naturæ ex se, aut essentialiter, neque à parte rei, sed per intellectum; vt concedit eadem opinio: ergo non est forma substantialis, sed accidentalis; non est accidens reale, sed rationis: sed omne accidens rationis, quod intellectus attribuit rebus, est relatio rationis: non enim attribuit eis accidens rationis absolutum, per modum qualitatis, aut quantitatis, aut alterius prædicamenti habens fundamentum in eisdem rebus à se intellectis, vt probabitur: ergo vniuersalitas est relatio rationis, & non forma absoluta. **Secundò:** Non dicitur natura vniuersalis, ex eo solum, quod in se est vna. aut communis; sed quia est vna multorum, multisque communis; aut vna, in qua multa conueniunt: vt Porphyrius docuit, c. de specie, dicens: *Participatione speciei plures homines sunt vnus homo.* Ergo per vniuersalitatem, essentialiter ordinatur ad inferiora; quorum est vna natura: & ideo vniuersalitas, relatio est, & non forma absoluta & vniuersale nomen relatiuum non absolutum. Quod intelligens Porphyr. docuit: *Nomina prædicabilia* (quæ sunt quedam vniuersalia *definienda esse per sua inferiora*; vt genus, quod sit prædicabile de pluribus differentibus specie; licque de reliquis).

Secunda conclusio: Per operationem intellectus agentis solum datur vniuersale pro fundamento remoto, seu in potentia remota: non pro fundamento proximo neque actu, & formaliter vniuersale. Hæc sequitur ex præcedenti; atque ex doctrina 65

Et rina annotata, & probatur hoc argumento: Vniuersale est relatiuum; ergo non dicitur natura actu, & formaliter vniuersalis: nisi ab vniuersalitate, quæ est relatio, denominetur: sed per operationem intellectus agentis, solum habet representari in specie intelligibili, nõ representatis singularibus: ergo nec illa respicit, nec denominari potest ab vniuersalitate, quæ est respectus ad illa: & hoc est non esse actu, & formaliter vniuersalem. Solum ergo potest esse vniuersalis in potentia, aut in fundamento; non proximo: quia proximum fundamentum statim sequitur relatio; & tamen naturam sic representatam, non sequitur relatio ad indiuidua; quousque intelligatur in ordine ad illa: sed in potentia, & fundamento remoto, quamuis minis remoto, ac dum est extra causas.

66 Tertia conclusio: Vniuersale actu, & formaliter, aut in potentia proxima, non fit per primam cognitionem intellectus possibilis, quæ vocatur abstractio. Hæc est aduersus ultimam sententiam. Et probatur primo: Nihil denominatur actu & formaliter tale, nisi à forma propria: sed propria forma vniuersalis est vniuersalitas: quæ est relatio rationis ad indiuidua: ergo non denominatur natura actu, & formaliter vniuersalis, nisi à relatione rationis ad indiuidua: naturam autem cognitam per primam operationem intellectus, non consequitur talis relatio rationis: ergo non est per illam actu, & formaliter vniuersalis. Probat minor: Per illam cognitionem non cognoscitur in ordine ad indiuidua: immò neque cognoscuntur indiuidua: ergo neque cognoscitur relatio rationis naturæ ad illa: sed relatio rationis non habet aliud esse quam actu cognosci: ergo si non cognoscitur per illam cognitionem, non est, nec denominat naturam actu, & formaliter vniuersalem.

Secundò, naturam per primam cognitionem non habere aliud, quam cognosci; vt representatam in specie intelligibi sine conditionibus: ergo solum consequitur per illam nouam denominationem realem extrinsecam; cognita sine conditionibus: quam certum est non esse denominationem vniuersalis: nam hæc, nec realis est. nec solum denominatio extrinseca, sed rationis, & habens modum, & similitudinem formæ in hærentis; sicut denominatio prædicati, aut subiecti: solum ergo erit natura per talem cognitionem vniuersalis in potentia; non proxima, sed remota: eodem modo ac per operationem intellectus agentis iam explicato.

67 Ultima conclusio: Natura fit vniuersalis, non solum in potentia proxima, sed actu, & formaliter, per cognitionem intel-

lectus, quæ dicitur comparatio. Hæc probatur primò, ex tribus præcedentibus; quia si non sit per operationem intellectus agentis, nec per primam cognitionem intellectus possibilis, non restat alia operatio per quam fieri possit, præter comparationem.

Sed probatur secundò quòd per eam fiat; quia vniuersalitas est relatio rationis naturæ ad indiuidua: & relatio est comparatio duorum extremorum: ergo relatio rationis naturæ ad indiuidua, est comparatio naturæ ad illa: quare fiet per comparationem vniuersalitas, & vniuersale formaliter.

Sed, vt conclusiones istæ melius intelligantur, & ex eis cognoscamus aliquo modo fieri vniuersalem, per tres illas operationes intellectus agentis, & possibilis, notanda est illa distinctio vniuersalis, satis manifesta in schola Dialecticorum: Vniuersale duplex est, Logicum, & Metaphysicum. Vniuersale Metaphysicum, est natura realis in communi sumpta, hoc est sine conditionibus indiuiduantibus, & non vt denominata à secunda intentione, aut relatione vniuersalitatis. Et vocatur vniuersale Metaphysicum: quia solum sumitur secundum essentiam realem, quasi abstractam à materialibus conditionibus, qui est proprius modus, secundum quem res considerantur in Metaphysica: & vocari etiam potest Vniuersale fundamentaliter, atque etiam Vniuersale in potentia, saltem remota, vt explicatum est. Aliud est Vniuersale Logicum, nempe natura denominata à secunda intentione, aut relatione vniuersalitatis; quæ etiam dicitur Vniuersale in potètia proxima, actu & formaliter: quia dum actu denominatur natura à relatione, proximè dicitur eandem relationem fundare: & vocatur vniuersale Logicum, quia secunda intentio, aut relatio vniuersalitatis, propriè pertinet ad considerationem Logicam. Hac distinctione supposita dicimus, vniuersale Metaphysicum fieri per operationem intellectus agentis, cum repræsentetur natura in specie intelligibili per eam producta, sine conditionibus: quod est esse vniuersale Metaphysicum. Per primam verò cognitionem intellectus possibilis, fit idem vniuersale Metaphysicum; vel potius iam factum per intellectum agentem cognoscitur: sed vniuersale Logicum, fit per solam comparationem.

Ad argumenta aliarum opinionum respondendum est; & ad testimonium Aristot. pro prima opinione duobus modis. Primò, sensum eius esse: quòd lumen facit colores actu visibiles: non quia ipsi actu visibiles non essent in tenebris; sed quia videri non poterant per medium obscurum: illud verò illuminans,

minans facit, vt actu videantur. Vel secundò, respondeo: concedendo quòd lumen faciat colores actu visibiles; cum in tenebris non essent, nisi visibiles in potentia: & ita intellectus agens quasi lumen quoddam spirituale facit naturam actu intelligibilem: ex quo non sequitur eam facere actu vniuersalem: quia vt sit actu intelligibilis, sufficit esse vniuersalem in potentia quòd habet dum per speciem intelligibilem representatur sine conditionibus, &c.

Ad primum argumentum eiusdem sententiæ, concessa maioris distinguenda est minor: nam duobus modis natura est vna. Primò, vnitatem negatiuam; & hanc habet representata in specie intelligibili: quia sine conditionibus indiuiduantibus representatur: sed per hanc vnitatem solum est vniuersale Metaphysicum, aut in potentia. Alio modo est vna, positiuè; quòd non habet nisi dum comparatur ad indiuidua: & quia hæc requiritur, vt sit actu, & formaliter vniuersalis; non est vniuersalis hoc modo, nisi per comparisonem.

Ad secundum responderetur, eadem distinctione; quia natura representata in specie intelligibili, habet vnitatem negatiuam vniuersalis Metaphysici, & in potentia, non vniuersalis Logici, nisi per comparisonem.

Ad argumentum secundæ opinionis concedo, quòd natura non est vniuersalis à parte rei, sed sit vniuersalis per cognitionem intellectus: nego tamen, quòd per primam cognitionem intellectus tribuatur ei forma vniuersalitatis; sed solum ei tribuitur per comparisonem.

Ad tertiam opinionem negandū est; quòd vniuersale possit distinguī in absolutū, & relatiuū: quia ex propria natura, & essentia relatiuum est, vt probauimus. Falsum igitur est; quòd detur vniuersale absolutum; & non minùs falsum, quòd hoc vniuersale absolutū, fiat per primam cognitionem intellectus.

QVÆSTIO VI.

Vtrum Vniuersale Logicum fiat per simplicem comparisonem naturæ cum indiuiduis, vel non nisi per compositam quæ vocatur Actualis predicatio.

70 **V**T titulus quæstionis explicetur, notandum est; quòd ab omnibus ferè ponitur in intellectu duplex comparatio: vna Simplex, alia Composita.

Simplex comparatio est, per quam intellectus vnum in altero, vel in ordine ad alterum cognoscit sine compositione; vt dum simplici cognitione cognoscimus patrem in ordine ad filium,

non affirmando, quòd habeat filium; vel albedinem in pariete, non affirmando, quòd in ea sit. Alia est comparatio; per quam cognoscit intellectus duo extrema, & vnum attribuit alteri, affirmando quòd in eo sit: & ideo comparatio hæc vocatur actualis prædicatio. Quærimus ergo, An supposito quòd vniuersale sit per comparisonem, vt in quæstione præcedenti probauimus; fiat per simplicem vel per compositam. Et sunt duæ opiniones. Prima, non admittit comparisonem simplicem, sed solum compositam, & per eam asserit fieri vniuersale: & cum comparatio hæc sit actualis prædicatio vnius de altero; per actualem prædicationem fieri docet, & ante illam non dari vniuersale actu, & formaliter, sed actualem prædicationem esse vniuersalitatem, à qua natura denominatur vniuersalis: & ita non admittit aptitudinem, nec potentiam prædicandi in natura sed idem esse, quòd vniuersalis sit & quòd sit actuale prædicatum. Hanc opinionem sequuntur quidam moderni, & eam probant hoc argumento.

Non potest intellectus comparare naturam ad indiuidua, nisi cognoscat in eis esse: sed non potest cognoscere, quòd in eis sit, nisi iudicando quòd eis conueniat. Iudicare autem quòd in eis sit, & eis cōueniat, est prædicare eam de indiuiduis: ergo non datur simplex comparatio naturæ ad indiuidua, sed solum composita, quæ est actualis prædicatio: quare si verum est vniuersale fieri per comparisonem, necessariò sequitur, quòd fiat per actualem prædicationem, ita vt ante illam non detur.

Hæc opinio in primis est contra Arist. & D. Tho. quod vniuersale, i. lib. de interpretatione, cap. 5. definit illud his verbis: *Dico autem vniuersale, quod de pluribus aptum est prædicari.* Ex quibus euidenter colligitur naturam esse vniuersalem, per aptitudinem prædicandi de indiuiduis, sed aptitudo prædicandi cum sit potentia, est prior, quàm actualis prædicatio. quæ est actus eiusdem potentia: ergo prius est natura vniuersalis, quàm actu prædicetur, ex mente Arist. Quare non fit vniuersalis per comparisonem compositam, quæ est actualis prædicatio, sed per aliam comparisonem priorem, quæ vocatur simplex.

Et D. Tho. in eodem loco declarans eandem definitionem Arist. ait: *Bene definisse vniuersale per aptitudinem prædicandi, & non per actualem prædicationem: quia aliqua sunt natura, vt Sol, & Luna, quæ non prædicantur actu de multis, cum non habeant nisi vnum indiuiduum, & tamen sunt verè vniuersales per aptitudinem, & potentiam prædicandi de multis.* Ponit ergo D. Tho. aptitudinem prædicandi in natura vniuersali; & per illam asserit esse

esse vniuersalem cum Aristot. Ergo opinio quæ aptitudinem tollit, & non nisi per actualem prædicationem affirmat fieri vniuersale, expressè est contra Arist. & D. Thom.

Deinde est contra rationem; quod sic probò: Si natura est vniuersalis, per actualem prædicationem; sequitur non esse vniuersalem; nisi simul prædicetur de multis; ita vt dicamus Petrum & Ioannem esse homines, non hominem; & equam esse animalia; & non, dum de singulis prædicatur: quare neque erit prædicatio vniuersalis; dum species prædicatur de indiuiduo, aut genus de specie: vt in his prædicationibus, Petrus est homo, & homo est animal: consequens autem falsum est, ergo etiam antecedens. Quòd sit vniuersalis natura per actualem prædicationem, probatur consequentia: quia vniuersalitas est actualis prædicatio: sed vniuersalitas est respectus naturæ ad multa, ergo non est natura vniuersalis, nisi dum actu prædicatur de multis, & non de vno tantum. Quòd verò consequens sit falsum, probò, quia hæc est prædicatio generis, Homo est animal: ergo est prædicatio superioris, quia genus superius est specie: sed prædicatum superius est vniuersale; ergo est prædicatio vniuersalis: & tamen de solo vno: ergo vniuersalis erit natura, dum de vno inferiori prædicatur; quia prædicabilis est de multis: quare non per actualem prædicationem, sed per prædicabilitatem, vt omnes asserunt.

23 Communis ergo sententia Arist. D. Tho. & omnium vera est, & tenenda, *Quòd natura prius sit vniuersalis, quàm actu prædicetur, per potentiam prædicandi de multis: & quòd fiat vniuersalis per comparisonem simplicem intellectus: per quam cognoscitur in ordine ad indiuidua, & non per compositam, quæ est actualis prædicatio.* Quam hoc argumento probò: Intellectus potest cognoscere vnum in altero, aut in ordine ad alterum, sine affirmatione, & negatione, & sine actuali prædicatione: ergo potest cognoscere naturam in ordine ad indiuidua, per simplicem comparisonem; siue eo, quòd eam actu prædicet de illis: sed cognita in ordine ad indiuidua, cognoscitur vt vniuersalis: ergo per comparisonem simplicem sit vniuersalis; non per compositam. Antecedens probatur duobus modis: primo in intellectu; deinde in sensibus. In intellectu quidem; quia per simplicem cognitionem cognoscimus patre, ordinatum ad filium; & duos parietes similes in albedine, simul in vtroque cognita: & in tali cognitione nihil componimus nec iudicamus: ergo absque compositione, & iudicio possumus comparare vnum cum altero. Deinde in sensibus, de quibus certissimè est, non iudicare, nec componere, aut diuidere: & non est minùs certum,

certainum, quòd cognoscant vnum in ordine ad alterum; vel comparando ad alterum: ergo idem poterit intellectus facere per simplicem comparisonem naturæ ad indiuidua. Probatur minor: Sensus communis, cognoscit sensibile vnius sensus externi; vt visus, non esse sensibile alterius sensus; nempe auditus: quod non potest vlllo modo fieri sine comparisonem vnius cum altero: & ouis cognoscit lupum vt inimicum, & ideo fugit ab illo; & agnum vt amicum, a quo non fugit: & inter duos agnos, cognoscit hunc esse filium, & alium: non ergo cognoscit vnum in ordine ad alterum: & per comparisonem cum eo; sine formali iudicio, & sine compositione, aut actuali prædicatione: ergo melius poterit intellectus cognoscere naturam in ordine ad indiuidua. & eam cum illis comparare sine compositione, aut actuali prædicatione.

Pro solutione argumenti alterius opinionis notandum est, duobus modis posse cognosci vnum in ordine ad alterum, vel comparari ad illud. Primò, cognoscendo vtrumque extremum per se, tanquam conueniens alteri; attribuendo illud alteri: & hoc non potest fieri nisi per formale, & expressum iudicium, & comparisonem compositam; quæ consistit in actuali prædicatione vnius de altero. Secundo, non cognoscendo vtrumque extremum per se, neque attribuendo illud alteri, sed vnum tantum cum ordine ad alterum, vt cōueniens, aut disconueniens: sed non per modum attributionis, aut aliquid affirmando de conuenientia, vel disconuenientia: & hoc fit per simplicem comparisonem ab intellectu, atque etiam a sensibus, vt probaui: sic autem comparatur natura ad indiuidua, & fit vniuersalis, & prædicabilis: antequam prædicetur actu de illis. Ad formam igitur argum. distinguenda est minor; quòd non possit intellectus cognoscere naturam esse in indiuiduis, nisi iudicando: nam duplex est iudicium. Vnum formale, & expressum, per quod intellectus iudicat vnum conuenire alteri per modum attributionis: Alterum, quasi virtuale, per quod notitia simplici cognoscit vnum in altero, vel in ordine ad alterum: tanquam ei conueniens aut disconueniens, sed non per modum attributionis. Negamus igitur, quòd intellectus non possit cognoscere naturam esse in multis, nisi per expressum, & formale iudicium: & concedimus, quòd non possit sine iudicio virtuali incluso in comparisonem simplici, quam ideo vocamus iudicium virtuale: quia cognoscere vnum per comparisonem ad alterum, fundamentum est formalis, & expressi iudicii, per quod ei attribuitur.

QVÆSTIO VII.

An vniuersale sit vniuocum respectu prædicabilium, & verum genus eorum.

75 **P**Ræsupponit titulus quæstionis; quid sit nomen vniuocum; quid etiam analogum: quod ex Summulis notum est. Quærit verò quonam modo se habeat vniuersale respectu prædicabilium, vt analogum, vel potius, vt vniuocum: ita vt sit genus eorum.

Prima opinio tenet, analogum esse. Quam diuersis modis defendunt diuersi auctores: sed in eo conueniunt, quòd per prius de vno, aut multis dicatur; per posterius verò de reliquis. Ita docet Albertus Magnus tract. 2. prædicabilium, ca. 9. affirmans primò conuenire generi, deinde speciei, & ratione huius differentiæ. Per posterius verò, & quasi per accidens proprio, & accidenti, tanquam prædicatis accidentalibus. Et eodem ferè modo explicat analogiam Canterus 4. cap. prædicamentorū. Potissimum argumentum huius opinionis est, quia ens reale est analogum ad substantiam, & accidentia: sed tria prædicabilia, vt genus, species, & differentia sunt substantia; duo verò alia, vt proprium & accidens, sunt accidentia; ergo vniuersale, quod de omnibus dicitur, cum omnia prædicabilia sint vniuersalia, non potest esse vniuocum.

Secundò probari potest hoc modo. Vniuersale, & prædicabile conuertuntur: & se habent tanquam essentia, & propria passio: sed prædicabile est analogum, respectu omnium: ergo erit etiam analogum vniuersale. Probat minor: Prædicatio analogicè dicitur de prædicatione per se, & per accidens, cum illa sit simpliciter talis, hæc verò solum secundum quid: ergo prædicabile erit etiam analogum, cum se habeant sicut actus, & potentia, respectu prædicabilis per se, & per accidens: sed tria prædicabilia, genus, species, & differentia prædicantur per se, cum prædicentur essentialiter: & duo alia prædicantur per accidens; cum prædicentur accidentaliter: ergo prædicabile analogum est respectu omnium.

Secunda opinio asserit; Vniuersale vniuocum esse respectu prædicabilium, & verum genus eorum, sicut animal respectu hominis, & equi: & est D. Tho. in quæstionibus vniuersalibus, quæst. 1. Scot. quæst. 8. Iauelli tract. 4. de prædicabilibus, cap. 1. & 6. Soti quæst. 4. vniuersalium, & cap. de genere, quæ vniuersalis: & Cardinalis Tolèti, quæst. 2. vniuersalium: & iam ferè communis, vera, & tenenda.

76 Sed vt eam efficaciter probemus, notandum est, Vniuersale
cum

cùm sit nomen concretum, & accidentale, duobus modis sumi posse; Materialiter, pro subiecto, seu natura denominata; & Formaliter, pro vniuersalitate eam denominante: sicut album sumitur pro corpore, & pro albedine. Sed adhuc subiectum denominatum consideratur duobus modis, secundum propriam essentiam, & naturam, aut in quantum denominatur ab vniuersalitate: quemadmodum corpus sumitur, secundum quod est substantia corporea: aut in quantum denominatur ab albedine: quo pacto visibile est, & ad prædicamentum qualitatis reducitur. Et naturæ, quæ denominantur vniuersales, si secundum propriam essentiam, aut entitatem sumantur, quædam sunt substantiæ, & quædam accidentia: imò quædam accidentia realia, & quædam accidentia rationis; & cùm nihil possit esse commune vniuocum substantiæ, & accidentibus, nec accidentibus realibus, & rationis: nihil etiam potest esse commune vniuocum diuersis naturis, quæ denominantur vniuersales, hoc modo sumptis. Sed si accipiantur secundo modo, vniuocam rationem habere poterunt: si forma eas denominans vniuoca sit. Exemplum asserere possumus in genere; quod est primum ex quinque vniuersalibus; & considerare diuersas naturas, quæ à secunda intentione generis denominantur, tamquam à forma; vt substantiam, quantitatem, & qualitatem. Primò quidē secundum proprias essentias: & hoc modo nihil commune vniuocum habere possunt. Deinde, in quantum denominantur genera; & cùm ratio generis vniuoca sit; per vnā definitionem explicata à Porphyrio: *quid sit prædicabilis de pluribus differentibus specie in quid*; vniuocè conueniunt sub ratione generis, substantia, quantitas, & qualitas: quia eodem modo denominantur à tali forma: ita vt non magis, nec prius substantia sit prædicabilis de pluribus differentibus specie; quàm quantitas, aut qualitas; sed omnino æqualiter.

Ex hac distinctione colligitur argumentum, ad probandam nostram sententiā, & communem: Vniuocum est, quod multa significat sub eadem ratione; sed vniuersale significat omnia vniuersalia, aut prædicabilia sub eadem ratione: ergo est vniuocum respectu eorum. Probatur minor: illa est vna, & eadem ratio, quæ per vnā definitionem explicatur; sed ratio vniuersalis explicatur ab Aristotele per vnā definitionem; nepe, quod sit vnū in multis, aptum prædicari de multis: ergo est vna, respectu omnium vniuersalium, sub quæ vniuocè conueniunt.

Ad primum arg. respondendum est, ex doctrina tradita; distinguendo maiorem hoc modo: Si substantia, & accidentia sumantur secundum propriam entitatem, & essentiam; nihil

commune

commune vniuocum habere possunt: si verò sumantur vt sunt vniuersalia; vniuocè conueniunt: quia eodè modo denominantur ab vniuersalitate: & ideo vniuersale respectu eorum vniuocum est.

Pro solutione secundi notandum est, quòd sicut animal significat solum naturam sensitiuam; non rationalem, aut irrationalem: quia *differentia*, vt docet Porph. *in præliabiliis*, sunt *extra significationem generis*; eodem modo vniuersale, solum dicit vnum in multis, & aptum prædicari de multis: quod verò prædicetur essentialiter aut accidentaliter, per se aut per accidens, extra significationem eius est, & diuersis vniuersalibus conuenit; non sub ratione vniuersalium, vel vt tali nomine significantur; sed secundum alias rationes particulares, non significatas per nomen vniuersale. vnde licet rationes illæ ita se habeant, vt vna sit prior altera, vel vna sit talis simpliciter, alia secundum quid; non ideo commune nomen quo significantur, desinit esse vniuocum.

Nunc ergo ad formam argumenti neganda est minor; quòd prædicabile, aut prædicatio sit analogum, respectu quinque prædicabilium; nam licet quædam illorum prædicentur essentialiter, aut per se; alia verò accidentaliter, & per accidens: istæ tamen rationes particulares non pertinent ad significationem prædicabilis; sed solum potentia prædicandi in communi; quæ cum sit eadem in omnibus, vniuocè significantur omnia prædicabilia per nomen prædicabile omnibus commune: nec tollitur vniuocatio per particulares rationes, eodem nomine non significatas.

QVÆSTIO VIII.

An vniuersale sit adequatum obiectum libri prædicabilium, vel potius prædicabile.

79 **I**ber prædicabile pars quædam est totius Logicæ: & ideo aliquod obiectum partiale debet ei correspondere; quod sit quasi pars totalis, & adequati obiecti eiusdem scientiæ: de quo inquirimus An sit vniuersale, vel prædicabile: cum sit certum nullum aliud, præter hæc, obiectum esse posse: ex quibus illud erit obiectum, cui generales condiciones obiecti, quæstione vltima propo- sitionali à nobis traditæ conueniant, potius quàm alteri.

Prima opinio defendit, prædicabile esse obiectum, potius, quàm vniuersale; quæ attribui solet Scoti, & defenditur à multis modernis. Habetque duo arg. Primū, illud est obiectum alicuius partis,

partis, vel scientiæ, quod continet omnia, de quibus illa agit: sed vniuersale non continet omnia, de quibus agitur in hoc libro: ergo non est eius obiectum: probatur minor. Porphyrius in cap. de specie agit de indiuiduo, atque etiam de specie subiectibilis: quæ non sunt vniuersalia: quia indiuiduum non est in multis: nec species subiectibilis, in quantum talis, respicit indiuidua.

Secundū illud est obiectum formale scientiæ, sub cuius ratione formali cōsiderat omnia sed omnia quæ tractantur in hoc libro, considerantur sub ratione prædicabilis, & non sub ratione vniuersalis: ergo vniuersale non est obiectum, sed prædicabile: Minorem probō ex definitionibus prædicabilium; quas tradit Porphyrius per prædicabile; vt definitionem generis, quod sit prædicabile de pluribus differentiis specie, in eo quod quid: & sic de ceteris, vnde & librū prædicabilium vocat opus hoc.

Secunda opinio asserit Vniuersale potius esse obiectum, quam tenet D. Tho. qu. 9. de obiecto huius libri. Sotus quæst. 4. vniuersalium. Toletus quæst. & videtur nobis probabilior, & tenenda. Pro eius declaratione notandum est, ex doctrina D. Tho. opus. 48. cap. quod intellectus tribuit naturæ vniuersalitatē, tanquam fundamentum ceterarum denominationum: quia primum quod in ea intelligit, est esse in multis: & ideo vocat eam vniuersalem: & quia ex ratione essendi in multis, sequitur posse prædicari de multis statim ei tribuit denominationem prædicabilis: deinde alias denominationes speciales, generis, & speciei. Vnde sequitur: quod sicut primum, quod est in aliqua re, tanquam fundamentum aliorum, est eius essentia: ita vniuersalitas, quæ est prima denominatio naturæ, sit quasi essentia eius in ordine Logico: prædicabilitas verò, passio omnibus vniuersalibus communis.

Ex hac doctrina D. Tho. vera & necessaria, hoc argumentū colligitur, ad probandam eius sententiam, & nostram. Vniuersale, & prædicabile, considerantur per se in hoc libro; & illud se habet tanquam essentia. hoc verò tanquam propria passio: ergo vniuersale potius est obiectum, quam prædicabile. Probatur consequentia: Quia officium scientiæ est, probare passiones de subiecto: sed in hoc libro probatur de vniuersali, quod sit prædicabile, tanquam posterius de priori: ergo tanquam propria passio de subiecto: quod non potest conuenire prædicabili: cum nullam habeat passionem, quæ de illo probari possit: ergo nec potest esse obiectum.

Ad primum argumentum alterius opinionis, neganda est 81
minor, quia species subiectibilis, & indiuiduum, suo modo
contine

continentur sub vniuersali: non quòd vniuersalia sint formaliter, sed quia termini sunt relationis vniuersalitas generis, & speciei: genus enim vniuersale est, quia est in multis speciebus, de quibus aptum est prædicari: & ex hac relatione generis ad species, resultat in eis relatio alia subiicibilitatis, per quam dicuntur illam terminare, vt in cap. de specie explicabitur. Et eadem ratione indiuiduum, est terminus relationis speciei, à quâ vniuersalis, & prædicabilis denominatur: quia in multis indiuiduis est, & de illis apta prædicari: & ideo indiuidua, & species subiicibiles, ad genus, & speciem, tractarum eorum, reducuntur.

Ad secundum respondeo, distinguendo minorem: quia Vniuersale considerari à Porphyrio in hoc libro, sub ratione prædicabilis, duobus modis intelligi potest. Primo, ita, vt prædicabilitas sit ratio obiectiua, quæ consideratur, & in hoc sensu negandum est, quia cum vniuersalitas sit essentialis ratio, & fundamentum prædicabilitatis, atque aliarum denominationum, quas intellectus tribuit naturæ, ratio obiectiua est, sub quâ considerantur omnia. Secundo modo potest intelligi, sub ratione prædicabilitatis considerari omnia, tanquâ sub passione cõiungi, quæ de quinque vniuersalibus in hoc opere demonstratur: & in hoc sensu concedenda est minor: sed ex eo non bene infertur, quòd prædicabile sit obiectum, sed solû, quòd sit passio, quæ de obiecto demonstratur. Demonstratur autem hoc modo: Quidquid est vnum in multis, est prædicabile de multis: sed genus est in multis speciebus: ergo prædicabile de illis est: & sic de cæteris prædicabilibus quæ per prædicabilitatem definiuntur à Porphyrio, tanquam per propriam passionem, magis nobis manifestam: & ideo definitionibus, non quidditatiuis: sed descriptiuis, vt in cap. de genere explicabitur. Et eodem modo intelligendum est, Librum quinque prædicabilium, vocari hoc opus, denominatione sumpta à communi passione, quæ de illis demonstratur magis nota, potius quàm ab vniuersali, quod eius obiectum est.

Q V Æ S T I O IX.

An prædicabilia sint quinque, vel plura, aut pauciora.

82

Sicut prædicamentorum artem inuenit Arist. vt modos essendi omnium rerum, ad certa quædam capita reduceret; & ita facile possemus agnoscere earum naturam, cognito prædicamento, in quo collocatur: ita Porphyrius inuenit artē prædicabilium; vt ad certa capita reduceret omnes prædica-

E tiones

tionones: & nos facile possemus cognoscere, qualis sit prædicatio quæcunque; Essentialis, aut Accidentalis: & essentialis, generica, aut specifica: & eodem modo accidentalis; accidentis proprii, aut communis; ex quarum cognitione naturas rerum cognoscere possumus. Vt autem hanc artem prædicabilium melius possumus intelligere; necesse est determinatum numerum eorum cognoscere: & ideo quæstio vltima vniuersalis de eorum numero inquit, An quinque sint. ita vt nec plura, nec pauciora: & licet non sint diuersa opinionones, circa numerum; sed omnes Porphyrium sequantur auctorem huius libri, ponentem tantum quinque:

Quædam tamen argumenta in contrarium proponemus; quæ videntur probare, ex vna parte pauciora esse; ex alia verò esse plura: vt ex eorum solutionibus; veritas manifesta fiat. Probaturn ergo pauciora esse quàm quinque; duobus argumentis. Primò, prædicabilia, & prædicata, solum distinguuntur, rāquam potentia, & actus: quia prædicabile est, quod potest prædicari de alio: & prædicatum, quod prædicatur actu: sed *Prædicata sunt quatuor*, & non plura; vt docet Aristoteles primo lib. Topicorum, c. 1. ; & 4. nempe Genus, Definitio, Proprium, & Accidens; ergo quatuor tantum erunt prædicabilia.

Secundò; Porphyrius distinguit duo prædicabilia, generis, 8, & differentia; quia genus prædicatur in quid, & differentia, in quale quid; sed definitio continet vtrumque: ergo pro duobus prædicabilibus sufficiet. Probaturn consequentia: quia de eisdem prædicatur definitio; de quibus prædicantur genus, & differentia: & præterea continet modum prædicandi vtriusque, in quid, & in quale quid, per modum vnius prædicabilis. Nam si definitio sit speciei subalterna, vt viuens, sensibile, prædicatur de pluribus differentibus specie, nempe de homine, & leone, sicut genus: si verò sit speciei infima, vt animal rationale, prædicabitur de pluribus differentibus numero, vt de Petro & Ioāne prædicatur differentia; ergo non sunt distinguenda duo prædicabilia generis, & differentia, sed sufficiet definitio pro vtroque: & ita erūt quatuor tantū, & non quinque.

Altera verò pars, quod prædicabilia sint plura, quam quinque, probari potest. Primò, quia Porphyrius in cap. de genere, distinguit prædicabilia per ea, de quibus prædicantur, vt genus ab specie: quia prædicatur de pluribus differentibus specie: hæc verò de pluribus differentibus numero: & sic de cæteris. Sed si ita distinguantur, sequitur septem saltem esse ponenda, ita vt duo sint prædicabilia differentia, & duo alia propria. Probaturn consequentia: quia differentia subalterna,

vt corporeum, prædicatur de pluribus differentibus specie, nempe de corpore viuente, & non viuente: si vero sit infima, vt rationale, solum de pluribus differentibus numero, nempe de Petro & Ioanne: ergo distincta efficiunt prædicabilia. Proprium etiam si sit subalternum, vt sensibile, quod sequitur naturam speciei subalternæ animalis, prædicatur de pluribus differentibus specie, nempe de equo, & leone: si autem sit infimum, vt risibile; prædicatur solum de differentibus numero, vt de Petro, & Ioanne: ergo erunt septem prædicabilia.

8 + Secundò indiuiduum vagum, vt quidam homo, prædicatur de pluribus differentibus numero, vt de Petro, & Ioanne: & tamen, non est species, quia non prædicatur in eo quod quid. Et etiam, actualis existentia idem habet: ergo aliud prædicabile distinctum ab specie, ponendum est pro illis. Probat minor: quia sicut quidam homo, non dicit essentiam, aut quidditatem indiuiduorum, sed communem rationem indiuidui, quæ vel accidentalis est, vel saltem extra essentiam eorum: ita existentia actualis, non pertinet ad essentiam alicuius creature, facillè eam amittentis per corruptionem, aut potentis eam amittere per annihilationem. Quare non prædicatur in quid, cum prædicari in quid, idem sit, quod prædicare quidditatem, aut essentiam rei.

8 5 Vera tamen est sententia Porphyrii, & communis in schola. Sed tota difficultas eius consistit in assignanda ratione, per quam sufficienter probetur, prædicabilia non esse plura, aut pauciora, quam quinque: & diuersè assignantur à diuersis. Nam quidam prædicabilia distinguunt per ea, de quibus prædicantur, alii per ea, quæ de re aliqua cognosci possunt, quæ videntur esse quinque. Sed rationes istæ insufficientes mihi videntur: sufficiens verò, per quam probatur efficaciter prædicabilia non esse plura, nec pauciora, quam quinque ex modo formali prædicandi, aut se habendi in ordine ad subiectum, sumenda est: quod sic probatur. Modus prædicandi, qui ex modo se habendi prædicati ad subiectum sumitur, est formalis ratio prædicationis: ergo erit etiam ratio formalis prædicabilium: sed essentialis distinctio rerum, sumitur ex diuersis rationibus formalibus earum: ergo prædicabilia distinguuntur per diuersos modos prædicandi.

Hoc igitur discursu probari debet, quòd non sint plura, nec pauciora quam quinque. Ea quæ constituunt prædicabilia, in primis debent esse vniuersalia, quia prædicabile tamquam propria pallio vniuersalis, cum eo conuertitur: sed vniuersale est vnum in multis: ergo nihil erit prædicabile,

si non sit vnum. Vt autem sit vnum, simplex debet esse, hoc est non complexum: quia complexum non est vnum, sed plura; vt homo albus, aut animal rationale. Præterea, si vnum est, vniuocum erit, non æquiuocum, neque analogum. Per primam igitur conditionem excluduntur prædicata complexa a ratione prædicabilis, vt definitio. Per secundam vero, æquiuoca, & analogæ; vt canis, ens, accidens, & similia. Deinde, quod vnum est, hoc est incomplexum, & vniuocum, quinque tantum modis se habere potest in ordine ad subiectum: ergo quinque tantum modis potest de illo prædicari: quare quinque tantum erunt prædicabilia. Probatur antecedens: nam vel prædicatur essentialiter, vel accidentaliter: & si essentialiter; aut per modum totius actualis; quia totam essentiam subiecti actu continet, vt prædicatur homo de Petro & Ioanne: & est prædicabile speciei; aut per modum totius potentialis, quod verè est pars materialis eiusdem speciei; & ideo contrahibile per differentias, tanquam per formas; & est genus: vel per modum partis formalis, actualis, & contrahentis; & est differentia. Si vero prædicetur accidentaliter; aut per modum eius, quod ab essentia procedit & cum ea conuertitur; & est proprium: & si per modum accidentis extrinseci, aut communis, dicitur prædicabile accidentis: & cum non sint possibiles alii modi prædicandi, præter istos; & ad eos reduci possint omnes prædicationes; sequitur quinque tantum esse prædicabilia; ita vt nec plura, nec pauciora. Pro solutione primi argumenti notanda est differentia inter prædicabile, prædicatum, & prædicamentum; quod prædicamentum est quædam ordinatio essentialis prædicabilium, secundum debitam subiectionem, & prædicationem; à supremo genere, vsque ad vltimam speciem, & indiuiduum; vt prædicamentum substantiæ, est ordinatio hæc; substantia, corpus, viuens, anima, homo, Petrus.

Prædicata vero sumpsit Arist. primo lib. Topicorum, cap. 2. 3. 86 & 4. per ordinem ad propositionem Dialecticam, seu probabilem; ex qua efficiatur syllogismus Dialecticus, aut probabilis. & quia forma syllogistica petit propositiones de subiecto communi: nam ex propositionibus singularibus non fiunt, nisi syllogismi expositorii, qui non habent modum, nec figuram, nisi per ordinem ad propositiones vniuersales. ideo sumit rationem prædicatorum, ex ordine ad subiectum commune.

Ex quibus sequitur, quatuor tantum esse prædicata: quod sic probatur. Species non est prædicatum, sed subiectum commune, in ordine ad quem sumitur distinctio prædicatorum: quod aded verum est, vt non sit aliud subiectum commune præter

præter illam. Quo supposito, vel prædicatum conuertitur cum specie, aut vniuersalius est, si conuertitur cū ea: vel est intra essentia eius, & erit definitio, vt animal rationale: vel ex ea naturaliter sequitur, & erit proprium, vt risibile respectu hominis: si verò vniuersalius est specie, vel ad quidditatem eius pertinet, & est genus: aut extra illam est, & erit commune accidens. differentiam verò, cum genere numerandam esse docet Arist. ca. illo 3. his verbis: *Differentia cum generalis sit, cum genere ordinanda est.* Et loquitur de differentia subalterna, quia hæc tantum generalis est, quia cum genere conuertitur vt corporeum cum corpore: si verò sit infirma, ad definitionem reducitur. In distinguendis verò prædicatis, nihil dicitur de modis prædicandi in quid, aut in quale quid, generis & differentia: quia in ordine ad propositionem Dialecticam, & syllogismum, nullam distinctionem efficiunt: cum idem sit modus disputandi probabiliter in his propositionibus, in quibus prædicatum est vniuersalius subiecto, & intra essentiam eius est, siue sit genus, vel differentia. Nec sunt diuersa prædicata complexa ab incomplexis, si eodem modo se habeant in ordine ad subiectum commune: quia eodem modo disputatur de propositionibus Dialecticis, ex utroque factis, & ideo definitio inter prædicata numeratur: quæ tamen à prædicabilibus excluditur propter complexiōem.

87 Prædicabilia tandem in ordine ad prædicamenta sumuntur: & ideo definitio excluditur: quia prædicamentum ex solis simplicibus fit, genus verò, species, & differentia, in eo collocantur. Numerus verò prædicamentorum, ex diuersis modis essendi accipitur: quorum primus est modus essendi per se. Modi verò essendi in alio, qui accidentibus conueniunt, nouem sunt: & ideo sequitur decem esse prædicamenta, quatuor prædicata, & quinque prædicabilia.

Et ad formam argumenti, negandum est antecedens, quòd prædicatum, & prædicabile solum distinguantur tanquam actus, & potentia: nam si prædicatum communissimè accipiat, non est actus prædicabilis, nec etiam si accipiat speciali modo, pro prædicato topico, sed solum se habet ad prædicabile, sicut actus, si accipiat tali modo, nempe vt petit natura eiusdem prædicabilis. Secundum verò argumentum huius partis, ex doctrina tradita solutum est.

Ad primum verò alterius partis respondeo, quòd Porphyrius non distinguit genus ab specie per ea, de quibus prædicantur, nisi adiuncto tali modo prædicandi, ex quo essentialis distinctio prædicabilium sumenda est.

Ad secundum argumentum, respondent quidam, indiuiduum vagum non prædicari vniuocè de Petro & Ioanne, sed æquiuocè: quia cum indiuidua talia sunt per differentias indiuiduales omnino diuersas, nihil commune habere possunt, præter nomen. Ego verò probabilius esse teneo, quod a differentis indiuidualibus, possit abstrahi conceptus communis modalis: quia omnes conueniunt in eo, quod sint modi particulares, & substantiales, determinantes speciem, unde ratio modi particularis, in communi considerata, quam significat indiuiduum vagum, vniuoca est respectu indiuiduorum. Ideo alio modo respondeo, concedendo, quod indiuiduum vagum non prædicetur propriè in quid, sicut species, sed prædicatur modo simili, cum significet modum substantialem: & ratione huius similitudinis reducitur ad prædicabile speciei: quia cum non sit prædicatum naturæ, sed modi eiusdem naturæ, non debet pro eo poni distinctum prædicabile, sed ad prædicabile naturæ reduci. Et eo modo, sentiendum est de actuali existentia.

Sed duo restant breuissima dubia, quæ aliquo modo pertinent ad numerum prædicabilium: & ideo in fine huius quæstionis soluenda sunt. Primum est, An supposito, quod quinque prædicabilia sunt species vniuersales, Vniuersale sit genus immediatum eorum, vel remotum: ita vt inter illud, & prædicabilia, detur aliud genus immediatum: sicut viuens dicitur remotum genus hominis, & equi, quia inter ipsum, & species has mediat animal. Cui respondeo, non esse immediatum genus, sed remotum: quod hoc argumento probatur: A quacumque conuenientia essentiali, abstrahi potest conceptus communis eis, quæ essentialiter conueniunt: sed prædicabilia conueniunt essentialiter in aliqua ratione inferiori vniuersali: ergo illius rationis dari poterit conceptus vniuersali inferior, qui prædicabitur de eisdem specie differentibus: & ideo erit genus eorum immediatum; vniuersale verò remotum. Probatur minor, quia tria prædicabilia conueniunt in modo prædicandi intrinseco, aut essentiali; nempe genus, species & differentia: & duo alia in modo prædicandi accidentali; nempe, proprium, & accidens: ergo prædicabile essentialiter erit commune illis; & prædicatum accidentale erit commune his; & magis proximum, quam vniuersale: & quodlibet prædicatur de pluribus speciebus: illud de tribus, hoc de duobus: ergo erunt genera magis proxima, quam vniuersale; & consequenter non erit vniuersale genus proximum eorum, sed remotum.

Secundum dubium est, An quinque prædicabilia sint species

cies subalternæ, habentes sub se alias species; sicut animal, aut viuens; vel infimæ non habentes sub se alias species, sed solum individua; vt homo, vel equus, & reliquæ species infimæ aliorum generum. Si enim dicatur esse species subalternas; sequitur prædicabilia plura esse quàm quinque; quia cum eis debebunt connumerari species, quas sub se habent: si verò sint infimæ; non erit maior numerus prædicabilium. Respondeo esse species infimas, quod ita probò: Prædicabilia distinguuntur specie, per diuersos modos prædicandi, sed isti modi non sunt diuisibiles in alios: ergo prædicabilia non habent alias species. Probatur minor; quia modus prædicandi generis est, quòd prædicetur, vt pars materialis speciei; & per modum totius potentialis, contrahibilis per differentias; sed impossibile est dari genus, quòd non prædicetur eodem modo: ergo modus iste non est diuisibilis in alios; & hoc est genus esse speciem infimam vniuersalis. Et idem argumentum fit de cæteris prædicabilibus: quare nullum eorum species subalterna esse potest.



TRACTATVS DE NATVRA

ENTIS RATIONIS, ET SECVN-

DARIYM INTENTIONYM.



SEPTIM hoc ordine disputanda sunt de Ente rationis. Primum, An sit. Secundum, Quid sit. Tertium, Quotuplex sit. Quartum, An à solo intellectu, vel ratione fiat; aut etiam ab aliis potentiis. Quintum, An à solo intellectu nostro vel etiam ab angelico, & diuino. Sextum, Ad quam scientiam pertineat de eo agere. Postremum, Quonam modo ad ordinem prædicamentalem reducat. —

An Ens rationis sit.

PAUCI quidam, & sine fundamento negant Ens rationis esse, vt Vallesius controuersia 9. ad Tyron. & alii: ideo non est opinio vocanda, nec tenenda, sed communi sententia totius scholæ; quod *Ens rationis sit*. Vt autem eam intelligamus, notandum est: duplex esse ens rationis. Primum; quod directe, & per se fit à ratione, vel intellectu, & in eo inheret.

tanquam in subiecto ; & hoc est operatio ipsius intellectus : & ideo est Ens reale ; sicut operatio visus : & solum dicitur Ens rationis, quia fit à ratione. Aliud est Ens rationis ; quod non fit directe ab intellectu, nec per se : sed quasi per accidens sequitur operationem eius, vt si intellectus componat hanc propositionem ; Homo est animal : compositione ipsam ; quæ est operatio realis intellectus, sequitur denominatio propositionis, & prædicati, atque subiecti ; quæ denominationes non sunt aliud, quam relationes quædam rationis, totius propositionis comparatæ ad prædicatum, & subiectum, tanquam ad partes, & eiusdem prædicati, & subiecti inter se nam eo ipso, quod vnum attribuitur alteri ; illud dicitur prædicatum, & hoc subiectum. Et primum Ens rationis, non proprie dicitur tale ; cum sit Ens reale : & ideo non agimus de eo ; sed solum de secundo : quod non est in aliquo tanquam in subiecto, sed solum habet esse, dum cognoscitur ab intellectu ; & ideo dicitur solum esse obiectiue in intellectu. De hoc ergo ente rationis, est nostra conclusio ; *quod sit in rerum natura* : quæ colligitur ex Arist. 4. Meta. text. 3. lib. 4. 13. & 4. & lib. 6. text. 8. quibus locis docet, *Ens vniuersalissimum, diuidi in illud, quod est in rebus, & aliud, quod non in rebus, sed solum in mente dicitur esse.* Quod est solum esse obiectiue in intellectu : & eandem conclusionem sequitur tota schola.

Probatur ratione ; quia intellectus componit propositionem ex duobus extremis, quæ non distinguuntur à parte rei ; vt ex homine & Petro : & ex solo Petro facit propositionem identicam, efficiens ipsum prædicatum, & subiectum : sed distinctio, & attributio vnius ad alterum, est ordinatio ad illud, & ordinatio est relatio inter illa ; non realis : quia à parte rei, nec distinguitur Petrus à seipso ; nec ad seipsum ordinatur : ergo est relatio rationis, aut Ens rationis ; sequitur ergo, quod Ens rationis detur, & sit.

Quid sit Ens rationis.

Circa essentiam Entis rationis, est prima opinio, assensuum ; Omnem denominationem extrinsecam esse Ens rationis ; vt denominatio, à qua paries dicitur dexter, quia est à manu dextra hominis ; aut lapis dicitur visus, quia videtur à nobis. Quod probat primò, Quia denominatio est opus rationis : ergo non datur ante operationem intellectus : sed denominationes extrinsecæ nihil in rebus denominatis ponunt, præter denominationem ipsam, quam intellectus efficit : ergo sunt entia rationis. Probatur minor, quia lapis nihil acquirit per hoc, quod sit ad meam dexteram, nisi denominationem

tionem dextris; & sic de reliquis.

Secundò; denominationes extrinsecæ sunt relatiuæ; & non fiūt à relationibus realibus: ergo à relationibus rationis; quod est esse Entia rationis. Maiorem sic probo: Quia per denominationes extrinsecas referuntur res denominatæ ad alias; vt paries dexter ad hominem, ad cuius dexteram est: Minorem verò: quia per tales denominationes nullam relationem realem acquirunt res denominatæ: vt paries ex eo quod videatur; non acquirit relationem realem ad hominem cum videntem.

Sed hæc sententia falsa est. Probatúr duobus argumentis. Primò. Ens rationis non habet aliud esse, quam cognosci ab intellectu; & ideo non datur ante operationem intellectus; sed denominationes extrinsecæ dantur ante operationem intellectus: ergo non sunt Entia rationis. Probatúr minor. Deus dicitur creator; & paries qui videtur ab aliquo animali, dicitur visus; non solum antequam cognoscantur ab intellectu; sed etiam si nullus sit intellectus in rerum natura: ergo denominationes extrinsecæ dantur ante operationem intellectus; & ideo non possunt esse Entia rationis.

Secundò: Istæ denominationes (quamuis non fiant ab aliqua forma inhærente in rebus denominatis; & ideo appellantur extrinsecæ) reales sunt: ergo non sunt Entia rationis. Consequentia euidens est; quia Ens rationis nihil habet reale, sed solum cognosci ab intellectu. Antecedens probatur; quia Deus realiter dicitur creator, & paries realiter visus. Ergo denominationes istæ sunt reales.

Ad argumentum huius opinionis, distinguendum est antecedens; quod denominatio sit opus rationis. Nam denominatio duplex est. Vna, quæ fit ab aliqua forma reali, siue inhæreat in re, denominata; quales sunt denominationes intrinsecæ; aut in alia ab ea diuersa, vt denominationes extrinsecæ: & istæ non sunt opus rationis, nec ab intellectu dependent; sicut nec dependet forma realis, à qua fiunt. quia si dependerent; sicut non denominatur paries visus, ante operationem intellectus, ita nec denominaretur homo albus ab albedine; quod patet esse falsum. Alia est denominatio; quæ non fit à forma reali; sed solum tribuitur ab intellectu rebus intellectis. Vt denominatio subiecti, aut prædicati: & de hac denominatione verum est, quod sit opus rationis; sicut forma à qua fit. Quæ est relatio rationis, dicitur fieri ab intellectu.

Secunda opinio asserit, Non omnes denominationes extrinsecas esse Entia rationis: sed eas tantum, quas res cognita accipit ab actu intellectus, per quem cognoscitur; & à quo deno-

minatur intellecta & cognita. Et vt vno verbo sensus huius opinionis declaretur, Ens rationis asserit esse, illud esse cognitum; quod acquirit res, quando cognoscitur ab intellectu: quod patet esse extrinsecam denominationem.

Sed hæc opinio eisdem rationibus probatur falsa, quibus falsitas alterius probata est; quia non est minùs realis denominatio cogniti (quamuis sit extrinseca) quàm denominatio visæ in pariete, aut denominatio creatoris in Deo: ergo non potest esse Ens rationis; quia Ens rationis nihil reale habet.

Communis sententia duabus cõclusionibus explicatur. Prima, Ens rationis nõ est aliquid inhærens in rebus denominatis, nec denominatio extrinseca ab aliqua forma reali existente in alio, sed sola denominatio, quã eis tribuit intellectus. Probatur hoc argumento: Esse genus, aut esse speciem, non conuenit homini, aut animali à parte rei, sed has denominationes tribuit eis intellectus per comparisonem ad inferiora: ergo, nec sunt aliquid inhærens, nec fiunt ab aliqua forma reali existente in alio. Probatur consequentia; quia id quod inhæret alicui, vel fit à forma inhærente in alio; conuenit illi à parte rei.

Secunda conclusio: Licet Ens rationis non sit aliquid inhærens, & ideo possit dici extrinseca denominatio; tamen habet similitudinem cum forma inhærente, & propter hanc similitudinem potest dici denominatio intrinseca. Prima pars huius conclusionis, sequitur euidenter ex conclusione præcedente iam probata: secunda verò pars; quod possit dici denominatio intrinseca, propter similitudinem, probatur: quia denominatio generis, speciei, prædicati, & subiecti; similes sunt denominationibus realibus, prouenientibus à formis inhærentibus; vt denominationibus albi, & nigri: ergo sicut istæ sunt verè denominationes intrinsecæ; ita illæ possunt dici intrinsecæ per similitudinem.

Quoniam, lex sit Ens rationis.

Prima diuisione diuiditur Ens rationis; in illud quod habet fundamentum in re: & aliud, quod non habet fundamentum; sed verè impossibile est. Ens rationis habens fundamentum, est denominatio illa, quæ attribuitur ab intellectu rebus tali modo ab eo cognitis, quam denominationem petit natura earum, vt tali modo cognita. Verbi gratia, dum cognoscit intellectus naturam humanam abstractam ab indiuiduis, & eam comparat cum eis, petit, vt ita cognita, denominatione speciei: & ideo talis denominatio est Ens rationis, habens fundamentum in re.

Sed

Sed fundamentum hoc duobus modis intelligitur à diuersis modernis. Primò, ita vt solum consistat in modo nostro intelligendi; qui ea quæ verè non sunt distincta, distinguit, & ea quæ verè non sunt separata ab inferioribus, separat, vel abstrahit, non tamen in rebus ipsis. Ab aliis verò non solum in nostro modo intelligendi, sed in rebus ipsis cognitis fundamentum habere Entia rationis, affirmatur.

Sed pro huius intelligentia notandum est; Primo: necessarium esse ad efficienda Entia rationis, & attribuenda rebus cognitis, quòd imperfectè cognoscantur: hoc est, per plures conceptus, cum tamen per vnum cognosci possent ab intellectu perfectè cognoscente. Exempli gratia: vt intellectus attribuat homini denominationem speciei, & prædicati, huius propositionis: Petrus est homo, debet illum cognoscere quasi abstractum aut separatum, atque distinctum ab eo, cum tamen à parte rei, non distinguatur, nec separatus sit. Verùm hoc sine mendacio facit, quia sine affirmatione aut negatione, sed per hoc tantum, quòd vnum cognoscit sine alio: & hoc prouenit ex imperfecto modo cognoscendi; quia non totum simul, sed quasi per partes cognoscit, vel per diuersos gradus. Vt dùm distinguit in anima rationali, gradum vegetandi, sentiendi atque intelligendi; cum tamen anima ipsa sit simplex quædam substantia.

Secundò notandum est; in rebus ipsis cognitis dari etiam fundamentum; vt cognoscantur distinctè, aut vt eis attribuat talis denominatio, quæ dicitur Ens rationis: vt in rebus compositis ex materia, & forma, reperitur vnitas formalis; quam tribuit ei forma; & etiam vnitas numerica, quæ ex hac materia, & forma sumitur, aut si ex sola forma diuersa ratione ac sumitur numerica: quia Formalis sumitur à forma, vt est principium, & radix prædicatorum essentialium: Numerica verò ab eadem, vt est principalis pars componens. Ex hoc ergo reperitur fundamentum in natura humana, vt intelligi possit in ea vnitas formalis, non intellecta vnitate numerica: quod est abstrahi ab indiuiduis: atque etiam, vt cum multis eorum comparatur, & denominetur species: aut cū vno tantum, per modum attributionis, & denominetur prædicatum.

His suppositis, nostra sententia explicatur duabus conclusionibus. Prima est: Ens rationis aliquando habet fundamentum, non solum in nostro modo intelligendi imperfecto, sed in rebus ipsis, quæ ex propria natura habet fundamentum, vt eis tribuatur talis denominatio. Probatur vnico argumèto, ex doctrina tradita. Nò solū in nostro modo cognoscendi imperfecto,

sed in rebus quas concipimus, datur aliquādo fundamentū, vt possit in eis cognosci vnum sine alio; ergo datur fundamentum, vt possint eis tribui denominationes, quæ sunt entia rationis. Probatur antecedens, Primò: In natura humana, in qua datur fundamentum, cognoscendi vnitatem formalem, non cognita vnitatem numericam: ergo datur fundamentum abstrahendi eam ab indiuiduis, & comparandi cum multis, comparatione simplici, & attribuendi ei denominationem speciei, aut cum vno tantum comparatione composita, per modum attributionis, & tribuendi illi denominationem prædicati. Secundò: In anima rationali, in qua datur fundamentum distinguendi gradum vegetatiuum, sensitiuum, & rationalem; & hoc fundamentum non est aliud, quam eminentia seu perfectio eius, ratione cuius sub gradu formæ superioris non dependentis à materia, continet alios gradus, qui in diuersis formis inferioribus reperiuntur.

Secunda conclusio. Entia rationis aliquando non habent 7 fundamentum in rebus quibus attribuuntur, sed in aliis, aut in solo modo nostro intelligendi imperfecto. In hac conclusione conueniunt omnes, & probatur duplici exemplo. Primò, in Deo, in quo distinguimus iustitiam à misericordia: non propter fundamentum in eis existens, sed in creaturis, in quibus virtutes istæ distinctæ sunt. Secundò, in propositionibus, quæ dicuntur Identicæ, quia idem prædicatur de se ipso, vt in hac, Petrus est Petrus: in qua intellectus distinguit Petrum à seipso, cum faciens quasi duos: & tribuit illi denominationem prædicati, & subiecti, cuius distinctionis nullum est fundamentum in eo, sed solum in modo cognoscendi imperfecto, qui distinguit quasi in duo extrema illud, quod in se nec distinctum est, nec habet fundamentum, vt à seipso distinguatur.

Ex his conclusionibus sequitur, distinctionem rationis duplicem esse, vt communis consensus scholæ asserit. Vna est, quæ habet fundamentum in rebus ipsis, & hæc dicitur distinctio Rationis ratione inatæ; quam ponimus inter vniuersale, & singulare, & inter diuersos gradus vegetandi, sentiendi, & intelligendi animæ rationalis. Alia est distinctio, non habens fundamentum in re ipsa cognita, sed in aliis; aut solum in nostro modo cognoscendi imperfecto; vt ea, quam ponimus inter Petrum, & seipsum, dum prædicatur in propositione identica. Et hæc de Entibus rationis habentibus fundamentum in rebus.

Alia sunt Entia rationis, quæ nullum habent fundamentum 8 in rebus: sed ex quibusdam impossibilibus ab intellectu coniunctis finguntur, vt Chimæra, & Sphinx. Ex impossibilibus coniun

coniunctis fieri dicimus: non quòd impossibilia in se sint; hoc enim est necessarium: sed quia licet possibilia sint, coniunctio tamen impossibilis iudicatur: & hoc modo dicitur Chimæra impossibilis: quia ex rebus diuersæ speciei; vt ex parte aliqua hominis, & ex alia parte leonis, alteriusve animalis quasi composita fingitur. Et huiusmodi Entia rationis, in infinitum possunt multiplicari ab intellectu; sicut infinitis modis potest res diuersæ speciei coniungere.

- 9) Secunda diuisio Entis rationis, quasi subdiuisio est primi membri. nã Ens rationis habens fundamētum in rebus, diuiditur in tria membra; nẽpe, in Negationem, Priuationẽ, & Relationem: quàm diuisionẽ insinuaui Arist. 4. li. Met. tex. 2. & li. 5. c. 7. tex. 14. *asserens priuationem, & negationẽ, esse non Entia*: vt significarẽt non esse vera Entia realia; sed ad similitudinem eorũ facta ab intellectu. Et in secundo loco, præter vera Entia; quædã alia esse docet, non tam vera secundum entitatem; quàm secundum veritatem prædicationis, tam affirmatiuæ, quàm negatiuæ: quæ non possunt esse, nisi Entia rationis; quæ vocantur priuationes, & negationes. De relatione verò rationis, egit cap. 15. eiusdem libri, explicans relationes tertii generis mensurabilis, & mensuræ; docensque mensuram referri ad mensurabile, non per relationem intrinsecam, sed extrinsecam mensurabilis ad ipsam; cum tamen certum sit, nihil posse ad aliud ordinari, nisi per relationem in se existentem; quam certum est etiam non habere mensuram in se; quæ potius est res absoluta. Intelligit ergo Arist. inferri, per relationem factam ab intellectu, eandem mensuram ordinante ad mensurabile, ac si ex propria natura ordinaretur. Eandem diuisionem videtur colligere ex his locis D. Tho. quæst. 21. de veritate art. 1. d. 1. quæst. 1. art. 3. & d. 19. quæst. 1. art. 1. & est iam communis in schola.

Sed circa Negationem, & Priuationem, duo sunt adnotanda; vt eorum natura, & distinctio intelligatur: Primum est, duobus modis posse vtamque considerari: Primo secundum se, aut secundum suas essentias, nempe, vt sunt negationes alicuius formæ realis; & in hac significatione dicuntur ab Aristotele *non Entia realia*: quia cum Ens reale habeat esse ab aliqua forma reali; negatio aut priuatio quæ formam realem negat; consequenter dicuntur negare Ens reale: & ideo non esse entia realia, sed potius *non entia*, vt Arist. 1. & 5. lib. Physicorum docuit. Quod de Ente simpliciter intelligendum est. nam negationes formæ realis, entia realia secundum quid vocantur, hoc est, non positua, sed negatiua. In hac etiam significatione docuit Aristoteles 1. lib. Physicorum de priua

priuatione, quòd ſit principium rei naturalis. Et de negationibus, docet D. Tho. in opusculo de Ente, & Effentia, quòd ſint de eſſentia natura realis. Vt de eſſentia hominis eſt eſſe non equum, aut non hinnibilem. In hac tandem ſignificatione ſumptæ, verum eſt, & neceſſarium, quòd dentur ante operationem intellectus, & ab eo non dependeant. Probatur euidenter, quia non poteſt priuatio eſſe principium generationis naturalis, ſi dependeat ab intellectu, ante cuius operationem certum eſt eandem generationem dari. Nec poteſt eſſe negatio de eſſentia natura realis, ſi non detur ante operationem intellectus, hoc modo ſumpta.

Alio modo ſumi poſſunt Priuatio, & Negatio; vt attribuuntur rebus in propoſitione: & hoc modo non accipiuntur ſecundum rationem negationis, & priuationis; ſed ad ſimilitudinem formæ poſitiuæ; quia quod alteri attribuitur, forma poſitiua eſſe debet, aut ſimilitudinem eius habere: & quia ſumi per modum formæ poſitiuæ non habent ex ſe, ſed ſolum ab intellectu, ideo hoc modo ſumptæ, ab eo dependent: ante operationem eius non dantur, neque vllò modo poſſunt eſſe Entia realia, ſed ſunt Entia rationis. Quod hoc exemplo explicare poſſumus: dum dicimus hominem eſſe cæcum, non ſumimus cæcitatem vt negationem, ſeu priuationem viſus: quia hoc modo ſumpta, non propriè dicitur eſſe in alio, ſed potiùs tollere formam ab eo: ergo nec vt priuatio eſt, alteri attribuitur in propoſitione, ſed in quantum concipitur ad ſimilitudinem formæ poſitiuæ: & cum hoc habeat à ſolo intellectu; ab eo etià neceſſariò dependere dicitur, & ante operationem eius non dari: quæ ſunt conditiones propriæ Entis rationis.

Secundo notandum eſt, pro intelligenda diſtinctione priuationis à negatione, quòd in vno cōueniunt, & in alio diſtinguuntur: Conueniunt in eo, quòd vtraque eſt negatio formæ realis in ſubiecto. differunt verò: quia Negatio ſolum negat formam in ſubiecto; ſiue ſit aptum eam habere, ſiue non: Priuatio verò dicit negationem formæ, non in quocunque ſubiecto; ſed apto habere illam: vnde non dicitur lapis cæcus, etiam ſi non habeat viſum, quia non habet aptitudinem habendi illum; ſed bene homo, vel animal: in quibus ſi non ſit, eſt tamen aptitudo habendi viſum.

Ex quibus intelligitur; quonam modo diſtinguantur Priuatio, & Negatio: diſtinguuntur enim diſtinctione formali, quæ vocari ſolet Includentis, & Incluſi: quia priuatio includit negationem, & addit ſupra illam ordinem ad determinatum ſubiectum, aptum habere formam; qua caret; cum tamen negatio
non

non dicat ordinem, nisi ad subiectum non habens; siue aptum sit habere, siue non.

Ex his, quæ de diuersitate Entium rationis dicta sunt; sequitur non esse absolute asserendum; quod ens rationis, sit Ens confictum ab intellectu, sed solum esse veram hanc locutionem; de Ente rationis non habente fundamentum in rebus, quibus attribuitur: vt Chimæra aut Sphinge; non verò de his, quæ habent fundamentum. Et huius ratio est manifesta: quia fingere solum dicitur ille, qui sine aliquo fundamento loquitur: locutio verò aliquo modo fundata in veritate, aut natura rerum; non proprie dicitur ficta: sed si proprie loquendum est, de his Entibus rationis, dicendum est, quod facta sint ab intellectu, præsupposito fundamento in rebus.

Per quam potentiam, & operationem fiat Ens rationis.

AD hoc dubium respondent aliqui, nō solum intellectum efficere Entia rationis, sed etiam sensus interiores, præsertim imaginationem, vel phantasiam; de qua scimus, quod fingat montem aureum, qui cum non detur in rerum natura, vocabitur Ens fictum ab imaginatione; quod est Ens rationis.

Nos verò sub distinctione respondendum esse asserimus: nā Entia rationis ficta, hoc est, non habentia fundamentum in re, non solum ab intellectu, sed etiam à phantasia, fieri possunt: ea verò, quæ habent fundamentum, solum ab intellectu. Et de primis patet, fieri à phantasia, quasi componente vnum aliquid non existens in rerum natura ex duobus vere existentibus; vt ex speciebus montis, & auri, componit montem aureum; quod non potest fieri ab aliquo alio sensu; nec a voluntate aut appetitu: quia non habent talem virtutem componendi. Entia verò rationis, quæ habent fundamentum in rebus, non possunt fieri ab alia potentia, nisi à solo intellectu. Et ratio huius est, quia hæc Entia rationis sunt denominationes quædam vel relationes, quas intellectus tribuit naturis, iam cognitis à se, per aliam cognitionem: vnde quasi per cognitionem reflexam fieri dicuntur: sed nulla alia potètia præter intellectum habet hanc virtutem reflexiuam, per quam possit sumere pro obiecto rem, vt à se cognitam alia cognitione: ergo nec habebit virtutem efficiendi Entia rationis. Maior est manifesta ex his, quæ diximus in quæst. 5. Vniuersalium, de modo, quo Vniuersale fit ab intellectu per simplicem comparisonem. Diximus enim Comparisonem esse cognitionem, per quam intellectus quasi reflectitur supra naturam iam cognitam, per simplicem abstractionem: & naturam ita cognitam comparat ad inferio

An Entia rationis fiant ab intellectu diuino, vel angelico.

Prima opinio affirmat, diuinum & angelicum intellectum efficere entia rationis : quam tenent moderni quidam. Et probatur 1. testimonio D. Tho. 1. part. quest. 15. art. 2. ad 3. vbi habentur hæc verba : *Huiusmodi respectus quibus multiplicantur ideae non causantur à rebus, sed ab intellectu diuino, comparante essentiam suam ad res.* &c. Ex quibus hoc argumentum colligitur: Distinctio idearum in Deo non est realis; cum ideae conueniant essentiae diuinæ, in qua non potest esse distinctio realis; ergo solum est distinctio rationis : sed distinctio rationis est relatio rationis : ergo Ens rationis fit ab intellectu diuino, secundam mentem D. Tho. Probatur consequentia; quia dicit distinctionem idearum, causari ab intellectu diuino.

Probatur etiam duplici ratione. Primo, Intellectus diuinus cognoscit perfectissime Entia rationis: sed Entia rationis non habent aliud esse, quam cognosci: ergo habent esse ab intellectu diuino: quod est fieri ab eo.

Secundo, Intellectus diuinus distinguit ea, quæ à parte rei non sunt distincta: sed hoc non potest fieri, nisi efficiendo Ens rationis: ergo diuinus intellectus efficit Entia rationis. Maior est manifesta: quia distinguit suam iustitiam, & misericordiam, atque etiam ideas in se existentes, quæ non distinguuntur à parte rei. Probatur minor, quia distinguere ea, quæ non sunt distincta, fit per relationem rationis, quæ est Ens rationis.

Secunda opinio asserit; diuinum intellectum non efficere Entia rationis, & hæc est probabilior, & tenenda. Quam explico duabus conclusionibus. Prima: Intellectus diuinus perfectissime cognoscit Entia rationis, quæ fiunt ab intellectu nostro. Hanc omnes concedunt: & probatur euidenti ratione. Entia rationis fiunt ab intellectu nostro: ergo cognoscuntur ab eo: sed quidquid ab intellectu cognoscitur, contrahitur sub obiecto eius: ergo entia rationis, continentur sub obiecto intellectus nostri: sed obiectum diuini intellectus non est minus vniuersale, quam nostrum: quin diminuta, & imperfectissima comprehendit: ergo non minus continet Entia rationis, nec minus ea cognoscit.

Secunda conclusio: Diuinus intellectus nullum Ens rationis facit: sed nec potest illud facere. Quam vt probemus, supponendum est, quod ad efficiendum Ens rationis, duæ sunt imperfectiones necessario requisitæ, in modo intelligendi. Prima quod res, quæ non sunt à parte rei distinctæ, sed vnum; di-

ſtinguantur ab intellectu, & per plures conceptus concipiantur.

Secunda, quòd obiectum repræſentetur intellectui, & ab eo intelligatur, non ſicut ſe habet in ſe, aut à parte rei; ſed alio modo. Vtraque conditio manifeſtatur hoc exemplo: Vt intellectus efficiat naturam vniuerſalem, genus, aut ſpeciem, neceſſe eſt; vt eam diſtinguat ab inferioribus à quibus non eſt diſtincta; & eam ab eis abſtrahat: cùm non ſit ſecundùm ſe abſtracta, ſed à parte rei ſit eis coniuncta: & hoc eſt alio modo eam intelligere, atque eſt à parte rei; hoc eſt pluribus conceptibus, atq; diſtinctis intelligere ea, quæ à parte rei ſunt vnũ. Sed vtrumque facit intellectus ſine mendacio: quia ſine affirmatione, & negatione. Et quod de his Entibus rationis dicimus, euidentius eſt in cæteris.

Ex his colligitur argumentum, ad probandum efficaciter noſtram ſententiam. Entia rationis nõ poſſunt fieri ab intellectu, niſi diſtinguendo ea, quæ à parte rei, aut ſecundùm ſe non ſunt diſtincta; & concipiẽdo per plures conceptus ea, quæ in ſe ſunt vnum, atque etiam alio modo ea intelligẽdo, atq; ſe habent à parte rei: ſed modus ſic intelligẽdi, eſt imperfectiſſimus, & qui non poteſt conuenire intellectui diuino. ergo nec poterit efficere Entia rationis. Probatur minor: nam diuinus intellectus vnica cognitione & vnico conceptu, & ſimpliſſimo intelligit omnia, & ſecundùm eundem modum, quem habent à parte rei: vt ſi ſint vnum, cognoscit ea per modum vnus: ſi verò ſint diſtincta, tãquam diſtincta: ergo non poteſt ei conuenire talis modus imperfectus intelligendi, per quem neceſſariò debet fieri Ens rationis: & ideo nec poterit illud efficere.

Ad arg. alterius opinionis reſpondeo, & ad primum teſtimonium D. Tho. Senſum eius ex alio loco colligi, nempe ex quæſt. 17. de potentia art. 6. vbi docet diſtinctionem rationis, quæ reperitur inter diuina attributa: vt inter iuſtitiam, & miſericordiam, aut inter idéas, diuerſo modo reperiri in intellectu diuino, & noſtro: quia in illo reperitur tanquam in radice, & quaſi virtualiter: in noſtro verò formaliter. Quod hoc modo explicandum eſt: Idea non eſt aliud quàm eſſentia diuina, pro vt participari poteſt à creaturis. Et cùm plures creaturæ ſint diſtinctæ ſecundùm eſſentiam, diſtinguimus in ea plures idéas, ita, vt ea ratione, qua poteſt participari ab homine, ſit idea hominis, & non leonis: & vt participari poteſt à leone; ſit idea leonis & non elephantis; & ſic de cæteris. Quamuis autem diuinus intellectus intelligat eſſentiam diuinam, vt imitabile ab omnibus creaturis, vnico ac ſimpliſſimo conceptu, & ideo

& ideo nō distinguit in ea plures ideas, per illū tamen vnicū cōceptum intelligit, quōd a nostro intellectu imperfecto modo eam concipiente, hoc est per plures ac distinctos conceptus, distinguitur in plures ideas, hominis, leonis, & aliarum rerum. Nam vnicō conceptu intelligimus nos essentiam diuinā, vt participari potest ab homine, & per alium conceptum distinctum, vt participari potest a leone: & hoc est distinguere in essentia diuina plures ideas distinctione rationis, & ideo efficere entia rationis, intelligendo diuinas ideas.

Ex quibus intelligitur differentia inter diuinum intellectum, & nostrum: quōd ille, non distinguit ideas in essentia diuina distinctione actuali, aut formali, sed fundamentalī, aut virtuali, in quantum cognoscit distingui posse a nostro: noster verō intellectus actualem distinctionem rationis inter ideas facit: & quia omnis nostra intellectio causatur, & regulatur per diuinā, docuit D. Tho. intellectum diuinum causare distinctionem idearū, non efficiendo eam actualiter, sed solum virtualiter, in quantum intelligit essentiam diuinā, vt intelligi potest a nostro intellectu per plures conceptus. & ideo distingui possunt a nobis plures ideæ: quam distinctionem a nobis factam, causat intellectus ipse diuinus per suam intellectiōem. & iste est sensus illius testimonii.

Ad primum argumentum concedēdum est antecedēs, quōd diuinus intellectus, perfectissima cognitione cognoscat Entia rationis, sed neganda est consequentia, quōd ea faciat. & ratio est, quia non cognoscit res cum duabus illis imperfectionibus necessariō requisitis ad efficienda Entia rationis. Et vt vno verbo solutionem declaremus, dicendum est; diuinum intellectum non cognoscere Entia rationis, cognitione factiua eorum, sed cognitione, per quam facta a nobis intelligit.

Ad secundū distinguenda est maior; quia distinguere ea que non sunt distincta, duobus modis potest intelligi. Primo, efficiendo actualē distinctionem inter ea. & in hoc sensu neganda est. Alio modo, solum efficiendo distinctionem quasi virtualiter, aut fundamentaliter; & hoc modo concedi potest. Nam eam intellectus diuinus intelligit ea que non sunt distincta: vt distingui possunt a nobis imperfecte cognoscentibus per plures conceptus; virtualiter dicitur efficere distinctionem, quam noster intellectus facit actualiter: in quantum intellectio nostra causatur, & regulatur per diuinā. Et quæ de diuino intellectu dicimus, de angelico etiam, suo modo intelligi debent: qui cum perfectē intelligat, non dicitur facere Entia rationis; sed ea cognoscere a nobis facta.

*Ad quam scientiam pertineat agere de
Ente rationis.*

DVabus distinctionibus. præsuppositis respondendum est huic dubio. Prima est, quam superius adduximus de Ente rationis habente fundamentum in rebus, & non habente tale fundamentum. Et de hoc secundo certum est, ad nullam scientiam per se pertinere. Quod duobus argumentis probatur: Primo, Quia ea de quibus scientia per se agit, determinata esse debent: sed Entia rationis, quæ non habent fundamentum, possunt in infinitum multiplicari ab intellectu; ergo nulla scientia potest per se agere de illis. Secundo, Illud de quo agit scientia, debet habere determinata principia, per quæ probetur de illo determinatæ passiones; sed hæc Entia rationis, non habent determinata principia; ergo nulla scientia potest agere per se de illis. Minorem probb, quia componuntur ex rebus disparatis, aut specie diuersis; ergo ex eis non potest sumi determinatum principium; nec tale compositum impossibile, potest habere determinatas passiones.

Alia distinctio est Entis rationis, habentis fundamentum in re. Quod si sit relatio rationis, duobus modis considerari potest. Primò, secundum se aut secundum propriam entitatem; & hoc modo pertinet ad Metaphysicam: non per se; quia obiectum per se huius scientiæ est Ens reale; sed quasi per accidens, in quantum habet quandam similitudinem cum relatione reali; de qua per se agit hæc scientia. Secundò potest considerari, ut est denominatio naturæ, cui attribuitur; ut denominatio generis, speciei, prædicati, & subiecti. Et secundum hanc considerationem dicitur Ens rationis logicum; de quo agit per se Logica, tamquam de proprio obiecto. Si verò sit priuatio, aut negatio; ad illam scientiâ reduci debet, quæ per se agit de forma, aut essentia, quam negat, vel qua priuat; ut priuatio formæ naturalis, pertinet ad Philosophiam; tamquam vnum ex tribus principiis naturalis generationis, ut docet Aristoteles i. lib. Physicorum; & negatio quæ est de Essentia huius, aut illius naturæ; reducitur ad scientiam, quæ per se agit de tali natura; ut non esse equum, ad scientiam de homine; & sic de cæteris.

Quonam modo Ens rationis reducatur ad ordinem prædicamentalem.

DE Ente rationis non habente fundamentum in rebus, certum est non posse reduci ad ordinem prædicamentalem; quia

quia componitur ex rebus diuersis secundum essentiam; & ideo nō habet vnā aliquā determinatā naturā secundum quam possit in prædicamento ordinari. De Ente autem rationis, habente fundamentum, quantum ad priuationem, & negationē; etiam est certum habere quandam similitudinem cum qualitatibus. Quod sic probō. Priuatio, & Negatio, sunt Entia rationis, vt cōsiderantur ab intellectu, tanquā formæ positiuæ, & attribuantur alicui subiecto in propositione: vt dum dicimus; Homine esse cæcum; sed ita consideratæ habēt similitudinem cum qualitatibus: ergo ad prædicamentū earum reducuntur. Probatur minor. Quia sic prædicatur cæcitas de homine, sicut albedo, aut color; ergo similitudinem habet cum his, & aliis qualitatibus.

Solū restat Relatio rationis, quæ possit ordinari in speciali prædicamento. Quod tamen non erit proprium; quia prædicamentū propriè ex solis entibus realibus fieri potest: sed maximā habebit similitudinem cum vero prædicamento ad aliquid, ex relationibus realibus ordinato. Prædicamentum igitur relationis rationis sic ordinandum est; vt supremū genus sit relatio rationis, (nā Ens rationis vniuersalissimum, ab hoc prædicamento excludi debet, propter transcendentiam; sicut Ens reale excluditur ab omnibus prædicamentis realibus) quod diuidi potest in tria genera, siue species subalternas, secundum diuersa fundamenta; quæ sunt diuersæ operationes intellectus. Vt apprehensio simplicium, compositio, & diuisio, atque discursus. Quemadmodum Arist. diuisit supremum genus prædicamenti ad aliquid, quod est relatiuū, vt relatio realis; per diuersa fundamenta. Ita vt primum genus sit relationum; quæ fundantur in vnitatem, vt relationis identitatis, similitudinis, & equalitatis. Secundū, relationum quæ fundantur in actione, & passione; vt paternitas, & filiatio. Tertium, earum quæ fundantur in mēsurā; vt sunt relationes scientiæ ad scibile, & potentiæ ad obiectum. Ita ergo diuidenda est relatio rationis; In eā quæ fundatur in cognitione simplicium, & eisdem simplicibus attribuitur: & hoc est primum genus, habens sub se diuersas species; vt relationis vniuersalis, generis, speciei, & aliorum prædicabiliū. Deinde in eam; quæ fundatur in cōpositione, & diuisione; ad quod genus pertinent variæ species propositionū: & tādē in eam quæ fundatur in tertia operatione, quæ est discursus, sub quo genere continentur diuersæ species argumentationū, & syllogismorum. Itaq; hæc tria genera habent sub se alia, vscque ad species infimas, ex quibus omnibus sic ordinatis resultat prædicamentum proprium Entis rationis.

TRACTATUS DE MODO,

QVO PRÆDICATIONES FIUNT
IN CONCRETIS ET ABSTRACTIS
Primarum & secundarum intentionum.



D finem tractatus præcedentis, diximus de Ente rationis agere Dialecticam; vt est relatio quedam, aut denominatio attributa naturis ab intellectu. In qua acceptione vocatur Ens rationis Logicum. Ideo in hoc tractatu secundo, agendum est de modo, & ordine, quæ habet ad prædicationes concretorum, & abstractorum, in quibus denominationes exercentur, quas naturæ accipiunt ab eo. Et quoniâ prædicationes possunt fieri in primis intentionibus, quæ sunt naturæ reales: atque etiâ in secundis; quæ sunt Entia rationis, in duas partes diuidemus præsentem tractatum: ita vt in prima tractetur de prædicationibus concretorum, & abstractorum primæ intentionis, & in secunda de eisdem abstractis, & concretis secundarum intentionum.

Et in primis intentionibus quatuor modis exerceri possunt. ¹³
Primo, ita vt concretum prædicetur de concreto; vt homo est animal. Secundo, abstractum de abstracto; vt humanitas est animalitas. Tertio, abstractum de concreto; vt homo est humanitas. Quarto, concretum de abstracto; vt humanitas est homo. Et vt ea quæ sunt certa supponamus; quantum ad veritatem, & falsitatem propositionum; de his tantum propositionibus loquendum est, in quibus prædicatum & subiectum aliquo modo sunt ordinata, ita vt se habeant tanquam superius, & inferius, aut tanquam æqualia, quorum vnum pertinet ad alterum, quia in eo includitur; vel propria passio eius est, vel commune accidens.

Quibus explicatis; certum est primò, Veram esse illam propositionem, in qua concretum prædicatur de concreto inferiori, aut superiori: vel etiam æquale, siue sit de Essentia eius, aut propria passio, vel commune accidens: tales sunt istæ, homo est animal, homo est rationalis, homo est risibilis, homo est albus: veræ etiam sunt aliæ, in quas conuertuntur istæ, sed indirecte, atque improprie.

Secundò certum est, propositiones in quibus abstractum prædicatur de concreto, aut concretum de abstracto, falsas esse, siue se habeant tanquam superius, & inferius, vel sint æqualia:
vt ho

¶ *ut homo est humanitas, homo est rationalitas, aut risibilitas, vel albedo. Et ratio huius est manifesta: Primò, propter diuersum modum significandi terminorum: quia abstractum significatur per modum partis, concretum verò per modum totius, pars autem non prædicatur de toto; ut pes, vel manus de homine. Secundò, quia subiectum in eisdem propositionibus aliquid includit, quod nullo modo includit prædicatum: ut album includit corpus, quod non includit albedo: vel è contra aliquid includit prædicatum, quod non includit subiectum, ut in propositionibus indirectis, ex eisdem terminis factis; quod sufficit, ut non sit verum, quod vnum sit aliud, ut significatur per propositionem.*

Ex quo sequitur: Primò; falsam esse sententiam Soti, q. 3. vniuersalem, asserentis, propositionem, in qua prædicatur abstractum de concreto, ut homo est humanitas, solum esse falsam, propter diuersum modum significandi terminorum: nam falsæ etiam sunt propter inclusionem alicuius in vno, & non in alio: quia ut suo loco videbimus, non potest esse vera propositio aliqua, nisi totum quod includitur in subiecto, aliquo modo includat prædicatum.

¶ Secundò sequitur magis falsam esse sententiam Durandi, in r. d. 24. q. vltima. Vbi regulam vniuersalem assignauit, dicens, in creaturis veras esse omnes propositiones in quibus prædicatur abstractum substantiale de concreto substantiali, ut homo est humanitas: quamuis sint falsæ in coneretis, & abstractis accidentalibus, ut homo est albedo, & aliæ similes.

Tertio certum est, propositiones in quibus abstractum generis prædicatur de abstracto differentie, vel è contra, abstractum differentie de abstracto generis, ut rationalitas est animalitas, vel animalitas est rationalitas, falsas esse. Et ratio huius est: quia gradus genericus, & differentialis, formaliter sunt diuersi: & in abstracto significari, non se includunt, quia neque animalitas includit rationalitatem, neque rationalitas animalitatem; ergo neque vna prædicatur formaliter de altera. Probatur consequentia; nam ut propositio vera sit, prædicatum debet includi in subiecto.

An abstractum superius prædicetur de abstracto inferiori.

- 14 Solum potest esse quæstio de propositionibus, in quibus abstractum superius prædicatur de abstracto inferiori, aut æquali: sed istæ duobus modis sumi possunt; nempe in terminis

nis Accidentalibus aut Essentialibus. Et si in accidentalibus fiant; certum est omnes esse falsas. Vt humanitas est risibilitas; aut humanitas est albedo. Et ratio huius est; quia prædicatum, & subiectum harum propositionum sepe distinguuntur realiter; & nunquam includitur vnum in altero: nam licet homo includat albedinem, tanquam subiectum eius; tamen humanitas cum significetur vt forma; non est subiectum accidentium, neque ea includit, vt significata in abstracto. Solum ergo potest esse quæstio de propositionibus abstractorum, quæ fiunt in terminis substantialibus; quales sunt istæ, humanitas est animalitas, humanitas est rationalitas; an veræ sint, vel falsæ.

Et primâ opinio asserit esse veras: quam sequuntur Sotus quæst. 3. Vniuersalium. Canterus cap. de differentia, & ex modernis multi. Et probatur duobus argumentis. Primò: Illa propositio in qua concretum superius prædicatur de inferiori, vt homo est animal; est vera: quia prædicatum includitur in subiecto, vt animal in homine: sed etiam abstractum superius includitur in abstracto inferiori; vt animalitas in humanitate: ergo vera erit hæc, humanitas est animalitas. Probatur minor; quia humanitas componitur ex animalitate, & rationalitate; sicut homo ex animali, & rationali: ergo includit vtramque.

Secundò probatur, in formis substantialibus & accidentalibus. Et primò in substantialibus; quales sunt anima rationalis, & sensitiua; ex quibus hæc est superior, & illa inferior: & vtræque significatur nomine abstracto: & tamen vera est hæc, anima rationalis est sensitiua: ergo vera etiam erit, humanitas est animalitas. Probatur consequentia; quia ideo forma superior prædicatur de inferiori; quia in ea includitur: sed animalitas est forma superior respectu humanitatis: ergo includitur in ea: & consequenter verè prædicabitur. In formis etiam accidentalibus, quales sunt albedo, & color; manifestum est, nam hæc est vera apud omnes, albedo est color: & prædicatur in ea abstractum superius de abstracto inferiori; sicut in alia, humanitas est animalitas: ergo vera etiam est hæc, & concedenda.

Secunda opinio tenet, tales propositiones esse falsas. Quam sequitur Scotus in 1. dist. 5. qu. 1. art. 1. Niphus 3. Meta. quæst. 2. concl. 5. ad 3. Canariensis 1. par. quæst. 28. ar. 2. dispu. 2. Ferra. 1. lib. contra gentes cap. 18. 2. 3. §. considerandum, & lib. 4. cap. 81. Caie. in opus. de ente, & essentia, cap. 3. & 4. Sed Scotus, falsas esse defendit; quia existimat prædicatum, & subiectum distinguui ex natura rei; seu formaliter, ante operationem intellectus: alii vero, qui solam distinctionem rationis ponunt inter illa

15 Illa propter modum significandi abstractorum à quibus significatur animalitas, ut principium, aut pars animalis, & humanitas, ut principium hominis; & principium vnius non prædicatur de principio alterius. Et hæc sententia colligitur euidenter ex D. Tho. duobus locis citatis, & videtur nobis probabilior, & sequenda.

Sed ut efficacius eam probemus, duo sunt annotanda. Primum est; Concretum & Abstractum eandem rem significare, diuersa tamen ratione: nam Concretum significat eam per modum habentis: Abstractum verò, per modum principij, aut formæ eiusdem habentis. Gratia exempli, homo & humanitas, significant eandem naturam humanam: sed homo significat eam per modum totius actualis, atque completi: & ideo per modum habentis: humanitas verò, non nisi per modum principij & formæ, eiusdem totius completi, aut habentis. Quod ex communi modo loquendi, & intelligendi manifestum est: dicimus namque, hominem idem esse, habentem humanitatem: & humanitatem esse quasi principium, & formam hominis.

Ex quo primò colligitur, concretum signare naturam, non omnino præcisam à conditionibus singularibus. sed ut eas continens: confuse saltem, & in potentia: nam licet abstrahatur à singularibus, abstractione, per quam fit aliquo modo vniuersalis: & ideo non significet, neque contineat eadem singularia actu, continet tamen in potentia: quia ex proprio modo significandi, determinari potest per conditiones singulares, ad hoc, & illud indiuiduum, ut ad Petrum, aut Ioannem. Abstractum verò significat eandem naturam, ut omnino præcisam à singularibus, nec ut determinabilem per conditiones singulares eorum: quia cum non significet eam per modum habentis, sed principij, aut formæ, principium verò, aut forma, non habeat modum determinabilis per aliud, sed potius determinantis aliud; illud nempe, cuius est principium, vel forma, non potest natura in abstracto significata per modum habentis intelligi: & ideo nec potest ita significata continere actu, nec potentia conditiones singulares, per quas contrahatur ad hoc, vel illud singulare. Et quod de natura specifica dicimus respectu singularium, eodem modo intelligendum est de natura generica, in concreto, aut in abstracto significata, ut de animali, aut animalitate. Ita, ut animal significet naturam sensitivam, ut contrahibilem, aut perfectibilem per differentias, rationale, & irrationale; quas continet in potentia: animalitas verò nullo modo, seu potius, ut forma, vel principium eiusdem animalis, atque specierum eius.

Secundò colligitur, abſtracta ſignificare naturam per modum partis, ſicut concreta per modum totius. Quod probatur duplici ratione euidenti. Primò ; quia abſtracta ſignificant naturam per modum principii, & formæ eiſdem, vt ſignificatur nomine concreto: vt animalitas, ſignificat naturam ſenſitiuam prout eſt principium, & quaſi forma animalis: ſed illud, quod eſt principium, & forma alterius, habet ſe vt pars illius: ergo abſtractum ſignificat naturam per modum partis. Secundò; animalitas non ſignificat naturam ſenſitiuam per modum totius; ergo per modum partis. Probatur antecedens: quia ſic ſignificaret eam per modum totius; aut totius actualis, aut potentialis: ſed neutro modo eam ſignificat: ergo non per modum totius. Minorem probò: quia totum potentiale, vel actuale, ſignificat rem per modum habentis; abſtractum verò, non niſi per modum formæ eiſ, quod habet: ergo non per modum totius, ſed partis. Et hinc prouenit, quòd nec animalitas prædicatur de animali, nec humanitas de homine: quia pars non poteſt prædicari de toto.

Tertiò ſequitur; abſtracta non eſſe genera, nec ſpecies, ſed principia generum, & ſpecierum: quod aſſeruit Auicena 5. Meta. cap. 7. vt teſtatur Cale. in opus. de Ente, & Eſſentia; ca. 4. & probauit D Tho. ibidem, hoc argumento. Genus ex propria natura habet modum totius potentialis, & ſpecies modum totius actualis, ſed abſtracta non ſignificant naturam per modum totius potentialis, nec actualis; ſed per modum partis: ergo non ſunt genera, nec ſpecies: & propterea non denominantur à ſecundis intentionibus generis, aut ſpeciei, vel aliorum prædicabilem. Tota hæc doctrina annotata habetur, apud D. Th. opus. de ente & eſſentia. cap. 4.

Ex qua duo argumenta colliguntur, ad probandam noſtram ſententiam. Quòd hæc prædicatio, humanitas eſt animalitas, & ſimiles, ſint falſæ. Primum eſt: Vt vera ſit aliqua prædicatio, neceſſariò requiritur, quòd quidquid continet ſubiectum, contineat prædicatum actu, vel potentia: ſed animalitas non continet actu, nec potentia, quidquid continet humanitas: ergo non poteſt verè prædicari de illa. Maior certiſſima eſt, quia nō poteſt eſſe verum, quòd hoc ſit illud, vt per propoſitionem affirmatur, niſi totum quod continet hoc, etiam contineat illud: & hæc eſt ratio propter quam pars non prædicatur de toto, nec genus poſſet prædicari de ſpecie, niſi differentiam quam ſpecies continet actu, contineret in potentia; vt bene D. Tho. ubi ſupra. Sed probatur minor: quia humanitas continet animalitatē, & rationalitatē, ex quibus componitur: ſed euident eſt anima

animalitatem non continere rationalitatem actu, nec potentia, cum non habeat modum totius actualis, nec potentialis, sed partis vel formæ: ergo non potest verè prædicari de humanitate.

Secundum: Pars actualis non prædicatur de toto, ut concedunt omnes: sed animalitas est pars actualis humanitatis: ergo non verè prædicatur de illa. Probatur minor: quia sicut homo componitur ex animali, & rationali, ita humanitas ex animalitate, & rationalitate. Et si dicas, hoc arg. etiam probari, quòd hæc propositio non sit vera, homo est animal: quia animal est pars actualis hominis: Respondéo, animal esse quidem partem: non tamen significari per modum partis, sed per modum totius potentialis: & ideo verè prædicatur de homine: animalitas verò non solum est pars, sed significatur per modum partis, quæ non potest prædicari de toto: & hæc est ratio propter quam hæc est vera, Homo est animal; & hæc falsa, Humanitas est animalitas.

Ad primum argumentum respondetur, Non satis esse quòd prædicatum includatur in subiecto, ut propositio sit vera: quia si id sufficeret, sequeretur veram esse propositionem, in qua pars prædicatur de toto: cum certum sit partem includi in toto. Requiritur ergo, non solum quòd includatur in eo, sed quòd totum quod continet subiectum, contineat prædicatum actu, vel potentia, ut explicatum est: & cum animalitas non contineat totum, quod continet humanitas, quia non continet rationalitatem actu, nec potentia, sequitur non verè prædicari de illa.

Secundum argumentum duas habet partes. Prima procedit de formis substantialibus. Secunda de accidentalibus. Ad primam ergo respondeo, negando antecedens: quòd prædicatio illa, anima rationalis est sensitiva, sit abstracti de abstracto: & de prædicato, nempe, sensitiva, evidens est; quòd non sit abstractum nomen, sed concretum: quòd etiam est verum de anima: nam licet sit forma, per modum tamen habentis gradum sentiendi significatur: non quidem sicut habet homo, qui ex ea componitur: sed sicut forma, quæ composito eum tribuit; significata tamen quasi per modum totius, & ideo per modum concreti. Quòd ex eo sit manifestum: quia nisi per modum concreti significaretur anima: non posset sensitiva, quæ concretum nomen est, de ea verè prædicari: & eo ipso, quòd verè prædicatur idem significans, quod habens gradum sentiendi; negari non potest, quòd per modum concreti etiam significetur anima: unde non bene inferitur, quòd vera etiam sit hæc: Humanitas est animalitas: in qua certum est abstractum prædi

prædicari de abstracto: & ideo diuersam habere rationem.

Pro solutione secundæ partis, annotanda est triplex differentia inter abstracta substantiarum, & accidentium. Prima: quòd illa abstrahuntur abstractione metaphysica à generibus, speciebus, aut differentiis. Vt animalitas ab animali, & humanitas ab homine. Abstracta verò accidentium, abstrahuntur abstractione physica à subiecto, in quo forma accidentalis significata realiter inhæret. Vnde eo ipso quòd significatur vt abstracta ab eo; non significatur vt inhærens, aut dependens ab eo: sed ad modum naturæ completæ per se subsistentis. Secunda: Quia abstracta substantiarum, semper habet modum formæ, aut principii eius, à quo abstrahuntur, abstracta verò accidentium, potius habent modum completum naturæ totalis, ac per se subsistentis: quod prouenit ex proprio modo abstractionis physicæ. Postrema differentia est, quòd abstracta substantiarum, quia metaphysicè abstrahuntur, sunt abstracta vltima: quia abstractio metaphysica vltima est. Vnde non potest ab eis alia abstractio fieri: nihil enim amplius ab humanitate, aut animalitate abstrahi potest. Abstracta verò accidentium, non sunt vltima: quia nec abstractio physica vltima est, sed adhuc potest ei succedere abstractio metaphysica: ita, vt ab albedine, quæ abstrahitur abstractione physica, possit aliud abstractum metaphysicū sumi: quod erit ratio albedinis, vel albedineitas (barbaro vocabulo, sed naturā rei explicatè significata) ex quo intelligitur, abstracta accidentiū solū vocari abstracta in ordine physico, in ordine verò metaphysico concreta potius esse.

Ex his differentiis ad formam argumenti respondere possumus, concedendo maiorem, quòd vera sit hæc: albedo est color, sed negando minorem, quòd in ea prædicetur abstractum superius de abstracto inferiori: sed potius est prædicatio concretorum in ordine metaphysico, sicut hæc, homo est animal. Vnde nec prædicatum significatur per modum partis, sed per modum totius completi, & per se subsistentis atque continentis, quidquid continet subiectum, quod se habet sicut genus ad speciem: vt in hac, homo est animal. Illa verò, humanitas est animalitas prædicatio abstractorum est in eodem ordine metaphysico: & ideo est falsa. Et eodem modo, erit falsa prædicatio abstractorum in accidentibus, si abstrahantur abstractione metaphysica: vt si ab albedine & colore, metaphysicè abstrahamus albedineitatem, & coloreitatem, vel rationem albedinis, & rationem coloris, falsa erit, albedineitas est coloreitas: quia abstracta metaphysica, per modum principii & formæ significantur: & ideo non possunt efficere veram prædicationem.

SECUNDA PARS HVIVS
TRACTATVS, DE PRÆDICATIONIBVS
SECUNDARVM INTENTIONVM.



Secundæ intentiones, sunt relationes quædam rationis, quas intellectus attribuit primis intentionibus, nempe naturis realibus, quæ ab eis denominantur: vt secunda intentio speciei, est relatio rationis naturæ specificæ, quam ei attribuit intellectus, dum eam comparat ad indiuidua: & prædicabilia omnia, sunt quædam relationes rationis diuersæ, quia diuersis naturis attribuuntur, & in ordine ad inferiora diuersa, vel de quibus diuerso modo prædicantur. Vt prædicabile generis, est secunda intentio, aut relatio rationis in ordine ad plures species, de quibus prædicatur in quid, tanquam totum potentialiter prædicabile differentiarum, est secunda intentio aut relatio rationis, in ordine ad plures species, aut indiuidua, de quibus prædicatur in quale quid. Prædicabile proprii, est secunda intentio, aut relatio rationis propriæ passionis ad species, aut indiuidua; vt sensibilis ad hominem, & equum; aut risibilis ad hominem, ac Petrum, & Ioannem. Et prædicabile accidentis, est secunda intentio, aut relatio rationis, accidentis ad plura subiecta specie aut numero distincta, vt relatio rationis albi, ad hominem & equum, vel ad Petrum, & Ioannem. Et tandem vniuersale, quod est commune omnibus prædicabilibus: est secunda intentio, aut relatio rationis ad omnia, & singula prædicabilia; quæ de omnibus prædicatur in quid, tanquam genus.

His suppositis, duobus modis comparari possunt secundæ intentiones. Primò, inter sese, in quantum vna prædicatur de alia: & si ita comparentur, siue in concreto, siue in abstracto, eodem modo se habent ac primæ intentiones: ita vt si vna aliquo modo pertineat ad aliam, concreta de concretis prædicetur essentialiter, vel accidentaliter, tanquam accidens proprium, vel commune. Ideo veræ sunt omnes istæ; Genus est vniuersale, species est vniuersalis: & etiam hæc, Vniuersale est genus, sed illæ sunt essentielles: ista verò accidentalis. Hæc verò; Vniuersale est prædicabile; est prædicatio proprii, aut quarti prædicabilis. Concreta verò de abstractis vel abstracta de concretis, semper efficiunt propositiones falsas: vt genus est genericitas, aut specietas est species; vel genus est vniuersalitas. Solum est
diffe

Differentia in prædicationibus abſtractorum; quia in ſecundis intentionibus, vera eſt prædictio abſtracti ſuperioris. de abſtracto inferiori, vt genericitas eſt vniuerſalitas: quam tamen in primis intentionibus diximus eſſe falſam, vt humanitas eſt animalitas. Et ratio huius differentie eſt; quia ſecundæ intentiones ſunt relationes rationis; & ideo accidentia rationis: quæ ſicut accidentia realia, in abſtracto ſignificata, non habent modum partium, ſed totius per ſe ſubſiſtentis, quia non abſtrahuntur abſtractione metaphyſica a generibus, aut ſpeciebus, ſed abſtractione phyſica a ſubiectis: eodem modo ſecundæ intentiones, habent ſimilitudinem cum formis accidentalibus, & ideo non ſignificantur per nomina abſtracta, tanquam formæ aut principia generū, aut ſpecierū, ſed per modum totius ac per ſe ſubſiſtentis. Et hæc eſt ratio, propter quam veram conſtituunt prædicationē; quāuis in primis intentionibus ſit falſa.

Secundō, cum primis. Si ſecundæ intentiones comparantur ad primas, ſemper comparantur accidentaliter; cum ſint relationes, & accidentia eis attributa: & eodem etiam modo, ſe habent in omnibus, vt diximus ſe habere primas inter ſe. Dum comparantur accidentaliter; in hoc ſolo differunt: quod accidentia realia quæ verè prædicantur de inferioribus, verè etiam prædicantur de ſuperioribus: & ſi verè prædicantur de ſuperioribus, verè etiam prædicantur de aliquo inferiori: vt ſi album prædicatur de Petro; nec eſſe verè prædicari de homine: & ſi prædicatur de homine; nec eſſe verè prædicari de aliquo homine ſingulari. Quod non reperitur in ſecundis intentionibus; ſed contrarium: quia nec ſecundæ intentiones, quæ prædicantur de inferioribus, poſſunt verè prædicari de ſuperioribus; nec etiam verè prædicantur de inferioribus: quæ prædicantur de ſuperioribus: vt his exemplis ſit manifeſtum. Species prædicatur de homine; & non de animali, nec de Petro; & genus prædicatur de animali, & non de homine: & ſecunda intentio indiuidui, verè prædicatur de Petro; dum dicimus, Petrus eſt indiuiduum, & tamen non prædicatur de homine: ſed falſa eſt hæc, homo eſt indiuiduum. Et ratio huius differentie eſt, quia accidentia realia conueniunt ſubiectis abſolutè, & vt ſunt a parte rei: ſed ſecundæ intentiones, quæ ſunt relationes & accidentia rationis, non conueniunt naturis abſolutè, nec a parte rei, ſed vt tali modo concipiuntur ab intellectu, nempe in communi, in ordine ad ſpecies, vel indiuidua: aut etiam in ſingulari; & ideo quæ conueniunt inferiori, nempe indiuiduo, non poſſunt conuenire ſpeciei, nec illa quæ conuenit ſpeciei, poteſt

potest conuenire generi: quia secunda intentio indiuidui conuenit Petro, vt concipitur tanquam indiuisibile in alia indiuidua: & hoc modo concipi repugnat speciei: & secunda intentio generis, conuenit naturæ; vt concipitur in ordine ad species, sed in ordine ad indiuidua concipitur.

CAP V T II.

De Genere.

Videtur autem neque genus, neque species simpliciter dici, &c.

Breuis expositio textus.

Intentum Porphyrij in præsentī capite est, explicare naturā generis, quod est primum prædicabile. Diuiditur autem in tres partes. In prima: ponit duas acceptiones reales generis, & inter se eas comparat, ex quarum similitudine, in secunda parte, colligit tertiam acceptionem eius Logicam. In tertia verò, tradit definitionem generis, & simul eam exponit.

Prima acceptio realis generis est, qua accipitur pro collectione aliqua hominum, habentium ordinem inter sese, & ad vnum primum, à quo omnes deriuantur: in qua significatione, Romanam gentem solemus vocare genus Romanorum, quia inter sese per tales leges ordinantur, & à Romulo, tanquam à primo principio, descendunt.

Secundò, accipitur genus pro principio ipso generationis, à quo deriuantur alij: siue sit pater aut patria; in qua significatione loquitur poeta, dum dicit: *Mantua me genuit*, &c. Genus suum, aut principium generationis; patriam vocans. Sed propriè loquendo, non tam pater, vel patria, quàm origo, per quam ab eis deriuantur homines, genus vocatur: quia non ita Romanos ducere genus ab eo. Ex his autem duabus acceptionibus, secundam esse magis propriam, quàm primam, docet Porphyrius. Primò, quia frequentius ea vtimur. Secundò, quia collectio hominum, ideo vocatur genus, quia homines illius ab vno primo ducunt originem: ergo origo: per quam ab eo deriuantur, magis propriè vocatur genus, quàm collectio ipsa.

In secunda parte, ex vtraque acceptione reali, colligit Porphyrius Logicam, quam per se intendit, dicens: *Logicum genus accipi pro eo, cui supponuntur species*; id est, sub quo collocantur, vt animal est genus, quia sub eo ponuntur, homo, & leo

& leo; quæ species habent ordinem, & similitudinem quãdam inter se, ratione eiusdem naturæ, quam participant ab ipso genere, à quo etiam dicuntur suo modo ducere originem.

In tertia parte cap. definit genus Logicum, secundum ultimam acceptionem sumptum, & definitio talis est: *Genus est, quod predicatur de pluribus differentibus specie, in eo quod quid.* Quam ita explicat: Ea quæ prædicantur, aut prædicantur de vno; vt indiuiduum; aut de pluribus; vt vniversalia. Per particulam ergo de pluribus, separatur genus ab indiuiduo, quod de vno solo prædicatur. Per particulam verò, de differentibus specie, separatur ab specie, quæ est secundum prædicabile, & solum prædicatur de differentibus numero. Per ultimam particulam, in eo quod quid, separatur à tribus alijs prædicabilibus, differentia, proprio, & accidenti: nam illa, in quale quid; proprium, & accidens, in quale genus non nisi in quid prædicatur: quia ad quæstionem factam per quid, non bene per illa, sed per genus respondemus; vt si inquiras, quid est homo, bene respondeo, quod sit animal: Hæc Porphyrius.

n

QVÆSTIO I.

Quodnam sit definitum definitionis generis.

QUOD definitio generis assignata à Porphyrio, nullum habet definitum, duobus argumentis probo. Primum, si aliquod haberet, maximè genus: sed genus non est definibile, ergo nullum habet. Probatur minor: Bona definitio debet consistare genere, & differentia, aut aliquo loco generis, & alio loco differentia: sed generis non datur genus: nam si daretur, illius generis daretur aliud genus, & sic procederemus in infinitum: sequitur ergo, genus non esse definibile, & ideo nullum habere definitum prædictam definitionem.

Secundò: Definitio debet dari per genus, & differentiam: ergo nihil potest definiri, nisi species, quia hæc sola componitur ex genere, & differentia: imò nec definiri potest aliquid, nisi in quantum est species, quia habere genus & differentiam, conuenit speciei, in quantum est species: ergo genus non potest definiri. Probatur consequentia, quia non est species, sed aliud prædicabile distinctum ab specie: & ideo nullum habebit definitum præsens definitio.

Tenendum tamen est, Bonam esse definitionem generis, & certum habere definitum, cuius naturam explicat. Et quod bona sit definitio probatur primò ex Aristot. 1. lib. Topic. cap. 4. vbi eam posuit Arist. Et à quo illam desumpsit Porphyrius

Porphyrius. Secundo, ratione; Quia bona definitio est, quæ ita naturam definiti explicat, ut illud distinguat, à quibuscunque aliis rebus, cum quibus conuenire posset: sed per hanc definitionem explicatur quid sit genus, nempe prædicabile de pluribus differentibus specie, in quid, & distinguitur ab indiuiduo, & reliquis prædicabilibus, ut vidimus in explicatione tex. Est igitur bona.

Secundum verò. quòd habeat certum, ac determinatum definitum, sic probo. Prædicari de pluribus differentibus specie in quid, est communis ratio, eodem modo, atque æqualiter conueniens omnibus generibus: ergo est vna, & per vnam definitionem potest explicari: quare hæc erit determinatum definitum, eiusdem definitionis.

Sed ut hæc veritas melius intelligatur, & argumenta soluantur, annotandum est: secundam intentionem generis, quæ est primum prædicabile, relationem quandam rationis esse, & vniuersalissimam rationem denominandi omnes naturas genericas, etiam si sint suprema genera prædicamentorum, ut substantia, quantitas, & qualitas, & simul esse speciem quandam vniuersalis: vnde cum species quælibet componatur ex genere & differentia: hæc etiam secunda intentio, componitur ex vniuersali, quod est commune genus prædicabile, & ex differentia, quæ est esse respectuum ad plures species, de quibus prædicari potest in quid. Itaque genus conuenit cum cæteris prædicabilibus, in ratione communi vniuersalis, quæ est esse vnum in multis: & distinguitur ab eis, quia est in multis speciebus, de quibus prædicari potest in quid: & idè licet sit vniuersalissima ratio denominandi, quia naturæ, quas denominat genera, sunt etiam magna ex parte vniuersalissimæ, cum sint suprema genera prædicamentorum: nihilominus secundum essentiam est particularis, & determinata species cuiusdam generis, quod est vniuersale. Ex quo intelligitur: quòd per determinatam definitionem possit definiri, & quòd definitio eius tradita à Porphyrio, determinatum habeat definitum.

Ad formam primi argumenti respondendum est, negando minorem primi syllogismi: & dum dicitur in minori secundi syllogismi, quòd generis non datur genus, distinguendo, quia secunda intentio generis, dupliciter sumi potest, in ratione denominandi, aut in ratione essendi. Et primo modo, non habet aliud genus, à quo denominetur: quia non est genus denominatiue, aut accidentaliter, sed essentialiter: sed in ratione essendi, determinata species est; & habet genus superius, quod est vniuersale; ex quo simul ac differentia componitur.

Et, si dicatur, etiam vniuersale denominari genus, ab hac secunda intentione generis, quæ est primum prædicabile, sicut reliqua genera: & ideo esse inferius respectu illius: Respondetur, verum esse antecedens, sed distinguendum consequens: nam in ratione denominandi, est superius vniuersali, sed in ratione essendi inferius: & quia denominatio est accidentaliter, respectu eius, quod denominatur: vt denominatio albi respectu corporis: & ratio essendi essentialis: ideo secunda intentio generis per hanc definitionem explicata, accidentaliter est superior vniuersali, sed essentialiter inferior, tanquam vera species eius.

Ad formam secundi argumenti respondeo: Nihil definiri propria definitione, nisi speciem: sed genus, quod est primum prædicabile, esse speciem alterius generis, nempe vniuersalis, quod accidentaliter denominat: & ideo propriè definiri posse. Ad illud verò, quod in argumento additur, Omne quod definitur, definiri in quantum est species, hac distinctione respondendum est. Definiri aliquid in quantum est species, duplicem sensum habere potest. Primum, quod ratio speciei explicetur per definitionem: & hoc est falsum: quia licet homo sit species, dum definitur, quod sit animal rationale, non tamen explicatur per talem definitionem, quod sit species. Secundus sensus est, definiri in quantum est species: ita vt esse speciem sit conditio necessaria, ad propriam definitionem, & hoc est verum: sed non explicatur per definitionem, nisi propria & essentialis ratio definiti, quæ tamen accidentaliter denominatur species, a secundo prædicabili.

QVÆSTIO II.

An definitum proprium eiusdem definitionis, sit natura realis, quæ denominatur genus, vel secunda intentio generis, a qua denominatur.

GENUS in communi consideratum, quatuor modis sumi potest. Primò, pro natura, quæ denominatur genus, secundum suam essentiam considerata; vt si animal accipiamus, pro natura sensitua. Secundò, accipitur pro aggregato ex natura denominata, & secunda intentione denominante, quemadmodum album sumi potest pro aggregato ex corpore, & albedine. Tertiò, accipitur pro natura generica, non secundum suam essentiam, sed in quantum denominatur genus a secunda intentione generis. Quartò, pro eadem secunda intentione, denominante eandem naturam genus. Ex his autem quatuor

tuor, certum est aggregatum non esse definitum: quia est ens per accidens, ex duobus entibus in actu compositum: nempe ex natura, & secunda intentione: *Ens autem per accidens non habet unam essentiam, sed duplicem: ideo non potest per unam definitionem explicari*, ut expresse docet Arist. 7. Meta. tex. 21.

Quæstio ergo procedit de tribus aliis. Et sunt circa eam tres opiniones. Prima asserit, definitum huius definitionis esse naturam genericam, secundum essentialia; ita ut animal sit genus; & prædicabile de pluribus differentibus specie in quid; ut est viuens sensibile: & sic de cæteris generibus. Hæc attribuitur Scoto: qui cum asserit naturam esse vniuersalem secundum se; & ante operationem intellectus, videtur consequenter asserere, quod sit genus, vel species essentialiter. Et probatur ratione: Quia illud est definitum, cui conuenit definitio: sed prædicari de pluribus differentibus specie, conuenit naturæ secundum essentiam, & non ut denominatur à secunda intentione: ergo illa est definitum. Minor probatur, quia animal secundum quod est viuens sensibile, prædicatur de homine, & leone; & non ut denominatur à secunda intentione: nam si hoc modo prædicaretur, dum dicimus, homo est animal, ergo sensus esset; homo est genus. Probatur consequentia: Quia animal, ut denominatur à secunda intentione, est genus.

Hæc sententia nec est Scoti, nec est vera, sed falsa. Probatur, primum: quia licet Scotus asserat dari unitatem formalem à parte rei, quæ est fundamentum generis, & speciei: genera tamen, & species, denominationes tributas naturis ab intellectu esse docet: quare non tenet naturam realem secundum essentiam esse definitum. Quod verò talis opinio sit falsa, hoc argumento probatur. Si natura generica secundum propriam essentiam est definitum: ergo secundum propriam essentiam est genus, vel saltem esse genus, erit propria passio eius: sed quæ sunt essentialia naturæ genericæ; aut propriæ passionis eius, conueniunt necessariò speciebus, ut quæcunque sunt essentialia animali, aut tanquam propriæ passionis ei conueniunt, sunt essentialia equo, & leoni, aut propriæ passionis eorum: ergo esse genus, aut prædicari de pluribus differentibus specie, conueniet speciebus: quod patet esse falsum.

Secunda opinio est Caietani in opus. de Ente, & Essentia, cap. 4. ubi tenet nec naturam genericam secundum Essentialia, nec ut denominatur à secunda intentione, esse definitum, sed secundam intentionem. Quam tamen dupliciter posse considerari ait: Primò, ut Quo: hoc est, ut ratio est denominandi naturam genericam: sicut albedo est ratio denominandi

corpus album : & hoc est considerare illam in abstracto. Secundo potest considerari, in quantum refertur ad species: nam cum sit relatio rationis, essentialiter respicit terminum: terminus autem relationis generis, sunt species: & ideo considerari potest in ordine ad illas, & hoc modo sumitur vt Quod, & in concreto: & est proprium definitum huius definitionis, non verò primo modo sumpta.

Probat Caiet. hoc argum. Definitio debet conuenire definito essentialiter, si sit quidditatiua: aut tanquam propria passio, si sit descriptiua: sed prædicari de pluribus differentibus specie, conuenit naturæ genericæ; vt animali, aut colori accidentaliter, etiam considerata in communi: & secundæ intentioni in concreto essentialiter; quia secunda intentio generis, essentialiter respicit species, cum sit relatio ad illas: ergo hæc, & non illa, erit definitum.

Hæc opinio etiam est falsa: quod probo. Primo, prædicari 8 de pluribus, conuenit generi in concreto: quia quod prædicatur de pluribus, cōcretum est; sicut disgregare visum, conuenit albo in concreto: sed hæc opinio non ponit genus in concreto definitum: ergo est falsa. Probat minor. Quia concretum accidentale, quale est genus, significat formam, nempe secundam intentionem: & connotat subiectum, nempe naturam genericam, cui conuenit prædicari de pluribus: si ergo natura generica non est definitum, sed secunda intentio: ergo non definitur genus in concreto, sed in abstracto, quod contradicit verbis definitionis.

Secundo, etiam si consideretur secunda intentio generis, in quantum relatio ad species: non est concretum, sed abstractum: ergo falsò eam vocat concretum Caiet. Probat antecedens; quia concretum relationis est relatiuum, sicut concretum albedinis est album: sed secunda intentio generis, etiam in ordine ad species, non est relatiuum, quia non est id quod refertur; sed ratio referendi: ergo non est concretum, sed abstractum.

Tertia opinio, est D. Tho. in opusc. de ente & essentia, cap. 9. 4. vbi asserit; definitum adæquatum ex natura generica, & secunda intentione constare: hoc modo consideratis; nempe, natura generica, non secundum se, sed vt denominatur à secunda intentione, & secunda intentione denominante: ita vt natura hoc modo considerata, sit definitum materiale, & vt Quod: quia illa est, quæ prædicatur de pluribus differentibus numero. Et secunda intentio, sit definitum formale, & vt Quo: quia non est id quod prædicatur; sed ratio prædicandi: ex vtraque verò resultat

resultat vnum definitum adæquatum, & per se: quia non consideratur tanquam aggregatum ex eis: sed tanquam includens vnum in ordine ad alterum: quæ verò per se sunt ordinata; non efficiunt vnum per accidens. Exemplum habemus in hac definitione, Disgregatiuum visus. Cuius definitum materiale, & vt Quod, est corpus; vt denominatur ab albedine: quia ei cōuenit disgregare visum: formale verò, & vt Quo; albedo: quæ potius est ratio disgregadi visum: sed ex utroq; vt ordinato ad alterum, resultat vnum definitum adæquatum, & per se. Hanc sententiam sequuntur Iauel. in sua Logica, tit. 4. c. 2. Paulus Venerus c. de genere. Sotus ibidem qu. vnica. Tolertus q. 1. Et videtur nobis probabilior, & sequenda.

Et probatur hoc argumento. Illud est definitum alicuius definitionis, cui per se cōuenit definitio: sed prædicari de pluribus differentibus specie in quid, per se conuenit naturæ genericæ, vt denominatur à secūda intētione generis, & cū ea per se cōuertitur: nec alteri potest conuenire: ergo hæc sola potest esse definitum. Probatur minor: quia sicut corpori, vt denominatum, vel informatum albedine, per se cōuenit esse disgregatiuum visus; ita natura generica, vt denominatur à secunda intentione, per se prædicabilis est de plurius differentibus specie: & quidquid est prædicabile, de pluribus differentibus specie in quid, est natura generica: vt denominata, à secunda intentione. Quòd verò ei soli conueniat per se, probatur, quia eidem naturæ non conuenit essentialiter; vt contra primam opinionem probatum est, sed solùm potest ei conuenire accidentaliter, & secundæ intentioni solùm potest conuenire, vt Quo, cū non prædicetur de pluribus differentibus specie, sed tantum sit ratio prædicandi: Solùm ergo conuenire potest per se eidem naturæ, vt denominatæ à secunda intentione.

Pro solutione argumenti primæ opinionis, notandum est: Duo esse considerata in prædicatione cuiuscunq; prædicabilis ex parte prædicati.

Primum; Ratio formalis, quam prædicat de subiecto. Secundum; Condicio sub qua de illo prædicatur: vt dum prædicatur species de indiuiduo in hac prædicatione: Petrus est homo, ratio formalis quam prædicat de illo, est essentia hominis, sed condicio sub qua prædicatur, est esse speciem; quod est denominari à secunda intentione speciei, quæ est relatio speciei ad indiuidua.

Ex hac distinctione, respondeo ad formam arg. distinguendo minorem hoc modo; Si in prædicatione generis de specie, dum dicimus, Homo est animal, consideretur ratio formalis, quam

animal prædicat de homine, verum est quod prædicetur secundum essentiam, in quantum est viuens sensibile: si vero consideretur conditio sub qua prædicatur; est secunda intentio generis, à qua denominatur: & ideo ratione talis conditionis conuenit ei prædicari de pluribus differentibus specie in Quid; & non secundum essentiam, aut prædicata essentialia: quamuis hæc prædicet de eisdem speciebus. Et ex hoc intelligitur sensus huius propositionis; Homo est animal: & aliarum, in quibus genus prædicatur de specie: qui non est, hominem esse genus, sed esse viuens sensibile: nam hæc est ratio formalis, quam prædicat de illo; ex qua accipiendus est sensus propositionis, & non ex conditione sub qua prædicatur; quæ est secunda intentio.

Pro solutione argumenti Caiet. aliud est notandum; nempe duplex esse materiale significatum generis, in concreto significati, sicut aliorum concretorum accidentalium. Vnum proximum, adæquatum, & per se; Aliud remotum, inadæquatum & per accidens: vt materiale significatum albi, adæquatum, & per se, est corpus: inadæquatum, & per accidens, paries, aut aliud quodcunque corpus particulare: ita significatum materiale, per se adæquatum, & proximum generis, est natura generica in communi; quæ de nominatur genus, à secundo prædicabili: Remotum verò, inadæquatum, & per accidens, est animal, vel color. Et ex hoc respondetur ad formam arg. distinguendo minorem: Nam licet animali, aut colori conueniat accidentaliter definitio generis: quia sunt significata materialia, remota, & per accidens; naturæ tamen genericæ, vt denominatæ à secunda intentione generis; per se conuenit, & non accidentaliter. Sicut corpori, vt habenti albenem, per se conuenit esse disgregatum visus: secundæ autem intentioni, etiam in ordine ad plures species, non conuenit definitio; nisi, vt Quo: sicut probatum à nobis est, cōtra Caiet.

Q V Æ S T I O I I I.

An definitio generis sit quidditatiua, vel descriptiua.

DV O sunt explicanda, vt soluatur quæstio præsens. Primum; qualis nam sit definitio generis; quidditatiua, vel descriptiua. Secundum; quidnam pro genere in ea ponatur; vniuersale, aut prædicabile, vel quid aliud: ideo in duas partes diuidenda est quæstio. Circa primam verò, duæ sunt opinionēs; quasi extremæ, & altera media.

Prima opinio extrema asserit, Non solum non esse quidditatiuam, aut essentialem definitionem generis; sed nullo modo posse

do posse definiri genus definitione quidditatiua. Quam sequuntur Albertus Magnus, tract. 1. prædicabiliū. cap. 3. Villalpandus in præsentī cap. & pro eadem citat Ammonium. Tolerus quæst. 1. huius cap. Probatūque hoc argumento. Genus est concretum accidentale, includens pro materiali naturam genericā: quæ potest esse substantia, aut accidens reale: & pro formali secundā intencionē, quæ est ens rationis: hæc autē diuersas habet essentias; ergo non possunt vna definitione explicari. quare non poterit genus definiri definitione quidditatiua.

Secunda opinio extrema, Non solum asserit posse genus definiri definitione quidditatiua; sed hanc definitionem eius à Porphyrio assignatam, esse quidditatiuam. Ita Scotus quæst. 14. & 15. vniuersalium: quem sequitur Caiet. quæst. 1. huius ca. in solutione ad primum. Probat Scotus hac ratione. Genus cōsideratur à Porphyrio in hoc opere sub ratione prædicabilis; sicut & cætera prædicabilia: sed definitur per prædicari de pluribus differentibus specie: ergo definitio est quidditatiua. Probatur consequentia: quia prædicabile dicit potentiā prædicandi; & prædicari est proprius actus talis potētis; sed potentia definitur quidditatiuè per propriū actū; à quo sumit suā essentiā, aut speciem: ergo definitur genus, vt prædicabile quidditatiuè.

Tertia opinio est communis, quæ duo affirmat. Primum, quòd genus potest definiri quidditatiuè. Secundum; quòd definitio Porphyrij, non est quidditatiua; sed descriptiua. Et quantum ad hoc secundum; eam tenet D. Tho. opus. 84. tract. 1. Cap. 2. & 3. Albertus Magnus tracta. 3. prædicabiliū, cap. 34. Ammonius & Villalpandus, vbi supra. Scotus quæst. vnica huius capituli, §. vltimo. Tolerus quæst. 2. Mercatus cap. de specie, fol. 16. col. 2. Et hæc est probabilior & sequenda.

Probatur autem primum, quòd affirmat; genus posse definiri quidditatiuè, hoc argumento. Vniuersale est genus ad quinque prædicabilia, vt quæst. 8. vniuersalium probauimus; ergo primum prædicabile, quòd est genus, est species vniuersalis: sed quælibet species componitur ex genere, & differentia, tanquam ex partibus essentialibus; ergo per eas potest definiri: & definitio tradita per genus, & differentiam, est quidditatiua; ergo genus potest definiri definitione quidditatiua.

Probatur secundò, Quòd definitio Porphyrij non sit quidditatiua: primò ex verbis eiusdem cap. præsentis; quæ sic habent. *Quod etiam describentes assignarunt; genus esse dicentes; quòd de pluribus, & differentibus specie, in eo, quòd quid, prædicatur.* De. inde ratione; quia duo habent prædicabilia, vt superius probauimus. Primum; quòd sint vniuersalia: hoc est, vnum in

multis: Deinde; quòd prædicari possint de eisdem: & primum se habet tanquam essentia eorum; secundum vt propria passio. Sed genus definitur per prædicari de multis: ergo definitur per propriam passionem: definitio autem quæ datur per propriam passionem, est descriptiua: vt si definiatur homo per risibilitatem: ergo definitio generis est descriptiua.

Ad argum. primæ opinionis, respondetur; diuersa esse, quæ includit genus; sed ordinata inter se: nam includit naturam, vt ordinatam ad secundam intentionem; tanquam ad formam denominantem: & secundam intentionem, vt ordinatam ad naturam, tanquam ad subiectum denominatum: & ex hoc efficiunt vnum ordinem; quod vna definitione possit explicari.

Ad argumentum Scoti respondeo, distinguendo antecedens: nam si intelligatur genus, & reliqua prædicabilia considerari à Porphyrio, vt prædicabilia, in eo sensu, vt prædicabilitas sit ratio essentialis eorum, falsum est: nam essentialis ratio potius est vniuersalitas. Si verò intelligatur considerari, vt prædicabilia, ita vt prædicabilitas sit passio communis, quæ de illis probatur, verum est: & ideo per illam definiuntur omnia, tanquam per communem passionem, quod est definiri definitionibus descriptiuis: & tales debent omnes reputari.

Secunda pars questionis.

Sed supposito, quòd sit descriptiua definitio, quæritur in 13
 Secunda parte quæstionis: Quidnam ponatur in ea pro genere. Et prima opinio asserit, genus huius definitionis esse vniuersale: quia licet non ponatur expresso verbo, refertur tamen per illud relatiuum, quod prædicatur de pluribus: idem enim est dicere, Genus esse quod prædicatur de pluribus, ac dicere, Genus esse vniuersale. Hæc tamen sententia non potest in primis defendi, apud Porphyrium: quod sic probo. Porphyrius exponens eandem definitionem, inquit, per illam particulam, *prædicari de pluribus*; excludi indiuiduum: quod non potest esse verum, si vniuersale sit genus: nam iam esset exclusum per illud: cum indiuiduum non sit vniuersale. Deinde, non potest defendi, quòd definitio sit descriptiua: nam si auferas illas particulas, prædicari de pluribus, & loco earum ponas vniuersale: sensus definitionis erit, Genus est vniuersale in multis, differentibus specie in quid: & ideo auferetur propria passio: qua ablata, non erit definitio descriptiua, contra communem sententiam, ex Porphyrio, & ratione probatam.

Secunda opinio asserit, genus in hac definitione esse prædicabile:

cabile: quod explicatur per illa verba, *quod predicatur de pluribus*: nam verba in definitione, non dicunt actum, sed aptitudinem: idem ergo est dicere genus est, quod predicatur de pluribus: ac si dicatur, quod aptum est predicari de pluribus, sed esse aptum predicari de pluribus, idem est, ac esse predicabile de pluribus: ergo predicabile ponitur loco generis in hac definitione.

14 Tertia opinio est communis, & tenenda: quod loco generis ponatur natura generica, non quidem eodem modo sumpta, ac dum dicitur esse definitum, sed alio: nam dum definitum est, sumitur simul cum secunda intentione, à qua denominatur, & cum qua unum definitum per se facit, unitate ordinis: sed pro genere ponitur solum, ut in communi sumitur, non ut ordinata ad secundam intentionem. Quod possumus explicare exemplo albi, quod dum hoc modo definitur, *Albū est disgregatiuum visus*, definitum est corpus, ut denominatur ab albedine: ita ut ex utroque, nempe ex corpore, & albedine, ordinatis; fiat unum definitum cōpletum, & per se: sed loco generis ponitur corpus absolute sumptum: hoc est, non considerato sub denominatione albedinis, nec simul cum illa. Hanc sententiam sic explicatam sequuntur, Ammonius, Albertus Magnus, & Canterus, locis superius citatis. Et videtur nobis probabilior.

15 Nam in primis colligitur ex doctrina D. Tho. 1. lib. de interpretatione, ca. 1. lect. 4. & opus. de ente & essentia ca. 7. ubi tradit modum definiendi accidentia in concreto; per subiectū loco generis: & in abstracto, per verum genus; & subiectū loco differentia: ut risibile; quod sit homo aptus ad ridendum: risibilitatem verò; quod sit aptitudo hominis ad ridendum. Et rationem utriusque esse: quia posse inhærere subiecto, est de essentia accidentis: sed inhærentia in subiecto; propriè explicatur per idem subiectum positum in definitione; ergo propriè definiuntur accidentia, per subiectum loco generis; si definiuntur in concreto; & loco differentia, si in abstracto.

16 Deinde, ex hac doctrina conficitur hoc argumentum ad illam probandam. Genus definitur à Porphyrio in concreto; ut significant verba definitionis. *Quod predicatur de pluribus differentibus specie in quid.* Nam concretum est, quod predicatur; non abstractum: sed genus est concretum accidentale; sicut album: ergo definitur per subiectum loco generis: subiectum verò est natura generica; sicut subiectum albedinis est album: ergo per illam loco generis in definitione positam definitur: & sensus definitionis est: Genus est natura; quæ predicatur de pluribus differentibus specie in quid.

Ad argumentum primæ opinionis respondetur; Accidentia meliùs definiri in concreto, per subiectum, quàm per genus: quia meliùs explicatur per illud inhærentia aptitudinalis; quæ est de essentia eorum. Vnde magis propriè refertur subiectum generis, quod est natura, per illud relatiuum, quod prædicatur; quàm vniuersale. Et eodem modo respondetur ad argumentum secundæ opinionis.

Q V Æ S T I O I V.

*Vtrum genus includat differentias, & species actu,
vel solum potentia.*

Valde utilis est quaestio hæc, ad intelligendam naturam generis: sed pro breuiori resolutione eius notandum est: Tribus modis intelligi posse, quòd vnum contineat alterum actu: Primò; actu distincto; sicut definitio continet vtramque sui partem; nempe genus, & differentiam. Secundò; actu determinato, sed non expresso: sicut species continet genus, & differentiam; vt homo, animal, & rationale. Tertio; confuse, & indeterminatè: vt ens continet modos intrinsecos substantiæ, & accidentis: qui sunt per se, & in alio: non solum confuse, sed neutrum determinando potiùs, quàm alterutrum.

Ex his tribus modis; Primò certum est; genus non continere differentias actu distincto, sicut definitio continet genus & differentiam. Probatur euidenter: quia si animal contineret actu distincto rationale, per illud solum possemus definire hominem; dicentes hominem esse animal: quia in animali etià includitur actu, atque distinctè rationale: & ideo talis definitio constaret genere, & differentia: & ideo esset sufficiens; quod patet esse falsum.

Secundò, certum est genus non continere differentias actu determinato, licèt confuso contineat, vt animal non continet rationale, sicut homo. Quod probatur; quia si animal contineret actu rationale, & irrationale, falsæ essent omnes prædicationes, in quibus prædicatur de suis speciebus; vt homo est animal, leo est animal: quia sensus esset, homo est rationalis, & irrationalis: & similiter leo, quod est absurdum.

Solum ergo potest esse dubium, an genus contineat differentias actu indeterminato. & confuso; ita vt nullam particularem potiùs, quàm alteram exprimat, sed omnes indeterminatè dicatur contingere, diuerso modo, ac species quælibet continet suam differentiam: nam homo, licèt non expressè contineat rationale, tamen determinatè, ita vt hanc differentiam,

riam, & non aliam contineat: animal verò non sic potest continere rationale, & irrationale: quia non magis vnam quàm alteram dicit; sed sub eadem confusione vtramque. Nilominus posset intelligi actu confuso, & indeterminato, eas continere, iuxta tertium modum. Et de hoc modo continendi actu differentias, procedit questio: cuius sensus est, An genus actu confuso, atque indeterminato contineat differentias, vel solum in potentia: sicut materia continet formas, solum in potentia.

18 Et prima opinio allerit, Genus hoc tertio modo continere actu differentias. Probatur duobus testimoniis Aristot. Primum habetur 1. lib. Physic. textu 4. vbi ita ait: *Vniuersale autem totum quoddam est, multa enim comprehendit, vt partes.* Secundum verò, 7. lib. Physic. textu 3. vbi de genere sic loquitur: *Genus non vnum quid est, sed in hoc latent multa.* Ex quibus sic argumentor. Genus continet multa, tanquam partes; ergo continet illa actu: quia omne totum actu continet partes, cum ex eis componatur: sed ea, quæ ita continet genus, non possunt esse alia præter differentias, & species, vt notum est: ergo eas continet actu, & non in potentia: ex mente Arist.

Deinde probatur hac ratione: Vt vera sit prædicatio, necesse est, id totum quod continet subiectum, continere prædicatum, non solum in potentia; sed etiam actu: at genus prædicatur de specie: ergo debet actu continere, quidquid species continet, nempe differentiam, ex qua simul cum genere componitur. Probatur maior. Quia cum animal prædicatur de homine, sensus prædicationis est, hominẽ esse animal actu: quod verum non erit, si animal solum dicat, actu naturam sensitiuam: nam cum hæc sit pars hominis, prædicabitur pars de toto: vt ergo sit vera, debet etiam animal actu continere rationalitatem, & non sufficit in potentia: cum actu, & non potentia prædicetur.

Secunda opinio tenet, Genus non actu, sed in potentia tantum continere species, & differentias, vt animal, rationale, & irrationale, de posteriori resolutione, textu 17. vbi ita ait: *Supponatur enim tale esse genus, vt sit secundum potentiam in plus.* Esse autem in plus quàm speciem, est esse vniuersalius, & plus continere quàm singulas species: hoc est, alias species, & earum differentias, si ergo est in plus secundum potentiam, in potentia tantum continebit species, & differentias. Hæc est etiam expressa sententia Porphyrij, cap. de differentia, vbi de genere loquens sic ait: *Potestate quidem habet omnes, quæ sub se sunt differentias, actu verò nullam.* Et D. Tho. super verba Arist. citata, & opusc. 42. ca. 9. quæ sequuntur

Albertus Magnus, tractatu 5. prædicabilium, cap. 4. Iauellus tract. 4. prædicab. cap. 4. ante medium. Caiet. Sotus, Canterus, Toletus, cap. de differentia, in expositione textus; Mercatus quæst. vnica huius capituli. Et est vera, ac tenenda. Sed vt eam probemus, duo sunt notanda. Primò, Genus significare gradum superiorem naturæ, differentiam verò gradum inferiorem, per quem determinatur ad constituendam speciem, vt animal, significat gradum naturæ sensitiuæ, qui superior est gradu rationalitatis, quem significat differentia rationalis, per quam contrahitur ad constituendam speciem hominis.

Secundò notandum est, duobus modis considerari genus. Primò, vt partem actualement componentem speciem simul cum differentia. Secundò, vt totum potentiale, contrahibile per differentias: vt animal, quod est pars actualis speciei humanæ, quam componit simul cum differentia rationali: & vt totum potentiale est, quod determinatur per eandem differentiam, ad constituendum hominem, & per differentiam equi, ad constituendum equum.

Ex his duobus notabilibus, duo colliguntur argumenta, ad 19 probandam nostram sententiam. Primum est, genus significat gradum naturæ diuersum, ac superiorem, à gradu, quem significat differentia: & est abstractum ab speciebus, & differentiis, vt animal ab homine, & equo: & consequenter, à rationali, & irrationali: sed id quod ab inferioribus abstrahitur, vt sic abstractum, non includit illa: cum abstrahi ab illis, sit cognosci sine illis: ergo genus non potest includere actu species & differentias, à quibus abstrahitur, sed solum in potentia.

Secundum argumentum. Genus solum potest considerari vt pars actualis speciei, vel vt totum potentiale, contrahibile per differentias: sed neutro modo includit eas actu: ergo solum in potentia. Probatür minor: quia non includit eas actu, vt est pars speciei: nam vna pars actualis, non includit alteram: quia eo ipso, quod eam actu includeret, non posset cum ea componere totum: cum componentia distincta esse debeant, & ideo non se includentia: sed nec vt est totum potentiale includere potest eas, nisi solum in potentia: quia solum sunt partes potestatiuæ eius, ex quibus vt tale totum potestatiuum componitur. Et confirmari potest; quia si genus contineret actu differentias, cum illæ sint omnino diuersæ, vt rationale, & irrationale, contineret actu plura diuersa, & ideo esset equiuocum respectu specierum, de quibus prædicatur, vel saltem analogum: sicut ens, respectu substantiæ & accidentis, quæ actu

actu confuso, atq; indeterminato continet: sicut genus continet differentias, secundum opinionem oppositam: consequens autem falsum est; cum genus sit uniuocum: ergo etiam erit falsum; quod genus contineat actu differentias.

Ad testimonia Aristotelis, pro alia sententia adducta, respondeo. Genus continere multa in potentia, hoc est, species, & differentias, non tanquam partes actuales, sed potestatiuas: nam sicut totum, aliud est actuale, & aliud potentiale, ita partes, alia sunt actuales, & alia potentiales. Actuales sunt, quæ essentiam actualem componunt: potentiales verò aut potestatiuæ, per quas, vel ad quas constituendas contrahitur, aut determinatur totum: idem namque est, esse partes, ad quas actu constituendas determinatur totum, & esse partes suæ potestatis.

20 Ad argumentum, neganda est maior: Quia non requiritur ad veritatem propositionis, quod prædicatum contineat actu, quidquid continet species, sed sufficit quod aliquid contineat actu, & aliquid in potentia: sic enim prædicabit partem speciei, inclusam in specie: non tamen per modum partis, sed totius: & ideo veram efficiet propositionem, in qua dicitur hominem esse animal: cuius sensus est, hominem includere animal, quod determinatur, per rationale ad constitutionem eius. Hoc est enim includere rationale, ac cæteras differentias in potentia. Quod sic declarandum est. Contrahibile, aut determinabile, dicit potentiam, & contrahens actum: sed genus est contrahibile per differentiam, tanquam per actum, ergo est potentia respectu differentia, & speciei, quam cum ea potest constituere: quare non potest continere species, & differentias actu, sed potestate tantum.

QVÆSTIO V.

*Vtrum genus prædicetur de specie tanquam totum, vel etiam
ut pars illius.*

GENUS tribus modis considerari potest. Primò, ut dicit naturam genericam abstractam ab speciebus, ut animal in quantum dicit naturam sensitivam, abstractam ab homine & equo: & hoc modo sumptum non est pars, sed totum: quia significatur per modum habentis naturam: non est tamen totum actuale, sed potentiale, quia significatur ut habens naturam perfectibilem, per differentias: Quod verò perfectibile est, significatur tanquam in potentia ad ulteriorem perfectionem, quod est, significari ut potentiale. Alio modo sumitur genus, tanquam altera pars speciei, componens eam simul cum differentia: & tunc non accipitur, ut abstractum à speciebus, sed

sed solum ut actu dicitur partialem naturam earum. Sed adhuc per modum partis significatum, potest sumi tanquam pars actualis, in quantum actu coniunctum est cum differentia componendo speciem, aut tanquam pars potentialis: si illud consideremus, non ut actu componens, sed ut potest componere.

Et secundum has tres acceptiones, tres sunt opiniones. Prima tenet, tanquam partem etiam actualem prædicari de specie, quam sequuntur Caiet. cap. præsentis. Venetus cap. sequenti ad finem, & alij. Et probant primo ex Arist. 1. lib. de posteriori resolutione, ca. 4. ubi docet, *Integram definitionem, ex singulis eius partes, per se prædicari de definito*: sed partes definitionis sunt actuales, ex quibus altera est genus: ergo tanquam pars actualis prædicatur de specie.

Probant deinde ratione: Primò; quia hæc est differentia²¹ inter prædicationem generis, & speciei, ab omnibus concessa, quod prædicatio speciei est completa: prædicatio vero generis incompleta: prædicatur ergo genus tanquam quid incompletum de specie: sed incompletum est pars: ergo prædicatur ut pars.

Secundò, partes Physicæ, ut materia & forma, magis distinguuntur inter se, & a toto, quam partes Metaphysicæ, quæ sunt genus, & differentia, cum illæ sint res distinctæ; istæ vero, non nisi conceptus distincti, eiusdem rei: sed partes Physicæ, in concreto significatæ, verè prædicantur de toto: dum dicimus, Homo est corporeus, aut est animatus: ergo melius prædicabuntur partes Metaphysicæ, quæ sunt genus & differentia, in concreto significatæ de specie, quam componunt: & ita vera erit hæc; Homo est animal, etiam si tanquam pars accipiat genus: sicut etiam est vera hæc; Homo est rationalis; cum tamen rationale non sit totum potentiale; sed actualis pars.

Secunda opinio affirmat; Genus non ut partem actualem prædicari de specie; sed ut partem potentialem: hoc est, non ut actu componens; sed ut potest simul cum differentia componere. Hanc tenet Canterus, cap. præsentis, dub. 3. & probat hoc arg. Ut prædicatio sit vera, prædicatum debet continere totum, quod continet subiectum; sed genus ut pars actualis, non continet aliam partem speciei, quæ est differentia, actu, nec potentia; sed bene ut potentialis: quia ut potest componere speciem non consideratur, ut actu coniunctum cum aliqua differentia; sed ut potest coniungi: quare omnes continebit in potentia: quod satis est, ut dicatur continere totum, quod continet species; nempe unam partem actu, & alteram in potentia: prædicabitur ergo ut pars po-

tentialis, non vt pars actualis.

22 Tertia opinio est D. Tho. in 1. dist. 15. & opus. de ente, & essentia cap. 3. asserentis, genus non prædicari de specie, vt partem, sed vt totum. Verba eius sunt, *Si animal non esset totum, quod est homo, non prædicaretur de eo, cum nulla pars prædicetur de suo toto*. Eam sequuntur Boetius lib. de diuisionibus, ferè in principio. Caiet. etiâ licet citetur pro opposita sententia, asserit expressè etiam in eodem cap. 3. opusc. de ente, & essentia, genus non vt partem, sed vt totum potentiale prædicari de specie. Item Sotus quæst. vnica huius capituli, & pater Franciscus Suarius tom. 1. suæ Metaph. disput. 15. sect. 11. num. 16. Et videtur nobis probabilior.

23 Sed vt fundamentum eius explicemus: Notandum est primò, quòd tã genus, quàm differentia, sumuntur à tota natura specifica, aut à tota entitate eius, sub diuersis gradibus considerata, & non à sola parte: vt capite de differentia explicabitur: diuersa tamen ratione: nam genus sumitur à tota natura rei, sub ratione vniuersaliori, atque imperfecta; perfectibili tamen per eandem naturam sub gradu speciali consideratam: differentia verò, à tota etiam natura, vt determinata atque perfecta. Gratia exempli: Animal, vt est genus hominis, sumitur à tota natura eius, secundum gradum superiorem & imperfectum, hoc est, vt sensitua, per eandem naturam hominis, vt rationalem, determinabili: & rationale, quod est differentia; sumitur etiam à tota natura hominis: vt perfecta ac determinata: vnde sequitur, tam genus quàm differentiam significare totam naturam speciei: illud quidem sub ratione contrahibilis; hanc verò sub ratione cōtrahentis.

Secundò, norandum est, quòd genus sumptum vt totum potentiale, valde diuersum est à seipso, sumpto vt pars actuali, aut potenciali: nam vt totum potentiale; non solum dicit partem speciei; sed totam naturam eius, sub gradu superiori, & imperfectiori consideratam, & contrahibilem, per gradus inferiores, & speciales indifferentiarum, sed vt pars est speciei, non dicit villo modo integram naturam speciei, sed partem duntaxat: & ratio huius differentie est; quia genus vt totum potentiale, abstrahitur à speciebus abstractione vniuersali; qua abstrahitur commune à particularibus; vt animal abstrahitur ab homine, & leone; tanquam vniuersale à particularibus: & ideo dicit totam naturam eorum: sed sub gradu superiori sensitiuo, idem significans; quod habens naturam sensitiuam determinabilem per rationalem. Si verò idem genus accipiatur vt pars speciei, non abstrahitur abstractione vniuersalis à particularibus; sed potius abstractione præci

præcisua, qua pars præscinditur à toto; vt brachiū ab homine.

Ex hac doctrina colligitur duplex argumentum ad probandum, quòd genus, vt totum potentiale; & non vt pars, prædicatur de specie. Primum, genus prædicatur de speciebus, vt vniuersale, ac superius prædicatum abstractum ab eis: sed vniuersale, quòd abstrahitur à particularibus, continet totam naturam eorum, sub ratione superiori consideratam; non consideratis rationibus inferioribus, à quibus abstrahitur; vt patet de specie abstracta ab indiuiduis: ergo prædicatur de illis, vt totum potentiale, contrahibile per differentias, & non vt pars. Probatur consequentia, quia pars non potest abstrahi à toto, abstractione vniuersalis à particulari; sed solum præscindi ab eo; vt brachium ab homine: quòd patet non prædicari de toto.

Secundò, vt vera sit prædicatio aliqua, non sufficit quòd prædicatum includatur in subiecto; nam si hoc sufficeret, quælibet pars prædicaretur de toto: ergo requiritur quòd contineat, quiddam continet subiectum. Probatur consequentia, ex sensu ipsius propositionis; per quam significatur hoc esse illud: quòd non potest esse verum; nisi totum quòd continet subiectum, contineat prædicatum: nam si aliquid subiecti nō continet; non erit verum ex parte illius, esse illud. Et hæc est ratio, propter quam, nulla pars prædicari potest de toto: quia ratione alterius partis, quam totum dicit, non potest esse verum, totum esse partem; vt hominem esse caput. Et argum. hoc eodem modo probat de partibus Metaphysicis; quales sunt genus, & differentia; ac de partibus Physicis quales sunt materia & forma: quia licet illæ non distinguantur realiter à toto, satis est distingui ratione formali; propter diuersum modum essendi, & significandi totius & partis, vt ab intellectu conceptis; vt falsam efficiant propositionem.

Ad testimonium Arist. pro prima opinione respondeo, Partes definitionis prædicari de definito per se, seruatō modo prædicandi debito; nempe sumptas per modum totius potentialis, vel actualis; nam sub forma partis impossibile est. Ad intèrum verò Aristotelis, in eo loco sufficit, quòd hoc vel illo modo prædicentur.

Ad primum argumentum eiusdem sententiæ responderetur, distinguendo antecedens. Nam prædicatum, ex duplici parte potest esse incompletum: ex parte eius quòd prædicat de subiecto, & ex modo, quo illud prædicat: & in primo sensu incompletè prædicatur genus de specie: quia tantum prædicat naturam sensitiuam: quæ est pars speciei: sed ex parte modi, completè

pletè potius prædicatur: quia eandem naturam sensitivam prædicat, non per modum partis, sed per modum totius: quia per modum habentis illam, non quidem totius actualis, sed potentialis: quia per modum perfectibilis, ac determinabilis, per gradus differentiales.

25 Ad secundum respondetur: Concedendo antecedens, quòd pars physica in concreto significata, prædicetur de toto: quia non significatur vt pars, sed sub ratione totius, quia significatur nomine adiectiuo: quod cum significet per modum adiacentis, rem quoque significat per modum habentis; vt dum dicimus, hominem esse materiale; idem est, ac si dicamus; esse habentem materiam: & esse materiale, adiectiuo nomine significatur per modum adiacentis; ac si esset accidens hominis; cum verè sit pars substantialis. Genus verò etiam in concreto significatum, sumi potest vt pars: quia significatur nomine substantiuo; & ita sumptum non potest prædicari de toto; secundum verum sensum propositionis; per quam dicitur hoc esse illud. Quod non potest esse verum, ex ea parte, qua totum aliquid aliud importat, diuersum à qualibet parte per se.

Ad argumentum secundæ opinionis respondetur; Differentiam inter genus, vt partem actualem, & potentialem; non consistere in eo, quòd vt pars actualis, vni tantum differentiæ coniunctum sit; vt potentialis verò, omnibus coniungi possit: nam vtroque modo vnam tantum determinatam differentiam respicit: sed solum, vt pars actualis distinguitur à se: vt parte potentiali: quia vt actu coniunctum, consideratur cum tali differentia determinata; sed vt pars potentialis, consideratur vt potest coniungi, non omnibus, sed eidem tantum determinatæ differentiæ. Vnde falsum est, quòd vt pars potentialis, contineat differentiam aliquam in potentia, & consequenter est falsum, quòd vt pars potentialis prædicari possit de specie.

Q V Æ S T I O VI.

An modus prædicandi in quid, separet genus à differentia.

26 **P**ARS negatiua: quòd non distinguatur per modum prædicandi in Quid, & in Quale quid; probatur ex Aristotele 1. lib. Posteriorum tex. 12. vbi docet, Vtramque partem definitionis; nempe genus & differentiam, prædicari de specie in quid: & expressius 7. lib. Topicorum cap. 2. loco 31. his verbis. Eorum, quæ sūt in a, signata oratione, hoc quidem genus, illud autem differentia: & in eo, quod quid est, genus & differentia prædicantur.

H Pro

Probatur etiam, ratione: Quia modus prædicandi sequitur modum essendi: sed differentia habet modum essendi perfectiorem in compositione speciei, quam genus; cum se habeat tanquã forma, & genus, vt materia: ergo habebit modum perfectiorem prædicandi. Sed modus perfectior prædicandi, est prædicari in Quid; ergo hoc modo potius quã in Quale prædicabitur. Minorem probò: quia modus prædicandi in quid, est proprius substantiæ: & modus prædicandi in quale, est modus accidentis: quod non videtur posse negari, cum sit prædicatum essentiale. Communis tamen sententia Porphyrij; & omnium interpretum eius est; quòd *Genus distinguitur à differentia; ex eo, quòd illud prædicatur in quid, hæc vero in quale quid: vera est & tenenda.* Quæ probatur expresse testimonio Aristot. 4. lib. Topicorum, cap. 6. loco 81. vbi sic ait. *Quoniam differentia quidem qualitatem generis semper significat, genus autem differentia non; nam qui dicit grossibile quiddam; animal dicit: qui verò animal dicit, non dicit quale quiddam grossibile: differentia igitur à genere sic separanda.* Et hunc modum distinguendi hæc duo prædicabilia, generis, & differentiæ, per modum prædicandi in quid & in quale quid, sequitur D. Thom. opusc. 58. tract. 1. cap. 4. Probatur deinde ratione: quia genus prædicatur de specie per modum substantiæ, hoc est per se stantis, cuius euidentis signum est, quod nomine substantiuo significatur: sed modus prædicandi in quid, est proprius substantiæ, quæ est quidditas rei: ergo prædicatur in quid. Differentia verò prædicatur per modum formæ, qui non est rei per se stantis: sed inherētis materiæ, & determinātis, ac modificantis illam, ad similitudinem qualitatís: ergo non prædicatur in quid, sed in quale: nō tamen sicut vera qualitas, quia ad essentiã rei pertinet: & ideo nō prædicatur in quale simpliciter, sed secundum quid, & cum addito, hoc est in quale quid: & in hoc distinguitur à genere. pro explicatione testimonij Aristotelis, adducti ad probandam negatiuam partem, notandum est: duo esse consideranda in prædicato alicuius prædicationis. Primum; rem ipsam quæ prædicatur. Secundum, modum, quò concipitur, & significatur, secundum quem attribuitur subiecto: & Primum, quasi materiale est in prædicatione: ex quò non sumitur modus prædicandi, distinguens prædicabilia, sed ex secundo, in quo consistit ratio formalis prædicationis. Aristoteles ergo in diuersis locis vtrunque considerauit: in eo quidem, cuius verba adduximus, pro negatiua parte, considerauit primum: modum verò concipiendi prædicatum, & attribuendi subiecto, considerauit in secundo loco, quem pro nostra sententia adduximus:

duximus: & ideo distinxit genus à differentia, per modos prædicandi in quid, & in quale: in alio verò eodem modo prædicari docuit: quod verum est ex parte rei, quæ prædicatur, in se consideratæ: nam tam differentia, quàm genus, est pars quidditatis speciei.

Ad argumentum verò respondeo, Distinguendo maiorem. nam modus essendi dupliciter sumi potest, secundum se, vel ut concipitur à nobis: & ab eo, hoc modo sumpto, accipitur modus prædicandi: quia non prædicantur res, ut sunt à parte rei, sed ut tali modo cognoscuntur: & licet secundum primam considerationem, perfectior sit differentia quàm genus, ex modo tamen posteriori, perfectiorem habet modum prædicandi hoc quàm illa, per quem distinctum prædicabile constituit.

CAPVT III.

De Specie.

1 **I**ntentum Porphyrij in hoc capite est, explicare naturam secundum prædicabilem, quod est Species. Diuiditur autem in quatuor partes: In prima, proponit duas acceptiones speciei: primam Physicam & realem, ex cuius similitudine colligit secundam Logicam. In secunda definit speciem duplici definitione. In tertia ponit ordinationem prædicamentalem, prædicamenti substantiæ, ut per eam intelligatur duplex habitudo speciei: Vna quam habet ad genus, sub quo collocatur: Altera ad individua, de quibus prædicatur. In vltima, definit indiuiduum duabus definitionibus. Prima acceptio realis speciei est, qua accipitur pro forma, ac pulchritudine rei. In qua acceptione dici solet: *Præstantissimam speciem dignam esse imperio.* Hoc est pulcherrimum hominem dignum esse imperio: quia pulchritudo corporis, signum est virtutis in anima existentis. Et huic acceptioni reali, similis est acceptio Logica, qua accipitur species pro ea quæ sub assignato genere collocatur, inquit Porphyrius: id est sub genere iam definito, & explicato capite præcedenti. Similitudo autem vtriusque acceptionis consistit in hoc: quia quemadmodum forma rei, in qua pulchritudo consistere solet, accident ali modo includit atque ostendit perfectionem essentialiẽ rei: ita species, quæ sub genere collocatur, & ab eo simul cum differentia constituitur, includit modo substantiali, totam perfectionem essentialiẽ rei: ut species humana totam perfectionem essentialiẽ hominis. Et hæc in prima parte capitis.

In secunda verò, definit Porphyrius speciem, secundum hanc acceptionem Logicam, duplici definitione. Prima definitio talis est: *Species est, quæ subiicitur generi, & de qua genus in quid prædicatur.* Per quam explicatur species secundum habitudinem, quam habet ad genus, a qua dicitur species subiicibilis.

Secunda definitio speciei est: *Species est quæ prædicatur de pluribus differentibus: speci in eo, quod quid.* Per quam explicatur species, secundum habitudinem, quam habet ad indiuidua, & ut est secundum prædicabile: & hæc Porphyrius in 2. part. In tertia, proponit ordinem prædicamentalem in prædicamento substantiæ: quod his quinque prædicatis constat: Substantia, Corpus, Viuens, Animal, Homo. Sed ut intelligatur, tria ait esse in eo considerata. Primum est, tria in eo reperiri, nempe supremum genus, quod ita est genus, ut non sit species; ut substantia. Infimam speciem, quæ ita est species, ut non sit genus, ut homo, aut leo; & Intermedia genera, quæ simul sunt genera respectu inferiorum specierum, & species respectu superioris generis. Indiuidua verò, non collocantur in prædicamento, tanquam partes eius, sed tanquam fundamentum omnium prædicatorum essentialium: ex quibus tanquam partibus componitur prædicamentum. Gratia exempli: Substantia, est supremum genus: Homo, infima species. Et hæc sunt quasi extrema prædicamenti: Animal, Viuens, & Corpus, dicuntur intermedia: quia ita sunt genera, ut simul sint species: animal enim est genus hominis, & species viventis: & ideo vocantur hæc genera subalterna: quia ita sunt genera; ut sub alio genere collocentur, respectu cuius species dicuntur: & hoc est simul esse genera, & species respectu diuersorum.

Secundò, considerandum est; suprema genera esse decem; nempe, Substantiam, Quantitatem, Relationem, Qualitatem, Actionem, Passionem, Vbi, Situm, Quàdo, Habere, & cum hæc sint quasi capita prædicamentorum; decem quoque sunt prædicamenta: species verò infimæ, finitæ sunt: & eodem modo intermedia genera: sed indiuidua in infinitum procedunt: quia quibuscunque datis; alia, & alia multiplicantur in infinitum. & ita à scientia prædicamentorum deficiunt.

Tertiò, considerandum est; hanc esse differentiam, inter ascensum & descensum prædicamentalem: quod descensus fit per diuisionem vnius in plura; nempe generis, in plures species, per differentias: ascensus verò, per collectionem plurium in vnum: ut dum descendimus, à supremo genere substantiæ, vsque ad infimam speciem hominis, prædicemus diuidendo illud, in Substantiam corpoream, & incorpoream: & hanc
in

in viuentem, & non viuentem, vsque ad hominem. Sed dum ascendimus; plures species colligimus in vnū genus: vt hominem, leonem, & cæteras species animalis, in vnum genus animalis: & ita vsque ad supremum genus substantiæ. Et hæc Porphyrius in 3. parte. In vltima verò, quia speciem vt prædicabilem, definiuit per indiuidua, tanquam per terminum relationis eius; explicat naturā indiuidui, duabus definitionibus: quarū prima est: *Indiuiduum est, quod de vno solo prædicatur.* Vt Petrus de seipso, in hac prædicatione idēticā; Petrus est Petrus.

Secunda definitio. *Indiuiduum est, cuius collectio proprietatum, quæ in vno est, in alio non potest reperiri.* Quæ sic explicatur. Proprietates specificæ; vt risibilitas, & admiratio: cōmunes sunt omnibus indiuiduis humanæ speciei: & plures etiam proprietates indiuiduales cuiuslibet indiuidui, possunt conuenire aliis; sed collectio omnium, quæ in vno reperiuntur, non potest in alio reperiri. Exempli gratia: quælibet proprietas indiuidualis Petri, potest conuenire Ioanni; sed omnes simul sumptæ non possunt ei conuenire. Hæc Porphyr. in toto cap.

QVÆSTIO I.

Virum species fuerit definita à Porphyrio duabus vel tribus definitionibus.

4 **C**IRCA numerum definitionum, quibus species definita est à Porphyrio, certum est, apud omnes interpretes eius, duabus saltem definitionibus definitam esse, secundum duas habitudines, vel respectus, quos habet; vnum ad genus, à quo species subiicibilis vocatur; alterum ad indiuidua, à quo dicitur species prædicabilis. Sed an duabus tantum definita fuerit, vel tribus; diuersæ sunt opiniones.

Prima est, Soti asserentis, duabus tantum esse definitam; ita vt prima illa, quæ asserit, Speciem esse, quæ sub assignato genere collocatur; non sit definitio, sed acceptio tantum logica speciei; aut nuda explicatio vocis. Altera verò; qua dicitur speciem esse, quæ subiicitur generi, & de qua genus in quid prædicatur, definitionem esse: non tamen duplicem; sed vnā tantum: quia eundem respectum explicat: nam idem est subiici generi, & genus prædicari de illa. Et cum præter hanc, tantum sit alia, per quam explicatur species, vt prædicabilis, tantum erunt duæ. Probat hoc arg. Species solum habet duos respectus, vnum ad genus, vt est subiicibilis; alterum ad indiuidua, vt est prædicabilis: ergo solum habet duas rationes formales, explicabiles per definitionem: & ideo duabus solum definitionibus explicari potest.

Alij verò omnes, asserunt tribus definitionibus fuisse definitam, sed non eodem modo eas enumerant: nam Toletus primam solum esse explicationem vocis ait, sed secundam distinguit in duas: ita ut una sit, *Species est quæ subiicitur generi*: & altera, *Species est de qua genus prædicatur in quid*: & ideo cum alia, per quam explicatur species, ut prædicabilis, esse tres. Probat, quia eundem respectum ad genus diuerso modo utraq; explicat: nam aliud est speciem respicere genus; aliud, genus respicere speciem, dum prædicatur de illa.

Caietanus verò, & Canterus, ita asserunt tres esse definitiones, ut prima non sit sola acceptio, aut vocis explicatio, sed simul definitio: secundam verò unam tantum esse; quia unam tantum habitudinem ad genus, omnia illa verba explicant: Et hæc videtur mihi probabilior sententia, & magis ad mentem Porphyrii.

Et probatur primum: quòd illa verba *Species est, quæ sub assignato genere collocatur*, non sint sola acceptio, sed etiam definitio: quia Porphyrius dum aliam definitionem proposuit, sic asseruit; *Assignant ergo & sic speciem: Species est, quæ ponitur sub genere, & de qua genus in aliquid prædicatur*. Quibus verbis docet, se aliam definitionem, post primam iam traditam, assignare. Præterea, priusquam secundam definitionem proponeret, rationem reddit, propter quam, cum genus per speciem definierit, cap. præcedenti, nunc speciem per genus explicauerit: quia cum sint relatiua, vnum per alterum definiendum erat: ergo fatetur iam definiisse speciem, antequam secundam definitionem proponeret: quòd non esset verum, si prima solum esset acceptio, & non definitio.

Probatur secundum, quòd sint definitiones distinctæ, prima, & secunda, per quas species definiatur ut subiicibilis, hoc argumento. Species ut subiicitur generi, habet duas rationes formales diuersas: ergo non una, sed duabus definitionibus debuit explicari. Consequentia euidens est, quia una definitio, unam tantum rationem formalem explicare potest. Probatur verò antecedens, quia in genere, diuersæ rationes formales sunt: esse vniuersale, hoc est vnum in multis speciebus, & esse prædicabile de illis: & ratio vniuersalis prior est, & essentialis illi: ratio verò prædicabilis posterior, & propria passio eius: & sub utraque ratione respicit speciem: ergo etiam in specie debent correspondere diuersæ rationes formales: nempe esse subiectum, in quo est genus: & esse subiectum, de quo prædicatur: ita ut illa sit prior, & quasi essentialis speciei, ut subiicibili: hæc verò posterior, & quasi propria passio

passio eius: sed diuersæ illæ rationes formales in genere, explicantur diuersis definitionibus, nempe vnum in multis speciebus: & prædicabile de illis: ergo etiam diuersæ rationes ex parte speciei, debent explicari per diuersas definitiones. Et ita factum est à Porphyrio, qui per illa verba: *Species est, quæ sub assignato genere collocatur*, explicuit speciem subiicibilem, vt est subiectum, in quo est genus: per secundam verò, vt est subiectum, de quo prædicatur.

Sed quod secunda definitio non sit duplex, sed vna, probatur: quia prima verba, *Species est, quæ subiicitur generi*, eandem prorsus rationem speciei explicant, quæ per primam definitionem fuerat explicata: nempe esse subiectum in quo est genus: quare solum videatur repetitio primæ definitionis. Alia verò verba, nempe; *De qua genus in quid prædicatur*, explicant aliam rationem formalem eiusdem speciei subiicibilis, videlicet esse subiectum, de quo prædicatur genus. Duas igitur tradit Prophyrius speciei subiicibilis definitiones, secundum duas rationes formales eius, & tertiam eiusdem speciei, vt prædicabilis.

Ad argumentum Soti & Toleti, eadem solutione respondetur: nam dum dicitur, Specie solum habere respectus ad genus, & indiuidua, concedendum est: dicendum tamen respectu ad genus, duplicem habere formalem rationem diuersam: quæ diuerso modo respicit genus, nempe, vt subiectum in Quo, & vt subiectum de Quo: sicut genus diuersa ratione respicit eandem speciem, nempe vt subiectum in quo est, & de quo prædicatur: ideo diuersis definitionibus debuit explicari.

Sed duo restant breuissima dubia. Primum, quæ ratione agat Porphyrius de specie subiicibili: nam cum opus hoc prædicabile sit; non pertinet ad ipsum species, nisi vt prædicabilis: sed non est prædicabilis, vt respicit genus; sed indiuidua: ergo non debuit definiri, nisi respectu eorum: & ideo vnica definitione; & non pluribus. Respondetur, agere Porphyrium de specie subiicibili. Primo, Quia est subiectum generis; & subiectum ad eandem considerationem pertinet, ad quam prædicatum; quia terminus relationis eius est; sine quo non potest cognosci. Secundo, Quia subiectum opponitur prædicato: oppositorum verò eadem est scientia: & ideo duabus definitionibus debuit species definiri, vt subiicibilis, quia duobus modis formaliter diuersis est subiectum generis.

Sed circa vtramque eius definitionem est secundum dubium: quia videtur conuenire indiuiduis, cum sub assignato genere collocentur vt hoc, vel illud animal sub animali, atque etiam

Petrus, & Ioannes; & eidem generi subiiciantur, quod de illis prædicatur in quid, sicut de speciebus. Respondeo; collocari sub genere, aut esse subiectum eius; duobus modis posse intelligi: per se quidem, ratione sui, & inmediate. Per aliud autem, ratione alterius, & remote. Et primo modo conuenit soli speciei: indiuiduis verò, solum secundo modo. Et ratio huius est: quia genus per se, & inmediate descendit ad species per differentias: ad indiuidua verò, non nisi ratione speciei: ergo species sola est, quæ per se primò, collocatur sub genere; indiuidua verò, non nisi per speciem. Definitiones igitur speciei subiicibilis, secundum primum modum intelliguntur à Porphyrio: ita ut sensus primæ sit; Species est, quæ sub assignato genere per se primò, atque inmediate collocatur. Sensus verò secundæ; Species est, quæ per se primò, & inmediate subiicitur generi, & de qua genus per se primò, & inmediate prædicatur in quid: & ita excluduntur indiuidua, quæ non sic ponuntur sub genere, nec ei subiiciuntur.

QVÆSTIO II.

Virum species subiicibilis, ut subiicibilis est, sit vniuersalis; vel quonam modo se habeant habitudines ista speciei inter se; vniuersalitas, prædicabilitas, & subiicibilitas.

VT intelligatur quæstio; præsupponenda sunt duo, tanquam certa apud omnes. Primum, hos duos respectus speciei, nempe prædicabilitatem, & subiicibilitatem, quasi oppositos esse, cum conueniant ei respectu diuersorum, & quasi oppositorum terminorum: nam respectus subiicibilitatis conuenit speciei, in ordine ad superius genus: respectus prædicabilitatis, in ordine ad inferiora indiuidua.

Secundò, certum est respectum prædicabilitatis conuenire speciei, ut vniuersali. Probat, quia ut superius probatum est, vniuersalitas se habet tanquam essentia vniuersalis: prædicabilitas verò, tanquam propria passio eius: ergo verum est, speciem, ut vniuersalem, esse prædicabilem, sicut verum est, hominem esse risibilem: ut est rationalis. Quæstio igitur est, An etiam conueniat speciei respectus subiicibilitatis, in quantum est vniuersalis.

Circa quam, duæ sunt opiniones. Prima; Caietani cap. præsentis, ubi ait, *Ita esse connexas has duas rationes speciei, nempe, vniuersalitatem, & prædicabilitatem cum tertia, qua est subiicibilitas, ut hac se habeas tanquam essentia, à qua illa*
duæ

due procedunt, tamquam propria passionem. Vnde sequitur, speciem vt subijcibilem esse vniuersalem: sicut verum est, hominem esse risibilem, in quantum est homo: quia risibilitas procedit à rationalitate, tamquam propria passio ab essentia.

Secunda opinio est Cardinalis Toleti, q. 1. huius capituli. Vbi asserit: *Vniuersalitatem esse essentiam speciei, & ab ea procedere duas passionem:* Vna est prædicabilitas de multis, respectu indiuiduorum: Altera, subijcibilitas, respectu generis, ex quo sequitur, speciem, vt respicit genus, esse vniuersale subijcibile, & vt respicit indiuidua, esse vniuersale prædicabile: & vt vno verbo hanc sententiam explicemus, ita ait speciem, vt subijcibilem, esse vniuersalem: sicut vniuersalis est, in quantum prædicabilis.

Probat duplici ratione. Prima, Vniuersale (inquit) est genus ad quinque prædicabilia, sicut animal ad hominem, & leonem: ergo quodlibet prædicabile respicit illud, tanquam proprium genus, cuius rationem participat: sed species respectu generis sunt subijcibiles, ergo prædicabilia, vt species subijcibiles, participant rationem genericam vniuersalis, sicut homo & leo rationem animalis: quare, vt subijcibiles, sunt vniuersales.

2 Secunda, Species subijcibilis, vt subijcibilis est; non est singularis: ergo vniuersalis. Consequentia necessaria est, quia inter vniuersale, & singulare, non datur medium. Sed probatur antecedens; quia species subijcibilis, non est natura contracta per conditiones singulares, vt natura Petri, sed abstracta ab illis: natura verò abstracta, communis est multis, ergo est vniuersalis: & ideo in quantum subijcibilis, erit vniuersalis.

Et confirmatur: Quia species subijcibilis, in quantum subijcibilis, est communis huic & illi speciei subijcibili, de quibus prædicatur in his prædicationibus; Hæc specie subijcibilis, est species subijcibilis. Et illa species subijcibilis, est species subijcibilis: ergo est vniuersalis. Probat consequentia: quia prædicabile sequitur ex vniuersali; tanquam propria passio ex essentia.

Vtraque hæc sententia falsa est. Probat hoc argumento. Vniuersalitas, & prædicabilitas, sunt respectus naturæ ad inferiora; Subijcibilitas verò, est respectus eiusdem ad superiora: ergo respectus iste oppositus est illis: sed vnum oppositorum non potest procedere ab alio, tanquam propria passio ab essentia: ergo vniuersalitas, & prædicabilitas, non procedunt à subijcibilitate, tanquam ab essentia; vt affirmat Caie. nec subijcibilitas procedit ab vniuersalitate, tanquam ab essentia; vt affirmat Toletus.

Vera igitur sententia, tria affirmat. Primum; Vniuersalitatē & prædicabilitatem non esse respectus oppositos, sed se habere tãquam essentiam, & propriam passionē. Probatur hoc: quia vterque respectus habet pro termino inferiora; quamuis diuerso modo considerata; vt quæstione præcedenti explicatum est.

Secundum. Hos respectus esse quasi oppositos subiicibilitati; & ideo nec ab ea procedere possunt, tanquam propria passio ab essentia, nec subiicibilitas ab illis. Vtrumque probatum est contra Caietanum, & Toletum.

Tertium, Speciem subiicibilem, vt subiicibilis est, non esse vniuersalem, sed subiectum commune, atque proximū generis. Hoc sequitur euidenter ex duobus primis: & probatur hoc argumento: Respectus oppositi, non possunt eidem rei sub eadē ratione formali conuenire: sed vniuersalitas, & subiicibilitas, sunt respectus oppositi, vt probatum est: ergo non possunt speciei sub eadem ratione conuenire: ideo nec vniuersalis, est subiicibilis, neque vt subiicibilis, est vniuersalis.

Ad primum arg. secundæ opinionis; concedendum est antecedens; Quod vniuersale sit genus, ad quinque prædicabilia, & etiam prima consequentia; quod naturam eius participant: sed negandum est, quod eam participant, vt sunt species subiicibiles: sed eam quidē participant secundum propriam essentiam: ex participatione verò, resultat in eis accidentaliter respectus subiicibilitatis, secundum quem non sunt vniuersales, sed subiecta generis. Quod hoc exemplo declaratur. Animal est genus hominis, & leonis, secundum proprias naturas sensitivas; & hoc modo naturam eius participant, & animalia sunt formaliter. Ex hoc verò, resultat in eis denominatio specierum subiicibilium: Accidentaliter quidem; cum sit eis tributa ab intellectu: & ideo vt sunt species subiicibiles, non sunt animalia, sed subiecta. Eadem ratione prædicabilia, secundum proprias naturas, participant essentiam vniuersalem, quod est genus eorum: propria autem natura prædicabilium est, esse secundas intentiones, denominantes naturas vniuersales, vt primi prædicabilis, denominare naturam vniuersalem in multis speciebus: secundi prædicabilis, in multis differentibus numero in Quid, & sic de reliquis. Vnde hoc modo participant naturam vniuersalem, & essentialiter sunt vniuersalia: sed denominatio speciei subiicibilis, accidentaliter ea consequitur: & ideo secundum eam, non possunt esse vniuersales, sicut neque homo, & leo, vt sunt species subiicibiles, sunt animalia.

Ad secundum; Concedendum est antecedens, nempe speciem

ciem, vt subiicibilem non esse singularem: sed neganda est consequentia, quod sit vniuersalis: nam inter vniuersale, & singulare, datur medium; quod est subiectum commune: id est natura abstracta communis negativè: quia nulli singulari appropriata est, neque illa respicit; sed solum genus; ad quod comparatur, & sub quo collocatur: vt autem vniuersalis sit formaliter; necesse est ad indiuidua comparatur, & referatur.

Ad confirmationem respondeo, Speciem subiicibilem, comparatam ad hanc, & illam speciem subiicibilem, non esse secundum rem subiicibilem, sed solo nomine: quia non comparatur ad genus, nec illud respicit: verè autem prædicabilem, & vniuersalem; cum sit vnum in multis, & de multis: quare non probatur; quod, vt subiicibilis, secundum rem sit vniuersalis.

Ex dictis in hac quaestione, tria intelliguntur. Primum; Quod ex duplici respectu prædicabilitatis, & subiicibilitatis, secundus conuenit primò speciei. Cuius ratio est, quia primum, quod habet species, est esse compositam ex genere & differentia: postquam verò composita ex eis est; participatur ab indiuiduis; ergo primò consequitur naturam eius respectus ad genus quàm ad indiuidua.

Secundum, quod intelligitur, est, respectum prædicabilitatis nobiliorem in ea esse, respectu subiicibilitatis: & ideo nobiliorem denominationem speciei, ab eo consequitur. Quod sic probo. Prædicatum nobilius est subiecto, cum sit forma eius: ergo respectus prædicabilis, nobilior est respectu subiicibilis. Intelligitur tandem terriò, Speciem respectu subiicibilis, & prædicabilis, æquiucum nomen esse. Probatur: quia respectus subiicibilitatis, & prædicabilitatis, sunt oppositi, & omnino diuersi; ita vt sub nomine speciei, in nullo conueniant; ergo solum habent nomen commune; quod proprium est æquiucorum.

QVÆSTIO III.

*An species possit conseruari in unico indiuiduo,
& genus in unica specie.*

11. **V**T facilius intelligatur, atque solvatur quaestio, annotandum est, Genus & specie tribus modis considerari posse. Primò, secundum entitatem Physicam, & realem. Secundò, Logicè, in quâ Genus est prædicabile de multis differentiis specie in Quid: & Species de pluribus differentiis numero. Terriò, Metaphysicè, in quâ Genus, est totum potentiale, contra-

contrahibile per oppositas differentias : aut pars speciei, eam componens cum differentia : & secundum considerationem physicam certum est apud omnes genus posse conseruari in vna specie : imò in vno solo indiuiduo ; atque etiam speciem : & huius ratio manifesta est : quia tota entitas generis, & speciei, vt animalis, & hominis, reperitur in quolibet indiuiduo ; vt in Petro, aut Ioanne.

Secundum Logicam etiam considerationem, est certum : Genus non conseruari in vna specie ; nec speciem in vno indiuiduo. Probatur hoc, ex definitionibus vtriusque : nam genus est prædicabile de multis speciebus : & species de multis indiuiduis : ergo vtrumque postulat plura, ad sui conseruationem, in quo æqualia sunt. Sed an genus postulet plures species, actu existentes, & species plura indiuidua : vel sufficiat eis vnum actu, dummodo plura sint in potentia, ad sui conseruationem : De specie nemo dubitat ; quin possit conseruari in vno indiuiduo, si plura sint possibilia. Probatur euidenti experientia ; quia Sol, & Luna, sunt species Logicæ, & non habent nisi vnum indiuiduum actu existens, plura tamen possibilia : ergo hoc sufficiet ad conseruationem Logicæ speciei.

De genere verò Logico, asserit Toletus, quæstione vnica 13 huius capituli ; *Non posse conseruari in vna specie actu existentes ; quāuis plures sint possibiles : sed plures actu existentes postulare, ad sui conseruationem.* Probat 1. testimonio Arist. 4. lib. Topicorum, cap. 3. vbi ita ait ; *Dum autem omnis generis plures sint species, inspicendum, si non contingit alteram speciem esse dicti generis : nam si non est ; manifestum, quoniam non erit genus omnino.* Deinde ratione ; quia genus contrahitur ad speciem per differentiam : sed differentia non constituit speciem, nisi distinguendo illam ab alijs : ergo requirit genus plures species, actu existentes. Probatur consequentia : quia differentia non distinguit speciem ab alijs non existentibus, sed ab his tantum quæ actu sunt.

Hæc tamē sententia falsa est. Quod probatur hoc argumento ; Genus Logicum, est prædicabile de pluribus differentiis specie ; etiam si actu non prædicetur, vt definitio eius ostendit ; sed etiam si in vna tantū sit specie actu existente : sufficit alias esse possibiles, vt sit prædicabile de pluribus : ergo cōseruabitur in vna, si plures sint possibiles ; & non requirit plures actu existentes : sed quantum ad considerationem Logicam, æqualis est ratio de genere, & specie : ita vt vtrumque postulet plura ad sui conseruationem, non actu existentia, sed vnum actu, & plura in potentia. Circa tertiam considerationem Metaphysicam, primò certum est apud omnes de genere ; vt est totum
poten

potentiale, quòd non possit conseruari in vnica specie: nisi alia sint possibiles. Et ratio est manifesta, quia vt est totum potentiale, essentialiter est contrahibile per oppositas differentias, ad constitutionem diuersarum specierum: ergo plures saltem possibiles postulat, ad sui conseruationem.

Secundò certum est, de eodem genere, vt est pars actualis speciei, quòd possit conseruari in vna specie, etiam si plures non sint possibiles. Probatur hoc: quia vt est pars actualis speciei, solum petit vnā differentiam, cui actu coniungitur: ergo solum petit ad sui conseruationem vnā speciem, quam cum ea componit.

De specie verò Metaphysica, non est ita certum: An in vno indiuiduo conseruari possit, vel plura postulet saltem possibilia. Sed duæ sunt opiniones contrariæ. Primam tenet Onna, q. 2. huius capituli art. 2. affirmans Æqualia esse genus & speciem Metaphysicam: ita vt sicut genus postulat plures species, vnā actu, & aliam saltem in potentia: ita species non potest conseruari in vno indiuiduo, si non sint plura possibilia.

x 4. Probat hoc argumento. Ideo genus non potest conseruari in vna specie, quia est contrahibile per oppositas differentias specificas: hoc est, tales, quæ non possunt esse in eadem specie: vt animal per rationale, & irrationale: sed etiam species est contrahibilis, per differentias indiuiduales oppositas: hoc est non potentes conuenire eidem indiuiduo: vt homo, per differentias Petri, & Ioannis: ergo sicut genus non potest conseruari in vna specie, sic species non poterit conseruari in vno indiuiduo. Sed hæc etiam sententia falsa probatur, hoc argumento. Species Metaphysica, secundum essentiam, solum dicit quid compositum ex genere, & differentia: & per solum genus, & differentiam definitur: sed in vno solo indiuiduo, etiam si alia non sint possibilia, saluari potest compositio ex genere, & differentia: ergo etiam saluabitur, aut conseruabitur species Metaphysica. Probatur minor: quia differentia indiuiduales, extra genus, & differentiam sunt: ergo compositio speciei ex genere, & differentia, non dependet essentialiter ab illis: & ideo, non minus in vno indiuiduo, quam in multis conseruabitur: & ex consequenti species. Et confirmatur: quia probabile est, species Angelorum nec habere, nec posse habere, nisi vnicum indiuiduum: & tamen nullus negat, quòd sint veræ species, compositæ ex genere, & differentia.

Nostra igitur sententia duo asserit. Primum, quòd genus, & species secundum Logicam considerationem æqualia sunt;

ita vt nec genus possit conseruari in vna specie, nisi alia saltē sit possibilis, nec species in vno indiuiduo, nisi alterum saltem sit possibile: neutrum tamē postulare plura actu existentia ad sui conseruationem.

Secundum quod asserit, est, Genus, & speciem secundum considerationem Metaphysicam, non esse aequalia, sed genus vt est totum potentiale, non posse conseruari in vna specie, nisi altera saltem sit possibilis: quamuis vt est pars speciei, in vna conseruari possit: speciem verò conseruari posse in vno indiuiduo, etiam si aliud non sit possibile. Vtrumq; autem probatum est iam, ex refutatione aliarum opinionum.

Sed vt veritas secundi magis fiat manifesta, & argumentum 15 oppositum facilius soluatur, annotandum est: hanc esse differentiam inter genus & speciem, Metaphysicè considerata: quòd genus est totum potentiale, & imperfectum essentialiter; perfectibile tamen per differentias específicas, tanquam per alios gradus perfectionis, essentialiter distinctos. Vt animal, dicit naturam sensitiuam, essentialiter imperfectam; perfectibilem verò per rationale, & irrationale; tanquam per diuersos gradus essentialis perfectionis. Vnde sequitur primò, Genus essentialiter esse contrahibile, per oppositas differentias, ad constitutionem diuersarum specierum. Species verò, totum actuale, & perfectum est; ita vt non possit vltiorem perfectionem essentialem suscipere, (loquimur autem de specie infima; quæ ira est species, vt non sit genus:) quare non est contrahibilis per differentias essentielles; quæ sint gradus essentialis perfectionis: sed solum multiplicatur in indiuiduis, per differentias indiuiduales: quæ non sunt essentielles, sed omnino extra essentialiam eius: accidentales enim sunt; vel ad summum modi quidam substantiales. Secundò, sequitur; Speciem non esse essentialiter contrahibilem per differentias indiuiduales; sed sine tali contractione esse perfectam, & completam essentialiter: & ideo siue per plures determinetur ad plura indiuidua: vel per vnā tantum ad vnum: & siue aliæ sint possibiles, vel non; perfecta erit atque completa species, essentialiter in vno; non minus quam in multis: & ideo in solo illo conseruabitur: quia determinatio per tales differentias, non est ei essentialis; sed vel accidentalis, vel modalis; & omnino extra essentialiam.

Ad testimonium Arist. quod adduxit Toletus, respondeo; 16 sententiam Aristotelis esse: quòd genus Logicum non possit conseruari, nisi cognoscat ab intellectu in ordine ad plures species: quia non nisi per comparationē ad plures sit ab intellectu: nec aliud esse habet; quam ab eo cognosci; non tamen requirit plu

plures existentes ; à parte rei ; sed in vna conseruatur ; si aliæ sint possibiles.

Ad argum eiusdem opinionis respondetur. Differentiam constituere speciem, & distinguere eam ab aliis, existentibus quidem; aut possibilibus : nam cum distinctio specifica per differentias, sit essentialis; necessario dependet ab actuali existentia specierum. Quod probatur euidenter; quia diuersæ species florum, non minùs distinguuntur specie in hyeme ; quando actu non existunt, quàm dum actu sunt : Bene ergo potest differentia constituere speciem, & distinguere eam ab aliis, etià actu non existentibus, sed solùm possibilibus.

Ad argumentum secundæ opinionis ; quod de specie Metaphysica procedebat; ex aunotata doctrina responsum est: Quæ sic est applicanda ad formam eius ; vt dum dicitur genus non posse conseruari in vna specie, quia est contrahibile per differentias oppositas: concedendum sit antecedens : sed minor distinguenda : nam species non est essentialiter contrahibilis per differentias indiuiduales, sicut genus per specificas : sed determinatio ad indiuidua extra essentiam eius est : & ideo non minùs in vno, quàm in multis potest conseruari essentialiter.

Q V Æ S T I O I I I I.

Virum definitio postrema speciei, illis speciebus conueniat, quæ vnum tantum indiuiduum habere possunt.

17 **N**Vlla reperitur natura specifica, de qua certum sit non posse habere plura indiuidua : sed de Angelis, & corporibus cælestibus, plures opinantur ita se habere, vt qualibet species, nec habeat, nec habere vllò modo possit plura : sed omnes Angelos specie distinctos esse, & non posse distingui solo numero, sicut Petrum & Ioannem. Quæstio igitur hæc conditionalis est, & non absoluta ; & sensus eius est : An supposito quòd aliquæ sint species, quibus repugnet habere plura indiuidua, eis conueniat vltima definitio Porphyrij, quòd sint prædicabiles de pluribus differentibus specie in quid.

Sed priusquam probabiles opiniones circa eam proponamus, refutandum est illud, quod sine fundamento rationis quidam asserunt : nempe his speciebus conuenire definitionem Porphyrij, per non repugnantiam. Quod ita declarant, vt quamuis non conueniat eis, prædicabiles esse de pluribus, in quantum tales species sunt, non multiplicabiles per plura indiuidua; tamen si considerentur sub communi ratione speciei, non repugnat eis, de multis prædicari : quia species, vt species, præ-

prædicabilis est de multis. Quod apertè falsum esse probatur. Primò, quia definitiones debent conuenire rebus positiuè, cùm naturam positiuam earum explicent: sed non repugnantia solum est quædam negatio: ergo non sufficit, vt definitio eis conueniat. Secundo, quia, si talis non repugnantia sufficeret, vt dicatur his speciebus conuenire, sequitur etiam conuenire cuilibet indiuiduo, vt Petro, aut Ioanni. Probatur consequentia: quia licet ei repugnet prædicari de multis, in quantum est res singularis, tamen si consideretur sub ratione comuni hominis, non repugnat: cùm homo sit prædicabilis de multis: ideo quodlibet indiuiduum erit species prædicabilis, quod absurdum est.

• Hoc igitur refutato: Prima opinio est Caietani, 1. par. 18 quæst. 3. art. 9. in opusc. de ente, & essentia, cap. 5. & cap. præsentis, dubio 3. circa ultimam definitionem speciei, asserentis his speciebus verè conuenire. Quod vt declaret, distinguit duplicem potentiam in natura ad plura indiuidua, Physicam, & Logicam: Potentiam Physicam vocat realem, quam habet è parte rei, in quantum ex suis principiis potest multiplicari in pluribus indiuiduis, vt natura humana: Logicam verò, quam non habet, nisi vt à nobis intelligitur: & quia nos intelligimus naturas spirituales Angelorum, per similitudinem specierum, materialium, habentium plura indiuidua, & eas abstrahimus ab illo vno indiuiduo, quod habent, sicut naturas materiales à multis, vt hominem à Petro, & Ioanne: hinc est, quod non minùs illis attribuamus denominationem prædicabilis de pluribus indiuiduis, quàm his, quæ plura habent indiuidua.

Probatur hæc sententia sic explicata, autoritate Aristotelis, qui in cap. de substantia duo asserit. Primum, secundas substantias esse genera, & species, vt homo, & animal: primas verò, indiuidua, vt Petrus, & Ioannes. Secundum; easdem secundas substantias esse prædicabiles de primis: sed naturæ Angelorum sunt genera, & species: vt spiritus est genus, Michael, & Gabriel sunt species: ergo sunt secundæ substantiæ, & consequenter erunt prædicabiles de pluribus.

Probatur etiam ratione: quia si species Michaelis non potest habere nisi illud vnicum indiuiduum Michaelis; sequitur differentiam specificam eius, & indiuidualem, eandem esse secundum rem, ratione tamè distinctam: vt specifica est à seipsa, vt est indiuidualis: quia vt specifica, componit speciem simul cum genere; vt indiuidualis verò, determinat speciem iā compositam ad tale indiuiduum. Quo supposito, poterit intellectus considerare naturam Michaelis, vt compositam ex genere & diffe

& differentia; vt specificam, non considerata eadem differentia vt indiuiduali: & hoc erit abstrahere naturam ab illo vno indiuiduo. Sic autem abstracta, prædicari poterit de illo, non prædicatione identica: quia ratione forma. i. distinguitur ab indiuiduo: nec prædicatione æquali, quia indiuiduum inferius est respectu speciei: ergo prædicatione superioris de inferiori: sed prædicatio superioris est prædicatio vniuersalis: ergo prædicabitur prædicatione vniuersali de singulari: eritque verè prædicabilis de multis, cui conueniat definitio speciei. Probat-ur consequentia: quia vniuersale, & prædicabile conuertuntur. Hanc sententiam sequuntur Canterus in 2. parte huius cap. dub. 2. & Mercatus q. vnica, arg. 2.

19 Secunda opinio est multorum modernorum, quòd his speciebus non conueniat vllò modo definitio Porphyrij. Et videtur mihi probabilior, & tenenda.

Sed vt eam efficaciter probemus, vnum est notandum, nempe, ita nos intelligere Deum & Angelos, per species, aut similitudines rerum materialium, vt ex eis non formemus conceptus eis repugnantes, sed proprios: hoc est, qui eis solis conueniant, & cum eis conuertantur. Gratia exempli, per similitudinem rei corporeæ, intelligimus Deum, imperfectionem ab eo auferentes: & ideo concipientes de illo, quòd corpore careat, & purus spiritus sit: & per naturam compositam ex genere, & differentia, auferentes ab eo imperfectionem compositionis, intelligimus esse simplicissimum. Et eodem modo intelligimus angelicam naturam, per species rerum corporearum, proprium conceptum de ea formantes: nempe, quòd incorporea sit, & spiritualis: & per species naturarum materialium, quæ in pluribus indiuiduis multiplicantur, intelligimus Angelos non posse multiplicari, secundum probabilem sententiam multorum. Et hæc doctrina vera est: Quia si non formaremus proprios, & veros conceptus de rebus spiritualibus; quamuis imperfectos, & per alienas species rerum corporearum; nec verè eas intelligeremus: quin multa eis attribueremus falsa, & naturæ earum repugnantia.

20 Ex eadem igitur doctrina, probatur primò nostra sententia, contra Caiet. Quia licet intelligamus naturas spirituales per species corporum; non tamen iis attribuimus proprietates corporum eis repugnantes; sed potius eas remouentes ab illis, intelligimus incorporeas esse: ergo supposito, quòd intelligamus non posse habere plura indiuidua, sicut habent corporeæ naturæ, per quarum species eas intelligimus; impossibile est, quòd eis tribuat intellectus denominationes vniuersaliū, aut prædicabiliū.

Et in hoc decipitur primò Caiet. quia putat ex eo, quòd per species rerum materialium à nobis intelliguntur, denominari ab intellectu vniuersales, & prædicabiles de pluribus: quòd non est verum, sicut nec verum est, quòd intelligamus esse corporeas. Secundò, decipitur in sua illa diuisione potentiae Physicæ & Logicæ: nam potentia Logica, fundamentum saltem remotum habere debet in natura; etiam vt à nobis intelligitur; vt vera sit, & non ficta: sed nulum habet fundamentum in natura angelica, etiam vt à nobis intelligitur, multiplicatio indiuiduorum; cum potius intelligamus ei repugnare: ergo nec habet potentiam Physicam, nec Logicam; secundum quam possit denominari prædicabilis de multis.

Secundò probatur: Quia Deum intelligimus per species rerum materialium, sicut Angelos; ergo si angelica natura vniuersalis est; vt sic à nobis abstracta, & intellecta; Deus etiam erit vniuersalis, & prædicabilis de multis: quòd patet esse falsum. Et si respondeas, adhuc esse diuersam rationem de Deo, & Angelis: quia species angelica componitur ex genere & differentia: & ideo potest ei attribui intentio vniuersalitatis; Deo verò non potest attribui: quia caret tali compositione. Solutio hæc nihil valet: quia speciei non attribuitur denominatio vniuersalis, aut prædicabilis; ex eo, quòd componatur ex genere, & differentia; sed quia comparatur ad plura indiuidua. Probatur hoc in speciebus subalternis; quæ licet componantur ex genere, & differentia, non sunt species prædicabiles; sed tantum subiicibiles; ergo licet species angelica componatur ex genere, & differentia; non ideo capax est denominationis vniuersalis, aut prædicabilis; sed repugnat ei; sicut multiplicitas indiuiduorum.

Ex quibus sequitur; Non omnem speciem subiicibilem esse prædicabilem (etià si infima sit) sed posse esse subiicibilem, & non prædicabilem. Quòd euidentius est in speciebus subalternis; quæ non sunt prædicabiles, sed subiicibiles tantum: in infimis quoque verum erit; si repugnet illis pluralitas indiuiduorum. Et ratio eius est; quia ad speciem subiicibilem satis est quòd componatur ex genere & differentia: ad prædicabilem verò de multis, requiritur necessariò multitudo indiuiduorum, actu existentium, aut possibilium.

Ad testimonium Arist. pro sententia Caietani adductum, respondent aliqui, negando; quòd naturæ Angelorum sint secundæ substantiæ: sed hoc contrarium est verbis eiusdem Arist. quòd ita probò: Quia Aristoteles asserit expressè, *Genera & species, esse secundas substantias*: sed naturæ Angelorum sunt species compositæ ex genere, & differentia: ergo sunt secundæ substantiæ.

tia. Continet etiam prædicata superiora, & spiritualia accidentia sustentant : & ideo dicuntur eis substare ; non minus quam species materiales : nec solum prout singulares sunt, aut primæ substantiæ ; sed etiam , vt sunt species : ergo negari non potest in doctrina Arist. quod sunt secundæ substantiæ.

Concedendum est ergo , quod tales species sint secundæ substantiæ : negandum verò , quod eis non conueniat vniuersalis proprietas, assignata ab Aristotele ; nempe , quod de primis prædicentur : nam hæc proprietas singulis speciebus applicanda est, iuxta earum naturam ; ita vt si plures habuerint primas substantias, de omnibus prædicentur ; si vnā tantum , solum de illa : quod satis est ad veritatem vniuersalis locutionis, videlicet, proprium est secundis substantiis prædicari de primis.

Ad arg. concedendum est, quamlibet harum specierum abs-
 22 trahi posse, à suo indiuiduo, negandum tamen, quod sic abstractæ, possit ei attribui relatio rationis, per quam sit prædicabilis de multis ; nam idemmet intellectus eam abstrahens, præsupponit ei repugnare plura indiuidua. Nec sequitur, Quod intellectus eam abstrahat per species rerum materialium, quibus abstrahit alias naturas, plura indiuidua habentes ; ergo sicut has denominat vniuersales, sic illas. Nam ex eo, quod per tales species rerum materialium eas intelligit, non format eundem conceptum earum, ac materialium rerum, sed diuersum, iuxta naturam cuiuscunque : ita vt has intelligat esse multiplicabiles in pluribus indiuiduis, illas verò ad vnicum esse determinatas. De quo concedimus, prædicari posse, non prædicatione identica, nec prædicatione superioris, sed æqualis, ad modum, quo differentia vltima prædicatur de sua specie. Et ratio huius est : quia supposito, quod natura Michaëlis non potest habere plura indiuidua, solum dicit ordinem ad vnā differentiam indiuidualem, etiam si ab illa abstrahatur : ideo non magis coarctatur per illam : sed quomodo-
 docunque accipiatur, cum ea conuertitur. Talis autem prædicatione, eiusdem speciei de suo indiuiduo ; licet similis sit prædicationi vltimæ differentiæ, de sua specie, ratione equalitatis, sed quia prædicatur in Quid, tanquam totum actuale, & completum, ad secundum prædicabile potius reducenda est. Species igitur, quibus repugnat pluralitas indiuiduorum, subiectibiles tantum sunt : quibus conueniunt duæ definitiones assignatæ à Porphyrio : nam species Michaëlis, subicitur suo generi proximo ; quod est spiritus ; & etiam remoto ; quod est substantia incorporea aut spiritualis : sed non sunt species prædicabiles : ideo non conuenit eis vltima definitio.

QVÆSTIO V.

An species distinguatur à genere, per illas particulas sue definitionis, prædicari de pluribus differentibus numero.

Questio hæc occasionem sumpsit ex Porphyrio: qui cap. de 23
 genere docuit, *Specie distingu à genere*: quia genus de pluribus differentibus specie prædicatur; species verò de pluribus differentibus numero. Sed in præsentī capite, & etiam in ultimo huius libri concedit, *Genus etiam de pluribus differentibus numero prædicari*: quia cū sit prædicatum superius respectu speciei, vt animal respectu hominis, necesse est prædicari, de quibuscunque prædicatur species. Quare non videtur excludi posse à definitione vltima speciei, per illas particulas, *prædicari de pluribus differentibus numero*: nec est alia per quam excludatur. Et ideo non erit bona definitio, quia non distinguit secundum prædicabile à primo.

Est igitur prima opinio Alberti Magni tractatu de prædicabilibus cap. 1. asserentis; speciem distingu à genere per illas particulas (*prædicari de pluribus differentibus numero*) quia in hoc sensu intelliguntur à Porphyrio, vt species per seipsam, & immediatè prædicetur de indiuiduis: genus verò non per seipsum, aut immediatè: sed mediante specie. Et ratio huius sententiæ est; quia species per se componitur ex genere, & differentia: & ideo, per seipsam participat naturam generis: indiuidua verò non componuntur per se ex genere & differentia, sed solum participant naturam generis: quia participant naturam speciei, in qua continentur: ideo enim Petrus est animal; quia est indiuiduum speciei humanæ, compositæ ex natura sensitua, & rationali.

Hæc expositio probatur falsa duobus argumētis. Primò; Genus prædicatur per seipsum, aut immediatè de indiuiduis: ergo per hoc non distinguitur ab eo species. Probaturs antecedens: in his prædicationibus; hoc animal est animal, hoc viuens est viuens; quæ verè sunt immediatæ, & non solo nomine: nam prædicatum significat naturam sensituiam in communi, & subiectum eandem naturam singularizatam: sed inter naturam in communi sumptam, & in singulari, nullum potest esse medium; ergo immediatè prædicatur genus de indiuiduis.

Secundò; Quia indiuidua duobus modis cōsiderari possunt. 24
 Primo, vt sunt à parte rei: & sic nullum est, quod non contineatur sub aliqua specie, & ea mediante participet naturam genericam: & ideo vocantur indiuidua specie; vt Petrus,

trus, & Ioannes, sub his nominibus. Alio modo, in quantum concipiuntur ab intellectu, sub gradu naturæ superioris; non considerato gradu specifico: quem reuera participant, vt si Petrus consideretur sub gradu naturæ sensitivæ, non considerato gradu rationali, quem participat ab specie humana, in qua acceptione significatur nomine huius animalis. Et indiuidua hoc modo considerata, vocantur generica: quia formaliter, & immediatè significant, & participant naturam genericam. Vnde sequitur; quòd licet de indiuiduis specificis prædicetur genus media specie, de genericis tamen per seipsum & immediatè prædicatur: quare dum prædicatur de indiuiduis, hoc modo consideratis, non distinguetur ab specie.

Ideo secunda opinio Auicenæ, concedens genus per seipsum, & immediatè prædicari de indiuiduis asserit; illa verba definitionis, (quod prædicatur de pluribus differentibus numero) cum duplici limitatione intelligenda esse; vt per ea distinguatur species à genere: nempe de his, quæ solo numero distincta sunt: & de his tantum, & non de aliis; quæ plusquam numero distinguuntur. Vnde cum genus non de indiuiduis tantum, sed etiam de speciebus prædicetur, excluditur per illa verba, sic exposita, à definitione speciei.

Sed hæc etiam sententia insufficiens est. Probatur primò: quia sicut definitio debet conuenire definito positivè, & non tantum per negationem; sic etiam debet illud distinguere ab aliis per differentiam positivam: & nō per solam negationem: quia sola negatio non potest esse differentia distinguens species: sed prædicari de indiuiduis, & non de aliis magis diuersis, est pura negatio: ergo non potest distinguere secundum prædicabile à primo.

25 Secundo; Si semel concedatur genus immediatè prædicari de indiuiduis, sicut speciem; etiam si de speciebus prædicetur: non sequitur non esse speciem: sed non esse solum speciem, sed etiam genus; cum definitio vtriusque ei conueniat: ergo non distinguitur ab specie per illas particulas.

Propterea tertia opinio tenet; Non distingui per illas materialiter consideratas, sed formaliter: hoc est, sub tali modo prædicandi speciei proprio: quia species prædicatur de indiuiduis, completè, hoc est, vt totum actuale, & completum, prædicans de illis totam essentiam: genus verò prædicatur incompletè; quia licet per modum totius potentialis prædicetur, tamen solum prædicat partem: vt animal non prædicat totam naturam Petri, sed solum sensitivam, quæ pars illius est. Et hoc modo intelligi debet Porphyrius, dum distinguit specie

à genere, per prædicari de pluribus differentibus numero.

Hæc etiam opinio falsa probatur, argumento ad hominem, ex eo, quod concedit, desumpto: nempe, genus prædicari per seipsum, & immediatè de indiuiduis generis: vt animal de hoc, & illo animali. Quo supposito, sic argum, Animal prædicatur per se, & immediatè de hoc & illo animali: ergo natura sensitiua sumitur in his prædicationibus, vt immediatè participata ab eis, & non media aliqua specie: sed non sumitur genus vt totum potentiale, & incompletum, atque contrahibile per differentias, nisi in quantum per illas descendit ad species; ergo nec prædicatur incompletè, nisi de speciebus, aut de indiuiduis eius mediantibus: ideo impossibile est, immediatè prædicari de indiuiduis, & prædicari incompletè. Quare, nec potest distingui ab specie, per modum prædicandi incompletum de indiuiduis.

His sententiis refutatis, duabus conclusionibus explicatur 27 nostra. Prima est, Genus non prædicatur de indiuiduis per seipsum, & immediatè tanquam genus, sed per modum speciei: & ideo tales prædicationes, non ad primum, sed ad secundum prædicabile pertinent. Hæc conclusio primò explicanda est, deinde probanda. Explicatur autem hoc modo: Genus non prædicatur per seipsum, aut immediatè: nisi de indiuiduis genericis: vt animal de hoc & illo animali; & in his prædicationibus significatur natura generica, vt immediatè participata ab indiuiduis; & non mediante aliqua specie: quare non consideratur vt contrahibilis per differentias essentielles: & ideo nec vt imperfecta, & incompleta, sed vt completa ex genere, & differentia, immediatè determinata ad indiuidua, per differentias indiuiduales proprias, & non alterius naturæ inferioris: quæ propria sunt infimæ speciei: vnde in eisdem prædicationibus immediatis formaliter sumitur, per modum infimæ speciei, & non tanquam genus, nec prædicatione generis prædicatur; sed tanquam species, & prædicatione speciei.

Sic autem explicata conclusio probatur duplici argumento. 28 Primò: Cùm genus prædicatur immediatè de indiuiduis generis, concipitur natura generica, vt immediatè participata ab eisdem indiuiduis: ergo vt immediatè contracta per differentias indiuiduales sibi proprias: sed immediatè contrahi per differentias indiuiduales, conuenit speciei, & non generi, vt genus est: ergo in his prædicationibus, non habet modum generis; sed speciei. Probatur minor: quia genus vt genus, non contrahitur immediatè per differentias indiuiduales,

duales, sed specificas: ergo dum formaliter concipitur in eisdem prædicationibus, tanquam contractum immediatè per differentias indiuiduales propriæ naturæ, non concipitur tanquam genus; sed per modum speciei.

Secundò: Id quod concipitur tanquam immediatè contractum, per differentias indiuiduales concipitur; vt quid iam cōpletum in sua natura: sed animal in hac prædicatione, Hoc animal est animal, consideratur, vt immediatè contractum, per differentias indiuiduales eiusdem naturæ sensitivæ; ergo significatur vt quid completum in sua natura, composita ex genere, & differentias: nempe ex viuenti, & sensibili: & ideo non vt incompletum, neque vt genus, sed per modum speciei.

Secunda conclusio: Genus vt genus non prædicatur de indiuiduis per seipsum, sed per speciem. Hæc satis est manifesta, supposita præcedenti: nam si genus non prædicatur immediatè de indiuiduis, tanquam genus, sed per modum speciei: sequitur, quod dum prædicatur de illis tanquam genus, non per seipsum, & immediatè prædicatur, sed per speciem, & diuerso etiam modo, atque species: quia per modum totius potentialis, & contrahibilis, solum prædicant partem essentiæ, cum tamen species prædicetur, vt totum completum, atq; perfectum. Et ex his intelligitur, bene fuisse exclusum à Porphyrio genus à definitione speciei, per illas particulas: *Quod prædicatur de pluribus differentibus numero*; sic ab eo intellectas; vt per se, & nō per aliud prædicetur species de indiuiduis, atq; etiam completè; cum tamen neutrum conuenire possit generi, vt genus est.

29 Ad formam arg. primæ opinionis respondeo: Solam speciem componi per se ex genere, & differentia: & ideo solam speciem per se participare naturam generis, vt genus est: indiuidua verò media specie: sed eadē natura generica, vt consideratur immediatè contracta ad propria indiuidua, immediatè etiā participatur ab eis: non tamen sub ratione generis; sed speciei, cui conuenit immediatè contrahi per differentias indiuiduales. Talia autem indiuidua ita considerata, non existunt à parte rei, sed formaliter accipiuntur ab intellectu, sub gradu naturæ superioris, & genericæ.

QVÆSTIO VI.

An detur una ratio communis, atque realis indiuiduorum, qua definiatur per secundam definitionem indiuidui.

DE Indiuiduo agit Porphyrius cap. præsentis, quia est terminus relationis speciei, per quem definita est species ultima

es vltima definitione: & ideo ex eius notitia dependet notitia speciei. Sed duplici definitione definiuit indiuiduum. Prima, *In quantum est predicabile de uno*, per terminos *secunda intentionis*: & propterea secundo intentionaliter intelligitur talis definitio ab expositoribus. Secundam verò tradidit, per proprietates reales, dicens, *Indiuiduum esse, cuius collectio proprietatū quæ in uno sunt, in alio reperiri non possunt*: quare hæc est veluti fundamentum primæ, & ideo prius est à nobis examinanda, quàm illa. Et quia definitio quæcunque explicare debet aliquam rationem communem omnibus, quæ sub definito continentur, vt definitio hominis, rationem hominis communem omnibus hominibus; quærit titulus quæstionis; An per hanc definitionem Indiuidui, definiatur aliqua ratio realis communis omnibus indiuiduis.

Et est prima opinio Soti, quæstione vnica huius capituli, in 30
solutione ad secundum asserentis, Nihil dari reale, quod omnibus indiuiduis sit commune; & per hanc definitionem explicetur: sed definitum Formale, & vt Quo, esse secundam intentionem indiuidui; Materiale verò, & vt Quod reale Indiuiduum non secundum esse reale commune omnibus, sed vt denominatur à secunda intentione, sicut in definitione generis diximus, definiiri naturam genericam, prout denominatur à secunda intentione.

Habet autem hæc opinio duo argumenta, quibus probatur nihil dari reale commune omnibus indiuiduis, quod definiiri possit. Primum; Quia indiuidua duo habent: Vnum est participatio nature specificæ, sub qua vniuoce conueniunt, vt Petrus, & Ioannes, in eo quod vterque est homo. sed communis hæc ratio, specifica est, & non indiuidualis: quare nō potest esse definitū huius definitionis, sed per definitionē potius speciei explicetur. Alterū quod habet, est differentia indiuidualis, propria atque distincta per quam cōtrahitur natura specifica & fit singularis: & per hanc differentiam constituuntur in ratione singularium, aut indiuiduorum; & distinguuntur inter se. Gratia exempli, Petrus habet naturam humanam, per quam est homo, & conuenit cum Ioanne, & differentiam indiuidualem, per quam est talis homo singularis, & distinguitur à Ioanne, & sub prima ratione, certum est non definiiri, quia sub ea consideratus, non est singularis, sed sub secunda. Sed sub ratione singularium, non possunt conuenire indiuidua: ergo nihil reale datur eis commune, quod definiatur. Minorem sic probō: differentia indiuiduales sunt primò diuersæ; & per quas vltimò distinguuntur indiuidua: ergo ratione illarū non possunt

sunt conuenire: quare nihil reale cōmune habere possūt, quod definiatur, sicut in quantum diuersa sunt, non possūt cōuenire.

32 Secundum; Singularia vt distincta sunt propriis, ac diuersis nominibus significantur, vt Petrus, & Ioannes: ergo sub propria, & vltima ratione singularitatis non conueniunt. Probatur consequentia quia si sub ea conuenirent, per alias differentias indiuiduales deberent distingui, quarum ratione conuenire etiam possent, si ratione earum, quas modo habent, cōueniunt: & tunc per alias differentias distinguerentur, daretur que processus in infinitum.

Et confirmari potest arg. hoc modo: Si indiuidua vt indiuidua sunt realia, habent conuenientiam vniuocam abstractam à Petro, & Ioanne, ac ceteris: sequitur species etiam reales atomas, vt distinctas, habere conuenientiam realem vniuocam: ita vt ab homine & equo non solum vt conueniunt in animali, sed etiam, vt sunt species distinctæ per rationale, & irrationale, possit abstrahi vnus conceptus realis eis communis & vniuocus: quod patet esse falsum.

32 Secunda opinio affirmat; Dari aliquid reale commune, & vniuocum indiuiduis, quod per hanc definitionem Porphyrii definiatur. Hæc est D. Th. 1. par. qu. 30. art. 4. Caic. cap. pref. & 1 part. quæ. 29. art. 1. & Canteri in expositione huius definitionis & capit. de substantia, in expositione definitionis primæ substantiæ, quam sequuntur plures moderni. Et mihi videtur probabilior.

Sed duo sunt probanda, aduersus primam opinionem, vt maior probabilitas secundæ constet. Primum est, quod non definiatur secunda intentio, vel natura indiuidui, vt ab ea denominatur. Secundum, quod definiatur aliquid reale.

Probatur primum. Quia omnia verba in definitione posita, significant proprietates reales indiuidui, per quarum collectionem distinguitur vnum ab altero: nam licet in multis conuenire possint, tamen quodlibet habet aliquam sibi propriam, diuersam à propriis aliorum: vnde collectio, quæ ex communibus & propria constat, distincta est in singulis, & per illam distinguuntur: ergo collectio, per quam definitur indiuiduum, constat ex proprietatibus realibus, vt reales sunt, & non vt dehominantur à secunda intentione. Probatur consequentia quia indiuiduum constituitur per proprietates reales, ante operationem intellectus: ergo sine vilo ordine ad secundam intentionem.

Probatur secundum, duplici ratione. Primò: Definitio hæc, communis est omnibus indiuiduis substantiæ, quæ per eam

definiuntur: ergo aliquid commune definitur per eam, non sola vox: quia æquiucum esset, quod definiretur, vt canis, quod constat non posse defini: ergo definitur aliquid commune, per vocem significatum, vt reale: vt probatum est; nempe, ratio indiuiduationis realis in concreto.

Secundò: A quacunque conuenientia reali vniuoca, abstrahi potest conceptus realis vniuocus: sed indiuidua conueniunt vniuocè in modo particulari essendi: ergo talis modus abstrahi potest ab eis; vt in eo æqualiter conueniunt, poterunt defini. Probatur minor: quia æquè conuenit Petro, & Ioanni, modus particularis essendi, per quem determinatur natura humana, vt sit singularis in utroque. Hoc autem commune definitur, & confirmari potest hoc modo: Syllogismus iste constituitur in Darij: Omne indiuiduum est incommunicabile: Petrus est indiuiduum: ergo est incommunicabilis: sed si nihil commune datur indiuiduis, sequitur esse vitiosum: ergo dicendum est, aliquid reale commune eis dari. Probatur minor: quia medium erit æquiucum, nempe indiuiduum, nihil commune indiuiduis significans præter vocem.

Pro solutione argumentorum notandum est; Tribus modis considerari posse indiuidua. Primo; in quantum conueniunt in natura specifica: vt Petrus, & Ioannes, in natura humana: ratione cuius conuenientia, quilibet vocatur homo; & conceptus iste non est indiuiduorum, vt indiuidua sunt; sed conceptus speciei. Secundo modo considerantur, vt sunt particulares: ac determinati homines; per proprias differentias indiuiduales: & iste conceptus, non est nature, sed indiuiduationis. Quem adhuc dupliciter consideramus. Primò, vt talis indiuidui est, nomine particulari, & proprio significati; Petri, aut Ioannis. Secundò; vt est rei singularis, & indiuiduæ; non determinando hanc differentiam indiuidualem, Petri aut Ioannis; sed differentiam indiuidualem, vt sic; abstrahendo à determinatis, Petri & Ioannis: & secundum primam considerationem, nihil commune habere possunt: in secunda verò, communis est eis conceptus indiuidui; vt sic; per quem significatur differentia indiuidualis; & non aliqua determinata, & in concreto indiuiduum sub ratione indiuidui; non determinando hoc, vel illud.

Vnde sequitur; Conceptum communem, quem indiuidua habere dicimus, non esse conceptum rei, aut nature: sed conceptum modi determinantis naturam: & sub tali conceptu definiendi indiuiduum in hac definitione.

Ad primum arg. Concessa maiori, negatur minor; quòd indiuidua,

indiuia, vt indiuia sunt, nihil cōmune habere possint: nam licet differentiæ indiuiales sint primò diuersæ; & vt tales nihil propriis rationibus commune habere possint: tamen in officio conueniunt; nempe, in determinando naturam specificam, ad particularem modum essendi: quod est constituere eam in indiuio: licet quælibet secundum propriam rationem, constituat indiuium determinatum ac diuersum.

Ad secundum respondetur: Distinguendo consequens; nempe, singularia sub vltima ratione singularitatis, non conuenire. Nam propriæ singularitates Petri, & Ioannis, duobus modis considerari possunt. Primo, vt singularitates sunt. Secundo, vt tales singularitates. Et si primo modo considerentur, conueniunt: quia commune est eis officium singularizandi naturam: si verò secundo modo, conuenire non possunt. Nec datur processus in infinitum: quia sub illa ratione communi, considerata indiuia, non distinguuntur per alias differentias indiuiales; sed per easdem, consideratas sub vltima ratione particulari, ac determinata: quibus hoc modo sumptis, nihil commune datur: & ideo nec est necessarium, per alias differentias distinguere.

36 Et quod de indiuialibus differentiis dicimus, de specificis intelligendum est: quæ licet secundum proprias rationes, non conueniant in aliquo; sed sint primò diuersæ: vt rationale, & hinnibile: tamen in officio diuidendi genus, & constituendi speciem, conueniunt. Quam conuenientiam definiuit Porphyrius, cap. de differentia, dicens: *Differentia est, quæ diuidit genus, & constituit speciem.* Et conuenientia hæc specierum; vt per differentias specificas constituuntur, etiam est modalis: quia non est ratione naturæ differentiarum; sed solum ratione officij constituendi speciem: & ideo non est media inter proximum genus, & species; sed natura generis proximè descendit ad species, per differentias: licet differentiæ ipsæ, & species, per eas modaliter conueniant; vt expositum est. Si autem inquiras, Ad quod prædicabile pertineat indiuium reale, sub hac ratione communi, sub qua definitur: Respondet Caiet. speciale prædicabile, distinctum à cæteris, pro eo esse ponendum: quia habet modum prædicandi distinctum: non enim prædicatur in Quid; neq; in Quale quid; sed in cuiusmodi: nec est prædicatū Accidentale; sed Substantialē; Dicendum tamen est: Non posse speciale prædicabile constituere: quia non est prædicatum naturæ, aut alicuius gradus essentialis eius; sed modi substantialis, eiusdem naturæ specificæ: & ideo ad prædicabile speciei reduci debet.

debet, propter maximam similitudinem cum ea: quia prædicatur de pluribus differentibus numero, substantialiter.

QVÆSTIO VII.

*An secunda intentio Indiuidui, per primam definitionem
Indiuidui definita sit una.*

Quæstio hæc præsupponit vnum; & quærit alterum. Illud 37
quod, præsupponit est; quod secunda intentio Indiuidui, in communi considerata, hoc est abstracta, ab hac, & illa secunda intentione Indiuidui, denominante Petrum, & Ioannem. prædicabilis de vno, sit definitum primæ definitionis Indiuidui: nempe, *Indiuiduum est, quod de vno prædicatur.* Quærit verò, An sit vnus id est, An habeat vnā rationem communem, & vniocam, respectu secundarum intentionum, denominantium particularia Indiuidua.

Sed hoc quod præsupponit, videtur falsum, vt probant hæc arg. Primò; Secunda intentio Indiuidui, in communi considerata, prædicatur de hac & illa secunda intentione Indiuidui, denominante Petrum & Ioannem: ergo est prædicabilis de multis: sed definitio asserit, Indiuiduum esse prædicabile de vno: ergo non potest illi conuenire; sed potius conueniet ei definitio speciei; cum prædicetur de pluribus differentibus numero in Quid.

Secundò; Probatur quòd non sit vna: ex quo etiam colligitur, quòd non sit definitum: quia definitum vnum debet esse; hoc est vniocum, respectu omnium, quibus definitio conuenit: sed non omne indiuiduum prædicatur de vno: sed quædam de pluribus: ergo secunda intentio Indiuidui, quæ est eis ratio prædicandi: non habebit vnā rationem communem vniocam, respectu omnium. Consequentia euidens est: quia ab eo, quod prædicatur de vno, & ab alio, quod prædicatur de pluribus, non potest abstrahi ratio communis prædicandi de vno, cui conuenit definitio hæc. Probatur item antecedens: quia Indiuiduum vagum, vt quidam homo, prædicatur de pluribus vniocè, vt de Petro, & Ioanne: & Indiuiduum ex demonstratione; vt hoc album, prædicatur de eisdem: ergo quædam secunda intentio Indiuidui, erit ratio prædicandi de vno, alia verò ratio prædicandi de multis.

Pro solutionibus huius quæstionis notandum est, quòd 38
sicut in definitione generis diximus, duplex esse definitum, *Quod, & Quo.* Definitum Quod, esse naturam genericam, vt denominatā à secunda intentione generis, & definitum, Quo, eandem

eandem secundam intentionem, vt denominantem naturam: & ex vtroque sic ordinato, fieri vnum totale, atque cōpletum. Præterea, tam definitum Quod; quā definitum Quo, duplex esse: Adæquatum, & Proximum: & Inadæquatum, atq; Remotū: ita vt natura generica, in cōmuni sumpta, sit definitū adæquatum, & proximum: remotum verò, & inadæquatum, quæcunq; natura generica particularis, vt animal, vel color: & definitum, Quo, adæquatum & proximum, esse secundam intentionē generis in communi sumptam: inadæquatum verò, & remotum particularem intentionem denominantem animal, aut colorē. Ita dicendum est modò: Definitum, Quod, proximum, & adæquatum, esse naturam Indiuidui in communi acceptam; vt denominatur à secunda intentione, prædicabilis de vno; inadæquatum, & remotum, quodlibet Indiuiduum in particulari. Et definitum Quo, adæquatum & proximum, esse secundam intentionem Indiuidui, in communi sumptam, vt est ratio denominans Indiuiduum in communi prædicabile de vno: remotum verò, & inadæquatum; quamcunq; intentionem indiuidui, denominantem Petrum, & Ioannem, prædicabilem de vno. Et ex vtroque definito, Quo, & Quod, vt ordinato ad alterum, sit vnum completum, & adæquatum; quod per definitionem explicatur: quæ definitio conuenit, vt Quod, naturæ indiuidui; vt denominatæ à secunda intentione, prædicabili de vno: & secundæ intentioni, vt denominanti eandem naturam.

39 Ex quibus colligitur vnica conclusio: per quam respondemus quæstioni: & est talis: Secunda intentio Indiuidui in communi accepta, vt est ratio denominans naturam indiuidui, etiam in communi acceptam, est vna, atque vniuoca: & est etiā definitum formale huius definitionis; sicut natura indiuidui denominata, est vna; & est definitum materiale. Probatur vtrumq; hac ratione: Secunda intentio Indiuidui, æqualiter denominat quodlibet Indiuiduum prædicabile de vno: & natura Indiuidui, in cōmuni æqualiter est denominata ab ea: ergo vtraque est vniuoca; & suo modo definitū huius definitionis.

Pro solutione primi argumenti, notandum est; Secundā intentionem Indiuidui in communi, dupliciter posse considerari, vt Quo, & vt Quod: & prima consideratio formalis est: quia consideratur vt forma denominans naturam indiuidui; prædicabilem de vno. Secunda verò, materialis; quia consideratur tanquam id, quod prædicatur de multis, secundis intentionibus Indiuiduorum. Vnde secundum primam considerationem tantum, pertinet ad præsentem definitionem; vt formale definitum eius: secundum aliam verò, ad prædicabile speciei

ciei pertinet : quia prædicatur de pluribus differentibus numero, in Quid : pertinet quidem, non propriè, sed reductiue, & impropriè : quia sicut indiuiduum quodcunque, non prædicatur prædicatione propria, pertinente ad artem, & scientiam, sed impropriissima, & quæ vocatur identica, & naturalis : ita secunda intentio indiuidui, tanquam incompletum quid, & impropriè, prædicatur de hac & illa secunda intentione Indiuidui : & ideo solum per quandam similitudinem denominatur, à secunda intentione speciei ; sicut naturæ completæ, denominantur propriè. Arg. verò procedit de secunda intentione Indiuidui materialiter considerata, & ideo nihil probat contra nostram conclusionem.

Ad secundum respondeo, quòd per hanc definitionem non 40
definitur quodlibet Indiuiduum, sed proprium, ac determinatum ; quod de vno prædicatur, hoc est de seipso, prædicatione identica : & ideo nec definitum formale est ; nisi secunda intentio propria Indiuidui, quæ est ratio prædicandi de vno. De indiuiduo verò vago, asserunt quidam, non definiri hac definitione, quia est complexum ; vt quidam homo. Alij verò dicunt, non definiri : quia nihil determinatum significat ; sed vagum quid, quod ad singularia omnia eiusdem naturæ se extendit, nullum determinando. Sed vtrumque est falsum. Primum quidem ; quia Quidam, vel Aliquis, signa quædam sunt ; non significantia rem distinctam à nomine, cui adiunguntur ; sed particularem modum essendi ; qui est indiuidualis differentia ; à qua denominatur res autem determinata per modum, vna, & eadem est : ergo Indiuiduum vagum ; aut ex demonstratione, res simplex est ; & nomen ; quo significatur, incomplexum ; quamuis voce videatur complexum ; vt quidam homo ; significat naturam humanam singularizatam ; non significando vltimas rationes singularium, per quas distinguitur in diuersis indiuiduis. Hanc verò rem, determinatam esse, aut determinatum conceptum, manifestum est : quamuis non determinet aliquod indiuiduum ; de quo verificetur in propositione ; sed sufficit in vno, aut altero verificari. Ex quo patet, falsum esse secundum. Quare dicendum est ; Indiuiduum vagum ; non esse propriè Indiuiduum ; cum de multis prædicetur : & ideo non pertinere ad præsentem definitionem.

Si autem aliquis obiciat, aduersus hanc definitionem In- 41
diuidui : illud quod asserit Arist. in prædicamento substantiæ, nempe, *A prima substantia, nulla est prædicatio* ; quod est idem, ac si dicatur, ab Indiuiduo nulla est prædicatio ; cum indiuiduum, & prima substantia, idem sint : vnde ex eo videtur sequi,

sequi, Indiuiduum nullo modo prædicari: consequenter nec de vno; vt in definitione dicitur: Responderetur; duplicem esse prædicationem: Vnam propriam, & doctrinalem; cuius prædicatum aliquo modo diuersum est à subiecto: Alteram impro-
priam, & non aptam ad doctrinam, vel scientiam; sed quasi naturalem; in qua idem est prædicatum, & subiectum: dum ergo Arist. asseruit; *A prima substantia, vel ab indiuiduo, nullam dari prædicationem;* de doctrinali loquitur, & naturalem seu identitica non excludit, de qua intelligitur hæc definitio Porphyrij; *Indiuiduum est, quod de vno solo prædicatur.*

CAPVT IV.

De Differentia.

TEXTVS PORPHYR.

Differentia verò, & communiter, & proprie, & propriissime, dicitur, &c.

Breuis expositio textus.

Intentum Porphyrij in præsentī capite, est explicare naturam tertij prædicabilis, quod est Differentia: Diuiditur autem caput in duas partes; in quarum prima diuidit Differentiam quinque diuisionibus. In secunda, eam definit quinque aliis definitionibus.

Prima diuisio est, Differentia vna est Communis; alia Propria; & alia Propriissima. Communis differentia, est illa; qua aliqua differunt accidente communi; vt albedo Petri, est differentia communis, qua differt Petrus albus, à Ioanne nigro. Differentia propria est, qua differunt aliqua, accidenti inseparabili; vt albedo cygni; per quam differt a coruo. Propriissima tandem differentia vocatur illa; per quam distinguuntur aliqua specie; vt rationale, per quod differt homo à leone.

Secunda diuisio differentia est, secundum officiū proprium eius, quod est diuersum facere; & sic se habet: Differentia quædam est, quæ facit diuersum per se, vt essentialis: alia quæ facit diuersum per accidens: vt accidentalis. Hæc diuisio, non est minus vniuersalis, quam præcedens: quamuis duò tantum membra habeat: quia sub membro eius secundo continentur duo membra primæ; nempe differentia communis & propria.

Tertia diuisione diuiditur etiam Differentia, secundum totam suam latitudinem, in Separabilem, & in Inseparabilem: ita vt sub secundo membro, comprehendantur differentia communis, & propria. Nam differentia separabilis est, qua differunt aliqua accidenti separabili, vt albedo parietis: inseparabilis verò
qua

qua differunt inseparabiliter. vt rationalitate, aut risibilitate.

Quarta diuisione est Differentiæ inseparabilis, in Inseparabilem per se, vt rationale: & Inseparabilem per accidens, vt albedo cygni: & est minus vniuersalis, quam præcedetes: quia subdiuisione est vnius membri, tertiæ diuisionis; nempe, differentiæ inseparabilis: & duo tantum membra continet primæ, videlicet propriam differentiam, & propriissimam.

Vltima diuisione est: Differentia vna est; quæ diuidit genus; alia, quæ constituit speciem: Exemplum ponit in animali; cuius differentia constitutiuæ est sensitium; diuisiua verò rationale. Et diuisione hæc minus comprehendit, quàm præcedēs; cum sit subdiuisione quædam vnius membri eius, nempe differentiæ inseparabilis per se: potestque vtrumque membrum eius conuenire eidem differentiæ, non tamen eadem ratione; nec respectu eiusdem; sed diuersorum: quia vtrumque officium exercere potest; vt rationale, est differentia diuisiua animalis; & constituta hominis.

In secunda parte cap. definit Differentiam quinque definitionibus; quarum prima talis est: *Differentia est, qua species excedit genus*; vt homo excedit animal: quia propter naturam sensitiuam eius, continet rationalem; non contentam actu in eodem animali. Hanc verò differentiam asserit habere speciem; non a se, nec ex nihilo: sed ab ipso genere, in cuius potestate continetur, & ab intellectu educitur de potentia eius, & tribuitur speciei; vt ex ea simul cum genere componatur.

Secunda definitio talis est: *Differentia est, qua predicatur de pluribus differentiis specie, in Quale quid.* Probat Porphyrius: Differentiam prædicari in Quale quid: quia ad questionem factam de specie, per Quid: propriè respondemus per Genus; ad questionem verò factam per Quale; non minus propriè per Differentiam. Vt si inquiratur, Quid est homo? propriè respondemus esse animal: si verò Quale animal; non minus propriè dicimus; esse rationale: ergo Genus prædicatur in Quid sed Differentia in Quale; non quidem absolute: quia non est qualitas accidentalis, sed pars essentialis speciei: & ideo prædicatur in Quale; addito, quid; vt denotetur prædicari in Quale essentiali.

Tertia definitio est: *Differentia separat ea, qua sub eodem genere conueniunt*, vt rationale, separat hominem à leone; cū quo conueniunt in animali.

Quarta definitio: *Differentia est, qua differunt à se singula*; vt per rationale, differt homo à leone. Differentia enim constituit Speciem, & ab aliis separat eam.

Vltima

Vltima definitio, magis propria videtur, quàm præcedentes, quia explicat potissimum actum eius. Ait enim: *Differentia confert ad substantiam rei, & est pars essentia ac definitionis eius.* Vtrumque habet rationale: confert enim, hoc est, iuuat per se, ad substantiam hominis, & cum eum componat cum animali, est vera pars essentia: ipsius: & vltima quidem, vt per hoc distinguatur à Genere. Per has quinque definitiones, solum definit Porph. Differentiam propriissimam, quia hæc sola est essentialis, & sola etiam pertinet ad tertium prædicabile.

Q V Æ S T I O I.

*Virum prima diuisio Differentia in Communem, Propriam
& Propriissimam, sit sufficiens.*

DVobis modis intelligi potest, Insufficientem esse aliquam Diuisionem: vel quia aliquod membrum ei deficit: aut quia aliud continet superfluum. Vtroque autem modo insufficientis probatur hæc diuisio Differentia. Et primo, quod aliqua membra contineat, quæ non continentur sub diuiso, hoc arg. Diuisum huius diuisionis est tertium prædicabile: sed Differentia communis, & propria, non pertinent ad tertium prædicabile, sed ad quintum: ergo non continentur sub diuiso. Probatur minor: quia Differentia communis, & propria, sunt accidens separabile, & inseparabile: sed hæc pertinent ad quintum prædicabile, vt notum est: ergo non possunt pertinere ad hanc diuisionem.

Quod verò alia membra ei desint: duobus aliis argumentis probatur. Primo, quia Differentia individualis; per quam differt vnum Individuum, ab altero, non est communis, nec propria, cum non sit accidens, nec est propriissima: ergo non continetur sub aliquo membro diuisionis, sed aliud pro illa addendum est. Probatur non esse propriissima: quia *Differentia propriissima est specifica*; vt docet expressè Porphyrius in eadem diuisione: sed individualis non est specifica, vt notum est: ergo nec est propriissima Differentia.

Secundo: Propriae passionis specierum, vt risibilitas, faciunt differre easdem species, accidenti inseparabili: & tamen non sunt differentia: propriae; ergo nec pertinent ad hanc diuisionem. Consequentia euidentis est: quia non possunt ad duo alia membra pertinere: cum nec sint accidentia separabilia, nec Differentia: specifica. Item probatur minor: quia Differentia propria, vt Porphyrius asserit, in explicatione quartæ diuisionis, suscipiunt magis, & minus: quod constat conuenire propriis passionibus specierum.

Tenendum tamen est, Diuisionem hanc sufficientem esse. Quod non solum probatur autoritate Porphyrij, & expositorum omnium; sed hac ratione: Sufficiens Diuisio est illa, cui nullum membrum deest, nec aliquid habet, quod non contineatur sub diuiso: sed talis est hæc, ergo sufficiens. Minor probabitur, ex solutione arg. Et ad primum: quo probabatur communem & propriam differentiam; non pertinere ad hanc diuisionem: distinguenda est minor: nam Differentia Communis, & Propria, dupliciter considerari possunt. Primò, vt sunt accidentia quædam: & hoc modo pertinent ad quartum, vel quintum prædicabile. Secundò, vt faciunt differre vnum ab altero accidenti separabili, aut inseparabili: & hoc modo pertinent ad hanc Diuisionem: cuius diuisum non est tertium prædicabile; sed quid vniuersalius; nempe, Differentia secundum communem rationem, ad essentialem, & accidentalem; sed tertium prædicabile, sola propriissima constituit. Cæteræ verò explicantur, vt ex earum rationibus inagis manifesta fiat Differentia propriissima; vnde non pertinent ad duo prædicabilia; sed ad vnum tantum: quamuis in hoc tertio adducantur, ad faciliorem eius intelligentiam.

Circa Differentiam indiuidualem, de qua procedit primum argumentum alterius partis, moderni quidam asserunt, Essentialem esse: quia indiuiduum non potest sine illa esse, nec intelligi: quod si verum est; erit propriissima differentia. Sed probatur falsum, hoc argumento: Essentialia, ea solum appellantur; quæ prædicata sunt, ex aliquo gradu ipsius essentiae desumpta; vt rationale, ex gradu rationalitatis; & sensitium, ex gradu sentiendi: sed Differentia indiuidualis, non accipitur ex aliquo gradu essentiae: ergo non est essentialis. Probat minor: quia vltimus gradus essentiae, aut naturæ, est Differentia vltima; per quam constituitur vltima species: sed Differentia indiuidualis determinat vltimam speciem iam constitutam, per vltimam Differentiam: ergo non potest esse essentialis, sed extra essentiam indiuidui.

Et ita tenendum est, Modum potius substantialem esse, 6
extra essentiam, aut naturam; quam determinat, atque constituit singularem, aut indiuiduam: & ideo non est Differentia propriissima; sed propter similitudinem, quam habet cum differentia specifica; reducit ad propriissimam Differentiam. Quod verò sine illa non possit esse, nec intelligi indiuiduum; non probat esse essentialem: sed solum esse modum intrinsecum: naturam vel essentiam determinantem: nam in re latius, notum est non posse vnum esse, nec intelligi, sine alio; vt patrem

trem sine filio; & tamen vnum, non est de essentia alterius.

Circa proprietates denique specierum, est prima opinio Soti, Mercati, & Canteri, in expositione textus; asserentium, non pertinere ad hanc diuisionem. Quod etiam videtur tenere, Toletus in explicatione huius diuisionis. Et ratio eorum est: quia Porphyrius loquens, de Differentia propria; semper ponit exempla in proprietatibus Individuorum; quibus individua differunt, accidenti inseparabili. Et in quarta diuisione, vocat Differentias proprias, Inseparabiles per accidens: quod non conuenit propriis passionibus specierum; quæ potius sunt inseparabiles per se.

Alij verò affirmant, proprias passiones specierum, reducendas esse ad Differentiam propriissimam: quia Porphyrius in 4. diuis. posuit exemplum Differentiarum inseparabilium, per se (quas constat esse propriissimas) in propriis passionibus; vt in capacitate disciplinæ: ergo sentit esse differentias propriissimas.

Communis tamen sententia, & vera duo asserit. Primum, Passiones specierum, propriè pertinere ad hanc Diuisionem aduersus primam sententiam. Secundum, Non esse differentias propriissimas, sed proprias: & ideo in secundo membro diuisionis collocari, aduersus secundam. Probatur primò hoc argum. Proprietates individuorum, ideo sunt differentia propriæ; quia faciunt differre individua, accidenti inseparabili: sed proprietates specierum, faciunt differre easdem species accidenti inseparabili: ergo sunt differentia propriæ.

Probatur secundò; Quòd non sint propriissima, testimonio Porph. & ratione. Porphyrius enim in secunda Diuisione, ita ait: *Vniuersaliter ergo, omnis differentia addita alicui, alteratum facit: sed hæc quidem qua communiter, & propriè sunt, alteratum faciunt: quæ verò proprii, siuè, aliud.* Sed propria passio speciei, facit alteratum & non aliud: ergo ex mente Porphyrij, non est Differentia propriissima; sed propria. Probatur primum, quia alteratum, est accidentaliter diuersum, cum alteratio sit motus circa Qualitatem: sed propria passio speciei, est verum accidens, & vera qualitas: vt risibilitas: ergo facit alteratum. Probatur secundum, quia illud est aliud ab altero; quod differt ab eo essentia, aut natura. sed proprii passio, non facit differre vnā speciem ab altera essentia, aut natura, sed quodam accidenti proprio: ergo non est differentia propriissima. Probatur etiam ratione; quia Differentia propriissima, est omnium maxima; cum maximā efficiat differentiam, nempe essentialē, atq; specificā sed propria passio nō facit Differentiam essentialē inter species; ergo nō est maxima Differentia, nec erit Differentia propriissima.

Ad vltimum igitur argumentum neganda est minor: quòd propriæ passiones specierum, non sint Differentiæ propriæ: & quod Porphyrius asserit, Differentias proprias, suscipere magis, & minus: non de omnibus intelligit; sed de his, quæ conueniunt indiuiduis, in quibus exempla posuit, potius quàm in propriis passionibus specierû; quia cõmuniter sũt nobis notiores.

Q V Æ S T I O II.

An Diuisio differentia, in Communem, Propriam, & Propriissimam, sit generis in species, aut analogi in analogata.

VT intelligatur difficultas quæstionis, supponendum est, 8
tanquàm certum apud omnes: membra huius Diuisionis non conuenire in sola voce, sicut conueniunt significata nominis æquiuoci: sed etiam aliquo modo, in re significata: quæ est, esse Differentias, per quas vnum differt ab altero: iste enim conceptus, faciendi differre, communis est eis: vnde certum est apud omnes, Diuisionem non esse æquiuocam. Sed an sit Vniuoca, aut Analoga, in hoc consistit difficultas quæstionis.

Cuius solutio maximè dependet ex alia: nempe, An sumatur Diuisio realiter, hoc est, pro realibus differentiis, facientibus differre vnum ab altero, ante operationem intellectus: aut pro secundis intentionibus, seu differentiis realibus: non vt reales sunt, sed vt denominantur à secundis intentionibus: & ideo hoc in primis determinandum est.

Circa quod, duæ sunt opiniones. Prima tenet, Diuisionem non sumi pro differentiis realibus, vt reales sunt: sed pro eisdẽ vt denominantur à secundis intentionibus, vel pro eisdem secundis intentionibus, vt eas denominat; quemadmodum Genus, & Species, in suis definitionibus. Hæc est Caiet. cap. præfenti, quẽ sequuntur aliqui, ex recentioribus.

Probatur hoc arg. Quia si pro realibus differentiis acciperetur, membra eius coinciderent: ita vt eadem Differentia esset Communis, Propria, atque Propriissima, & ideo nulla esset diuisio. Probatur antecedens: quia differentia albedinis respectu parietis, est communis; respectu cygni, propria; & respectu sui, propriissima.

Probatur secundò; Quia diuisum huius Diuisionis, est Differentia formaliter, & in communi considerata: & membra sunt differentiæ particulares, etiam formaliter acceptæ: sed Differentia formaliter, est ens rationis, sicut Genus & Species; ergo.

ergo accipienda est Diuifio pro fecundis intentionibus.

- 9 Secunda opinio, est communis, quod non pro fecundis intentionibus accipiatnr diuifio, nec pro differentiis, vt denominantur à fecundis intentionibus: fed pro eifdem, fecundum actus reales faciendi differre. Ita sentiunt, Auicena, Albertus Magnus, Sorus, & plures moderni in præfenti capite. Et mihi videtur probabilior fententia.

Probatur testimonio Porphyrij, & ratione. Verba Porphyrij funt: *Differentia qua alicui adiuncta, facit illud diuerfum ab alio: Vna est Communis; alia Propria; Propriiffima altera.* Sed alicui coniungi, & illud facere diuerfum ab altero, non conuenit fecundis intentionibus, nec differentiis, vt ab eis denominantur, fed actus reales, faciendi differre vnum ab altero realiter: ergo realiter in Diuifione accipiuntur à Porphyrio, & non pro fecundis intentionibus.

- 10 Ratio verò talis est: Differentiæ iſtæ poſſunt ſumi, vt prædicabiles ſunt, vel vt faciunt differre vnum ab altero: & in prima conſideratione, non pertinent ad tertium prædicabile, fed ad quartum, & quintum: cum prædicentur in Quale accidentale; & non in Quale quid: in ſecunda verò non poſſunt ſumi, vt denominantur à fecundis intentionibus: quia actus faciendi differre vnum ab altero, realis eſt, & ante operationem intellectus eis conuenit; imò ſine vlla dependentia ab intellectu: vt patet in albedine; quæ ſine dependentia ab intellectu, facit differre hominem album à nigro: ergo non poteſt ſumi Diuifio hæc, pro fecundis intentionibus.

Ad primum arg. reſpondeo, Membra bonæ Diuifionis, conſidere poſſe in eadem re; dummodo diſtinguantur ratione formali: quod patet in Diuifione, Boni, in Honeltum, Vtile, & Delectabile; cuius membra in virtute realiter coincidunt; fed ſatis eſt, diſtingui rationes eorum formales: quia alia eſt ratio honeſtatis, alia vtilitatis, & alia delectabilitatis, in eadē virtute. Ita ergo Differentia Communis, Propria, & Propriiffima, coincidunt in eadem re; fed ſemper habent rationes formales diſtinctas: quia alia eſt ratio eiufdem differentiæ albedinis; vt Communis eſt differentia: alia, vt eſt Propria, aut Propriiffima.

- 11 Ad ſecundum; Diſtinguenda eſt maior: quia ratio formalis Differentiæ duplex eſt; Vna eſt ratio prædicabilis; alia eſt ratio faciendi differre: dum ergo dicitur, Differentiam in hac Diuifione, ſumi formaliter: ſi ſenſus ſit de ratione formali prædicandi, falſum eſt antecedens: ſi verò de ratione formali faciendi differre, verum: fed tunc neganda eſt minor: quod Differentia

hoc modo considerata, formaliter sit ens rationis: est enim, reale potius, per realem actum faciendi differre vnum ab altero.

Hoc iam supposito, de alio agendum est; quo principaliter quæritur: An Diuisio sit Vniuoca, vel Anàloga. Et est prima opinio eorum; qui tenent Diuisionem sumi, pro secundis intentionibus, & propterea esse Diuisionem Vniuocam generis in species; ita, vt Differentia in communi, prout denominatur à secunda intentione, Genus sit ad Differentiam Communem, Propriam, & Propriissimam, prout denominantur etiam à secundis intentionibus, consideratas.

Probant ex Porphyrio, qui in textum, vocat membra huius Diuisionis tres species Differentiæ: sentit ergo diuisam esse tanquam genus in suas species.

Deinde ratione: quia licet sumpta Diuisione realiter, non possint membra eius vniuocè conuenire: cum sola Differentia Propriissima faciat differre simpliciter, cæteræ verò, non nisi secundum quid: quia solum faciunt differre accidentaliter: nihilominus, vt denominantur à secunda intentione Differentiæ, æqualiter conuenit illis ratio Differentiæ: sicut ratio Generis, pro secunda intentione, æqualiter conuenit generibus substantiæ, & accidentis.

Secunda sententia est aliorum omnium, qui tenuerunt Diuisionem hanc sumi realiter à Porphyrio, & consequenter asserunt, esse Analogi in analogata: quod etiam tenet Caietan. quamuis sentiat sumi pro secundis intentionibus. Et hæc est probabilior sententia. 12

Itaque quò asserimus. Primum est, Diuisionem sumptam realiter, esse Analogi in analogata, quod concedunt auctores vtriusque opinionis. Et probatur euidenter: quia illa quæ differunt substantialiter, differunt simpliciter: quæ verò differunt accidentaliter, differunt secundum quid: sed sola Differentia Propriissima, facit differre substantialiter; duæ verò aliæ solum accidentaliter: ergo in ratione faciendi differre realiter: non vniuocè, sed solum analogicè conuenire possunt.

Secundo asserimus; Quòd, etiam si accipiatur Diuisio pro secundis intentionibus, aut pro differentiis, vt ab eis denominantur: non est Generis in Species; sed Analogi in analogata, vt asseruit Caieta. Quod probatur hoc argu. Membra huius diuisionis, vel considerantur sub ratione prædicabilis; vel sub ratione faciendi differre; & in prima consideratione, Communis, & Propria, non pertinent ad tertium prædicabile: quia non prædicantur in Quale quid; sed ad quartum, & quintum: cum prædi

prædicentur in Quale accidentale, proprio, vel communi. Et certè, si in ratione prædicabilis Differentia in communi esset Genus; & membra essent Species; distinguerentur specie, in ratione prædicabilis: & ideo duo, aut tria prædicabilia Differentiæ essent multiplicanda. In secunda verò, non denominantur à secundis intentionibus: quia facere differre accidenti proprio, aut communi, non dependet ab intellectu: sed est actus realis, ante operationem intellectus eis conueniens: in quo non possunt vniuocè conuenire cum Differentia Propriissimā; quia istæ non faciunt differre, nisi secundum quid, & per attributionem ad Differentiam propriissimā; quæ sola facit differre substantialiter, & simpliciter: ergo repugnat membra huius Diuisionis habere conuenientiam vniuocā. Sed etiam si in ratione faciendi differre, denominarentur à secundis intentionibus; non possent conuenire vniuocè. Probat: Quia facere differre in communi sumptum, Analogum est: cum primò, & per se conueniat Differentiæ propriissimæ, facienti differre substantialiter: & solum secundum quid, cæteris facientibus differre accidentaliter: ergo nec secundæ intentiones denominantes hæc membra, possunt conuenire vniuocè. Probat consequentia: Quia vna est ratio faciendi differre simpliciter: alia faciendi differre secundum quid: ergo sicut facere differre in communi est Analogum: sic etiam ratio faciendi differre in communi, erit Analoga.

13 Ad testimonium Porphyrij, pro alia sententia, facile respondendo, tres species Differentiæ, appellasse membra huius diuisionis; id est, tres modos differentiæ; non propriè de Specie loquens; sed per similitudinem.

Ad arg. Negandum est antecedens ex ea parte: qua dicit membra huius Diuisionis, vt denominantur à secundis intentionibus, Vniuocè conuenire: quia nec denominantur ab illis; cum non pendeant ab intellectu, in ratione faciendi differre; & etiam si denominarentur, non possent Vniuocè denominari; quia conceptus faciendi differre, quantumcumque abstrahatur, non potest equaliter participari ab his, quæ non faciunt differre; nisi accidentaliter: & ab eo, quod facit differre substantialiter; sicut conceptus entis non potest abstrahi; quin diuerso modo participalis sit, ab ente simpliciter; quod est substantia; & ab ente secundum quid; quod est accidens.

14 Et, si dicatur, verum hoc esse, si membra Diuisionis accipiantur realiter; sed vt denominantur à secundis intentionibus, æqualiter eis conuenire rationem communem faciendi differre, sicut Generibus Substantiæ, & Accidentis, vt animali

& colori, vniuocè conuenit ratio Generis, quia æqualiter denominatur à secunda intentione: quamuis sumpta realiter, nihil commune vniuocum habere possint. Respondeo, diuersam esse rationem de Generibus, & Differentiis, sub ratione faciendi differre sumptis: quia Genera Substantiæ, & Accidentis, eodem modo sunt in multis speciebus, & de illis prædicantur in Quid: & ideo vniuoca est eis denominatio Vniuersalis, & Generis à secunda intentione: sed differentiis substantialibus, & accidentalibus, non potest esse vniuoca, ratio faciendi differre, sed semper est inæqualis: quia simpliciter à Propriissima, tanquam à substantiali, & secundum quid, participatur ab aliis, tanquam ab accidentalibus: sicut ratio Entis, à Substantia, & Accidenti. Vnde quantuncumque abstrahatur, aut consideretur in ordine ad secundas intentiones, semper adducit secum inæqualitatem, & Analogiam.

Q V Æ S T I O III.

An verum sit, Genus sumi à materia, & Differentiam à forma, & quomodo intelligendum.

His locutionibus, Genus sumitur à materia, & differentia sumitur à forma, utitur Arist. 8. Meta. tex. 9. ubi inquit: *Aliquid de aliquo significat ratio definitiua, & oportet, hoc quidem, ut materiam, illud verò, ut formam esse.* Et eas sumpsit ab eo tota schola, præcipuè D. Tho. in opus. de ente & essentia, c. 7. & 9. & 1. p. quæst. 85. art. 5. ad 3.

Sed hoc arg. probantur falsa. Multa sunt, in quibus dantur vera Genera, & vera Differentia, quæ non possunt sumi à materia, nec à forma: ergo locutiones istæ non sunt vniuersaliter veræ. Probatur antecedens: In Angelis, in quibus est, aut esse potest distinctio specifica: ergo verum Genus, & vera Differentia: sed non habent materiam, nec formam, à quibus sumantur, cum sint Substantiæ Spirituales, & simplices, hoc est non compositæ ex materia, & forma: ergo non est verum, Genus sumi à materia, & Differentiam à forma.

Tota difficultas huius quæst. consistit in explicandis his locutionibus: nam ex earum explicatione constabit, in quo sensu veræ sint. Tria autem sunt, in quibus reperiuntur Genus, & Differentia, nempe Substantiæ Corporeæ, Substantiæ Spirituales, & Accidentia: ideo de singulis eodem ordine explicandum est, quomodo, à quo in eis sumatur Genus, & Differentia.

Et primò, de Substantiis Corporeis, in quibus, ut veritas harum locutionum intelligatur, tria sunt notanda. Primum est,

Compo-

15

16

Compositionem speciei ex Genere, & Differentia; non esse Physicam, sed Metaphysicam: & ideo, non est ex rebus, sed ex conceptibus; non quidem formalibus: quia conceptus formales, sunt Qualitates, & accidentia in intellectu inhaerentia, sed obiectiui, qui repraesentantur formales: vt compositio hominis, non est ex conceptibus formalibus Animalis, & Rationalis, in intellectu existentibus, sed ex gradibus naturæ Sensitiuæ, & Rationalis, qui per ipsos repraesentantur. Vnde Genus, & Differentia, non sunt diuersæ res, etiam partiales, sicut materia & forma: nec ex eis componitur aliqua tertia res, distincta à quolibet, sicut componitur ex materia, & forma, tertia quædam res Physica, distincta realiter ab vtraque, quamuis non ab eisdem simul sumptis, & vnitis: sed Genus & Differentia, sunt diuersi conceptus obiectiui, eiusdem rei: & Species ex eis composita, non est res distincta ab vtroque, nec à quolibet eorum: sed conceptus quidam obiectiuius totalis, & completus, ex conceptibus Generis, & Differentiæ compositus.

17 Secundo notandum est, Conceptum Generis, & Differentiæ, sic se habere, vt ille sit potentialis, atque imperfectus, determinabilis tamen, & perfectibilis, per conceptum Differentiæ; & conceptum Differentiæ habere modum actus, eum determinantis atque contrahentis. Vnde sequitur, Genus ex imperfectiori gradu naturæ desumi; Differentiam verò, ex perfectiori: & quia radix totius potentialitatis, in rebus materialibus, est materia: quæ in sua essentia nullum habet actû, sed est pura potentia determinabilis per formam, tanquam per proprium actum: & radix totius actualitatis, est forma, per quam determinatur materia ad talem Speciem: ideo dictum est ab Arist. *Genus sumi à materia, & differentiam à forma*: quod solum intellexit in rebus materialibus: in quibus compositio Metaphysica ex Genere & Differentia, præsupponit, tanquam fundamentû, Compositionem Physicam, ex materia, & forma.

Tertiò, notanda est differentia, quam ponit D. Tho. vbi supra, inter Materiam, & Formam, ex vna parte, & Genus, ac Differentiam, ex alia: quòd illæ, solum habent modum, & officium partium: & ideo nunquam prædicantur de toto; nunquam enim verum est, Hominem esse animam, aut corpus: sed Genus & Differentia, vtrumque habent respectu speciei; nempe rationem totius, & partis. Et huius ratio est: quia duo officia exercent respectu illius; Prædicatorum, Vniuersalium, & Partium: vtrumque enim per se sumptum, prædicatur de Specie: & ex eisdem, tanquam ex partibus simul concurrentibus, componitur. Vnde, cum componere sit officium partis; & ex alia

parte, nihil prædicetur de altero, formaliter, per modum partis sed per modum totius: sequitur quòd Genus, & Differentia; vt componunt speciem, habeant modum partis: & vt prædicantur de illa, modum totius: Genus quidem modum totius potentialis: Differentia verò, modum totius actualis: ita vt Genus proprium gradum imperfectæ naturæ actu includat: Differentiam verò solum in potentia: & Differentia, vtunque gradum actu; sed genericum quasi præsuppositum; & pro materiali: proprium verò, pro formali: vt Animal, gradum naturæ sensitiuæ, actu, & rationalis in potentia: rationale verò, gradum naturæ sensitiuæ pro materiali; & quasi præsuppositum: gradum verò naturæ rationalis, formaliter.

Ultimò notandum; Quòd compositio Speciei, potest dupliciter considerari: in Fieri; & in esse: vel clariùs, dum fit, vel dum iam est facta: & si consideretur in Fieri; verum est, Speciem componi ex Genere; vt genus est formaliter: hoc est, vt totum potentiale; & ex Differentia, vt totum actuale: sed in Facto esse, non componitur ex Genere; vt genus est: nec ex Differentia; vt differentia est: sed ex Natura generica, & differentiali, tanquàm ex partibus. Et ratio huius est, quia licet Genus in principio compositionis, & si totum potentiale; tamen dum iam est actu coniunctum cum Differentia, coarctatum est, atque determinatum: ita vt ad alias species, vt sic, nò se extendat. In quo differt à Materia: quæ etiam dum est coniuncta vni formæ, habet potentiam ad alias: sed Genus, vt iam actu coniunctum vni differentia; non habet potentiam ad alias: & ratio huius differentia; est: quia potentia Materiæ, ad omnes formas est naturalis; & ideo nò amittitur, per coniunctionem cū vna, aut altera forma: sed potentia Generis, prouenit illi ex eo quòd tali modo concipitur ab intellectu; nempe per modum habentis; sed imperfecti, & perfectibilis per aliud; quod est concipi vt totum potentiale: quando verò actu coniungitur ab intellectu cum Differentia; alio modo concipitur: non quidem per modum habentis; sed per modum actualis componentis, hanc Speciem determinatam; & pertinentis ad naturam eius, cum quæ idem est: quia animal in homine, Homo est: vnde vt sic conceptum, limitato modo, non habet potentiam; vt coniungatur Differentia Leonis. Itaque potentia generis, solum proueniebat ei, ex eo, quòd concipiebatur per modum totius contrahibilis: sed dum iam consideratur actu coniunctum cū Differentia nò permanet idem modus concipiendi, sed alio modo diuerso concipitur: ergo nò permanet eadē potētia: quæ tamē permanet in materia: quia eā habet à natura, & naturā nō variatur.

19 Ex tota hac doctrina, sequuntur duæ conclusiones; quibus respondemus; ad primam partem quæstionis, Prima conclusio est: In rebus materialibus, prima radix totius potentialitatis est Materia: & prima radix totius actualitatis Forma. Secunda conclusio: Et ideo verum est in eis Genus sumi formaliter, à tota ipsa natura, vt concipitur sub gradu imperfecto; & perfectibili per Differentiam, radicaliter verò à Materia. Et differentiam sumi formaliter etiam à tota natura, vt concepta sub gradu perfecto, radicaliter verò à forma. Prima pars, per se nota est in rebus Phisicis: quare non indiget probatione. Secunda verò probatur: quia propria & formalis ratio Generis Metaphysici, est esse totum potentiale, contrahibile per differentias oppositas; & propria ratio Differentiæ, est esse actum, per quem idem Genus contrahitur ad constituendam speciem: & vtrumq; est Prædicatum Vniuersale Speciei: quod necesse est totum continere; quod Speciem, secundum proprium modum: Genus quidem, actu simul, & potentia; Differentiam verò, actu: licet diuersa ratione, atque species continet. Vnde necesse est vtrumque sumi à tota natura Speciei, formaliter; radicaliter verò à Materia Genus, & differentiam à Forma. Quia verum est, primam radicem Generis, in rebus, esse Materiam; & primam radicem Differentiæ, Formam: in quo sensu, dictum est ab Arist. & à cæteris omnibus intellectum; quòd: *Genus sumatur à materia, & Differentia à forma*: in rebus quidem materialibus; in quibus solum potest esse verum. Et ex hoc solutū est argum. in principio propositū.

Secundò, explicandum est breuiter; à quo sumatur ratio Generis, & Differentiæ, in substantiis spiritualibus. In quibus certum est, non sumi à materia, nec à forma; cum eas non habeant: dicimus ergo, etiam in his sumi Genus ab aliquo, habente similitudinem materiæ; & Differentiam, ab aliquo habente similitudinem formæ. Quod hoc modo intelligendum est.

20 Actualitas, atque perfectio essentiæ creatæ; per quam est, & sit extra causas; est esse actualis existentia; realiter; aut sola ratione ab eadem essentia distinctū. Vnde, quo magis gradus essentiæ, aut essentialia prædicata, proxima sunt eidem actui, perfectiora esse intelliguntur: & ideo magis habere de actu; & minùs de potentia: & quo magis ab eo distant; minùs actualia, & magis potentialia. Gratia exemplis Inter gradus essentialis hominis; proximè accedit ad actum essendi Rationalis; quia ei conuenit proximè, aut immediatè existentia: nam vltimus gradus essentialis perfectionis est; ultra quem non est alius: sed solū substantialis modus, actualis existentia. Gradus
verò

verò Animalis, minùs proximè: & remotissimè gradus Substantiæ: quare gradus iste, erit magis potentialis; cùm magis distet ab actu. Cùm ergo Genus sit potentiale quid, atque contrahibile per Differentias: & Differentia actus, per quem Genus contrahitur; primum Genus cuiuslibet Speciei, substantialis, à tota ipsa essentia, secundùm gradum substantiæ: sumitur, tanquam à prima potentia in Genere Metaphysico, materiæ simili: & sic de cæteris generibus intermediis, secundùm maiorem vel minorem approximationem ad Speciem ultimam; quæ proxima est actuali existentia. Ut genus Corporis, etiam à tota ipsa natura hominis, sub gradu corporeitatis accepta, & Genus Viuentis, à tota natura sub gradu vitæ concepta; & tandem Genus Animalis, à tota natura sub gradu sentiendi: & hoc est ultimū genus; cùm ultra illud, nullus sit alius gradus potentialis naturæ, sed infimæ tantum Species. Ultimus verò gradus, secundùm quem eadem natura hominis proximè capax est actualis existentia, Rationalis est: vnde cùm Differentia sit actus, contrahens genus; à tota natura hominis, sub gradu Rationalis considerata, sumitur tanquam ab actu formæ simili: sicque de cæteris Differentiis specierum.

Ex his intelligitur, quonam modo accipiantur Genus, & 21
Differentia in Angelis. Conueniunt enim cum corporibus, in gradu substantiæ remotissimo, ab actuali existentia: & ideo primum genus eorum à tota ipsa natura spiritali, sub gradu Substantiæ, maximè potentiali, materiæque simili sumitur. Secundum verò, à tota eadem natura, sub gradu spiritali, aut incorporeo, adhuc omnibus communi, sed minus remoto ab actuali existentia. Et si quæ sunt alia Intermedia genera, nobis incognita, eodem modo sumuntur à tota natura, sub aliquo gradu concepta, magis, aut minùs remoto ab existentia. Differentia verò, à tota etiam natura, sub gradu proximo, eidem actuali existentia. Loquor autem de Differentia ultima: nam subalternæ, Intermedia genera contrahentes, tanquam imperfectiores, ab aliis gradibus naturæ imperfectioribus sumuntur: quemadmodum Differentia, Substantiæ corporeæ, quod facile potest intelligi.

De Accidentibus tandem dicimus, Esse in duplici differentia: nam quædam sunt Relatiua, de quibus in prædicamēto Ad aliquid dicitur, quonam modo, vel à quo Genus & Differentiam sumant. Alia verò absoluta, de quibus illud est certum: Quòd essentialis sit eis attributio ad substantiam, cùm aliquid eius sint: & non tam Entia appellentur, quàm Entis Entia: hoc est substantiæ: cui inhærere nata sunt ex propria natura. Pri-

num igitur eorum genus, sumitur à gradu Essendi, quem participant ab Ente vniuersalissimo, cum attributione ad substantiam, tanquam remotissimo ab actuali existentia: & ideo magis potenciali, ad similitudinem materiæ. Vt primum Genus Quantitatis, à gradu, seu modo extendendi substantiam, & alia intermedia Genera, ab aliis gradibus, secundum proportionem iam explicatam.

Differentia verò, desumitur per ordinem ad proprium principium, aut causam, à quo causatur: quod in propriis passionibus manifestum est: nam Differentia Risibilitatis, per ordinem ad Rationalitatem, ex qua tanquam ex proprio principio, naturaliter procedit, desumenda est: & sic de cæteris. Et eodem ferè modo, in Accidentibus communibus: quia licet plura habeant subiecta: semper tamen habent aliquam propriam causam in eis, ad quam ordinantur, & per ordinem ad illam, sumitur differentia eorum: & hæc est causa, propter quam semper, & necessariò definiuntur Accidentia per Subiectum: siue in Cōcreto, vel in Abstracto definiatur: quia tam in Genere, quàm in Differentia eorū, essentialiter includitur ordo ad Subiectū: quem vocare solent Inherentiam aptitudinalem.

QVÆSTIO IIII.

*An compositio Speciei ex Genere, & differentia, sit realis,
vel tantum rationis.*

22 **D**E Speciebus naturæ realis procedit quæstio; An compositio Metaphysica earum sit realis, vel rationis: vt compositio hominis, ex animali, & rationali: nam de Speciebus, quæ reperiuntur in Entibus rationis, certum est non esse reales: quia natura Entis rationis non est realis, sed facta ab intellectu: ergo nulla compositio in ea fieri potest, quæ sit realis.

Ad compositionem verò realem, duæ sunt conditiones necessariae, & quæ sufficiunt, vt talis dicatur. Prima est, quod partes, aut componentia, sint realia. Probat: Quia ex compositione reali, aliquid etiam reale debet resultare: sed si componentia non sint realia; nihil reale ex eorum compositione resultabit; vt notum est: ergo realia esse debent.

23 Secunda conditio est; Quod sint distincta realiter; aut ex natura rei: nam si solum per intellectum, non efficient compositionem realem; sed rationis tantum; & huius ratio est, quia compositio est, quasi vnio multorum; si verò multa hæc non distinguuntur realiter; non erunt multa realiter: ergo non efficient compositionem realem.

Et de prima conditione certum est, apud omnes, concurrere in compositione Metaphysica Speciei, ex Genere, & Differentia: nam conceptus obiectiui ex quibus fit, sunt gradus naturæ generiæ; & differentialis; qui verè sunt reales: vt gradus naturæ sensitiuæ, quem dicit animal; & gradus naturæ rationalis, quem dicit rationale, reales sunt: ergo componentia sunt realia.

Ad secundam igitur conditionem, reducitur tota difficultas 24 quæstionis; An gradus isti, vel conceptus abiectiui, sunt realiter distincti: nam si distincti fuerint realiter, realis erit compositio: si verò distinguantur sola ratione, non erit compositio realis; sed rationis. Quandoquidem Distinctio triplex est; Vna realis, alia ex natura rei, & tertia est distinctio rationis. Realis dicitur illa, quæ est inter duas res; vt inter Petrum & Ioannem. Distinctio ex natura rei, ponitur inter rem, & modum eius: vt inter punctum, & lineam, vel etiam ponitur ab aliis, inter rationes formales, eiusdem rei, verum distinctas ante operationem intellectus: vt inter actionem, & passionem; quæ sunt idem motus realiter. Ponit Scotus distinctionem ex natura rei: quia asserit distingui rationem formalem actionis, & passionis, ante operationem intellectus: Distinctio verò rationis; vocatur ab omnibus illa quæ non est inter aliqua distincta à parte rei; sed fit ab intellectu.

His suppositis, duæ sunt opiniones: Prima Scoti, in 2. d. 3. quæst. 1. & 7. Metaph. q. 16. vbi affirmat, gradum Generis, & Differentiæ, distingui ex natura rei; in quantum sunt rationes formales distinctæ, ante operationem intellectus: & cum ex eis fiat compositio Speciei; consequenter debet concedere, talem compositionem esse realem; si non ex rebus diuersis; saltè ex rationibus formalibus eiusdem rei; ante operationem intellectus distinctis. Scotum sequuntur Antonius Andreas, in 2. loco citato, Ferrar. 1. lib. contra gentes cap. 24. & 42. Fonseca 2. lib. Metaph. cap. 2. textu 1. r. & lib. 4. cap. 2. q. 4. sectio. 3.

Probatur primò; Quia gradus differentialis, realiter perficit gradum genericum, & non tantum per intellectum: ergo Differentia ex natura rei contrahit genus: sed contrahere Genus, est componere cum eo Speciem: ergo realiter componit si eciem: quare erit compositio realis. Vtraque consequentia potest probari, hoc exemplo: Quia gradus rationalitatis, perficit gradum naturæ sensitiuæ, & perficit perfectione reali: quia natura sensitiua, magis perfecta est realiter in homine; quàm in animali: ideo realiter dicitur contrahere genus: quia contrahere, nihil aliud est, quàm determinare, atque perficere.

Secun-

Secundò probatur; Quia si rationale non esset distinctum realiter ab animali, non esset distinctum realiter ab equo: consequens est falsum: ergo etiam antecedens. Probatur consequentia: nam quæcunque sunt eadem vni tertio, sunt eadem inter se: si ergo rationale est idem cum animali, ergo etiam hinnibile, quod est Differentia equi, erit idem cum eodem animali. Et ita rationale, & hinnibile, erunt idem realiter, & consequenter rationale, & equus: quod pater esse falsum. Et confirmari potest: quia ea distinguuntur realiter, quorum vnum potest separari ab altero: sed quælibet Differentia, potest separari à Genere; & separabitur, si species quam constituit, pereat: ergo distinguitur realiter ab eo.

Secunda opinio tenet; Gradum Generis, & Differentiæ, aut conceptus obiectiui vtriusque, nec distingui realiter, nec ex natura rei, sed tantum per intellectum: & ideo tantum Distinctione rationis. Et consequenter compositionem speciei, non esse realem, sed factam ab intellectu. Hæc est D. Thom. in opus. de ente, & essentia, cap. 4. 7. Meta. lect. 4. & 1. part. q. 50. art. 4. ad 1. & qu. 76. art. 3. ad 4. quam sequuntur Alexan. Alenf. 7. Meta. tit. 11. & li. 5. tit. 10, Duran. in 2. d. 3. qu. 2. nu. 14. Heruzus, quodlib. 1. q. 9. Greg. in 1. d. 38. & ibidem Gab. cum cæteris nominalibus. Capreol. in 1. d. 8. qu. 2. art. 3. Caiet. de ente & essentia, ca. 4. quæst. 6. §. ad 2. dubiū. Socinas 7. Meta. quæst. 36. Iauel. ibidem, qu. 18. Niphus in Elucidario lib. 7. dispu. 15. cap. 3. & 4. Sotus q. 1. vniuersaliū, concl. 3. & quæst. 3. art. 2. Toletus quæst. 3. Vniuersaliū; Et est communis iam in schola, & vera.

26 Sed explicanda prius est, deinde probanda: & pro eius explanatione notandum primò, Compositionem Speciei, ex Genere, & Differentia, Metaphysicam esse, & non Physicam: & ideo non fieri eis, tanquam ex diuersis rebus; vt sit compositio Physica, ex materia, & forma, quæ sunt res diuersæ: sed tanquam ex diuersis gradibus essentialibus, eiusdem rei; vt compositio hominis, ex gradu naturæ sensitivæ, & rationalis. Quare de compositione Physica, non est dubium, quin sit realis: sed de compositione Metaphysica, maxima dubitandi ratio esse potest: quia non est certum; An gradus isti, aut conceptus, distincti sint ex natura rei; vel solum distinguantur per intellectum.

27 Secundò notandum, Genus, & Differentiam, tribus modis sumi posse. Primò, vt sunt in diuersis Speciebus, & indiuiduis: vt Animal in Leone, aut hoc Leone; & Rationale in Homine, & in hoc, aut illo Homine. Et hoc modo, certum est; non solum ex natura rei, sed realiter

liter distingui : nam Animal , quod est in Homine , aliud est essentialiter , ab Animali , quod est in Equo : quia per coniunctionem cum differentia Equi , fit equus : licet vt abstractum à Differentiis , sit vnum & idem , vnitatem solùm Genericam : quæ non tollit distinctionem specificam , quam habet in diuersis Speciebus , per diuersas Differentias : vt Animal , quod est in hoc Homine : & Animal , quod est in hoc Leone ; distinctam habent entitatem realem. Secundo modo , sumuntur , prout sunt in eadem Specie , aut in eodem indiuiduo ; vt in Homine , Animal & Rationale , & in Petro , hoc animal , & hoc Rationale. Tertiò , prout Genus consideratur abstractum ab Speciebus , & Differentiis , & vt contrahibile per eas : & hoc modo , dicitur esse extra rationem differentiarum : quia eas nō includit actu , sed gradum proprium suæ naturæ : vt animal abstractum , solum actu includit gradum naturæ sensitiuæ , non rationalis , aut irrationalis , nisi in potentia tantum. Et de gradu Generis , & Differentiæ his duobus modis postremis sumptis , affirmat Scotus , ante operationem intellectus , & ex natura rei distingui ; sed negat D. Tho. & qui eum sequuntur : & asserunt , solum distingui per intellectum ; & ideo solum ratione.

Tertiò notandum ; Quod licet Scotus , & alij sentiant , gradus omnes genericos , & differentiales , eiusdem Speciei , à diuersis formis substantialibus procedere , tamen D. Tho. cuius sententia communis est iam in schola , tenet ab eadem forma substantiali promanare , vt omnes gradus essentialis hominis , nempe gradum Substantiæ , gradum Corporis , gradum Viuentis , gradum naturæ Sensitiuæ & Rationalis , ab eadem anima rationali procedere ; nec esse aliam formam substantialem in homine. Cum tamen Scotus , pro gradu Substantiæ , & gradu Corporis , ponat vnā formam substantialem ; quam vocat formam Corporietatis ; & pro reliquis gradibus inferioribus , aliam distinctam realiter , nempe animam rationalem. Et hæc diuersitas formarum , videtur arguere Distinctionem aliquam , ex natura rei , inter gradus essentialis , ab eis proueniente. Sicut Identitas formæ substantialis , apud D. Tho. arguit Identitatem eorum.

His prænotatis , probatur cōmunis sententia duplici arg. ²⁸
Primò : Quia si Genus distinguitur ex natura rei , à Differentiis , aut distinguitur vt abstractum ab eis , hoc est tãquam gradus Vniuersalis , à particularibus ; vt animal in cōmuni , ab Equo , & Leone ; vel vt contractum in Speciebus , & indiuiduis ; vt in Petro hoc Animal , & hoc Rationale ; sed neutro modo distingui potest : ergo non distinguitur isti gradus ex natura rei.

rei. Maior est necessaria: quia his tantum duobus modis considerari possunt in ordine Metaphysico; ut notauimus. Minor verò probatur: Nam si distinguuntur tanquam Vniuersale à Particularibus; ergo datur Vniuersale ante operationem intellectus: quod superius probauimus falsum. Quòd verò non possint distingui, tanquam diuersi gradus, singularizati in Petro; probò. Quia in vno individuo, tantum datur vna Differentia indiuidualis realiter; per quam omnes gradus generici, & differentiales, fiunt singulares, licet vniciuique gradui correspondeat sua Differentia indiuidualis, sola ratione distincta; ut gradui Corporis, hoc Corpus; & gradui Animalis, hoc Animal, &c. sed gradus omnes, & singuli, sunt idem ex natura rei, cum Differentia indiuiduali Petri, eos contrahente: ergo sunt idem inter sese. Probatur minor: nam si ex natura rei distingueretur; eodem modo sequeretur dari Vniuersale ex natura rei, & ante operationem intellectus, distinctum à singulari.

Secundò; Omnes isti gradus generici, & differentiales, tribuuntur ab eadem forma substantiali: omnes sumuntur ab eadem natura reali: imò omnes reperiuntur, in eadem forma Physica, quæ est eadem Entitas simplex: ergo non possunt distingui nisi à solo intellectu. Consequentia euidens est: Quia in eadem Entitate simplici, in eadem essentia, & natura, nihil potest esse distinctum ex natura rei. Quocirca probatur Antecedens: quia ab eadem natura humana reali, sumuntur omnes gradus generici, & differentiales, à Substantia vsque ad naturam Sensitiuam, & Rationalem: omnes etiam in eadem natura reali Petri reperiuntur, cum qua eadem res sunt: omnes denique, in eadem Entitate simplicissima animæ rationalis, in qua fundantur, existunt: nam eadem est forma substantialis Corporea, Vitalis, Sensitiua, & Rationalis: ergo sicut gradus isti Physicè loquendo, non possunt distingui, nisi ab intellectu, ita multò minus distingui poterunt, Metaphysicè eos accipiendo.

29 Sed si non distinguuntur, nisi sola ratione; explicandum est, quæ distinctione rationis: quia duplex dari solet; Vna habens fundamentum in re ipsa concepta, quæ appellatur Distinctio rationis Ratiocinatæ: Alia in solo intellectu, imperfectè concipiente, hoc est, per plures conceptus, ea quæ per vnum concipi possunt, quam vocant Distinctionem rationis Ratiocinantis, ut ea qua distinguitur Petrus à seipso, in hac prædicatione identica, Petrus est Petrus. Respondeo; distingui Genus à Differentia, Distinctione rationis Ratiocinatæ. Et ratio est manifesta: quia in eadem essentia specifica, reperitur vterque

gradus, & secundum eos habet operationes realiter distinctas: Vt Homo, secundum gradum Genericum animalis, habet operationes sensitivas, vt videre, & audire: & secundum gradum Differentiæ, habet operationes rationales intellectus, & voluntatis: ergo habet fundamentum ex parte sua, vt intellectus distinguat in ea gradum genericum a differentiali. Verum quidem est, quod intellectus noster, non distingueret hos gradus, nisi imperfecto modo cognosceret: sed nec sufficeret imperfectus modus cognoscendi, nisi in re ipsa daretur fundamentum, & cum non detur in Petro fundamentum, distinguendi eum a seipso, non potest intellectus tali distinctione eum distinguere: sed solum alia minori, quæ vocatur rationis Ratiocinantis.

Ex his omnibus, colligitur hæc conclusio, qua respondetur 30
quæstioni: Licet compositio Speciei, ex Genere, & differentia, realis sit, ex parte componentium realium, tamen ex parte distinctionis eorum, non est realis, sed rationis: & cum utraque conditio necessaria sit ad realem compositionem, nempe componentia esse realia, & realiter, aut ex natura rei distincta simpliciter loquendo, non est compositio realis vocanda, sed rationis facta ab intellectu: eodem modo, quo fieret ex natura rei, si gradus genericus, & differentialis essent distincti ex natura rei.

Ad primum arg. negandum est Antecedens, quod gradus differentialis perficiat genericum, ex natura rei: nam cum non sint distincti ex natura rei; sed idem; nec ex natura rei coniungi possunt: & ideo nec vnus perficere alterum: nam si non sunt distincti, non erunt vnus. & alter: solum ergo perficit illum, supposita distinctione facta ab intellectu, inter eos: & ideo, solum per intellectum vnus perficit alterum: sicut solum per intellectum distinguentem eos, coniungitur illi. Itaque realis est perfectio, quam habet gradus genericus, in Specie, per gradum differentialem; & non Ens rationis: sed sicut ex natura rei, non sunt distincti; ita ex natura rei, eadem est perfectio in eo semper: sed quia intellectus distinguens ea, quæ ex natura rei non sunt distincta; considerat vnum, non considerato alio, & ideo sub esse quodam imperfecto, & perfectibili per alium, dicitur vnus perficere alium: quod non est verum ex natura rei, cum nec sint distincti, sed solum per intellectum distinguentem; Realis ergo est perfectio ipsa, quam vnus accipit ab alio; supposita distinctione, quam facit intellectus: & ideo propter defectum distinctionis, falsum est, quod vnus perficiat alterum, ex natura rei: nam vtrumque requiritur, vt verum sit, nempe, quod sint distincti ex natura rei, & etiam quod ex natura rei, vnus
contra

contrahat, aut determinet alterum: quare deficiente altero, deficit etiam veritas Antecedentis.

- 31 Ad secundum, neganda est consequentia: & dum sic probatur: Si Rationale est idem cum Animali: ergo etiam cum Equo; iterum neganda est Consequentia: nam Animal, non est quid tertium, respectu Rationalis, & hinnibilis; nisi solum per intellectum: quia a parte rei, distinctum Animal est in Homine, & Equo: & ideo non sequitur; quod si Rationale est idem cum Animali, & etiam hinnibile; sint idem inter se: quia non sunt idem cum eo, tanquam cum aliquo tertio, ex natura rei; sed tanquam aliquo tertio, secundum rationem. Bene autem potest intelligi, quod duo aliqua sint idem, cum aliquo tertio, sola ratione ab eis distincto: & non sint eadem inter sese: ut Petrus, & Ioannes, sunt idem cum Homine abstracto ab eis, & inter se distinguuntur realiter. Itaque ut principium illud verum sit; Quæcunque sunt eadem vni tertio, sunt eadem inter se, requiritur, quod sit tertium, ex natura rei distinctum ab utroque: ex defectu igitur Distinctionis fit, ut cum Genus non sit tertium, ante operationem intellectus, respectu Differentiarum & Specierum, non possint cum eo comparari ex natura rei, sed solum per intellectum illud abstrahentem, & distinguentem: & ideo ut non possit inferri identitas realis differentiarum oppositarum inter se, ex eo quod sint idem cum genere ab eis abstracto per intellectum.

Ad confirmationem, eodem ferè modo respondetur, quod cum Genus non sit distinctum à Differentiis, nisi per intellectum illud abstrahentem ab eis: non dicuntur ei aduenire, aut ab eo separari realiter, sed solum per intellectum, & secundum rationem: & hoc tantum modo potest quilibet ab eo separari, salva eius essentia: ex quo non sequitur distingui realiter, aut ex natura rei, sed sola ratione.

- 32 Vnum restat argum. non facile, aduersus nostram sententiam: quia si compositio ex Genere, & Differentia, non est realis, sed rationis: ergo nihil reale ponit in natura, in qua reperitur: & si nihil reale, nihil etiam perfectionis, aut imperfectionis. Probatur utraque consequentia, quia ex eo, quod intellectus aliquid intelligit vno, aut alio modo, solum prouenit ei denominatio extrinseca, intellecti eo modo: extrinseca verò denominatio, nihil imperfectionis in ea ponere potest. Quæ si ita se habent, sequitur, in Deo posse reperiri compositionem ex Genere, & Differentia: quod non videtur vlllo modo concedendum, cum summæ simplicitati eius repugnet quælibet compositio. Responderur; Talem compositionem

nem, non esse admittendam in Deo, secundum communem sententiam scholæ. Cuius duplex est ratio, immixtis aliis. Prima: quia conceptos Generis, tria dicit sibi intrinseca, nempe Esse limitatum; & extra rationem differentiarum, esse imperfectum: & per alium perfectibilem essentialiter: & hæc quidem cum fundamento in re ipsa, quæ omnia intrinsecam imperfectionem significant: & ideo aliena sunt à Deo, summè perfecto, in quo nihil limitatum, aut finitum concipimus, neque aliquid, quod essentialiter sit extra alia, aut essentialiter imperfectum, & per aliud perfectibile: sed immensitas diuina, & infinita perfectio eius, atque esse purissimum actum ea excludunt, etiam ut à nobis imperfecto modo intelligitur.

Secunda ratio: Quia conceptus genericus duo alia habet intrinseca. Primum, quod communis esse possit atque vniuersus multis Speciebus: sed talem conceptum in Deo reperi non repugnat: ergo repugnat dari in eo Genus, & Differentiam. Probat minor: quia conceptus de Deo formatus à nobis, non potest esse communis multis Diis, specie differentibus, quos euidenter cognoscimus esse impossibiles: ergo solum potest esse communis Deo, & creaturis, plusquam specie differentibus: sed Deo, & creaturis, minus potest dari aliquid commune vniuersum, quam Substantiæ, & Accidenti: ergo sicut Ens non potest esse Genus ad illa, ita neque in Deo dari potest conceptus vniuersus, à nobis formatus, qui sit vniuersus, & consequenter, neque qui sit Genus.

Q V Æ S T I O V.

*Vtrum Differentia superior includatur in inferiori,
& de illa prædicetur.*

DVplex distinctio Differentiæ necessaria est ad explicandum titulum questionis. Prima est, Differentiæ superioris, & inferioris: & Differentia superior vocatur illa, quæ constituit speciem magis vniuersalem: Inferior verò, quæ constituit speciem inferiorem: ut Differentia superior est Corporeum, respectu Differentiæ Viuentis: & hæc respectu Sensibilis: & Sensibile respectu Rationalis. Petit igitur titulus questionis, An Corporeum includatur in Viuente: & Sensibile in Rationali: & An vera sit prædicatio, Rationale est Sensibile.

Secunda distinctio est, Differentiæ cuiuslibet, quæ duobus modis sumi potest, Materialiter, & Formaliter: sumitur autem materialiter in quantum totum dicit, quod species ipsa, nempe gradum generis, quasi pro materiali, & gradum proprium, quasi pro formali: ut rationale, dicit pro materiali naturam sensu,

sensitiuam, pro formali verò gradu rationalitatis: sed formaliter sumitur, pro solo gradu rationalitatis: quemadmodum Album, materialiter sumptum, dicit Corpus affectum albedine; sed dum sumitur formaliter, solam Albedinem denominantem corpus. Et vtramque acceptionem habet differentia, significata in concreto; sicut vtramque habet Album. Nam Rationale, & pro tota natura hominis sumitur; & etiam pro solo ultimo gradu eius significato tamen in concreto. Vnde falsò putant aliqui, Differentiam formaliter sumi, dū significatur in abstracto; vt nomine Rationalitatis, aut Sensibilitatis: hoc enim modo significata, non est Differentia; sed principium differentia; vt natura Generis nomine abstracto significata, solum vt principium Generis, & non vt Genus significatur. In concreto ergo significatur, etiam dum formaliter sumitur, sed tantum pro gradu ultimo, atque proprio.

35 Et quidem, si Differentiam inferiorem materialiter accipiamus, certum est, quòd superiorem includat, & hæc de illa prædicetur: vnde vera est hæc, Rationale est Sensibile: quamuis non sit formalis Nam Rationale, saltem pro materiali, dicit naturam animalis: in qua includitur Differentia eius, nempe Sensibile; ergo includit etiam Sensibile, quæ est differentia superior.

Difficultas igitur quæstionis est, de Differentia inferiori, formaliter sumpta; An includat superiorem, & hæc de illa prædicetur: vt, An Rationale sumptum; prout de formali, dicit vltimum gradum naturæ rationalis, per quem constituitur homo, includat sensibile, & cæteras differentias superiores.

Et prima opinio affirmat formaliter includi, & prædicari: quam Soncinas 7. Metaph. quæst. 37. asserit; se defendere exercitij gratia, licet opposita ei magis placeat. In eam etiam inclinat Sotus, cap. de genere, quæst. 1. ad 3. sed expressè eam tenet Cant. in expositione huius capituli.

Probatur primò ex doctrina Aristot. 7. Meta. tex. 43. vbi tria docet de Differentiis. Primum, nihil referre siue sola vltima Differentia ponatur in definitione, vel etiam omnes superiores: quia vltima includit omnes. Vnde eodem modo definimus hominem, si solum dicamus esse animal rationale, ac si omnes superiores differentias ponamus, dicentes: Homo est Substantia corporea animata, sensitiua, rationalis. Secundò asserit, vltimam differentiam, esse totam Substantiam speciei: & ideo si ea ponatur in definitione, non licere superiorem aliam addere: quia committeretur vitium nugationis; idem bis repetendo: vt si dicamus; Homo est animal ra-

tionale, sensibile, nugatorium definitionem assignamus. Afferit tertio, ad inueniendam Differentiam ultimam alicuius speciei; diuidendam esse superiorem, per duas inferiores oppositas; ut bipedem, quæ est differentia animalis, (accidentalis quidem, sed qua utitur Arist. loco essentialis) per fillos; & non fillos pedes habentem; hoc est, scissos, vel non scissos: nam fillos habere pedes (inquit), differentia inferior est, respectu bipedis; cum fissio pedis, sit quædam pedalitas; id est cum filio pedis, includat pedalitatem, idem significantem, quod habere pedes.

Ex quolibet autem horum trium, videtur euidenter sequi; quod Differentia inferior, includat superiorem. Ex primo quidem; quia formaliter sumitur Differentia, dum in definitione ponitur: sed ultima Differentia quæ inferior est, posita in definitione, tantum valet, ac si omnes superiores ponantur: ergo eas includit: nam si non includeret; non tantum valeret. Ex secundo vero: quia non posset esse tota substantia rei; nisi superiores includeret; quas certum est ad substantiam infimæ speciei pertinere. Sed ex postremo efficacius sequitur: quia si ad inueniendum ultimam differentiam, diuidenda est superior per duas inferiores oppositas: ergo in utraque includitur formaliter; & de utraque formaliter prædicatur. Probatur euidenter consequentia: quia in bona diuisione, Diuisum formaliter sumptum, includitur in singulis membris diuidentibus; & de illis prædicatur, etiam formaliter: ut animal, de animali rationali, & irrationali. Et tandem, Arist. ipse, prædicat Differentiam superiorem de inferiori, formaliter sumpta; dum ait, *Verum esse, quod fissio pedis, sit pedalitas*: hæc enim superior Differentia est: & illa inferior dicitur.

Probatur deinde ratione. Primo; quia Rationale, formaliter sumptum, est Substantia: Corporea igitur, aut Incorporea: & cum Corporea sit, includet formaliter differentiam superiorem; ut etiam probat hic syllogismus in Datist: Omnis homo formaliter est sensibilis: homo formaliter est rationalis; ergo rationale formaliter est sensibile. 37

Secundo: Si Differentia inferior non includeret superiorem; maxime id fieret, quia est conceptus simplex; & ideo non potest componi, nec resolui in plures alios conceptus: quia iam daretur processus in infinitum: sed conceptus genericus, est etiam simplex: & nihilominus includit genera superiora: ut Animal, includit, Viuent, Corpus, & Substantiam: ergo etiam si Differentia sit simplex conceptus, includere poterit differentias superiores.

Secunda opinio negat, Differentiam inferiorem formaliter sumptam, includere superiorem: & consequenter negat, quod hæc prædicetur de illa formaliter. Quam sequuntur Scotus in 4. dist. 11. q. 3. §. ad rationes. Capreol. in 1. dist. 8. q. 2. in solut. ad 5. arg. Sot. Card. Tolerus cap. de substantia, dub. 2. Mercarus 1. post. cap. 4. q. 3. ad 3. Fonseca 5. Metaphys. cap. 28. quæst. 18. sect. 1. Et videtur mihi non solum probabilior; sed vera, & quæ euidenter colligitur ex doctrina Aristotelis, & D. Thomæ.

38 Ut autem hæc ita esse probemus; duo sunt præsupponenda, tanquam fundamenta certa ac necessaria. Primum est, Differentiam quamcunque, siue inferiorem, siue superiorem, includi formaliter in sua specie; quam constituit, ut Rationale formaliter in homine, & Sensibile formaliter est in animali. Quod probatur euidenter: quia Differentia formaliter, constituit Speciem: ergo formalis pars illius est: sed pars includitur formaliter in toto: ergo Differentia includitur formaliter in Specie.

Secundum fundamentum est; Omnes Species subalternas, esse Genera respectu inferiorum; ut Animal, respectu equi. & Leonis: & Viuens, respectu animalis, & plantæ. Ex quibus sequitur: quod in quocunque includitur formaliter differentia subalterna, formaliter etiam includitur genus subalternum, quod est subalterna species, per eandem Differentiam constituta. Gratia exempli: Animal est species subalterna, constituta formaliter per Differentiam sensibilem; quam necesse est includere formaliter: ergo in quocunque includitur formaliter sensibile; includitur etiã formaliter animal: sicut in quocunque includitur formaliter rationale; includitur formaliter homo. Eadem igitur est quæstio: An Differentia inferior formaliter sumpta, includat superiorem; & An includat Genus; quod est Species subalterna, per eam constituta: ut eadem quæstio est; An rationale, formaliter sumptum, includat Sensibile. & An includat Animal. Vnde si probatum fuerit, non includere Genus superius; probatum erit, quod non includat Differentiam superiorem: & conclusum, veram esse nostram sententiam.

Probatur autem expressis testimoniis Aristot. & D. Thom. deinde ratione. Aristot. enim 4. lib. Top. cap. 2. loco 18. sic ait: *Manifestum igitur, quoniam non participat Genus Differentia: quare neque impar Species erit, sed Differentia: quoniam non participat Genus.* & loco 22. De pluribus (inquit, Genus, quàm Differentiam oportet dici, & non participare differentiam. Et

D. Tho. 3. li. Met. lect. 8. ait: *Genus per se sumptum non potest prædicari de differentia; quia differentia non participat genus; ut dicitur in 4. Topicorum. &c.*

Probatur etiam ratione. Primò: Quia Genus & Differentia, formaliter sumpta, duo habent; Primum, quòd formaliter important diuersos gradus perfectionis essentialis: vt animal gradum naturæ sensitivæ, & rationalis. Secundò; Quod se habent, tanquam contrahens, & contrahibile: & ideo tanquam actus & potentia: sed ex vtroque sequitur; quòd non se includant formaliter: ergo nec Differentia inferior, includet superiorem. Minorem sic probo: Gradus diuersi essentialis perfectionis, habent rationes diuersas: Actus quoque & potentia, formaliter differunt: ergo nec illi, nec isti, possunt formaliter se includere; & consequenter nec Genus, & Differentia; per quam contrahitur. Consequentia verò; quòd nec Differentia inferior, includat superiorem, probatur hoc syllogismo: Illud quod non est formaliter animal; non est formaliter sensibile: sed rationale formaliter sumptum, non est animal; ergo nec erit formaliter sensibile: quare non includet formaliter differentiam superiorem.

Secundò: Si Differentiæ inferiores, includerent formaliter 39 superiores: ergo rationale, & irrationale includerent formaliter sensibile: & consequenter cōuenirent in eo formaliter: sicut homo, & equus: sed quæcunque conueniunt essentialiter, in aliquo gradu perfectionis essentialis; debent à tali conuenientia separari per differentias: vt homo, & equus, separantur à conuenientia essentiali in eodem sensibili, per differentias, rationale, & ininhibibile: ergo Differentiæ ipsæ, per alias deberent separari à tali conuenientia essentiali in gradu sensibilis, & ita daretur processus in infinitum: quia illæ etiam Differentiæ, per quas separantur, haberent similem conuenientiam in differentia superiori, quam includerent, à qua deberent per alias differentias separari: nec possent separari per seipsas: quia per seipsas formaliter conueniunt: sed per alios gradus perfectionis deberent separari: & consequenter per alias differentias.

Ad testimonium Arist. respondetur, secundum expositionem D. Thomæ in Comment. ipsius, & Scoti in 4. d. 11. q. 3. §. ad rationes: vbi proprium eius sensum hunc esse asserunt; Vt duobus modis rem definiendam esse docuerit, videlicet, per supremum Genus, & omnes Differentias superiores, & inferiores, vsque ad vltimam, vel per solum Genus proximum & vltimam Differentiam, neque vnum modum esse alteri 40
contra

contrarium; sed rationem primi esse; quia differentia intermedia constitunt species subalternas, quæ sunt intermedia genera: ideo eisdem differentiis in definitione positis, sufficienter explicantur rationes formales eorum. Quod patet, si sic definiamus hominem; Homo est substantia corporea, animata, sensitiva, rationalis. Rationem verò secundi: quia Genus proximum, formaliter continet rationes omnium superiorum: ergo sola ultima differentia ei addita, sufficienter explicatur tota ratio definiti: & ideo si post eam addatur aliqua ex superioribus; vitium negationis, aut inutilis repetitionis committitur: quia sufficienter explicatur talis Differentia, posito genere proximo, in quo includitur formaliter. Gratia exempli; Animal, formaliter continet. Vivens. Corpus, & Substantiam, & omnes differentias eorum: quare addito ei solo Rationali, sufficienter explicat totam rationem essentialem hominis: & si post Rationale addideris Sensibile, vel Corporeum, inutilem repetitionem committis: quia sufficienter explicata sunt tales differentia, posito animali, in quo formaliter includuntur

- 41 Et ex hac explicatione; Responderetur ad primum: Eundem modum definiendi esse, per supremum Genus, & omnes Differentias intermedias, usque ad ultimam; & per solam ultimam cum proximo genere: non quia ultima includit superiores, sed quia in proximo genere includuntur formaliter: & ideo eo solo posito sufficienter explicantur.

Dum verò asserit Aristoteles; *Ultimam differentiam esse totam substantiam speciei*: non totaliter, sed completiue intelligendum esse docent, ita ut præsupposito genere proximo, quod contrahit, & supra quod cadit in definitione, totam substantiam rei compleat. Tertium verò quod asserit Aristoteles, *de diuisione superioris differentia, in inferiores oppositas*, ita exponunt, ut Differentia non ratione sui, sed ratione Generis, quod constituit, ut speciem subalternam, & quod formaliter includit, diuidatur: non quidem in differentias, sed in species per differentias: unde nec Genus superius, includitur in differentiis inferioribus, sed in Speciebus, & multò minùs differentia superiores in inferioribus. Illa autem verba Aristo. *Fissio pedis, est pedalitatis*, non sic intelliguntur, ut vnam velit prædicare, de altera formaliter: sed sensus eius est, quòd fissio sit differentia per se diuisiva pedalitatis, & non per accidens.

Ad primum argu. Distinguendum est Antecedens, nempe, Rationale est Substantia: nam si pro Substantia completa quæ est supremum Genus prædicamenti, accipiatur, falsum est;

cum rationale, & quæcunque Differentia, formaliter sit pars speciei, & ideo substantia incompleta: si verò accipiat Substantia vniuersalius, prout abstrahit à completa, & incompleta, verum est, Rationale esse Substantiam, non prædicamentalem, sed analogam, ad completas, & incompletas substantias. Vnde ad formam argumenti negandum est, quòd sit Substantia, quæ diuiditur in corpoream & incorpoream: & consequenter, quòd includat Differentiam superiorem.

Syllogismus verò, qui adducitur, concedimus esse in modo, & figura: & ideo euidenter concludere; quòd Differentia inferior includat superiorem: non tamen in sensu formali: nec id necessarium est ad formam syllogisticam, cuius virtute, infertur quidem, Conclusionem stare in veritate cum præmissis, sed non semper in eodem sensu: vt hoc exemplo, omnino simili, potest probari: Omnis homo est animal; omnis homo est risibilis; ergo risibile est animal: cuius præmissæ, veræ sunt in sensu formali: conclusio verò, non potest esse vera formaliter, sed solum in sensu materiali.

Ad secundum; Concessa maiori, distinguenda est minor: quia Genus non est tam simplex, sicut Differentia: quod cum sit species subalterna, componitur ex genere, & differentia; sed Differentia non potest habere talem compositionem; quia cum ex propria ratione, sit vltimus actus speciei, non potest esse vllò modo composita: nec tamen est purus actus: quia cum sit pars, potentiam includit ad componendum totum, & intrinsecam imperfectionem, ex ratione partis ei prouenientem.

QVÆSTIO VI.

*An Differentia semper, & necessario sit perfectior
Genere, quod contrahit.*

Quodlibet Genus contrahitur per plures Differentias oppositas, diuersæ perfectionis, ita vt aliæ sint nobiliores aliis, & ex eis quædam eleuent genus ipsum, ad gradum altioris naturæ; aliæ verò intra proprium gradum illud contrahant. Gratia exempli; Animal contrahitur per rationale. & irrationale: & rationale eleuat illud, ad altiorem gradum naturæ rationalis: irrationale verò non eleuat, sed intra proprium gradum naturæ sensitiuæ reliquit. Et de differentia eleuante, certum est, nobiliorem esse genere ipso: vt de rationali, quòd sit nobilius animali: sed de differentiis non eleuantibus, procedit questio:

quaestio: An sint nobiliores genere, vel minùs nobiles, aut nobilitate aequales.

Et prima opinio tenet; Non omnes differentias esse nobiliores genere, quod contrahunt; sed solùm eas, per quas eleuatur ad gradum perfectioris naturæ: ceteras verò minùs nobiles eo esse, vel ad summum eiusdem nobilitatis: vt omnes differentias animales, excepta rationali, & omnes differentias Angelorum, per quas genus eorum, quod est substantia spiritalis, aut incorporea, non eleuatur ad altiore gradum essentialis perfectionis. Hanc sequuntur moderni quidam.

Eamque probant duplici arg. Primum est; Quia perfectior gradus naturæ, radix est perfectioris operationis: ergo illa differentia, quæ ad perfectiorem operationem, vel perfectiorem saltem modum operandi, non eleuat naturam generis, non potest esse eo perfectior, sed plures sunt differentia, genus neutro modo eleuantes; ergo nulla earum erit nobilior genere. Probatur minor, in differentiis animalis: ex quibus nulla constituit speciem, perfectiorem aliam operationem habentem, sensitiua, quæ gradui generis propria est: & etiã in speciebus Angelorum, non aliam operationem perfectiorem habentibus, præter intellectionem, nec alium modum perfectiorem operandi, præter intelligere sine discursu.

44 Secundum: Inter species animalis, plures reperiuntur, adeò imperfectæ, vt pluribus sensibus careant. Vt de talpis, ostreis, & sanguisugis manifestum est, de aliisque, petris tempor affixis, quæ præter tactum, nullam alium sensum habere videntur: ergo in his minùs perfectus reperitur gradus sentiendi, quàm in genere animalis, significante naturam sensitiuam, abstractam ab his defectibus.

Secunda opinio opposita est, affirmans, quamcunque differentiam esse perfectiorem genere, quod contrahit. Hæc est expressa D. Thom. & non solùm probabilior, sed vera. Probatur primùm, duobus testimoniis eiusdem: nam in 2. d. 13. quaest. 1. artic. 6. ad 1. ita ait: *Differentia, non est nobilior genere, sicut natura vna, est nobilior altera, vel sicut forma vna, nobilior est alia: quia differentia, nullam formam dicit: qua implicet in natura generis non contineatur: sed dicitur genere nobilior, sicut determinatum indeterminato: & per hunc modum, habere intellectum sic, est nobilius; quàm habere intellectum simpliciter: & habere sensum sic, quàm habere sensum simpliciter, &c.* Et 1. p. quaest. 75. art. 7. ad 2. inquit: *Differentia specifica vltima, est nobilissima, in quantum est maxime determinata, per modum, quo actus nobilior est potentia: sic autem intellectuale, non est nobilissimum.*

lissimum : quia est indeterminatum , & cōmune ad multos intellectualitatis gradus: sicut sensibile, ad multos gradus in esse sensibili, &c.

Ex quibus duo argum. colliguntur, ad probandam eandem 45
sententiam. Primum est; Omnis differentia eleuat genus, ad
altio rem gradum essendi, vel ad altio rem modum essendi,
intra eundem gradum suæ naturæ: ergo omnis differentia, est
nobilior suo genere. Euidens est consequentia: quia non so-
lum res est perfectior; quia perfectio rem dicit gradum es-
sendi, sed quia eundem gradum perfectiori modo participat.
Sed probatur antecedens: quia differentia duo habet, in qui-
bus excedit genus: Nempe esse actum determinantem, atque
perficientem ipsum: cū tamen genus se habeat, sicut poten-
tia determinabilis: Esse etiam determinatum, atque distinctum
gradu naturæ; & modo determinato, atque distincto, eum di-
cere: cū tamen genus, licet determinatum; indeterminatè
tamen, & quasi confusè eum includat: sed gradum naturæ de-
terminatum, atque determinatè includere, perfectius est, quàm
confusè tantum: ergo differentia ex proprio modo essendi,
semper est perfectior.

Secundo; Genus se habet, tanquam materia in compositione
speciei: & differentia tanquam forma: sed forma semper ele-
uat materiam, ad perfectius esse: ergo differentia semper ele-
uat genus ad perfectius esse: & forma semper est nobilior ma-
teria: ergo semper erit nobilior Differentia Genere. Proba-
tur minor prioris syllogismi: quia forma eleuat materiam, in
ordine physico, ad esse specificum determinatum, & actuale,
quod ei tribuit, & eodem modo differentia eleuat genus in
ordine metaphysico. Esse autem specificum, determinatum, &
actuale perfectius est, confuso, & potenciali; quod habet ge-
nus; ergo differentia semper est nobilior genere.

Ad primum arg. alterius opinionis responderetur, negando 46
consequentiam primi Enthymematis: quia præter eleuatio-
nem ad perfectio rem operationem, vel perfectio rem modum
operandi, reperitur perfectior modus essendi, actualis, ac deter-
minatus: ad quem omnis differentia eleuat genus: & ideo sem-
per est perfectior illo.

Ad secundum; Concesso Antecedenti, neganda est conse-
quentia: nam licet imperfectè reperiatur gradus sentiendi, in
illis speciebus; adhuc reperiatur perfectius, quàm in genere:
quia determinatus, & specificus est: in genere verò, nec deter-
minatus, nec perfectior, sed confusus, abstrahens à perfecto, &
imperfecto. Quod autem determinatum, atque distinctum est,
perfectius est indeterminato, atque confuso. Et ideo adhuc
differen

differentiæ harum specierum, perfectiores genere sunt.

QVÆSTIO VII.

An secunda definitio differentia, possit conuenire ultimis differentiis.

DVo præsupponit titulus quæstionis, tanquam certa. Primò; Duplicem esse differentiam; Subalternam, & Vltimam. Subalterna est, quæ constituit Speciem subalternam; vt Corporeum, & Sensibile. Vltima, quæ constituit Speciem vltimam, vt Rationale. Præsupponit secundò; Secundam definitionem, conuenire differentiis subalternis, cum notum sit, de pluribus differentibus specie, eam prædicari: vt Sensibile, de hominè, & leone. Sed in dubium reuocat, An possit etiam conuenire ultimis. Et ratio dubitandi est manifesta: quia non prædicantur de pluribus speciebus, sed de vna tantum, & indiuiduis eius: vt rationale, de solo homine, & singularibus hominibus: ergo non conuenit eis definitio, quæ asserit, *Differentiam esse, quæ prædicatur de pluribus differentibus specie in Quale quid.*

47 Et est prima opinio, quæ tenet, etiam conuenire ultimis differentiis; vt autem modum quo eis conueniat, explicet, sic esse exponendam definitionem docet, vt dum dicitur, *Differentia est, quæ prædicatur de pluribus differentibus specie: sensus sit, de pluribus, quæ inter sese, aut ab aliis distinguuntur specie.* In quo sensu manifestum est Differentiis subalternis, atque etiam ultimis conuenire: nam illæ prædicantur de pluribus differentibus specie, inter sese, vt Sensibile, de equo, & leone. Differentia verò vltima, vt Rationale, prædicatur de pluribus differentibus specie, non inter se, sed ab aliis: vt de homine: qui specie differt ab equo: & de Petro, & Ioanne, qui ab indiuiduis aliarum specierum, specie distinguuntur, per idem rationale. Hanc sententiam tenuerunt nonnulli, quos attulit Auicena cap. præsentis.

Sed probatur falsa duplici arg. Primò; Hæc definitio differentia eodem modo, & in eodem sensu assignatur à Porphyrio: in quo assignatæ sunt definitiones aliorum prædicabilium: sed aliæ definitiones, vt Speciei & Generis, sic intelliguntur, vt hæc de pluribus differentibus numero inter se, illud de pluribus, inter se differentibus specie, prædicari debeat, vt probat exempla in eis adducta à Porphyrio: ergo eodem modo intelligenda est hæc definitio differentia: sed sic intellectas patet non conuenire ultimis differentiis: ergo non fuerunt definitæ à Porphyrio.

Secundò; Si sensus ille admittendus esset, vt conueniret vltimis differentiis, sequitur euidenter definitionem Generis, etiam conuenire Speciei. Probatur consequentia: quia prædicatur de pluribus differentiibus specie, licet non inter sese; bene tamen ab indiuiduis aliarum specierum distinctis.

Secunda opinio est Caietani, in expositione huius definitionis, dubio vnico; vbi duo præsupponit, ad explicandum sensum definitionis, in quo vltimis differentiis conueniat. Primum est; Per hanc definitionem, definitam esse differentiam, sub ratione communi Differentiæ, abstrahente à Subalterna, & Vltima. Quia sub ratione communi denominatur à secundâ intentione, tertij prædicabilis. Secundò; Verba alicuius definitionis, duobus modis posse applicari his, quæ continentur sub definito; positiuè, hoc est affirmatiuè: aut etiam negatiuè; hoc est, per non repugnantiam: & vtroque modo applicatur definitio hæc, diuersis differentiis. Positiuè quidem, Subalternis, quæ verè prædicantur, de pluribus differentiibus specie: Vltimis verò, per non repugnantiam: quia verum est, eis in quantum differentiæ sunt, non repugnare, quòd prædicentur de pluribus differentiibus specie. Itaque, Vltimæ duobus modis considerantur; nempe sub Communi, ratione differentiæ; & sub Particulari, ratione Vltimarum: & hoc modo; omnino eis repugnat definitio; sed non primo. Nam si eis, vt differentiæ sunt, repugnaret; nullis differentiis etiam subalternis posset conuenire: & cum non definiantur, vt Vltimæ; sed vt Differentiæ; absolutè dicendum est, eis conuenire definitionem negatiuè; aut per non repugnantiam. Hanc sententiam Caietani sequitur Sôtus cap. præsentis, quæstione vnica ad 6. pro qua etiam referuntur, Auzena cap. vltimo prædicabilem, & Iamblicus, cap. de differentia. Et Tolerus quæstione vnica huius capitis, probabilem esse docet, quamuis non ad mentem Prophyrij. Probat Caietanus hoc argu. Definitio Quanti, est; quòd sit diuisibile in partes; & non conuenit corpori cœlesti positiuè: quia cum sit incorruptibile, non potest diuidi: alioquin per diuisionem corrumpetur: sed conuenit ei negatiuè; hoc est, per non repugnantiam; vt est Quantum, non vt est corpus incorruptibile: quia vt Quantum est; non repugnat ei diuidi: quamuis repugnet ei diuisio; vt tali quanto incorruptibili. Et tamen sufficit, ita ei conuenire; vt dicatur definitio conuenire ei absolutè: ergo sufficiet, quòd vltimis differentiis, conueniat per non repugnantiam; vt differentiæ sunt; quamuis repugnet eis, vt vltimis.

49. Mihi verò nullam ferè probabilitatem habere videtur. Unde neque ullus ferè iam eam defendit. Probatum primò: Definitio rei, si essentialis sit, continet essentiam omnium, quæ definiuntur: & si descriptiua, aliam propriam passionem eorum: sed essentia, & propria passio, non possunt rebus conuenire negatiuè, aut per non repugnantiam, sed necesse est eis positiuè conuenire: ergo repugnat definitioni conuenire alicui per non repugnantiam.

Secundò; Quia si ex eo solùm conuenit definitio vltimis differentiis; quia non repugnat eis, sub communi ratione differentiaè consideratis, prædicari de pluribus differentiis specie: quamuis repugnet, vt sunt differentiaè vltimæ: sequitur definitionem hominis, conuenire leoni: imò & definitionem cuiuslibet speciei, conuenire cæteris speciebus eiusdem generis. Consequens est absurdum: ergo & Antecedens erit falsum. Probatum Cõsequentia, quia licet definitio hominis, repugnet leoni, sub ratione specifica leonis, non repugnat tamen ei, sub ratione communi animalis considerato.

Tertia opinio communis & vera, tenet; Per hanc definitionem solùm definisse Porphyrium differentias Subalternas, non verò Vltimas. Ita Commentator, Anicena, & Alpharabius, quos citat, & sequitur Albertus Magnus, tract. 5. de differentia, cap. 6. Iauellus, Louanienses, Sotus, Canterus, Mercatus, Villalpandus, Toletus, & Fõseca, cap. præsentis, in explicatione eiusdem definitionis. Et probatur, ex impugnatione aliarum opinionum: quia nullo modo potest conuenire vltimis differentiis.

Sed quare has non definiuit Porphyrius: Respondent quidam, quia eas nõ cognouit. Sed falsum hoc est, quia certum est, Species vltimas cognouisse, quarum mentionem fecit cap. de specie, in ordinatione prædicamentali: ergo cognouit etiam vltimas differentias, saltem in ratione communi vltimarum: quauis particulares ignorauerit: & in hoc cap. & vltimo huius libri, differentiam vltimam hominis, dixit esse Rationale Mortale: vnde sequitur etiam in particulari aliquam cognouisse.

Ideo alij, eas non definisse asserunt, quia existimauit non esse simplices, sed compositas, aut complexas: vt rationale mortale, esse differentiam hominis: complexa verò non pertinent ad prædicabilia, quæ simplicia esse debent, aut incomplexa: vt in vltima quaest. vniuersali diximus. Hæc tamen ratio contra mentem Porphyrij est, cap. vlt. huius libri, vbi comparans differentiam cum specie, ita ait: *Differentia quidem sæpe in pluribus speciebus consideratur: species verò, in solis his, quæ sub specie sunt indiuiduis*

individuus est, &c. Si ergo sæpe in pluribus speciebus differentia est: non semper ex mente Porphyrij, apud quem dabitur ultima differentia prædicabilis, quæ cum specie comparetur.

Dicendum igitur est, ideo solas subalternas definisse Porphyrium: quia cum nobis notiores sint, frequentius eis utimur in definitionibus. Quod à simili probari potest: nam cum duplex sit proprium, Subalternum & Infimum, hoc solum definiuit cap. sequenti: quia frequentius eo utimur in demonstrationibus. Sufficit autem definisse differentias Subalternas: quia cum eodem modo prædicentur omnes, nempe in Quale quid; ex harum noticia, facile est differentias infimas cognoscere; in quantum pertinent ad tertium prædicabile: facile est etiam definitionem communem subalternis, & infimis assignare: quæ talis erit: *Differentia est, quæ prædicatur de pluribus in Quale quid.*

Ad arg. Caiet. respondetur, falsum esse; quòd definitio Quanti, ab Arist. designata, non conveniat corpori cælesti positivè: quia cum veram habeat quantitatem, verè, per se, & positivè, est diuisibile in partes: quamvis actualis diuisio, per accidens impediatur, propter incorruptibilitatem substantialem, eiusdem corporis.

C A P V T V.

De Proprio.

TEXTVS PORPHYRII.

Proprium verò quadrifariam diuidunt, &c.

Brevis expositio textus.

Intentum Porphyrij cap. præsentis est, explicare naturam Proprij, quod est quartum Prædicabile. Diuiditur autem, in duas partes. In prima; Tradit Porphyrius quatuor acceptiones, seu modos proprij. In secunda; Solam quartam acceptionem eius, docet esse propriam: cæteras verò communes aliis accidentibus.

Proprium, primo modo, accipitur pro eo, quod conuenit alicui speciei soli; non tamen omnibus indiuiduis eius: vt esse medicum aut philosophum, proprium hominis dicitur: quia soli homini conuenit: licet non omni homini conueniat. Secundo modo, accipitur ex opposito, pro eo quod conuenit omni indiuiduo alicuius speciei, non tamen soli, sed etiam indiuiduis aliarum: vt esse bipedem, vel duos habere pedes, omnibus hominibus ex propria natura conuenit; non tamen solis;

solis, sed quibusdam etiā aliis animalibus aliarum specierum. Tertio modo accipitur pro eo, quod conuenit alicui speciei, & omnibus indiuiduis eius, non tamen omni tempore, sed quodā determinato: vt canescere conuenit omnibus, & solis hominibus, verū non semper, sed solum tempore senectutis. Quarto modo, accipitur Proprium pro eo, quod conuenit alicui speciei, & omnibus indiuiduis eius, non pro determinato tempore, sed semper: vt Risibile conuenit homini, & omni homini, atque etiam semper: quia licet non semper homo rideat, semper tamen habet aptitudinem ad ridendum: & ideo semper est risibilis.

Ex his quatuor acceptionibus sola quarta propria est, (inquit Porphyrius) quia proprium proprie sumptum, solum est illud, quod conuertitur cum eo, cuius est proprium; sed solum proprium quarto modo acceptum, conuertitur: ergo solum in quarta acceptione proprie accipitur.

QVÆSTIO I.

An proprium solum quarto modo acceptum, constituat quartum prædicabile, vel etiam secundum alios tres modos.

² PRæsupponit tanquam certum, titulus quaestionis, quod Proprium secundum quartum modum, pertineat ad quartum prædicabile: sed dubitat; An hoc solum constituat quartum prædicabile, & tres alij modi potius pertineant ad quintum: vel ex omnibus quatuor modis, efficiatur quartum.

Et prima opinio tenet; Proprium non solum secundum quartum modum, sed etiam secundum alios, constituere quartum prædicabile: hoc est, vel secundum omnes, vel saltem secundum modum tertium. Sic videtur sentire Albertus Magnus, tract. 6. de proprio, ca. 1. & tract. 7. de accidenti, cap. etiam 1. Louanienfes cap. præf. & ibid. Canter. quos saltem, quantum ad proprium tertio modo sequuntur nonnulli ex modernis.

Probatur primò: Quia licet Propria aliorum modorū, sumpta pro actu, sint communia accidentia, si tamen. sumantur pro aptitudine, vel potentia, propriae passiones sunt, emanantes ab essentia: ergo non pertinent ad quintum prædicabile, sed ad quartum. Probatur Antecedens, in proprio primi modi: nā esse medicum vel philosophum, hoc est, habere aliquam scientiam ex his, commune accidens est: aptitudo verò ad eas habendas, sicut ad cæteras, propria passio hominis: quam appellare solent capacitatem disciplinæ.

Secundò: Quia proprium tertio modo conuenit omni, & soli; ergo est propria passio. Probatur consequentia: Quia esse propriam passionem, in eo solum consistit; quòd ab essentia emanet: emanatio verò, non tollitur ex eo, quod non semper conueniat; sed tempore à natura statuto: quia eo tempore, & non alio, reperitur dispositio in subiecto, ad talem emanationem: ergo nec tollitur ratio propriae passionis in emanatione consistentis.

Secunda opinio communis & vera: Negat vllam acceptionem proprii; præter quartam, constituere quartum prædicabile; sed tres priores ad quintum prædicabile pertinere affirmat: & solum proprium quarto modo, constituere quartum prædicabile. Quam tenet D. Tho. opus. 48. c. 7. Iauel. tract. 4. præd. c. 5. Caicr. Sor. & Tol. ca. præf. & est expressa, in doctrina Arist. in qua definitio proprii continetur, solum conueniens Proprio, quarto modo. Et præterea; Proprium secundum alias acceptiones, ad prædicabile accidentis pertinere dicitur. Vtrumque habetur i. lib. Topicorum, ca. 4. Definitio quidem Proprii his verbis: *Proprium est, quod non indicat, quid est esse rei: soli autem inest, & conuersim prædicatur.* De aliis etiam acceptionibus Proprii sic ait: *Nemo enim proprium dicet, quod contingit alij inesse, neque si forsitan per aliquod tempus inest soli, &c.* Et in fine capituli inquit: *Manifestum est autem ex his, quoniam accidens nihil prohibet, & quando, & ad aliquid proprium fieri: simpliciter autem proprium non erit, &c.* Proprium autem Ad aliquid: vocat primo & secundo modo acceptum: quia in ordine ad alia tale dicitur; hoc est: quia conuenit soli, & non omni; vel omni, & non soli. Proprium verò, Quando, idem est, atque proprium tertio modo: nam quando significat tempus, & cum proprium tertio modo, solum conueniat pro determinato tempore; appellatur ab Arist. proprium, Quando.

Nec minus est expressa sententia Porphyrii, cap. vltimo huius libri: ubi in tribus distingui docet, quartum & quintum prædicabile. In primo quidem; quia proprium solum conuenit vni speciei: cuius essentiam sequitur, eiusque indiuiduis: accidens verò, pluribus alijs conuenit. In secundo differunt, quia proprium conuertibiliter prædicatur de subiecto; non tamen commune accidens. In vltimo verò: quia proprium non suscipit magis, & minus, sed communia accidentia suscipiunt. Hæc autem triplex differentia, respectu accidentis, solum conuenit proprio quarto modo.

Ratione quoque probatur; ex testimoniis Arist. deducta, *Nam in communi modo concipiendi, & loquendi, inquit Arist. illud solum*

solum appellatur Proprium, quod omnibus ita conuenit, ut non sit aliis commune: & praterea, quod semper eis conuenit, quibus est proprium: sed has duas conditiones, solum habet proprium quarto modo; ergo hoc tantum erit proprium: reliqua uero accidentia communia: & ideo hoc tantum constituet quartum predicabile: reliqua uero potius ad quintum pertinebunt. Probatur minor: nam Proprium primo, & secundo modo, uel non conuenit omnibus, uel aliis, etiam commune est: proprium uero tertio modo, multis indiuiduis nunquam conuenit: aliis uero omnibus, multo saltem tempore non conuenit: ergo nullum uere proprium appellari debet, neque ad quartum predicabile pertinere, intelligendum est.

5 Et si dixeris: Quare ergo propria aliorum modorum adducuntur a Porphyrio in hoc cap. Respondeo, Solum adduci, quia aliquam habent similitudinem, & analogiam: cum uero proprio quarto modo, ex qua similitudine melius cognoscitur natura, & essentia veri proprii, atque etiam ex dissimilitudine, & improprietate eorum. Quare si proprium in communi accipitur; non uniuocè, sed analogicè, dicitur de omnibus: & solum de proprio quarto modo simpliciter: de aliis uero non nisi secundum quid, & per attributionem ad ipsum.

Ad primum arg. Distinguendum est Antecedens: nam aptitudo ad scientias, duplex est. Vniuersalis, & Particularis. Vniuersalis vocatur capacitas, quam habet homo per intellectum: Particularis uero, respectu particularium scientiarum. Nam vnus homo particularem inclinationem, & aptitudinem habet ad vnā scientiam, uel artem, quam non habent alij: licet uniuersali aptitudine intellectus non careant. Ad formam igitur arg. responderetur, uerum esse, quod proprium primo, & secundo modo, pro aptitudine uniuersali acceptum, sit propria passio, sed hoc modo, non est Proprium primo, aut secundo modo, sed quarto, quia est proprium, dimanans ab essentia hominis specifica: si uero accipitur pro aptitudine particulari, solum est proprietas indiuiduorum: neque omnibus conueniens: licet conueniat solis: & ideo non est proprium simpliciter, sed commune. accidens pertinens ad quintum predicabile.

6 Pro solutione secundi arg. Duplex proprietas distinguenda est, Specifica, & Individualis. Illa dimanat ex principis essentialibus speciei, quæ sunt Genus, & Differentia, ut risibilitas ex propriis hominis. Individualis uero, ex complexione indiuiduali, ad quam concurrunt humores, & aliæ qualitates, & dispositiones materiæ. Vnde sequitur, quod illa sem-

per conueniat: quia essentia specifica eodē modo se habet semper: Indiuidualem verò, non necesse est semper conuenire: quia non sunt humores in eadem dispositione: vnde nec vocatur propria passio simpliciter; sed commune accidens. Talis est canities, etiam si pro aptitudine accipiat: quæ licet soli homini propriè conueniat, alijs verò animalibus per similitudinem tantum ad hominem, vt ex causis eius colligitur, quas tradit Arist. lib. 4. de generatione animalium, cap. 5. nō tamen dimanat ab essentia specifica eius, sed ex complexione hominum particulari; & ex alijs etiam causis extrinsecis, in eisdem, & solis hominibus concurrentibus tempore senectutis: ideo non ad quartum prædicabile, sed ad quintum pertinet.

Ad formam igitur arg. Neganda est Consequentia, quòd 7 proprium tertio modo, sit propria passio simpliciter, sed solum habet similitudinem cum propria passione. Et dum dicitur: Non esse necessarium semper conuenire, vt sit propria passio: negandum est etiam: quia propria passio simpliciter, ex nuda essentia sequitur: vnde non variatur, sed eodem modo se habet, sicut ipsa essentia: proprietates verò indiuiduorum ex alijs causis accidentalibus, & extrinsecis dependent, quæ diuerso tempore, diuerso modo se habent: ideo tales proprietates, non sunt propriæ passionēs simpliciter, nec sub nomine proprij, constituenta quartum prædicabile, comprehenduntur.

QVÆSTIO II.

An proprium sit vniuersale, aut quartum prædicabile, respectu speciei, vel indiuiduorum.

PRO faciliiori intelligentia quæst. annotandum est. Primo; Duplex esse Proprium; Vnum, quod consequitur naturam generis, aut speciei subalternæ: & ideo vocatur Proprium Subalternum, prædicaturque de genere ipso conuertibiliter, sed cum qualibet specie, non conuertitur; & ideo respectu generis, est Proprium Adæquatum: & respectu cuiuslibet speciei, Inadæquatum: vt Sensibile, proprium subalternum est, quod sequitur naturam animalis; cum quo conuertitur, sed cum nulla eius specie: ideo proprium adæquatum est, respectu animalis: sed respectu specierum inadæquatum: de omnibus tamen prædicatur eodem modo, ac de genere, quamuis non proximè, sed remotè: hoc est, in Quale proprium: secundum regulam Antepredicamentalem ab Arist. traditam, cap. 3. Antepredicamentorum: *Quid quando ali-*
quid

quid prædicatur de aliquo; quæcunque prædicantur de tali prædicato, prædicantur de eius subiecto, & de omnibus contentis sub illo; & eodem genere prædicationis, secundum omnes interpretes: ut animal prædicatur de homine, & leone; & sensibile de animali, prædicatione proprii; & ideo necesse est; quod idem sensibile prædicetur de homine, & leone, sub eodem animali contentis, prædicatione etiam proprii. Aliud est proprium, quod sequitur speciem infimam; & de illa prædicatur proximè, adæquatè, & conuertibiliter: de indiuiduis verò eiusdem, inadæquatè; quia cum nullo conuertitur: & remotè; quia media specie; sed prædicatione proprii; quia in quale proprium.

- 8 Secundò notandum est; Vtrumque proprium definitum esse ab Arist. 1. lib. Topico. cap. 4. illa definitione; *Proprium est, quod non indicat, quid est esse rei, soli autem inest & conuersim prædicatur.* Quia non minus conuertitur proprium Subalternum, cum specie Subalterna, quam sequitur: ut sensibile cum animali, ac proprium Infimum, cum Infima specie, ut risibile cum homine: quamuis nec illud conuertatur cum speciebus Inferioribus, neque hoc cum indiuiduis: quia respectu inferiorum, neutrum est adæquatum proprium. Quod verò dicitur, *non indicare quid est esse rei:* hoc tantum significat, quod est, non pertinere ad essentiam, sed esse accidens eius, quamuis à posteriori, per illud cognoscamus essentiam: & in hoc sensu videatur indicare, *quid est esse rei:* sed sensus definitionis prior est. Vtrumque est etiam definitum à Porphyrio, dum ait, *Proprium quarto modo* (quod solum est proprium simpliciter) *esse, quod conuenit, omni, soli, & semper.*

De utroque etiam proprio, tam Subalterno, quam Infimo, quæritur, An sit vniuersale, & quantum prædicabile, respectu speciei subalternæ, vel infimæ, quam sequitur, vel solum respectu inferiorum specierum, aut indiuiduorum. Et ratio dubitandi est manifesta: quia nihil est Vniuersale, nisi respectu plurium: sed species, quam sequitur vtrumque proprium vna tantum est: nam cum ea conuertitur: ergo respectu illius, non erit vniuersale, aut prædicabile, sed solum respectu specierum inferiorum, aut indiuiduorum, quæ plura sunt.

- 9 Prima opinio asserit, Proprium non esse vniuersale, nec quantum prædicabile, respectu generis, aut speciei, quam proximè sequitur, sed respectu inferiorum. Sic Louanienſes, cap. præſenti, Fonseca. 5. Meta. cap. 28. quæst. 19. sectio. 2. Et plures moderni probant. Primò; Quia vniuersale ad plura se extendit, quàm subiectum, de quo prædicatur: ergo si cum eo conuertatur, non erit respectu illius vniuersale. Probatur

Antecedens: nam Vniuersale ex vi nominis, significat id, quod non est particulare, sed ad multa particularia extenditur: ergo repugnat esse Vniuersale, respectu vnius particularis subiecti: vnde cum species sit vnum particulare subiectum, non erit proprium vniuersale, respectu illius.

Secundò: Quia ratio Vniuersalis, & ratio Proprii, oppositæ sunt: ergo non possunt eidem respectu eiusdem conuenire: sed proprium dicitur aliquid, respectu speciei, quam sequitur; ergo repugnat dici Vniuersale, respectu eiusdem. Probatur antecedens: nam Vniuersale dicitur, respectu multorum, vt probat definitio eius, *quod sit vrum in multis*: proprium verò, respectu vnius tantum; vt ex eius etiam definitione patet, qua dicitur: *soli autem inest*: ergo sunt rationes oppositæ.

Secunda opinio affirmat; Proprium esse vniuersale, & prædicabile, respectu speciei, quam sequitur, & non solum respectu indiuiduorum. Hanc sequitur Alber. Mag. tract. 5. de proprio, cap. 1. Caiet. & Sot. quæst. 1. huius cap. Tolet. in fine eiusdem, & etiam plures moderni.

Probatur ex Arist. & Porphy. Ex Arist. quidem, quia definitio: quam tradit de proprio, non conuenit ei respectu inferiorum, sed solum respectu speciei; ait enim: *Soli autem inest, & conuersim prædicatur*: hoc est, soli speciei, de qua solum prædicatur conuertibiliter & non de inferioribus speciebus, aut indiuiduis, ergo sentit Arist. *Proprium, respectu solius speciei, esse proprium, atque adeo vniuersale, & quantum prædicabile*. Porphyrius etiam, *Proprium quarto modo*, dicit esse illud, *quod conuenit, omni, soli, & semper*: quas condiciones non videtur habere, nisi respectu speciei: & cap. ult. huius libri, enumerans ea, quæ conueniunt quanto prædicabili, ait, *esse prædicabile de specie, quam sequitur*.

Item ratione probatur. Primò: Quia modus prædicandi, sequitur modum essendi, quem res habet, ex propria natura, aut ex modo, quo concipitur ab intellectu: sed proprium, ex modo naturali essendi, atque etiam vt concipitur ab intellectu, respicit speciem, tamquam principium proximum, à quo dimanat: species verò inferiores, aut indiuidua, remotè tantum, & per participationem speciei: ergo rationem vniuersalis, & prædicabilis in Quale, proprium primò habet, respectu speciei, & quasi secundariò, respectu indiuiduorum.

Secundò; Prædicabilia ordinantur ad demonstrationem, sicut prædicamenta; ergo propositiones necessarie, & per se: ex quibus demonstratio conficitur, pertinent ad prædicabilia: sed tales sunt illæ, in quibus proprium prædicatur de specie, vt ho-
mo

mo est risibilis : pertinebunt igitur ad quartum prædicabile, cum non sit aliud, ad quod pertinere possint : & ideo proprium erit vniuersale, & prædicabile, respectu speciei.

- 11 Nostra sententia duabus conclusionibus explicatur. Prima: Propriū non est vniuersale, respectu solius speciei, sed respectu inferiorū specierum, vel indiuiduorum. Probatur hæc ex definitione vniuersalis: nempe, *Vnum in multis, ex de multis*: sed Species, non est multa simpliciter, sed vnum: quāuis sit multa, secundum rationem virtualē, qua participatur a multis: ergo respectu illius, non potest proprium esse vniuersale. Probatur consequentia: quia multa simpliciter non sunt, nec dicuntur, nisi illa, quæ actu sunt multa, ac distincta: in specie verò, nec indiuidua multa sunt, nec distincta, sed vnum nec species ipsa, est in eis multa, sed etiam vnum: ergo proprium respectu solius speciei, non est vniuersale.

Secunda conclusio: Esse tale vniuersale, hoc est propriū, aut quartum prædicabile, nec habet proprium in ordine ad solam speciē, nec in ordine ad sola indiuidua: sed in ordine ad indiuidua, vt participant rationem speciei. Vt autem conclusio hæc, & præcedens, melius intelligatur, notandū est, in proprio, sicut in quocunq; alio prædicabili, duo esse consideranda: & rationem communem vniuersalis: quam omnes participant, & in qua conueniunt: & rationem specialem, ex tali modo prædicandi desumptam, per quam distinguuntur. Ratio ergo vniuersalis, vt sic, petit plura pro termino: & ideo eam non habet proprium respectu speciei, vt in prima conclusione probatum est: quia species, non est multa simpliciter, sed vnum: rationem verò specialem, talis vniuersalis, & prædicabilis, nō habet solum respectu indiuiduorum: quia non dimanat ab eis, nec primò, & per se, est proprium illorum: sed speciei, à qua primò, & per se emanet, & de qua per se primò prædicatur, in Quale propriū, vnde in ordine ad illam, habet per se primò, specialem modum prædicandi, per quem distinguitur a cæteris prædicabilibus. Sed quia ad rationem talis vniuersalis, requiruntur talia multa, sicut ad rationem vniuersalis in communi, multa simpliciter, adhuc proprium non est tale vniuersale, respectu solius speciei nisi cum ordine ad indiuidua, à quibus ratio essentialis eius, & consequenter proprium ipsum, ab ea dimanans participatur.

- 12 Ex hac doctrina, non solum declaratur vtraque conclusio, sed colligitur hoc argu. quo probatur secunda. Proprium, vt est quartum prædicabile, sic definiendum est: *Proprium est, quod prædicatur de pluribus in Quale proprium*. sed primum non habet, respectu solius speciei: nempe esse prædicabile de multis, nec

secundum, nempe, in Quale proprium, habet respectu indiuiduorum, nisi cum ordine ad speciem, ratione cuius prædicatur de illis, in Quale proprium: ergo completam definitionem quarti prædicabilis; nec habet à sola specie; nisi cum ordine ad indiuidua; nec à solis indiuiduis, nisi cū ordine ad speciem.

Arg. verò primæ opinionis solū probant. quòd proprium non habet rationem vniuersalis, vt sic, respectu speciei, sed indiuiduorum: non tamen, quòd specialem rationem talis vniuersalis, ex modo prædicandi desumptam, non habeat ab specie, cum ordine ad indiuidua.

Arg. secundæ opinionis solū probat, eandem rationem specialem, talis vniuersalis, aut quarti prædicabilis, habere ab specie, non tamen, sine ordine ad indiuidua: & quia vtrumque continet nostra sententia; non est necessarium, argumenta aliarum in particulari soluere; sed ex annotata doctrina, facilè à quocūque soluentur.

Solū restat, vno verbo explicandum id, quod à quibusdam dubitari solet, An proprium, vt est quartum prædicabile; vna, & eadem relatione, secundū speciem, referatur ad speciem & indiuidua, aut ad genus, & inferiores species, vel diuersis: ita vt vna ad speciem, & alia ad indiuidua. Cui respondeo, Vna, & eadem referri. Quod ita probo: Relatio, sumit suam vnitatem specificam, à termino formali: sed species, & indiuidua, habent eandem rationem terminandi relationem proprii: ergo vna erit respectu omnium. Probatur minor: Proprium refertur ad speciem, & indiuidua: tanquam ad principium, à quo emanat, & tanquam ad subiectum, cum quo conuertitur: sed species, & indiuidua, habent eandem rationem principii, atque subiecti: cum indiuidua ratione speciei, vtrumque habeant: ergo habent eandem rationem formalem terminandi, & pro vnicō termino formali accipienda sunt; à qua vnitatem specificam habet relatio proprii.

CAPVT VI.

De Accidenti.

TEX. PORPHYR.

Accidens autem est, quod adest & abest, præter subiecti corruptionem, &c.

Breuis explicatio textus.

Intentum Porphyrij, cap. præsentis est, explicare naturam Accidentis; quod est quantum prædicabile. Agit autem tria

tria in toto capite. Primò; Tribus definitionibus definit accidens. Secundò; Quadam diuisione illud diuidit. Tertio; Cuidam tacitæ obiectioni respondet.

Prima definitio accidentis est: *Accidens est, quod & adest, & abest, præter subiecti corruptionem.* Vt albedo inhæret in pariete, & potest separari ab illo, sine corruptione eius. Secunda definitio eadem ferè est: *Accidens est, quod contingit eidem inesse, & non inesse.* Postrema definitio: *Accidens est, quod neque est genus, nec differentia, neque species, neque proprium; inest autem subiecto.* Datur hæc definitio, per negationem aliorum prædicabiliũ à Porphyrio, vt explicetur proprius modus prædicandi accidentis.

- 2 Diuisio accidentis est: Accidens aliud est Separabile, vt dormire; aliud Inseparabile; vt albedo cygni. Sed poterat obicere aliquis aduersus Porphyrium, quòd prima definitio accidentis non sit bona; vel quòd hæc diuisio sit mala: quia secundum primam definitionem, omne accidens potest separari à subiecto: ergo nullum erit inseparabile: sed diuisio asserit, accidens aliud esse Separabile, aliud Inseparabile: ergo sibi contrariantur. Ideo respondet Porphyrius, in 3. part. hac distinctione: *Duobus modis contingit separari à subiecto: Secundum rem, aut secundum considerationem intellectus: & primo modo, non omne accidens potest separari à subiecto; bene tamen secundo modo: & definitio intelligitur primo, aut secundo modo; diuisio verò, solum secundo modo; ideo non sunt contrariæ.*

Q V Æ S T I O I.

An accidens sit vniuersale, & respectu quorum id habeat.

- 3 **P**Robatur, Accidens non esse vniuersale, duobus arg. Primò: Quia vniuersale, non habet à parte rei aptitudinem essendi in multis, aut prædicandi de illis: nec respicit inferiora relatione reali; sed solum habet talem aptitudinem; per intellectum abstrahentem illud, vel comparantem ad inferiora; ad quæ solum dicit respectum rationis: sed Accidens à parte rei, habet aptitudinem essendi in subiecto: ergo etiam habebit aptitudinem prædicandi de illo: & cum distinguatur ab eo realiter, per relationem realem illud respiciet, vt albedo hominem: ergo accidens non est vniuersale respectu subiecti: imò nec potest prædicari de illo: quia quod ab alio distinguitur realiter, non potest de eo prædicari, cum distinctio realis falsam efficiat prædicationem.

Secundò Vniuersale dicitur esse in multis, & posse prædicare de multis, etiam si illa multa non sint actu, in rerum natura, sed solum in potentia: vt patet de Sole & Luna: sed Accidens non potest prædicari de subiectis, nisi actu existentibus: ergo non est vniuersale, nec prædicabile. Probatur minor: quia nullo homine existente, in rerum natura, falsum erit dicere: Homo est albus, aut Petrus est albus.

Pro solutione huius quæstionis, notandum est primò, Accidens duobus modis considerari. Primò, in ordine ad sua inferiora quidditatiua: vt color respectu albedinis, & nigredinis: aut albedo, respectu huius, & illius albedinis: & hoc modo non constituit quantum prædicabile, sed primum, secundum, vel tertium: nam vel genus est, vel species, aut differentia. Secundò consideratur in ordine ad subiecta; quibus inhæret: vt album in ordine ad hominem, vel parietem. Et hoc modo constituit quantum prædicabile, quia prædicatur in Quale accidentale.

Secundò notandum: Accidens dupliciter considerari: In abstracto, & in concreto: & primo modo consideratum, non dicit subiectum, sed solâ formâ: vt albedo, & color: & cū hæc distinguatur realiter, à subiecto, non prædicatur de illo; falsum est enim dicere: Homo est albedo: consideratum verò in concreto, dicit subiectum, vt album: & à diuersis subiectis abstractum per intellectum, vt ab homine, & pariete, est vniuersale, & prædicabile respectu aliorum; à quibus solum distinguitur ratione: nec habet aptitudinem prædicandi de illis à parte rei, sed solum per intellectum: nec denique ad illa refertur relatione reali, sed rationis: sicut cætera prædicabilia, ad sua inferiora: sed quia accidens, respicit subiectum, secundum modum inhærentiæ actualis in eo, & hoc modo prædicatur de illo; requirit actualem existentiam subiectorum, de quibus prædicatur: aliqui non erunt veræ prædicationes: & in hoc distinguitur à cæteris prædicabilibus, quæ cū essentialia sint; vt genus, species, & differentia; vel propriæ passionis, consequentes essentiam, vt quantum prædicabile, abstrahunt ab existentia, & prædicantur de inferioribus, secundum naturalem connexionem extremorum: ideoque non requirunt actualem eorum existentiam.

His suppositis; Conclusio respondens quæstioni est: Accidens in concreto sumptum, est quantum prædicabile: non respectu inferiorum quidditatiuè; sed respectu subiectorum, à quibus abstrahitur, & de quibus prædicatur, in Quale accidentale: & hoc modo sumptum definitur à Porphyrio, duplici
defi

definitione, inferius explicanda. Probatur hæc conclusio: Quia accidens hoc modo sumptum, est vnum in multis accidentaliter, & ideo prædicabile de multis in Quale accidentale distinctumque à cæteris quatuor prædicabilibus.

Ad primum arg. Neganda est minor; quod accidens habeat aptitudinem realem inhaerendi, aut essendi in multis, à parte rei: nam si sumatur in abstracto, verum est, sed sic non est vniuersale, nec prædicabile: sed dicit formam accidentalem, realiter distinctam à subiectis, & realiter eis inhaerentem: quæ non potest realiter prædicari de illis, propter realem distinctionem: si verò sumatur in concreto, respectu subiectorum, à quibus abstrahitur, vniuersale est, & prædicabile; vt expositum est.

Ad secundum: Distinguenda est minor: nam vt accidens sit vniuersale, & prædicabile; satis est, quod plura subiecta, secundum potentiam existentia respiciat: sed ad exercitium prædicationum, requirit actualem existentiam subiectorum: & in primo, conuenit cum cæteris prædicabilibus: à quibus distinguitur, in hoc secundo, propter modum distinctum prædicandi, accidentalem, quem habet: nam accidens respicit subiectum secundum actualem inhaerentiam in eo: actualis verò inhaerentia, petit actualem existentiam subiecti: quia nihil potest inhaerere, nisi actu existenti: de aliis verò prædicabilibus, diuersa est ratio, quantum ad exercitium prædicandi; iam explicata.

QVÆSTIO II.

An diuisio accidentis, in accidens separabile, & inseparabile, sit bona.

DVobis argumentis, videtur probari; quod non sit bona. Primò: Quia accidens secundum Porphyrium, duobus modis potest separari à subiecto, secundum rem, & per intellectum: ergo nullum accidens erit inseparabile. Probatur consequentia: quia accidens inseparabile secundum rem, est separabile per intellectum: vnde non bene diuiditur accidens, in duo membra.

Secundò: Quia si omne accidens est separabile, per intellectum: ergo hæc diuisio, comprehendit propriam passionem; quæ licet non possit separari secundum rem, potest tamen per intellectum: vt risibile, potest separari ab homine: quia cum non sit de essentia eius: potest homo intelligi sine illo. Et ex hoc sequitur, quartum prædicabile, & quintum, non distingui. Probatur consequentia: quia propria passio, quæ constituit quartum

tum prædicabile, pertinet ad quintum, cum sit accidens inseparabile.

Pro solutione quæstionis; annotanda est distinctio; quam tradit D. Thom. quæst. vnica, de spiritualibus creaturis, art. ultimo ad 7. ubi ait, *Duplicem esse operationem intellectus; per quam vnum separat ab alio.* Vna est simplex abstractio; per quam illud vnum sine alio cognoscit, sine affirmatione, & negatione: vt dū intelligimus albedinem, existentem in pariete, non intellectu pariete: non tamen negando, quod in eo sit. Altera est, abstractio composita, per quam vnum sine alio intelligimus, illud de eo negando: vt si dum intelligimus, albedinem sine pariete: negemus eam de pariete; dicentes, paries non est albus.

Secundò notandum est: Quod hæc est differentia, inter accidens separabile, & propriam passionem; quantum ad secundum modū abstractionis à subiecto: quod subiectum accidentis inseparabilis, non solum potest intelligi sine illo, sed etiam cū opposito; salua eius essentia: vt cygnus, non solum potest intelligi sine albedine, sed cū nigredine, quæ nõ repugnat essentiæ eius. Sed subiectum propriæ passionis; quamuis possit intelligi sine illa, non tamen cum opposita; cuius ratio est, quia cū propria passio dimanet ab essentia, à qua impossibile est dimanare oppositam: impossibile est etiam, quod cum opposita intelligatur; sed accidens inseparabile, nõ dimanat ab essentia subiecti: ideo non repugnat, quod idem subiectum, cum opposito accidente intelligatur. Exempli gratia; Sine risibilitate, potest intelligi homo; non tamen cum hinnibilitate, quia repugnat hinnibilitatem dimanare ab essentia eius: sed cygnus, non solum potest intelligi sine albedine, sed etiam cum nigredine: quia cum albedo non dimanet ab essentia eius, non repugnat, quod cum nigredine opposita intelligatur.

Conclusio nostra est, Diuisionem esse bonā. Probat: Quia vtrumque membrum, verè datur in rebus; verum accidens est, & tantum continet, quantum diuisum; ergo adæquata est, & bona diuisio: sed intelligenda est realiter, & nõ per intellectū: ita vt sensus sit: Accidens, vnum est separabile, à subiecto realiter: & aliud realiter inseparabile, ab eodem: & ex hoc soluitur primum argumentum.

Ad secundum: Neganda est consequentia; quia accidens cōmune, separari potest per intellectum, vtraque abstractione; simplici, & composita: ita vt non solum negari possit de subiecto, sed etiam oppositā ei attribui: quod non habet passio; quia cū dimanet ab essentia: repugnat oppositam passionem conuenire subiecto. Itaque cōmune accidens, omnibus modis potest

test separari per intellectum à subiecto: proprium verò nō omnibus modis: & hoc sufficit, vt ad quintum prædicabile non pertineat.

- 10 Sed vt melius natura huius prædicabilis intelligatur: Triplex alia differentia notanda est; quam habet respectu proprii. Prima est: Quòd proprium dimanat, ex principiis essentialibus subiecti: accidens cōmune, nō dimanat ab eis: sed ex aliis causis prouenit. Secunda: Quòd passio, primò conuenit speciei, secundariò verò indiuiduis accidens commune, ex opposito; primò conuenit indiuiduis; & ratione eorum speciei. Et ratio huius differentia est: quia propriū maximè dimanat à natura specifica, sed cōmune accidēs, ex particularibus causis indiuidualibus sequitur. Tertia differentia est: Quòd proprium prædicatur per se, de subiecto; accidens verò, quod est quintum prædicabile per accidens.

QVÆSTIO III.

An definitiones accidentis, intelligantur à Porphyrio, de inhærentia reali accidentis in subiecto, vel secundo intentionaliter, de affirmatione, & negatione.

- 11 **V**Idetur hoc secundo modo intelligi, & non primo; quod probatur ex eodem Porphyrio: qui *Vltimam definitionem*, assignauit per negationem aliorum prædicabilium; ergo definit accidens, vt prædicabile: & consequenter, nō per realem inhærentiā, sed per prædicationem. Et præterea, quia vt explicaret diuisionem, non esse contrariam primæ definitioni, docuit, Accidens non solum secundum rem, sed per intellectum posse separari à subiecto: ergo dum illud asserit, posse adesse, & abesse subiecto; in prima definitione, non de reali inhærentia, sed de prædicatione loquitur.

Et ratione deinde probatur. Primò: Quia accidens secundum realem inhærentiam, non pertinet ad Dialecticum, sed ad Philosophum: ergo in Dialectica, non per illam debet definiri, sed per prædicationem Dialecticā propriam.

Secundò: Accidentia rationis, qualia sunt secundæ intentiones; dum prædicantur de primis, pertinet ad hoc prædicabile, & non habent realem inhærentiam in subiecto, sed solum sunt obiectiue intellectui: & tamen eis conueniunt definitiones accidentis: ergo non intelliguntur de reali inhærentia, sed de prædicatione. Hanc sententiam tenent, Caiet. cap. præsentis, dubio 1. Iauel. tra. 4. de quinque prædicabilibus, cap. 6. Sotus in expositione textus, & eandem dicit esse probabilem, Tolet. dub. 3.

Secun

Secunda opinio affirmat; Easdem definitiones, intelligi à 12
 Porphyrio de reali inhærentia accidentis: Et hæc est proba-
 bilior. Probatur efficaciter ex Porphyrio, qui vt explicaret pri-
 mam definitionem, non esse contrariam diuisioni, tradit di-
 uersos modos separationis, accidentis à subiecto; nempe realē,
 & per intellectum: quod non esset necessarium, si definitio in-
 telligeretur de prædicatione; & non de reali inhærentia: nam
 prædicatio, separationem dicit per intellectum, si sit negatiua.

Probatur secundo: Quia eodem modo sumitur accidens in
 definitionibus, sicut in diuisione, sed diuisio non potest intel-
 ligi de prædicatione; sed de reali separatione: nā in primo sen-
 su, nullum accidēs esset inseparabile, ergo definitiones de reali
 inhærentia intelliguntur.

Ad primum testimonium respondetur: Non per solam ne-
 gationem aliorum prædicabilium, definisse Porphyrium acci-
 dens, sed per realem inhærentiam, quam in ultimo verbo de-
 finitionis posuit. Secundum testimonium, potius probat no-
 stram sententiam.

Ad primum arg. respondetur: Quod realis inhærentia, fun-
 damentum est secundæ intentionis: quam necesse fuit expli-
 care per definitiones, vt natura huius prædicabilis, melius
 intelligeretur.

Ad secundum dicimus; Entia rationis, non habere realem
 inhærentiam in subiecto, sed intelligi à nobis per similitu-
 dinem, ad accidentia realia; quæ illam habent: & ideo de il-
 lis etiam loquimur, ac si realiter inhærent: quare per similitu-
 dinem, applicantur eis definitiones accidentis.

Q V Æ S T I O I I I I .

An prima definitio accidentis sit bona.

Ratio dubitandi est, quia multa sunt accidentia, quæ sub- 13
 iectum corrumpunt, vt morbus lethalis, combustio, &
 mors: ergo eis non conuenit definitio: quia non possunt adesse,
 & abesse, præter subiecti corruptionem.

Difficultas huius questionis, in eo consistit: An ea quæ
 enumerantur in argumento, sint accidentia, vel non. Et
 prima opinio, negat esse accidentia, sed potius, dicit esse de-
 structiones substantiæ, vel prædicata substantialia priuariua.
 Probat: quia corruptio vel mors, est dissolutio principiorum
 vitæ: sed principia vitæ sunt substantialia: ergo corruptio,
 & mors, erunt potius quid substantiale, quam accidentale.

Pro

Pro solutione quæstionis, notandum est; Mortem dupliciter sumi posse: primò pro corruptione rei, vt in fieri; hoc est, dum fit: aut pro corruptione in facto esse, vel iam facta: & certum est, vtroque modo sumptam, modum saltem accidentis habere, & consequenter subiectum: & cum sit quasi mutatio priuatiua, non solum habet subiectum; sed etiam terminum, quasi per eam factum: & subiectum eius est materia; quæ à forma, quæ corrumpitur, ad formam de nouo aduenientem mutatur: vt à forma hominis, quæ definit esse in materia; ad formam cadaueris, quæ de nouo aduenit. Terminus autem corruptionis, est non esse rei; vt non esse hominis: denominat autem corruptio materiam, tanquam subiectum; in quantum est mutatio eius: & etiam terminum, nempe rem corruptam, ad cuius non esse terminatur: & ita materia denominatur priuatiuè, mutata per corruptionem, tanquam subiectum huius accidentis priuatiui: & id quod definit esse per eam; dicitur non esse, vel esse mortuum, aut corruptum: & sicut est accidens materiæ; tanquam subiecti, in quo intelligitur inhaerere; ita respectu illius conuenit ei definitio accidentis: quia adest, & abest materiæ præter eius corruptionem: terminum verò non denominat, vt subiectum; sed tanquam terminum, quem destruit, & ideo non est accidens, respectu eius; nec conuenit ei definitio accidentis.

35
4 Nostri igitur sententia est: Illa omnia, quæ in arg. enumerantur, esse accidentia, vel saltem modum accidentium habere; quibus suo modo conuenit definitio. Quod probatur euidenter de morbo etiam lethali, hac ratione: Morbus adest, & abest, sine subiecti corruptione: ergo conuenit ei definitio accidentis. Probatur antecedens: quia quâdiu durat morbus, subiectum manet; & eo absente, etiam manet: ergo adesse, & abesse potest, præter corruptionem eius.

Secundò, probatur de combustionem, & morte: nam ista habent modum mutationis priuatiuæ: sed *mutatio habet subiectum*, vt docet Arist. 1. & 5. li. Phys. ergo est accidens; quare modum accidentium habere debent, quibus definitio conueniat.

Ex his respondetur ad arg. Morbum esse accidens; & posse adesse, & abesse subiecto, præter corruptionem eius: quia quâdiu durat, non est corruptum; sed manet. De combustionem verò, & morte; dicimus esse accidentia priuatiua, materiæ; cui adsunt, & absunt, præter corruptionem eius; non tamen sunt accidentia hominis, vel domus; sed illum, & hanc denominant, tanquam terminos. Quod verò ad veritatem propositionum attinet; nempe: Homo est mortuus; vel Domus est

est combusta: veras esse dicimus; ut communis modus concipiendi, & loquendi tenet: quia sensus est: Homo desiit esse, aut Domus: & verus quidē; quia non denominatur, ut subiecta; sed ut termini corruptionis: quasi dicatur hominem, & domum, per mortem, aut combustionem periisse: mors namq; appellatur, corruptio hominis: quia est priuatio vitæ: non verò combustio domus; sed talis corruptio.

Circa rationem tandem Accidentis duo sunt notanda. Primum: Duobus modis sumi accidens; nempe pro accidente Prædicamentorum, & pro accidente Prædicabili: & hæc acceptio est vniuersalior, quia non solum comprehendit vera accidentia; sed illa etiam, quæ licet sint substantiæ, modo tamen quodam accidentali se habent ad alia: & ideo ex parte modi se habendi, videntur ea respicere tanquam subiecta; ut differentia, respectu generis, accidens prædicabile vocatur; licet sæpe sit substantia: quia adesse, & abesse potest generi, salua eius essentia. Accidens verò prædicamentale, solum comprehendit vera accidentia: sed ex alia parte, idem accidens; ut prædicabile, minus vniuersale est: quia accidens prædicamentale, absolute comprehendit omnia accidentia vera: accidens verò prædicabile, non comprehendit ea; nisi sub limitata consideratione: hoc est, quatenus subiecto adesse & abesse possunt; vel prædicari, & non prædicari de illo. Albedo enim, aut nigredo; sicque de cæteris accidentibus; duobus modis considerantur. Primo: Secundum proprias essentias; ut in eis sunt Genera, Species, & Individua: & sic pertinent ad specialia prædicamenta, & non ad quintum prædicabile; sed ad primum, secundum, vel tertium. Alio modo; In ordine ad subiectum; cui adesse, & abesse possunt: & sic pertinent ad quintum prædicabile.

Ex quibus intelligitur distinctio quædam, satis necessaria, prædicationis accidentalis: nam vna est Accidentalis; ab accidente prædicamentali; quando prædicatum, verum est accidentis, inhærens subiecto, de quo prædicatur. Alia est accidentalis, ab accidente prædicabili, & non prædicamentali; cuius prædicatum, non est verum accidens subiecti; sed modo accidentali se habet ad illud; in quantum adesse & abesse potest ei, præter eius corruptionem: ut hæc prædicatio; Homo est albus; accidentalis est, ab accidente prædicamentali, & etiam prædicabili: hæc verò, Animal est rationale: non ab accidente prædicamentali; sed solum ab accidente prædicabili.

Secundo notandum est: Quod Accidens; ut est quintum prædicabile; non est definiendum per plures species, vel plura indiui

indiuia, tanquam per subiecta, quia licet vera sint subiecta accidentis, tam hæc, quam illa: quodlibet tamē est inadæquatū: itaque definiendum est per aliud vniuersalius, quod sit quasi adæquatum subiectum eius, & in plurali sumptum, adæquatus terminus relationis eiusdem accidentis, vt prædicabilis. Vnde, talis erit eius adæquata definitio: *Accidens est, quod prædicatur de pluribus*, in Quale accidentale. Per quam definitionem, ratione vltimæ particulæ, patet distingui à cæteris prædicabilibus. Et hæc de prædicabilibus annotasse sufficiat.

Q V Æ S T I O V.

An inhærentia aptitudinalis, sit de essentia accidentis.

- 17 **I**nhærentia duplex est, Actualis, & Aptitudinalis. Actualis, est modus quidam, per quem accidens vnitur subiecto, vt ab eo sustentetur: & proportionatur, modo per se substantiæ, per quem in se, & per se subsistit, independentē ab alio: vnde sicut modus Subsistentiæ, est vltimus terminus naturæ substantialis, per se existentis, à quo completur, & constituitur in supposito: ita inhærentia actualis, est vltimus terminus naturæ accidentalis, actu existentis, complens eam, & constituens actu, in subiecto: & tandem, sicut subsistentia, præsupponens actualem existentiam, non distinctam realiter à natura substantiali; sed per quam est extra causas, distinguitur ex natura rei, ab eadem natura substantiali, per se existente: eadem ratione, inhærentia actualis accidentis, præsupponens nostro modo intelligendi, naturam accidentalem actu existentem, distinguitur ab ea, ex natura rei.

Alia est inhærentia Aptitudinalis: quæ non est aliud, quam aptitudo eiusdem naturæ accidentalis, ad actu inhærendum subiecto: vt si Deus separet accidens à subiecto, peribit modus actualis, inhærentiæ eius: per quem actu inhærebat subiecto: sed adhuc erit aptum ei inhære: & hæc aptitudo inhærendi vocatur inhærentia aptitudinalis.

Et de inhærentia actuali, certum est apud omnes, quod non sit de essentia accidentis, quia sine illa potest esse accidens, si non naturaliter, saltem diuina virtute: & verē manet quantitas Eucharistiæ, sine inhærentia actuali, quam habebat in substantia panis. Ex quo euident argumentum deducitur, probans non pertinere ad eius essentiam, & cum eadem ratio sit de cæteris accidentibus, sequitur, actualem inhærentiam, nulli accidenti esse essentialem: in quo etiam assimilatur subsistentiæ substantiali: de qua euident est, eam nō pertinere ad essen-

N

tiam

tiam naturæ substantialis, cum sit in fide certum, Naturam humanam Christi, non habere propriam subsistentiam: sed terminatam esse, subsistentia verbi Diuini. Ideo solum quærit titulus quæstionis, de inhærentia aptitudinali, An sit de essentia accidentis.

Et est prima opinio Scoti in 4. d. 12. quæst. vnica, & Antonij 18
Andræ 7. Metæ. q. 1. cum cæteris Scoti discipulis, asserentium, non pertinere ad essentiam eius, sed extra illam esse. Probant id primò: Quia inhærentia, est relatio accidentis ad subiectum; vel relationem saltem includit; ergo non potest esse de essentia alicuius accidentis absoluti: imò aliquam rationem accidentalem debet præsupponere in eo, cui conuenit, per quā fundetur talis relatio: & ex consequenti, essentiam accidentis, eam fundantem: quare extra illam omnino erit.

Secundò: Si inhærentia aptitudinalis est de essentia accidentis, omnibus æquè conuenire debet: quia quæ essentialia sunt, omnibus illius ordinis debent æquè conuenire: sed neq; conuenit omnibus, nequè æquè potest conuenire: ergo non est essentialis. Probatur minor, quia modus, quem habet quantitas Eucharistiæ, separata à substantia, est accedens: cum terminet naturam accidentalem: & repugnat ei aptitudo inhærendi, cum sit modus essendi per se, & independenter à subiecto: ergo non conuenit omnibus accidentibus: sed neque æqualiter: quia iam conueniret eis vniuersè, quod videbimus esse falsum.

Secunda opinio est communis, & vera quòd inhærentia aptitudinalis sit de essentia accidentis. Ita D. Tho. in 4. d. 18. q. & art. 1. q. etiam 1. Capr. in 4. d. 2. q. 1. ad 1. cōtra 5. & 6. conc. Heruē. quodlib. 4. q. 9. Iaue. 7. Metæ. q. 1. Caiet. 7. c. de ente, & essentia, q. 15. Et colligitur euidenter ex doctrina Arist. 7. Metæ. tex. 2. vbi asserit, *Accidentia non esse entia, sed entis entia*: hoc est substantiæ, ad quam in sua entitate, dicunt attributionem: sed esse entia substantiæ, est posse eam afficere, secundum proprios modos intrinsecos: ergo aptitudo ei inhærendi, est eis essentialis, ex mente Aristotelis.

Probatur etiam ratione: Quia esse per se, & esse in alio, sunt 19
modi intrinseci substantiæ, & accidentis, diuidentes per se ens, sed esse per se, secundum aptitudinem, hoc est, aptū esse ad subsistendum per se, est de essentia substantiæ: ergo aptum esse ad inhærendū eidem substantiæ, erit de essentia accidentis. Probatur minor: Quia, substantiā esse talem entitatem, cui debetur subsistentia per se, essentialis est ei: & hoc est, esse radicem, vnde oritur subsistentia, esse ei essentialis: ergo etiam est essentialis accidenti, esse talem naturam, cui debetur actualis inhærentia

in subiecto: quod est, esse radicem actualis inhaerentiae: & radix hæc, est inhaerentia aptitudinalis, quæ etiam erit ei essentialis.

Ad primum arg. Neganda est maior: quod inhaerentia actualis, sit relatio: sed est modus absolutus, includens respectum quendam transcendentalem, de quo neganda est minor: quod non possit esse, de essentia absoluti, sicut cætera prædicata transcendentia, ut videbimus in prædicamento. Ad aliquid. Vbi probabimus, quod licet relatio prædicamentalis, quæ vocatur secundum esse, non possit pertinere ad essentiam absoluti, respectus tamen transcendentales, & secundum dici, ad essentiam plurimum absolutorum necessàrio pertinent.

Ad secundum: Neganda est prima consequentia, quod inhaerentia aptitudinalis, conueniat æqualiter omnibus accidentibus, aut vniuocè: nam cum conueniat eis per attributionem ad substantiam, vel sit ipsamet attributio ad substantiam, non potest eis conuenire vniuocè: quia repugnat attributio vniuocationi. Et præterea, unicuique conuenit secundum proprium modum attributionis ad substantiam: quod sufficit analogiam constituere, ut in antepædicamentis, c. 2. ostendemus. De modo autem per se, quantitatis Eucharistiæ, non est certum, quod illud habeat: sed probabile, quod immediatè sustentetur à Deo, & etiam si illum habere dicatur, non est natura accidentalis, cui debetur actualis inhaerentia, sed modus, cui per se non debetur: sicut inhaerentia actuali, non debetur alia inhaerentia: alioqui esset processus in infinitum: sed cum sit ratio, vel modus inhaerendi, non dicitur propriè inhaerere: nec modo illi, per se essendi quantitatis, debetur inhaerentia: quia non est natura accidentalis, sed entitas quædam modalis, super naturaliter concessa accidenti: ut sit per se, hoc est, sine dependentia actuali à substantia, quæ entitas, accidentalis est, quia modum effendi tribuit accidenti. Itaque, naturæ accidentali, tantum conuenit aptitudinalis inhaerentia, per se, sicut ei solum debita est actualis: modis verò, non conuenit per se: sed ratione naturæ, cuius sunt modi: sicut, nec per se inhaerent, sed ratione naturæ:

& cum modus ille, nec sit natura accidentalis, nec modus

per se, ex propria natura conueniens accidenti,

non est ei vllò modo debita actualis inhaerentia,

nec erit essentialis ei inhaerentia

aptitudinalis.

etiam naturæ substantialis, cum sit in fide certum, Naturam humanam Christi, non habere propriam subsistentiam: sed terminatam esse, subsistentia verbi Divini. Ideo solum quærit titulus quæstionis, de inhærentia aptitudinali, An sit de essentia accidentis.

Et est prima opinio Scoti in 4. d. 12. quæst. vnica, & Antonij 18
Andree 7. Metæ. q. 1. cum cæteris Scoti discipulis, asserentium, non pertinere ad essentiam eius, sed extra illam esse. Probant id primò: Quia inhærentia, est relatio accidentis ad subiectum; vel relationem saltem includit; ergo non potest esse de essentia alicuius accidentis absoluti: imò aliquam rationem accidentalem debet præsupponere in eo, cui conuenit, per quā fundetur talis relatio: & ex consequenti, essentiam accidentis, eam fundantem: quare extra illam omnino erit.

Secundò: Si inhærentia aptitudinalis est de essentia accidentis, omnibus æquè conuenire debet: quia quæ essentialia sunt, omnibus illius ordinis debent æquè conuenire: sed neq; conuenit omnibus, nequè æquè potest conuenire: ergo non est essentialis. Probat minor, quia modus, quem habet quantitas Eucharistiæ, separata à substantia, est accidens: cum terminet naturam accidentalem: & repugnat ei aptitudo inhærendi, cum sit modus essendi per se, & independentè à subiecto: ergo non conuenit omnibus accidentibus: sed nequè æqualiter: quia iam conueniret eis vniuoce, quod videbimus esse falsum.

Secunda opinio est communis, & vera quòd inhærentia aptitudinalis sit de essentia accidentis. Ita D. Tho. in 4. d. 18. q. & art. 1. q. etiam 1. Capr. in 4. d. 2. q. 1. ad 1. cōtra 5. & 6. conc. Hervæ. quodlib. 4. q. 9. Iaue. 7. Metæ. q. 1. Caiet. 7. c. de ente, & essentia, q. 15. Et colligitur euidenter ex doctrina Arist. 7. Metæ. tex. 2. vbi asserit, *Accidentia non esse entia, sed entis entia*: hoc est substantiæ, ad quam in sua entitate, dicunt attributionem: sed esse entia substantiæ, est posse eam afficere, secundum proprios modos intrinsecos: ergo aptitudo ei inhærendi, est eis essentialis, ex mente Aristotelis.

Probat etiam ratio: Quia esse per se, & esse in alio, sunt 19
modi intrinseci substantiæ, & accidentis, diuidentes per se ens, sed esse per se, secundum aptitudinem, hoc est, aptū esse ad subsistendum per se, est de essentia substantiæ: ergo aptum esse ad inhærendū eidem substantiæ, erit de essentia accidentis. Probat minor: Quia, substantiā esse talem entitatem, cui debetur subsistentia per se, essentialis est ei: & hoc est, esse radicem, vnde oritur subsistentia, esse ei essentialem: ergo etiam est essentialis accidenti, esse talem naturam, cui debetur actualis inhærentia

in subiecto: quod est, esse radicem actualis inhærentiæ: & radix hæc, est inhærentia aptitudinalis, quæ etiam erit ei essentialis.

Ad primum arg. Neganda est maior: quod inhærentia actualis, sit relatio: sed est modus absolutus, includens respectum quendam transcendentalem, de quo neganda est minor: quod non possit esse, de essentia absoluti, sicut cætera prædicata transcendentia, ut videbimus in prædicamento. Ad aliquid. Vbi probabimus, quod licet relatio prædicamentalis, quæ vocatur secundum esse, non possit pertinere ad essentiam absoluti, respectus tamen transcendentales, & secundum dici, ad essentiam plurium absolutorum necessario pertinent.

Ad secundum: Neganda est prima consequentia, quod inhærentia aptitudinalis, conueniat æqualiter omnibus accidentibus, aut vniuocè: nam cum conueniat eis per attributionem ad substantiam vel sit ipsamet attributio ad substantiam, non potest eis conuenire vniuocè: quia repugnat attributio vniuocationi. Et præterea, unicuique conuenit secundum proprium modum attributionis ad substantiam: quod sufficit analogiam constituere, ut in antepædicamentis, c. 2. ostendemus. De modo autem per se, quantitatis Eucharistiæ, non est certum, quod illū habeat: sed probabile, quod immediatè sustentetur à Deo, & etiam si illum habere dicatur, non est natura accidentalis, cui debetur actualis inhærentia, sed modus, cui per se non debetur: sicut inhærentiæ actuali, non debetur alia inhærentia: alioqui esset processus in infinitum: sed cum sit ratio, vel modus inhærendi, non dicitur propriè inhærere: nec modo illi, per se essendi quantitatis, debetur inhærentia: quia non est natura accidentalis, sed entitas quædam modalis, super naturaliter concessa accidenti: ut sit per se, hoc est, sine dependentia actuali à substantia: quæ entitas, accidentalis est, quia modum essendi tribuit accidenti. Itaque, naturæ accidentali, tantum conuenit aptitudinalis inhærentia, per se, sicut ei solum debita est actualis: modis verò, non conuenit per se: sed ratione naturæ, cuius suat modi: sicut, nec per se inhærent, sed ratione naturæ:

& cum modus ille, nec sit natura accidentalis, nec modus per se, ex propria natura conueniens accidenti,

non est ei vlllo modo debita actualis inhæ-

rentia, nec erit essentialis ei inhærentia aptitudinalis.

COMMENTARII IN LIBRVM

CATEGORIARVM, ARISTOTELIS

Stagiritæ; quæ Prædicamenta appellari consue-
uerunt; Vnâ cum dubiis, & quæstionibus,
hac tempestate agitari solitis.

BREVE PROŒMIVM.

De inscriptione huius libri.



Vanius vocabulum Græcum *Categoria*, ex prima
eius impositione, a prædicatione, seu prædicato di-
ctum sit: communi tamen Dialecticorum, & Philo-
sophorum consensu, iam accipitur, pro integra or-
dinatione prædicatorum essentialium: eadêque est significa-
tio prædicamenti: quod sic possumus describere: *Prædicamentũ,*
est dispositio prædicatorum essentialium, superiorum atque inferiorum,
sub vno quodam supremo genere, quo nihil est superius, vsque ad in-
diuiduum, quo nihil est inferius. Vnde liber categoriarum, aut
prædicamentorum, scribitur opus hoc: id est, Liber ordinatio-
num, quibus prædicata disponuntur, secundum diuersos gradus
essendi, à supremo genere, quod quasi caput totius ordinatio-
nis est, vsque ad infimas species & indiuidua.

De inuentore artis prædicamentalis.

Communis consensus scholæ, iam tenet, primum inuen-
torem huius artis, fuisse Aristotelem. Ille enim primus
fuit, qui omnes gradus essendi, sic disponere docuit, vt ad cer-
tas quasdam classes reducerentur, omnes res mundi: & facile
possemus naturam, & essentiam cuiuscunque inuenire, ad pro-
priam eius categoriam, aut prædicamentum recurrendo.

De fine huius operis.

Cvm ex simplicibus, aut incomplexis rebus, efficiantur
prædicamenta, patet ad primam operationem intellectus,
quæ est simplicium apprehensio, pertinere: & ad perficiendam
secundam, quæ versatur circa compositionem, & diuisionem,
proximè

proximè ordinari. Sed tanquam ad finem vltimum, ad Demonstrationem ad quam omnia, quæ in Dialectica tractantur, ordinari constat.

An de vocibus, vel de rebus agatur in prædicamentis.

AB omnibus refutatur sententia nominalium: qui dixerunt, de vocibus principaliter agere opus hoc, sicut & tota scientia Dialecticæ. Quod ex eo probatur falsum: quia voces tantum sunt instrumenta; quibus loco rerum vtitur, non valentes res, de quibus disputatur, ad scholas afferre: vt Arist. docet 1. lib. Elenchorum. Res igitur sunt, ex quibus ordinatio prædicamentalis constituitur, medijs vocibus significata: & ideo de rebus principaliter, minus principaliter de vocibus, tanquam de conditionibus necessarijs, agit ars prædicamentalis.

De obiecto vnius operis.

Obiectum verò huius partis Dialecticæ est categoria, seu prædicamentum, in communi consideratum; prout omnes ordinationes prædicamentales, sub se comprehendit. Quod probatur inde: quia sub eo proximè continentur, omnia, quæ in arte hac tractantur, & rationem eius proximè participant: quæ duo propriæ conditiones obiecti sunt.

De modo procedendi, & ordinatione huius operis, cum cæteris partibus Dialecticæ.

² **M**odus procedendi, quem Aristot. seruat, in hoc opere, simplex est. Quia per definitionem, & diuisionem, procedit: per quas docet, quonam modo simplicia sunt ordinanda in prædicamentis.

Quod verò ad ordinem huius operis inter cæteras partes Dialecticæ attinet, sic explicari debet: vt primum locum teneat, inter omnes: quia ordinatio simplicium, & ordinata cognitio eorum, quasi ianua est, per quam ad reliquas partes Dialecticæ, & ad totam ipsam scientiam ingredimur.

Ad quam scientiam pertineat, de prædicamentis agere.

Licet nonnulli asserant, ad nullam scientiam determinatam pertinere, artem prædicamentalem; sed intellectum

per lumen naturale, nulla scientia media, notitiam huius artis habere posse, & adeo, nec ad Dialecticam, nec ad Metaphysicam pertinere: Nihilominus, cum prædicatorum ordinationes, non possint fieri sine arte, vel scientia, necessarium dicendum est, ad scientiam pertinere, & in primis ad Metaphysicam: cuius ratio satis est per se manifesta, & nota: quia de ente reali vniuersalissimo agit: ergo ad eam pertinet, omnes modos entis realis considerare, secundum rationem propriam, abstrahendi à materia: sed prædicamenta non sunt aliud, quam rerum ordinationes, ex quibus proprios modos entis cognoscimus: ergo hæc ars ordinandi res, secundum diuersos modos essendi, ad Metaph. propriè pertinebit: & etiam ad Dialecticam; sed diuersa ratione: nam ad illam, secundum proprias entitates; ad Dialecticam verò, in ordine ad prædicationes, enuntiationes, & syllogismos.

CAPVT I.

De æquiuocis, vniuocis, & denominatiuis.

TEXTVS ARIST.

Æquiuoca dicuntur, quorum nomen solum commutè est, secundum verò nomen, substantiæ ratio diuersa.

Textus expositio.

Intentum Arist. in hoc primo capite est, explicare naturam, & nominum Æquiuocorum, Vniuocorum, & Denominatiuorum: nam cum ex rebus fiant prædicamenta, vt significantur per voces, ex modo significandi vocum, maximè dependet distinctio rerum, quæ in prædicamento collocandæ sunt: & ita, ex applicatione harum trium vocum, tria alia constabunt: *Primum*, quænam sint à prædicamentis excludenda. *Secundum*, ex quibus prædicamenta constituenda sint. *Tertium*, quonam modo res vnius prædicamenti, prædicari possint de rebus aliterius.

Diuiditur autem caput, in tres partes, in quarum Prima, proponit Arist. definitionem Æquiuocorum: in Secunda, definitionem Vniuocorum: & in Tertia, definitionem Denominatiuorum.

Definitio Æquiuocorum talis est: *Æquiuoca dicuntur, quorum nomen commune est, ratio verò substantiæ nomini accommodata, diuersa.* Quæ duas continet partes. In prima dicitur, quod Æquiuoca debent habere nomen commune, vt significetur, distin

distincta esse ab eodem nomine: & esse res significatas per ipsum: vt canis larrabilis, sydus cæleste, & piscis marinus, quæ sunt res significatæ, per hoc nomen canis: distincta quidem hæc sunt ab eo, sed non dicuntur Equiuoca, nisi vt per nomen significantur: quia res non pertinent ad Dialecticam; nisi vt significantur per voces.

Et ex hoc desumpta est communis illa distinctio, qua distinguuntur Equiuoca; in Equiuoca æquiucata, & Equiuoca æquiucantia: ita vt Equiuoca æquiucata, sint res; quæ, vt significantur tali nomine, dicuntur heri æquiuoca in eo: Equiuoca verò æquiucantia, sint voces ipsæ; quæ, ex tali modo significandi, res efficiunt æquiucos.

4 Secunda pars definitionis est, in qua dicitur, *Quod ratio substantiæ, accommodata nomini æquiucato, sit diuersa.* Per rationem verò, intelligitur definitio: vel conceptus quidditarius; in his, quæ non habent definitionem. Definitio igitur, vel conceptus Equiuocorum, vt significantur nomine æquiucato, omnino diuersus esse debet: ita vt in eo nullo modo conueniant: sed solum habeant nomen commune.

Definitio Vniuocorum hæc est: Vniuoca dicuntur; *Quorum & nomen commune est, & secundum nomen eadem substantia ratio.* In qua, per rationem substantiæ, definitio; vel conceptus Vniuocorum intelligitur: qui idem esse debet, & non diuersus, sicut diuersam esse diximus in Equiuocis.

Definitio Denominatiuorum sic habet: *Denominatiua dicuntur, quæcunque ab aliquo, solo differentia casu, secundum nomen habent appellationem:* vt à fortitudine, fortis. In qua tria continentur, quia in denominatione tria sunt: Forma denominans: Res denominata: & Denominatiuum nomen: tali ordine intelligenda; vt Res denominata dicatur talis, à Denominatiuo nomine: & hoc dicatur Denominatiuum, à forma: & ita forma, sit quasi origo, totius denominationis. Gratia exempli: Fortis, nomen denominatiuum est, in quo res denominata, est Petrus ipse. Forma verò, à qua denominatur; est fortitudo. A qua nomen ipsum denominatiuum, casu debet differre: vt significetur deriuatio denominationis eiusdem, quam à forma, res denominata accipit.

QVÆSTIO VNICA.

Virum definitio Vniuocorum, conueniat Denominatiuis.

5 P Rima opinio tenet; Denominatiua simul esse Vniuoca, sed diuersa ratione: nam in quantum appellationem habet

ab alio, dicuntur Denominatiua: in ordine tamen ad res denominatas: de quibus prædicantur, verè sunt vniuoca: vt albū, respectu albedinis, à quā denominatur, Denominatiuum dicitur: sed respectu huius, & illius corporis; nempe parietis, & hominis, de quibus prædicatur; Vniuocum est: quare omnibus Denominatiuis conuenit definitio Vniuocorum. Ita Sotus q. vniuoca huius ca. ad secundum. Quam sententiam probabilem dicit esse Caiet. in expositione definitionis Denominatiuorum. Et videtur probari ex definitione Vniuocorum: quia nomen Denominatiuum commune est omnibus subiectis; de quibus dicitur: vt album, homini, & parieti: & ratio significata; quæ est forma accidentalis, eadem est etiam in eis; vt albedo in eisdem; ergo conuenit eis integra definitio.

Et potest probari secundò: quia omne vniuersale, debet esse vniuocum: vt in quæst. vltima Vniuersalium diximus; sed inter Vniuersalia, quartum, & quintum prædicabile, sunt denominatiua; vt risibile, & album probant: ergo Denominatiua sunt Vniuoca, & eis verè & propriè conuenit definitio Vniuocorum.

Secunda opinio, est Toleti; qui quamuis negare omnino videatur, Denominatiua esse Vniuoca; vnum tamen asserit, ex quo videtur contrarium colligi: nempe illam particulam definitionis vniuocorū (*ratio substantiæ*) intelligi, de definitione quidditatiua, vel descriptiua: ita, vt sufficiat ad rationē Vniuoci, quòd definitio descriptiua, eadem sit in omnibus vniuocatis. Ex quo colligitur, nomina propriæ passionis, vt sensibile, aut risibile, esse Vniuoca, respectu subiectorum, de quibus prædicantur: vt sensibile, respectu hominis & equi.

Nostra tamen sententia est, Denominatiuis nullo modo 6 conuenire definitionem vniuocorum, ita tenet Caiet. cap. præsentis, & est expressa sententia Arist. cap. de substantia. Vbi *Denominatiua asserit, non prædicari de subiectis, nomine, & ratione*: quia forma significata per nomen, non est quidditatiuè in eis, sed accidentaliter.

Et ratione probatur: Quia in definitione Vniuocorum dicitur (quorum nomen est cōmune; ratio verò substantiæ eadē.) Per rationem autem substantiæ, intelligunt omnes, aut definitionem quidditatiuā, aut quidditatiuum conceptum: quæ propriè ad substantiam rei pertinent: sed hoc non reperitur in Denominatiuis: quia res significata per illas; neq; est definitio quidditatiua respectu inferiorum, nec quidditatiuus conceptus eorum, sed forma accidentalis: ergo non sunt Vniuoca.

Ad primum arg. Distinguenda est minor: Nam ratio signifi-

cata per nomen, duobus modis potest esse communis, vel eadē in inferioribus essentialiter; aut accidentaliter: & primo modo, communis esse debet, ut nomen sit Vniuocum, hoc enim intelligit Arist. per illa verba (*ratio substantiæ nomini accommodata*) in definitione Vniuocorum: quia ratio substantiæ, idem est ac ratio essentialis, significatum verò Denominatiuorum, solum est commune, & vnum in inferioribus, accidentaliter: & ideo non potest eis conuenire definitio Vniuocorum.

7 Secundum arg. soluitur alia distinctione. Vniuocum duobus modis accipitur; propriè pro eo, cuius non solum nomen commune est vniuocatis; sed definitio, vel conceptus quidditarius: & hoc tantum definiuit Arist. cap. præsentis. Aliud est Vniuocum, improprium: cuius significatum, cōmune est inferioribus, solum accidentaliter: & hoc modo improprio, Denominatiua possunt dici Vniuoca: qui licet non sufficiat, ut eis conueniat definitio Vniuocorum, sufficit tamen, ut sint Vniuersalia, & prædicabilia: nam ad rationem Vniuersalis, sufficit aliquid esse Vniuocum, solum, ut distinguitur contra æquiuocum & analogum: quod habet Denominatiua, per impropriam vniuocationem.

TRACTATVS DE NOMINVM

ANALOGIA.

8 **T**Ractatio de natura, & ratione Analogiæ, maxima ex parte pertinet ad Metaphysicam: cum præcipuè reperiri possit in ente vniuersalissimo; quod proprium obiectum eius est: atque etiam in passionibus eius, & in accidenti; quod nomen prædicamentis est commune: sed propriè pertinet ad Logicam; ut ex ea cognoscatur; Analoga excludenda esse à prædicamentis, atque etiam à syllogismis, & aliis argumentationibus: quæ in solis terminis vniuocis commodè fieri possunt. Aristoteles verò non definiuit analoga cap. præsentis; sed solum æquiuoca & vniuoca: quia cum sint quasi media, inter hæc extremas; cognitio vniuocis, & æquiuocis facile est analoga cognoscere. De quibus quinq; rätum disputanda sunt. Primū; quid sit analogia. Secundum; quorūplex sit. Tertium; vtrum Analogum possit abstrahi, aut præscindi ab analogatis. Quartum; An ens sit analogum; ad Deum, & creaturas: & ad entia creata, substantialia, & accidentalia: & qua analogia, hæc omnia significet. Quintum; An accidens, respectu nouem prædicamentorum accidentium, analogum sit, vel vniuocum.

Explicatur, quid sit Analogia.

SI Analogiam ex ipsiusmet nominis significatione definire velimus; dicendum erit, non esse aliud; quam proportionem, aut convenientiam, seu comparationem inter multa, eodem nomine significata: nam Græcū nomen est; quod in Latinum transferens Quintilianus, proportionem vocauit: Tullius verò, in vno loco, convenientiam, in alio verò, comparationem, aut proportionem. Et omnes istæ significationes, diuersis analogis conuenire possunt; vel eisdem sub diuersa consideratione: vt dum diuersas analogiæ species enumerabimus, constare poterit.

Si verò rem potius, significatam nomine analogiæ, consideremus; quàm etymologiam eiusdem nominis: definitionem analogorum, ex definitionibus æquiucorum, & vniuocorum assignatis ab Arist. cap. præsentis facillè possumus colligere. Nam Analoga, ex communi sententia scholæ, medium quoddam sunt, inter Æquiuoca & Vniuoca. Æquiuoca verò sic definit Arist. *Quorum nomen est commune; ratio verò substantiæ nomini accommodata, omnino diuersa: ut canis, respectu latrabilis, piscis, & syderis cælestis. Vniuoca, quorum nomen est commune; ratio verò substantiæ, nomini accommodata, omnino eadem.* Analoga igitur erunt, *Quorum nomen est commune: ratio verò substantiæ nomini accommodata; neque omnino diuersa, neque omnino eadem.* Secundum quam analoga vtrumque extremum participant: conueniunt enim cum æquiuocis, & vniuocis in nomine; quod commune debet esse in omnibus: in re verò, aut conceptu per nomen significato; partim conueniunt, & partim differunt: conueniunt quidem cum æquiuocis, in eo; quod diuersus debet esse simpliciter: & in hoc differunt ab vniuocis; in quibus idem simpliciter debet esse: sed differunt ab eisdem æquiuocis, in eo; quod non omnino diuersus est; sed aliquo modo vnus, vel idem: & in hoc assimilantur vniuocis. Vnde sequitur maiorem similitudinē habere cum æquiuocis. Et hæc est ratio, propter quam cum æquiuocis enumerari solent; & etiam æquiuoca appellari: quia parum ab eis distinguuntur.

Itaque, conceptus analogi, quantum ad res significatas, non est vnus; sed plures: quia analogata diuersa sunt: ratione tamen proportionis, vel attributionis, seu proportionalitatis, quandam habet similitudinē; & eius ratione, aliqualem vnitatem: & hoc est, rationem substantiæ nomini accommodatam, non esse omnino diuersam, nec omnino eandem, sed proportionalem, vel similem.

Quotuplex sit Analogia.

11 **C**Aietanus in opuscul. de Analogia nominum, cap. 1. 2. & 3. triplicem Analogiam distinguit. Primam Inæqualitatis, quæ reperitur in generibus, respectu suarum specierum; à quibus ratione differentiarum, secundum inæqualitatem perfectionis participatur: vt in animali; respectu hominis, & leonis: perfectius enim participatur ab homine; ratione perfectioris differentię, & ideo inæqualiter ab vtroque: sed hanc analogiam dicit, non esse talem simpliciter; nec facere nomen analogum: quia in generibus verè vniuocis, reperitur; & solū potest vocari Analogia physica; quia procedit ex diuersis formis physicis, maioris & minoris perfectionis.

Secunda species Analogię est, Proportionis: vnius ad alterum, vel plurimum ad vnum: & hoc etiam vocatur Attributionis: quia proportio quam habet vnum ad alterum, vel multa ad vnum; habitudo quædam ad illud est; quæ attributio etiā vocatur: vt sanum, dicitur analogum proportionis, & attributionis: quia de vrina, & medicina dicitur; secundum proportionem, quam habent cum sanitate animalis: in quantum vrina, est signum sanitatis; medicina verò causa: & hoc est dici per attributionem ad illa: quare sanum respectu animalis, vrinæ, & medicinæ, dicitur analogum proportionis, seu attributionis.

12 Tertia species Analogię est, Proportionalitatis: Proportionalitas verò, non est aliud, quā similitudo, vel proportio duarum proportionum. Gratia exempli: Inter tria & sex, reperitur proportio dupla: & eadem reperitur inter quatuor, & octo: deinde inter has duas proportionem duplas, reperitur alia proportio, aut similitudo, in eo consistens; quod sicut se habent tria ad sex; ita quatuor ad octo. Hęc igitur proportio, & similitudo duarum proportionum; vocatur proportionalitas. Et ideo nomen illud, quod significat plura, inter quæ reperitur, vocatur analogum proportionalitatis. Vt risus, significat risum hominis verum, & quasi metaphoricum risum prati: quod dum floret, quandam hilaritatem ostendit, similem ei, quam ostendit homo, dum ridet. Dicitur autem de vtroque nomen risus: nempe de homine ridente, & de prato florido secundum proportionalitatem: quia sicut se habet risus hominis, ad hominem; sic floriditas prati, ad pratum, Quare analogum proportionalitatis vocatur.

Ex his tribus speciebus analogię; prima à nullo reputatur vera, nec sufficiens ad constituendum nomen analogum; sed omnes dicunt, non esse analogiam simpliciter; sed solū
secun-

secundum quid. Et ratio omnium est; quia in generibus, & pluribus aliis vniuocis, reperitur; sine præiudicio vniuocationis.

Analogiam verò proportionis, seu attributionis, recipiunt omnes; tanquam veram, & sufficientem, ad constituendum nomen analogum. Et ratio est manifesta: Quia sola attributio vnius ad alterum, vel multorum ad vnum, efficit; vt non omnia eodem modo, nec æqualiter significantur: sed illud vnum, simpliciter tale appelletur; cætera verò non, nisi secundum quid: ergo sola attributio facit nomen analogum. Probatur consequentia ex definitione analogorum: *Analogia sunt quorum nomen est commune: ratio verò substantia; nec omnino eadem, nec omnino diuersa: sed eo ipso, quod significata ita se habent; vt omnia dicantur per attributionem ad vnum: ratio, sub qua, significata primo, per se, & principaliter ei conuenit; cæteris verò per attributionem ad illud: ergo non est omnino eadem in omnibus: quia si eadem esset æquè primo; & sine dependentia ab aliis, conueniret singulis; vt patet in vniuocis: quare necesse est dicere; quod sola attributio efficiat analogiam.*

Secundo; Sola attributio tollit vniuocationem: ergo sola facit nomen analogum. Euidens est consequentia: quia vbi est attributio significatorum; non est æquiuocatio nominis; cum aliquid sit eis commune, præter nomen; nempe similitudo illa, & correspondentia, quam facit attributio: si ergo attributio tollit vniuocationem; necesse est eandem efficere nomen analogum: quia nullum datur medium, inter vniuocum & æquiuocum; præter analogum. Cæterum probatur primum antecedens, ex definitione vniuocorum. *Vniuoca sunt, quorum nomen est commune; ratio verò substantia, nomini accommodata, omnino eadem: sed attributio efficit vt ratio non sit omnino eadem, nec æqualiter participetur ab omnibus; sed primo ab vno, à reliquis verò cum dependentia ab eo: ergo tollit vniuocationem.*

De analogia verò proportionalitatis non est certum, quod sit talis simpliciter; ita vt sola sufficiat. efficere nomen analogum: sed prima opinio tenet; quod sufficiens sit; non minus quam analogia attributionis. Ita Caietanus vbi supra: ita etiam videtur sentire D. Thom. de veritate, qu. 2. art. 11. ita denique plures moderni.

Secunda opinio, est aliorum modernorum; qui hac distinctione vtuntur. Proportionalitas, duobus modis potest reperiri, inter significata nominis: Primo, ita vt non significetur ipsa per illud nomen; sed alia ratio communis eorum: & hoc modo sumpta, non sufficit ad efficiendum nomen analogum.

logum. Quòd verò non significetur per nomen; videtur manifestum: quia animal, solum significat naturam sensitivam, communem speciebus: non proportionalitatem inter eas re-
pertam.

- 15 Secundò; ita, vt per nomen ipsa analogia significetur; & hæc sufficiens erit ad constituendum illud analogum: & quia nulum est nomen impositum, quo significetur; nulla datur talis analogia: daretur tamen, si imponeretur nomen ad eam significandam. Cuius rationem, vel exemplum non afferunt. Sed vtrumque afferre possumus exemplum quidem; in hoc nomine Principium: quòd analogicè dicitur, de fundamento domus, de puncto; quòd est principium lineæ, & de præmissis demonstrationis, per se notis: & inter hæc, nulla est attributio; sed omnia æqualiter, & per se significantur: sola proportionalitas reperitur: quia sicut se habet fundamentum domus, ad domum ab eo incipientem; sic se habet punctum ad lineam; & principia demonstrationis ad demonstrationem: & quia per nomen significatur (cùm ratione proportionalitatis, videantur significare tria illa, & non ratione alterius conceptus eis communis) sufficit constituere analogiam.

Ratione verò probari potest: quia proportionalitas præsupponit necessariò, diuersa esse illa, inter quæ reperitur; sed ab ea recipere aliquam similitudinem, & vnitatem: ergo efficit, vt ratio significata per nomen, nõ sit omnino diuersa, sed nec omnino eadem: quia aliqualis est similitudo, & vnitatis in ea: quare sola efficiet nomen analogum.

- 16 Terria opinio tenet: Proportionalitatem quomodocunque re-
pertam, inter significata eiusdem nominis, non sufficere ad constituendum nomen analogum: sed necesse est, vt sic reperiatur, quòd vnum eorum sit absolutè tale; per suam formam, aut per suum esse: aliud verò, non sit absolutè tale per suum esse, sed vt substat tali proportioni, vel comparationi ad aliud. Exemplum esse potest in risu; qui ita significat risum hominis & floriditatem prati; vt ille quidem per proprium esse sit absolutè talis: hæc verò non, nisi in quantum talem habet proportionem, aut proportionalitatem cum eo. Manifestum est enim floriditatem prati, non esse nec vocari risum; nisi per ordinem ad risum hominis. Ita sentit pater Franciscus Suarius, to. 2. suæ Metaph. disp. 28. sect. 3. n. 11.

Nostre sententia tribus conclusionibus explicatur. Prima est: Proportionalitas, non est vera analogia; nec sufficit analogum nomen facere; nisi per illud significetur. Hæc videtur mihi euidentius; vt probat hoc arg. Res non habent analogiam, aut
vniuoca

uniocationem; nisi in quantum per voces significantur: ergo nec sunt analogæ proportionis vel attributionis; nisi in quantum, ut eam habentes, significantur. Cuius evidens signum est quod quia diuerso modo significantur, per diuersas voces; fieri potest, ut æquiucose per unam, uniucose verò per aliam significantur: ut Canis, nomine bestię latrabilis, Piscis, & Sydus, æquiucose significantur; & uniucose eadem designantur per nomen Substantia: ex eo, quod substantia significat convenientiam essentialem eorum: canis verò nullam. Ut igitur nomen sit uniucum: necesse est, significet convenientiam multorum; & eodem modo, ut sit analogum; necesse est, ut significet diuersitatem simul, & convenientiam multorum: sed analogata, habent convenientiam, aut similitudinem, ratione proportionalitatis, aut attributionis: cum diuersa simpliciter: ergo non possunt, ut analogata significari: nisi proportionalitas ipsa, vel attributio significetur.

Secundò probatur: Quia licet significata alicuius nominis, 17
uniucam habeant convenientiam; si tamen non significantur, ut eam habent; non erunt uniucata, nec nomen quo significantur, uniucum; sed convenientia se habebit materialiter tantum, aut concomitanter; & erit, quasi non esset, ad effectum efficiendi nomen analogum: ergo licet aliqua habeant inter se convenientiam analogicam; si hæc non significetur, materialiter, & quasi concomitanter se habebit; & erit quasi non esset; ad effectum constituendi nomen analogum. Quare necesse est per nomen significari.

Secunda conclusio: Proportionalitas, aliquando significatur per nomen analogum: & ideo, si significata sufficit constituere speciem distinctam, ab analogia attributionis, efficiet eam distinctam; & ita fatendum erit, esse actu, in rerum natura, diuersas species analogiæ. Hæc est contra secundam opinionem quæ negat, diuersas esse species analogiæ, & analogorum: nepe proportionalitatis, & attributionis: quamvis fateatur, esse possibiles; si nomen imponatur, ad significandam proportionalitatem multorum.

Probatur efficaciter, exemplo risus: quo significatur, floriditas prati, simul cum risu vero hominis; ex eo solum, quia sic se habet pratum, dum floret, præ se ferens quandam hilaritatem; sicut se habet homo, dum ridet: sed hæc est proportionalitas, ergo significatur floriditas prati; in quantum habet proportionalitatem cum risu hominis: quare falsum erit; quod proportionalitas nunquam significetur, per nomen analogum; & consequenter erit necessarium, secundum eandem sententiam, quod

quòd ira significata, efficiat distinctam speciem analogiæ; & analogum, specie distinctum, ab analogia, & analogis attributionis. Et si dicatur per nomen risus, non significari floriditatem prati, nisi vt habet similitudinem cum risu hominis, non proportionalitatem; & ideo, nec significari ipsam proportionalitatem, sed attributionem: Contra hoc est, quòd floriditas prati, non significatur, vt habet similitudinem in communi, sed in particulari: hoc est talem, vt sicut risus est actus vitalis, quo ostenditur hilaritas cordis, in hoc sit similis ei floriditas prati: quia ostendit quandam hilaritatem, hoc est, ita se habet, atque homo, declarans hilaritatem: & hæc est proportionalitas quæ verè significatur per nomen risus. Et certè, non potest aliud nomen inponi, quo melius significetur proportionalitas hæc, quàm nomen risus.

18 Tertia Conclusio: Proportionalitas, etiam significata per nomen analogum, & adhuc in his analogatis reperta, quorum vnum est tale, per suum esse, aliud verò non, nisi ratione proportionalitatis, non facit ex se, aut per se sola, veram speciem, & distinctam analogiæ, nec nomen analogum, sed ratione attributionis, cui coniungitur: & ideo eandem cum analogia attributionis, & ita nec secundum actum, nec secundum possibilitatem, distinguendæ sunt diuersæ species analogiæ, sed sola analogia attributionis ponenda est.

Conclusio hæc, est contra secundam & tertiam opinionem: & prius declaranda est, deinde probanda. Declaratur autem sic: Proportionalitas ex se differens est, vt reperiri possit, inter significata: quorum vtrique conueniat formaliter, & intrinsece appellatio, & significatio nominis, & inter ea, quorum solum vni conueniat formaliter, alijs verò, per extrinsecam denominationem: imò & inter ea etiam, quæ sub tali nomine, nullam habent conuenientiam, vt æquinocata. Probatur euidenter: quia inter species eiusdem generis, reperitur: vt inter hominem, & leonem: & etiam, inter canem latrabilem, piscem, & sydus: & tandem, inter risum hominis; & floriditatem prati: quia verum est, de his omnibus, quòd sicut se habet vnum eorum, ad suum esse, sic aliud ad suum: & quamuis per nomē idem significetur, potest eodē modo, seu diuerso, reperiri in eisdem.

Quod non minus efficaciter sic probatur: Quia ita se habere quodlibet, ad suum esse, sicut aliud ad suum; non efficit ea, magis vel minus diuersa, in apprehensione intellectus; quàm si id non haberent: ergo nec efficit ea magis, aut minus diuersa; nec magis, & minus eadem; etiam si per nomen idem seu aliud significetur. Euidentis est consequentia, quia res significan-

tur,

tur, per voces, vt apprehenduntur ab intellectu. Probatur porro antecedens: quia æqualiter reperitur in apprehensione intellectus, inter res omnino diuersas, ac inter res eiusdem rationis: non enim, vt minùs diuersa apprehenduntur significata canis, ex eo, quòd intelligantur, sic se habere quodlibet ad suum esse, sicut aliud ad suum: nec minùs dissimilia sunt, album, & nigrum; ex eo, quòd apprehendantur, sub eadem proportionalitate, quàm ea non apprehensa. Probatur iam conclusio, sic explicata, aduersus secundam opinionem, hac ratione: Analoga sunt media inter æquiuoca, & vniuoca; ergo non possunt reperiri simul, cum aliquo extremorum; ita vt idem nomen, respectu eorundem significatorum, sit analogum simul, & æquiuocum, vel analogum & vniuocum, sed proportionalitas sola, etiam per nomen significata, potest reperiri simul cum vno, & altero extremo: ergo non facit medium; quod est, non efficere nomen analogum. Probatur minor: Quia etiam si species animalis, apprehendantur ab intellectu, sub proportionalitate; hoc est, vt ita se habet leo, ad suum esse animalis, quod participat ab animali; sicut homo, ad suum, quod ab eodem participat; eadem intelligitur natura animalis in eis: ergo non desinunt esse vniuoca: & ex consequenti, non apprehenduntur, vt analoga: nec essent analoga, si sub eadem proportionalitate significarentur, per nomen: quia vt probatum est, eodem modo significantur per nomen: quo apprehenduntur per intellectum. 20

Probatur deinde aduersus tertiam: Quia proportionalitas, ratione sui, non facit floriditatem prati esse, aut vocari risum; sed ratione attributionis, quam causat in ea, ad risum hominis; ergo nec ratione sui, facit eam analogatum risus, aut risum esse analogum, sed ratione attributionis. Probatur minor: Quia si ratione sui, faceret eam analogatum, omnia alia, in quibus reperitur, faceret analogata: sed probauimus, eam non facere: ergo nec facit floriditatem prati analogatum risus, nisi ratione attributionis, quam causat in ea: quia attributio, vera est analogia, & per se efficit nomen analogum. 21

Ex his conclusionibus sequitur; proportionalitatem, non esse veram analogiam; nisi vt per se coniunctam attributioni: & ratione huius, non ratione sui: & ideo non facere distinctam speciem analogorum; villo modo, sed omnia analoga, esse attributionis, vt docuit expresse D. Th. 1. p. q. 13. ar. 6. vbi ita ait: *In omnibus nominibus, que de pluribus analogice dicuntur; necesse est, quòd omnia dicantur per respectum ad vnum: & ideo illud vnum, oportet, quod ponatur definitione omnium.*

Et pro

12 Et probatur, hac ratione: Inæqualitas sola, non sufficit analogum facere, nec sola proportionalitas, etiam per nomen significata: sed præter has, sola attributio restat, de qua probatum est, per se facere nomen analogum: ergo solum datur analogia attributionis, & sola analoga attributionis. Nomine autem Attributionis, intelligimus, quamcunque habitudinem, vnius ad alterum, vel multorum ad vnum, per ordinem, ad quod dicantur talia. Et hoc modo intellecta, tertia opinio vera esse potest, asserens, proportionalitatem non facere analogiam: nisi vnum eorum, inter quæ reperitur, dicatur absolute tale per suum esse, aliud verò, non nisi per habitudinem ad illud: eiusmodi enim habitudo, sub nomine attributionis comprehenditur, & proportionalitas, à qua causatur ratio illius, & non ratione sui, facit nomen analogum.

Ad exemplum primæ opinionis; Respondent aliqui: Principium esse æquivocum, à consilio: quia à consilio impositum est ad diuersa significanda. Alij verò dicunt: Esse analogum proportionalitatis. Sed vtrumque videtur falsum, primum quia Arist. 1. lib. Meta. c. 1. enumerans principia omnia, diuersæ rationis, asserit, conuenire in ratione principij his verbis: *Omni- bus igitur principiis commune est esse primum, unde aut est, aut fit, aut cognoscitur.* Ergo principium, non est æquivocum. Probatur consequentia: quia æquivoca non possunt conuenire nisi in solo nomine. Quod verò non sit analogum proportionalitatis, ex dictis sequitur, quia proportionalitas non sufficit ad efficiendum nomen analogum. Dicit ergo posset, Principium esse analogum attributionis: quia primo, & per se significat: principium, à quo per veram originem procedit aliud, secundum esse: & per attributionem ad hoc principium, dicitur de reliquis. Vel, cui non placuerit, analogum hoc modo esse dicat potius, esse vniuocum, quam æquivocum: quia hoc vltimum expresse, est contra Arist.

Ad rationem verò: Negandum est antecedens, quod proportionalitas præsupponat diuersa esse illa, inter quæ reperitur: nam licet supponat esse distincta, tamen indifferenter potest reperiri inter ea, quæ vniuocè conueniunt; & inter ea, quæ conueniunt solo nomine: & ideo, non facit per se nomen analogum.

Ad testimonium D. Tho. respondeo; Eam sententiam, absque dubio, rectè tractasse in eodem loco primæ partis, à nobis citato, vbi tam expresse tenet oppositam.

liter. Probatur minor: Quia creatura, entitatem habet intrinsecam, & formalem, productam in rerum natura, per creationem, aut per aliam actionem: ergo non reperitur in solo Deo: quamuis, per se, in eo tantum, & per participationem, & attributionem, ad ipsum, in creatura. Et in accidentibus, reperitur etiam entitas propria, formalis, & intrinseca: quamuis non sine intrinseca dependentia à substantia, vt in quantitate, & qualitate, manifestum est.

Sed respondent aliqui, pro prima opinione, Accidens non esse ens, sed entis ens: hoc est, esse aliquid substantiæ: vt sæpe asserit Arist. & hoc est non habere aliam entitatem, nisi attributionem ad substantiam, in quadam denominatione extrinseca consistentem, sibi autem intrinsecam, & essentialem. Sed hoc non potest esse verum, vt ex eadem solutione, in primis colligitur. Nam si accidens, est entis ens: ergo est ens substantiæ: habet igitur veram entitatem, per quam afficit substantiam. Quod videtur probari euidenter, his experientiis: Quantitas in Eucharistia, non inhæret substantiæ, sed ab ea est separata: & tamen est vera entitas, quam videmus, & tangimus. Albedinem etiam sentimus, per visum, & calorem, per tactum; ergo euidenter probatur, quod hæc accidentia, & similia, non sine extrinseca attributiones, aut denominationes: sed veræ entitates reales: quia sola denominatio extrinseca, non sentitur, nec potest esse per se, obiectum sensus.

25 Et confirmari potest: Quia accidentia hæc, habent suos effectus formales, in subiectis, in quibus sunt: nec solum formales, sed reales, & physicos: vt albedo, facit parietem, realiter, & formaliter album: & calor, facit aquam realiter, & formaliter calidam: sed effectus isti, non possunt procedere à causis in sola denominatione extrinseca consistentibus, sed ab his, quæ veram, & intrinsecam habent entitatem realem; per cuius realem virtutem eos producant: ergo accidentia, veram & intrinsecam habent entitatem: alioqui, intellectus, & voluntas, quæ sunt accidentia, superaddita substantiæ animæ rationalis, ad operandum, non erunt, nisi denominationes extrinseca, ei superaddita. Quod patet esse falsum: cum sint potentia reales, per quas tanquam per virtutes reales, elicit anima veras & reales operationes.

Ad argumentum verò; Neganda est consequentia: quia licet solum in principali analogato, reperiatur prima & per se ratio significata per analogum, in ceteris verò, solum per attributionem ad illud intrinsece tamen, & formaliter reperiri potest: quia attributio, hoc non tollit, vt probatum est.

An conceptus formalis analogorum, sit vnus & abstractus ab analogatis, vel multiplex, & ab eis an abstrahi possit.

Conceptus, quem format intellectus de aliquo: duplex est, 26
vt cap. de differentia notauimus: formalis, & obiectiuus. Conceptus formalis, est qualitas mentis; quam intellectus producit, vt sibi faciat obiectum actu præsens, & illud intelligat: nam per hanc qualitatem, sibi perfectè repræsenteratur. Conceptus verò obiectiuus, est obiectum, quod intelligitur, in quantum per formalem repræsenteratur. Et de vtroque procedit quæstio: & ideo habebit duplicem partem. In prima disputabimus, de vnitatem conceptus formalis. In secunda, de vnitatem conceptus obiectiuus.

Sed conceptus formalis, etiam est duplex: Vnus est, conceptus vocis significantis. Alter, conceptus rei significatæ. Et de primo certum est, quod sit vnus: quia nomen analogum, est vna vox simplex: ergo per vnum simplicem conceptum, à nobis intelligitur. De conceptu verò formali rei significatæ, per nomen analogum, procedit quæstio. *An sit vnus.*

Prima opinio tenet; Dari vnum conceptum formalem rei significatæ, per analogum, ita Scotus, loco inferius citando. Herueus quodlib. 2. q. 7. Scotus cap. præsentis. Fonseca 4. Metaph. cap. 2. q. 12. sect. 5. P. Franciscus Suarius, tomo. 1. suæ Metaph. dis. 2. sect. 1. sed diuerso modo procedunt: nam Scotus vnum conceptum formalem ponit: quia tenet, ens esse vniuocum: Vniuoca verò, vnico conceptu formali medio, sua vniuocata significant. P. Suarius, ideo ponit vnum conceptum formalem: quia vnum etiam ponit obiectiuum, abstractum ab analogatis. Herueus & Scotus, licet non ponant eundem conceptum obiectiuum, asserunt tamen formalem esse vnum. Et tandem Fonseca ponit vnum formalem, non distinctum, sed confusum: quia non repræsenterat distinctè analogata, sed confusè.

Probatur duplici arg. Primò, quia Analogum, non solum 27
est vna vox simplex, & non æquiuoca, sed vnam habens significationem, ex sua impositione: sed voces significant mediis conceptibus: ergo significabit, medio vnico conceptu formali. Quod experientia videtur probari: nam audito nomine Entis, aut alterius analogi, non concipit intellectus analogata, sub determinato conceptu, vt substantiam, vel accidens, sed vnum quid, nempe entitatem; ergo non format plures conceptus formales eorum, sed vnum eiusdem entitatis.

Secundò; Quia si conceptus formalis analogi, non est vnus, sed

sed plures: ergo tot formabit conceptus intellectus, audito nomine, quod analogata habet: unde si hæc fuerint decem, ut conringit in ente, significante omnia prædicamenta, vel etiam si fuerint viginti, tot conceptus simul formabit intellectus: quod videtur impossibile. Probatur consequentia, quia si plures format, non est maior ratio, quare duos tantum, & non plures. Nec etiam; quare formet conceptum potius horum, quam aliorum: ergo vel tot, quot sunt analogata: vel tantum vnum.

- 28 Secunda opinio: Negat conceptum formalem analogi, esse vnum: quam sequitur Ferra. 1. contra gent. c. 34. & cum eo plures moderni: Et hæc videtur nobis probabilior.

Et probatur primò: Quia analogum conuenit cum æqui-uoco, in eo, quod significat multa simpliciter, diuersa: non tamen omnino diuersa, sed secundum quid eadem: & in hoc distinguitur: sed audito nomine æqui-uoco, format intellectus diuersos conceptus formales, propter diuersitatem significatorum: ergo audito nomine analogo, formabit etiam plures simpliciter: licet non omnino diuersos, sed aliqualem similitudinem habentes.

Secundò: Vnitas conceptus formalis, sumitur ex vnitate conceptus obiectiui, per illum representati: sicut vnitas imaginis, ex vnitate rei representata: sed conceptus obiectiuus analogi, non est vnus, ut in 2. parte quæstionis probabitur: ergo nec erit vnus formalis. Errant enim satis apertè illi, qui non ponentes vnum conceptum obiectiuum analogorum, sed plures, admittunt nihilominus vnitatem conceptus formalis: contra quos euidenter concludit, ad hominem, hoc argumentum: quia nullam potest habere vnitatem conceptus formalis, quam non accipiat ab obiectiuo.

Ad primum arg. Concedendum est antecedens, ex ea parte, qua dicit, analogum esse vnā vocem simplicem: & ideo, vnus datur conceptus eius: sed negandum, quod vnā habeat significationem: sicut non habet vnā rem significatam, sed plures, atque diuersas simpliciter, ad quas significandas, vnica impositione fuit imposita: quia licet plures sint res; omnes tamen habent attributionem ad vnā: & ideo vnica vocē, & vnica impositione, ad eas significandas, possunt designari.

- 29 Ad experientia verò, in eodem argumento adductam; Concedimus, quod audito nomine analogo, non concipit intellectus analogata sub expresso, aut distincto conceptu, bene tamen sub confuso actuali: ut in secunda parte dicitur. Nec tamen concipit vnum quid, eis commune, sed plura simpli-

citer diuerſa; ſub ratione tamen communi, ſolum ſecundum quid, propter attributionem, quam habent ad vnum.

Ad ſecundum: Concedendum eſt totum, quod aſſumit, & negandum, eſſe impoſſibile quod decem conceptus formet intellectus, ſi decem ſint ſignificata analogi: vt contingit in ente, vel etiam plures, ſi plura habeat ſignificata. Non eſt enim impoſſibile, intellectum tot ſimul formare conceptus ſub vnitae eiusdem vocis, tot res ſignificantis: quot ſatis eſt manifeſtum, in æquiuioco: quo audito; nullus negat, tot formare conceptus intellectum, quot ſunt ſignificata eius, plura vel pauciora: & in analogo, eſt alia ratio particularis: quia non ſolum plures conceptus, habent ordinem ad vnā vocem; ſed etiam ad vnā rem, principaliter ſignificatam; ad cuius conceptum ordinantur omnes alii.

Et ex hoc intelligitur; non dari conceptum formalem, analogis communem, atque diſtinctum, à conceptibus analogatorum; ſed plures tantum eorundem. Vnde nullus datur conceptus formalis entis; præter conceptus prædicamentorum.

*Secunda pars quaſtionis, de vnitae conceptus
obiectiui analogorum.*

DVplicia ſunt Analoga, vt dubio præcedenti inſinuauimus. 30
Quædam ſunt; quorum ſignificatum non reperitur formaliter, & intrinſecè, niſi in principali analogato, in cæteris verò, per Denominationem extrinſecam: vt ſanum, quod ſanitatem ſignificat; ſicut album, ſignificat albedinem: & tamen ſanitas, non reperitur formaliter, niſi in ſolo animali: in vtrina verò, & medicina, ſolum per denominationem extrinſecam; ſigni, vel cauſæ. Alia ſunt analoga; quorum ſignificatum reperitur formaliter, in omnibus analogatis: ſed per ſe primò & principaliter, in vno tantum; in reliquis verò, per intrinſecam dependentiam, & attributionem ad illud: & de vtriſque procedit quaſtio, An habeat vnum conceptum communem, & abſtrahibilem ab analogatis. Sed de primis primò dicendum eſt; deinde de alijs.

Eſt igitur prima opinio modernorum; Quod hæc analoga, ſignificent vnum cōceptum obiectiuum, quem intellectus abſtrahit ab analogatis. Probatur primò: quia hæc analoga, non ſunt æquiuioca: ergo non habent ſolam vocem communem; ſed aliquid etiam, per illam ſignificatum: ſed quæcunque ratio cōmunis poteſt abſtrahi à particularibus, quæ in ea conueniunt: ergo datur conceptus horum analogorum, abſtrahibilis ab eis.

Secundò:

Secundò: Quia audito nomine, sanum; potest aliquis concipere, aliquam rationem communem sanitatis; non considerando rationes particulares; aut distinguendo diuersas; quas habet, in animali, vrina, & medicina: & conceptus iste communis est eis: ergo est vnus, & abstractus ab eisdem; secundum particulares rationes consideratis.

Secunda opinio est communis, & vera: quòd ab his analogis, non possit abstrahi conceptus communis, sed ea proximè significare rationes particulares analogatorum, aliquo modo similes, vel proportionatas: in ordine ad vnum principale. Ita Caiet. opus. de analogia nominum. cap. 5. Sorus cap. præsentis, q. 1. art. 2. Corol. 3. Fonseca 4. Meta. cap. 2. quæst. 1. sect. 6. vers. 3. discrimen.

31 Et probatur ratione: Quia hæc analogata significant vnâ formam, solum existentem in principali analogato; nō in aliis; in quibus solum est, per extrinsecam denominationem: vt sanum, significat formam sanitatis in solo animali inhaerentem, non in vrina, & medecina; quæ solum dicuntur sana per extrinsecum respectum; causæ, vel signi, ad sanitatem animalis: sed à re, formaliter significata, & per solam extrinsecam denominationem; non est abstrahibilis vna ratio, vel conceptus communis: quia forma, & signum, vel causa, se habent; tanquam causa, & effectus: quorum rationes diuersæ sunt, licet ordinem dependentiæ, vel attributionis habeant; & ideo non datur conceptus eis communis: ergo nec dabitur conceptus communis, horum analogatorum.

Secundò: Quia cōceptus vnus, & communis multis, formaliter debet in eis reperiri: sed conceptus horum analogorum, solum reperitur formaliter in principali analogato; vt patet de conceptu sanitatis; ergo non est vnus omnibus eis communis.

Sed respondent aliqui pro prima sententia, Conceptum horum analogatorum, non esse solius formæ; sed abstrahere ab inclusione formæ, aut ratione signi, vel causæ: ita vt vniuersalior sit; solum dicens vniuersalem rationem sanitatis: & non particularem sanitatis formalis: & hunc cōceptum abstractum, formaliter, reperiri in omnibus: nam esse causam sanitatis; formaliter, & intrinsecè, reperitur in medicina: & esse signum; formaliter conuenit vrinæ; sicut sanitas actualis: formaliter conuenit animali.

32 Hæc tamen solutio falsum supponit: Quia nomen sanum, impositum est ad significandam, veram, & actualement sanitatem; vnde in communi modo loquendi, & concipiendi; illud solum

vocatur. sanum, quod formalem habet sanitatem: sicut nomen risus, impositum, est ad significandum *verum risum* hominis: quem solum intelligimus; audito hoc nomine: ergo non significant eiusmodi analogata, vniuersaliorem illam rationem; sed ex eo, significant minus principalia analogata; quia intrinsecam habent attributionem, ad formam existentem in principali analogato; per nomen primario significatam. Nec vera est illa ratio communis, vniuersalior; & abstrahens à formali, & intrinseca sanitate, quam obiecit argumentum; sed ficta: quia formæ, signo, & causæ, nihil datur commune, sed solum hæc appellantur sana, per attributionem ad illam propter quam ei aliquo modo assimilantur: sed similitudo non est intelligibilis, sine rationibus particularibus eorū: & ideo, nec est ab eis abstrahibilis: imò, nec intelligibilia sunt particularia significata, nisi actu intellectus rationibus particularibus: non quidem distinctè, & expressè, vt significantur propriis nominibus; sed confusè tantum: & hoc modo significantur nomine communi, & analogo: cuius ideo, non potest dari conceptus obiectiuus, communis, abstractus ab analogatis.

Ad primum arg. Concedendum est antecedens, cum prima 33
consequentia: minor verò distinguenda: nam ratio communis, duplex est: Communis, simpliciter; aut secundum quid: illa reperitur in vniocis; hæc in analogis: & illa solum, abstrahibilis est; à particularibus rationibus vniuatorum: hæc verò, nullo modo potest abstrahi, à particularibus rationibus analogatorum: sed necessario debet eas actu confuso includere. Ratio huius discriminis est: quia ratio communis simpliciter, est ratio naturæ, aut modi; in inferioribus existentis; communis verò secundum quid, nihil est præter proportionem, aut attributionem, inter rationes particulares: & ideo, non est intelligibilis, sine inclusione actuali particularium; saltem confusa: & ex consequenti; nisi intellectus particularibus, actu confuso; hoc est, non distinctè nec expressè: vt significantur propriis nominibus: & hoc est, non esse abstrahibilem conceptum communem ab eis: quia conceptus, qui à particularibus abstrahitur, non includit ea actu, sed solum in potentia.

Ad secundum; Distinguendum est antecedens: quia dupli- 34
citer contingit, concipere rationem communem, audito nomine analogo: non conceptis particularibus. Distinctè, & expressè: aut solum confusè. Actu igitur expressè; & primo modo, concipi nequit ratio communis, secundum quid; non conceptis particularibus; sed secundo modo: quia communis illa ratio; non est aliud, præter particulares proportionatas: & ideo,

& ideo, necessariò conceptus actu, eodem conceptu: non actu expresse, aut explicito, sed confuso, & quasi implicito.

Maiores est difficultas, de aliis analogis, quorum ratio, vel forma significata formaliter, & intrinsecè, reperitur in omnibus analogatis: licet primò, & per se in vno; in aliis verò, per intrinsecam dependentiam, & attributionem, ad illud & tale analogum, est ens, secundum communem, & veram sententiam: & ideo, in illo placet exemplum ponere. Cum enim forma significata, quæ est entitas; formaliter reperiatur, in substantia, & accidentibus; videtur, abstrahi posse rationem communem entitatis, à particularibus rationibus prædicamentorum, quam participabunt omnia, tanquam formam intrinsecam.

35 Et est prima opinio, quæ asserit, Conceptum analogi; vnum simpliciter esse, & abstractum, à particularibus rationibus analogorum: & ideo ratione distinctum ab eis. Ita Iauellus 4. Met. quæst. 1. Sorus vbi supra. Probatur testimoniis Arist. & D. Tho. deinde rationibus. Arist. 4. Meta. tex. 7. asserit, Metaphysicam considerare ens, in quantum ens: quasi dicat; non vt substantiam, vel accidens, sed sub ratione vniuersaliori, entitatis realis: datur ergo ratio vniuersalior; Substantia, & Accidens; quæ necesse est, esse abstractam ab eis, vnam atque communem. Probatur consequentia: quia Vniuersale, est quid abstractum à particularibus, eisque commune.

36 Et D. Thom. 1. part. quæst. 5. art. 3. ad primum, ait, *Substantiam, quantitatem, & qualitatem contrahere ens applicando illud ad aliquam quidditatem, seu naturam: sed contractio non potest intelligi nisi respectu alicuius communis, quod determinatur ad particularia; ergo sentit ens; & quodcumque ex his analogis significare conceptum communem, & abstractum ab analogatis.*

Probatur etiam ratione; Primò: quia entitas formaliter, & intrinsecè est in substantia, & accidente: ergo in eo conueniunt, vel assimilantur, quòd vtrumque formaliter est ens, sed cuiuscunque còuenientiæ abstrahi potest conceptus communis eis, quæ eam habent; ergo abstrahibilis est conceptus communis entitatis, in qua assimilantur substantia, & accidens, & iste erit vnus, atque ratione distinctus ab eis.

Secundò: Quia concipere possumus de re aliqua, quòd sit ens, & dubitare an sit substantia, vel accidens: ergo in conceptu entis, neutrum includitur secundum particularem rationem, aut modum intrinsecum. Probatur consequentia; Quia si includerentur speciales rationes; certò cognosceremus, quamnam ei conueniret, eo ipso quod concipimus esse ens, & ideo non haberet locum dubitatio. Sed si non includuntur speciales

rationes in eo conceptu, erit abstractus, & vnus: cum nihil includat diuersitatis, sed solam conuenientiam: ergo datur vnus conceptus analogi abstractus ab analogatis.

Probatnr tertio; quia si non datur conceptus abstractus, & communis entis; erit quasi aggregatus ex omnibus rationibus specialibus prædicamentorum. Ita vt qui dicit ens, dicat substantiam, quantitatem, qualitatem, & cætera prædicamenta: sed talis conceptus de nullo analogato potest prædicari; ergo falsæ erunt omnes istę prædicationes; Substantia est ens, Quantitas est ens, Qualitas est ens; quod est absurdum. Probatnr consequentia; quia sensus earum erit, Substantia est substantia, quantitas, & qualitas, & sic de cæteris, qui est manifestè falsus.

Hanc sententiam defendit P. Franciscus Suarius 1. tom. suæ Meta. disp. 2. sect. 1. additque tria. Primum, hunc conceptum obiectiui entis sic esse præcisum ab inferioribus, vt in eo non includantur actu distincto, vel confuso modi intrinseci eorum, videlicet per se, & in alio. Secundum, ens non significare immediatè substantiam, & accedens; sed illum conceptum communem, & abstractum; quo medio descendit ens ad vtrūque. Tertium, hunc conceptum communem non solum esse vnum, vt abstractum ab inferioribus; sed etiam, vt ad illa comparatur: & hoc addidit propter quandam opinionem aliorum modernorum, qui dicunt, vt abstractum esse vnum, non tamen vt comparatum ad inferiora: quia in illis, vt expresse conceptis diuersificatur; quam sententiam specialiter referre necessarium non puto. In his autem tribus, satis consequenter loquitur doctissimus pater.

Secunda opinio est aliorum modernorum, qui concedunt conceptum entis abstrahi posse à particularibus substantiæ, & accidentis, & vt sic abstractum ab eis esse vnum simpliciter; sed comparatum, cum eisdem, vel consideratum in eis expresse conceptis. hoc est, vt propriis nominibus significantur, non esse vnum, sed fieri in eis diuersum. Quod probari potest; quia communis ratio entitatis, vt est in substantia, & accidenti, non distinguitur ab eis, licet in abstractione distinguatur, sed conceptus expressi eorum sunt diuersi; ergo ratio entis, vt in eis existens, non potest esse vna, sed debet esse diuersa.

Tertia opinio, negat omnino dari vnum conceptum obiectiui simpliciter abstractum ab analogatis, quam sequuntur Capr. in 2. d. 2. quæst. 1. & apud ipsum Aureol. Ferra. 1. cont. gent. cap. 30. Deca Hispalens. in 1. d. 2. quæst. Caiet. in opul. de ente & essentia, cap. 1. q. 2. & tract. de nom. analog. c. 5. & 6. Soc. 4. Metaph. q. 2. Pere. 2. lib. Phys. c. 2. in fine Fland. 4. Mera. q. 5. art. 6.

art. 6. Fons. 4. Meta. ca. 2. q. 2. P. Gabr. Vazquez r. p. d. 2. c. 5. & d. 1. 4. cap. 2. & plures alij; & hæc est probabilior sententia.

Probaturs aduersus primam, & secundam, testimoniis Arist. & D. Thom. Arist. enim 4. Meta. cap. 2. duo asserit; nempe, *Quod ens multipliciter dicitur; & quod dicitur ad vnum, vel ad vnā naturam;* ex utroque autem colligitur, quod non detur vnus conceptus eius abstractus ab analogatis, quod sic probo: Nā si multipliciter dicitur; ergo non vno modo, nec per vnum conceptum, sed per plures; & si dicitur in ordine ad vnum: ergo in suo conceptu includit multa. Probaturs consequentia; quia vbi datur vnum, vel multa ad vnum ordinata, ibi est multiplicitas; sed si multa includit in suo conceptu, non potest talis conceptus esse vnus, quia multa diuersa sunt; ergo, non datur vnus conceptus obiectiuus entis. Et 8. Meta. cap. 6. tex. 16. asserit, *Ens statim esse substantiam, quantitatem, & qualitatem*, hoc est, immediate ad illa descendere; & non vt vniuocū, quod non nisi medio vnico conceptu eis communi, descendit ad vniuocata, vt animal ad hominem, & equum, ergo sentit non habere conceptum communem; nam eo mediante, descenderet ad substantiam, & accidens.

Et D. Tho. r. p. q. 13. art. 5. ita ait: *Neque enim in his, quæ analogice dicuntur, est vna ratio sicut in vniuocis, nec totaliter diuersa, sicut in æquiuocis. sed nomen, quod sic multipliciter dicitur, significat diuersas proportionēs in ordine ad vnum, &c.*

Ex quibus verbis hoc arg. colligitur: Conceptus entis, apud D. Thom. significat diuersas proportionēs in ordine ad vnum: sed non potest significare diuersas proportionēs in ordine ad vnum, nisi diuersa illa, quæ tales habent proportionēs, simul significet, & hæc sunt analogata; ergo non potest abstrahi conceptus eius ab analogatis, nec esse vnus simpliciter.

Probaturs deinde ratione aduersus primam sententiam, desumpta ex definitione analogorum, quam admittunt omnes. Analoga sunt, quorum nomen est cōmune, ratio verò substantiæ nomini accommodata, nec omnino eadem: neque omnino diuersa: sed ratio substantiæ est conceptus obiectiuus; ergo iste non est omnino idem, nec omnino diuersus, sed diuersus simpliciter, & idem secundum quid, ratione attributionis, quare sequitur, non esse abstrahibilem ab analogatis, inter quæ attributio, & diuersitas reperitur, nec potest esse vnus simpliciter.

Secundo: Si conceptus entis abstrahitur, aut præscinditur à substantia, & accidenti; ergo distinguitur ratione ab illis: sed quæ distinguuntur aliqua distinctione, vt sic distincta, non se includunt; ergo conceptus entis, vt sic præscisus à modis intrinsecis

intrinsicis substantiæ, & accidentis, nec eos potest includere, nec in eis includi. Primum probatum est falsum: sed probatur etiam falsum esse secundum, quia conceptus entis est transcendens; ergo includitur in quacunque entitate, siue sit completa, siue incompleta, siue sit natura, vel modus: alioqui si non includat ens, erit nihil.

Probatur tertio: Quia si conceptus entis est abstractus simpliciter à modis intrinsicis, & eos non includit actu, ut fatetur prima sententia; sequitur sic esse vnum, ut nullam includat diuersitatem. Probatur consequentia; quia tota aduersitas substantiæ & accidentis, est per modos intrinsecos per se, & in alio; si ergo hos non includit actu, sicut genus non includit actu differentias, erit vnus simpliciter, & consequenter vniuocus.

Respondet prima sententia; Quod licet non includat actu modos, & in hoc conueniat cum vniuoco, differt tamen ab eo, quod conceptus vniuocè eodem modo, aut æqualiter participabilis est ab vniuocatis: conceptus verò analogi; ut entis ex propria natura, est diuerso modo participabilis ab analogatis secundum attributionem vnius, vel multorum ad vnum; & hoc satis est, ut nō sit vniuocus, sed analogus. Sed hæc solutio sic impugnatur: Conceptus entis non potest esse diuerso modo participabilis; nec potest vllam habere diuersitatem, nisi per diuersos modos intrinsecos per se, & in alio, per quos determinatur adesse substantiæ, & accidentium; ergo repugnat vllam habere diuersitatem, aut diuerso modo esse participabilem, nisi per ipsos modos: sed dum ab eis abstrahitur, eos non includit; ergo non potest esse diuerso modo participabilis.

Et confirmari efficaciter potest hoc modo: Conceptum communem abstrahi à particularibus, nō est aliud, quàm rationem communem cognosci sine particularibus aut eis non cognitis; ergo Conceptum entis abstrahi à modis per se, & in alio, est cognosci rationem entis, non consideratis modis, neque ordine ad illos; nam eo ipso, quod consideraretur ordo ad illos, nō esset conceptus abstractus: sed nullam potest habere diuersitatem ratio entis sine modis, aut sine ordine ad illos; ergo si ab eis abstrahatur, erit conceptus omnino vnus & idem, non minus, quàm conceptus vniuocus; & ens ipsum non erit analogum, sed vniuocum.

Probatur deinde aduersus secundam opinionem. Primo: Quia si semel admittitur conceptus entis abstractus à particularibus substantiæ, & accidentis, & esse vnum; sequitur ens esse vniuocum. Probatur consequentia: quia illum conceptum abstractum, & vnum, significat primo ens; ergo ratio significata

gnificata per nomen est eadem, & nomen commune, ut dicitur in definitione vniuocorum. Secundò; quia repugnat conceptum in abstractione esse vnum, & non inferioribus expressis: ergo semper est vnus. Probatur antecedens: quia si semel abstrahitur ab eis; ergo distinguitur ratione sic abstractus ab eisdem ut expressis; sed comparatus ad eos est idem conceptus, qui consideratur in abstractione, & non alius: ergo erit etiam ratione distinctus: & ideo eandem habebit vnitatem quam ei tribuunt in abstractione.

Quonam modo conceptus analogi contineat analogata.

Nostra igitur sententia tenet: Conceptum obiectiuum entis, & cuiuscunque analogi, non esse simpliciter abstrahibilem ab analogatis; sed eos necessariò includere. Circa modum verò, quo ea includat, non cōueniunt omnes, qui eam sequuntur. Duo tamen sunt apud eos recepta. Primum; quòd ea includat actu, & non solum in potentia; quia hoc vltimum nec tollit vnitatem conceptus, nec vniuocationem nominis. Secundum; quòd non includat eos actu explicito, distincto, vel expresso; quod est dicere; non includere eos, ut significantur propriis nominibus; sed in quantum sub nomine communi significantur, ut sub nomine entitatis, ut de ente loquamur. Et ratio huius est, quia ens significat substantiam, & accidens, in quantum habent attributionem: sed sub propriis nominibus eam non habent, sed sub nomine communi entis significata, & confusè contenta; ergo hoc tantum modo significantur nomine analogo; & continentur in conceptu eius, & non sub expressis conceptibus, aut nominibus.

Differunt igitur, quantum ad modum eos includendi. Nam Soncinas & Herueus vbi supra, asserunt conceptum, quem immediate significat ens, esse hoc disiunctum, substantiam, vel accidens. Hoc tamen ab omnibus, ferè reiicitur. Primò; quia conceptus per determinatam vocem significatus, debet esse determinatus; disiunctum verò illud, nec determinatè dicit substantiam, neque accidens. Secundò; quia ens significat multa per attributionem ad vnum; ergo significat omnia simpliciter, hoc est, sine disiunctione. Probatur consequentia: quia attributio non versatur inter multa disiunctiue significata, sed absolute.

Nec etiam significat analogum sua analogata copulatiue, ita ut conceptus entis sit substantia, & accidens, quia ex eo sequeretur omnes propositiones, in quibus prædicatur, de quolibet eorum esse falsas: ut substantia est ens: accidens est ens, quia sensus earum esset, substantia, est substantia, vel accidens, accidens

accidens est substantia, vel accidens.

Propterea, est secunda opinio aliorum; Quod ens primaria significatione; significet ens per se, quod est substantia & ens simpliciter: secundario verò accidentia, tanquam aliquid eiusdem substantiæ. Sed hoc etiam videtur falsum: quia analogum per se primò significat multa cum attributione: ergo non significat primò solum analogatum principale, sed omnia; quâvis principale significatum sit dignitate primum.

Tertia opinio est Ferra. & Caiet. vbi supra quod analogum ⁴⁴ significet immediatè, & per se omnia analogata; in quantum inter sese habent attributionem, & ens significet immediatè decem prædicamenta, in quantum nouem accidentium, dicuntur per attributionem ad substantiam. & hæc est probabilior, & tenenda.

Sed pro eius explicatione tanquam certum debet præsupponi; Quod analogum aliquo modo sit superius cuilibet analogato, vt bene Caiet. in opusc. de analogia, cap. 5. non solum secundum vocem, quæ communis est analogatis: nam hoc etiam habet æquiucum; sed aliquo modo secundum rationem, aut conceptum significatum; qui cum aliquo modo debeat etiam communis esse; consequenter debet esse superior: & si communis est aliquo modo, debet esse abstractus ab eis.

Sed vt hæc intelligantur melius, adnotat bene Caiet. vbi supra, duplicem esse abstractionem, qua vnum abstrahitur ab aliis. Vna est, per quam vnum cognoscitur sine alio, aut eo non cognito. Alia, per quam eadem res cognoscitur alio modo, quam fit in se: vt cum in se habeat modum expressum, atque distinctum, cognoscitur quasi implicite & confuse. Et primus modus abstractionis constituit abstractionem simpliciter, & pertinet ad vniuoca, quæ sic abstrahuntur a suis vniuocatis. Secundus non facit, nisi abstractionem secundum quid, & pertinet ad analogia: quæ non possunt primo modo abstrahi, nec alio, nisi secundo. Itaque substantia duobus modis considerabilis est: aut secundum conceptum expressum per proprium nomen substantiæ, significatum: aut secundum conceptum confusum, & quasi implicitum, qui non videtur esse alius, quam entitas principalis, cui attribuuntur accidentia. Et hoc modo significatur nomine entis, cuius proprius conceptus est entitatis primæ, ac principalis: & minus principalium: quæ sunt accidentia secundum particulares modos inhaerendi ei, attributa; quæ est substantia. Et conceptus iste aliquo modo est abstractus, respectu conceptuum expressorum; inter quos, vt sic expressos, nulla attributio, nullus ordo, nulla dependentia, aut similitudo

similitudo significatur; & ratio abstractionis in eo consistit, quod licet per conceptum entis, omnia concipiamus actu, & similiter dum omnia simul concipimus per propria nomina, per conceptum tamen entis concipimus ea, cum attributione, & similitudine: quæ per conceptus proprios representata, nullam habet attributionem, nullum ordinem, nullam similitudinem; unde sequitur, conceptum entis, ita prædicari de quocunque, vt suo etiam modo prædicetur, de aliis, & hoc est esse aliquo modo superiorem respectu singulorum, & ex consequenti, abstractum eodem modo ab eis, & vt talem prædicari de singulis.

45 Sed vt modus prædicandi entis de singulis prædicamentis intelligatur, adnotamus secundo; Quod licet conceptus entis includat substantiam, & accidens actu confuso, vt explicatum est; in prædicatione tamen applicatur singulis, iuxta propriam naturam, vt dum prædicatur de substantia, applicatur ei, vt primo enti, cui attribuuntur accidentia; & dum prædicatur de aliquo accidenti, applicatur eidem, vt attributo substantiæ. Sensus igitur huius propositionis, *Substantia est ens*, iste est: Substantia est entitas prima, cui attribuuntur accidentia; & quantitas est ens, id est, habet entitatem per modum extensionis, attributam substantiæ. Et ratio huius est, quia omnia significantur secundum attributionem ad vnum: ergo de illo vno prædicatur, tanquam de eo, cui attribuuntur cætera; & de cæteris, vt illi attribuuntur, & eadem attributio, est ratio propter quam, licet conceptus entis multa ac diuersa contineat, verè possit prædicari de singulis, quia dum de quolibet prædicatur, ex proprio modo ipsius applicationis, & attributionis, illud tantum dicit in recto; cætera verò in obliquo, vt attributio ipsa significata inter eos petit.

46 Si autem dicas secundum sensum harum prædicationum, nõ prædicari ens de singulis prædicamentis, tanquam superius, sed tanquam æquale; imò prædicatione identica, aduersus id, quod dictum est, superius esse, saltem secundum quid. Probatum vtrumque. Primum quidem; nam prædicatum huius propositionis, *Substantia est ens*, non est aliud, quam substantia est entitas prima, cui proportionantur accidentia, & hoc patet conuertere cum subiecto, imò esse idem propterea cum eo; & ideo non solum esse propositionem æqualis, sed identicam. Respondeo prædicari prædicatione æquali simpliciter, superioris verò secundum quid, identica verò nullo modo. Primum manifestum erit, si consideremus conceptum entis secundum diuersos modos: quibus prædicatur de omnibus; nam de substantia, vt de primo, cui cætera attribuuntur: de singulis verò accidentibus secundum

secundum particulares modos, quibus attribuuntur substantiæ. Consideratus igitur conceptus entis cum his omnibus modis, qui ei conueniunt, ut analogo adæquatè sumpto, cum ei conueniant ratione analogiæ attributionis, superior erit formaliter respectu singulorum analogatorum, licet tantum secundum quid, quamuis æqualis simpliciter seclusa hac consideratione. Et quod sit superior formaliter secundum quid, probabo: quia dum prædicatur de vno secundum modum applicationis ad illud, prædicari potest de cæteris, secundum proprios modos eorum; quod manifestum est, non habere subiectum: ergo secundum modum prædicandi non conuertuntur, licet quantum ad rem significatam conuertantur.

Et ex hoc sequitur, easdem propositiones non esse idéotias, 47 sed formales analogi, quia licet eadem res sit prædicatum, & subiectum, diuersum habet modum in prædicato, quam in subiecto in duobus consistentem. In primo quidem: nam in prædicato maiorem habet extensionem, cum sic prædicetur de vno secundum proprium modum illius, ut possit etiam prædicari de cæteris secundum proprios modos eorum: In secundo verò quia licet tam prædicatum, quam subiectum huius prædicationis, *Substantia est ens*, significet eandem rem; expressius tamè atque distinctius significatur per subiectum, tanquam per proprium nomen, quam per prædicatum, tanquam per nomen commune. Et modus iste significandi diuersus efficit, ut propositio sit formalis; & ideò non identica, sicut non est identica prædicatio, in qua definitio prædicatur de definito, licet eadem res sint; ex eo solùm, quod expressius significatur per prædicatum, quam per subiectum.

Et ex his non erit difficile arg. contrariæ opinionis soluere: 48 Nam testimonium Arist. verum continet, quod *Metaphysica considerat ens, in quantum eius*; hoc est non secundum aliquam rationem particularem alicuius prædicamenti; nec secundum rationes omnium expressas, atque distinctas: sed secundum rationem attributionis ad vnum, nempe ad substantiam: hanc enim non habent sub proprijs nominibus significata; sed sub nomine entis omnibus communi, sub quo similitudinem quandam in entitate habent, & vnitatem secundum quid, sub qua abstrahi possunt, etiam secundum quid à proprijs rationibus expresse significatis. Et sic abstractum ens consideratur in quantum ens, & potest esse obiectum Metaphysicæ; quia licet sit analogum, consideratū tamen sub tali modo abstrahendi à materia ut consideratur in metaphysica, vnam rationē, sub qua, obiectiua habet, à qua sciētia ipsa sumit vnitatē specificā.

Testimo

49 Testimonium verò D. Th. petit modum, quo ens contrahatur per modos particulares substantiæ, & accidentis. Et difficultas consistit in hoc: Quia si non datur communis conceptus eius ab iisdem modis abstractus, sed includens eos, non videtur posse contrahi per illos, quia contrahens debet esse extrarationem contrahibilis: nam si in eo includatur, iam erit contractum per illud. Respondeo; Eodem modo contrahi ens per modos per se, & in alio, quo ab eisdem abstractum est, sed abstrahitur ab eis, solum secundum quid, hoc est, sicut idem à seipso diuerso modo significato, ideo solum potest contrahi per seipsum, vt diuerso modo significatum. Gratia exempli, ens in suo conceptu includit modos intrinsecos per se, & in alio, actu quidem, non tamen sub expresso conceptu, sed sub implicito, & confuso, hoc est, non vt propriis nominibus significantur, sed nomine communi entis. & diuersus iste modus includendi eos sufficit, vt dicatur abstractus ab eis secundum quid, conceptus verò non contrahitur, nisi vt abstractus est: nam contractio, & abstractio, mutuò sibi correspondent: ergo eodem modo contrahitur conceptus entis per modos intrinsecos sub expresso conceptu significatos, quos tamen hoc modo non includit, sed sub confusa ratione, vt semper sit verum (adhuc in contractione analogi, quæ solum est secundum quid, sicut abstractio) quòd contrahens sit extrarationem contrahibilis. Hunc sensum explicuit D. Tho. in alio loco, & ita vnum testimonium explicamus per alterum. Locus autem est, quæst. 1. de veritate, art. 1. vbi sic ait: *Quod primò intellectu concipit quasi notissimum, & in quo omnes conceptiones resoluit, est ens: unde oportet, quòd omnes alie conceptiones intellectus, accipiantur ex additione ad ens, sed enti nihil potest addi, quasi extranea natura per modum, quo differentia additur generi, quia qualibet natura essentialiter est ens, sed secundum hoc aliqua dicuntur addere supra ens, in quantum expriment ipsius modum, qui nomine ipsius entis non exprimitur. Et infra: Substantia non addit supra ens aliquam differentiam, sed nomine substantia exprimitur specialis modus essendi.*

50 Ad primum arg. Concesso primo enthymemate, distinguenda est minor syllogismi, quia qualis fuerit conuenientia multorum, talis erit abstrahibilis conceptus ab eis. Si conueniant simpliciter, abstrahibilis erit conceptus simpliciter communis, & vnus, vt in vniuocis: si verò solum cōueniant secundum quid, solum erit abstrahibilis conceptus communis, & vnus secundum quid. Et ita est in analogis, atq; etiã in ente, cū sit analogū. Quid autē sit abstrahi secundum quid, iam explicatū est.

Ad secundum: Concesso antecedenti, distinguendum est consequens: Nam actualis inclusio duplex est, confusa, seu implicita, & distincta, vel expressa, & de hac concedendum est, negandum verò de illa, dicendumque, ex eo posse dubitationem procedere, An substantia sit, vel accidens illud, de quo certò scimus esse ens, quia conceptus entis confuse tantum includit rationes particulares substantiæ, & accidentis, non distinctè, ratione verò confusionis occurrit dubitatio, in eo consistens, quòd intellectus non cognoscit distinctè, ad quod significatum determinetur ens.

Ad ultimum: Negandum est illud, quod in antecedenti sumitur, nempe conceptum entis esse aggregatum ex particularibus conceptibus prædicamentorum, quia non includit eos per modum aggregationis, sed per modum attributionis: in qua includitur essentialiter ordo multorum ad vnum, aggregato verò repugnat ordo, cum ex eo sit aggregatum, quia plura includit sine ordine. Includere autem omnia secundum ordinem attributionis, est includere vnum quasi in recto, & alia in obliquo. Vnde sequitur, quòd dum prædicatur ens de quolibet analogato, vt in hac propositione, *Substantia est ens*, non sit sensus, Substantia est substantia, & accidens, quia in hoc sensu non significatur attributio: sed talis est sensus: Substantia habet entitatem primam, vel est entitas prima, cui attribuuntur accidentia: & est verissimus. Nec tollit veritatem eius, quòd in conceptu entis præter substantiam ita significatam in recto, significantur accidentia in obliquo: sicut nec tollit veritatem propositionis, in qua prædicatur de accidenti, quòd substantia significetur in obliquo, ita vt sensus sit, Accidens habet entitatem, vel est ens attributum substantiæ, tanquam aliquid eius. Ratio autem ob quam tales sensus efficiunt prædicationes istæ, est natura ipsa attributionis, sub qua significantur analogata per nomen analogum: ideo enim cuilibet applicatur idem analogum in prædicationibus, secundum exigentiam eiusdem attributionis.

Vnum adnotandum est in hoc loco: Nempe unitatem secundum quid conceptus analogi sufficere, vt diuidi possit in sua analogata, atque etiam vt analogata ipsa comparari possint, vt ab eo significata, ita vt dicamus, substantiam esse perfectius ens, quam accidens, & tandem vt possit esse obiectum intellectus, & scientiæ. Ratio primi est, quia diuisio procedit ab vno ad multa; ergo in tantum aliquid diuisionis capax est, in quantum est vnum: nam si sit multiplex, secum affert diuisionem. Vnde sicut diuisio æquiuoci in sua æquiuocata, non est

est diuifio rei, fed folius vocis, quia fola vox eft communis; fimili modo diuifio analogi fimpliciter eft diuifio vocis, & fecundum quid, diuifio rei, quia vox eft communis fimpliciter, fed res fignificata non eft communis, neque vna fimpliciter, fed multiplex: vna verò folum fecundum quid, & ideo diuifio analogi, fi ad rem attendamus, non eft diuifio fimpliciter, fed folum fecundum quid, ad quam fufficit vnitas conceptus eius fecundum quid. Vniuotum verò, quia tam ex parte vocis, quam rei fignificat: vnum eft, fimpliciter diuidi poteft: & fola diuifio eius fimpliciter talis vocari debet.

Et eodem modo reddenda eft ratio comparationis: nam comparatio in vna aliqua ratione fieri debet, ideo fimpliciter in vniuoco debet fieri, & fi propria fit in fpecie infima, vt docet Aristoteles 7. lib. Phyl. qualifcunque verò, poteft etiam fieri in analogo, ad quam fufficit vnitas fecundum quid.

53 Vt autem poffit effe obiectum intellectus & fcientiæ analogum, fufficit eadem vnitas, quia fcientia, aut potentia non fumat vnitatem fpecificam ex obiecto materiali, fed ex ratione formali obiectiua, fub qua in illud tendit potentia, vel confideratur a fcientia, a qua maiorem accipit vnitatem analogum, dum eft obiectum potentia, vel fcientia.

An ens fit vniuocum refpectu fubftantiæ, & accidentis, aut analogum, & qua analogia.

HOc eft quartum, quod propofuimus tractandum. Sed pro eius notitia notari debet, Ens duobus modis fumi poffe: pro Ente creato, quod diuiditur in decem predicamenta, aut vniuerialius pro Ente communi refpectu creati, & increati, aut Dei, & creaturarum: & de ente vtroque modo fumpto, poteft effe quæftio, quam ideo in duas partes diuidimus. In prima, agemus de ente creato, an fit vniuocum refpectu predicamentorum, vel analogum, & qua analogia. In fecunda eadem inquiramus de eodem ente, refpectu Dei, & creaturarum.

Prima pars quæftionis.

54 **C**irca primam partem duæ funt opiniones extrinæ, & altera media. Prima opinio extrema, eft Aureoli apud Capreolum in 1. d. 2. q. 1. afferentis, Ens effe æquiuocum refpectu fubftantiæ, & accidentis. Probatur testimoniis Arift. & Porphyrij: nam Arift. 8. Meta. cap. 6. text. 16. ait: Quodlibet predicamentum statim quippiam effe, hoc eft, feipfo effe tale, atq; diuerfum ab alio, quod aliis verbis dici folæ, predicamenta feipfis effe diuerfa,

P. 2.

et non

& non per differentias, sed esse seipsis diuersa, est se totis esse diuersa, & se totis esse diuersa idem est, ac esse omnino diuersa, quod & proprium est æquiuocatorum. Erit igitur æquiuocum ens.

Porphy. verò cap. de specie ex mente eiusdem Arist. dixit *Ens æquiuocum esse.*

Hæc tamen sententia (si de propria æquiuocatione loquitur, & non de communi, prout comprehendit analogiam) contraria est doctrinæ eiusdem Arist. & rationi. Probatur primum ex 4. Meta. cap. 2. & tex. 2. vbi ait Arist. *Ens autem multipliciter dicitur, non æquiuocè, sed ad vnā naturam, sicut sanum, hoc est, per attributionem multorum ad vnum.*

Probatur secundum, quòd sit contra rationem, ex definitione æquiuocatorum. Æquiuoca sunt, quorum nomen est commune, ratio verò substantiæ nomini accommodata omnino diuersa: sed substantia, & accidens conueniunt aliquo modo in ratione entis cū vtrumq; sit ens, licet vnum diuersum ab alio, & ei attributum; ergo non sunt omnino diuersa: quare nec ens potest esse æquiuocum.

Secunda opinio extrema tenet, Ens esse vniuocum, ita Scotus, in 1. d. 3. q. 3. & in 3. d. 8. q. 2. & omnes eius discipuli, Antonius, Andreas 4. Meta. cap. 2. atque etiam Nominales omnes, vt testatur Gab. in 1. d. 2. quæst. 4. Et probatur duplici ratione. Prima, ex definitione vniuocorum desumpta: *Vniuoca sunt, quorum nomen est commune, ratio verò substantiæ nomini accommodata eadem: hoc est, conceptus per nomen significatus: sed nomen ens constat esse commune substantiæ, & accidenti, & conceptus tam formalis quā obiectiuus est vnus, & idem in inferioribus; ergo nomen erit vniuocum.* Probatur minor, quia substantia & accidens conueniunt in ratione entis, & distinguuntur per modos intrinsecos per se, & in alio: sed modi distinguuntur ratione ab entitate, cū eam determinent, atque contrahant ad substantiam & accidens; ergo potest intellectus concipere entitatem, nullo modo conceptis modis. Probatur hæc vltima consequentia: nam ea quæ distinguuntur ratione, bene potest intellectus separare, & vt sic separata, non se includent, quare poterit concipere rationem entis communē substantiæ, & accidenti, in qua non includantur modi. Et talis conceptus formalis, & obiectiuus, erit vnus simpliciter, nullam includens diuersitatem.

Secundò: Quia si aliquid obstarer, quominus conceptus entis non esset vnus simpliciter, & communis substantiæ, & accidenti, esset maximè diuersitas in modo essendi vtriusque, quia substantia habet modum essendi per se; accidens verò modum essendi

essendi in alio: sed hæc non obstant: ergo erit vnus simpliciter. Probatur minor, quia hæc ratio diuersitatis non est in entitate, nisi ratione modorum; ergo non tollit vnā rationem entitatis, atque adeo vniuocam, quemadmodum non tollit vnitatem conceptus animalis diuersitas per rationale, & irrationale, quia non est ratione naturæ sensitiuæ, sed differentiarum.

Tertiò: Intellectus potest esse certus de aliquo, quod sit ens, & dubius an sit substantia, vel accidens: vt si quis dubitet, an aliqua Hostia sit consecrata, vel non, certò cognoscit esse ens, dubitat verò, an ibi sit substantia, vel solum accidens. Hoc autem non posset contingere, nisi intellectus concipiat rationem entis, non conceptis rationibus particularibus substantiæ, & accidentis: qui conceptus communis erit eis, & vnus simpliciter, cum non includat aliquid, ratione cuius possit vllam diuersitatem habere. Et ex consequenti, nomen ens significans talem conceptum, erit vniuocum.

56 Tertia sententia media inter hæc extrema asserit, *Ens non esse æquiuocum, neque vniuocum, sed analogum*. Et est communis in schola, & vera, quam sequuntur Auerroes, Alexander, & D. Tho. in commentariis locorum Arist. inferiùs citandis, Porphyrius, Albertus, & Ammonius, cap. de specie in prædicabilibus, & cæteri omnes, præter citatos pro sententia Scoti.

Colligitur efficaciter ex doctrina Arist. 4. Metæ. cap. 2. lib. 7. cap. 1. & 4. & 1. Ethic. cap. 6. vbi expressè docet, *Ens multipliciter dici, & non æquiuocè, sed sicut sanum de vrina, Medicina, & animali ad vnā naturā*; hoc est, per attributionem multorum ad vnum. Quibus verbis excludit vtrāque extremam sententiam: nam dum dicit, *Ens multipliciter dici sicut sanum*, tollit vniuocationem, contra Scotum: dum verò addit *non æquiuocè*, tollit æquiuocationem, contra Aureolum.

Probatur deinde ratione. Primò, ex definitione analogorum. Analoga sunt; quorum nomen est commune, ratio verò substantiæ nomini accommodata, nec omnino eadem, neque omnino diuersa: sed ita se habet ens respectu substantiæ, & accidentis; ergo est analogum, & non vniuocum. Minorem ita probò: Substantia est primum ens; habens entitatem per se independentem ab alio: accidens verò est entitas alterius, nempe substantiæ, & ideo Arist. 4. Met. c. 2. dixit, *Accidens non est ens, sed entis ens*; ergo non habet per se entitatem, sed per attributionem ad substantiam: quare in ipsamet ratione entitatis, reperitur imprimis maxima diuersitas, & ob id etiam in conceptu significato per nomen ens. Deinde reperitur aliqualis conuenientia ratione eiusdē attributionis: ergo ratio entis per

nomen significata, nec est omnino diuersa; neque omnino eadem. Et hoc est ens esse analogum, & ideo non uniuocum.

Si autem dixerit Scotus, diuersitatem inter substantiam, & 57
accidens non prouenire ex parte entitatis, sed ex parte modorū per se, & in alio, à quibus abstrahi potest ratio entitatis: & sic abstracta erit vna, quia sic à diuersitate abstrahitur; ergo vt sit abstracta non includit eam, quare erit vna simpliciter, & nomen ens, eam immediatè significans, erit uniuocum. Non ergo probatur, analogum esse, aut non esse uniuocum? Hoc non tollit vim arg. quia modi intrinseci substantiæ, & accidentis, non sunt gradus perfectionis distincti ab entitate, sed ipsamet entitas expressius concepta, & significata, quæ significatur nomine entis: vnde nec ens est extra rationem eorum, nec ipsi extra rationem entis: vnde sequitur primò, quòd nec possit entitas concipi, sine illis actu saltem confuso inclusis, nec ipsi sine entitate. Secundò sequitur idem esse, quòd diuersitas substantiæ, & accidentis, vt significantur nomine entis, proueniat ex modis intrinsecis per se; & in alio, & quòd proueniat ex ipsamet entitate: idem etiam esse, quòd per eosdem modos sint diuersa, & quòd seipsis sint diuersa: & tandè, quòd sicut entitas non potest à seipsa abstrahi, sic nec possit abstrahi, ab eisdem modis, & ideo, neq; conceptus entis eos necessariò includēs, possit esse vnus simpliciter, nec uniuocus. An verò ens nō in tota sua vniuersalitate sumptū, sed pro ente rātū cōpleto, abstrahi possit à substantia, & accideri, & respectu eorū sit uniuocū, statim dicemus.

Ad testimonium. Arist. pro prima sententia respondet; Prædicamenta esse primò diuersa, hunc sensum efficere, quòd non 58
differant, sicut species per differentias, continentes diuersum gradum perfectionis, à genere in quo conueniunt, sed per modos, qui sunt ipsamet prædicamentorum entitas speciali modo concepta: vnde verum est, per proprias entitates ita conceptas, esse diuersa. Et hoc est etiam seipsis differre. Et cum infertur se totis differre, distinguendum est: nam si sensus sit; Per totam entitatem suam vnum esse diuersum ab alio, verum est, si verò; Per totam entitatem omnibus modis conceptam, falsum, quia entitates eorum concipi possunt tanquam diuersæ simpliciter, atque etiam tanquam similes, & eadem secundum quid; ratione attributionis, & ideo nō concipiuntur, vt omnibus modis diuersæ. Neque in hoc sensu verū est, se totis differre, esse tamen necessariū vt ens esset æquiuocū: quia æquiuocata, vt sub eo nomine cōcipiuntur, & significatur, nullo modo cōueniunt. Et ideo nō probatur ex illò testimonio quòd ens sit æquiuocū. Porphyrius verò de æquiuoco loquitur secundum communem acceptionem,

ptionē, sub qua analogū cōprehendit : nā ad intētum eius, quod erat, ens non esse genus rerū omniū, sufficiebat esse analogum.
 59 Ad primum arg. secundę opinionis; Negāda est minor, quod conceptus entis sit vnus simpliciter. Et cū dicitur modus distinguī ratione ab entitate, distinguendū est: nam duobus modis contingit aliqua distinguī ratione. Primō, distinctione totali, ita vt conceptus vnus sic distinguatur ab alio, vt illum nō includat, & hoc modo distinguitur ratione differētia a genere. Secundō, non distinctione totali, sed includentis, & inclusi, & ita verum est, quod conceptus entis distinguatur a modis, quos includit, & a quibus includitur, in quantum addunt supra conceptum eius rationem expressionis. Et si distingueretur conceptus entis ratione a modis in primo sēsu, posset abstrahi ab eis: sed cū non distinguatur, nisi in secundo; negandum est, quod possit abstrahi, aut sine illis concipi.

Ad secundum: Neganda est minor; quod ratio diuersitatis substantiæ, & accidentis, non sit in entitate, sed ratione modorum: impossibile est enī, quod ratione modorum sit, & non ratione entitatis, cū modi entitates sint, & ideo in conceptu entitatis includantur. Est igitur ratione vtriusque: & ideo repugnat concipi ens sine diuersitate, aut ab ea abstrahi, ita vt conceptus eius sit vnus simpliciter.

Ad vltimum; Concessa maiori, distinguenda est minor: nam concipere rationem entis, non conceptis rationibus particularibus substantiæ, & accidentis duobus modis contingit. Primō, non conceptis distincte, & expresse. Secundō non conceptis actu implicito, & confuso. Et in casu argumenti concedendum est, quod concipiatur sine modis in primo sensu, non tamen in secundo: ex eo autem quod concipitur, non conceptis modis in primo sensu, fit, vt possit dubitare intellectus, An ens quod concipitur, sit substantia, vel accidens. Quare talis dubitatio nō probat, quod detur conceptus entis vnus simpliciter abstractus a substantia, & accidenti, ratione cuius vniucum esse possit.

An saltem ens completum sit vniucum respectu substantiæ

Et accidentis completi.

60 **R**atio dubitandi pro affirmatiua parte, specialis est de ente completo, quia non videtur includi posse in differentiis, nec in modis intrinsecis, per quos diuersa sunt, accidens, & substantia; quia de modis, atque differentiis manifestum est, esse entia incompleta: ergo abstrahi poterit ab eis conceptus entis nullam diuersitatem includens. Probatur consequentia, quia totam diuersitatem efficiunt modi.

Communis tamen sententia tenenda est tanquam vera: Quòd ens completum non possit esse vniuocum ad substantiā cōpletam & accidens completum; sed non minus hoc modo esse analogum, quàm si in tota sua vniuersalitate accipiatur. Cuius ratio non eadem assignatur ab omnibus, qui ita sentiunt. Sed mihi videtur eodem ferè modo probandum esse; quòd ens cōpletum non sit vniuocum, sed analogum, quo probatū est, vniuersaliter sumptum analogum esse. Probatum ergo duplici ratione. Prima: Sicut ens vniuersaliter sumptum includit actu quamlibet entitatem, quantumcunque minimam, siue sit entitas rei, siue modus, & etiam includitur in ea formaliter, & essentialiter: ita ens completum includit actu quamcunque entitatem completam, tam accidentalem, quàm substantialem, quia esse entitatem substantialem, aut accidentalem, non sunt gradus perfectionis ab eadem entitate distincti, sed sunt eademmet entitas expressiori quodam modo concepta, & significata: ergo tota diuersitas, tota attributio, quam habent inter sese, includitur in conceptu entis completi, & ex consequenti tota analogia, Quare repugnat conceptum entis completi, esse vnum simpliciter, & vniuocum.

Secunda ratio sumitur ex definitione vniuocatorum. *Vniuoca sunt, quorum nomen est commune, ratio verò substantia omni-* 61
no eadem; ergo vniuocata debent participare ex æquo, & simpliciter cōceptum vniuoci: sed substantia, & accidens completum, non participant ex æquo, nec simpliciter rationem entis completi; ergo ens non potest esse vniuocum respectu eorum. Probatum minor, quia illa participant ex æquo rationem communem, quorum quodlibet participat eam per se, hoc est, sine dependentia essentiali in eadem ab altero: & illa participant eam simpliciter, quorum quodlibet dicitur simpliciter tale, vt eam participat: sed accidens completum non participat rationem entis completi, nisi cum essentiali dependentia à substantia; nec dicitur simpliciter ens completum, sed tantum secundum quid; imò non dicitur ens completum, sed entis ens, vt ex Aristot. attulimus; ergo non potest participare vniuocè rationem entis completi, neque ens completum potest esse vniuocum respectu vtriusque. Et quod diximus de ente completo, dicendum est de ente perfecto in ordine ad substantiam perfectam, & accidens perfectum; quia quantum ad presentem diuisionem entis attinet, eadem est ratio de vtroque: & ideo eadem rationes eodem modo probant de vtroque.

Ad argumentum pro ratione dubitandi positum respondetur; Quòd licet ens completum non includat modos intrin-

secos per se, & in alio, vt separatim conceptus à substantia, & accidenti; & eodem modo; nec differentias, nec etiam in eis sic conceptis includatur: nihilominus ramen eos includit, & in eis includitur, vt concipiuntur in constitutione substantiæ, & accidentis, aut specierum. Et ratio huius est manifesta, quia ens completum, vt probauimus, includit substantiam, & accidens completum, & ab eis includitur formaliter, & essentialiter: sed non est substantia completa & incompleta sine modis, vt eam constituentibus: ergo, vt sic concepta includuntur in ente completo, & illud includunt. Quæ inclusio sufficit: vt conceptus entis diuersitatem includat sufficientem ad tollendam vniuocationem, & efficiendam analogiam.

An ens sit vniuocum respectu aliquarum rerum eiusdem prædicamenti, vel diuersorum prædicamentorum.

- 62 **E**xplicata iam analogia entis vniuersalissimi respectu substantiæ, & accidentis, & entis completi, respectu substantiæ completæ, & accidentis completi, restant duæ aliæ comparationes entis magis particulares. Prima est; An respectu duarum specierum eiusdem prædicamenti, vt hominis, & equi, Petri & Ioannis, aut albedinis, & nigredinis. Secunda; An respectu duarum rerum diuersorum prædicamentorum accidentium, vt albedinis & quantitatis, ens sit vniuocum, vel analogum; & non loquimur de ente vt completo, sed secundum se sumpto.
- 63 **P**rima opinio tenet; Ens vniuocum esse, respectu duarum rerum eiusdem prædicamenti, tam substantiæ, quam accidentis, atque etiam diuersorum prædicamentorum accidentium. Eam tenet quantum ad primum Fons. 4. Mer. cap. 1. q. 1. sect. 5. non negans secundum, & quantum ad vtrumque P. F. Suarius in Mer. dis. 32. sect. 2. n. 21: Probat vtrumque hoc arg. Duæ substantiæ, & duo accidentia eiusdem prædicamenti, aut diuersorum, participant rationem entis sine vlla attributione vnius ad alterum; imò sine vllò ordine, sed æquè primo: ergo non conuenit illis analogicè, sed vniuocè.

Secunda opinio est aliorum, qui tenent vtroque modo comparatum ens esse analogum proportionalitatis. Probant: Quia ens est analogum attributionis simul, & proportionis: sed in his comparationibus non significat membra illa secundum attributionem vnius ad alterum: ergo non potest habere aliam analogiam, nisi proportionalitatis. Quod verò hæc habeat, manifestum est; quia verum est, ita se habere quamlibet speciem eius-

dem, vel diuerſorum prædicamentorum accidentium ad ſuam entitatem, quam participat ab ente; ſicut alteram ad ſuam, & hæc eſt proportionalitas: ergo erit ens, reſpectu illarum, analogum attributionis.

Pro ſolutione huius dubij notandum eſt, quòd in his comparationibus duobus modis poteſt ſumi ens. Primò ſecundum limitatum conceptum eiufdem prædicamenti; & hoc modo comparatum ad duas ſubſtantias, idem eſt cum ſupremo genere ſubſtantię. Secundo modo poteſt ſumi in tota ſua vniuerſalitate, prout ſignificat ſubſtantiam, & accidens. Omitto tertiam conſiderationem eiufdem, quam ponunt alij quaſi mediam inter vtramque, ita vt accipiatur pro conceptu minùs vniuerſali, eo quem habet in ſecunda acceptione; ſed magis vniuerſali, quàm ſupremum genus prædicamenti: & ita ſi eo ſuperius, quia conceptus iſte coincidit cum ſecundo, quantum pertinet ad analogiam, aut vniuocationem: nam repugnat accipi vniuerſaliùs, quàm pro rebus vnius prædicamenti, & non accipi, pro comuni aliquo modo multis prædicamentis. Idem eſt autem accipi pro duobus, ac prout eſt commune omnibus, quantum pertinet ad analogiam, aut vniuocationem, iuxta communem, & probabiliorẽ ſententiam: ergo de hac acceptione non eſt curandum.

Hoc ſuppoſito, duo aſſerit noſtra ſententia. Primum, Ens primò modo ſumptum, vniuocum eſſe reſpectu rerum eiufdem prædicamenti. Probatur; Quia idem eſt ens ita ſumptum, cum ſupremo genere eiufdem prædicamenti, ſed hoc eſt vniuocum reſpectu rerum eiufdem prædicamenti: ergo etiam ens.

Secundum eſt; Si ens ſecundo modo accipiatur in omnibus his comparationibus, eſt analogum, & non vniuocum. Quod ſic probo: Analogum in ſua propria, & integra ſignificatione prædicatur analogicè de ſingulis analogis per ſe ſumptis, vt ſantum de animali per ſe, aut de vrina, & medicina per ſe: ſed ens in ſua propria, & integra ſignificatione eſt analogum; ergo, vt analogum, prædicatur de ſubſtantia per ſe; & de quolibet accidente per ſe; & ex conſequenti de rebus eiufdem prædicamenti, vel diuerſorum prædicamentorum accidentium: ſed ſic ſumitur in ſecunda acceptione; ergo prædicatur analogicè de ſingulis analogis.

Ad arg. primę ſententię; Distinguendum eſt antecedens ſecundum diuerſas conſiderationes entis explicatas; nam ſi ſecundum primam accipiatur, verum eſt ſine attributione, aut reſpectu participari à duabus ſpeciebus eiufdem prædicamenti; ſicut participatur ſupremum genus eiufdem prædicamenti; cum quo

cum quo conuertitur : si verò accipiatür iuxta secundam , negandum est ; quia licet duæ illæ specis non participant rationem entis , cum attributione inter sese ; eam tamen participant cum attributione accidentium ad ipsas , quemadmodum verum est , ac necessarium , supremum genus earum , participare rationem entis cum attributione accidentium ad illud in hac prædicatione , *Substantia est ens* : alioqui non esset prædictio analogi formaliter . Quod patet esse falsum .

Ad rationem alterius opinionis ; Respondetur ex doctrina superius tradita ; Quòd proportionalitas nullo modo efficit per se nomen analogum : vnde eo ipso , quòd ens non prædicatur secundum attributionem , non potest prædicari vt analogum . Sed de hoc statim dicemus .

Secunda pars quæstionis.

An ens sit analogum comparatum ad ens creatum, & increatum, vel ad Deum, & creaturas.

66 **D**iuersa est hæc entis comparatio à præcedentibus ; quia non sumitur ens in sua vniuersalitate , respectu substantiæ , & accidentis ; sed respectu Dei , & creaturarum . Per creaturas verò non intelligimus accidentia : nam cum Deus sit substantia , manifestum est ex dictis in prima parte quæstionis , non posse conuenire vniuocè sub nomine entis cum accidentibus ; solum ergo intelligitur nomine creaturarum substantia creata : vnde sensus quæstionis est : An substantia creata , & increata , vniuocè conueniant sub nomine entis .

Et prima opinio asserit , *Ens ad Deum & creaturas , non esse vniuocum , sed æquiuocum* . Huius sententiæ mentionem facit D. Tho. 1. p. q. 13. art. 5. & quæst. 7. de potentia art. 7. & eam videtur tenere Aureolus in 1. d. 2. quæst. 1. (nisi fortè de æquiuoco loquitur sub communi acceptione , vt comprehendat analogum) Et potest probari : Quia entitas creata , alterius longe rationis est ab increata ; & in infinitum ab ea diuersa : ergo nihil potest habere commune cum increata , præter solam vocem . Et hoc est , nomen vtramque significans esse æquiuocum .

Secunda opinio , est Scoti in 1. d. 3. quæst. 1. & 3. asserentis , *Ens respectu substantiæ creata , & increata , habere vnum conceptum communem , & distinctum ex natura rei ab vtraque* ; sicut superius dixerat de conceptu entis ; & ideo esse vniuocum . Eum sequuntur eius discipuli .

67 **P**robatür à sufficienti diuisione ; Ens ita comparatum non est æquiuocum ; non est analogum ; ergo erit vniuocum . Probatür prima

prima pars antecedentis; Nam substantia creata non est omnino diuersa ab increata, sed ei similis: ergo non conuenit cum ea in sola voce, sed aliquo modo in entitate ipsa: quare non potest ens respectu vtriusque esse æquiuocum. Probatur secunda pars hoc modo: Ens non est analogum proportionalitatis, neque attributionis: ergo nullo modo. Antecedens probō: quia nomen ens respectu Dei & creaturarū, non significat proportionalitatem, quod necessarium est, vt sit analogum: ergo non est analogum proportionalitatis; sed nec significat attributionem: nam creatura simpliciter est ens; ergo non per attributionem ad Deum.

Tertia opinio est D. Thom. 1. p. q. 13. art. 5. Quod *Ens respectu Dei, & creaturarum, non sit æquiuocum; nec vniuocum; sed analogum.* Quam sequuntur iam ferè omnes, præsertim Ferrar. 1. contra gent. cap. 32. Sot. q. 4. antepredicam. P. F. Suarius in Met. disp. 28. sect. 3. P. Vazquez 1. p. d. 22. c. 5. in fine. & est vera & tenenda. Et quod non sit æquiuocum contra primam opinionem, efficaciter probatum est arg. secundæ opinionis. Sed probatur, quod non sit vniuocum aduersus secundam, hac ratione: Analogum est, quod non participatur æqualiter; nec simpliciter ab analogatis; sed ab vno per se primò, atque simpliciter; ab alio, vel aliis non per se primò nec simpliciter, sed cum essentiali attributione, ac dependentia ab illo: sed ita se habet ens respectu Dei, & creaturæ: ergo analogum est; & non vniuocum. Probatur minor, quia entitas conuenit Deo per se, & à se, & conuenit ei simpliciter: creaturæ verò, vt creatura est, non per se primò, nec à se, sed per participationem; & ideo non simpliciter, sed secundum quid.

Ad arg. primæ opinionis; Concesso antecedenti, neganda est 68 consequentia. Nam licet infinita sit distantia inter entitatem creatam, & incretam; aliqua tamen est similitudo, per attributionem significata: quia entitas creata est quedam participatio entitatis diuinæ. Et hoc sufficit, vt non sint omnino diuersæ, & vt respectu illarum, ens non sit nomen æquiuocum.

Ad arg. secundæ opinionis; Negandum est antecedens. Et rursus dum probatur, quod ens non significat Deum, & creaturam secundum attributionem; quia creatura est ens simpliciter, distinguendum est: Nam duobus modis potest significari creatura. Primo, nomine entis: Secundo, nomine entis creati, vt significatur comparatione Dei per nomen ens, vt commune ad ens creatum, & incretum. Et si primo modo accipiat, non significatur cum attributione ad Deum, sed absolutè: & ideo dicitur simpliciter ens: significata verò secundo modo

attribu

attributionem dicit; & ratione illius non vocaturens simpliciter, sed secundum quid, hoc est, ens per participationem. Et ex hoc habetur, quod nomen ens, ut significat ens creatum, & increatum, analogum sit, & non vniucum.

Qua analogia dicatur ens respectu substantie, & accidentis, atque etiam respectu Dei, & creaturarum.

PRima opinio est aliquorum modernorum, qui utramque analogiam proportionalitatis, & attributionis tribuunt enti, respectu substantie, & accidentis, atque etiam respectu Dei, & creaturarum. Probant hoc arg. Illud est analogum proportionalitatis, & attributionis, inter cuius analogata reperitur proportionalitas, & attributio: sed inter substantiam, & accidens; & inter ens creatum, & increatum, reperitur utraque; ergo dicetur analogum proportionalitatis, & attributionis. Probatur minor; nam verum imprimis est, quod sicut se habet substantia ad suum esse, quod participat ab ente; ita accidens ad suum, quod participat ab eodem: ergo habent inter se proportionalitatem. De attributione vero videtur manifestum; quia accidens dicitur ens per attributionem ad substantiam, & ens creatum per participationem, & attributionem, ad increatum.

69 Secunda opinio est; Non esse analogum attributionis, sed proportionalitatis tantum; quia accidens vocatur absolute ens in communi modo loquendi, & multo melius substantia creata: ergo non sunt entia per attributionem. Probatur consequentia; quia quod tale est per solam attributionem ad aliud, non dicitur tale simpliciter, sed secundum quid, ut de urina, & medicina patet.

Tertia sententia est; Non esse analogum proportionalitatis sed solius attributionis. Hæc est conformis doctrinæ D. Tho. & probabilior; ideo eam sequitur iam maior modernorum pars, sed non omnes in eodem sensu, aut propter eandem rationem eam tenent: nam quidam fatentur, non solam attributionem reperiri inter analogata, sed etiam proportionalitatem; sed hanc ideo non facere ens analogum, quia non significatur per illud; non enim significantur substantia, & accidens nomine entis in quantum quodlibet sic se habet ad suum esse, sicut alterum ad suum, licet hanc proportionalitatem habeant, & secundum eam possint concipi ab intellectu: ergo talis proportionalitas non efficit ens analogum proportionalitatis. Probatur consequentia; quia non dicuntur aliqua analogata alicuius nominis analogi; nec nomen ipsum dicitur analogum respectu

respectu illorum, nisi ea significet, ut rationem habent analogiam; sed non potest ea ita significare, nisi analogiam significando: ergo si ea non significet, ut probatum est non significare ens, non dicetur ab illa analogum, quamvis inter res significatas reperitur.

Nos verò alia via hanc sententiam defendimus. (ut superius diximus.) Fatemur enim, proportionalitatem reperiri inter utraque analogata entis, & diximus, proportionalitatem, siue significetur per nomen analogum, siue non, sufficientem non esse ad efficiendum illud analogum, quod superius agentes de speciebus analogiæ probauimus. Ideo non datur analogum proportionalitatis; nec ens tale vocari debet, sed analogum attributionis; quia sola attributio vera analogia reputanda est, & sola illa analogum facit nomen; & semper significatur per nomen analogum. Necessarium est enim analogiam significari per nomen, ut illud analogum constituat. Quod efficaciter probatum est argumento illo pro nostra sententia ab his, qui eam alia via defendunt.

Sed ad argumentum alterius opinionis distinguendum est antecedens, dum dicitur, Accidens vocari simpliciter ens, & etiam ens creatum. Nam aliquid esse, aut dici simpliciter ens, duplicem sensum habere potest. Primus est, ut sit ens intrinsece, formaliter, & non per solam denominationem extrinsecam. Et in hoc sensu verum est, accidens esse ens simpliciter, & etiam ens creatum. Alter sensus est, quod aliquid sit ens sine addito. Et hoc modo de nullo analogato minus principali prædicatur simpliciter analogum, sed de omnibus cum illo addito (secundum quid) Et ratio huius est; quia licet formaliter participet rationem analogi; hoc tamen non nisi per essentialem dependentiam, & attributionem ad principale analogatum, & ideo non nisi secundum quid. Quod ut significaret Arist. asseruit, *Accidens non esse ens, sed entis ens*. Et ita loquendum est de quocunque alio analogato minus principali cuius liber analogi; cum probatum sit, omne analogum esse attributionis. Et hoc significat etiam illud commune proloquium (*analogum per se sumptum stat pro famosiori significato*.) Cuius sensus est, quod licet omnia significet; principale tamen tantum simpliciter, & sine addito. Quare dum absolute præfertur analogum, pro eo tantum supponit.

Et si dixeris, ex hoc sequi, hanc propositionem esse veram: *Omne ens est substantia*; imò esse identicam, quod sic probatur: Ens absolute sumptum solum supponit pro substantia; ergo subiectum, & prædicatum idem sunt. Respondeo, neutrum sequi

sequi. Non primum, quod propositio sit vera, quia analogum absolute sumptum semper significat omnia sua analogata; sed pro solo primo stare dicitur, si per se accipiatur; quia reliqua non sunt talia sine addito: in subiecto autem illius propositionis, *Omne ens est substantia*, non sumitur absolute, aut per se ens sed cum addito distributionis, quæ in nomen analogum fertur, secundum significationem analogi; & ideo in omnia analogata. Quare sicut non pro solo principali distribuitur, sic non pro solo illo supponit, & ideo non est vera propositio, quia prædicatum solum continet vnum analogatum, subiectum verò distributiuè omnia: & hæc est ratio, propter quam non potest verificari de subiecto. Quod verò non sit identica, ex eodem est manifestum, cum plus significet subiectum, quam prædicatum; atque etiam ex alio, quia licet subiectum solum pro substantia supponeret, non significat eam expressè ac distinctè, sed confusè tantum, & in prædicato significatur distinctè, & expressè: diuersus autem modus significandi prædicati, & subiecti sufficit, vt propositio non sit identica.

72. Ad argumentum primæ opinionis dupliciter responderetur. Primò; distinguendo antecedens. Nam duobus modis potest reperiri proportionalitas inter analogata. Primò, ita vt per nomen analogum significetur: & si ita reperiretur, sufficeret facere illud analogum: alio modo reperitur non significata, sed quam potest intellectus in eis concipere; & sic non facit nomen analogum. Et hoc modo non solum in analogis, sed in equiuocis, & vniuocis reperitur: primo verò modo in nullis; sed si imponeretur nomen aliquod, à quo significarentur analogata, vt habent proportionalitatem, ex ea sola esset analogum. Sed per nomen ens non significatur; & ideo non probatur, quod sit analogum attributionis.

Secundò, responderetur negando absolute antecedens; quod proportionalitas ex se, siue significata, siue non significata, efficiat nomen analogum: vnde licet reperiat inter significata entis, non sequitur esse analogum proportionalitatis.

Ad argumentum secundæ, distinguendum est antecedens. Nam si ens simpliciter idem sit, quod ens intrinsecè, & formaliter, verum est; si verò simpliciter sumatur prout distinguitur contra secundum quid, falsum est, vt probauimus; & cum ex attributione proueniat, quod minus principalia analogata nō dicantur talia, nisi secundum quid; non probatur, quod ens non sit analogum attributionis.

Utrum accidens sit vniuocum ad nouem predicamenta accidentium, vel analogum.

MAior difficultas est de accidenti respectu omnium accidentium; An sit vniuocum, vel analogum. In qua præsupponendum est primò, quæstionem non procedere de accidenti vniuersalissimè sumpto, prout est commune ad accidentia realia, & rationis; nam sic certum est, esse analogum, cum accidentia rationis non sint accidentia, nisi per similitudinem, & attributionem ad accidentia realia; quare non potest abstrahi ab utrisque conceptus communis vniuocus. Secundò, certum est, nec etiam procedere de accidenti reali, prout significat tam accidentia intrinseca, hoc est, verè inhærentia in subiecto, quàm extrinsecas denominationes reales; vt dexteritatem & similes, quæ passim reperiuntur in sex vltimis prædicamentis, (quamuis ego non intelligam, ex sola denominatione extrinseca posse fieri prædicamentum reale, vt suo loco probabo.) Nam denominationes istæ non sunt vera accidentia, sed solum per attributionem, & similitudinem ad ea, quæ inhærent subiecto, dicuntur: vnde respectu omnium, non potest accidens esse vniuocum. Sed solum loquimur de accidenti reali, prout significat ea solum, quæ inhærent subiectis; de quo inquirimus, An sit vniuocum, vel analogum.

Et prima opinio asserit esse vniuocum. Ita Sotus quæst. 2. 73 antepredicamentorum, & plures moderni: sed differunt à Soto in eo, quòd ita asserunt esse vniuocum, vt etiam sit genus, constituens vnum prædicamentum omnium accidentium; sicut substantia constituit vnum prædicamentum omnium substantiarum: Sotus verò negat esse genus.

Duo possunt probari pro hac sententia. Primum, quòd accidens non sit analogum. Secundum, quòd sit vniuocum. Et hoc secundum eisdem prorsus argumentis probari solet, quibus probatum est superius ens esse vniuocum; & ideo non sunt hoc loco repetenda, sed solum probabitur primum ex definitione analogorum. Analoga sunt, quorum nomen est commune, ratio verò substantiæ, nec omnino eadem, nec omnino diuersa: sed ratio accidentis omnino est eadem: ergo non est analogum, sed vniuocum. Probat minor: Ratio accidentis est, Esse in subiecto; sed Esse in subiecto, non solum formaliter & intrinsecè conuenit omnibus accidentibus, sed etiam æqualiter & simpliciter; ergo non est diuersa in eis, sed eadem.

Huic argumento solet responderi: Quòd licet accidentia non dicantur per attributionem ad vnum accidens; tamen omnia

omnia dicunt attributionem ad substantiam, & intrinsecam dependentiam ab ea. Et hæc sufficit vt inter sese dicantur analogicè sub nomine accidentis. Sed probatur hoc non sufficere, duplici ratione. Primò, quia vt attributio constituat analogiam, inter significata analogata versari debet, sicut analogia ipsa: sed substantia non est analogatum accidentis, cum non significetur eo nomine; ergo attributio accidentium ad illam, non constituit accidens analogum, sed solum ens, à quo significantur omnia.

Secundò, attributio ab substantiâ æquè primò conuenit omnibus accidentibus, atq; etiâ intrinsecè, & formaliter; ergo vniuocè conueniunt in ea; sed secundum talem attributionem significantur nomine accidentis; ergo vniuocè, & non analogicè significantur.

Secunda opinio tenet, *Accidens non esse vniuocum, sed analogū.* Ita Soncinas 4. Metaph. q. 1. ad 1. Caie. de ente, & essentia, c. 7. q. 15. ad 4. P. Franciscus Suarius in Meta. dispu. 59. q. 3. Pater Vazquez, 1. p. d. 14. c. 2. Fonseca 5. Meta. c. 7. q. 2. sect. 4. & hæc est probabilior, & tenenda.

Sed diuersis modis probatur à diuersis. Ratio aliquorum est, proportionalitas, quæ reperitur inter accidentia. Quia sicut vnum se habet ad suum esse, quod ab accidenti participat, sic se habet aliud. Et hæc sufficit, vt accidens sit analogum respectu omnium. Sed hæc ratio insufficiens est, nam vt superius probauimus, proportionalitas non significatur per nomen, & ideo non sufficit illud facere analogum, & etiam si significaretur, non sufficeret.

75 Ideo alij, qui solam attributionem veram constituere analogiâ, nobiscum sentiunt, dicunt reperiri attributionem inter accidentia, quia omnia dicuntur talia in ordine ad quantitatem, ratione cuius inhærent subiecto. Sed hoc probatur falsum. Quia nullum accidens spirituale inhæret subiecto media quantitate, neque enim omnia accidentia sunt corporea: nam generatio substantialis inhæret materiæ primæ ante quantitatem, & relatio totius substantialis ad materiam, & formam, & relatio materiæ, & formæ inter sese; ergo falsum est, quòd dicantur per attributionem ad quantitatem.

Alij denique probant accidens non esse vniuocum. Quia saltem respectu accidentis absoluti, & relatiui, non potest habere rationem vniuocâ: nam vel conceptus abstractus ab utroque est absolutus, vel relatiuus. Non absolutus, quia non conueniret inferiori accidenti relatiuo. Nec potest esse relatiuus, quia nõ cōueniret inferiori absoluto; ergo nec potest esse vni-

Q uocus.

uocus. Et si dicas, nec esse relatiuum, nec absolutum; sed abstrahere ab vtraque ratione, vt abstrahunt cætera vniuoca à particularibus rationibus vniuocatorum. Probatur hoc esse falsum; quia si talis conceptus abstrahit à relatiuo, & absoluto, eo ipso debet esse absolutus. Nam si abstrahit à relatiuo; ergo iam non respicit terminum: sed quod non respicit terminum, est absolutum; ergo talis conceptus absolutus erit; & non abstrahet ab absoluto, & relatiuo.

Hæc tamen ratio insufficiens mihi videtur; quia non probat talem conceptum non posse abstrahere ab absoluto, & relatiuo; & ideo non probat quod vniuocus esse non possit. Nam dicam ego relationem duplicem conceptum habere. Primum, quo respicit subiectum; & hic est ei communis cum accidentibus absolutis. Secundum quo respicit terminum; & iste est conceptus specialis, quo distinguitur à cæteris prædicamentis, & per primum conceptum non respicit relatio terminum, sed per secundum. Dum autem sic arguitur; Ille conceptus non respicit terminum: ergo est absolutus, neganda est consequentia; quia medium dari potest inter conceptum absolutum, & respicientem terminum; & tale medium est conceptus abstrahens ab absoluto, & relatiuo; qui nec respicit terminum; nec excludit respectum ad terminum, sed solum dicit rationem communem, contrahibilem per respectum ad terminum, & per rationem absolutam; quæ non solum non dicit respectum ad terminum, sed eum excludit; quem non excludit conceptus communis, abstrahens à relatiuo, & absoluto. Non ergo probatur illa ratione, quod accidens non possit esse vniuocum.

Vt igitur hoc efficaciter proberur; Annotanda est doctrina D. Th. 1. p. q. 13. art. 5. vbi de analogis loquens ait: *Nomen analogum duobus rebus significare attributionem vnius ad alterum, vel multorum ad vnum.* Et ponit exemplum vtriusque in sano; quod analogum est attributionis, respectu medicinæ, & animalis per attributionem vnius ad alterum. Nam medicina dicitur sana; quia est causa sanitatis animalis: sed idem sanum dicitur analogicè respectu vrinæ, & medicinæ; non quia vnum horum habeat attributionem ad alterum; sed quia vtrumque dicitur tale per attributionem ad tertium, nempe ad animal, vrina quidem tamquàm signum sanitatis eius; medicina verò tamquàm causa.

Ex hac doctrina applicata ad propositum colligi potest argumentum efficax, ad probandum accidens esse analogum. Nam vterque modus attributionis, nempe vnius ad alterum, vel multorum ad vnum, efficit nomen analogum: sed in accidentibus reperitur secundus modus attributionis; ergo accidens erit

analogi attributionis, respectu eorū, sicut sanū respectu vrinæ, & medicinæ. Probatur consequentia; quia omnia accidentia significantur cū intrinseca attributione ad substantiā: Sed contra hoc sic argum. Nā in primis videtur nō bene colligi argum. ex doctrina D. Th. neq; habere vllā vim ad probandum analogiā accidentis, quia D. Th. vtrumq; illum modum attributionis assignat: inter significata eiusdē nominis, sani, nēpe animal, vrinam, & medicinam. Et ita significari necessarium est, vt probat hoc arg. Analogia solum reperitur inter significata eiusdē nominis analogi, & nō inter significata diuersorum nominum, vt ex definitione cōstat: *Analogi sunt, quorum nomen est cōmune*, &c. Sed nōnue accidentis nō significatur substantia, sed sola accidentia: ergo attributio inter hæc versari debet, vt efficiat nomen accidentis analogum, ita vt attributio sit vnius ad alterū, vel multorū ad vnū per tale nomen significatū. & nō sufficit esse inter illa, & substantiam; nō significatam eodem nomine.

78 Quod confirmari potest, & declarari simul; nam attributio accidentiū ad substantiā, facit quidē analogiā attributionis multorū ad vnū in ente, a quo significatur omnia, sed nō potest facere analogiā in accidente, a quo nō significatur omnia, sicut nō facit analogiā in nomine, substantia, licet sit vnū analogatum entis cum accidentibus: & ob id solum attribuatur ei accidentia, quōd nomine substantiæ nō significatur: Non ergo videtur hac via efficaciter probari, quōd accidens sit analogum. Probatur minor: quia ex eo quōd accidentia attribuantur substantiæ, solum sequitur, quōd nō sint entia simpliciter, nō verō, quōd nō sint accidentia simpliciter; ergo talis attributio ad substantiam facit analogiam in ente, a quo significatur omnia, nō in accidente. Probatur consequentia, quia necessarium est in omnibus analogis, vnum esse tale simpliciter, aliud, vel alia secundum quid.

His tamen non obstantibus, expressa mens D. Thom. est, *sufficere talem attributionem ad analogiam*, quia nō possunt distinguī duo illi modi attributionis vnius ad alterum, & multorū ad vnum, vt eos distinguit D. Thom. nisi duobus etiam modis accipiat, sanum, in quo vtrumque contineri affirmat. Primo quidem respectu solius medicinæ, & vrinæ; deinde respectu solius medicinæ, & animalis; nam si respectu omnium sumatur, necesse est plura attribui eidem: ergo nō habet locum attributio secunda, quæ est vnius ad alterum. Probatur consequentia: quia impossibile est, sumere ens in ordine ad decem predicamenta, & constituere in eo attributionem vnius ad alterum, sed solum est multorū ad vnum: quia

attributio vnus ad alterum, inter duo tantum potest reperiri, non inter multa, nisi omnia sumantur pro vno: ergo impossibile est constituere in sano, attributionem vnus ad alterum, hoc est, medicinæ ad animal, nisi sumendo illud, prout solum significat hæc duo; & ex consequenti constituitur alius modus attributionis distinctus, qui est multorum ad vnum, accipiendo idē nomē prout ea tantum significat, quæ attribuuntur tertio.

Sed ratione probatur, sufficere talem attributionem multorum ad vnum, etiam si illud vnum non significetur per idē nomē, quia quando attributio multorum ad vnum intrinseca est eis, vt per tale nomen significantur, vera est attributio & per nomē significata, licet nō significetur per nomen illud vnum, ad quod est attributio, non minus, quam si per nomen significaretur: ergo non minus efficit nomen analogum. Probatur consequentia ex definitione analogorum: quia tale nomen significat plura in quantum habent attributionem; ergo est analogum: deinde quia attributio significata per nomen, vera est analogia: & ea quæ cum tali attributione significantur, vera analogata, impertinens igitur est, per nomen significari illud, respectu cuius est attributio.

Ad objectionem principalem propositam respondetur, negando imprimis, quod hæc analogia non sit ex mente D. Tho. deinde negando etiam, quod vtrumque modum attributionis vnus ad alterum, & multorum ad vnum, ponat D. Th. inter ea tantum, quæ significantur eodem nomine. Nam expressè asserit, *sanum respectu vrinae, & medicina, esse analogum attributionis multorum ad vnum*: sed respectu medicinæ, & animalis, attributionis vnus ad alterum: ergo non sumit sanum vt significat omnia. Nec id reputat necessariū, sed vt significat minus principalia cum attributione ad principale, etiā non significatum. Probatur consequentia: quia si illud accipiat secundum integram significationem omnium, non potest vtrumque modum attributionis distinguere: quia attributio vnus ad alterum, non est nisi inter duo. Præterea D. Th. expressè docet, quemlibet modum attributionis, per se facere analogiam, sed modus attributionis multorum ad vnum, reperitur in analogatis, etiā si illud vnum non significetur per nomen, vt iam probaui: ergo sufficit nomen analogum facere.

Ad arg. verò distinguendum est antecedens: quia *modus attributionis, efficiens nomen analogū, duplex est*, vt asserit D. Tho. *vel vnus ad alterum*; & secundum hunc modum attributionis non potest esse analogia, nisi vtrumque significetur eodem nomine: vel multorum ad vnum, & modus iste, reperitur quidem

quidem inter significata eiusdē nominis, sed quia est in ordine ad tertium, vtroque modo contingit; nempe ad tertium significatum eodem nomine, vel diuerso. Et ratio huius est; quia cum ea quæ attribuuntur alteri, sint multa; potest talis attributio adæquatè, atque completè significari per nomen commune omnium; vel quasi inadæquatè, & partialiter, quod est, quasi diuidi in totalem, & partialem. Et ita est in sano, atque etiam in ente, & accidente; nam sanum potest accipi in sua integra significatione, & tunc efficit quasi cōpletā analogiā: vel potest coarctari ad solā analogatā minùs principalia; & efficit quasi incompletam, aut partialem, sed sufficientem; quia cum attributio ad principale, sit eis intrinseca, non possunt sine illa significari; significata autē cū attributione non possūt, nisi analogicè significari. Probatur efficaciter; quia vniuocis repugnat significari cū attributione ad principale analogatū, cū quo apta sūt, analogiā facere: ergo analogata sūt, siue eodē nomine significetur principale, siue diuerso: analogia quidē quasi inadæquata, & partialis; cum tamen ex modo, quo significantur, apta sint efficere analogiā completam, sub nomine vniuersaliori, quo significantur omnia; & hoc modo intelligenda est analogia accidentis. Secundò possemus etiam respondere, aliquo modo significari substantiam nomine accidentis, non in recto, sed in obliquo; quia *accidens idem est ac entis ens*, vt dixit Arist. id est, ens substantiæ: sufficit autem ita significari, vt attributio accidentium ad substantiam, aliquo modo dicatur esse inter significata eiusdē nominis analogi: atque etiam vt aliquo modo nomen accidentis sit commune accidentibus, & substantiæ.

81 Nec contrarium est hōc definitioni analogiæ, quæ dicitur nomen analogum cōmune esse analogatis; nam commune est nomen his, quibus conuenit attributio; licet non sit commune ei, ad quod habent attributionem; quia hoc non est analogatum talis nominis, sed illa tantum.

Ad cōfirmationem negandū est antecedens, quod attributio accidentium ad substantiam, solū efficiat analogiam in ente, & non in accidente, sed dicendum in vtroque eam efficere; quia per vtrumque nomen significatur: sed in ente efficit quasi completam, & totalem; in accidente verò incompletam, & partialem; quia intrinsecè præsupponit illam & intrinsecè ab eā dependet. In nomine autem substantiæ, non fit analogia; quia nec substantia habet attributionem ad accidentia, nec etiam si haberet eam, significaretur eō nomine, vt superius probatum est.

82 Aliud tandem quod in eadem cōfirmatione dicitur; attributio

tributionem accidentium ad substantiam solum efficere, quod sint entia secundum quid, non verò quod sint accidentia secundum quid, concedendum est, neganda tamen consequentia, quod non efficiat analogiam sub nomine accidentis. Nam ad analogiam attributionis non requiritur necessariò, quod analogata, vel aliquod eorum sit tale secundum quid, sub particulari nomine, quo ea tantum significantur, sed sufficit, quod sint talia secundum quid respectu eius, ad quod attribuuntur: nam ex hoc habetur esse analogata cum eo, sub nomine vniuersaliiori, completa, & totali analogia, & consequenter analogia incompleta, ac dependenti sub particulari nomine, quo significantur, sub quo non est necessarium, dici talia secundum quid. Sed illud esse secundum quid, quod habent ex propria natura, dicitur de eis simpliciter, vt significantur particulari nomine, & ideo sub eo dicuntur talia secundum quid simpliciter. (vt sic loquamur) Et hoc patet in accidentibus: nam dici accidentia simpliciter secundum quid, non est aliud, quam dici simpliciter entia secundum quid, quod etiam de sano dicitur respectu solius medicinae, & vrinae. Imò ex hoc satis clarè intelligitur, vtroq; nomine analogicè significari, cum vtroq; nomine significantur cum attributione, & propter eandem attributionem, cum qua significantur, fit vt sub vtroque nomine significata, dicantur talia secundum quid formaliter; vel præsuppositiue, præsuppositione eis intrinseca, quæ omnia vniuocis repugnât. Et si tandem obiiciatur, Omnes potentias ordinari ad obiectum: & hoc non sufficere vt potentia in communi, sit analogum ad illas: Respondeo, non dicere ordinem attributionis, sicut accidentia ad substantiam, sed specificationis tantum, & ideo non esse analogata.

An necesse sit accidens esse genus, si sit vniuocum.

Multi ex his, qui tenent accidens esse vniuocum, negant esse genus, vt Iauellus, & Sotus vbi supra, sed non assignant eandem rationem. Nam Iauellus ait, ideo non esse genus, quia non est extra rationem differentiarum & modorum: sed cum transcendens sit, in eis necessariò includitur, at hoc est contra rationem generis, quod, vt supra probauimus, debet esse extra rationem differentiarum, alioqui non poterit per eas contrahi. Hæc tamen ratio insufficiens est, quia, vt superius probauimus, non potest accidens includi in modis intrinsecis, & vltimis differentiis, quin eas etiam in se includat actu, licet confuso, cum sint entitates quædam accidentales: sed eas includens non potest habere conceptum ab eis abstractum, vt constat: ergo

ergo neque vniuocum. Probatur consequentia; quia talis conceptus nō abstrahit à diuersitate. sed eam includit; ergo nō est vniuocus; si non sit genus.

Secunda opinio est Soti asserentis, *Ideo accidens non est genus, licet sit vniuocum; quia genus pertinet ad quidditatem specierum; sed accidens non significat quidditatem accidentium, sed esse eorum in substantia; ergo non est genus.* Hoc autem probatur falsum duplici ratione. Prima; quia non minus pertinet ad rationem vniuoci, esse de quidditate inferiorum quàm ad rationem generis; si ergo accidens idē non est genus, quia non dicit quidditatem accidentium; sequitur eadem ratione non esse vniuocum. Probatur maior ex definitione vniuocorum. *Vniuoca enim sunt, quorum nomen est commune, ratio verò substantia eadem.* Per rationem autem substantia intelligit Aristoteles & omnes, definitionem, vel conceptum quidditatum, in his quæ definitione carent; ergo repugnat aliquid esse vniuocum, & non esse de quidditate inferiorum.

Secunda; quia falsum est, quod accidens non dicat quidditatem accidentium; quod sic probo: Ens pertinet ad quidditatem entium particularium, & diuiditur, vt tale, in substantiam, & accidens, tamquam in membra opposita, & adæquata rationi eius: sed substantia dicit quidditatem substantiarum inferiorum; ergo accidens quidditatem inferiorum accidentium.

Nostra igitur sententia est; Non posse accidens esse vniuocum, quin eo ipso sit genus omnium accidentium, vnde qui asserit vniuocum esse, consequenter dicere debet esse genus. Probatur; quia nulla potest assignari ratio sufficiens excludendi vniuocum à ratione generis, vt probatum est ex refutatione aliarum opinionum.

An saltem respectu aliquorum accidentium, aut predicamentorum, possit esse accidens vniuocum.

86 **P**rima opinio tenet; *Accidens respectu aliquorum accidentium, vt quantitatis, & qualitatis, aut etiam ceterorum inuiscerum, esse vniuocum.* Ita Pater Franciscus Suarius in Meta. disp. 39. sect. 3. numer. 15. & probat hoc arg. Accidens respectu horum non est analogum proportionalitatis, nec attributionis: ergo nullam habet analogiam, sed est vniuocum. Euidens est consequentia; quia nullus ponit plures modos analogiæ. Sed probatur antecedens; quia analogia proportionalitatis nullā habent conuenientiam intrinsecā, vt patet de risu hominis, & prati: sed accidentia hæc, habent conuenientiam

intrinsicam, cum omnia inhæreant realiter subiecto: ergo non potest esse analogum proportionalitatis accidens respectu eorum. De analogia verò attributionis probat; quia nullum accidens horum dicitur tale, per attributionem ad alterum, ut satis est manifestum: ergo accidens respectu eorum non est analogum attributionis.

Nostra tamen sententia opposita est, quòd *nec respectu horum accidentium possit accidens esse uniuocum, sed analogum.* 87 Probat duplici ratione. Prima, quia sicut accidens respectu omnium accidentium, non potest abstrahi à modis intrinsicis eorum: ita nec respectu accidentium intrinsicorum, potest abstrahi à modis eorum; ergo sicut non est uniuocum, sed analogum respectu omnium; ita nec respectu horum. Probat antecedens; quia idèò respectu omnium non potest abstrahi à modis, quia modi non sunt aliud quàm entitates quædam accidentales, expressius significatæ; & propterea necesse est, ut sub significatione vniuersali accidentis, actu, licet confuso, comprehendantur. Quo supposito, conceptus accidentis nec abstractus, neque vnus esse potest; sed eodem modo se habet ad intrinsicam, si cum illis solis comparatur, ut ex se patet: ergo nec respectu eorum potest esse uniuocum.

Quòd verò sit analogum, eadem ratione probatur, qua probauimus esse analogum respectu omnium; quia intrinsicæ accidentia, significant cum attributione ad substantiam; sicut sanum, si respectu sanorum extrinsecorum, quæ sunt vrina, & medicina, solum accipjatur; ergo continet modum attributionis multorum ad vnum, sufficientem ad efficiendum nomen analogum; ut probandum est.

Ad argumentum alterius sententiæ, negandum est antecedens; quòd accidens respectu intrinsicorum non sit analogum attributionis. Quia licet nō significet ea cū modo attributionis vnus ad alterum; bene tamen cum attributione multorum ad vnum, nempe ad substantiam, cuius aliquid sunt, & ut aliquid eius significantur ut de accidenti respectu omnium diximus.

Ex quibus sequitur, quia analogia accidens sit analogum, tam respectu omnium accidentium, quàm solum respectu intrinsicorum; nempe analogia attributionis multorum ad vnum.

An verò respectu accidentium completorum uniuocum esse possit, vel etiam sit analogum; eodem modo respondendum est, & eisdem rationibus probandum, quòd non sit uniuocum, sed analogum, quibus probatum est de ente in ordine ad sola entia incompleta. Et hæc sint satis de analogia nominum.

C A P V T I I.

De diuisione eorum, quæ dicuntur & sunt.

T E X T V S A R I S T.

Eorum quæ sunt, alia de subiecto aliquo dicuntur, in subiecto uero nullo sunt, &c.

Textus expositio.

Intentum Aristotelis est tradere duas diuisiones; unam eorum quæ dicuntur; aliam, eorum quæ sunt; in hoc tantum agit in toto capite, quod ideo non eget diuisione.

Prima diuisione non est rerum, sed uocum, ut significant res; quia complexio non conuenit rebus, sed uocibus, ut eas significant. Afferit ergo Arist. *Ea quæ dicuntur: quadam cum complexione, alia sine complexione dicuntur.* quasi dicat, uoces quæ significant res alias esse complexas, ut homo albus; alias, incomplexas, ut color, aut animal. Quod idem est, ac si dicatur: quædam esse simplices; alias compositas.

Secunda diuisione rerum est. Sed ut intelligatur, notari debet: quod *Esse in subiecto, & dici de subiecto*, particulari quodam modo sumuntur ab Arist. in hoc capite. Nam esse in subiecto, sumit pro uera, & reali inhærentia in eo; & dici de subiecto, tanquam de quidditatiuè inferiori; ut animal de homine. & homo de Petro.

Hoc supposito, diuisio talis est: Eorum quæ sunt, quædam de subiecto dicuntur, & in subiecto non sunt; ut homo, qui dicitur de Petro; non est tamen in eo per realem inhærentiam, sed substantialiter; idè non ut in subiecto. *Alia in subiecto sunt, sed de nullo subiecto dicuntur;* ut accidentia singularia: nam hæc albedo in pariete inhæret, sed de nullo subiecto dicitur, quia non habet inferiora quidditatiuè, de quibus prædicari possit; licet accidentaliter dicatur de pariete, & aliis corporibus. *Alia de subiecto dicuntur, & in subiecto sunt;* ut accidentia abstracta à suis inferioribus, nempe genus à speciebus, & species ab indiuiduis; color enim de albedine, & nigredine dicitur, & in pariete, & homine inhæret. *Alia denique sunt, quæ nec sunt in subiecto, nec dicuntur de subiecto;* ut singulares substantiæ, Petrus & Ioannes.

CAPVT III.

De regulis prædicatorum essentialium.

TEX. ARISTOT.

Quando alterum de altero prædicatur ut de subiecto, quacunque de eo, quod prædicatur, dicuntur, omnes etiam de subiecto dicuntur.

Textus expositio.

Intentum Arist. est tradere duas regulas prædicatorum essentialium, & hoc tantum agit in toto capite. Prima regula est, *Quando aliquid prædicatur de aliquo tanquam de subiecto, hoc est, tanquam de quidditate inferiori quacunque dicuntur de prædicato, necesse est prædicari de subiecto.* Ita se habent quæcunque prædicata, posita in recta linea prædicamentali; ut animal prædicatur de homine, & leone, ideo quæcunque prædicantur de animali, necesse est prædicari de homine.

Secunda regula obscurior est, & sic habetur in translatione Boetij: *Diuerforum generum, & non subalternatim positorum, diuersa sunt specie differentia; ut animalis, & scientiæ. Si verò subalternatim ponantur, easdem differentias habere possunt. Ut animal, & viuens, eandem habent differentiam; quia differentia viuensis includuntur in animali.*

QVÆSTIO VNICA.

An genera non subalternatim posita, possint habere aliquam differentiam communem.

Dvas habet partes quæstio hæc. Prima quærit, quid intelligat Arist. per genera subalternatim posita, & non subalternatim posita. Secunda, an possint habere aliquam differentiam communem.

Prima pars quæstionis.

Circa primam partem duæ sunt opiniones. Prima asserit, genera subalternatim posita ea solum esse, quorum vnum collocatur sub altero; ut animal, & viuens; & non subalternatim posita ea, quorum vnum non est sub altero; sed ambo sunt sub tertio; ut animal, & planta; vel etiam, quæ nec vnum sub altero, nec ambo sub tertio, ut sunt ea, quæ in diuersis prædicamentis collocantur, qualia sunt animal, & scientia. Ita Sotus in expositione huius regulæ.

Probat duobus testimoniis Arist. Primum est in hoc capite, ubi secundum translationem Argyropoli vocantur genera subalternatim

alternatim posita ea, quorum vnum est sub altero: & non *subalternatim posita*, quorum vnum non est sub altero. Alterum testimonium, habetur pri. lib. Topicorum, cap. 13. vbi genera subalternata vocat Arist. *subalternatim posita*; sed genera subalternata sunt, quorum vnum est sub altero; ergo non *subalternatim posita* erunt illa, quorum vnum non est sub altero, licet vtrumque sit sub tertio.

Probat deinde ratione; quia si per genera *subalternatim posita*, non solum intelliguntur ea, quorum vnum non est sub altero, sed etiam illa, quae sunt sub tertio; sequitur, genera non *subalternatim posita*, ea solum esse, quae in diuersis pradicamentis sunt, de quibus euident est, non posse habere differentiam communem, cum sint in diuerso gradu essendi; quare nihil difficultatis habere regula haec. Quam tamen difficultent efficiunt omnes interpretes.

3 Nostra sententia est, Per genera non *subalternatim posita*, intelligi non solum ea, quorum vnum non est sub altero; sed etiam quae sunt sub tertio. Et ideo non *subalternatim posita*, ea solum esse, quae in diuersis pradicamentis sunt.

Probat expresse testimonio Arist. 6. lib. Topicorum, ca. 2. loco 41. vbi duo asserit. Primum; Genera *subalterna* non solum appellari ea, quorum vnum est sub altero; sed etiam quae sunt sub tertio. Secundum; Genera illa quae sunt sub tertio, habere differentiam communem; vt animal gressibile, & animal volatile, habent bipede pro differentia communi. Ex quo sequitur, quod vel non dicantur non *subalternatim posita*; vel falsa sit regula Aristotelis, quod genera non *subalternatim posita*, non possunt habere differentiam communem.

Deinde probatur ratione. Primo; quia genera non *subalternatim posita*, ex Aristot. non possunt habere differentiam communem; sed ea quorum vnum non est sub altero, sed ambo sub tertio, habent differentiam communem: ergo non dicuntur non *subalternatim posita* ab Aristotele. Probat minor; quia quantitas diuiditur in successiuam, & permanentem, tanquam in duo genera, quorum vnum non est sub altero, & habent differentiam communem: nam differentia continui, communis cum vtrique atque etiam differentia discreti, si quidem, tam quantitas permanens, quam successiua diuiditur in continuam & discretam.

Secundo; quia eadem sunt genera *subalterna*, & *subalternatim posita*; sed ea quorum vtrūq; est sub tertio, sunt *subalterna* respectu illius; cum vtrumq; sit sub eo: ergo erunt *subalternatim posita*.

Ad primum testimonium responderetur; Quod cum diuerso modo

modo habeatur in diuersis translationibus; per aliud expressū à nobis citatum, explicari, & intelligi debet. in quo non potest esse dubium nostram sententiam contineri.

Ad aliud testimonium dicimus, *genera subalternatim, aut subalternatim posita*, vtraque comprehendere; nempe ea, quorum vnum est sub altero; & quorum ambo sunt sub tertio.

Ad arg. Concedendum est antecedens cum consequentia, & dicendum: Quod regula Aristotelis, quantum ad hanc partem, clarissima est, si per alia testimonia expressa eiusdem intelligatur; eam verò difficilem fecerunt, qui prædicta testimonia non viderunt.

Secunda pars quæstionis.

Secunda pars quæstionis quærit, *An genera non subalternatim posita, possint habere differentiam communem*. Quod vt melius intelligatur notandum est, duplicē esse differentiam; Constitutiua, & Diuisiua; Superiorem etiam, atque Inferiorem: Vt sensibile est constitutiua animalis, & diuisiua viuentis; & corporeum est differentia superior respectu viuentis; sensibile verò inferior respectu eiusdem. Intelligitur ergo quæstio de inferiori diuisiua; nam de superioribus non est dubium, quin possint esse communes. Circa quam est prima opinio Soti asserentis, *Genera non subalternatim posita, quorum vnum est sub altero in eodem predicamento, sed vtrumque sub tertio, non posse habere differentiam communem*; & multo minus genera diuersorum predicamentorum. Quem etiam sequuntur alij, etiam si nobiscum dicant, hæc esse subalternatim posita.

Probant duplici testimonio Aristo. i. lib. Topic. cap. 2. loco 22. vbi affirmat, *De pluribus predicari genus, quàm differentiam*. Secundum habetur i. li. de partibus animalium, cap. 3. vbi dicit *Tot esse differentias, quot sunt species*: sed si eadem differentia duobus generibus, quæ sunt sub tertio, communis sit, vtrumque erit falsum; ergo non est admittendum. Probatur minor; nā si eadem differentia diuisiua viuentis, communis est duabus speciebus subalternis, sub eo contentis; cum de illis prædicetur genus, prædicabitur etiam hæc differentia communis; & ideo non prædicabitur differentia de paucioribus, quàm genus. Et præterea, in minori numero erunt differentia, quàm species; cum vna differentia sit communis duabus speciebus.

Probant deinde ratione; Quia sicut repugnat idem indiuiduum esse sub duplici specie; ita repugnat eandem speciem esse sub duplici genere: sed si eadem differentia Diuisiua sit communis duobus generibus, sequitur eandem speciē contineri sub duplici

duplici genere: ergo impossibile erit. Probatur minor; Quia differentia Diuisiua generis constituit speciẽ sub eo, vt rationale diuidens animal constituit hominem sub eo; ergo si animal, & planta habent differentiam communem, talis differentia constituet speciem sub vtroque genere; & eadem erit species animalis, & plantæ, quod absurdum est.

Secunda opinio tenet; *Genera non subalternatim posita, non semper, aut necessario habere differentiam communẽ; sed aliqua posse eam habere.* Et hæc est probabilior & tenenda. Et explicatur duabus conclusionibus. Prima; Genera subalternatim posita, quorum vnum est sub altero, habent omnes differentias Constitutiuas superiorum generum communes, & Diuisiuas, aliquas, non tamen omnes. Exempli gratia; *Animal & viuens, habent differentiam Diuisiuã substantia communem, vt corporeum; & etiã Constitutiuam corporis; sed neutrum habet differentiam Constitutiuam alterius, quã Diuisiua est proximi generis.* Ita Arist. in vltimis verbis huius capituli. Et colligitur euidenter ex prima regula huius capituli; quia si genus superius, prædicatur de generibus inferioribus, quæ sunt species subalternæ; sequitur de eisdem prædicari differentiam Constitutiuam eiusdem generis superioris, quæ illud constituit, & de illo prædicatur.

Secunda conclusio; Genera non subalternatim posita secundum primam opinionem; quorum vnum non est sub altero, sed vtrumque sub tertio, easdem differentias Constitutiuas superiorum generum habent communes, & aliquam Diuisiuam superioris generis, possunt habere communem, licet non necessario, nec semper habeant: sed genera diuersorum prædicamentorum, quæ sola dicuntur non subalternatim posita, nullã. Prima pars huius conclusionis euidentis est in animali, & planta quæ habent differentiam Diuisiuam, & Constitutiuam corporis communem. Secunda verò, expressa est apud Arist. 6. Topic. ca. 2. loco 41. vbi eam probat hac ratione: *Animal diuiditur in gressibile, & volatile, tãquam in diuersas species subalternas, & ideo in diuersa genera, quæ sub se habent alias species, & tamen vtrique generi, communis est, differentia bipedis; ergo duo genera, non subalternatim posita, communem habent differentiam Diuisiuã superioris generis.* Vtitur autem Aristoteles his differentiis loco essentialium, quas ignoramus. Et confirmatur; Quia quantitas diuiditur in successiuam, & permanentem, tanquam in diuersas species subalternas; quarum vna non est sub altera, sed vtraque sub tertia; & habent communes differentias continui, & discreti. Si autem dicatur, quæ sit ratio propter quam non semper, nec necessario habeant talia genera differentiam commu

communem, sed aliqua habeant illam, & alia non: Respondetur, rationem esse; quia aliqua sunt magis similia aliis; & ideo possunt habere maiorem convenientiam.

Pro solutione argumenti, notandum primò; Quòd differentia communis, quam habent aliquando illa genera, quorum vnum non est sub altero, sed vtrumque sub tertio; eo ipso, quòd communis est, non est vltimate Constitutiua eorum, quia differentia vltimate Constitutiua, distinguit speciem, quam constituit, a quacunque alia: sed differentia communis, non distinguit inter se illas species, quibus est communis; ergo non est vltimate constitutiua earum. Gratia exempli: Differentiæ continuæ, & discretæ, cōmunes permanenti & successivæ quantitati, non distinguunt eas inter se, sed solum quantitatem continuam à discreta: & ideo harum sunt vltimate constitutiue, non illarum.

Secundò notandum, Differentias quasdam esse vniuersales, quæ totam lineam prædicamenti diuidunt; vt corporeum, & incorporeum: Alias verò particulares solum diuidentes vnum, vel alterum genus particulare alicuius partialis lineæ, vt differentiæ diuidentes animal. Et ideo genera etiam sunt duplicia; Quædam vniuersalia, quorum quodlibet continet integram lineam; vt corpus, & spiritus: Alia particularia partialis lineæ, vt animal, vel planta. Et differentiæ vniuersales non possunt esse cōmunes; nec vniuersalia genera, possunt habere aliquam differentiam communem. Et huius ratio est manifesta; quia vniuersales differentiæ habent vniuersalem oppositionem: Particulares verò oppositæ non sunt, formaliter oppositæ, sed diuersæ, ideo repugnat illas esse communes, nō istas. Tertiò notandū; Quòd cum dicimus, Genera vniuersalia quæ cōtinentur sub tertio nō posse habere differentiam cōmunem; & particularia posse habere, nō loquimur de differentia Constitutiua superiori, quam certum est, & necessarium, habere communem: nam corpus, & spiritus, sunt vniuersalia genera, & habent communem modum intrinsecum substantiæ, qui licet non sit differentia, quia substantia non est genus; est tamen similis superiori differentiæ; & non minus eum includeret, si esset vera differentia. Et ratio huius est euidens, quia, quidquid includitur in prædicato superiori, debet includi in inferiori, sed differentia Constitutiua superioris generis includitur in eo; ergo necesse est includi in quolibet genere inferiori. Loquimur ergo de differentia Diuisiua superioris generis. De qua dicimus, Communem esse posse inferioribus, licet hoc non sit necessarium; nec semper contingat, sed aliquando, vt differentia

rentia continui & discreti, quæ sunt diuisiue quantitatis, communes sunt quantitati permanenti, atque successiuæ.

6 Notandum quarto: Quod hæc differentia Diuisiua superioris generis, quam dicimus posse esse communem duobus generibus sub eo contentis, non est adæquata alicui eorum, sed inadæquata; ita ut per alias differentias distinctas ab ea, adæquate constituantur. Gratia exempli: Bipes communis est differentia gressibilis, & volatilis animalis; sed inadæquata utrique; quia per proprias differentias gressibilem & volatilem, adæquate constituntur.

Ex his respondetur ad vtrumque testimonium Arist. Negando minorem, nempe quod ex nostra sententia sequatur, *Genus non prædicari de pluribus, quàm differentia*; aut, *Non esse tot differentias, quot sunt species*. Neutrum enim sequitur. Nam cum differentia, quæ potest esse communis duobus generibus, quæ continentur sub tertio superiori, non sit Constitutiua eiusdem superioris generis, sed Diuisiua; ideo inferiorem necesse est de paucioribus prædicari, quàm genus ipsum; ut bipes de paucioribus, quàm animal. Et de hac loquitur Arist. in primo testimonio; non de constitutiua, de qua manifestum est; Quod de eisdem omnino prædicetur, de quibus prædicatur genus; quod constituit. De tot enim prædicatur sensibile, de quot prædicatur animal. Quod vero dixit Aristoteles in secundo testimonio, *Tot esse differentias, quot sunt species*, verissimum est; nam licet vna possit esse communis duabus speciebus subalternis, positæ sub tertio genere superiori; non tamen est vltimatè constitutiua earum; sed habent alias, per quas constituuntur, & distinguuntur. Illa verò quæ communis est, licet non constituat eas adæquate; tamen suam habet speciem propriam, quam adæquate constituit. Ut bipes non constituit adæquate animal volatile, aut gressibile, sed adæquate constituit animal habens duos pedes. Vnde intelligitur, quod etiam si vna differentia inadæquata, communis sit duabus speciebus; nihilominus tot sunt differentia, quot species, cum nulla sit species, quæ non habeat propriam differentiam adæquate constitutiua: neque vlla differentia, quæ non constituat adæquate suam speciem.

Ad argumentum: Negandum est antecedens; Quod sicut non potest idem indiuiduum esse sub duplici specie, sic non possit vna species; esse sub duplici genere; est enim diuersa ratio de indiuiduo, ac de specie. Nam differentia indiuidualis adæquate & vltimatè determinat speciem; & ideo repugnat, eandem differentiam indiuidualem, determinare duplicem speciem diuersam: sed differentia specifica, cum sit prædicatum commune, &

possi

possit inadæquatè conuenire duobus, & neutrum adæquatè, aut vltimatè constituere, potest ex consequenti esse communis illis.

C A P V T I I I I.

Continens diuisionem incomplexorum in decem prædicamenta.

T E X T V S A R I S T O T E L I S.

Eorum, quæ secundum nullam complexionem dicuntur, vnum quodq; aut substantiam significat, aut quantum, &c.

Textus expositio.



Intentum Aristotelis in præsentī capite, est, explicare, simplicia esse debere illa, ex quibus prædicamenta constituenda sunt. Diuiditur autem in duas partes, in quarum prima ponit Arist. *Vniuersalem diuisionem incomplexorum in decem prædicamenta.* In secunda asserit, & probat, *Eadem in complexa, ex quibus prædicamentum fit, non esse affirmationes, aut negationes, sed ex eis posse affirmationes & negationes fieri.*

Diuisio talis est: Ens incomplexum, aut simplex, aliud est substantia, vt homo, vel equus; aliud quantum, vt corpus, aut linea; aliud quale, vt album; aliud ad aliquid, vt duplum, dimidium; aliud, vbi, vt esse in foro; aliud, quando, vt heri, aut hodie; aliud, situs, vt iacere, sedere; aliud habere, vt armatum esse; aliud agere, vt secare; aliud pati, vt secari.

Sed simplicia hæc (inquit Aristot. in secunda parte) secundum se considerata non sunt affirmationes, nec negationes; quamuis ex eis si aliquo verbo, aut copula vniantur, possint fieri affirmationes, & negationes. Quod ita probat: Omnis affirmatio & negatio, est vera aut falsa: sed simplicia, vt homo, aut albedo per se sumpta, non dicunt veritatem aut falsitatem, vt notum est; ergo non sunt affirmationes, aut negationes. Sed si ea coniungas verbo aliquo, affirmationem, aut negationem statim efficies, vt si homini & albo adiungas verbum, est, resultabit hæc affirmatio, homo est albus. in qua iam reperitur veritas aut falsitas.

Q V Æ S T I O I.

Ex quibusnam rebus per se componatur prædicamentum.

Qvinque sunt, de quibus dubitari potest; An & quomodo pertineant ad prædicamentum, vt exclusis his, quæ ad ipsum

ipsum non possunt pertinere, intelligi possit, ex quibusnā per se componatur. Primum, est ens rationis, quod ex eo videtur primò ad prædicamentum pertinere, quia prædicamentum, sicut propositio, aut syllogismus, quoddam ens rationis est; ergo non quomocunque, sed formaliter, pertinebit ens rationis ad prædicamentum.

Secundò, Prædicamentum sit ex generibus & speciebus; sed genera, & species sunt entia rationis; ergo ex entibus rationis fiet prædicamentum.

Vera tamen sententia est, ex solis entibus realibus fieri; & ideo entia rationis, non pertinere ad prædicamentum, nisi per quandam similitudinem; ratione cuius, quoddam prædicamentum, vel potius similitudinem prædicamenti excogitare possumus, ut in tractatu nostro, de natura entis rationis, diximus. Ita sentiunt D. Tho. 5. lib. Meta. lect. 9. & quæ 7. de potentia, art. 9. Capreol. in 1. d. 8. quæst. 2. & d. 29. q. 1. ad 5. Sotus cap. 4. ante prædicamen. quæst. 2. ad 4. Fonseca 5. Metaphy. cap. 7. q. 6. sect. 1. & ceteri omnes.

Probatur testimonio Arist. 5. lib. Meta. cap. 7. tex. 14. ubi docet, *Entia per se diuidi in decem prædicamenta; ens autem per se, apud ipsum (vbicunque de eo loquitur) & ens reale, idem sunt.*

Probatur deinde ratione: Quia entia rationis nec veram habent entitatem, nec veram essentiam, sed ab intellectu ex cogitatam ad similitudinem entitatis, & essentiæ realis: sed verum prædicamentum ex vero ente, veramque essentiam habere debet fieri; ergo non fit ex entibus rationis, sed solum ex realibus. Quod constabit, si per singula prædicamenta discurremus; videbimus enim prædicamentum substantiæ, qualitatis, & quantitatis, ex veris naturis realibus fieri.

3 Sed pro solutione arg. notandum est, Prædicamentum fieri ex prædicatis realibus: non tamen realiter, aut ex natura rei distinctis: quia, ut probauimus cap. de differentia, Genus, & differentia, eiusdem rei conceptus reales obiectiui sunt, diuersos gradus essentialis significantes, & solum ab intellectu distincti. Species verò ex eis componitur, nō tanquam tertia res ab eis distincta, sed tanquam tertius conceptus obiectiuus, totalis atque completus; & ideo non est compositio realis, sed rationis. quia licet reales sint conceptus componentes, & compositi; non tamen distincti, nisi ratione; quare non possum realem compositionem facere. Ita ergo de prædicamento intelligendum est, ab intellectu distinguente prædicata essentialia fieri; ita ut sicut ante operationem eius, non sunt distincta prædicata, nec ideo plura; sic non potest prædicamentum dari, sed

est opus eiusdem intellectus, qui distinguens prædicata, ea ordinat, ac disponit, prædicamentumque ex eis efficit.

Secundo notandum, Prædicamentum duobus modis considerari. Primo, quasi pro materiali, nempe pro naturis rerum, ac prædicatis earum, quæ in linea prædicamentali ordinantur, & sic acceptum reale est, quia tam prædicata essentialia, quam naturæ, in quibus fundantur, realia sunt, licet non realiter distincta. Secundo modo consideratur quasi pro formali, hoc est, pro ordinatione ipsa, ac dispositione prædicatorum, quæ necessario supponit distinctionem eorum: & hoc modo sumptum non est quid reale, sed rationis: unde sequitur prædicamentum formaliter sumptum, ens rationis esse, & pro fundamento esse ens reale, & hoc secundo modo consideratur à Metaphysico, sed primo modo à Dialectico.

His explicatis, ad utrumque arg. simul respondemus. Concedendo, quod genera, species, & prædicamentum formaliter sumpta, entia rationis sunt; negamus tamen, quod aliquo modo pertineant ad prædicamentum; quia illa solum dicuntur pertinere ad prædicamentum, ex quibus prædicamentum fit: sed prædicamentum solum fit ex prædicatis, quæ in eo ordinantur, & non ex ordinatione ipsa, sicut cætera entia artificialia solum dicuntur fieri ex materia; ut statua ex ligno, domus ex lignis, & lapidibus; ergo entia rationis non pertinent ad prædicamentum, nec genera, & species formaliter sumpta, sed solum pro fundamentis realibus.

De complexis.

Secundum, de quo dubitari potest, sunt complexa, quæ sic distinguuntur à quibusdam: Quædam sunt complexa, quæ unam tantum rem significant, & æquivalent voci simplici eam significanti. Et talia sunt definitiones substantiarum, ut animal rationale, aut vivens sensibile. Alia sunt complexa, quæ non unam rem, sed plures significant. Et talia sunt definitiones accidentium, in quibus præter illa, quæ pertinent ad essentiam accidentis, includitur subiectum, ut per illud, explicetur intrinsecus ordo accidentis ad ipsum, & complexa illa pertinent per se ad prædicamentum, hæc verò ab eo excludenda sunt.

Probant ex Porphyrio, cap. de specie, ubi prædicamentum substantiæ constituens, pro genere viventis posuit, corpus animalium, & etiam animal rationale. pro quodam genere, in quo existimavit homines, cum dæmonibus convenire, sed hæc sunt complexa substantiaalia: ergo ex mente Porphyrii ponenda sunt in prædicamentis.

Deinde

Deinde ratione, quia loco definiti, licet ponere definitionem eius, nihil extrinsecum includentem, ut loco hominis, animal rationale, quia talis definitio simplici definito æquivaleret; ergo in recta linea prædicamentali licebit ponere loco generis, & speciei, cuiuscunque propriam definitionem, quæ cum sit complexum quid, sequitur ex complexis substantialibus fieri per se prædicamentum.

- 6 Nostra sententia est opposita; Quod nullum complexum pertineat ad prædicamentum, & est expressa apud Arist. c. presenti, ubi ita ait: *Eorum, quæ secundum nullam complexionem dicuntur, unumquodque aut substantiam significat, aut quantum, aut quale, aut ad aliquid, &c.* Quibus verbis complexa omnia, siue substantialia, siue accidentalia sint, excludit a prædicamento, & solum ens incomplexum diuidit in decem prædicamenta.

Sed ratione probatur, quia recta linea prædicamentalis ex solis generibus, & speciebus fit, ut in prædicamento substantiæ; ex substantia, corpore, viuenti, animali, & homine: sed complexa, siue sint definitiones substantiarum, siue accidentium, non sunt genera, neque species: ergo ex eis non fit prædicamentum. Quod probatur etiam ex definitione eius: nam prædicamentum est prædicabilem ordinatio: sed prædicabilia sunt quædam vniuersalia, de quorum ratione est esse simplicia, ut quæstione vltima vniuersali vidimus: ergo ex solis simplicibus fit prædicamentum, non ex complexis.

- 7 Ad Porphyrium respondetur: Complexa posuisse loco simplicium, non quia intelligeret ad prædicamentum pertinere, sed vel maioris explicationis gratia, vel quia simplicia genera non cognouit. Propter primam rationem, posuit corpus animarum pro viuenti, & propter secundam, animal rationale pro genere hominum, ac daemonum.

Ad rationem verò negamus, quod semper loco definiti, liceat ponere definitionem, etiam nihil includentem extrinsecum, sed solum licet quantum ad æquivalentiam veritatis, quia de quibus prædicatur definitum, necesse est prædicari definitionem: sed ubi modus significandi determinatus esse debet, atque distinctus in definitione, & definito, non licet eam loco definiti ponere. Et ita est in proposito, quia res non ponitur in prædicamento, quomocunque significata, aut concepta, sed per modum generis, aut speciei, & ideo per modum incomplexi; cum ergo definitio non habeat modum generis, aut speciei ratione complexionis, sequitur nec habere modum prædicamentalem, quare non potest loco definiti in prædicamento poni. Ad formam ergo argum. dum dicitur, Definitio licet sit

complexa, æquiualeat simplici definito. distinguendum est antecedens, quia æquiualeat definito, quantum ad veritatem rei; non tamen quantum ad modum significandi simplicem, & omnino necessarium ad lineam prædicamentalem; & ideo non potest loco eius in prædicamento poni, quamuis in propositione, vel in aliis casibus ponatur.

De partibus Physicis, & Metaphysicis.

Partes rei duplices sunt, Physicæ, & Metaphysicæ; & partes Physicæ adhuc duplices, quædam sunt, Essentiales, vt materia, & forma, & aliæ Integrantes, quæ adhuc sunt in duplici differentia: nã quædam sunt eiusdẽ rationis, vt partes æquæ aut ligni, & ideo vocari solent homogeneæ, aliæ diuersæ rationis vt caput, & manus, & vocantur eterogeneæ & integrantes quæ non sunt essentiales, sed substantiales, aut entitatiuæ appellari possunt. Partes Metaph. sunt genus, & differentia: sed de genere certum est, quod per se pertineat ad prædicamentum, quia habet modum substantiæ completæ. De solis ergo differentia, tanquam de partibus Metaph. & de materia, & forma, ac partibus integrantibus, tanquam Physicis procedit quæstio; An per se sint in prædicamento. Et primo de his dicendum est, deinde, de partibus Metaphysicis.

Sed prius explicandum est, *Quid sit per se pertinere ad prædicamentum.* Duo sunt in prædicamento. Primum est, series ipsa seu ordinatio prædicamentalis superiorum, & inferiorum, ex quibus fit, quasi quædam linea recta, per quam ascendere, atque descendere possumus, ab indiuiduo, quod totius lineæ fundamentum est, vsque ad genus supremum, quod est quasi caput. Sic linea prædicamenti substantiæ, procedit à genere supremo, quod est substantia, per diuisionem eius in species, quæ sunt corpus, & spiritus; & rursus per diuisionem corporis in viuens, & non viuens: deinde per diuisionem viuents in animal, & plantam: & tandem per diuisionem animalis in hominem, equum & leonem; & ex his diuisionibus generum in species per differentias, resultat linea hæc, quæ appellatur series, aut ordinatio, nempe substantia, corpus, viuens, animal, homo, Petrus. Et pro hac linea recta supponit prædicamentum, quotiescunque de eo loquimur. Præter hæc verò habet prædicamentum quasi duo latera, quibus quasi circumdatur, & latera hæc sunt ex differentiis oppositis, per quas genus diuiditur in species. Vt latus eiusdem prædicamenti substantiæ nobis sit notissimum ex his quatuor differentiis, corporeum, animatum, sensitiuum, rationale.

Ex his intelligitur iam; Quid sit esse per se in prædicamento, vel ex quibus fiat per se prædicamentum, idem est enim, ac poni in recta linea prædicamentali, vel ex aliquo fieri eandem rectam lineam; nam latera prædicamenti extra ipsum sunt, & quasi ornatus eius. Dum ergo quærimus de partibus tam Physicis, quàm Metaphysicis, An per se sint in prædicamento, vel ex eis fiat prædicamentum; sensus est: An per se sint in recta linea prædicamentali.

Et de partibus Physicis tenet prima opinio, quòd per se collocentur in prædicamento, ita Villalpandus, & Louanienſes, cap. de substantiâ, quos sequuntur alii. Probant primò: Quia completa substantiâ componitur essentialiter ex materia, & forma; & integratur substantialiter ex partibus integrantibus: ergo repugnat completam substantiam poni per se in prædicamento, quin partes etiam ponantur; & per se quidem, cum per se eam componant.

Secundò, quia in partibus substantiæ intelligimus genera, & species; ergo ex his potest ordinari prædicamentum, sicut ordinatur ex generibus, & speciebus substantiæ totalis. Probat-ur antecedens: quia sicut diuidimus completam substantiam in corpoream, & incorpoream; & sic de cæteris generibus, sic possumus diuidere partialem.

10 Et confirmari potest de partibus homogeneis; quia eiusdem rationis sunt cum tota substantia, & possunt per diuisionem fieri completa substantiæ: vt si diuidamus aquam, tot substantias completas efficiemus, quot partes separamus: nam postquam separatae sunt, nec dependent à tota substantia, nec partes eius sunt; sed quælibet incipit esse completa substantia: ergo per se etiam pertinens ad prædicamentum.

Secunda opinio excludit partes substantiæ Physicas à prædicamento, & D. Tho. 1. par. quæst. 29. art. 4. ad 5. & de veritate quæst. 27. art. 1. ad 8. Scoti quæst. 15. prædicamentorum, Ægidij Romani in d. 2. quæst. 3. Caiet. & Soti, cap. de substantia, Toletti, q. 5. eiusdem prædicamenti, Fonseca 5. Meta. c. 7. q. 7. sect. 2. & c. 8. q. 3. Et hæc est vera & tenenda.

Probatut primò, quia prædicamentum solum fit per se ex generibus, & speciebus, vt iam ostendimus; sed genera, & species sunt substantiæ completæ: ergo partes, quæ incompletæ sunt substantiæ, non possunt prædicamentum per se constituere, aut in eo per se collocari.

11 Secundò; Substantiæ completæ, & incompletæ nihil datur commune vniuocum; ergo nec dabitur genus commune vtrisque, sub quo collocari possint incompletæ: quare non pertinent

nebunt per se ad prædicamentum.

Ad primum; Concedendum est antecedens, sed neganda consequentia, quia res non pertinent ad prædicamentum secundum entitatem, quam a parte rei habent, sed secundum modum, quo talis entitas concipitur ab intellectu; & modus iste ad constitutionem prædicamenti necessarius, completæ entitatis esse debet, vnde cum partes, solum sint incompleta entia, non possunt, ut talia, per se efficere prædicamentum; quamvis componant per se substantiam completam, ex qua per se fit. Solum autem concedi potest partibus, quod reductivè, aut quasi indirectè collocentur in recta linea prædicamentali, ubi collocatur species, aut genus, cuius partes sunt.

Ad secundum, negandum est, quod in partibus possint intelligi vera genera, & veræ species; sed solum possunt ex eis formari conceptus, quodammodo similes generibus, & speciebus. Et ratio est; quia non possunt concipi partes, nisi tanquam incompleta, quamvis in communi concipiantur abstractæ a partibus singularibus, in quo consistit aliqua similitudo: & cum genera, & species ex proprio modo, quo concipiuntur, sint completa, repugnat, in partibus vera genera, & veras species concipere, aut esse veram ordinationem prædicamentalem.

Ad confirmationem de partibus integrantibus homogeneis, concedimus, quod sint eiusdem rationis cum tota, quantum ad entitatem; atque etiam, quod possint fieri substantiæ completæ: negamus tamen, quod per se pertineant ad prædicamentum. Et ratio est; quia quamdiu sunt in toto, ab eo dependent, & incompletum modum essendi habent. Quod verò separari possint ab eo, solum probat, quod dum separatæ fuerint, pertinebunt per se ad prædicamentum, quia non erunt iam partes; hoc verò solum est, posse pertinere, non verò pertinere actu.

De partibus verò Metaph. quales sunt differentiæ, dixerunt quidam, quos citat Fonseca 5. Metaph. cap. 8. q. 2. pertinere ad prædicamentum qualitatis, cum prædicentur de speciebus in quale quid. Sed hoc aperte falsum est; quia licet aliquam similitudinem habeant cum qualitatibus in modo prædicandi, verè sunt conceptus essentiales, & ut tales concipiuntur ab intellectu componente speciem ex eis simul, ac generibus; ergo non sunt verè qualitates, nec ut verè qualitates concipiuntur, sed per quandam similitudinem earum; & ideo non possunt pertinere ad prædicamentum qualitatis. Solum potest esse dubium, An singulæ differentiæ per se pertineant ad illud prædicamentum, in quo collocantur genera, quæ dividunt, & species quas constitunt.

Et est prima sententia Ammonij, cap. de substantia, asseren-
tis per

his per se pertinere quaslibet differentias ad proprium prædicamentum, quod probat hoc arg. Nam aut differentia excluduntur à prædicamento, quia simplices conceptus sunt; vel quia incompleti; sed utraque ratio concurret in generibus; ergo vel genera excludi debent, vel collocari differentia; sed genera excludi non possunt, ut notum est; ergo nec differentia excludi debent. Probat minor, quia conceptus generis, ut talis non est compositus, quamvis, si sit species subalterna, in quantum est species, componatur; ergo est simplex: & est vera pars speciei, non minus, quam differentia; ergo incompletum quid.

Nec soluitur argu. si dicatur genus esse totum potentiale; quia etiam differentia est totum actuale, ut prædicatur de specie, continens totum, quod species; nam ut pars non posset de ea prædicari, ergo pertinebit ad prædicamentum sicut genus.

Communis sententia omnium expositorum, cap. præsentis, & sequenti, differentias excludit à recta linea prædicamentali, & solum eis concedit, ut latera prædicamenti constituent; quod est extra prædicamentum simpliciter esse.

14 Et probatur duplici ratione. Prima; Differentia formaliter sumpta, solum dicit partem speciei: ergo formaliter est quid incompletum; sed recta linea prædicamenti solum constituitur ex prædicatis completis, quæ sunt genera, & species; ergo differentia non pertinent per se ad illam.

Et si dicas totum includere, quod species, cum includat genus saltem materialiter; ergo habet modum totius completi; sicut genus, ex eo solum, quod includit differentias in potentia, dicitur habere modum totius completi, & pertinere per se ad prædicamentum. Contra hoc est, quod differentia eodem modo includit genus, ac accidens in concreto, nempe per modum subiecti, & ideo significatur nomine adiectiuo, ut rationale, quare non includit per se totum, quod species, sed quasi per accidens: unde nec habet modum unius per se. Sed genus per se, & formaliter est totum potentiale, per se, & formaliter includens totum, quod species, quamvis unum actu, nempe gradum propriæ naturæ, & aliud in potentia, nempe gradum differentialem; & ideo modum habet totius, atque completi per se; & per se efficitur ex eo prædicamentum.

15 Secundo probatur: Recta linea prædicamenti constituitur ex prædicatis per se, formaliter & essentialiter ordinatis: sed differentia non ordinatur per se, & formaliter cum genere; ergo non pertinet per se ad rectam lineam prædicamenti. Probat minor: quia differentia non includit per se, & formaliter genus, ut rationale non includit per se & formaliter animal, sed extra

rationem eius animal est; ergo non potest cum eo constituere lineam prædicamentale; nec per se pertinere ad prædicamentum.

Ad arg. alterius opinionis iam responsum est; quia differentia formaliter, & per se non est totum, sed pars; genus verò formaliter, & essentialiter habet rationem totius potentialis, & completi; & ideo per se, & formaliter collocatur in prædicamento; à quo excluditur differentia, propter rationem incompletam.

An, & quomodo indiuidua ponantur in prædicamento.

Prima opinio est Iauelli in sua Logica, tit. 5. cap. 1. asseren- 16
tis, *Indiuiduum per se non pertinere ad prædicamentum, sed reductiue ratione speciei, quam participat.* Quod probari potest ex Porphyrio cap. de specie, ubi Terminos, quibus clauditur prædicamentum, asserit esse supremum genus, & infimam speciem, ultra quam non licet ascendere ad indiuidua, quia sunt infinita; ergo sentit non pertinere per se ad prædicamentum; & præterea si infinita sunt, quemadmodum de illis non datur scientia, ita ad prædicamentum non per se pertinebunt; quia pars ista, scientiæ Dialecticæ pars est.

Sed opposita opinio, quod indiuiduum per se sit in prædicamento tanquam basis, & fundamentum eius) vera est & tenenda. Eam sequitur Fonseca 5. Met. c. 7. q. 7. sect. 2. & q. 8. sect. 3.

Et ratione probatur, quia Indiuiduum est ens per se completum, & in se continens omnia prædicata rectæ lineæ prædicamentalis, quibus per se subiicitur; & de quo per se, & formaliter prædicantur, Substantia, Corpus, Viuens, Animal & Homo; ergo nihil ei deficit, ut in prædicamento sit tanquam fundamentum eius.

Ad arg. responderetur, Porphyrium posuisse pro extremis præ- 17
dicatis essentialibus prædicamenti genus supremum, & infimam speciem: præsupponendo indiuiduum esse extremum, tanquam fundamentum omnium prædicatorum. Quod verò sint infinita indiuidua, non tollit indiuiduum pertinere per se ad prædicamentum, etiam si actu essent infinita; quia non pertinent ad prædicamentum ut distincta, vel ut efficiunt numerum; sed ut participant de prædicatis essentialibus, & ea sustentant. & hæc ratio eadem est in omnibus, siue sint infinita, aut solum finita. Ex quo etiam intelligitur, indiuiduum ad scientiam prædicamentalem pertinere posse, non quidem ut obiectum eius, sed tanquam id, ex quo, ut fundamento, integratur obiectum, nempe prædicamentum, quod est pars totius obiecti Dialecticæ scientiæ.

*Quonam modo res infinita ponantur, aut excludantur
à prædicamento.*

- 18 **I**N communi tantum dicendum est hoc loco de rebus infinitis; nam in particulari suis locis de illis agemus, nempe in prædicamento substantiæ & quantitatis. Nunc verò hac distinctione explicandum est dubium hoc: Duobus modis potest esse aliquid infinitum; aut secundum essentiam, ut Deus, aut secundum aliquam rationem accidentalem extensionis, aut intensiōis, ut linea, si daretur infinita, aut albedo habens infinitos gradus intensiōis. Et infinitum secundum essentiam non pertinet ad prædicamentum, ut probabitur cap. sequenti; de reliquis verò probabitur cap. de quantitate, quod ad prædicamenta propria per se pertineant non minus quam finitæ quantitates, aut qualitates.

QVÆSTIO II.

*An res sint ponende in prædicamentis sub nominibus
abstractis, vel concretis.*

- 19 **D**E his, quæ pertinent ad prædicamentum substantiæ, certum est, sub nominibus concretis collocanda esse in prædicamento, & non sub nominibus abstractis; ut species humana, & genus animalis, sub nominibus hominis, & animalis, & non sub nominibus animalitatis, & humanitatis, & sic de reliquis. Et huius ratio est, quia prædicamentum fit, ex rebus completis, sed per nomina abstracta non significantur substantiæ, tanquam entia completa, sed solum per concreta; ergo sub concretis, & non abstractis ad prædicamentum pertinebunt. Probatur minor, quia per nomina abstracta significantur, non ut species, vel genera, sed ut principia generis, & speciei; ut nomine animalitatis significatur natura sensitiua, ut principium animalis; & nomine humanitatis natura rationalis, ut principium hominis: ergo significantur modo incompleto, & non prædicamentali.

De solis ergo accidentibus procedit quæstio, An abstracta, ut albedo, & color; vel concreta potius, ut album & coloratum, ponantur in prædicamento qualitatis: & sic de cæteris prædicamentis.

- 20 **E**t antequam alias sententias proponamus, reiicienda est ea, quam Caiet. tenet, opusc. de ente, & essentia, cap. 7. ubi distinguit duas considerationes prædicamentorum, Logicam, & Metaphysicam, & in prædicamentis Logicè consideratis, abstracta

esse collocanda, non concreta; quia ordinantur ad prædicationes, quæ melius in abstractis, quàm in concretis exercentur: sed sub consideratione Metaphysica, concreta, & non abstracta. Hoc tamen ab omnibus refutatur; quia prædicamenta eadem sunt in Logica, & Metaphysica: ergo ex eisdem rebus, & eodem modo conceptis significantur. Quod verò in ordine ad prædicationes potius abstracta, quàm concreta ponenda sint, etiam est falsum; quia cùm concreta, quibus significantur formæ accidentales, ut sunt in subiecto, notiora nobis sint, melius in concretis exercentur prædicationes. Sed hæc ratio non est sufficiens ad variandum modum significandi rerum prædicamentarium; & idem sub utraque consideratione Logica, & Metaphysica disponendæ sunt in prædicamentis.

Tenet ergo prima opinio: *Abstracta accidentium non collocari in prædicamento, sed sola concreta.* Ita Niphus §. Meta. quest. 3. & 7. Toletus quest. 2. post prædicamentorum, & alij ex modernis. Et probant ex Aristotele ipso, cap. præsentis, ubi prædicamenta in concreto enumeravit, iuxta translationem Boetij; quamvis Argyropylus in abstracto ea posuerit, & 1. lib. Topie. cap. 7. & lib. 4. c. 1. loco 4. etiã in concreto secundum utramque translationem.

Probant deinde ratione. Primò, quod abstracta non ponantur. Secundò, quod ponantur concreta. Ratio primi est, quia perfectior est substantia accidentibus: sed substantiæ non ponuntur in abstracto, quia significantur tanquam partes, & ideo modo incompleto: ergo multò minus collocanda erunt accidentia in abstracto.

Ratio secundi est, quia sic non ponerentur concreta; maxime quia sunt entia per accidens, cùm significant formam, & connotent subiectum, ut album; & ex forma, & subiecto tanquam ex duobus entibus in actu non fiat unum per se, sed per accidens; sed hoc est falsum: ergo non sunt à prædicamento excludenda. Probat minor, quia ex actu, & potentia, secundum Arist. 2. lib. de anima, tex. 2. fit unum per se: sed subiectum se habet ut potentia, & forma ut actus: ergo ex tali compositione resultabit unum per se, quod est concretum.

Secunda opinio opposita est, quia sola abstracta accidentium dicit collocanda esse in prædicamento; ita D. Tho. opus. de Ente, & essentia, cap. 7. ad finem. Scotus quest. 5. uniuersalium, & quest. 11. prædicamentorum, Avicenna lib. 3. sue Meta. cap. 3. Iauellus §. Meta. quest. 16. Scotus eã. de quantitate, quest. 1. Venerus cap. præsentis. Villalpandus cap. de genere, quest. 4.

Probat testimonio Arist. 3. lib. Topie. c. 1. loco 3. & 4. ubi asserit, iustitiam esse in genere, hoc est, in prædicamento, nō in individuo.

Et etiam ratione, quia concretum significat res diuersorum prædicamentorum, nempe subiectum, quod est substantia; & formam, quæ est accidens: ergo non potest pertinere ad vnum prædicamentum determinatum. Imò ad nullum potest pertinere, quia prædicamenta sunt ex entibus per se: sed ex rebus diuersorum prædicamentorum, eum sint primò diuersæ, & in actu, non potest fieri vnum per se: ergo concretum non potest collocari in prædicamento. Probaturs minor, quantum ad hoc vltimum ex Arist. 7. Meta. tex. 25. vbi docet expressè, *Album, & muscum non habere vnã essentiam determinatam, & per se, & ideo non posse per vnã definitionem essentialem explicari: sed esse entia per accidens.*

2.3 Pro solutione huius quæstionis duo notanda sunt circa concreta, & abstracta accidentium. Primum est circa naturam concreti, quæ explicanda est per similitudinẽ concreti substantialis. Natura autem substantialis habet actualem existentiam, per quã est in rerum natura sola ratione ab ea distinctam, & vltra hanc habet subsistentiam, quæ est modus quidam substantialis, per quam vltimò terminatur, atque completur, & constituitur in supposito, si nõ sit rationalis; & si rationalis sit constituitur in supposito simul, & persona; vt natura humana Petri habet actualem existentiam, per quam est in rerum natura; & subsistentiam quæ est vltimus actus eius, & per quam constituitur persona: vnde persona Petri, est composita ex humanitate actu existente, & subsistentia, aut personalitate. Et cum humanitas se habeat per modum potentia, hoc est, terminabilis per subsistentiam: & subsistentia sit tanquam actus substantialis eam terminans, atque complens; sequitur, personam esse vnum per se substantiale. Et etiam concretum singulare quælibet persona, & à multis personis abstrahitur Natura communis sic terminata & completa. Et sic abstracta significatur nomine concreto communi: vt nomen homo, significat naturam humanam subsistentem, & completam in communi, quæ est idem, ac homo in communi.

2.4 Simili modo natura accidentalis vt albedo, habet actualem existentiam, per quam est in rerum natura sola ratione a se distinctam; & etiam alium modum per quem vltimò terminatur, & completur, qui modus non est subsistentia, sed actualis inhaerentia in subiecto. Ex hac igitur natura accidentali actu existenti in rerum natura, & ex modo actualis inhaerentia in subiecto, componitur hoc concretum, quod est hoc album, vel illud. Et ab his concretis singularibus abstrahitur concretum commune, vt album, significans naturam albedinis actu inhaerentem

hærentem in subiecto. Et compositio hæc est per se, quia fit ex natura accidentali, se habente tanquam potentia quasi substantiali; hoc est, ex natura, vt determinabili, & ex modo actualis inhærentiæ, tanquam ex actu quasi substantiali eam terminante. Ex potentia autem substantiali, & actu substantiali, fit vnum per se; & ideo concretum accidentale resultans ex tali compositione, est vnum per se, sed quia modus iste, quo terminatur natura accidentalis, est actualis inhærentia in subiecto, concretum hoc per se, vt album, connotat subiectum, in quo inhæret natura accidentalis, ita completa, & terminata. Connotare autem subiectum non est aliud, quam simul denotare illud, tanquam quid extrinsecum, cui quasi affixa est natura accidentalis. Et ratio huius connotationis est, quia modus per quem terminatur hæc natura, imperfectus est sicut ipsa; & ideo non potest per se illam sustentare, sed indiget adminiculo subiecti extrinseci, qui quasi affixa sit. Et propterea talis modus non dicitur substantia, aut existentia per se, sed actualis inhærentia, vel actualis inexistencia.

Ex quibus intelligitur, Concretum accidentale duobus modis sumi posse. Primo, vt solum significat compositum quid ex natura accidentali, & proprio modo actualis inhærentiæ; connotat verò ex consequenti subiectum, in quo inhæret, & concretum hoc, est vnum per se; quia non componitur ex natura accidentali, & subiecto; sed ex sola illa, & termino, seu actu proprio substantiali, qui est actualis inhærentia, eo modo, quo componitur concretum substantiale ex natura substantiali, & proprio modo substantiæ: subiectum verò non pertinet ad hanc compositionem, sed extra illam connotatur, tanquam quid extrinsecum, cui affixa est natura per actualem inhærentiam; connotatur tamen per se. Alio modo sumitur concretum accidentale per modum aggregati ex utroque, nempe ex natura accidentali, & subiecto, ita vt tanquam compositum ex utroque significetur. Et hoc modo non est vnum per se sed per accidens: quia licet componatur ex subiecto, vt ex potentia; & ex forma accidentali; vt ex actu: potentia tamen illa subiecti, quam habet ad recipiendam formam accidentalem, accidentalis est; quia omnibus modis est extra essentiam eius, iam omnino completam per principia, & partes substantiales. Ex potentia autem accidentali, & actu etiam accidentali, non potest fieri vnum per se, sed per accidens; quia fit ex duobus entibus iam completis in proprio esse substantiali, & ad diuersa prædicamenta pertinentibus; nempe ex subiecto, & natura accidentali, iam completa per proprium modum actualis inhærentiæ.

inhærentiæ. Et hoc est fieri ex duobus entibus in actu, ex quo infertur esse vnum per accidens. Et si dicatur, quod sicut ex potentia substantiali, & actu substantiali fit vnum per se substantia; ita ex potentia accidentali subiecti, & actu accidentalis formæ, potest fieri vnum per se accidentale: Respondeo impossibile esse, quod sit vnum accidentale, & per se; quia potentia accidentalis subiecti non potest esse per se respectu illius, quia est alterius generis à substantia; ergo respectu subiecti est potentia per accidens: sed subiectum concurrit per talem potentiam ad componendum concretum, simul cum forma accidentali; ergo concurrit per potentiam, non per se, sed per accidens: quare non potest per illam efficere vnum per se componendo simul cum alio; sed eo ipso, quod efficit vnum accidentale, cum ipsummet sit substantia, efficit vnum per accidens.

27 Secundo notandum est, circa naturam abstractorum accidentium, quod vt in communi modo concipiendi, & loquendi accipiuntur, significant naturam accidentalem, vt abstractam à subiecto, abstractione Physica, & non Metaphysica; qua abstrahuntur vniuersalia à particularibus: vnde significant eam, non per modum inhærentis, in subiecto; sed per modum quasi per se subsistentis, ad similitudinem substantiarum: vt albedo quæ verè inhæret subiecto, nomine albi significatur per modum inhærentis: sed nomine abstracto albedinis significatur, vt abstracta Physicè à subiecto; & propterea non per modum inhærentis, sed per modum per se subsistentis completi, & ideo tanquam vnum per se.

Ex tota hac doctrina colligo tres conclusiones, quibus nostra sententia explicatur. Prima est: Concretum accidentale ex sola natura accidentali, & proprio modo actualis inhærentiæ compositum, per se collocatur in prædicamento. Probaturs hac ratione: Prædicamentum fit ex entibus per se, & completis; sed concretum hoc est vnum per se, & completum: ergo per se pertinet ad prædicamentum. Probaturs minor: Ex potentia substantiali, & actu substantiali componitur vnum per se, vt docet Arist. 2. lib. de anima, tex. 2. sed concretum accidentale compositum ex natura accidentali, vt terminabili, & ex proprio modo actualis inhærentiæ terminante, componitur ex eadem natura, vt in potentia substantiali ad suum terminum, tãquam ad actum substantialem; & ex termino ipso, tanquam actus eius substantialis; ergo est vnum per se, atque completum, cum contineat naturam accidentalem completam per proprium modum.

Secunda conclusio: Concretum secundo modo sumptum, vt significat compositum Physicum ex subiecto, & forma accidentalī, non ponitur in prædicamēto. Probat, quia prædicamentum sit ex entibus per se: sed concretum accidentale hoc modo sumptum est ens per accidens; ergo non pertinet ad prædicamentum. Minorem probō; quia ens per accidens est, quod componitur ex pluribus entibus in actu, hoc est, iam completis in suo esse substantiali: sed concretum sic sumptum, componitur ex subiecto iam completo in toto suo esse substantiali, & ex natura accidentali, etiam completa per proprium modum actualis inhaerentiæ; ergo ex multis entibus in actu.

Tertia conclusio: Abstracta Physica accidentium, vt in communi modo concipiendi, & loquendi significantur, per se pertinent ad prædicamentum, vt albedo, color, &c. Probat, quia significant naturam accidentalem per modum per se existentis, ac subsistentis; ergo tanquam vnum quid per se, & prædicamentale. Si verò ab his abstractis abstractione; Physica (quæ potius habent modum concretorum substantialium) accipiantur alia abstracta Metaphysica, vt ab albedine albedinitas, & à colore coloreitas, abstracta hæc non pertinent per se ad prædicamentum, sicut nec abstracta substantiarum; quia significant naturam modo incompleto, hoc est non tanquam genus, aut speciem; sed tanquam principia generis, & speciei.

Ad testimonium Arist. pro prima sententia; Concedendum, 29
est, utroque modo enumerasse prædicamenta, in concreto, & in abstracto; quia tam concretum per se, quam abstractum per se, pertinent ad prædicamenta; & solum concretum per accidens excluditur.

Ad primum arg. distinguenda est maior; quia duobus modis possumus loqui de rebus aut secundum se, & hoc modo perfectiora sunt abstracta substantiarum, quam accidentium; vel, vt tali modo abstrahuntur ab intellectu, & sic accepta perfectiora sunt abstracta accidentium, in communi modo concipiendi, & loquendi; quia significant naturam, licet accidentalem, vt abstractam abstractione Physica; & ideo per modum naturarum per se subsistentium, atque completarum, abstracta verò substantiarum significant naturam, licet substantialem, abstractam tamen abstractione Metaphysica; & ideo modo quodam incompleto, tanquam principium generis, & speciei. Quare illa pertinet per se ad prædicamentum, hæc non, sed abstracta accidentium, quæ accipiuntur Metaphysice, etiam excluduntur à prædicamento.

Ad aliud, quod de concretis dicitur in eodem arg. Respondeo, 30
Concretum, vt compositum ex subiecto, & accidenti, esse vnum
per

per accidens, licet componatur ex potentia, & actu; quia potentia, & actus, non sunt substantiales, ex quibus Aristot. affirmat fieri vnum per se, sed potentia accidentalis substantiæ, & actus accidentalis formæ, ex quibus fit vnum per accidens.

Ad testimonium Aristot. pro secunda opinione respondetur, quod si loquatur de genere pro prædicamento, iustum, sumit pro concreto accidentali, & hoc modo sumptum, verum est, non esse in genere, hoc est, in prædicamento, ut expositum est.

Et eodem modo respondetur ad arg. quod concretum, ut significat compositum ex rebus diuersorum prædicamentorum, non potest pertinere ad vnum prædicamentum determinatum, imò nec ad vllum prædicamentum; bene tamen, ut significat compositum ex sola natura, & proprio eius modo actualis inherentiæ, quod est vnum per se.

Si autem aduersus nostram sententiam aliquis ita arguat; Accidentia in concreto definiuntur vnica definitione, ut album quod sit disgregatum visus, & definiuntur, ut dicunt subiectum, & formam accidentalem, ita, ut subiectum sit definitum materiale, tanquam denominatum à forma, & hæc sit definitum formale, ut denominans subiectum: ergo sunt vnum per se, etiam ut includunt subiectum, & ideo pertinebunt ad prædicamentum, contra secundam conclusionem nostram. Respondetur, quod concretum duobus modis includit subiectum, ut ex nostra doctrina est manifestum. Primo, tanquam per se connotatum, & non significatum, & tunc concretum est vnum per se, quia solum significat naturam per proprium modum actualis inherentiæ completam: subiectum verò per se connotat. Secundo modo includit subiectum, ut per se significatum, & hoc modo est vnum per accidens. Dum ergo definitur in concreto, primo modo sumitur, & est vnum per se, includens naturam, & subiectum, ut per se connotatum, non ut compositum vnum, sed ut ordinatum; quia cum subiectum per se connotetur, per se ordinatur cum natura completa illud connotante: ideo efficit vnum per se, non entitate, sed ordine, quod per vnā definitionem explicari potest.

QVÆSTIO III.

An necesse sit prædicamenta distinguere realiter, aut ex natura rei, vel sufficiat distinguere ratione.

31 **P**rima opinio affirmat, Necessario esse ponendam distinctionem realem inter prædicamenta. Ita Ven. 3. l. sue Met. c. 3. Niphus 4. Met. q. 4. & l. 5. q. 12. quos videtur sequi Caiet. 1. part. q. 28. art. 1.

Probant primo, quia diuisio entis in decem prædicamenta est

est realis; ergo diuiditur ens in diuersas entitates reales: sed diuersæ entitates reales sunt realiter distinctæ, quia quæ sola ratione distinguuntur, sunt eadem entitas realis; ergo necesse est prædicamenta distingui realiter. Probatur prima consequentia; Quia sicut animal diuiditur in diuersa animalia; & color in diuersos colores, ita ens in diuersas entitates.

Secundò; Prædicamenta sunt primò diuersa; ergo in entitate non conueniunt vniuocè: sed si non distinguerentur realiter, conuenirent in vna aliqua entitate multis communi; ergo sicut repugnat eis talis conuenientia, sic repugnat identitas realis, at non distinctio; necesse est ergo distingui realiter.

Secunda opinio, non ponit distinctionem realem inter omnia prædicamenta, sed realem, vel formalem, saltem ante operationem intellectus: ita vt necessarium sit illa habere rationes formales ex se, & sine dependentia ab intellectu distinctas. Et quia hanc distinctionem formalem solent vocare ex natura rei, dicunt necessarium esse, quòd prædicamenta distinguantur realiter, aut ex natura rei; ita vt non sit possibile solum per intellectum distingui. Ita Ioannes Gandauen. quem citat Foscæ 5. Meta. c. 7. q. 6. sect. 1. & licet eum refutare videatur, sect. 2. concl. 2. sect. tamen 3. in fine sententiam eius sequi videtur: affirmans, *Prædicamentorum distinctionem, non pendere ab intellectu, sed ante operationem eius omnia distingui.*

Et probatur hoc arg. Prædicamenta continens diuersos modos essendi, ergo diuersas rationes formales, ante operationem intellectus distinctas; quod est non distingui sola ratione, sed quasi ex natura rei. Probatur consequentia, quia modus essendi rerum non pendet ab intellectu: ergo nec dependebit ab eius operatione, quòd diuersi sint, vel non, sed ex propria natura erunt distincti.

Tertia opinio ferè communis est iam in schola, *Quòd nec prædicamenta necessario distinguantur realiter, nec ex natura rei; sed satis sit, aliqua distingui ratione, cum fundamento in re.* Ita D. Tho. 11. lib. Meta. lect. 9. q. 2. ad 18. Sotus cap. de quantitate, quest. 1. Tolerus q. 5. ex communibus prædicamentis omnibus, & ex modernis multi.

Et quòd non sit necessaria distinctio realis inter prædicamenta, euidenter colligitur ex duobus locis Arist. Nam in hoc lib. prædicamentorum distinguit duo prædicamenta, actionis, & passionis. Et 3. libro Physi. tex. 19. asserit; & probat, *Actionem & passionem non distingui realiter, sed eundem motum realem esse actionem, prout procedit ab agente, & passionem prout recipitur in passivo; vt eandem calefactionem, per quam ignis calefacit lignum, esse*

esse actionem, prout ab eodem igne procedit, & passionē, prout recipitur in ligno; ergo euidenter sequitur ex utroque testimonio non esse necessariò ponendam distinctionem realem inter prædicamenta.

35 Probatur secundum, quòd non sit necessariò ponenda distinctio ex natura rei, sed rationis sufficiat. Primò, quia inter diuersos gradus essentielles eiusdem rei, non est necessariò ponenda distinctio ex natura rei, sed sufficit per intellectum distinguere, vt cap. de differentiâ probauimus, sed prædicamenta possunt in eadem entitate conuenire, in qua reperiatur ratio vtriusque, & non distinguantur rationes eorum per diuersos gradus essentielles, sed solum per diuersos modos essendi, vt substantia ab accidentibus per modum per se, & accidentia inter sese per diuersos modos inherendi in substantia; ergo non est necessarium distinguere ex natura rei, sed sufficit per intellectum. Probatur consequentia, quia minùs differunt modi, quàm gradus essentielles.

Secundò probatur, quia non est ponenda distinctio ex natura rei, vbi sufficit distinctio per intellectum, sed sufficit distinctio rationis ab intellectu facta inter prædicamenta; ergo non est ponenda formalis, aut ex natura rei. Minorem probò, quia quotiescunque aliqua sunt distincta ex natura rei, non possunt in eodem reperiri, nisi per realem compositionē, cum sint multa, ex quibus resultat vnum: quod non potest fieri, nisi per compositionem: sed actio, & passio, quæ sic distinguuntur, sunt in eodem motu sine compositione, & in multis aliis plures reperiuntur rationes formales sine compositione reali, vt in attributis diuinis, iustitiæ, & misericordiæ; ergo non debent poni distinctæ ex natura rei, vel ante intellectum, sed satis est ab intellectu distinguere.

36 Sed talis distinctio facta ab intellectu inter aliqua prædicamenta, quæ non sunt distincta realiter, necessariò esse debet cum fundamento in re, & ideo distinctio rationis ratiocinata; Nam cum sint rationes formales primò diuersæ, non possunt separari ab intellectu in eadem re, nisi virtualiter in ea continentur. Et hæc virtualis continentia fundamentum est, vt possit intellectus vtramque separare, ac distinguere, concipiendo vnam sine alia. Gratiæ exempli, in Petro nullum est fundamentum distinguendi illum à seipso, quia repugnat, quòd differat à se formaliter, & ideo nõ potest distinguere distinctio-
ne rationis ratiocinata, sed solum rationis ratiocinantis; hoc est, solo officio intellectus. Sed actio, & passio, quæ reperiuntur in eodem motu, quasi virtualiter distinctæ sunt ante in-
S intellectum

tellectum, quia verè ante operationem eius reperitur in motu, quod procedat ab agente, & recipiatur in passo, & ideo fundamentum tribuunt eidem intellectui, vt concipiat motum, vt procedentem ab agente; non concipiendo illum, vt receptum in passio eodè conceptu, sed alio, & diuerso quidem: quia verum est, procedere ab agente ita conceptum, non esse recipi in passo. Et hoc est distincta esse ab intellectu actu, & formaliter illa, quæ à parte rei solùm erant distincta virtualiter: esse autem distincta virtualiter non est aliud, quàm posse formaliter distingui. Et hanc distinctionem rationis ratiocinata, dicimus sufficere inter aliqua prædicamenta, licèt alia distinguantur realiter; sed nulla esse distincta formaliter ante operationem intellectus, quia talem distinctionem formalem non admittimus.

Ad primum arg. Distinguendum est antecedens, quia duobus modis potest intelligi diuisionem esse realem. Primo ita vt tam diuisum, quàm membra sint realia, & non entia rationis. In quo sensu admittimus diuisionem entis in decem prædicamenta, esse realem. Secundo, potest intelligi esse realem, ita vt membra sint realiter distincta. & in hoc sensu negamus, quòd sit realis. Et possumus exemplum ponere in diuisione boni in honestum, vtile, & delectabile, quam omnes concedunt esse realem in primo sensu, & negant in secundo; quia sæpe contingit membra non esse distincta realiter, aut ex natura rei, sed sola ratione. Et hac distinctione supposita, neganda est etiam consequentia, quòd sit diuisio entis in diuersas entitates reales, si per diuersas entitates reales intelligantur realiter distincta.

Ad secundum; Respondeo distinguendo antecedens, quòd prædicamenta sint primò diuersa, hoc enim dupliciter potest intelligi. Primò, secundum rationes formales, & in hoc sensu verum est, sed sic intelligendum, vt non conueniant vniuocè in aliquo gradu superioris naturæ, nec distinguantur per alios gradus inferiores essentialis perfectionis, sicut distinguuntur species per gradus essentialis perfectionis diuersos à genere, sed vt distincta sint prædicamenta, per diuersos modos essendi intrinsecos, atque inclusos in eadem ratione entitatis, in qua analogicè conueniunt, & ita verum est per easdem suas entitates, & non per alios gradus perfectionis esse diuersa, & ideo seipsis esse diuersa, quod verè, & propriè est esse primò diuersa, nec speciebus conuenit, sed per differèntias dicuntur differre. Secundo modo potest intelligi esse primò diuersa secundum entitates reales, ita vt non possint in eadem entitate reali plura conuenire,

conuenire, & hoc modo apertè falsum est, vt de actione, & passione ostendimus, quarum rationes formales in eodem motu reali reperiuntur, sed nihilominus sic reperta, & ab intellectu distincta, primo diuersa sunt modo iam explicato.

QVÆSTIO IV.

Vtrum prædicamenta sint decem, ita vt nec plura esse possint, nec pauciora,

38 **Q**uidam quos citat Plot. lib. 1. Æneade 6. vsque ad eò prædicamenta multiplicarunt, vt infinita posuerint. Sed eorū sententia hac ratione falsa probatur: Quia si verum est, de omnibus rebus à Deo factis, quòd in numero, pondere, & mensura sint ab eo factæ, vt sacræ literæ docent: quantò magis de generibus atque speciebus, quibus essentia rerum continentur: sed ex his efficiuntur prædicamenta; ergo finita erunt.

Sed inter eos, qui pro certo tenent finita esse, tres sunt opinioniones diuersæ. Prima eorum, qui plura quàm decem posuerunt: quos citat Simplicius in commento prædicamentorum, & potest probari hoc argumento: Pro causa efficiente ponitur prædicamentū actionis: & pro causa materiali receptiua eiusdem actionis, ponitur prædicamentum passionis; ergo pro aliis duabus causis, formali, & finali, debent poni duo alia prædicamenta, quia non est maior ratio, ob quam pro illis, quàm pro his, multiplicentur.

Secunda opinio fuit eorum, qui pauciora, quàm decem posuerunt, sed diuisi sunt. Nam Plato in dialogis de ente, & vno, qui aliis nominibus vocantur, Sophista, seu Parmenides etiam tantum prædicamentum videtur ponere vniuersalissimum entis, quod supremum genus rerum omnium vocat, sub quo particularia genera, & species collocantur.

39 Probatur hoc argu. Ens est genus vniuersalissimum entis; ergo sub eo ordinari possunt genera omnia & species: sed vna ordinatio sub vno primo genere, est vnum prædicamentum; ergo vnum tantum prædicamentum ponendum est, & non plura. Probatur maior, quia si ens non esset genus, ideo maxime quia est transcendens, & propter transcendentiam includitur in omnibus differentiis, contra propriam conditionem generis, quod debet esse extra rationem differentiarum: sed hæc ratio non est sufficiens: nā licet ens vniuersaliter sumptū, prout commune est, tam entibus incompletis, quàm completis, hoc habeat, si tamē pro solis completis accipiat, nō includetur in

differentiis, quia differentiæ non sunt entia completa, & eadem ratione, neque in modis intrinsecis, & ideo poterit esse vniuersalissimum genus omnium rerum completarum, ex quibus fit prædicamentum. Sed etiam si ens non posset esse genus omnium rerum, accidens saltem videretur esse genus omnium accidentium, & ideo vnum tantum prædicamentum omnium accidentium esse ponendum, & aliud substantiæ, & ita duo tantum, & hæc fuit sententiæ Zenocratis, & Andronici, quos citat Simplicius vbi supra.

Alij verò antiquiores Philosophi, quos citat Plotinus, lib. 1. 40
Ænead. cap. 19. posuerunt quatuor, nempe *substantiam, qualitatem, relationem, & modum rei*. Et potest probari ex doctrina Aristot. qui 1. lib. Topicorum, cap. 7. quatuor posuit prædicata: sed prædicamentum non est aliud, quàm prædicatorum ordinatio: ergo ex quatuor prædicatis non possunt plura, quàm quatuor fieri prædicamenta. Plotin. verò libro 2. Æneade 6. cap. 18. quinque posuit, nempe, *motum, quietem, identitatem, diuersitatem, & ens*.

Scaliger verò exercitatione 65. posuit nouem, quia prædicamentum vbi, vel prædicamentum quando, ad quantitatem reducit.

Tertia opinio est eorum qui decem tantum prædicamenta ponunt, ita vt nec plura sint, nec pauciora. Quam primus videtur insinuasse Archytas Tarentinus, Pythagoræ discipulus, & postea Arist. eam in scholas introduxit. Et hæc iam est communis & tenenda. quam secutus est D. Aug. lib. 10. Categoria- rum, c. 8. & D. Tho. non solum eam sequitur, sed probat 3. lib. Phys. lect. 9. & 5. Meta. lect. 5.

Ratio autem D. Tho. hæc est: Prima substantia, quæ est in- 41
diuiduum substantiæ, vt Petrus, aut Ioannes, est fundamentum omnium prædicatorum essentialium; ergo secundum diuersos modos essendi, & prædicandi de illa, numerus prædicamentorum sumi debet, sed vno ex tribus modis potest se habere prædicatum respectu illius. Nam vel pertinet ad quidditatem eius, vel extra illam est: & si ad quidditatem pertinet, est prædicamentum substantiæ: si verò est extra illam, vel sumitur ab aliquo ei formaliter inhaerente, & ex hoc distinguuntur tria prædicamenta: Quia prædicatum ab aliquo inhaerente sumptum, vel conuenit primæ substantiæ modo absoluto, aut cum respectu ad aliud: Si modo absoluto, tunc vel ratione materiæ, & est prædicamentum quantitatis, vel ratione formæ, & est prædicamentum qualitatis: si verò conuenit cum respectu ad aliud est prædicamentum ad aliquid. Vel sumitur ab aliquo

aliquo extrinseco, hoc est, non inharrente primæ substantiæ; & ex hoc distinguuntur sex alia prædicamenta. Quia vel sumitur ab eo, quod est mensura extrinseca, quasi per modum continentis, quæ dicitur locus, & erit prædicamentum ubi. nam ubi, naturaliter saltem, dicitur esse in loco, aut circumscribi loco: aut ex tali dispositione; quam corpus habet in loco, quia stat, vel sedet, & est prædicamentum situs. Vel ab eo, quod est mensura extrinseca successiua, quale est tempus, & est prædicamentum quando, quod non videtur esse aliud quam tempori accomodari, & ab eo mensurari. Si verò prædicatum accipiat ab extrinseco, quod non est mensura, sed propriè dicitur habere; ut habere vestem aut arma, quod est vestitum, aut armatum esse, efficitur prædicamentum habitus. Et, si accipiat ab extrinseco, à quo procedit efficienter, est prædicamentum actionis. Et, si ab extrinseco, cui actio, aut effectus imprimitur, est prædicamentum passionis. Sequitur ergo decem tantum esse prædicamenta, nec plura esse multiplicanda, quia ad hæc decem capita facile reduci possunt omnia entia creata.

42 Ad arg. primæ opinionis respondet D. Tho. 3. lib. Phys. lect. 5. post medium, negando consequentiam, quod pro causa formali, & finali, ponenda sint duo alia prædicamenta; quia causa formalis simul cum materiali, intrinsecæ partes substantiæ sunt, ex quibus componitur, & ideo ad prædicamentum eiusdem substantiæ reducuntur: causa autem finalis non habet specialem modum prædicamentalem, sicut efficiens, sed solum mouet voluntatem, attrahendo eam ad sui amorem, & motio hæc extrinseca quædam ratio est, minimè prædicamentalis: quare pro ea non est multiplicandum, prædicamentum, sicut pro efficiente, à quo egreditur actio, secundum specialem modum prædicamentum constituentem.

Ad argumenta de ente, & accidente, in fauorem Platonis, & aliorum Philosophorum, vnum vel duo tantum prædicamenta ponentium, proposita: Responderetur: Ideo ens non esse genus omnium entium, nec accidens omnium accidentium, quia genus debet esse vniuocum: ens verò, & accidens non sunt vniuoca, sed analogæ, ut superius probauimus: ergo non sunt genera.

Ad arg. illorū, qui quatuor ponebant prædicamenta, propter quatuor prædicata Dialectica, quæ posuit Arist. Respondeo, prædicata Dialectica diuerso modo sumi, ac prædicamenta, nempe ex ordine ad commune subiectum, cum quo possant constituitur propositione Dialecticam: prædicamenta verò ex diuersis modis essendi vniuersalium, & ideo maiorem habent extentum

extensionem, & maiorem numerum efficiunt, quàm prædicata, vt q. 5. vniuersaliam probauimus.

Ad arg. tandem pro sententia Scaligeri de reductione prædicamenti, vbi, ad locum; vel prædicamenti, quando, ad quantitatem: Respondemus diuersam rationem formalem habere, vbi, à loco. & quando, etiam à quantitate (vt suis locis probabitur) & ideo non posse ad prædicamentū quantitatis reduci, sed distincta prædicamenta ab ea constituere. Quare nec pauciora sunt ponenda prædicamenta, quàm decem, nec plura.

C A P V T V.

Continens prædicamentum substantiæ.

T E X T. A R I S T O T.

Substantia autem est, quæ propriè & principaliter, & maxime dicitur, quæ neque in subiecto aliquo est, neque de subiecto aliquo dicitur. &c.

Textus expositio.

Intentum Aristot. est explicare naturam substantiæ, quæ est primum prædicamentum. Diuiditur autem caput in tres partes. In prima, præsupposita diuisione substantiæ in primam, & secundam substantiā, explicat quid sit prima, & quid sit secunda substantia. In secunda parte comparat primā & secundam substantiam inter se, atq; etiā inter se secundas, & docet, quænam sit perfectior altera. In tertia enumerat sex proprietates substantiæ. Definitio primæ substantiæ his verbis continetur: *Substantia, quæ propriè, principaliter & maxime dicitur, est quæ neq; de subiecto aliquo dicitur, neque in subiecto aliquo est.* Et tria illa verba, *quæ propriè, principaliter, & maxime dicitur*, ad definitum pertinent, non ad definitionem. Et sensus eorum est: Substantia non sub ratione communi, & impropiè accepta pro essentia rei, siue substantialis, aut accidentalis; sed propriè pro ente per se: & quæ ratione sui, hoc est, propria virtute substat, siue sustentat tam accidentia, quàm secundas substantias, & ideo maxime vocatur substantia: est illa, quæ neque de subiecto aliquo dicitur, id est, de quidditatiuè inferiori, nec in subiecto aliquo est per realem inhaerentiam. Vt Petrus propriè est substantia, cum sit ens per se, & propria virtute substat, siue sustentet, non solum albedinem, & cetera accidentia sed etiā secundas substantias, quæ sunt prædicata vniuersalia superiora, vt hominē, animal, viuens, & substantiā.

Et

Et nō dicitur de subiecto, quia nullū habet inferius se quidditatiuē, de quo dicatur, nec est in subiecto, quia nō inheret alicui.

2. Definit deinde secundam substantiam. Et in plurali dicens, *Secunda substantia sunt species, & genera, in quibus prima substantia insunt.* Vt homo, & animal, sunt secundæ substantiæ, in quibus primæ substantiæ, vt Petrus & Ioannes insunt, id est, sub quibus, tanquam subiecta sub prædicatis continentur. Nam secundæ substantiæ sunt in primis, tanquam superiora prædicata in subiectis quidditatiuē inferioribus; & ideo actu & formaliter. Primæ verò in secundis, tanquam subiecta, de quibus prædicatur; & propterea, non actu, & formaliter, sed quasi sub potentia earum, eo ferè modo, quo species dicuntur esse in genere.

Comparat in tertia parte primas substantias cum secundis, deinde secundas inter se. Et inter primam & secundas substantias asserit; Primam esse perfectionem; probatque, quia substantia est, quæ substat aliis, aut quæ sustentat alia: sed prima substantia propria virtute sustentat, & omnibus substat, id est non solum accidentibus, sed ipsismet secundis substantiis; secunda verò substantia non substat ratione sui, sed ratione primæ, in qua, & à qua sustentatur, nec substat primis substantiis: ergo prima substantia est magis substantia, quàm secunda. Vt Petrus est magis substantia, quàm homo; quia ratione sui substat albedini, & reliquis accidentibus, atque etiam eidem homini; homo verò non ratione sui, sed ratione Petri in quo sustentatur, dicitur sustentare accidentia; nec Petrum ipsum sustentat, sed ab eo sustentatur.

Comparat deinde secundas substantias, & ait; *Quod si species comparatur cum genere, magis substantia est quàm genus: si verò cum alia specie; æqualis est ratio substantiæ in vtraque.* Probat primum duplici argumento. Primo, quia illud est perfectius in quocunque ordine rerum, quod magis accedit ad perfectissimum eiusdem ordinis. Et inter species animalis illa erit perfectior, quæ magis accedit ad humanam, quæ est perfectissima species talis generis. Sed species magis quàm genus accedit ad primam substantiam, quæ est perfectissima, vt homo, magis accedit ad Petrum quàm animal: ergo erit perfectior substantia genere. Secundo inter substantias illa est perfectissima, quæ omnibus substat; ergo ex aliis illa erit perfectior altera quæ pluribus substat, sed species pluribus substat quàm genus, ergo erit perfectior illo. Probatur minor, quia substat omnibus quibus substat genus, hoc est, eisdē accidentibus, & eisdē prædicatis superioribus, & præterea substat eidem generi; genus verò nō substat specie, Gratia exēpli, homo substat omnib. accidentibus, &

bus, & omnibus prædicatis superioribus, quibus substat animal, & etiam ipsi animali; at verò animal non substat homini, sed in eo sustentatur.

Si verò species comparentur inter se, vt homo cum leone; neutra dicitur magis substantia quàm alia. Probat, quia vna non substat pluribus, sed eisdem prorsus accidentibus, & prædicatis superioribus substat: & vna non substat alteri, quia neutra in alia.

In vltima parte capitis enumerat sex proprietates substantiæ, quarum prima est, *Non esse in subiecto*. Et de prima substantia evidens esse ait, quia Petrus in nullo subiecto est, sed in se, & per se subsistit. Sed quòd conueniat secundis substantiis, probat duplici ratione. Prima, quia si in aliquo essent tanquam in subiecto; maximè in prima substantia, in qua inhærent omnia accidentia: sed in ea non possunt esse tanquam in subiecto; ergo in nullo. Probat minorem, quia secundæ substantiæ prædicantur de primis, tanquam de quidditatiuè inferioribus; ergo non sunt in illis, tanquam in subiectis. Probatur consequentia, quia esse in aliquo tanquam in subiecto, est esse in eo per realem inhærentiam, sicut est accidens: sed secundæ substantiæ sunt de quidditate primarum, vt homo, & animal de quidditate Petri; ergo non sunt tanquam in subiecto.

Secunda ratio est; *Quæ sunt in aliquo tanquam in subiecto*, vt accidentia, prædicantur quidem nomine de subiectis, sed ratione non possunt prædicari, quia ratio, est definitio, seu conceptus quidditatiuus: sed definitio albi non est definitio hominis; ergo non prædicatur de illo nomine & ratione, sicut prædicantur vniuoca, sed solo nomine: at verò secundæ substantiæ prædicantur de primis nomine, & ratione, vt homo de Petro, quia definitio hominis, est definitio Petri; ergo non possunt esse in eis tanquam in subiecto, Et ideò non solum primis substantiis conuenit hæc proprietas, videlicet, *Non esse in subiecto*, sed etiam secundis.

Secunda proprietas Substantiæ est; *uniuocè prædicari*: quòd non intelligitur de prima substantia. Et ideò certum est hanc proprietatem solum conuenire secundis. Sed non solum conuenire ait generibus & speciebus, quæ verè & propriè sunt secundæ substantiæ, sed etiam differentiis earum: quia de quibus prædicatur species vniuocè, necesse est etiam prædicetur eius differentia. Quòd verò secundis substantiis, & differentiis conueniat, probat Arist. hac ratione: *Vniuoca sunt, quorum nomen est commune, ratio verò substantia eadem*: sed nomen sententiæ substantiæ commune est primis, de quibus prædicatur, & defini

definitio eadem, vt nomen homo commune est Petro, & Ioanni, & definitio eius etiam est eadem, atque illis communis, vt notum est: ergo prædicatur de eis vniuocè.

Tertia proprietas est: *Hoc aliquid* significare. Quid autem intelligat per, *Hoc aliquid*: certum est intelligere substantiam singularem, & per se subsistentem; & ideo asserit, quod licet videatur hæc proprietas conuenire secundis substantiis, quia homo, & animal videntur significare aliquid per se subsistens; solum tamen conuenit primis. Secundæ verò non significant hoc aliquid, sed potius Quale quid. Quale quidem significant, quia sunt quasi formæ vniuersales primarum substantiarum; & formæ videntur habere similitudinem qualitatis, cuius vna species est forma, & figura: sed quia sunt prædicata substantia- lia, dicuntur significare Quale quid.

6 Quarta proprietas substantiæ est, *Nullum habere contrarium*. vt Petro & Ioanni nihil contrarium esse potest. Et hæc proprietas tam primis, quàm secundis substantiis conuenit, sed non quarto modo (inquit Aristoteles) quia aliis etiam, vt quantitati est communis.

Quinta proprietas est, *Non suscipere magis, & minus, quemadmodum suscipiunt qualitates*: nam vnum calidum magis est calidum quàm alterum, quia plus habet gradus intensiōis: hos autem gradus non habet substantia, & ideo dicitur non suscipere magis & minus.

Vltima proprietas substantiæ est, *Vt vna numero permanens contraria suscipere possit*: vt Petrus idem numero permanens, modò potest esse calidus, & postea frigidus. Hæc autem proprietas non videtur conuenire secundis substantiis, sed solum primis; quia solum prima substantia est vna numero, secundæ verò vna specie, vel genere; ergo quòd vna numero perseuerans, suscipiat in se contraria, soli primæ conuenire potest.

7 Sed aduersus hanc proprietatem proponit arg. Aristoteles. Quia videtur conuenire alteri, nempe propositioni; quæ vna numero permanens, de vera fit falsa, & de falsa fit vera. Vt hæc propositio; Petrus sedet, vera est eo sedente, stante verò falsa, & permanet eadem; ergo conuenit illi; quòd vna numero permanens suscipiat contraria. Et respondet duobus modis. Primò, quòd licet suscipiat contraria, non tamen eodem modo, ac substantia, sed diuerso: Nam substantia suscipit contraria per sui mutationem, quia suscipit ea in se formaliter, & ideo mutatur ea suscipiens. Sed propositio sine sui mutatione, sed solum per mutationem alterius extrinseci, nempe rei, de qua aliquid enuntiatur. Dum ergo dicitur, proprium esse substan-

ria suscipere contraria, intelligitur per sui mutationem, & hoc modo, nec propositioni, neque aliis conuenit. Secunda solutio eadem ferè est; negat enim propositionem suscipere contraria; quia *suscipere contraria* est subiectū moueri ab vno in alterum, amittendo vnum, & acquirendo alterum. Propositio verò, dum ex vera fit falsa, non mouetur à veritate in falsitatem, nec amittit vnam & acquirit alteram, sed mutatio solum se tenet ex parte rei significatæ; & ideo propositio non dicitur suscipere contraria.

QVÆSTIO I.

Quodnam sit supremum genus prædicamenti substantiæ.

Videtur nullum habere genus supremū; quod sic probatur; Si haberet aliquod, maximè esset substantia; sed hæc non potest esse genus; ergo nullum habebit. Minorem probo, quia si substantia in cōmuni, vt ab omnibus substantiis abstracta, esset supremum genus huius prædicamēti, sub quo cōprehenderentur omnes substantiæ, & idèd vnum tantūm esset prædicamentum pro eis constituendum; sequeretur, etiam accidens in cōmuni, esse supremum genus omnium accidentium; & ita vnum prædicamentum constituere, sub quo ponantur accidentia omnia; quare duo tantūm prædicamenta erunt. Probatur consequentia; quia sicut substantia vniuersaliter sumpta, prout communis est completis, & partialibus, transcendens est, & in vltimis differentiis includitur, nec est vniuoca respectu omnium; sed analogæ; quia prius de completis substantiis: posterius verò de partibus, & cum intrinseca dependentia ab illis dicitur, & ideo non potest esse genus; quia genus debet esse vniuocum, & non transcendens, ne includatur in vltimis differentiis, sed extra rationem earum sit. Si tamen pro substantia completa in cōmuni accipiatur nec erit transcendens, quia non includitur in differentiis; nec analogæ, sed vniuoca, quia æqualiter de omnibus dicitur; & ideo poterit esse genus. Eodem modo accidens, quamuis vniuersaliter sumptum, sit, transcendens, & analogū, & ideo non possit esse genus; si tamen pro completo tantūm sumatur, non erit transcendens, neque analogum, sed vniuocum; quia æqualiter dicitur de omnibus accidentibus completis, & ideo poterit esse genus.

Pro solutione huius quæstionis notandum est, *Quinque esse acceptiones substantiæ*, vt colligitur ex doctrinā Arist. c. præsentī, & 5. Me

& 5. Meta. c. 8. tex. 15. atque etiam ex D. Th. in Commentariis eiusdem loci, & de potentia, q. 9. art. 1. ad 4. & 5.

Primò accipitur pro Essentia rei. Et hæc acceptio communis est accidentibus, in quibus etiam reperitur essentia, & ideo non est propria, neque vniuoca: sed analogica; quia nihil reale potest dari commune, & vniuocum substantiæ, & accidentibus.

Secundò accipitur substantia, pro Ente per se: in quo duo includuntur; vnum negatiuum, quod est non esse in alio; Aliud positiuum, quod est esse entitatem, adeò perfectam, cui debetur existentia; & subsistentia per se, ita vt sine adminiculo alterius sustentetur. Vnde acceptio hæc duas includit. Primam, & quæ in ordine erit secunda, quæ accipitur substantia pro ente, quod non inhæret alteri; vel, vt dici solet, prout distinguitur contra accidens, quod constat inhære. Et hæc etiam acceptio communis est, & analogica, & ideo impropria, quia sub ea cõprehendit substantias; nõ solum completas substantias; sed etiam incompletas, seu partiales, de quibus verum est, quod non inhæreant. Nam licet sint in toto; non tamen per realem inhærentiam, sed componendo illud substantialiter. Substantia verò de completis, & incompletis non vniuersè, sed analogicè dicitur.

Tertia acceptio in ordine est, pro illo positiuo, quod includit eadem particula per se; nempe pro entitate completa, cui debetur existentia, & subsistentia per se. Sed adhuc acceptio hæc communis est, & analogica, & ideo non ita propria, quia comprehendit substantiam finitam, & infinitam, creatam, & increatam, quibus nihil potest esse commune vniuocum: nam substantia creata intrinsecam dependentiam & attributionem dicit ad increatam, quæ est Deus. Quare substantia completa, cui debetur existentia, & subsistentia per se, analogica erit respectu vtriusque.

Quarto modo accipitur pro substantia completa, & finita, in communi, hoc est, abstracta à particularibus substantiis completis, & finitis. Et hoc modo sumpta, est supremum genus prædicamenti substantiæ, quod diuiditur in corpoream, & incorpoream prima diuisione, ex qua resultat secundum genus corporis, quod diuiditur in viuens, & non viuens; & rursus, viuens, in sensibile, & in insensibile, & tandem, sensibile, quod est animal, in hominem, equum, & leonem. Et ex his diuisionibus, resultat, prædicamentum substantiæ, his prædicatis constans; substantia, corpus, viuens, animal, homo, usque ad Petrum.

Vltima acceptio est, pro completa substantia secundum quandam proprietatem eius, quæ est subistere accidentibus, aut etiam prædicatis superioribus quiddaminiis. Substare verò idè significat, quod sustentare;

sustentare illa. Et substantiam hoc modo sumptam diuisit Aristot. in principio huius capituli in primam, & secundam. Sed in hac acceptione non potest prædicamentum constituere, quia non sumitur essentialiter.

Ex his colligitur conclusio hæc, per quam respondetur quæstioni: Prædicamentum substantiæ habet supremum genus determinatum; & hoc est substantia completa, & finita, in communi considerata. Probatur hoc arg. Supremum genus prædicamenti est illud, à quo deriuantur genera, & species eiusdem prædicamenti, & ipsum non deriuatur ab alio: sed has conditiones habet substantia completa, & finita; ergo est supremum genus prædicamenti substantiæ. Probatur minor, quia hæc non deriuatur ab alio prædicato superiori vniuerso, sed immediatè continet sub ente analogo, & ab ea deriuantur genera, & species, ex quibus efficitur recta linea prædicamenti, vt exemplis probatum est.

Ad argum. respondetur, negando consequentiam, quia diuersa est ratio de substantia, & accidenti, in duobus: *In primo* quidem; Nam substantia dicit particularem, & determinatum modum essendi; accidens verò plures modos essendi dicit, nullum determinans, sed confusa ratione. *Secundo*, accidens quantumcunque abstrahatur, aut sumatur pro solo accidenti incompleto, analogum est, propter intrinsecam attributionem ad substantiam, cum qua significat accidentia omnia, & ideo non potest esse genus nec determinatum genus vnius prædicamenti. Substantia verò sumpta pro completa; & finita, vniuersam rationem, atque communem dicit respectu omnium substantiarum completarum, ex quibus fit prædicamentum; & propter ea potest esse supremum genus determinati prædicamenti.

QVÆSTIO II.

Vtrum Deus ponatur in prædicamento substantiæ.

Quamuis ex his, quæ in quæstione præcedenti diximus, nempe, substantiam completam, & finitam, esse supremum genus prædicamenti substantiæ, colligi posset, Deum qui substantia infinita est, non pertinere ad hoc prædicamentum; plures tamen eum in prædicamento esse affirmant; & ideo specialem disputationem postulat.

Tenet igitur prima opinio, *Deum esse in prædicamento substantiæ*. Ita Greg. & Gab. in 1. d. 8. quæst. 3. Holcoth quæst. 6. & Ioannes Baconius d. 9. quæst. 1. & probatur testimonio Arist. 4. Topicorum cap. 2. loco 17. vbi ait, Deum esse in genere anima-

lis & separari ab homine per propriam differentiam immortalis, his verbis, *Si differentiam, ut genus assignauit, ut si immortale, genus Dei; nam differentia est animalis immortale.* Et loco secundo eiusdem capituli: *Si differentiam in specie posuit, ut immortale id ipsum, quod est, Deum esse, &c.*

Deinde probatur ratione. . Primò, quia si aliquid obstat quo minus Deus esset in prædicamento, maximè, esse substantiam infinitam: sed hoc non obstat; ergo nihil. Probo minorem, quia esse aliquid infinitum non obstat quo minus sit in aliis prædicamentis; ut si daretur linea infinita, esset in prædicamento substantiæ & si daretur calor infinitè perfectus secundum intensionem, esset in prædicamento qualitatis; ergo etiam si Deus sit substantia infinita, poterit esse in prædicamento substantiæ.

13 Secundò, per mysterium incarnationis Deus factus est homo uniuocè nobiscum: ergò verè & propriè est in specie humana tanquam indiuiduum huius naturæ; & etiam sub genere animalis: sed quod est sub genere, & specie, est etiam in prædicamento, quod ex generibus atque speciebus fit; ergo Deus verè & propriè est in prædicamento substantiæ per humanam naturam, quam assumpsit.

Secunda opinio negat Deum, ut Deus est, in prædicamento collocari. Et hæc est communis, & vera, quam ex Philosophis tenuerunt Mercurius Trismegistus in Epimandro cap. 1. Auerroes, disputatione 7. & con. Algazelem cap. ultimo. Auicenna 8. Meta. cap. 4. & cum his omnes interpretes Ari. Ex sanctis patribus August. lib. de Cognitione veræ vitæ, c. 3. Anselmus in Monologio c. 26. & cum eis Boëtius 1. lib. de Trinitate, cap. 6. Ex scholasticis verò omnes, præter Nominales illos pro opposita sententia citatos. Ita mag. in 1. d. 8. & ibidem Albertus Magnus, Scotus d. bona. Richar. Duran. Agidius, D. Th. 1. lib. contra gentes cap. 24. & 25. & ibidem Ferra. & 1. par. q. 3. art. 5. & ibidem Caiet. Alexand. Aléxis 1. par. q. 48. memb. 5. art. 2. & 3.

Et probatur duplici ratione. Prima, quia Deus ita est purus actus, ut tam essentiale sit ei suum esse actuale, quam sua essentia: ergo nihil est potentiale in Deo, quod per modum contrahibile concipi possit. Quare repugnat in Deo esse genus. Probatur vltima consequentia, quia genus essentialiter est contrahibile: sed quod non est in genere, non est in prædicamento; ergo repugnat Deum esse in prædicamento.

Secundò, quia si Deus esset in prædicamento, aliquod genus daretur commune Deo & creaturis: sed nullum genus potest dari eis commune; ergo non erit Deus in prædicamento. Minorem

norem probo, quia genus debet esse uniuocum: sed nihil potest dari commune uniuocum Deo, & creaturis, propter intrinsicam dependentiam, & attributionem creaturarum ad Deum, qua non possunt intelligi; ergo nec potest dari genus commune.

Ad testimonium Arist. Respondetur, Deorum nomine non veros Deos intelligere; cum certum fuerit apud ipsum, unum tantum esse, sed substantias quasdam superiores, subtilissima corpora habentes, quas plures philosophi rationales esse dixerunt, homine quidem perfectiores, quia immortales; cum eam tamen conuenientes sub genere animalis rationalis; distinguere verò per differentias, mortale & immortale, de quibus asserit, quòd in prædicamêto sint collocanda, si verum est, quòd datur.

Ad primum argumentum; Cõcessa maiori, distinguenda est minor; quia *esse aliquid infinitum*, dupliciter intelligi potest, aut secundum essentiam; aut secundum aliquam rationem accidentalem extensionis, aut intensiõis. Et infinitum primo modo, non potest esse in aliquo prædicamento, ideòque Deus excluditur à prædicamento, quia est ens infinitum secundum essentiam. Infinitum secundo modo ad prædicamentum pertinere potest; quia licet sit infinitum secundum rationem accidentalem; finitum tamen est secundum essentiam, per quam in prædicamento collocari debet, & non ratione accidentis. Et talis esset linea infinita, si daretur, aut calor infinitus secundum intensiõem: nam linea finitam haberet essentiam quantitatis continuæ, & calor etiam finitam essentiam qualitatis; licet illa haberet infinitam extensionem longitudinis accidentalem, & calor infinitam intensiõem gradualem; quæ accidentia infinita non obstant, quo minus in suis prædicamentis collocarentur. Et huius ratio est, quia prædicamenta constituuntur ex rerum essentiis, non ex earum accidentibus.

Ad secundum arg. Respondeo, Christum verè, & propriè esse in genere, & specie; atque etiam in prædicamento, ratione humanæ naturæ; & consequenter verbum Diuinum, cui natura humana vnita est in persona, per illam ponitur in prædicamento substantiæ. Sed ex hoc non sequitur, quòd verbum Diuinum ratione diuinæ naturæ, aut diuinæ personæ ponatur in prædicamento. Sic igitur loquendum est in hac materia, vt absolute dicamus. Primò, Christum esse in prædicamento substantiæ, quia simpliciter, & absolute est homo, & hic homo. Secundò, Deum etiam absolute esse in prædicamento substantiæ, quia absolute verum est, Deum esse hominem; sed quia hoc habet ratione humanæ naturæ, & non ratione naturæ diuinæ aut diuinæ personæ; negandum est, Deum vt Deus est,

est, vel, vt persona est diuina, esse in prædicamento. Et hoc modo intelligitur communis, & vera opinio, quam sequimur, quæ non minus vera est modò, quàm fuit priusquam Deus fieret homo; quia ea, quæ conueniunt Deo post incarnationem, pertinentia ad humanam naturam, non conueniunt ratione sui sed ratione eiusdem humanæ naturæ; & ideo nihil ponunt in Deo, vt Deus est, quod non habuerit semper. Sed quæret aliquis, *An licet Deus non sit per se prædicamento, reductiue saltem in aliquo possit collocari.* Cui respondet Fonseca; posse quidem in illis prædicamentis, quæ extrinsecam denominationem continent; vt in prædicamento, vbi, in prædicamento actionis, & habitus. Ego verò nec reductiue in prædicamento esse admitto; quia ita tenet D. Thomas 1. p. quæst. 3. art. 5. & cum eo Richardus in 1. dist. 8. artic. 4. quæst. 1. Probatque hac ratione; Res illa dicitur pertinere ad aliquod prædicamentum reductiue, quæ deficit à ratione perfecta, & completa talis prædicamenti, vt partes, & modi; sic enim punctum pertinet ad prædicamentum quantitatis, & brachium ad prædicamentum substantiæ; sed Deus excedit potius in infinitum omnes rationes prædicamentales; ergo non est reductiue in aliquo prædicamento. Quod D. Augustinus his verbis docuit 5. lib. de Trinitate cap. 1. *Sic intelligamus Deum (si possumus) sine qualitate bonum, sine quantitate magnum, sine intelligentia creatorem, sine situ presentem, sine habitu omnia continentem, sine loco ubique totum, sine tempore sempiternum, sine ulla sui mutatione mirabilia facientem, nihilque patientem.*

Hæc August. ex quibus intelligitur, etiam denominationes extrinsecas aliquorum prædicamentorum, non propriè, sed abusiue Deo conuenire, ideo non eadem ratione, aut vniuocè in eisdem conuenire cum creaturis; & consequenter propter illas, nec reductiue pertinere ad aliquod prædicamentum.

Q V Æ S T I O III.

Virum Angeli & corpora cœlestia sint in prædicamento substantia.

76 **C**IRCA corpora cœlestia, & Angelos in ordine ad constitutionem prædicamentalem, Prima opinio fuit Commentatoris 10. Metaph. cap. ultimo, commento 16. *excludetis viresque substantias à prædicamento.* Quam sententiam secuti sunt Ioannes Gandauensis 10. Metaph. quæst. 22. Niphus ibidem quæst. 9. & quantum ad solos Angelos Plotinus lib. 1. *Enade* 6. Agidius Romanus in commentariis huius prædicamenti, & quodlib.

quodlib. 1. quest. 8. Albertus Magnus in prædicamentis, tract. de substantia, cap. 12.

Et de corporibus cœlestibus probant hoc arg. Corruptibile & incorruptibile differunt genere; ergo differunt prædicamento: sed corpora cœlestia sunt substantiæ incorruptibiles; ergo differunt prædicamento à substantiis corruptibilibus. Probatur antecedens ex Arist. Meta. cap. ultimo, ubi id expressè docet; Deinde substantiæ corruptibiles ponuntur in hoc prædicamento; ergo corpora cœlestia non sunt in eodem, nec etiā in alio, cum non sint in aliquo prædicamento accidentium; quare non erunt omnino in prædicamento.

De Angelis verò probatur testimonio Arist. 10. Meta. tex. 30. ubi præter primum principium, quod est Deus, ponit quasdam alias substantias, quas vocat intelligentias, ad mouendum corpora cœlestia. Et has dicit non habere materiam, sed esse puros actus, ac sempiternos: sed substantia, quæ est purus actus, nihil habet potentiæ; ergo non habet genus. Probatur consequentia, quia genus est totum potentiale. Deinde ea, quæ non habent genus, non possunt habere speciem, nec prædicamentum; quia species componitur ex genere, & differentia, & prædicamentū fit ex generibus, & speciebus; ergo ex sententia Arist. intelligentia, quas nos vocamus Angelos, non sunt in prædicamento; qui simplices etiam substantias eas appellauit, 9. lib. Meta. tex. 22. quasi nullam habentes compositionem: ex quo etiam sequitur nec habere prædicamentum; quia ea quæ sunt in prædicamento, composita esse debent, saltem ex genere, & differentia.

Vnde sequitur euidenter falsam esse sententiam Duran. & 17 contradictionem implicare in 2. d. 3. quest. 1. num 12. & Marsilij in 1. q. 2. qui cum Angelos ponant in hoc prædicamento; negant nihilominus ullam prorsus habere compositionem, etiam ex genere, & differentia.

Probatur deinde ratione; quia Angeli sunt substantiæ simplices, in quibus non est compositio ex materia, & forma; ergo nec est compositio realis ex potentia, & actu: sed compositio ex genere & differentia, quæ est ex potentia & actu Metaphysicis, fundatur in compositione reali ex potentia, & actu; ergo nec est in illis compositio ex genere, & differentia; & consequenter non sunt in prædicamento.

Secunda opinio tenet, *Non solum corpora cœlestia, sed etiam Angelos collocari in hoc prædicamento.* Et hæc est communis & vera, quam sequuntur quantum ad corpora cœlestia, omnes interpretes Aristotelis in præsentī capite. Et quantum ad Angelos non solum illi, sed scholastici omnes præter citatos pro opposita)

sita) cum magistro in 1. d. 8. & D. Tho. 1. p. q. 50. art. 2. ad 1. & 3. & q. 88. art. 2. ad 4. Et probatur imprimis de corporibus cœlestibus testimonio Arist. 5. Meta. tex. 1. 5. 7. Meta. tex. 5. & lib. 8. tex. 1. quibus locis expressè docet esse composita, non solum ex materia & forma, sed etiam ex partibus integrantes, eo modo, quo corpus nostrum componitur ex capite, brachio, & cæteris mēbris. Ergo etiam ex mente eius erunt composita ex genere & differētia. Probatur consequentia, quia compositio hæc minor est aliis, & in compositione ex materia, & forma fundatur.

- 18 Probatur etiam ratione, quia corpora cœlestia, præter compositiones physicas ex materia, & forma, atque ex partibus integrantes, habent aliam etiam physicam, ex subiecto, & accidenti materialibus, nam & quantitatem habent, & lucem recipiunt à sole; ergo habent omnes compositiones physicas possibiles, quia præter prædictas res, non possunt aliæ excogitari; ergo necesse est esse composita ex genere, & differentia. Probatur consequentia, quia ubi potentia realis est, & actus realis, poterit intellectus conceptum potentialem sub ratione contrahibilis formare, qui est conceptus genericus, & etiam conceptum actuale, & contrahentem, qui est conceptus differentialis, & ex utroque componere speciem. Quod verò genus, & speciem habet, in prædicamento ponitur; ergo evidens est corpora cœlestia in prædicamento substantiæ collocari.

De angelis verò, tria asserunt doctores omnes citati, præcipuè D. Thom. Primum, *Quod in eis sit vera, & realis compositio ex actu, & potentia, aut ex esse & essentia.* Secundum, *Quod verè componantur ex genere, & differentia.* Tertium, *Quod per se ponantur in prædicamento substantiæ.* Et omnia sunt vera, ac necessaria.

- 19 Sed probanda sunt singula, & ut probet primum D. Tho. ubi supra, nempe, quod in Angelis sit compositio realis ex actu, & potentia, præsupponit, quod in rebus materialibus duplex compositio realis reperitur. Prima ex materia, & forma, ex quibus natura earum cōponitur, ut natura humana ex corpore, & anima. Natura verò ita composita adhuc non est completa, sed respicit actum realem, per quem completur, & actus iste vocatur esse eius, per quod constituitur suppositum, aut persona; ergo natura est potentia realis respectu proprii esse, per quod cōpletur, & esse est actus realis eius, & ex utroq; sit vnum, nempe suppositum; aut persona, quod non potest fieri, nisi per reale compositionem, quia compositio realis est, per quam ex duobus ex natura rei distinctis fit vnū, ergo præter cōpositionem ex mate-

ria, & forma, reperitur in his rebus cōpositio realis ex essentia, & esse, siue ex natura, & proprio actū, per quod completur.

Hoc supposito probat; Quod licet prima compositio non 20
reperiatur in Angelis, quia carent materia, secunda tamen necessariò sit in eis ponenda. Quia hæc est differentia inter esse diuinum, & creatum, quod diuinum non est receptum ab alio, sed essentialiter habetur: quia prædicatum est essentiale Dei, sicut esse bonum, aut sapientem: esse autem creatum, extra essentiam rei creatæ est, & ideo non habet illud essentia, nisi à Deo communicetur, & hoc est esse receptum à Deo; ergo essentia creata, verè, & realiter est in potentia ad recipiendum esse à Deo, & esse receptum à Deo, actus realis eius est. Vnde sequitur, intra substantiam Angeli reperiri potentiam realem, & realem actum, ex quibus cum fiat vnum, nempe completa substantia eius, non potest fieri nisi per realem compositionem. Et ita probatum est primum.

Ex quo probari potest secundum, quod sit in eis compositio ex genere, & differentia, hoc argumen. Intellectus cognoscit naturam Angeli tanquam potentiam realem determinabilem per actum essendi; ergo potest formare in eadem natura conceptum perfectibilem, ac determinabilem, & conceptum perficientem, ac determinantem: sed isti sunt conceptus genericus, & differentialis, ex quibus componitur species; ergo in Angelo est compositio speciei, ex genere, & differentia.

Ex quo euidenter probatur tertium, quod Angelus sit in prædicamento. Quia prædicamentum sit ex generibus, & speciebus essentialiter ordinatis: sed Angelus habet genus, & speciem; ergo ordinabilis erit in prædicamento.

Ad arg. primæ opinionis de corporibus cœlestibus, respondet D. Tho. 1. p. quæst. 66. art. 2. ad 2. & quæst. 88. art. 2. ad 4. distinguendo maiorem: quia genus duplex est, Physicum, & Logicum, seu Metaphysicum. Genus Physicum est materia, quia primò reperitur in ea potentia realis, quæ prima radix est, & fundamentum Metaphysici generis in rebus materialibus. Genus autem logicum, aut Metaphysicum, est natura abstracta à speciebus; & differentiis, vt substantia à corporea, & incorporea. Ad formam igitur argumenti, dum in maiori dicitur; corruptibile, & incorruptibile differre genere: distinguendum est, de genere physico, & logico, & de illo concedendum, quia corpora incorruptibilia constant materia diuersa speciei, à materia corporum corruptibilium, & ideo dicuntur differre genere physico, quod est materia.

Et ita intelligendum est testimonium Aristotelis, in quo 22
propo.

propositio illa continetur. Sed de genere logico non est verum, nec de eo loquitur Aristoteles, quia corpus corruptibile, & incorruptibile, commune genus habent, nempe corpus abstractum ab utroque, & sub illo collocantur in prædicamento substantiæ. Non ergo sequitur, differunt genere physico; ergo differunt prædicamento, quia genus physicum, quod est materia, non est genus prædicamentale, sequeretur autem bene, si differrent genere logico.

Quamvis etiam posset secundo responderi, loqui Aristotelem de genere logico, aut metaphysico. Sed alio modo esset eadem maior distinguenda, dum dicitur, corruptibile, & incorruptibile, differunt genere. Nam genus prædicamentale duplex est, supremum & intermedium, & concedendum est differre genere intermedio, non supremo, quia corpus dividitur in corpus corruptibile, & incorruptibile, tanquam in duo genera intermedia. Et sub vno continentur corpora cælestia, sub alio corruptibilia: & ita differunt genere intermedio, sed non supremo, quia sub eodem genere corporis & substantiæ continentur, & in eo conueniunt. Unde nec differunt prædicamento, quia ea solum dicuntur differre prædicamento, quæ sub diuersis generibus supremis continentur, ut animal, & scientia, illud enim sub supremo genere substantiæ, scientia verò sub supremo genere qualitatis continetur.

23 Ad testimonia Aristo. in quibus loquitur de intelligentiis: Respondeo, sempiternas esse, & materia carere, & ideo non habere potentiam ad non essendum, quia non habent principium corruptionis, sicut substantiæ corruptibilium, quæ ratione materiæ habeant in se principium non essendi. Et ideo vocantur ab Aristotele *intelligentiæ actus*; non tamen puri, quia cum triplicem compositionem habeant necessario, nempe ex esse, & essentia, ex subiecto, & accidenti; habent enim intellectum & voluntatem, quæ sunt vera accidentia superaddita substantiæ eorum, & præterea ex genere, & differentia, necesse est triplicem quoque potentiam habere, quia quælibet compositio suo modo fit ex actu, & potentia. Quare sicut ab his potentiis, eas non excludit, sic nec potuit excludere à prædicamento.

24 Ad Argu. negandum est antecedens, quod Angeli, ita sint substantiæ simplices, ut in eis non sit compositio realis ex potentia, & actu, atque etiam ex genere, & differentia: non enim sequitur, non habet compositionem ex materia, & forma; ergo nec ex actu, & potentia: quia compositio ex actu, & potentia, vniuersa

lior est compositione ex materia & forma, & communis substantiis materialibus, & immaterialibus, quia non fundatur necessariò in materia, sed in natura ipsa reperitur, ex eo quòd creata est, & esse receptum ab alio habet. Et cum talis sit natura Angelorum (licet spiritualis) necessariò includit hanc compositionem intra propriam substantiam, & consequenter compositionem ex genere, & differentia, quæ proximè in ea fundatur, quamvis radicaliter, & remotè fundetur in materia, in rebus materialibus.

QVÆSTIO IIII.

Qualisnam sit diuisio substantia in primam, & secundam: uniuoca, vel analoga.

VT meliùs intelligatur quæstio, notandum est, quatuor 25
modis accipi posse tam diuisum quàm membra huius diuisionis. Primò sic accipiuntur, vt diuisum sit reale, & membra sint secundæ intentiones. Sed tunc diuisum secundum esse reale duobus modis accipi potest: Aut pro substantia reali secundum essentiam, aut secundum proprietatem substândi: & si primo modo accipiatur, sensus diuisionis erit: Substantia realis, vna est vniuersalis, alia particularis, aut vna est subiectum, alia prædicatum. Et erit diuisio subiecti realis in diuersa accidentia rationis. Si verò secundo modo, diuersus erit sensus, nempe, Substantia realis, vt substans, vna est primum subiectum in propositione, alia secundum. Et erit diuisio quasi accidentis realis, in diuersa accidentia rationis.

Secundo modo potest accipi, ex opposito, ita vt diuisum sit 26
ens rationis & membra realia, videlicet prima, & secunda substantia secundum esse reale: eritque sensus: Subiectum in propositione, vnum est prima substantia realis, aliud, secunda substantia realis. Et erit diuisio accidentis rationis, in diuersa subiecta realia.

Tertiò modo accipitur, ita vt tam diuisum quàm membra sint entia rationis, & sensus sit: Subiectum propositionis aliud est primum, aliud secundum, vel aliud particulare, aliud commune, & cum hæc diuersa subiecta, sint quasi species subiecti abstracti à communi, & particulari, erit diuisio sic sumpta generis in species. Vltimò accipi possunt, tam diuisum, quàm membra pro substantia reali, secundum proprietatem realem substândi, eritque sensus: Substantia realiter substans accidentibus, & prædicatis superioribus, vna est prima, quæ propria virtute substat, alia secunda, quæ substat virtute primæ. Et erit diuisio analogi

analogi in analogata; quia secunda substantia non dicitur substantiare, nisi per attributionem ad primam, cum eius virtute substantiet.

27 Ex his quatuor modis sumendi hanc diuisionem, secundus excludi debet; quia nullus est, qui sic accipiat diuisionem; & verè est præter mentem Aristotelis. atque impertinens ad propositum eius; quia cum diuisum ordinetur ad cognitionem membrorum, si pro ente rationis accipiat, non poterit deferui ad ea cognoscenda. Hoc ergo modo prætermisso, secundum alios tres, sunt quatuor opiniones diuersæ.

Prima asserit, esse diuisionem subiecti in accidentia; quia primo modo eam considerat. Ita Can. in principio huius capituli. Probat à sufficienti diuisione; quia hæc diuisio non est æquiuoci in æquiuocata, cum aliquid præter nomen diuidatur. Nec est diuisio totius in partes, quia diuisum prædicatur de membris, imò vnum membrum de alio: nam verum est, quod prima substantia sit substantia: & cum secunda substantia sit vniuersalis, verum est etiam prædicari de prima, quæ est singularis; & tamen neque totum prædicatur de partibus; neque vna pars de alia: ergo non diuiditur per hanc diuisionem substantia, tanquam totum in suas partes. Nec est diuisio generis in species; quia vna species non prædicatur de alia, secunda verò substantia prædicatur de prima. Et præterea si diuisio esset generica, daretur genus superius generalissimo huius prædicamenti, quod cum sit secunda substantia, erit alterum membrum huius diuisionis, & ideo inferius diuiso, tanquam species sub genere. Nec tandem est analogica; primo quia si substantia realis in ratione substantiæ diuiditur, cum substantiare non sit essentia substantiæ, sed proprietates eius, non diuideretur substantia, sed quedam propria passio eius. Deinde, diuisum non conueniret secundæ substantiæ; quia diuisum est substantia sub ratione substantiæ, cum substantiare sit subiectum; & secunda substantia cum non possit esse subiectum, sed prædicatum, non posse ei conuenire.

28 Secunda opinio eodem modo accipit diuisum, pro substantia reali, & membra pro secundis intentionibus; non tamen pro substantia reali secundum essentiam, sed secundum proprietatem realem substantiæ. Et affirmat esse diuisionem accidentis realis, in accidentia rationis; quia propria passio substantiæ, accidens reale, est; membra verò, accidentia rationis nempe substantia vniuersalis, & particularis. Pro hac sententia referuntur Louanienses, & Th. sed nihil tale apud eos inuenire potui.

29 Tertia opinio, integram diuisionem sumens pro secundis intentionibus, asserit esse generis in species: quam sequuntur

plures moderni. Et probant hac ratione: Diuisum, quod est subiectum in communi, æqualiter participatur à prima & secunda substantia, & ab vna sine dependentia ab altera; ergo est diuisio vniuoca, atque generica. Probatur antecedens; quia quando in propositione copula absoluitur à tempore, non pendet veritas eius à singularibus, vt in hac, homo est risibilis; ergo non substat homo, qui est secunda substantia, prædicato risibili, cum dependentia à prima substantia. Et in propositionibus contingentibus singularibus, non dependet veritas à secundis substantiis, sed solum à primis, quibus conueniunt accidentia sine dependentia à secundis.

Vltima sententia tenet, Diuisionem esse analogi in analogata. Sed qui eam sequuntur, non eodem modo eam accipiunt; sed quidam diuisum pro reali substantia, & membra pro secundis intentionibus secundum primum modum; & ita substantia realis diuiditur in diuersas secundas intentiones, Vniuersalem, & Singularem; aut Subiecti, & Prædicati. Ita Sotus, quest. 1. ad primum, & Caiet. cap. etiam præsentis. Sed plures alij analogam esse affirmant, tam diuisum, quàm membra accipientes realiter. Ita Albertus Magnus in prædicamentis tractat. 2. de substantia, c. 3. Iauellus 5. Meta. q. 7. Toletus, q. 1. & expresse D. Tho. q. 9. de potetia, art. 1. ad 6. Et hæc videtur mihi probabilior.

Sed duo sunt probanda, vt maior probabilitas eius fiat manifesta. Primum, quod tam diuisum, quàm membra sumantur realiter, & non pro secundis intentionibus. Secundum, quod sic accepta sit diuisio analogi in analogata. Probatur primum ex Arist. qui non posuit hanc diuisionem expresse, sed eam posuisse intelligimus ex eo, quod vtrumque membrum definitur; Ergo sic sunt membra diuisionis, sicut definiuntur. Sed definiuntur secundum esse reale; ergo efficiunt diuisionem realem. Probatur minor, quia prima sic definitur, *Substantia, quæ proprie, principaliter, & maxime dicitur*, &c. Sed excellentiæ istæ non conueniunt ei ratione secundæ intentionis; sed propter naturam realem perfectissimam; ergo realiter, & non per secundam intentionem definitur. Secundæ etiam substantiæ definiuntur, quod sint genera, & species, quibus insunt primæ, id est, sub quibus ponuntur in prædicamento; ergo definiuntur, vt ponuntur in prædicamento: sed nō ponuntur in prædicamento, vt denominantur à secundis intentionibus, sed vt sunt genera & species Metaphysicæ, atque reales; ergo realiter definiuntur.

Præterea, comparans Arist. vtrumque membrum diuisionis, ait, Primam substantiam esse magis substantiam, quàm secundam; quia propria virtute substare accidentibus: sed substare est actus

actus realis, cum sit realiter sustentare accidentia; ergo comparantur secundum esse reale, & non intentionale; & ideo realem diuisionem efficiunt.

Probatum tandem: quia eandem substantiam diuidit Arist. in primam, & secundam, cuius proprietates postea enumerat; sed proprietates sunt reales, ut manifestum est; ergo substantia realiter diuiditur in primam, & secundam.

Probatum deinde ratione. Primo, quia repugnat, diuisum, & membra, sumi pro secundis intentionibus, ut ponunt alie sententiae; ergo omnes sunt falsae. Probatum antecedens de diuisione: nam membra diuisionis sunt secundae intentiones subiecti, & praedicati, ut ex definitionibus vtriusque colligitur, secundo intentionaliter intellectis; sed nulla datur secunda intentio communis subiecto, & praedicato, praeter rationem vniuersalem entis rationis; ergo haec erit diuisum. Et sensus diuisionis erit: Ens rationis aliud est subiectum, aliud praedicatum; quod patet esse absurdum; cum ens rationis in communi consideratum nihil denominet; & si denominaret, non magis substantiam, quam accidentia. Ex quo intelligitur, nec diuisum huius diuisionis posse esse subiectum in communi; quia non magis denominat substantiam, quam accidentia; siquidem vtrumque potest indifferenter esse subiectum propositionis. Probatum etiam de membris, quod non accipiantur pro secundis intentionibus: nam membra sunt subiectum, & praedicatum, ut asserit prima opinio; sed praedicatum est nobilius subiecto, cum sit forma propositionis; ergo secunda substantia, ut est membrum diuisionis, erit nobilior prima, quod expressè est contra Arist. saepe docentem in textu, Primam substantiam esse nobiliorem secundam.

32 Hoc supposito probandum est secundum, quod diuisio sit analogi in analagata; Sed ut probetur, notandum est, *Substantiam tribus modis posse considerari*, secundum essentiam: secundum vltimum actum substantialem eius, qui est subsistentia: vel secundum proprietatem sustentandi accidentia. Essentia substantiae est, esse gradum quendam entitatis realis perfectae, hoc est, independentis ab alio, & qui debetur subsistentia per se: & licet non possit esse in rerum natura, nisi actu existens; neque completa, nisi per subsistentiam; neutra tamen pertinet ad essentiam eius, sed extra illam est. Nec tamen sunt accidentia: sed actus quidam substantiales eius, ita ut per existentiam sit in rerum natura; & per subsistentiam vltimo compleatur, & in persona, aut supposito constituitur. Proprietas vero sustinendi, sequitur substantiam iam completam, aut iam

subsistentem. Itaque hæc tria ita se habent; vt esse entitatem perfectam; & ex se inde pendentem, sit essentia substantiæ; ex quo duo alia procedunt hoc ordine, vt subsistentia sit prius, deinde verò illa mediante, procedit substare: illa quidem tanquam modus substantialis; substare verò tanquam proprietat; sed vtrumque extra essentiam eiusdem naturæ; quæ quidem ponitur in prædicamento secundum essentiam. Sed quia hæc non facile cognoscitur à nobis, voluit eam Arist. manifestare per intiniam proprietatem, sustendandi accidentia; & ideo substantiam diuisit, secundum proprietatem substandi, vt definitio primæ substantiæ euidenter ostendit: Vnde sensus diuisionis est; Substantia, quæ est ens completum atque perfectum, cui debetur subsistentia per se, ratione cuius est quasi sustentatiua aliorum, vna est prima, alia secunda; hoc est, primò; & per se habet esse in singulari, & quasi secundario in vniuersali.

Ex hac doctrina colligitur hoc arg. quo probatur diuisionem realiter sumptam esse analogi in analogata. Analogum est nomen, quod ita conuenit suis significatis, vt vni per se primò, atque simpliciter; aliis verò non nisi cum intrinseca dependentia, & attributione ad illud; sicut ens conuenit substantiæ, & accidenti. Sed substantia sumpta realiter in ratione substandi (vt probatum est sumi in hac diuisione) conuenit primæ substantiæ primò, & per se: secundæ verò non nisi cum intrinseca dependentia, & attributione ad illam; ergo habet se vt analogum respectu vtriusque, & vt tale diuiditur in ea tanquam in analogata. Probatur minor, quia substare, aut sustentare, alia propria virtute, conuenit primæ substantiæ, & per participationem eius conuenit secundis.

Ad arg. primæ sententiæ, quæ contendebat probare, Diuisionem non esse analogam propter duo. Primum; quia diuisum est substantia in ratione substandi; ergo nō diuiditur substantia, sed quedam propria passio eius. Et respondemus, concedendo, quod non diuiditur substantia secundum essentiam; sed in quantum conuenit illi propria passio substandi, per quam manifestatur eius essentia, sicut posset diuidi animal, in quantum est sensibile. Secundum erat, quod si substantia diuiditur in ratione substandi, nō poterit conuenire secundæ substantiæ; quia substare est esse subiectum; & secunda substantia est prædicatum. Respondetur, secundas substantias vtramque rationem habere, subiecti, & prædicati: & ad hanc diuisionem potius pertinent, tanquam subiecta, quæ realiter substantia accidentibus, quam vt prædicata. Fuit autem conuenientius diuidere

videre substantiam, per illam proprietatem realem substandi, quam per secundas intentiones; ut ratio prædicamentalis eius manifesta fieret, & etiam constaret, quomodo potest esse fundamentum secundæ intentionis.

QVÆSTIO V.

Quod sit formale definitum definitionis primæ substantiæ.

35 **P**rima opinio est Sôri, quam sequuntur plures moderni. Definitum formale huius definitionis, *Esse secundam intentionem primæ substantiæ in cōmuni*, quæ abstrahitur à particularibus, secundis intentionibus, denominantibus Petrum, & Ioannem, cæterasque secundas substantias; Materiale verò, *Rationem primæ substantiæ realem, in qua conueniunt omnes primæ substantiæ*, non ut realis est; sed ut denominatur à secunda intentione: & ex utraque fieri vnum definitum totale, atque completum. Sicut in definitione generis diximus, formale definitum, esse secundam intentionem generis; materiale verò naturam genericam in cōmuni, ab eo denominatam.

Probat ex definitione primæ substantiæ tradita ab Arist. quæ sic habet: *Prima substantia est, qua nec de subiecto aliquo dicitur, nec in subiecto aliquo est; & continet negationem prædicamentis; & negationem fundamenti.* Nam ex eo non prædicatur de subiecto prima substantia, quia non est in subiecto; ergo definitum erit prima substantia realis pro fundamēto, & quasi pro materiali; & secunda intentio, aut negatio eius, pro formali.

Deinde probatur ratione; quia primæ substantiæ, ut Petrus, & Ioannes, duobus modis possunt considerari: aut secundum esse reale substantiæ singularis; vel ut denominantur à secunda intentione: & si primo modo considerentur, nihil reale commune, & vniuocum habere possunt; ergo neque aliquid reale eis commune potest esse definitum. Probat antecedens: quia singularia, ut singularia, sunt primò diuersa, sicut sunt vltimò distincta; ergo non possunt habere vniuocam conuenientiam; nam si eam haberent, per alias differentias essent ab ea separanda, & sic procederetur in infinitum. Ex quo sequitur, solum posse definiri primam substantiam, ut denominatam à secunda intentione.

36 Tertiò, si aliquid reale commune esset definitum, duo absurdum sequerentur: primum, quòd Definitio non conueniret definito. Quod sic probo: Definitum est aliquid reale, commune omnibus primis substantiis; ergo prædicatur de illis atque in illis est: sed definitio asserit primam substantiam non

dici de subiecto, nec esse in subiecto; ergo non potest eiconuenire. Secundum, quod sequitur, est; Definitum non esse primam substantiam, sed secundam. Probatur consequentia: quia prima substantia non est prædicatum commune, sed subiectum singulare: Secunda verò substantia est prædicatum commune, quod prædicatur de primis: sed illud est reale prædicatum commune, quod prædicatur de primis substantiis; ergo est secunda substantia. Quare nõ potest esse definitum in definitione primæ.

Secunda opinio est Caietani cap. præfenti, ubi asserit, *Individua*, seu primas substantias, ut Petrus, & Ioannes, *duobus modis considerari posse*; vel ut participant naturam humanam; vel ut habent modum particularem subsistendi. Et utroque modo habent conuenientiam vniuocam, sed prima est conuenientia naturæ; secunda verò modi: & ideo illa vocatur specifica, hæc modalis: nam subsistentia in qua conueniunt, modus est naturæ. Et prima conuenientia significatur per hoc nomen (homo;) secunda per hoc nomē, (prima substantia;) quia prima substantia significat substantiam per se subsistentem, abstractam ab hac, & illa prima substantia, ut à Petro, & Ioanne. Definitum ergo huius definitionis, quasi materiale, *Sunt omnes prima substantia*: Formale verò est communis illa ratio particulariter subsistendi, & adequatū, prima ista substantia, ut conueniunt in eadem ratione modalis. Hæc est expressa sententia D. Thomæ, 1. part. quæst. 29. art. 1. ad 1. ubi ita ait: *Licet hoc singulare, vel illud definiri non possit; tamē id, quod pertinet ad communem rationem singularitatis, definiri potest.* Et sic Philosophus definit substantiam primam: & hoc modo definit Boëtius personam, & quæst. 30. art. 4. ad 2. *licet persona sit incommunicabilis; tamen ipse modus existendi incommunicabiliter, potest esse pluribus communis.* Et hæc videtur mihi probabilior & ténenda.

Quæ probatur testimonio Arist. & ratione. Aristot. enim volens definire primam substantiam, his verbis eam explicauit: *Substantia, qua proprie, principaliter, & maxime dicitur, &c.* Quibus, euidenter est significari, proprias excellentias primæ substantiæ; quæ non possunt ei conuenire, in ordine ad secundam intentionem: sed secundum propriam naturam realem per se subsistentem; ergo secundum eam definitur, & non ut denominata à secunda intentione. Et sic potius definiri debuit, quam per secundam intentionem; quia nisi cognoscatur natura realis eius, non potest intelligi modus, quo fundamentum est secundæ intentionis.

Sed ratione probatur eadem sententia. Primò quia prima substantia,

substantia, ad quam libet naturam substantialem se extendit; persona verò solùm ad naturam rationalem, atque intellectualem: sed personam definiuit Boëtius, secundùm modum realem subsistendi, lib. de duabus naturis, in principio (inquiens) *Persona est rationalis natura indiuidua substantia*. Ita enim intellexit hanc definitionem schola Theologorum; ergo prima substantia eodem modo potuit definiri ab Arist. Quod verò sic fuerit definita, probat testimonium citatum.

39 Secundò, quia prima substantia definitur secundùm rationem per quam punitur in prædicamento, tanquam fundamentum reale totius prædicamenti: sed euident est, in prædicamento non collocari, vt denominatur à secunda intentione; quia sic non est fundamentum reale; sed secundùm realem naturam per se subsistentem, & sustentantem omnia; ergo secundùm eam definitur, & nõ vt denominatur à secunda intentione subiecti.

Ad testimonium Arist. pro prima sententia; Respondetur, quòd prima substantia per proprium modum realem subsistendi habet etiam reales negationes inhærendi in subiecto; & prædicandi de illo, & ideo definitio, secundùm has negationes reales, intelligenda est, & nõ secundùm negationes intentionales.

Ad primum arg. Respondetur, negando minorem, quòd Petrus, & Ioannes, vt sunt singulares homines, non conueniant; quia à modo singularitatis vtriusque abstrahi potest conceptus communis modi singularitatis. Et eodem modo, primæ substantiæ, conueniunt in modo subsistendi per se, à qua conuenientia non est necesse, vt separentur per alias differentias, sed per easdem subsistentias, vt determinatas, atque distinctas, sufficienter separantur; & ideo nõ dabitur processus in infinitum.

Ad secundum negamus, quòd duo illa absurda sequantur, si definiatur aliquid commune primis substantiis; nam illud commune non est, cui non conuenit definitio; sed ratio sub qua conuenit primis substantiis: quare nec est in subiecto, nec de subiecto dicitur; sed est communis ratio eorum, quæ nec sunt in subiecto, nec dicuntur de subiecto.

Nec etiam sequitur secundum, quòd conueniat definitio secundis substantiis; quia secunda substantia non est, quodcunque prædicatur de primâ: sed quod prædicatur de illa, tanquam natura generica, aut specifica: quod probatur ex definitione secundarum substantiarum, quæ sic habet: Secundæ substantiæ sunt genera, & species, quibus primæ substantiæ insunt; communis autem illa ratio, sub qua definiuntur primæ substantiæ, non est nature; & ideo non est generica nec differentialis, sed solùm modalis.

PRIMUM DVBIUM CIRCA COM- parationes primarum, & secundarum substantiarum.

DVO restant explicanda circa textum Arist. Primum 41
pertinet ad comparationes; quas fecit inter primas, &
secundas substantias. Secundum ad proprietates eiusdem
substantiæ. Hæc autem breuitatis gratia, quibusdam dubijs
explicabuntur. Et primum est circa comparationes, an sint ve-
ræ. Sunt autem quatuor. Nam primò comparat primas sub-
stantias cum secundis, & asserit, *Primam esse magis substantiam,*
quàm secundam. Secundò, comparat secundas substantias
inter se dupliciter; nempe genus cum specie, & species inter se;
& affirmat *Speciem esse magis substantiam, quàm genus*: sed inter
species, vnam non esse magis substantiam, quàm alteram. Vi-
timò comparat primas inter se, affirmans etiam *Vnam non esse*
magis substantiam, quàm aliam.

Sed aduersus has comparationes, tria argumenta propo-
nuntur. Primum aduersus omnes, quia videntur contradi-
cere cuidam proprietati eiusdem substantiæ, qua dicitur;
Substantiam non suscipere magis, & minùs: quod si ita est, fal-
sum erit, quòd vna substantia sit magis substantia quàm alia,
siue prima sit vel secunda.

Secundum argumentum est contra primam comparatio-
nem, in qua dicitur, quòd prima substantia est magis substan-
tia, quàm secunda; nam secunda substantia est species, vt ho-
mo; & prima substantia est indiuiduum, vt Petrus: sed species
perfectior est indiuiduo; ergo secunda substantia erit pefecti-
or prima; & ideo erit magis substantia, quàm illa. Probatut
minor, quia perfectior essentialis rei, sumitur ex prædicatis
essentialibus: sed prædicata essentialia primò conueniunt spe-
ciei, & per participationem eius indiuiduo; ergo perfectior
erit species.

Tertium est contra comparationem secundarum substan- 42
tiarum atque primarum inter se, in qua dicit Arist. *Vnam speciem,*
non esse magis substantiam, quàm alteram. Quòd probò esse fal-
sum: nam illa est magis substantia, quàm altera, quæ pluribus
substat, sed vna species pluribus substat, quàm alia; ergo erit
magis substantia. Probatut minor; quia coruus substat plu-
ribus prædicatis, quàm homo: quia substat omnibus, quibus
substat homo, & duobus aliis, nempe bruto, & aui, quæ sunt
genera inferiora animali: & inter primas substantias, vna etiam
substat

substat pluribus; quàm alia: nam coruus iste singularis, substat eisdem generibus; quibus sicut non substat homo; ita nec Petrus: ergo erit magis substantia, quàm Petrus.

Pro solutione primi argumenti, notandum est; *Magis & Minus*, duobus modis sumi posse; *Propriè*, & *Impropriè*. Sumitur autem *Propriè*, pro intensiōe graduāli qualitatis: secundum quā, Calidum; ut quatuor, magis calidum dicitur propriè, quàm Calidum, ut duo: quia plures habet gradus intensiōis eiusdem caloris. *Impropriè* verò sumuntur *magis*, & *minus*; pro *magis*, & *minus* perfecto, sub quacunque cōsideratione; siue essentiali, siue accidentali; siue intensiua, aut extensiua: in qua acceptione homo dicitur magis substantia; quàm equus; hoc est, perfectior essentialiter. Dum ergo Aristoteles in principio capitis dicit; *Primam substantiam esse magis substantiam, quàm secundam*: & inter secundas, *speciem magis substantiam, quàm genus*: in secunda significatione accipit verba illa, *Magis*, & *Minus*: sed dum asserit in fine capitis; substantiam non suscipere *magis*, & *minus*; accipit ea primo modo: & ideo non est sibi contrarius.

Pro solutione secundi argumenti, notandum est, Substantiam duobus modis sumi posse. Primo; quantum ad essentialiā abstrahentem ab actuali existentia, & subsistentia: & ideo; quæ solum respicit essentialia prædicata. Secundo, sumitur pro essentiali, in ordine ad actualem entitatem; quam habet extra causas, per actualem existentiam; & completam quidem, per subsistentiam: & substantiam hoc modo sumptam, sequitur proprietas substandi accidentibus, & prædicatis superioribus: nam ex eo, quod substantia per se subsistit; potest sustentare omnia: nunc ergo; si substantia primo modo accipiatur; perfectius conuenit secunde substantiæ, quàm primæ: & hoc probat argumentum: sed non sic accipitur ab Aristotele: verum in secunda acceptione; & in quantum illi conuenit proprietas substandi: & hoc modo verum est; quod prima substantia, sit perfectior, quàm secunda: quia propria virtute substat; secunda verò, non nisi virtute eius.

43 Tertium argumentum, alia distinctione soluendum est: nā substat, duobus modis sumitur, *Inensiuè*, & *Extensiuè*: *Inensiuè*, accipitur in ordine ad virtutem substandi, & hoc modo, illud dicitur magis substat, quod propria virtute substat, & illud minus, quod virtute alterius: *Extensiuè* autem, in ordine ad plura, vel pauciora; quibus aliquid substat. Et ex hoc responderetur ad argumentum; quod dū Aristoteles ait; *Primam substantiam esse magis substantiam quàm secundam*; utroque modo intel

do intelligit hanc comparisonem ; tam intensiue , quam extensiue. Et vtroque modo verum est : quia prima substantia pluribus substat ; quàm secunda : & etiam propria virtute substat ; secunda verò non nisi virtute primæ : aliæ verò comparationes intensiue intelliguntur ; non extensiue : & ideo verum est inter species , nullam esse , quæ substat virtute alterius. Argumentum verò solum probat , magis substat extensiue ; quod est , pluribus substat : & eodem modo , verum est ; inter primas substantias , vnā , non magis substat ; quàm alterā intensiue : quia vna non substat virtute alterius ; sed quælibet virtute propria. Species verò magis substantia dicitur ; quàm genus , vtroque modo : extensiue quidem : nam & pluribus substat ; cū substat ipsi generi , & cæteris. Et etiam intensiue ; quia licet non substat propria virtute , sicut nec genus ; tamen propinquius accedit ad id , quod substat propria virtute ; nempe ad primā substantiam : & hoc sufficit , vt dicatur , magis substat intensiue.

D V B I V M S E C V D V M C I R C A tertiam proprietatem substantiæ.

An verum sit , & in quo sensu ; Secundas substantias significare Quale quid.

QUOD secundæ substantiæ , non significant Quale quid , vt Aristoteles docet ; duobus argumentis probō. Primo , quia duo tantum possunt considerari in nomine aliquo ; ex quibus intelligatur significare , Quid , vel Quale quid : nempe , res significata ; an sit Substantia , vel Qualitas ; & modus eam significandi. Nomina secundarum substantiarum ex parte vtriusque significant Quid ; hoc est , Substantiam ; & non Quale quid : ergo falsum est , Quale quid significare. Probatur minor : quia ex parte rei significatæ , substantiam significant : & etiam ex parte modi ; cū sint nomina substantiua , significantia rem per modum subsistentis.

Secundò : Ex modo significandi , sumitur modus prædicandi ; ergo si secundæ substantiæ ; quæ sunt genera , & species , significant Quale quid ; sequitur , quod prædicetur de primis in Quale quid. Consequens est falsum , ergo & antecedens : probō minore auctoritate , & ratione : nam Porphyrius cap. de genere , & specie docuit expressè ; *Genus , & speciem prædicari in Quid.* Et ratio ipsa coniunxit : quia ad interrogationem factam de specie , per Quid ; respondemus , per genus : & ad interrogationem factam de individuo , per speciem , vt si inquiras , quid est homo ;

homo: respondemus esse animal: & si inquiras, quid sit Petrus? Esse hominem: ergo utraque secunda substantia prædicatur in Quid; & non in Quale quid.

Circa sensum huius proprietatis, diuerso modo loquuntur auctores: & primus modus dicendi, est Alberti Magni, tract. 7. prædicamentorū, cap. 8. ubi inquit; *Genera, & species; quæ sunt secunda substantia, ratione natura generica, significare Quid: sed propter differentiam, quam species continet actu, & genus potentia; significant Quale; & ideo ratione vtriusque, Quale quid: & hunc fuisse sensum Arist.*

Hic tamen modus dicendi, hoc argum. probatur falsus: Si Genus, & Species, ratione vtriusque partis essentialis, significant Quale quid; ergo prædicantur in Quale quid, contra sententiā Porphyrij; qui sciens speciem continere genus & differentiam, & genus differentiā, docuit expressè; *vtrumq; prædicari in Quid; & non in Quale quid, & est contra rationem: quia si prædicaretur in Quale quid; non distinguerentur à prædicabili differentia.* Ideo hanc sententiā merito refutauit Caiet. cap. præsent.

Ipse verò Caiet. secundum modum dicendi proponit; duo distinguens in genere, & specie: nēpe naturam genericam, aut specificam; quæ denominatur genus: & secundam intentionē; à qua denominantur: & propter naturam genericam, atque specificam; quæ sunt substantiæ, significant Aliquid: sed propter secundam intentionem; quæ est accidens, & modū habet qualitatis; sicut albedo; & color, significant Quale; & ideo propter vtrāque significant Quale quid.

Sed hic modus dicendi, non est minùs falsus; quā primus: quod sic probo: Secundæ substantiæ significant Quale, ratione secundæ intentionis; quæ est accidens: ergo significant Quale accidentale: sicut album, significat Quale, ratione albedinis: & ideo Quale accidentale. Ex quo sequitur: quod prædicentur de primis substantiis, in Quale accidentale, & ideo prædicatione quinti predicabilis; quod est absurdum. Et si aliquis pro Caiet. respondeat; significare Quale accidentale; sed circa substantiā quæ naturæ generis, & speciei denominatæ, substantiales sunt. Non satis facit solutio: quia etiam album, significat qualitatem circa substantiam; cum subiectum, cui inhaeret albedo, substantia sit: ergo eodem modo significant Quale; ac album, aut coloratum: sed hæc prædicantur in Quale accidentale: ergo etiam secundæ substantiæ de primis.

Pro solutione igitur huius dubij, & argumentorum, notandum est, Quale quid, duobus modis accipi posse; Proprio, & Communi. Et cum vtroque modo sumatur: per similitudinem ad

ad veram qualitatem; quæ est forma accidentalis, quarti prædicamenti; ex propria, & communi similitudine ad illam, accipiendus est vterque modus: nam Qualitas duo habet. Primum habet inhærere subiecto; à quo abesse potest, ipsumque circumstare; ac tali modo determinare; vt ad interrogationem de ipso factam, per Quale, propriè respondeamus per illam. Et hæc est ratio propria eius; cui assimilatur differentia quæ ad genus comparatur tanquam ad potentiam, extra cuius rationem est; & cui adesse, & abesse potest: & ideo tanquam determinans genus, ad constitutionem speciei; per modum adiacentis, adiectiuo nomine significata, prædicatur de specie: & hoc est assimilari qualitati, secundum propriam rationem eius. Aliud habet Qualitas, commune cum cæteris accidentibus; quod à subiecto determinetur, quantum ad actualem eius inhærentiam; & aliquo saltem modo, quantum ad indiuiduationem: & secundæ substantiæ assimilantur qualitati; secundum hanc rationem communem, & impropriad consideratæ: quia sunt quasi communes conceptus, & communes formæ: quæ determinantur, quantum ad subsistentiam, & indiuiduationem, à primis substantiis; in quibus subsistunt; & propter hanc similitudinem docuit Aristoteles non significare Hoc aliquid; hoc est, substantiam singularem, & subsistentem; aduersus Platonem; qui substantias ponebat separatas à singularibus, & extra illa subsistentes: sed significare Quales; ita vt sint quasi formæ abstractæ à singularibus, solum per intellectum: & ab eisdem determinabiles; quantum ad subsistentiam, & indiuiduationem, ad modum accidentalium: & quia verè sunt substantiæ, significare Quale quid. Deinde, cum ratio substantialis conueniat eis propriè; ratio verò qualitatis; solum per similitudinem, in ratione communi, & impropria, qualitatis nominibus substantiis significantur: prædicata quidditatiua appellantur: & in Quid, non in Quale quid, sicut differentia, dicuntur prædicari: quia differentia, similitudinem propriam habet cum qualitate; secundæ verò substantiæ, eidem secundum communem, & impropriad rationem assimilantur: & ideo non prædicantur in Quale quid: quia modus specialis prædicandi, ex propria ratione; non ex communi sumi debet. Et hæc est ratio propter quam Arist. docuit, *Secundas substantias significare Quale quid; & non prædicari, in Quale quid.*

Ad primū argumētum in principio positum; Concedendum est totum, quod assumit: sed distinguendum consequens; dum infertur, non significare Quale quid: nam si de proprio Quale quid intelligatur, verum est: si de improprio, falsum. Ita-

que

que bene statuitur, & significare. Quid simpliciter, propter rem significatam, quæ est substantia, & propter modum significandi nominum substantiuum, & significare etiam Quale improprium, propter quandam similitudinem cum qualitate: & ideo quodam modo Quale quid.

Ad secundum, distinguenda est maior: nam ex modo significandi proprio, sumitur modus prædicandi, non ex improprio: & quia secundæ substantiæ, propriè significant Quid, & quædam ratione communi, & impropria Quale quid, potius prædicantur in Quid, quàm in Quale quid.

D V B I V M T E R T I V M C I R C A quartam proprietatem substantiæ.

An verum sit, substantiam non habere contrarium.

52 **I**N hac proprietate substantiæ, videtur Arist. sibi contrarius: quod ita probo: Nam i. l. Physicorum tex. 50. asserit, Principia, ex quibus substantia generatur, & componitur, esse contraria: imò esse prima contraria: & in vno quoque genere, seu prædicamento, esse vnā contrarietatem: & ideo in substantia, quæ vnum genus est, vnā contrarietatem reperiri: falsum est; ergo, quod capite præsentis docet, Proprium esse substantiæ, non habere contrarium.

Et ratione probatur, quòd substantia habeat contrarium: nam elementa contraria sunt, vt ignis, & aqua, ær, & terra, & tamen sunt substantiæ quædam. Et si respondeas: Elementa esse contraria, non vt sunt substantiæ: sed ratione primarum qualitatum, quæ sunt accidentia eorum: vt ratione caloris, & frigoris, humiditatis, & siccitatis: Contra hoc est, quòd qualitates istæ, procedunt ab ipsa substantia elementorum; ergo ab ea accipiunt contrarietatem: quare, primò erit in substantia, & per participationem ab ea, in accidentibus.

Pro huius dubij solutione, notandum est: Quatuor esse genera oppositionis, vt docet Aristoteles in hoc libro, capite de oppositis, & 5. Metaphysicæ, cap. 10. Vna est oppositio priuatiua, inter formam, & priuationem, vt inter lucem, & tenebras: Alia contradictoria, inter affirmationem, & negationem: vt inter hominem, & non hominem, seu inter propositionem affirmatiuam, & negatiuam: Tertia, relatiua, vt inter patrem, & filium: Quarta denique contraria, vt inter calidum, & frigidum: quæ explicanda est, cum de ea sit dubium, an reperitur in substantia.

Contrarietas duobus modis accipitur. Primò, sub ratione Communi, & impropria, pro quacunque oppositione. In qua

acceptione, contraria appellamus, quocunque modo opposita. Secundò; Propriè, pro ultimo tantum genere oppositionis, ex quatuor enumeratis. Cuius talis definitio colligitur, ex Aristot. locis citatis: *Contraria sunt, quæ sub eodem genere, maxime distant, & ab eodem subiecto, mutuo se expellunt.* Vt calidum, & frigidum, sub genere qualitatis, maxime distant: hoc est, quasi extrema sunt, & à corpore, in quo vnum inhæret, expellitur aliud: vt ab aqua, in qua est frigiditas, expellitur calor. Duas igitur condiciones, ad propositum necessarias, debent habere contraria. Primam, quòd sint formæ positivæ: quia sunt species eiusdem generis. Secundam, quòd respiciant idem subiectum, in quo utraq; inhæreere potest, & aliam ab eo expellere.

Ex quibus intelligitur; Primò, quòd ex quatuor generibus oppositionis, tria reperiuntur in substantia: nempe, Priuatiua, 53 quia substantia, dum generatur, fit ex priuatione sui: vt homo, ex non homine: id est, ex materia, in qua est priuatio animæ rationalis. Contradictoria, vt inter hominem, & non hominem: Relatiua, vt inter Petrum & Ioannem, quatenus sunt eiusdem speciei. Sola oppositio contraria, ei repugnat, propter perfectionem suæ naturæ: quia cum substantia tam perfectæ naturæ sit, vt ei debeat subistentia per se, repugnat ei, quòd sit forma inhærens subiecto: & ideo, quòd cum alia forma se expellat ab illo, vt in definitione contrariorum dicitur: nec in tota latitudine sui prædicamenti, potest talis imperfectio reperiri. Et hoc est potissimum fundamentum huius proprietatis, quam ei tribuit Aristoteles.

Secundò intelligitur, quonam modo concedendum sit, substantiam habere contrarium, & quo etiam modo negandum: 54 nam de impropria contrarietate, pro quacunque oppositione, concedendum est: de propria verò, pro ultimo tantum genere oppositionis suprà posito, negandum. Et quia quarta proprietatis, intelligitur ab Arist. solum de propria, verissima est eius sententia, *Quòd substantia nihil sit contrarium.*

Pro solutione argumentorum notandum est, quòd inter 55 oppositiones, prima, & quasi fundamentum cæterarum, est priuatiua, quæ in quocunque genere, & prædicamento reperitur: nam ex duabus differentiis oppositis, per quas diuiditur genus, vna se habet respectu alterius, tanquam priuatio: quia imperfectior est illa: & ideo quasi priuatur perfectione alterius, vt in differentiis, per quas diuiditur viuens, in sensibile, & in insensibile: & animal in rationale, & irrationale, patet: nam insensibile, quasi priuatio sensus intelligitur: & irrationale, quasi ratione carens. Quòd verò sit fundamentum aliarum, probatur:

Substantia est fundamentum aliarum rerum, in quibus sunt contrarietates, & alie oppositiones; sed priuatiua oppositio est in substantia generatione eiusdem substantie: quia quilibet ens generatur, ex priuatione sui in materia: vt homo ex materia, & ex calore, & ex consequenti, quæcunque alia generantur, ex sui priuatione fieri intelliguntur: vt calidum ex materia, hoc est, ex priuatione caloris in subiecto, in quo, & ex calore fit. Vnde sequitur, quod sicut priuatiua oppositio est priuatiua, & fundamentum aliarum, ita substantia, in qua primò reperitur, est quasi radix, à qua procedunt omnes oppositiones: quæ ideo primò reperiuntur in ea, formaliter quidem, priuatiua, contradictoria, & relatiua: contraria verò, non formaliter, sed solum virtualiter: quia formalis repugnat perfectioni eius.

Ex hac doctrina, facile soluuntur argumenta: nam testimonia Aristot. loquuntur de contrarietate, sub ratione communi, & impropria, pro quocunque genere oppositionis, sed præcipue pro oppositione priuatiua: de qua intelligitur: quod principia generationis substantie, sint contraria: & quod prima contrarietas, reperiatur in substantia: hoc est, prima oppositio quæ est priuatiua. Dum verò substantiam asserit, in hoc predicamento, non habere contrarium: loquitur de contrarietate propria, vt expositum est.

56 Ad argum. Respondetur, distinguendo antecedens: nam elementa ratione substantie, non sunt formaliter, nec proprie contraria, sed ratione qualitatuum. Et dum dicitur; Qualitates procedere à substantia: concedendum est, sed distinguendum consequens: quod in substantia, primò reperiatur vera contrarietas: nam virtualiter reperitur, tanquam in prima radice, à qua procedit, non formaliter. Aristoteles verò dum negat in hac proprietate quarta, substantiam habere contrarium, de formali intelligit, non de virtuali: quia hæc non dicit imperfectionem, repugnantem nature substantiali, illa verò cum eius perfectione pugnat.

D V B I V M Q V A R T V M C I R C A vltimam proprietatem substantie.

An solis primis substantiis conveniat esse susceptiuas contrariorum: vel etiam secundis, & accidentibus.

Vltimam proprietatem substantie, dixit Aristoteles esse; Quod una numero cum sit, contraria possit in se suscipere.

V. 2 Et

Et cum sola prima substantia, sit vna numero, secundæ verò, vnitatem tantum specificam, & genericam habeant, ei soli videtur attributa ab Aristotele. ita vt secundis non conueniat, & multò minùs accidentibus, sed primæ substantiæ, quarto modo: hoc est, omni, soli, & semper.

Sed videtur, nec omnibus primis substantiis conuenire, nec 57
solis, sed etiam accidentibus: nam propositio accidens est; & tamen eadem permanens, nunc est vera, si res ita se habeat, vt per eam enunciat, postea verò falsa, si res mutetur: ergo suscipit contraria. Probatur consequentia: quia veritas, & falsitas contraria sunt. Nec videtur satisfacere solutio, quam tribuit Aristoteles huic argumento, dicens; *Suscipere contraria; id est, se, & mutari de vno ad alterum*: quod verò mutatur, mutationem ipsam in se recipit, atque etiam terminum eiusdem mutationis: vt quod mutatur, dum fit calidum ex frigido, vtrumque in se recipit: sed propositio non mutatur, dum fit vera ex falsa, sed solum mutatur res, & ex eius mutatione, fit propositio vera, aut falsa: & ideo non dicitur suscipere contraria: hæc inquam solutio non satisfacit argumento, quod ita probo: Veritas, & falsitas formalis, aut complexa, non est formaliter in rebus, sed virtualiter tantum, vt in causa: quia causant in intellectu: in hoc verò, reperitur formaliter, vt enunciante, aut iudicante: nec reperitur, nisi media propositione mentali, per quam enunciat; ergo in propositione mentali, aut in intellectu, per eam enunciante, reperitur veritas, & falsitas, tanquam in subiecto, quod formaliter mutatur, dum propositio fit falsa ex vera: quare necesse est concedere, quod suscipiat contraria, cum per veram sui mutationem ea suscipiat. Sed intellectus, & propositio mentalis, sunt accidentia; ergo accidentibus conuenit suscipere contraria, & non solis primis substantiis. Quod etiam de quantitate verum est: nam accidentia corporea, verè contraria, prius in quantitate recipiuntur, quam in substantia: vt calor, & frigus; ergo quantitas etiam vna numero cum sit, erit susceptiua contrariorum.

Iam quod non conueniat omnibus primis substantiis, probatur: quia substantia spiritalis, vt Angelus, non suscipit in se vlla contraria: imò nec substantia corporea incorruptibilis: qualis est cælus; ergo non omnis substantia prima est susceptiua contrariorum. Antecedens probatur: quia contraria disponunt subiectum, in quo sunt ad corruptionem, vt calor, & frigus: sed Angeli, & corpora cælestia, sunt incorruptibiles substantiæ; ergo non sunt capaces contrariorum. Probatur antecedens: quia contrariæ 58
qualitates,

qualitates, disponunt subiectū ad diuersas formas substantiales, vt calor ad formam ignis, & frigus, ad formā aquæ: sed diuersæ formæ substantiales, non possunt simul esse in eadē materia, vel subiecto, nec vna expelli ab eo, nisi per corruptionem compositi; ergo contraria ordinantur ad corruptionem eius; quare non possunt esse in subiecto incorruptibili.

59 Vt hoc dubium plenè soluatur, tria sunt determinanda. Primum: An hæc proprietas conueniat solis substantiis, vel etiam accidentibus. Secundum: An dato, quod conueniat solis substantiis, conueniat, non solum primis, sed etiam secundis. Tertium: An si solis primis conueniat, quibusdam tantum conueniat, vel etiam omnibus: & ex determinatione horum trium colligi poterit, An sit proprietas hæc substantiæ, quarto modo ei conueniens.

Pro solutione priminotandum est, Primam substantiam duo habere, quorum ratione conuenit illi hæc proprietas. Primum est, *quod sit hoc aliquid* (vt verbis Arist. vtamur) hoc est, substantia singularis, & per se subsistens, & ideo independens ab aliis. Secundum: quod sit primum subiectum omnium accidentium: & ratione primi, conuenit illi esse vnam numero, manentem sub diuersis accidentibus: ratione secundi, quod sit contrariorum susceptiua: Nam contrariè opposita, accidentia sunt: & ideo ratione vtriusque conuenit illi integra proprietas, nempe, vt vna numero cum sit, contraria in se suscipiat: sed cum neutrum conueniat accidentibus, (vt notum est) nec potest eis conuenire eadem proprietas.

60 Ad arg. verò de propositione; Respondetur hac distinctione: Propositio duplex est, Vna vocalis, aut scripta, & mentalis alia: & de vocali, & scripta, euidenter est, non recipere in se veritatem, aut falsitatem formalem: sed solum est in eis veritas, tanquam in signo: quod est, esse per solam denominationem extrinsecam: vnde licet transeant de veritate in falsitatem, non per sui mutationem id fit, quia non recipiunt hæc accidentia in se formaliter, sed solum per mutationem rei: vnde nec suscipiunt in se contraria. De mentali verò, negari non potest, quin contineat in se veritatem, aut falsitatem formalem, cum formaliter repræsentet rem, sicuti est, aut sicut non est: nec etiam negari potest, quin in intellectu iudicante sit veritas formaliter: sed adhuc sic, non dicitur propositio mentalis, aut intellectus iudicans, suscipere contraria: quia non est principale subiectum veritatis, aut falsitatis, sed medium, per quod ista recipiuntur in anima, & adhuc, nec sic sunt tanquam medium contraria suscipiens ratione sui, aut virtute

propria: & ex consequēti, nec ea habent simpliciter: sed virtute substantiæ, cuius accidentia sunt: & ideo substantia sola est, quæ tanquam præcipuum subiectum, propriaque virtute suscipit contraria, non accidentia.

Circa secundum; An proprietas hæc conueniat secundis substantiis, Caiet. cap. præsentī, ait, hanc particularem, (vnā numero) distinguendam esse: nam vel à parte subiecti ponitur, vel à parte prædicati: & à parte subiecti positam, hunc sensum efficere; Proprium est substantiæ, quæ est vna numero, esse contrariorum susceptiuam, in quo euident est, soli primæ substantiæ conuenire: quia sola est vna numero. Si verò ponatur à parte prædicati, talis erit sensus: Proprium est substantiæ, vt seruata vnitate numerica, possit contraria suscipere: & sic intellectam proprietatem, etiam est euident, conuenire secundis substantiis: quia seruata vnitate numerica, quam habent in primis, contraria suscipere possunt: vt homo seruata vnitate numerica, quam habet in Petro, potest suscipere calorem & frigus. Hoc etiam modo, intelligitur proprietas hæc ab aliis expositoribus, vt Alberto Magno, Simplicio, & Villalpando: dicuntque sic esse locutum Aristotelem: vt hanc proprietatem communem esse omnibus substantiis efficeret.

Alij verò, negant posse secundis substantiis accommodari, vt Ammonius, & Cant. in expositionibus huius capitis.

Sed nostra sententia est, hac distinctione respondendum esse. 61
De hac proprietate substantiæ, duobus modis loqui possumus. Primo, in eo sensu, in quo locutus est Arist. Secundo, sine vlla limitatione verborum. Et si primo modo loquendum est, solis primis substantiis conuenit hæc proprietas; secundis verò nullo modo, probatur hoc contra Caiet. Primò Arist. asserit, *Maximè proprium esse substantia, vna numero cum sit, contraria suscipere posse*; ergo proprietas hæc non potest conuenire substantiæ, nisi sit vna numero: sed secunda substantia, neque in se, neque in prima substantia, habet vnitatem numericam, ergo nullo modo ei conuenit. Probatur minor. Secunda substantia in se consideratur, vt est abstracta à prima: sed, vt abstracta à prima, non est vna numero, cum sit communis omnibus primis substantiis, sed solum vna genere, aut specie; ergo non conuenit ei hæc proprietas. Cæterum, vt est contracta ad primam, est quidem vna numero, non tamen est secunda substantia, sed prima: quia homo, vt est contractus ad Petrum realiter & formaliter, est hic homo: sed hic homo formaliter, est singularis homo; ergo formaliter prima substantia, & nullo modo secunda. Quare idem est dicere, quòd secundis

dis substantiis cōueniat hæc proprietas, vt habent vnitatem numericam in primis; ac dicere, quòd solis primis conueniat.

Secundò probatur, ex definitione secundarum substantiarum; quæ ita habet: *Secunda substantia sunt genera, & species; quibus prima substantia insunt.* Sed non sunt genera, & species; vt sunt contractæ ad primam, vel vt in ea habent substantiam; sed in quantum considerantur, ab eadem abstractæ: sub hac autem consideratione, repugnat eis conuenire; cum non habeant vnitatem numericam; ergo secundis substantiis; vt sunt secundæ substantiæ, non potest accommodari hæc proprietas; vt ab Arist. assignata: sed idem fuit dicere: *Proprium esse substantia; vt una numero cum sit, contraria possit suscipere;* ac excludere ab hac proprietate, secundas substantias.

63 Si verò accipiatur eadem proprietas, secundo modo, sine vlla limitatione verborum; scilicet ita, vt dicamus maximè proprium esse substantiæ, suscipere contraria; conuenit omni substantiæ, eodem modo, atque proprietas substandi; sed analogicè: hoc est, per se primo, & ratione sui, primæ; secundis verò, non nisi cum dependentia, & attributione ad illam.

• Circatertium; An proprietates hæc conueniat omnibus primis substantiis; non conueniunt omnes: Sed primus modus dicendi est; Solis primis substantiis corporeis, & corruptibilibus cōuenire; propter argumentum à nobis factum in principio: ita Porphyrius, & Ammonius, in explicatione huius proprietatis.

64 Secundus modus dicendi est, communis omnium aliorum Interpretum; Quod omnibus primis substantiis conueniat. Et ita tenendum est. Sed duo sunt breuiter notanda, vt intelligatur. Primum; Quòd Arist. non loquitur de solis contrariis strictè acceptis; qualia sunt primæ, & secundæ qualitates: nam veritas, & falsitas, non sunt ita propriè contraria, de quibus loquitur in textu, negans; quòd propositio dicatur eas suscipere: sed loquitur de contrariis, vniuersalius. Secundò notandum est; Quòd vt proprietas hæc conueniat alicui substantiæ, non est necessarium eam suscipere omnia contraria: sed sufficit aliqua posse suscipere, secundum conuenientiam suæ naturæ. Vnde satis est, vt corpora Cælestia sint susceptiua contrariorum, quòd possint suscipere motus contrarios; vnum ab Oriëte in Occidentem, alterum ab Occidente in Orientem. Aut motū augmenti, & decrementi circa lucem: quos cōstat suscipere Lunam à Sole. Sufficit etiā; quòd Angeli possint suscipere veritatē & falsitatem, medio intellectu, & bonitatem, & malitiam moralem, media voluntate, & actibus eius; vt dicantur esse primæ substantiæ susceptiue contrariorum.

Ad arg. verò ; Distinguendum est antecedens : quia contraria 65
 duplicia sunt. Propria quidem, vt primæ, & secundæ qualita-
 tes, quæ ad corruptionem subiecti solent disponere: alia minùs
 propria, non respicientia corruptionem subiecti : & licet An-
 geli, & corpora cælestia, non possint suscipere contraria illa
 priora & propria: quia neque corrumpi possunt ; susceptiua ta-
 men sunt aliorum contrariorum : & hoc sufficit ; vt proprietates
 hæc illis conueniat: quia non de solis primis contrariis intelli-
 gitur ab Arist. sed de his, vel aliis.

Ex his, quæ dicta sunt, sequitur hanc proprietatem vltimam
 substantiæ, conuenire primis substantiis, quarto modo: quia
 omni primæ substantiæ, soli, & semper conuenit. Et ideo Arist.
 dixit, *Maximè proprium esse substantiæ; vt vna numero cum sit, con-*
traria suscipere possit: vt significaret, alias proprietates non cōue-
nire ei quarto modo ; sed accidentibus esse communes : hanc
solis primis substantiis; cum quibus conuertitur.

C A P V T V I.

Continens prædicamentum quantitatis.

T E X T V S A R I S T.

*Quantum autem, aliud quidem est discretum ; aliud
 autem continuum.*

Breuis expositio textus.

Post substantiam, statim disputat Aristoteles de quantitate: 1
 quia inter accidentia corporea, primum est, proximè con-
 sequens naturam eiusdem substantiæ; & medium, quo illi cæ-
 tera inhaerent. Et intentum eius est, explicare naturam quan-
 titatis. Diuiditur autem caput hoc in tres partes. In prima,
 diuidit quantitate, tribus diuisionibus; ex quibus colligit nu-
 merum specierum quantitatis. In secunda, explicat singulas
 species. In tertia, enumerat tres proprietates eiusdē quantitatatis.

Prima diuisio quantitatis, non assignatur expressè ab
 Arist. sed præsupponitur, & insinuat: nam eo ipso, quòd agit
 de Quantitate per se; præsupponit diuisionem eius, in Quanti-
 tatem per se, & Per accidens: Quantum per se, est illud, quod
 à se habet partes extensionis; vt linea, aut superficies: Quan-
 tum per accidens, est, quod non habet à se extensionem; sed ab
 alio extenditur: vt album dicitur quantum per accidens: quia
 albedo, non habet à se partes extensas; sed eas accipit, à superfi-
 cie illius

cie illius corporis, in quo extenditur.

Secunda diuifio est, (licet tercio loco ponatur ab Aristot.) Quantum, aliud est Continuum, aliud Discretum. Continuum est, cuius partes copulantur termino communi; vt partes lineæ, copulantur punctis. Discretum verò, cuius partes non copulantur termino communi; vt numerus, discreta quantitas est: quia vnitates, non coniunguntur aliquo termino; sed separatæ permanent.

2 Tertia diuifio, Quantum, aliud habet Positionem partium in continuo; aliud non habet talem positionem. Positio autem in continuo, duplex est: Vna, quam habent partes quantitatis, in ordine ad locum: ratione cuius dicitur aliquid, sedere, iacere, aut stare. Et hæc Positio partium; non pertinet ad hoc prædicamentum; sed ad prædicamentum Situs: alia est Positio; quam habent partes, non in ordine ad locum, sed inter se, secundum quam vna dicitur anterior, alia posterior; vna dextra, alia sinistra; vna sursum, alia deorsum: & hæc est propria huius prædicamenti: secundum quam intelligitur diuifio, quæ ait: Quibusdam quantis id conuenire, aliis non. Dux sunt enim conditiones necessariæ, vt quantum aliquod dicatur habere positionem in continuo. Prima, quòd continuum sit. Secunda, quòd sit permanens. Et defectu primæ conditionis: nulla species quantitatis discretæ, habet talem positionem. Defectu secundæ, ex quantitatibus continuis, tempus non habet positionem; sed reliquæ quatuor illam habent: vt linea, superficies, corpus, & locus: quia habent vtrâque conditionem.

3 Species quantitatis continuæ sunt quinque; *Linea, Superficies, Corpus, Tempus, & Locus*: Species verò quantitatis Discretæ, duæ tantum; nempe *Numerus, Oratio*. Sed probatur de singulis; quòd sint species quantitatis: vel si hoc notum sit, de aliquibus, Probat Arist. saltem, quòd sint quantitates continuæ, vel discretæ: & incipit à Numero; de quo, non probat esse quantitatem: quia per se est notum; sed quòd sit quantitas discreta, hac ratione probat: Quantitas discreta est, cuius partes non copulantur termino communi: sed partes numeri quæ sunt vnitates, non copulantur aliquo termino communi, sed separatæ manent: ergo numerus est quantitas discreta.

De Oratione verò vtrumque probat, & esse quantitatem, & esse discretam: quia neutrum est per se manifestum. Probat quòd sit quantitas, hoc arg. Longum & breue, sunt passionēs quantitatis, sed oratio mensuratur syllaba longa, & breui; (loquitur enim de sola vocali, quia hæc sola potest esse species quantitatis) ergo est quantitas. Quòd verò sit quantitas discreta,

creta, probat, sicut probauerat de numero: quia partes orationis quæ sunt syllabæ, non copulantur termino communi, sed separatae manent.

De continuis etiam, probat eodem modo: & primo de Linea, Superficie, & Corpore, quòd sint quantitates cōtinuæ præsupposito, tanquam manifesto, quòd sint quantitates) hac ratione: Quantitas continua est, cuius partes copulantur termino communi, sed partes harum trium specierum, copulantur termino communi: ergo sunt quantitates continuæ. Minorem ita probat: Linea, est longitudo sine latitudine, cuius partes copulantur punctis: Superficies, est longitudo, & latitudo, sine profunditate; cuius partes copulantur lineis: & Corpus, est longitudo, latitudo, & profunditas; cuius partes copulantur superficiebus: ergo partes harum trium specierum copulantur termino communi.

De Tempore verò, & Loco, supponit tanquam manifestum quòd sint quanta, & probat, quòd sint continua: de Tempore quidem hac ratione: Partes temporis, quæ sunt præsens, præteritum, & futurum, copulantur instanti: ratione cuius fiunt vnum tempus: ergo tempus est quantum continuum. De Loco verò hoc modo: Locus, ita continet corpus locatum, vt aqua arborem; vt partibus eiusdem locati, corresponsdeant partes loci: sed partes locati, cum sit corpus, copulantur termino communi: ergo etiam partes loci: & ita erit locus quantitas continua, sicut corpus locatum.

Prima proprietas quantitatis est, *Non habere contrarium*; vt bicubitum, aut tricubitum, quæ sunt quantitates, nullum habent contrarium: & hæc proprietas, communis est quantitati cum substantia, vt cap. præcedenti docuit Aristoteles.

Secunda proprietas est, *Non suscipere gradus intensiōis, aut remissionis*: aut quòd aliis verbis dicitur; *non suscipere magis, & minus*: sicut suscipit calor, quem dicimus esse intensum, secundum duos, aut tres gradus: non est enim vnum tempus magis tempus, quàm aliud: quia nec habet plures gradus perfectionis: & sic de cæteris speciebus quantitatis. Hæc etiam est communis proprietas quantitatis, cum substantia, & aliis: & ideo non conuenit quarto modo quantitati, sicut nec prima.

Tertia proprietas quantitatis est; *Quòd secundum eam res dicuntur æquales, & inæquales*; vt duo corpora, quæ verè sunt substantiæ: si habeant eandem longitudinem, dicuntur æqualia, sed ratione quantitatis: quia longitudo quantitas est: & hæc proprietas conuenit quarto modo quantitati, qui conuenit omnibus speciebus eius, soliis, & semper.

QVÆSTIO I.

In quonam sit ponenda essentialis ratio quantitatis.

6 **P**rima opinio, ponit *Rationem essentialem quantitatis in mensura*: hoc est, in eo, quod quælibet quantitas sit mensurabilis per alteram; vel saltem suis partibus mensuretur, atque etiam sit aliarum rerum mensura. Et potest probari testimonio Arist. qui 4. lib. Physicorum, agens de tempore, quod est vna species quantitatis, illud definit, dicens; *Esse numerum, seu mensuram motus secundum prius, & posterius.*

Probatum etiam ratione: quia species quantitatis, debent distinguui per rationes essentielles; sed quædam sunt, quæ non possunt distinguui, nisi per rationem mensuræ: ergo hæc erit ratio essentialis quantitatis. Probatum minor: In loco, & superficie, quæ non distinguuntur, nisi ex eo quod superficies est mensura extrinseca corporis continentis, in quo est, vt aëris, aut aquæ: & locus est superficies extrinseca corporis contenti: hoc enim modo considerata, habet rationem loci. Hæc, sententia attribuitur D. Tho. opusc. 53. de natura loci, in fine.

Secunda opinio, est Scoti in prædicamentis, quæst. 17. & 5. Meta. quæst. 9. vbi *Essentiam quantitatis* asserit, *esse diuisibilitatem in proprias partes integrantes*: ita etiam Anto. Andr. 5. Meta. q. 10. Capr. in 2. d. 3. q. 1. Sonci. 5. Met. q. 12. lauel. q. 10. & eadem tenere videtur D. Tho. lect. 15. eiusdem lib. & in 1. d. 19. q. 1. ar. 1. ad 1. Probat eam Scot. testimonio Arist. & ratione. Arist. enim 5. lib. Meta. cap. 23. definit Quantum; *Quod sit diuisibile in ea, quæ insunt*: hoc est, in proprias partes integrantes; ex quibus componitur: sed definitio illa explicat essentiam quantitatis; ergo hæc erit ratio diuisibilitatis.

7 **R**atione verò: quia omnes distinguunt species quantitatis, per diuisibilitatem; dicentes, diuisibile secundum vnā dimensionem longitudinis, esse lineam; secundum duas dimensiones, longitudinis, & latitudinis, superficiem; & secundum tres diuisiones, longitudinis, latitudinis, & profunditatis, corpus; sicque de cæteris, secundum proprias rationes diuisibilitatis: sed distinctio specifica, debet esse essentialis: ergo distinguuntur essentialiter per diuisibilitatem: quare hæc erit ratio essentialis quantitatis.

Tertia opinio, negat *Essentiam quantitatis esse mensuram*, aut diuisibilitatem; sed eam ponit, in extensione partium; quæ est, vnā partem esse extra aliam. Ita Duran. in 1. d. 34. quæst. 1. Num 26. Niphus 5. Meta. quæst. 9. Scotus, & Toletus, quæst. 1. huius

huius prædicamenti, Canterus in expositione textus, Fonseca 5. Meta. cap. 13. qu. 1. sect. 3. Et hæc est probabilior sententia.

Sed non eodem modo explicatur ab omnibus. Pro eius tamen intelligentia, notanda est prima distinctio quantitatis: quam tradit D. Tho. 1. p. q. 42. art. 1. ad 2. acceptam ex D. Augu. 6. lib. de Trinitate, cap. 8. circa medium: *Quantitas, alia est Molis, alia Virtutis*; *Quantitas Molis* est, quæ in substantia corporea inherens, partes eius sic facit extensas ut molem, aut magnitudinem eis tribuat. *Quantitas Virtutis*, est perfectio essentialis cuiuscunque rei, secundum quam magna dicitur, vel parua: id est, in maiori, vel minori gradu perfectionis constituta: ut Angelus dicitur maior homine, & homo maior leone: quia essentialiter perfectior. Hæc autem quantitas virtutis, seu perfectionis, ad omnia prædicamenta pertinet: ideo non agimus modò de illa; sed solum de quantitate molis, quæ constituit hoc prædicamentum. Et eam definit Arist. 5. lib. Meta. cap. 13. his verbis: *Quantum est diuisibile in ea, quæ insunt, quorum utrumque, aut singulum, vnum quid, aut quodquid, aptum est esse.*

Sic autem explicanda est definitio; ut *Diuisibile*, appelletur. 8 *Quantum*, ad differentiam punctuorū & aliorum indiuisibilium: & in ea, quæ insunt, diuisibile dicitur; id est, in partes integrantes, ex quibus componitur: quæ ideo formaliter ei insunt, & nō solum virtualiter, sicut elementa dicuntur esse in mixto, ex eo solum, quod virtutes eorum, ut calor, frigus, humor, & siccitas, in mixtis sunt, non tamen elementa ipsa secundum formas substantiales: & ideo non dicuntur esse in eis formaliter. Quorum utrumque, si duas partes habeat, vel certè duas medietates, in quas diuidi solet quodlibet continuum: vel vnumquodque, si plures. Sic autem in eas diuiditur, ut post diuisionem, quælibet possit separata ab eo existere, per se. Gratia exempli: Lignum vnius palmi, diuisibile est in duas medietates; ita, ut quælibet earum, facta diuisione, existat iam per se, & independentè à toto: in quo distinguitur continuum à toto Physico, quod componitur ex materia, & forma, tanquam ex partibus, & à toto Meta. quod componitur ex genere, & differentiis; ita tamen, ut non posset diuidi in has partes, potètes per se separatas existere naturaliter: quia nec forma materialis, sine materia; nec materia sine forma, materialiter esse potest. De partibus igitur integrantibus intelligitur definitio, dum dicitur: *Continuum esse diuisibile in ea, quæ insunt.*

Secundò notandum est, *Partes integrantes* esse in duplici differētia. Quædam sunt substantiales, aut entitativæ: quæ potius dicuntur partes entitatis; quam extensionis: & has dicunt plures, 9

plures, habere ex se substantiam, & accidentia corporea; & non recipere eas à quantitate. *Aliæ sunt partes molis*, aut *magnitudinis*; quæ vocantur partes extensionis: quia ex propria natura sunt occupatiuæ loci: & sicut quælibet est distincta ab alia, ita cuiuslibet debetur distincta pars loci: ita vt non possint plures occupare eandem partem loci; nec in ea esse simul cum alio corpore, aut parte eius. Gratia exempli: Duæ medietates digiti, sunt diuersæ partes extensionis; quia quælibet nata est occupare distinctam partem loci: ita, vt nec possit naturaliter occupare simul eandem partem loci cum alia, nec etiam cum alio corpore, aut parte eius: & hanc extensionem partium, vocamus *molem*, vel *magnitudinem*, quam sola quantitas habet, & eam tribuit substantiæ, ac cæteris accidentibus corporeis: & in extensione molis, dicimus consistere essentiam quantitatis. Quæ aliis verbis explicari solet sic; nempe extensionem quantitatis esse; habere partem extra partem, vel vnâ partem extra aliam non secundum entitatem: nam hoc modo, etiam substantia, & cætera accidentia habent partem extra partem; sed secundum molem: ita vt cuiuslibet debeatur distincta pars loci quam nata est occupare. Partes verò integrantes substantiæ, & aliorum accidentium; (quas entitatiuas vocamus) non sunt loci occupatiuæ; sed omnes possunt in eadem parte loci esse: imò in eodem loco indiuisibili.

II Tercio notandum est; Quòd ab hac extensione partium, secundum molem; quæ est essentia quantitatis, procedunt propriæ passionēs eiusdem: quarum prima est, Diuisibilitas in easdem partes extensionis; quæ aptitudo, vel potentia, vt diuidatur, vocari potest. Nam statim ac intelligimus quantitatem habere partem extra partem, in quo consistit extensio ei essentialis; consequenter concipimus; esse diuisibilem, in easdem partes.

Secunda proprietas est *Mensura*; hoc est, quòd quantitas ipsa sit mensurabilis per aliam, vel per proprias partes.

Tertia; *Finitam esse, vel infinitam.*

Quarta; *Quòd sit fundamentum æqualitatis, & inæqualitatis.*

Quinta est, *Extensio earundem partium in ordine ad locum*; quæ non est aliud, quàm eam sic replere locum; vt singulis eius partibus, singulæ etiam atque distinctæ partes loci corresponsdeant. Quæ extensio, sic est separanda ab extensione essentiali, à qua procedit; vt intelligamus, aliud esse, quòd partes sint extensæ inter sese; aliud, quòd sint extensæ in ordine ad locum: Esse extensas inter sese; est habere distinctam magnitudinem, & molem: quam à posteriori explicamus per id; quod est, esse occupata

occupatiuas distinctæ partis loci: partes verò esse extensas, in ordine ad locum; est occupare, aut replere distinctas partes loci: quæ longè diuersa sunt. Nam, etiam si quantitas nō occuper locum, nec in eo extendantur partes eius; habebunt tamen distinctam molem; & eius ratione, erunt distinctæ partes, loci occupatiuæ; licet eum actu non occupent. Distinctio vtriusque extensionis, fit manifesta in corpore Christi, existente in Eucharistia: cuius quantitas, habet partes extensas inter sese & occupatiuas distinctarum partium loci; sed non habet extensionem in ordine ad locum: quia nec totū ipsum corpus, nec partes eius occupāt locū; sed modū habent essendi indiuisibile in ordine ad locum: & ideo totum corpus est, sub tota Hostia; 13 & totum etiam; sub qualibet minima parte eiusdem: vnde habet extensionem essentialē: in qua dicimus, consistere essentiali quantitatis: sed non habet aliam extensionem, in ordine ad locum; quam dicimus esse propriam passionem, eiusdem quantitatis; sed per miraculū est essentia, sine propria passione.

Vltima proprietas est; *Quod vna quantitas non possit se penetrare cum alia in eodem loco.* Se autem penetrare, non est aliud quàm occupare eundem locum, vel eandem partem eius: ita vt si Petrus, & Ioannes, essent in eodem loco, dicerentur se penetrare: sed penetratio corporum, non est naturaliter possibilis; itaque vno verbo possumus explicare hanc proprietatem, si eam appellemus, impenetrabilitatem formalem.

His explicatis; Duobus modis intelligitur, & explicatur Essentialia quantitatis, ab his, qui dicunt, in extensione partium, positam esse: nam moderni quidam dicunt, in eo consistere, *Quod quantitas sit radix impenetrabilitatis*, modo explicato: cæteri verò omnes citati, in eo, quod est, *Quantitatem habere partem extra partem.* 14

Nos verò vtrumque horum pro eodem reputamus, & solo nomine differre censemus. Nam cum extensio partium sit radix impenetrabilitatis, sicut aliarum passionum, idem est dicere, essentialiam quantitatis consistere, in extensione partium, atque in eo, quod quantitas sit radix impenetrabilitatis. Sed clariùs explicari dicimus extensionem, per id, quod est habere vnam partem extra aliam, secundum molem, aut magnitudinem occupatiuam diuersæ partis loci, iam à nobis declaratam.

Conclusio igitur nostræ sententiæ, & communis est, *quod essentia quantitatis non consistat in diuisibilitate, aut mensura; sed in extensione partium.* 15 Probatur hoc argu. ex doctrina tradita desumpto. Essentia rei, in eo debet consistere, quod primò de illa concipimus, non in aliis, quæ ex eo consequi intelligimus: sed primum,

primum, quod concipimus de quantitate, est extensio partium; ex qua intelligimus sequi diuisibilitatem, & mensuram: ergo extensio erit essentia quantitatis, potius quam diuisibilitas, aut mensura. Minorē probo: quia primū est habere partes, quā esse diuisibile in eas, aut per eas mensurabile: ergo prius est habere partes extensas, quā esse diuisibile in partes extensas, aut per eas mensurabile; & ex illo sequuntur hæc: & ideo illud erit essentia quantitatis; diuisibilitas verò, & mēsurā, propriæ passionēs eius.

- 16 Ad testimonium Aristotelis pro prima opinione; Respon-
deo: quod dum dixit, Tempus esse numerum motus, per nu-
merum, non intellexit menturam, sed discretionem, aut distin-
ctionem partium motus, secundū prius & posterius: hanc
enim propriē significat numerus; vt in nostris Commentariis
super 4. librum Physicorum, expositum reperitur.

Ad arg. eiusdem opinionis; Concedenda est maior, sed mi-
nor neganda: Quia si locus species est distincta à superficie,
non potest distingui, per solam rationem mēsuræ, sed prius de-
bet distingui, per extēsiōem, ratione cuius cōuenit ei mēsurā.

- 17 Ad testimonium Arist. pro sententia Scoti; Concedimus;
Aristotelem definisse quantitatē per diuisibilitatē: sed
neganda est minor; quod definitio sit essentialis, sed descri-
ptiua potius censenda est: quia datur per propriam passiōem
diuisibilitatis. Aristoteles autem, per passiōem voluit de-
scribere quantitatē: quia notior nobis est diuisibilitas, quā
extensio partium: & ita per illam fit nobis extensio manifesta.
Vel secundò, respondemus; Diuisibilitatē duobus modis
sumi posse. Primò, pro formali aptitudine ad diuisionem.
Secundò pro radice eius, quam possumus appellare diuisibili-
tatē radicalem: & est idem prorsus, cum extēsiōe partium
à qua diximus, procedere diuisibilitatē formalem, tanquam
ab essentia. Hoc supposito, concedere possumus, eandem mi-
norē arg. quod definitio sit essentialis: sed per diuisibilita-
tē in ea positā, non intelligitur formalis, sed radicalis: quæ
idem est cum extēsiōe. Quare idem est etiam per diuisibi-
litatē sic sumptā, definitā esse quantitatē, ac per exten-
siōem: in qua potius consistit essentia quantitatis, quā in
diuisibilitate formali.

Ad secundū; Concedimus, per diuisibilitatē distingui,
à multis; species quantitatis, tanquam per propriam passiō-
nem nobis notiore, ex qua cognoscimus distinctionē essē-
tialē, quam habet per extēsiōem. Vel secundò, dicimus, di-
stinguere eas per diuisibilitatē, radicaliter sumptā, quæ idem
est, cum extēsiōe: & tunc distinctione est essentialis.

QVÆSTIO

QVÆSTIO II.

*Utrum Linea, Superficies, & Corpus, sint tres species
distinctæ quantitatis continuæ.*

VT ratio harum specierum intelligatur, notandum est, ex 18
D. Tho. opus. 48. tract. 3. cap. 3. Quod licet punctum, à linea
non separetur realiter; nec linea à superficie; nec superficies à corpore:
per intellectum tamen apprehendere possumus, punctum, quod
omnino est indiuisibile, realiter separatum à linea, & fingere,
quod per planum ducatur: & tunc ex ductu eius, remanebit vesti-
gium longum, sed nec latum, nec profundum; quod vesti-
gium, si versus latera extendatur, relinquetur aliud, non solum
longum, sed etiam latum, & tandem, si hoc eleuetur, aut de-
primatur, relinquetur tertium aliud vestigium, longum, la-
tum atque profundum: hoc est habens grossitiem. Primum
ergo, vestigium, est continuum, & diuisibile secundum longi-
tudinem, & appellatur linea: & cum sit vestigium relictum ex
ductu puncti, continuatur punctis: continuari verò est quasi-
bet duas partes eius copulari puncto indiuisibili, & ita efficit
vnum continuum. Vestigium secundum, est longum, & latum,
sed caret profunditate: quia non habet grossitiem (vt sic loqua-
tur) ideo est diuisibile, secundum longitudinem & latitu-
dinem, sed caret profunditate: & ideo est indiuisibile secundum
profunditatem, & cum sit vestigium, relictum ex extensione
lineæ, continuatur lineis, & appellatur superficies. Tertium
vestigium, est longum, latum & profundum, & cum sit reli-
ctum ex eleuatione, aut depressione superficie, partes eius
continuantur superficiebus: & est diuisibile, secundum longi-
tudinem, latitudinem, & profunditatem: quæ appellantur di-
mensiones quantitatis: quia quantitatem continuam, his tri-
bus modis, quasi dimitteri possumus, hoc est, secundum longi-
tudinem, latitudinem, & profunditatem: & quia non sunt plu-
res dimensiones, corpus dicitur diuisibile secundum omnem
dimensionem.

De his ergo tribus, linea, superficie, & corpore; duo possent 20
disputari. Primum: An distinguantur realiter, aut ex natu-
ra rei, possintque separari realiter; sed quæstio hæc Philoso-
phica est & ideo non pertinet ad propositum nostrum. Nunc
verò supponenda est, tanquam communis opinio, quod distin-
guuntur realiter aut ex natura rei, sine dependentia ab intel-
lectu: & quod naturaliter saltem nullum eorum potest sepa-
rari realiter ab aliis. Secundum quod potest disputari, est, An
distin-

distinguantur specie, & ideo sint species distinctæ quantitatis continuæ: & hoc quærit titulus quæstionis.

Circa quam, est prima opinio Duran. in 2. d. 2. q. 4. asserentis, *lineam, & superficiem, non esse veras species quantitatis*, sed solum negationes quasdam dimensionum: vt lineam, negationem latitudinis; superficiem, negationem profunditatis. Probat hoc argumento: Quia differentia constituens, atq; distinguens speciem, debet esse positiua, cum se habeat tanquam forma: sed linea, & superficies, non habent differentiam positiuam, per quam constituantur, & distinguantur; ergo non sunt veræ species quantitatis. Probatur minor, quia solum distinguitur linea à superficie, quod careat latitudine, & superficies à corpore, quod careat profunditate; ergo solum sunt negationes quædam latitudinis, & profunditatis, & non veræ species.

- 21 *Secunda opinio tenet, lineam, & superficiem, esse entitates positiuas, & non sola negationes, sed non distingui specie.* Probat hac ratione. Si linea, & superficies, distinguerentur specie inter sese, & à corpore, maxime per longitudinem: distinguerentur, & latitudine: sed per has non: ergo nullo modo. Probatur minor: quia superficies includit longitudinem, & latitudinem; ergo non distinguitur ab ea linea, per longitudinem. Deinde corpus, includit longitudinem, latitudinem, & profunditatem; ergo non distinguuntur ab eo, linea, & superficies, per longitudinem & latitudinem.

Tertia sententia est communis, & vera: *Quod linea, superficies, & corpus, sint veræ species quantitatis continuæ, atque distinctæ.* Hæc est expressa apud Arist. non solum cap. præsentis, sed 5. Metæ. cap. 13. vbi singulas has species, suis descriptionibus explicat: & omnes eius interpretes in Commentariis vtriusque loci eam sequuntur.

Præterea ratione probatur primum: quod sint veræ species quantitatis: quia extensio partium, intrinseca ratio quantitatis est, & diuisibilitas in partes, propria passio eius: sed vtraque ratio conuenit formaliter lineæ, & superfici: illi quidem secundum longitudinem, huic verò secundum latitudinem, & corpori secundum profunditatem, secundum quas dimensiones extenduntur partes eorum; ergo sunt veræ species quantitatis.

- 22 Probatur deinde, quod sint species distinctæ. Primum, quia multa demonstrantur in Mathematicis de his speciebus, tanquam de distinctis: Geometra enim agit de sola lineâ, tanquam de proprio obiecto, nihil considerans de latitudine aut superficie: & perspectiuus de lineâ visuali; ergo distincta species est à superficie,

ficie, & corpore. Secundo; Quia rationes formales diuersæ, distinguunt diuersas species: sed longitudo, quam dicit linea, est diuersa ratio formalis à latitudine, quā dicit superficies, & à profunditate, quā dicit corpus, vt ex se patet; ergo distinguitur species ab eis: & idē potest probari de superficie, & corpore.

Sed tota difficultas distinguendi has species, in eo consistit; quòd videntur posteriores, includere priores: vt corpus superficiem; & lineam, & superficiem lineam. Vt ergo fiat manifestum; hanc inclusionem non tollere differentiam specificam, notandum est primò, lineam, & superficiem duobus modis sumi posse. Primò, vt sunt indiuisibiles, linea quidem secundum latitudinem, & superficies secundum profunditatem: & hoc modo, non sunt species quantitatis: sicut punctum, non est species quantitatis, sed terminatiuum, & continuatiuum partium lineæ. Probatur vtrumque: quia quantitas essentialiter est diuisibilis; ergo linea, & superficies, vt sunt indiuisibiles, non possunt esse species quantitatis, sed sunt terminatiuæ, & continuatiuæ alterius speciei: linea continuatiua partium superficiem, & superficies continuatiua partium corporis. Secundo modo accipiuntur, vt diuisibiles sunt, secundum proprias dimensiones: linea secundum longitudinem, & superficies secundum latitudinem, & habent sua indiuisibilia, quibus partes eorum continuantur, & terminantur: linea terminatur, & continuatur punctis: superficies vero continuatur lineis, vt indiuisibilibus secundum latitudinem. Et hoc modo sunt species quantitatis distinctæ, & pertinent per se, & directè, ad prædicamentum: sed secundum primam considerationem, solùm pertinent reductiuè ad speciem illam, cuius partes copulant, vt linea ad speciem superficiem, & hæc ad speciem corporis. Sed dum dicimus, lineam esse indiuisibilem, secundum latitudinem, & superficiem secundum profunditatem, per indiuisibilitatem, non debemus intelligere puram negationem dimensionis: sed modum positium, qui per negationem indiuisibilitatis explicatur: sicut per punctum omnino indiuisibile, non intelligimus puram negationem, sed modum positium, quo copulantur partes lineæ. Ratio huius est: quia officium copulandi partes, reale est, & positium; ergo non potest à pura negatione fieri, sed ab entitate positua. Secundo notandum est, ex doctrina D. Th. vbi suprâ, sic se habere has duas species, superficiem, & corpus, vt quæ liber dicat vnâ tantum dimensionem, de formali nempe vltimam: alia verò, vel alias, de materiali, & quasi præsuppositiuè, vt superficies, de formali solùm dicit latitudinem, de materiali

materiali, verò, longitudinem; & corpus profunditatem de formali, longitudinem verò, & latitudinem, quasi de materiali: & ratio huius est: quia cum profunditas sit dimensio continua: copulari debent partes eius, indiuisibilibus secundum profunditatem: & tales sunt superficies, quæ cum habeant dimensionem latitudinis: necesse est eam habere corpus: & quia superficies copulari debet indiuisibilibus, secundum latitudinem, quæ sunt lineæ, habentes longitudinem: ideo necesse est superficiem habere longitudinem: sed ex hoc fit manifestum, quòd eas non habeat formaliter, sed solum materialiter, & quasi per accidens: quia propria indiuisibilia, quæ per se includunt, simul sunt diuisibilia, secundum easdem dimensiones. Vnde quia indiuisibilia lineæ, quæ sunt puncta, non sunt diuisibilia secundum aliam dimensionem: nec lineæ, de materiali, aut per accidens, ullam aliam dimensionem, præter longitudinem importat.

24. Vltimò notandum est, Genus, & differentiam, ita esse accipiendam in his speciebus, vt definitiones earum possimus designare, quòd commune & proximum genus earum sit, quantitas continua, sub qua collocantur: differentia verò accipienda est, in ordine ad proprias dimensiones singularum: & ita definitio lineæ talis erit: *Linea, est quantitas continua, extensa secundum dimensionem formalem longitudinis. Superficies, est quantitas continua, extensa secundum dimensionem formalem latitudinis. Corpus verò, quantitas continua, extensa secundum dimensionem formalem profunditatis.* Nec enim ponitur longitudo in definitione superficiæ, nec latitudo, in definitione corporis: quia, licet hæc etiam dimensiones, necessario includant, non tamen formaliter, sed solum materialiter: imò nec per se, sed per accidens: quòd hac ratione probatur: Vna species, nec componitur ex altera formaliter, nec in ea includi potest: sed lineæ, superficies, & corpus, sunt species diuersæ quantitatæ: ergo nulla potest aliam aut alias includere formaliter.

25. Ex tota hac doctrina intelligitur, quonam modo distinguatur lineæ, superficies, & corpus: non quidem, vt nonnulli opinantur, per negationem alicuius dimensionis: vt lineæ à superficie, per negationem latitudinis: & superficies à corpore, per negationem profunditatis: sed distinguuntur, per positiuam extensionem, secundum dimensionem propriam: ita vt lineæ distinguatur à superficie, per positiuam extensionem partium, secundum longitudinem: & superficies à corpore, per positiuam extensionem latitudinis: & corpus ab utraque, per positiuam extensionem, secundum dimensionem profunditatis.

Si autem dicatur, Aristotelem §. Meta. cap. 13. alio modo has species definisse, nempe, *Lineam esse magnitudinem continuam ad unum*: hoc est, secundum unam dimensionem longitudinis. *Superficiem, ad duo*, id est, secundum duas dimensiones: longitudinis, & latitudinis. *Et corpus, ad tria*, id est, secundum tres dimensiones, longitudinis, latitudinis, & profunditatis. Respondeo, ita definisse, sed definitiones istæ, non sunt distinctæ à nostris, verum eadem cum eis: & differre videntur, quia Aristoteles, non solum formales dimensiones posuit, per quas constituuntur, ac distinguuntur: sed etiam materiales, in quibus superficies, & corpus conueniunt. Nos verò, solum per formales definimus eas, non curantes de materialibus, quas præsupponimus necessariò includere.

Ad argum. primæ opinionis, neganda est minor, quod solum per negationem alicuius dimensionis, distinguantur linea & superficies. Non enim distinguuntur, nisi per positivam extensionem, secundum propriam extensionis rationem: quamvis una dicat negationem dimensionis, quam includit altera: quod commune est omnibus speciebus cuiuscunque generis: nam homo eo ipso, quod est rationalis, dicit negationem cuiusque speciei irrationalis.

Ad arg. secundæ opinionis, Cōcessa maiori, neganda est minor, quod non distinguantur linea, & superficies, per longitudinem, & latitudinem: quia licet superficies includat longitudinem, non tamen formaliter, sicut linea, sed materialiter tantum: & licet corpus includat latitudinem, non formaliter, sed materialiter: & cum distinctio debeat esse per aliquid formale, distinguuntur istæ species, per singulas dimensiones, quas includunt formaliter, & quæ non includuntur formaliter ab aliis, ut expositum est. Et si aliquis dicere vellet, superficiem dicere longitudinem aliam, distinctam à longitudine lineæ, & corpus aliam longitudinem, distinctam à longitudine lineæ, & superficiæ, & aliam latitudinem, distinctam à latitudine superficiæ, & ita distingui à superficie, & linea, non solum per unam dimensionem formalem, sed per tres etiam formales, & sibi proprias, & superficiem à linea, & corpore, per duas formales, & sibi proprias, longitudinis, & latitudinis: quod manifestum fieret, si istæ species, saltem per potentiam Dei absolutam, separarentur realiter: tunc enim corpus haberet trinam dimensionem, essetque longum, latum, & profundum, & superficies, longa, & lata, linea, verò, solum longa. Responderetur, hunc modum distinguendi has species, per solam imaginationem extogitari posse: sed secundum rationem implicare
contra

contradictionem. Probatur, quia ex eo sequeretur, Corpus habere tres longitudes distinctas; & distinctas solo numero, & eas includere formaliter: & eodem modo, duas latitudines: imò, & triplicata puncta; quibus continuantur diuersæ longitudes: & utrumque est impossibile.

- 27 Primum quidem: quia longitudes omnes, sunt eiusdem speciei; cum habeant eundem modum extensionis partium, eundem modum continuationis per puncta, & eundem effectum formalem in subiecto: repugnat autem, quod aliquid includat formaliter, & essentialiter, tria prædicata eiusdem speciei. Probatur secundum esse, impossibile: quia repugnat multa accidentia, purè absoluta, & eiusdem speciei, qualia sunt dimensiones, simul esse in eodem subiecto, à quo aliquo modo accipiunt indiuiduationem. Hoc autem sequeretur, si superficies, & corpus, tot haberent longitudes, & latitudines: quas omnes tribuerunt subiecto, in quo inhaerent.

Quod verò dicitur, has species posse realiter separari, per potentiam Dei absolutam: falsum est; quia manifestam contradictionem implicat. Quod sic probò: Si corpus esset separatum à superficie, esset quantitas continua diuisibilis, secundum longitudinem, latitudinem, & profunditatem: ergo longitudo eius, continuaretur punctis, & ideo esset linea: quia Linea nihil aliud est, nisi *longitudo continuata punctis*: latitudo etiam eius continuaretur lineis: & ideo esset superficies; quare non esset separatum à linea, & superficie, ut supponitur: implicat ergo contradictionem separari: quod potest eodem modo probari, de superficie, ut intelligenti patet.

- 28 Ratio autem fundamentalis, propter quam repugnat separari villo modo has species, est: Quia non est dabilis; imò nec intelligibilis substantia, cui quantitas inhaerere possit; nisi corporea: quæ ex sua natura, & essentia, non potest suscipere quantitatem; nisi triæ dimensionis, nempe longitudinis, latitudinis, & profunditatis: quare non potest dari quantitas, quæ illas omnes non habeat.

Q V Æ S T I O III.

Utrum tempus, sit vera species quantitatis continua.

Occasionem dedit Aristot. ipse huic quæstioni: nam capite præsentis, tempus enumerauit inter species quantitatis continua. Sed 5. Metaph. ca. 13. idem tempus cum motu, docuit esse quantum per accidens, ita ut à mobili, & spatio: seu alia forma,

circa quam versatur, motus continuationem, & extensionem accipiat: sicut albedo eam accipit a corpore, cui inhaeret: Ideo diuersae sunt opiniones.

Prima tenet; *Tempus non esse speciem quantitatis, nec habere extensionem per se; sed per accidens; sicut motum*: ita Pater Franciscus Suárez, tomo 2. suae Met. disput. 40. lect. 9. num. 8. & cum eo multi recentiores. Habetque haec sententia, praeter testimonium Arist. plura argum. sed tria haec sunt potissima; & difficilia. Primum; Species quantitatis, debent esse entia realia: quia quantitas est praedicamentum reale. Sed tempus, non est ens reale: ergo non est species quantitatis. Probatur minor: nam ens reale, quod est totum, debet habere partes reales: sed tempus, cum sit totum, comprehendens sub se praeteritum tempus, praesens, & futurum; non habet partes reales: ergo non est reale. Probo iterum minorem: quia reale est illud, quod est in rerum natura: sed nulla pars temporis est in rerum natura; nam tempus praeteritum iam non est, futurum nondum est; praesens vero solum potest esse instans, seu momentam indiuisibile: quia cum tempus sit successuum, nullam partem potest habere praesentem; praeter indiuisibile: ergo nullam habebit praesentem, & ideo nec realiter existentem.

Secundo probatur, quia *Tempus*, vt definit Arist. 4. lib. Physi- 29
corum, cap. 1. text. 100. *est numerus motus secundum prius, & posterius*: sed non est numerus discretus; qui sit species quantitatis discretae; cum verè sit continuum, nec habet aliam extensionem distinctam, ab extensione motus; cum quo identificatur realiter: ergo sicut motus, non est quantus per se, sed per accidens; sic etiam tempus. Probatur minor: quia tempus non est aliud, quam duratio motus: ergo non potest habere aliam extensionem partium, distinctam ab extensione partium motus: de quo Arist. affirmat, & omnes ferè expositores eius; quod sit *quantus per accidens*.

Tertio; Impossibile est, quod species alicuius generis pertineat ad aliquod praedicamentum; quin genus eius ac caeterae species, ad idem praedicamentum pertineant: vt si homo pertinet ad praedicamentum substantiae; necesse est animal in eodem praedicamento substantiae collocari: sed duratio est genus, ad durationem Angelorum; quae vocatur aeuum ad durationem substantiae corporeae, & ad durationem motus, quae vocatur tempus: ergo omnes collocantur in eodem praedicamento: sed durationes substantiarum, non collocantur in hoc praedicamento; cum sint indiuisibiles, nullam habentes extensionem; ergo nec poterit in eo collocari tempus.

30 Secunda opinio distinguit *duplicem considerationem temporis*, & ait: Si tempus consideretur sub ratione extensionis partium, & diuisibilitatis in eas non est quantum per se, sed per accidens: unde nec est species quantitatis. Si verò consideretur sub ratione mensuræ, hoc est, in quantum est mensura motus, sic est quantum per se, & species quantitatis continuæ. Aristoteles verò loquitur de eo 5. Metaphy. sub prima consideratione: & propterea ipsum connumerat inter quanta per accidens: sed cap. præsentī, sub secunda, & ideo dicit esse speciem per se quantitatis continuæ. Hanc sententiam, videntur sub hac distinctione temporis excogitasse antiqui interpretes Aristot. vt commentator, D. Thom. & alij ad concilianda diuersa loca Aristot. citata: & eos sequitur Soncinas 5. Metaphy. quæst. 8.

Tertia opinio, affirmat *tempus esse speciem quantitatis per se distinctam à cæteris: non solum in ratione mensuræ, sed extensionis*. Sic Fonseca, 5. Metaph. cap. 13. q. 10. Toletus q. 2. huius capitis, & alij interpretes Arist. & Aristoteles ipse c. præsentī. Et hæc videtur nobis probabilior, & tenenda. Probat, hac potissimum ratione, insinuata à D. Tho. opus. 42. cap. 2. *Essentialis ratio quantitatis, est extensio partium*: sed tempus habet distinctam extensionem partium à motu: ergo non accipit extensionem ab eo; sed habet per se. Probat, minor, nam fieri potest, vt motus habeat paruam extensionem; & tempus magnam: & ex opposito, tempus paruam, & motus magnam: ergo sunt distinctæ extensiones, & vna non accipitur ab alia. Antecedens probō, quia motus factus per idemmet spatium eiusdem longitudinis, non habet maiorem extensionem; siue sit tardus, siue velox: & tamen extensior est duratio eius. Nam si velox sit; durabit per dimidiam horam; si verò tardus, per integram: ergo habet maiorem extensionem, atque distinctam à motu.

31 Respondent huic argum. moderni; quòd si duratio tardioris motus, compareretur ad tempus extrinsecum; quòd est duratio motus primi mobilis; vel ad tempus imaginarium, maior diceretur: si verò ad durationem intrinsecam, eiusdem motus; non erit maior, vel extensior, quàm motus ipse: sed potius in motu velociori, quasi comprimuntur partes eius: sicut comprimuntur partes motus, ratione velocitatis: unde non sequitur, durationem intrinsecam habere distinctam extensionem à suo motu, quem sequitur: licet distinctam habeat extensionem ab eo, duratio extrinseca primi mobilis: quæ etiam non erit distincta à suo illo motu primi mobilis, quem sequitur: vt ita verum semper sit, nullam durationem, habere extensionem

distinctam à suo motu; sed eam quam habet, ab eo accipere.

Contra hanc tamen solutionem sic arguo: Non solum duratio extrinseca cælestis motus, maiorem habet extensionem, quam motus ille velox; sed etiam duratio propria eius: ergo solutio est falsa. Probatur antecedens: quia duratio propria, æquiualeat horæ; & ei coexistit coexistentia formalis: quia utraque duratio, est formaliter successiua: sed hora, est duratio extrinseca, temporis cælestis: ergo sunt formaliter æquales: duratio autem extrinseca, extensior est motus tardioris: ergo erit etiam extensior duratio intrinseca, & propria: quare non erit accepta ab eo.

Vnde sequitur, non minus falsum esse; quod in eadem solutione dicitur; partes intrinsecas durationis comprimi, sicut partes motus: quia partes motus comprimuntur, ratione velocitatis, quæ est quidam modus earum: sicut condensatio, est modus; quo partes aquæ, aut alterius corporis comprimuntur: sed tempus, non est capax velocitatis, aut tarditatis; vt docet, & probat Aristoteles 4. libro Physic. tex. 96. his verbis: *Mutatio quidem omnis, velocior aut tardior est; tempus autem non est: tardum enim, & velox, tempore definiuntur: velox enim est, quod in paucio tempore multum mouetur. Tardum autem quod in multo parum: tempus autem non definitur tempore.* &c. Ergo repugnat, partes durationis comprimi: & idem falsum est; quod duratio ipsa non sit maior, vel extensior tardioris motus.

Secundò probatur; In tempore, quod est duratio motus primi mobilis. Nam si vna circulatio cæli; per quam sol mouetur ab oriente in occidentem, quæ modò sit spatio 12. horarum, fieret spatio 24. horarum; euidenter esset, durationem in tali motu consumptam, duplo maiorem esse ea, quæ modò consumitur: & ideo habere extensionem duplo maiorem ea quam modò habet: sed circulatio ipsa, non haberet maiorem extensionem, quam habet modò: ergo extensio durationis, distincta est ab extensione motus. Probatur minor, quia extensio motus, sumitur ab extensione spatij, aut localis præsentia; quæ per motum acquiritur: sed spatium est idem, & ex consequenti, præsentia localis in eo est eiusdem extensionis: ergo motus per illud factus, siue tardus, aut velox, eiusdem erit extensionis; & non maioris: cum euidenter sit durationem eius, duplo maiorem extensionem habere.

Vt autem nostra sententia, & communis, melius intelligatur; notandum est, Tempus sic esse definitum ab Arist. 4. lib. Physic. *Tempus est, numerus motus secundum prius, & posterius.* In qua definitione, duo dicuntur de motu. Primum, quod sit duratio prioris, & posterioris motus: ex quo sequitur aliud, nempe,

nempe, quod sit numerus partium eius: sed numerus, dicit discretionem, seu separationem; quæ duobus modis sumitur. Primò, secundum quantitatem: & sic est species quantitatis discretæ: vt tria corpora, quæ realiter sunt discreta, aut separata; sed cum certo ordine numerabilitatis inter sese, secundum prius, & posterius: quia secunda vnitas, est posterior prima, & prior tertia: alio modo sumitur discretio, seu separatio: non secundum quantitatem, sed secundum qualitatem: ita vt licet partes sint continuæ secundum quantitatem; tamen diuersas habeant qualitates; quarum ratione discretæ, aut separatæ dicantur. Dum ergo dicitur; *Tempus esse numerum motus*, non de numero quantitatio, sed secundum qualitatem intelligitur: quia pars prior distinctam habet qualitatē, à posteriori: & qualitas hæc, modus ipse prioritatis, & posterioritatis esse intelligitur. Ideo tempus non est species quantitatis; in quantum numerus dicitur: sed in quantum est duratio continua motus, habens partes priores, & posteriores, copulatas termino communi, quod est instans.

34 Secundò notandum est, nō esse certum, quo modo distinguatur tempus à motu: sed quidam dicunt distinguere ex natura rei, & ante intellectum; quod ego probabilius esse existimo; vt in nostris Commentariis, super quantum librum Physicorum ostenditur: Alij verò, non nisi ratione distinguere tenent; ratiocinata tamen, hoc est habente fundamentum in re ipsa: sicut distinguuntur actio, & passio, in eodem motu. Siue autem hoc, vel illud dicatur, satis est, vt possimus intelligere, Tempus habere distinctam extensionem realem, vel formalem, à motu; quæ est extensio durationis.

Tertiò notandum est; Motum, duplicem habere extensionem; Vnam, in quantum est via inter duos terminos A. quo, & Ad quem; Aliam, in quantum durat; & dicitur extensio durationis: & neurram habet à se; sed primam à mobili, & spatio, seu termino Ad quem: secundam verò à tempore; quæ propriè loquendo est extensio durationis. Ex quo intelligitur, utroque modo, & omni ratione esse quantum per accidens. Tempus verò neutro modo habet extensionem à motu, aut mobili, vel spatio; sed eam habet propriam, & à se: & vocatur extensio prioris, & posterioris, secundum durationem; distincta ex natura rei, à motu, à mobili, & spatio: & ideo dicitur intrinseca. Sed eam habet dependentem à causa efficiente motum; à qua producitur idem tempus, secundum suum esse, medio motu: nō tanquam causa, sed tanquam causatione: quod patet nō tollere; quin eam habeat per se, & ab intrinseco: nam ceteræ omnes

species quantitatis, habent suas extensiones; sicut & suas entitates à causa efficiente, à qua producuntur.

Quartò notandum: Quòd cùm tempus sit duratio motus: & motus sit duplex; duplex est etiam duratio. Vna est duratio primi motus, hoc est cœlestis; qui cùm sit primum corpus, motus eius dicitur primus: & cùm motus iste primus sit regularissimus, hoc est, eodem modo se habens semper quantum ad velocitatem, & ab eo depēdeant cæteri motus inferiorum corporum, omnes etiam per eum mensurantur: & ideo dicitur mensura omnium, quia mensura debet esse certissima: & propterea eodem modo semper se habens. Et hæc est ratio, propter quam in communi modo loquendi, hæc sola duratio vocatur tempus: quia tempus videtur communis mensura omnium moruum, est tamen mensura extrinseca; cùm sit distincta à cæteris moribus, per eam mensuratis. Aliæ sunt durationes particularium, & inferiorum motuum: quia cuilibet motui correspondet sua duratio particularis, & intrinseca; sicut quilibet habet suas partes priores, & posteriores: quæ necessario inferunt particulares, & proprias durationes. Sed quia istæ non sequuntur ex motibus regularibus, sed modò velocioribus, modò tardioribus; ideo nec vocantur propriè tempora: sed tempus absolutè dicitur vnum, pro illa prima duratione primi motus.

Ex his credo intelligetur aliquo modo natura temporis: & ex ea quem sensum tenuerit Aristoteles, dum *tempus enumerauit inter quantia per accidens*, in 5. Metaphysicorum, videlicet non habere extensionem omnino absolutam, sicut cæteras species quantitatis, sed cùm ordine ad aliud, nempe ad motum, & ideo esse quasi quantum per aliud, nō tamen per accidēs, sicut motus: qui non habet propriam extensionem, sed quam accipit à spacio, & subiecto. Tempus verò habet quidem propriam non omnino absolutam, sed cum ordine ad aliud: ideo non est tam per se quantum, ac cæteræ species. Sed primum argumentum petit distinctionem illam rerum permanentium, & successiuarum, quæ etiam habent partes diuersæ rationis: nam res permanentes habent partes, quæ simul existunt, vt lignum, vel lapis: res verò successiuæ, non habent partes simul existentes, sed in successione, & transitu; vt motus: cuius partes non simul existunt: sed quædam sunt futuræ, aliæ præteritæ: & futuræ sunt primò præsentēs; deinde præteritæ: sed nec præsentēs sunt per modum permanentis, aut simul existentis; sed per modum successiuè transeuntis. Denique tam partes futuræ, quam præsentēs, & præteritæ, copulantur per

per instantia inuisibilia, etiam fluentia, & sunt vnum tempus, & vna quantitas continua, & successiua. Quare licet nulla pars temporis sit praesens, vel existens permanenter, aut tota simul, habet tamen vtrumque per modum successioneis, & fluxus.

Ad formam autem primi argu. neganda est minor: Quod tempus non sit ens reale, aut non habeat partes reales actu existentes: quia licet non existant per modum permanentis, existunt tamen per modum successiui, hoc est, continue fluentis: & ita tempus futurum, sit praesens, & praeteritum. Et licet tempus futurum nondum sit, & praeteritum iam non sit: est tamen tempus praesens, non solum ratione instantis, sed etiam ut tempus est: non tamen habet praesentiam permanentem, sed fluentem: sit autem vnum tempus continuum, cum praeterito, & futuro, ratione instantis, per quod cum eis copulatur.

37 Vnde sequitur falsam esse, & non necessariam ad entitatem realem temporis dependentiam ab intellectu, quam aliqui ponunt in tempore dicentes, Tempus complementum suae essentiae ab ea accipere: ita ut ante operationem intellectus, non sit completa. Quia cum sit numerus motus, & numerus compleatur ab intellectu: ergo ita complebitur & tempus. Dico falsum hoc esse: quia ex eo sequitur: Tempus formaliter esse ens rationis, & non dari ante operationem intellectus. Probatur consequentia: quia nihil reale potest accipere ab intellectu: si ergo accipit essentiale complementum: ergo complementum hoc, est ens rationis, & ita essentia temporis, erit ens rationis, cum per ipsum compleatur. Quare non dabitur ante operationem intellectus, quod constat esse falsum, cum ante operationem intellectus, detur duratio primi motus, quae est verum tempus. Quod vero tale complementum non sit necessarium, probatur, quia sine illo habet tempus: veras, ac reales partes, in fluxu reali consistentes, iuxta naturam entis successiui, non minus quam motus: de quo euidentius est, non dependere ab intellectu: sicut videbimus non dependere numerum.

Ad secundum; Concedenda est minor, quod tempus non sit numerus, realiter discretus, discretionem quantitatiua, neque species quantitatis, ex eo quod sit numerus, sed ex eo, quod est continua duratio motus: a quo negandum est, non distingui realiter: & licet solum distinguatur ratione formali, sufficit, ut sit ens completum, & per se extensum: quamuis motus sit incompletus, atque extensus per accidens: nam actio, & passio, identificatur realiter cum motu, tamen sufficit distinctio rationis, ut actio, & passio, sint entia completa, & praedicamentalia: quae

uis motus neutrum habeat.

Ad ultimum; Concessa maiori, neganda est minor: quod 38
duratio in communi, sit genus, ad durationes substantiarum,
& ad tempus: sed est analogum: quod præsertim verum est, ac
necessarium, apud eosdem modernos, qui asserunt, duratio-
nem sola ratione distingui, ab existentia rei durantis. Quo
supposito, duratio substantiarum erit idem, ac existentia earum:
& duratio accidentium, idem ac actualis inhærentia eorum:
sed substantiæ, & accidenti, nihil datur commune vniuocum:
ergo nec durationibus eorum. Et etiam si ex natura
rei distinguatur duratio, ab existentia rei durantis, cum eâ cõ-
sequatur naturaliter: non potest tamen duratio in communi,
esse vniuoca, respectu vtriusque: quia sicut accidens habet esse
secundum quid; ita duratio consequens naturam eius, erit
talis secundum quid, per attributionem ad durationem sub-
stantiæ: nec habere poterunt rationem vniuocam durationis:
quare nec sequitur durationem motus, non esse speciem quan-
titaris: quia durationes substantiarum, non sunt in hoc præ-
dicamento.

Q V Æ S T I O I V.

*An locus sit species quantitatis continua, distincta
a superficie.*

Occasionem dedit Aristoteles huic quæstioni: quia licet 39
capite præsentī, ennumeravit locum inter species quan-
titaris, tamen 5. Metaphysicorum. c. 13. vbi de eodem prædicamento
ex professo agit, & alias species quantitatis ennumeravit,
nullam fecit mentionem loci. Ideo prima opinio asserit;
Locum esse speciem quantitatis, distinctam a superficie: non quidem
in ratione extensionis essentiali quantitatis, sed solum in ra-
tione mensuræ. Probat vtrumque, quia illa distinguuntur
specie, in ratione extensionis, quæ habent distinctam exten-
sionem: sed locus & superficies, non habent extensionem di-
stinctam, sed eandem: ergo in ratione extensionis distinguun-
tur. Minor probatur: quia locus est superficies quædam: ergo
est extensa secundum longitudinem, & latitudinem: addit
verò continentiam locati, ratione cuius non habet nouam ali-
quam dimensionem, sed solum nouam correspondentiam ad
locatum: ergo non habet nouam, aut distinctam extensionem,
bene tamen habet nouam rationem mensuræ: quia ex eo,
quod continet locatum, est mensura extrinseca eius: superfi-
cies verò, non est mensura extrinseca locati, sed intrinseca lo-
cantis

antis in quo inhzret. Ideo Aristoteles capite præsentis, ubi rationem mensuræ præcipuè considerabat, in quantitate loci numeravit, tanquam speciem distinctam à superficie: sed s. Metaphysicorum, ubi de quantitate agebat, præcipuè secundum rationem essentiali extensionis, non fecit mentionem loci: quia sub hac consideratione, non distinguitur à superficie. Unde connumerans superficiem, sufficienter connumeravit locum. Ita sentit Sotus, in hoc cap. & Maius disp. de quantitate, sect. 3. quæst. 4.

- 40 Secunda opinio tenet, *Locum esse distinctam speciem à superficie, etiam sub ratione essentiali extensionis*: non quidem realiter, sed solum formaliter. Hanc sequuntur Albertus Magnus, tract. 8. prædicamentorum, cap. 5. Iauellus, tractat. 5. Canter. in extensione textus, & Tolerus, quæ. 2. huius capituli. Probatur testimonio Aristo. in hoc cap. ubi non solum docuit, sed probavit; *Locum esse speciem quantitatis continuæ, distinctam ab alijs.*

Deinde ratione. Primò: Quia distinctus modus formalis extensionis, sufficit distinguere rationem formalem, & specificam duarum quantitatum: sed locus habet distinctum modum formalem extensionis: ergo distinguitur formaliter, atque specie à superficie. Probatur minor, quia superficies, ut superficies, solum habet extensionem secundum longitudinem, & latitudinem: sed ut locus, addit novum modum extensionis, correspondentem locato, quod circumscribit, in quantum partes eius, correspondent partibus locati, & puncta punctis; & ex tali correspondentia, habet novum modum divisibilitatis: quia divisibilis est, ad divisionem locati: ergo habet distinctam rationem quantitativam, quæ sufficit, ut sit distincta specie à superficie; licet non distinguatur ab ea realiter.

Secundò, quia proprietas maximæ quantitatis est, æquale, & inæquale: sed locus, ut locus, est æqualis locato; ut docet Arist. 4. lib. Physic. tex. 13. ergo ut talis, convenit ei essentia quantitatis, per quam erit distincta species à superficie: cui, sicut non convenit æqualitas cum locato, ita nec conveniet formalis ratio, & propria extensionis loci.

- 41 Tertia opinio duo asserit. Primum, *Quod locus sit vera species quantitativæ*. Secundum, *Quod non sit species distincta, à superficie*; nec in ratione extensionis, nec in ratione mensuræ, sed solum distinguatur ab ea, per quandam rationem accidentalem, & extrinsecam: quæ est continentia, aut circumscriptio locati. Hæc est expressa D. Tho. 5. Meta. lect. 15. & in 2. d. 12. quæst. unica, art. 5. ad 2. & eam sequuntur Soncinas 5. Meta. qu. 40. Albertus Saxonix 4. lib. Physic. q. 1. Venetus cap. præsentis. Vallesius, contro

controuerfia 23. ad tyrones, Fonseca 5. Meta. cap. 13. q. 3. Pater Franciscus Suarius 2. tomo suæ Meta. disp. 51. sect. 2. nu. 9. & multi ex modernis. Et hæc videtur mihi probabilior.

Vt autem illam probemus, notandum est, Locum duobus modis considerari. Primo, Mathematicè, solum pro superficie continente aliud corpus. Secundo, Physicè, prout addit quandam immobilitatem, ratione cuius respicit motum localem, aut etiam virtutem conseruatiuam loci. Et utramque rationem eius explicuit Arist. 4. lib. Physic. textu 36. sic eum definiens: *Locus est, vltima superficies corporis, continens immobilis*. Capite autem in præsentia, solum considerat locum, secundum primam rationem; vt est vltima superficies continens corpus: immobilitatem verò, ad libros Physic. remittit, & secundum illam, asserit esse speciem quantitatis. Et hoc est primum, quod nostra sententia affirmat.

Probatur verò secundum, *Quod non sit species distincta à superficie*. 42
Primò quia species distinguuntur per differentias contentas sub eodem genere: ergo species quantitatis continuæ, per differentias eiusdem generis, quæ aliquem gradum perfectionis supra illud addant. Vt igitur superficies, quatenus locus, distincta species sit à superficie, vt superficie, nouam rationem formalem extensionis, aut mensuræ, supra eam addere debet: sed nullam addit: ergo non est distincta species.

Probatur minor: quia vel consideramus superficiem, vt actu continentem locatum; vel solum, vt aptam continere: quod habebit, si locus qui modo repletur corpore, vacuus remaneat; non est enim alia ratio considerandi eam, vt locum: sed neutro modo considerata, addit nouam rationem extensionis, aut mensuræ: ergo non est vllò modo distincta species, à se ipsa; vt superficie. Probo iterum minorem: quia vt actu continere, nihil addit intrinsecum, sed continere, vel circumscribere aliud, sola denominatio extrinseca est in circumscribente, vt patet: aptitudo verò continendi, talis debet esse, qualis est actualis contentia: cum potentia ab actu sumat speciem: ergo solum erit potentia denominandi aliud, extrinsecè contentum, vel circumdatum: sicut aptitudo in veste, denominandi corpus vestitum: sed sola denominatio extrinseca, vel sola aptitudo ad illam; non potest esse nouus gradus perfectionis, sub genere extensionis quantitativæ: quod ex se dicit aliquid intrinsecum, & formale: cum sit accidens purè absolutum: ergo non potest distingui specie locus à superficie.

Et confirmari potest: quia si continere actiue locatum, 43
quamuis extrinsecè addit nouum modum extensionis, distinctum à

Etum à superficie ut tali, ideo facit distinctam speciem quantitatis, sequitur, corpus passivè contineri à loco, addere novum modum, supra dimensiones eiusdem corporis contenti: & ideo pro continentia passiva, aliam speciem esse distinguendam; quod nemo concedit.

Secundo probatur, quia continere locatum extrinsecè, vel aptam esse superficiem, ad illud continendum, aut etiam respondentia illa partium, aut punctorum, cum partibus, & punctis locati, non potest intelligi aliud esse, præter relationem, sed sola relatio, non potest distinguere species quantitatis: quia differentia quantitatis, debet esse absoluta, sicut genus: ergo non distinguitur locus specie, à superficie, sub genere quantitatis, per continentiam locati: nec aliud addere intelligitur per quod sub eodem genere distinguatur.

Ad argumentum primæ opinionis; Distinguenda est minor, ex ea parte, qua dicit locum addere novam rationem mensuræ: nam mensura duplex est; ut inferius explicabitur, Activa. & Passiva: & illa solum est extrinseca ratio quantitatis: passiva verò, quæ appellatur mensurabilitas est extrinseca, & propria passio eius: ab illa igitur, non possunt distingui species quantitatis; quia extrinseca: sed neque ab hac; quia communis omnibus, licet omnibus intrinseca, tamquam communis passio.

Ad primum arg. secundæ opinionis; Concessa maiori, neganda est minor: quia continentia activa locati, aut correspondentia secundum partes, & puncta, non est novus modus extensionis; sed sola denominatio extrinseca, in superficie, & forte nova relatio, ad corpus contentum: quæ non possunt locum distinguere à superficie, sub genere quantitatis continuæ.

44 Ad secundum, negandum est antecedens; Quod proprium sit quantitati esse æqualem, vel inæqualem alteri, sed est accidens commune: proprietas verò eius est, quod secundum eam, omnia dicantur æqualia, vel inæqualia: & hæc proprietas, communis est omnibus speciebus: & ideo non potest eas distinguere: unde, quod superficies continens sit æqualis locato, accidens eius est: sicut est accidens, unum corpus, aut unam lineam, esse æqualem alteri: quare non potest ex hoc distinguì à superficie; sicut nec superficies locati potest distinguì specie, à superficie loci, ex eo, quod sit ei æqualis.

Ad Aristotelem verò; Respondetur, numerasse locum capite præsentì, tamquam speciem distinctam à superficie: quia nondum determinaverat quid nam locus esset, usque ad quar-

tum

tum lib. Physic. Et iuxta varias sententias, posse distingui, vel non distingui, à superficie: interim tamen, propter extinsecam continentiam, distingui docuit; non essentialiter, sed accidentaliter. Vt ex hac distinctione, intelligeretur, modo quodam diuerso se habere ad prædicationes. In Metaph. verò, vbi jam constabat esse vltimam superficiem continentem, non fecit mentionem eius: sed connumerata superficie, à qua non distinguitur specie; sufficienter connumerari intellexit.

QVÆSTIO V.

An motus sit species quantitatis continua.

PRima opinio, affirmat, *Esse speciem distinctam à cæteris; quam* 45
tenet Fonseca 5. lib. Metaph. cap. 33. quæst. 8. sect. 1. 2. & 3. & cum eo Conimbricenses 3. libro Physic. cap. 2. quæst. 2. art. 3. in fine. Vbi asserunt, Motum sex modis considerari posse; Primo, *ut procedit ab agente; & sic pertinet ad prædicamentum actionis.* Secundo, *ut recipitur in passo; & pertinet ad prædicamentum passionis.* Tertio, *ut est quasi forma imperfecta, tendens ad perfectionem.* Quarto, *ut est acquisitio perfectæ formæ.* Quinto, *ut est successiuus: & his tribus modis, ad nullum prædicamentum per se pertinet: quia est quid incompletum essentialiter.* Sed potest sexto modo considerari; *ut est continuus; & hoc modo pertinet ad hoc prædicamentum, sicut tempus: sed est distincta species ab eo: quia partes temporis copulantur instantibus diuisibilibus, partes verò motus, copulantur mutatis esse, etiam indiuisibilibus: quæ valde diuersa sunt ab se se inuicem: & ideo arguunt distinctas esse species quantitatis.*

Probatur testimonio Arist. 3. lib. Physic. in principio, vbi ait 46
Motum esse de genere continuorum: sed genus continuorum non reperitur, nisi in hoc prædicamento: ergo scit collocari sub genere continuæ quantitatis; quod est esse speciem eius.

Probatur deinde ratione; quia continuum est genus quantitatis: ergo species eius erit, quidquid habet continuitatem per se: & distincta species, si habeat distinctam continuitatē: sed motus, habet vtrumque: ergo est species quantitatis continuæ, distinctæ à cæteris. Probatur minor: quia continuitas motus, est distincta à continuitate spatij, aut termini, qui fit per eum: & etiam à continuitate subiecti, mobilis, cui inhaeret, & tandem, à continuitate temporis: ergo non accipit eam, ab aliquo horum, sed à se illam habet: & ideo erit per se quantum atque continuum. Minor probatur: quia continuitas mobilis, spatij, aut termini, qui fit per motum; siue sit qualitas

qualitas siue quantitas, vel quid aliud, est permanens: sed continuitas motus est successiua, sicut ipse motus; ergo est distincta à continuitate eorum, atque etiam à continuitate temporis successiua: quia cum motus tardus est, continuitas eius est breuis, si breue sit spatium, quod mobile pertransit, continuitas temporis longa; ergo diuersa est vna ab altera. Quod etiam colligitur ex continuatiuis, quæ in tempore sunt instantia; in motu verò mutata esse valde diuersa.

Secunda opinio, negat motum esse quantum per se: & ex consequenti speciem quantitatis, & est communis, & vera, quam tenet expressè Arist. non solum cap. præsentis, sed etiam 5. lib. Meta. cap. 13: quibus locis expressis verbis docet, *Motum esse quantum per accidens*, sicut album. Et cum eo omnes ferè expositores. D. Thom. 5. Meta. lect. 15. Albertus Magnus tractat. 8. de quantitate, cap. 4. Soncinas 5. Metaph. q. 24. Louanienfes, Caiet. Iauellus, Sotus, Toletus, Mercatus in Commentariis huius cap. P. Pereira lib. 13. cap. 1. Pater Franciscus Suarius 2. tomo suæ Met. d. 40. sect. 8. & probatur duplici argum. Primo, quia motus est continuus, quia est successiuus: si enim in instanti fieret, nullam posset habere successionem: At non habet per se successionem, sed ratione termini, qui fit per ipsum; ergo nec habet per se continuitatem, sed ab eo. Minorem probabo: Quia motus calefactionis, ideo successiuus est, quia calor per eum factus habet quandam latitudinem gradualem, contrariam frigiditati existenti in eodem subiecto: quam frigiditatem, quia non potest agens naturale finitum, simul & in momento vincere, sed paulatim, vincitur successiue: & ideo successiue producit calor: vnde si detur agens infinitæ virtutis, quale est Deus, potens in momento vincere totam resistantiam frigiditatis, in momento etiam, & sine successione produceretur calor, & non habebit calefactio vllam successionem, neque continuationem. Signum igitur euident est, quod vtrâque habet à termino, & non per se: quare nec erit continuum per se, sed per accidens.

Secundo, quia motus essentialiter est via, fluxus, & tendentia inter duos terminos; A quo, & ad quem: & est ipsum fieri termini; ergo secundum propriam entitatem, & essentialiam est quid incompletum. A quo non constituitur mobile in esse simpliciter, sed in via ad illud: & ideo excluditur ab Aristotele, & eius interpretibus, ab omnibus prædicamentis, & inter post prædicamenta collocatur qui sunt modi quidam incompleti rerum: siue ergo continuitas pertineat ad essentialiam eius, siue sit propria passio; erit etiam quid incompletum formaliter:

ter: quare non pertinebit ad prædicamentum per se, nec motus ipse ratione illius. Falsum est ergo, quod ratione continuitatis, motus sit species per se quantitatis continuæ.

Ad testimonium Aristotelis; Respondetur, verba illius generalia esse, quæ hunc sensum faciunt: Motus inter res continuas numerari debet: ex quo non sequitur, esse per se continuū, sed habere cōtinuitatem essentialem, vel accidentalem: quemadmodum, si quis diceret, lignum esse de genere grauium corporum, eo ipso, non cogeretur admittere, grauitatem esse ei essentialem, sed satis esset, ad veritatem generalis locutionis, modo accidentali ei conuenire.

Et eodem ferè modo responderetur ad argumentum; Concessa minori, quod motus habet continuitatem, distinctam à spatio, & termino: sed negata consequentia, quod eam habeat per se: nam aliud est habere distinctā, aliud habere per se, quia habere per se, dicit ex intrinseca sua ratione habere: habere verò distinctam, commune est respectu eius, quod est, habere per se, & ab alio, aut per accidens: cum sit euident, posse habere distinctam, & communicatam ab alio: vt hoc exemplo sit manifestum. Albedo, habet extensionem, quam participat à superficie corporis; in quo extenditur, & eo ipso; distinctam ab extensione eiusdem superficie: quia repugnat, eandem extensionem alicui inesse, à se, & ab alio: & nihilominus extensio superficie, non est per se, sed per accidens: quocirca licet motus habeat extensionem, distinctam à mobili, spatio, & termino: non sequitur eam habere per se: sed habet communicatam ab eis: & ideo habet per accidens: quamuis eam quoque habeat distinctam, ab extensione temporis.

QVÆSTIO VI.

An numerus sit species quantitatis discretæ.

EXaminatis iam speciebus quantitatis continuæ, ad quantitatem discretam veniendum est: quæ duas habet species, Numerum, & Orationem. Et prius, de numero quaerimus, An sit vera species quantitatis discretæ. Et difficultas consistit in hoc, an numerus sit vnum per se: nam, si ita sit, non erit difficile intelligere, sitne species quantitatis discretæ, vel non sit: si verò non sit, nisi vnum per accidens, certum est, non pertinere id ad prædicamentum.

Prima opinio tenet, numerū esse vnum per accidens: & ideo non pertinere ad prædicamentum, nec esse speciem quantitatis, sed esse vnum tantum per aggregationem, sicut cumulum lapidū, aut aliorum corporum: Aristotelem verò eū enumerasse inter species

species quantitatæ: quia habet quandem extensionem discretam, similem extensioni quantitativæ, & modum quandam unitatis, in vulgari modo loquendi fundam, quo dicimus, ternarium esse vnum quandam numerum, & quaternarium, esse aliud distinctum. Ita Fonseca 5. lib. Met. c. 13. q. 4. sectione 4. Pater Franciscus Suarius 2. 10. sup. Meta. & ex modernis multi.

50 Probatur testimonio Arist. 3. lib. Phy. c. 7. text. 68. ubi de numero ait: *Numerus est una plura, quantæve quædam.* Et 10. Meta. c. 9. tex. 20. *Numerus est multa una.* & lib. 8. c. 3. tex. 10. *Numerus,* inquit, oportet aliquid esse, quo unus, si unus est; aut enim non est, sed quasi congeries, aut dicendum est, quodnam illud sit, quod unum ex multis facit. Ex quibus sequitur, numerum ex mente Arist. non esse vnum per se, sed per accidens: & ideo non esse speciem quantitatæ.

Quod probatur duplici arg. Primò: Ens per accidens, dicitur illud, quod constat ex pluribus entibus in actu: sed talis est numerus, ergo est ens per accidens. Probatur minor: Nam siue accipiamus tres homines, vel tres quantitates separatas, quales sunt tres Hostiæ consecratæ, quælibet est ens actu: ergo numerus ternarius ex eis constans, erit vnum per accidens. Et si respondeas; Unitates secundum entitates consideratas, non efficere vnum per se, sed ut ordinatas, secundum ordinem prioris, & posterioris, in quantum secunda præsupponit primam, & tertia primam, & secundam: & sicut per se ordinantur, ita efficere vnum per se ordine, non vnum per se entitate. Contra hoc est primò, quia ordo iste, non est realis, sed rationis; ergo non potest facere vnum per se reale, etiam unitate ordinis. Probatur antecedens, nam unitates ipsæ, non sunt ex se ordinatæ, cum ex se non sit vna prior altera; ergo solum ab intellectu ordinari possunt: sed ordo, quem ab intellectu suscipiunt, non potest esse realis, sed rationis; ergo per talem ordinem non efficiunt vnum reale, quod in prædicamento collocari possit, sed vnum rationis. Secundò, quia etiam si ordo esset realis, & numerus esset vnus ordine, licet non entitate, non sufficit, ut ponatur per se in prædicamento: nam prædicamenta sunt entia realia; ergo debent esse vnum per se, non solum ordine, sed entitate reali: & certè, si unitas ordinis sufficeret, non esset numerus alio modo vnus per se, quàm ciuitas, aut exercitus: de quibus constat, non esse entia prædicamentalia.

Secundò: Unitates non concurrunt ad compositionem numeri, per aliquam vnionem, aut unitatem realem; ergo non possunt efficere vnum per se, quod sit in prædicamento. Evidens est consequentia, quia repugnat plura efficere vnum

per se, nisi per se vniantur. Probatur autem antecedens: quia de ratione quantitatis discretæ est, quod partes eius non copulentur termino communi; ergo repugnat eis quælibet vnio, & ex consequenti, quod efficiant vnum per se.

Et confirmari potest, ac declarari simul: quia ideo fatentur omnes, cumulum non esse vnum per se, sed per accidens: quia solum dicit aggregationem plurium vnitatum, absque aliqua vnione superaddita, per quam fiant vnum: sed numerus nihil dicit, præter unitates; ergo non erit per se vnum, magis quam cumulus, nec pertinebit ad prædicamentum. Minorem ita probō: quia quælibet vnitas, ex qua fit numerus, solum habet esse quantitatem quandam continuam, cum negatione diuisionis; ergo tres unitates, nihil aliud continebunt, præter tres quantitates, cum suis negationibus diuisionis: quantitates autem per se, non vniuntur: sed separatæ sunt; per negationes verò, vniri non possunt, cum vnio debeat esse modus positiuus, per quem, vnum positiuum per se fiat, ex multis diuersis; ergo neque potest ex eis resultare aliquid per se vnum, & prædicamentale.

Probatur tandem, quia non potest fieri vnum per se, nisi ex potentia per se, & actu per se, vt docet Arist. 1. lib. de anima, cap. 1. sed unitates non se habent tanquam potentia per se, & actus per se; ergo non efficiunt vnum per se prædicamentale. Minorem probō: quia omnes unitates sunt entia in actu; ergo nulla se habet tanquam potentia: imò nec potest se habere sic: quia non est maior ratio, quare vna se habeat, vt potentia, quam alia: vnde nulla earum talem rationem habere poterit.

Secunda opinio, tenet; Numerum esse vnum per se, & ideo speciem quantitatis discretæ: hæc est expressa apud Aristot. cap. præsentis, & 5. Metaph. cap. 13. de prædicamento quantitatis: quibus locis eum enumerat inter species quantitatis discretæ. Nec potest textus vtriusque capitis, vllam admittere expositionem, tum quia verba expressa sunt, tum etiam, quia ita sentiunt omnes expositores: Auicenna 3. libro suæ Meta. capit. 4. D. Thomas 7. lib. Metaph. lection. vlt. Scotus 5. Meta. quæst. 9. Henri. 1. p. summæ, artic. 29. q. 7. & quodlib. 6. Capreo. in 1. d. 24. quæstio. 1. concl. Soncin. 10. Metaph. quæst. 7. Argentr. in 1. d. 24. quæst. 1. Iauel. 8. Meta. quæst. 9. Caiet. Sor. Toler. Canter. cum cæteris, cap. præsentis, atque etiam ex modernis multi. Et quod plus est, sancti Patres ita sentiunt, præsertim Greg. Nyssenus, in lib. de historia sex dierum, & Ioannes Damasc. cap. 49. suæ Dialecticæ in principio. Et videtur nobis, non quidem facilius, sed probabilior, & tenenda.

Probatur

Probatur hac potissimum ratione: Vna scientia, versatur circa obiectum per se vnum, à quo sumit suam vnitatem specificam: sed de numero, tanquam de proprio, & vnico obiecto, agit Arithmeticus, & de numero sonoro, agit Musicus: & sunt veræ scientiæ; ergo habet rationem vnius per se, & poterit collocari in hoc prædicamento, tanquam vera species eius.

53 Et potest confirmari, & declarari simul hoc modo: Officium scientiæ, est demonstrare passiones de subiecto; ergo quod est subiectum scientiæ, debet habere proprias passiones, de se demonstrabiles: sed determinatæ passiones, procedunt à determinata essentia; ergo debet habere determinatam essentiam: & cum numerus, sit subiectum prædictarum scientiarum, habebit determinatas passiones, & determinatam essentiam: erit igitur vnum per se prædicamentale. Probatur hæc vltima consequentia, quia *de ente per accidens, non potest dari scientia*, vt docet expressè Arist. 6. lib. Met. tex. 4.

Sed duobus modis, intendunt aduersarij hoc arg. soluere. Primò, distinguentes ens per accidens, quod duplex esse inquirunt, primum, secundum entitatem, quod ex multis entibus in actu constat, vt album, aut musicum: aliud casuale, aut fortuitum, quale est inuentio thesauri: & de primo ente per accidens, scientia esse potest, de quo non loquitur Aristot. sed non de secundo: quod ideo non potest esse obiectum scientiæ: quia non habet esse certum, vel fixum, sed casuale, & contingens. Verùm hæc solutio, contraria est verbis Aristot. & rationi.

Probatur primum, ex his verbis eiusdem loci: *Signum autem, quod nulli scientia cura est illud, neque actiua, neque factiua, neque speculatiua; neque enim qui facit domum, facit simul quæ accidunt,*

54 &c. Probatur etiam secundum: Quia ens per accidens secundum entitatem, non habet vnā essentiam determinatā, aut per se, sed multiplicem; ergo vt tale est, nec potest habere determinatas passiones, neque vnā definitionem, per quam possint de eo demonstrari in scientia; ergo falsum est, quod possit esse scientia de illo.

55 Alij verò, vt Fonseca, vbi suprā, alio modo intendunt soluere idem argum. dicentes numerum dupliciter considerari. Primò, vt est à parte rei, & sic solum dicit vnitates reales: & ideo ens reale est, non per se vnum, sed per accidens: de quo non potest esse scientia. Alio modo consideratur, in quantum vnitates eius ordinantur ab intellectu, secundum prius, & posterius: & hoc modo, per se vnum est, non entitate, sed ordinatione: nec vnum reale, sed rationis: hoc tamē sufficit, vt sit obiectum Arithmeticæ. Nec est inconueniens, quod scientia rea-

lis, versetur circa ens rationis: nam multæ sunt scientiæ reales, quæ versantur circa entia rationis: vt scientia de republica (quam politicam vocant) Musica, & Dialectica.

Sed hæc etiam solutio insufficiens est, & falsum supponit: nam licet scientiæ diuidantur in reales, & rationales: & rationales sint, quæ versantur in dirigendis operibus rationis, quibus non repugnat versari, circa ens rationis, vt de Dialectica constat: nullus tamen vocauit Mathematicas disciplinas rationales scientias, nempe Geometriam, agentem de linea, aut Arithmetica, de numero, sed verè reales sunt, ex communi omnium consensu: quia non versantur circa operationes dirigendas, vt Dialectica, sed circa determinatas res. Sed nec politica potest inter rationales scientias numerari: quia non in dirigendis operibus rationis, sed in ordinandis actionibus ciuium, ac reipublicæ versatur: alioqui Ethica, & omnes, scientiæ morales, vocarentur rationales: quod satis falsum est. Ita ergo de politica, sicut de his, verum est, apud omnes, non esse rationales scientias: sed reales, & quæ circa entia realia versari debent, non circa ens rationis. Vnde sequitur, quod si numerus formaliter est ens rationis, vt hæc solutio asserit, non possit esse obiectum Arithmeticæ.

Probatur secundò nostra sententia, *Quia numerus est sensibilis per se*, vt docet Arist. 2. lib. de anima, cap. 6. ergo est ens reale, & per se vnum. Probatur consequentia. quia operationes sensuum, non dependent ab intellectu, sed priores sunt actibus eius: ergo nec obiecta sensuum, dependere possunt ab intellectu, sed ante operationem eius dantur in rerum natura: & ideo vera entia realia sunt. Quòd verò habeat vnitatem per se, probò, quia potentia sensitiua, suam vnitatem accipit ab obiecto per se, sub quo comprehenditur numerus; ergo debet esse vnū per se, non, vt ab intellectu concipitur, sed à parte rei: quia sensus non versantur circa sensibilia, vt apprehenduntur per intellectum, sed vt in rebus sunt.

Vt autem probabilitas communis sententiæ, quam defendimus, magis pateat, & argu. quæ verè sunt difficultates, soluantur, explicandum est: quonam modo numerus sit ens reale, & à quo habeat, quòd sit vnum per se: in hoc enim consistit tota difficultas eiusdem sententiæ. Et de numero quantum ad vnitates, nemo potest dubitare, quin sit ens reale: quia tres quantitates hominum, vel lapidum, reales sunt: sed quæ sit illa ratio realis, à qua constituentur in ratione vnius numeri realis, ita vt separaretur à cumulo lapidum, difficile explicatur, & non eodem modo ab omnibus, qui eandem sententiam sequuntur.

Itaque

Itaque prima opinio est Soti q. 2. huius c. concl. 2. asserentis, Numerum esse ens reale, ex parte unitatum; sed accipere complementum essentiale ab intellectu: hoc autem complementum, ait esse, ordinem prioris, & posterioris; quem intellectus tribuit unitatibus, numerans unam post aliam; tertiam post duas, & quartam post tres: & ita constituens numerum ternarium, & quaternarium. Numerus itaque secundum hanc sententiam, constat ex ente reali, nempe ex unitatibus; & ex ente rationis quod est ordo prioris, & posterioris: & per talem ordinem uniuntur unitates, & efficiunt unum per se.

37 Hic tamen modus dicendi sustineri non potest: quia iuxta eum, nec numerus potest esse ens reale, nec species quantitatis. Probo primum, quia vel tres unitates efficiunt numerum ternarium, ante operationem intellectus; vel expectanda est operatio intellectus, ut efficiat numerum; si primum dicatur, falsum erit; quod dependeat ab intellectu, vel ab eo accipiat complementum essentiale: si vero dicatur secundum; sequitur non esse ens reale formaliter, sed ens rationis: nec esse unum per se, quia ex ente reali, & rationis, non potest fieri unum per se, quod sit species realis prædicamenti: ergo si numerus pro materiali, est realis, & pro formali ens rationis, non poterit esse ens prædicamentale; nec prædicamentalis species. Vtrumque ergo debet habere numerus, ante operationem intellectus: & quod ens reale sit, & aliquid per se unum. Ut autem quomodo ea habeat, ostendamus, notandum est, Unitates, ex quibus fit numerus, duo habere. Primum, quod quælibet sit quantitas continua, distincta ab altera. Aliud, quod sint numerabiles ab intellectu, secundum prius, & posterius: & hoc est etiam in eis reale, & intrinsecum, sicut realis est aptitudo cuiuscunque rei, ut ab intellectu intelligatur: & sicut hæc aptitudo, vocatur intelligibilitas, ita aptitudo unitatum, ut secundum ordinem prioris, & posterioris ordinentur; vocatur numerabilitas: sed sicut rem actu intelligi ab intellectu non est aliquid reale intrinsecum in ea: nec est ens rationis, sed denominatio realis extrinseca, ab actu reali intellectus, per quem intelligitur: ita numeratio actualis unitatum, non est aliquid reale intrinsecum in eis, nec est ens rationis, sed denominatio realis extrinseca, ab actu intellectus reali, quo numerantur. Unitates igitur numeri, licet sint plura entia in actu, secundum quantitatem continuam considerata, tamen aptitudo realis; ut numerentur realiter secundum prius, & posterius, tribuit eis unitatem: quia ex ea habent, ut constituent unum numerum reale per se. Gratia exempli: tres homines aut tres lapides, reales unitates sunt, secundum quantitates reales, quas habent, &

bent & secundum aptitudinem reale, quam habet quaelibet; ut numeretur realiter ab intellectu, post aliam, vel ante alia, efficiunt numerum ternarium per se vnum: ex potentia per se, & actu per se; suo modo compositum: nam quaelibet vnitas est in potentia: ut numeretur ante aliam, vel post aliam: & quæ ante aliam numeratur; se habet ut potentia, determinabilis per aliam posterius numerabilem. Et cum vtrumque habeant vnitates, ante operationem intellectus; nempe esse reales quantitates, & realiter numerabiles, secundum prius, & posterius, per actum realem intellectus; efficiunt vnum per se reale, & prædicamentale; nullum complementum accipiens ab intellectu.

Ex hac doctrina duo colliguntur. Primum, quod sicut Arist. 58 sæpe asserit, *Non esse quærendam eandem certitudinem in omni materia, vel obiecto; de quo potest esse scientia: neque in omni scientia*: sed quasdam scientias esse certiores aliis: quia certior est materia, circa quam versantur, secundum maiorem, vel minorem abstractionem à materia. Ita nec est quærenda in quibuscunque rebus prædicamentibus, eadē vnitas; aut idem modus vnus per se; sed quasdam habere maiorem vnitatem, & magis esse vnum per se; alias verò longè minorem, secundum minorem perfectionem suæ naturæ. Verum dummodo habeant aliquam vnitatem, sufficiet; ut in prædicamento per se collocentur; tanquam genera, vel species eius. Gratia exempli; in substantia maior reperitur vnitas, & perfectior modus vnus per se quàm in accidentibus: & inter accidentia, maior in vno, quàm alio; sed aliqualis sufficit, ut per se sint species prædicamentales, saltem imperfectæ. Et huius conditionis est numerus, & omnis quantitas discreta; quæ cum ex propria natura debeat habere partes actu separatas, minorem possunt habere vnitatem, sufficientem tamen ad constituendas species quasdam prædicamentales imperfectas.

Colligitur secundum, nempe, quod ea, quæ in vno genere 59 sunt entia per accidens, in alio sunt entia per se: ut domus, in genere naturæ, ens per accidens, est cum contineat plura entia naturalia in actu; ut ligna, & lapides: sed in genere artificiali, est vnum per se; ita ergo de numero dicendum est, quod vnitates eius, in genere quantitatis continuæ, sunt multa in actu, quæ in eodem genere non efficiunt vnum per se, etiam si in cumulo congregentur: sed in genere quantitatis discretæ, efficiunt per se vnum numerum propter numerabilitatem realem, per quam suo modo vniuntur per se; ut explicatum est.

Ex hac doctrina; Respondetur ad argum., & primò ad testimonium Arist. dicimus, loqui de numero pro materiali significato,

eat, nempe pro vnitatibus: & hoc modo *quantia quadam* dicuntur, & *una quadam*, sed ratione formalis numerabilitatis, fiunt vnum per se, quam numerabilitate, non excludit ibi Arist. sed potius quærit: ideo nihil contra nostram sententiam continent illa testimonia.

40 Ad primum argum. Distinguenda est minor: nam vnitates numeri, duobus modis considerantur. Primò, secundum rationem materiale; qua sunt plures quantitates, actu separatæ: & hoc modo, non efficiunt vnum per se. Secundò, consideratur vt sunt numerabiles ab intellectu, secundum prius & posterius: & ex hoc habent vnitatem per quam constituunt vnum numerum. Et cum dicitur; Ordinem prioris, & posterioris inter vnitates; non esse realem; etiam est distinguendum: nam prius, & posterius potest sumi, vt connotatur per aptitudinem numerabilitatis: & sic est aliquid reale, in eisdem vnitatibus, quia quælibet, ex propria natura potest numerari, secundum prius, & posterius: si verò consideretur in actuali numeratione, solum est intrinseca denominatio, in eisdem vnitatibus; sicut intelligibilitas, in quacunque re, est aliquid reale, sed actu intelligi, solum est denominatio extrinseca. Et ad aliud, quod tandè dicitur: Non satis esse, quòd numerus sit vnus ordine, sed requiritur, quòd sit vnus entitate: Respondetur, numerabilitatè, nò dicere solum respectum, sed aliquid etià absolutum, in quo conueniunt omnes vnitates, nempe aptitudinem numerabilitatis: & ideo licet numerus sit vnus ordine, aliqua tamen ex parte est etià vn^o entitate: & hoc sufficit, vt sit species predicamentalis.

61 Ad secundum; Negandum est antecedens, quòd vnitates non concurrant ad componendum numerum per aliquam vnionem: nam licet separatæ sint, in quantum sunt quantitates continuæ inter se distinctæ, tamen per aptitudinem numerabilitatis, quam habent in ordine ad intellectum, vniuntur inter sese, ad efficiendum vnā quantitatem discretam: de cuius ratione est; vt partes eius non copulentur termino communi materiali: hoc est, puncto indiuisibili; aut quouis alio, non tamen quòd non vniuntur formaliter, ad constituendum vnum discretum: vnde licet separatæ sint vnitates, separatione contrinui, sunt tamen vnitæ, vnione discreti: & ideo, licet non efficiant vnum continuum, efficiunt tamen vnum discretum; vt expositum est.

Et eodem modo respondetur ad confirmationem; Negando minorem, quòd numerus nihil aliud dicat, præter vnitates: dicit enim aptitudinem numerabilitatis, secundum prius, & posterius earundem vnitatum, in ordine ad intellectum,

à quo habent unitatem sufficientem, ad efficiendum vnum per se discretum: quod non habent eandem unitates; vt sunt in cumulo: in quo talem ordinem numerabilitatis nō dicunt, & ideo cumulus est vnum per accidens: sed numerus vnum per se.

Ad tertium; Concessa maiori, distinguenda est minor; quod unitates numeri, non se habeant, tanquam potentia per se, & actus per se: nam duplex est potentia, Vna receptiua actus per modum informationis: qualis est materia Physica, ex qua fit ens naturale: Alia, non receptiua; sed determinabilis per actum: & est similis potentia generis, quod non recipit in se actum differentia, sed determinatur per eum, ad constitutionem speciei: & talis est potentia, in qualibet unitate; vt determinetur per aliam, ad constituendum numerum: & ita determinans, se habet tanquam actus per se; & determinata tanquam potentia per se: & hoc sufficit, vt ex eis fiat vnum per se, imperfecta quadam unitate, per quam constituunt vnā speciem quantitatis discretæ. Hæc doctrina colligitur ex Arist. 8. Metaph. cap. 8. tex. 15.

QVÆSTIO VII.

An forma numeri sumenda sit ab vltima unitate, vel ab omnibus.

QVæstio hæc procedit; supposita communi opinione, quam secuti sumus, quæstione præcedenti; quod numerus sit vera species quantitatis discretæ: nam si esset ens per accidens, & non pertineret ad prædicamentum, nullam haberet formam, aut differentiam: & ideo non esset inquirendum, an ab vltima unitate desumenda sit, vel ab omnibus.

Est igitur prima opinio Capreoli in 1. d. 24. quæst. 1. concl. 5. *distinguentis duplicem formam numeri*; Partialem, & Totalem, sicut debet distingui, in quibuscunque speciebus substantia. Vt in homine, forma partialis est illa; quæ cum materia componit naturam hominis: & natura ipsa composita ex materia, & forma, dicitur forma totalis: vt humanitas, dicitur forma totalis hominis: quia simul cum suo modo substantiali; qui est substantia, componit hominem: significantem naturam completam in supposito. Formam igitur partialem numeri, ait esse vltimam unitatem, quæ determinat præcedentes: & ita se habet, per modum actus, & formæ: & præcedentes per modum materia: vt forma binarij, est secunda unitas, determinans primam, ad constitutionem talis speciei: forma ternarij, est tertia, præsupponens duas tanquam materiam, & eas determinans per modum formæ. Formam verò totalem (inquit) non esse vltimam

ultimam unitatem; neque omnes; sed naturam ipsam numeri, resultantem ex compositione: ex qua natura simul, cum modo actualis inhaerentia, fit completus numerus in concreto. Probat hoc ultimum hac ratione, quia in quibuscunque rebus, forma totalis, quæ est natura, resultat ex vnione partium: sed nec ultima unitas, nec omnes simul, resultant ex vnione partium: sed potius sunt partes, ex quibus resultat natura ipsa numeri: ergo non possunt esse forma totalis eius. Primum verò nō probat; quia per se est manifestum. Hanc sententiam sequutus est prius Albert. Mag. in prædicamentis, tit. 8. de quantitate, & in Comment. sup. 5. c. D. Dionys. de diuinis nominibus. Imò & D. Tho. 8. Meta. lect. 3. & postea Iauellus 8. Meta. q. 10.

64 Secundam opinionem tenet Sonci. 10. Metaph. q. 9. vbi alio modo distinguit numerum, *In eum qui abstrahitur à particulatibus unitatibus*: & solum dicit duo, tria, vel quatuor: & *in eum, qui contrahitur ad particulares unitates*; & in eis consideratur: vt dum dicimus, tria corpora, tres lapides, vel tres homines. Formam igitur numeri abstracti, dicit esse ultimam unitatem, non tamen numeri contracti: sed numerum contractum seipso constitui, in specie, hoc est, per suas unitates simul acceptas, absque ordine primæ, vel ultimæ: vt ternarium hominum, aut quaternarium lapidum. Et hæc sententia, videtur opposita præcedenti: quia quæstio hæc de numero reali pro quantitatibus ipsis accepto, procedit: cuius formam, dicit, prima opinio, sumendam esse ab ultima unitate, quod negat hæc secunda.

65 Probat porro Sonc. 1. par. suæ opinionis, *Quod forma numeri abstracti, sit ultima unitas*, hac ratione: Quia numerus abstractus, solum reperitur obiectiue in intellectu, constituyente ordinem prioris, & posterioris, inter vnum, duos, & tria: ita vt sicut ad binarium, non perueniat, nisi per unitatem, & ad ternarium, per binarium; sicque ad ceteros semper: ergo ultima unitas, in apprehensione intellectus, præsupponit ceteras: & ideo habet se ad illas, per modum formæ determinantis.

Secundam verò partem, quod *forma numeri contracti, non sit ultima unitas*, probat duplici argum. Primò, quia vbi est primum, & ultimum realiter, aliquis est ordo realis inter ea; sed inter unitates numeri, nullus est ordo realis: ergo nec datur prima unitas realiter, neque ultima, quæ possit esse forma numeri. Probat minor, quia si ordo realis daretur inter unitates: aut ille ordo esset naturæ aut dignitatis, loci, vbi, vel situs; sed nullus talis datur: ergo nec habebunt realem ordinem. Probo iterum minorem, quia simul tempore, possunt fieri duo, vel tria corpora, ex quibus efficitur ternarius: & ita vt vnum.

vnium non sit causa alterius, nec sit eo dignius: sed nec necesse est habere ordinem loci, vel situs, cum possint in vacuo constitui: quare nullum habebunt ordinem realem.

Secundò: Vel vltima vnitas, est forma numeri realis, in quantum est vnitas, vel in quantum est vltima: non vt vnitas, quia hæc ratio communis est omnibus: sed nec, vt vltima, propter duo. Primum quia esse vltimam, habet ab intellectu numerante: ergo non potest esse forma realis. Secundò, quia forma rei, debet esse fixa, & inuariabilis: sed esse vltimam, sæpe variatur, pro voluntate numerantis: ita vt vnitas, quæ modò numeratur post alias, possit rursus numerari prima: vnde esse vltimam, per omnes variatur: quare non potest esse forma numeri.

Pro solutione huius quæst. notandum est, ex D. Thom. 1. 2. 66 q. 54. art. 4. in corpore: In accidentibus, non esse compositionem essentialem Physicam, ex materia, & forma, sed esse naturas quasdam adeò imperfectas, vt potius sint formæ subiectorum, per actualē inhærentiam in eo: & huius ratio est manifesta, quia materia, & forma, sunt partes essentielles entis naturalis, quod est substantia: accidentia verò, non sunt entia naturalia: sed aliquid entis naturalis: ergo non possunt habere compositionem ex materia, & forma. Vnde ex tribus compositionibus, quæ reperiuntur in substantia, nempe Physica essentialis ex materia, & forma: & quasi Entitatiua, aut substantialis, ex partibus integrantibus: & Metaphysica, essentialis ex genere, & differentia: solum in accidentibus reperiuntur duæ postremæ: in quibus explicandum est: an vltima vnitas habeat rationem differentia: vel ab ea sumatur differentia essentialis.

Et vt à compositione ex genere & differentia tanquam ab essentiali incipiamus: idem est in ea forma, & differentia: quia cum fiat ex genere, & differentia, genus se habet, vt materia & differentia tanquam forma. Videndum igitur est, à quo sumatur differentia in speciebus numerorum, an ab vltima vnitate, vel ab omnibus. Et de genere certum est, ab omnibus simul sumptum definiendum esse: quia genus proximum numeri, est quantitas discreta: discretio verò, non reperitur in vna sola vnitate: sed in omnibus: quare ab omnibus sumitur genus: differentia verò, ab omnibus etiam sumi debet: quia differentia continet gradum perfectionis, determinantem genus: vnde cum genus contineat communem rationem extensionis, aut diuisibilitatis discretæ: differentia debet continere gradum perfectionis, talis extensionis, aut diuisibilitatis: quæ etiam non reperitur in vna sola vnitate: sed in multis.

Ideo

Ideo non ut est à sola vltima; sed etiam ab omnibus, sub ratione speciali debet sumi: & ita genus numeri ternarij, erit quantitas discreta: differentia verò, extensio, vel diuisibilitas, in tres vnitates: sicque definitur numerus ternarius, *Est quantitas discreta; extensa secundum tres vnitates; ita ordinatas secundum prius, & posterius.*

- 67 In compositione verò totius, ex partibus integrantibus, non reperitur materia, neque forma: quia omnes partes integrantes, sic sunt in actu, ut nulla recipiat aliam, nec recipiatur ab alia: ut inter brachium, caput, & pedes: non est materia, neque forma propriè loquendo: nihilominus inter partes integrantes numeri, una pars se habet ad alias, tanquam forma, in quantum eas determinat: & ita se habet vltima vnitas in numero, determinans aliam, vel alias, ad certum numerum efficiendum: ut secunda vnitas determinat primam, ad efficiendum binarium; & tertia determinat duas, ad efficiendum ternarium, sicque de ceteris.

Nostra igitur sententia duo asserit. Primum est: Forma essentialis, quam potest habere numerus, non sumitur à sola vltima vnitare, sed ab omnibus, in quantum habent specialem rationem extensionis discretæ.

Probatur hac ratione, deducta ex doctrina tradita: Forma essentialis duplex tantum est, Physica & Metaphysica: sed numerus non habet formam essentialem Physicam: & Metaphysica, quam habet, sumitur ab omnibus vnitatibus sic ordinatis, secundum prius & posterius: ergo non à sola vltima. Probatur minor: quia differentia in quibuscunque rebus, sumitur à tota natura, sub gradu speciali concepta, ut in homine, à tota eius naturâ, sub gradu rationalitatis: ergo differentia numeri sumitur à tota eius naturâ, sub tali gradu extensionis discretæ considerata: talis autem gradus extensionis discretæ, non reperitur in sola vltima vnitare: sed in omnibus sic ordinatis, sicut nec discretio ipsa, in vno solo reperitur, sed inter multa: ergo nec differentia numeri, à sola vltima vnitare desumi potest, sed ab omnibus sic ordinatis: ut forma ternarij, à tribus vnitatibus sic ordinatis; ut duæ sint præsuppositæ, & ab vltima determinentur.

- 68 Secundum, quod asserit, nostra sententia est: In numero considerato; ut toto integrali, licet non inueniatur propria forma Physica nec Metaphysica; inuenitur tamen quædam similitudo formæ: & sumitur à sola vltima vnitare: imò illa sola se habet ut forma. Probatur hac ratione: Id quod est determinabile per aliud, habet modum materiæ: & id quod determinat aliud, habet modum formæ: sed inter partes integrantes

tegrantes numeri, vltima vnitas se habet, vt determinans præcedentes, & istæ vt determinabiles per eam: ergo istæ se habent tanquam materia, & illa tanquam forma. Et hoc voluit prima sententia, dum asseruit; Vltimam vnitatem esse quali partialem formam numeri: & præsertim D. Thom. qui hoc idem intellexit, non de vera forma, sed de aliqua similitudine eius. Et ideo argumentis eiusdem sententiæ, non est necessarium respondere.

Solum hoc est notandum: Hoc habere speciale partes integrantes numeri, quod cum vna se habeat per modum forme, & aliæ per modum materiæ, variata illa, quæ se habet vt forma, ex consequenti variatur differentia essentialis numeri: quia variatur modus extensionis, ex quo accipitur: vt variata tertia vnitate, idem numerus habet extensionem, in ordine ad duo vel ad quatuor, quæ diuersa est.

Secunda autem sententia, distinctionem illam de numero abstracto, & contracto; minùs bene adduxit: quia nunc loquimur de numero prædicamentali; qui est species, quantitatis discretæ, & reperitur in rebus: numerus verò abstractus, transcendentalis est, cum in substantiis, ac cæteris accidentibus reperiatur: & ideo non magis ad hoc prædicamentum, quam ad cætera pertinet: imò ad nullū; & ideo non est de illo curandum.

Ad primum igitur arg. eiusdem sententiæ; Neganda est minor: quod non sit ordo realis inter vnitates numeri: nam licet non sit ordo temporis, nec naturæ, loci, vel situs; est tamen ordo numerabilitatis, quem dicit vnitas quælibet ad alias: in quantum prius, ac posterius, numerabilis est ab intellectu, hoc est, præsupponendo eas, vel eisdem præsupposita.

Ad secundum; Distinguenda est maior: quia vnitates numeri dupliciter considerari possunt; vel vt actu numerantur, vel vt sunt numerabiles: & ideo quælibet habet duplicem considerationem vltimæ: nempe in actuali numeratione, aut in aptitudine. Dum ergo dicitur, vel vltima est forma, vt vnitas est, vel vt est vltima: distinguendum est: nam vt vltima in ratione numerabilitatis, habet modum formæ realis, non vt vltima in actuali numeratione: quia hæc est ratio extrinseca, & variabilis, illa intrinseca, & inuariabilis, eodem modo cõueniens omnibus; cum possit quælibet numerari post alias: & ideo cuilibet inuariabiliter conuenit, esse vltimam secundum aptitudinem: & hoc non habet ab intellectu: sed ex propria natura: quàmuis non sine respectu ad intellectum: bene tamen habent id ante operationem eius: realis igitur est ratio vltimæ in quolibet vnitare, sicut ratio primæ, aut mediæ, vt explicatum est.

QVÆSTIO VIII.

An numerus prædicamentalis, non solum reperiat in corporibus, sed etiam in rebus spiritualibus.

70 **S**ensus quæstionis est; An sicut tres homines, tres lapides, aut tria quælibet alia corpora, efficiunt numerum, qui est species quantitatis discretæ: ita tres Angeli, aut tres animæ: & procedit quæstio, supposito, quod numerus sit per se in prædicamento.

Prima opinio affirmat; *Numerum rerum spiritualium, non minus esse speciem quantitatis discretæ, quam numerum corporum.* Ita Richard. in 1. dist. 10. q. 1. ad 4. & dist. 24. art. 1. q. 1. & art. 2. q. 1. Marfil. in 3. q. 27. art. 1. & 2. Greg. d. 24. q. 2. art. 3. Aureol. apud Capre. eadem dist. & q. ubi etiam Maior, Ocham, & Gabriel, quos sequitur magna modernorum pars.

Probatur testimoniis D. Aug. lib. 2. de libero arbitrio, ca. 16. ubi asserit, *Numerum esse aliquid intelligibile, & in omnibus rebus inueniri*; & Damasc. 3. lib. Fidei, cap. 8. docentis, *Numerum in quibuslibet rebus inter se diuersis, sic reperiri, ut dua natura, Diuina, & humana in Christo, ad quantitatem discretam pertineant.*

Probatur etiam ratione; quia integra ratio numeri, constat ex multis vnitatibus realibus, & inter se separatis, atque numerabilibus ab intellectu, secundum prius, & posterius: sed hoc totum conuenit tribus Angelis: ergo veram habent rationem numeri prædicamentalis. Probatur minor; quia tres Angeli, sunt distincti realiter, atque etiam realiter separati, & quilibet est numerabilis ab intellectu ante alios, & post alios.

71 **S**ecunda opinio, negat, *Numerum prædicamentalem reperiri in rebus spiritualibus*, sed solum putat ponendum esse in corporibus. Ita D. Tho. q. 9. de Potentia, art. 7. in 1. dist. 24. quæst. 1. art. 3. & 1. part. qu. 3. art. 3. Capreol. in 1. di. 24. quæst. 1. Soncin. 10. Metaph. qu. 13. Iauel. lib. 8. quæst. 11. & colligitur ex doctrina Aristot. 4. lib. Physic. 6. & 7. ubi docet, *Numerum fieri ex diuisione continui.* & 2. de anima, 6. Numerum, asserit, *esse sensibile per se.* Sed numerus rerum spiritualium, nec fit ex diuisione continui, nec est sensibilis: quia sensus non possunt percipere nisi corporea: ergo non est numerus prædicamentalis ex mente Aristot.

72 **R**atione item probatur: Primo quia omnis species, debet participare naturam sui generis proximi; atque remoti, in eadem linea prædicamentali positi: sed genus proximum numeri, est quan

est quantitas discreta : & remotum quantitas communis, continua, atque discreta : ergo repugnat aliquem esse numerum prædicamentalem, nisi ex his duobus generibus participet. Tunc ultra, numerus rerum spiritualium ex neutro genere participat ; ergo non est species huius prædicamenti. Probatur antecedens : talis numerus non est quantitas ; ergo non est quantitas discreta. Euidens est consequentia à superiori ad inferius negatiue : & antecedens per se notum est.

Secundò : quia transcendentia non pertinent ad aliquod speciale prædicamentum, vt de ente, & accidente manifestum est : sed numerus eo modo, quo reperitur in rebus spiritualibus, reperitur in quibuscunque rebus cuiuslibet prædicamenti : ergo transcendentalis est, & non prædicamentalis. Minorem probò : nam sicut dicimus, tres Angelos, aut tres animas, sic dicimus tres albedines, tres relationes, tres actiones, & passionis, sicque de cæteris prædicamentis.

Pro solutione argumentorum opposita opinionis, notandũ 73 est, quòd sicut vnitas sumitur duobus modis ; Primò, prout vnus est passio entis, & vnitas conuertitur cum entitate : & sic accepta est transcendentalis : quia in omnibus rebus reperitur. Secundò, vt est vnitas specialis, quæ fundatur in quantitate rei : & hæc est propria huius prædicamenti. Ita numerus, est duplex ; transcendentalis, qui constat ex vnitatibus transcendentibus : & specialis, qui fit ex quantitatibus : & iste est species quantitatis discretæ, ille vagatur per omnia prædicamenta : & ideo neque ad hoc, neque ad aliquod aliud pertinet.

Hæc distinctio explicat sensum sanctorum Patrum, qui, vt constat ex antecedentibus & consequentibus de numero transcendentali loquuntur ; non prædicamentali. Et etiam, si aliquod verbum eorum videatur significare numerum prædicamentalem, solum per similitudinem intelligi debet.

Ad argu. Distinguendum est antecedens : quia si de numero prædicamentali intelligatur ; non est verum, quòd solum dicat vnitates quasunque discretas, & numerabiles, secundum prius, & posterius : sed debet dicere vnitates speciales, & quantitativas, quas cum non habeat numerus rerum spiritualium, sed transcendentales : non est numerus prædicamentalis, sed transcendentalis.

QVÆSTIO IX.

An oratio sit vera species quantitatis.

Difficilior est quæstio de oratione ; An sit vera species quantitatis discretæ. Intelligimus autem quæstionẽ, de sola

sola oratione vocali : nam mentalis, & scripta, non pertinent ad hoc prædicamentum : cum vtraque sit qualitas, illa naturalis, hæc verò quasi per artem facta : vocalis verò, quæ aut voce humana profertur, vel aliis instrumentis fit ; quandam extensionem syllabarum habere videtur : & ideo quærimus de illa : An sit species quantitatis discretæ.

Et est prima opinio Louaniensium, in expositione huius capitis ; qui negant, orationem esse speciem quantitatis discretæ, putantes esse quantum quoddam per accidens, sicut album, aut motus : & hanc videtur sequi Caiet. cap. præsentis, & sequuntur moderni omnes, qui numerum excludunt ab hoc prædicamento.

74 Et probatur, illis omnibus argumentis, quibus probatum est de numero, esse ens per accidens : & ideo non pertinere ad hoc prædicamentum quest. 6. quæ non sūt hoc loco repetenda.

Sed duobus aliis specialibus probanda est. Primo : Quia hæc tantum sunt in oratione, nempe soni syllabarum, motus instrumentorum, aut prolationis : per quem fiunt tempora consumpta eisdem prolationibus, ordo syllabarum, & significatio totius orationis : sed ex nullo horum potest oratio esse quanta per se : ergo non est admittenda ad hoc prædicamentum. Probatur minor : quia soni sunt qualitates : motus quantus per accidens : tempora quanta quidem per se continua, sed quæ non possunt efficere aliam speciem quantitatis discretæ : ordo syllabarum, secundum longitudinem, & breuitatem, prohibito mutari potest : & ideo non potest efficere quantam per se orationem : & longè minus significatio syllabarum, quam certum est, non habere ex propria natura, sed ex libera impositione hominum.

Secundò : Quia successiua non possunt habere vnitatem, nisi per continuationem : vt patet in motu ; cuius partes, si semel interrumpantur per moram tēporis, sic fiunt diuersæ, vt nullo modo efficiant vnum : sed syllabæ sunt quidam motus prolationis instrumentorum interrupti : ergo sunt omnino diuersi, nullam habentes vnionem, aut vnitatem : quare non possunt efficere vnā quantitatem. Et si respondeas ; Ordinabiles esse ab intellectu, secundum prius ; & posterius, sicut vnitates numeri : & per talem ordinabilitatem habere vnitatem. Contra hoc est : quia si semel interrupti motus prolationis, sunt ordinabiles secundum prius, & posterius ; ergo etiam si per longum tempus interrumpantur, erunt ordinabiles ; vnde si vna syllaba proferatur hodie, & altera post annum, efficient orationem, non minus, quàm si post dimidiam horam proferretur :

imò etiam si à diuersis hominibus: quæ non solum falsa, sed absurda videntur.

Secunda opinio est Iauelli in Epitome, in 5. lib. Meta. cap. 8. 75
distinguentis duplicem considerationem orationis. Nam si consideretur, ait, in ratione extensionis quantitatiuæ, non est oratio distincta à motu, neque quantum per se, sed per accidens, sicut motus: cum syllabæ non sint aliud, quam motus quidam prolotionis. Si verò consideretur in ratione mensuræ, est quantum per se, & vera species quantitatis discretæ; distincta à numero: cum sit mensura discreta, & successiua. Et propterea, inquit, considerans Arist. in Dialectica, rationem mensuræ in quantitatibus, docuit *orationem esse speciem quantitatis*. Et probauit etiam ex eadem ratione mensuræ: quia mensuratur, inquit, syllaba longa, & breui. At in Metaph. vbi præcipuè considerabat rationem extensionis eiusdem quantitatis, cum connumerasset alias species, nullam mentionem orationis fecit, quod probatur ex mente eius, non esse speciem quantitatis in ratione extensionis, sed solum in ratione mensuræ.

Tertia opinio tenet, *Orationem esse secundam speciem quantitatis discretæ*: quod Arist. non solum asseruit, cap. præsentis, sed probauit. Ita D. Tho. opus. 42. & in 4. d. 3. q. vnica, art. 2. ad 5. Albertus Magnus tra. de quantitate, c. 2. Scotus cap. præsentis, q. 8. Soncinas 5. Meta. q. 4. Sotus q. 2. huius capituli, & in eodẽ Cant. & Toler. atque moderni plures. Et hæc sententia quamuis difficilis, videtur nobis probabilior, & tenenda.

Et probatur hac ratione: Oratio constat syllabis verè exten- 76
sivis secundum prius, & posterius, sicut numerus constat unitatibus; ergo sicut numerus est species quantitatis discretæ, sic oratio. Probatur antecedens: quia syllaba vna longior est, maioremq; habet extensionem soni quam alia: non solum ratione temporis consumpti, quod patet esse maius, sed ratione sui, nempe vt est sonus extensus: quemadmodum tres lapides, habent substantiã extensam per quantitatem: & ideo eius ratione efficiunt specie numeri. Quod verò syllabæ sint ordinabiles ab intellectu, secundum prius, & posterius, ratione longitudinis, aut breuitatis: probatur, quia distincta oratio est, aut distinctus pes carminis ille, qui cõstat vtraque syllaba longa, ab eo, qui cõstat vtraq; breui, vel vna breui, & altera longa, ex eo quod distincto modo ordinantur syllabæ: ergo ex se sunt ordinabiles.

In quam sit ponenda quantitas orationis.

Tota difficultas nostræ sententiæ consistit, in explicanda 77
quantitate orationis, assignandaq; ratione illa, in qua dicatur

catur consistere: circa quam, non eodem modo sentiunt ij, qui nostram sententiam sequuntur.

Sed prima opinio, est multorum modernorum, qui *quantitatem orationis, nec in syllabis, nec in alio ullo ex his, quæ possunt considerari in oratione, consistere docent, sed in motibus prolationis discontinuis, & ordinabilibus ab intellectu: ut in tribus motibus prolationis, quibus profertur hæc oratio: Dominus, dicunt consistere quantitatem discretam, & successiuam eius.*

Hæc tamen sententia falsa est, quod probo hoc arg. Motus est quantum per accidens; ergo numerus plurium motuum, non est prædicamentalis. Probatur consequentia, à superiori ad inferius negatiue: numerus trium motuum; non est quantitas per se; ergo nec est quantitas discreta. Secundò, quia numerus motuum, est sicut numerus alborum, aut Angelorum; ergo est transcendentalis, & non prædicamentalis.

Ideo secunda opinio, multorum est, *non in syllabis, nec in motibus prolationis earum: sed solum in temporibus, quibus motus ipsi prolationis, atque etiam syllabæ mensurantur, quantitatem orationis ponens; in quantum duo, vel tria tempora consumpra in eis, ordinabilia sunt ab intellectu, secundum prius & posterius.*

Quod colligunt ex Arist. cap. præsentī, qui *orationē esse quantitatem* probauit: quia mensuratur syllaba longa, & breui: sed longitudo, aut breuitas syllabarum, sumitur ex maiori, aut minori tempore, quo mensurantur: ergo in his temporibus consistit quantitas orationis, ex mente Aristotelis.

Sed nec sententia hæc videtur mihi vera, quod ita probo: Sicut numerus, est multitudo unitatum ordinabilium ab intellectu, secundum prius, & posterius, ita oratio, est multitudo syllabarum ordinabilium, secundum longitudinem, & breuitatem, ex quarum diuersitate distinguunt omnes diuersas orationes: sed tempora non sunt syllabæ, imò valde ab eis diuersa: ergo multitudo temporum non potest esse oratio.

Secundò; Vel tempora distincta constituunt orationem, secundum se, vel in quantum sunt mensura syllabarum, vterque modus est impossibilis: ergo non possunt orationem constituere. Probatur minor: quia species quantitatis constituuntur per diuersas rationes extensionis: sed tempora ex eo, quod sint mensura syllabarum, non habent specialem rationem extensionis, distinctam ab ea, quam habent, secundum quod sunt multa tempora: nam temporibus non aduenit noua ratio extensionis, ex eo, quod sint mensura syllabarum, sicut nec ex eo quod sint mensura aliorum motuum; prolatio namq; syllabarum, motus quidam localis est instrumentorum; ergo si hoc

modo sumpta non efficiunt speciem quantitatis discretæ, nec efficient, ut sunt mensura syllabarum. Quod verò ut sunt discreta tempora; non efficiant orationem, probatur, quia si sic efficerent orationem: ergo ubicunque reperirentur, etiam sine syllabis eam efficerent. Evidens est consequentia, quia quod alicui convenit ut talis ubicunque reperiatur, ei conveniet. Et præterea, quia tria tempora, nihil accipiunt à syllabis, ratione cuius efficiant quantitatem discretam: consequens autem falsum est: quia nullus unquam dixit; nec intelligi potest; quod tres durationes trium calefactionum, sint oratio.

Ut igitur intelligamus; in quo consistat quantitas orationis: 78
 Notandum est, in voce duo esse considerata. Primum; quòd fit sonus; per motum localem linguæ, dentium, ac palati, aliorumque instrumentorum factus. Secundum, est extensio, seu corpulentia eiusdem soni, vel vocis: quæ non est aliud; quam dilatio, vel prolongatio eiusdem. Notum est enim, syllabam morosè prolatam, maiorem habere dilatationem, aut prolongationem; quàm eam, quæ citò profertur: quin natura ipsa talis est, syllabarum è pluribus literis conflatarum, & quarundam aliarum, ut tardius proferantur. v. g. (stirps), (traps) quàm istæ dug, (e)/a. Eiusmodi igitur dilatio, aut prolongatio vocis, est quasi corpulentia, vel magnitudo eius; & ita dicitur eius extensio: quemadmodum longitudo, aut latitudo substantiæ, est extensio eius: unde sicut substantia est extensa per accidens, & longitudo eius, aut latitudo, est quantitas, aut extensio per se: ita sonus, aut vox, est extensa per accidens, eius tamen dilatio, prolongatio, & corpulentia, est quantitas per se: & ita ex multis extensionibus syllabarum sibi succedentium, fit oratio: sicut ex multis extensionibus substantiæ, fit numerus. Nec mirum est, suam habere extensionem sonum ita factum, cum sit qualitas corporea: sicut albedo, & aliæ qualitates, suam habent extensionem, accidentaliter eis convenientem. Hæc autem extensio orationis, quam prolongationem, aut dilatationem soni vocamus; non est alia realiter distincta ab extensione, seu quantitate aeris verberati: sicut nec vox est aliud; quàm sonus, ex verberatione aeris, per talia instrumenta causatus. & in eodem aëre extensus, sed eadem extensio aeris, à qua sonus ipse, (qui qualitas quædam corporea est, extenditur. Hæc autem extensio syllabarum, distincta est à motu prolationis; ut constar, & etiam à tempore consumpto in prolotione: sed sub syllaba comprehenditur & nomine syllabæ significatur: & ideo oratio vocatur, multitudo syllabarum sibi succedentium, ut ordinabiles

biles sunt ab intellectu secundum prius, & posterius; ratione longitudinis; ac breuitatis.

79 Et ex hac doctrina facile explicatur testimonium Arist. pro secundo modo dicendi, de temporibus adductum: nam argum. eius quo probauit, *orationem esse quantitatem*, quia mensuratur syllaba longa, & breui, quasi ab exteriori signo est: nam tempora mensura sunt extrinseca syllabarum, sed per talem mensurationem extrinsecam, cognoscimus propriam extensionem orationis, in magnitudine syllabarum, seu dilatazione, aut corpulentia earum consistentem, per quam formaliter dicuntur longæ, aut breues formaliter, & quasi intrinsecè.

Facile etiam soluantur argumenta primæ opinionis: Nam ad primum respondetur; quod in antecedenti non numerantur sufficienter ea, quæ sunt in oratione, sed præcipuum relinquitur, nempe extensio, seu dilatio, & corpulentia soni, in qua consistit propria quantitas syllabarum: sicut in latitudine, aut profunditate, consistit extensio substantiæ, aut aliarum qualitarum.

Ad secundum; Neganda est minor: quod syllabæ sint motus prolotionis, sed sunt soni quidam dearticulati, per motus prolotionum facti: de quibus negandum est: quod non habeant unitatem sufficientem, ad constituendam orationem: habent enim eandem, quam numerus: nempe ordinabiles esse ab intellectu, secundum prius, & posterius; pro ratione longitudinis, & breuitatis. Negandum est etiam: quod syllaba hodie prolata, possit ordinari in modum orationis: cum ea, quæ proferitur post annum: quia cum syllabæ sint ordinabiles ab intellectu proferentis, & in ordine ad concentum, & harmoniam, humanam, interruptionem habere debent, in ordine ad talem finem: hoc est, tantam, & non maiorem; quæ repugnet eidem fini: repugnaret autem, si secunda proferretur post annum: imò si post mensem, aut diem: & fortè si post horam: quare non erunt ordinabiles cum tanta interruptione, nec efficient orationem.

Q V A E S T I O X.

An si daretur linea, superficies, aut corpus, vel alia quantitas actu infinita, collocaretur in hoc predicamento.

80 Q Væstio hæc non est absoluta, sed conditionalis: quia non disputamus modò; An possibile sit, quod detur aliqua quantitas actu infinita, vel impossibile: sed titulus quæstionis sub conditione quærit: An si daretur per possibile, vel impos-

sibile, quantitas aliqua actu infinita, collocaretur in hoc prædicamento.

Et pars negatiua; quòd non collocaretur in prædicamento; Probatur testimonio Arist. & D. Thom. Arist. enim 5. lib. Metaph. tex. 10. ita ait: *Multitudo igitur quantum quid, si numerabilis est, magnitudo verò, si mensurabilis.* Sed si multitudo daretur actu infinita; non esset numerabilis: nec corpus actu infinitum, mensurabile: ergo non essent quanta ex mente Arist. nec proinde collocarentur in hoc prædicamento.

Et D. Thom. in Comment. eiusdem loci, lect. 15. docet: quòd si longitudo esset actu infinita; non esset linea: quia linea est longitudo mensurabilis, & ideo in definitione lineæ ponitur, quòd sit longitudo, clausa duobus extremis punctis.

Et ratione probatur; Primò, quia ita se habet quantitas, in suo ordine prædicamentali, sicut substantia in suo: sed substantia actu infinita, qualis est Deus; non ponitur in prædicamento: sicut diximus in 2. quæst. præcedentis capitis: ergo nec poneretur infinita quantitas in prædicamento.

Secundò: Eadem est ratio de quantitate continua, & discreta, quantum pertinet ad præsentem quæst. sed si daretur multitudo infinita corporum; non poneretur in prædicamento, sub genere quantitatis discretæ: ergo si daretur quantitas continua actu infinita, non poneretur in prædicamento, sub genere quantitatis continuæ. Minor probatur: quia species numeri variantur, per additionem unitatis: vt si binario addideris vnā, transit iam in aliam speciem ternarij: si ergo daretur multitudo actu infinita, non haberet determinatam speciem; & quod non habet determinatam speciem, non potest esse sub determinato genere: ergo nec sub determinato prædicamento. Quare infinita multitudo, non posset in hoc prædicamento collocari.

Communis tamen sententia scholæ tenet; Quòd si daretur linea vel corpus, actu infinitum, poneretur in hoc prædicamento, non minus, quam corpus finitum. Ita Soncinas 5. Metaph. quæst. 15. Iaquellus ibidem, quæst. 17. Durand. in 4. d. 3. quæst. 3. Niphus 8. lib. Topicorum, loco 73. Sotus quæst. prima huius prædicamenti.

Probatur testimonio Aristotelis, 8. lib. Topicorū, loco 73. vbi docet, *Lineam finitam, & infinitam, esse eiusdem speciei*: ex quo sequitur; idem habere genus, & differentiam: & ideo in eodem prædicamento collocari: & hoc idem sentit D. Tho. 1. par. quæst. 58. art. 8. ad 2.

Idem probatur ratione: Quia quidquid componitur ex genere
nere

nerè, & differentia collocatur in prædicamento: sed linea actu infinita, componeretur ex genere, & differentia: ergo collocaretur in hoc prædicamento. Probatut minor, quia genus lineæ, est quantitas continua: differentia verò, extensio secundum dimensionem formalem longitudinis: sed linea infinita, vtrumque haberet: nam esset quantitas continua: quia copularetur punctis: & esset extensa secundum formalem dimensionem longitudinis: ergo esset in hoc prædicamento. Et si respondeas, esse quantitatem finitam, ex qua efficitur prædicamentum, non infinitam, & ideo excludi a prædicamento. Contra hoc est: quòd esse *actu infinitam*, solum est habere partes integrantes, actu infinitas: sed partes integrantes, non pertinent ad essentiam rei; vt per se est manifestum: ergo etià si sint: actu infinitæ, non variabunt essentia lineæ, sed erit linea infinita eiusdem speciei, cum linea finita; vt ex Aristot. adduximus. Et ideo collocabitur sub eodè genere, & erit in eodem prædicamento.

83 Pro solutione argumentorum, notandum est: aliud esse, quòd aliquid sit infinitum secundum substantiam, aliud, secundum aliquam rationem accidentalem: quia substantia dicit essentiam rei: ergo idem est aliquid esse infinitum, secundum substantiam, & esse infinitum secundum essentiam: & quod est infinitum secundum essentiam, est infinitum simpliciter: sed quod est infinitum secundum rationem accidentalem, potest esse finitum secundum essentiam: quia accidentia sunt extra essentiam rei. Vnde sequitur: quòd cum res omnes collocentur in prædicamento, secundum essentias, si sint infinitæ secundum essentiam, non possint collocari in prædicamento. Cuius hæc est ratio: quia prædicamenta sunt gradus essendi, finitæ, ac limitatæ perfectionis: & quæ in eis collocantur, sub genere supremo, debent esse composita ex determinato genere, & determinata differentia, continente gradum limitatum perfectionis, sub tali genere: ergo quod est infinitum secundum essentiam, nec potest collocari sub determinato genere, nec constitui per determinatam differentiam: & consequenter, nec collocari in determinato prædicamento. Sed quæ solum sunt infinita, secundum rationem accidentalem, bene possunt comprehendi sub determinato genere; & componi etiam ex determinata differentia: & ideo collocari in prædicamento: quia cum ratio accidentalis extra essentiam sit, eam non variat, sed sub propria limitatione relinquit. Esse autem lineam, vel corpus actu infinitum, ratio accidentalis est: quia non est aliud, quàm habere plures partes integrantes, ex quibus non variatur essentia, nec in perfectione crescit.

Vt si corpus plures aut maiores partes integrantes habeat, non est propter eas perfectius alio, quod pauciores, vel minores habet, sed solum accidentaliter: ergo habere partes infinitas, etiam est perfectio accidentalis: a qua non variatur essentia, & ideo non minus erit finita & limitata ad certum genus, atque ad prædicamentum.

Ad testimonia Aristotelis, & D. Tho. Responderetur, vtrunque loqui de quantitibus existentibus, quæ sunt actu finitæ. Quid verò sentiant de infinitis, si darentur, quantum ad collocationem in prædicamento, in aliis locis à nobis citatis, pro communi sententia, explicant: asseruntque non minus in prædicamento collocari, quàm alias quantitates actu finitas. Illa verò definitio lineæ, mathematicorum est, qui de solis lineis finitis agunt; ideo eas solum describunt.

Ad primum argumentum; Distinguendum est antecedens: quia substantia, & quantitas, duobus modis considerari possunt: aut secundum rationem finiti, & infiniti: & hoc modo, non ita se habet quantitas ad prædicamentum; sicut substantia: quia hæc si actu sit infinita; non potest esse sub terminato genere, nec componi ex genere, & differentia; & ideo nec in prædicamento collocari: bene tamen potest omnia hæc habere quantitas infinita: & rationem huius discriminis tradidimus iam. Si verò considerentur secundum ordinem prædicamentalem; eodem modo ordinantur, per diuisionem generum, in suas species.

An numerus infinitus esset in prædicamento.

Sed an eadem sit ratio, de quantitate continua, & discreta; ita vt sicut continua, actu infinita, collocaretur in prædicamento; ita etiam discreta, vt numerus infinitus, non est certum. Nam Soncinas, vbi supra, eandem asserit rationem esse de vtraque. Et probat: quia sicut lineam esse actu infinitam, solum est habere plures partes integrantes; quod non pertinet ad eius essentiam: ita numerum esse actu infinitum, solum est habere plures vnitates, quæ sunt partes integrantes eius: ergo sicut lineam actu infinita esset in prædicamento; ita numerus actu infinitus.

Ego verò contrarium sentio: Quod si daretur multitudo corporum actu infinita, non esset per se collocanda in hoc prædicamento. Quod colligo ex doctrina Aristot. 8. lib. Meta. textu 15. vbi de numero ita loquitur: Quemadmodum de numero, ablato aut addito aliquo, ex quibus numerus est, non est amplius idem numerus, sed diuersus, etiam si minimum auferatur, aut addatur: ita nec definitio, nec ipsum

ipsum quid erat esse, erit amplius; ab lato aliquo, aut addito, &c. Ex quibus verbis sequitur manifesta differentia, inter quantitatem continuam, & discretam; in eo, quod continua per additionem alicuius partis, vel plurium, non variatur, sed eadem linea, vel corpus permanet: numerus verò per additionem unitatis variatur: unde intelligitur, unitates non omnino se habere in numero, tanquam partes integrantes: sed ita esse fundamentum generis, & differentia, ut per additionem, vel subtractionem unitatis, varietur differentia, & species numeri. Cuius ratio satis probabilis est: quia addita unitate, variatur dispositio totius numeri; atque adeo discretio eius, seu discreta extensio, quæ consistebat in tali dispositione unitatum: ut extensio specialis ternarii, in eo, quod duæ sint dispositæ sub tertia, in qua consistit differentia essentialis eius: & ideo addita unitate, soluitur species numeri, & fit alia. Erquod hæc sit mens Aristotelis, non est dubium: quia si non desineret esse species numeri, vel non transiret in aliam; non teneret similitudo numerorum cum speciebus; ut per se est manifestum.

86 Unde ex hoc colligitur; numerum apud Aristotelem, esse speciem subalternam: quæ diuiditur tanquam genus, in binarium, ternarium, & reliquos; qui omnes sunt species infimæ, solum habentes sub se indiuidua: ut ternarius; hunc & illum ternarium.

Colligitur tandem; numerum actu infinitum non collocari in prædicamento. Quod sic probo: Addita unitate mutatur species numeri, & fit alia: ergo additis unitatibus in infinitum, crescet etiam in infinitum perfectio essentialis numeri: & ideo numerus actu infinitus, habebit essentialem perfectionem actu infinitam, in ratione quantitatis discretæ: quare non poterit habere speciem: quia species, constituitur per differentiam determinatæ perfectionis: nec erit sub genere, aut prædicamento.

Secundò: Differentia numeri sumitur ex unitatibus, ordinabilibus secundum prius, & posterius; ita ut sub aliqua ordinentur ceteræ, tanquam ei præsuppositæ: sed unitates actu infinitæ, non sunt ordinabiles ab intellectu; ergo non possunt constituere determinatam speciem numeri: & quod non est determinatum secundum speciem; non potest esse sub genere: ergo nec erit in prædicamento. Probatur minor, quia inter infinita actu, non est dabilis determinata unitas, sub qua ordinentur ceteræ: ergo, nec erunt ordinabiles ab intellectu.

Argumentum verò, pro opposita sententia de quantitate continua; ex doctrina à nobis tradita, solutum est.

QVÆSTIO VLTIMA.

*An quantitas sit res distincta à substantia corporea, & cæteris
accidentibus absolutis.*

Non solum de distinctione reali quantitatis à substan- 87
tia corporea quærimus, sed etiam ab aliis accidentibus
absolutis, quibus tribuit extensionem partium; vt à qualita-
tibus: quia eadem est ratio de illis, ac de substantia.

Et prima opinio; Negat esse distinctam, quam tenuerunt
Ocham, in sua Dialectica, cap. de quantitate, in 4. q. 4. quodlib.
etiam 4. quæst. 30. & in tract. de venerabili Sacramento Eucha-
ristiæ, per plura capita: quibus locis affirmat; quantitatem
esse ipsammet substantiam: prout habet partes situ disiunctas,
& locales, diuersisque partibus loci correspondentes. Ga-
briel. in 4. d. 10. quæ. vnica, & d. 12. quæst. 1. art. 1. & lect. 43. su-
per canonem Missæ. Adamus in 4. quæst. 5. Aureolus apud
Capreol. in 2. d. 10. quæst. vnica, art. 1. & videtur fuisse sententia
antiquorum Philosophorum, vt Platonis, qui, vt affirmat Ari-
stot. 1. lib. Meta. tex. 5. loquens de materiali principio rerum
posuit *vnam materiam pro rebus naturalibus*: cuius differentias
esse dicebat *magnum, & paruum*, sentiens, *Eandem rem esse mate-
riam, & quantitatem*.

Et ratione probatur. Primò: Quia Deus potest separare sub- 88
stantiam corpoream, ab omni accidente absoluto, cum ab eo
non dependeat essentialiter: ergo si quantitas est accidens ab-
solutum, realiter à substantia distinctum, poterit separari ab
ea substantia: & tunc, si maneret sine quantitate, quæritur, an
haberet partes loco distinctas, sicut prius; vel non si dicas ha-
bere, sequitur, non habere extensionem à quantitate, sed à se
esse extensam, & occupatiuā loci: quod est esse ipsammet quan-
titem, & ab ea non distingui. Si verò dixeris, non habere, se-
quitur, partes eius, loco esse coniunctas: quod est impossibile:
quia non potuerunt coniungi, cum prius essent separatæ, nisi
per motum localem, cuius non sunt capaces sine quantitate:
ergo ab ea non distinguuntur realiter.

Secundò: Si quantitas est res distincta à substantia, ei inhæ-
rebit: & tunc, vel recipitur tota quantitas, in tota substantia,
& pars in parte; vel tota in tota substantia, & tota etiam in quā-
libet eius parte, eo modo, quo anima rationalis, recipitur tota
in toto corpore per informationem, & tota etiam in qualibet
parte: sed hoc vltimum repugnat accidenti corporeo, ac diuisi-
bili, habenti partes integrantes: ergo necessarium est primum.

Ex

Ex quo sequitur, substantiam habere à se partes integrantes, & non à quantitate, cum partes eius præsupponantur partibus quantitatis, tanquam subiecta, in quibus recipiuntur: sed nihil habet à se partes integrâtes, nisi sola quantitas, à qua cætera eas recipiunt: ergo substantia eas habens à se, erit ipsamet quantitas, & non distinguetur ab ea realiter.

29 Secunda opinio tenet: *Quantitatem distingui realiter à substantia, & cæteris accidentibus absolutis.* Ita D. August. 5. lib. de Trinitate, cap. 10. D. Tho. 5. Meta. le&. 15. in fine, Scotus in 2. d. 2. quest. 9. & in 4. d. 12. q. 2. Rich. in 4. d. 12. art. 1. q. 1. Duran. & Argentinas ibidem, q. 5. Ægydius Roma, in 1. d. 2. q. 2. Albertus Magnus 5. Physic. tract. 2. art. 4. Socin. 5. Meta. q. 19. & cæteri interpretes. Arist. c. præfenti. Et hæc est vera, & tenenda.

Colligitur euidenter ex doctrinâ Arist. 1. lib. Physic. tex. 13. ubi ita arguit, contra Melissum antiquum Philosophum, ponentem, *Vnum tantum principium rerum naturalium, & illud infinitum.* Si unum tantum est principium infinitum, cum finitum, vel infinitum sit propria passio quantitatis, sequitur præter substantiam, continere etiam quantitatem: & ideo non esse unam rem, aut unum principium, sed multiplex, &c. Quod argum. patet nihil probare: nisi quantitas distinguatur realiter à substantia: ergo ex mente Aristot. realiter distinguitur. Et lib. 2. de Anima, tex. 65. docet, *Substantiam esse sensibilem per accidens, quantitatem verò per se:* quod non potest esse verum, sine distinctione reali.

Idem probatur duplici ratione. Primò: Quia naturaliter repugnat plures magnitudines aut quantitates esse, in eodem loco: quia hoc non potest esse sine penetratione earum, naturaliter impossibili: ex eo, quod qualibet est occupatiua distincti loci, & nata expellere aliam ab eodem: sed utrumque sequitur, si quantitas non distinguatur realiter à substantia, & accidentibus absolutis: ergo necesse est realiter distingui. Probatur minor: Quia si quantitas est idem realiter cum substantia, & albedine in ea existente; ergo qualibet habebit propriam, & distinctam magnitudinem, atque extensionem ab alia: sed constat esse in eodem loco; ergo se penetrabunt.

Secundò: Quia certum est in fide Catholica, in Eucharistia non manere substantiam panis; sed totam conuertri in corpus Christi, at experientia visus, & tactus, docet, remanere eandem quantitatem panis: ergo separatur realiter quantitas à substantia. Et quæ ita se habent, ut unum possit esse sine alio, distinguuntur realiter: ergo distinguitur realiter quantitas à substantia. Vbi illud obiter aduerto; periculosum esse negare, quod in Eucharistia non remaneat eadem quantitas panis,

panis, & asserere, corpus illud quantum, specierum Sacramentalium, non esse dimensiones, vel quantitatem veram huius prædicamenti, sed propriam extensionem aliorum accidentium, vt albedinis, & aliorum.

Ad primum arg. Concedimus primum enthymema: ad id verò quod postea quæritur; An substantia permanens sine quantitate, haberet partes occupantes locum, vel separatas secundum locum: respondeo non occupare locum substantiam, sic permanentem, nec eius partes: nec habere extensionem localem: sed modum indiuisibilem, quantum ad occupandum locum pertinet: nec tamen coniungi partes per motum localem: quia nec positiuè essent coniunctæ coniunctione locali, sed negatiuè tantum, ex eo, quòd ablata quantitate, nullâ habent distantiâ, aut ordinem localem. Sed de his in libris Physicorum, ex professo disputamus.

Ad secundum; Concedimus, substantiam habere proprias partes integrantes entitatiuas: sed non extensas, nec loci occupatiuas, quæ tamen extenduntur à quantitate in eis recepta. In his ergo partibus recipiuntur partes quantitatis: & ita tota quantitas recipitur in tota substantia, & partes in partibus. Negamus tamen consequentiam: quòd substantia sit ipsa quantitas: quia aliud est habere per se partes integrantes entitatiuas, aliud partes extensionis: & primum conceditur substantiæ, & accidentibus absolutis, secundum verò soli quantitati, à qua omnia recipiunt extensionem: quod sufficit ad distinctionem realem.

CAPVT VII.

Continens prædicamentum ad aliquid.

TEXT. ARISTOT.

Ad aliquid verò talia dicuntur, quacunque hac ipsa, quæ sunt, aliorum esse dicuntur, &c.

Breuis expositio textus.



Intentum Arist. capite præsentis est, explicare naturam relatiuorum. Diuiditur autem caput hoc, in tres partes. In quarum prima, definitionem relatiuorum, quæ suo tempore in scholis circumferebatur, proponit, cum quatuor proprietatibus, quæ ex ea sequuntur. In secunda, dubium quoddam circa eandem definitionem

initionem: ex cuius solutione minùs bonam esse probat. Et tandem in tertia, propriam definitionem, ex qua veram proprietatem relatiuorum colligit.

Definitio antiqua relatiuorum talis erat: *Ad aliquid talia dicuntur, quacunque hac ipsa, qua sunt, aliorum esse dicuntur, vel quomolibet alter ad alterum.* Vt duplum dicitur ad dimidium; & magnum, respectu parui, scientia habitus, atque potentia, ad sua obiecta.

Prima proprietas, antiqua relatiuorum erat; *Quòd relatiua habeant contrarium*: cuius exemplum facile designari potest: quia si habitus, & virtutes sunt relatiua, inter eas reperiuntur virtus, & vitium, & alij habitus particulares contrarij: ex quibus probatur relatiua habere contrarium.

Secunda proprietas est: *Quòd relatiua suscipiunt magis & minus*: nam vnum dicitur magis simile alteri, quàm aliud, & idemmet, vno tempore magis, quàm alio simile eidem.

2 Tertia proprietas est: *Quòd relatiua dicantur ad conuertentiam.* Dici autem ad conuertentiam, non est conuersim prædicari vnum de altero, in recto, quia vnum relatiuum, non potest prædicari hoc modo de alio: nam falsum est, quòd pater sit filius. Sed prædicari vnum de altero in obliquo, vt petit natura relatiuorum: ita vt si aliquis est pater, filij pater sit, & si est simile, alicui simile esse debet. Vt autem hæc proprietas conueniat omnibus relatiuis; debet fieri debita assignatio termini: debita autem assignatio termini fiet; si terminus per se, & non per accidens assignetur. Terminus autem per se ille est, qui formalem rationem terminandi significat. Et ratio formalis terminandi est illa, quæ sufficienter terminat relationem, exclusis quibuscunque aliis, quæ in termino relationis esse possunt. Gratia exempli: pater est relatiuum, cui pro termino, non bene assignatur homo, aut album, vel musicum, sed filius: quia licet filius necessariò debeat esse homo; & aliquando sit albus, vel musicus, etiam si hæc per impossibile ab eo remoueantur, & sola filiatio remaneat, terminabit sufficienter relationem patris, & dicetur cum eo, ad conuertentiam; non cum aliis: non enim dicimus patrem esse hominis patrem, aut albi, vel musici: quia isti sunt materiales, aut accidentales termini, sed esse filij patrem: quia filius est terminus per se, & formalis.

4 Vltima proprietas est; *Quòd relatiua sint simul natura*: ad quam duæ requiruntur conditiones: quarum primam tangit Arist. cap. præsentis, secundam verò in post prædicamentis, ca. 36. Prima igitur conditio est, quòd vno existente in rerum natura, necesse sit existere aliud: & vno sublato, necesse etiam et auferri

auferri aliud: vt posito patre, necesse est poni filium, quocumque autem deficiente, necesse est deficere aliud, saltem sub ratione relatiui: vt mortuo filio, etiam si permaneat homo, qui erat pater, iam non permanet in ratione patris. Sed hæc conditio non est sufficiens: quia homo, & risibile, ita se habent; & non sunt simul natura; sed homo est natura prior. Alia igitur conditio est; quod vnum relatiuum, non sit causa alterius, secundum formalem rationem relatiui: licet secundum rationem materiale, causa esse possit: vt pater, in quantum homo, est causa filij; non in quantum pater. His igitur duabus conditionibus concurrentibus explicata manet proprietas hæc, quod relatiua sint simul natura.

Sed aduersus hanc definitionem antiquam, proponit dubium Arist. *An conueniat substantiæ, aut secundum se, vel secundum suas partes?* Et respondet; quod substantiæ secundum se, non potest conuenire: nam aqua, non dicitur esse alicuius tanquam termini (licet possit esse alicuius possessoris) ergo substantia secundum se, non est relatiua: sed partibus eius; vt brachio, vel capiti, conuenire ait: quia caput, alicuius hominis, vel animalis est caput, & etiam brachium. Ex hoc autem; quod substantiæ conueniat talis definitio, saltem secundum partes; colligit Arist. non esse bonam: quia substantia omnino absoluta est, & prædicamentum constituit, primò diuersum à prædicamento ad aliquid: quare vt substantia non potest esse relatiua.

Ideo in vltima parte capitis, necessarium esse docet Arist. assignare aliam definitionem; quæ solum conueniat veris relatiuis. Assignat autem hanc: *Ad aliquid ea sunt; quorum totum suum est, referri ad aliud:* Vt totum esse patris, est referri ad filium, & totum esse filij, est referri ad patrem. Nihil ergo absolutum debent habere relatiua, vt relatiua; sed totum esse quod habent, est referri ad aliud.

Ex hac definitione, colligit Arist. *Proprietatem relatiuorum* 6 esse: non solum, quod sint simul natura; sed etiam simul cognitione: in definitione: ita vt qui definitè cognoscit vnum relatiuum; definitè etiam cognoscat alterum: quasi dicat, qui cognoscit vnum relatiuum; necesse est simul cognoscat alterum: & qui propriam definitionem vnius scit designare, necesse est, vt sciat designare definitionem alterius: vt si quis cognoscat patrem, necesse est eo ipso filium cognoscere: & qui scit definire patrem, necesse est, sciat etiam definire filium. Hæc Aristoteles in litera.

QVÆSTIO I.

*An ad aliquid, vel relatiuum constituat speciale
predicamentum.*

7 **D**Vobis modis considerare possumus prædicamenta acci-
dentium; nempe secundum ordinem dignitatis, & se-
cundum ordinem, quo inhaerent substantiæ prius aut poste-
rius, magis aut minus immediatè. Et primam consideratio-
nem habuit Arist. in Metaphys. vbi de eis agebat secundum
propriam entitates: sed secundam in Dialectica; vbi modum
potius, quo prædicantur de substantia, & ei inhaerent, attēdere
debeuit: & ideo in 5. Meta. prius posuit prædicamentum qua-
litatis, quàm ad aliquid: quia nobilior est qualitas, cum sit
accidens absolutum: sed in Logica, prius posuit relationem:
quia prius inhaeret substantiæ, quàm qualitas: quod sic pro-
batur: Quantitas est, quæ proximæ inhaeret substantiæ corpo-
reæ, extendendo partes eius: sed post quantitatem statim se-
quitur relatio: quia antequam intelligatur habere qualitates,
intelligitur magna, aut parua, dupla, ac dimidia, & æqualis al-
teri: ergo prius intelligitur relatiua, quàm affecta qualitati-
bus: vnde prius relatio, quàm qualitas afficit substantiam: nō
quidem prioritate temporis, sed rationis: quia cum in pri-
mo instanti temporis, in quo genita est, habeat relationes, &
qualitates, prius intelligimus habere illas, quàm has.

De relatione verò, quam per nomen, *Ad aliquid*, intelli-
gimus, primò inquirendum est, An sit speciale genus entis; quod
non est aliud ac inquirere, An sit ratio vniuersalissima, tran-
scendens prædicamenta omnia; vel specialis, quæ specialem
modum, aut genus entis contineat, sicut quantitas, & qualitas.

Et fuit prima opinio, antiquorum Philosopharum, qui
Zenonem secuti, dixerunt: *Ad aliquid esse permixtum*, vel in-
clusum in omnibus prædicamentis: & ideo non esse vnum specia-
le genus entis. Probatur hac ratione: quia relatio præsup-
ponit necessariò alia accidentia in subiecto: vt si sit relatio
æqualitatis, præsupponit quantitatem: & si relatio similitu-
dinis, qualitatem; & sic de cæteris accidentibus: quia inter
omnia reperitur relatio: ergo in omnibus includitur, & om-
nibus permixta est: quare non potest esse speciale genus entis.

8 **S**ecunda opinio fuit Platonis, à quo eam accepit Aristot.
Quid ad aliquid sit speciale genus entis. Et hæc est iam commu-
nis in schola, & omnino vera. Probatur hac ratione: Ens di-
uiditur in decem prædicamenta: tanquam in diuersos modos
essendi: & accidens diuiditur in nouē, tanquā in diuersos modos
afficiendi:

affiendi substantiam: sed relatio continet diuersum modum
essendi, & affiendi substantiam: ergo erit speciale genus en-
tis. Probatur minor: quia esse relationis, est ad aliud se ha-
bere, & substantiam afficit distincto modo ac cætera acciden-
tia: nam quantitas, eam extendendo afficit, qualitas eam qua-
lificando: relatio verò ordinando eam ad aliud: quem modum,
nullum aliud accidentium habet: ergo tam modus essendi,
quàm affiendi substantiam, specialis est, & distinctus à cæte-
ris: quare speciale genus entis erit.

Vt autem veritas huius sententiæ intelligatur, & argumen-
tum alterius melius solui possit; Vnum est notandum, nempe
Relationem vniuersaliter sumptam, in tria membra diuidi.
Prima relatio est: Vniuersalis respectus, & intrinsecus omni-
bus accidentibus, quod respiciunt subiectum, vt ei inhaerere
possunt. Alia est respectus quidam minùs vniuersalis, qui in-
cluditur essentialiter, non in omnibus, sed in quibusdam tan-
tùm specialibus accidentibus absolutis: vt respectus, quem
habitus, & scientiæ, atque etiam potentiæ, dicunt ad obiectum,
per quem respectum, simul cum ratione absoluta, per eum ex-
plicata, distinguuntur specie. Postrema relatio est; Respe-
ctus, non pertinens ad essentiam alicuius accidentis absoluti;
nec ordinans rem, in qua est ad aliud, tanquam ad subiectum,
aut obiectum, vel quid simile, sed solum tanquam ad termi-
num. Et primum genus relationis, dicitur transcendente: quia
in omnibus accidentibus, essentialiter includitur, & ideo
non est speciale genus entis. Secundum verò, vocatur relatio
secundum dici: & pertinet reductiue ad illa prædicamen-
ta absoluta, in quorum ratione intrinseca clauditur: vt res-
pectus scientiæ, ad obiectum, pertinet ad speciem habitus: & re-
latio potentiæ ad obiectum, ad speciem naturalis potētiae; re-
ductiue quidem, quia aliquid sunt, quasi complens essentiam
harum specierum. Tertium genus relationis, triplicem con-
ditionem habet. Prima non conuenit omnibus accidentibus,
sed quibusdam tantùm, vt quantitati, qualitati, actioni, & pas-
sioni; in quibus fundatur: & non essentialiter, sed accidenta-
liter. Et in hoc distinguitur à primo, & secundo genere rela-
tionum: quia nec transcendit omnia prædicamenta acciden-
tium, sicut primum, quamuis de multis eorum accidentaliter
prædicetur: hoc enim non sufficit, vt ad prædicamenta eorum
reducatur: sed requiritur essentialis inclusio, alioquin omnia
accidentia pertinerent ad prædicamentum substantiæ, cum de
illa prædicentur accidentaliter. Nec pertinet ad aliquod præ-
dicamentum absolutum, vt ad secundum: quia non est de
essentia

essentia alicuius absoluti: unde sequitur specialem esse rationem eius, ab omnibus distinctam; & hæc est secunda conditio eius. Tertia verò: quod eius essentia habeat modum entis completi, & totius potentialis, contrahibilis per differentias, ut quæstione sequenti explicabitur.

- 11 Ad argumentum igitur oppositæ sententiæ; Concesso, antecedente, distinguendum est consequens, quod in omnibus includatur: nam si de essentiali inclusionem intelligatur, falsum est: si verò de accidentali, concedi potest, quod includatur in omni prædicamento, aliquo modo, non tamen essentiali, sed accidentali: unde non sequitur, quod sit transcendens, aut quod pertineat ad plura prædicamenta: nam ad utrumque requiritur inclusio essentialis, ut per se est manifestum.

QVÆSTIO II.

An ad aliquid sit specie genus entis realis.

CONSTITUTO iam in præcedenti quæstione, quod *Ad aliquid* sit speciale genus entis: sequitur disputandum in præsentis; An sit speciale genus entis realis: quod idem est, ac si quæretur; An detur relatio realis, quæ constituat speciale prædicamentum.

Est prima opinio, negans omnino, *Relationem realem, & reale prædicamentum ad aliquid*, tenensque per solam relationem rationis, dici tale, quidquid ad aliud refertur, ut pater, & simile. Ita plures ex antiquioribus Philosophis, quos citat commentator 12. lib. Metaph. commento 19: quos secuti sunt ex Theologis, Henricus quodlib. 9. quæst. 3. Ockham in 1. d. q. 1. Aureolus apud Capreolum in 1. d. 3. q. 1. in argument. contra primam conclusionem: & ita tenent moderni quidam: quia putant, nullam esse rationem convincentem, quod aliqua sit relatio realis ponenda in rebus.

- 12 Probatur testimonio Aristot. 5. lib. Phys. textu 10. ubi affirmat, *Ad relationem, non terminari per se motum*: & probat, quia acquiritur sine mutatione subiecti: ut si vno albo Compluti existente, fiat aliud Romæ, incipit primum album esse simile, sine noua sui mutatione, per solam mutationem alterius, in quo de nouo producit Romæ albedo. Ex quo tale arg. colligitur: Aliquid sit relatiuum, sine reali mutatione sui; ergo sine aliqua entitate reali noua in se recepta; ergo relatio non est entitas realis. Probatur euidenter vltima consequentia: quia si esset entitas realis cum de nouo acquiratur, non fieret aliquid de nouo relatiuum, sine noua entitate in se recepta, nec sine reali

mutatione sui: quia repugnat aliquid recipere de nouo in existentiam realem sine sui mutatione.

Probatum deinde ratione. Primò: Quia ens reale, adæquatè diuiditur in substantiã, & accidens: sed relatio non est substantia, neq; accidens; ergo non ens reale. Probatum minor, quòd non sit accidens: nam quòd relatio non sit substantia, euidentius est de intrinseca ratione accidentis realis est, inhærere subiecto: si non actu, saltè aptitudine: sed relatio non inhæret subiecto vllò modo; ergo non est accidens. Minorem probò: quia proprius conceptus relationis, est esse rationem referendi aliud ad terminum: ergo relatio vt relatio, non respicit subiectũ, sed terminum, nec potest inhærere: quare non erit accidens.

Secundò: Si relatio esset speciale prædicamentum, ex propria natura esset accidens reale, cùm constet non esse substantiam: quare nec posset esse substantia, neque ens rationis: sed aliquando est substantia, & aliquando ens rationis; ergo non erit speciale prædicamentum. 13

Probatum minor: quia in personis diuinis, sunt relationes reales paternitatis, filiationis, & spirationis, seu processionis: & non sunt accidentia, quia accidens repugnat Deo, sed sunt relationes substantiales; ergo relatio potest esse substantia. Deinde, relatio generis ad speciem, & speciei ad indiuidua; est vera relatio, cùm totum esse generis sit ad speciem, & totũ esse speciei ad indiuidua: & non est accidens reale, sed rationis, vt vidimus in prædicabilibus; ergo vera relatio potest esse ens rationis: & ideo non erit ex se speciale genus entis realis.

Tertiò: Quia relatio non est aliud, quam comparatio duorum extremorum, vt similitudo, comparatio duorum alborum eiusdem gradus: sed comparatio est opus rationis, quam facit intellectus, postquam naturam vtriusque cognouit; ergo non erit ens reale, sed rationis.

Secunda opinio est totius scholæ, quæ cum Arist. ponit speciale prædicamentum relationis realis, sub nomine prædicamenti ad aliquid. Et hæc est vera, & tenenda: quæ (nisi ego fallor) efficaciter probari potest, his rationibus: non quidem ex doctrina Aristotelis deductis, quam in hac parte non recipiunt aduersarij, sed ex ipsa natura rerum, & ex fide Catholica.

Prima ratio, in natura rerum fundatur, hoc modo: Ex natura rei, & ante operationem intellectus, magis assimilatur vnus homo alteri homini, quàm equo vel leoni: & etiam vnum album, alteri eiusdem gradus, magis, quàm ei, quod non habet tantam intensam albedinem: sed simile non dicitur tale respectu sui, sed alterius; ergo si naturaliter est alteri simile, naturaliter 14

liter ordinatur ad alterum, & naturalis ordinatio est realis; ergo vnum ad alterum ordinatur ex natura rei, & ordinatione reali: & ordinatio realis est relatio realis; ergo dantur in rebus relationes reales. Et confirmari potest ex creatione: nam anima rationalis, ex eo quod creatur à Deo, vocatur, & est creatura: sed creatura non dicitur ad se, sed ad aliud; ergo refertur realiter ad creatorem, dabiturque in ea relatio realis.

15 Secunda ratio, deducitur ex fide Catholica, secundum quam in personis Diuinis ponuntur relationes reales. Paternitatis, Filiationis, & Spirationis: sed vna persona Diuina refertur realiter ad aliam; quia procedit ab ea, aut quia est principium, à quo alia procedit: vt Filius ad Patrem; quia procedit ab eo, per naturalem generationem: & in creaturis vnus homo, procedit ab alio, per naturalem generationem, vt genitus à generante; ergo iste erit filius, & ille pater per veras relationes reales.

16 Sed, vt natura relationis melius intelligatur, & argumenta facilius solui possint: Notandum est illud, quod D. Tho. asserit, 1. p. quæst. 28. art. 1. nempe: *Quod libet predicamentum, duplicem conceptum habere: Communem, in quo omnia conueniunt, saltem analogicè: & particularem, per quem distinguuntur.* Communis conceptus est, esse in subiecto, actu, vel aptitudine: in quo conuenit relatio cum accidentibus absolutis: conceptus verò Particularis, & proprius, non sumitur eodem modo in absolutis, & relatione: sed in illis, per modos speciales inhærendi in subiecto: & ideo absoluta vocantur, quia subiectum afficiunt, vt in se est. Vt conceptus particularis quantitatis, est inhærere substantiæ extendendo partes eius: qualitatis verò, qualificando eam, sicque de cæteris: sed particularis conceptus; & proprius relationis, non sumitur per ordinem ad subiectum: sed ad terminum, ad quem refert subiectum: vt conceptus proprius paternitatis, per ordinem ad filium, tanquam ad terminum: vnde accidentia absoluta his duobus conceptibus complentur, nempe inhærendi subiecto, & tali modo inhærendi: relatio verò duobus aliis. Primò quidē inhærendi subiecto, ideo communi cum absolutis: & secundò, ordinando illud ad terminum: ideo dici solet, habere duplicem conceptum: vnum, qui dicitur esse, *In*; alium, qui dicitur esse, *Ad*.

17 Testimonium Aristot. hac distinctione explicandum est: Mutatio duplex est; Vna propria, & per se talis, à naturaque intenta, quæ procedit à principio intrinseco rei, per quam mouetur corpus, ad recipiendum in se aliquam perfectionem absolutam: vt materia, ad recipiendam formam substantialem: vel corpus, ad recipiendam accidentalem. *Alia Communis,*

impropria, & per accidens, quæ non procedit à principio intrinseco rei, nec per se primò intenditur à natura, sed quasi per accidens sequitur. Et per primum genus mutationis, non potest acquiri, aut fieri relatio: quia natura non intendit per se relationem, cum non sit perfectio absoluta rei: sed sequitur quasi per accidens, in vtroque extremo, ad acquisitionem alicuius formæ absolutæ atque per se intentæ in eis; vel saltem in aliquo eorum. Vt in exemplo adducto in argumen. de albo Romæ factò de nouo; ex cuius mutatione intrinseca, mutatur ab extrinseco aliud album, quod Compluti erat. Bene ergo Arist. asserit, *ad relationem non terminari per se mutationem, aut motum proprium, & per se, sed acquiri sine illa*: non tamen vult, quòd sine impropria saltem & communi acquiratur; cum verum sit, ac necessarium, vt subiectum quomodocunque acquirat de nouo relationem realem, aliter se habeat nunc, quàm priùs: quæ est definitio communis, & improprie mutationis: satis est autem per impropriam mutationem acquiri, vt sit ens reale.

Ad primum argu. Negandum est, relationem non esse acci- 18
dens: & dum dicitur, secundum proprium conceptum non in-
hærere: distinguendum est; nam si sensus sit, quòd proprius
conceptus relationis, non sit inhærendi, sed referendi ad ter-
minum, verum est. Et si rursus dicatur, secundum hunc con-
ceptum proprium, qui est, *Ad*, non esse accidens: conce-
dendum est: quia non est accidens, nisi secundum conce-
ptum communem inhærendi: sed est tale accidens: sicut
quodlibet aliud prædicamentum, secundum proprium con-
ceptum, non est accidens, sed secundum communem inhæ-
rendi: in quo conueniunt omnia. Et si tandem dicatur: Com-
munem conceptum inhærendi, esse transcendentalem: & ideo
inclusum! necessariò, in conceptibus particularibus prædica-
mentorum: quia si illum non includunt non erunt conce-
ptus accidentium, nec proinde reales. Respondeo; Necessariò
illum includere, propter transcendentiam, sicut necessariò in-
cludunt conceptum entis: eum tamen non exprimere, aut nõ ex-
pressè significare, sed quasi implicite, aut confusè: quemadmo-
dum rationale, includit conceptum entis, sed non exprimit: quia
expressè non significat, nisi gradum naturæ rationalis: in quo
tamen cum includatur ens, dicitur conceptum entis implicite,
aut confusè significare, non distinctè, aut expressè: itaq; conce-
ptus proprius relationis, per quem distinguitur relatio ab ac-
cidentibus absolutis, non exprimit, nisi modum referendi ad
terminum: sed quia est conceptus formæ realis, inhærentis, &
referentis subiectum, quod constituit ad terminum, etiam in-
cludit

cludit implicitè esse, sicut includit conceptum entis.

- 19 Ratio autem, ob quam non exprimit, est: quia nomen relationis, non est impositum ad significandum conceptum inherendi, sed conceptum referendi: in quo tamen implicitè, includitur idem conceptus inherendi.

Ad secundum; Distinguendum est antecedens: nam relatio duobus modis accipitur. Primò, communissimè prout solum dicit rationem referendi, ad terminum, abstrahendo à ratione reali, vel rationis: imò à ratione substantiali, vel accidentali: & hoc modo non efficit prædicamentum reale: quia non determinationem accidentis realis. Secundò, sumitur specialiori modo, pro ratione referendi reali, & accidentali: in qua acceptione constituit tertium prædicamentum: à quo excluduntur in primis relationes rationis: quia non sunt reales: & ad quod non pertinent relationes substantiales, aut diuinæ: quia diuina, propter sui excellentiam, & immenstatem, non limitantur ad ordinem prædicamentalem.

- 20 Ad tertium; Concessa maiori, distinguenda est minor: quia duobus modis comparantur aliqua: Primò, ex natura rei, quia rationes naturales eorum non sunt tales absolute, sed ad alterum, ut sunt similia, aut æqualia: & talis comparatio non est opus intellectus: sed sine dependentia ab eo reperitur in natura aliquarum rerum. Alia est comparatio, quam non habent res ex propria natura: quia non sunt distinctæ: aut cum sint absolute, concipiuntur in ordine ad aliud: & talis comparatio est opus rationis. Primam igitur comparisonem, includunt relationes reales, aliam verò, relationes rationis: & ideo prima comparatio, tanquam realis, pertinet ad hoc prædicamentum, secunda verò, tanquam non realis, excluditur ab eo.

Q V Æ S T I O I I I.

Quodnam sit supremum genus prædicamenti ad aliquid.

- 21 Specialis est ratio inquirendi de supremo genere huius prædicamenti. Quia hoc arg. videtur probari, nullum posse habere, & ideo nec ordinationem prædicamentalem ex relatiuis fieri posse. Quia intrinseca ratio relatiuorum est, ordinari ad terminum: ergo siue ponatur pro supremo genere relatiuum in cōmuni, vel ad aliquid, ordinabitur ad terminum: & tunc vel ad terminum inferiorem, vel superiorem, vel æqualem: non ad superiorem, neque inferiorem, propter duo. Primùm, quia relatio realis debet esse inter extrema realia, & realiter distincta, ut inferius probabitur: superius autem, & inferius sunt

prædicata solum ratione distincta, ut est manifestum; ergo non potest inter illa dari relatio realis. Secundum, quia relatiua sunt simul naturæ; *superius verò prius natura est inferiori*, ut docet Aristot. in postprædicamentis; ergo inter illa non potest esse relatio realis. Quare relatiuum in communi, ad terminum sibi aequalem ordinabitur, & realiter à se distinctum. Unde sequitur, aut duo esse suprema genera huius prædicamenti, aut nullum. Probatur consequentia: quia neutrum ponitur sub alterno: sed duo esse repugnat, sicut in eodem corpore duo capita: alioqui duo essent prædicamenta ad aliquid; ergo nullum habebit supremum genus.

Propter hoc argum. diuisi sunt autores. Et prima opinio tenet *supremum genus huius prædicamenti*, propriè loquendo, non esse relatiuum in concreto, vel ad aliquid, sed relationem in abstracto: quæ est ratio referendi ad aliud: & hoc modo videntur difficultatem argumenti effugere: quia relatio non refertur ad aliud, sed est ratio referendi: ideo non colligitur esse duo genera suprema. Ita Fonsæc. 5. Metaph. c. 2 §. q. 6. sect. 2. & 3. quod ratione vniuersali probat: quia abstracta accidentium potius quàm concreta in prædicamento collocantur, cum significetur tanquam entia per se: concreta verò tanquam entia per accidens. Hæc tamen sententia non potest satisfacere argum. quia licet verum esset, abstracta magis propriè in prædicamento collocari, nihilominus quod etiam concreta aliquo modo collocantur, necessariò concedendum est, & concedit hæc sententia: quo supposito non soluit arg.

Secunda opinio, *Ad aliquid*, aut relatiuum, dicit esse *supremum genus*, potius quàm relationem: ita Albertus Magnus tract. de prædicamento ad aliquid, c. 2. & 10. Scotus in 1. d. 21. q. unica. Et tunc ad arg. respondent: Supremum genus prædicamenti esse ad aliquid, vel relatiuum in communi, prout dicit conceptum abstractum: in quo conueniunt omnia relatiua. Et hoc modo sumptum, non refertur per se ad alterum, sed per inferiora relatiua, in quibus exercetur actus referendi: ut per paternitatem, & filiationem, per simile, & dissimile: ipsum verò solum dicit rationem communem eorum, quæ referuntur: & ita vnicum est supremum genus in concreto, habens sub se inferiora genera, & species: in quibus habet exercitium referendi.

Sed hac sententia falsa probatur, duplici argum. Primò; Conceptus communis abstractus ab inferioribus, debet continere rationem essentialem inferiorum, ut conceptus hominis, abstractus à Petro, & Ioanne: rationem essentialem hominis: sed ratio essentialis quorumcunq; relatiuorum particularium, est

est referri ad terminum : ergo hanc debet continere conceptus communis relatiui, abstractus à particularibus : ynde sequitur relatiuum in communi, referri ad terminum in communi, sicut relatiuum in particulari, refertur ad terminum in particulari : vel non esse conceptum relatiui abstractum à particularibus.

Secundò: Qui vult definire patrem in communi, non potest, nisi per communem etiam terminum eum definire, videlicet per genitum in communi, aut per filium in communi : ergo pater in communi, refertur ad filium in communi : sicut hic pater ad hunc filium : & consequenter relatiuum in communi, ad terminum in communi.

24 Quod verò dicitur, *Exercitium referendi solum habere relationem in singularibus*, falsum est, & ex ignorantia procedere videtur: quia exercitium relationis, non consistit in aliqua efficientia, neque in actu aliquo ipsius relationis, quem in singularibus habeat, & non in conceptu communi considerata: sed solum est ordinatio naturalis vnius ad alterum eodem modo se habens semper: ergo non solum in singularibus exercetur, sed etiam in vniuersalibus. Hæc solum differentia esse potest: quod in singularibus exercetur secundum actualem existentiam in eis: in vniuersali verò considerata, abstrahit ab existentia: & solum in hoc sensu, vera esse potest distinctio relationis, à quibusdam assignata: in relationem; vt *Conceptam*, & vt *Exercitam*: quasi dicatur, relationem, vt actu existentem, inter singularia exerceri, quod non habet in vniuersali, sed conceptum tantum eiusdem exercitij. Et si aliquid aliud vellet eadem sententia, vel eadem distinctio, non est amittenda.

25 Ideo tertia opinio tenet; *Supremum genus huius prædicamenti, in abstracto, esse Relationem in communi; & in concreto Relatiuum vel Ad aliquid, etiam in communi*. Hanc tenet Toletus quæst. 2. huius prædicamenti. Et est probabilior, & sequenda. Probaturque, ex communi modo concipiendi, & loquendi, de alijs prædicamentis accidentiū que, vt in antepredicamentis probauimus, ytroque modo sumi possunt: in Concreto; & in Abstracto: & ytroque modo accipiuntur, in diuersis locis ab Arist. nec excludi potest omnino concretum à prædicamento; nec etiam Abstractum.

Pro solutione autem argumenti, notandū primò: Diuersam esse rationem formalem relatiui, & termini : nā ratio formalis relatiui, est referri ad terminum, ratio verò formalis termini, nō est referri ad aliud, sed terminare relationem alterius : terminare verò nō est aliud, quàm esse id ad quod relatiuum ordinatur : & hoc nō videtur ponere aliquid in re, quæ terminat, sed est quasi denominatio extrinseca: sicut visum esse in pariete; aut quid simile.

Secundò notandum; Quòd licèt diuersæ sint opiniones circa terminum relationis, an sit absolutus, vel relatiuus: certum tamen est, quòd in relationibus tertij generis, quæ sunt mensurabilis, & mensuræ, terminus non est relatiuus, sed absolutus: nam mensura absolutum quid est, non dependens à mensurabili. Gratia exempli: Scientia sub ratione mensurabilis, per suum obiectum, refertur ad illud relatione tertij generis: quam relationem terminat obiectum, sub ratione mensuræ: obiectum verò non dependet à scientia, licèt hæc dependeat ab obiecto: & ideo scientia dicitur mensurabilis, per veram relationem: sed obiectum non dicitur mensura, per relationem propriam, aut intrinsecam, sed per solam denominationem extrinsecam, mensurabilis existentis in scientia: & ideo dixit Aristot. *Obiectura non dici mensuram*, quia referatur ad mensurabile: sed quia mensurabile refertur ad ipsum, tanquam ad absolutum quid. Vnde sequitur, quòd vel omnis terminus relationis absolutus est; vel aliquis saltem: quod sufficit, vt dicamus: terminum relationis in communi consideratum; vel esse absolutum; vel abstrahere ab absoluto, & relatiuo: quia in quibusdam relationibus absolutus est, & in aliis, relatiuus.

Et ex hoc non est difficile respondere ad formam arg. Concedendo primam consequentiam quòd relatiuum in communi, aut ad aliquid in communi, sit supremum genus huius prædicamenti: & etiam, quòd referatur ad terminum in communi; non inferiorem, nec superiorem, sed æqualem sibi. Negando tamen secundam consequentiam, quòd duo sint suprema genera: quia terminus in communi, sub ratione formali termini, non est relatiuum: sed abstrahit ab absoluto, & relatiuo: & solum dicit quandam denominationem extrinsecam terminandi: non prædicamentalem, sed quæ reduci potest ad idem prædicamentum, quod constituit relatiuum in communi, tanquam supremum genus, cuius terminus ipse est. Itaque terminus in communi, non potest esse supremum genus prædicamenti: quia non est formaliter relatiuus: imò nec ad prædicamentum per se pertinere, sed solum reduci ad idem prædicamentum ad aliquid: in quantum aliquo modo pertinet ad relatiuum in communi, constituens per se hoc prædicamentum.

QVÆSTIO IIII.

An definitio relatiuorum, tradita ab Aristotele, ex propria sententia, sit bona.

Definitio his verbis continetur in textu: *Ad aliquid sunt: quibus hæc ipsum est esse, ad aliquid quodam modo se habere.* Cuius

Cuius sensus est; relatiua sunt; quorum totum suum esse, est ad terminum referri. His autem argumentis probari potest, non esse bonam. Primò, quia relatio duo respicit, nempe subiectum, cui inhaeret, & tale denominat formaliter, & etiam terminum, ad quem refert: ergo duplicem habebit rationem formalem; vnā, secundum quam respicit subiectum, & ei inhaeret, aliam secundum quam respicit terminum, & ad eum refert. Ex quo infero, totum esse relationis, non esse ad terminum referre, aut ordinare; sed aliquid habere absolutum, quatenus respicit subiectum, & ei inhaeret. Et ideo falsum esse quod in definitione dicitur: Relatiuum esse, cuius totum suū esse, est referri ad aliud. Probatur consequentia: quia relatiuum dicitur tale à relatione, sed totum esse relationis, non est referre ad terminum: ergo nec totū esse relatiui erit referri ad terminum.

Et confirmari potest: quia hæc definitio aequè conuenit relatiuis rationis, atque realibus: imò relatiuis diuinis, & creatis; de quibus iam diximus, non collocari in prædicamento: ergo non est bona. Probatur antecedens, quia commune est omnibus, quod totum suum esse, sit referri ad terminum; non enim minus verum est totum esse speciei, esse, ordinari ad genus, & totum esse Patris æterni, ordinari ad filium, quàm totum esse similis ad aliud simile.

Secundò: Verba in definitione non dicunt actum; sed aptitudinem: sed definitio hæc, non potest dicere solam aptitudinem referendi, sed etiam actum: ergo non est bona. Probatur minor: quia relatiuum non est, quod potest referri, sed quod actu refertur: alioqui illud, quod non habet relationem, ex eo solum, quod potest eam habere, esset relatiuum: quia sicut potest eam habere, potest etiam referri, quod patet esse falsum.

Vt definitio intelligatur, notandum est, Aristotelem, prius quàm singula prædicamenta proponere, tradidisse vniuersalem diuisionem entis realis in decem prædicamenta, & consequenter diuisionem accidentis in nouem. Vnde sequitur ex mente illius, subintelligendum esse ens reale, in explicatione substantiæ: ita vt dicamus, Substantia est ens reale, per se: & in explicationibus prædicamentorum accidentium, accidens reale: & ita definitio relatiuorum sic debet assignari: *Ad aliquid sunt accidentia realia, quorum totum suum esse, est ad aliud referri.* Et per primam particulam excluduntur relationes diuinæ, quæ non sunt accidentia: per secundam, relationes rationis, quæ non sunt accidentia realia: per cæteras verò, excluduntur relationes secundum dici, & transcendentales: quia non sunt rationes referendi ad terminum: sed ad subiectum, aut obiectum;

vel quid simile: relatiua verò huius prædicamenti, ad aliud ordinantur, tanquam ad purum terminum, de quo illam particulam ad aliud intellexit Arist. secundum communem expositionem omnium interpretum.

Conclusio igitur nostra est; Definitionem Arist. ita explicatam esse bonam; quod probatur ex communi consensu totius scholæ, eam recipientis, & etiam ratione. Nam bona definitio est, quæ explicat naturam definiti, & illud distinguit à cæteris: sed hoc efficit præsens definitio relatiuorum: vt constat ex tradita expositione eius: ergo est bona. 30

Ad primum argum. respondent quidam, Relationem duplicem conceptum habere: Communem cum cæteris accidentibus; qui est inhærentiæ in subiecto, actu, vel aptitudine: & vocatur esse, *In*: & Particularem; per quem distinguitur ab eis; qui est referre ad terminum; & vocatur esse, *Ad*: & ratione primi conceptus, concedunt relationem respicere subiectum, sicut cætera accidentia, sed ratione particularis, non respicere subiectum; sed terminum; & ideo totum esse relationis, vt relationis, esse ad terminum; non relationis, vt accidentis. Et posset probari hic modus dicendi, ex D. Thom. 1. p. q. 28. art. 1. vbi aduersus Gilbertum quendam, (qui asserbat; *Relationem nihil ponere in subiecto, aut relatiuo; & ideo non esse inhærentem in eo; sed quasi extrinsecus assistentem.*) docet relationem secundum communem conceptum inhærendi in subiecto, aliquid ponere in relatiuo: & ratione huius, inhærentem esse. Sed secundum conceptum proprium relationis, nihil ponere in eo, sed solum esse rationem referendi ad aliud.

Hæc tamen solutio falsa est, & eidem doctori sancto contraria. 31 Probo primum: quia relatio secundum proprium conceptum, *Ad*, est forma relatiua, & cõstituit subiectum formaliter relatiuum: vt paternitas, sub proprio conceptu paternitatis, est forma relatiua, & cõstituit hominem in ratione formali, & intrinseca patris: ergo secundum proprium conceptum, ponit aliquid reale, & intrinsecum in subiecto, aut relatiuo. Euidens est consequentia: & probatur antecedens: quia denominatio patris, aut similis, & quæcunque alia relatiua, non est extrinseca, sed formalis: sicut denominatio albi, aut calidi: ergo ponit effectum formale in subiecto: effectus autem formalis cuiuslibet realis formæ, realis esse debet: ergo necesse est, aliquid reale in subiecto ponere.

Secundò, quia si relatio secundum esse, *Ad*, nihil ponit in subiecto, aut relatiuo, ergo secundum hunc conceptum non est aliquid reale. Probatur cõsequetia: quia omne ens reale aut est substantia

substantia, aut accidens: ergo aut est ens per se, aut in alio. Sed ratio secundum esse, *Ad*, non est ens per se: cum non sit substantia; nec in alio, cum non ponat aliquid in subiecto: ergo non erit aliquid reale, nec efficiet prædicamentum reale.

32 Pro vera igitur solutione arg. notandum est; Relationem realem, secundum utrumque conceptum, *In* & *Ad*, aliquid ponere in subiecto, diuersa tamen ratione: nam secundum esse, *In*, ponit aliquam rationem communem, & abstrahentem à particularibus prædicamentorum: (eodem modo, quo superius diximus analogum abstrahi ab analogis) sed secundum esse, *Ad*, ponit rationem propriam relatiuam, distinctam à particularibus, quas ponunt cætera prædicamenta. Vt ratio paternitatis, ponit rationem realem patris in homine: sed hæc ratio licet ponatur in subiecto, pure relatiua est: quia sic ponitur in subiecto, ut per illam non sit tale ad se, sed solum ad aliud, nempe ad terminum: cætera uero prædicamenta, ita ponunt aliquid in subiecto, secundum proprios conceptus; ut per illam rationem propriam, ad se sit subiectum, & non referatur ad aliud. Gratia exempli quantitatatis secundum proprium conceptum, ponit extensionem partium in subiecto, per quam in se, & ad se dicitur extensum: sed paternitas ita ponit rationem realem patris in homine, ut per illam non sit tale ad se, sed ad filium, sicque de cæteris relationibus.

Et hoc modo intelligi debet D. Th. dum in citato loco asserit; *Relationem secundum esse, In, ponere aliquid in subiecto: sed secundum esse, Ad, nihil ponere speciale, per quod sit tale ad se*, sicut ponunt cætera prædicamenta, sed pure, & omnino ad aliud. Quem sensum clarissime posuit alio loco, per quem hunc explicauimus, nempe in 1. lib. sent. d. 8. q. 4. ar. 3. ad 4. ubi ita ait: *Debiliter esse relationis, consideratur secundum inhaerentiam sui ad subiectum, quia non ponit aliquid absolutum in subiecto, sed tantum per respectum ad aliud.*

33 Si autem aliquis dicat: Iam ergo ratio non solum secundum conceptum communem accidentis, inhaerebit subiecto, sed etiam secundum proprium, & ultimum relationis, qui vocatur esse, *Ad*, aduersus illud, quod ex D. Th. adduximus, questione præcedenti; uidelicet conceptum proprium relationis, non sumi in ordine ad subiectum, sicut sumuntur conceptus proprii accidentium absolutorum, sed in ordine ad terminum: Præterea habebit ratio duos conceptus qui vocentur, *In*; vnum commune cum accidentibus absolutis, & alium sibi proprium. Probatur consequentia: quia tam secundum communem rationem, quam secundum particularem, ponit aliquid in subiecto: ergo secundum utramque ei inhaeret, & in eo est.

Respondeo ad primum: Secundum utrumque conceptum, inhaerere

inhæreere subiecto; diuersa tamen ratione: nam secundum communem inhæret inhærentia communi, cum cæteris, & abstracte ab inhærentia absoluta, & respectiua: sed secundum conceptum proprium inhæret inhærentia purè relatiua: quod est inhæreere referendo ad aliud. Quod verò D. Tho. dixit, proprium conceptum relationis, nō sumi in ordine ad subiectum, vt in accidentibus absolutis, verissimum est: sic autem intelligendum, vt non sumatur in ordine ad subiectum; vt *In se*, & *Ad se* est; sed vt refertur ad aliud; per eandem rationem relatiuam, in eo positam. In quo valde differt ratio, propria relationis, à rationibus particularibus accidentium absolutorum, quæ sumuntur in ordine ad subiectum; vt est in *se*, & *ad se*, non vt est ad aliud, per tales rationes.

Ad aliud verò respondeo; Relationem habere esse, *In*, commune, cum cæteris accidentibus; & esse, *In*, particulare, per quod subiectum refert ad terminum; & per hoc esse, *In*, particulare, determinatur aliud, *In*, commune; & fit vna ratio prædicamentalis ex utroque: quia ex determinante per se, & determinabili, per se, semper fit vnum per se: sicut quodlibet accidens absolutum, habet esse, *In*, commune, & particulare; & ex utroque efficitur vnum. 34

Ad formam igitur primi arg. Concedendum est primum enthymema; quò probatur relationem habere duplicem conceptum: Vnū, quo respicit subiectum; Alium, quo respicit terminum. Negandum tamen est; quod inferitur, totum esse relationis, & relatiui; non esse ad terminum: quia illud esse, quod habet in subiecto; si consideretur in communi, abstrahit ab absoluto, & relatiuo, & contrahitur per esse ad terminum: & per talem contractionem, ordinatur ad illum, & fit relatiuum: si verò consideretur in particulari; est esse proprium relationis: & ideo est esse relatiuum: vnde sequitur, relatiuum esse; quidquid habet relatio, & quidquid habet relatiuum: & hoc est *totum esse relationis, & relatiui, esse ad aliud*; vt dicitur in definitione Aristoteli. Ad confirmationem; responsum est, per explicationem definitionis.

Circa solutionem secundi arg. aliqui distinguunt relatum, & relatiuum, dicentes; Relatiuum dicere potentiam ad referendum, relatum verò, actualè exercitium referendi: & in definitione potius explicari ad aliquid, vt relatum; quàm vt relatiuum. Hæc tamen distinctio, non habet fundamentum: quia, vt superius probauimus, exercitium referendi, vel actus referendi, non est aliud quàm naturalis ipsa ordinatio, vnius relatiui ad aliud: quæ semper eodem modo se habet, & semper est actualis, 35

actualis; & semper exercetur inter relatiua: quòd necessario dicendum est: nam eo ipso, quòd vnum relatiuum non referatur actu, vel in exercitio ad aliud, non habebit actu in se relationem, nec erit relatiuum formaliter: & eo ipso, quòd habet in se relationem, non potest non referri actu, & secundum exercitium. Idem ergo prorsus sunt, secundum rem, & secundum rationem, relatum, & relatiuum: sed illud magis distinctè explicat actum referendi; quia etiam minùs distinctè dicit aliud: ideo in definitione Aristot. pro utroque sumitur nomen, ad aliquid: & actum referendi dicit, non potentiam.

Ad argumen. ergo respondetur; Distinguendo illud axioma; quòd verba in definitione non dicunt actum, sed aptitudinem: nam res, quæ definiuntur, sunt in duplici differentia. Quædam enim sunt, quarum ratio, vel essentia in aptitudine, vel potentia consistit: & istæ, licet definiantur per verba significantia actum; non pro actu, sed pro potentia accipiuntur in definitione: & ratio huius est: quia actus in his, non potest esse essentialis: & ideo non bene definiuntur per actum. Aliæ sunt; quarum ratio, vel essentia, non consistit in aptitudine, sed in actu: & in definitione harum, nō possunt verba accipi pro aptitudine: quia si ita accipiantur, non explicabunt naturam definiti: Sed pro actu debent accipi, vt rationem eius explicent. Vt si definiatur quātum, pro eo, quòd habet partem extra partem, secundum extensionem molis: non possunt verba huius definitionis, dicere aptitudinem; sed actum: quia ratio extensionis, in actu consistit, non in aptitudine: sicque de cæteris. Et ita se habet relatiuum, cuius ratio, in actuali ordinatione; & relatione consistit: ideo verba definitionis eius pro actu, & non pro aptitudine accipiuntur.

Q V Æ S T I O V.

Utrum omnes relationes pertineant ad hoc prædicamentum.

36 **T**Anquam certum præsupponendum est; nec Diuinas relationes, nec etiam relationes rationis, collocari in hoc prædicamento: quia, vt in præcedenti quæst. probauimus; prædicamentum ad aliquid, est membrum quoddam generalis diuisionis accidentis realis. in nouē prædicamenta: & ideo relatiuum, quod est supremum genus, est accidens reale, atque finitum: quare nec relationes Diuinæ; cū sint substantiales, & infinitæ, possunt pertinere ad hoc prædicamentum; nec relationes rationis: quia non sunt accidentia realia.

Solum.

Solum ergo procedit quæst. de relationibus realibus creaturæ; *An omnes ponantur in hoc predicamento?* verum non distinguuntur ab omnibus eodem modo: nam quidam asserunt, *Esse eas res in triplici differentia*: Quædam sunt transcendentales, quæ in rebus diuersorum prædicamentorum reperiuntur, eisque essentialiter conueniunt, quasi complementum essentiæ: tales sunt respectus inclusi, in essentia cuiuslibet accidentis, per quos ordinatur ad subiectum, cui inhaerere aptum est. Aliæ sunt relationes; quæ non omnibus accidentibus 38 vniuersaliter conueniunt, sed quibusdam tantum: in quorum essentiis, etiam includuntur: vt respectus, quem dicunt habitus, potentiæ, & scientiæ ad propria obiecta, & istæ vocantur relationes secundum dici.

Aliæ denique sunt relationes, quæ nulli conueniunt essentialiter, sed accidentaliter conueniunt multis: & dicuntur relationes secundum esse: vt paternitas, similitudo, & æqualitas. Alij verò solum has vltimas relationes admittunt: & nullam prorsus ex iis, quæ ad essentiam alicuius absoluti pertineant. Sic videtur sentire Scot. in 4. d. 12. q. vnica. Probaturque non esse admittendas. Primò; quia quidquid pertinet ad essentiam substantiæ, est substantia: & quidquid pertinet ad essentiam quantitatis, est quantitas: ergo si relationes reales dantur, quæ pertineant ad essentiam omnium rerum absolutarum, erunt res absolute: vt in substantia, erunt substantiæ, in quantitate, quantitas, & in qualitate, qualitas. Et si ad essentiam aliquarum rerum tantum pertineant; vt ad essentiam habitus aut potentiæ, erunt etiam potentiæ, & habitus. Hæc autem falsa sunt: ideo falsum erit tales relationes ponere.

Probatur secundò: quia si intra essentiam absolutorum admittantur relationes istæ, aliud absurdum erit concedendum: nempe, quod tales essentiæ componantur, ex entitate absoluta, & relatiua, diuersis non solum specie, sed genere.

Alij denique præter relationes accidentales, vel secundum 39 esse; admittunt intra essentiam absolutorum transcendentales: non tamen relationes secundum dici, nisi solo nomine: nam habitus inquirunt, potentia, & scientia, purè absoluta sunt; nec dicunt respectum realem ad obiecta, sed absolutam proportionem cum eis: quam proportionem non possumus intelligere, nec explicare, nisi per quendam respectum, quem intellectus concipit in eis: & ideo de eis loquitur; quasi de respectiuis: cum tamen non sint verè respectiua, sed absoluta: licet in communi modo loquendi, respectiua dicantur: & propterea appellentur relatiua secundum dici.

Ultimus modus dicendi, concedit, præter relationes secundum esse, transcendentales; & secundum dici, & utraque pertinere ad essentiam absolutorum: sed eas ita confundit, ut omnes esse appellandas transcendentales asserat: & ita relationem realem creatam, in duo tantum membra diuidendam esse; nempe in transcendentalem, & prædicamentalem: ita ut sub primo membro, tam respectus, qui omnibus prædicamentis absolutis essentialiter conueniunt, quam qui aliquibus tantum, comprehendantur. Sub secundo verò, solum relationes accidentales, quæ vocantur secundum esse, & pertinent ad hoc prædicamentum. Nostre sententia tribus conclusionibus explicatur. Prima est: Necessè est ponere respectus quosdam reales, pertinentes ad essentiam *accidentium absolutorum: ut respectus, quem includit inheretia aptitudinalis eorum ad subiectum, & habitudinis, & potentia ad obiectum: & respectus isti, diminute quadam relationes sunt, complentes essentiam absolutorum.* Hanc conclusionem tenet D. Thom. 1. par. q. 13. art. 7. ad 1. & quest. 28. art. 1. Caiet. in opusc. de ente & essentia, cap. 7. qu. 15. Et probatur testimonio Arist. 2. lib. de anima, tex. 33. ubi docet; *Essentiam specificam potentiarum, ab actibus, & obiectis sumendam esse*: quod non potest esse verum; nisi respectum essentialem ad obiectum includant. Nam euidentius est, non sic accipiendam esse essentiam specificam potentia ab obiecto ut obiectum sit de essentia eius cum sit semper res diuersa ab ea; ergo necesse est sumi per respectum eiusdem potentia ad obiectum: ideo talis respectus esse ei essentialis. Probatur consequentia: quia si nec obiectum, nec respectus ad ipsum est de essentia potentiarum, nullo modo accipietur species earum ab obiectis.

41 Probatur deinde ratione, quia accidentia non sunt entia simpliciter, sed entis entia, hoc est, aliquid substantia, ad quam intrinsecam attributionem dicunt: sed talis attributio, non potest esse, neque intelligi, nisi per aliquem respectum ad eandem substantiam, inclusum in essentia accidentium: ergo necessariò ponendi sunt respectus isti essentialis, in omnibus accidentibus absolutis.

24 Secunda conclusio: *Ex his respectibus ad essentiam absolutorum pertinentibus, plures sunt transcendentales, & plures etiam prædicamentales.* Probatur primum: quia transcendentale dicitur illud; cuius propria ratio transcendit omnia prædicamenta vel saltem plura: sed respectus aptitudinalis inheretia ad subiectum, quem in sua essentia includit accidens, transcendit omnia prædicamenta accidentium sicut accidens ipsum: ergo erit relatio transcendentalis.

Probatur

Probatur secundum, ratione opposita, nam transcendens est, quod multis prædicamentis est commune: sed dantur plures respectus essentiales rebus absolutis, qui non possunt ad plura prædicamenta pertinere: ergo non erunt transcendentales. Probatur minor: quia respectus habituum, & potentiarum ad sua objecta, non possunt ad plura se extendere, quam habitus ipsi, atque potentie, quibus sunt essentiales: sed habitus, & potentia solum pertinent ad prædicamentum qualitatis; imò solum ad determinata genera huius prædicamenti: ergo nec sunt, nec dici debent transcendentales.

Tertia conclusio; *Ex tribus generibus relationum, nempe transcendentium, secundum dici, & secundum esse, transcendentales ad nullum prædicamentum pertinent, relationes secundum dici pertinent ad prædicamentum absolutum, cuius essentiam complent, relationes vero secundum esse, aut accidentales, constituent prædicamentum relationis.*

Probanda sunt tria hæc: & primura, de respectibus transcendentalibus facile probatur, ex ipsamet transcendentia: nam quod transcendens est, ad nullum speciale prædicamentum pertinere potest: ergo relationes istæ transcendentales, ab omni prædicamento excluduntur. Probatur antecedens, quia prædicamenta continent determinatum modum essendi; ut substantia modum per se, quantitas modum extensionis: sed transcendens non est determinatum ad aliquem modum essendi, sed comprehendit multos: ergo non potest ad speciale prædicamentum pertinere.

Secundum verò, de relationibus secundum dici, sic probatur: 43
Respectus quem dicunt potentia, & habitus ad objecta, complent essentiam eorum: ergo pertinent ad essentias, quas complent, tanquam aliquid earum: quare necesse est in eodem prædicamento collocari, & sub eodem genere: sub quo sunt tales essentia. Quod intelligendum est reductivè tantum, sicut partes reducuntur ad prædicamentum, & speciem totius, & non per se, & directè: quia incomplerum aliquid sunt, atque diminutum, & qui non possunt per se efficere speciem, nisi simul cum absoluto, cuius essentiam complent: ut si solum respectum potentie, aut habitus ad objectum intelligas, non intelligendo absolutam rationem qualitatis, nihil completum, aut prædicamentale intelligis: quia respectus isti, essentialiter coniunguntur cum absoluta ratione qualitatis, quam complent: & ideo nihil completum sine illa intelliguntur constituere: unde nec nomina potentiarum, & habituum imponuntur ad significandos hos respectus, sed principalem rationem qualitatis

factis, quam consequuntur, vt bene ait D. Th. 1. par. q. 13. art. 7. ad 1. & quæ. 7. de potentia, art. 10. ad 11. ideo nec per se constituuntur in prædicamento, sed per absolutum. Et hinc sequitur non pertinere ad prædicamentum ad aliquid, nec vocari relationes prædicamentales; sed secundum dici ab Aristot. Et ratio huius denominationis est: quia tales ab antiquis dicebantur, & cum veris, & prædicamentalibus confundeantur: cum tamen non sint relationes secundum esse; sed solò nomine harum gaudeant.

44 Tertium denique, quod relationes, quæ nulli sunt essentialis, sed accidentaliter semper conueniunt, efficiant per se hoc prædicamentum; communis est consensus totius scholæ. Et ratio eius colligitur, ex differentia earum à relationibus transcendentalibus, & secundum dici: quæ cum pertineant ad essentiam absolutorum, quam complent, incompleti quidam respectus sunt, & aliquid eorum: & ideo non possunt per se constituere rationem prædicamentalem, sed simul cum eisdem absolutis. Relationes verò, quæ extra essentiam omnium absolutorum sunt; primò habent modum naturæ completæ: quia nihil essentialiter alicuius sunt, sed per se habent proprium modum essendi, ad aliquid, qui sit integra, atque completa ratio prædicamentalis, sicut cætera accidentia prædicamentalia, & consequenter sua genera, species, ac differentias; ex quibus per se potest fieri ordinatio prædicamentalis. Habent etiam secundò; quod sint totum esse essentialiter relatiuorum; ita vt nihil præter relationes ipsas essentialiter includant: & ideo sic definita sunt ab Aristot. *Relatiua sunt quorum totum suum esse sit, ad*

45 *aliud se habere.* Cōueniunt igitur relationes istæ cum transcendentalibus; in eo, quod nihil absolutum dicunt, sed totum esse earum est, esse rationes referendi ad aliud: differunt tamen in duobus. In primo quidem: quia respectus secundum dici, non sunt tota ratio, totum esse, aut tota essentia relatiuorum: sed quoddam complementum eorum: & ideo ea, quorum complementum sunt; non sunt relatiua simpliciter, sed simpliciter absoluta: & ex consequenti dicuntur quodam modo relatiua, & ex hoc sequitur secunda differentia; quod respectus isti non sunt ad aliud, tanquam ad terminum, sed tanquam ad subiectū, vel obiectum: vt petit natura absoluti, quod complent: relationes verò prædicamentales, non solū non dicunt aliquid absolutum, sed sunt tota ratio, tota essentia, totum esse relatiuorum; quæ constituunt: & ideo relatiua ab eis constituta, nihil absolutum dicunt, sed totum suum esse, est referri ad aliud, non quidem tanquam ad obiectum, vel subiectum, sed tanquam ad

Probatur secundum, ratione opposita, nam transcendens est, quod multis prædicamentis est commune: sed dantur plures respectus essentiales rebus absolutis, qui non possunt ad plura prædicamenta pertinere: ergo non erunt transcendentales. Probatur minor: quia respectus habituum, & potentiarum ad sua objecta, non possunt ad plura se extendere, quam habitus ipsi, atque potentia, quibus sunt essentiales: sed habitus, & potentia solum pertinent ad prædicamentum qualitatis: imò solum ad determinata genera huius prædicamenti: ergo nec sunt, nec dici debent transcendentales.

Tertia conclusio: *Ex tribus generibus relationum, nempe transcendentalium, secundum dici, & secundum esse, transcendentales ad nullum prædicamentum pertinent, relationes secundum dici pertinent ad prædicamentum absoluti, cuius essentiam complent, relationes vero secundum esse, aut accidentales, constituunt prædicamentum relationis.*

Probanda sunt tria hæc: & prima, de respectibus transcendentalibus facile probatur, ex ipsamet transcendentia: nam quod transcendens est, ad nullum speciale prædicamentum pertinere potest: ergo relationes istæ transcendentales, ab omni prædicamento excluduntur. Probatur antecedens, quia prædicamenta continent determinatum modum essendi: ut substantia modum per se, quantitas modum extensionis: sed transcendens non est determinatum ad aliquem modum essendi, sed comprehendit multos: ergo non potest ad speciale prædicamentum pertinere.

Secundum vero, de relationibus secundum dici, sic probatur: 43
Respectus quem dicunt potentia, & habitus ad objecta, complent essentiam eorum: ergo pertinent ad essentias, quas complent, tanquam aliquid earum: quare necesse est in eodem prædicamento collocari, & sub eodem genere: sub quo sunt tales essentia. Quod intelligendum est reductivè tantum, sicut partes reducuntur ad prædicamentum, & speciem totius, & non per se, & directè: quia incompletum aliquid sunt, atque diminutum, & qui non possunt per se efficere speciem, nisi simul cum absoluto, cuius essentiam complent: ut si solum respectum potentia, aut habitus ad objectum intelligas, non intelligendo absolutam rationem qualitatis, nihil completum, aut prædicamentale intelligis: quia respectus isti, essentialiter coniunguntur cum absoluta ratione qualitatis, quam complent: & ideo nihil completum sine illa intelliguntur constituere: unde nec nomina potentiarum, & habituum imponuntur ad significandos hos respectus, sed principalem rationem qualitatis

tatis, quam consequuntur, vt bene ait D. Th. 1. par. q. 13. art. 7. ad 1. & quæ. 7. de potentia, art. 10. ad 11. ideo nec per se constituuntur in prædicamento, sed per absolutum. Et hinc sequitur non pertinere ad prædicamentum ad aliquid, nec vocari relationes prædicamentales; sed secundum dici ab Aristot. Et ratio huius denominationis est: quia tales ab antiquis dicebantur, & cum veris, & prædicamentalis confundebantur: cum tamen non sint relationes secundum esse; sed solo nomine harum gaudeant.

- 44 Terrium denique, quod relationes, quæ nulli sunt essentielles, sed accidentaliter semper conueniunt, efficiant per se hoc prædicamentum; communis est consensus totius scholæ. Et ratio eius colligitur, ex differentia earum à relationibus transcendentalibus, & secundum dici: quæ cum pertineant ad essentiam absolutorum, quam complent, incompleti quidam respectus sunt, & aliquid eorum: & ideo non possunt per se constituere rationem prædicamentalem, sed simul cum eisdem absolutis. Relationes verò, quæ extra essentiam omnium absolutorum sunt; primò habent modum naturæ completæ: quia nihil essenziale alicuius sunt, sed per se habent proprium modum essendi, ad aliquid, qui sit integra, atque completa ratio prædicamentalis, sicut cætera accidentia prædicamentalia, & consequenter sua genera, species, ac differentias; ex quibus per se potest fieri ordinatio prædicamentalis. Habent etiam secundò; quod sint totum esse essenziale relatiuorum; ita vt nihil præter relationes ipsas essentialiter includant: & ideo sic definita sunt ab Aristot. *Relatiua sunt quorum totum suum esse sit, ad aliud se habere.* Cõueniunt igitur relationes istæ cum transcendentalibus; in eo, quod nihil absolutum dicunt, sed totum esse earum est, esse rationes referendi ad aliud: differunt tamen in duobus. In primo quidem: quia respectus secundum dici, non sunt tota ratio, totum esse, aut tota essentia relatiuorum: sed quoddam complementum eorum: & ideo ea, quorum complementum sunt; non sunt relatiua simpliciter, sed simpliciter absoluta: & ex consequenti dicuntur quodam modo relatiua, & ex hoc sequitur secunda differentia; quod respectus isti non sunt ad aliud, tanquam ad terminum, sed tanquam ad subiectũ, vel obiectum: vt petit natura absoluti, quod complent: relationes verò prædicamentales, non solum non dicunt aliquid absolutum, sed sunt tota ratio, tota essentia, totum esse relatiuorum; quæ constituunt: & ideo relatiua ab eis constituta, nihil absolutum dicunt, sed totum suum esse, est referri ad aliud, non quidem tanquam ad obiectum, vel subiectum, sed tanquam ad

purum terminum: quia relatio à qua sola cōstituuntur, non petit aliud sub aliqua ratione particulari, ad quam ordinet relationum, quod constituit, sed sub ratione præcisa termini.

Ad primum arg. secundæ opinionis, contrariæ relationis secundum dici, distinguendum est antecedens. nam esse Substantiam, quidquid pertinet ad essentiam substantiæ: & quantitatē, quidquid pertinet ad essentiam quantitatis duobus modis intelligi potest: In recto, & in obliquo. Et primo modo, negandum est, quia non est necessarium; rem aliquam prædicari in recto: de quocunque eius modo, aut complemento: ita ut dicatur simpliciter substantia, aut quantitas: bene tamen in obliquo: ita ut dicatur aliquid substantiæ, vel quantitatis: & hoc modo verum est, hos respectus esse absolutos, vel substantias, id est, aliquid rerum absolutarum, vel substantiæ.

Ad secundum: Negandum est, quod sequatur absoluta illa, in quibus clauduntur isti respectus, composita esse ex absoluto, & respectivo: quia non includuntur in rebus absolutis, per modum generis, aut differentiæ, aut per modum cōpositionis, sed tam in genere, quam in differentia, atque in specie ipsa ex eis composita, per modum cuiusdam complementi: tam compositorum, quam componentium, vnde non sequitur compositionem aliquam cum eis facere.

Q V Æ S T I O VI.

An species relationis prædicamentalis, à termino sit accipienda.

DE sola relatione prædicamentali procedit quæstio, non de relationibus transcendentalibus, nec secundum dici: quas probauimus quæstione præcedenti, non pertinere ad hoc prædicamentum. Vt autem melius intelligantur, quæ de relatione dicenda sunt, quasdam diuisiones relatiuorum adducere oportet. Relatiuum igitur, quod est supremum genus huius prædicamenti, primo diuiditur in tria genera intermedia, secundum tria fundamenta, in quibus fundatur, enumerata ab Aristot. 5. lib. Metaph. cap. 15. Primum genus relatiuorum est eorum, quæ fundantur in vnitate, vel diuersitate generica, aut specifica; & habet sub se tria alia genera, vel species, secundum diuersa fundamenta, in quibus reperitur vnitas, aut diuersitas. Nam si reperitur in Substantia, erit relatio identitatis, vel diuersitatis; si in Qualitate, relatio similitudinis, aut dissimilitudinis; & si in Quantitate, relatio æqualitatis, vel inæqualitatis. Secundum genus relatiuorum est eorum, quæ fundantur in

tur in actione, & passione: vt relationes paternitatis, & filiationis: & habet alia genera, vel species subalternas: secundum diuersas actiones, de præsentī, præterito, & futuro. Tertium, eorum, quæ fundantur in mensura, vt relationes potentiarum, & scientiarum, sub nomine mensurabilis, ad sua obiecta sub nomine mensuræ: nam obiectum dicitur mensura scientiæ, & potentiæ: & scientia, atque potentia, mensurabilis per obiectum: ex eo, quod ad nihil potest vtraque extendi, aut circa nihil versari, quod non contineatur sub proprio obiecto.

- 48 Secunda diuisio, minus vniuersalis est: quia diuiditur relatiuum, in Mutuum, & non mutuum. Relatiua mutua sunt, quorum vtrumque dicitur tale, per relationem realem: vt pater, & filius: Non mutua, quorum vnum tantum dicitur tale, per relationem realem: in altero verò, talis relatio non est, vt mensurabile, & mensura: nam illud dicitur tale, per relationem realem: hæc verò non habet talem relationem.

Tertia diuisio est: Relatiua alia sunt Equiparantiæ, alia disquiparantiæ. Equiparantiæ, quæ eiusdem rationis, & denominationis sunt, vt similia, æqualia. Disquiparantiæ dicuntur, quæ diuersæ rationis sunt, & denominationis, vt pater, & filius. Quodlibet autem horum generum, suas habet species, & de omnibus, & singulis, quærit titulus quæstionis, *A quo sumant distinctionem specificam, an à termino, vel ab aliquo alio.*

Et prima opinio, videtur esse D. Thom. 3. p. q. 35, art. 5. & quodlib. 9. art. 4. *Quod relatio, aut relatiuum, non sumat speciem à termino, sed potius à causa, per quam producitur: Quod probat hoc argum. Quia si relatio sumeret speciem à termino, sequeretur in vtroque parente, eandem esse relationem ad filium. Probatur consequentia: quia filius vnicus terminus est; ergo relatio patris, & matris, ad eum terminata, erit eadem. Sed consequens est falsum; ergo etiam antecedens, quod relatio sumat speciem à termino. Probatur minor: quia pater est causa efficiens filij, mater verò passiuæ tantum; ergo habet rationes causarum, specie diuersas: quas necessitati cōsequitur diuersa relatio in vtroque: paternitatis in patre, & maternitatis in matre.*

- 49 Secundo probatur: Quia species debet sumi ab aliquo intrinseco, quod sit differentia essentialis eius: sed terminus relationis, est res diuersa à relatione, & ei extrinseca, vt pater respectu filiationis; ergo non potest sumi ab eo species. Et si respondeas, non ita sumi speciem à termino, vt terminus ipse sit differentia specifica relationis: sed ordinatio ad terminum. Contra hoc est: quod relatio ipsa, est ordinatio ad terminum: ergo si ex ordine, aut ordinatione ad terminum, sumitur

Species eius, sumet speciem à seipsa: quod patet esse falsum.

Pro hac etiam sententia, adduci potest testimonium Arist. quia tria genera relationum distinguit (vt vidimus) non per diuersos terminos, sed per diuersa fundamenta: ergo sentit non esse sumendam speciem relationis à termino.

Secunda opinio est communis, & vera; Quòd relatio, aut 50
relatiuum, sumit suam speciem à termino: ita vt illæ relationes sint eiusdem speciei: quæ habent terminum eiusdem speciei: vt omnes paternitates, omnes similitudines: illæ verò sint specie distinctæ, quæ habent terminos specie distinctos: vt similitudo, & dissimilitudo. Probatur ex definitione Arist. quæ ait: *Relatiua esse, quorum totum suum esse, est referri ad aliud*, hoc est, ad terminum; ergo talis erit relatio, qualis fuerit terminus, ad quem refert: & hoc est ab eo accipere speciem. Et D. Thom. absque dubio tenet eandem sententiam, 3. p. q. 32. art. 2. vbi sic ait: *Cum ratio specifica relationis, consistat in hoc, quod ad aliud se habet, necesse est dicere, quod duæ relationes, non sunt diuersa secundum speciem, si ex opposito una relatio eis correspondeat.*

Probatur etiam ratione: Quia ex quatuor generibus causarum, relatio non habet materiam, & formam; quæ sunt causæ intrinsecæ, à quibus (saltem à forma) posset sumere speciem: quia, vt superius probauimus, accidentia non componuntur ex materia, & forma; solum ergo habet causam efficientem, à qua producitur: & finem, seu terminum, in quem ordinatur relatiuum: sed à causa efficiente, non sumunt res suam speciem: quia extrinseca prorsus est: ergo solum restat causa finalis, quæ est terminus, in quem essentialiter ordinatur relatiuum: quare ab eo sumet suam speciem.

Sed, vt melius intelligatur hæc specificatio relationis; Notandum est, Relationem, sicut cætera accidentia, non habere 51
compositionem Physicam, ex materia, & forma, sed Metaphysicam, ex genere, & differentia. Vt ergo intelligatur, à quo sumat speciem, explicandum est, à quo sumatur genus, & differentia eius: & quonam modo assignari possit definitio quidditatiua cuiuslibet relationis. Genus igitur relationis, sumitur à tota eius natura, sub communi conceptu referendi ad terminum considerata. Differentia verò, ab eadem concepta, sub conceptu speciali, & ultimo determinante genus: nempe ex eo, quòd sit ordinatio ad talem terminum: vt Genus paternitatis, erit communis conceptus relationis realis, qui dicit esse ordinem, vel ordinationem ad terminum. Differentia verò, esse ordinationem ad filium: & ideo definitio paternitatis talis erit: Paternitas est ordo, aut ordinatio patris, ad filium: & sic

& sic de cæteris relationibus. Itaque terminus relationis, non est differentia specifica relationis, seu esse ordinationem ad talem terminum, qui extrinsecus est relationi: sed esse ordinationem ad illum intrinsecum: & quia talis est ordinatio, quod est ad talem terminum, ideo dicitur relationem sumere speciem à termino, per quem cognoscenda, & definienda est relatio, & relatiuum.

52 Ex hac doctrina constat solutum esse secundum arg. quia nec relatio sic specificatur à termino vt terminus: vt sit differentia essentialis eius: nec specificatur à seipsa, sed à propria differentia: quæ ab eius natura sumitur, vt consideratur sub conceptu determinato, & ultimo ordinationis ad talem terminum: per quem conceptum contrahitur communis, & genericus.

Vt testimonium Arist. explicetur, notandum est: Fundamenta esse causas relationum: vel quia ab eis aliquo modo producantur: vel si aliquando non producantur ab eis, naturali saltem sequela, positis fundamentis sequuntur: vnde ex fundamentis diuersæ rationis, semper sequuntur relationes diuersæ speciei. Et ita concedi potest, quod à fundamentis sumatur species relationum, aut relatiuorum, quasi causaliter: sed à terminis, quasi formaliter. Inter hos autem duos modos sumendi speciem relationum, patet secundum esse magis proprium, quem posuit Arist. in definitione relatiuorum: & hæc est causa: propter quam communis modus loquendi scholæ, eo potius quam primo vititur: sed Arist. & D. Thom. per fundamenta distinguunt illis locis: quia aliquando notiora nobis sunt & quia modus ille distinguendi, non contradicit proprio, & formali, sed eum infert: vnde per illum distinguentes, non negant proprium, quo ferè semper vtuntur.

An filio, correspondeat duplex relatio, una in patre, & alia in matre, vel eadem in utroque parente.

53 **S**olutionem primi arg. in vltimum locum remisimus: quia circa illam dubium hoc (licet breuissime) disputandum est, An in patre, & matre vnica sit relatio ad filium, vel duplex, atque diuersa: nempe paternitatis in patre, & maternitatis in matre.

Et est prima opinio D. Thom. 3. p. quæst. 35. artic. 5. quam sequitur ibidem Caiet. & Ferrar. 2. lib. contra gentes, capit. 14. *Quod duplex sit, ac diuersa relatio in patre, & matre: quæ in eo fundatur, quod Aristot. quem sequitur D. Thom. asserit, Patrem, & matrem diuerso modo, aut in diuerso genere causa concurrere ad generationem filij: patrem quidem tanquam causam efficientem,*

matrem verò tanquam materialem: sed effectus, diuerso modo, diuersaque dependentia dependet à diuersis genetibus causarum, & diuerso modo ab eis respicitur; ergo per diuersas relationes: & ita pater refertur ad filium, relatione causæ efficientis: quæ dicitur paternitas: mater verò per relationem principij passiuæ, significatam nomine maternitatis. Et hæc sententia consequenter ponit, duplicem relationem, ratione saltem diuersam in filio: vnā, per quam refertur ad patrem, & aliam, per quam refertur ad matrem: nam cum relatio sumat speciem à termino, impossibile est, quòd duæ relationes speciei diuersæ, habeant eundem terminum formalem: vnde cum filius terminet relationes diuersas, vtriusque parentis, necesse est per duas alias relationes, formaliter diuersas eas terminare, sed ambæ significantur eodem nomine filiationis.

Secunda opinio opposita tenet: *In patre, & matre, esse vnā 14
relationem totalem, & completam*, sed quasi compositam ex duabus relationibus partialibus, & eiusdem rationis patris, & matris: & in filio non nisi vnā ei correspondere: per quam refertur ad vtrumque parentem, tanquam ad terminum adæquatū, & ad vtrumlibet, tanquam ad terminum inadæquatū. Ita Fonseca 5. Metaph. c. 15. q. 5. sect. 3. & habet oppositum fundamentum, videlicet patrem, & matrem, in eodem genere causæ efficientis concurrere ad generationem filij: tanquam vnā causam totalem, & adæquatam, quasi ex duplici causa partiali compositam. Ita enim sentit Galenus: quem omnes Medici sequuntur, & (quibus magna fides in hac re tribuenda est) cum eis Scotus in 3. d. q. 1. Ex hoc autem fundamento euidenter sequitur, quòd in patre, & matre, non sint relationes eiusdem speciei. Probatur consequentia: quia si eodem modo, atque in eodem genere causæ efficientis, & proximè concurrunt ad generationem filij eodem modo ab eis dependebit: eodem etiam modo ab eis respicietur: quare per relationem eiusdem speciei, sed partialiter distinctam in vtroque: quia diuersæ sunt causæ partiales, & diuersa subiecta, in quibus non potest idem numero accidens reperiri, & possumus exemplum adducere, de multis hominibus trahentibus nauim, in quibus diuersæ sunt relationes partiales, & inadæquatæ, ad eundem effectum: sed ex omnibus integratur vna totalis, & adæquata.

Nostra autem sententia est: probabilem esse vtramque opinionem, non solum propter patrones doctissimos; sed propter probabilia fundamenta: ideo liberum eris cuique hanc vel illam pro libitu sequi.

QVÆSTIO VII.

An terminus relationis, sit formaliter absolutus; vel formaliter relatiuus.

55 **T**Ria sunt in relatiuo, Subiectum, Fundamentũ, & Relatio. Subiectum, est res ipsa, quæ denominatur à relatione. Fundamentum verò, ratio, aut medium, per quod confurgit in ea relatio: & hæc est, per quam formaliter dicuntur relatiua: vt in patre est homo, qui denominatur pater, à relatione: est generatio, vel potentia generandi, in qua fundatur relatio: & est Relatio ipsa paternitatis. Ex his tribus certum est, Subiectum non esse terminum relationis, nisi materialem; & quasi remotum: de quo non procedit quæstio, sed de duobus aliis: quorum ratione subiectum potest proximè terminare relationem. Et cum fundamentum absolutum sit vel modum absoluti habeat, ideo titulus quæstionis quærit: *An terminus relationis, per quam vnum refertur ad aliud, sit subiectum ipsum, ratione fundamenti, quod absoluta res est; vel ratione relationis*: nam si ratione primi sit terminus, terminabitur relatio ad absolutum formaliter: si verò ratione relationis, terminabitur formaliter ad relatiuum.

56 Sed duo possumus considerare in relatione. Primum, quod sit ratio referendi vnum ad alterum. Secundum, quod sit ratio terminandi relationem alterius: vt in paternitate, quod sit ratio referendi patrem ad filium: & quod sit ratio, per quam idem pater, terminet relationem filiationis: & cum rationes istæ sint diuersæ, in eadem relatione, certum est, per relationem, secundum primam considerationem, vnum relatiuum non terminare relationem alterius: solum potest esse dubium, an terminet per eam secundo modo consideratam.

Et in hoc sensu quæritur, *An terminus relationis, sit formaliter relatiuus*? id est an terminet per suam relationem, saltem secundo modo consideratam, relationem alterius.

Et circa quæstionem sic explicatam, sunt tres opiniones: duæ extremæ, & tertia media. Prima opinio extrema, asserit, *Vnum relatiuum semper, & in quocunque genere relationum, terminare relationem alterius, per propriam relationem, & nunquam per fundamentum, aut rationem absolutam*. Ita Caiet. 1. p. quæst. 13. art. 7. quem sequuntur nonnulli ex modernis.

57 Probant, ex duplici proprietate relatiuorum, approbata ab Arist. & omnibus, nempe, *Quod relatiua sint simul natura, & simul cognitione, & definitione*: ita vt nec vnum possit esse prius

natura quàm alterum: nec cognosci sine cognitione alterius: nec definiri, nisi alio definito: quæ omnia manifesta sunt in patre, & filio: sed nihil horum potest eis conuenire, nisi vt relatiuus: ergo vt talia, referuntur vnum ad alterum, & vnum terminat relationem alterius. Probatur minor: quia pater, ratione fundamenti est prior natura filio: & filius posterior: cum per potentiam generandi, & generationem actiuam, quæ sunt fundamentum relationis, sit causa illius: & causa sit prior natura effectui: & eadem ratione potest cognosci, & definiri sine filio; ergo hoc modo, non poterit vnum terminare relationem alterius: & ideo solum per relationem possunt se terminare.

Sed quia relationis aliæ sunt mutua, & aliæ non mutua: quæ solum reperiuntur in vno extremo, aliud verò absolutum est: & ideo tale non videtur posse terminare aliud per relationem, sed per rationem absolutam: non apparet igitur, quomodo vera esse possit hæc opinio in omnibus relationibus.

Propterea duobus modis defenditur, quantum ad relationes non mutuas à diuersis qui eam sequuntur. Primò, à Caiet. qui ait, *In his relationibus, vnum extremum esse relatiuum formaliter, per relationem sibi inhaerentem: aliud verò, non per relationem sibi inhaerentem, sed per relationem existentem in altero.* Gratia exempli: Scientia, quæ mensurabilis dicitur, refertur per relationem sibi inhaerentem ad obiectum, tanquam ad mēsuram: obiectum verò, quod mensura dicitur, refertur ad scientiam, non per relationē sibi inhaerentē, sed per eandē relationē existentē in scientia: & ita vnū relatiuū est intrinsecū, & aliud extrinsecū. Probatur ex Arist. 5. Meta. c. 15. expresse asserente, *In relatiuis tertij generis quæ sunt mensura, & mensurabile; vnū referri per relationē, quā in se habet, alterum verò per relationem, qua aliud refertur ad ipsum.*

Secunda via defenditur ab aliis modernis, asserentibus, *Extremum illud, in quo non est relatio realis, terminare relationem realem alterius, non per eandem illius relationem, sed per relationem propriam: non realem, quam supponimus non habere, sed rationis: quia eo ipso quod scientia refertur, per relationem realem mensurabilis ad obiectum, acquirit obiectum nouam commensurationem, & correspondentiam cum illa, ratione cuius commensurationis, debita est ei denominatio relatiua mensurae: & cum non possit eam habere realem, quia res absoluta est, habebit à relatione rationis: quæ licet non sit ante operationem intellectus, satis est debitam ei esse, & quasi in potentia proxima; vt tribuat ei denominationem relatiui, licet non relatiui: nam relatiuum dicit potentiam, vt aliquid referatur ad aliquid: relatum verò actuale exercitium referendi.*

Hæc

Hæc tamen sententia; siue hoc, siue illo modo defendatur, improbabilis mihi videtur: quia vterque modus eam defendendi, euidenter ostenditur falsus. Et primò, modum Caiet. sic impugno: Effectus formalis relationis est, facere relatiuum; sicut effectus formalis albedinis est, facere album: sed repugnat aliquid esse album: nisi ab albedine sibi inhaerente: ergo repugnabit esse relatiuum, nisi à relatione sibi inhaerente; falsum ergo est, quod asserit Caiet. mensuram referri ad mensurabile, per relationem existentem in eodem mensurabili.

60 Secundò: Quia relatio, cum sit forma relatiua, non potest referre ad alteram, nisi illud, quod constituit relatiuum: sed constituere aliquid relatiuum, est tribuere illi proprium effectum formalem: sicut constituere albedinem, vel subiectum album, est tribuere illi proprium effectum formalem: & effectum formalem, non tribuit forma; nisi per informationem: ergo repugnat aliquid constitui relatiuum, aut referri ad aliud, per relationem existentem in altero; & non in se.

Secunda via hæc ratione probatur falsa: Relatiuum, & relatum; vt superius probauimus, non se habent sicut potentia & actus: quia cum relatio sit actualis ordinatio vnius ad alterum, eo ipso, quod est in subiecto; refert illud actum ad terminum: & ideo impossibile est, aliquid habere relationem in se, per quam dicatur relatiuum; quin per eandem etiam dicatur relatum. Impossibile est etiam dici relatiuum, ex eo solum; quod potest habere relationem; nisi eam actu habeat: nam homo, priusquam relationem habeat paternitatis; non dicitur relatiuum ad filium. Et sicut hæc vera sunt, & necessaria, in relationibus realibus; ita non minus sunt necessaria, in relationibus rationis: quia relatio rationis, concipitur ab intellectu, ad similitudinem relationis realis: eodem igitur modo erit impossibile; quod mensura referatur ad mensurabile, per relationem rationis, priusquam illam actu habeat ab intellectu, eam cognoscente; etiam si sit ei debita: sicut est impossibile, quod aliquid dicatur relatiuum à relatione reali, priusquam eam actu habeat.

61 Secunda opinio extrema tenet: *Terminum; non solum in relationibus non mutuis, sed etiam in mutuis, esse formaliter absolutum.* Ita Scot. in 1. dist. 30. quæst. 1. quem sequuntur omnes eius discipuli, & ex modernis multi: & in eandem sententiam, videtur inclinare Capreol. in 1. d. 30. q. 1. art. 2. ad 3. Soncin. 5. Metaph. q. 3. ad 2. Et de relationibus non mutuis; tanquam certum præsupponit hæc sententia, quod ad absolutum terminentur.

Sed ita esse etiam in relationibus mutuis; probatur primò.

BB 5 Quia

Quia aut relatio, in quantum relatio, postulat terminum relatiuum, aut in quantum relatio mutua: sed neutro modo postulare potest talem terminum: ergo non terminatur per se ad relatiuum, sed per accidens; & ideo ad absolutum per se. Probatur minor: Primò, quòd non vt relatio: nam si vt relatio peteret terminum relatiuum, omnis relatio deberet illum habere, & nulla poterit terminari ad absolutum: sed relationes tertij generis, terminantur omnes ad absolutum; vt manifestum est: ergo relatio, vt relatio, non petit terminum relatiuum. Quòd autem eum non petat; vt relatio mutua, probatur primò: Quia relatio non dicitur mutua, per rationem terminandi, sed per rationem referendi: quia vtrumque extremum refertur ad aliud: ergo non est necessarium, vt relatio sit mutua: quòd sit ratio terminandi, sed satis est esse rationem referendi, in vtroque extremo: quòd verum esse potest etiam si absolutum terminetur.

Secundò: Quia neque omnis relatio mutua, terminatur semper ad relatiuum, sed aliquando ad absolutum: nam paternitas, aut maternitas, & filiatio, sunt relationes mutue: & tamen aliquando datur vna sine altera; vt in beatissima Virgine, secundum sententiã D. Th. 3. p. quest. 35. art. 5. datur relatio realis maternitatis, ad Christum hominem, in quo nõ est relatio realis filiationis: ergo relatio maternitatis, non terminabitur ad Christum tanquam ad relatiuum, sed tanquam ad absolutum, per passiuam generationem, quæ accidens absolutum est) terminantem relationem maternitatis.

Secundò: Si vnum relatiuum terminaretur ad alterum, etiam vt relatiuum, sequeretur, non posse vnum cognosci, aut definiri, nisi per alterum. Probatur consequentia: quia non potest cognosci, neque definiri relatiuum, nisi per terminum, sed consequens est falsum: ergo falsum erit etiam antecedens. Probatur minor: quia loco nominis in definitione positi, licet ponere suam definitionem: vt loco animalis, positi in definitione hominis, licet ponere viuens sensibile, quæ est eius definitio, diceréque, Homo est viuens sensibile rationale: ergo si pater definitur per filium, dicemus, Pater est, qui habet filium & tunc, loco filij, licebit ponere definitionem eius, quæ talis erit: filius est, qui habet partem: & ita definitio patris erit, Pater est qui genuit eum, qui habet patrem: in qua tria vitia committuntur. Primum est nugationis, seu inutilis repetitionis: quia pater ipse, qui definitur, in definitione repetitur. Secundum est, quòd ignotum per ignotius definiatur: nam dum patrem definimus per filium, non solum æquè ignotus est filius, sed minus notus: cum nihil de eo possimus cognoscere, nisi per patrem

patrem. Tertium, vitiosus quidam circulus: nam vnum relatiuum definitur per alterum; & hoc idem per illud: quod non est aliud, quàm definire idem per semetipsum: nam si pater definitur per filium, & rursus filius per patrem, à primo ad vltimum, definietur pater per seipsum. Quod reprobauit Arist. 5. lib. Meta. cap. 13. his verbis: *Non est autem intellectus ad illud, cuius intellectus est: idem enim profecto bis esset dictum.* Et 1. lib. de poster. resolutione, cap. 3. eundem circulum reprobauit, in demonstrationibus.

- 64 Tertia opinio media, inter hæc extrema, affirmat, *Relationes non mutuas terminari ad absolutum formaliter, mutuas verò formaliter ad relatiuum; & ideo relationem in communi, vel relationem, vt relatio est ad terminum, abstrahentem ab absoluto, & relatiuum.* Ita Ferra. 2. contra gentes, cap. 11. Nip. 5. Meta. d. 14. Deca Hif. in 1. d. 3. q. 1. notab. 3. & ex modernis plures. Et hanc existimo esse certam in doctrina Arist. & D. Th. & probabiliorē cæteris. Quam efficaciter probauimus, quantum ad relationes non mutuas; vt mensurabilis, & mensuræ, creaturæ, & creatoris aduersus primam opinionem Caic.

Probatur etiam aduersus secundam opinionem, *Quod relationes mutue terminentur formaliter ad relatiuum:* expressis testimoniis Arist. Porph. & D. Tho. Arist. enim cap. præf. agens de termino relationis, & docens qualis esse debeat, ita ait: *Amplius, si quidem conuenienter assignetur, ad quod dicitur, omnibus aliis subiectis, quacunque accidentia sunt: relicto autem solo illo, ad quod assignatum est, conuenienter semper ad ipsum dicitur, circumscriptis omnibus, quæ accidentia sunt domino: vt esse bipedem, vel scientia susceptibilem, vel hominem: relicto verò solo, quod dominus est, semper: seruus enim, domini seruus dicitur. Si autem non conuenienter ad id, ad quod dicitur, assignetur, circumscriptis omnibus aliis, relicto autem eo solo, ad quod assignatum est, non dicitur ad ipsum. Assignetur seruus hominis, aut alicuius, & circumscribatur ab homine, esse dominum, non amplius seruus ad hominem dicitur: cum enim dominus non sit, nec seruus est.* Quibus verbis expressè docet, seruum terminari formaliter ad dominum, vt dominus est: & dominum ad seruum, vt seruus est: quia ablati relationibus domini, & seruitutis, neuter potest terminare relationem alterius, & relationibus positis: etiam si omnia alia auferantur, sufficienter per eas vtrumque terminat relationem alterius.

- 65 Porph. etiam cap. de specie, idem tenet, non minùs expressè: nam asserit se definisse genus per speciem, & rursus: speciem per genus: quia sunt relatiua, & vnum relatiuum debet defini per alterum, tanquam per terminum suæ relationis.

Quod D. Thom. non minùs expresse docet, 1. p. q. 40. art. 2. ad 4. ubi explicans definitionem relatiuorum, traditam ab Aristot. & docens quomodo conueniat relatiuis mutuis; inquit: *Cum dicitur, quod relatiui esse, est ad aliud se habere, per ad aliud, intelligitur correlatiuum: quod non est prius, sed simul natura.*

Probatùr deinde duplici ratione. Prima, ex intrinseca ratione relatiuorum deducta. Oppositio relatiua reperitur inter relatiua, vt relatiua sunt formaliter; ergo mutua relatio includit essentialiter mutuam oppositionem relatiuam: sed mutua oppositio relatiua essentialiter includit vtramque rationem, referendi, & terminandi: ergo vtrumque officium exercent relatiua per relationes; & non per fundamenta absoluta. Omnia constant euidenter, præter minorem, quam non minùs euidenter probò. Mutua oppositio, consistit in hoc, quòd relatiua mutuò se respiciant, & relationes, sint rationes mutuò se respicienti, sed mutuò se respicere est, quodlibet respicere aliud, & ab eo respici: & ab eo respici, est terminare relationem eius: ergo euidenter est, quòd in mutua oppositione, includatur essentialiter vtrumque officium; referendi, & terminandi: & ex consequenti, quòd vtrumque exerceant relatiua per relationes, & non per fundamenta: quia per relationes, & non per fundamenta, habent formalem oppositionem.

Secunda ratio ex Diuinis relationibus sumitur, in quibus euidenter probari videtur; vnum relatiuum, non posse per absolutum, sed per relationem terminare alterum. Duo autem præsupponit hæc ratio, tanquam certa. Primum est: Relationem realem, esse non posse, nisi inter extrema realiter distincta: quia nihil potest ad seipsum referri relatione reali. Secundum, in Diuinis non posse vnum distinguere realiter ab altero, per aliquid absolutum: sed solum per relationes oppositas. Quibus suppositis, ita procedit ratio: Pater refertur ad Filium, & Filius ad Patrem, vt realiter distinguuntur; ergo vterque terminat relationem alterius, vt realiter ab eo distinctus: quia sicut relatio realis, non potest esse eiusdem ad seipsum realiter, ita nec terminari ad se ipsum: sed pater, & filius non distinguuntur realiter, nisi per solas relationes oppositas: ergo nec refertur vnus ad alterum; nec terminat relationem alterius, nisi per relationem: vt relatiuum igitur, & non vt absolutum: sed eadem est ratio, de relationibus Diuinis, & creatis; quantum pertinet ad rationem referendi, & terminandi: ergo etiam relationes creatæ terminantur ad relatiuum, & non ad absolutum.

Huic argum. duobus modis conantur respondere moderni. 67

Primò,

Primò, quòd licèt in diuinis personis nihil distinguat realiter nisi relatio: & ideo relatiuum sit, quod terminat secundum se; tamen vt à nobis concipiuntur Diuinæ Personæ; potest distingui fundamentum relationis, à relatione ipsa, & concipi per modum absoluti; & per ipsum ita conceptum, terminabit vna persona relationem alterius: vt in filio, possumus considerare generationem passiuam; à qua dicitur genitus per modum absoluti, tanquam fundamentum filiationis: & per illam terminabit filius relationem paternitatis; non per filiationem: & sic etiã pater, per generationem actiuam, per modum absoluti consideratam.

Hæc tamen solutio, nec vera est, nec soluit arg. Probo primò: Quia in personis Diuinis, non solum paternitas, & filiatio sunt relationes; sed etiã generatio actiua; & passiua; quæ vocantur origo actiua & passiua, dicunt formaliter relationem, alioqui non possent distingui realiter; sicut certum est distingui. Deinde à nobis, qui scimus nihil distingui in Diuinis; nisi per relationes; concipiuntur tanquam relatiuæ: ergo si per illas terminat vna persona relationem alterius; terminabit, vt relatiua formaliter. Probo secundum; Quòd solutio non soluat argumentum. Quia licèt à nobis imperfectè intelligentibus, conciperentur generatio actiua, & passiua, per modum absoluti; cum tamèn sint relatiuæ: nihilominus secundum se, nihil habent absolutum: ergo cum relationes terminentur secundum se, & non solum, vt imperfectè concipiuntur à nobis; sequitur euidenter, secundum se terminari ad relatiuum formaliter; & non ad absolutum: & etiã vt intelliguntur à Deo, & beatis qui eas cognoscunt, vt sunt in se.

Propterea iidem moderni, videntes prædictam solutionem insufficientem esse; aliam tradiderunt. Concedentes, relationes Diuinas terminari ad relatiuum formaliter; non tamèn creatas. Et differentiam in eo consistere; quòd relationes Diuinæ, sunt subsistentes, aut substantiales; ideo non habent aliud fundamentum, præter seipsas; per quod possit vnum relatiuum terminare relationem alterius: sed relationes creatæ, sunt accidentales: & ideo præsupponunt aliud accidens absolutum, tanquam fundamentum, quo medio consurgunt; & per tale fundamentum, potest vnum relatiuum terminare alterum.

Sed nec differentia hæc aliquid valet; quod ita probo: Relationem esse subsistentem aut in hærentem; seu substantialem, aut accidentalem, non pertinent ad rationem formalem relationis, aut relatiui; sed materiale quid est: relationes ve-
rò, aut

rō, aut relatiua mutua, ex ratione formali talium relationum & relatiuorum; habent mutuam oppositionem, formaliter includentem vtrunque rationem; referendi, & terminandi: quæ eadem est in Diuinis, & creatis: ergo eadem erit ratio terminandi in vtrisque: sicut eadem est ratio referendi: quare si ad relatiuum formaliter terminantur Diuinæ relationes, & non ad absolutum; etiam terminabuntur creata.

Argumenta primæ opinionis, non sunt contra nostram: & 69 ideo non est necessarium ad ea respondere. Sed ad primum arg. secundæ opinionis; Concessa maiori, concedenda est etiā minor; secundum illam partem, qua asserit, *Relationem, vt relatio est, non terminari ad relatiuum formaliter*: sed neganda, quantum ad aliam, *Quod, vt est relatio mutua; non petat terminum relatiuum*: quia relatio, vt relatio, consideratur tanquam genus, abstractum à mutua, & non mutua: sed vt relatio mutua, consideratur in specie: certum est autem, plura conuenire alicui rei, ratione suæ differentię, vel speciei; quæ non conueniunt ei, ratione generis: & ideo conuenire potest relationi vt mutux, terminari ad relatiuū; licet non conueniat ei sub communi ratione relationis: sed sicut hoc modo abstrahit à mutua, & non mutua; ita petit terminum abstrahentem, ab absoluto, & relatiuo. Vt autem aliud, quod in eodem arg. adducitur, de relationibus mutuis, carentibus aliquando relatione in vno extremo; vt est relatio creaturæ ad creatorem; & relatio maternitatis B. Virginis, ad Christum Dominum, apud D. Thom. soluatur, notandum est; Primò, *Relatiua duobus modis considerari posse*; Materialiter, dum pro subiectis, aut fundamentis accipiuntur; vt dum dicitur, hunc hominem album, referri ad alium hominem albū; aut generans ad genitum: quo etiam modo, solum dicuntur relatiua accidentaliter; quia accidentalis est hæc generans est pater; vel album est simile. Alio modo accipiuntur Formaliter, prout significantur nominibus relatiuis; patris, aut similis: & sicut relatiua; sic etiam termini accipiuntur eisdem modis: vt dum dicimus, simile referri ad album; aut patrem ad genitum: formaliter verò, si dicamus patrē referri ad filium.

Secundò notandum est: *Relationes mutuas, perfectas esse*: 70 quia oppositionem relatiuam includunt: non verò mutuas, quasi mancās, & imperfectas, in quibus vnum tantū extremū relatiuæ oppositionis reperitur: vnde solum intelliguntur habere materiales terminos; non formales. Vt relatio mensurabilis, ad mensuram; solum materialiter dicitur terminata: & idem de relationibus mutuis; si in altero extremo suspende-
retur

retur relatio, per possibile, vel impossibile: vt si, consurgente relatione similitudinis in vno albo, suspenderetur relatio in alio (si hoc sit possibile, de quo non agimus) tunc enim solum materialiter maneret terminata relatio alterius.

Ex his responderetur; Relationes illas quæ in arg. adducuntur, esse non mutuas: quia relationes mutuæ, non verantur; nisi inter extrema eiusdem ordinis: Deus autem & creatura diuersi ordinis sunt: & ideo non habent mutuas relationes: propterea quoque solum materialiter terminatas: & hoc est, terminari ad absolutum: mutuæ verò, oppositionem relatiuam essentialiter dicunt, ratione cuius, quælibet est ratio referendi ad aliam, & simul ratio terminandi: quia non potest oppositio intelligi, sine vtraque ratione: & ideo relatiua mutua, vt talia, ad relatiuum formaliter terminantur.

An vnum relatiuum possit, & debeat definiri per alterum.

7ⁱ **S**ecundum arg. petit, *An vnum relatiuum possit, & debeat definiri per alterum.* Et circa hoc dubium, est duplex opinio. Prima negat, quòd sic debeat definiri: quam tenent omnes illi, qui defendunt, relationem non terminari ad relatiuum; sed ad absolutum: & probant ex inconuenientibus, quæ sequuntur ex tali modo definiendi; in eodem argumento adductis.

Secunda opinio, est eorum, qui sequuntur nostram sententiam; *Quòd vnum relatiuum, debeat definiri per aliud:* & hæc apud Aristot. & D. Tho. est certissima, vt probant testimonia eorum adducta in confirmationem nostræ sententiæ: est etiā expressa apud Porph. cap. de specie, vbi asserit, se egisse statim post genus de specie: *quia sunt relatiua:* & ideo necesse est vnum cognoscere, & definire per alterum. Huic autem testimonio, respondent moderni, non posuisse Porph. speciem, in definitione generis, vt refertur ad genus: sed vt ad indiuidua; & ideo non definisse vnum relatiuum per alterum formaliter. Sed miror sanè solutionem tã apertè falsam excogitasse: quia luce clarius est, genus definisse per speciem, tanquam per subiectum; de quo prædicatur: sed non est subiectum, de quo prædicatur genus; vt respicit indiuidua, sed vt respicit genus ipsum, vt ex se patet: ergo per illam tanquam relatiuum generis, definiuit genus ipsum. Sed in rationibus est probabilior, & (nisi ego fallor) euidenter concluditur ex Diuinis relationibus, in quibus fatentur; quòd licet nostro modo intelligendi imperfecto, possumus intelligere, quòd terminentur ad fundamentum, per modum absoluti à nobis conceptum: tamen si sumantur vt sunt in se; vel vt à Deo ipso, aut beatis cognoscun

cognoscuntur, non possunt vlllo modo terminari ad absolutum: quia cum sint subsistentes, & substantiales, non habent fundamentum aliud; præter seipsas: ideo necesse est per seipsas terminare. Ex hoc deduco euidens arg. hoc modo: Relationes Diuinæ; vt sunt in se, & vt cognoscuntur à Deo, & beatis, terminantur ad relatiuum formaliter: ergo terminus formalis vnus relatiui; vt patris, erit aliud relatiuum, nempe filius, vt filius: sed relatiuum, non potest definiri; nisi per terminum: ergo non potest definiri; nisi per aliud relatiuum. Si igitur beatus, quadam explicatione explicaret, quid sit pater Æternus; non posset alio modo; nisi dicendo, Pater Æternus est; qui habet filium eiusdem naturæ. Tunc ergo; vel ex tali definitione sequuntur illa incontinentia, nempe circulus vitiosus; definiendo idem per seipsum, ignotum per ignotius, atque etiam nugatio, vel inutilis repetitio; vel non: si non sequuntur: ergo nec sequuntur ex modo definiendi vnum relatiuum creatum per aliud: & si sequuntur; non erit verum, quod Diuinæ relationes terminentur ad relatiuum. Probat euidenter paritas rationis: quia tam in diuinis quam in humanis erit verum; quod loco nominis in definitione positi licet ponere suam definitionem: ex quo sequatur illa inconuenientia: vel in vtrisque erit falsum, & non admitendum in relatiuis.

Ad arg. igitur; Concedenda est consequentia primi entymematis. Dum autem dicitur, loco nominis in definitione positi, licere definitionem eius ponere; Distinguendum est: quia vel id, quod ponitur in definitione; ponitur, tanquam pars definitionis intrinseca: & tunc licebit quidem: si verò non ponatur, nisi tanquam additamentum extrinsecum; non licebit: & quia vnum relatiuum, non ponitur in definitione alterius, tanquam pars definitionis; sed tanquam additamentum extrinsecum; in ordine, ad quod sumitur differentia relationis; propterea non licet loco eius ponere suam definitionem. Et ratio huius differentie est: quia pars definitionis, est pars essentialis definiti; secundum propriam naturam illud componens: vnde idem est, quod ipsa ponatur, vel eius definitio continens naturam propriam. Quod autem ponitur tanquam additamentum; non est pars definitionis, aut definiti, nec illud componit; sed solum extrinsecè terminat, aut respicit: quod non potest præstare per suam definitionem; sed per se: quia per se respicitur ab alio, & per se ei opponitur relatiue: quemadmodum vnū contrarium per se opponitur alteri, & per se expellit illud à subiecto, & non per propriam definitionem.

Quod

Quod considerans Aristot. 6. lib. Topic. c. 2. docet, *Relatiuum*, ut in definitione alterius positum, diuersum esse à seipso, extra definitionem, aut secundum se sumpto: nam in definitione non ponitur secundum se: sed solum ut extrinsecum additamentum. Præterea in definitione, non ponitur tanquam relatiuum: sed tanquam terminus: ideo non licet ponere definitionem eius, ut relatiui: ut terminus verò, solum habet extrinsecam denominationem, quasi eius, in quo finitur relatio alterius.

74 Ad testimonium verò Aristotelis; Responderetur, non loqui de definitione vnius relatiui per alterum, sed solum asserere, quod potentia, non refertur ad suum subiectum, in quo est, relatione speciali potentia, sed solum ad proprium obiectum: ut intellectus, non ad hominem, sed ad intelligibile: & visus ad visibile: Nam si diceretur, inquit, relatiue ad hominem, idem in quantum idem, bis diceretur: hoc est, ad duos terminos, & per duas relationes: quod patet esse impossibile. Itaque ut potentia, solum dicitur relatiue, ad obiectum, hoc est ad intelligibile: ad subiectum verò non dicitur ut potentia: sed sub alia ratione communi accidentis. Ita exponunt verba Aristot. Commentator, D. Thom. & Alexander, in Commentariis eorum verborum: & ideo hunc esse germanum sensum eorundem credendum est.

75 Ad aliud verò, quod in argumento dicitur: Definiti ignotum per ignotius, si vnum relatiuum definiatur per alterum: negandum est: sed definitur per extrinsecum, æquè ignotum; & sine quo non potest per notiora explicari: & hoc nihil refert: quia non requiritur, quod magis notum sit definito, quidquid ponitur in definitione eius, per se sumptum: sed satis est, si sit æquè notum, vel ignotum, dummodo ex eo, & aliis notioribus, resulter integra definitio, notior simpliciter definito: & hoc habet definitio relatiui: licet terminus in ea positus, tanquam extrinsecum additamentum, æquè ignotus sit, si per se sumatur, ac definitum.

Q V Æ S T I O V I I I.

An vnum relatiuum, ordinetur ad duos terminos eiusdem speciei, per eandem, vel diuersas relationes.

76 **E**xplicatum est iam in præcedentibus, id quod pertinet ad vnitatem, & distinctionem specificam relationis: ideo in hac octaua quæstione quærimus, de vnitatem numericam; An quando vnum relatiuum respicit plures terminos eiusdem speciei,

speciei, ut pater plures filios, aut simile plura similia, respiciat singulos per singulas, atque distinctas numero paternitates, aut similitudines, vel per unam, & eandem numero extensionem ad omnes. Sed respicere unum & relatiuum plures terminos, dupliciter contingit. Primo, ita ut quilibet sit quasi partialis, & inadæquatus, & ex multis constitutur unus totalis, & adæquatus, atque etiam necessarius ad terminandam relationem: & hoc modo species respicit indiuidua, & totum, plures partes. Et hoc modo certum est, relatiuum per eandem numero relationem, & non per plures, respicere plures terminos. Secundo modo, contingit unum relatiuum respicere plures terminos, adæquatos, & totales; ita, ut quilibet solus, & per se, posset terminare sufficienter relationem: & hoc modo procedit questio, An multiplicatis his terminis, multiplicentur relationes; ita ut pater referatur ad plures filios, per plures relationes; vel non multiplicentur, sed per eandem numero paternitatem referatur ad omnes. Et prima opinio tenet, *Relatiuum ad plures terminos, non eadem relatione referri, sed multis numero diuersis: ita ut tot habeat relationes, quot filios: ita Scotus in 3. d. 8. q. vnica*, quem sequuntur sui discipuli, & plures moderni: & probatur ex doctrina Aristot. qui docet in hoc capite, *Relatiua esse simul natura, & cognitione*; ita ut quocunque eorum existente in rerum natura, ponatur necessarium aliud, & ablato etiam vno, necessarium auferatur aliud; cognitio etiam vno, necessarium cognoscatur aliud: sed hæc proprietas, non potest conuenire relatiuis, si per unam relationem referantur ad plures terminos; ergo hoc non est possibile. Probatur minor, quia posito primo termino, ponitur relatio: sed semper ponitur prius tempore unus primus: quam sint alij; ergo non erit relatiuum simul tempore, nec natura cum eis, sed solum cum primo: nec etiam simul cognitione: quia prius cognoscitur primus, quam illi alij cognoscantur. Deinde sublati omnibus præter ultimum, qui non perit, non auferitur relatiuum.

Probatur deinde ratione. Primo: Quia si pater unum habeat filium, per unam relationem realem ordinabitur ad illum; ergo habito secundo, consurget in eo noua relatio. Probatur consequentia: Relatio est ordinatio ad terminum; ergo noua ordinatio erit noua relatio: sed ordinatur de nouo ad nouum filium, cum prius non ordinaretur; ergo noua est in eo ordinatio, & ideo noua relatio; & sic multiplicabuntur relationes, multiplicatis terminis.

Secundo: Posito fundamento proximo relationis, & termino, ponitur necessarium relatio, ut posita albedine in hoc pariete:

riete: quæ est fundamentum similitudinis, & posito alio albo, quod est terminus, confurgit necessariò similitudo; ergo posito nouo fundamento, & nouo termino, confurgit noua relatio: sed genito nouo filio, ponitur noua generatio actiua in patre, quæ est nouum fundamentum relationis: ponitur nouus terminus, qui est nouus filius: ergo ponitur noua relatio. Et confirmari potest hoc modo: Si primus filius moriatur, ante generationem secundi, desinit esse in patre relatio paternitatis: & per generationem secundi, confurgit noua: quia nouum est fundamentum, & nouus terminus; ergo etià si non moreretur primus, confurgeret noua relatio. Probatur consequentia: quia eodè modo est nouum fundamentum, & nouus terminus;

79 Et si respondeas, viuente primo non confurgere nouam relationem: quia relatio est accidens: & vna paternitas, est accidens solo numero diuersum ab alia: sed duo accidentia solo numero distincta, non possunt esse in eodem subiecto: quia accidentia indiuiduantur ab eo; ergo nec potest confurgere noua relatio permanente prima. Itaque subiectum habens vnam relationem, incapax est alterius solo numero distinctæ: & ideo vna relatio impedit, ne confurgat alia. Contra hoc est: quòd licet accidentia purè absoluta, indiuiduètur à subiecto: & ideo non possint plura esse in eodem, solo numero distincta: accidentia tamen respectiua, non indiuiduantur à solo subiecto: sed cum ordine ad terminum, vel ad aliquid aliud, quod respiciunt. Vnde plures species visibiles (quas vocant intentionales) simul sunt in eodem oculo, vidente simul duo alba, aut duo alia obiecta; ergo cum relatio sit accidens respectuum, non indiuiduatur à subiecto solo, sed cum ordine ad talem terminum: qui si fuerit nouus, capax erit subiectum recipiendi nouam relationem, solo numero distinctam: quia nullum erit impedimentum, ratione cuius non multiplicentur relationes, multiplicatis terminis.

Secunda opinio, negat multiplicari, sed primam relationem extendi affirmat ad novos terminos superuenientes: & ita per vnam numero relationem, referri patrem ad omnes filios. Ita D. Thom. in 3. d. 8. q. 1. & 3. par. q. 3. 5. art. 5. Caiet. ibidem, Ferrar. 1. lib. contra gentes, c. 4. Soncinas 5. Metaph. q. 3. 2. concl. 3. Tolerus q. 2. huius prædicamenti.

80 Porissimum fundamentum D. Tho. est, Natura accidentium: quæ sicut essentialiter sunt aliquid substantiæ, sic nata sunt ab ea indiuiduari. Duplicia autem esse possunt accidentia: nam vel sunt distincta specie, vel eiusdem speciei: & si specie distincta sint; iam supponuntur distincta numero: quia
CC 2 distin

distinctio specifica, cum sit maior, continet minorem, quæ est numerica: & ideo nullus vnquam dubitauit, quin duo accidentia specie distincta, simul sint in eodem subiecto: quia experientia notum est, in colore, & calore simul existentibus in homine: si verò sint eiusdem speciei; non supponuntur distincta, sed nata sunt à subiecto suscipere indiuiduationem, ac distinctionem: & propterea non possunt multa simul esse in eodem subiecto, siue purè absoluta sint, siue respectiua: nam cum sint aliquid substantiæ, cui inhaerent, & quam denominant, quodlibet natum est esse hoc, in quantum natum est efficere substantiam hanc, in specie talis accidentis, nempe hoc album, aut hoc calidum: sed repugnat, quòd idem numero subiectum, sit simul diuersum numero, in eadem specie accidentalit: vt quòd sint duo numero alba, aut calida; ergo repugnabit habere duplicem albedinem, aut calorem: & ex hoc inferitur, subiectum indiuiduare accidentia, eiusdem speciei: quia licet admitteretur, habere plura simul, nihilominus vnum tantum numero esset in specie eorum, vt vnum numero album, & non plura; ergo ea traheret ad propriam indiuiduationem, ita vt vnum numero fierent: & hoc est à subiecto accipere indiuiduationem. Et cum relationes ordinentur ex propria natura, ad constituendum subiectum relatiuum, & non possit constitui duplex numero pater, aut duplex numero simile, repugnabit habere simul duas relationes eiusdem speciei: sed si termini multiplicentur, per eandem relationem numero ordinabitur ad omnes. Illi verò, quia plura sunt subiecta, per plures relationes terminabunt eandem relationem existentem in patre, ad omnes se extendentem: & sic est intelligenda, & explicanda, opinio D. Thomæ, quam sequimur.

Probat^{ur} primò: Quia hæc paternitas ponitur, vt homo per illam sit, & denominetur formaliter hic numero pater, sed per vnā paternitatē, fit hic numero pater, & per plures, etiam si multiplicentur, non fit alius pater numero; ergo nec est capax plurium relationum: vel si ponantur plures: eo ipso efficiuntur vna numero omnes: quia per omnes non fit alius numero pater, sed idem. Si verò respondeas, fieri hunc numero patrem per hanc paternitatem, in ordine ad hunc filium, & per aliam quoque eundem, in ordine ad alterum, & hoc sufficere, vt plures possint, & debeant multiplicari. Contra hoc sic arguo: In ordine ad vnum, & plures filios, est idem numero pater; ergo per vnā numero formam relatiuam, & non per plures. Probat^{ur} consequentia: quia si quælibet est distincta numero ab alia, propter distinctum numero terminum; ergo

ergo quælibet uata est efficere distinctum numero patrem: unde si non facit distinctum, nec potest esse distincta numero ab alia, etiam si ad distinctum numero filium ordinetur. Quare non poterunt multiplicari in eodem patre: sed sicut idem numero pater est, respiciens plures filios, ita eos respicit per eandem numero paternitatem.

82. Secundò probatur: Quia non sunt multiplicandæ entitates reales, sine urgente necessitate, sed si multiplicentur relationes eiusdem speciei per multiplicationem terminorum, multiplicantur ferè infinitæ entitates reales, sine urgente necessitate: ergo non debent multiplicari. Probat minor: quia infinita ferè sunt alba eiusdem gradus, ad quæ refertur ynum, & idem, per relationem similitudinis, infiniti ferè homines, ad quos refertur quilibet relatione identitatis specificæ; ergo ferè infinitas habebit entitates reales quilibet, numero distinctas, si pro singulis multiplicetur singulæ relationes. Quòd verò necessitas non urgeat, probatur, quia secundum communem sententiam scholæ, pro singulis conclusionibus eiusdè rationis, non multiplicantur in eodem hominè singuli habitus scientiæ, sed idè habitus numero se extendit ad omnes: & posset se extendere: etià si essent infinitæ: sed equè facile est, quòd eadè numero relatio se extēdat ad omnes terminos eiusdem rationis; ergo nulla est necessitas multiplicandi singulas pro singulis.

Ad testimonium Arist. Respondetur, Patrem esse simul naturæ, & cognitione cum filio, duobus modis intelligi posse: Aut secundum substantiam relationis. Aut secundum extensionem eius accidentalem ad plures: & primo modo, solum est, simul natura cum primo filio, secundo modo cum omnibus, & singulis superuenientibus: & eodem modo loquendum est de conseruatione eiusdem relationis: nam cum singulos respiciat, tanquam adæquatos terminos, ab vno tantum dependet, vt conseruetur; quantum ad substantiam: ab omnibus verò, & singulis, vt conseruetur, quantum ad extensionem: quare quolibet desinente, non conseruabitur in eadem extensione, sed in minori.

Ad primum argu. neganda est consequentia primi enthymematis: & cum dicitur nouam ordinationem, esse nouam relationem: concedi potest. Sed negandum est, quòd adueniente nouo filio, confurgat noua ordinatio in patre: sed solum confurgit noua extensio eiusdem ordinationis, siue eiusdem relationis: sicut adueniente noua conclusionē, non multiplicatur nouus habitus, sed solum habetur de nouo extensio noua eiusdem.

Ad secundum: Concesso antecedente, neganda est consequentia: quia nouum fundamentum inducit nouam relationem, si subiectum sit capax: habita autem prima relatione, non est capax subiectum nouæ alterius relationis numero distinctæ (vt probatum est) ideo nouum fundamentum, quod ex se posset nouam inducere relationem, per accidens non inducit eam: quia per accidens fuit subiectum impeditum, per relationem iam acquisitam. Et datur euidens instantia in conclusionibus, quarum quælibet est productiua habitus, sed per accidens non producit ab aliis, præter primam: quia inueniunt iam productum, & impeditum subiectum.

Secundò responderetur: Concedendo eandem consequentiam, 84 sed negando minorem subfumentem, quod per generationem secundi filij, nouum ponatur fundamentum. Nam licet ponatur noua generatio, hæc tamen non est fundamentum relationis, sed solum ratio fundandi: fundamentum verò est potentia generandi; vt reducta ad actum, per generationem: potentia verò non multiplicatur: ideo nec ponitur nouum fundamentum, nec proinde noua relatio. Ad aliud tandem, quod dicitur de indiuiduatione accidentium: negari posset, quod plures species intentionales sint in eodem subiecto, hoc est, in sensu, aut intellectu: qui non potest simul plura intelligere, nisi per modum vnius: hoc est, nisi vt aliquo modo ordinentur, vel per vnâ speciem repræsententur, si sint obiecta eiusdem speciei. Sed melius forrè dicetur, diuersam esse rationem de accidentibus intentionalibus: quæ nec denominant subiectum, nec producuntur propter illud, nec ab eo præcipue dependent, sed ab obiecto, propter quod produciuntur, vt potentia vniatur, atque de accidentibus realibus, habentibus esse physicum; & secundum illud denominantibus, & propter subiectum productis. Quæ proinde ab eodem subiecto indiuiduantur: intentionalia verò, potius ex propria entitate, cum ordine ad talem actionem per quam produciuntur ab obiectis: sed de hoc suo loco.

QVÆSTIO IX.

An entis realis ad non ens, aut ad ens rationis, detur relatio realis.

Sensus quæstionis est: An necesse sit terminum relationis 85 realis, esse reale, hoc est, actu existentem: vel etiam si sit ens rationis, aut ens in potentia, referatur ad illud ens actu existens, relatione reali.

Triplex

86 Triplex est relatio. Prima, *pertinens ad essentiam absoluti*, ut transcendentibus, & secundum dici quales sunt respectus, quos dicunt accidentia ad subiecta, & scientiæ, atque potentia, ad obiecta: & de his certum est apud omnes, quod reales esse possint & terminari ad ens in potentia, vel ens rationis: quia realis est respectus aptitudinalis inhærentiæ, quem dicit quantitas Eucharistiæ ad substantiam panis, in qua erat, iam non existentem. Realis est etiam respectus, quem dicit Dialectica ad ens rationis, tanquam ad proprium obiectum. Alia est relatio, *non pertinens ad essentiam absoluti*, sed quæ omnibus accidit: & hæc est prædicamentalis, sed est duplex: quædam mutua, quæ ex parte utriusque extremi realis est, ut similitudo, & æqualitas. Et de hac etiam est certum, quod non possit versari, inter ens actu, & ens in potentia, aut inter ens reale, & rationis. Quod probat euidenter hoc argumentum; Relatio realis mutua, debet esse ex parte utriusque extremi realis, sed ens in potentia, aut ens rationis, non est capax relationis realis: ergo non potest referri ad ens actu relatione reali; & ex consequenti, repugnat relationem realem mutuam dari entis in actu, ad ens in potentia, vel ad ens rationis.

87 Difficultas igitur quæstionis, ad solas relationes prædicamentales non mutuas, ex quibus constat tertium genus, reducitur: *An possint terminari ad ens in potentia, vel ad ens rationis, vel necesse sit habere terminum realem, & actu existentem, quamuis absolutum.*

Et prima opinio, affirmat, *Entis in actu ad ens in potentia, vel ad non ens, dari posse relationem realem, non mutuam*: Ita Greg. in 1. d. 28. q. 3. Soncinas 5. Meta. q. 7. & ex modernis nonnulli.

Et probatur, testimonio Arist. cap. præsentis; ubi ait, *Calefactum referri ad calefactibile, & agens in actu, ad passum in potentia, in secundo genere relationum*: ergo sentit entis in actu, ad ens in potentia, dari relationem realem.

Probatur deinde ratione. Primò: Quia relatio non sumit entitatem realem à termino, sed à fundamento: ergo ut realis sit, non habet à termino, sed à fundamento: quare realis esse poterit, etiam si terminus sit ens rationis, vel ens in potentia. Quod probat Dialectica, quæ cum scientia realis sit, & realis h. abitus, habet pro obiecto ens rationis.

88 Secundò: Potentiæ habitus, & scientiæ, sunt mensurabiles per sua obiecta: ergo referuntur ad ea relatione reali, mensurabilis ad mensuram, in tertio genere posita: non tamen referuntur ad illa, ut actu existentia, sed sufficit, quod sint in potentia: ergo hæc est relatio non mutua, potest dari inter ens actu, &

ens in potentia. Probatum minor, quia visibile non dicit actuale existentiam, sed potentiam tantum: & rosa non existens in hyeme, datur vera, & realis scientia de illa. Et confirmari potest hoc modo: Hæc est differentia inter officium referendi, & terminandi, quod illud dicit intrinsecam ordinationem relativi ad terminum: & ideo requirit veram relationem inhaerentem relativo, & ex consequenti actuale existentiam eiusdem relativi: sed terminare, solum dicit extrinsecam denominationem: & extrinseca denominatio potest convenire rei non existenti: quia cum nihil intrinsecum ponat in ea, non necessario presupponit actuale existentiam eius: ergo ens in potentia sufficienter potest terminare relationem non mutuum.

Secunda opinio negat, *Relationem predicamentalem non mutuum, posse dari ad ens rationis, vel ad ens in potentia, sed asserit relationem necessario requirere terminum realem actu existentem.* Hæc est D. Tho. 2. contra gentes, c. 12. & 1. par. questione 13. quem sequuntur in eisdem locis Caiet. & Ferrar. Scotus in 1. d. 3. questione unica. Capreol. d. 3. q. 1. Sotus quest. 1. huius capituli. Fonseca 5. Metaph. c. 15. q. 1. sectio. 2. Pater Franciscus Suarius 2. tomo suæ Metaph. & moderni ferè omnes. Et videtur nobis probabilior, & sequenda.

Sed explicanda est prius, deinde probanda. Pro explicatione 89 vero, notanda est distinctio, inter relationes transcendentales, & secundum dici ex vna parte, & relationes predicamentales, quod illæ sunt de essentia absolutorum, quorum essentiam complent: ideo non dicuntur habere fundamentum, nec ex fundamento aliqua consurgere, sed naturam absoluti, cuius essentiam complent, sequuntur: quod si ens predicamentale fuerit ad predicamentum, & speciem eius reductivè pertinebunt. Relationes vero predicamentales, extra essentiam omnium absolutorum sunt: nec per se intenduntur, aut producuntur à natura, vel agente aliquo: sed consequuntur rem absolutam per se intentam, atque productam: nec sequuntur illam: ut in se est, sed ut commensuratur, aut proportionatur alteri. Gratia exempli: relatio similitudinis, extra essentiam albi, aut nigri est, nec per se intenditur, aut producitur à natura: sed consequitur albedinem, aut nigredinem per intentam, & productam: nec sequitur illam ut est in se, sed ut commensuratur alteri albedini: quia si sola vna albedo produceretur in rerum natura, non consequeretur eam relatio similitudinis: & quod de similitudine dicimus, de cæteris relationibus intelligendum est.

Secundo notandum est, *In potentiis, habitibus, & scientiis, duplicem esse relationem:* Primam, per quam completur essentia eius

eius: & hæc non significatur nomine scientiæ, sed imbibitur in ratione absoluta eius, ad quam significandam per se est impositum. Alia est relatio; Quæ non pertinet ad essentiam scientiæ, nec sequitur eam, ut est in se, sed ut commensuratur, & adæquatur obiecto: ita ut non possit circa aliquid versari, quod non contineatur sub eo: nec possit non versari, circa quodcumque sub eo contentum. Et hæc est relatio mensurabilis, per quam -- refertur scientia ad obiectum: non sub ratione scibilis, sed sub ratione mensuræ. Itaque naturam scientiæ iam completæ, per respectum ad obiectum, in ratione scibilis, consequitur relatio adæquationis, aut mensurabilitatis: unde respectus scientiæ; ut significatur nomine scientiæ ad scibile, est relatio secundum dici: respectus verò eiusdem scientiæ; ut mensurabilis, est relatio secundum esse, & prædicamentalis, pertinens ad tertium genus huius prædicamenti.

91 Ex hac doctrina colligitur, efficax argument. ad probandum nostram sententiam. Quia relatio prædicamentalis, cum sit, extra essentiam absoluti, fundatur in commensuratione eius cum alio: & cum sit realis, fundatur in commensuratione realis: sed nihil potest habere commensurationem, vel adæquationem realem, cum altero, nisi etiam sit reale: ergo nec potest confurgere relatio realis, in ente reali, ad ens rationis, vel ad ens in potentia. Probatur minor: Quia commensuratio realis, est realis, & naturalis proportio vnius rei cum altera: in qua proportionem fundatur relatio realis: ergo non potest esse talis commensuratio, aut proportio, cum ente rationis, non habente esse, nisi per operationem intellectus: sed nec cum ente in potentia, quia ens in potentia, non habet esse reale in rerum natura: ergo nec ad illud comparari potest realiter & naturaliter, ens reale actu existens, sed solum per operationem intellectus, considerantis ipsum, ac si actu esset: quare nec potest esse fundamentum reale in ente reali, ex quo confurgat relatio prædicamentalis, respectu entis rationis, vel entis in potentia.

Ad testimonium Aristotelis, pro prima sententia; Respondeo. Relationem motiui ad mobile, & productiui ad productibile, realem esse, si extrema sint actu existentia in rerum natura: ita ut de illis verum sit, vnum habere realem potentiam actiuam, producendi, vel mouendialiud; verbi gratia, motium; mobile verò habere potentiam passiuam, per quam procedit, aut mouetur ab alio: si verò vtrumque; vel alterum solum sit in potentia, non erit relatio realis, sed rationis tantum.

92 Ad primum; Distinguendum est antecedens: quia duplicem sensum habere potest. Primum, materiale, nempe, relatio-

nem sumere entitatem realem à re materiali, quæ est fundamentum, vt in se consideratur: & in hoc sensu, negandum est: quia relatio non sequitur rem, in qua fundatur, vt est in se, sed vt commensuratur, vel comparatur naturaliter ad alteram. Secundus sensus est: Relationem sumere entitatem realem, à fundamento; vt alteri commensurato: & est verus. Sed neganda est consequentia, quòd realis possit esse relatio, etiam si terminus, sit ens rationis, vel ens in potentia: quia res quæ est fundamentum, non potest cum his habere realem, & naturalem commensationem: & ideo non potest tribuere entitatem relationi reali: nec proinde esse fundamentum eius.

Ad secundum; Concedendum est primum enthymema, sed minor distinguenda; nam Scientia duobus modis accipitur, atque etiam potentia, & habitus: Aut secundum essentialia: & hoc modo respiciunt obiecta, vt scibilia: & ideo non, vt actu existentia: Aut secundum realem commensationem, vel adæquationem, quam habent cum obiectis: qua ratione consequitur eas relatio mensurabilitatis realis ad obiecta: non sub ratione vniuersali scibilium accepta, sed sub speciali mensuræ: & hoc modo respiciunt obiecta, actu existentia: non ita, vt actualis existentia sit ratio obiectiua: sed potius natura eorum, secundum quam attinguntur ab eadem scientia: existentia verò, necessaria conditio est, ad conditionem realem mensurabilitatis: quia nisi actu existant, non potest scientia realiter commensurari, aut comparari ad illa: sed solum dicentur scientiæ mensurabiles, per relationem rationis mensurabilitatis, con-surgentem ex comparatione, qua eas comparat intellectus cum obiecto, tanquam cum mensura earum.

Ratio autem huius differentiæ, inter vtramque relationem, 93 scientiæ, vt scientiæ; ad obiectum, vt scibile: & relationem eiusdem scientiæ, ad obiectum, vt mensuram: est, quòd cum relatio illa sit complementum scientiæ, (quæ absoluta qualitas est: ideo non dependens in sua entitate absoluta, ab entitate obiecti, sed ab actibus circa illud, per quos producitur) realis esse potest: etiam si obiectum sit ens rationis; vel solum ens in potentia. Cuius ea est ratio: quia non minùs versatur intellectus, per actus reales, circa obiectum reale, aut actu existens; quàm circa ens rationis, vel ens in potentia: nec minùs per tales actus reales, producit verum, & realem habitum. Relatio verò realis mensurabilis, accidit scientiæ, ex commensatione, & comparatione reali, & naturali cum obiecto: non vt scibili, sed vt mensuræ eius: commensationem verò, & comparationem realem, habere non potest cum eo, nisi actu existente:

stente : & ideo nec relationem realem mēsurabilis : sed rationis tantum ; per comparationem intellectus cum eo , existente in potentia. Non ergo sequitur , quod si relatio secundū dici , scientiæ ad scibile , realis sit respectu obiecti in potentia , aut respectu entis rationis , realis quoque esse possit , relatio prædicamentalis non mutua , eiusdem scientiæ , vt mensurabilis , ad idem obiectum , vt mensuram.

- 94 Ad confirmationem ; Concedenda est maior , sed minor distinguenda : nam licet aliqua denominatio extrinseca , conuenire fortè possit enti in potentia , non tamen denominatio extrinseca terminandi relationem realem : quia relatio realis fundatur in commensuratione reali relatiui , cum termino : commensuratio autem realis , non potest esse , nisi inter entia realia actu existentia.

QVÆSTIO X.

An aliqua relatio prædicamentalis , fundetur proximè in substantia.

- 95 **E**xplicato termino relationis , iam agimus de fundamento eius. *Tria fundamenta relationum prædicamentaliū assignauit Arist. 5. lib. Metaphys. cap. 1 5.* Primum est , Vnitas , quā etiam vocauit numerum : quia principium numeri est. Vnitas verò triplex est , *Numerica , Specifica , & Generica.* Et de numerica , non intelligit esse fundamentum relationis , quia repugnat naturæ eius : nam relatio realis , prædicamentalis , dicit oppositionem realem , inter extrema , & ex consequenti distinctionem realem : quia nihil opponitur realiter sibiip̃si : sed indiuiduum , vt est vnum numero , non est vnum cum altero indiuiduo vnitate numerica , sed sibiip̃si tantum : & sibiip̃si non opponitur realiter : quia nō distinguitur à seip̃so realiter ; ergo non potest fundare relationem vnitatis. Specifica verò , & generica , possunt : quia in diuersis indiuiduis , aut speciebus fundantur : & ideo habent extrema realiter distincta : vt natura humana , distincta indiuidua ; nempe Petrum , & Ioannem ; & natura sensitiua , distinctas species ; vt hominem , & leonem.

- 96 Secundum fundamentum relationis , dicit , *Esse actionem , & passionē.* Vt generatio , per quam vnus homo generat alterum , est actio : & generatio passiva , per quam vnus homo dicitur genitus ab alio , dicitur passio : & illa fundat relationem paternitatis , hæc relationem filiationis.

Tertium

Tertium fundamentum est *Mensura*; hoc est, adæquatio vnius rei ad aliam; quæ reperitur in potentijs, habitibus, scientijs, & virtutibus cum suis obiectis: in quantum ad omnia se extendunt; quæ sub obiectis propriis continentur; & ad nihil aliud, quod sub eis non contineatur: ex qua adæquatione, dicuntur obiecta, mensura earum: & illæ dicuntur mensurabiles ab eisdem obiectis; & secundum hæc tria fundamenta, distinguit Arist. tria genera relationum. Primum vocans, *Quod fundatur in vnitatem*, sub vnitatem etiam intelligens diuersitatem: quia eadem est ratio oppositorum. Secundum genus vocat illud; *Quod fundatur in actione*; passione. Et tertium, *Quod fundatur in mensura*. Et quantum pertinet ad hanc questionem, supponimus relationes secundi generis, non fundari proximè in substantia, sed medijs his accidentibus; nempe actione, passione, & mensura. Quare solum procedit questio de relationibus primi generis, quæ fundantur in vnitatem: *An fundentur proximè in substantia*. Et de vnitatem numerica, probauimus, non fundare relationem realem: ideo difficultas questionis, reducitur ad vnitatem genericam, & specificam. In qua tres alias species relationum fundari, docet Arist. nam si vnitatem specifica sit in substantia, dicit fundare relationem identitatis specificæ: vt vnitatem specifica Petri, & Ioannis; est fundamentum relationis identitatis specificæ, inter eos reperiæ. Si sit in qualitate, dicit fundare relationem similitudinis: vt inter duo alba. Si sit in quantitate, fundat relationem æqualitatis: qualis est ea, quæ reperitur inter duo corpora, eiusdem longitudinis.

Sed in fundamentis harum trium specierum relationis, duo 97 considerantur; nempe, Fundamentum; & ratio fundandi. Fundamentum est, res ipsa fundans relationem: vt substantia, qualitas, & quantitas. Ratio verò fundandi; est vnitatem, aut diuersitas specifica, aut generica: quia ratione illius, substantia, qualitas, & quantitas fundant relationem: ita, vt vnitatem sit ratio fundandi relationem identitatis, similitudinis, aut æqualitatis: diuersitas verò, sit ratio fundandi relationem diuersitatis, dissimilitudinis, & inæqualitatis. Et hanc rationem fundandi, vocant alij fundamentum proximum; ipsa verò rem, quæ fundat, remotum. Vt albedinem, vocant fundamentum remotum; vnitatem verò, proximum.

Ex his tribus speciebus relationum; nempe, Identitatis, Similitudinis, & Æqualitatis; certum est duas postremas, non fundari proximè in substantia; sed in qualitate, & quantitate, per duas dicuntur res similes, vel æquales. Solum ergo potest esse

test esse quæstio, de relationibus identitatis, & diuersitatis genericæ, aut specificæ; an proximum fundamentum earum sit substantia.

Et prima opinio asserit, *Non esse relationes reales, sed rationis*: vt relationem identitatis specificæ, inter Petrum, & Ioannem: & consequenter tenet, nullam relationem realem fundari proximè in substantia. Ita Fonseca 4. lib. Metaph. cap. 2. q. 7. sect. 8. & lib. 5. cap. 1. q. 1. sect. 7.

Probat primò: Quia vnitas specifica aut generica, est ratio fundandi has relationes: sed istæ unitates, non dantur à parte rei; sed per operationem intellectus, abstrahentis naturam ab inferioribus; aut comparantis ad illa: vt quæst. 3. vniuersalium dictum est: ergo relationes, quæ consequuntur has unitates; non dabuntur à parte rei; sed per intellectum: & ideo non erunt reales; sed rationis.

Secundo: Relationes, quæ eodem modo conueniunt rebus; dum actu existunt, & dum solum sunt in potentia; non possunt esse reales: vt ex quæst. præcedenti patet: sed relationes identitatis, & diuersitatis specificæ, atque genericæ, ita se habent: ergo non sunt reales; sed rationis. Probat ut minor: quia non minùs sunt eiusdem speciei Petrus & Ioannes mortui quàm viui: nec minùs distinguuntur specie, equus, & leo, siue actu existant, siue solum in potentia: quod etiam de rosa certum est; non minùs specie distincta ab aliis floribus in hyemè quàm verno tempore; ergo vtroque modo se habentes, fundant relationes identitatis, & diuersitatis: quæ ideo non poterunt esse reales; sed rationis.

Secunda opinio concedit tales relationes esse reales, & proximè conuenire substantiis; sed negat esse predicamentales: & transcendentales esse vult: & ideo nullam relationem predicamentalem, proximè fundari in substantia. Hanc sententiam citat Soncin. 5. Mc. q. 31. & sequitur Mercatus cap. præsentis, quæst. 1. probatque testimonio D. Tho. 4. contra gentes, c. 14. vbi inquit: *Relatio non solum præexigit esse substantia, sed esse alicuius accidentium, ex quibus causatur: sicut vnum in quantitate, causat aequalitatem; & vnum in qualitate, similitudinem.* Deinde hoc argum. Vnum, & distinctum, seu diuersum, sunt passionibus entis: ergo conuertuntur cum eo: sed ens est transcendens: ergo & illa: quare relationes consequentes unitatem, & diuersitatem, transcendentales erunt, non predicamentales. Quod probatur etià hac ratione: quia vnitas specifica, atque generica, in omnibus predicamentis reperitur: ergo transcendentalis est: & consequenter relatio in ea fundata, est talis.

Tertia opinio duo asserit. Primum, *Relationes identitatis, & diuersitatis esse reales, & prædicamentales.* Secundum, *Proximè fundari in substantia.* Ita Auicena 3. Meta. cap. 10. Alber. Magnus tract. de prædicamento ad aliquid, ca. 3. Caiet. 1. par. q. 28. art. 1. ad 2. Ferra. 4. contra gentes, c. 1. Soncin. 5. Meta. q. 3. 1. Sotus cap. præfenti, q. 1. & est expressa sententia Arist. & D. Tho. & non solum probabilis, sed vera. Aristotelis quidem 5. Meta. cap. 1. 5. ubi assignat fundamentum relationum primi generis, his verbis: *Secundum unum etenim, omnia dicuntur: Eadem enim sunt, quorum substantia una. Similia verò, quorum qualitas una; Aequalia autem, quorum quantitas una.* Et D. Thom. opus. 48. tract. 5. de prædicamento ad aliquid, cap. 4. ait: *Nihil tamen obstat, quin relatio possit fundari immediatè in substantia: nam in uno in substantia fundatur identitas, in uno in quantitate, fundatur aequalitas, in uno in qualitate, similitudo.* Et 1. p. q. 28. art. 1. ad 2. docet, identitatem numericam, esse relationem rationis; genericam verò, & specificam, realem, & prædicamentalem.

Idem probatur ratione: Quia vnitas specifica albedinis, fundat relationem realem, & prædicamentalem similitudinis; & vnitas specifica quantitatis, relationem æqualitatis: ergo vnitas specifica substantiæ, fundat relationem realem, & prædicamentalem identitatis. Antecedens euidentius est, & conceditur ab aduersariis, sed non est minùs euidentis consequentia: quia omnes conditiones necessariae ad fundandam relationem realem, & prædicamentalem, quæ reperiuntur inter æqualia, & similia, reperiuntur etiam inter ea quæ sunt eiusdem, aut diuersæ speciei in substantia: ergo non minùs fundant relationem realem, & prædicamentalem identitatis.

Quòd verò substantia, sit proximum fundamentum harum relationum, probatur: Quia priùs quam intelligatur substantia cum aliquo accidente; intelligitur, & est eadem; vel diuersa specie; per proprium genus, & differentiam: ergo proximum fundamentum est relationis identitatis, aut diuersitatis. 106

Ad primum arg. primæ opinionis; Respondetur ex doctrina tradita, q. 3. vniuersalium; distinguendo minorem: nam vnitas specifica, & generica formalis, nõ datur ante operationem intellectus; datur tamen virtualis; quæ est fundamentum remotum vniuersalitatis, & sufficiens ratio fundandi has relationes reales identitatis.

Ad secundum; Neganda est minor: quòd istæ relationes identitatis, eodem modo reperiantur in extremis actu existentibus, & non existentibus: quia dum non existunt Petrus, & Paulus

Paulus; non sunt ejusdem speciei, secundum entitatem realem specificam; sed solum, in quantum possunt apprehendi ab intellectu, sub eisdem prædicatis essentialibus: & ideo non possunt fundare relationem realem; sed rationis: quia fundamentum relationis realis, debet esse entitas realis; quæ non est nisi actu existens.

Ad testimonium D. Tho. pro secunda opinione adductum; Respondet Ferrar. ibidem quod substantia fundat relationem identitatis, media unitate tanquam ratione fundandi: quæ unitas, licet verè sit substantialis, tamen habet modum accidentalem; in quantum intelligitur, ut quid superadditum extremis: ut Petro, & Ioanni, quasi superaddita intelligitur unitas specifica; eo ferè modo, quo intelligitur superaddita unitas albedini: itaque vniuersaliter verum est; substantiam fundare relationem, medio accidente superaddito; vero quidem, aut per similitudinem accidentis apprehenso. Vel secundo, possumus respondere: non de relationibus loqui D. Tho. maiori ex parte: quia maior pars earum, conuenit substantiæ medio accidente: non tamen de omnibus: cum in primo loco expressè doceat, quasdam fundari proximè in substantia.

101 Ad argumentum eiusdem sententiæ: Distinguendum est primum antecedens, quia unitas duplex est: *Generalis*, quæ consequitur entitatem: & *Specialis*, quæ vocatur specifica, aut generica: & illa est transcendens: & ideo non potest fundare relationem prædicamentalem: hæc verò quia est specialis, potest. Quod verò reperiatur in omnibus prædicamentis, nihil obstat: quia cum ratio eius specialis sit, specialis semper censetur: & secundum specialem, & propriam rationem, fundat relationem identitatis.

QVÆSTIO XI.

An una relatio realis, possit esse fundamentum alterius.

Quælibet relatio per se primò, habet esse rationem referendi relatiuum, quod constituit, ad terminum sibi oppositum: ut paternitas, esse rationem referendi patrem ad filium, habet etiam esse eiusdem generis, aut speciei, vel diuersæ, ab altera relatione: ut paternitas, est eiusdem speciei, cum alia paternitate, & etiam ei similis vocari potest. Quærimus ergo: An per se referatur ad quamlibet aliam, cui est similis, vel, cum qua est eadem; aut non per se, sed per aliam, relationem identitatis: nam si per se refertur, non indigens alia relatione,

relatione; nec erit fundamentum eius: si uero per alium referatur; sicut quodlibet indiuiduum eiusdem speciei, refertur ad alterum, per relationem identitatis, sibi superadditam; fundamentum talis relationis, absque dubio erit.

Primam sententiam, omnibus modis negantem; quod una relatio sit fundamentum alterius; tenent Ferra. 4. lib. contra gentes, cap. 4. Soncinas §. Meta. quæst. 29. ad 1. Et probatur ex doctrina Arist. 5. lib. Meta. cap. 15. ubi tria tantum fundamenta relationum posuit, nempe, *Vnitatem substantia, qualitatis & quantitatis, pro primo genere; actionem, & passionem, pro secundis; & pro tertio mensuram*: sed relatio nihil horum est; ut constat: ergo ex mente Arist. non potest esse fundamentum relationis.

Probatür etiam testimonio D. Thom. 1. par. quæst. 42. art. 1. 104 ad 4. ubi vniuersaliter videtur negare, quod una relatio sit fundamentum alterius; his verbis: *Vna relatio non refertur ad aliam per aliquam aliam relationem: cum enim dicimus, quod paternitas opponitur filiationi, oppositio non est relatio media, inter paternitatem & filiationem.*

Deinde ratione probatur. Primò: Quia relatio, essentialiter est ratio referendi vnum ad alterum: ergo per seipsam, & non per aliud, refertur ad quodcunque ordinari potest. Sicut albedo, quia ex se est ratio albi; non potest per aliam albedinem fieri alba: sed si una relatio fundaret aliam; ordinaretur per illam ad alterum, quemadmodum ordinantur cætera, quæ fundant relationem: ergo impossibile est, quod una relatio sit fundamentum alterius.

Secundò: Si una relatio fundaret alteram; daretur processus in infinitum in relationibus: at iste non uest addmittendus; quia ex eo sequitur dari infinitas relationes actu: ergo nec addmittendum est, quod una relatio sit fundamentum alterius. Probatür antecedens, quia si paternitas fundat aliam relationem; cum illa secunda sit vera relatio; erit etiam fundamentum alterius relationis: & sic de tertia, usque ad infinitas.

Secunda opinio; Concedit, *Vnam relationem esse fundamentum alterius*: quam tenet Scotus in 2. d. 1. quæst. 4. & 5. & in 4. d. 6 quæst. 10. & cum eo Lyquetus, & Mayronius eisdem locis. & Antonius Andreas, 5. Meta. quæst. 13. & lib. de sex principiis quæst. 10. 103

Probat primò, ex Euclide 5. Geometriæ, in principio; Vbi definit proportionalitatem, dicens, *Esse similitudinem duarum proportionum*: quod non potest esse verum, nisi in proportionem fundetur similitudo: sed proportio est etiam relatio, apud omnes: ergo una relatio, ex mente Euclidis, est fundamentum alterius.

Deinde

Deinde ratione : Quia sicut duæ albedines sunt similes, quia sunt eiusdem speciei : & ideo sunt fundamenta relationis similitudinis, per quam vna ordinatur ad aliam : ita duæ paternitates, aut duæ relationes similitudinis, sunt similes ; ergo fundant alias relationes similitudinis, per quas ordinatur quælibet ad aliam.

Pro solutione huius quæstionis ; Notandum est, Relationem duobus modis posse considerari : *Primò per se, formaliter & essentialiter* : & hoc modo est ratio referendi vnum extremum ad alterum sibi oppositum ; vt relatio paternitatis, est ratio referendi patrem ad filium.

104 *Secundò* consideratur *materialiter, & accidentaliter*, in quantum conuenit cum alia relatione in essentia : aut est diuersa ab ea : vt vna paternitas, aut vna similitudo, in quantum conuenit cum alia paternitate, vel alia similitudine, aut differt à filiatione, & dissimilitudine : & hoc modo non consideratur, vt ratio referendi, sed vt id, quod refertur ad aliud : & propterea dicitur, consideratio materialis relationis : quia communis est ei cum rebus absolutis, quæ ad alias referuntur, à quibus separatatur per primam considerationem formalem, & essentialem. Dicitur etiam consideratio accidentaliter : quia sicut accidentale est Petro : quod sit idem in specie cum Ioanne : & huic albedini, quod sit similis alteri : Eadem ratione, accidentale est paternitati, quod sit eiusdem speciei cum altera, aut ei similis. *Probatur paritas rationis euidenter*, quia, sicut hæc prædicatio : Petrus est idem cum Ioanne, aut ei similis, est in s. prædicabili : sic etiam ista, hæc paternitas est eadem cum illa, aut ei similis.

Hoc supposito, nostra sententia duabus conclusionibus explicatur, secundum sensum huius distinctionis. Prima est, *Relatio formaliter, & essentialiter considerata, hoc est, vt ratio referendi relatiuum ad terminum sibi oppositum, non potest esse fundamentum alterius relationis*. Vt paternitas, in quantum est ratio referendi patrem ad filium, non fundat aliam relationem : sed per se ipsam, & non per aliam, est ratio referendi. Hæc conclusio videtur mihi euidenter, ideo non indigeret probatione.

Nihilominus probatur primò : Id quod fundat relationem, refertur per illam ad aliud : vt albedo fundat relationem similitudinis : & per eam refertur ad aliam albedinem. Sed relatio formaliter, & essentialiter sumpta, non refertur ad aliam, sed est ratio referendi vni ad aliud ; ergo non est fundamentum alterius relationis.

105 *Secundò* : Vna relatio formaliter sumpta, dicit formalem oppositionem cum alia relatione termini, ad quem per se

ordinat relationem; ergo per se, atque essentialiter est ei opposita, & non per aliam: quare per se, & non per aliam, erit ratio referendi: sicut per se, & non per aliam opponitur eidem relationi: & ideo hoc modo sumpta, non indiget alia relatione, cuius fundamentum sit.

Probaturs prima consequentia: Quia si per aliam relationem esset illi opposita, non essentialiter, sed accidentaliter ei opponeretur. Et hoc modo sumpsit D. Thom. in illo testimonio relationem, dum negavit, posse esse fundamentum alterius: ut verba citata ostendunt.

Secunda conclusio: *Relatio materialiter & accidentaliter considerata, tanquam id, quod refertur ad aliud: quo pacto comparatur ad relationem non sibi oppositam, sed ad aliam, cui est similis, vel cum qua est eiusdem speciei, fundamentum est alterius relationis, per quam ad eandem relationem refertur.* Ut relatio paternitatis, non comparata ad filiationem, sed ad aliam paternitatem, tanquam ad id, quod ad eam refertur; ut est eiusdem speciei cum ea, fundat non aliam relationem paternitatis: sed aliam relationem identitatis, in primo genere: sicut Petrus; ut est eiusdem speciei cum Ioanne. Vtramque conclusionem nostram, tenet pater Franciscus Suarius tomo 1. suæ Metaphysicæ; disp. 47. sect. 1. num. 5.

Probaturs quoque hæc primò: Vna relatio, solum ordinatur ¹⁰⁶ per se ad oppositam, & ad quamcunque aliam accidentaliter, ut probatum est: ergo licet non ordinetur ad oppositam per aliam relationem, sed per seipsam, ad aliam tamen non potest ordinari, nisi per relationem superadditam accidentaliter. Probaturs consequentia: quia si ordinatur accidentaliter ad aliam, sequitur talem ordinationem esse ei accidentalem: sed ordinator est relatio; ergo per relationem sibi accidentalem ordinatur, quæ non potest fundari in alio, præter eandem relationem.

Secundò: Duæ paternitates, sunt eiusdem speciei, & utraque est id, quod refertur ad alteram, in ratione identitatis specificæ, sicut Petrus refertur ad Ioannem: ergo sic sumptæ, pertinent ad primum genus relationis: & non ut paternitates, quia ut sic, pertinent ad secundum; ergo sub ratione eiusdem, hoc est, ut extrema sunt identitatis specificæ, sed identitatis specifica, per se fundat relationem primi generis: ergo duæ paternitates sub tali ratione, erunt fundamentum relationis identitatis: & ideo necessario erit concedendum, quod una relatio, sit fundamentum alterius, non eiusdem generis, sed diuersi.

Quod hoc modo potest confirmari: Hæc prædicatio est vera, ¹⁰⁷
de

de vtraque paternitate, hæc paternitas est eadem in specie cum illa: & identitas, est relatio primi generis: ergo est eadem, per relationem primi generis: sed ipsa secundum se aut essentialiter, non pertinet ad primum genus, sed ad secundum: ergo pertinet ad primum accidentaliter: & ideo accidentaliter de ea prædicabitur relatio primi generis: sed impossibile est, relationem prædicari accidentaliter, nisi de eo, quod est fundamentum eius: ut patet in qualibet relatione: ergo prædicabitur relatio identitatis, de duabus paternitatibus, tamquam de his, à quibus fundatur. Probatur tandem in relationibus rationis, in quibus evidens est, quod una relatio materialiter sumpta, sit fundamentum alterius. Nam relatio generis constituens primum prædicabile, per se, & essentialiter est ratio prædicandi, de speciebus, sed materialiter sumpta, ut est, quod prædicatur de hac & illa secunda intentione generis, tanquam de individuis, pertinet ad prædicabile speciei, & fundat relationem eius, à qua denominatur accidentaliter: ergo etiam in relationibus rebus, una fundabit aliam sumpta materialiter.

Ad testimonium Aristotelis: Respondeo, ex hoc non multiplicari fundamenta, cum relatio una fundet aliam in primo genere. Testimonium D. Thom. iam est expositum, per nostram primam conclusionem, cuius sensum continet: loquitur enim de relatione sumpta formaliter, & essentialiter: & hoc modo verum est, non posse fundare aliam relationem, sed materialiter tantum, & accidentaliter consideratam.

Ad primum argumentum: Distinguendum est consequens primi enthymematis. Nam duobus modis potest ordinari una relatio, ad aliam. Primo *formaliter*, & ut ratio referendi relationum ad terminum sibi oppositum: & hoc modo seipsa: & non alia relatione ordinatur, & hoc solum probat similitudo albedinis. Secundo, *per accidens, & materialiter*, hoc est tanquam id quod accidentaliter refertur, non ad relationem sibi oppositam, sed ad aliam, cum qua est idem in specie: ad quam non refertur ut paternitas, vel filiatio, sed ut eadem: imò nec per modum relationis, sed absoluti, quod est idem in specie cum alio: quare non potest seipsa referri, sed per aliam sibi superaditam, cuius fundamentum esse necessarium est.

108 Ad secundum, respondent quidam, concedendo processum infinitum in relationibus, & nullum esse inconueniens asserunt: quia tenent relationem sola ratione distingui, à fundamento: quo supposito, solum sequitur, quod dentur relationes per intellectum distinctæ, actu infinitæ, non verò à parte rei: sicut concedendæ sunt in partibus continui, relationes

actu infinitæ. Hæc tamen solutio non placet: quia probabilius est, relationes distinguui ex natura rei à fundamentis, vt inferius probabitur: & ideo concedenda erunt infinita entia distincta à parte rei. Et completa quidem, hoc est, prædicamentalia & composita, ex genere, & differentia: quod est inconueniens. Relationes vero partium continui, incompletæ sunt & parciales, ex quibus quasi vna totalis efficitur: & ideo non est inconueniens admittere, quod sint actu infinitæ.

Respondeo igitur: Negando, quod detur processus in infinitum in relationibus: nam aliud est dari processum in infinitum in aliquibus, aliud verò, quod in infinitum multiplicari possint: nam illud est dari actu infinitum, hoc verò solum in potentia: dari autem infinitum in potentia, nullum est inconueniens, sed necessarium est in diuisionibus continui, & in indiuiduis cuiuslibet speciei: & hoc tantum datur in relationibus, ex eo, quod vna fundet alteram, non actu infinitæ relationes. Quod sic ostendo: nam etiam si duæ paternitates, fundent alias relationes identitatis, non sequitur, quod tales relationes identitatis fundatæ, fundent alias; sed per illas referuntur inter se, & ad quasunque alias eiusdem speciei: sicut per easdem paternitates referuntur patres, in quibus sunt, ad hos filios, & ad omnes alios, quos habebunt. Quod verò possint multiplicari per alias relationes diuersitatis, ad quas istæ referantur per alias rationes etiam diuersitatis, nihil refert: quia eodem modo, per singulas relationes diuersitatis, ordinabuntur ad omnes alias diuersæ speciei: & non erit vltra procedendum in relationibus actualibus, nec multiplicantur plures, ex eo, quod vna relatio sit fundamentum alterius. Quod verò semper possint multiplicari alia, si de nouo fiant relationes in aliis rebus solum est, posse multiplicari in infinitum, & dari infinitum in potentia: vt in diuisionibus continui, & quibuscunque indiuiduis aliarum specierum: & ideo nullum est inconueniens.

Q V Æ S T I O XII.

Verum relationes secundi generis, fundentur in potentia, vel in actione.

TRes modos relationum diuersos enumerauit Aristoteles 109 in hoc secundo genere, 5. lib. Metaphysicæ, cap. 15. & Primum dixit fundari *in actione presenti*, vt calefacientis ad calefactum, & vniuersaliter agentis in actu, ad passum in actu. Secundum, *in actione futura*, vt calefactiui ad calefactibile. Tertium,

tium, in actione præterita, ut pater, & filius: ille enim fundat relationem paternitatis, quia genuit: iste verò relationem filiationis, quia genitus est. Ex his autem, quædā sunt relationes secundum dici tantum: aut etiam relationes rationis: sed omnes quasi permixtas enumerat Aristoteles, quia ex omnibus simul cognitis, melius cognoscitur natura relationum prædicamentaliū. Ex his autem omnibus relationibus, illas saltem recipiunt omnes, pro prædicamentaliū, quæ fundantur in actione præterita: & de his, atque etiā de cæteris prædicamentaliū huius secundi generis inquirimus: *An fundentur in actione præterita, præsentī, aut futura, vel in potentia, à qua procedit actio:* ut an paternitas, & filiatio fundentur in actione, & passione præterita, quas significare solent his nominibus, genuisse, & genitum esse, vel solum in potentia generandi actiua patris, & in potentia passiua filij, per quam dicitur genitus?

110 Potentia verò duobus modis accipi potest. Primo, pro formali aptitudine, aut virtute agendi, quæ accidens quoddam est, superadditum substantiæ corporeæ ad operandum. Secundo, pro ipsamet substantia, ex qua procedit talis potentia: & illa dicitur potentia formalis, hæc radicalis: quia radix eius est: ut potentia formalis ad ratiocinandum, est intellectus, radicalis verò anima, aut natura rationalis.

His expositis: Prima opinio tenet, *Relationes huius generis, non in actione, sed in potentia formali fundari:* ut paternitatem in potentia generatiua: ita Scotus s. Meta. c. 15. & in 4. d. 6. q. 16. & d. 13. q. 1. Probatur testimonio Arist. s. Meta. c. 15. ubi ita ait: *Eorum verò, quæ secundum potentiam, etiā secundum tempora iā dicuntur ad aliquid.* Quibus verbis potentiam dicit esse fundamentum harum relationum.

Deinde ratione. Primo: Quia quod non est, non potest esse fundamentum relationis realis: sed actio præterita iam nō est; ergo in ea non potest fundari relatio realis huius generis.

Secundo: Quia non repugnat Deum separare relationem à subiecto: si autem fundetur in actione præterita, repugnabit prorsus; ergo non fundatur in ea. Probatur minor: quia impossibile est actionem præteritam non fuisse; ergo impossibile etiam erit, non genuisse eum, qui iam genuit, atque adeo nō habere relationem ad genitum actu existentem.

Secunda opinio est, huic opposita: *Relationes huius generis, nō fundari in potentia, sed in actione, & passione.* Ita Sotus s. Phys. q. 2. art. 2. concl. 1. Quod etiam probatur testimonio Arist. s. Meta. c. 15. sic loquentis de fundamento harum relationum: *Sic enim pater quoque, filij pater dicitur, hoc enim fecit: at illud passiua quid est.*

Et etiam ratione. Primò: Quia illud est fundamentum relationis: quo posito, etiam si cætera non ponantur, relatio ponitur, & quo sublato, etiam si permaneant cætera, non confurgit, aut non permanet relatio: sed talis est actio præterita: ergo est fundamentum relationis. Minorem probat: quia eo ipso, quod verum est, hominem genuisse, verum est ac necessarium, habere relationem paternitatis ad filium, & quousque ponatur generatio, etiam si sit potentia, & quæcunque alia, non confurgit relatio: vt ex se est manifestum.

Secundò: Relatio agentis in actu, & passum in actu, non fundatur in potentia, sed in actione. præsentis: ergo nec relatio paternitatis fundabitur in potentia, sed in actione præterita. Euidens est consequentia, quia Aristot. eodem modo de vtraque relatione loquitur: & ratio prorsus est eadem. Probatur antecedens: quia agens non dicitur tale à potentia: eum videamus eam multo tempore ab aliquo haberi, & non vocari agens actu, quousque ab eo procedat actio: ab hac ergo denominatur, & in hac fundatur relatio, quam habet ad passum, & non in potentia.

Tertia opinio: *Nec actionem, nec potentiam formalem actiuam aut passiuam, dicit esse fundamentum harum relationum, sed radicalem pro forma substantiali, aut essentia ipsa rei accepta, ex qua procedit formalis.* Hanc sequuntur moderni quidam propter hoc argum. Relatio non potest dari in subiecto, sine suo fundamento à quo sicut accipit entitatem, ita conseruatur in ea: vt sine albedine, non potest dari similitudo, aut sine quantitate æqualitas: sed si relatio paternitatis fundetur in potentia generatiua, dari poterit in subiecto sine illa: ergo dabitur sine fundamento proprio. Probatur minor: quia postquam homo genuit, amittere potest potentiam generandi, vel Deus saltem eum poterit ab eo auferre, viuente filio, & tunc dabitur relatio in subiecto, sine proprio fundamento: ne igitur hoc inconueniens admittatur, asserunt fundari in potentia generandi radicali, quæ est anima, aut natura sensitiua.

Vltima sententia, tenet, *fundamentum harum relationum esse potentiam, non nudam, sed vt reductam ad actum per actionem: ita vt actio solum sit conditio, fundamentum verò potentia reducta ad actum.* Hanc tenet Sonc. 5. Met. q. 15. Et videtur nobis probabilior, & tenenda.

Quatuor ergo dicimus in hac re: Primum, *Quod fundamentum proximum harum relationum non sit potentia radicalis, pro forma substantiali, vel essentia rei.* Quod probatur primò, ex doctrina Arist. euidenter: nam 5. Meta. cap. 15. has relationes in potentia

potentia generatiua, actiua, & passiua fundari expressè docuit: sed per potentiam generatiuam, nec Aristo. neque vllus vnquã intellexit formam substantialem, aut essentiam rei; per quas constat habere hominem, in quo non est potentia generatiua: ergo tertia illa sententia, non potest defendi in doctrina Arist.

113 Et probatur esse falsam hoc argum. Relationes huius secundi generis, sunt eius; quod procedit ab alio, tanquam à principio efficiente; & eius, à quo procedit aliud: sed potentia proxima, per quam vnum procedit ab alio; vt filius à patre, est formalis, & non radicalis, nisi remota: ergo si relationes istæ fundantur in potentia (vt admittit eadem sententia) repugnat; quod earum fundamentum proximum sit forma, vel essentia: sed necessariò dicendum est, proximè fundari in potentia formali. Probat. minor: quia proximum principium efficiendi est potentia formalis, à qua procedit actio generandi: sicut proximum principium, à quo procedit actio intelligendi, est intellectus, & non anima, nisi remotum.

Secundò dicimus, *Nudam potentiam, priusquam reducat. ad actum; non esse fundamentum sufficiens relationis.* Probat. hac ratione: Filius procedit à patre, tanquam ab actuali principio sui esse: sed non est actuale principium, per solam potentiam, nisi media generatione, vt notum est: ergo nec potentia est sufficiens fundamentum; nisi media generatione reducat. ad actum.

114 Tertiò dicimus, *Actionem non esse fundamentum harum relationum.* Quod probatur primò, quia non est certum, sed in opinione positum, quod relatio distinguatur ex natura rei, à fundamento: sed euident. erit, distingui has relationes, si fundamentum earum sit actio, & non potentia: ergo non est asserendum. Probat. minor: quia generatio actiua, non permanet in patre, sed transit ad filium: aut saltem in materia prima, ex qua generatur, est tanquam in subiecto: sed relatio paternitatis, est in patre: ergo euident. erit distingui realiter ab actione, quia euident. est, accidentia inhaerentia in subiectis adæquatis, & realiter distinctis, ex natura rei esse distincta.

Secundò: Quia relatio filiationis consequitur hominem genitum: ergo idem est principium vtriusque: sed generatio non est principium, neque causa, sed causatio, aut medium, quo procedit genitum à principio, & consequenter relatio filiationis: ergo nec potest esse fundamentum relationis. Probat. hæc vltima consequentia, quia in his relationibus, processionis vnius ab alio, idem est esse principium, à quo procedit aliud, & fundamentum relationis eiusdem principij ad ipsum.

Vltimò dicimus: *Fundamentum proximum harum relationum* 115
esse potentiam; ut reductam ad actum per actionem: ita ut actio
 solum sit conditio, potentia verò, ut ab ea procedit actio, fun-
 damentum. Hæc est expressa sententia Aristot. 5. Metaph. cap.
 15. vbi fundamentum earum assignans, ait: *Actiua verò, & passi-*
ua, secundum actiuam, & passiuam potentiam, & potentiarum actio-
nes. Quibus verbis utramque pertinere ad fundamentum do-
 cet, nempe potentiam, & actionem: illam quidem tanquam
 principium, & ideo tanquam fundamentum: hanc verò; ut
 conditionem necessariam; sine qua non potest illa esse fun-
 damentum.

Et probatur rationibus primæ, & secundæ opinionis: quibus
 hæc addenda est: Filius procedit à patre, tanquam à principio
 efficienti actuali suæ generationis: & ad ipsum, ut tale refertur:
 sed non constituitur in ratione actualis principij, nisi per po-
 tentiam simul cum actione generandi per quam reducitur po-
 tentia ad actum, & denominat hominem generantem, vel
 actuale principium generationis: ergo potentia; ut ab ea proce-
 dit actio, est fundamentum relationis. Argumenta primæ, &
 secundæ opinionis, ex parte probant nostram sententiam: ideo
 non est eis respondendum.

Pro solutione arg. tertię opinionis, de separabilitate funda- 116
 menti à relatione, explicandum est, quomodo se habeat funda-
 mentum ad relationem: & quo etiam modo hæc dependeat ab
 illo. Et fundamentum quidem relationis, non est adeò mate-
 rialiter accipiendum, sicut fundamentum domus, aut parietis:
 super quod materialiter consurgunt: sed in hoc sensu dicitur
 res aliqua fundamentum relationis: quia illa media fit, aut pro-
 ducitur relatio in subiecto: dependentia verò relationis à fun-
 damento, non est eadem in omnibus relationibus, sed maior,
 vel minor, secundum naturam cuiuslibet relationis. Est autem
 differentia inter relationes secundi generis, ex vna parte, &
 alias omnes ex altera: quòd in relationibus primi, & tertij
 generis, fundamentum habet modum formæ, per quam con-
 stituuntur extrema in ratione extremorum: ut albedo, quæ est
 fundamentum similitudinis, extremorum forma est, quia me-
 dia relatio inhæret extremis: vnde si ab eis tolleretur, non ha-
 berent capacitatem recipiendi relationem; ut si albedinem
 tollas ab extremis similitudinis, implicat contradictionem,
 talem relationem eis in esse: vnde sequitur, relationes has non
 solum in esse, & fieri, sed etiam, in conseruari depen-
 dere à fundamentis; ita ut non possint vllò modo sine illis
 consistere.

Fundamenta verò relationum secundi generis, alio modo se habent: non enim sunt formæ extremorum, sed virtutes, aut media tantum: à quibus effectiue procedit relatio, vt à principio efficiente, non quidem per se, sed quasi per accidens: quia nullum est agens, quod per se intendat relationem.

117 Gratia exempli: potentia generandi est virtus efficientis, per quam producit effectum, & ex consequenti relationem, eum consequentem: vnde relatio proximè inhæret substantiæ, quamuis media potentia, & actione fiat: vnde sequitur, has relationes solum dependere à suis fundamentis, in esse & fieri: quia eis mediis fiunt ab efficiente: non tamen dependere in conservari: quia non dependent ab eis tanquam à formis extremorum, sicut de cæteris relationibus dictum est.

Et ex his respondetur ad formam argumenti. Negandum est enim antecedens, quod relationes huius secundi generis, non possint permanere in subiectis sine fundamentis: vnde nec repugnat, quod separata potentia generatiua ab homine, qui genuit, & permanente, filio genito, permaneat relatio paternitatis, & filiationis: imò, extremis permanentibus, necesse est eam permanere. Et ratio huius est: quia non dependent à fundamentis, in conservari: sed tantum in esse, & fieri: vt explicatum est.

Q V Æ S T I O XIII.

An relationes tertij generis sint reales, & prædicamentales.

118 **T**ertium genus relationum est, mensurabilis, & mensuræ, de quibus non est apud omnes certum, An sint veræ relationes, neque an sint prædicamentales.

Sed prima opinio, tenet, *Non esse veras relationes*, sed solo nomine ita vocari: & hanc esse causam, ob quam dicuntur ab Arist. *relationes secundum dici*: quasi titulum solum eis concedat, in re verò nihil sint: quare nec pertinent ad hoc prædicamentum, neque ad aliud.

Ita Henricus, quodlib. 2. quæst. 4. quem sequuntur moderni quidam: & probant testimonio Aristot. 5. lib. Metaph. cap. 15. *ubi Mensurabile, scibile, & intelligibile, ait, non esse ad aliquid*, quia ipsa referantur, sed quia alia referuntur ad ipsa: ergo ex parte mensurabilis nulla datur relatio, sed longè minus ex parte mensuræ: nam mensura absolutum quid est, quare solo nomine dicuntur relatiua, & re ipsa nullam relationem habent:

& hoc est esse relatiua secundum dici, & ad nullum prædicamentum pertinere.

Alij verò, *Eiusmodi relatiua vera, & realia esse*, concedunt, sed transcendentalia vocant, non prædicamentalia: quia ad multa prædicamenta pertinere pollunt; vt ad qualitatem, & quantitatem: & ideo non collocantur in hoc prædicamento. Quare secundum has duas sententias, duo tantum sunt genera relationis prædicamentalis. Primum, *Quod fundatur in unitate*. Secundum: *In potentia, & actione*. Tertium verò, *Res est de solo titulo, vel, titulus siue re.*

Tertia opinio est Caiet. quam superius citauimus, asserentis, *has relationes non solum esse reales, & prædicamentales, tertium genus huius prædicamenti constituentes, sed mutuas, hoc est, reales ex parte vtriusque extremi: quorum vnum refertur ad aliud, per veram relationem in se existentem, nempe mensurabile ad mensuram: hæc verò refertur ad mensurabile, non per relationem in se existentem, sed per relationem eiusdem mensurabilis ad ipsam. Idque probat eodem testimonio Arist.* citato pro prima sententia. 119

Communis tamen sententia, totius ferè scholæ est, *Relationes mensurabilis, & mensura veras, & reales esse, & tertium genus huius prædicamenti constituere, sed non mutuas: quia reales sunt tantum ex parte mensurabilis, non ex parte mensura.* Ita D. Thom. expressè 5. Metaph. lect. 17. & 1. partic. quæ. 13. artic. 7. & omnes interpretes Aristot. non solum capite præsentis, sed 5. Metaph. cap. 15. Inò ipsemet Aristot. etiam expressè ibidem, postquam primum, & secundum genus relationum posuit, tertium addit: in quo posuit mensurabile, scibile, & intelligibile.

Sed notandum est primò: Quòd hoc tertium genus relationum explicat, & distinguit a primo, & secundo, D. Thom. eisdem locis hanc differentiam inter ipsum, & alia assignans, quòd relationes primi, & secundi generis sunt mutue, hoc est, reales ex parte vtriusque extremi: ita vt in duobus extremis, duæ sint relationes reales, quarum vtraque suum extremum denominat formaliter: vt in patre, & filio, simili, & æquali, est manifestum: in relatiuis verò tertij generis, solum vna relatio realis reperitur, à qua vtrumque extremum denominatur: vnum quidem denominatione formali, & intrinseca, alterum verò solum denominatione extrinseca: vt in scientia, & scibili, solum reperitur vna relatio realis: per quam scientia dicitur formaliter mensurabilis, & per eandem denominatur obiectum mensura eiusdem scientiæ: sed denominatione solum 120

solum extrinseca: & ideo relationes huius generis dicuntur non mutua.

- 121 Secundo notat D. Thom. rationem, propter quam in his relatiuis, tantum sit vna relatio realis, à qua vtrumque extremum denominetur: cum tamen in aliis duobus generibus, singulae relationes denominent singula extrema, & ideo dicantur relatiua huius tertij generis non mutua.

Rationem autem huius esse ait, quia extrema harum relationum non sunt eiusdem ordinis, sed diuersi: & ideo licet vnum ad aliud ordinetur realiter, per intrinsecam relationem, non ordinatur tamen aliud ad illud, sed solum dicitur tale à relatione reali alterius. Gratia exempli: Scientia, & potentia ordinantur ad propria obiecta, quæ secundum se absoluta sunt, nec pertinent ad ordinem scientiarum; & potentiarum: quare nec ordinantur ex se ad easdem scientias, & potentias: & ideo non habent relationem realem intrinsecam, à qua denominentur mensurae, sed solum denominantur à relationibus earum: ita, vt eo ipso, quod scientia, & potentia denominantur formaliter mensurabiles, per obiecta à propriis relationibus realibus, obiecta ipsa ex se absoluta, consequantur denominationem extrinsecam relatiuam mensurae, ab eisdem relationibus.

- 122 Et hunc esse sensum Arist. (ait D. Tho.) dum asseruit, *Meta. cap. 1 §. relatiua primi, & secundi generis esse talia*; quia referuntur ad aliud: sed relatiua tertij generis, non quia referuntur ad alia, sed quia alia referuntur ad ipsa: quod asseruisse docet, non propter vtrumque extremum: nam scientia, & potentia etiam dicitur talis: quia refertur ad obiectum: sed propter alterum tantum, nempe propter ipsum obiectum: quod non dicitur scibile, nisi quia scientia versatur circa ipsum: vnde hoc non fuit aliud, quam dicere, has relationes non esse mutuas, sed vnâ pro vtroque extremo deferuire, & vtrumque denominare, formaliter quidem vnum, & extrinsecè aliud.

Tertio notat D. Thom. quod illud extremum harum relationum, in quo non est relatio realis; duobus modis dicitur tale.

Primo quidem, *denominatione reali extrinseca*, à relatione reali existente in alio extremo.

Secundo, *denominatione quasi formali, & intrinseca*, non reali, sed rationis.

Nam ex eo, quod intellectus videt denominari obiectum à relatione scientiæ, & eandem relationem terminare, concipit illud, ac si verè ordinaretur ad scientiā: & tribuit illi relationem rationis

rationis; per quam ipsum ordinat ad eandem scientiam. Inter utramque verò denominationem, hæc est differentia: quod prima, & realis est denominatio relatiua; quia à relatione suscepta: per eam tamen non refertur scibile ad scientiam: sed ad aliquid dicitur: hoc est, relatiuè denominatur, quia aliud refertur ad ipsum: denominatio verò, quam ei tribuit intellectus, cum sit relatio ex parte ipsius; aut in ipso concepta, ei-que attributa, non solum illud denominat relatiuè, sed etiam refert ad aliud.

Vltimò notandum est, Potentiam, habitum, & scientiam, duos habere respectus: Vnum, qui includitur in ratione absoluta earum, & eandem cõplet essentialiter: Alterum, qui extra essentiam absolutâ est: & ideo ei cõuenit solum accidentaliter: & primum respectum, includunt sub nominibus potentiarum, habituum, & scientiarum: & ideo secundum illû non sũt relatiua secundum esse, sed secundum dici: quare nec ipsæ, nec talis earum respectus pertinet ad hoc prædicamentum, sed ad prædicamentum qualitatis. Per secundum autem respectum denominantur mensurabiles ab obiectis, neque aliquid absolutum includunt sub his nominibus, sed solâ relationem: & ideo sunt relatiua secundum esse, & constituunt hoc tertium genus relationum: quæ omnia tradit D. Tho. eisdem locis: & nos ex mente eius copiosius explicimus q. 6. huius prædicamenti.

Testimonium Arist. quod pro se adducit prima opinio Hærici, & modernorum, explicatum est iam, à D. Tho. secundum germanum sensum, in fauorem communis sententiæ, quam sequimur: quia eam, absque dubio, continent, sed à modernis in oppositum sensum trahitur. Intelligunt enim Arist. de iis relatiuis dixisse, quod neutrum extremum eorum sit verè relatiuum, sed solo nomine talia dicantur: hoc verò falsû est, & verbis Arist. contrarium: qui de solo vno extremo eorum dixit, non denominari tale per relationem; qua ipsum refertur ad aliud, sed per eam; qua aliud refertur ad ipsum: quod non potest esse verum, nisi ex parte alterius extremi daretur vera relatio realis: nam si non datur, nec erit, à quo denominetur. Sensus igitur Arist. est; Vnum extremum esse ad aliquid, quia per propriam relationem refertur ad aliud: alterû verò dici ad aliquid, nõ quia referatur, sed quia denominationem relatiuam à relatione alterius suscipit. Ex quo etiam patet, non bene intellexisse Caiet. idem testimonium Arist. ex eo colligentem vtrumque extremum harum relationum referri ad aliud, vnû quidem per relationem propriam, aliud verò per relationem alterius: cum tamen repugnet aliquid referri ad aliud

aliud, nisi per relationem in se existentem. Arist. ergo relatiuum denominari docuit à relatione alterius: quia relatio non potest tribuere, nisi denominationem relatiui; quod verò referatur per alienam relationem, nec vnquam somniauit.

QVÆSTIO XIII.

*An relatio distinguatur realiter à fundamento, vel
solum ratione.*

215 **F**undamentum relationis primi generis, diximus iam; *Esse substantiam; qualitatem, & quantitatem, sub ratione Vniversalis; aut diuersitatis generica, vel specifica.* Fundamentum relationis secundi generis: *Potentiam, actiuam, & passiuam, reductam ad actum per actionem, & passionem: Adæquationem verò, aut commensurationem vnius rei cum alia; vt scientiæ, cum suo obiecto, fundamentum relationis tertij generis.* Quærimus igitur modò: *An relationes medijs his fundamentis in extremis insurgentes, distinguantur ab eisdem fundamentis realiter, & ante operationem intellectus; vel solum ratione per intellectum? vt paternitas à potentia generatiua, similitudo ab albedine, & æqualitas à quantitate:*

226 **E**t prima opinio asserit; *Nullam relationem distingui realiter à suo fundamento, sed ratione tantum ratiocinata, habente fundamentum in re.* Ita sentiunt Nominales, Ocham, & Maior, in 1. d. 3. quæst. 1. Greg. d. 28. qu. 2. art. 1. Marsilius in 1. q. 32. ar. 1. Herueus d. 3. q. 1. Iauellus §. Meta. q. 22. Sencinas ibidem, q. 28. Duran. in 1. d. 3. q. 2. num. 17. Probatur testimonio Aristotelis, §. lib. Physic. tex. 11. & lib. 11. Meta. cap. penultimo. Quibus locis asserit; *Relationum non terminare motum per se: quia saepe acquiritur sine mutatione subiecti: vt si Compluti sit vnum corpus album, & fiat aliud album Romæ: illud acquirit nouam relationem similitudinis; sine aliqua sui mutatione: imò sine mutatione albedinis in eo existentis: ergo non acquirit nouam entitatem realem, distinctam ab albedine.* Probatur consequentia: quia si relatio esset noua entitas realis, distincta ab albedine, acquireret nouam formam realem, quæ sine mutatione subiecti non potest acquiri: imò nec produceretur ab aliquo talis entitas relationis, quia non est, à quo produci possit, nisi ab eodem agente, à quo Romæ produciatur nouum album: sed ab eo produci repugnat, cum non possit agere ad tantam distantiam.

Probatur etiã ratione. Primò, quia illa quæ distinguuntur
realiter

realiter, separari possunt inter sese, saltem per potentiam Dei absolutam: vel impediri potest consecutio vnius, ex altero: sed posito fundamento in utroque extremo, repugnat non sequi relationem: & permanente etiam utroque, repugnat non permanere relationem: sicut in duobus albis eiusdem gradus est manifestum, à quibus repugnat separari similitudinem: ergo relatio non est entitas realis, distincta à fundamento.

Secundò probatur: Quia non sunt multiplicandæ entitates sine urgente necessitate: sed posita distinctione reali relationis à fundamento; multiplicantur penè infinite entitates, in singulis relatiuis; præsertim si ad distinctos terminos referuntur, per distinctas relationes; (vt probabile est) ergo non est ponenda talis distinctio realis. Probat consequentia: quia nulla urget ratio efficax, per quam probetur esse ponenda: sed cum relatio non sit aliud, quam modus se habendi ad aliud, absque noua entitate possumus intelligere, alio modo se habere, quod est, referri ad aliud.

Secunda opinio: distinctione utitur. Nam relationes, quæ 128 possunt separari ab extremis; ita vt extrema permanentia cum fundamentis, possint esse sine relatione, asserit distinguere realiter à fundamentis: illas verò quæ ab eisdem fundamentis, in extremis positæ, non possunt separari, non distinguere ab eis; nisi ratione: quæ autem sint, quæ separari possint ab extremis: & quæ non possint, non explicat: imò neque rationem ullam affert, ad id confirmandum: quare consule satis loquitur: id solum declarans; quòd relationes secundi generis, quas putat in potentia nuda fundari, & non in potètia reducta ad actum; non distinguuntur à fundamento. Addit autem, quòd relationes, quæ identificantur cum substantia, quæcunque illæ sint, non pertinent ad hoc prædicamentum: quia repugnat accidens identificari cum substantia. Alij verò moderni relationes omnes fundatas in substantia, realiter distinguunt à fundamento, propter eandem rationem.

Tertia opinio, *Distinguit omnes relationes reales, à suis fundamentis realiter*: quam sequuntur ferè omnes Thomistæ. Caiet. 1. part. quæst. 28. art. 2: & ibid. Bannes, Cap. in 1. dist. 3. qu. 1. Ferrar. 4. lib. contra gentes; cap. 14. Sotus quæst. 2. huius prædicamenti. Fonseca 5. lib. Meta. cap. 15. quæst. 2. sect. 1. Et eandem videtur sequi Scotus, in 2. d. 1. q. 5. & in 3. d. 8. q. 1. Et videtur mihi probabilior, & tenenda. Hoc solum addendum est, quod talis distinctio, non est ita realis, qualis reperitur inter duas res, sed qualis reperitur inter rem, & modum eius: nā cum relatio non possit esse in rerum natura, sine relatiuo (vt

postea probabitur) non se habet, tanquam alia res distincta ab eo: sed tanquam modus eius: ideo non distinguitur tanquam una res ab alia: sed per distinctam quidem entitatem realem, & sine dependentia ab intellectu: solum tamen modalem, & distinctione non rei, sed modi: & eam sic explicatam, sequuntur iam omnes ferè moderni.

119 Probatur autem ex doctrina D. Th. qui *tria docet de relationibus creaturarum*. Primum; quòd aliud esse habeant distinctum, ab esse substantiæ: & secundum hoc esse ei inhæreant. Secundum, quòd in relatiuis creatis, præter id, quod significatur nomine relatiuo, inueniatur aliquid aliud, quod est res alia diuersa ab ea: quæ significatur per nomen relatiuum. Tertium, quòd relatio creata, sic inhæret subiecto; vt faciat cum eo compositionem realem: relatio verò diuina, non facit compositionem. Primum & tertium asserit 4. lib. contra gentes, capit. 14. Secundum verò 1. part. quæst. 28. ar. 2. ad 2. Ex quibus euidenter sequitur; relationem distingui ex natura rei, saltem à substantia, cui inhæret; & quam ordinat ad aliud: quia realis compositio, & realis inhærentia, supponit distinctionem realem componentium, atque etiã subiecti, & formæ inhærentis: sed superius probatum est, ex communi sententia; relationes primi generis; fundari proximè in substantia: ergo de his saltem relationibus euidenter est in doctrina D. Th. distingui à substantia ex natura rei: & cum sit eadem ratio de cæteris, sequitur cum sentire; quòd omnes distinguantur ex natura rei, a suis fundamentis.

Idem ratione probatur. Primò; Ex noua, atque reali acquisitione relationis, & ex reali eius deperditione. Nam dum corpus erat albū, & nō erat simile, fit de nouo simile, per productionē noui albi: & dum hoc album corrūpitur, desinit esse simile: ex quo sic arguo: Primum albū non erat realiter simile, antequam produceretur secundū; ergo cū producitur, fit realiter, & formaliter simile; per realē relationem similitudinis: quā prius non habebat, licet haberet albedinem, quæ est eius fundamentum: sed relatio realis, est realis forma relatiua: ergo acquirit formam realem relatiuam, quam non habebat: & realis forma, est realis entitas: ergo acquirit realem entitatem; quam non habebat, licet haberet fundamentum: relatio igitur res est à fundamento distincta. Et idem sequitur, ex reali separatione eiusdē relationis à subiecto: nam corrupto alio albo, corrūpitur in hoc realis similitudo, ergo realis forma relatiua: & ideo realis entitas, permanente entitate reali fundamenti: quod non potest esse verū, nisi sint entitates reales distinctæ.

Hoc

Hoc argumentum duobus modis conatur soluere modernis. Primo, asserentes, quod dum nouum album produci-¹³¹ citur, nihil nouum acquirit antiquum album, sed solum id habere nouum ex eo, quod de nouo factum est simile: ut nouum extremum connotet, quod prius non connotabat: unde relatio similitudinis, non est aliud (inquiunt) quam albedo, ut connotans terminum, ad quem refertur. Hæc tamen solutio non satisfacit argumento: quia album illud denominatur de nouo simile realiter, & formaliter, atque etiam accidentaliter; cum prius nullo modo denominaretur: sed denominatio realis, & accidentalis, non potest fieri, nisi à forma reali inhaerente: ergo noua denominatio non potest fieri, nisi à noua forma reali, & inhaerente: Falsum igitur est, quod esse de nouo simile, solum sit noua connotatio termini. Probat-
tur consequentia: quia talis connotatio, quæ supponit nouam denominationem realem, formalem, & accidentalem, nec potest esse, nec intelligi, sine noua acquisitione realis formæ.

Quare alij respondent secundo: Negari non posse, quin antiquum album acquirat aliquid nouum; non tamen distinctum à fundamento realiter; sed sola ratione: & ut vno verbo dicatur, non comparate nouam entitatem realem; sed nouam rationem formalem relatiuam: à qua nouam denominationem realem suscipit. Hæc tamen solutio verba solum continet, & nihil aliud: quare nec potest argumento satisfacere: quod sic probo: Ante operationem intellectus, antiquum album sit realiter, formaliter, & accidentaliter simile, cum prius non esset simile, licet haberet albedinem: sed talis denominatio, non potest prouenire, nisi à forma inhaerente de nouo acquisita: cum denominatio sit noua, & acquirat talem denominationem nouam; sine dependentia ab intellectu: imò licet nunquam ab eo cognoscatur: ergo acquirit nouam formam, absque dependentia, vel distinctione intellectus: & ideo ex natura rei distinctam à fundamento, quod habebat prius.

Secundo: De relationibus fundatis in substantia, specialiter¹³² probatur: quia substantia est ens per se, nulli inhaerens: & accidens reale, ex propria natura inhaeret substantiæ: sed relatio est accidens reale: ergo inhaeret realiter substantiæ. Sed repugnat; quod eadem entitas realis, sit per se, & inhaereat alteri: quia esset simul per se, & non per se: ergo repugnat, quod relatio sit eadem entitas realis, cum substantia: quare necesse est relationem fundatam in substantia, distingui realiter à suo fundamento. Neque aliquid valet, quod solet responderi; relationem non inhaerere substantiæ, nisi ut distinctam

stinctam ratione ab ea. Hoc enim aperte falsum est, quia ante operationem intellectus, vna substantia refertur ad alteram, per relationem realem, & accidentalem: ergo ante operationem intellectus, relatio est in substantia. Tunc ergo: vel est ens per se, ante operationem intellectus, vel ens in alio: non per se, quia erit substantia, & non relatio accidentalis: ergo est ens in alio; quod non potest intelligi, nisi per realem inhærentiam: & cum idem non possit sibi realiter inhære, sequitur relationem realiter inherenter, distinctam entitatem esse à substantia, cui inhæret, & in qua fundatur.

133 Ad testimonium Arist. Responderetur hac distinctione: mutari aliquid, duobus modis contingit, *Per se, & per accidens*; *Per se* mutatur illud cuius mutatio intenta est à natura, vel ab aliquo agente naturali: vt dum lapis mutatur, à loco superiori ad inferiorem. *Per accidens* verò mutatur, si mutatio eius casu contingat, vel ex mutatione alterius extrinseci. Dum ergo Arist. ait, *Ad relationem non terminari motum per se*: quia relatio solet acquiri sine mutatione subiecti, in quo consurgit: de mutatione per se loquitur: sed non excludit, quin mutetur saltem per accidens illud quod solam relationem de nouo recepit: nec ad intetum eius hoc requirebatur, sed satis est, quòd per se non mutetur, vt verum sit, quòd ad relationem non sit per se motus.

134 Ad secundum arg. prius est respondendum, quàm ad primū. Respondemus igitur; Concessa maiore, & minore, sed negando consequentiam, quòd sine virginti necessitate distinguamus entitatem relationis ab entitate fundamenti: nam rationes adductæ, satis virgites sunt.

Dubium de separatione relationis à fundamento.

Circa solutionem secundi arg. dubitatur: *An posito fundamento relationis in utroque extremo, sic necessario consurgat relatio, vt nec per potentiam Dei absolutam, impediri possit talis consecutio: & an postquam iam est in utroque extremo posita, possit ab eis separari, ita, vt permancant duo alba eiusdem gradus intensiōis, sine relatione similitudinis.*

Et prima opinio tenet: *Nec posse impediri, quin sequatur, nec postquam iam est in extremis, separari ab eis*: ita nonnulli ex modernis. Et quòd impediri non possit, consecutio eius posito fundamento in utroque extremo, probant: quia intelligi non potest, quòd vnus homo genuerit alterum, quin ille sit pater, & iste filius (si vterque permancant) nec possunt intelligi duo alba in eodem gradu; quin intelligantur similia.

EE

Ergo

Ergo fieri non potest, quin relatio sequatur posito fundamento, in utroque extremo. Quod verò postquam relatio iam est in utroque extremo, non possit ab eis separari vlllo modo, probant hoc argumen. Relatio, non est aliud, quàm ita se habere vnum extremum ad alterum, præsupposito fundamento; ergo est modus relatiuorum: sed modus non potest esse separatus à re, cuius est: alioqui iam non esset modus, sed res: ergo nec relatio poterit separari à fundamentis in utroque extremo existentibus.

Nostra tamen sententia est: quòd supposita distinctione ex natura rei, inter relationem, & fundamentum: quam defendimus, separari potest relatio ab eo, etiam posito in utroque extremo: ita vt impediti possit à Deo, ne sequatur in extremis, atque etiam postquam in eis reperitur, in eisdem esse definat: non quidem sine eis existens in rerum natura, sed extrema sine illa.

Probantur duo priora hoc arg. Relatio est entitas ex natura rei distincta à fundamento, & non pertinet ad essentiam eius, aut extremorum, in quibus est: ergo etiam si naturaliter sequatur ex eo, iam posito in utroque extremo, non implicat contradictionem: quòd talis consecutio impediatur. Antecedens ex nostra sententia est manifestum, quia relatio non solum est entitas distincta à fundamento, sed rationem etiam formalem, & prædicamentalem habet ab eo diuersam: ergo nulla est repugnantia, quin impediatur à Deo consecutio eius, ex fundamento in utroque extremo posito: sicut non repugnat, propriam passionem distinctam realiter ab essentia, à qua procedit; ab ea non procedere: vt risibilitas ab essentia hominis. Et eadem ratione probatur, quòd postquam in eis reperitur, possint sine illa permanere.

Sed quia duobus modis intelligi potest: Quod ab eis separatur: Primò, ita, vt sine illis permaneat in rerum natura, atque etiam extrema sine illa: vel secundo non sic, sed ita, vt relatio destruat, aut definat esse: & extrema sine illa permaneant. Dicimus ergo hoc secundo modo posse ab eis separari, non primo. Probatur primum: quia non est de essentia extremorum, & habet distinctam entitatem relatio ab eis: ergo nõ repugnat, quòd à Deo destruat, permanentibus sine illa extremis. Probatur secundum: quia relatio est modus extremorum, per què taliter se habet vnum, in ordine ad alterum: ergo intrinsicum est illi actu referre vnum ad alterum: & ideo repugnat permanere in rerum natura, quin actu referat: quia si separata ab eis daretur, nihil referret ad aliud.

Ad primū arg. oppositæ opinionis: Distinguendum est antecedens: quia duo alba esse similia, duobus modis intelligi potest, *formaliter*, aut *fundamentaliter*: & si separaretur ab eis relatio, intelligerentur similia fundamentaliter, non formaliter: in quo nulla est repugnantia: & eodem modo generans, & genitus, quasi in fundamento proximo intelligerentur, pater, & filius, non formaliter.

Ad secundum: Concedendum est antecedens, quod relatio sit modus extremorum: ex quo solum sequitur, quod ipsa non possit esse in rerum natura sine extremis: non tamen, quod extrema non possint esse, sine illa.

Primum dubium.

An relationi conveniat habere contrarium.

DVo restant dubia, circa duas proprietates relatiuorum: quarum prima est: *Quod in eis reperitur contrarietas*. Videtur enim Arist. sibi contrarius in hac proprietate. Nam capite de quantitate, negat expressè, *Quod relatiua habeant contrarium*: capite verò præsentī, tanquam proprietatem tribuit illis, *Quod contrarium habeant*. Et videntur eam habere: quia simile, & dissimile, contraria sunt: & etiam æquale, & inæquale, & sunt relatiua primi generis.

138 Prima opinio, est Toleti in expositione textus, qui hac distinctione utitur: *Relatiua dupliciter considerari possunt*. Primò, *formaliter*, prout relatiua sunt. Secundò, *materialiter*, pro fundamentis relationum, ut duo alba considerantur in quantum similia, & in quantum alba: & sub prima consideratione, inquit, non habent contrarium, bene tamen ratione fundamenti, habere possunt, & dum Arist. negauit habere contrarium, formaliter locutus est: sed dum eis tribuit contrarietatem, loquitur fundamentaliter: nam hoc modo contraria sunt dissimilia, ut album, & nigrum.

Nostra tamen sententia est: Propriam contrarietatem, non conuenire relatiuis, nec formaliter, nec ratione fundamenti, sed impropria, pro quocunque genere oppositionis, etiam formaliter eis conuenit. Probat, quod non conueniat eis formaliter propria contrarietas, hac ratione, *Contraria sunt, quæ sub eodem genere maximè distant, & ab eodem subiecto mutuo se expellunt*: Ergo contraria, ut talia sunt, formaliter, & expressè respiciunt subiectum, circa quod se expellunt: sed relatiua, ut relatiua, non respiciunt formaliter, & expressè subiectum, sed terminum: ergo, ut relatiua non sunt proprie

contraria. Quod verò, nec ratione fundamenti, probatur: quia licet fundamenta aliquorum relatiuorum contraria sint, vt albedo, & nigredo; quæ sunt fundamenta dissimilitudinis, tamen per accidens se habet contrarietas ad rationem dissimilitudinis. Probatur euidenter: quia sola diuersitas specifica, sine vlla contrarietate, fundat relationem dissimilitudinis: vt albedo, & nigredo; vel alia quæcunque contraria, quæ sunt fundamenta dissimilitudinis: at eodem modo eam fundarent: quamuis contraria non essent, per solam differentiam specificam: ergo contrarietas per accidens etiam se habet ad fundandam relationem, & ideo, nec ratione fundamenti per se considerati, vel vt fundamentum est, conuenit relationi.

Ad Aristotelem verò; Respondeo, non esse sibi contrarium: quia capite de quantitate, secundum propriam sententiam loquitur, negans, *Quod relatiuis aliquid sit contrarium*: præsentem vero cap. tribuit eis contrarietatem, non quod sentiat veram esse proprietatem eorum, sed vt ostendat definitionem antiquorum, minus bonam esse: cum ex ea sequatur, accidentia absoluta, in quibus reperitur contrarietas, esse relatiua: & relatiuis aliquid esse contrarium: quæ cum sint falsa, sequitur non esse bonam definitionem illam: nec est verum, quod veris relatiuis, aliquid sit contrarium: nec ex propria sententia id aliquando docuit Aristot. Quod denique impropria contrarietas, pro quocunque genere oppositionis eis conueniat, vt relatiuis, euidenter est: cum relatio formaliter sumpta, includat oppositionem relatiuam, quæ est vnum genus ex quatuor oppositionibus.

Dubium Secundum.

An relatiua suscipiant magis, & minus.

DVbium hoc de solis relatiuis secundum esse, & prædicamentibus, procedit. Et ratio dubitandi sumitur ex Aristotele, qui asserit: *Proprium esse relatiuorum, suscipere magis, & minus*. Et ne videretur alicui, cum non loqui de veris relatiuis, atque ex propria sententia, sed ex sententia antiquorum, & secundum definitionem eorum, ponit exemplum huius proprietatis, in simili, & dissimili: quæ sunt vera relatiua, & prædicamentalia.

Prima opinio, distinguit relatiua: Nam alia sunt secundum esse, quæ propriè pertinent ad hoc prædicamentum: alia secundum dici, quæ verè sunt absoluta, tamen includunt quosdam respectus, secundum dici, tanquam complementum essentialiale

tiale: & illa priora non suscipiunt magis & minus: hæc verò suscipere possunt. Ita Albertus Mag. tractatu de prædicamento ad aliquid, cap. 3. Et huius sententiæ videtur esse D. Thom. cap. 12. quest. 82. ar. 4. Quam etiam sequuntur alij, qui aiunt secundum veritatem, nō suscipere magis, & minus vnum relatiuum, sed secundum opinionem vulgi aliqua suscipere: vt æqualia, vel similia appellari solent, quæ licet verè æqualia, aut similia non sint, parum tamen à vera æqualitate, aut similitudine distant: & quo minus distant, eo dicuntur magis æqualia, aut similia. Ita Canterus in expositione huius proprietatis.

Probatum primū, quia suscipere magis & minus, prouenit ex maiori, vel minori admixtione contrarij; vt illud dicitur magis calidum, quod minus habet de frigiditate admixta: illud verò minus calidum, quod plus habet frigiditatis admixtæ: sed vera relatiua prædicamentalia, non habent contrarium; vt probatum est dubio præcedenti: ergo non suscipiunt magis & minus.

Secunda opinio: Distinguit relationem, ex parte sui: aut, ex parte fundamenti: & ex parte sui, negat veram relationem huius prædicamenti suscipere magis, & minus: sed ratione fundamenti suscipere concedit. Ita Caietanus, Sotus, & Toletus, cap. præsentis.

141 Quod probatur experientia. Nam dum albedo intenditur in extremo, in quo erat remissa, consequenter fit magis simile alteri, in quo est intensa: ergo albedo, quæ est fundamentum similitudinis, per se suscipit magis, & minus, & eius ratione similitudo: & eodem modo, dum aliquid est alteri inæquale, quò magis aufertur de quantitate eius, magis inæquale efficitur: & hoc est, relationem inæqualitatis, minorem fieri, ratione fundamenti. Sed addit hæc sententia, non esse necessarium, vt relatio suscipiat magis & minus ratione fundamenti, quod fundamentum suscipiat magis & minus: nam quæritas, ratione cuius inæqualitas maior est, vel minor, non suscipit magis & minus: sed ratione fundamenti dicitur relatio suscipere in hoc sensu: quod non potest suscipere, nisi aliqua variatio fiat in fundamento, quæcunque illa sit: vnde magis & minus, distinguenda putat Caietanus: quia vel sumuntur Physicè: & hoc modo non fiunt, nisi per admixtionem contrarij: aut Logicè, & sic sumpta, in eo tantum consistunt, quod est aliquid prædicari de alio, cum his aduerbiis magis & minus, vndecunque id proueniat. Et Physicè quidem sumpta, non conueniunt verè relationi: Logicè verò conuenire illi possunt.

Hæc tamen distinctio, confundit potius rem, quàm eam

explicat: quia prædicationes Logicæ, in re ipsa debent fundari: ergo nunquam poterunt, magis & minus, Logicè sumpta, conuenire relationi, nisi ratione fundamenti realis, & Phisici: quare si Phisicè sumpta, nullo modo ei conueniunt, nec Logicè poterunt ei conuenire.

Nostra igitur sententia, hac distinctione præsupposita explicanda est: *Magis, & minus, duobus modis accipiuntur, Communiter: & Propriè: Communiter* quidem: pro magis aut minus perfectum, magis aut minus proximum, vel distans: unde cum perfectio maior, vel minor, proueniat ex fundamento, ab eo proueniet magis & minus, in relatione improprie sumptum. *Proprie* verò, accipitur magis & minus, prout ex maiori, vel minori intensiōe procedit.

Nunc verò duabus conclusionibus explicatur. Prima est: *Relationibus predicamentaliibus* (de quibus solum loquimur) *non conuenit ratione sui magis, aut minus suscipere, proprie, nec improprie.* Probatur hæc conclusio: Quia experientia constat, relationē ratione sui, non mutari ab eo statu in quō emergit, nisi aliquo modo varietur fundamentum: & si hoc inuariabile permaneat: nunquam ipsa variatur, nec magis & minus suscipit: ergo non conuenit illi ratione sui.

Secunda conclusio: *Magis & minus proprie, & improprie sumpta, conueniunt quibusdam relationibus ratione fundamenti: non tamen omnibus.* Probatur utrumque, in relationibus primi generis: nam quedam dicuntur, magis & minus inæqualia, magis, & minus similia: sed hoc non conuenit illis ratione sui: ergo ratione fundamenti: & similitudini quidem, ac dissimilitudini proprie: quia qualitates, in quibus fundantur, proprie suscipiunt magis & minus: ut calor, albedo, & nigredo. Quando autem dicimus: his relationibus conuenire magis & minus, ratione fundamenti: sensus est, quod aliqua mutatione facta in fundamento, semper eis conueniat: & hæc mutatio, potest esse in fundamento remissio, & in relatione intensio, quia fundamentum absolute intenditur, cum sit qualitas: relatio verò, non nisi comparatione alterius. Quod verò non conueniat hoc, nisi quibusdam relationibus, primi generis: manifestum est, quod solum illis quarum fundamenta mutari possunt.

Ad Arist. verò responderetur: quod dum relationibus tribuit proprietatem suscipiendi magis & minus, etiā de predicamentaliibus loquitur, non tamen intelligit eis conuenire ratione sui, sed ratione fundamenti, ut explicatum est: nec etiam intelligit eis adhuc in hoc sensu conuenire, quarto modo, cum
constet,

constet, non omnibus conuenire, neque etiam solis: quia præcipue conuenit qualitatibus. Proprietas verò, conueniens re-
latiuis prædicamentalis, quarto modo, est, *Esse simul natura,*
& *cognitione*: ita vt qui definitiue cognoscit vnum, necessario
debeat cognoscere alterum.

Sed dicit aliquis: Suscipere magis & minus procedit ex ma-
iori vel minori admixtione contrarij, sed dictum est; relatiua,
nec ratione sui, nec ratione fundamenti habere contrarium:
ergo nec ratione sui, nec ratione fundamenti conueniet illis
suscipere magis & minus. Respondetur; Quòd ratione sui
neutrum illis conuenit, sed ratione fundamenti non repugnat
eis conuenire secundum, licet non conueniat primum, etiam
ratione fundamenti: quia contrarietas fundamenti, per acci-
dens se habet ad illas relationes, in quibus posset esse contra-
rietas, vt ad similitudinem, & dissimilitudinem (vt probatum
est in primo dubio, Magis autè, & minus ex parte fundamenti,
non se habet omnino per accidens, ad magis, & minus relatio-
num, sed quasi naturaliter ex eo sequitur. Ex eo verò, quòd re-
latiua carent contrarietate omnibus modis, solum sequitur,
quòd non possent ratione sui suscipere magis, & minus.

C A P V T V I I I.

Continens prædicamentum Qualitatis.

T E X T. A R I S T O T.

*Qualitatem verò dico, secundum quam, quales
quidam esse dicuntur, &c.*

Breuis expositio textus.

Intentum Arist. capite præsentis est, explicare natu-
ram, & essentiam qualitatis: quam numerat quarto
loco ante sex alia prædicamenta: quia accidens in-
trinsecum est, formaliter inherens substantiæ:
& ideo perfectius reliquis, quæ magna ex parte, in qui-
busdam extrinsecis denominationibus consistunt. Diuidi-
tur caput in tres partes. In prima, definit qualitatem in
abstracto, & connumerat quatuor eius species subalter-
nas; quas ideo genera vocat. In secunda parte, definit
qualitatem in concreto; hoc est, per ordinem ad subie-
ctum, quòd denominat: vt per illud magis fiat manifesta.
Et in tertia, tres proprietates eius assignat. Definitio
qualitatis est hæc: Qualitas est qua quales esse dicimur.

vt albedo, à qua albus denominatur homo, & ideo qualis; quia si interrogas, qualis sit homo? bene respondebitur, si dicatur, esse album.

Prima species qualitatis est, *Habitus*, & *Dispositio*. Habitus sic definitur: *Est qualitas difficile mobilis à subiecto*; vt habitus virtutum & scientiarum. Dispositio verò: *Qualitas facile mobilis à subiecto*, vt calor, quem ignis producit in aqua, facile ab ea remouetur.

Secundum genus qualitaris est, *Naturalis potentia*, & *impotentia*: secundum quam naturalem habent inclinationem, vel aptitudinem aliqui, ad aliquem actum, aliquodue exercitium; vt ad pugnam, vel ad luctam, & dicuntur pugillatores. Alij verò inepti sunt, aut impotentes ad eundem actum. Dicitur autem naturalis: quia ab ipsa natura habetur, & non est acquisita per actus: nam si talis esset, potius erit habitus, aut depositio.

Tertium genus est, *Passio*, aut *Passibilis qualitas*: & hæc est qualitas, nata causare passionem in sensu; vel quæ est effectus passionis permanens: vt qualitates tangibiles, quæ causant sensationem in tactu; vt calor, & frigiditas, & sic de aliis: & albedo, quæ causatur in cera, ex nimio calore solis dicitur etiam passibilis qualitas: quia est effectus illius impressionis, quam Sol causat in cera: & permanens quidem, quia albedo producta in cera, non statim transit, sed permanet in ea. *Passio* verò dicitur *qualitas*, si sit effectus passionis citò transeuntis: vt rubor causatus in facie ex verecundia, & quia passio non est qualitas permanens, non denominat subiectum tale simpliciter, sed passum secundum eam: vnde à rubore causato ex verecundia non dicitur homo rubeus, sed ruborem passus, & sic de cæteris passionibus.

Quartum genus qualitatis est, *Forma* & *Figura*; vt rectitudo, curuitas, statua, aut cathedra, formæ, ac figuræ dicuntur & species huius generis.

In secunda parte cap. definit Arist. qualitatem in concreto, hoc modo: *Quale est, quod secundum qualitatem denominatur*, vt album, & dulce.

In tertia parte, enumerat tres proprietates qualitatis: quarum prima est, *Qualitatem habere contrarium*: vt calori contrariatur frigiditas: nec tamen conuenit omnibus qualitatibus proprietas hæc, quia plures sunt non habentes contrarium, vt rubrum, pallidum, & alij colores medi.

Secunda proprietas est, *Suscipere magis & minus*: quod cum procedat ex maiori aut minori admixtione contrarij, necesse est, habentibus propriè contrarium conuenire: sed nec omnibus

nibus qualitatibus conuenit hoc: quia plures sunt non susci-
pientes magis & minus; vt figuræ, & similes.

Tertia proprietas qualitatis est, *Quod secundum eam res di-
cantur similes, aut dissimiles*: vt secundum albedinē, dicuntur cor-
pora similia. Hæc autem proprietas, quarto modo conuenit
qualitati, quia omnibus qualitatibus solis, & semper conuenit.

QVÆSTIO I.

*An qualitas sit supremum genus huius predicamenti: & diuersa
qualitates, enumerata ab Arist. diuersa
species eius.*

4 **V**T melius intelligatur quæstio, explicandæ sunt diuersæ
accepciones qualitatis: quæ (omissis aliis) tres sunt, vt
colligitur ex Aristot. cap. præsentī, & 5. Metaph. ca. 14. Qua-
litas in generali, significat *determinationem*, seu *modificationem
substantia*: & ideo prima acceptio eius, est pro quocunque deter-
minante, aut modificante aliud: quod non solum conuenit omni-
bus accidentibus, sed etiam substantiis, aut differentiis earum.
Secundo modo, accipitur pro *forma quacunque accidentali*, quæ
secundum proprium modum essendi modificat, aut determi-
nat substantiam: vt quantitas, relatio, ac cætera accidentia: &
hæc etiam acceptio communis est. Tertia verò propria, pro
*forma, non solum secundum communem rationem accidentalem de-
terminante subiectum, sed propriè*: ita vt per eam, tanquam per for-
mam sibi inhaerentem, tali modo se habeat substantia; vt for-
maliter denominetur, non extensa, non relata ad aliud, sed qua-
lis: quia ad quæstionem de ea factam per quale, propriè respon-
deamus per talem formam; vt si quæreretur, Qualis sit substantia;
propriè respondemus, esse albam, aut calidam, & ideo formæ
istæ accidentales propriè dicuntur qualitates. Et secundum
hanc solam acceptionem, non secundum duas alias, sumitur
qualitas ab Aristotele, capite præsentī, & distinguitur à cæte-
ris prædicamentis: de qua quærit titulus quæstionis: *An sit su-
preum genus huius predicamenti, & qualitates particulares enu-
merata ab Arist. vera species eius.*

5 Prima opinio tenet, *Qualitatem sic acceptam, non esse verum ge-
nus*, quod diuidatur in illas qualitates enumeratas ab Aristot.
tanquam in veras species: sed tanquam analogum in sua ana-
logata; vel tanquam res in diuersos modos. Primum affirmat
Simplicius cap. præsentī, & probat ex eodem Aristotele, qui
priusquam illas qualitates enumeraret, sic loquitur: *Est autem*

E. E. 5

quali

qualitas eorum, quæ multipliciter dicuntur. Secundum verò tenet Scotus capite præsentis, quæst. 36. & in 4. dist. 6. quæst. 10. §. Sed tunc est dubium. & etiam probat testimonio Aristotelis, qui postquam enumeravit omnes has qualitates, dicit, Fortasse quidem alius quissiam modus apparuerit qualitatibus: sed ferè quimaximè dicuntur, hi sunt.

Probat etiam ratione: Quia esse naturalem potentiam, vel aptitudinem acquisitam, esse causam, vel effectum passionis; 7 diuersas habitudines qualitatibus ad subiectum significant, accidentales tamen, & quasi extrinsecè denominantes: quia extrinsecum est qualitati, parum aut multum durare in subiecto, causam esse, aut effectum passionis. Vnde eiusdem speciei sunt, rubor causatus ex verecundia, aut ex alia causa permanenti: & quod amplius est, eidem qualitati omnino inuariata, cōueniunt isti modi: ergo non sunt differentiæ essentielles, sed accidentales. Probatur hoc vltimum antecedens: Quia idem calor si citò trāseat, erit dispositio, si multum durat in subiecto, erit habitus, & vt virtus naturalis ignis ad calefaciendum, erit naturalis potentia: & tandem, in quantum causat passionem in sensum tactus, aut productus est per motum calefactionis, erit passibilis qualitas: ex quibus considerationibus, constat non variari.

Huic opinioni addunt Boëtius & Simplicius, cap. præsentis, diuisionem qualitatis in hos modos, aut in hæc analogata: non esse sufficientem: quia alia dantur membra huius diuisionis, ab Arist. prætermittit: quod sic probatur: Pulchritudo, & sanitas, sunt qualitates, & non pertinent ad aliquod membrum ex his quatuor: cum nec sint habitus, aut dispositiones: quia non sunt acquisitæ, sed naturales: nec potentiæ, aut impotentia: quia non ordinantur ad actus aliquos exercendos: nec passionibus, aut passibilibus qualitatibus: quia nec per se sunt effectus passionis, nec eam in sensu causant: nec tandem sunt forma, & figura: quod de sanitate patet: & de pulchritudine probatur, quæ magis, & minus suscipit: cum dentur quidam pulchriores aliis: figura autem, & forma, id non habeant.

Communis sententia à nobis tenenda, duo asserit. Primum; Qualitatem verum genus esse, & supremum huius predicamenti, diuisum in particulares qualitates, enumeratas ab Aristotele, tanquam in veras species: contra Simplicium, & Scotum. Secundum, Diuisionem eius in quatuor illa membra, sufficientem esse: ita vt nulla detur vera qualitas quæ sub eis non comprehendatur. contra eundem Simplicium, & Boëtium.

Hæc est expressa sententia Arist. non solum in hoc c. sect. 5. Metaph.

Metaph. cap. 14. & recepta ab vniuersa schola: quæ prædicamentum qualitatis distinctum ab aliis, cum eo ponit: sed impossibile est constituere prædicamentum qualitatis, ex alio genere, & in aliis speciebus: ergo qualitas in communi, pro genere supremo recipienda est, & inferiores illæ qualitates, pro veris speciebus. Minorem probo, quia nec ab his autoribus, contrarium opinantibus: nec ab alio excogitatum est aliud genus: nec aliæ species.

Nihilominus probatur ratione: Quia communis conceptus qualitatis, abstractus ab illis, prædicatur de singulis quodditatiuè, & vniuocè: ergo est genus, vel species respectu illarum: Species esse non potest, quia non habet genus aliud supra se: ergo erit genus. Probatur antecedens: quia negari non potest, quidditatiuæ esse has prædicationes: *Habitus est qualitas, Naturalis potentia, est qualitas*, cum eis conueniat definitio qualitatis, tradita ab Aristot. & æqualiter eis conuenit, sine attributione vnius ad aliam: ergo est prædicatum vniuocum, & quidditatiuum. Quod autem qualitates illæ distinguantur specie, non est minus manifestum: quia ratio formalis habitus, valde diuersa est à naturali potentia: & hæc à forma, & figura, sed diuersæ rationes formales, constituunt, & distinguunt, diuersas species: ergo specie distinguuntur illæ quatuor qualitates, sub communi genere qualitatis.

8 Probatur tandem, quod sufficiens sit diuisio qualitatis, in has quatuor species, ita vt nec plures sint, nec pauciores: ratione D. Thom. quam adduxit 12. quæst. 49. artic. 2. *Ratio intrinseca, & propria qualitatis, est esse determinatiuam substantiæ, secundum modum accidentalem qualificatiuum eius*: sed modus iste qualificatiuus substantiæ, quatuor modis tantum potest se habere, in ordine ad substantiā: ergo quatuor tantum species possunt sub eo distingui. Probatur minor: quia vel qualitas inhaeret substantiæ ea disponens, vt bene, vel malè se habeat; *vt est primò in se*: & cum hæc sit prima consideratio substantiæ: hæc erit prima species qualitatis, quæ est *habitus & dispositio*, ita disponens substantiam. Secunda consideratio substantiæ est, *in quantum est principium operationis*: cum vnum quodque sit propter suam operationem. Et ideo secundus modus qualitatis, est *afficere substantiam tanquam principium operationis*, & hæc est secunda species naturalis potentiæ. A substantia autem habente iam potentiam operandi, statim procedit tertio motus, continens actionem, & passionem: quia motus, vt procedit ab agente, est actio: & vt recipitur in passio, est passio: ideo qualitas, vt acquisita per motum, est tertia species, quæ vocatur

vocatur passio, & passibilis quantitas. Nam si habeat modum permanentis, & passibilis qualitas: si verò citò transeat, est passio. Ultima consideratio substantiæ est; ut iam *extensa per quantitatem*: & ita qualitas inhærens ei, ratione quantitatis; constituit quarram speciem: quæ est forma, & figura: nam figura vel est terminatio quantitatis, vel ex terminis eius resultat. Et ad hos quatuor modos, constituentes quatuor species, facillè reduci possunt omnes qualitates; ut constabat ex solutione argumentorum. Hoc solum est notandum, quòd argumentum hoc sumit sufficientiam harum specierum, aut ex præcipuo, cui convenit specialis illa ratio qualificandi substantiam; aut ex primo: unde est necessarium, quòd in omnibus, quæ sub tali ratione comprehenduntur, reperiatur illa ratio. Exempli gratia: Prima species sumitur ex modo afficiendi substantiam, ut bene, vel malè se habeat, secundum propriam naturam: quòd solum habent habitus, aut dispositiones naturales, quæ primò conveniunt substantiæ corporeæ, ut sanitas, ægritudo, & similes: non tamen habitus, aut dispositiones liberè acquisitæ: sed cum omnes conveniant in ratione habitus, & dispositionis, in quantum sunt facillè aut difficillè mobiles à subiecto: omnes constituunt idem genus qualitatis, distinctum à cæteris, sed quasi radicaliter sumptum à naturalibus, tanquam à primis.

Ad primum testimonium Arist. pro prima opinione adductum: Respondetur; multis modis dici qualitatem: non sicut analogum, vel æquivocum, sed propter differentias inæqualis perfectionis, per quas contrahitur ad diuersas species: quarum diuersitas, non tollit vniuocationem generis, quod ab eis abstrahi potest. Vel secundò respondeo, Aristotelem asseruisse; quòd qualitas dicitur multis modis; ut ostendere qualitatem esse modum substantiæ, & species eius sumi ex diuersis modis afficiendi substantiam; ut explicatum est.

Ad secundum testimonium, pro opinione Scoti; Respondetur, Aristotelem ita locutum fuisse; ut significaret facillè ad has quatuor species reduci posse, cæteras omnes qualitates; quamuis aliquæ diuersæ appareant ab eis.

Ad arg. Scoti: Negandum est antecedens; quòd rationes formales diuersæ harum qualitatum, sint accidentales, aut extrinsecæ: nam specialis ratio, quam habet quælibet qualificandi substantia, intrinseca sibi est, & per quam distinguitur à cæteris, tanquam per differentiam essentialem: ut esse ex propria natura, facillè aut difficillè mobilem à subiecto, essentialis ratio, habitus, & dispositionis, est valde diuersa à naturali

naturali potentia. Quod verò eidem qualitati conuenire possint omnes rationes formales specierum; concedimus: negamus tamen, quod ex hoc inferitur, non esse veras species: quia distinctio specifica, non necessariò est realis: sed eadem res, potest pertinere ad diuersas species, sub diuersis rationibus formalibus, quas habet: imò ad diuersa prædicamenta; vt de actione, & passione constar: quæ cum sint eadem entitas realis motus, efficiunt tamen diuersa prædicamenta, propter rationes formales diuersas.

Ad arg. Boëtij, negandum est antecedens; quòd dentur alia membra prætermissa ab Aristotele, præter illa quatuor: nam sanitatem posuit ipse in prima specie: & ad eandem pertinet pulchritudo: & vtraque est habitus naturalis: quia habitus, vt est primum genus qualitatis; vniuersaliter sumitur pro quacunque qualitate difficilè mobili à subiecto; siue sit naturalis, siue acquisita: quamuis specialis, & propriissima ratio habitus, solum reperiatur in potentiis aliquo modo liberis: & ideo solum sint acquisiti, vel infusi habitus. Species verò intentionales sensibiles, aut intelligibiles, si sint impressæ, pertinent ad speciem habitus: quia ex propria natura sunt permanentes: si verò sint expressæ, pertinent ad dispositionem: & eodem modo intelligendum est de cæteris qualitatibus, ad has quatuor species reducendis.

Q V Æ S T I O II.

An habitus, & dispositio distinguantur specie.

12 **P**rima opinio tenet; *Habitus, & dispositionem non esse distinctas species, sed eandem: & solum differre accidentaliter*: ita Sorus qu. 9. huius cap. §. *ad secundam quæstionem*. Boëtius, Ammonius, Titelmanus, Villalpandus, Louantenses, capit. etiam præsentì: & probatur testimonio Arist. qui tria dicit in textu de his qualitatibus. Primum; *Quòd sunt vna species*. Secundum; *Quòd omnes habitus sunt dispositiones; licet non omnes dispositiones sint habitus*. Tertium; *Dispositionem fieri habituum, procedente tempore, si nimis radicetur in subiecto*. Ex quibus sequitur ex mente eius, non esse species distinctas, sed solum distinguì accidentaliter. Probatur consequentia: quia si distinctæ species essent; neque essent vna, nec prædicaretur vna de alia, nec vna posset conuerti in aliam.

13 Et ratione probatur. Primò quia habitus, & dispositio, distinguuntur ex eo, quòd ille difficilè separatur à subiecto; hæc verò facilè remouetur ab eo: sed istæ sunt differentiæ accidentia

accidentales: ergo solum differunt accidentaliter. Probatur minor: nam qualitas sit difficile mobilis à subiecto, quia magis radicatur in eo: sed maior radicatio, procedit ex multiplicatione actuum, aut ex diuturnitate temporis, aut ex utroque, ut patet in febris, quæ ex eo solum, quod multum durat in subiecto; radicatur in eo, & sit difficile mobilis: sed magis aut minus perseverare in subiecto, vel actus multiplicari, sunt accidentia eiusdem qualitatis: ergo hæc differentia habitus, & dispositionis, accidentalis est.

Secundò, Scientia, & virtus quælibet, eiusdem speciei est, per primum, aut secundum actum acquisita; & successu temporis magis radicata in subiecto, per frequentationem actuum: sed in principio habet rationem dispositionis, quia facile potest remoueri à subiecto: & postea fit habitus, quia iam est difficile mobilis: ergo accidentales sunt istæ differentie: facile, & difficile mobilem esse à subiecto: Probatur maior: quia distinctio specifica scientiæ, & virtutis, sumitur ex obiecto: sed idem obiectum, habet scientia, aut virtus in principio suæ acquisitionis; & dum iam est radicata in subiecto, per plures actus: ergo est eiusdem speciei.

Secunda opinio distinguit habitum, & dispositionem, tan- 14
quam duas species subalternas: ita ut sub habitu, distinguantur plures aliæ diuersorum habituum; atque etiam sub dispositione. Hæc est sententia D. Tho. 1. 2. quæst. 49. art. 2. ad 3. Iauelli, Caiet. Soti, Toleti, atque Canteri. c. præsentis: quæ sequuntur etiam Fonseca 5. Metaph. cap. 14. quæst. 2. sect. 1. & 2. Pater Franciscus Suarius tomo 2. suæ Metaph. disp. 42. sect. 6. num. 6. Et videtur nobis probabilior, & tenenda.

Sed ut eam explicemus, & probemus, duo sunt notanda. Primum est: *Qualitatem esse facile aut difficile mobilem à subiecto*, dupliciter contingere: nempe ex natura suæ causæ, per quam producit in subiecto, & in ordine, ad quam sumit suam speciem; aut ex aliis causis, aut rationibus extrinsecis. Et si primo modo consideretur, essentialis est differentia, vnius qualitatis ab alia: ita, ut quæ sic est difficile mobilis à subiecto, sit distincta specie ab alia; quæ eodem modo considerata, facile mobilis est. Si verò considerentur secundo modo; solum sunt differentie accidentales. Exemplum primæ considerationis, habemus in scientia, & opinione: nam illa habet pro causa demonstrationem, à qua producit, & in ordine ad quam specificatur, demonstratio verò, causa efficax est, cum sit argumentum euident, & necessarium: & ideo scientia per eam acquisita, etiam per primum actum, difficile mobilis est à subiecto.

subiecto. Sed opinio habet pro causa argumentum probabile; quod non est efficax; sed facile destrui potest per demonstrationem oppositam, aut per oppositum argumentum probabilius: ideo opinio, facile mobilis est, ex natura suæ causæ. Vnde sequitur: quod licet versentur circa idem obiectum, tamen specie distinguantur sub hoc genere qualitatis, per differentias essentielles, facile & difficile mobilis, ex natura suarum causarum. Exemplum verò considerationis secundæ, est in calore febrili: qui propter debilitatem subiecti, aut particularem complexionem eius, aliâsve accidentales causas extrinsecas, ita solet radicari in subiecto; ut non solum sit difficile mobilis ab eo; sed naturaliter sit impossibile ab eo separari: & tamen eiusdem speciei est in principio, & fine; & solum distinguitur à seipso accidentaliter.

Secundo notandum est; Quod licet facile, & difficile moueri ex causis accidentalibus; nempe ex frequentatione actuum, vel ex diuturnitate tēporis, sint differentia accidentales habitus; & dispositionis; sunt tamen quasi accidentiæ congruentia naturæ harum qualitatum: ita ut cum habitus sit difficile mobilis à subiecto, essentialiter, propter naturam suæ causæ, etiam accidens sit consonum naturæ eius, esse difficile mobilem per radicationem in subiecto. Et cum dispositio sit facile mobilis, propter naturam suæ causæ; accidens etiā consonum sit naturæ eius, non esse radicatum in subiecto, sed facile etiam posse ab eo separari, ex parte causarum accidentalium. Et istæ differentiæ accidentales; tribuunt eis statum habitus, & dispositionis: ita ut tunc habeat habitus statum suæ naturæ congruentem; quando sit radicatus in subiecto: dispositio verò, quando non sit radicata. Vnde fieri potest: ut qualitas aliqua, habeat essentiam habitus; statum verò dispositionis: & è contra, essentiam dispositionis, & statum habitus; & tunc distinguuntur essentialiter, quamuis vni conueniat accidens alterius: & ideo verum sit, habitum esse accidentaliter dispositionem: & dispositionem, accidentaliter habitum. Vtrumque habet scientia, aut virtus, per primum actum acquisita: quia essentialiter est habitus, & accidentaliter dispositio: essentia quoque habitus habet, & statum dispositionis: opinio verò, radicata in subiecto, per frequentationem actuum, ex opposito, essentialiter est dispositio, & accidentaliter habitus habet etiam essentiam dispositionis; & statum habitus.

Ex hac doctrina, intelligitur differentia, inter primam & secundam opinionem: nam prima, facile, & difficile mobilem esse solum ex parte subiecti, aut causarum accidentalium, prouenire potest

re posse credit: & ideo solum esse differentias accidentales. Sed D. Tho. alium modum magis intrinsecum earundem differentiarum inuenit, & ideo docuit essentielles esse: quem modum ex mente Arist. esse, probant hæc verba huius cap. *Differre autem habitum à dispositione, quod permanentior, ac diuturnior est: tales vero sunt scientie, & virtutes: scientia enim videtur esse permanentium & diuturnorum; ut si quis vel mediocriter sumat scientiam, nisi grandis permutatio facta sit; vel ab agritudine; vel ab aliquo eiusmodi.* Quibus scientiam, antequam radicetur in subiecto, per frequentationem actuum, sed solum sit mediocriter acquisita, dicit esse difficile mobilem à subiecto: & hoc habere ex natura sua, hoc est ex efficacia suæ causæ naturalis; quæ est demonstratio: & ideo differre à dispositione. Quasi dicat differre essentialiter, per facile & difficile mobilem esse, desumptum ex parte causæ. Vnde sequitur, opinionem D. Tho. quam sequimur, esse ex mente Aristotelis.

Tamen probatur hæc ratio, quæ colligitur ex eadem doctrina. Ea distinguuntur specie; quæ differunt per differentiam essentialem: sed habitus, & dispositio, distinguuntur per differentias essentielles facile, & difficile moueri: ergo distinguuntur specie sub genere qualitatis. Probat minor: Quia esse difficile mobilem, conuenit habitibus ex natura suæ causæ; à qua sumunt speciem: nempe ex ordine ad demonstrationem; si sit habitus scientiæ: aut ex ordine ad bonum honestum; si sit habitus virtutis: quia bonum honestum, efficax causa virtutis est ex se, cum sit consonum rationi: ergo est differentia essentialis eius; per quam distinguitur specie à dispositione facile mobili, ex eadem causa.

Pro explicatione verborum Arist. notandum est, Dispositionem duobus modis sumi posse: *In genere, aut in specie.* In genere sumpta, dicit qualitatem disponentem subiectum; ut bene se habeat, in ordine ad propriam naturam, vel operationem: quæ, si sit difficile mobilis; ex natura suæ causæ, à qua sumit speciem; erit habitus: si verò solum ex parte subiecti, aliorum accidentium, erit dispositio. Itaque dispositio primo modo sumpta, genus est ad habitum, & seipsam, sumptam secundo modo.

Et ex hoc patet, quem sensum habeat primum dictum Arist. Nempe habitum, & dispositionem, esse vnā speciem qualitatis: id est, conuenire in vna ratione superiori dispositionis, quæ vna species subalternā est, vtrique communis. Dictum verò secundum: quod omnis habitus sit dispositio: non tamen omnis dispositio, sit habitus, verum est etiam, sumpta

sumpta dispositione in genere. Tertium verò; quòd dispositio per nimiam radicationem fiat habitus, non de habitu essentialiter considerato intelligit, sed accidentaliter, aut secundum statum, vt expositum est.

Ad primum argumentum; Distinguenda est minor: Nam si facile & difficile mobile sumantur ex parte subiecti, temporis, aut ex frequentatione actuum, accidentales sunt differentie: si verò ex natura causæ intrinsecæ, per quam producuntur, & specificantur, essentielles sunt. Argum. verò, solum procedit ex eis primo modo consideratis: quo pacto concedimus: solum esse differentias accidentales: & per eas ita acceptas, solum differre accidentaliter habitum, & dispositionem, sed differunt essentialiter per easdem, consideratas secundo modo.

- 20 Ad secundum: Concedenda est maior, quòd eiusdem speciei sit scientia acquisita, per primum actum, & iam radicata in subiecto per frequentationem demonstrationum: minor tamen distinguenda: nam si intelligatur, quòd in principio habeat rationem dispositionis essentialem, falsa est, & neganda: si verò de dispositione quantum ad statum, & rationem accidentalem, vera, & concedenda. Vnde nec fit habitus essentialiter, per frequentationem actuum: quia per primum actum acquisita, habebit essentialem rationem habitus, tamen solum acquirit statum habitus in quadam ratione accidentali consistentem: quare nunquam mutat speciem, sed solum statum, & rationem accidentalem.

Q V Æ S T I O III.

Virum naturalis potentia, & impotentia, sint species qualitatis distinctæ.

DVo sunt explicanda circa hanc speciem qualitatis. Primum: quo modo differant naturalis potentia, & impotentia, ab habitu, & dispositione. Secundum, quo modo differant inter sese, nempe, essentialiterne, tanquam duæ species eiusdem generis, vel solum accidentaliter: & ideo in duas partes diuidimus quæstionem hanc claritatis gratia.

Prima pars quæstionis.

- 21 **C**irca primum notandum est, quòd *naturalis potentia, & impotentia, in uno conueniunt cū habitu, & dispositione, & in duobus differunt.* Conueniunt enim in eo, quòd aliquo modo ordinantur ad operationem: quia substantia creata sicut est limitata, quantum

quantum ad esse, sic etiam quantum ad modum operandi: non enim potest per se ipsam operari, sed indiget quibusdam accidentibus superadditis: quibus medijs exerceat operationes sibi conuenientes: & per hæc accidentia, formaliter sit potens, ad eliciendas tales operationes: cum ex se solum sit quasi radicaliter, aut virtualiter potens: & ideo hæc accidentia superaddita, vocantur potentia eius ad operandum: quæ partim sunt naturales, partim acquisitæ: inter quas numerantur, habitus, & dispositiones. Ex quibus licet quædam disponant eam, ut bene se habeat in suo esse, aut in sua natura, ut sanitas: aliæ vero, ut bene se habeat in ordine ad operationes, ut scientiæ, & virtutes: omnes tamen ordinantur ad operationes, ut docet D. Thom. 1. 2. q. 49. art. 2. ad 3. sed non omnes eodem modo: nam istæ immediate, illæ vero priores remote: quia proximè disponunt substantiam, ut bene se habeat, secundum propriam naturam. Et cum natura sit principium operationum, consequenter, & quasi remote ordinantur ad operationes: ut docet Arist. 10. lib. de historia animalium, cap. 1. dicens: *Sanum vocari hominem, aut membrum aliquod, sui corporis; quando potest facere operationem sani.* Itaque, tam habitus, & dispositio, quam naturalis potentia, & impotentia, ordinantur aliquo modo ad operationes.

Sed differunt in duobus: quia naturalis potentia, & impotentia, tribuuntur ipsi substantiæ à natura, & ex vi suæ generationis: & ferè semper, sunt quasi propriæ passionibus eius: ut intellectus, & voluntas, respectu animæ; aut potentia motiua, respectu hominis: & præterea, semper ordinantur ad simpliciter operandum, tanquam proxima principia operationum: quia sine illis non potest operari substantia. Habitus vero, & dispositio, ferè semper sunt acquisitæ per nostros actus, ut de scientiis, & virtutibus est manifestum. Præterea, vel non ordinantur proximè ad operandum: vel si proximè, non ad operandum simpliciter, sed ad faciliè operandum. Exempli gratia: Sanitas, licet sit à natura tributa, non ordinatur tamen proximè ad operandum: virtutes autem, & scientiæ, licet ordinentur proximè ad operandum: non tamen ad operandum simpliciter: quia per naturalem potentiam, potest substantia operari, sed ad faciliè operandum: unde per eas consequitur substantia facilitatem in suis operationibus. Et istæ duæ differentiæ, manifestè ostendunt, naturalem potentiam, & impotentiam distinguí essentialiter, ab habitu, & dispositione, & ideo merito Aristotelem eas posuisse, pro distinctis generibus, aut speciebus subalternis qualitatis.

Secunda pars quæstionis.

Sed circa distinctionem naturalis potentia, & impotentia, versatur secunda pars eiusdem quæstionis, quæritur: *An sint species distinctæ: vel eadem: & ideo non essentialiter, sed solum accidentaliter distinguantur.*

- 23 Prima opinio est, Soti, quæstione vnica huius capituli, in solutione ad confirmationem tertij argumenti, vbi ait, *Esse duas species subalternas, sicut habitum, & dispositionem.* Probatur hoc argum. Naturalis potentia, & impotentia, dicunt oppositas rationes, nempe posse, & non posse: ergo non sunt eiusdem speciei, sed diuersæ: probatur consequentia: quia distinctio per rationes formales est essentialis, & specifica.

Secundam opinionem, tenet Fonseca §. Metaph. c. 14. q. 2. sect. 3. *Quod non distinguantur essentialiter, sed solum accidentaliter: & ideo non sunt diuersæ species, sed vna: Et hæc est magis ad mentem Arist. & tanquam probabilior tenenda.*

Sed vt fiat vtrumque manifestum, tria sunt præsupponenda, tanquam certa, & ab omnibus recepta. Primum, *Impotentiam non accipi ab Arist. pro pura negatione, aut priuatione potentia.* Probat euidenter: quia dicit esse qualitatem: qualitas verò positiua entitas est: negatio autem, & priuatio, non sunt entitates positiuæ, vt per se patet: ergo non sunt qualitates, nec intelliguntur ab Aristotele, per impotentiam naturalem, sed per impotentiam intelligit qualitatem positiuam, tributam substantia a natura, ad aliquid agendum, vel ad resistendum contrariis: sed cum difficultate vtrumque. Itaque substantia per hanc qualitatem naturalem potest aliquid facere, aut potest resistere contrariis; ægrè tamen, & difficulter: vnde principium est alicuius operationis, aut resistentiæ, debile tamen, & quasi infirmum: & ideo non tam potentia vocatur, quàm impotentia, vt defectus, & imperfectio eius manifestetur.

- 24 Secundò: Certum est, *Impotentiam naturalem, non solum sumi ab Aristot. in ordine ad resistendum cum difficultate: sed etiam ad agendum cum difficultate:* vtrumque enim expressis verbis explicuit in textu. Tertio; Certum est, *Naturalem potentiam, & impotentiam, dum ordinantur ad operationes specie diuersas, vel vna ad agendum, & alia ad resistendum, specie distingui.* Vt hebetudo ingenij, quæ ordinatur ad intelligendum cum difficultate, specie distinguitur, à potentia visiva, ordinata ad videndum. Probat efficaciter: quia potentia distinguuntur specie per actus, ad quos ordinantur: sed videre, & intelligere sunt actus specie

distincti: ergo potentia ad eos ordinata, distinguuntur specie. Nec minus euidenter probatur, de potentia ad agendum, & impotentia ad resistendum: quia agere, & resistere contrariis, diuersa sunt: ut potentia nutritiua, distincta est, à mollitudine cere, quæ est impotentia, ad ægrè resistendum diuisioni.

Difficultas igitur quæstionis, in hoc posita est: *An naturalis potentia ad aliquid agendum, & naturalis impotentia, ad illud idem ægrè, aut difficulter agendum, distinguantur specie: & eodem modo, naturalis potentia ad resistendum fortiter diuisioni, & naturalis impotentia ad ægrè resistendum, an distinguantur specie: ut durities ferri, per quam fortiter resistit diuisioni, distinguatur à mollitudine cere, per quam modo quodam debili resistit eidem diuisioni: hæc enim quasi durities quædam imperfecta videtur, & prima opinio distingui specie docet: Nostra verò, talem distinctionem negat.* 25

Probatur autem testimonio Arist. capite præsentis, ubi *potentiam naturalem* vocat qualitatem, per quam substantia simpliciter potest aliquid agere, vel contrario resistere: impotentiam verò, qualitatem quandam debilem, & quasi infirmam, ad eandem præstanda: sed debili quodam modo, & cum difficultate, quod est imperfectè illa præstare: sed perfectè, & imperfectè idem agere, aut eidem contrario resistere, non distinguuntur essentialiter: ergo nec naturalis potentia, & impotentia, ad idem agendum, vel eidem resistendum, distinguuntur essentialiter, ex mente Arist. Probatur consequentia, quia perfectè aut imperfectè efficere eandem operationem, solum potest esse differentia accidentalis.

Probatur deinde ratione: Quia potentia distinguuntur specie, per actus, & obiecta: sed potentia, & impotentia, sunt facultates quædam naturales, aut potentia: ergo si ordinentur ad eundem actum, erunt eiusdem speciei. Probatur consequentia: quia solum differunt, tanquam principium eiusdem actus, aut eiusdem resistantia, perfectum & imperfectum, quod patet solum esse differentiam accidentalem. 26

Ad argum. primæ opinionis, negandū est antecedens: Quod naturalis potentia, & impotentia, dicant rationes formales verè oppositas: nam licet nomina ipsa potentia, & impotentia, videantur opposita, ratione negationis, quam videtur significare impotentia, tamen verè, nec rationes significatæ opponuntur nec nomina: quia impotentia non dicit puram negationem, sed qualitatem positiuam, debilem tamen atque imperfectam: & imperfectio hæc, quasi negatio est perfectionis, quam dicit potentia: & propter ea negationem videtur significare

ficare nomen impotentia: sed quia perfecta, & imperfecta facultas, aut potentia: respectu eiusdem actus, non possunt distinguui Specie, nec esse verè oppositæ: ideo nec rationes formales earum oppositæ sunt, nec nomina significant rationes verè oppositas: sed se habent, sicut hæc duo nomina, perfectum, & imperfectum: quæ etiam videntur significare oppositas rationes, & specie diuersas, cum tamen semper sint eiusdem speciei, si solum secundum rationem perfectæ, & imperfectæ distinguantur. Et eodem modo intelligendum est, de mollitudine, & duricie, vt ordinatis, ad fortiter, & debiliter resistendum: quæ licet videantur specie differre, non tamen differunt: quia mollitudo hoc modo considerata, quasi duriciæ quædam imperfecta est.

QVÆSTIO IIII.

De his qua pertinent ad passionem, & passibilem qualitatem.

17 **Q**Uatuor sunt disputanda, circa passionem, & passibilem qualitatem. Primū, *An sint vere species qualitatis.* Secundum, *An sint species distinctæ: vel vna tantum, & ita solum distinguatur accidentaliter.* Tertium, *An passiones animæ, vt ira, gaudiū, & similes, pertineant ad hanc speciem.* Quartum, *An etiam in eadem ponantur obiecta omnium sensuum externorum.* Ideo, quatuor dubiis propositis, & solutis, maioris distinctionis, & claritatis gratia, soluta erit quæstio.

Primum dubium.

An passio, & passibilis qualitas, sint vera species qualitatis.

PASSIO, vt à significatione nominis incipiamus: *quatuor modis accipitur. Primò, pro quacunque, siue sit rei disconuenientis, aut nociuæ affectio, siue conuenientis, ac perficientis: in qua acceptione, non minùs vocatur passio, receptio speciei visibilis, aut visionis in oculo, quam receptio caloris in aqua: vnde hæc acceptio passionis communissima est, & impropria.*

Ideo accipitur secundo modo, pro sola receptione contraria qualitatis, aut disconuenientis, per quam subiectum recipiens, disponitur ad corruptionem: & hæc receptio proprie vocatur passio.

Sed accipitur tertio, pro operatione animæ sensitivæ, facta cum

aliqua passione corporali secunda acceptionis. in qua acceptione, ira, gaudium, dolor, & tristitia dicuntur passionēs: quia ex propria natura, fiunt cum aliqua alteratione corporali: hoc est, cum calefactione, aut frigefactione, aut alia simili: vnde passionēs istæ, duo includunt, nempe operationem sensibilem appetitus sensitui: & alterationē naturalem corporis: nempe calefactionem, aut infrigidationem: illam formaliter, hanc verò quasi materialiter, & antecedenter, vel concomitantē. Ex quo factum est, vt duobus modis definiantur, definitione *materiali*, & *formali*, seu finali. *Materialiter* definiuntur, pro alteratione reali. *Formaliter* verò, pro operatione sensitua. Vt ira definitur, materialiter, quod sit accensio sanguinis circa cor: formaliter verò, quod sit appetitus vindictæ. Et hæc acceptio tertia, includit primam, & secundam. Nam actus appetitus sensitui, non est disconueniens, nec disponit appetitum sensituum, in quo recipitur ad corruptionem, sed potius eum perficit: & ideo receptio eius improprie dicitur passio, secundum primam acceptionem: sicut receptio speciei visibilis, aut visionis in oculo: sed ex parte alterationis realis, cum qua fit, proprie dicitur passio, iuxta secundam acceptionem: & ideo acceptio tertia: quasi mixta ex prima, & secunda vocari potest. 28

Quarto modo, accipitur passio, pro *qualitate*, quæ est effectus passionis tertio modo sumptæ: vt rubor, qui apparet in facie ex verecundia, & pallor ex timore, dicuntur passionēs: & passio in hac acceptione, est tertia species qualitaris.

Distinguitur autem à passibili qualitate: quia non solum est effectus passionis, sed etiam modum illius habet *cito transiens*: passibilis autem qualitas, licet sit effectus passionis, *permanet tamen in subiecto*; vt color rubens ostendit, quem permanenter habent quidam homines. Ex hac autem differentia, *cito transiens*, & *permanens*: prouenit alia, quam Aristot. assignauit in littera, inter passionem, & passibilem qualitatem: quod *passio non denominat subiectum simpliciter quale, sed bene passibilis qualitas id denominat*. Non enim dicitur homo rubeus, vel pallidus, ab illo colore rubeo apparente in facie, ex verecundia, aut ex timore, sed ruborem vel pallorem passus: sed ab eodem colore à natiuitate habito, rubeus vocatur, aut pallidus simpliciter.

Ex hac doctrina, sumitur hoc arg. pro ratione dubitandi, ad 29
probandum passionem, & passibilem qualitatem, non esse veras species qualitaris, sed quædam analogata eius: quia passio non est qualitas simpliciter, sed secundum quid: at verò passibilis

palsibilis qualitas, simpliciter est qualitas: ergo qualitas in communi, quæ est supremum genus huius prædicamenti, non vniuocè, sed analogicè de vtraque prædicatur: & ideo non tanquam genus de speciebus, sed tanquam analogum de analogatis. Probatur antecedens: quia *Qualitas*, vt definit Arist. *est à qua denominamur quales*: sed à passione non denominamur quales simpliciter: bene tamen à palsibili qualitate; vt ex eodem Aristotele, & communi modo loquendi probatum est: ergo sola palsibilis qualitas, erit simpliciter qualitas, passio verò non nisi secundum quid.

Responderur nihilominus ad dubium propositum: quod passio, & palsibilis qualitas, vniuocè conueniunt, in ratione qualitatis in communi: & hæc prædicatur de illis, tanquam genus de sua specie; vel de suis speciebus.

30 Vt autem hoc explicetur, & simul probetur, notandum est, duobus modis, posse considerari passionem: nempe, *secundum entitatem*, vel *essentiam*, aut *secundum modum inherendi in subiecto*. Entitas, aut essentia eius est, esse qualitatem productam per passionem: quod est esse effectum passionis (vt vidimus, Modus verò inherendi, est per modum citò transeuntis: quem habet ex eadem passione: à qua causatur citò etiam transeunte: sed modus iste accidentalis est: quia accidit rubori, quod per causam permanentem, vel citò transeuntem producat. Unde sequitur, passionem secundum essentiam consideratam esse qualitatem simpliciter: sed secundum modum inherendi accidentalem, esse qualitatem secundum quid. Et quia ex modo inherendi sumitur denominatio, non dicitur denominare subiectum simpliciter: palsibilis verò qualitas, simpliciter denominat subiectum tale: quia modum permanentis habet: si verò sumeretur ex sola essentia: simpliciter denominaret: sicut qualitas palsibilis.

Ex hac igitur doctrina colligitur arg. ad probandum, quod vniuocè dicatur qualitas de passione, & palsibili qualitate: & ideo tanquam generis: quia illud est vniuocum, cuius essentia simpliciter, & æqualiter participatur ab inferioribus: sed essentia qualitatis, participatur æqualiter, & simpliciter à passione, & palsibili qualitate: ergo vniuocè, & tanquam genus prædicatur de illis. Probatur minor: quia ad essentiam qualitatis pertinet, determinare, & qualificare subiectum: quod verò fit per modum permanentis, vel citò transeuntis, accidentale est, ex breui, aut longo tempore desumptum: sed passio determinat, & qualificat subiectum simpliciter, quamuis parum in eo duret: ergo est qualitas simpliciter: & ideo vniuocè, & tanquam genus,

de ea, & passibili qualitate prædicatur, qualitas in communi.

Ad arg. verò allatum in contrarium: Negandum est antea- 31
dens, & dum dicitur, qualitatem esse, à qua denominamur qua-
les: Responderetur, per denominationem, non tam impositio-
nem nominis significare Aristotelem, quam effectum forma-
lem qualitatis. Vnde sensus definitionis est, Qualitas est, à qua
sumus formaliter quales: denominatio verò aliquando sumi-
tur, ab essentia, aliquando ex modo inhaerendi accidentali: vn-
de quòd à passione non denominemur quales simpliciter, non
tollit, quin sit simpliciter qualitas: quia formaliter efficit nos
quales; vt probatum est. Exemplum adducere possumus in
albedine, de qua constat esse qualitatem simpliciter, & eiusdem
speciei cum albedine parietis: quia habet essentiam albedinis,
& effectum formalem in subiecto, sicut illa: sed non denominat
Æthiopem album simpliciter: quia modus inhaerendi in toto
corpore, aut solum in vna parte, à quo sumitur denominatio, &
de quo constat esse accidentalem, propter maiorem, aut mino-
rem extensionem, diuersus est: nemo tamen dixit albedinem
non prædicari vniuersè, tanquam speciem de suis indiuiduis
de albedine Æthiopis, & parietis: ita ergo iudicandum est de
passione, & passibili qualitate.

Dubium secundum.

*An passio, & passibilis qualitas, sint diuersæ species, vel vna
tantum.*

Prima opinio tenet, *Passionem, & passibilem qualitatem, esse* 32
distinctas species, non minus, quam habitum, & dispositionem:
quam probabilem iudicat Sotus, quæstione vnica huius prædi-
camenti, in solutione ad confirmationem quarti argumenti.
Sequuntur nonnulli ex modernis.

Probaturque hoc arg. *Habitus, & dispositio distinguun-
tur specie: quia ille est difficile mobilis à subiecto, ex natura
sue causæ, dispositio verò facile remouetur: sed ita se habent
passio, & passibilis qualitas: ergo distinguuntur etiam in specie.*
Probatur minor: quia *passio ex sententia Arist. citò transiit; passibi-
lis qualitas permanet in subiecto: & id habet vtrique ex natura sue
causæ: nam qualitas quæ est passio, ideo citò transiit, quia est
effectus passionis citò transcurrentis: vt rubor causatus ex vere-
cundia: sed rubor, qui habetur à natiuitate, habet causas per-
manentes & ideo permanens est ex propria natura, & vocatur
passibilis qualitas: & hanc differentiam manifestat denomi-
natio,*

natio. Nam passio, quia ex sua natura non permanet, nec subiectum denominat simpliciter: quod tamen præstat passibilis qualitas, propter permanentiam: ergo non minus distinguuntur specie, quam habitus & dispositio.

31. Secunda opinio, opposita est, quod *passio, & passibilis qualitas, non sint species distincta, sed una, & eadem, & solum distinguuntur accidentaliter*. Hanc sequuntur Sotus ubi supra, Fonseca 5. Metaph. cap. 14. quæst. 2. sect. 3. & plures moderni. Et nobis videtur probabilior.

Et probatur ratione: Quia intrinseca conditio vtriusque qualitatis est, quod sit causa, vel effectus passionis: quod verò citò transeuntis, aut diu permanentis accidentaliter est ratio: tamen in prima illa ratione essentiali conveniunt: ergo solum distinguuntur accidentaliter. Probatur minor: quia rubor causatus ex verecundia, est passio: si verò habeatur à natiuitate, est passibilis qualitas: sed rubores isti, sunt eiusdem speciei: & solum distinguuntur accidentaliter: ergo passio, & passibilis qualitas, sic se habebunt. Minorem probō. Quia essentia qualitatis, euidenter colligitur ex effectu formali quem habet in subiecto: sed rubores isti, habent eundem effectum formalem, qui est, constituere hominem rubeum: & solum diuersum ex eo, quod parum, vel multum duret, ratione causæ permanentis, aut transeuntis: quod patet esse accidentalem differentiam, respectu rubei formaliter: cum non sit minus rubeus formaliter homo, pro illo breui tempore, quam alter, qui habet eandem qualitatem à natiuitate: ergo non possunt distinguī essentialiter, nec esse diuersæ species. Et confirmari potest, ac declarari simul: quia ad rationē ruboris essentialē, per accidens se habet, quod ab hac vel illa causa efficiente producat: hoc est, permanente, vel transeunte, sicut ad rationem caloris: ergo ex hac parte, non distinguuntur specie rubores diuersi: sed non habent aliam differentiam essentialē, sub genere qualitatis: ergo non distinguuntur essentialiter.

34. Ad arg. verò contrariæ opinionis, neganda est minor, quod sic se habeat passio, & passibilis qualitas, sicut habitus, & dispositio. Et ratio differentię colligitur ex eodem Aristot. 5. Met. cap. 20. tex. 25. ubi docet, *Ad rationem habitus pertinere permanentiam*: quia habitus ex se dicit habere, aut possidere, quasi ex consuetudine, & cum diuturnitate: ergo ut qualitas sit habitus, diuturna esse debet: & si hoc habeat ex propria natura, habebit essentialiter: si verò ex aliqua causa extrinseca, vel accidentali, solum habebit accidentaliter: & si ab intrinseco habeat oppositam conditionem; v: si facili mobilis à subiecto, necesse

erit distinguere essentialiter ab habitu. Et ita se habent dispositio, & habitus: vt in sciëntia, & opinione ostēdimus superius. Itaque duæ istæ qualitates, non propter solam denominationem, aut significationem nominis distinguuntur, sed quia dicunt ex propria natura, rationes diuersas, facile ac difficile mobilem esse à subiecto. Passio verò, & passibilis qualitas: solum ex parte denominationis differunt: quæ tamen non desumitur ex ratione essentiali earum, sed ex modo inherēdi in subiecto, quem constat esse accidentalem: ex eo enim passio dicitur rubor, & ex eo non denominat subiectum simpliciter rubeum, quia per modum transeuntis inhaeret. Quod verò hoc sit ei accidentale, probatum est: cū non variet effectum formalem eius: ergo passio, & passibilis qualitas solum accidentaliter differunt: quia ad essentiam earum solum pertinet, esse causam, vel effectum passionis, in quo distinguuntur à cæteris speciebus qualitatis: citò verò transire, vel diu permanere, à quo sumitur denominatio, accidentalis ratio est: cum tamen ad rationem formalem habitus pertineat, naturalis permanentia in subiecto: Et ex hoc cognoscitur satis probabiliter, differentia vtriusque speciei, & solutio argumenti intelligitur.

Dubium tertium.

An passionēs animæ pertineant ad hanc speciem qualitatis.

Passiones animæ sunt, ira, gaudium, tristitia, delectatio, & similes: de quibus superius diximus, eas duo habere. Vnum pro formali, quod est esse operationes appetitus sensitiui: aliud pro materiali, nempe alterationem corpoream, cum qua fiunt: vt calefactionem, aut infrigidationem corporis, aut alicuius partis eius: quærit ergo dubium, *An collocentur in hac specie.*

Et prima opinio allerit, *has passionēs non pertinere ad hoc prædicamentum*; vt sunt operationes appetitus sensitiui: sed solum, vt de materiali dicunt qualitates reales receptas in corpore, per veram alterationem: ita plures moderni.

Probatur testimonio Arist. qui tristitiam & delectationem collocauit in prædicamento actionis, non alia ratione, nisi quia sunt actiones appetitus sensitiui: ergo hoc modo sumptæ, non possunt pertinere ad hoc prædicamentum. Probatur consequentia: quia impossibile est eandem rem, secundum eandem rationem formalem, pertinere ad duo prædicamenta.

Probatur etiam ratione. Quia tristitia, & delectatio, procedunt ab appetitu sensitiuo, per quem tristiari, aut delectari dicitur

dicitur homo: sicut per visum videre, & per auditum audire: ergo sunt actiones immanentes: quæ ab eodem; vt agente, procedunt, & in eodem; vt in subiecto, recipiuntur: & vt in eo receptæ, dicuntur passionis: quia actio; vt recepta in passio, dicitur passio: sed actio, & passio; vt tales sunt, nihil de qualitate habent, sed in propriis prædicamentis, actionis, & passionis, collocantur: ergo passionis istæ; vt procedunt ab appetitu sensitivo, & in eo recipiuntur, non pertinent ad hoc prædicamentum: bene tamen ratione qualitatis materialis, nempe caloris, aut frigiditatis, quæ simul dum fiunt, imprimitur subiecto, vel alicui parti eius, per alterationem realem, pertinere possunt.

37 Secunda opinio est opposita: quod *passiones istæ, non solum ratione materialis, sed ratione formalis, pertineant ad hanc speciem*: quam plures moderni tenent: & mihi videtur necessario tenenda in doctrina Arist. Quod sic probō: Aristoteles cap. præsentis asserit, iram, & amentiam, & alias passionis, si permanentes sint; vt dum habentur à natiuitate, denominare hominem simpliciter amentem, vel iracundum, & esse passibiles qualitates: si verò citò transeant, non denominare hominem iracundum, aut amentem, sed solum dici earum ratione iram, aut amentiam passum, & tunc esse passionis: ergo sentit in hoc prædicamento aliquo modo collocari; vt procedunt ab appetitu sensitivo. Quod exim autores primæ opinionis asserunt, Aristotelem solum de eis loqui sub ratione materiali alterationis, cum qua fiunt, & non sub ratione formali, qua procedunt ab appetitu sensitivo: friuolum est, & euidenter falsum: quod sic probō: Passiones istæ non denominant iracundos, vel amentes homines: ratione caloris, vel calefactionis, cum qua fiunt, sed, vt procedunt ab appetitu sensitivo, turbante, aut tollere vsum rationis: sed Aristot. docet pertinere ad hoc prædicamentum; vt denominant hominem iracundum, vel amentem: ergo non solum secundum materialem calorem, aut frigiditatem, quæ imprimitur in corpore, dum fiunt, sed, vt procedunt ab appetitu sensitivo, intelligit esse qualitates huius speciei.

38 Sed tota difficultas huius rei consistit, in inveniendâ ratione qualitatis, quam passionis istæ habeant; vt sunt actiones appetitus sensitivi: atque etiam in distinguendâ in eis eadem ratione qualitatis inuenta à rationibus actionis, & passionis. Verumque autem colligi debet ex doctrina D. Thom. 1. 2. quæst. 21. art. 1. & 3. vbi distinguit appetitum sensitivum a rationali, qui est voluntas: quod rationalis, non est potentia corporea, nec existens in organo corporeo: sed cum sit spiritalis, immediate inheret animæ, & per animam communicat corpori: appetitus

appetitus verò sensitiuus, potentia corporea est, sicut visus, & auditus: & ideo est in organo corporeo, tanquam in proximo, & adæquato subiecto. Vnde sequitur alia differentia; quòd operatio voluntatis, procedit immediatè à voluntate, & non medio organo corporeo: operatio verò appetitus sensitui, procedit immediatè à composito, hoc est, ab illa parte corporis, in qua est hæc potentia, tanquam in subiecto, sicut visus ab oculo: & ideo fit medio organo corporeo, sicut visus medio oculo. Et hæc est causa, ob quam fit cum alteratione corporali eiusdem organi, aut partis in qua residet: & quo vehementiores sunt actus appetitus, eo maiorem commotionem, & alterationem corporis excitant. Hæc autem alteratio: aut contraria est complexionì corporis, aut non: si contraria nō sit, excessum tamen habet semper, ratione cuius disconueniens est ei, multò magis, si est contraria. Vnde fit, vt semper disponat aliquo modo corpus, in quo recipitur ad corruptionem: & propterea vocatur propriè passio: à qua actus appetitus, qui cum ea fiunt, vocantur passionēs animæ: quia semper habent coniunctam hanc passionem.

Dux igitur sunt actiones realiter distinctæ, in quacunque passione animæ, vt in ira, & gaudio: vna appetitus in eodem recepta: alia verò alteratio corporalis, recepta in corpore: & vtræque habet terminum per ipsam productum: & terminus quidē alterationis per sensum cognoscitur, vt rubor in verecundia, cognoscitur per visum. Terminus verò productus per actionem appetitus, non cognoscitur sensu, quia interiùs produci-
tur; & manet: nam iram non cognoscimus, nisi per ruborem, vel alio signo, aut verbo manifestetur. Est tamen qualitas quædam corporea, sicut actus ipse appetitus, corporea actio est: verum non habet nomen proprium, quo significetur, sed nomine eiusdem actionis solet significari: quemadmodum actus amoris, à voluntate procedens, suum habet terminum productum; cum sit vera actio: sed non habet proprium nomen: & ideo vocamus eum amorem actualem: & est qualitas quædam producta, per modum actualis impressionis. Ita ergo terminum actionis appetitus, vocamus nomine actionis, & dicimus esse iram actualem, vel actualem tristitiam: estque qualitas; quam idemmet appetitus sibi imprimit, per suam actionem: sicut intellectus, imprimit sibi per actionem vitalem propriam, speciē impressam; quæ est qualitas quædam per modum actus, per quam rem ab ea representatam intelligit. Hos igitur terminos actionum appetitus, vocamus etiam passionēs, tribuentes eis nomina earundem actionum: & si per actiones citò transeuntes producantur;

ducantur, dicuntur passionēs: ut qualitas interior, producta per actionem appetitus, quæ dicitur verecundia: si verò per actionem quasi per remanentem producat, ut est iracundia, aut dementia ab ipsa natiuitatē habita, vocatur passibilis qualitas.

41 Ex quibus iam patet: Primò veritas Aristotelicæ sententiæ, quam sequimur: nam quatuor sunt in his passionibus. Primum, est materiale, nempe alteratio corporea. Secundum, *Terminus eius*, qui est corporea qualitas, cum qua fiunt, ut color, seu calfactio, aut infrigidatio. Tertium, *formale*, & est actio appetitus, habens proprium terminum: qui est qualitas quædam, quam sibi imprimit appetitus, per eandem actionem: & hæc qualitas est Quartum, & vocatur *passio*: sicut actio appetitus, *passio* vocatur: quia fit cum passione corporali. Ex his autem quatuor, duæ sunt actiones: nempe alteratio corporea, & actus appetitus: & duo sunt termini earum, qui verè sunt qualitates: nempe calor, aut frigiditas, productæ per alterationem: & ira, aut amentia actualis, producta per actionem appetitus, quæ vocatur ira. De actionibus autem certum est, non pertinere ad hoc prædicamentum ratione sui: quia non sunt qualitates, sed ad prædicamentum actionis: & ut recipiuntur in subiecto, ad prædicamentum passionis: termini verò, propriè pertinent ad hoc prædicamentum: & ratione eorum actiones ipsæ: quamuis nomen passionis, & passibilis qualitatis, ab eisdem actionibus sumantur termini: nam si per actiones citò transeuntes producat, passionēs dicuntur: si verò per diuturnas passibiles qualitates.

42 Secundo patet falsitas primæ opinionis: afferentis, passionēs appetitus, solum pertinere ad prædicamentum hoc, & ad hanc eius speciem; ratione materialis alterationis, cum qua fiunt, & non ratione actus ipsius appetitus. Patet autem ex doctrina tradita, etiam actiones appetitus, ratione sui termini, propriè, & formaliter pertinere ad hanc Categoriā. Quod probatur hac ratione: Passio, & passibilis qualitas, dicuntur tales; quia sunt effectus passionis citò transeuntis; aut diu permanentis: sed qualitates interiores, productæ in appetitu, per actiones eius, quæ dicuntur ira, vel amentia, vel aliis nominibus nominantur, sunt effectus earundem actionum, quæ vocantur passionēs: ergo verè, & propriè dicuntur etiam passionēs huius speciei, si citò transeant, vel passibiles qualitates, si diu permanent.

42 Ad testimonium Aristot. pro prima opinione, respondetur, Passionēs appetitus, collocasse Aristotelem in prædicamento actionis, sumendo eas pro actionibus eiusdem appetitus: in hoc autem prædicamento, & in hac specie, pro terminis earundem

dem actionum: qui verè & propriè sunt qualitates; vt exp-
licitum est. Et hæc eadem distinctio soluit argumentum q-
iusdem sententia.

Dubium quartum.

*An obiecta omnium sensuum externorum, vt obiecta eorum
sunt, pertineant ad hanc speciem qualitatis.*

O Biectioni visus est color, atque etiam lux; obiectum au- 43
ditus; sonus; olfactus, odores; obiectum gustus, sunt sa-
pores; & obiectum tactus, sunt quatuor primæ qualitates: quæ
ideo vocantur communiter qualitates tangibiles; vt calor;
frigus, humor; & siccitas. Et de his omnibus obiectis sensu;
certum est, primò, esse veras qualitates; & pertinere ad hoc
prædicamentum. Certum est secundò: pertinere ad hanc spe-
ciem, in quantum sunt effectus passionis: quia vel per aliquã
alterationem realem producantur; & ideo impressio earum;
propriè appellatur passio, aut passibilis qualitas huius speciei:
vel ex communi permixtione, aut actione primarum qualita-
tum inter sese generantur: & hoc etiam modo, appellantur
qualitates passibiles si sint permanentes, vel passionis, si cito
transciant: dubium verò solùm esse potest: *An sub ratione for-
mali obiectiva, per quam causant sensationem; vt visionem, & au-
ditionem in sensibus; sint qualitates passibiles huius speciei.*

Et ratio dubitandi, ex vna parte est: quia sensatio, quã cau-
sant in sensu, procedit ab eis, simul concurrentibus cum potē-
tia sensitiva; & recipitur in eadem: & quatenus recipitur, ap-
pellatur passio: ergo sunt causa passionis in sensu: sed passibile
qualitatem vocat Arist. *Eam quæ causat passionem in sensu*: ergo
obiecta omnium sensuum, vt talia sunt, erunt passibiles qua-
litates huius speciei.

Ex alia verò parte, habemus expressum testimonium Arist. 44
cap. præsentis; vbi de solis obiectis gustus, & tactus, concedit
esse passibiles qualitates: quia causant passionem in sensu: de
coloribus verò, quæ sunt obiecta visus, negat hac ratione esse
passibiles qualitates: sed solùm id habere eas concedit, in
quantum sunt effectus alicuius passionis; per quam produ-
cuntur.

Prima opinio est; quorundam modernorum, asserentium;
omnia obiecta sensuum, vt talia, esse passibiles qualitates, quia cau-
sant passionem in sensu: sed Arist. quia manifestum hoc erat
in sensu gustus, & tactus. ideo solùm id concessit expressè ob-
iectis

iectis eorum: non tamen negavit obiectis aliorum sensuum: sed quia in eis non erat res ita clara, de illis docuit alia ratione, esse passibiles qualitates, nempe, quia sunt effectus passionis.

45 Hæc sententia non potest defendi in doctrina Aristot. quia expressis verbis negat obiecta visus esse passibiles qualitates, quia causant passionem in sensu. Sed nec tenenda est, considerata natura huius speciei: quod ita probo: Solum dicitur qualitas passibilis huius speciei; in quantum effectus est passionis: ut illa, quæ est effectus veræ passionis, aut eius actionis, quæ cum vera passione fit: unde species expressa, quæ producit per intellectionem, vel quæ producit in sensibus internis, ex sensationibus sensuum externorum, non dicuntur passibiles qualitates: quia operatio intellectus, nec est vera passio, sed impropriissima; nec fit cum vera passione: ergo nec dicitur aliqua qualitas passibilis, in quantum causa passionis: nisi sit causa veræ ac propriæ passionis: sed colores non causant veram passionem in visu: quia visio, nec est vera passio, ut recepta in visu, sed communissima: nec fit cum vera passione: ergo non sunt passibiles qualitates, quia causant passionem in sensu. Vera igitur mens Aristot. est, & vera sententia, ac tenenda, *Quod solum obiectum gustus, olfactus, & tactus sunt passibiles qualitates*, quia causant passionem in sensu: obiecta verò visus, & auditus, non hac ratione, sed solum, quia sunt effectus alicuius passionis.

46 Quod ut explicemus simul, & probemus, notanda est differentia, inter obiecta gustus, olfactus, & tactus ex una parte, & obiecta visus, & auditus ex altera: quod illa natura movent sensus, ut percipiantur ab eis, cum reali alteratione organi: nempe cum humectatione, aut calefactione, vel alia simili qualitate: quæ ut recipiuntur in organis, propriè appellantur passionibus: cum aliquo modo disponant subiectum, in quo recipiuntur, ad corruptionem: unde sensationes horum sensuum, propriè dicuntur passionibus: quia licet ipsæ secundum se passionibus propriæ, non essent tales, nihilominus sic appellantur: quia fiunt cum vera passione, sicut de passionibus appetitus dictum est. Obiecta verò visus, & auditus, nec secundum se propriè appellantur passionibus, nec per se fiunt cum vera passione: licet aliquando fortè contingat per accidens, cum vera passione fieri.

47 Ex hac differentia sequitur, verum esse, quod asserit Aristot. *Solum obiecta trium sensuum esse passibiles qualitates*, quia causant passionem in sensu: obiecta verò visus, & auditus, non hac ratione, sed solum quia sunt effectus passionis. Et probatur

dem actionum: qui verè & propriè sunt qualitates; vt explicatum est. Et hæc eadem distinctio soluit argumentum eiusdem sententiae.

Dubium quartum.

An obiecta omnium sensuum externorum, vt obiecta eorum sunt, pertineant ad hanc speciem qualitarum.

Objectum visus est color, atque etiam lux; obiectum auditus, sonus, olfactus, odores; obiectum gustus, sunt sapores; & obiectum tactus, sunt quatuor primæ qualitates: quæ ideo vocantur communiter qualitates tangibiles; vt calor, frigus, humor, & siccitas. Et de his omnibus obiectis sensuum, certum est, primò, esse veras qualitates, & pertinere ad hoc prædicamentum. Certum est secundò: pertinere ad hanc speciem, in quantum sunt effectus passionis: quia vel per aliquam alterationem realem producuntur; & ideo impressio earum, propriè appellatur passio, aut passibilis qualitas huius speciei: vel ex communi permixtione, aut actione primarum qualitarum inter sese generantur: & hoc etiam modo, appellantur qualitates passibiles si sint permanentes, vel passionem, si citò transeant: dubium verò solùm esse potest: *An sub ratione formali obiectiua, per quam causant sensationem, vt visionem, & auditionem in sensibus, sint qualitates passibiles huius speciei.*

Et ratio dubitandi, ex vna parte est: quia sensatio, quæ causant in sensu, procedit ab eis, simul concurrentibus cum potentia sensitiva; & recipitur in eadem: & quatenus recipitur, appellatur passio: ergo sunt causa passionis in sensu: sed passibile qualitatem vocat Arist. *Eam quæ causat passionem in sensu*: ergo obiecta omnium sensuum, vt talia sunt, erunt passibiles qualitates huius speciei.

Ex alia verò parte, habemus expressum testimonium Arist. cap. præsentis; vbi de solis obiectis gustus, & tactus, concedit esse passibiles qualitates: quia causant passionem in sensu: de coloribus verò, quæ sunt obiecta visus, negat hac ratione esse passibiles qualitates: sed solùm id habere eas concedit, in quantum sunt effectus alicuius passionis; per quam producuntur.

Prima opinio est; quorundam modernorum, asserentium, omnia obiecta sensuum, vt talia, esse passibiles qualitates, quia causant passionem in sensu: sed Arist. quia manifestum hoc erat in sensu gustus, & tactus, ideo solùm id concessit expressè obiectis

iectis eorum: non tamen negavit obiectis aliorum sensuum: sed quia in eis non erat res ita clara; de illis docuit alia ratione, esse passibiles qualitates, nempe, quia sunt effectus passionis.

45 Hac sententia non potest defendi in doctrina Aristot. quia expressis verbis negat obiecta visus esse passibiles qualitates, quia causant passionem in sensu. Sed nec tenenda est, considerata natura huius speciei: quod ita probo: Solum dicitur qualitas passibilis huius speciei; in quantum effectus est passionis; ut illa, quæ est effectus veræ passionis, aut eius actionis, quæ cum vera passione fit: unde species expressa, quæ producitur per intellectionem, vel quæ producitur in sensibus internis, ex sensationibus sensuum externorum, non dicuntur passibiles qualitates: quia operatio intellectus, nec est vera passio, sed impropriissima; nec fit cum vera passione: ergo nec dicitur aliqua qualitas passibilis, in quantum causa passionis: nisi sit causa veræ ac propriæ passionis: sed colores non causant veram passionem in visu: quia visio, nec est vera passio, ut recepta in visu, sed communissima: nec fit cum vera passione: ergo non sunt passibiles qualitates, quia causant passionem in sensu. Vera igitur mens Aristot. est, & vera sententia, ac tenenda, *Quod solum obiectum gustus, olfactus, & tactus sunt passibiles qualitates*, quia causant passionem in sensu: obiecta verò visus, & auditus, non hac ratione, sed solum, quia sunt effectus alicuius passionis.

46. Quod ut explicemus simul, & probemus, notanda est differentia, inter obiecta gustus, olfactus, & tactus ex una parte, & obiecta visus, & auditus ex altera: quod illa natura mouent sensus, ut percipiantur ab eis, cum reali alteratione organi: nempe cum humectatione, aut calefactione, vel alia simili qualitate: quæ ut recipiuntur in organis, propriè appellantur passionibus: cum aliquo modo disponant subiectum, in quo recipiuntur, ad corruptionem: unde sensationes horum sensuum, propriè dicuntur passionibus: quia licet ipsæ secundum se passionibus propriæ, non essent tales, nihilominus sic appellantur: quia fiunt cum vera passione, sicut de passionibus appetitus dictum est. Obiecta verò visus, & auditus, nec secundum se propriè appellantur passionibus, nec per se fiunt cum vera passione: licet aliquando fortè contingat per accidens, cum vera passione fieri.

47 Ex hac differentia sequitur, verum esse, quod asserit Aristot. *Solum obiecta trium sensuum esse passibiles qualitates*. quia causant passionem in sensu: obiecta verò visus, & auditus, non hac ratione, sed solum quia sunt effectus passionis. Et probatur

dem actionum: qui verè & propriè sunt qualitates; vt expre-
catum est. Et hæc eadem distinctio soluit argumentum q-
iusdem sententia.

Dubium quartum.

*An obiecta omnium sensuum externorum, vt obiecta eorum
sunt, pertineant ad hanc speciem qualitatis.*

O Biectum visus est color, atque etiam lux; obiectum au- 43
ditus; sonus; olfactus, odores; obiectum gustus, sunt sa-
porès; & obiectum tactus, sunt quatuor primæ qualitates: quæ
ideo vocantur communiter qualitates tangibiles; vt calor,
frigus, humor; & siccitas. Et de his omnibus obiectis sensu;
certum est, primò, esse veras qualitates; & pertinere ad hoc
prædicamentum. Certum est secundo: pertinere ad hanc spe-
ciem, in quantum sunt effectus passionis: quia vel per aliquã
alterationem realem producuntur; & ideo impressio earum,
propriè appellatur passio, aut passibilis qualitas huius speciei:
vel ex communi permixtione, aut actione primarum qualita-
tum inter sese generantur: & hoc etiam modo, appellantur
qualitates passibiles si sint permanentes, vel passionès, si cito
transcant: dubium verò solùm esse potest: *An sub ratione for-
mali obiectiva, per quam causant sensationem; vt visionem, & au-
ditionem in sensibus, sint qualitates passibiles huius speciei.*

Et ratio dubitandi, ex vna parte est: quia sensatio, quã cau-
sant in sensu, procedit ab eis, simul concurrentibus cum potè-
tia sensitiva; & recipitur in eadem: & quatenus recipitur, ap-
pellatur passio: ergo sunt causa passionis in sensu: sed passibilis
qualitatem vocat Arist. *Eam quæ causat passionem in sensu*: ergo
obiecta omnium sensuum, vt talia sunt, erunt passibiles qua-
litates huius speciei.

Ex alia verò parte, habemus expressum testimonium Arist. 44
cap. præsentis; vbi de solis obiectis gustus, & tactus, concedit
esse passibiles qualitates: quia causant passionem in sensu: de
coloribus verò, quæ sunt obiecta visus, negat hac ratione esse
passibiles qualitates: sed solùm id habere eas concedit, in
quantum sunt effectus alicuius passionis; per quam produ-
cuntur.

Prima opinio est; quorundam modernorum, asserentium,
omnia obiecta sensuum, vt talia, esse passibiles qualitates, quia cau-
sant passionem in sensu: sed Aristoteli quia manifestum hoc erat
in sensu gustus; & tactus. ideo solùm id concessit expresse ob-

iectis

iectis eorum: non tamen negavit obiectis aliorum sensuum: sed quia in eis non erat res ita clara, de illis docuit alia ratione, esse passibiles qualitates, nempe, quia sunt effectus passionis.

45 Hæc sententia non potest defendi in doctrina Aristoteli, quia expressis verbis negat obiecta visus esse passibiles qualitates, quia causant passionem in sensu. Sed nec tenenda est, considerata natura huius speciei: quod ita probetur: Solum dicitur qualitas passibilis huius speciei; in quantum effectus est passionis: ut illa, quæ est effectus veræ passionis, aut eius actionis, quæ cum vera passione fit: unde species expressa, quæ producit per intellectionem, vel quæ producit in sensibus internis, ex sensationibus sensuum externorum, non dicuntur passibiles qualitates: quia operatio intellectus, nec est vera passio, sed impropriissima; nec fit cum vera passione: ergo nec dicitur aliqua qualitas passibilis, in quantum causa passionis: nisi sit causa veræ ac propriæ passionis: sed colores non causant veram passionem in visu: quia visio, nec est vera passio, ut recepta in visu, sed communissima: nec fit cum vera passione: ergo non sunt passibiles qualitates: quia causant passionem in sensu. Vera igitur mens Aristoteli est, & vera sententia, ac tenenda, *Quod solum obiectum gustus, olfactus, & tactus sunt passibiles qualitates*, quia causant passionem in sensu: obiecta verò visus, & auditus, non hac ratione, sed solum, quia sunt effectus alicuius passionis.

46 Quod ut explicemus simul, & probemus, notanda est differentia, inter obiecta gustus, olfactus, & tactus ex una parte, & obiecta visus, & auditus ex altera: quod illa natura movent sensus, ut percipiantur ab eis, cum reali alteratione organi; nempe cum humectatione, aut calefactione, vel alia simili qualitate: quæ ut recipiuntur in organis, propriè appellantur passionibus: cum aliquo modo disponant subiectum, in quo recipiuntur, ad corruptionem: unde sensationes horum sensuum, propriè dicuntur passionibus: quia licet ipsæ secundum se passionibus propriæ, non essent tales, nihilominus sic appellantur: quia fiunt cum vera passione, sicut de passionibus appetitus dictum est. Obiecta verò visus, & auditus, nec secundum se propriè appellantur passionibus, nec per se fiunt cum vera passione: licet aliquando fortè contingat per accidens, cum vera passione fieri.

47 Ex hac differentia sequitur, verum esse, quod asserit Aristoteles. *Solum obiecta trium sensuum esse passibiles qualitates*, quia causant passionem in sensu: obiecta verò visus, & auditus, non hac ratione, sed solum quia sunt effectus passionis. Et probatur

hanc ratione. Passibilis qualitas dicitur illa, quæ causat passionem in sensu, ergo qualis fuerit passio causata, talis erit denominatio qualitatis passibilis: sed sola obiecta trium sensuum causant passionem propriè dictam in sensibus, cum moueant sensus cum vera, ac reali alteratione, quæ passio propriè appellatur: cætera verò solùm causant passionem impropriissimam: ergo illæ solùm erunt passibiles qualitates propriè loquendo, quia causant passionem in sensu: hæc verò non, sed alia ratione.

Ad argum. pro ratione dubitandi propositum, distinguenda est minor, nam Aristot. non definit passibilem qualitatem, per id quod causet passionem quamlibet in sensu, sed propriè dictam: obiectum verò visus, & auditus, solùm sunt causa passionis communis, & impropriæ: & ideo non sunt passibiles qualitates; in quantum passibilis qualitas causat passionem in sensu: sed alio titulo, vel ratione, quia sunt effectus passionis: testimonium autem Aristot. nostram sententiam confirmat, vt vidimus.

Q V Æ S T I O V.

Quid per Formam, & Figuram intelligat Arist. & an sint diuersæ species qualitatis, vel eadem.

Circa primum, variæ sunt acceptiones *Formæ*. Nam primò, ⁴⁸ accipitur pro pulchritudine rei, quæ resultat ex debita ordinatione partium. Secundo, pro *formâ substantiali*; à qua res accipit esse: vt ab anima homo. Tertiò, pro *exteriori figurâ rerum*, non solùm naturalium, sed etiam artificialium: vt quod artificiosum est in cathedra, vocamus formam eius.

Et secundùm has diuersas acceptiones, diuerso modo sumuntur ab expositoribus, *formâ*, & *figurâ*: nam quidam per figuram intelligunt, eam quæ in rebus non viuentibus reperitur: per formam verò, eam quæ in viuentibus. Ita Ammonius cap. præsentis. Hæc tamen expositio non est tenenda, quia nulla videretur differentia in figuris harum rerum, propter quam vna sit, aut dicatur forma, & altera figura.

Ideo Boëtius, & Simplicius ibidem, formam asserunt appellari ab Aristot. *Pulchritudinem resultantem ex debita membrorum coaptatione, ac distinctione: Figuram verò eam, quæ resultat ex sola quantitate*: vt triangularem, & quadrangularem: Sed nec expositio hæc potest esse ad mentem Arist. qui in hoc cap. pulchritudinem collocauit in specie habitus.

Albertus

Albertus Mag. tract. de prædicamento qualitatis, cap. 8. *figuram*, ait, *respectu solius quantitatis dici*: quia nō videtur esse aliud, quàm terminatio quantitatis: nam anguli, quibus constat figura triangularis, & quadrangularis, non videntur esse aliud, præter lineas, qui sunt termini quantitatis: formam verò, per ordinem ad substantiam: nam sicut forma substantialis continet totam perfectionem speciei: ita qualitas huius speciei, totam perfectionem eius manifestat: vnde res diuersarum specierum, propter diuersas formas substantiales, diuersas habent figuras.

- 49 Sententia D. Thom. probabilior est, quam iam ferè omnes moderni Interpretes sequuntur: eam verò his verbis explicat 7. lib. Phys. lect. 7. *Considerandum est, quòd forma, & figura, in hoc ab inuicem differunt, quòd figura importat terminationem quantitatis: est enim figura, quæ termino, vel terminis comprehenditur: forma verò dicitur, quæ dat esse specificum artificiato: nam formæ artificiatorum, sunt accidentia.* Quibus clarè docet, figuram esse nudam terminationem quantitatis: formam verò, dicere ordinem ad compositum artificiale. Et huius veritatis signum est: quòd *figura reperitur in quantitibus Mathematicis, abstrahentibus à materia sensibili*, vt docet Aristot. 5. Metaph. c. 14. vbi res Mathematicas immobiles, hoc est, abstrahentes à motu, *figuras* vocat. Et hæc non solum reperitur in quantitibus continuis, sed etiam in numeris: non quidem simplicibus, sed compositis: nam binarius non dicit aliquam figuram: senarius verò, qui ex duobus ternariis componitur, præter vnitates ipsas, quæ sunt quantitates, certam habet figuram, ex ipsamet compositione resultantem: vt docet expressè Aristot. 5. Metaphysic. capit. 14.

- 50 Sed hoc debet notari, circa hanc expositionem: quòd dum figura appellatur terminus, vel terminatio quantitatis: duobus modis intelligi potest. Primo, de termino proprio, & intrinseco quantitatis: vt de punctis lineæ, & lineis superficierum & superficiebus corporis: in quo sensu non est verum; quia, isti termini, essentiales sunt quantitati: figura verò accidens eius est, ad prædicamentum qualitatis pertinens. Secundo, de termino accidentali, & quasi extrinseco: qui intrinsecos terminos, & intrinsecam terminationem consequitur: & eiusmodi termini, vel terminatio, propriè loquendo, habent rationem figuræ. Et huius ratio est: quia tres anguli, ex quibus constituitur figura triangularis, præsupponunt tres lineas, suis punctis iam terminatas: & ex eis iam terminatis, atque completis in sua specie, figura triangula fit. Ex quibus intelligitur:

GG

potius


potius dicendum esse, claritatis, ac proprietatis gratia, figuram resultare ex terminis, vel ex terminatione quantitatis, quam esse terminum, aut terminationem quantitatis: nam terminus quantitatis, aut terminatio eius, incompletum quid est, cum sit indiuisibile, vel ab indiuisibilibus facta: ideo non habet aliam speciem vel prædicamentum, ab ipsis quantitativis: figura vero, completum quid est, ex genere, & differentia compositum, & per se habet speciem, atque prædicamentum.

Circa secundum verò, An forma, & figura distinguantur specie: quidam interpretes, diuersas species eas faciunt, ex eo distinctas, quod figura abstrahit à materia sensibili: forma verò dicit ordinem ad materiam sensibilem, tribuens speciem artificialibus, & manifestam faciens speciem rerum naturalium: vt constet in forma statuae, & exteriori hominis.

Tenendum tamen est: Formam & figuram non esse diuersas species qualitaris, sed vnā, & eandem: & solum distingui accidentaliter. Probatur hac ratione: Eadem res, prout magis, vel minus abstracta à materia consideratur, non distinguitur specie: sed solum accidentaliter: in quantum diuersum ordinē dicit ad materiam: vt homo Physice consideratus, prout componitur ex materia, & forma, & habet in se principium motus, non distinguitur specie à se ipso, prout composito ex genere, & differentia: quo pacto non dicit ordinem ad materiam sensibilem: sed forma, & figura, solum ex eo distinguuntur, quod figura abstrahit à materia sensibili, forma verò eandem respicit: ergo non distinguuntur specie, sed solum accidentaliter. Probatur consequentia: quia accidentalis est ei ordo ad materiam sensibilem, vel abstractio ab ea: licet enim ad diuersas scientias pertineat res, vt diuerso modo abstrahitur à materia, tamen pertinere ad eandem, vel diuersam scientiam, sic vel aliter esse abstrahibile à materia, accidit ei: quamuis scientia, essentialis sit talis modus abstrahendi à materia.

C A P V T IX.

De prædicamento Actionis, & Passionis.

 Vatuor explicanda sunt, circa hæc duo prædicamenta actionis, & passionis. Primum est, *Quid nomine actionis, & passionis significetur.* Secundum: *Quid utraque sit.* Tertium, *Quæ sint genera suprema utriusque prædicamenti: & in quas species diuidantur.* (ex his enim ordinatio prædicamentalis fit.) Quartum, *Quot, & quæ sint proprietates actionis, & passionis.*

Circa

Circa primum, diuerſæ ſunt acceptiones, actionis, & paſſio-
nis: nam primò accipitur actio Grammaticali modo, pro ſigni-
ficato cuiuſlibet verbi actiui, ſiue propriè ſit actio, ſiue per mo-
dum actionis ſignificetur. Sed hac acceptione omiſſa, quia non
eſt realis, ſed nominalis: tribus modis accipitur actio realiter.
Primò, *pro ſolo actu libero voluntatis*: & hoc modo ſumitur ab A-
riſtot. 2. lib. Magnorum moralium, cap. 2. Secundo modo,
ſumitur vniuerſaliùs, *pro qualibet actione immanente*: ſub qua
comprehenduntur non ſolùm actiones intellectus, & volunta-
tis, ſed etiam appetitus ſenſitiui & ſenſuum externorum & in-
ternorum: qua acceptione vtitur Ariſtot. 6. lib. Ethic. capit. 4.
Poſtrema acceptio adhuc eſt vniuerſalior, tamen propria, *pro
quacunque actione cuiuſlibet agentis*, libera, vel neceſſaria, imma-
nente, vel tranſeunte. Et hoc modo accipit actionem Ariſtot.
cap. præſenti: quod euidenter probant exempla eius, tam in
actionibus immanentibus, vt in dolore, & triſtitia, quam in
traſeuntibus; vt in calefactione, & inſrigidatione, ab eo aſſi-
gnata. In hac etiam vniuerſali acceptione, actio eſt ſupremũ
genus prædicamenti actionis: & paſſio ſupremũ genus præ-
dicamenti paſſionis: nam quæ de actione dicta ſunt, eodem
modo intelliguntur de paſſione. Cum paſſio non ſit aliud,
quàm actio ipſa, prout recepta in ſubiecto.

Quid Actio, & Paſſio ſint.

Gilbertus Porretanus, (qui ideo auctor ſex principiorum
vocatur, quia libellum quendam de ſex vltimis prædica-
mentis ſcripſit.) ſic definit actionem: *Actio eſt, ſecundum quam in
id quod ſubijcitur, agere dicimur.* Hæc tamen definitio limitata
eſt: quia ſolùm comprehendit actiones tranſeuntēs: quia per
has ſolùm dicimur agere circa aliud nobis ſubiectum: imma-
nentes verò, non circa aliud verſantur, ſed in eodem agente
manent: nec etiam comprehendit actiones, quæ non habent
præſuppoſitum ſubiectum, nec ideo mutationes ſunt ſi tamen,
aliquæ ex his reperiantur, quod adhuc eſt in opinione poſi-
tum) alia igitur definitio vniuerſalior aſſignanda omnino eſt,
quæ omnes comprehendat: & ea talis eſſe poterit. Actio eſt;
*qua media, vt via, effectus recipi eſſe, vel conſervationem eius
ab agente.* Paſſio verò erit, *à qua aliquid dicitur pati, per
impreſſionem effectus ab agente.* Et licet modus quo diſtin-
guuntur actio, & paſſio, non pertineat ad præſentem conſide-
rationem, ſed ad Phyſicam, de quo agit Ariſto. 3. lib. Phyſic.
tamen ex mente eius, atque communi ſententia ſcholæ, non

distinguuntur realiter, sed ratione ratiocinata : hoc est, per intellectum, supposito fundamento in re: nam in eadem entitate ab agente procedente, considerat intellectus rationem egressionis ab eo, & receptionis in passio: & hoc est distinguere rationes formales earum: quæ constituunt diuersa prædicamenta: nam, vt superius probauimus, non requiritur distinctio realis, aut ex natura rei inter prædicamenta, sed rationis ratiocinata sufficit.

*Quot, & quæ genera, & species, habeant actio,
& passio.*

Prima diuisione, diuiditur actio, in eam : Quæ versatur *circa subiectum præsuppositum*. & hæc dicitur eductio formæ de potentia materiæ, aut vnio eius cum materia : dicitur etiam generatio : Et in aliam : Quæ non versatur *circa præsuppositum subiectum* : sed per eam producit res ex nihilo : & talis est creatio: si tamen vera actio est, & non sola relatio dependentiæ creaturæ à Deo: quod adhuc est in opinione positum.

Secunda diuisione, diuiditur in actionem *Substantialem*, & *Accidentalem*: illa est, per quam producit aut cõseruatur substantia, hæc verò per quam producit accidens: & sub vtraque comprehenduntur plures species.

Tertia diuisio actionis est, in *Immanentem*, & *Transseuntem*. Actio immanens est, quæ non versatur circa aliquod subiectum, extra agentem causam, nec effectum aliquem extra illam producit, sed ipsa cum suo termino producto, manet in eodem agente: vt visio, auditio, & actio vitalis intellectus, per quam producit verbum mentis ad intelligendum. Actio verò transiens est, quæ non manet in agente, sed circa subiectum extra illud versatur: aut effectum omnino extra illud producit: vt generatio hominis, & calefactio aquæ.

Quartò diuiditur in actionem *SUCCESSIUA*, & *INSTANTANEA*. Successiua est calefactio, & nutritio: Instantanea, est generatio hominis. Et quodlibet horum membrorum, habet suas species, vsque ad infimas: atque ex his omnibus generibus, & speciebus, sub genere supremo, constituitur ordinatio prædicamentalis actionis. Et eodẽ modo constituendum est prædicamentum passionis: quia eisdem diuisionibus diuiditur passio.

Quot, & quæ sint proprietates actionis, & passionis.

Quatuor solent enumerari proprietates actionis, & passionis: ex quibus duas assignauit Aristo. in littera. Prima est, *Habere*

Habere contrarium. Secunda, *Suscipere, magis, & minus:* sed neutra conuenit omni actioni, & passioni, sed his tantum, quæ versantur circa terminos habentes contrarium: quales sunt actio calefactionis, & infrigidationis, ac similes: nec etiam conueniunt proprietates istæ præterea his actionibus ratione sui, sed solum ratione terminorum: inter quos reperitur contrarietas.

Duas alias posuit Gilbertus, Primam, & in ordine tertiam, quod proprium sit actioni, & passioni, *semper esse cum motu, aut mutatione*, sed etiam de hac non est certum, quod omni actioni conueniat: quia multi ponunt actiones sine subiectis præsuppositis: de quibus ideo certum est, non esse motus, vel mutationes.

Secunda proprietas, & vltima in ordine est, *Quod actio inferat passionem, simulque cum ea sit:* de qua certum est: quod conueniat actioni quarto modo: quia cum actio & passio sint eadem entitas, & præterea necesse sit actionem, cum sit accidens, in aliquo recipi: & vt recepta, sit passio, necesse est inferre passionem, & semper esse cum ea.

C A P V T X.

De cæteris prædicamentis.

Prædicamentum Quando,

TRia explicari debent, vt intelligatur natura huius prædicamenti. Primum, quid sit *Quando*, vel in quo consistat ratio formalis eius. Secundum, *Quot, & quas habeat species*, ex quibus fiat ordinatio prædicamentalis eius. Tertium, *Quot, & quæ sint eius proprietates.*

Explicatur in quo consistat ratio formalis prædicamenti Quando.

ARistoteles non definiuit, *Quando*, nec docuit, in quonam formalis ratio eius consistat: sed definiuit Gilber. quamuis obscura admodum definitione, dicens: *Quando est id quod ex adiacentia temporis relinquitur:* per adiacentiam verò videtur significare, esse aliquam denominationem, proueniētem rebus ex tempore, aut ex eo, quod in tempore sit.

Hæc autem definitio Gilberti, diuersis modis explicatur, & D. Thom. duas posuit explicationes eius, opus. 48. tract. de sex vltimis prædicamentis, cap. 1. & 2: ex diuersis auctoribus collectas. Prima asserit, *tempus duobus modis considerari.*

Primo, vt est mensura successiua, & continua. Secundo, vt explicatur ad mensurandam substantiam, & motum, vel operationem eius: ex qua applicatione procedit vt denominentur mensurata à tempore, denominatione quadam extrinseca: & dicuntur esse, fuisse, aut futura esse: & actio dicatur hesternæ, vel hodiernæ. Hæc igitur denominatio extrinseca, est illud, quod ex adiacentia temporis relinquitur: hoc est, ex eo, quod tempus circumstat substantiam, & eius operationes: circumstare verò non est aliud, quam intrinseca ratione ad eas pertinere, & non per inhesionem.

Secunda, non est multum diuersa: asserit enim, *id quod ex tempore relinquitur esse, quod substantia, & operationes eius, tempori subdita dicantur*: in quantum non totum suum esse habent simul, sed quasi augmentum, vel extensionem, aut intensionem à tempore accipiunt: & in eo dicuntur crescere, consensescere, ac tandem ab eo consumi: & hoc est predicamentum, Quando, nempe tempori subdi.

Duæ istę explicationes, in eo conueniunt: quod vtraque ponit predicamentum Quando, in sola denominatione extrinseca à tempore consistere: & ideo falsa est: quod sic probo: Predicamentalis ordinatio (si vera est ex veris generibus, & speciebus, licet imperfectis, ac diminutis fieri debet, sed ex sola denominatione extrinseca, nec genus, nec species sumi possunt: ergo ex ea sola non potest constare predicamentum. Probatur minor, quia genus & species dicunt aliquam naturam, & entitatem realem: sed denominatio extrinseca, nec est aliqua natura nec aliqua entitas realis in rebus, quibus predicamentum hoc conuenire potest, vt patet: ergo non potest ex ea sola predicamentum constitui.

Secundò: Si aliquid intrinsecum ponunt, non potest esse absolutum: quia nulla entitas absoluta resultat in rebus, aut in tempore ipso, ex adiacentia eius, sed ad summum relatio aliqua: quę si realis sit, pertinebit ad predicamentum Ad aliquid: si rationis ad nullum: ergo non potest ex tali adiacentia temporis, constitui reale predicamentum: aut certè, non distinctum à predicamento Ad aliquid.

Propterea moderni quidam asserunt, tria esse consideranda in hoc predicamento, sicut in cæteris: nempe, *Formam denominantem subiectum*: & hanc dicunt esse *Durationem*: & *subiectum denominatum ab ea*: & hoc esse *Motum*, aut rem aliam durantem, & effectum formalem. *Effectum verò formalem*, non esse alium, quàm durare in esse: ideo concretum esse, *Durans*, vt sic. Sed qui hanc opinionem tenent, diuisi sunt: nam quidam ab hoc predicamento

eamiento excludunt, non solum æternitatem, quæ duratio infinita est, sed etiam tempus: quia cum pertineat ad prædicamentum quantitatis, non potest in isto collocari; unde abstractum huius prædicamenti, asserunt esse, durationem creatam indiuisibilem: sub qua collocatur, æuum Angelorum, & duratio substantiæ corporeæ, tanquam genera subalterna: quarum quilibet durationum, aiunt, diuiditur in diuersas durationes eiusdem generis, sed diuersæ speciei, secundum diuersitatem specificam Angelorum, & substantiarum corporearum.

- 4 Hæc tamen sententia primò est contra Arist. in hoc lib. prædicamentorum, cap. 4. vbi cum enumerasset prædicamenta, & peruenisset ad hoc, ita ait, *Quando autem, vi heri, superiori anno,* &c. Quæ verba tempus expressè significant; vt patet.

Deinde est contra rationem: Quia vel æuum, & duratio alia substantiæ corporeæ, pertinent ad hoc prædicamentum: quia durationes creatæ sunt: vel, quia indiuisibiles: non propter secundum: quia ratio diuisibilis, vel indiuisibilis impertinens est ad hoc prædicamentum, cum id non sit quantitas, sed quando: ergo pertinent: quia sunt durationes creatæ: sed tempus est vera duratio creata: ergo non potest excludi ab hoc prædicamento.

Nostra igitur sententia est: quòd Quando in abstracto significat durationem creatam in cõmuni; vt comprehendit æuum, durationem indiuisibilem substantiæ corporeæ, & durationem successiuam motus, quæ est tempus, in concreto verò rem durantem, duratione creata: ita tenent plures moderni.

- 5 Et probatur, à sufficienti diuisione: quia Quando, dicit aliquo modo durationem; vt manifestum est, non tamen durationem comprehendit infinitam Dei: quia hæc non pertinet ad prædicamentum: ergo dicit durationem creatam comprehendentem successiuam, & momentaneam, siue sit Angelica, vel alia quæcunque creata. Probatur consequentia: quia successiuam, non potest excludi, vt probatum est: nec etiam momentaneam, vel indiuisibilem: quia talis duratio, cum sit accidens creatum, & completum, per se debet pertinere ad aliquod prædicamentum: sed ad nullum, præter hoc, pertinere potest: ergo in eo erit per se collocanda: & ita supremum genus erit duratio creata, prout vtramque comprehendit: vel res durans, vt comprehendit ea, quæ durant, vtraque duratione. Probatur minor, quia certum est, durationem indiuisibilem non pertinere ad prædicamentum quantitatis: cuius propria ratio est extensio, & diuisibilitas propria passio: quòd verò non

Primo, ut est mensura successiva, & continua. Secundo, ut applicatur ad mensurandam substantiam, & motum, vel operationem eius: ex qua applicatione procedit ut denominentur mensurata à tempore, denominatione quadam extrinseca: & dicuntur esse, fuisse, aut futura esse: & actio dicatur hesternæ, vel hodiernæ. Hæc igitur denominatio extrinseca, est illud, quod ex adiacentia temporis relinquitur: hoc est, ex eo, quod tempus circumstat substantiam, & eius operationes: circumstare verò non est aliud, quam intrinseca ratione ad eas pertinere, & non per inhesionem.

Secunda, non est multum diuersa: asserit enim, *id quod ex tempore relinquitur esse, quod substantia, & operationes eius, tempori subdita dicantur*: in quantum non totum suum esse habent simul, sed quasi augmentum, vel extensionem, aut intensionem à tempore accipiunt: & in eo dicuntur crescere, consensescere, ac tandem ab eo consumi: & hoc est predicamentum, Quando, nempe tempori subdi.

Dux istæ explicationes, in eo conueniunt: quod utraque ponit predicamentum Quando, in sola denominatione extrinseca à tempore consistere: & ideo falsa est: quod sic probò: Prædicamentalis ordinatio (si vera est ex veris generibus, & speciebus, licet imperfectis, ac diminutis fieri debet, sed ex sola denominatione extrinseca, nec genus, nec species sumi possunt: ergo ex ea sola non potest constare predicamentum. Probatur minor, quia genus & species dicunt aliquam naturam, & entitatem realem: sed denominatio extrinseca, nec est aliqua natura nec aliqua entitas realis in rebus, quibus predicamentum hoc conuenire potest, ut patet: ergo non potest ex ea sola predicamentum constitui.

Secundò: Si aliquid intrinsecum ponunt, non potest esse absolutum: quia nulla entitas absoluta resultat in rebus, aut in tempore ipso, ex adiacentia eius, sed ad summum relatio aliqua: quæ si realis sit, pertinebit ad predicamentum Ad aliquid: si rationis ad nullum: ergo non potest ex tali adiacentia temporis, constitui reale predicamentum: aut certè, non distinctum à predicamento Ad aliquid.

Propterea moderni quidam asserunt, tria esse consideranda in hoc predicamento, sicut in cæteris: nempe, *Formam denominantem subiectum*: & hanc dicunt esse *Durationem*: & *subiectum denominatum ab ea*: & hoc esse *Motum*, aut rem aliam durantem, & effectum formalem. *Effectum verò formalem*, non esse alium, quam durare in esse: ideo concretum esse, *Durans*, ut sic. Sed qui hanc opinionem tenent, diuisi sunt: nam quidam ab hoc predicamento

camento excludunt, non solum æternitatem, quæ duratio infinita est, sed etiam tempus: quia cum pertineat ad prædicamentum quantitatis, non potest in isto collocari: vnde abstractum huius prædicamenti, asserunt esse, durationem creatam indiuisibilem: sub qua collocatur, æuum Angelorum, & duratio substantiæ corporeæ, tanquam genera subalterna: quarum quælibet durationum, aiunt, diuiditur in diuersas durationes eiusdem generis, sed diuersæ speciei, secundum diuersitatem specificam Angelorum, & substantiarum corporearum.

- 4 Hæc tamen sententia primò est contra Arist. in hoc lib. prædicamentorum, cap. 4. vbi cum enumerasset prædicamenta, & peruenisset ad hoc, ita ait, *Quando autem, ut heri, superiori anno,* &c. Quæ verba tempus expressè significant; vt patet.

Deinde est contra rationem: Quia vel æuum, & duratio alia substantiæ corporeæ, pertinent ad hoc prædicamentum: quia durationes creatæ sunt: vel, quia indiuisibiles: non propter secundum: quia ratio diuisibilis, vel indiuisibilis impertinens est ad hoc prædicamentum, cum id non sit quantitas, sed quando: ergo pertinent: quia sunt durationes creatæ: sed tempus est vera duratio creata: ergo non potest excludi ab hoc prædicamento.

Nostra igitur sententia est: quòd Quando in abstracto significat durationem creatam in còmmuni; vt comprehendit æuum, durationem indiuisibilem substantiæ corporeæ, & durationem successiuam motus, quæ est tempus, in concreto verò rem durantem, duratione creata: ita tenent plures moderni.

- 5 Et probatur, à sufficienti diuisione: quia Quando, dicit aliquo modo durationem; vt manifestum est, non tamen durationem comprehendit infinitam Dei: quia hæc non pertinet ad prædicamentum: ergo dicit durationem creatam comprehendentem successiuam, & momentaneam, siue sit Angelica, vel alia quæcunque creatæ. Probatur consequentia: quia successiuam, non potest excludi, vt probatum est: nec etiam momentaneam, vel indiuisibilem: quia talis duratio, cum sit accidens creatum, & completum, per se debet pertinere ad aliquod prædicamentum: sed ad nullum, præter hoc, pertinere potest: ergo in eo erit per se collocanda: & ita supremum genus erit duratio creata, prout vtramque comprehendit: vel res durans, vt comprehendit ea, quæ durant, vtraque duratione. Probatur minor, quia certum est, durationem indiuisibilem non pertinere ad prædicamentum quantitatis: cuius propria ratio est extensio, & diuisibilitas propria passio: quòd verò non

camento excludunt, non solum æternitatem, quæ duratio infinita est, sed etiam tempus: quia cum pertineat ad prædicamentum quantitatis, non potest in isto collocari: unde abstractum huius prædicamenti, asserunt esse, durationem creatam indiuisibilem: sub qua collocatur, æuum Angelorum, & duratio substantiæ corporeæ, tanquam genera subalterna: quarum quælibet durationum, aiunt, diuiditur in diuersas durationes eiusdem generis, sed diuersæ speciei, secundum diuersitatem specificam Angelorum, & substantiarum corporearum.

- 4 Hæc tamen sententia primò est contra Arist. in hoc lib. prædicamentorum, cap. 4. ubi cum enumerasset prædicamenta, & peruenisset ad hoc, ita ait, *Quando autem, ut heri, superiori anno,* &c. Quæ verba tempus expressè significant, ut patet.

Deinde est contra rationem: Quia vel æuum, & duratio alia substantiæ corporeæ, pertinent ad hoc prædicamentum: quia durationes creatæ sunt: vel, quia indiuisibiles: non propter secundum: quia ratio diuisibilis, vel indiuisibilis impertinens est ad hoc prædicamentum, cum id non sit quantitas, sed quando: ergo pertinent: quia sunt durationes creatæ: sed tempus est vera duratio creata: ergo non potest excludi ab hoc prædicamento.

Nostra igitur sententia est: quòd Quando in abstracto significat durationem creatam in communi; ut comprehendit æuum, durationem indiuisibilem substantiæ corporeæ, & durationem successiuam motus, quæ est tempus, in concreto verò rem durantem, duratione creata: ita tenent plures moderni.

- 5 Et probatur, à sufficienti diuisione: quia Quando, dicit aliquo modo durationem; ut manifestum est, non tamen durationem comprehendit infinitam Dei: quia hæc non pertinet ad prædicamentum: ergo dicit durationem creatam comprehendentem successiuam, & momentaneam, siue sit Angelica, vel alia quæcunque creata. Probatur consequentia: quia successiuam, non potest excludi, ut probatum est: nec etiam momentanea, vel indiuisibilis: quia talis duratio, etiam si sit accidens creatum, & completum, per se debet pertinere ad aliquod prædicamentum: sed ad nullum, præter hoc, pertinere potest: ergo in eo erit per se collocanda: & ita supremum genus erit duratio creata, prout utramque comprehendit: vel res durans, ut comprehendit ea, quæ durant, utraque duratione. Probatur minor, quia certum est, durationem indiuisibilem non pertinere ad prædicamentum quantitatis: cuius propria ratio est extensio, & diuisibilitas propria passio: quòd verò non

pertineat ad alia prædicamenta, ostendunt rationes eorum diuersissimæ à duratione.

Arg. verò alterius opinionis, quo probatur, tempus esse excludendum ab hoc prædicamento, quia pertinet per se ad prædicamentum quantitatis: nihil probat aduersus eos, qui asserunt tempus esse quantum per accidens: & ideo non pertinere ad prædicamentum quantitatis: apud quos pertinere poterit ad hoc prædicamentum. Sed habet apud nos difficultatem maximam, qui tenemus, *Esse quantum per se, & speciem quantitatis.* Hac tamen distinctione soluitur. Duo possunt considerari in tempore: nempe, quòd *successiua duratio sit*: & quòd *continua*: quo pacto abstrahit ab extensione, seu diuisibilitate per se, & per accidens. Probatur, nam euidentius est apud omnes, tempus esse durationem successiuam: & tamen non est euidentius, quòd sit per se extensa: sed satis probabile, quòd sit extensa per accidens: ergo ratio successiuæ durationis, abstrahit ab extensione per se, & per accidens. Nos igitur, qui tenemus, tempus esse extensum per se possumus ipsum hac ratione collocare in prædicamento *Quantitatis*: sed in ratione successiuæ durationis in prædicamento *Quando*: & hac distinctione solutum est argumentum.

Quot, & quæ habeat genera, & species hoc prædicamentum.

SY premum genus huius prædicamenti, quod est *Duratio creata*, vel *Durans creatum*, diuiditur, in durationem *Permanentem*, & *Successiuam*: tanquam in duas species subalternas: & rursus, *Duratio permanens*, in *Æuum*, quod est duratio Angelorum, & in *Duratioem substantiæ corporeæ*: *Duratio verò successiua*: in durationem *primam motus cælestis*, quæ per autonomasiam vocatur tempus, & in durationem *motus inferioris*: & adhuc quælibet species subalterna durationis permanentis, habet alias species infimas, secundum distinctionem specificam, Angelorum, & substantiarum corporearum: & ex his generibus, & speciebus, fit ordinatio prædicamenti *Quando*.

Quot, & quas proprietates habeat hoc prædicamentum.

TRES proprietates tribuit Gilbert. huic prædicamento: sed 8 omnes videntur aliis etiam esse communes. Prima est, *Non habere contrarium*: Secunda, *Non suscipere magis: & minus*: de quibus manifestum est aliis conuenire. Tertiam dicit

dicit esse, quòd duratio creata solum conuenit his, qua incipiunt esse, vel apta nata sunt incipere esse: de qua etiam probatur: quòd conueniat aliis: quia alia etiam sunt accidentia, quæ solum conueniunt his, quæ incipere apta nata sunt: vt mutatio, & motus, aliaque huiusmodi. Nullam igitur habet proprietatem prædicamentum hoc, nobis notam: sed aliquam absque dubio habebit, quam ignoramus: nam cum debilissimæ sit naturæ, mirum non est, si intimas eius proprietates non cognoscimus.

Prædicamentum Vbi.

Circa prædicamentum Vbi, quatuor etiam explicanda sunt. Primum, *Quid per nomen, Vbi, significetur.* Secundum, *In quo consistat ratio formalis eius.* Tertium, *Quot, & qua genera, & species habeat,* ex quibus ordinatio eius prædicamentalis fiat. Quartum, *Quot, & qua sint proprietates eius.*

Circa primum; Nomen Vbi, vno tantum modo accipitur, pro reali præsentia: per quam aliquid dicitur præsens esse loco, aut spatio loci: nam & si corpus sit in vacuo, habebit præsentiam realem: cum sit certum, & ab omnibus concessum, posse moueri in vacuo: in quo, sicut verum, & realem motum haberet, ita verum terminum motus acquireret: est autem Vbi, terminus proprius motus localis: quare verum haberet Vbi, veramque ac realem præsentiam.

Quid sit Vbi, aut in quo consistat ratio formalis eius.

VBi, sic definitur à Gilberto: *Vbi, est circumscriptio corporis, à circumscriptioe loci proueniens:* quibus verbis duplicem circumscriptionem insinuat. Prima est, *Circumscriptio loci à locato.* & hæc potest vocari actiua. Secunda verò passiuæ est, *Quia locatum dicitur à loco circumscribi:* & hanc dicit esse de ratione, Vbi: nam alia ad locum potius pertinet, & ad prædicamentum quantitatis reduci potest, in quo ponitur locus: sed in circumscriptioe passiuæ, præsentiam localem virtualiter includit Gilbertus: quia non potest corpus circumscribi loco, nisi sit ei præsens. Nihilominus definitio hæc limitata est, & non omnino completa: quia solum comprehendit, Vbi, pro locali præsentia, cum tamen corpus habere possit verum, Vbi, sine illa.

Sic ergo definiendum est, Vbi, definitione adequata, & comprehendente, Vbi, quodcunque: *Vbi est realis præsentia, quam habet corpus in loco, aut in spatio loci.*

Ex qua definitione intelligimus, quatuor habere conditiones Vbi. Prima est: *Esse aliquid reale*: quia non potest esse aliquid praesens alteri, nisi per aliquid reale: & cum Vbi sit terminus realis motus, necesse est aliquid etiam reale esse: alioquin per realem motum, nihil reale acquireretur, à quo tanquam à termino haberet speciem realem.

Habet secundo: *Quod sit aliquid inhaerens subiecto realiter*. quia cum per motum tendat mobile ad acquirendum sibi aliquem terminum: & motus sit realis: non solum realem terminum debet acquirere, sed in se manentem. Probatur consequentia: quia motus & terminus in eodem subiecto recipi debent; ut manifestat inductione probari potest, in omnibus motibus. Habet tertio Vbi, quod sit *entitas realis, distincta ex natura rei à subiecto, in quo est*.

Probatur hoc, ex noua acquisitione, & separatione à subiecto: nam illud, quod separatur ab alio realiter, necesse est distinguui ab eo, absque operatione intellectus: cum ante illam separatur: sed hoc Vbi, definit esse in corpore, & acquiritur aliud nouum: ergo vtrumque separatur à corpore, ante operationem intellectus: & ideo ante illam distinguitur, & ex natura rei.

Quartum quod habet, Vbi, est, *non esse puram relationem, sed aliquid absolutum includens, & etiam respectum secundum dici ad locum, quo circumscribitur corpus, vel ad spacium loci*. Probatur hac ratione: quia sola relatio non potest per se terminare motum, ut docet expressè Arist. 5. lib. Phys. sed, Vbi, terminat per se motum localem; ut ibidem asserit: ergo non dicit solam relationem, sed modum quendam realem absolutum, quem per respectum ad extrinsecum explicamus. Hic autem modus absolutus, non est aliud, quam accommodatio rei praesentis ad locum, vel ad spacium loci: ita ut si corpus sit, sic se accommodet illi; ut totum corpus respondeat toti loco, aut spacio, & singula partes singulis etiam partibus loci: si verò sit res indiuisibilis, tota corresponsdeat toti loco, aut spatio: & tota etiam singulis partibus: quod verò simul cum hoc modo absoluto, includat respectum realem ad extrinsecum locum, vel spacium, certum esse debet: quia talis accommodatio, intrinsecam dicit correspondentiam: ergo intrinsecum etiam respectum.

Quot, & quae habeat genera, & species, Vbi.

Vbi potest diuidi in *Circumscriptiuum, & Definitiuum*. *Circumscriptiuum* est, quod habet corpus quantum, quod ita est pra.

est præsens spatio; vt toti spatio correspondeat totum corpus, & partibus correspondeant partes: & id suo modo potest habere res spiritualis, sic se accommodans loco; vt singulis partibus loci correspondeat tota, & tota etiam toti loco. Vbi *Definitium* potest vocari simplex præsentia, per quam res potest dici præsens alicui, sine commensuratione, vel accommodatione ad illud: & hoc modo erunt fortasse præsentēs Angeli in Cælo empyreo, in quo non sunt tanquam in loco, secundum sententiam D. Thom. magis communem in schola: licet adhuc sit hoc positum in opinione, *An Angeli moueantur per motum realem, sic inhaerentem*: & ex consequenti, *An verum Vbi acquirant*: aut solum per extrinsecam denominationē à corpore: quod mouent.

Secunda diuisione diuiditur Vbi, ab Aristot. 7. & 8. lib. Phys. in Vbi, *Sursum*, & *Deorsum*, tanquam in diuersas species, per quas, tanquam per proprios terminos distinguuntur specie motus localis, sursum, & deorsum: quamuis moderni plures, hanc distinctionem specificam, Vbi, & motuum localium non admittant: sed nos Aristot. sequentes, probamus admittendam esse, 5. lib. Phys. in nostris Commentariis.

Quot, & quas proprietates habeat.

5 **D**uas proprietates ei concedit Gilbertus, videlicet, *Non habere contrarium*: & *Non suscipere magis, & minus*: quas patet non ei soli conuenire, sed multis aliis. Et prima proprietas, (si vera est de propriissima contrarietate, quæ in solis qualitatibus, se expellentibus ab eodem subiecto, intelligi debet: nam aliam ei concedit Aristot. non ita propriam, locis citatis. Alij etiam tribuunt, Vbi, duas alias proprietates: nempe, *Esse immobile*, cum constet moueri non posse cum corpore, in quo est, sed moto corpore, statim desinere esse in eo: & ideo aliam eius proprietatem dicunt esse, *Quod corrumpi possit*: vtraque tamen proprietas, communis est ei cum aliis: nam immobilitatem, loco etiam concedit Aristot. 4. lib. Phys. & multæ sunt aliæ res corruptibiles. Ego verò quintam proprietatem ei concederem, quæ nulli potest conuenire, sed quarto modo ei conuenit: quia cum eo conuertitur: & hæc est, *Acquisitile, aut producibile esse per se, per motum localem*.

Prædicamentum Situs.

6 **Q**uatuor alia de Situ declaranda sunt. Primum: Quid per *Situm constituentem hoc prædicamentū intelligatur*. Secundum: In quo

in quo consistat ratio formalis eius. Tertium, *In quot, & qua genera, & species diuidatur.* Quartum, *Quot, & qua proprietates ei attribuantur.*

Circa primum, varijs modis accipitur Situs. Primo; pro loco, aut vbi; in quo res sita est: sed hæc nimis est impropria: ideo accipitur secundò pro quadam relatione ordinis, quam res habet in loco: per quam dicitur esse sursum, aut deorsum; priorem aut posteriorem habere locum: sed hoc non ad Situm, sed ad Vbi pertinet: & ideo nimis est impropria respectu situs. Quare secundum has duas acceptiones. non potest constituere speciale, aut distinctum prædicamentum ab alijs.

Tertia igitur acceptio, & propria, colligitur ex Arist. 5. lib. Metaph. cap. 19. vbi ait, *Dispositio dicitur ordo partes habentis, secundum locum.* Quæ verba intelligunt omnes Interpretes, de prædicamento Situs, quod sub nomine dispositionis explicare voluit.

In quo consistat formalis ratio huius prædicamenti.

Definitio Situs; secundum hanc vltimam acceptionem, 2.
Ex Arist. colligenda est: erit autem talis: *Situs est, dispositio partium in loco; secundum quam aliquis sedere, stare, aut iacere dicitur.*

Sed distinguere situm à prædicamēto vbi, difficile est: quia esse aliquid extensum, & esse tali modo extensum, ad idē prædicamētum pertinet: ergo esse aliquid in loco; & esse tali modo in loco, pertinebit ad idem prædicamentum: sed situs non est aliud, quàm tali modo esse in loco, hoc est cum tali dispositione partium: ergo non efficiet distinctum prædicamentum, à prædicamento Vbi; quod est esse in loco. Probatur minor. nam stare, aut sedere, non est aliud; quàm tali modo esse in loco: ideo tenuit Fonseca 5. Metaph. cap. 7. quæ. 2. sect. 4. quòd licet vulgò dicatur situm, & vbi; diuersa efficere prædicamenta, ramen secundum veritatem Philosophicam, non distinguitur situs, à prædicamento vbi.

Hæc tamen sententia expressè in primis contraria est Arist. ; & toti Peripateticæ Scholæ, decem prædicamenta recipienti: & inter ea, situm: si enim non distinguatur à prædicamento vbi, non erunt nisi nouem; est etiam contra rationem: quia situs, distinctam saltem rationem formalem habet à prædicamento vbi: vt statim ostendemus.

Sed in quo consistat hæc ratio, non est certum apud omnes. Itaque secunda opinio, tenet in sola denominatione extrinseca à loco, consistere. Quæ etiam falsa probatur. Primò: Quia sola nomina

nomiuatio extrinseca, non sufficit prædicamentum constituere, vt probauimus. Secundò: Quia qui sedet, vel stat in loco; eodem modo stabit, & sedebit, si locus in quo est, corrumpatur, & in vacuo remaneat: ergo eodem modo habebit situm; sicut est certum habere vbi: sed tunc non denominaretur extrinsecè à loco; cùm non sit in loco: ergo nihil erit prædicamentum situs.

Propterea tertia opinio asserit; *non esse solam denominationem extrinsecam, sed relationem corporis, & partium eius ad locum*, vel spatium loci. Sed nec potest hæc opinio defendi. Quia si solam relationem dicit: vel est relatio secundum esse, & ita non distingueretur situs à prædicamento ad aliquid: vel est relatio secundum dici, & hoc non; quia relatio secundum dici, est de essentia absoluti; vt probauimus in prædicamento ad aliquid, ergo non potest per solam relationem secundum dici, constitui prædicamentum situs: sed aliquid absolutum habere debet in quo respectus secundum dici includatur.

- 4 Ideo vltima opinio, quam sequuntur omnes ferè Interpretes Arist. cap. præsentis, & 5. Metaph. cap. 19. asserit; *Situm dicere quid absolutum*: nempe specialem modum se habendi totius corporis, & partium eius in loco, aut spatio loci; in quo modo absoluto, includitur respectus secundum dici, ad locum, & partes eius: vnde ex absoluto, & respectiuo, cõstat ratio adæquata huius prædicamenti; sicut & prædicamentum vbi. Quam rationem explicuit Arist. vbi supra, nomine dispositionis partium in loco: sed situs à prædicamento vbi, non distinguitur realiter; sed solum ratione ratiocinata, sicut actio à passione. Præsupponit enim vbi, tanquam aliquid prius secundum rationem; & addit supra illud, specialem illum modum dispositionis partium in loco: nam prius intelligimus corpus esse præsens loco, aut spatio loci, quam intelligamus talem habere dispositionem partium in eo: sed hæc dispositio partium, non est alia entitas realis, ab entitate, vbi; sed alia ratio formalis: quam certum est, non dicere, vbi, sed solum præsentiam in loco, aut spatio loci; & nihil aliud: præsentia autem in loco, sine tali dispositione, & ideo, sine ratione situs intelligitur: & hoc est, in eadem entitate reali, distinguere intellectum, duplicem rationem prædicamentalem: sicut distinguimus in eadem entitate realis motus; prædicamentum actionis, & passionis.

- 5 Ad arg. primæ opinionis, distinguenda est maior: quia esse & esse tali modo, dupliciter contingit. Primò, ita, vt talis modo essendi, comprehendatur sub eodem esse: & tunc verum est, ad
idem

idem prædicamentum pertinere. Alio modo, ita; vt extra rationem eius sit: & tunc non ad idem, sed ad aliud pertinebit: quod patet in eodem exemplo quantitatis: nam esse extensum, constituit prædicamentum quantitatis: sed corpus tali modo esse extensum; vt sit alteri aequaliter extensum, non comprehenditur sub extensione: & ideo non iam ad prædicamentum quantitatis, sed ad prædicamentum ad aliquid pertinet: & ita se habet situs, in ordine ad vbi: quod simpliciter dicitur esse in loco, non comprehendens per se, nec per suas species, speciales modos, aut dispositiones, se habendi in loco: & ideo situs specialem modum se habendi in loco dicitur; non comprehensum in ratione formali vbi: quare aliud prædicamentum constituere potest.

Quot, & quæ sint genera, & speciei. & Situs.

Genera, & species huius prædicamenti, ita colligunt Albertus Magnus, lib. de sex principiis tractatu de positione, cap. 1. & D. Thom. opusc. 48. cap. 2. vt supremum genus; quod est dispositio partium in loco, aut in spatio loci, diuidatur in id, quod est, *Recte esse positum*, aut *Reflexè*: tanquam in duo genera subalterna deposita: sub quibus continentur, Sedere, Stare, Iacere, Cubare, & huiusmodi alia, tanquam species; in quas diuiduntur eadem genera: & ex omnibus fit ordinatio prædicamentalis.

Quot, & quæ sint proprietates huius prædicamenti.

Dvas proprietates ei attribuunt Alb. Mag. & D. Tho. vbi supra: videlicet, *Contrariis carere*; & *Suscipere magis & minus*: quæ etiam conueniunt pluribus aliis: quibus tertiam addit Gilbertus, nempe, *Assistere proximè substantiæ*: quæ etiam conuenit prædicamento, vbi; & immediatius; cum sit prius secundum rationem; vt probauimus: sed cum sint idem realiter; vtrique conuenit immediatè, realiter loquendo; sed non est sic intelligendum quod situs assistat substantiæ vt extrinsecè prorsus se habeat ad illam: nā verè ei inhæret, tanquam modus eius: sed assistere dicitur; quia ab extrinsecò depèdet.

Prædicamentum, Habere.

Eadem quæ de cæteris prædicamentis explicata sunt; de *habere*, vel *habitu*; qui est vltimum prædicamentum, sunt declaran

declaranda. Primum, *Quid per habere sit intelligendum*; Secundum, *Quid sit habere, aut in quo consistat ratio formalis eius*. Tertium, *Quot genera, & species habeat*. Quartum, *Quot etiam, & qua sint proprietates eius*.

2 Circa primum, multis modis accipitur habere; vt docet Arist. 5. lib. Metaph. cap. 10. text. 25. sed tres sunt precipue acceptiones eius. Prima vniuersalis: ita vt *inter habentem, & rem habitam*, solum sit distinctio rationis: vt homo dicitur habere substantiam & cetera predicata essentialia. Secunda acceptio est minus vniuersalis: ita vt *respectu realis, & ex consequenti realis distinctio sit, inter habentem, & rem habitam*. In qua significatione, idem est habere aliquid; quod illud respicere: vt pater dicitur habere filium. Sed vtraque hæc acceptio in propria est; & secundum quam habere non constituit speciale predicamentum: quare Tertiò accipitur, pro eo; quod est *habere aliquid; non quomodo cunque, sed ita: vt habens, sit speciali ratione accommodatum, vel commensuratum rei habitæ; cum respectu reali ad illam: non tanquam ad terminum: sed tanquam ad aliquid cui habens speciali modo adaptatur*. Et secundum diuersam modum huius adaptationis, vel accommodationis ad illam, diuerso modo dicitur eam habere, & diuersum predicamentum constituere. Habere locum, vel spatium; est predicamentum vbi: habere durationem, predicamentum, quando: habere positionem partium in loco, predicamentum, situs: habere vestes, aut arma, predicamentum, *Habere*: quia specialis est accommodatio corporis ad vestes, & arma: vnde generale nomen habere, specialiter ei attribuitur.

Et secundum hanc acceptionem, definitur à Gilberto hac definitione: *Habitus est corporum; & eorum, qua circa corpus versantur, adiacentia*. Quasi dicatur; vestes circumdare, aut operire corpus, per specialem accommodationem eiusdem corporis ad eas; tanquam ad aliquid extrinsecum ei non inherens: itaque ratio formalis huius predicamenti, consistit in modo speciali; quo corpus sese accommodat vestibus, aut armis: qui modus diuersus est ab aliis: quibus se accommodat loco, aut durationi: & ideo speciale constituit predicamentum: quod in Concreto, dicitur *Habere*, aut *Habitus*: Abstractum verò, nomen non habet, sed abstractum eius vocatur, ratio habitus, vel ratio habendi.

Quot, & qua sint genera, & species Habere.

3 **H**abere diuiditur, tanquam supremum genus, in diuersos modos habendi; distinctos per diuersas res habitas, quibus diuersis

diuersis modis se accommodat corpus: vt, *Habere vestes*: aliud genus est ac, *Habere arma*: & quodlibet horum, diuiditur in alias species; quales sunt, *Tunicatum esse*, *Loricatum esse*; & alia similes: & ex his generibus, & speciebus, vsque ad indiuidua; quæ sunt, Petrum aut Ioannem, esse calceatum, tunicatum, aut loricatū, constituitur ordinatio prædicamentalis.

Quot, & quæ sint proprietates huius prædicamenti.

Prima proprietas, *Habere*, est: *Quod magis & minus suscipiat*, nam eques, armatior est pedite: & magis calceatus dicitur qui caligis simul, & calceamentis ornatus est; quam qui solis calceamentis. Secunda proprietas est: *Non habere contrariū*. Nam esse calceatum, & loricatum; non sunt opposita. Sed utraque hæc proprietas, communis est aliis rebus: circa quas notat bene D. Thom. opusc. 48. tractat. de sex vltimis prædicamentis, cap. 3. non esse inter se repugnantes: quia licet suscipere magis & minus, propriè sumptum, procedat ex maiori vel minori admixtione contrarij: & ideo nihil possit ea suscipere, nisi contrarium habeat: tamen magis & minus, non attribuuntur huic prædicamento propriè sumpta; sed impropiè: hoc est, secundum quandam extensionem: quia pluribus vestibus, aut armis, paucioribusve ornatur corpus: ideo bene hoc modo sumpta, magis, & minus, conuenire possunt huic prædicamento: licet non habeat contrarium.

Vltima proprietas eius est; *Quod adiacentiam inter plura necessariò dicat*: ita, vt vnum sit actu in alio: nisi enim vestes, aut arma sint in homine; non diceretur vestitus, vel armatus, nec habere illa, secundum specialem significationem huius prædicamenti: (quamuis alio titulo possessionis possit ea habere,) quod in aliis non est necessarium: nam corpus potest habere vbi, & situm; etiam si actu non circumscribatur loco: ideo hæc proprietas, videtur conuenire quarto modo, huic prædicamento.

QVÆSTIO VNICA.

An habere sit aliquid intrinsecum, & inhærens, vel in sola denominatione extrinseca consistat.

Circa hanc quæst. reicienda in primis est opinio quorundam modernorum, qui nihil intrinsecum inuenientes in eo quod est habere, dixerunt non esse speciale prædicamentum. Sed hoc est contra communem consensum totius scholæ, quæ cum

cum Arist. tenet decem esse prædicamenta: & Habere, esse unum ex eis: quod si excludatur, nouem erunt tantum. Et etiam contra rationem, qua probabitur specialem rationem & prædicamentalem habere, licet imperfectam, ac diminutam.

5 Hac ergo refutata sententia: est alia modernorum, qui in sola denominatione extrinseca, à vestibus, aut armis, consistere aiunt hoc prædicamentum, præterquam, nihil intrinsecum, vel inhærens dicit. Probant primò: Quia habere non est aliud, quam esse vestitum, vel armatum: ergo forma, à qua denominatur corpus, sunt vestes, vel arma: sed hæc non inhærent ei, sed extrinsecè adiacent, illud circundantes: ergo non dicit aliquid intrinsecum, vel inhærens, sed extrinsecam solum denominationem ab eis.

Secundò: Ex eo, quod homo habeat vestes, vel arma, nullus modus realis, & intrinsecus potest ei aduenire, præter relationem propinquitatis, vel contactus ab illa: sed constat hunc respectum generalem esse, & ideo non pertinere ad hoc prædicamentum: ergo nihil speciale intrinsecum dicit, sed solam denominationem extrinsecam à vestibus, vel armis: cuius signum est, quod etiam si vestitus, vel armatus homo, vestibus, aut armis spoliatur, nihil reale intrinsecum, aut sibi inhærens amittit: ergo neque aliquid sibi inhærens acquirit, dum induitur vestibus, aut armis, sed solum acquirit, & amittit extrinsecam denominationem ab eis: quare in hac sola consistit ratio formalis huius prædicamenti. Hæc tamen opinio falsa probabitur quæst. sequenti, ubi ostendam, solam denominationem extrinsecam non posse efficere prædicamentum speciale.

6 Nostra igitur sententia opposita est, nempe, habere; præter denominationem extrinsecam à vestibus, aut armis, modum aliquem formaliter inhærentem corpori continere: & hunc modum esse entitatem realem absolutam, includere tamen respectum secundum dici ad vestes, vel arma: ita ut ratio formalis huius prædicamenti, absoluto simul cum respectu constet.

Sed quisnam sit modus iste inhærens corpori, ex doctrina Arist. colligi debet: qui lib. 5. Meta. cap. 10. sic loquitur de hoc prædicamento: *Habitudo autem dicitur, tanquam quidam habentis, & habiti actus, sicut actio quadam, aut motus: nam cum hoc quidem efficit, illud verò sit, media est effectio: ita, & habentis vestem, & vestis habitudo, est medius habitus: hunc itaque habitum, quod non contingit habere manifestum est: ad infinita enim progrediretur, si habitus esset habitum habere. Quibus verbis duo expresse docet. Primum, quod inter vestem, & hominem vestitum, aliquid est medium, sicut inter agens, & effectum, media est actio: & hoc*

medium, inter vestem, & hominem, vocat actum habendi, seu habitationem, (vt sic loqui liceat ad hæc explicanda.) Docet secundò, quòd hic actus medijs, non habetur medio alio habitu, ne in infinitum procedatur: quia non est quod habetur: sed ratio habendi: vnde seipsa, & non per aliud medium conuenit homini vestito, aut armato.

Et ex utroque colligo hoc argum. ad probandam nostram sententiam. Si inter corpus & vestem est aliquid medium, haberi dicuntur vestes, medium hoc ex parte corporis se tenet: ergo aliquid reale in eo est: & accidentale quidem, cum adesse, & abesse possit, dum homo induitur, & spoliatur vestibus: quare necesse est formaliter inhærere eidem nomini. Præterea; Si medium hoc non habetur per aliud medium, sed se ipso, quia est ratio habendi: sequitur non esse extrinsecum homini, sicut vestes: nam si extrinsecum esset, per aliud medium haberetur, sicut habentur vestes: ergo est aliquid intrinsecum ei inhærens.

Sed quid sit hoc medium intrinsecum, in quo consistit formalis ratio huius prædicamenti, ex doctrina eiusdem Aristot. 3. lib. de partibus animalium, cap. 1. colligendum est: vbi asserit, naturam dedisse animalibus vestes, quibus operiatur, vt cutem, pilos, lanam, aut quid simile, & arma, quibus possint se defendere ab alijs, & etiam ea ostendere, si opus fuerit, hominem verò nudum edidisse: intellectum tamen ei tribuisse, quo propria industria possit sibi vestes, & arma quærere, & ex rebus alijs ea conficere.

Ex quibus duo colliguntur valde notanda, in quibus differt homo a cæteris animalibus. Primum est, quòd vestes, & arma eorum, sunt partes integrantes suorum corporum: vnde non dicuntur ea habere propriè, sed communissima, atque impropriissima ratione, non pertinente ad hoc prædicamentum: sicut dicuntur habere pedes, aut caput: vestes verò, & arma solius hominis sunt, quædam alia corpora sibi extrinseca, quæ propriè dicuntur ei adiacere: & ideo propriè dicitur ea habere, & speciali, ac propriissima ratione dicitur vestitus, & armatus: quare ei soli propriè conuenit prædicamentum, habere. Vestimus quidem simias, & armamus equos, tamen non dicuntur vestiti, vel armati propriè, sed per quandam analogiam, & similitudinem ad hominem: quare nec dicuntur propriè habere vestes, & arma secundum rationem formalem huius prædicamenti.

Secundum, quod colligitur, est, Naturam loco vestium, & armorum, dedisse homini naturalem aptitudinem, & accom-
moda

modationem ad illa induenda, per quam aptitudinem speciali modo eisdem sese aptaret, & accommodaret, dum eis indueretur: & ratione huius accommodationis, specialem ornatum, & quasi naturalem ei tribuunt vestes, & arma: cæteris verò animalibus suas vestes, & arma, tanquam partes integrantes corporum habentibus, nec dedit natura, nec necesse fuit dare talem aptitudinem, & accommodationem ad extrinsecas vestes, & arma: unde nec eis tribuunt quasi naturalem ornatum, sicut homini, sed quasi artificiatum, & nimis improprium.

Ex quibus infero, quòd dum homo nudus est, solum habet aptitudinem naturalem, & quasi aptitudinalem accommodationem, & coaptationem ad vestes, & arma: sed dum eis induitur, exit in actum talis aptitudo: non quidem in actum, qui sit actio, sed qui sit modus formalis actualis accommodationis, & coaptationis in eo productus: aliquo modo similis actioni, & passioni, in quantum vestes, & arma dicuntur vestire, & armare hominem, & homo ipse dicitur vestiri, & armari, vestitusque & armatus esse. Et modus iste actualis accommodationis, & coaptationis, vocatur habitus, seu habitio, quem Aristot. docuit esse medium inter vestes, & hominem: & non habere per alium modum, sed seipso inesse homini, tanquam medio habendi vestes, & arma. In hoc igitur modo absoluto, includente tamen respectum secundum dici ad vestes, & arma, & extrinsecas etiam denominationes ab eis, consistit ratio formalis huius predicamenti: quam extrinsecam vocant aliquando D. Tho. & alij antiquiores Interpretes, propter easdem denominationes extrinsecas, quas includit: non certè modum intrinsecum, & inhaerentem excludere volentes.

Ad primum arg. alterius opinionis; Neganda est prima consequentia quòd à solis vestibus, & armis denominaretur homo vestitus, & armatus: sed primò atque formaliter denominatur, ab actuali modo accommodationis, & coaptationis ei inhaerente, deinde à vestibus, & armis denominatione extrinseca: in qua non consistit principaliter ratio huius predicamenti; sed in alia denominatione formali.

Ad secundum: Negandum est primum antecedens; quòd nullus modus realis oriatur in homine, ex eo, quòd vestibus induatur: oritur enim modus actualis accommodationis inhaerens; ut explicatum est: quem modum amittit, dum vestibus, & armis spoliatur: & alium de nouo acquirit; si iterum induatur. Ratione igitur huius modi formalis, & intrinseci, intrinsecum quoque, atque formalem concretum habet hoc predicamentum.

QVÆSTIO GENERALIS PRO omnibus sex vltimis prædicamentis.

An ratio formalis eorum consistat in aliquo intrinseco, & formaliter inherente, vel in sola denominatione extrinseca.

Priusquam probabiles sententias adducamus; excludenda 10
est illa, tanquam improbabilis, eorum qui tenuerunt: *Ex decem prædicamentis, sola quatuor prima, nempe substantiam, quantitatem, relationem, & qualitatem, esse propriè prædicamenta*: reliqua verò sex: solum esse quasdam complicationes, seu aggregationes quorundam prædicamentorum, minùs imperfectorum: ex quibus, nec genera, neque species, sed nec prædicamentales ordinationes constitui possunt: nisi per quãdam similitudinem, & analogiam, ad illa quatuor: & ideo inquirunt, Aristotelem paucissimis verbis, & perfunctoriè admodum, genera & species eorum distinxisse. Hoc verò probabilitate prorsus caret: cum Aristoteles capite de incomplexis, absque distinctione enumeravit decem prædicamenta: & postea quatuor illis propositis, enumeravit actionem, & passionem cum reliquis: & suis locis, de singulis probatum sit, proprias rationes prædicamentales habere: genera etiam atque species, quamvis imperfectissima, & quorum non est adeò frequens vsus in scientiis: & ideo paucis verbis explicata sunt ab Aristotele.

Hac igitur exclusa sententia falsa. Prima opinio est Scoti, 11
in 3. d. 1. q. 1. in 4. d. 13. quæst. 1. & quodlib. 11. quæst. 4. quibus locis hanc distinctionem relationum excogitauit: *Quadam sunt relationes*, (inquit) *Intrinsècus aduenientes*: quæ posito fundamento, & extremis, necessariò insurgunt in eis, vt paternitas, & filiatio. Aliæ sunt, *Extrinsècus aduenientes*, quæ adhuc posito fundamento, & extremis non necessariò insurgunt: & ideo non ex natura extremorum proueniunt, sed ab extrinsecis: tales sunt relatio vnionis, inter materiam, & formam, & relatio inter locatum & locum: de quibus constat: quòd existentibus extremis, nempe materia, & forma, vt dum separatur anima à corpore, atque etiam locatum à loco, eum deferens, non sequitur relatio vnionis, aut locationis inter illa: nisi rursus ab aliqua causa efficienti, & proinde extrinseca vniantur. Et in his relationibus extrinsècus aduenientibus, ait consistere rationes horum sex prædicamentorum. Erit itaque secundum Scotum prædicamentum *Actionis*: relatio ad principium, seu causam efficientem, à qua procedit effectus: & *Passio*, relatio

ad eandem ; vt imprimenter effectum in passio. Vbi ; relatio corporis ad locum, aut spatium loci. Quando ; relatio rei ad propriam durationem. Siu ; relatio corporis, secundum suas partes ad locum. Et, Habere ; relatio eiusdem corporis ad vestes, vel arma. Distingui autem sufficienter hæc sex prædicamenta ait.

12 Probat Scotus hoc argumen. Petrum esse in loco, vel habere vbi; non est Petrus ipse: nec locus eum circundans: ergo cum sit aliquid; erit relatio; eius ad locum dumtaxat. Probatur consequentia: quia cum superficies continens Petrum, ei non inhaereat: nihil aliud acquirit, dum incipit esse in loco, præter relationem ad locum: nec aliquid aliud amittit, dum recedit à loco, præter eandem relationem: ergo, Vbi, nihil aliud præter relationem erit. Sicque de cæteris quinque prædicamentis: quibus idem argumen. applicari potest. Eandem ferè sententiam Scoti sequuntur, Capreol. in 2. d. 2. qu. 1. & Soncinas 5. Meta. q. 6. ad 4. nam licet illam distinctionem relationum non admittant; asserunt tamen sex vltima prædicamenta, non consistere in aliquo absoluto, nec in absoluto simul cum respectu: sed puros quosdam, & solos respectus includere.

Hæc tamen opinio duo continet falsa. Nam primò falsum est: quòd dentur tales relationes: quas vocat Scotus *extrinsecus aduenientes*. Secundò, falsum est etiam: quòd si darentur, in eis solis posita esset ratio formalis horum prædicamentorum.

13 Probat autem primò: quòd non dentur. Relationem extrinsecus aduenientem, vocat Scotus eam quæ posito fundamento, & extremis, non sequitur: aut non confurgit: sed impossibile est: quòd positis extremis cum fundamento, non confurgat in eis relatio: ergo impossibiles sunt tales relationes. Probatur minor: quia extrema omnia relationis, sunt talia per fundamentum: siue ab extrinseco eis proueniat relatio: siue ab intrinseco: ergo repugnat poni fundamentum in eis: quin sequatur relatio. Gratia exempli: duo alba, sunt extrema similitudinis: per albedinem in vtroque positam: duo homines, extrema sunt paternitatis, & filiationis, per generationem actiuam, & passiuam: & ideo repugnat naturaliter: quòd posito fundamento, & extremis: non sequatur in eis relatio. Quod in exemplis etiam Scoti, non est minus euidens: nam relatio vnionis, inter materiam, & formam; fundatur in actione: per quam ab agente vniantur, (quam vocant vnitionem:) & relatio loci ad locatum: & locati ad locum: (si ex parte vtriusque realis est) fundatur in approximatione, seu commensuratione locati ad locum, aut circumscriptione loci ad locatum: sed naturaliter est impossibile, quòd loca-

tum sit approximatum, aut commensuratum loco, aut quòd locus circumferibat locatum, & non sequatur talis relatio: ergo impossibiles sunt tales relationes.

Deceptio verò Scoti sit manifesta: quia in suis exēplis, solū 14
ponit extrema, & non fundamentum eorum: nempe materiam, & formam, nulla facta mentione vnitionis, quæ fundamentum est: locatum quoque, & locum sine circumscriptione, aut approximatione: quod est, ponere extrema nuda, aut materialiter accepta, non formaliter, vt sunt extrema relationis, quod habent per fundamentum: quare non est mirum, si eis sic positis, non sequatur relatio: positis verò cum fundamento; impossibile est non sequi. Quod etiam reperitur in cæteris relationibus: nam licet ponas duos homines, nisi ponas vnum procedere ab alio per generationem, quæ est fundamentum relationis, non sequitur in eis relatio paternitatis, & filiationis: hac verò posita, necessariò sequitur. Et ecce patet, quo pacto friuola est, & sine fundamento, distinctio Scotica relationum.

Item probatur secundum, quòd etiam si darentur tales relationes, non posset in eis solis consistere ratio formalis horum 15
predicamentorum. Et sumo ad id probandum, prædicamenta actionis, & passionis: argumentorque hoc modo, Actio, & passio, sunt idem motus: ita vt actio non sit aliud, quàm motus, vt procedit ab agente; & passio, motus; vt receptus in passio: sed in motus, vt procedit ab agente, dicit entitatem absolutam viæ, præter respectum ad agens: & passio, eandem entitatem receptam, præter respectum ad passum: ergo de his duobus prædicamentis euidenter probatur, non posse consistere in solo respectu. Et eodem modo potest probari de aliis: quamuis in his duobus magis sit manifestum.

Probatur secundò: Quia si prædicamenta hæc, in solis, & 16
puris relationibus consistunt, impossibile est distingui à prædicamento ad aliquid: ergo cum certum sit, & à Scoto concedatur, ab eo distingui, non possunt consistere in sola relatione. Probatur antecedens, ex definitione prædicamenti ad aliquid. Relatiua prædicamenti ad aliquid sunt, quorum totum suum esse, est ad aliud referri: sed totum esse horum prædicamentorum, est referri ad aliud: ergo sunt relatiua illius prædicamenti. Probatur minor: quia si in sola & pura relatione consistunt, cum relatio nihil absolutum dicat, sed solū esse rationem referendi ad aliud: totum esse horum erit relatio, & ex consequenti, totum erit referri ad aliud.

Secunda opinio opposita est, asserens hæc vltima prædicamenta

menta, in ratione purè absoluta consistere: non quidem intrinseca, aut inhærente, sed purè extrinseca: quam consequitur respectus ad extrinsecum, non tamen pertineus ad rationem formalem, aut essentialem eorum, sed quasi accidentalis: vt prædicamentum, vbi, non est aliud, quàm locus: vt denominans extrinsecè locatum: sicque de reliquis. Ita Herueus, quodlib. 1. quæst. 9. Iauellus 5. Metaph. quæst. vltima, Sorus quæst. unica de sex vltimis prædicamentis, Fonseca 5. Metaph. c. 15. q. 7. sect. 3.

17 Probatur à sufficiente partium enumeratione: nam hæc prædicamenta, non dicunt nudam relationem, vt probatum est contra Scotum: nec absolutam simul cum respectu: quia hoc est aggregatum per accidens, ex rebus diuersorum prædicamentorum. Nec etiam dicunt rationem purè absolutam, intrinsecam, seu inhærentem: quia Aristoteles, & cum ea tota schola, vocat ea prædicamenta adiacentia, atque extrinseca: & meritiò, cum vbi, non sit aliud, quàm extrinsecè circumscribi loco: & vestitum esse, extrinsecè circumscribi vestibus: sicque de cæteris: ergo necesse est, rationem formalem eorum, absolutam, & omnino extrinsecam ponere.

Hæc etiam sententia falsa probatur duplici argumento. Primo: Quia prædicamentum dicit ordinationem ex generibus, & speciebus constitutam: sed genera, & species non possunt constare, aut fieri ex sola denominatione extrinseca, cum dicant naturam realem, & intrinsecam: ergo nec prædicamentum ex sola denominatione extrinseca constare potest. Præterea, Denominatio extrinseca, nihil ponit in re denominata: & ideo nouam denominationem extrinsecam, admittunt omnes in Deo, vt quòd sit creator in tempore: quam denominationem non habuit ab æterno: ergo, si sola denominatio extrinseca sufficit constituere hæc sex prædicamenta, Deus poterit in eis collocari, absque vlla sui imperfectione, aut limitatione: quod superius probauimus falsum.

Secundo: Quia de duobus saltem prædicamentis euidenter probatur, non consistere in sola denominatione extrinseca: nempe, de prædicamento *passionis*, &, *vbi*: propria enim, & formalis ratio *passionis*, consistit in receptione motus, vel actionis in passio: ergo formaliter dicit rationem inhærentem, & non solum extrinsecam. *Vbi* etiam, est proprius terminus motus localis: ergo in eodem mobili debet recipi, in quo recipitur motus: sed motus formaliter inhæret mobili, cum sit actus mobilis, prout mobile est, vt definit Aristoteles 3. lib. Physicorum in principio: ergo, *Vbi* etiam inhærebit mobili, & non erit sola denominatio extrinseca.

Ultima opinio, quam tenent ceteri omnes interpretes Aristotelis, non solum cap. præsentis, sed etiam 5. Metaph. cap. 15. asserit, *rationem formalem horum predicamentorum, in modo aliquo absoluto, & inherente in subiecto, consistere, simul includentem respectum secundum dici ad aliquid extrinsecum, atque etiam extrinsecam denominationem ab eo: ut prædicamentum Vbi, includere realem præsentiam in loco, aut spatio loci: & hanc præsentiam modum esse absolutum, in corpore inherentem, cum respectu secundum dici ad locum, aut spatium, & præter hanc includere etiam denominationem à loco ipso, si localis sit præsentia.* Hæc est probabilior sententia, & tenenda.

Probatumque ex refutatione aliarum opinionum, hoc modo: Hæc prædicamenta, non dicunt solum respectum, ut probauimus contra Scotum: nec solam denominationem extrinsecam: ergo dicunt aliquam rationem absolutam, & intrinsecam, quia respectus, in aliquo absoluto debet includi; ut non pertineat ad prædicamentum ad aliquid. Quod verò absolutum cum respectu, non sit vnum per accidens, probatum est in prædicamento ad aliquid: nam cum includatur respectus essentialiter in ratione absoluta, non concurrunt ad constituendum vnum per modum compositionis: & ideo non efficiunt vnum per accidens: sed absolutum, includens essentialiter respectum, vnum per se est: ad cuius prædicamentum pertinet respectus ipse, & non ad prædicamentum ad aliquid: quod in potentiis, habitibus, & scientiis, necessarium concedendum esse probauimus: nec respectus isti sunt transcendentales: quia nec omnibus prædicamentis, nec pluribus sunt communes: sed ad solum prædicamentum absoluti, in quo includuntur, & cuius essentiam complent, reducuntur.

Ad argumentum Scoti; Neganda est consequentia, quod, Vbi, sit sola relatio ad locum: sed est realis præsentia in modo absoluto, & inherente locato consistens, atque includens respectum ad locum; vel denominationem extrinsecam ab eo.

Ad argumentum secundæ opinionis; Neganda est secunda pars antecedentis: quod prædicamenta hæc non dicant absolutum cum respectu: negandum est etiam: quod tale absolutum cum respectu, sit ens per accidens: quia cum respectus ipse, non pertineat ad prædicamentum ad aliquid, nec concurrat simul cum absoluto, ad constituendum vnum tertium per modum compositionis, sed tanquam complementum essenziale eiusdem absoluti, in eo includatur, & ad idemmet prædicamentum reducatur, vnum per se est absolutum cum respectu: & vnā rationem prædicamentalem, licet imperfectam, constituere potest.

ULTIMA PARS

LIBRI PRÆDICA- MENTORVM, QVAM

POSTPRÆDICAMEN-
ta vocant.

CAPVT XL. DE OPPOSITIS.

TEXTVS ARISTOTELIS.

De oppositis autem, quorū modi solent opponi, dicendum est.

Breuis expositio textus.

POST explanationem prædicamentorum, quædam proponit Aristot. declaranda: quæ sunt quasi modi quidam, aut rationes incompletæ, multis prædicamenti communes: quas à prædicamentis, propter utramque rationem excludit, nempe propter *Transcendentem*, & *Incompletam*. Sunt autem quinque: *Oppositio*, *Præius* & *posterius*, *Simul*, *Motus*, & diuersi modi *Habere*: ideo per quinque capita sequentia; vsque ad decimum quintum, explanationem eorum, & totum librum absoluit.

Intentum Aristotelis in hoc vndecimo capite est, explicare naturam *Oppositionis*, & species eius: & in duas partes diuiditur. In prima diuidit oppositionem in quatuor genera: & explicat singula membra. In secunda, Speciales condiciones contrariæ oppositionis enumerat. *Oppositio*, inquit Aristoteles, *quadruplex est*, *Relatiua*, *Contraria*, *Contradictoria*, & *Priuatina*.

Relatiuè opposita dicuntur illa, quorū totum suū esse, est ordinari ad aliud; vt pater, & filius, simile, & aliud sibi simile opponuntur relatiuè. *Contrariè opposita*, ait esse: illa, quæ cum ad inuicem non ordinentur, sunt tamen sibi repugnantia: vt calor, & frigus. Sibi autem repugnare idem est, ac esse formas sibi repugnantes circa idem subiectum: & per hoc distinguuntur ab oppositis contradictoriè, & priuatiuè, per primam verò particulam à relatiuè oppositis.

Oppositio priuatina, est eorum, quæ nata sunt fieri circa idem subiectum: vt cæcitas, & visus, aur cæcum, & videns: hoc est circa subiectum aptum habere vtrumque vt cæcitas, & visus circa lapidem, in quo nulla est aptitudo ad visum: ideo homo di-

citur propriè cæcus: lapis verò solùm dicitur, non videns.

Vltima oppositio, & maior, aut perfectior omnibus est Contradictoria, quæ nullum habet medium; cùm tamen reliqui medium habeant. Nec conuenit rebus; nisi vt à nobis concipiuntur, & vōtibus significantur: & ideo eam definit Aristoteles: per affirmationem & negationem, dicens: *Ea opponitur contradicte; quæ tanquam affirmatio, & negatio repugnant: id est; quæ per affirmationem, & negationem repugnare censetur; vt Petrus sedet; & non sedet.*

In secunda parte capituli, explicat conditiones contrariorum: quarum prima est; *quod bono necessario, contrariatur malum; malo verò non solùm bonum; sed etiam aliud malum.* Secunda conditio est; *Posse vnum existere in rerum natura, sine altero: vt album sine nigro: in quo distinguuntur à relatiuis; quorum vnum esse sine altero repugnat.* Tertia conditio, *Contraria non possunt simul esse in eodem subiecto; vt idem corpus, non potest simul esse album, & nigrum:* Quarta conditio; *Contraria possunt fieri circa idem subiectum genere, vel species; vt, albū, & nigrum circa Petrum, & Ioannem; qui sunt eiusdem speciei; atque etiam, circa hominem, & equum; qui sunt eiusdem generis.* Vltima conditio est; *Quod contraria sint sub eodem genere proximo; aut sub diuersis; vt album, & nigrum, sub eodem genere proximo coloris: virtus, & vitium, sub diuersis; quod tamen sic intelligi debet; vt semper, & necessario, sint sub eodem genere proximo, aut remoto, intermedio vel supremo: vt virtus, & vitium, sunt sub eodem genere remoto Habitūs: & sub eodem genere supremo Qualitatis.*

C A P V T XII.

De modis prioris.

T E X. A R I S T O T E L I S.

Prius autem alterum altero, dicitur quadrupliciter, primò quidem, & maxime propriè.

Breuis expositio textus.



Intentum huius capituli, est explicare modos Prioritatis; nec diuisione indiget: quia solùm in eo explicat Aristoteles, quatuor modos prioritatis: quia suo tempore circūferebātur in schola, quibus ipse addit quintum à se inuentum.

Primus modus prioritatis est secundum quem *vnum dicitur prius tempore altero; vt qui hodie nascitur, dicitur prius tempore eo, qui nascitur cras.* Secundo modo *illud dicitur prius altero*

altero ; à quo non valet subsistendi consequentia: qua ratione vnum dicitur prius duobus : & quodlibet prædicatum superius , prius inferiori : quia valet consequentia. Sunt duo ; ergo est vñu : non valet tamen ; Est vnum ; ergo sunt duo. Est homo ; ergo est animal : non tamen sequitur ; Est animal : ergo est homo. Tertius modus, prioritatis ; *non est in ratione essendi ; sed ordinis :* & reperitur inter illa, quæ sic sunt ordinata, vel ordinabilia ; vt in oratione , priora sunt elementa, seu litteræ, syllabis ; & syllabæ priores dictionibus : & in numero ternario , prima , & secunda vnitas ; priores sunt tertia. Quarto modo, *digniora , aut honorabiliora dicuntur priora minus dignis.* In qua significatione, priores apud se vocare solent aliqui eos ; quos plus diligunt ; vel alia de causa plaris faciunt. Sed hunc modum prioritatis, improprium dicit esse Arist. quia non fundatur in esse rerum ; vel in naturali ordinabilitate earum ; sed solum in apprehensione hominum. His quatuor modis quantum addit Arist. quo prius dicitur vnum respectu alterius : quia causa illius est ; quamuis sit simul tempore cum eo : vt homo , dicitur prius, quam risibile ; quia est causa eius : & vniuersaliter omnis causa prior est suo effectui hoc genere prioritatis. Ex his autem quinque modis , secundus , tertius , & quintus ; dicuntur prioritates naturæ : omnes verò sunt prioritates reales ; quibus addere possumus , prioritatem secundum rationem , qua illud dicitur prius altero, quod licet non sit res ipsa eo prius, bene tamen nostro modo intelligendi : vt in secundis intentionibus , & relationibus rationis, est manifestum. Omnia, quæ dicta sunt de modo prioris ; intelliguntur de modo posterioris , secundum eandem proportionem.

CAPVT XIII.

De modis simul.

TEX. ARISTOTELIS.

Simul autem dicuntur simpliciter quidem, & propriissime ; quorum generatio in eodem est tempore.

Breuis expositio textus.



Intentum Arist. est explicare modos quibus vnum dicitur simul cum altero : nec diuisione indiget cap. quia solum in eo tradit Aristoteles, tres modos similitatis quorum primus est : quo aliqua dicuntur simul.

tempore, quæ simul generantur vel fiunt in rerum natura.

Secundus

Secundus modus est; quo aliqua dicuntur simul natura: & sunt ea; quæ dicuntur ad conuertentiam: & neutrum est causa alterius: vt pater, & filius: simile, & aliud sibi simile: & in vniuersum omnia relatiua, prædicamenti ad aliquid: quorum proprietatem esse diximus, ex mente Arist. quod sint simul natura, & cognitione. Licet enim materialiter sumpti, pater & filius; hoc est, vt generans, & genitus; ille sit prior natura: quia est causa: & iste posterior; quia effectus: tamen sub formali ratione relatiua patris, & filij, simul natura sunt.

Tertius modus simultatis, versatur inter differentias ex aquo diuidentes genus, & species per eas constitutas: ex æquo autem diuidere genus; est, æquè proximè illud diuidere: vt rationale, & irrationale, dicuntur simul natura: non tamen rationale, & reptibile; aut aquatile: quia rationale, & reptibile; non diuidunt æquè proximè animal: sed reptibile, solum diuidit animal iam contractum, per irrationale: rationale verò, immediate. Ideo non sunt simul natura. Et quæ de differentiis dicimus, de speciebus quoque per eas constitutis, secundum eandem proportionem intelligendum est.

CAPVT XIV.

De speciebus motus.

TEX. ARISTOTELIS.

Motus autem species sunt sex.

*Generatio, Corruptio, Augmentum, Diminutio, Alteratio,
& secundum locum Mutatio, &c.*

Breuis expositio textus.



Ntendum Arist. est, explicare naturam specierum motus. & diuiditur caput hoc in duas partes. In prima ennumerat sex species motus. In secunda, quot, & quæ sint contraria motui, & speciebus eius. Sumit autem motum Arist. vniuersaliter; pro omni mutatione physica: quo pacto eum definiuit 3. lib. Physico. Quod sit actus entis in potentia: secundum quod in potentia: nec vocat species motus eas; quas enumerat: quod intelligat veras esse species aut motum verum esse genus. Quia cum motus, & species eius,

eius, sint entia incompleta; & ideo non prædicamentalia: nec verum genus ipse motus est, nec illæ sunt veræ species; sed dicuntur quodammodo species; id est, modi essentialiter diuersi eiusdem motus. In hoc igitur sensu asserit; *Species motus esse sex.* Prima est *Generatio*; per quam producit substantia, vt homo. Secunda *Corruptio*; per quam desinit esse substantia, vt mors, vel desinitio hominis. Tertia est *Augmentatio*, per quam res maiorem quantitatem acquirit quàm habebat: & ideo augeri dicitur. Quarta, *Deminutio*; per quam deperdit aliquam quantitatem ex ea, quam habebat prius; & propterea fit minor. Quinta est, *Alteratio*; per quam res acquirit qualitatem, quam prius non habebat; vel contrariam ei, quam habebat prius: aut *denique intensionem, aut extensionem in eadē, quam iam habebat*: vt dum aqua calida magis calefit; quia plures gradus acquirit in eisdem partibus calidis; vel ad nouas nondum calefactas extenditur calor. *Motus autem localis est sextus*, per quem corpus acquirit, vbi, aut realem præsentiam. Itaque non dicitur localis; quia proprius terminus eius sit locus, sed vbi quod acquirit; semper est præsentia localis: hoc est commensurata loco, à quo circumscribitur; licet supernaturaliter possit acquirere vbi sine loco.

In secunda parte capitis, docet Aristoteles; motum in communi consideratum, habere vnum contrarium; nēpe quietem: quem libet verò motum specialem, duo asserit habere opposita; vnum sub ratione communi motus; aliud sub ratione speciali; vt est talis motus. Exempli gratia; *Generatio*; vt est motus; habet quietem in communi, pro contrario: sed vt est motus ad substantiam; habet pro contrario quietem in substantia: & eodem modo intelligendum est de cæteris speciebus motus: sed dum asserit Aristoteles, *motum in communi habere pro contrario quietem in communi, & motum in speciali quietem in communi & in speciali*: non de propria contrarietate loquitur, sed de communi, & impropria pro quocunque genere oppositionis: quia motus, & quies, aut talis motus, & talis quies, non opponuntur contrariè, sed priuatiuè.

CAPVT XV.

De modis habere.

TEX. ARISTOTELIS.

*Habere secundum plures modos dicitur, aut enim ut habitum,
& dispositionem, aut aliam aliquam
qualitatem.*

Breuis expositio textus.



Nentum Aristotelis est, tradere omnes modos, vel acceptiones, quibus *aliquid habere* dicimur. Caput diuisione non indiget, quia solum in eo enumerat Aristot. septem modos, habere: quorum Primus est, secundum quem dicimur *habere qualitatem*: ut intellectum, virtutes, & scientias. Secundus modus est, *habere quantitatem*: ut corpus, dicitur habere magnitudinem bicubitam, aut tricubitam. Tertius est, *habere non ea quae inhaerent corpori, sed quae illud circumstant*, vel extrinseca sunt ei: ut habere vestem, vel arma. Quarto modo dicitur *aliquid habere aliud, non in toto corpore, sed in aliqua eius parte*; ratione cuius totum corpus dicitur illud habere: ut habere nasi curuitatem, vel annulum in manu, aut pileum in capite. Quintus modus, *est habere partem ipsam*: ut caput, vel manum. Sexto modo, dicitur *unum habere aliud, quia continet illud*: ut amphora dicitur habere vinum. Vltimus modus habendi, est *per possessionem*: ut vir dicitur habere uxorem, vxor virum, atque etiam homo habere pecunias. Plures alios modos habendi enumerat Aristoteles 5. Metaphy. cap. 23. tex. 18. sed hos ait magis esse in vsu: & ideo pro Dialecticorum vsu & captu sufficere. Et nos etiam sufficere dicimus hae adnotasse, circa librum praedicamentorum, ad maiorem Dei gloriam, & studiosorum vtilitatem.

FINIS.

COM

COMMENTARIORVM

IN VNIVERSAM ARIST.

DIALECTICAM, VNA CVM DVBIIIS

& quæstionibus hac tempestate
agitari solitis.

SECUNDA PARS,

CONTINENS LIBROS DE INTER-

PRETATIONE, DE PRIORI, ET

posteriori resolutione, libr. Topi-
corum, & Elenchorum.

Lib. I. Arist. πρὶ Ερμηνείας seu de Interpretatione.

PROEIVM TOTIVS OPERIS.



P V S hoc, iam ad secundam operationem intelle-
ctus pertinet; quæ vocatur *compositio*, & *diuisio*
& ideo inscribitur ab Arist. πρὶ Ερμηνείας seu de
interpretatione: quia ille solus dicitur aliquid in-
terpretati, qui veritatem, aut falsitatem in aliquo contentam
exponit: & ideo interpretatio, solum de oratione continen-
te veritatem, aut falsitatem (quæ est enuntiatio) propriè di-
citur: vt asserit bene D. Tho. lectione prima horum comen-
tariorum: simplicia verò vt nomen, & verbum; partes po-
tius interpretationis vocantur: sic & quædam alia, quibus na-
turales effectus exprimuntur; vt suspiria, & gemitus, nimis
impropriè dicuntur interpretationes. Vnde sequitur, idem ef-
fe, quod opus hoc de *interpretatione* appelletur; ac de *enuntia-
tione*.

Quodnam sit obiectum huius operis.

EX inscriptione iam explicata, intelligitur; *Enuntiationem*
esse obiectum adæquatum huius operis; in quo conveniunt om-
nes interpretes Arist. quia hæc est de qua principaliter agitur
in eo: & cuius partes explicantur; quæ sunt, nomen, & verbum:
hæc est etiam, cuius passionem probantur, & in quam cætera
de quibus disputatur, tanquam in finem ordinantur: quæ sunt
proprie conditiones obiecti.

Verum enuntiatio duplex est: Vna *Simplex*, quam vocant
Categoricam; & alia *Composita*, quæ appellatur *Hypothetica*
& ideo

& ideo vel pro sola simplici; tanquam pro præcipua parte accipi potest; dum dicimus esse obiectum, aut in communi, prout abstrahit ab utraque, & eas comprehendit: & prima opinio tenet; *solum enuntiationem simplicem esse obiectum*; ita Boterius Amonius, & Louanienses in præmio huius operis, & quidam alij ex modernis: videturque idem sentire D. Tho. cum dicat de sola simplici determinatè agere Arist.

Et probatur ratione prima: Quia Arist. solum agit in hoc opere de partibus enuntiationis simplicis, aut categoricæ, non de partibus hypotheticæ: ergo illa sola obiectum est.

Secunda: Quia hoc opus ordinatur proximè ad tractatum de syllogismo: sed syllogismus solum componitur ex propositionibus categoricis: ergo de hac sola, tanquam de proprio obiecto, agit.

Secunda opinio asserit: *Enuntiationem in communi; prout comprehendit simplicem, & compositam, esse obiectum*. ita Villalpandus, & Toletus, in eodem præmio. Et hæc videtur nobis probabilior. Probatur testimonio Arist. quia cap. 4. huius 1. lib. ubi ex professo ait de enuntiatione; eam diuidit in simplicem, & compositam; tanquam in proprias species: & utramque explicat propria definitione: ergo de utraque per se disputat; & utraque per se comprehenditur sub adæquato obiecto.

Probatur etiam ratione: Quia enuntiatio composita, per se pertinet ad Dialecticam: & non ad aliam partem, quàm ad istam: ergo per se consideratur in ea, & ideo sub obiecto eius per se comprehenditur. Probo minorem: quia non pertinet ad partes præcedentes; in quibus solum de simplicibus agitur; nec ad sequentes, in quibus agitur per se de syllogismo, & speciebus eius: ergo solum consideratur per se in hoc opere.

Ad primum arg. oppositæ sententiæ; Negandum est, solum agere Arist. de partibus enuntiationis simplicis. Licet enim de enuntiatione simplici, & partibus eius præcipuè disputet, tanquam de præcipua specie enuntiationis in communi considerata: non est tamè negandum, etiam cum de hypothetica agere: cum eam definiat: ac etiam de partibus eius, quæ sunt simplices enuntiationes. Sed pauca admodum de ea tradit: quia non est tam frequens vsus eius in Dialectica: & hoc voluit S. Th. dum dixit Arist. solum de simplici determinatè agere, nō tamen eam excludere ab obiecto huius operis.

Ad secundum: Neganda est minor, quòd syllogismus solum componatur ex enuntiationibus categoricis: nam duplex est syllogismus: *Categoricus, & Hypotheticus*: ut expressè docet Arist.

Aristo. 1. lib. de priori resolutione, vbi de vtroque per se agit: licet præcipue de categorico, tanquam de perfectiori eius specie: & ita etiam in hoc opere, de vtraque enunciatione agit, tanquam de partibus vtriusque, licet præcipue de categorica, tanquam de præcipua specie: vtraque ergo pertinent per se ad obiectum: sicut vterque syllogismus ad obiectum priorum.

*De loco quem hoc opus obtineat inter ceteras partes Dialecticæ,
& de diuisione eius.*

OPus hoc secundum locum obtinet inter partes Dialecticæ: quia de secunda operatione intellectus agit: ideo immediate collocatur post librum prædicamentorum; agentem de prima, & ante libros de priori resolutione, ac ceteros, in quibus agitur de tertia.

Diuisio verò, non est eadem apud omnes interpretes: nam Græci, sub vno eodemque libro totum opus includunt: Latini verò quos sequimur, in duos libros illud diuidunt: in quorum Primo, de enunciatione, & eius partibus: nomine videlicet, verbo, affirmatione, & negatione agitur. In secundo verò, de variis modis enunciationum: quod idem est, ac de enunciationibus modalibus.


Liber primus sex habet capita. Primum, quasi *proæmium est totius operis*: in quo Arist. proponit materiam, de qua acturus est. In secundo, agit de nomine. In tertio de verbo. In quarto de enunciatione. In quinto de oppositione enunciationum. In vltimo, de particularibus enunciationibus, (quas vocat de futuro contingenti) explicans modum quo in eis reperiantur veritas, & falsitas.

C A P V T I.

T E X T V S A R I S T.

Primum oportet ponere quid sit nomen, & quid verbum, &c.

Breuis expositio textus.

3  Ntentum Aristot. in præsentī capite, est, explicare modum significandi conceptuū, vocum, & scripturarum. Diuiditur autem caput hoc in duas partes. Prima, quasi *proæmium est totius operis*, in quo proponit ea, de quibus acturus est. In secunda agit, de conceptibus, vocibus, atque scripturis. Explicans modum significandi omnium.

Ea de quibus agendum est in hoc opere, sex esse ait, nempe, *Nomen, Verbum, Afirmatio, Negatio, Enunciatio, & Oratio*: & singula propriis definitionibus explicanda esse.

In secunda parte, de *conceptuum, vocum, atque scripturarum significatione* agendum esse ait. Inter quæ, talis est ordo: vt à rebus ipsis, tanquam ab obiectis intellectui, imprimantur species intelligibiles, quibus informatus operatur: & per propriam operationem producit aliam speciem, quæ vocatur expressa, atque etiam conceptus, seu verbum mentis, repræsentans rem, vt actu, aut expressè intellectam: sed quia res per conceptum repræsentata, debet significari aliis: ideo adinuentæ sunt voces, & scripturæ, vt per voces significantur præsentibus, per scripturas, absentibus. Ex quò colligit Arist. conceptus significare immediatè res: voces verò easdem res, mediis conceptibus: scripturas tandem voces, quæ omnia his verbis docet: *Sunt ergo ea, quæ sunt in voce, earum quæ sunt in anima passionum notæ: & ea quæ scribuntur, eorum quæ sunt in voce*. Per passionem animæ, conceptus intelligens, secundum omnes expositores: quia cum in eodem intellectu, à quò producuntur, recipiantur, & receptio sit quasi quædam passio, meritò dicuntur passionem: quarum voces notas esse ait, id est signa.

Itaque *Conceptus*, significant res. *Voces*, res, & conceptus. *Scripturæ*, verò, voces immediatè, & remotè conceptus, & res. Diuersa tamen ratione: nam *conceptus*, inquit, significant *naturaliter*: voces verò, atque scripturæ, non nisi *ad placitum*. Probat vtrumq; hoc argumento: Natura semper se habet eodem modo, apud omnes nationes: ergo quæ se habent eodem modo apud omnes, naturalia sunt, & quæ non sunt eadem apud omnes, non sunt naturalia, sed ex diuerso hominū placito variantur: at conceptus cuiuscumque rei, est idem apud omnes: voces verò, atque scripturæ, sunt diuersæ apud diuersas nationes: ergo conceptus significant *naturaliter*: voces verò, & scripturæ *ad placitum*. Probat minor: quia tam Græci, quàm Latini, eundem conceptum formant de homine, sed diuersis vocibus illum significant, pro diuersitate linguæ.

Porro in ordine ad veritatem, & falsitatem, diuerso modo se habere docet, *conceptus voces, atque scripturas simplices, & compositas*: nam simplices, nihil verum, aut falsum continent, nisi eis addatur, est, vel non est: compositæ verò, cum eodē verbo, iam significant verum, & falsum. Probat primum hac ratione: quia si simplicia, aut incomplexa significarent per se verum, vel falsum, maximè id haberent nomina composita, vt centimanus: sed qui hoc nomen proferret, non diceret verum aliquid vel falsum:

sum, quia non mentiretur, nec veritatem diceret, nisi addat esse, vel non esse: ergo in vocibus, aut conceptibus simplicibus, nulla est veritas: quod verò compositæ cum verbo, est, aut non est, veritatem, aut falsitatem contineant: tanquam per se notum relinquit.

QVÆSTIO VNICA.

An voces significant conceptus, & res: atque scripturæ voces ad placitum, conceptus verò naturaliter res.

- 4 **C**irca hanc quæst. quædam sunt apud omnes certa. Primum, quoddam conceptus significant res naturaliter: propter rationem Arist. quia eiusdem rei eundem etiam conceptum omnes formant, si eandem rationem eius concipiant, & diuersum, si diuersam: ergo conceptus semper sunt idem apud omnes: & ex consequenti naturaliter significant res. Probatür antecedens, quia de ente eundem conceptum omnes formant: si entitatem solum in eo considerent: & similiter si vniuocationem eius respectu substantiæ, & accidentis, vel etiam analogiam: nam licet, qui putant esse vniuocum, diuersum conceptum eius forment, ab his qui putant esse analogum, hoc tamen ideo est, quia diuersam rationem in eo considerant, nempe vniuocationem, & analogiam, omnes nihilominus qui vniuocationem considerant, eundem conceptum eius formant: & etiam qui considerant analogiam: & qui illam considerant, semper diuersum ab his qui considerant hanc: & ita intelligitur Aristodum ait, conceptus significare naturaliter res, quia sunt iidem apud omnes, si eiusdem rei sint, vel eiusdem rationis formalis eius: si verò rei diuersæ, aut diuersæ rationis eiusdem rei, diuersi sunt conceptus. Ex quo etiam ostenditur conceptus naturaliter significare: quia non est minùs naturale diuersum esse apud omnes, quod ex propria natura diuersum est, quàm esse idem, quod ex propria natura est idem.

Certum est secundò: *Scripturam significare vocem ad placitum*: quod probatur euidenter, quia ab hominibus inuentæ sunt: & diuersæ, ad significandas voces diuersas, ab eisdem pro libitu applicantur: ergo significant voces, ex libera hominum impositione.

Difficultas igitur quæst. consistit, in significatione *vocum*, & in modo significandi earum. In significatione quidem: *An voces significant non solum res, sed etiam conceptus, quos de eisdem rebus formamus*. In modo etiam significandi: *An significant res naturaliter, vel ad placitum*.

Et est prima opinio quorundam modernorum, quæ asserit *voces solum significare r. s. conceptus vero non significare, sed exprimere.* Quod sic probant: Illud significat vox, pro quo supponitur in propositione: sed voces non supponuntur pro conceptibus, sed pro rebus: ergo non significant conceptus, sed res. Probatur minor, primò ex Aristot. 1. lib. Elench. c. 1. ubi asserit: *Quia non possumus res, de quibus disputamus, ad scholas adducere, utimur vocibus loco rerum: sicut lud. ntes; utuntur calculis pro pecuniis:* ergo intelligit Aristotel. pro solis rebus voces supponi. Prob. secundò: quia in hac propositione, *Homo disputat*, non supponitur vox homo, pro conceptu hominis, sed pro homine ipso: de quo verificatur disputatio, & non de conceptu.

Iam quòd voces exprimant conceptus, sic explicant: voces non solum inuenta sunt, ut pro rebus ponantur in propositione: sed etiam ut per eas conceptus nostros internos manifestemus aliis, quibus non possunt per se innotescere: ergo voces sunt quasi manifestatiuæ & declaratiuæ conceptuum: declarare autem, atq; exprimere, idem sunt: & ideo licet voces nò significant reconceptus, eos tamen propriè dicuntur exprimere.

Secunda opinio tenet, *voces non solas res, sed etiam conceptus* significare: ita D. Thom. expressè quæstio. 8. de Potentia, art. 1. & 1. part. quæstio. 27. art. 1. quem sequuntur omnes ferè interpretes Aristot. cap. præsentis, & Arist. ipse expressè id docet, his verbis: *Sunt ergo ea quæ sunt in voce, earum quæ sunt in anima passionum nota, &c.* Per passionem animæ, conceptus ipsos intelligens: & non res conceptas, ut volunt moderni: quia passionibus animæ, actus eius significant in ea manentes: qui sunt conceptus, non res intellectæ: res enim nihil sunt ipsius animæ, nec in ea manent, sed solum sunt obiecta actus eius, extra eam existentia: asserit autè esse notas eorum, id est signa: ergo sentit eos significare. Et ita tenendum est.

Sed ut eam explicemus. & probemus simul, notandum est, Signum quatuor diuisionibus diuidi.

Prima diuisio est: Signum aliud est *Proprium*, aliud *improprium*. Signum *proprium*, duas habet condiciones. Primam, ut faciat nos venire in cognitionem alicuius rei, à se distinctæ, quam dicitur significare. Secundam, ut à natura ipsa, vel hominum voluntate, ad talem rem significandam sit institutum: utramque conditionem habent suspiria, & gemitus: & ideo propria signa naturalia sunt alicuius affectus interni. Ceterum defectu primæ conditionis, voces nullam rem extra se significantes, non sunt propria signa, sed nimis impropria: ut
blici,

blictri, & similes. Defectu verò secundæ, risus non est signum rationalitatis, licet per eum cognoscatur à nobis: quia non est à natura institutus ad significandam rationalitatem, licet per eum possit à nobis demonstratiuè cognosci.

Secunda diuisione diuiditur signum *proprium*, relicto improprio, in signum *Naturale*, *Ad placitum*, & *Ex consuetudine*. *Naturale* est, quod à natura institutum est, ad rem aliquam significandam, vt gemitus. *Ad placitum*: quod ex voluntate hominū, vt homo ad significandum hominem. *Ex consuetudine verò*, quod consuetudo fecit, vt per vnā rem intelligamus aliam, ad quam significandam communiter ordinatur, vt mappæ appositæ, signa sunt prandij.

Tertia diuisio signi est, *In Internum*: & *Externum*. *Internum* est, quod intra animam nostram permanet, vt conceptus: *externum* verò, quod per externos sensus, vt visum, & auditum percipitur: & talia sunt signa, votes, & scripturæ: hoc tantum signum descripsit D. Aug. 2. lib. de Doctrina Christi. capit. 1. his verbis: *Signum est res, quæ præter speciem quam ingerit sensibus, alterius rei à se facit in cognitionem venire.*

Quarta diuisio signi est: Signum aliud est *Manifestatiuum tantum*: aliud *Manifestatiuum simul*, & *Suppositiuum*. *Manifestatiuum tantum*, est illud quod rem aliquam à se distinctā significat, aut repræsentat, pro qua non substituitur, vel supponitur in propositione: vt sonus campanæ signum lectionis futuræ est, sed non ponitur pro ea in propositione. *Manifestatiuum verò*, & *suppositiuum simul* est, quod non solum rem significat, sed pro ea ponitur: vt hæc vox homo, ponitur in propositione pro homine, quem significat.

- 6 Secundò notandum: Significatum duplex esse posse, *Quo*, & *Quod*. Significatum, *Quo*, dicitur res illa ad quam significandam ordinatur signum. Significatum, *Quod*, dicitur medium, quo eam significat. Præterea, *Significatum*; aliud est *Proximum*, aliud *Remotum*, & quasi vltimatum: Et iuxta hanc doctrinam, intelligendum est, quo pacto voces significant res, & conceptus. Nam conceptus significant immediatè quidem, non vt quod, sed solum vt quo: quia mediis conceptibus, quos de rebus formamus, significamus eas per voces: res verò significant etiā immediatè vt quod, sed quasi remotè, & vltimatè, comparatas ad significatum, quo, nempe conceptus. Præterea, Voces sunt signa conceptuum significatiua tantum, non suppositiua, rerum verò significatiua simul, & suppositiua: quia pro eis, & non pro conceptibus supponuntur in propositione.

His suppositis; *Opinio Arist. D. Tho. & nostra* duabus con-

clusionibus explicatur. Prima est: *Voces significant conceptus immediate, & ut quo: & ideo minus principaliter*; res verò immediate quidem, ut *Quod & ideo principaliter: sed respectu conceptuum, quasi remote, & ultimate: & tam conceptus, quam res ad placitum*. Probatur prima pars hoc argumento: Plures voces impositæ sunt ad significandas naturas vniuersales; vt homo, & animal: sed res non sunt vniuersales: vt sunt ad extra, sed vt per conceptus communes à nobis abstractæ, atque cognitæ: ergo non significantur per voces, nisi mediis conceptibus communibus, quos de eis formamus. Et ex consequenti, conceptus significant immediate, vt quo: & ideo minus principaliter: & ipsis mediis res ultimate, principaliter. Probatur hæc vltima consequentia: quia conceptus non sunt nisi media quædam, quibus significantur res, ad quas significandas ordinantur.

Secunda verò pars: quòd voces significant res, & conceptus ad placitum, euident est: quia non habent significationem à natura, sed soni quidam sunt, nihil præter se, & prolatorem improprie significantes: ab hominibus verò ordinatæ sunt ad significandum res alias, mediis conceptibus: ergo significant ad placitum, quod colligitur ex verbis Scripturæ sacre, Gen. 2. *Formatis igitur Dominus Deus de humo cunctis animantibus terra, & vniuersis volatilibus cæli, adduxit ea ad Adam, ut videret, quid vocaret ea: omne enim quod vocauit Adam anima viuens, ipsum est nomen eius.*

Quod autem de vocibus dicimus, solum est intelligendum de his, quæ *dearticulatæ sunt*: hoc est, lingua, dentibus, & palato formatæ: his enim tantum vtuntur homines ad significandum conceptus, & res: & ideo dicuntur significare *ad placitum*. Inarticulatæ verò, quales sunt voces brutorum, gemitus etiam, & suspiria nostra: naturaliter significat aliquem affectum internum, nisi fortè eum explicemus dearticulata voce: nam tunc iam per eam significaretur ad placitum: quia diuersæ nationes, diuersis aliquando dearticulatis vocibus, in hunc finem significandi affectum internum vtuntur.

Ad arg. alterius opinionis; Distinguenda est maior, nam signum significatiuum tantum, & non suppositiuum, non significat id, pro quo supponitur, sed id pro quo non supponitur, signum verò significatiuum, & suppositiuum simul id tantum significat, pro quo supponitur. Et ideo non est vniuersaliter verum, quòd voces illud tantum significant, pro quo supponuntur: quia licet respectu rerum, sint signa significatiua, & suppositiua simul, tamen respectu conceptuum, solum sunt significatiua: vnde possunt eos significare quamuis non supponantur pro

pro eis in propositione. Et in hoc sensu intelligitur testimonium Aristotelis, qui de vocibus; vt sunt signa significatiua simul, & suppositiua rerum, loquitur: hoc tamen non tollit, quin etiam possint significare conceptus, vt media, licet pro eis non supponantur.

CAPVT II.

De Nomine.

TEX. ARIST.

Nomen igitur est vox significatiua secundum placitum, sine tempore, cuius nulla pars significatiua est separata.

Breuis expositio textus.



Ntendum huius capitis, est explicare naturam nominis: de quo agit Arist. tanquam de parte actuali enunciationis, & priusquam de verbo, tanquam de simpliciori: nam *verbum* non solum rem aliquam significat, sed etiam actionem cum tempore, *nomen* vero solam rem; vel

quia nomen est quasi materia propositionis, & ideo primum eius fundamentum: verbum vero quasi forma. Caput autem hoc non eget diuisione: quia nihil aliud in eo facit Arist. quam definitionem nominis assignare, & singulas eius particulas explicare.

Definitio nominis ita habet: *Nomen est vox significatiua secundum placitum, sine tempore, cuius nulla pars significatiua est separata.* Vox ponitur in hac definitione loco generis, & accipitur pro sola dearticulata humanis instrumentis prolata, nempe, lingua, dentibus, palato, ac cæteris: Quam sic definiuit idem Aristot. 2. lib. de anima, textu 90. *Vox est sonus, ab animalis ore prolatus, cum imaginatione quadam.* Vnde per vocem, excluduntur soni inarticulati brutorum, atque etiam soni instrumentorum, qui alio modo satis imperfecto dicuntur voces. *Significatiua* etiam vocatur, vt excludantur voces humanæ dearticulatæ, nihil tamen significantes; vt blictri. *Secundum placitum*; vt excludantur signa omnia naturalia. *Sine tempore*; vt excludatur verbum, quod cum tempore significat. Quid sit autem significare sine tempore, constabit capitulo sequenti, in quo explicatur, quid sit cum tempore significare. *Cuius nulla pars significatiua est separata*: ad differentiam orationis: cuius partes per se se paratæ significant; vt partes huius

sequitur non posse eis conuenire, sed diminutam esse. Probatur consequentia: quia detractis illis particulis, non est eadem definitio, sed alia: ergo repugnat, hanc definitionem conuenire omnibus nominibus: vnde diminuta censebitur, si solum potest conuenire cum detractione illarum particularum.

Nostra igitur sententia est, vera nomina solum in vocibus reperiri simpliciter, in mente verò solum conceptus rerum significatarum per nomina, qui potius dicuntur termini mentales, ex quibus propositio mentalis componitur. In scripturis verò solum reperiuntur nomina per derivationem à vocibus, quarum quasi supplementa sunt; vt cum absentibus agere possimus. Vnde sequitur bene definitum esse nomen ab Arist. per vocem.

Probatur testimonio Arist. cap. 2. Antepredicamentorum; vbi definiens æquiuoca, ait: *Ea esse, quorum nomen commune est, ratio verò substantia nomini accommodata, diuersa.* Per rationem verò substantiæ, secundum communem expositionem omnium, conceptus intelligitur: ergo sentit Arist. nomen à conceptu distingui, & ideo conceptum non esse nomen, sed in solis vocibus nomina reperiri. Probatur consequentia: quia vbi nomen est commune, conceptum asserit esse diuersum.

Probatur etiam ratione: Quia antequam nomina imponeret rebus Adam, innominatæ censebantur, etiam si haberet proprios conceptus earum: & cum primum nomina eis imposuit, dixit Deus, *Omne quod vocauit Adam anima viuientis, ipsum est nomen eius.* Quasi diceret, tunc primò cœpisse nomina. Et nos etiam dum non habemus vocem propriam, ad aliquam rem significandum impositam, dicimus talem rem innominatam esse: quamuis proprium eius conceptum in mente habeamus. Ex quibus sequitur, in mente non esse nomina, sed conceptus, qui dicuntur termini mentales, ex quibus componitur propositio mentalis: & rationem termini vniuersaliorem esse, nomine & verbo, ex quibus sola propositio vocalis propriè ac simpliciter componitur: in scriptura verò, solum per quandam analogiam ad vocem per eam significatam, reperiuntur nomina, & verba: sunt enim scripturæ quasi nomina, & verba depicta. Non est igitur necessarium particulas detrabere à definitione Arist. vt conceptibus, & scripturis accommodetur: quia nec eis potest propriè conuenire: & ideo bene definiuit nomen per vocem.

Ad arg. pro ratione dubitandi propositum; Concessa maiori, & minori, neganda est consequentia: quia propositio in communi, non componitur ex nomine, & verbo, sed ex terminis:

quorum ratio vniuersalior est: sola autem propositio vocalis, ex nomine, & verbo componitur. Vnde non sequitur, vera nomina, & verba reperiri, vbicunque reperitur propositio, sed solum quoddam reperiantur termini, ex quibus componatur: qui in mentali, sunt conceptus extremorum, & copulæ, in scripta verò nomina, & verba depicta: & ideo non talia simpliciter, sed secundum quid.

Q V Æ S T I O I I.

An nomen definiatur per vocem, tanquam per verum genus.

DVobis modis potest considerari vox. Primo, *Materialiter*, prout solum dicit sonum dearticulatum humanis instrumentis. Secundo, *Formaliter*, prout significatiua: ex quo habet, quoddam sit nomen, aut verbum: & primo modo considerata, habet se, tanquam subiectum eiusdem significationis, commune ad nomen, & verbum: sicut lignum, commune subiectum est, respectu cathedræ, & portæ, potens suscipere formam artificialem vtriusque: si verò consideretur, vt significatiua; verum genus est ad nomen, & verbum. Quæstio igitur est, *An nomen definiatur per eam materialiter sumptam, tanquam per subiectum, sicut statua definitur per lignum: vel potius, sumptam formaliter, prout significatiua, tanquam per verum genus: ita vt vox significatiua, genus sit huius definitionis, & reliquæ particularæ, sint differentia.*

Et prima opinio tenet, *Nomen non definiri per vocem, tanquam per subiectum, sed per vocem significatiua, tanquam per verum genus nomini & verbo commune: ita Niphus, Lemosius, & Psallus, cap. præsentis: & probatur: Quia res quælibet, per definitionem quidditatiua definienda est, si fieri potest, cum iste sit optimus definiendi modus: sed posita voce significatiua, pro vero genere, erit quidditatiua definitio nominis: posita verò sola voce pro subiecto, non erit quidditatiua: cum subiectum non sit genus accidentis, sed extra quidditatem eius: ergo primo modo intelligi debet definitum nomen ab Aristot. potius quàm secundo.*

Secunda opinio est D. Thom. & Ammonij, ca. præsentis: *Quod non definiatur nomen ab Arist. per vocem significatiua, tanquam per verum genus, sed per solam vocem, tanquam per subiectum, loco generis positum: & hæc est probabilior: cuius potissimum fundamentum colligitur ex Arist. 8. lib. Metaph. textu 6. vbi proprium*

proprium modum definiendi artificialia, ait, esse per subiectum loco generis, & per formam artificialem, loco differentia, vt si domum definire velis, dices, esse lapides, & ligna, ita composita. Et D. Thom. opusc. de ente, & essentia, c. 7. non solum artificialia, sed etiam accidentia omnia, melius definiri ait per subiectum loco generis, quàm per verum genus. Et ratio huius est manifesta: quia essentia accidentis, & modus essendi eius, sumuntur per ordinem ad subiectum: ergo vtrumque fit magis notum per subiectum: & cum definitio eo fine tradatur: vt per eam cognoscamus naturam definiti, melior modus definiendi accidentia erit, per subiectum, pro genere positum, quàm per verum genus, quod per idem subiectum innotescit. Sed nomen, & verbum, sunt accidentia quædam artificialia, ab intellectu facta, & in concreto significata: ergo melius per vocem, tanquam per subiectum definienda sunt, quàm per vocem significatiuam, tanquam per verum genus: & sic censendum est ab Arist. esse definita.

Ad arg. alterius opinionis; Distinguenda est maior: nam si res, quæ definitur, sit substantia, quidditatiuè definienda est per genus, & differentiam, si fieri possit: si verò sit accidens, præsertim artificiale, & in concreto significatum, modus magis naturalis, & per quem essentia eius clariùs explicabitur, erit, illud definire per subiectum loco generis: quia verum genus, & vera eius differentia; per subiectum respectu cuius accipiuntur, potiùs quàm per se cognoscenda sunt: & ex consequenti quidditas, & essentia eius, ad quam cognoscendam ordinatur per se definitio.

Q V Æ S T I O III.

An verum sit nomen significare ad placitum, vt in definitione dicitur.

IO **C**IRCA modum significandi Vocum, Tres opiniones refert D. Th. in Cõment. huius capituli. Prima fuit eorù, qui tenuerunt esse naturalia signa rerum: sicut nos dicimus de conceptibus: quâ Pythagoræ, & eius discipulis, tribuit Dexippus, lib. 1. q. in categorias, c. 6. & videtur etiã fuisse Heracliti & Cratilli. Probaturq; hoc arg. Quia quibus natura tribuit facultatē, seu potentia ad aliquem actum exercendum, consequenter tribuit instrumenta naturalia, quibus illū possint exercere: vt homini tribuit facultatē ad ambuladū: & ideo tribuit eis pedes tali modo fabricatos, quib. ambulare possit: sed facultas loquēdi naturalis est: ergo natura tribuit homini cū ea, naturalia instrumenta, per

per quæ loqueretur : hæc autem instrumenta sunt voces; non nudæ: alioqui bruta etiam loqui possent; sed dearticulatæ, ac significatiuæ: sicut brutis, dedit voces naturaliter significantes; quibus possent suos affectus internos manifestare: ergo voces significatiuæ sunt à natura datæ hominibus; quibus possint aliis manifestare conceptus mentis internos. Ex quo euidenter sequitur; significationem earum esse naturalem, & non ex impositione hominum: quia naturale est quidquid à natura conceditur.

Secunda opinio ex diametro opposita est, asserens, *significationem vocum non solum non esse à natura; sed sic ex beneplacito hominum procedere; ut possit quisque pro libito, his nominibus iam impositis vti, vel alia noua excogitare, & ad significandum imponere, eisque vti; prout sibi placuerit ad loquendum: & postmodum eisdem relictis, noua alia imponere: quam videtur tenuisse Hermogenes quidam Philosophus Platone, & Arist. antiquior; ut Plato ipse testatur in Dialogo Cratyllo.*

Ratio huius sententiæ est: quia si vocum significatio ex libera voluntate hominum dependet; mutari poterit pro libitu: ita ut voces hodie impositæ ad significandum, crastino die nihil iam significant aut à prima significatione mutentur, ac de nouo imponantur ad alias res diuersas significandas: & ideo cadere dicantur à significatione, ex quo nullum sequeretur inconueniens.

Tertia opinio media est inter hæc extrema; *Concedens voces non significare naturaliter; sed ex impositione hominum: non tamen ita esse liberam; ut quisque pro libitu possit, his, aut illis vocibus vti, easque de nouo ad significandum imponere; sed congruentem naturis rerum, ad quas significandas imponuntur: ita ut singulis rebus, iuxta propriam naturam talia sunt nomina accommodata. Itaque libera hominum impositio, quandam considerationem discretam habuit concomitantem, vel præcedentem; per quam impositor, cognoscens rerum naturas, eis accommodauit propria nomina, quibus congruenter significarentur: & talis impositio perpetuo durat, & ab omnibus sic inuiolabiliter recepta est; ut nemini liceat pro libitu eam mutare, aut nouas impositiones vocum introducere. Hanc sententiam securi sunt grauissimi Philosophi; Plato vbi supra, Arist. in his capitibus, Tullius lib. 1. Academicarum quæstionum, Quintilianus lib. 8. institutionum. cap. 6. D. Thom. Albertus Magnus, cum ceteris expositoribus huius capituli. Et hæc est vera & tenenda.*

Quam

11 Quam ut explicemus simul, & probemus, notandum est, *Res esse in duplici differentia*: nam quædam sunt *Naturales*; quibus certum est, à primo nostro parente, diuina sapiëntia prædito, per quam perfectè cognouit naturam singularum rerum nomina fuisse accommodata ex directione Dei; ut verba hæc Genes. 2. ostendunt: *Formatis igitur Dominus Deus de humo, cunctis animantibus terra, & vniuersis volatilibus cali, adduxit ea ad Adam; ut videret, quid vocaret ea: omne enim quod vocauit Adam anima viuientis, ipsum est nomen eius.* Quasi dicat Deus vniuersalem hanc impositionem, ex eius commissione factam sic esse perpetuam: ut nunquam omnino, aut vbiunque ab aliquo mutanda sit: licet diuersa sint nomina, iuxta diuersitatem nationum, & linguarum: in quibus etiam est euident; nulli vnquam licuisse pro libitu mutare impositionem. Aliæ sunt res *Artificiales*, quibus etiam ab hominibus arte præditis & per eam perfectè cognoscentibus earum conditionem, iuxta eam conuenientia, accommodata sunt nomina: hoc est talia; ut significatio eorum, aut ex modo quo fiunt; aut ex aliqua earum proprietate; vel vsu in quem ordinantur per artem, desumatur. Quod maiori ex parte, verum esse intelligendum est: nam aliquando contingit; ut nulla talis similitudo, nobis saltem cognita, in nominis impositione seruetur: & hæc doctrina simul explicat; & probat veritatem communis sententiæ; quam sequimur.

Ad arg. verò primæ sententiæ: Concessa maiori, neganda est minor: quod voces sint instrumenta facultatis naturalis ad loquendum, sed potius instrumenta huius facultatis sunt, lingua, dentes, & palatum; quibus formantur eadem voces: & iam formatæ imponuntur ad significandum; ut media esse possint, quibus homo proprios conceptus aliis explicet: quare licet ex parte soni voces sint naturales, ex parte tamen significationis per artem, vel scientiam fiunt: sicut cathedra, ex parte ligni naturalis est; sed artificialis ex parte formæ, per artem factam: & ideo simpliciter vocatur artificialis: sic etiā nomina, & verba artificialia sunt vocanda.

Argumentum verò secundæ opinionis, ex doctrina tradita solutum est: quia licet libera sit impositio vocum ad significandum; conformis tamen naturis rerum: & ideo non à quocunque facta; sed à sapientibus qui perfectè cognoscentes earum naturas, talia nomina, eis congruentia accommodarunt: unde nec variari potest pro libitu significatio nominum: nec ab ea nomina cadere possunt.

QVÆSTIO. IV.

*An verum sit ; partes nominis separatas , non
esse significatiuas.*

HAnc particulam definitionis probauit Aristot. ex nomine composito ; cuius partes separate , ait , non sunt significatiua ; vt partes eius sunt : etiam si sint integra nomina : ergo multò minùs partes nominis simplicis separate , erunt significatiua : cum non sint integra nomina , sed syllabæ , & literæ : sed hæc ratio nihil valet : ergo non probatur per eam , quòd partes nominis separate , non sint significatiua , nec verum hoc erit. Probatur antecedens : Quia partes nominis compositi , sunt integra nomina , vel nomen integrum , & verbum , vt patet in hoc nomine agricola : & separate retinent eandem significationem ; per quam componebant nomen : ergo partes nominis compositi separate , etiam vt partes eius , vel iuxta significationem totius , sunt significatiua. Probatur minor , nam hoc nomen ager , & hoc verbum , colo , componebant nomen , agricola , per proprias significationes , nempe , & ager significans agrum , & colo actionem colendi : vnde agricola , significat colentem agrum : & hanc eandem significationem retinent separate à compositione : vt notum est : ergo verè significant iuxta significationem totius , vel vt sunt partes eius : quare nec ratio Aristot. probat , partes nominis separatas non significare : nec verum esse potest , saltem in nomine composito.

Probatur secundò : Quia si nomina simplicia caderent à propria significatione , & imponerentur ad significandas res diuersas , etiam caderet à sua significatione nomen compositum : ergo pendet significatio eius , ex propriis significationibus partium : sed partes separate , retinent proprias significationes : ergo separate significabunt iuxta significationem totius. Pro solutione huius quæst. notandum est , Nomen compositum , sic ex nominibus integris , aut ex nomine & verbo componi ; vt ex pluribus , ac diuersis significationibus eorum , resultet tertia quædam significatio indiuisibilis eiusdem nominis compositi : quæ significatio , non potest in eisdem iam separatis conservari : in quo simile est nomen compositum , naturali composito viuenti , ex anima , & corpore facto , non quocunque , sed eterogeneo : hoc est partes habenti diuersæ rationis ; vt brachium , caput , & pedes : non enim componitur nomen aliquod , ex multis nominibus , eandem rem significantibus ; vt ex gladio , & ense

& ense: sed ex significantibus res diuersas: quare ex his diuersis significationibus, resultat tertia significatio totius, diuersa à partibus. Vt patet in nomine, respublica, & in nomine equiferus: quia nec respublica, significat rem quamlibet, vel negotium publicum: sed congregationem ciuium sub his legibus, & tali ordine dispositam: quæ diuersum quid est, à significatione vtriusque partis separatæ: & equiferus, significat non equum ferocem, quem significant partes separatæ, sed aliud animal valde diuersum. Vnde, sicut anima non informat partes separatas corporis, sed dum separantur à toto, aliam formam diuersam consequuntur: ita forma nominis compositi, quæ est significatio eius, non informat partes separatas, sed alias habent significationes sibi proprias partes, atque diuersas significatione totius, quam participabant, dum illud componebant.

Itaque, sicut quælibet pars nominis compositi, per se sumpta, habet propriam significationem vnā, & indiuisibilem, quæ non conuenit syllabis: nec in eis separatis permanet, sed definit esse, & quasi corrumpitur separatis syllabis: sic etiam nomen compositum ex aliis nominibus, aut ex nomine, & verbo, propriam habet significationem, distinctam à significatione partium, & indiuisibilem quidem; & ideo talem, quæ non prædicatur de partibus, nec in eis separatis permanere potest. Et ratio huius est: quia nomen compositum, distincta impositione imponitur, ad significandum totum, atque ad significandas partes: & ad significandum rem diuersam ab ea, quam partes significant: similem tamen aliquo modo, & quæ non resultaret, nisi ex his partibus. Vnde sequitur, diuersa nomina, ita per proprias significationes concurrere ad nendum aliud; ut cum media alia impositione, & ad aliam rem significandam concurrant, proprias significationes amittant in tali compositione, & aliam diuersam participant: licet similem propriis: sed dum à compositione separantur, illam rursus significationem quam in toto habebant, amittunt, & proprias retinent. Et hoc est, quod dici solet, separatas non significare; iuxta significationem totius. Licet videantur significare, propter similitudinem, quæ reperitur inter significationem totius, & proprias earum: Dependet enim significatio totius, ex eis; verum distincta est, & in eis permanere non potest.

Ex hac doctrina responderetur quæstioni: verum esse, quod asserit Arist. in definitione nominis. quod partes eius, si vt partes accipiantur, non sunt significatiuæ, dum ab eo separantur: quiaui

quamvis proprias significationes separatæ retineant : quia cū significatio totius, distincta sit à propriis partium significationibus, & sit quasi forma rei heterogeneæ, partes diuersæ rationis informans ; corrumpitur separatis partibus. Et ideo non potest in eis permanere.

Ad primum arg. Distinguenda est minor ; quòd partes nominis compositi cōponant illud per proprias significationes : nam si ita intelligatur ; quòd significatio totius , non sit alia à significatione partium ; falsum est : cū distincta impositione, & ad rem distinctam significandam ; vel saltem modum distinctum habentem, imponatur. Si verò per proprias significationes concurrere intelligatur ; ita, vt tertia significatio , à propriis distincta, atque indiuisibilis ; cui simplex etiam & distinctus conceptus correspondet in mente, à conceptibus partium per se sumptarum ; verum est : sed ex eo non sequitur : quòd partes separatæ retineant eandem significationē totius, vel quam ab eo participabant : quia hæc statim corrumpitur, quam primum partes separantur : sicut corrumpitur nomen ipsum compositum : ideo non potest in eis permanere. Quocirca bene Arist. dixit ; nihil iam significare, iuxta significationem totius, vel vt partes eius.

Ad secundum : Concedendum est primum enthymema, sed neganda vltima consequentia quòd partes separatæ significēt iuxta significationem totius : nam licet significatio totius pendeat ex significatione partium ; & desinat esse, partibus cadentibus à propria significatione : nihilominus cū distincta sit significatio totius, à propriis partium significationibus, atque indiuisibilis, corrumpitur eis separatis : vnde permanere non potest in eis : sed licet proprias significationes retineant, verum est, nihil significare separatas, iuxta significationem totius : quia nihil retinent de significatione eius : licet eam aliquando retinere videantur, propter similitudinem, quam habent propriæ, cum significatione totius, iam corruptæ.

QVÆSTIO V.

An nomen infinitum, omninò sit excludendum à definitione.

SEx sunt explicanda de nomine infinito. Primum, *Quid sit* 14
 Secundum, *Quid, & quomodo significet.* Tertium, *De quibus dicatur.* Quartum, *An nomina transcendentia possint fieri infinita.*
 Quintum

Quintum, *An nomen infinitum sit inter absoluta, vel inter connotatiua numerandum.* Vltimum, *An dicatur vniuocè de entibus, & non entibus, vel analogice.*

Circa primum notandum est: *Negationem duobus modis sumi posse*: Primò *neganter*, quod est sumi in tota vi negationis: quo pacto, etiam si in principio propositionis ponatur, copulâ eiusdem propositionis, & totam ipsam propositionem negat: & propterea de ea dictum est, esse malignantis naturâ, ita, vt quidquid post se inueniat, destruat, & oppositum efficiat. Secundo modo, accipitur, non secundum totam vim negationis, sed *secundum limitatam*: ita vt solum neget significatum illius vocis, cui proximè adiungitur, nec vis eius vltèrius transeat. Vnde, si adiungatur subiecto propositionis, non transit vis eius ad copulam: nec negatiuam reddit propositionem: & hoc est accipi *Infinitanter*: quia effectus eius, solum est negare significatum nominis, cui adiungitur, & ex hoc, quasi infinitum illud efficere: quia cætera omnia significat, præter rem illam, supra quam cadit: vt non homo, significat cætera omnia præter hominem, nihil eorum determinans: & ideo dicitur habere significationem infinitam. Nomen igitur infinitum negationem includit, non neganter sumptam, hoc est, non in tota vi negationis, sed sumptam infinitanter: hoc est, secundum vim negandi, determinatam ad proprium eius significatum.

Ex quibus intelligitur, nomen infinitum hoc modo esse definiendum: *Nomen infinitum, est nomen compositum ex nomine simplici, & negatione, infinitanter accepta: vt non homo, non leo: & hæc de quidditate eius.*

De modo significandi nominis infiniti.

Quantum verò ad modum significandi eius pertinet, aliqui dicunt, *de materiali*, significare rem illam, quæ negatur, *de formali* verò, cæteras omnes vt non homo; *de materiali* hominem, *de formali* verò, leonem, & bouem, ac cætera omnia præter hominem. Melius tamen dicendum est, non significare rem illam, quam negat, sed *de materiali*, cæteras præter illam: *de formali* verò, putam negationem eius: vt non homo, *de materiali*, leonem, & bouem cū cæteris, & *de formali*, solam negationem hominis. Quod sic probatur: quia non homo, non significat leonem, aut bouem, secundum naturas positivas eorum: sed in quantum sub negatione hominis cadunt, vel continentur: ergo secundum naturas positivas, *materialiter* pertinent ad significationem nominis infiniti. *Formaliter* verò secundum negationem talis naturæ, in propria inclusam.

Circa significatum verò eius omnes conueniunt: adeò extensum esse, vt cætera omnia, præter rem illam quam negat, significet, non solum existentia actu, sed etiam possibilia: imò etiam impossibilia, vt Chimæram, & Centimanum, & ratio huius est manifesta ex dictis. Nam si formale significatum eius, est negatio illius rei, cui adiungitur: ergo materiale erit omne illud, cui potest conuenire talis negatio: sed hæc conuenit cæteris omnibus existentibus, aut possibilibus, imò etiã impossibilibus: ergo hæc omnia comprehenduntur sub materiali significatu eius: sed omninò indeterminatè, atq; confuse: & ideo modo quasi infinito: quia non magis aliquod Ens vnum, quàm aliud determinat, vt ex se est manifestum.

Ex quibus sequitur: Duo habere nomen infinitum, in quibus deficit à vera ratione nominis. Primum, *ex parte formalis significati*, quòd nullam rem, aut naturam, vel rationem positiuam significat formaliter, sed puram, & solam negationem illius rei, supra quam cadit: vt non homo: solam negationem hominis. Secundum, *ex parte significati materialis*: quia nihil determinatum significat, sed tam illud quod est, quàm quod non est, imò quod impossibile est. Et propter hæc duo, excludit Aristot. nomen infinitum à definitione nominis: quia verum nomen, determinatam significationem habere debet, & naturam aliquam positiuam, vel saltem positiuam rationem eius debet significare.

De quibusnam dicatur nomen infinitum in propositione.

Prima opinio asserit: quòd licet nomen infinitum significet, 15
tam ea quæ sunt, quàm quæ non sunt, & tam possibilia, quàm impossibilia: tamen in propositione non potest verificari, nisi de solis existentibus, non de possibilibus, vel impossibilibus. Ita Sorus 2. lib. Summularum, c. 1. notabili quinto: quod probat hoc argum. Nomen infinitum, non potest dici de non existentibus, atque impossibilibus, nisi in propositione affirmatiua, de subiecto non supponente: sed talis propositio, est falsa secundum regulas Summularum: ergo nunquam de his verificabitur, sed de solis existentibus. Maiorem probat: quia vt subiectum propositionis supponi pro aliquo dicatur, requiritur, quòd res significata existat in rerum natura, tempore significata per copulam: ergo solum potest supponi pro existentibus, non pro possibilibus, vel impossibilibus: quare propositio in qua de his dicitur, erit de subiecto non supponente. Minorem verò, quòd affirmatiua de subiecto nō supponente sit falsa, manifestam esse ait in his propositionibus: Adam est albus, Antichristus

christus est niger: evidens namque est consequentia à propositione de tertio adiacente, ad propositionem de secundo, ut Petrus est albus: ergo Petrus est: ergo evidens erit consequentia, Adam est non homo: ergo Adam est; sed consequens est falsum: ergo & antecedens, quod est, propositio affirmativa de subiecto non supponente.

Secunda opinio, affirmat, *Nomen infinitum*, non solum significare existentia, & possibilis, atque impossibilia; sed etiam verificari posse de omnibus in propositione. Ita D. Tho. cap. presentis, cum Boëtio, & Ammonio, quos sequuntur moderni omnes interpretes; & est expressa sententia Aristot. cap. presentis, ubi ita ait: *Non homo vero, non est nomen, quoniam similiter in quolibet est, & quod est, & quod non est.* Et ita tenendum est. Probaturs duplici argu. Primo, ex intrinseca conditione nominis infiniti, quæ talis est, ut nullam formam ponat in subiecto, imò neque ullam rationem positivam, sed puram negationem alius rei, cui adiungitur: ut non homo, solam negationem hominis: sed sola negatio non postulat existentiam subiecti: imò nec possibilitatem eius: quia etiam de re impossibili verificatur, ut de chimæra, negatio hominis: ergo de his omnibus verificari potest nomen infinitum. Probaturs consequentia: quia evidens argum. ducitur à propositione negativa ad affirmativam, de prædicato infinito, in eisdem terminis, ut leo non est homo: ergo leo est non homo: sed nomen infinitum, negatur de impossibilibus: quia vera est hæc, Chimæra non est homo: ergo affirmabitur de eisdem, in propositione de prædicato infinito: & ita vera etiam erit hæc, chimæra est non homo. Probaturs iterum consequentia: nam ideo vera est propositio negativa, de subiecto impossibili: quia negatio nihil positivum ponit in subiecto: sed nomen infinitum nihil positivum ponit in subiecto, sed solam negationem: ergo secundum hanc, potest de eadem re possibili verificari in propositione affirmativa.

Secundo; Prædicata contradictoria, habent immediatam oppositionem: ergo de quolibet ente, aut nō ente, necesse est alterum eorum verificari: sed homo, & non homo sunt prædicata contradictoria: ergo necesse est alterum eorū verificari de quacunque re possibili, vel impossibili: sed de re impossibili ut de chimæra, non verificatur homo: ergo verificabitur non homo: sicque de cæteris nominibus infinitis, quæ de rebus etiam impossibilibus verificari debent.

16 Pro solutione arg. alterius opinionis: Notandum est, Prædicatum propositionis affirmativa duobus modis se habere ad subiectum, nam vel accidens eius est, modumve accidentis habet,

vel ad essentiam eius pertinet, aut tanquam propria passio se habet. Et si primo modo se habeat, certum est subiecto actu existenti attribui: quia accidentia non conueniunt subiectis, nisi secundum actualem inhaerentiam in eis: quam constat necessario supponere actualem existentiam: Si verò secundo modo se habeat, certum est non conuenire ei secundum actualem existentiam, sed secundum naturalem connexionem cum eo: quæ cum nullum tempus determet, sed perpetua sit, eodem modo semper se habens, propositio etiam perpetuæ veritatis est: & copula (vt aiunt) absoluitur à tempore: quod est, extrema non coniungere, pro vlla differentia temporis: cum tamen in propositione accidentali, pro determinata differentia temporis, in qua existunt extrema, ea coniungat.

Ex quibus sequitur, solum in propositionibus accidentalibus, extrema supponi: & ideo solum in his requiri actualem existentiam extremorum, ad veritatem propositionis affirmatiuæ. Et etiam in his solum intelligi illam regulam summularum, quod propositio affirmatiua de subiecto non supponente est falsa: ac tandem solum in his esse bonam consequentiam, à propositione de tertio adiacente, ad propositionem de secundo. In propositionibus autem necessariis, nec supponuntur subiecta, nec vniuntur secundum actualem existentiam, nec secundum aliquam differentiam temporis, sed solum secundum naturalem connexionem, abstrahentem ab existentia, & tempore: vnde in eis hæc sola regula vera semper est, & obseruanda: quod omnes propositiones affirmatiuæ, sunt semper veræ: & omnes negatiuæ semper falsæ. Quare nec in his valet consequentia, à propositione de tertio adiacente, ad propositionem de secundo: quia in propositione de tertio, prædicatum coniungitur subiecto, secundum naturalem connexionem cum eo: in propositione verò de secundo, dicit actualem existentiam, vt si dicas: Homo est rationalis, ergo homo est: antecedens erit verum, nullo homine existente, & consequens falsum. Quam doctrinam, si ad nomen infinitum applicemus, inueniemus significare omnia possibilis, & impossibilis, quasi modo essentiali, cum per se omnia significet. Et ex hoc sequitur, de illis verificari in propositione, quasi per modum naturalis connexionis, & non secundum actualem existentiam: quare omnes propositiones affirmatiuæ sunt veræ: & omnes negatiuæ falsæ: quia extrema non supponuntur: nec valet in eis consequentia, à propositione de tertio adiacente, ad propositionem de secundo.

Ad formam igitur arg. Concedenda est maior, quod nomen infinitum

infinittum non possit verificari de impossibilibus, aut non existentibus, nisi in propositione affirmatiua de subiecto non supponente: sed minor distinguenda, quod affirmatiua de subiecto non supponente sit falsa: nam si accidentalis sit, concedendum est: quia vniuntur extrema secundum actualement existentiam, quam habere debet tempore significato per copulam: & si eam non habuerint, falsa erit propositio. In propositionibus vero necessariis, non requiritur actualis existentia extremorum: quia solum vniuntur secundum naturalem connexionem: & ideo affirmatiua, licet sit de subiecto non supponente, vera est. Et cum propositiones affirmatiue de prædicato infinito, modum habeant necessariarum, negandum est etiam in eis quod affirmatiua de subiecto non supponente sit falsa.

An transcendentia nomina possint infinitari.

17 **P**rima opinio, tenet, infinitari non posse transcendentia, si in tota sua vniuersalitate accipiantur: vt ens absolute sumptum. Si vero cum limitatione, vt pro ente reali tantum, aut pro ente rationis, infinitari posse. Ita Alber. Magnus in Comment. huius lib. tract. 2. c. 5. cum Auicena; quos sequuntur Toletus, & alij cap. præsent. Probatur ex natura nominis infiniti, quod tam de entibus, quam de non entibus dicitur: sed si infinitetur ens absolute sumptum, solum de non entibus dici poterit: ergo non potest infinitari.

Secunda opinio, adhuc hoc modo sumpta, transcendentia infinitari posse, concedit: ita Sotus 2. lib. Summularum, c. 1. notab. 6. Suesanus, & Louanienses c. præsent. Probât: Quia prædicationes istæ, Chimæra est non ens: Nihil est; non ens, sunt de prædicato infinito: & prædicatum est ens in sua vniuersalitate: ergo transcendentia in sua vniuersalitate sumpta, infinitari possunt,

Pro solutione dubij: Distinguenda sunt transcendentia, hoc modo: Quædam sunt Vniuersalissima, vt Ens, alia minus vniuersalia: vt *passiones eius, Verum, Bonum, & Vnum*, quæ minus vniuersalia dicuntur: quia secundum rationes formales non se includunt: nec enim bonum, est verum formaliter: nec verum, est formaliter vnum. Et rursus, vniuersalissimum transcendens, vt ens, potest sumi absolute, vel cum alia limitatione. Videlicet pro solo ente reali, vel pro sola substantia. Et de transcendentibus minus vniuersalibus, euidenter est infinitari posse: quia non verum, aut non bonum, adhuc verificari possunt de entibus, & non entibus: nam verum est non bonum: & vnum est non verum formaliter. Certum est etiam, ens cum limitatione acceptum, infinitari posse, propter eandem rationem: sed an

possit sine limitatione acceptum; de hoc solum potest esse dubium.

Et nostra sententia est infinitari posse. Probat, ex propria definitione nominis infiniti; à nobis assignata in principio; secundum quam solum dicit esse compositum ex nomine simplici; & negatione ei adiuncta: sed non ens, componitur ex utroque: ergo simpliciter est nomen infinitum: & hoc etiam probat arg. secundæ opinionis.

Ad arg. verò primæ opinionis, negandum est antecedens; quod de ratione nominis infiniti sit, de entibus, & non entibus verificari: sed hoc solum pertinet ad rationem nominis infiniti particularis: de quo Aristot. & omnes communiter loquuntur. Ad rationem verò nominis infiniti; ut sic, solum pertinet, quod ex nomine simplici particulari, vel transcendente, & ex negatione ei adiuncta componatur.

An nomina infinita sint numeranda inter absoluta, vel inter connotatiua.

Certum est; nec esse absoluta simpliciter, nec connotatiua: 18
Cum nec simpliciter sint nomina, sed solum secundum quid. Solum ergo potest esse dubium, An ad hæc potius, quam ad illa reducantur: Toletus in Comment. huius capitis asserit, *inter absoluta numerari*: quia non habent materiale, & formale significatum, ut connotatiua: sed solum significant negationem in concreto.

Nostra verò sententia est, ad connotatiua potius reducenda esse: quia de formali dicunt negationem rei, cui adiunguntur, de materiali verò, rem aliam quam eumque: ideo connotatiuorum similitudinem habent.

An non. ren infinitum dicatur vniuocè de entibus & non entibus; vel analogicè.

R Espondetur vniuocè dici de omnibus. Cuius ratio est; quia significatum formale eius, est sola negatio eius rei; cui adiungitur: negatio verò æquè conuenit entibus, & non entibus: ergo æquè dicitur de omnibus; atque adeò vniuocè: non quidem propria vniuocatione; quia denominatiua non sunt propriè vniuoca: sed impropria, qualis in denominatiuis reperitur.

Adnotandum tandem est; Circa definitionem nominis, non esse ei addendas duas illas particulas; *finita, & recta*; ut excludantur

cludantur nomina infinita, & obliqui casus: quia per alias particulas definitionis; iam exclusa censentur: nec Aristot. eas posuit in definitione; sed post integram explicationē eius.

C A P V T III.

De Verbo.

T E X T V S A R I S T.

Verbum autem est, quod consignificat tempus; cuius pars nihil significat seorsum: & est semper eorum, quæ de altero pradicantur, nota, &c.

Breuis expositio textus.



Intentum Aristot. est explicare naturam Verbi. Diuiditur autem caput in tres partes. In prima; *Definitionem verbi proponit, & explicat.* In secunda; *Excludit à ratione verbi, infinitum verbum, & casus verbi: hoc est verba aliorum temporum à præsentī.* In tertia; *Colligit, verbum cum nomine, in duobus conuenire.*

Definitio verbi talis est: *Verbum est, quod consignificat tempus; cuius pars nihil significat seorsum: & est semper eorum; quæ de altero pradicantur, nota.* In qua definitione subintelligi debent, duæ istæ particulae; vox significatiua ad placitum; ex definitione nominis: secundum communem expositionem interpretum: quia communes sunt nomini, & verbo: sed quia hoc satis erat notum, noluit Arist. eas in definitione verbi repetere, sed à consignificatione temporis initium eius sumere: quia iam incipit verbum; per hanc particulam à nomine differre. Consignificare verò tempus; idem est, ac connotare tempus: vel ex consequenti illud significare. Itaque, quia verbum actionem aut passionem per se significat; aut aliquid per modum actionis, aut passionis: & actio aut passio fiunt in tempore, dicitur tempus simul, & ex consequenti significare cum actione ipsa, aut passione, per se primò significata. Itaque diuersum quid est, *significare tempus, & consignificare.* Significare enim tempus est; rem, quæ est tempus; sicut quamlibet aliam, per se significare: sed consignificare tempus; vel significare cum tempore; est significare rem aliam; vt in tempore factam: ex hoc enim, licet non significetur tempus, sed res alia, simul tamen denotatur, & simul quasi ex consequenti significatur: quod est consignificari: & hoc soli verbo conuenit, nomini verò solum conuenit significare tempus:

ut dies, & nox, determinata quadam tempora significant, non tamen consignant tempus.

Alia verò particula, cuius pars nihil significat seorsum, distinguit verbum ab oratione: & satis fuit explicata in definitione nominis. Solum restat vltima, & est semper eorum, quæ de altero prædicantur, nota: quasi dicat; verbum esse signū, aut significare coniunctionem prædicati cum subiecto, quam facit. Nomen enim prædicatur, aut subiicitur in propositione; sed verbum vnit prædicatū cum subiecto, & talem unionem significat: in quo etiā distinguitur à nomine, & oratione.

In secunda parte, excludit verba infinita, & casus verbi, à definitione; propter easdem rationes; quibus exclusit nomen infinitum, & casus obliquos à definitione nominis. Quia verbum debet significare determinatam actionem & passionem, determinatamque coniunctionem prædicati cum subiecto; sed verbum infinitum, nihil determinatum significat: ergo non est simpliciter verbum, sed secundum quid: & propterea excludendum est à definitione verbi; atque etiam casus verbi: hoc est, verba aliorum temporum, quam præsentis. Quia non ratione sui; sed ratione verbi præsentis, convenit eis officium verbi: nec actionem, aut passionem simpliciter talem significant: sed præteritam, aut futuram: quæ cum non sit actus in rerum natura; solum est talis secundum quid.

In tertia tandem parte capituli: Duo colligit, in quibus *verbum convenit cum nomine*. Primum est; quod verbum per se sumptum; hoc est, extra propositionem, significat aliquam rem, sicut nomen: ut curro, significat cursum. Secundò; quod sicut nomen per se sumptum, non significat verum, vel falsum, nisi adiungatur ei verbum: ita verbum per se sumptum hoc est extra propositionem, non significat verum aut falsum, nisi ei aliquo modo adiungatur nomen. Cuius rationem assignat: quia veritas, & falsitas, solum reperiuntur in compositione, & diuisione: sed verbum per se sumptum; non significat talem compositionem: quia non potest intelligi sine extremis; hoc est, sine prædicato, & subiecto: ergo verbum sine nomine sibi adiuncto, non potest veritatem, aut falsitatem significare.

Q V Æ S T I O I.

An verum sit verbum consignificare tempus.

Non videtur hæc particula definitionis convenire omni verbo: ergo non bene fuit posita ab Arist. in definitione. Probat

Probatur antecedens: quia si verbum consignificat tempus; maximè quia significat actionem, cui cōuenit mensurari tempore: sed non omne verbum significat actionem; vt probat verbum substantiuum, *est*: ergo neque omne verbum consignificabit tempus. Quod magis etiam fit manifestum; dum idem verbum, *est*, vnit extrema secundum naturalem connectionem eorum; quod facit quotiescunque prædicatum est de essentia subiecti; aut propria passio eius: tunc enim non vnit ea pro aliqua differentia temporis: cū tales propositiones, ante omne tempus, & post omne tempus sint veræ: & ideo dicantur esse perpetuæ veritatis; in quibus copula absoluitur à tempore: ergo in eis non potest consignificare tempus.

10 Nec soli verbo conuenit; sed etiam nomini: ergo etiam ex hac parte, non bene fuit in definitione collocata eadem particula: probatur antecedens. quia prandium, cœna, & similia nomina, significant actionem comedendi, connotando quòd tali tempore fiat: ergo consignificant tempus. Præterea participium; vt amans, currens, est verum nomen; cū ponatur pro subiecto, aut prædicato propositionis: & tamen consignificat tempus cū significet actionem tempore præsentis, aut futuro exercendam: ergo nominibus etiam conuenit consignificare tempus.

Circa hanc particulam definitionis, duo explicanda sunt. Primum, *An soli verbo conueniat consignificare tempus, vel etiam participio, & alijs nominibus.* Secundum, *An omnibus verbis, & semper conueniat.* Circa primum præsupponendum est, quid sit consignificare tempus. Non est enim aliud; quàm significare cum tempore: & vtrumque est significare aliquid; nempe actionem, cui conuenit mensurari tempore: ex hoc enim simul cum re illa, significatur tempus, quod est consignificari: vel res illa notatur, vt mensurata tempore, quod est significari cum tempore.

Quo supposito, circa participium non loquuntur omnes eodem modo, sed plures negant consignificare tempus: quia licet significet actionem tempore mensuratam; non tamen per modum actionis; sed per modum formæ inhærentis subiecto: vt currens, significat actionem currendi, per modum formæ inhærentis: sicut inhæret albedo: & ideo non significat eam, vt mensuratam tempore: nec proinde consignificat tempus.

Communis tamen sententia tenet, *participium consignificare tempus.* Et hoc est verum. Ita D. Tho. cap. præsentis, vbi asserit: *Participium separari à verbo, per ultimam particulam defini-*

nitiois, nempe, & est semper eorum, quæ de altero prædicantur, nota. Et conuenire cum eo in cæteris omnibus: ita etiam Sotus 2. lib. Summularum, cap. 2. & ibidem Mercatus, Venetus, tractat. 2. de partibus propositionis, cap. 1. Toletus cum cæteris modernis, in hoc cap.

Probatur testimonio Arist. qui ultimam particulam, explicantem proprium officium verbi, posuit, ad excludendum participium; ut docuit D. Thom. non enim excludi potest per eam aliud: ergo sensit in reliquis particulis conuenire, quarum prima est, consignificare tempus.

Probatur etiam ratione: Quia participium significat actionem; ut egreditur ab agente: ut calefaciens significat calefactionem: ut à se egressam: ergo significat actionem per modum actionis. Probatur consequentia: quia modus actionis, est egredi ab agente: sed actio fit in tempore: ergo participium significat cum tempore: cuius euidentis signum est, quod ei adiunguntur aduerbia hæc, tarde & velociter: quæ non conueniunt, nisi his, quæ significant motum, vel actionem; ut actio est. Distinguitur verò participium à verbo, per ultimam particulam, ut asserit D. Thom.: quia licet significet cum tempore, non vnit tamen extrema: in quo consistit propria, & ultima ratio verbi. Et ex his habemus, quod consignificare tempus, non conuenit soli verbo, sed etiam participio: quod videtur esse medium inter nomen, & verbum.

Sed an puris nominibus conueniat; ut cœnæ, & prandio, ac similibus. Dicendum est, non conuenire: quia solum significant actionem materialiter, vel ut res quædam est, non formaliter, & per modum actionis: unde nec per modum, quo mensuratur tempore: gratia exempli, cœna significat actionem comedendi ut rem quandam: sicut albedo significat albedinem, non tamen significat eam ex parte sua; ut factam tali tempore: sed solum habet tali tempore fieri, ex consuetudine hominum, non ex eo, quod per tale nomen significatur: quod necessarium est ad consignificandum tempus. Nam verbum, ex eo dicitur consignificare tempus: quia significat actionem per modum actionis: & ideo, ut mensuratam tempore. Quare, ex vi suæ significationis, & non ex consuetudine, vel alia ratione extrinseca, dicitur simul cum actione significare tempus: & proinde illud consignificare. Et ex hoc intelligitur, consignificare tempus soli verbo, & participio conuenire, non puris nominibus.

Circa secundum verò, An omnibus verbis & semper conueniat, solum est difficultas de verbo substantiuo, est: nam de cæteris satis est manifestum, quod significent cum tempore. Et ratio dubitandi

dubitandi est: quia solum significat existentiam simpliciter; vel existentiam rei; sub aliqua forma accidentali: primum habet, in hac propositione, Homo est: secundum in hac; Homo est albus. Dicendum tamen est, ex communi sententia interpretum: *Non significare actionem veram, sed existentiam rei per modum actionis.* & hoc satis esse; ut significet cum tempore: quia existentia significata per modum actionis, significatur ut mensurata tempore: nam sicut actio, ex se mensuratur tempore, ita etiam, quod per modum actionis significatur: & ideo verbum, est, significans existentiam rei per modum actionis, consequenter significat tempus: quod propriè est consignificare tempus; vel significare cum tempore.

Sed, *an semper hoc habeat*: hoc est, in propositionibus etiam, in quibus solum vnit extrema, secundum naturalem connexionem prædicati cum subiecto: in quibus dicitur absolui à tempore, maxima difficultas est: quia non ab omnibus eodem modo explicatur, quid sit verbum in his propositionibus absolui à tempore; vel quo modo possit absolui à tempore, & simul significare cum tempore.

21 Omissis autem aliorum explicationibus: quia non videntur satisfacere difficultati: Notandum est, *Verbum duo habere*: duabus particulis definitionis, ab Arist. explicata, contenta. Primum, Consignificare tempus. Secundum, Vnire extrema, quod explicuit Arist. vltima particula definitionis. *Et est semper eorū, quæ de altero prædicantur, nota.* Hoc est coniunctionis prædicati cum subiecto, quam facit. Extrema autem vnit, secundum naturam eorum: ita, ut si prædicatum dicat actualem existentiam, vel actualem inhærentiam in subiecto, illud cum eo vniat secundum actualem existentiam, vel inhærentiam in eo: & in hoc sensu vera, vel falsa, iudicanda sit propositio. Si verò prædicatum non dicat actualem existentiam, vel inhærentiam in subiecto, sed essentialē, aut necessariam connexionem cum eo, secundum hanc, & non secundum illam, ipsum vniat subiecto: exemplum vtriusque habemus in his propositionibus, homo est albus: homo est rationalis: nam in prima, prædicatum dicit actualem inhærentiam in subiecto, & secundum eam ei vnitur: in secunda verò, essentialē connexionem gradus rationalis, cum homine: abstrahentem ab actuali existentia: nam licet nullus sit homo in rerum natura, tamen verum est, hominem esse rationalem.

Circa consignificationem etiam temporis, & extremorum vnionem, duo consideramus in verbo. Primum, *Quid essentialē est ei*, nempe consignificare tempus, vniendo extrema. Secundum,

Secundum, *Quasi accidentale*; nempe consignificare tempus, & vnire extrema pro tempore significato: Itaque essentiale est verbo vnire extrema, consignificando tempus: sed ea vnire, pro determinata differentia temporis significata, solum est accidentale: & ideo ex natura extremorum, iudicandum est; an hoc efficiat verbum in propositione, vel non. Nam si apta sint pro ea differentia coniungi; ita coniunguntur: si verò non sint apta pro ea coniungi; suspendetur talis modus coniunctionis, & vniuntur simpliciter, absque tali determinatione, vel restrictione, & quidem extrema propositionum accidentalium vel modum accidentalem habentium, non necessariò, sed contingenter vniuntur: cum accidens, aut habens modum accidentis, possit vni, & non vni subiecto: quare non sunt apta vni; nisi pro determinata differentia temporis: & ideo in talibus propositionibus, verbum vnit extrema, pro determinata differentia temporis, quam consignificat: nempe pro tempore presenti, præterito, & futuro. Extrema verò propositionum necessariarum, dicunt naturalem connexionem cum verbo eodem modo se habentem semper: quare non petunt vni pro determinata differentia temporis, sed absolutè, & simpliciter, abstrahendo à qualibet differentia temporis: & ideo non vniuntur cum limitatione, vel restrictione ad aliquam differentiam temporis, sed secundum naturalem, & necessariam connexionem, abstrahentem ab illa. Vnit igitur verbum, in his propositionibus extrema, sed non coarctat vniorem, ad differentiam temporis, quam cõsignificat sed relinquit in propria natura, & conditione. Et hoc est *absolui à tempore*; hoc est etiam tales propositiones esse perpetuæ veritati: quemadmodum eorum connexio necessaria est, atque perpetua, & semper eodem modo se habens, nec à tempore vllò modo dependens. Igitur sat est explicatum; quomodo conueniat omni verbo, consignificare tempus, & semper ei conueniat: & quid sit absolui à tempore: & quomodo non repugnet semper consignificare tempus, & aliquando absolui à tempore.

Et ex hac doctrina soluta sunt argumēta, in principio posita. Nam ad primum; Distinguenda est minor. quia quædam sunt verba, quæ significant veram actionem; alia, quæ significant aliquid per modum actionis: vt substantiua; nempe existentiam rei: & cum existentia, significata per modum actionis: significetur ex consequenti per modum eius, quod mensuratur tempore; etiam verba substantiua consignificant tempus quod etiam habent in propositionibus necessariis, in quibus dicuntur

dicuntur absolui à tempore: quia non repugnat significare tempus, & absolui à tempore; vt explicatum est.

Ad secundum; Distinguendum est antecedens; quòd cœna, & prandium, significant actionem, per modum actionis: solum enim eam, significant materialiter; vt rem quandam; sicut cœtera nomina: & ideo non connotando, quòd tali tempore fiat: sed hoc quod est tali tempore fieri, ab extrinseco prouenit; ex hominum consuetudine; & non ex vi significationis eorum: quare non sufficit; vt dicantur significare cum tempore, vel consignificare tempus.

Q V Æ S T I O II.

An verbum sit vera pars propositionis.

Prima opinio, tenet *verbum non esse partem propositionis*: sed quasi partium ligamentum. Ita Sotus in 1. editione Summularum, & alij cum eo. & probatur primò, ex compositione domus: in qua ligna, & lapides, concurrunt tãquam partes: clauj verò quibus vniuntur ligna; & ligamentum, quo vniuntur lapides, non sunt partes; sed partium nexus: sed ita se habet verbum in propositione, cum sit copula per quam vniuntur partes: ergo non est pars propositionis.

Secundò, ex eisdem partibus componitur res quolibet; in quas absoluitur: sed propositio solum resoluitur in extrema quæ sunt subiectum, & prædicatum: ergo solum componitur ex subiecto, & prædicato; tanquam ex partibus: quare non verbum erit pars, cum nec sit subiectum, nec prædicatum. Probatur minor, ex Arist. 1. lib. de Priori resolutione, cap. 1. sic definiente terminum: *Terminus est extremum propositionis; in quod propositio resoluitur, tanquam in subiectum & prædicatum.*

2.3 Secunda opinio, de verbo saltem substantiuo, est, asserit, *non esse partem propositionis*: quia nullam actionem significat; quæ possit prædicari de subiecto: ita Villalpandus, & Suesenus cap. præsentis.

Tertia opinio, tenet, *verbum duo habere*. Primum; quod significet aliquam rem, in quo conuenit cum nomine. Secundum quòd vnit extrema: & ratione primi, est pars propositionis, ratione verò secundi, non est pars; sed nexus partium: ita tenent quidam moderni.

Communis sententia & vera, duo asserit. Primum, *Verbum esse partem propositionis; quasi materialem ratione rei significata.* Secundum, *Esse partem formalem; per proprium officium verbi; quod est vnire extrema.* Ita Porphy. Amonius, Boëtius, Albertus Magnus

Magnus, D. Tho. & Toletus cap. præfenti.

Vt autem utrumque explicamus, atque probemus simul: Notandum est duo habere Verbum. Primum, *Rem aliquam significare cum tempore*, nempe, actionem, vel aliquid per modum actionis, quod habet non solum in propositione, sed etiam extra illam: vt expressè docuit Arist. in fine præcedentis ca. Curro enim, significat actionem currendi cum tempore: & verbum substantivum, est, existentiam rei per modum actionis. Habet secundum; Quod est, *esse notam eorum, qua de altero prædicantur*, (vt verbis Aristot. utamur, quod non est aliud, quam esse signum compositionis prædicati cum subiecto: nam ita significat cum tempore: vt ea applicet subiecto: vnde hoc secundum, est quasi propria, & vltima differentia verbi, per quam constituitur in ratione formali, & essentiali verbi, quod non exercet, nisi in propositione; licet aptum semper sit, exercere talem actum. Grætia exempli, in hac propositione, homo currit, sic actionem currendi significat cum tempore; vt eam applicet homini. Et cum hæc applicatio, sit formalis, compositio prædicati cum subiecto; verum est, quod verbum continet, atque significat formalem compositionem prædicati cum subiecto. Itaque cursus, in eadem propositione est, qui componitur cum homine, & prædicatur de illo: sed verbum *curro* est, quod illum cum homine componit, quod illum de homine prædicat: cursus etiam est prædicatum; quod, sed verbum curro, est quasi prædicatum, quo cum sit ratio, & quasi forma enunciandi: & tandem cursus est quasi materiale prædicatum; verbum vero quasi formale. Et ideo D. Thom. asseruit, *Verbum non solum ratione rei significat, se tenere ex parte prædicati, cum de subiecto illa enuncietur, sed etiam ut est nota compositionis*: cum hoc modo sit quasi prædicatum formale: & ita ex utroque est prædicatum propositionis: ex primo quidem, quasi materiale, & vt quod cum res ab eo significata sit: quæ prædicatur: ex secundo, verò, quasi forma, & vt quo: cum sit signum compositionis, & prædicationis eiusdem prædicati cum subiecto.

Secundo; Notandum, duobus modis contingere *Verbum applicare subiecto rem à se significatam*. Vno modo, nudam quidem aut solam, dum propositio non habet aliud prædicatum, præter verbum. Quod patet in propositionibus de secunda adiacente; vt homo currit: in quibus solam actionem significatam componit verbum cum subiecto, vel eam de illo prædicat. Altero modo, nudam, aut solam, sed coniunctam alteri prædicato, & modificatam per illud; vt in propositionibus de tertio adiacente;

cente; ut Homo est albus, in quibus non solum esse, quod significatur per verbum, enunciatur, se coniunctum cum albedine: & ita sensus eiusdem propositionis est; homo est ens, affectum albedine: & primo modo, totale prædicatum est significatum verbis, secundo verò modo quasi parziale, sed utroque modo est prædicatum materiale, & verbum semper formale: quia semper significat, & facit compositionem prædicati cum subiecto.

Ex hac doctrina, colliguntur duo argumenta: quibus efficaciter probantur duo illa, quæ nostra sententia, & communis assentit. Primum argumentum probat, *Verbum, ratione rei à se significata, esse prædicatum propositionis materiale, & ut quod, & ex consequenti veram partem eius*: & est tale: Verbum significat actionem vel aliquid per modum actionis, sed hoc est, quod prædicatur de subiecto: nudum quidem, in propositionibus de secundo adiacente: vel coniunctum cum alio prædicato; ut in propositionibus de tertio adiacente: ergo verbum per rem à se significatam, semper est prædicatum totale, vel parziale propositionis: & proinde semper est pars propositionis.

Secundum arg. probat, *Verbum semper esse prædicatum propositionis formale, & ut quo: atque adeo, partem formalem eius: & procedi, hoc modo*: Propositio formaliter, est compositio prædicati cum subiecto: sed verbuni est signum formale huius compositionis, eam faciens; ergo est ratio formalis eius: & ideo formalis pars: sicut anima est pars formalis viventis, quod componit, tribuens ei esse tanquam vera eius forma. Verbum namque vnit de subiecto per rem à se significatam, & simul est signum formale, efficiens eandem unionem: & ideo est quasi forma, tribuens propositioni vitam, ea similitudine, qua anima tribuit corpori esse, & vivere, per informationem. Et veritas hæc ostendit deceptionem aliarum opinionum, quæ putant verbum solum esse materiale nexum propositionis, ita, ut solum materialiter uniat prædicatum cum subiecto: sicut lapides domus uniantur calce, vel ligna clauo: cum tamē hoc plene sit falsum, nam verbum sic vnit prædicatum subiecto, ut semper uniat rem à se significatam: ratione cuius, verum prædicatum propositionis est, veraque pars eius: sic etiam vnit; ut formale signum sit, eiusdem compositionis prædicati cum subiecto: & signum quidem non solum significatiuum, sed simul factiuum formaliter: quod est esse formam totius propositionis: & ideo partem formalem eius.

25 Et si dicatur, Prædicatum esse partem formalem propositionis. Respondeo; Comparatione subiecti, se habere tanquam formam: quia illud determinat, sed in ordine ad totam propositionem, tam subiectum, quam prædicatum, sunt partes mate

materiales; & forma totius propositionis, & earundem partium materialium, est verbum.

Ex his facile soluantur argumenta primæ opinionis. Nam ad primum, neganda est minor: quod verbum ita se habeat in propositione; sicut se habet ligamentum partium domus: non enim vnit prædicatum & subiectum materialiter; sed per modum formæ totius compositionis; vt explicatum est.

Ad secundum: neganda est etiam minor: quod propositio solum resoluitur in subiectum, & prædicatum; tanquam in partes: solum enim in hæc resoluitur, tanquam in extremas partes; quas ideo vocat Aristoteles terminos eius: quia terminus non quamlibet partem rei significat; sed extremam: & aliquando non partem, sed indiuisibile extremum: quod non est vera pars, vt patet in termino lineæ. Verbum igitur, vera pars formalis propositionis est, licet non sit extrema: quod intelligo in ratione formali verbi: nam per rem à se significatam, quam applicat subiecto, & de eo prædicat, etiam est extrema pars propositionis, cum sit prædicatum eius.

Q V Æ S T I O III.

An verbum infinitum possit collocari in propositione.

Quæstio hæc, vnum præsupponit, tanquam certum apud Arist. & omnes, videlicet *dari verbum infinitum extra propositionem*: quod docuit expressè Aristoteles, cap. præsentis; illud excludens à definitione verbi: & cum eo omnes interpretes. Sed quærit aliud, An verbum infinitum, non solum detur extra propositionem, sed etiam possit in propositione collocari.

Et est prima opinio, antiquorum Interpretum, Alberti Magni, & Boetii, in hoc capite: *non posse collocari in propositione*. Quod probatur duplici argu. Primo: Quia verbum fit infinitum, sicut nomen, per negationem, non negatè, sed infinitanter sumptà: ita vt vis eius vltèrius non transeat, sed nomen, aut verbum cui adiungitur, solum neget: at repugnat negationem adiungi verbo in propositione, nisi neganter sumptam: ergo repugnat infinitati verbum in propositione. Probatur minor, quia repugnat negationem adiungi verbo in propositione, quin propositio negetur: sed non potest esse propositio negatiua, nisi negatio adiuncta verbo sumatur neganter, vt per se est manifestum: ergo repugnat sumi infinitanter additam verbo in propositione: & ex consequenti, repugnat verbum infinitari.

Secundo:

Secundo : negatio infinitanter sumpta, negat omnino illud, cui adiungitur, licet vis eius ulterius non transeat : ergo adiuncta verbo, non solum negat significatum eius, sed proprium etiam officium verbi, quod est esse notam eorum, quæ de altero prædicantur : atqui negato officio verbi, redditur propositio negatiua : ergo non infinitatur verbum. Probatur cōsequentia : quia non potest esse negatiua propositio, nisi negatio eius neganter accipiat : Sumpta autem neganter non potest verbum infinitum reddere, sed negatiuum, vt patet in propositionibus negatiuis.

Secunda opinio tenet, non solum extra propositionem dari verbum infinitum, sed etiam in propositione : ita Ammonius, Suesanus. Toletus c. præsentis, Sotus, & Mercatus, i. lib. Sūmularū, c. 2. de verbo, & omnes moderni interpretes. Videnturq; nobis probabilior. Probatur primò duobus testimoniis Arist. nam c. præsentis, sic loquitur de verbo infinito : *Non valet autem, & non laborat; nō verbum dico: consignificat enim tēpus, & semper de aliquo est.* Quasi dicat, semper de aliquo prædicatur : sed nō potest prædicari, nisi in propositione : ergo sentit Arist. in propositione posse infinitari. Secundum testimonium habetur lib. i. posteriorum, c. 10. vbi hanc demonstrationem constituit Arist. in prima figura : *Stella non micantes, sunt prope nos : planeta non micant : ergo planeta sunt prope nos.* Quæ tamen vitiosus erit syllogismus, si negatio in minori sumatur neganter : nam tunc constitueret propositionem negatiuam : minore autem negatiua, viuua, vitiosus est syllogismus in prima figura : ergo necesse est infinitanter accipi ab Arist. ita vt sensus sit, planetæ sunt non micantes : & ita efficiet verbum infinitum in propositione. Probatur etiam ratione : quia verbum extra propositionem est infinitum : ergo negatio ei adiuncta, non accipitur neganter, sed infinitanter : vel ergo negat totum, quod habet verbum, nempe significatū eius, & officium copulæ, vel solum significatum : si primum dicatur, sequitur posse esse infinitum in propositione, licet totum, quod habet, negetur : & etiam sequitur, si dicatur secundum : quia si solum negetur significatum eius, non efficiet propositionem negatiuam : sed affirmatiuam de prædicato infinito : vt contingit in demonstratione Aristotelis adducta.

Vt autem veritas huius sententiæ hat manifesta, & facilius soluantur argumenta alterius, notandum est, Differentiā sententiæ vtriusq; in eo solum consistere : quòd prima asserit, *Ex duobus, quæ habet verbum*, nempe significare rem cū tempore, & esse notam eorum, quæ de altero prædicantur, *primum tantum ei conuenire extra propositionem : secundum verò non nisi in propo-*

sitione exerceri: & idè extra propositionem posse infinitari: quia potest negari totum, quod in eo statu habet: in propositione verò, non posse: quia non potest ei adiungi negatio, nisi negetur utrumque: negato autem utroque, propositio constituitur negatiua: & ideo negatio sumitur neganter, & non potest ipsum efficere infinitum.

Secunda verò opinio, quam sequimur: non putat necessarium, quod negatio adiuncto verbo in propositione neget utrumque: sed sicut extra propositionem ei adiuncta, potest negare solum significatum, non negata compositionis nota: ita in propositione potest illud solum negare: non negata eadem compositionis nota: & ita potest verbum infinitari, & constituere propositionem affirmatiuam, de prædicato infinito, & huius ratio est, quia duo illa distincta sunt in verbo: ergo potest negari primum, non negato secundo. Præterea, In eo, quod est re aliquam significare, conuenit verbum cum nomine: & idè quantum ad hoc, infinitari potest, per negationem, non tamen quantum ad notam compositionis: quia cum hæc limitetur ad hoc prædicatum, & hoc subiectum, siquidem verbum coniungit, necesse est coniunctione hac, seu compositione negata, totam propositionem negari: & ideo negationem neganter sumi: nõ enim datur mediũ in compositione ipsa, inter negatiuam: & affirmatiuam nec infinita esse potest propositio, vt propositio est formaliter: licet possit esse infinita, ex parte prædicati, aut ex parte subiecti.

Ad primum argu. neganda est minor: quod non possit negatio adiungi verbo in propositione, nisi neganter sumpta, aut nisi fiat eo ipso propositio negatiua: potest enim solum negare significatum verbi, non negata vnione eiusdem cum subiecto: vt sit extra propositionem: quia distincta est vtraque ratio in verbo: & ideo potest negatio cadere sub vna, & non sub alia, vt probatum est, in verbum.

Ad secundum: negandum est antecedens: quod necesse sit negationem alicui adiunctam, negare quidquid in eo est, sed negare potest in verbo rem significatam, vt negat in nomine, & in eodem verbo extra propositionem, non negata compositionis nota: quid enim prohibet, verbum infinitum extra propositionem existens, in propositione collocari, absque eo, quod vis negationis se extendat ad notam compositionis: nihil profecto: quia negatio infinitanter sumpta, eodem modo se habet in propositione, & extra illam necesse est: ergo fateri, verbum sicut extra propositionem, sic etiam in propositione, posse infinitari: vt tenet communis, & vera sententia.

CAPVT IIII.

De enunciatione.

TEX. ARIST.

Oratio autem est vox significatiua, cuius partium aliqua significatiua est separata, ut dictio: non ut affirmatio, vel negatio, &c.

Breuis expositio textus.



Ntendum huius capituli, est explicare naturam *Enunciationis*. Diuiditur autē in tres partes. In prima; Definit orationem, quæ genus enunciationis est: & eius definitionem exponit. In secunda; Definit enunciationem, & variis diuisionibus eam diuidit. In tertia; Incipit agere

de oppositione enunciationum.

Ut enunciationem definiat, prius definienda est oratio, quæ genus eius est. Sic autem definitur: *Oratio est vox significatiua, cuius partium aliqua significatiua est separata, ut dictio: non ut affirmatio, vel negatio.* Loco generis ponitur vox, per quam definitur oratio, tanquam per subiectum: sicut cetera accidentia in concreto, ut diximus cap. de nomine, per secundam particulam, excluduntur a definitione voces nihil significantes: & per tertiam, subintelligendam, nempe, *ad placitum*: excluduntur voces significantes naturaliter: quam non expressit Aristot. quia satis expressa, atque explicata fuerat cap. de nomine, per particulas verò sequentes, excluduntur nomen, & verbum: quorum partes separatae, vel nihil significant, vel non significant iuxta significationem totius. Cum tamen partes orationis, quæ sunt diuersa nomina, aut nomen, & verbum, separatae significant: ut patet de partibus huius orationis, homo albus. Sed addit Arist. nō significare, ut affirmationes, vel negationes: sed, ut dictiones tantum: quia quælibet pars orationis separata, nihil continet de esse, aut non esse, nisi ei adiungatur verbum.

Orationē iam definitam *duplicem esse* ait, in 2. par. cap. Vnam *Enunciativam*, quæ verum, aut falsum continet: & tales sunt orationes modi indicatiui: ut homo ambulat. Aliam *non enunciativam*, quæ nihil veri, aut falsi continet: ut orationes imperatiui, aut optatiui aliorum, & modorum. Enunciationem igitur ait, non esse orationem quālibet, sed eam tantum, quæ verum, aut falsum continet: & ideo sic definienda est: *Enunciatio est oratio, verum, vel falsum significans*, in qua definitione

insinuatur prima diuisione enunciationis: in veram & falsam. Vera enunciatio, est illa, quæ ita enunciat vnum de alio, sicut à parte rei se habent, vt homo est animal: falsa verò, quæ aliter enunciat, ac se habent à parte rei, vt animal est lapis.

Secunda diuisione est: *Enunciatio, alia est Vna, alia Multiplex.* 29 Vna est, quæ vnum significat, vt homo est albus: vel, cuius partes coniunctione vniuntur, vt Petrus currit, & Ioannes loquitur. Multiplex verò, quæ vel non significat vnā, vel terminis æquiucis constat: vel cuius partes non vniuntur aliqua coniunctione, vt Petrus loquitur, Ioannes ambulat.

Tertia diuisione est: *Enunciatio vna, alia est Simplex, vnum de vno enūciāns*, vt homo est albus: *alia Composita*: quæ plures simplices includit coniunctione vnitas: vt Petrus disputat, & Ioannes ambulat. Diuisione postrema est Enunciationis simplicis, in *affirmatiuam*, & *negatiuam*: quas species eius vocat. Arist.

Agit tandem de contradictione, seu oppositione inter enunciationes reperta, quam sic definit: *Oppositio enunciationum est, affirmatio, & negatio eiusdem predicati, de eodem subiecto.* Ad talem oppositionem, vnā saltem conditionem, omnino requisitam esse docet, nempe, quod vtraque enunciatio terminis vniucis constet: nam si aliquem terminum æquiucum habeant, erunt quidem eiusdem de eodem, non re, sed sola voce: & ideo sola etiam voce, & non re erunt oppositæ. Vt canis latrat, canis non iatrat.

QVÆSTIO I.

An in definitione orationis definiatur oratio in vniuersali, vt perfectam, & imperfectam, simplicem, & compositam comprehendit.

Prima opinio asserit, *Orationem non definiri in vniuersali, sed solam orationem perfectam, communem ad orationem modi indicatini, & aliorum.* Ita Albert. Mag. 1. lib. de Interpret. tract. de Orat. c. 1. & Philoponus cap. præsentis. Probant: Quia bona definitio debet dari per genus proximum: sed sola oratio perfecta, est proximum genus orationis: communis verò, ad perfectam, & imperfectam, est genus remotum: ergo per illam, & non per hanc definitur.

Secunda opinio: *Solam orationem simplicem* definiri docet: quia putat solam quoque enunciationem simplicem definiri, cuius genus pater non esse orationem in communi, sed solam simplicem. Ita Porphyr. & Aspasius, in hoc capite. Probant ex defini

definitione orationis, in qua dicitur, quod partes eius separatae per se sunt significatiuae, vt dictiones, non vt affirmationes: sed partes orationis compositae significant, vt affirmationes: vt patet in hac oratione composita, homo loquitur, & equus cuitrit: cuius vtraque pars est propositio affirmatiua: ergo oratio composita, non comprehenditur in hac definitione: sed sola simplex definitur.

Tertia opinio, est Boëtij, & D. Thom. in hoc loco, asserentium; Orationem in communi, definitam esse ab Arist: vt comprehendit *perfectam, & imperfectam; simplicem, & compositam*. Et hæc est vera, & tenenda. Probatur primò, aduersus primam opinionem, quod definiatur oratio vt communis ad perfectam, & imperfectam, ex definitione, quæ integra conuenit orationibus imperfectis: cū quælibet sit vox significatiua ad placitum, cuius partes separatae, per se sunt significatiuae, vt dictiones, non vt affirmationes: vt ostendit hæc, homo albus.

Probatur secundò aduersus secundam, quod definiatur oratio in communi ad simplicem, & compositam: quia orationem definitam, diuidit statim Aristotel. *in vram significatione, & in vnam constitutione*, hoc est in simplicem, & compositam: ergo vtramque comprehendit definitio.

Ad argum. primæ opinionis: Neganda est maior, quod bona definitio, necessario debeat dari per genus proximum: sed æquè bene, vel etiam melius potest dari per genus remotum: dummodo ponantur cum eo omnes differentiae, vsque ad ultimam, vt in prædicabilibus ostendimus. Bene enim definitur homo, si dicamus, esse substantiam, corporalem, viucentem, sensitiuam, & rationalem.

Ad secundum arg. Respondent D. Tho. & Alexander, in definitione ea solùm poni, quæ conueniunt definito, vt tali, non quæ sub alia ratione particulari possunt ei conuenire: vt in definitione animalis, ea solùm, quæ pertinent ad naturam sensitiuam, non alia, quæ possunt conuenire animali, in hac vel illa specie considerato, ratione alicuius differentiae. Et ita in definitione orationis ponuntur ea, quæ conueniunt ei in genere, nempe, vt oratio est abstrahens à simplici, & composita: ex quibus vnum est, quod partes eius non sint significatiuae, vt affirmationes, sed solùm, vt dictiones. Quod verò oratio aliqua, nempe composita, habeat partes significatiuas, vt affirmationes, non conuenit ei, vt est oratio, aut ex ratione generica orationis, quæ definitur, sed ex ratione specifica orationis compositae: vnde, hoc non contradicit definitioni, nec tollit, quin sub ea comprehendatur.

Q V Æ S T I O II.

An enunciatio sit ens reale; vel rationis.

Tria sunt consideranda in enunciatione, seu propositione. 31
 Primum; Voces ipsæ, scripturæ, aut conceptus. Secundum;
 Ordinatio eorum in propositione, secundum rationem prædi-
 cati, subiecti, & copulæ. Tertium; Actus intellectus per quem
 ordinantur, & ex eis sic ordinatis efficitur propositio. Et de pri-
 mo, & tertio, certum est, esse realia, & de quo nemo dubitavit:
 sed quia in his non consistit formalis ratio Enunciationis, sed
 solum materialis, tertium verò pertinet ad formalem rationem
 eius: certum etiam erit, quòd enūciatio materialiter accepta,
 & quasi pro fundamento, sit ens reale. Dubium verò, An enun-
 ciatio formaliter sit realis, vel ens rationis.

Prima opinio; Distinguit de *enunciatione vocali, scripta, atque
 mentali*: & de duabus primis, asserit formaliter esse ens rationis:
 sed de mentali docet formaliter esse ens reale. Ita tenent mo-
 derni quidam: & vtrumque probant hoc arg. Enunciatio vo-
 calis, & scripta, solum sunt reales ex parte vocum, & scriptura-
 rum, sed ex parte significationis, & veritatis, sunt entia ratio-
 nis, cum significatio earum, ex libera impositione hominum
 dependeat, quæ nihil reale in eis ponit. veritas etiam cum non
 sit in eis formaliter, sed solum tanquam in signo: ideo nihil ha-
 bent etiam reale, sed rationis: ad rationem autem formalem
 propositionis, non pertinent scripturæ, & voces, nisi vt signifi-
 catiur rerum, & veritatis in mente existentis: ergo propositio
 vocalis, & scripta, materialiter tantum est ens reale, formaliter
 verò ens rationis: Quòd verò mentalis sit ens reale forma-
 liter, probant: quia conceptus ex quibus fit, non solum sunt rea-
 les: sed significatio (quæ inest eis à natura) & veritas quoque
 reperitur in eis formaliter: ergo tam ex formali significatione,
 & veritate, in quibus consistit formalis ratio propositionis,
 quam ex materiali conceptuum, erit ens reale.

Hæc sententia quantum ad enunciationem vocalem, & scri-
 ptam, vera est: non tamen quantum ad mentalem, quod ita pro-
 bo: nam licet duo illa realia sint in conceptibus nempe signifi-
 catio, & veritas, ordinatio tamen in modum cōpositionis, præ-
 dicati, subiecti, & copulæ, non potest esse ens reale: quia nihil
 reale ponit in eis, sed sicut in vocibus, & scripturis, esse subie-
 ctum, & prædicatum, & propositionem, solum est relatio ratio-
 nis, quæ consequitur actum realem intellectus ea ordinantis:
 ita in conceptibus, quantumvis naturaliter significantibus, &
 forma

formalem rationem veritatis continentibus, solum est relatio rationis, esse ordinatas in ratione subiecti & prædicati, ac mentalis propositionis: quare non minus in his quam in scripturis, & vocibus ens rationis est, formalis ratio enunciationis. Quod verò de veritate reali conceptuum dicitur, (licet in opinione sit positum) tamen amittendū est: sed non sequitur ex eo, enunciationem mentalem formaliter esse ens reale: quia licet conceptus, eo ipso quod formantur ab intellectu, habeant veritatem realem simplicem: complexam tamen seu compositam non habent, nisi supposita ordinatione intellectus, & constitutione eorum in ratione prædicati, & subiecti, ac propositionis, quæ cum relationes tantum rationis sint, efficitur propositionem mentalem formaliter esse ens rationis.

Nostra igitur sententia est, non solum enunciationem vocalem & scriptam formaliter esse entia rationis, sed etiam mentalem absolute loquendo. Quia licet aliquid reale habeat, pertinens ad rationem formalem propositionis, nempe significationem, & veritatem: nihilominus vltimum, per quod constituitur enunciatio, in ratione formali enunciationis, est ens rationis nempe ordinatio conceptuum in ratione prædicati, & subiecti, atque compositionis ex his: & ideo absolute pronuntiandum est, enunciationem mentalem formaliter, esse ens rationis: & ex consequenti: omnes, & singulas enunciationes, esse entia rationis formaliter: & ex his solum est arg. opposita opinionis.

QVÆSTIO III.

An enunciatio quidditatiue sit definita ab Arist. per veritatem & falsitatem.

32 **A**rist. cap. præfenti definit enunciationem, per veritatem, & falsitatem: & ideo dubitamus, An veritas, & falsitas, pertineant ad essentiam enunciationis, & ideo talis definitio sit essentialis: vel potius sit accidens, aut propria passio eius, & ita accidentalis, aut descriptiva sit.

Et est prima opinio, quorundam modernorum, asserentium, Veritatem, & falsitatem pertinere ad essentiam enunciationis: & ideo essentialiter esse per eas definitam. Probatur hoc argum. Quia illa est differentia essentialis alicuius speciei, per quam à cæteris eiusdem generis distinguitur: sed enunciationem distinguit Arist. à cæteris orationibus non enunciativis, per significationem veri, & falsi: ergo veritas, & falsitas, sunt differentia essentialis eius, per quam separatur à cæteris speciebus orationis.

Secunda opinio tenet, *Essentiam enunciationis non consistere in significatione veri, aut falsi*, sed in eo quod est vnum de altero enuciare: veritatem verò, aut falsitatem, extra essentiam enunciationis esse, tanquam accidens, vel ad summum vt. propriam passionem, per quam descripsit eam Aristot. Ita Alexander, Ammonius, & Niphus cap. præsentis, & omnes ferè moderni; & nos etiam verum id existimamus esse, & doctrinæ Arist. valde consonum.

Probatur testimonio Arist. capit. de substantia in prædicamentis. Vbi docet, *eandem enunciationem, secundum speciem suscipere veritatem, & falsitatem, & mutari de vera in falsam ab extrinseco*, nempe ex mutatione rei ad extra. Vt hæc propositio, Petrus sedet, eadem numero permanens; vera nunc est, sedente Petro, stante verò fit falsa; & hanc mutationem ab extrinseco ei prouenire; & ideo suscipere contraria, sine sui mutatione: ex quo tale argum: colligo. Eadem propositio immutata permanet, sub veritate, & falsitate: ergo veritas, & falsitas; non est de essentia propositionis: aut enunciationis. Probatur consequentia: quia, si de essentia eius esset, non permaneret eadem, sed alia esset secundum speciem, & numerum vera, & falsa: quare ex mente Aristot. non pertinet ad essentiam enunciationis verum, aut falsum signifi. care.

Præterea Propositionem definiens Aristot. lib. 1. Priorum, cap. 1. ait, *esse orationem, qua aliquid de aliquo affirmat, aut negat*: & 1. lib. Post. cap. 2. asserit, *propositionem esse alteram partem enunciationis, in qua vnum de vno enunciatur, nulla facta mentione veri, aut falsi*: ergo sentit non in his, sed in eo, quod est enuciare vnum de altero, consistere essentiam eius. Probatur etiam ratione: Primò: Quia si veritas, & falsitas pertinent ad essentiam enunciationis: ergo enunciatio vera, & falsa, distinguuntur specie: sicut veritas ipsa, & falsitas, specie diuersæ sunt: sed differentia specierum essentielles, non pertinent ad essentiam generis, sed extra eam sunt; vt ex Arist. & Porphyrio adduximus, in tertio prædicabili: vt differentia rationalis, & irrationalis, non pertinent ad essentiam animalis; ergo verum, & falsum significare extra essentiam enunciationis in genere sumptæ esse debent: quare aliquid aliud de essentia eius erit, quod per verum & falsum contrahatur ad diuersas species: & hoc erit enuciare vnum de altero; quod aliud erit verum, aliud falsum.

Et si dixeris: Totum disiunctum, nempe verum, aut falsum, 33
pertinere ad essentiam enunciationis in genere: & alterutrum
corum per se, esse differentiam specificam: probatur hoc esse
falsum

falsum: quia totum disiunctum, componitur ex partibus oppositis: ergo non potest esse de essentia vnius, & eiusdem rei.

Secundò probatur eadem sententia: Quia enunciatio genus est, ad mentalem, vocalem, & scriptam: ergo conueniet eis vniuoce: sed veritas, & falsitas, non possunt eis vniuoce conuenire: ergo nec pertinere ad essentiam eius. Probat minor: quia in sola enunciatione mentali, reperiuntur formaliter, in vocali verò, & scripta, solum tanquam in signo: & ideo per attributionem ad mentalem: ergo conuenit eis analogicè.

Tertiò: Quia hæc causalis est vera: quia enunciatio enunciat vnum de altero est vera, aut falsa; Et hæc causalis est falsa: quia enunciatio est vera aut falsa: enunciat vnum de altero: ergo prius natura est, enunciationem enunciare vnum de altero: quam esse veram aut falsam: in illo: ergo consistit essentia eius, quam sequuntur verum, & falsum; vt proprium accidens. Et certè ita est: quod eo ipso quod intelligimus vnum enunciari de altero, intelligimus orationem enunciativam: quamuis nihil de vero aut falso intelligamus: ergo in eo solum consistit essentia enunciationis, hæc verò extra eam sunt.

Ad arg. alterius sententiæ; Distinguenda est maior, nam distinguui ab aliis speciebus eiusdem generis, dupliciter contingit. Primò distinctione specifica: & hoc modo non potest vnum distinguui ab alio, nisi per differentiam essentialem. Secundò non distinctione specifica: sed accidentali: & sic distinguuntur enunciatio vera, & falsa, non essentialiter. Voluit autem Arist. enunciationem definire cap. præsentis, per verum, & falsum, tanquam per accidentia eius nobis notiora: ex quibus innotesceret nobis essentia eiusdem enunciationis; in eo solum consistens, quod vno de altero enuncietur.

QVÆSTIO IV.

An enunciatio mentalis sit vna simplex qualitas.

DE sola enunciatione mentali quærimus; *An sit vna qualitas simplex*; vel composita potius ex multis simplicibus: non de vocali, & scripta, de quibus certum est, compositas esse ex multis vocibus simplicibus: aut scripturis. Circa mentalem verò, notandum est primò, quod si accipiat pro actu intellectus, quo apprehendimus res, aut de rebus apprehensis iudicamus, non est quid compositum, sed simplex. Nam iudicium intellectus, quo iudicamus veram esse hanc enunciationem, homo est albus; vnicus est, atque simplex actus intellectus: nec

propriè sumitur pro eo enunciatio mentalis ; ideo de hoc nou procedit quæstio ; sed de conceptibus ; quos format intellectus de rebus ipsis : quibus formatis , iudicat vnum conuenire alteri , & iudicando , componit vnum cum altero : & hæc cōpositio , & propositio mentalis , de qua inquirimus ; An sit vna qualitas simplex , vel non nisi ex multis composita.

Secundò notandum est : Sic se habere intellectum in formanda enuntiatione mentali ; vt primò apprehendat simplicia , per plures , ac simplices conceptus : deinde , ex his efficiat compositionem ; priusquam iudicet de conuenientia vnius respectu alterius : vel aliquando integram apprehensionem totius enuntiationis habeat ; ante iudicium : quia prius apprehendit compositionem integram , quàm iudicet ; de conuenientia prædicati cum subiecto : vt patet , dum audimus hanc propositionem ; altra sunt paria : quam integram apprehendimus ; aurequam iudicemus de veritate , aut falsitate eius : imò cum apprehensionem eius habeamus , nunquam habemus iudicium : quia nulla apparet ratio iudicandi veram esse potius quàm falsam. De propositione igitur mentali apprehensa , euidens est , non esse simplicem qualitatem : quare difficultas quæstionis reducitur , ad propositionem mentalem iudicatam ; *an sit simplex qualitas , vel composita*. Nam duobus modis possumus intelligere ; quòd intellectus iudicet veram esse hanc propositionem apprehensam ; homo est albus , ex tribus conceptibus compositam. Primò ita , vt iudicet conceptum simplicem albedinis conuenire conceptui simplici hominis : & tunc euidens est , propositionem mentalem iudicatam ; quæ est quasi terminus iudicii , non esse qualitatem simplicem ; sed compositam , sicut propositionem mentalem apprehensam. Alio modo potest se habere intellectus in iudicio ; non iudicando vnum conceptum simplicem conuenire alteri ; sed ex tota apprehensione composita , vel ex tribus conceptibus simplicibus , prædicati , subiecti , copulæ , formando quemdam alium distinctum ; per quem repræsententur significata totius compositionis ; nempe prædicati , subiecti , & copulæ : ita vt simul per vnum illum conceptum iudicet de veritate , aut falsitate totius compositionis ; eo modo , quo phantasia ex duplici specie montis , & auri , format tertiam quandam simplicem , repræsentantem montem aureum. Eo etiam modo , quo Angelus per vnum simplicem conceptum , intelligit integram compositionem à nobis factam. Si enim ita fiat , enuntiationo mentalis erit vnicus simplex cōceptus , & vna simplex qualitas ; per quam repræsententur prædicatum , subiectum , & copula.

Et

Et prima opinio tenet; Ita fieri: & ideo enūciationem mentalem iudicatam, esse vnam simplicem qualitatem. Ita Sotus 2. lib. Summulatum, cap. 5. Toletus 3. lib. de anima, quæst. 19. Probaturque hoc argum. *Intellectus*, cum sit potentia superior phantasia, habet eandem, aut maiorem virtutem componendi, quàm illa: sed phantasia ex duplici specie simplici diuersarum rerum, elicit vnam etiam simplicem repræsentantem, quidquid per duas illas repræsentabatur: ergo eandem habebit intellectus: & ita poterit sic iudicare de apprehensione composita, vel de conuenientia vnius conceptus simplicis cum altero, vt vnum conceptum eliciat repræsentantem, quidquid per vtrumque conceptum repræsentabatur, vel per totam compositionem apprehensam: & ita enunciatio iudicata, & repræsentata per vnum illum conceptum, erit vna simplex qualitas.

Secunda opinio tenet; Hoc esse impossibile: & omnino necessarium; *ut sicut intellectus apprehendit subiectum, prædicatum, & copulam propositionis; non per vnum; sed per plures conceptus: ita vnum attribuat alteri per iudicium: & per hanc attributionem, componat enunciationem iudicatam, ex eisdem simplicibus conceptibus, per apprehensionem formatis.* Et sic propositio mentalis iudicata, non sit vnus conceptus simplex neque vna simplex qualitas; sed composita ex multis conceptibus, & qualitibus simplicibus. Ita pater Gabriel Vazques tomo 2. 1. par. dif. 13. c. 13. Et videtur mihi vera sententia, & expressa apud D. Tho. 1. par. qu. 58. art. 4. ad 1. vbi de enunciatione mentali, sic loquitur: *Non qualiscunque multitudo intellectuum compositionem causat, sed multitudo illorum intellectuum quorum vnum attribuitur alteri.* Per multitudinem namque intellectuum; multitudinem conceptuum intelligit: ex quibus intellectum, componere ait, enunciationem mentalem iudicatam; per attributionem vnius ad alterum.

35 Probatur etiam ratione. Primò: Quia intellectus efficit enūciationem mentalem iudicatam; per attributionem vnius ad alterum; hoc est affirmando vnum de altero, vel negando illud de eo. Sed attribuere vnum alteri, ab eo diuerso; dicit multipliciter: ergo cum id quod attribuitur alteri in propositione mentali, sit conceptus attributus alteri conceptui; sicut in propositione vocali, est vna vox attributa alteri: sic propositio mentalis, non est minùs composita qualitas, quàm vocalis.

Secundò: Voces significant res mediis conceptibus: ergo propositio

propositio vocalis est signum propositionis mentalis: sed illa non est vna vox simplex; sed composita ex multis: ergo neque propositio mentalis erit vnus simplex conceptus; vel qualitas, sed ex multis conceptibus prædicati, subiecti, & copulæ composita. Quod præsertim verum est ac necessarium vbi prædicatum, & subiectum, sola ratione distinguuntur; vt in propositione identica: quam repugnat intellectum efficere; nisi ea distinguendo, quæ à parte rei non sunt distincta: hæc autem distinguere non potest; nisi per plures conceptus ea intelligat, & vnum eorum alteri attribuat: ergo repugnat talem enuntiationem mentalem, esse vnum simplicem conceptum, vel vnam simplicem qualitatem.

Ad arg. alterius sententiæ; Concessa maiore, distinguenda est minor. quia ex duplici conceptu simplici diuerso, elicere tertium etiam simplicem, repræsentantem plura, quæ repræsentabantur per illa; duobus modis intelligi potest. Primò, *per modum simplicis expressionis*; ita, vt vno illo conceptu exprimatur, quicquid per plures repræsentabatur. Secundò, *per attributionem, & compositionem vnius cum altero*. Et primo modo, fieri potest à phantasia, & intellectu nostro: sed secundo modo, fieri repugnat: quia componere vnum cum altero, dicit multipliciter conceptuum: & cum sic fieri debeat per iudicium, quo constituitur enuntiatio mentalis; non potest per vnum conceptum fieri; sed necessario per plures, ex quibus enuntiatio mentalis componatur: & propterea non potest esse enuntiatio mentalis conceptus simplex, aut simplex qualitas; sed composita ex pluribus conceptibus, & qualitativis. In Angelis verò, simplex conceptus, & simplex qualitas est: quia non iudicant componendo vnum cum altero; vel vnum alteri attribuendo: sed vno simplici conceptu exprimendo vtrumque. Modus autem iste, pugnat cum imperfectione nostri intellectus: non intelligentis nisi componendo & diuidendo.

Q V A E S T I O V.

An diuisio enuntiationis, in affirmatiuam, & negatiuam, sit generis in species, vel analogi in analogata.

PRima opinio est Alexandri; quem citat D. Tho. cap. præsentis, asserentis esse *diuisionem analogi, in analogata*. quam sequuntur etiam Philoponus, 1. lib. Poster. cap. 2. I. Aspasius, & Burana, 1. lib. Priorum, cap. 1. Probatúr hac ratione: Analogum est; quod de vno membro dicitur per prius; & de alio

alio per posterius : sed enunciatio dicitur per prius de affirmatiua, & per posterius de negatiua: ergo analogum est respectu earum: & ita diuisio erit analogi in analogata. Probatur minor. Primò ex Arist. cap. præsentis; vbi sic ait: *Est autem vna prima oratio enunciativa, affirmatio: deinde negatio.* Probatur etiam ratione: Quia affirmatio dicit compositionem, negatio diuisionem: compositio autem prior est diuisione. Præterea, affirmatio dicit formam positiuam, qua priuat negatio: forma verò prior est priuatione. Et tandem negatio cadit supra affirmationem: cum propositio negatiua non sit aliud, quam affirmatiua, addita negatione: illa igitur prior est posterior hæc.

Secunda opinio est Soti, 2. lib. Summularum, asserentis, *affirmationem & negationem esse diuersas qualitates enuntiationis*: & cum qualitas sit accidens; diuidetur enuntiatio in affirmatiuam, & negatiuam; tanquam subiectum in diuersa accidentia. Probatur hoc argu. Accidens est; quod potest adesse, & abesse subiecto, præter corruptionem eius: sed affirmatio, & negatio, ita se habent respectu enuntiationis: ergo sunt accidentia eius. Probatur minor: quia enuntiatio eadem permanens secundum essentiam, transit de affirmatiua in negatiuam; vt hæc eadem: Petrus currit, fit negatiua addita negatione Petrus non currit.

Tertia opinio est communis: quòd diuisio enuntiationis sit generis in species; ita Porphyrius, Ammonius, Boetius, Simplicius, D. Tho. Louanien. Suesan. Lemosius, & Tolet. cap. præsentis. Et hæc est probabilior, & tenenda.

Probatur primò: Quia essentia enuntiationis; vt superius probauimus, consistit in eo, quod attribuere vnum alteri; aut enunciare de illo: sed hoc fit per affirmationem, & negationem: ergo istæ sunt differentie essentielles, diuidentes enuntiationem. Erit ergo diuisio generis in species.

Secundò: Enunciatio affirmatiua, & negatiua, conueniunt in ratione communi enuntiationis; quæ de vtraque prædicatur: nam vera est hæc; Enunciatio affirmatiua, est enunciatio: est enunciatio negatiua, est enunciatio, est æquè vera quæ distinguuntur specie: ergo enunciatio est genus ad vtranque. Probatur minor: quia affirmatiua dicit vnionem, & compositionem prædicati cum subiecto; negatiua verò diuisionem & separationem ab illo: at isti sunt modi enunciandi, formaliter, & essentialiter diuersi; vt patet: ergo constituunt enuntiationes, formaliter, & essentialiter diuersas.

Ad arg. primæ opinionis; Distinguenda est maior: nam dici per

per prius de vno; & per posterius de altero; duobus modis contingit: vel *ratione predicati superioris, in quo conveniunt; vel ratione differentiarum per quas distinguuntur*, & primus modus tollit vniuocationem; & efficit analogiam: secundus verò nullo modo: cum in omnibus generibus reperiatur: in quibus semper datur vna species, prior aliis, propter minorem perfectionem suæ differentię: quod non impedit; quin natura generica ex sua parte, æqualiter, & vniuocè participetur ab omnibus speciebus. Et ita contingit in enuntiatione; cuius ratio ex parte sua æquè participatur ab affirmatiua, & negatiua; & non secundum prius & posterius: sed enuntiatio affirmatiua, propter maiorem perfectionem suæ differentię; prior est negatiua, vt asserit Arist. & probat argumentum: hoc tamen non tollit vniuocationem nec rationem genericam.

Ad arg. secundæ opinionis; Distinguenda est minor. quia propositio eadem permanens, solum materialiter; hoc est, secundum materiales terminos, transit de affirmatiua in negatiuam: non tamen eadem permanens formaliter, & essentialiter: sed diuersæ speciei fit, addita negatione; propter diuersum modum enunciandi; vt probauimus: quare affirmatio, & negatio, differentię essentielles sunt enunciationis, & non qualitates: nisi eo modo; quo differentię essentielles, dicuntur qualitates generis essentielles: quare nec sunt villo modo accidentia eius.

Q V Æ S T I O VI.

An diuisio enuntiationis in simplicem & compositam, sit generis in speciem? vel analogi in analogata.

Prima opinio tenet, vniuocam esse hanc diuisionem; & ideo generis in suas species. Ita Sotus 2. lib. Summularum, cap. 6. & alij. Probant primò: Quia enuntiatio simplex, & composita, conueniunt vniuocè in genere orationis: ergo etiam in genere enunciationis; quod est oratione inferius. Probatur consequentia: quia quæ conueniunt vniuocè sub genere superiori, necesse est etiam vniuocè conuenire, sub genere inferiori: vt si duo animalia conueniunt sub genere viuētis superiori; necesse est sub genere animalis viuētis inferiori, etiam vniuocè conuenire.

Secundò: Significare verum, aut falsum; vel est de essentia enunciationis; vel propria passio eius: sed enuntiatio simplex, & composita, conueniunt vniuocè in eo; quod est significare, verum, aut falsum: nam enuntiatio cōposita, simpliciter est vera,

est vera, aut falsa; sicut simplex: ergo cōueniunt etiam vniuocē in ratione cōmuni enūtiationis; tāquam species sub genere.

Secunda opinio quorundam modernorum; asserit diuisionem hanc esse, *Subiecti in accidentia*. Probatur hoc arg. Quod magis, & minus compositum; solum differunt ex hoc accidentaliter: vt paries à tota domo: & enuntiatio omnino simplex, ab ea, quæ componitur ex parte subiecti, ex alia simplici enuntiatione; vt hæc: *homo est albus*, est *propositio*: solum differt accidentaliter ab illa; *homo est albus*: quia magis composita est: sed enuntiatio composita; solum differt a simplici, penes magis, & minus compositum: quia simplex, solum componitur ex subiecto prædicato, & copula: composita verò, ex his quidem remotè; proximè verò ex multis enuntiationibus simplicibus: ergo solum distinguuntur accidentaliter.

Tertia opinio est communis: Quod hæc diuisio sit *analogi in analogata*. Ita Boëtius, Ammonius, Suesanus, Toletus c. præsent. D. Thom. opusc. 48. cap. 6. & moderni plures. Videturque nobis probabilior, & magis conformis doctrinæ Arist. qui enuntiationem simplicem vocauit vnam; propter vnum significatum: & ideo vnam simpliciter compositam verò vnam coniunctione; quod est, esse vnam secundum quid: & ideo secundum quid enuntiationem.

Probatur id ratione. Primò: quia ratio formalis enuntiationis; vt superius probauimus, consistit in enunciando vnum de altero: sed enuntiatio composita, non enunciat vnum de altero: quia non componitur proximè ex subiecto, & prædicato; sed solum dicitur enuntiatio ratione simplicium; ex quibus constat, coniunctione vnitis: & solum ratione earum significat veritatem, aut falsitatem: ergo ratio formalis enuntiationis; conuenit per se primò simplici; compositæ verò solum per participationem, & attributionem ad illam: quod est analogicè conuenire.

Secundò: Vna species non componitur formaliter ex altera licet materialiter componi non repugnet: sed composita enuntiatio, componitur ex simplicibus formaliter: hoc est, in quantum enunciant vnum de altero, & in quantum veritatem etiam simplicem habent: cum quolibet horum ab eis sublato non consistat enuntiatio composita: ergo non possunt esse species enuntiationis: sed erunt analogata eius, contra primam opinionem. Item probatur contra secundam, quod non differant solum accidentaliter: quia differunt per modum formalem, & essentialem: qui in simplici est enuntiativus, in composita verò, non: sed forma eius potius consistit in vniōne simplicium,

simplicium, aut enuncitiuarum: ergo differunt essentialiter: quare diuisio non potest esse subiecti in accidentia; sed erit analogi in analogata; vt probauimus aduersus secundam opinionem.

Ad cuius arg. Respondendum est. & ad primum; Concesso antecedente, neganda est consequentia. & ratio est: quia ratio enunciationis, est longè perfectior oratione: quam non potest per se attingere composita enunciatio; sed solum per participationem simplicis: quamuis per se, & simpliciter, possit attingere rationem orationis. Et licet simile exemplum, non facile inueniatur in entibus naturalibus; quia eorum natura, non est ita variabilis: inuenitur tamen in eisdem rebus artificialibus, ab intellectu factis: nam species, & indiuiduū vniuocè conueniunt sub genere relationis rationis, tanquam species eius: sub genere tamen inferiori, relationis prædicabilitatis, non conueniunt nisi analogicè: quia indiuiduum, non attingit perfectionem eius; cum non prædicetur, nisi improprie, de seipso. Itaque ratio inferior, adeò perfecta esse potest; & ratio superior, adeò imperfecta; vt non per se, aut non vniuocè eam possit participare: sed solum per attributionem, ad aliud membrum perfectius; cum quo in genere superiori, valde imperfectiori, vniuocè conueniebat: & hoc satis est, vt non sit bona consequentia ita arguentis: hæc duo conueniunt vniuocè in prædicato superiori; ergo etiam in prædicato inferiori.

Ad secundum: neganda est minor: quòd enunciatio simplex, & composita conueniant vniuocè in eo; quòd est verum, vel falsum significare: nam hoc solum conuenit compositæ per participationem simplicis: quare negandum est etiam, quòd sit vera, vel falsa simpliciter.

Ad arg. secundæ opinionis, neganda est etiam minor: quòd enunciatio simplex, & composita, solum differant penes magis & minus compositum; nam differunt per diuersos modos formales enunciationis: quia simplex habet modum formalem enunciandi; composita verò non habet per se modum enunciandi: vnde nec per se enunciat; sed solum per participationem simplicis: per se verò solum habet modum coniunctionis enunciatuarum: & ideo essentialiter sūt diuersæ.

CAPVT V. DE MODIS

oppositionum.

Capite quinto, agit Aristotel. de modis oppositionum, inter enunciationes repertis. Quod caput non à nobis exponen

exponendum: quia de oppositione propositionum, & modis omnibus eius, satis disputant Summulistæ, regulas eorum ex hoc capite, atque ex lib. 2. huius operis deducentes: quare non putamus necessarium hac in parte eas repetere.

CAPVT VI.

De oppositione, & veritate enunciationum
de futuro contingenti.

TEX. ARISTOTELIS.

*In his ergo quæ sunt, & quæ facta sunt, necesse est affirmationem,
& negationem veram esse, vel falsam, &c.*

Breuis expositio textus.

33



Intentum Arist. c. præsentis est, ostendere regulam propositionum contradictoriarum: quæ est talis: Si vna est vera, altera necessario debet esse falsa: non esse veram eodem modo in propositionibus singularibus, de futuro contingenti: quemadmodum vera est in propositionibus materiæ necessariæ, & remotæ, atque etiam in propositionibus contingentibus de subiecto vniuersali. Diuiditur autem c. hoc in duas partes, nam in prima proposita questione & soluta, duplici ratione probat propriam sententiam. In 2. verò, duplicem distinctionem necessarij: circa res & propositiones tradit.

Egerat Arist. cap. præcedenti, sub finem, de natura contradictionis, aut oppositionis in propositionibus repertæ: dixeratq; necessariam esse conditionem contradictoriarum enunciationum, vt si vna sit determinatè vera, altera determinatè sit falsa. Cap. verò præsentis, proponit hanc quæst. videlicet: *An hæc conditio contradictoriarum vera sit, non solum in propositionibus materiæ necessariæ, & remotæ, sed etiam materiæ contingentis.* Loquitur autem non de contingenti raro, quale est fodientem inuenire thesaurum: nec de contingente frequenter, quale est hominem noctu cubare: sed de contingente ad vtrumlibet: hoc est, ad vtramque partem, quod æquè potest esse, & non esse: vt Petrum peccare, vel honestè viuere.

Et præsupponit tanquam certum. Primò, veram esse regulam in omnibus propositionibus materiæ necessariæ, & remotæ, siue vniuersales sint, seu singulares: nam si deter-

M M

minatè

minatè verum est, Petrum esse hominem: determinatè est falsum, Petrum non esse hominem: & si determinatè verum est, omnem leonem non esse lapidem: determinatè est falsum, quòd aliquis leo sit lapis. Secundò præsupponit tanquam certum, veram quoque esse regulam in propositionibus contingentibus de subiecto vniuersali: nam si determinatè verum est, hominem esse album: determinatè est falsum, nullum hominem esse album. Tertium quoque certum esse ait: nempe eandem regulam esse veram in propositionibus contingentibus, de subiecto singulari, si sint de præsentì, aut præterito: nam si determinatè verum est, Petrum studiosè viuere, aut vixisse: determinatè est falsum, Petrum non studiosè viuere, aut vixisse. Nulla enim in his propositionibus potest esse indeterminatio, sed sicut determinatè verum est, quod fuit, & est ita: determinatè falsum erit, non fuisse, aut non esse. Solum ergo procedere quæstionem ait, de propositionibus singularibus, de futuro contingentì: *An una earum sit determinatè vera, & alia determinatè falsa.* Et ratio dubitandi est manifesta: quia causa contingens aut libera, non est determinata ad effectum futurum, sed potest se determinare, & potest se non determinare: & ideo quamdiu determinatio eius futura enunciat, per propositionem singularem de futuro, tamdiu quasi suspensa manet: & ideo veritas eiusdè propositionis indeterminata semper videtur.

Respondet autem Arist. In his propositionibus, determinatè verum esse totum disiunctum, ex ytraque contradictoria constans. Vt Petrus peccabit, aut non peccabit: nam peccare, aut non peccare, ita necessarium est, sicut esse, vel non esse: ergo ita determinatè verum. Sed vtramlibet contradictoriam per se sumptam, non esse determinatè veram, aut falsam, vt Petrus peccabit, atque etiam Petrus non peccabit. Quod probat duplici argum. ducente ad impossibile. Primo: Quia si determinatè essent veræ, nihil esset in rebus contingēs, sed omnia euenirent necessariò: vt si determinatè verum esset; Petrus hoc efficiet, aut illud studiosus, aut vitiosus erit; bellum erit futurum cras; vel non erit futurum, necessariò euenirent effectus isti: & ideo non possent non euenire: quare nihil esset in rebus contingens, quod est absurdum.

Secunda ratio: Quia si propositiones istæ singulares de futuro cōtingenti essent determinatè veræ, & omnes futuri effectus, necessariò euenirent, neque aliquis esset effectus contingens, non esset consultandum de rebus futuris, nec deliberandum: quare nec esset consilium, nec libertas: nā delibe-
ratio,

ratio, & consalratio, solum est de rebus contingentibus: quæ possunt esse, & non esse, de his enim quæ necessario futura sunt, ut de ortu solis crastino, nullus unquam sanæ mentis consulandum esse dixit. Tollere autem contingentiam, consilium, deliberationem, imò, & libertatem nostram, absurdum est: ergo non est dicendum propositiones singulares de futuro contingenti esse determinare veras, aut determinare falsas.

40 Explicat tandem duplicem distinctionem necessitatis rerum, & enunciationum. Prima talis est: *Quadam res sunt necessaria ex propria natura, ut eorum: alia vero, non nisi ex conditione temporis, quo mensurantur*: cum tamen ex propria natura contingentes sint, ut Petrum ambulare, dum ambulat, necessarium est, non ex propria natura, sed ex conditione temporis, quo mensuratur ambulatio eius: & hoc modo verum esse vniuersaliter ait, quod omnis res quando est, necessario fit: & omnis propositio pro tempore, quo vera est, necessario est vera, sed necessitatem primam simpliciter esse, talem affirmat: secundam vero, non nisi secundum quid: hoc est ab extrinseco, & ex suppositione temporis, in quo res est, vel in quo propositio vera est.

Secunda est distinctio necessarij: *Quadam sunt necessaria absolute*, id est sine comparatione ad aliud: ut hominem esse animatum. *Alia vero sunt ex comparatione ad suum oppositum*: ita, ut quod per se sumptum contingens est, sumptum cum suo opposito fit necessarium: ut contingens est hæc, Petrus ambulabit, at si sumatur eum sua opposita, necessarium facit totum, disiunctum, ut, Petrus ambulabit, aut non ambulabit. Et hunc etiam modum necessitatis extrinsecum esse ait, & secundum quid talem: cum tamen primus simpliciter sit talis, & ab intrinseco. Et hunc modum necessitatis, atque etiam secundum, primæ distinctionis, reperiri docet in enunciationibus singularibus contingentibus de presenti, præterito, & futuro: nam dum Petrus ambulat, necessarium est ex suppositione, ambulare: & etiam quod ambulauerit, supposito, quod ambulauit: & etiam est necessaria hæc de futuro, Petrus ambulabit, ex suppositione, quod ambulabit. Necessarium quoque est disiunctum hoc, Petrus ambulabit, vel non ambulabit: sed cum vtraque hac necessitate totius disiuncti, & etiam cuiuslibet partis per se sumptæ, ex suppositione temporis verum est, quamlibet per se sumptam esse contingentem, & indeterminatè veram.

QVÆSTIO VNICA.

An singulares enunciationes de futuro contingenti, habeant veritatem, aut falsitatem determinatam.

DE solis singularibus, & contingentibus procedit questio. Nam propositiones necessariae, atque etiam ex materia remota constantes, necessario veræ sunt, vel necessario falsæ: siue sint vniuersales, siue singulares: & ideo determinata est eorum veritas, aut falsitas: determinatè etiam veræ sunt contingentes de subiecto vniuersali; aut determinatè falsæ: vt *omnis homo ambulabit*; *nullus homo ambulabit*: & *homo ambulabit*; *homo non ambulabit*. Quia licet effectus futurus, atque contingens, in singulari possit esse; & non esse, vniuersaliter tamen verum est; quod causa contingens determinabitur ad operandum: imò necessaria est determinatio eius in singulari vago; licet sit omnino contingens in quolibet singulari determinato. Necessitate quidem morali: quia moraliter loquendo; hoc est, more humano, vel vt res humanæ solent euenire, necesse est; homines ambulare: & ideo determinatè vera hæc, *homo ambulabit*: & aliquis *homo ambulabit*; & determinatè falsa, *omnis homo ambulabit*; *nullus homo ambulabit*. In hoc enim sensu accipitur illud Christi apud Matthæum: *Necesse est, vt veniant scandala*. Certum quoque est, singulares propositiones contingentes de præsentia, & præterito, esse determinatè veras, vel falsas: imò necessarias, non quidem ab intrinseco; vel simpliciter, sed ab extrinseco, & ex suppositione temporis: vt iam fuit à nobis expositum. Solum ergo de singularibus de futuro contingenti questio esse potest: *An determinatam habeant veritatem, vel indeterminatam*: quia determinatio causæ futuræ, à qua pendet veritas eorum, quamdiu futura enunciat, indeterminata est: & ideo non videtur posse tribuere veritatem determinatam eisdem propositionibus.

Idè primò opinio asserit: *Nullam prorsus habere veritatem, aut falsitatem tales propositiones, sed neutras esse*: hoc est, nec veras, nec falsas. Ita Antonius Cordubensis, lib. 1. sui *Questionarij*, q. 57. dub. 2. Probatur: quia veritas, vel falsitas enunciationis sumitur, per conformitatem, aut difformitatem, ad rem significatam: sed res significata per hanc enunciationem: *Petrus peccabit*, non est in rerum natura, quamdiu enunciat, futura: ergo enunciatio ipsa non est ei conformis, nec deformis: quare non erit vera, neq; falsa, sed neutra, & certè si vera, aut falsa concedatur

cedatur sequitur simul esse veram, & falsam, quod repugnat. Probatur consequentia: quia cum res significata, indifferens sit ad essendum, & non essendum, & non magis ad vnum, quam ad alterum determinata, non est maior ratio, ob quam enunciatio sit vera; potius quam falsa: quare vel neutrum habebit, vel vtrumque: & hoc est impossibile: ergo illud necessarium, quod est esse neutram.

Secunda opinio: *Aliquam veritatem tribuit his enunciationibus, non quidem determinatam, sed confusam, aut indeterminatam: ita vt totum disiunctum ex vtraque contradictoria compositum, sit determinatè verum, ac necessarium, vt Petrus disputabit, vel non disputabit: sed vtraque earum per se sumpta indeterminatè, vera sit aut falsa, quod est dicere indifferenter esse ad veritatem, aut falsitatem: & ideo non esse actu veram, nec actu falsam, sed quasi in potentia, nondum determinata.* Ita Alber. Mag. i. lib. de interpretatione, tract. de oppositione, cap. 4. Cartherinus in opul. de veritate enunciationum, Louanien. & Tolet. cap. præsent. Et hæc videtur expressa sententia Aristotelis, qui eam probauit hac ratione: *Quod determinatè verum est, necessarium existimatur* ergo si enunciatio singularis de futuro contingenti, determinatè vera est, erit necessaria. Ex quo sequitur, futura omnia necessariò euenire. Probatur consequentia: quia si hæc est necessariò vera, Petrus disputabit, disputatio Petri, à qua sumit suam veritatem, erit necessariò futura, & non contingens: quare nulla relinquetur libertas, nec locum habebit consilium, aut deliberatio: quia de rebus necessariò futuris non deliberamus: nec dicuntur esse in nostra potestate necessaria, sed contingentia solum, quæ possunt euenire, & non euenire: sic, vel alio modo fieri.

Probatur secundò: Nam ab eo quod res est, vel non est, enunciatio dicitur vera, vel falsa: sed res significata per enunciationem singularem de futuro contingenti, ita est determinata; vt quamdiu futura est, & vt talis enunciat, nullum determinationem habeat: ergo nec propositio de futuro, eam enuncians determinatam habebit veritatem: sed indeterminata, atque indifferens semper erit ad veritatem, & falsitatem.

Tertia opinio, tenet, *Tales enunciations habere determinatam veritatem, aut falsitatem: sed contingentem.* Et hæc est vera, & valde cõformis fidei Catholicæ, quam tenet Scotus in 1. d. 3. quæ. 1. §. ad argumenta principalia, D. Bona. d. 38. art. 3. quæ. 1. ad 1. Richar. art. 1. quæst. 5. ad 1. Greg. q. 1. art. 2. Ocham. quæst. 1. ad principale, Gabriel quæst. 1. art. 1. notab. 7. Marf. quæ. 40. ad 3. Holcosh in 2. quæ. art. 7. Scotus in cap. 9. Epistolæ ad Rom. p. 5.

Pater Franciscus Suarius opusculi de absoluta scientia futurorum contingentium; cap. 2. nu. 8. P. Gabriel Vazques; tomo. 1. primæ patris; disp. 67. cap. 3. & iam fere omnes moderni nominant tempore.

Sed ut eam simul explicemus, & probemus, notandum est, *Quid sit determinata veritas*: nam ex hoc constabit; an tribuenda sit singularibus enuntiationibus de futuro contingenti. Determinata autem veritas, duo habere debet. Primum; *Quid sit distincta, & non confusa*: sicut confusa est ea, quæ reperitur in propositionibus æquiuocis; ut in hac; Canis mouetur: in qua non verificatur prædicatum de aliquo subiecto distinctè; sed confusa; & quasi suspensa manet veritas eius. Secundò requiritur; *Quid sit actualis*: quæ in ordine ad actuale significatum accipitur, nam si solum sit in potentia indifferenti; suspensa dicitur enuntiatio à veritate. Actuale autem significatum enuntiationis, illud dicitur; quod actu est in rerum natura, tempore significato per copulam eius: ita ut si enuntiatio sit de præsentis; actualem habeat veritatem, ac determinatam; si res significata existat tempore præsentis: & si sit de præterito; determinatè vera erit; si eius significatum aliquando fuit in rerum natura. Si verò sit enuntiatio de futuro, erit determinatè vera; si eius significatum aliquando futurum sit in rerum natura: ut hæc enuntiatio; Sol orietur cras, determinatè vera est hodie: quia significatum eius crastina die erit in rerum natura.

Secundò notandum est, *Propositionem de futuro; sicut de præterito, duplicem esse*. Vnam, quæ determinat aliquod tempus: ut hæc; Petrus disputabit cras. Aliam, quæ nullum determinat sed totum tempus futurum, quasi indefinitè significat: ut Petrus disputabit. Et ut determinatè vera sit prior; necesse est disputari nem Petri futuram esse die crastina: ut autem posterior; ita sicut, quòd aliquo tempore habitura sit esse actuale in rerum natura: ita ut verum sit tunc de præsentis enunciare Petrus disputat.

His suppositis: Probatur iam nostra sententia; Quòd propositiones singulares de futuro contingenti, sint determinatè veræ, aut falsæ: Ex ille Catholica quæ docet Deum ab æterno euidenter cognouisse veritatem earum: ex quo sequitur; eam habuisse ab æterno. Probatur cõsequentiā quia Deus non cognoscit futura esse; nisi quæ verè futura sit. Gratia exempli: Deus ab æterno cognouit hanc singularem de futuro cõtingenti, veram esse, Antichristus est peccaturus: ergo cognouit, quòd aliquan

aliquando erit vera de præsenti: sed propositio, quæ aliquando est vera de præsenti, semper fuit vera de futuro, & determinatè vera, cum aliquando sit de præsenti determinatè vera: ergo cognovit Deus ab æterno, determinatam veritatem eius de futuro: quod non potest esse, nisi eam habuerit. Alioqui cognovisset Deus tanquam futurum; id, quod futurum non est.

Probatur etiam ratione. Primò: Quia, si Petrus hodie disputat determinatè verum erit, de presenti enunciare, Petrus disputat: ergo etiam fuit determinatè verum, heri enunciare de futuro; Petrus disputabit. Probatur euidenter consequentia: quia veritas enunciationis de futuro, mensuratur per significatum eius: & determinata veritas, per determinationem eiusdem significati: sed disputatio præsens, habet nunc esse determinatum de præsenti: ergo habuit heri esse determinatum de futuro: & ideo enunciatio de futuro: quæ illud enunciabat, determinatam veritatem habuit; quam sicut heri habuit certum est ante mille annos habuisse.

Secundò; Determinata veritas enunciationis, sumitur ex significato eius determinato: sed significatum huius enunciationis; Petrus disputabit, habebit aliquando esse determinatum de præsenti: ergo habet modò esse determinatum de futuro: & ideo propositio, quæ illud de futuro enunciat, erit determinatè vera, cum eius significatum sit determinatè futurum. Probatur minor: quia disputatio Petri aliquando habebit esse actuale, atque distinctum extra causas.

Probatur tandem: Quia si propositiones istæ non habent determinatam veritatem: ergo nullo modo sint veræ, aut falsæ, nec erunt aliquando: hoc est, nec actu, nec potentia, quod est absurdum. Probatur consequentia: quia frustra est potentia, quæ nec reducitur, nec reduci potest ad actum: sed istæ enunciationes, nunquam erunt de futuro veræ: imò nec esse poterunt, si modò non sunt determinatè veræ: quia cum effectus præsens fuerit, iam non sunt veræ de futuro, sed de præsenti: ergo nec habent veritatem de futuro. determinatam actu, nec potentia: quod est nullo prorsus modo esse veras de futuro.

Ad arg. primæ opinionis; Distinguenda est minor, quòd significatum propositionis, singularis de futuro contingenti, non sit in rerum natura: quia licet non sit in differentia temporis præsentis, est tamen in differentia temporis futuri, significata per copulam, in qua habebit esse determinatum, & actuale, & in hoc sufficit; ut determinatè sit vera enunciatio,

de futuro: sicut, nec modò est in rerum natura significatum propositionis de præterito: sed quia in propria differentia temporis, habuit esse actuale, ac determinatum, sufficit, vt enunciatio de præterito, sit determinatè vera. Aliud verò, quod infertur, simul esse veram, & falsam, si determinatè vera concedatur: negandum est: quia ideo est determinatè vera, quia significatum eius habebit esse determinatum, tempore significato per copulam: quod licet possit non esse, cum sit contingens: erit tamen, & ideo propositio erit vera, non autem falsa: quia licet possit non esse, non est tamen verum, quòd non sit habiturum esse in propria differentia temporis. Itaque cum enunciatur futurum, & non solùm possibile, non satis est, quòd possit non esse; vt falsa sit propositio: sed requiritur; vt omnino non sit futurum: quod patet esse falsum: & ideo malè infertur, propositionem simul esse, veram, & falsam.

Pro solutione argum. secundæ opinionis, notandum est, *Effectum futurum duplicem esse, Necessarium, & contingentem.* Necessariò futurus est ille, qui non potest non esse futurus: quia per causam necessariam futurus est; vt ortus solis crastinus, necessariò futurus est: quia per causam necessariam, ac determinatam ad vnum. Contingenter verò futurus esse dicitur ille, qui tempore quidem futuro habiturus est esse, non minùs quàm effectus necessarius, contingenter tamen: ita vt possit non esse futurus: quia per causam sit liberam, aut contingentem: quæ sic cum producit in differentia temporis futuri; vt possit illum non producere: sic se ad operandum determinabit; vt possit se non determinare. Et cum veritas, aut falsitas enunciationis mensuretur per rem significatam, duplex est etiam enunciatio de futuro; vna *Necessaria*; vt Sol orietur cras. & alia *Contingens*; vt Petrus disputabit: & quidem vtraque determinatè vera, aut falsa: sed illa prior necessariò: quia ita est vera; vt non possit esse falsa: hæc verò posterior contingenter: quia ita est vera, vt possit esse falsa. Vnde sequitur: hanc non esse bonam consequentiam: Hæc enunciatio, Petrus disputabit, est determinatè vera: ergo necessaria; vel necessariò vera: nam ita est determinatè vera; vt contingens, & contingenter sit vera: quia sic est vera vt possit esse falsa: sicut effectus per eam significatus, sic est determinatè futurus; vt possit non esse futurus.

Ex hac doctrina soluitur argum. Arist. Cuius negandum est antecedens: quia non omne, quod futurum est, habebit esse per causam necessariam; siquidem habebunt plura per contingentem: & ideo nec sunt necessaria, nec necessariò futura, sed contingentia, & contingentur futura: & ex consequenti enunciationes,

tionem, per quas significantur, licet sint determinatè veræ, non tamen necessariæ, sed contingentes: quia sic sunt veræ, vt possint esse falsæ.

Pro solutione alterius; Aliud est notandum: in quo consistit deceptio huius opinionis: Nempe, *causam liberam, vel contingentem indeterminatam esse, atque indifferentem*: quia potest se determinare, & potest se non determinare. Certum tamen est, quod determinabit se: vel non se determinabit: & ideo, certum est etiam effectum eius futurum esse; vel non esse futurum: & si futurus est, potuisse non esse futurum, & si futurus non est, potuisse etiam esse futurum.

Gratia exempli: Voluntas Petri semper est indeterminata, & indifferens, ad disputandum, vel non disputandum, quousque se determinet crastino die, tali hora ad disputandum: & tunc cessabit indifferentia eius. Quare disputatio, determinata erit tali hora dici crastini: ita tamen vt potuerit non esse: sed sicut verum erit tunc de præsentia, esse determinatam contingenter. & potuisse non habere esse determinatum illa eadem hora: quia posset causa libera se non determinare: ita verum est hodie, quod habitura sit cras esse determinatum, contingenter tamen: quia verum est, potuisse non esse: & ideo est verum, quod disputatio habitura sit esse determinatum. Enunciatio igitur futura; Petrus disputabit die crastino, tali hora, non comparatur ad voluntatem eius; vt indeterminatam: sed vt se determinantem tali hora ad disputandum: nec significat disputationem; vt in potentia; vel vt in potestate voluntaris nondum determinatam: sed; vt determinatam, & habentem esse actuale; non præsens, sed futurum crastino die, tali hora: & ex hoc determinatam habet veritatem, non minùs quàm propositio de præsentia, eodè tempore, quo fit disputatio prolata: Petrus disputat. Quia sicut tunc habet disputatio esse determinatam de præsentia: Ita nunc habet esse determinatam de futuro. Et in hoc consistit deceptio secundæ opinionis: quia putat propositionem de futuro, comparari ad causam; vt indeterminatam tantum: cum tamen non comparetur ad eam; vt nunc indeterminatam: (licet verè nunc indeterminata sit): sed ad eandem; vt se determinantem tempore futuro, per copulam significato: ex quo determinatam habet veritatem enunciatio, licet contingentem: quia comparatur ad causam; vt se determinantem in futuro, contingenter tamen, iuxta propriam naturam: & ideo potentem se non determinare.

Ad formam igitur arg. Distinguenda est minor, quod res significata per enunciationem de futuro: quamdiu enunciatur

futura, nullam habeat determinationem: nam licet nullam habeat determinationem præsentem, habet tamen determinationem futuram, quam significat: & contingentem quidem, cum sic futura sit disputatio determinata; ut possit non esse: hoc enim non tollit futuram eius determinationem, sed ostendit esse contingentem: & ideo non tollit determinationem veritatem enunciationis de futuro, sed ostendit determinatam eius veritatem, non esse necessariam, sed contingentem.

Sed quid dicendum ad Arist. qui videtur sentire, *tales enunciationes non esse determinatè veras*. Respondeo, plures adhiberi solutiones à pluribus, quæ quidem non videntur ad mentem eius esse. Et ideo eas non refero. Alij verò quibus prædictæ solutiones non satis faciunt, asserunt ita sensisse Aristot. quòd *tales enunciationes non habeant determinatam veritatem*: sed errasse in hoc, aduersus fidem nostram, quæ cum ponat à Deo euidenter cognosci ab æterno, quasdam esse veras, & alias falsas, necesse est concedere, determinatè veras esse, aut falsas: quia quòd Deus cognoscit futurum esse, determinatè futurum est, licet contingens. Quare non est audiendus in hac parte Aristot. Ego verò credere non possum Aristotelem errasse: quia certum est cognouisse eum libertatem nostræ voluntatis, & contingentiam aliarum causarum: quæ sunt duæ radices totius contingentiae futurorum effectuum, quos enunciationes singulares de futuro contingenti enunciant. Et cum cognouerit eisdem effectus, habituros esse determinationem actualem, licet contingentem, tempore futuro per copulam earum significato, impossibile est eundem non intellexisse, quòd tales enunciationes habeant determinatam veritatem licet contingentem.

In eo igitur sensu, determinatam veritatem eis denegauit: in quo eam concessit enunciationibus materiæ necessariæ, & remotæ: atque etiam contingentibus de subiecto vniuersali: imò & singularibus de præsentī, & præterito, atque etiam toti diiuncto, ex vtraque contradictoria singulari de futuro constanti, quale est hoc, Petrus disputabit, vel non disputabit. His autem omnibus concessit veritatem determinatam, sumptam pro necessaria, quam negauit singularibus de futuro contingentī: non tamen eis denegauit determinatam veritatem contingentem. Itaque sensus eius fuit: Regulam contradictionis, quod ex duabus contradictoriis, vna determinatè est vera, & alia determinatè falsa, id est, vna necessariò est vera, alia necessariò est falsa, in omnibus enunciationibus cuiuscunque materiæ esse veram.

veram, exceptis singularibus de futuro contingenti, in quibus solis deficit: quia neutra per se sumpta est determinatè vera, id est, non est necessariò vera, sed contingenter vera sunt vel falsa: & ob id, non est de illis humana scientia: hanc nihilòminus veritatem contingentem, determinatam habent propter determinationem contingentem effectus tempore futuro, per copulam earum significato. Quòd autem iste fuerit sensus eius: ex duobus ostendo.

Primò ex argumentis quibus id probauit: in quibus arguit à determinata veritate ad necessariam. Et ex determinata veritate harum enunciationum infert, tolli consiliu. n. & deliberationem: esset autem friuolum argumentum, nisi determinationem veritatis pro necessitate acciperet.

Secundò, ex his verbis, quibus apertè eundem sensum significauit: *Sed & in contrarietate eadem ratio est, esse quidem, vel non esse oratio, necesse est, & futurum esse, vel non.* Non tamen diuidentem dicere alterum necessarium. Dico autem, vt necesse est: Futurum esse bellum nauale cras, vel non futurum esse, non tamen cras fieri bellis nauale necesse est, neque non fieri: fieri tamen, vel non fieri necesse est. Et in hoc sensu explicant Aristote. Rich. in 1. distinctione 38. arti. 1. quæst. 5. ad 1. & Maior ibidem, quæst. 1.

*Breue dubium, an effectus contingens quando
est, sit necessarius; vel adhuc
contingens.*

Non parum iuuabit, ad meliùs intelligendum præcedentem quæstionem determinatio huius dubij, ex qua etiam explicabitur vniuersalis illa propositio Aristotelis, frequenter in hac materia repetita nempe, *Omne quod est, quando est, necesse est, esse.* Quæ si vera sit, sequitur ex ea futurum contingens, dum iam est in rerum natura, non esse contingens; sed necessarium. Quod etiam sic probo. nam causa libera priusquam se determinet ad operandum, indeterminata & contingens est, sed dum de præsentì operatur, cessat iam indeterminatio: ergo cessat contingentia eius: & ex consequenti cessabit contingentia effectus. & erit necessarius.

Dubium hoc hac distinctione soluendum est: *Necessarium dupliciter sumitur. Primò, Ex propria natura, & hoc dicitur* necessa

necessarium simpliciter; ut ortus solis: quia ita est; ut non possit non esse, propter necessitatem suæ causæ. Secundò, dicitur aliquid necessarium, non ex propria natura, sed *Ab extrinseco*: ut ex determinatione temporis in quo producitur extra causas; licet à causa contingente fiat. Quo supposito dicimus, *Effectum contingentem, dum iam est; adhuc esse contingentem simpliciter; sed necessarium solum ab extrinseco; ex determinatione temporis.*

Probatum primum: Quia causa libera, liberè se determinat ad operandum: ergo ita se determinat; ut possit se non determinare: & consequenter ita operatur; ut possit non operari: quare dum operatur, non necessariò; sed liberè, & contingenter operatur: & ideo operatio ipsa, aut effectus etiam dum fit, vel præsens est; contingenter procedit à sua causa; & contingens esse habet simpliciter. Probatum secundum, quòd sit necessarium ex suppositione: quia supposito quod iam habet esse, non potest non esse: alioqui simul posset esse, & non esse: quod repugnat. Et in hoc sensu intelligitur propositio Arist. *Omne quòd est, quando est, necesse est esse*: quasi dicat ex suppositione temporis, in quo præsens est; non potest non esse: & hoc tantum probat argumentum factum: quia licet per determinationem causæ liberæ ad operandum, cesseret indeterminatio, atque indifferentia eius: liberè tamen cessat; & ideo liber semper est effectus, atque contingens ex propria natura; etiam tum, quando præsens est: licet ex suppositione præsentia litatis sit necessarius; ab extrinseco, & ex suppositione.

In secundo libro huius operis; solum agit Aristoteles, de enunciationibus modalibus; & oppositione earum: de quibus copiose in Summulis differitur: & cum ex hoc libro desumpta sint; quæ à Summulistis repetuntur, & inculcantur, non iudicamus necessarium, ea nunc repetere, nec capita huius libri exponere; cum iam sit tota eorum doctrina ab adolescentibus satis intellecta: sed ad libros de Priori resolutione procedendum esse.

Finis huius operis.

COM

COMMENTARI
IN LIB. ARISTOT. DE
PRIORI ANALYSE, SEV
Resolutione.

PROOEMIUM HVIVS OPERIS.



Pus hoc initium est tertiae partis Dialecticae, in quo Arist. incipit agere de tertia operatione intellectus; ad quam pertinet syllogismus. Inscríbítur autem de priori resolutione: & Resolutio Logica, siue intellectualis; de qua intelligitur inscriptio, non est dissolutio syllogismi; sicut materialis, & physica resolutio rei, est eius dissolutio: sed est, quasi examinatio partium, ex quibus syllogismus: qui est instrumentum Dialecticae, constare debet. Finis quoque resolutionis est; perfectio eiusdem syllogismi: quae nota debet esse, ex modo ipso resolutionis, aut examinationis eius componente; ut vim habere possit ad inveniendam, ac probandam veritatem: ut copiosius explicabimus in prooemio librorum de posteriori resolutione.

De inscriptione huius operis.

Sed cur de priori resolutione inscribantur, non satis constat, complures quippe dicunt; ideo de priori dici hos libros, sequentes verò de posteriori resolutione, quia in his agitur de forma syllogismi; in sequentibus de materia. Hæc tamen ratio insufficiens est: quia licet verum sit, in his libris agi de syllogismo, secundum formam: falsum tamen, quod in sequentibus solum agatur de eodem, secundum materiam: quia si verum hoc esset; demonstratio non distingueretur à syllogismo in communi: nec è syllogismo topico, & sophistico; nisi per materiam: quod est aperte falsum: nam ex eo sequeretur; nec demonstrationem esse speciem syllogismi, nec distingui specie à syllogismis Dialecticis, & sophisticis. Probarur euidenter consequentia: quia à materia non sumitur differentia essentialis constituens speciem; & distinguens eam ab aliis; sed à forma. Propterea dicendum est: hos libros appellari de resolutione priori; sequentes verò de resolutione poste-

posteriori: quia in his agitur de forma syllogismi communi atque generica; quæ sumitur ex dispositione eius in figura, & modo: & quam constat communem esse omnibus syllogismis. In lib. verò sequentibus, agitur de forma speciali; nempe, de modo concludendi necessariò vnâ veritatem de altera; per quem constituitur demonstratio in specie syllogismi, & distinguitur ab aliis: vt etiam explicatur copiosius in præmio operis sequentis. Forma autem communis, atque generica, prior est, & notior nobis: ideo de priori resolutione meritò inscribuntur libri isti.

Quodnam sit obiectum huius operis.

Prima opinio asserit; *Demonstrationem esse subiectum*: quia ex his, & sequentibus lib. vnum opus efficitur; cuius scopus est demonstratio; tanquam finis, in quem proximè ordinatur. Vnde Arist. cap. 1. huius lib. proponens intentum huius operis asserit esse, de *Demonstratione, & disciplina demonstrationis disputare.*

Secunda opinio: *Opus hoc à sequenti distinguit; & ideo negat demonstrationem esse obiectum*: sed neque asserit syllogismum esse adæquatum obiectum; verum argumentationem in communi: quia Arist. non de solo syllogismo agit, sed etiam de aliis argumentationibus: vt de inductione, enthymemate, & exemplo: quare aliquid his commune, debet esse obiectum huius operis.

Nostratamen sententia, & magis communis inter expositores huius loci est; supposita distinctione huius operis, à sequenti; necessariò admittenda; cum diuersa sint ea, de quibus in vtroque agitur: *Solum syllogismum in communi esse adæquatum obiectum eius.* Quia vel nihil de cæteris argumentationibus agit in ea Arist. vel si agit aliquid; solum, vt deferuire possunt syllogismo. Id ipsum ratione probatur: Quia adæquatum obiectum scientiæ alicuius est; cuius partes ex professo explicat scientia, cuius definitionem tradit, cuius passionibus probat: sed in hoc opere traduntur partes syllogismi, assignatur definitio eius, & passionibus probantur, vt in 1. & 2. lib. est manifestum: ergo syllogismus est obiectum huius partis adæquatum. Quod verò Arist. dicit; propositum sibi esse, agere de demonstratione: solum probat; quòd libri sequentes, quasi finis sint; in quem ordinatur opus hoc: de quo sine patet, non agi in hoc opere: & ideo neque ad eius obiectum pertinet.

Diuisio totius operis.

3 **I**N duos libros, aut partes diuiditur opus hoc. In quorum primo de syllogismo, & partibus eius agit Arist. In secundo de eius proprietatibus, seu passionibus: quas potestates seu potentias, & impotentias vocat Aristoteles.

Primus autem hic liber, diuiditur in tres partes. In prima quæ præmij rationem habet, proponit Aristot. materiam totius operis syllogismumque, & partes eius (quæ sunt propositio, & terminus) definit. In secunda agit de conuersionibus propositionum. In tertia, de figuris, & modis syllogismorum: & de his, quæ ad easdem figuras pertinent.

CAPVT I.

TEX. ARISTOTELIS.

Primum dicere circa quid, & cuius sit consideratio; quoniam circa demonstrationem.

Breuis expositio textus.



CAPVT hoc quasi præmij est totius operis; in quo Arist. intendit proponere finem eius in quem ordinetur, atque etiam ea, de quibus in eo acturus est. Diuiditur in duas partes. In quarum prima; proposito fine, proponit ea de quibus agendum est: nempe, propositionem, terminum, syllogismum perfectum, & imperfectum: & singula hæc definit: ac item diuidit; quæ multiplicia sunt: nempe, propositionem, & syllogismum.

Finem huius operis, asserit esse demonstrationem: quæ cum sit potissimum instrumentum Dialecticæ; ad illam ordinantur omnia; remotè quidem simplicia; proximè verò propositiones, & forma syllogistica: de qua in hoc opere agendum est. Forma hæc, eo fere modo; quo genus, ordinatur ad constituendam potissimam eius speciem.

Definit ergo primò propositionem: quia notior nobis erat; cum de ea iam egerit in lib. de Interpretatione. & definitio eius talis est: *Propositio est oratio affirmatiua, vel negatiua, alicuius de aliquo.* In qua pro genere ponitur oratio; quæ secundum se nihil affirmat, aut negat. Contrahitur autem, per affirmationem, & negationem; tanquam per differentias essentielles: vt 1. lib. de Interpretatione diximus: & per has definitur potius;

potius; quàm per verum, vel falsum: quia in ordine ad syllogismum; ad quem proximè ordinatur, nihil refert; quòd vera sit, vel falsa: cùm forma syllogistica, tam in falsis quàm in veris propositionibus consistere possit: sed necesse est, affirmatiuam esse, aut negatiuam; vt syllogismo deseruiat.

Diuidit eandem propositionem, duplici diuisione. Prima est, in *Vniuersalem*, *Particularem*, & *Indefinitam*. *Vniuersalis*, illa est, cuius subiectum pro omnibus inferioribus sub se contentis, distribuitur: vt omnis homo est animal. *Particularis*, cuius subiectum afficitur signo particulari: vt aliquis homo est animal. *Indefinita*; cuius subiectum est terminus communis, nullo signo effectus; vt homo est animal. De propositione singulari non facit mentionem; quia non pertinet per se ad artem, vel scientiam, nec ad formam syllogisticam.

Secunda diuisio propositionis est, in *Dialecticam*; & *Demonstratiuam*. *Dialectica*; est probabilis, ex qua efficitur probabilis syllogismus: sed quæ formam habet interrogationis, in eo qui interrogat: in eo verò, qui syllogismum constituit; solum est simplex propositio probabilis: vt si dicas; Putasne, animal rationale, est definitio hominis? modum habet interrogationis. Si verò interrogationem auferas, habet modum simplicis propositionis; ex qua fit syllogismus. Alia est propositio *Demonstratiua*; quæ vera debet esse, ac necessaria: & ex vtraque potest fieri syllogismus: & ideo propositio syllogistica, vtrique communis est.

Definit deinde terminum, tali definitione: *Terminus voco in quem resoluitur propositio; vt in predicatum, & de quo predicatur: vt homo, & animal.*

Definit tandem syllogismum, hac definitione: *Syllogismus est oratio; in qua positis quibusdam, alterum quid, à positis, necesse est contingere; eo quòd hæc sint.* In qua definitione, *Oratio*, ponitur pro genere: quia communis est ad omnes argumentationes; cum quibus in ea conuenit syllogismus: *In qua quibusdam positus*; hoc est, duabus præmissis; dispositis in modo, & figura: vt distinguatur ab exemplo; quòd ex vna tantum singulari, colligit aliam: ab enthymemate; quod ex vna tantum procedit; quasi supprimens aliam; atque etiam ab inductione; quæ licet ex multis singularibus colligat vniuersalem; non tamen dispositis in modo, & figura; sed solum numeratis. Addit autem; *eo quòd hæc sunt; vt explicet conclusionem syllogismi, sequi ex virtute præmissarum, sic dispositarum; absque aliquo extrinseco additamento.*

Diuidit.

Diuidit syllogismum, in perfectum, & imperfectum. Perfectum esse ait, qui nullo indiget, vt appareat necessarius: & tales sunt syllogismi primæ figuræ; Imperfectum vero, qui reductione quadam indiget, ad perfectum, vt appareat necessarius.

Principia tandem per se nota, quibus innititur tota ars syllogistica, duo esse docet, nempe: *Dici de omni*, cui innituntur syllogismi affirmatiui: & *Dici de nullo*, cui innituntur negatiui. Et *dici de omni*, sic explicat, quando nihil est sumere sub subiecto, de quo non dicatur prædicatum: sed minor propositio sumitur sub maiori, quia subiectum eius continetur sub subiecto eiusdem maioris: ergo euidens est, quòd si prædicatum maioris dicitur de subiecto, dicentur etiam de omni contento sub illo: quod colligitur in conclusione: vt ostendit hic syllogismus, Omne animal est substantia: omnis homo est animal: ergo omnis homo est substantia: in cuius conclusione, prædicatum maioris, quod dicitur maior extremitas, prædicatur de subiecto minoris, quod dicitur extremitas minor, & continetur sub subiecto eiusdem minoris. *Dici autem de nullo*, tale est, Si prædicatum maioris negatur de subiecto minoris, negabitur etiam de quolibet contento sub eo; & hoc fit in conclusione; vt si dicamus, Nul- lum animal est lapis: omnis homo est animal: ergo nullus homo est lapis. Euidens est enim, quòd si lapis negatur de omni animali in maiori, negatur etiam de omni homine, in conclusione, quod sub eo assumptum fuit in minori. His autem duobus principiis, *Dici de omni*, & *Dici de nullo*, non indiget syllogismus perfectus, vt appareat necessarius: sed vt appareat, quibus efficacia eius innitatur: & ideo necesse est, vt sciamus eam probare per illa, vt certi simus de ea. Nam si quis eam probare nesciat, quòd est reducere formam syllogisticam ad sua principia indemonstrabilia, non habet scientiam de efficacia eius. Et ideo hæc principia dicuntur, *Dici de omni*, & *de nullo prioristice*: quia in posterioribus sumuntur secundum veritatem, ac necessitatem propositionum: & dicuntur *posterioristica*, quibus innititur tota ars demonstratoria.

CAPVT II.

TEX. ARISTOTELIS.

Quoniam verò omnis propositio est, aut inesse, aut necessario inesse, aut contingenter inesse.

Breuis expositio textus.



Intentum Aristo. est explicare modum, quo propositiones de inesse conuertantur. Diuiditur autem in duas partes; In prima, diuidit propositionem, in eam, quam vocat de inesse, & aliam, quæ vocatur *Modalis*. In secunda, docet, quonam modo conuertantur propositiones de inesse: nam de conuersione modalium agit cap. sequenti.

Diuisio est hæc: *Propositio, alia est*, in qua simpliciter prædicatur vnum de altero: aut negatur de illo, absque modo aliquo necessario, aut contingenti adiuncto. & hæc vocatur *propositio de inesse*: quia prædicatum dicitur de subiecto, secundum esse, quod habet in eo, non secundum hunc vel illum modum, quo ei conuenit, videlicet secundum modum necessitatis, aut contingentie: vt homo est animal. *Alia est propositio modalis*: in qua prædicatum dicitur, vel negatur de subiecto, cum aliquo modo necessitatis, aut contingentie adiuncto: vt homo necessario est animal: paries contingenter est albus. Acturus igitur Arist. de conuersione propositionum, prius agit de conuersione propositionum de inesse, capite præsentis, quam de conuersione modalis: quia propositio de inesse, prior est, & quasi fundamentum modalis.

Propositio de inesse quadruplex est. *Vniuersalis negatiua*, *Vniuersalis affirmatiua*: *Particularis affirmatiua*, & *Particularis negatiua*: quam hoc modo diuidit, quia diuersum modum conuersionis habent affirmatiua, & negatiua: *Indefinita* verò, eundem modum conuersionis habet, ac particularis.

Quatuor igitur assignat regulas, pro conuersione harum quatuor propositionum. Primam, pro conuersione *Vniuersalis negatiue*, quam dicit conuerti in seipsam: vt nullus homo est animal, in hanc, nullum animal est homo. Secundam; pro *Vniuersali affirmatiua*, quam dicit, non conuerti in seipsam, hoc est, non in aliam vniuersalem, sed in partem, hoc est, in particularem: vt Omnis homo est animal, in hanc, Aliquod animal est homo. Tertiam, pro *Particulari affirmatiua*, quam dicit conuerti in seipsam

ipsam: vt aliquis homo est animal: ergo aliquod animal est homo. Vltimam regulam, pro conuersione *Particularis negatiue*, quam dicit nullo modo conuerti. Vt hæc propositio; Aliquod animal non est homo: non conuertitur in hanc; Aliquis homo non est animal.

Notabile circa literam.

9 **Q**uædam sunt notanda circa hoc cap. vt melius intelligatur doctrina Aristo. primum, *Quid conuersio sit?* Et licet à pluribus sic definiatur, Conuersio propositionis est, *Transmutatio prædicati in subiectum*: tamen insufficiens est hæc definitio: quia conuersio, argumentatio quædam est, ab vnâ propositione, in alteram, per transmutationem extremorum: & bona conuersio illa debet appellari, quæ bona consequentia est: quia in ea, repugnat dari antecedens verum, & consequens falsum. Mala verò, in qua id dari potest. Ita ergo definienda est: Conuersio propositionis est, *Argumentatio, in qua per transmutationem prædicati in subiectum, colligimus vnâ propositionem ex altera*, vt si sic dicamus, Nullus homo est animal: ergo nullum animal est homo. Transmutatio autem extremorum, sic debet fieri in conuersione, vt non solum non varientur termini, sed nec significatio eorum, nec suppositio, nec distributio.

Secundum notabile.

10 **S**ecundò notandum est: *Duplicem esse conuersionem*: Vna est, *Quæ fit per simplicem transmutationem extremorum*: Alia, *Quæ fit per contrapositionem eorum*: & prima, satis per se est manifesta. Secunda verò, fit per transmutationem quidem extremorum; sed additis eis duabus negationibus infinitantibus: & huius conuersionis non est vsus, nisi in propositionibus affirmatiuis, quia negationes non possunt addi supra alias negationes, sine magna confusione. Vniuersalis igitur affirmatiua, conuerti potest in seipsam, per contrapositionem, hoc modo: Omnis homo est animal: ergo omne non animal, est non homo. Et particularis etiam affirmatiua: vt aliquis homo est animal: ergo aliquod non animal, est non homo. Huius autem conuersionis non fecit mentionem Aristo. quia non est propriè conuersio: nam cum extremis addantur negationes, non videntur eadem manere, sed variari: quod tamen ad veram conuersionem necessarium esse diximus: vnde non

ram est conuersio secundum formam propositionis, quam secundum sensum. Præterea, quia ad constitutionem syllogismorum inutilis etiam est, propter negationes, quibus obicura redditur forma syllogistica. Alij addunt, hanc conuersionem solum posse fieri in terminis existentibus: quia si non existant, dabitur antecedens verum, & consequens falsum: ut patet in hac conuersione: Omnis homo est ens: ergo omne non ens, est non homo, in qua antecedens est verum, & consequens falsum, cum sit propositio affirmatiua, de subiecto non supponente. Mihi tamen videtur, etiam in terminis non existentibus fieri posse: neque vnquam dari antecedens verum, & consequens falsum: quare nec datur in eodem exemplo. Sed negandum est, quod consequens sit propositio affirmatiua, de subiecto non supponente: nam terminus infinitus, etiam de non entibus, & de quibuscunque non existentibus dicitur: ut in 1. lib. de interpretatione probauimus: quare non efficit propositiones de subiecto non supponente, sed similes essentialibus, in quibus copula absoluitur a tempore: & ideo non est necessaria existentia extremorum ad suppositionem.

Tertium notabile.

Circa conuersionem particularis negatiuæ, notandum est; *ideo non conuertitur*; quia dari potest aliquando in conuersione eius antecedens verum, & consequens falsum; quod sufficit, ut conuersio non sit legitima: cum de ratione conuersionis sit argumentatio: & hæc euidenter probetur vitiosa, ex eo tantum, quod semel dari possit antecedens verum, & consequens falsum, in simili forma argumen. Ratio autem fundamentalis, propter quam in tali conuersione, datur antecedens verum, & consequens falsum est: quia fit argumentum a termino non distributo in antecedente, ad eundem distributum in consequente: ut fit manifestum, si dicamus: Aliquod animal, non est homo: ergo Aliquis homo, non est animal. Animal enim non distribuitur in antecedente, cum sit subiectum propositionis particularis: & distribuitur in consequente, cum sit prædicatum propositionis negatiuæ. Et ideo, non est bona consequentia, a conuersa ad conuertentem: nec proinde legitima conuersio, & hoc vult dicere Aristotel. dum particularem negatiuam, non conuerti docet: quia mala conuersio, non est conuersio, sicut mala consequentia, non est consequentia.

CAPVT III.

TEXTVS ARISTOTELIS.

Eodem autem modo se habebit, & in necessarijs
propositionibus, &c.

Breuis expositio textus.

12



Ntendum Aristot. in hoc capite est, tradere re-
gulas conuertendi propositiones modales. Di-
uiditur autem cap. in duas partes. In prima
trahit regulas conuertendi propositiones de necesse.
In secunda verò, regulas conuertendi proposi-
tiones, de modo contingenti.

Pro conuersione igitur Propositionum de necesse, easdem
regulas tradit; quas capite præcedenti tradiderat, pro con-
uersione propositionum de inesse. Prima regula est, *Quod uni-
uersalis negatiua de necesse conuertitur simpliciter.* Quam probat
arg. ducente ad impossibile, in terminis non significantibus.
Sed vt melius intelligatur; illud constituemus in terminis
significantibus; hoc modo: Si vniversalis negatiua, non con-
uertitur simpliciter: ergo hæc non est bona consequentia. Ne-
cesse est nullum hominem esse equum: ergo necesse est, nul-
lum equum esse hominem: poterit ergo dari antecedens ve-
rum, & consequens falsum. Sit igitur verum illud antecedens;
Necesse est nullum hominem esse equum: & hoc consequens
falsum; Necesse est nullum equum esse hominem: & si hoc cō-
sequens falsum est, verum erit istud; Contingit aliquem equū
esse hominem: ex quo bene sequitur: ergo contingit aliquem
hominem, esse equum; per conuersionem simplicem: sed hæc
est contradictoria primi antecedētis malæ cōuersionis; quod
concessum est esse verum: nempe, Necesse est nullum homi-
nem esse equum: ergo concedendum est; vniversalem nega-
tiuam de necesse, conuerti simpliciter; vel dari duas contradi-
ctorias simul veras.

Secunda regula est; *Vniuersalem affirmatiuam de necesse, con-
uerti in partem; & particularem affirmatiuam conuerti simpliciter.*
Quam probat simili alio argumento, ducente ad impossibile
quod non est necessarium reperere. Tertia regula: *Particularis
negatiua de esse non conuertitur.* Hanc probat hac ratione: Quia
sicut hæc est mala consequētia, Aliquod animal non est homo;
ergo aliquis homo non est animal; in conuersione particularis
negatiuæ de inesse: quia datur antecedēs verum; & consequens
falsum;

falsum: ita in particulari negatiua de necesse; Aliquod animal non esse hominem, est necesse: ergo aliquem hominem esse animal, non est necesse.

In secunda parte cap. agit de conuersione propositionum de cōtingēti; quod duobus modis sumi posse ait. Primò, prout est idem, quod possibile: & hoc modo etiam conuenit rebus necessariis: quia si necesse est hominem esse animal: ergo etiam est possibile; & consequenter contingens, sumpto contingēti pro possibili. Sed hanc acceptionem contingentis, impropriad esse docet. Ideo secundo modo, sumitur propriè, pro eo; quod potest esse, & potest non esse.

Hoc supposito, prima regula est: *Quod omnes prepositiones de contingenti; Primo modo, eadem prorsus ratione conuertantur; ac propositiones de inesse, & de modo necesse.* quam nec oportet probare, nec exemplis ostendere, cum sit satis manifesta.

Secunda regula: *Omnes propositiones affirmatiua de contingenti, Secundo modo accepto, conuertuntur, etiam eisdem modis: nempe, Vniuersalis affirmatiua in partem: vt contingit omnem hominem esse album ergo contingit aliquod album esse hominem, & particularis affirmatiua simpliciter; vt contingit aliquem hominem esse album: ergo contingit aliquod album esse hominem.* Quæ etiam regula non probatur ab Arist. quia manifesta est.

Tertia: *Vniuersalis negatiua, non conuertitur; particularis verò negatiua conuertitur simpliciter: & in hoc differunt propositiones de contingenti; ab omnibus aliis.* Hanc regulam probat alia ratione; nisi quia negatiuæ de modo contingenti propriè sumpto, affirmatiuam habent figuram: quid autem hoc sit, statim explicabitur.

Dubium primum circa conuersionem propositionum de necesse.

An vera sit secunda regula conuersionis, vniuersalis affirmatiua, & particularis affirmatiua, de necesse.

Primò agendum est de conuersione propositionum de necesse; vt ordinem Arist. sequamur. Deinde de conuersione propositionū de contingenti: & tandem dicemus, quid sentiendum sit, de propositionibus de possibili, & impossibili. Est ergo primum dubium: Quia secundum hanc regulam; propositio vniuersalis affirmatiua de necesse, conuertitur in particularem, & particularis affirmatiua simpliciter: sed probatur vtrumque falsum: quia in vtraque conuersione datur antecedens verum, & consequens falsum: ergo vtraque est mala conuersio. Probatur antece

antecedens in his : Necessse est omnem grammaticum esse hominem : ergo necesse est aliquem hominem , esse grammaticum : & rursus , Necessse est aliquem grammaticum esse hominem : ergo necesse est aliquem hominem esse grammaticum. Aliqui respondent, has propositiones modales , duobus modis sumi posse. Primo in sensu composito : ita, vt significatio modi, cadat supra totum illud concretum ; vt compositum ex homine , & grammatica : & sensus sit, Necessse est omne, quod necessariò est grammaticum , esse hominem : & tunc antecedens est falsum , sicut , & consequens : quare non probatur malam esse conuersionem. Si verò sumantur *in sensu diuiso* : ita vt modus non componat grammaticam cum homine , sed naturæ suæ relinquat : verbi gratia , si talis sensus sit , Omnem grammaticum, non posse non esse hominem. non possunt conuerti iuxta traditas regulas : quas solum in sensu composito intellexit Arist. Hæc solutio non placuit Villalpando in Commentariis huius capituli : quia verè diminuta est. Nam cum in vtroque sensu, possit sumi modus, & melius atque frequentius sumatur in sensu diuiso ; vt per se est manifestum , satis diminutus esset Aristor. si regulas conuersionis non assignaret iuxta communem, & magis proprium sensum propositionum. Propterea respondet ipse : Veram esse eandem regulam , etiam in exemplo allato , si seruetur idem sensus vtriusque propositionis Quod in conuersione vniuersalis negatiuæ probat ; Videlicet Necessse est nullum grammaticum esse hominem : ergo necesse est nullum hominem esse grammaticum , nam vtraque in eodem sensu accepta, est falsa.

Sed hæc solutio minùs satisfacit , quàm prima : nam regula non habet difficultatem in conuersione vniuersalis negatiuæ, sed in solis affirmatiuis : quæ etiam si in eodem sensu accipiantur , necesse est dari aliquando in earum conuersione , antecedens verum , & consequens falsum. Vt exemplum datum probat euidenter.

Ideo respondemus : Propositiones de modo Necessse , vniuersaliter loquendo accipiendas esse , supposita existentia extremorum : vt in eis vera esse possit regula conuersionis tradita ab Aristor. Vt in exempli argumento, supposito, quòd homines, & grammatica sint in rerum natura ; tunc verum est antecedens : Necessse est omnem grammaticum esse hominem : quia sensus est , existente homine , & grammatica , necesse est omnem grammaticam esse in homine. Et etiam verum est consequens ; Necessse est aliquem hominem esse grammaticum : quia sensus est, homine , & grammatica existentibus

in rerum natura, necesse est aliquem hominem esse grammaticum: quamuis non supposita existentia extremorum, sed absolute accepta, sine tali suppositione, falsa esset propositio.

Dubium secundum.

An bene probauerit Aristoteles regulas conuersionis propositionum de necesse.

Videretur non bene id probasse, propter hoc arg. quia non bene probatur res aliqua per medium minus notum, quam ipsa sit: sed Aristotel. probauit regulas conuertendi propositiones de necesse, per conuersionem particularis de contingenti, de qua nihil adhuc dixerat: ergo minus bene id probauit. Minor patet ex litera Aristotelis. Respondetur, quod si bene intelligatur ratio Aristotelis, non utitur conuersione propositionis de modo contingenti, sed propositionis de inesse: ex qua postea colligit, propositionem particularem de contingenti hoc modo: Si non conuertitur simpliciter vniuersalis negatiua de necesse: ergo potest dari antecedens verum, & consequens falsum: sic ergo verum hoc antecedens, Necesse est nullum hominem esse equum: & consequens falsum, Necesse est nullum equum esse hominem. Et si hoc consequens falsum est, bene sequitur ex eo, veram esse hanc propositionem: Contingit aliquem equum esse hominem, quæ est eius contradictoria. Et quia contingens, sumptum pro possibili, significat id, quod potest esse: ex propositione particulari de contingenti, hoc modo sumpto, infert Aristotel. propositionem particularem de inesse, per illam regulam, Possibili posito in esse, nullum sequitur inconueniens hoc modo: Contingit aliquem equum esse hominem: ponatur ergo in esse: Quod aliquis equus sit homo: & tunc propositio hæc de inesse, Aliquis equus est homo, conuertitur simpliciter in hanc: ergo aliquis homo est equus, per regulas conuertendi propositiones de inesse, iam traditas cap. precedenti: ex qua colligit hanc modalem de contingenti pro possibili, Contingit aliquem hominem esse equum: quia ex propositione de inesse, euidenter colligitur propositio de possibili: sicut ex actu, colligitur bene potentia. Et hæc vltima, est contradictoria illius antecedentis malæ conuersionis, quod verum esse concedebatur: videlicet, Necesse est nullum hominem esse equum: & ideo colligit duas contradictorias simul esse veras, sine vlla conuersione propositionis de contingenti, per solam

solam conuersionem propositionis de inesse, & per regulam contradictoriae oppositionis, traditam lib. 2. de interpretatione quod si vna est falsa, altera debet esse vera: & quod propositiones de necesse, habeant oppositionem cum propositionibus de contingenti, etiam sumpto pro possibili, modo, quo explicatur.

Circa conuersionem propopositionum de modo contingenti.

Primum notabile.

DVobis modis docuit Aristotel. sumi contingens. Primo, *Improprie*. Secundò, *Proprie*. *Improprie* quidem pro possibili; & ita sumpto, eisdem modis conuerti propositiones eius, ac conuertuntur propositiones de necesse & eisdem argumentis probandæ sunt; atque etiam; vt regulæ veræ esse possint, intelligi debent propositiones, supposita existentia extremorum: vt dictum est in eisdem propositionibus de necesse. Et tandem in cūuersione omnium modalium, intelligendum est, solùm agere Aristot. de propositionibus, de modo affirmato: sed variatis ex parte dicti, secundum quantitatem, & qualitatem. Hoc est de vniuersalibus, & particularibus, affirmatiuis, & negatiuis.

Secundum notabile.

Circa propositiones verò de contingenti, secundo modo sumpto, notandum est; *Omnes propositiones eius efficere sensum copulatiuum*; vt hæc propositio: Contingit hominem esse album, efficit hunc sensum, Possibile est hominem esse album, & hominem non esse album: sicque de reliquis: cuius ratio euidens est, significatio ipsius modi: quæ est, rem posse esse, & posse non esse: & propterea contingens hoc modo sumptum, vocatur ad vtrumlibet, quasi vtrumque partem possibilem significet. Vnde sequitur ex affirmatiua inferri negatiua, & ex negatiua, affirmatiua. Bene enim sequitur, Contingit hominem esse album: ergo contingit hominem non esse album: atque etiam, Contingit hominem non esse album: ergo contingit hominem esse album. Et ideo propositionibus de modo contingenti, opponuntur propositiones de modo necesse, & de modo impossibili: quia ex duobus potest prouenire, quod aliquid non sit contingens: nempe, ex eo, quod sit necessarium, & ex eo, quod sit impossibile: vnde vtræque hæc est falsa, Contingit hominem esse animal: atque etiam, Contingit hominem esse equum

NN

Primo

Prima: quia necessaria. Secunda: quia impossibilis. Et ex hoc procedit, tam diuersum modum conuersionis habere propositiones de contingenti, ab aliis omnibus aliorum modorum. Nam cum vniuersalis negatiua aliorum modorum, conuertatur simpliciter, de modo tamen contingenti, non conuertitur simpliciter. Et cum particularis negatiua aliorum modorum, non conuertatur; si sit de modo contingenti, conuertitur simpliciter: & hæc est sententia Aristotelis.

Tertium notabile.

Sed vt eam intelligamus, notandum est Tertiò, quòd vt 17
aliqua propositio conuertatur, necesse est, secundum omnia, quæ includit conuerti: nam si secundum aliquid non conuertatur, non fiet conuersio secundum integrum sensum eius: nec dicetur ipsa conuerti, sed aliquid eius: quare talis conuersio, fiet secundum vocem tantum, & non secundum sensum, & veritatem: & ideo non erit vera, sed apparens tantum. Ex quo præsupposito certissimo, non erit difficile intelligere; verum esse vtrumque assertum ab Aristot. Primum quidem, quòd vniuersalis negatiua de contingenti, non conuertatur simpliciter. Exempli gratia: Contingit nullum hominem esse album: non conuertitur in hanc, Contingit nullum album esse hominem: quia includit has duas propositiones, de possibili, Nullum hominem esse album, est possibile: & Possibile est omnem hominem esse album: sed hæc secunda non conuertitur simpliciter: vt per se est manifestum: ergo nec vniuersalis negatiua eam includens poterit simpliciter conuerti.

Quòd verò secunda regula, de conuersione particularis negatiuæ vera sit, hoc modo probatur: Propositio particularis negatiua, propter significationem modi, infert affirmatiuam: vt probauimus: ergo hæc est bona consequentia, Contingit aliquem hominem non esse album: ergo contingit aliquem hominem esse album: ex qua sequitur per conuersionem simplicem iam traditam: ergo contingit aliquod album esse hominem: & ex hac sequitur etiam, propter significationem modi, negatiuæ, nempe, Contingit aliquod album non esse hominem, quæ est conuertens negatiuæ particularis in principio sumptæ: ergo euidenter probatur, conuertendam esse simpliciter. Sed vt hæc regula vera sit, propositiones debent sumi supposita existentia extremorum: vt in propositionibus de possibili, & necesse diximus: alioqui dabitur antecedens verum, & con

& consequens falsum : vt in hoc exemplo : Contingit hominem non esse ridentem : ergo contingit ridentem non esse hominem : atque etiam , Contingit hominem non esse grammaticum : ergo contingit grammaticum non esse hominem. Supposita autem existentia extremorum , nempe , risus, & hominis, aut Grammaticæ, & hominis, sicut consequens est falsum, ita & antecedens : nam homine , & Grammatica existentibus, non est contingens , quòd Grammaticum sit homo : sed necessarium ex suppositione : nam si Grammatica est in rerum natura, non potest esse nisi in homine, seu non esse in homine : ergo necesse est eam in homine esse : quare falsum erit , quòd contingat Grammaticum esse hominem.

18 Sed aduersus hanc conuersionem particularis negatiuæ , est arg. satis difficile. Nam ideo dictum est ab Aristot. *particularem negatiuam de inesse non conuerri simpliciter* : quia datur antecedens verum & consequens falsum : & hoc ideo , quia fit argumentum à termino non distributo , ad terminum distributum ; ex parte subiecti propositionis conuertenda : vt patet in hac , Aliquod animal non est homo : ergo aliquis homo non est animal. Animal enim non est distributum in antecedente : & tamen distribuitur in consequente , ratione negationis supra illud cadentis : sed idem defectus contingit in conuersione particularis negatiuæ de contingenti : ergo falsum erit, quòd conuertatur. Et hæc regula erit contraria illi ; quæ negat particularem negatiuam de inesse conuerri. Probatur minor : quia dum sic procedimus , Contingit aliquem hominem non esse album : ergo contingit aliquod album non esse hominem ; homo , qui est subiectum in antecedente , non distribuitur , sed solum afficitur signo particulari : & tamen distribuitur in consequente , ratione negationis cadentis supra illum : ergo ex parte eius erit talis conuersio , argumenti à termino non distributo, ad terminum distributum, sicut conuersio particularis negatiuæ de inesse : & consequenter, erit vitiosa, & nulla, sicut est illa.

Respondetur ; Distinguendo minorem , quòd in conuersione negatiuæ de contingenti : fiat argumentum à non distributo ad distributum : quia diuerso modo fit , atque in propositione de inesse : nam in hac fit , ex parte totius , atque integri extremi , sed in modali de contingenti , tantum ex parte extremi partialis , cum tamen ex alia parte maneat extremum sine distributione , nam extremum propositionis modalis est dictum : & cum propositio de modo contingente negatiua , contineat etiam affirmatiuam , duas habet partes dictum eius :

vnani

vnā negatā, & alterā affirmatā. Et ideo vnā distributā; & alterā sine distributione. Gratia exempli; dum sic procedimus, in eodem exempli loco allato arg. Contingit aliquem hominem non esse album: ergo contingit aliquod album, non esse hominem: hoc consequens negatiuum, continet etiam affirmatiuum, nempe, Contingit aliquod album esse hominem: in quo patet hominem non distribui, licet distribuatur in alia parte eiusdem dicti negatiua: ex affirmatiua autem, sequitur iterum alia pars negatiua: nempe; Contingit aliquod album, non esse hominem: quæ est conuertens eiusdem particularis negatiuæ. Vnde sequitur, non impedire conuersionem, nec vitiosā eam reddere argumentationem, à non distributo ad distributum, ex parte extremi partialis, manentis sine distributione in alia parte affirmatiua eiusdem.

Sed aduersus hanc solutionem, est argum. adhuc difficilior: Quia ex eo sequitur, vniuersalem negatiuam eiusdem modi contingentis, conuerti simpliciter; contra aliam regulam negantem conuersionem eius. Probatur id sequi, quia ex eo tantum non potest conuerti vniuersalis negatiua simpliciter, quia includit vniuersalem affirmatiuam, non conuertibilem simpliciter; sed vniuersalis affirmatiua, ex eo solum non potest conuerti simpliciter: quia talis conuersio erit argumentum à non distributo ad distributum, ex parte prædicati eius: quod cum non sit in ea distributum, distribuitur in conuertente; vt patet, dum sic procedimus: Contingit omnem hominem esse album: ergo contingit, omne album esse hominem. Constat verò vniuersalem affirmatiuam; solum esse partem dicti vniuersalis negatiuæ, eam includentis: & ideo solum esse extremum parziale eius: ergo si non reddit vitiosā conuersionem; quod in ea fiat argumentum, à non distributo ad distributum, ex parte extremi partialis: vt dictum est in conuersione particularis negatiuæ. nec igitur efficietur vitiosa conuersio vniuersalis negatiuæ. Respondetur, Esse diuersā rationem in vniuersali negatiua, includente vniuersalem affirmatiuam; ac in particulari negatiua: nam in conuersione huius duo sunt: Primum, quod idem terminus, qui non est distributus in subiecto antecedentis; non distribuitur in vtraque parte consequentis; sed in altera tantum: in alia verò, sine distributo manet, cum sit particularis affirmatiua.

Secundum est; quod eadem pars affirmatiua conuertitur simpliciter: & per talem conuersionem, colligitur euidenter ex ea particularis negatiua: quæ est conuertens particularis
negati

negatiuæ, in principio assumptæ ad conuersionem: & ideo à primo ad vltimum, sequitur euidenter particularem negatiuam conuerti. In vniuersali verò affirmatiua, inclusa in negatiua vniuersali, neutrum horum reperitur. Non primum; quia sic argumentum à non distributo ad distributum, dum eam conuertimus: vt terminus qui non distribuitur in antecedenti, semper in consequenti distribuatur: hoc est, tam in conuertente affirmatiua; vt patet, cum sit vniuersalis quam in negatiua vniuersali, quam includit, cuius omnes terminos patet esse distributos. Ideo omni ex parte est argumentatio à non distributo ad distributum: & plùs infertur in consequenti; quam contineatur in antecedenti. Sed nec reperitur secundum: quia vniuersalis affirmatiua, in quam conuertitur, non includit propositionem conuertibilem, ex qua possit deduci conuertens vniuersalis negatiuæ, sed solum vniuersalem negatiuam non conuertibilem, vel de qua disputatio est, an conuertatur: quare non possumus vt conuersione eius in eadem argumentatione, sicut possumus vt conuersione particularis affirmatiuæ inclusæ in alia particulari negatiua, & ideo nunquam possumus colligere ex conuersione vniuersalis affirmatiuæ, quam includit, vniuersalem negatiuam, quæ sit conuertens alterius vniuersalis negatiuæ: de cuius conuersione agitur. Ex his igitur duabus differentiis, tanquam à signo euidenti colligimus, propositionem particularem negatiuam, continere virtualiter suam conuertentem: cum per euidentes consequentias ex ea deducatur: & ideo conuerti posse; vt docuit Arist. Vniuersalem verò negatiuam, non continere suam conuertentem vllò modo, cum ex ea non possit deduci: sed solum affirmatiuam vniuersalem, quæ impedimento est ei, ne possit simpliciter conuerti.

Et si tandem dicatur, hinc sequi, quòd vniuersalis negatiua saltem possit conuerti in partem: cum vniuersalis affirmatiua, quam includit, & propter quam solam non potest conuerti, in particularem conuertatur: quod tamen videtur esse contra regulam Arist. negantem vllò modo conuerti. Respondet; Necessariò concedendum esse, quòd vniuersalis negatiua conuertatur in particularem: quia id conuincit argumentum: quin hoc nunquam Aristot. negauit: quia nullum est fundamentum, propter quod negari possit, sed solum negauit conuerti; vt petit propria natura: hoc est conuersione simplici; sicut conuertitur in alijs modis, atque in propositionibus de inesse. Et hæc de conuersione propositionum de modo contingenti.

Notabile

tem: & per primum; maiorem extremitatem. Sensus igitur verborum eius talis est: Quando tres termini, ita sunt dispositi; vt medium subiiciatur vniuersaliter maiori extremitati, in prima propositione: in secunda verò, minor extremitas subiiciatur vniuersaliter medio; affirmatiuè quidem fit syllogismus in primo modo; qui vocatur, *Barbara*: quia constat tribus propositionibus affirmatiuis, & est talis: Omne animal est substantia: omnis homo est animal: ergo omnis homo est substantia. Negatiuè verò, in secundo modo; qui vocatur *Celarent*: quia constat minori affirmatiua, & maiori, & conclusione negatiuis: & ita constituitur: Nullum animal est lapis: omnis homo est animal: ergo nullus homo est lapis. Quomocunque autem aliter disponantur medium, & extremitates in propositionibus vniuersalibus; modos inutiles, ac vitiosos efficiunt: in quibus tam propositiones vniuersales affirmatiuæ; quàm negatiuæ, indifferenter sequuntur: vel; vt alij dicunt: dantur termini; in quibus Omni, & etiam terminis; in quibus Nulli. & probatur vitiosas esse consequentias; v.g. dari duas contradictorias simul veras. Itaque; ex dispositione vniuersali terminorum solum duo producti modi utiles resultant; in quibus perfecti efficiuntur syllogismi. Quod probatur euidenter; quia in primo; dicitur de omni: hoc est prædicatum maioris quod vniuersaliter dicitur de subiecto in maiori, dicitur necessariò de aliquo contento, & sumptò sub eo in conclusione. In secundo verò; dicitur de nullo: nam prædicatum maioris negatur vniuersaliter de subiecto eiusdè: & ideo negatur etiam necessariò de subiecto minoris in conclusione.

In secunda part. cap. Explicat duos alios modos utiles eiusdem figuræ, quos vocat particulares: quia altera præmissarum particularis est; & vniuersalis altera. Si ergo inquit vtraque præmissa sit particularis, inutiles sunt omnes modi: Si verò particularis vna, & vniuersalis altera: vel maior est vniuersalis; in qua maior extremitas dicitur vniuersaliter de medio: & minor particularis; in qua medium dicitur de minori extremitate, modo particulari: fit tertius modus perfecti syllogismi; qui dicitur *Darii*; quia constat maiori vniuersali affirmatiua; & minori, & conclusione, particularibus etiam affirmatiuis. Et talis est modus is; Omne animal rationale, est risibile: Aliquis homo est animal rationale: ergo aliquis homo est risibilis. Si verò maior sit vniuersalis negatiua in qua maior extremitas negetur vniuersaliter de medio: & minor particularis affirmatiua; in qua medium dicatur de minori

minori extremitate, modo particulari; fit modus utilis quartus primæ figuræ; qui vocatur *Ferio*; & est talis: Nullum animal est lapis: Aliquis homo est animal: ergo aliquis homo non est lapis. Quod verò duo isti syllogismi perfecti sint; euident est, ex duobus aliis prioribus: à quibus solum differunt ex parte minoris propositionis; quæ in illis est vniuersalis; & in his particularis: & consequenter conclusiones eorum sunt particulares. Cum ergo particulares propositiones eorum, contineantur sub vniuersalibus aliorum, si illi euidentes sunt, & in eis dicitur de omni, & de nullo; idem prorsus habebunt isti. Cæteri verò modi, quibus disponi possunt præmissæ vniuersalis, & particularis: inutiles sunt: & in quibus dantur termini, in quibus *Omni*, & in quibus *Nulli*. Hæc Arist.

*Quid sit figura, & quod duplex; & quid
modus, explicatur.*

Figura syllogismorum, nihil aliud est quàm debita dispositio trium terminorum: hoc est; medij, & extremitatum; secundum debitum modum prædicationis, & subiectionis. Dicitur autè per metaphoram, ex similitudine figuræ geometricæ: nam sicut hæc resultat ex lineis terminatis per puncta, ita dispositis; eodem modo figura syllogistica, ex propositionibus, quæ sunt quasi lineæ terminatæ extremis punctis; hoc est, subiecto, & prædicato: quæ vocantur termini propositionum, quia sunt extrema eius.

Figura triplex est: quia tribus tantum modis disponi possunt media, & extremitates. Nam vel medium in prima est subiectum; & in secunda prædicatum: & vocatur prima figura propter tria. Primò; Quia medium in hac dispositione, non solum rationem habet medij, quod per id coniungantur extremitates: sed etiam proprium situm medio debitum; cum sit inter extremitates collocatum: ita vt sit subiectum vnius; & prædicatum alterius. Secundò; Quia in hac figura, omne genus propositionis colligitur; nempe vniuersalis affirmatiua, vniuersalis negatiua; particularis affirmatiua, & particularis negatiua. Tertiò; Quia ex hac figura deriuantur aliæ: nam vel medium est prædicatum vtriusque præmissæ; & sic est secunda figura: vel est subiectum vtriusque, & sic est tertia. Cuius ratio satis congruens est: quia prædicatum est nobilius subiecto: & ideo nobiliorem rationem, & locum habet medium: & nobilior ex consequenti est dispositio ipsa; in qua semper est prædicatum ea, in qua semper est subiectum: & propterea

& propterea dispositio illa, Secundam, hæc verò figuram Tertiam meritiò constituit.

Modus est, debita dispositio premissarum, secundum debitam qualitatem, & quantitatem hoc est, secundum rationem vniuersalis, & particularis: in qua consistit quantitas propositionis: & secundum affirmationem, & negationem, in quibus consistit qualitas.

- 25 *Modi prima figure, quatuor tantum enumerati sunt, nempe, duo vniuersales, & duo particulares.* Quia hi tantum quatuor modis, debito modo disponi possunt præmissæ: vt ex eis euidenter inferatur conclusio: cæteri verò omnes modi, inutiles sunt vt dictum est.

Dubium vnicum.

An præter tres figuras enumeratas ab Arist. addenda sit quarta.

Prima opinio tenet, *Addendam esse quartam*: quam tribuunt Galeno medicorum principi. Et probatur hoc arg. *Figura est debita dispositio medij, & extremitatum, secundum debitam subiectionem, & prædicationem*: sed præter tres modos; quibus disponuntur ab Aristotel. possunt quarto alio modo ab eius diuerso disponi: ergo ex tali dispositione efficietur diuersa figura; quæ sit quarta. Probatur minor: quia dispositio primæ figure est; in qua medium est subiectum maioris, & prædicatum minoris: dispositio secundæ; in qua medium est prædicatum vtriusque præmissæ: & dispositio tertiæ; in qua medium est vtriusque subiectum, sed possunt etiam quarto modo disponi; ita vt medium sit prædicatum maioris, & subiectum minoris: scilicet vt ex tali dispositione non minus euidenter sequatur conclusio, quam ex tribus prioribus: ergo resultabit ex tali dispositione quarta figura, distincta à tribus. Minor probatur hoc exemplo: Omne risibile est homo: omnis homo est animal rationale: ergo omne animal rationale, est risibile.

- 26 Communis tamen consensus totius scholæ, *est tantum figurarum* ponit cum Aristot. Et ita nobis sentiendum est. & probatur hac ratione: Quia figura propriè loquendo, est quasi forma syllogismi: in qua formaliter disponuntur propositiones. hoc est secundum modum naturalem, ac debitum formæ earum. Debitus autem modus, in eo consistit; vt id quod se habet vt forma; sit prædicatum, & quod se habet vt materia; sit subiectum: sed tribus tantum modis ita possunt propositiones disponi; ergo tres tantum erunt figure enumeratæ ab Arist.

Minorem sic probo; Non possunt disponi quarto illo modo, nisi in maiori prædicetur, id, quod verè se habet vt materia, & subiiciatur, quod se habet vt forma: atqui hæc dispositio præter naturam, & formam propositionis est, vt idem exemplum assignatum probat: ergo ex illa dispositione non potest propria aliqua figura resultare: quare rarò, vel nunquam in disputationibus tali dispositione syllogismorum vtimur. Talis ergo dispositio, si aliquid simile figuræ habere potest, imperfectum quiddam est, & dispositioni primæ figuræ, quodammodo affine, ad quam reduci debet. Ad argum. verò; Distinguenda est minor: quia disponi possunt, sed non modo debito ad efficiendam figuram; vt probatum est: & ideo talis dispositio, figuram distinctam non efficit, sed propter quandam similitudinem, reducitur ad primam.

Et si aliquis obiiciat ex opposito, primam solam sufficere, 27 cum per eam inferatur omne genus propositionis: & ideo, secundam, & tertiam non fuisse addendas. Respondeo; Necessarias esse secundam, & tertiam: quia licet in prima colligi possit omne genus propositionis, non tamen semper ea vti possumus in disputationibus: quia non semper tam manifesta consequentia constitui potest, vt omnibus euidentibus appareat: sed necesse est, aliis minus euidentibus sæpe vti, vt per eas ad euidentiores primæ figuræ perueniamus. Necessariæ præterea sunt, vt copiam syllogismorum habeamus, ad instituendas disputationes: quam per solam primam figuram non haberemus.

CAPVT V.

TEXTVS ARIST.

Quando verò huic quidem omni, illi autem nulli insit, aut utrique omni, aut nulli, figuram quidem talem voco secundam.

Breuis expositio textus.



Intentum Arist. c. præsentis est, explicare naturā 28 secundæ figuræ. Diuiditur autem in duas partes: In prima; Explicat dispositionem secundæ figuræ. In secunda; Modos omnes viles syllogizandi in ea, refutat inutiles, per censet.

Secunda figura efficitur, (inquit Arist.) quando sic disponuntur

surpræmissa: ut medium sit prædicatum uniuersale de extremitatibus, in utraque: ita ut affirmetur in vna, & negetur in alia: indifferenter quidem, quia siue maior sit negatiua, siue minor, dum modo non sit utraque affirmatiua, aut negatiua, bona est dispositio, ut his duobus exemplis ostenditur: Nullus lapis est animal: Omnis homo est animal: ergo nullus homo est lapis, & rursus: Omnis homo est viuens: Nullus lapis est viuens: ergo nullus lapis est homo. Ideo medium in hac figura, ait Aristot. esse, quod omni, vel nulli extremitati inest: Extremitates verò, quibus inest medium: & ut utramque distinguat, asserit maiorem extremitatem esse eam, quæ iuxta medium posita est: esse autem iuxta medium positam dicit, quia sicut medium est prædicatum in præmissis, ita maior extremitas in conclusione. Ideo medio similis est. Minorem verò extremitatem, longius ait distare à medio: quia cum medium semper sit prædicatum, minor extremitas, semper est subiectum. Vnde (inquit) sequitur, quòd medium quasi foris seu extrà ponatur respectu extremitatum: quia semper prædicatur, & nunquam subiicitur: atque etiam primum sit positione: quia cum sit prædicatum semper, præcipuum locum in hac figura tenet: extremum porrò utrumque in præmissis subiicitur. In hac figura nullum syllogismum perfectum fieri dicit: quia syllogismus perfectus ille est, qui nullo indiget, ut appareat necessarius: sed omnes syllogismi huius figuræ; indigent reductione ad syllogismos primæ: ergo nullus eorum perfectus est.

- 29 In secunda parte capitis: Enumerat modos utiles huius figuræ, inutilisque reiecit. Inquit ergo: Quando medium huic quidem omni, illi verò nulli inest, sit primus modus utilis, qui vocatur *Cesare*, hoc modo: Nullus lapis est animal: Omnis homo est animal: ergo nullus homo est lapis. Reducitur autem ad secundum modum primæ figuræ, per solam conuersionem simplicem maioris, hac ratione: Nullum animal est lapis: Omnis homo est animal: ergo nullus homo est lapis.

Si verò è contrario medium huic quidem nulli, illi verò omni inest: id est, si in maiori negatur vniuersaliter de maiori extremitate, & in minori vniuersaliter affirmatur de extremitate minori, sit secundus modus, qui dicitur *Camestres*, ut ostenditur hoc exemplo: Omnis homo est animal: Nullus lapis est animal: ergo nullus lapis est homo, Qui reducitur ad secundum modum primæ figuræ: conuersa minori simpliciter, & transmutatis præmissis. Ita ut minor conuersa fiat maior, & maior sit minor, hoc modo: Nullum animal est lapis:

Omnis homo est animal: ergo nullus homo est lapis.

Tertium modum fieri, ait, si medium, huic quidem nulli: id est, in maiori vniuersaliter negetur de maiori extremitate: illi verò alicui inest, id est, in minori dicatur de aliqua extremitate minori, sit tertius modus: qui dicitur *Festino*. Fit autem vtrumque, si maior sit vniuersalis negatiua: & minor particularis affirmatiua, hac ratione: Nullus lapis est animal: Aliquis homo est animal: ergo aliquis homo non est lapis. Reducitur autem ad quartum modum primæ figuræ, per solam conuersionem simplicem maioris: hoc modo: Nullum animal est lapis: Aliquis homo est animal: ergo aliquis homo non est lapis.

Quantum denique modum, fieri ait: quando medium, huic quidem omni, illi verò alicui non inest: hoc est, quando maior est vniuersalis affirmans, in qua vniuersaliter prædicatur de maiori extremitate: & minor particularis negās, in qua negatur de ea sumpta in particulari, resultat modus iste, qui vocatur, *Baroco*: & est talis; Omnis homo est animal: Aliquis lapis non est animal: ergo aliquis lapis non est homo. Modus autem iste non potest reduci ad primam figuram ostensuè, vt per se est manifestum: idè Aristoteles illum reducit per impossibile, ad primum modum: hac ratione: vt ex maiori, & contradictoria conclusionis, pro minori, inferatur contradictoria minoris, eiusdem syllogismi, simul vera cum ea: vt si ita dicamus: Syllogismus in *Baroco*, dicis: non est bona consequentia: ergo dari potest in ea, antecedens verum, & consequens falsum: sit ergo verum illud antecedens, pro maiori, & minori, & sit conclusio falsa: cuius contradictoria, vtrique debet esse vera, nempe, Omnis lapis est homo: quam sic accipio pro minori: & cum maiori eiusdem syllogismi, hunc syllogismum efficio: Omnis homo est animal: Omnis lapis est homo; ergo omnis lapis est animal: quæ est contradictoria minoris illius syllogismi, nempe, Aliquis lapis non est animal: & vtrique est vera: hac quidem, quia erat pars antecedentis malæ consequentiæ: altera verò, quia erat contradictoria consequentis falsi, eiusdem malæ consequentiæ. Vnde sequitur, vel bonum esse syllogismum, quarti modi huius figuræ, vel dari duas contradictorias simul veras. Cæteri autem modi huius dispositionis inutiles sunt: & tales probari possunt per terminos: in quibus omni, & in quibus nulli.

CAPVT VI.

TEXTVS ARISTOTELIS.

Si autem eadem, hoc quidem omni, illud verò nulli inest, vel ambo omni, vel nulli: figuram quidem huiusmodi voco tertiam.

Breuis expositio textus.



Ntendum huiuscapitis est, explicare naturam *tertia figura*. Diuiditur autē in duas partes. In prima definit, & explicat tertiam figuram: medium atque extremitates, quomodo sint in ea disposita. In secunda: Modos vtilēs, qui in ea fieri possunt, enumerat, inutilibus exclusis.

In prima parte. *Tertia, inquit, figura fit, quando tres termini sic disponuntur, ut medium in vtraque præmissa subiectum sit: maior verò extremitas, prædicatum maioris, & minor prædicatum minoris: sed necesse est, ut maior propositio semper sit vniuersalis, & conclusio semper particularis: ideo medium sic definit: Medium autem in hac dico, de quo ambo prædicantur.* Id est, de quo prædicantur ambæ extremitates. Extremitates verò esse ait, quæ prædicantur: sed maiorem longius esse à medio, quia semper prædicatur, tam in præmissis, quàm in conclusione. Medium verò semper subiicitur, ideo quasi dissimiles & oppositas rationes habent: ac propterea hanc extremitatem longius esse dicitur à medio. Minor verò extremitas (inquit) est, *qua propius*, hoc est, quæ magis accedit ad medium, cùm saltem in conclusione sit subiectum, sicut mediū in vtraque præmissa. Nullum autē syllogismum perfectum fieri in hac figura docet: quia omnes indigent reductione ad primam, ut appareant necessarij.

In secūda parte capitis, enumerat modos vtilēs, qui in hac figura effici possunt, inutilib. exclusis. Primus igitur modus efficitur: *Quando vtraque præmissa est vniuersalis affirmatiua: ut si dicamus: Omnis homo est viuens: Omnis homo est animal: ergo Aliquod animal est viuens.* Et vocatur modus iste *Darapti*. Reducitur autem ad tertium modum primæ figuræ per solam conuersionem minoris in partem, hoc modo: *Omnis homo est viuens: Aliquod animal est homo: ergo Aliquod animal est viuens.*

Secundus modus fit: *Quando maior est vniuersalis negatiua, & minor vniuersalis affirmatiua: & vocatur Felapton, atque est talis. Nullum animal est lapis: Omne animal est viuens: ergo aliquod*

aliquod viuens non est lapis. Reducitur autem ad quartū modum primæ figuræ, per solam conuersionem minoris in partē ? hoc modo ; Nullum animal est lapis : Aliquod viuens est animal : ergo aliquod viuens non est lapis.

Tertius modus fit, *Quando maior propositio est particularis affirmatiua, & minor vniuersalis negatiua: & dicitur Disamis.* Vt si dicamus, Aliquod animal est corpus: Omne animal est viuēs : ergo aliquod viuens est corpus. Reducitur autē ad tertiū modū primæ figuræ, per conuersionem maioris, & transmutationē præmillarum. Ita, vt maior conuersa fiat minor, idque per conuersionē simplicem conclusionis, & ex minori, fiat maior. hoc modo : Omne animal est viuens, aliquod corpus est animal : ergo aliquod corpus est viuens. Quartus modus fit: *Quando maior est vniuersalis affirmatiua, & minor particularis etiam affirmatiua :* vt si dicamus : Omne animal est viuens; Aliquod animal est corpus : ergo aliquod corpus est viuens : & vocatur *Darisi.* Reducitur autem ad tertium modum primæ figuræ, per solam conuersionem simplicem minoris: hoc modo: Omne animal est viuens; Aliquod corpus est animal: ergo aliquod corpus est viuens. Quintus modus fit, *Quando maior est particularis affirmatiua: & minor vniuersalis affirmatiua:* vt si dicamus: Aliquod animal non est lapis: Omne animal est viuens: ergo aliquod viuēs non est lapis. Et vocatur *Borardo*, qui non potest deduci ad modos primæ figuræ ostensiuē, sicut alij, sed solum per impossibile, secundum regulas huius reductionis. hoc modo : Omne viuens est lapis: Omne animal est viuens : ergo Omne animal est lapis.

Sextus modus fit; *Quando maior est vniuersalis negans, & minor particularis affirmans, vt in hoc exemplo :* Nullum animal est lapis : Aliquod animal est viuens, ergo aliquod viuens non est lapis : & vocatur *Ferison*, qui reducitur ad quartum modum primæ figuræ, per solam conuersionem simplicē minoris, hoc modo : Nullum animal est lapis : Aliquod viuens est animal : ergo aliquod animal non est lapis. Per has autem reductiones, ad modos primæ figuræ, probatur euidenter, vtiles ad bonos esse omnes syllogismos secundæ ac tertiæ figuræ. Solum autem vbi sumus reductione ostensiuā : quia brevis est. Reductionem verò per impossibile, tanquam longiorem ad Summulas remittendam censemus, vbi iuuenes in ea frequenter exercentur : & propterea non est necessarium hac in partem repetere. Ex tribus figuris, resultant quatuordecim tantum modi vtilēs, sequentibus dictionibus significati, quarum quælibet significat suum modum: & quatuor primæ significant quatuor

quatuor modos primæ figuræ: quatuor sequentes, significant quatuor alios secundæ figuræ: sex verò vltimæ, sex alios tertiæ figuræ. Dictiones verò istæ sunt: *Barbara, Celarent, Darij, Ferio, Cesare, Camestres, Festino, Baraco, Darapti, Felapton, Disamis, Datisi, Bocardo, Ferison*. Quinque enim alij imperfecti primæ figuræ, non sunt constituti ab Aristotele, sed post eum ab aliis additi.

Traditur ars inueniendi medium, ad conficiendos syllogismos, & probandum quodlibet genus propositionum.

DE hac arte agit Arist. cap. 29. huius primi lib. vbi quod ex se obscurum est, obscurius multò fecit, vtens elementis, aut literis, nihil significantibus, pro medijs inueniendis. Nos verò eam in terminis significantibus, nobisque familiaribus, atque etiam verbis minime obscuris, breuiter explicabimus: tanquam fundamentum præsupponentes, proprium officium medijs in syllogismo: quod non est aliud quàm vnire, aut disungere extremitates, vnire quidem in syllogismo affirmatiuo, seu prædicatiuo: qui componitur ex propositionibus affirmatiuis. disungere verò, in syllogismo negatiuo, hoc est constante aliqua propositione negatiua. Et ratio huius distinctionis est manifesta: quia per syllogismum affirmatiuum probanda est propositio affirmatiua, in qua aliquod prædicatum vnitur alicui subiecto: medium autem ad vniendum terminos accedere debet. In syllogismo verò negatiuo, probanda est propositio negatiua, in qua prædicatum negatur de subiecto: quod est separari ab eo: medium verò, ad aliqua separanda, tale debet esse, vt disjungat ea, non vt vniat. Vtrumque ergo officium conuenit medio, respectu diuersorum syllogismorum, & diuersarum propositionum probandarum.

Ex quibus sequuntur duæ regulæ vniuersales. Prima, *Ad probandam propositionem affirmatiuam quamcumque quarendum esse medium, quo extrema eius, hoc est prædicatum, & subiectum vniantur. Ad probandam verò quamlibet negatiuam, medium potius quarendum, quod ea disjungat.* Sed vt particulares regulas, quas Arist. tradit intelligamus, aliud fundamentum debet præsupponi, nempe, medium comparatum ad extremitates: quas vnire, aut separare debet, triplex esse, *Antecedens, Consequens, & Extraneum.* Medium antecedens, illud dicitur: ex quo aliqua, vel vtraque extremitas sequitur: vt homo, respectu risibilis. Medium consequens, quodd ex vna, vel ex vtraque extremitate, sequitur. Medium denique extraneum, quod alteri, vel vtrique extremitati repugnat: vt lapis respectu animalis atque etiam viuentis.

Ex quo inferitur, Primò; Quòd ad probandam propositionem quamlibet affirmatiuam, querendum sit medium antecedens, vel consequens, respectu vnius, aut vtriusque extremitatis: ad probandam verò propositionem negatiuam, non est querendum medium antecedens, neque consequens, sed extraneum.

Secundò sequitur; Ad probandam quamlibet propositionem oblatam, considerandum esse, quonam modo se habeant prædicatum & subiectum eius; nam si vnum conueniat alteri, per medium antecedens, vel consequens probanda est: si verò ei repugnet, per medium extraneum. Supponimus autem propositionem probandam, veram esse debere, aut probabilem; vel quòd talis existimetur: nam ad probandum propositiones falsas vt tales, nec mediū dari potest, neque ars vlla illud inueniendi.

His suppositis, quatuor regulas tradit Aristoteles vbi suprà, ad concludenda quatuor genera propositionum, sub quibus comprehenduntur omnes alia. Prima regula est; Ad inferendam vniuersalem affirmatiuam, tale medium querendum est, quod sit consequens respectu subiecti, & antecedens respectu prædicati, v.g. ad inferendam hanc propositionem; Omnis homo est substantia, assumendum erit animal, quod est consequens ad hominem, & antecedens respectu substantiæ & syllogismus fiet hoc modo in *Barbar*: Omne animal est substantia: Omnis homo est animal; ergo Omnis homo est substantia.

Secunda regula; Ad inferendam particularem affirmatiuam, assumendum est medium, quod sit antecedens respectu subiecti, & prædicati eius, quæ sunt extremitates; vt ad inferendum hanc, Aliquod animal est substantia, assumi debet homo, ex quo vtrumque sequitur: & fiet hoc modo in *Darapti*: Omnis homo est substantia: Omnis homo est animal; ergo Aliquod animal est substantia.

Tertia regula; Ad inferendam vniuersalem negatiuam, assumendum est medium quod sit consequens respectu subiecti, extraneum respectu prædicati, vt ad probandam hanc; Nullus homo est lapis assumendum est animal & sic probabitur in *Cesare*. Nullus lapis est animal. Omnis homo est animal; ergo Nullus homo est lapis.

Quarta regula; Ad concludendam particularem negatiuam, assumendum est medium, quod sit antecedens ad subiectum & extraneum, respectu prædicati, vt ad concludendam hanc, Aliquod animal non est lapis, assumendum est Homo & ita concludetur in *Baroco*: Nullus homo est lapis: Aliquis homo est animal; ergo Aliquod animal, non est lapis.

Finis huius operis,

COM

COMMENTARI II IN

DVOS LIBROS ARISTOTELIS

STAGIRITÆ, DE POSTERIORI

Analyfi, seu resolutione, vñd cum

dubus, & quæstionibus hac

tempestate agitari
solitis.

PROOEMIUM TOTIVS OPERIS,

1



VM officium Dialecticæ sit dirigere operatio-
nis; hoc est disporre illa, atque ordinare, in diui-
siones, definitiones, propositiones & syllogismos.
cæteraque argumentationes, iuxta triplicem ope-
rationem intellectus dirigendam, diuiditur hæc scientia ab
omnibus. Ira vt prima pars eius, censeatur illa, quæ primam
operationem, nempe apprehensionem simplicium ordinat, na-
turâ eius sic explicans; vt sciamus ea apprehendere, vt oportet,
ad efficiendam compositionem: quod pertinet ad secundam
operationem intellectus, ira dirigendam; vt per illam sciamus
ex simplicibus iam apprehensis, compositionem constituere,
nempe diuisionem, definitionem, & argumentationem, per de-
bitam namque constructionem horum instrumentorum, di-
recta, atque ordinata censeatur operatio. Tertiam verò dirigit
logica, dum ex eisdem compositionibus argumentationem
constituit. Nam in argumentatione, iuxta regulas Dialecticæ
constituta ordinata censeatur tertia operatio intellectus, cuius
officium est, vnum ex alio colligere. Prima igitur pars Dia-
lecticæ, sunt prædicamenta, ex simplicibus ordinatis constitu-
ta. Prædicabilia verò, non tam primam partem constituere cen-
sentur, quàm præambulum quoddam esse, ad primam partem
prædicamentorum.

2

Secunda pars Dialecticæ, est opus de interpretatione, in quo
traduntur regulæ constituendi propositionem, seu enun-
tiationem. Ad tertiam verò partem pertinent, libri priorum,
in quibus agitur de syllogismo in communi, libri postero-
rum, topicorum, & elenchorum, in quibus de syllogismis in
speciali agitur: nempe, demonstratio, topico, seu probabilis,

atque sophistico. Ex hac ratione habemus totam hanc scientiam in tres partes diuisam: per quam tres operationes intellectus diriguntur, ordinantur, perficiuntur. Ad cuius postremam partem pertinere, duos istos libros, de Posteriori analysi, aut resolutione, quos nunc interpretandos suscipimus, ex eadem diuisione efficitur manifestum: quia supposita, ad scopum huius operis, (quod subiectum, vel obiectum vocant) oculis subiiciendum veniamus.

Quodnam sit subiectum, vel obiectum huius operis?

PRO eodem iam accipiuntur, subiectum, cuius notitiam tradit scientia, demonstrando proprietates, aut passiones eius, & obiectum, circa quod, quasi circa scopum, versatur consideratio eius. Querimus ergo primò, *Quodnam sit subiectum, vel obiectum huius Posterioristicae partis.* Præsupponendæ autem sunt conditiones obiecti, in 6. quæst. proœmiali à nobis traditæ.

Prima opinio tenet: *Esse modum sciendi*; vt comprehendit; non solam demonstrationem, sed etiam definitionem. Imò hanc principaliter: ita commentator, Alexander, & Theophrastus, in proœmio huius operis: quos sequuntur nonnulli ex modernis.

Et probatur hac ratione: Quia definitio est principale instrumentum scientiæ: ergo per se pertinet ad Dialecticam, docentem instrumenta omnia sciendi facere: sed in nulla alia parte docet Aristoteles modum efficiendi definitionem, nisi in his libris: ergo ad eos pertinet per se, de definitione agere, quare ad eius obiectum simul cum demonstratione pertinebit. Probatur minor; quia in libris Topicorum, & si quæ est alia pars Dialecticæ, in qua aliquid de definitione agatur, non de modo eam efficiendi agitur, sed supponendo eam iam constitutam in his libris, examinatur eadem.

Secunda opinio est communis, & vera, quòd *sola demonstratio, & non modus sciendi, communis demonstrationi, ac definitioni, sit obiectum huius operis.* Sic Thom. Albertus magnus, Caiet. Sotus, Toletus, Mercatus, & omnes ferè moderni interpretes. Probatur testimonio Aristot. qui statim in principio primi capituli, omnem doctrinam, omnemque disciplinam, ex præexistenti cognitione fieri docet, & probat: quod potissimum fundamentum est, totius artis demonstratiuæ. Ex quo cognoscimus, assensum conclusionis, ex notitia principiorum generari: quod est naturam demonstrationis intelligere.

Proba

Probatur deinde ratione : *Quia illud est obiectum alicuius operis*, cuius partes essentielles traduntur in eo, cuius natura explicatur, & cuius passionēs probantur : sed hæc omnia, præstantur in his libris, de sola demonstratione, & non de modo sciendi communi : ut in discursu eorum est manifestum : ergo. Nam si de definitione agitur (quod concedimus) non ut de alio modo sciendi, à demonstratione distincto, sed tanquam de parte eius essentiali agitur : quia potissimum principium eius est : ergo sola demonstratio est obiectum, & non aliquid aliud commune demonstrationi, & definitioni.

Et ex hoc soluitur argum. contrariæ opinionis, cui omnia concedenda sunt, sed ex concessione eorum, solum habetur : quod per se in his libris agatur de definitione, tanquam de parte essentiali demonstrationis, non verò tanquam de alio modo sciendi distincto. Vnde qui asserit demonstrationem solam esse obiectum, non excludit definitionem, sed eam comprehendit non tanquam sub aliquo prædicato communi, sed ut pars comprehenditur sub toto : & consequenter sub consideratione eius.

Digniore esse hanc partem Dialecticæ cæteris omnibus ostenditur.

5 **C**um notum sit, scientiam ex obiecto sumere dignitatem, colligitur opus hoc dignius, atque perfectius esse, cæteris partibus dialecticæ : quod sic probo : Notitia simplicium, de quibus agit prima pars dialecticæ, ordinatur ad compositionem, tanquam ad finem, de qua agitur in secunda parte : & compositio, ad syllogismum eodem ordinatur modo : ergo sicut compositio, est perfectior simplicibus, pari ratione syllogismus erit perfectior compositione, & eisdem simplicibus : sed inter syllogismos, perfectissima est demonstratio, ad quam ordinantur, quæcunque tractantur in hac scientia, tanquam ad potissimum instrumentum, per quod generatur scientia : ergo opus hoc quasi finis est aliarum partium dialecticæ : & ideo dignius erit cæteris omnibus.

6 Sed contra hoc, est arg. difficile : Quia libri de priori resolutione, agunt de forma syllogismi, hoc est, de figura, & modo, in quo debet constitui : cæteri verò libri, de materia eiusdem, nempe libri de posteriori resolutione, de materia necessaria ; ex qua constat demonstratio, libri Topicorum, de materia probabilis : ex qua conficitur syllogismus Dialecticus, libri Elenchorum, de materia apparenti : ex qua conficitur syllogismus pseudo

spudographus, aut deceptorius: sed forma cum sit actus, est perfectior materia; quæ est potentia: ergo libri Priorum, sunt pars nobilior Dialecticæ, quàm libri Posteriorum, Topicorum, & Elenchorum. Probatur consequentia: quia sicut scientia totalis, sumit suam dignitatem, ex dignitate obiecti totalis: ita quælibet pars scientiæ, ex obiecto partiali sibi proprio. Vnde sequitur; falsum esse quod dicimus, hos libros posteriorum, esse nobiliorem partem totius Dialecticæ.

Hoc argum. concludit, aduersus plures, qui tenent hoc opus solum agere de materia necessaria syllogismi: & per hanc 7
distingui à libris Priorum, agentibus de forma syllogistica; & à libris Topicorum, & Elenchorum, agentibus de materia probabili & apparenti. Ideo dicendum est; hoc opus, non solum de materia syllogismi agere: sed etiam de forma. Sed forma syllogismi duplex est, generica, & specifica. Forma generica est dispositio in modo & figura. Forma verò specifica, ex modo speciali concludendi vnum ex alio, sumitur. Quod sic probet: Forma generica syllogismi, sumitur ex modo inferendi conclusionem ex præmissis, dispositis in modo, & figura: ergo specialis modus inferendi conclusionem ex præmissis erit specialis forma syllogismi: sed demonstratio, de qua agitur in hoc opere, tanquam de proprio obiecto, continet non solum dispositionem, in modo, & figura; sed etiam specialem modum inferendi conclusionem ex præmissis: nempe tanquam effectum ex causa per se, & propria, aut tanquam causam ex effectu proprio, & per se: ergo continet formam specialem, & perfectissimam syllogismi.

Secundò probatur: Quia demonstratio generat scientiam; 8
syllogismus verò probabilis opinionem: at isti duo effectus, sunt specie distincti: ergo duo isti syllogismi; nempe demonstratiuus, & probabilis; qui sunt causæ per se eorundem effectuum, distinguuntur specie. Et distinctio specifica, non est per materiam, sed per formam: ergo distinguuntur per formam. Non per formam vtrique communem; quæ est dispositio in modo, & figura: cum hæc sit generica, & vtrique communis: ergo per formam specialem; & non solum per materiam.

Itaque tenendum est; quod præter communem formam, & genericam syllogismi, ex modo, & figura desumpiam; datur duplex forma specialis; ex modo speciali concludendi desumpta: per quam distinguuntur specie demonstratio, & syllogismus Dialecticus, seu probabilis. Forma specialis demonstrationis est, modus concludendi euidenter, effectum per se ex causa, vel causam per se ex effectu: modus verò concludendi syllogismi probabilis; non

nō est euidens, sed probabilis. Itaque in modo, & figura conueniunt; sed in modo speciali inferendi conclusionem ex præmissis, dispositis in modo, & figura, distinguuntur: quia modus concludendi demonstrationis euidens, & necessarius est. Modus verò concludendi syllogismi Dialectici, non est euidens, aut necessarius; sed probabilis. & cum ille modus sit perfectissimus, perfectissima species syllogismi erit Demonstratio. Exemplo esse possunt duo isti syllogismi, Omne animal diligit sibi simile: sed Omnis homo est animal simile alteri homini: ergo omnis homo diligit alterum hominem. Et; Omne animal rationale, est risibile: Omnis homo est animal rationale: ergo Omnis homo est risibilis. Nam cum uterque sit constitutus in primo modo primæ figuræ; secundus concludit euidenter: quia conclusio eius sequitur ex præmissis, tanquam effectus proprius, & per se, ex sua causa. Nam risibilitas, proprius effectus, necessarius, & per se rationalitatis est, cum qua conuertitur. Nihilominus primus syllogismus non concludit euidenter; sed solum probabiliter: quia conclusio eius non sequitur ex præmissis, tanquam effectus necessarius, aut per se: sed tanquam effectus quasi contingens. Nā licet similitudo inclinet ad dilectionem, tamen non tanquam ad effectum necessarium, sed liberum, & qui sæpe impeditur aliis rationibus. Syllogismus verò Sophisticus, distinguitur specie ab utroque: quia peccat in forma: non enim habet debitam dispositionem in modo, & figura; licet videatur habere: quare nec habet veram formam sed solum apparentem.

9 Ad arg. igitur. Negandum est antecedens, quod opus hoc solum agat de materia syllogismi: agit enim etiam de forma non communi, aut generica, de qua agunt libri Priorum, sed de specifica: & perfectissima quidem, ut pote ex perfectissimo modo euidenter concludendi desumpta, & ex hoc habet, quod sit nobilissima pars totius Dialecticæ, ad quam ordinantur cæteræ omnes, tanquam ad finem. Sed deceptio eorum, qui falsò putant agere de sola materia: occasionem sumpsit ex hoc: quod modus iste perfectissimus, euidenter inferendi conclusionem ex præmissis, non reperitur, nisi in propositionibus in materia necessaria constitutis: unde verum est, opus hoc agere, de materia necessaria syllogismi: sed falsum, quod agat de sola materia: sed præcipuè, de forma speciali, & perfectissima.

Finis huius operis & titulus, seu inscriptio eius, explicatur.

10 **F**inis huius operis nobilissimus est: quia *naturale desiderium hominis: ut est rationalis, perficit*. Ab ipsa enim rationalis natura

tura hominis procedit, naturale desiderium sciendi, hoc est, cognoscendi effectus per causas, aut causas per effectus: ut docuit expressè Arist. 1. lib. Met. in principio dicens; *omnes homines natura scire desiderant.* & ad hoc desiderium adimplendum ordinatur opus hoc, de natura demonstrationis agens: quæ est potissimum instrumentum sciendi; ut patet ex eius definitione, tradita ab Arist. cap. 2. huius 1. lib. in hunc modum: *Demonstratio est syllogismus faciens scire.* Inscribitur verò, *de posteriori resolutione.* Quem titulum ut intelligamus; utraque particula eius explicanda est: nempe; *Resolutio*, & *Posterior.* *Resolutio* verò alicuius rei, duplex est; *Physica*, seu *realis*, & *Logica*; aut *rationalis.* *Physica resolutio*, est dissolutio aut destructio realis rei: ut dum equus moritur, dicitur resolui in materiam: & dum domus destruitur; dissolui, aut resolui eam dicimus, in ligna, lapides & terram; ex quibus constructa fuit. *Logica* verò, seu *rationalis resolutio*, non est destructio; sed perfectio rei. Consistit enim, in quodam examine singularium partium, ex quibus res est constituta: quo examine ostenditur, singulas eius partes tales esse, quales esse debent, secundum præcepta illius artis; per quam constructa est. Ut dum examinamus partes definitionis, iuxta regulas definiendi traditas à Dialectica, ostendentes proprio genere, & propria differentia constare; dicimur resolvere definitionem. Quod patet idem esse, ac ostendere perfectam esse. Resolvere igitur demonstrationem, non erit aliud, quam partes, hoc est principia, seu præmissas eius examinare: dum scilicet ostenduntur non utcumque veræ, sed etiam necessariæ esse, & per se; atque immediatæ: ita ut cognitis terminis, sine ullo argumento, quo probentur, eis assentiatur intellectus, vel certe, per euidentes demonstrationes reducantur; usque ad prima principia, ex sola notitia terminorum euidencia: nisi enim vno, aut altero modo cognoscat quis, esse per se euidencia, nec veram demonstrationem habebit, nec scientiam conclusionis sed syllogismum Dialecticum & opinionem. Ut Aristot. docet cap. 2. huius 1. lib. his verbis: *Ex primis autem indemonstrabilibus, quoniam non sciet non habens demonstrationem ipsorum.* Res fit manifesta hac demonstratione. Omne animal rationale est risibile: Omnis homo est animal rationale: ergo Omnis homo est risibilis: cuius minor est propositio, per se nota; aut immediata; cum in ea prædicetur definitio de suo definito, sine ullo medio, vel argumento probante, sola per se immediatè conveniat definito: ita ut statim ac significatione terminorum cognoscit intellectus; iudicet esse veram. Hoc est enim

est enim esse principium immediatum, aut per se notum. Cæterum maior non est per se nota: quia risibilitas non conuenit homini immediatè; sed media alia passione priori, nempe admiratione. Demonstranda igitur est; vt intellectus certò, atque euidenter cognoscat esse veram. Demonstratur verò per admirationem, pro medio assumptam, hoc modo: Omne admiratiuū, est risibile: Omnis homo est admiratiuus: ergo Omnis homo est risibilis. Sed adhuc demonstratio hæc non sufficit: quia licet maior præmissa sit immediata; in qua prædicatur vna passio immediata de alia, nempe risibilitas de admiratione, quæ sine vlllo medio ex ea sequitur: minor tamen in qua prædicatur admiratio de homine; non est immediata: quia admiratio non sequitur ex rationalitate per se immediatè, sed media alia passione priori, nempe capacitate disciplinæ.

Quare vt cognoscat intellectus esse certam, & euidentem, scire debet eam demonstrare, per capacitatem disciplinæ sumptam pro medio: hoc modo: Quidquid est capax disciplinæ, est admiratiuum: Omnis homo est capax discipline: ergo Omnis homo est admiratiuus. Porro hæc demonstratio perfectissima est: quia constat præmissis immediatis aut per se euidentibus: atque indemonstrabilibus. talis est enim maior, in qua vna passio immediata prædicatur de alia nempe admiratio de capacitate disciplinæ, qua mediante, sequitur ex rationalitate. Talis est etiam minor, in qua prima passio, quæ immediatè sequitur essentiam, prædicatur de definitione, explicante eandem essentiam: & ad hanc demonstrationem reducta est prima, quæ non esse vera demonstratio, nisi ad eam reduceretur per veras demonstrationes. Quòd si aliquis nesciat eam ita reducere, non erit in eius intellectu demonstratio vera, sed syllogismus probabilis: nec habebit per eam scientiam conclusionis; sed opinionem. Et hæc reductio, est resolutio logica, & rationalis, quia per eam examinantur partes demonstrationis, & probantur euidenter tales esse: quales esse debent secundum regulas huius artis: hoc est secundum definitionem eiusdem demonstrationis, tradendā in 2. cap. huius lib. quæ prima regula est totius artis, & scientiæ. Et tandem; quia in hoc opere, docetur modus iste resoluendi demonstrationem, per reductionem præmissarum vique ad prima principia per se nota, aut indemonstrabilia, ideo inscribitur de resolutione.

- 14 Sed qua demonstratio duplici forma constat (vt iam diximus) communi, aut generica ex modo, & figura desumpta, & speciali

speciali desumpta ex modo concludendi: duobus modis resoluitur: nempe, *secundum formam communem*, quæ examinatur, & probatur per illa principia, *dici de omni*, & *dici de nullo*: & etiam *secundum formam specialem*, quam resolutionem modo ostendimus: & resolutio secundum formam genericam, prior est resolutione secundum formam specificam: quia vniuersalia sunt priora: & genus est prius specie: ideo libri agentes de syllogismo in communi, appellantur de priori resolutione, hoc est de resolutione syllogismi, secundum formam genericam, quæ prior est. Hoc vero opus, docens resolvere syllogismum secundum formam specialem, quæ est posterior, inscribitur de posteriori resolutione.

Sed contra hoc est argum. Quia in his libris non solum docet Arist. resolvere & demonstrationem, vsque ad prima principia, sed etiam componere illam ex talibus præmissis, & partibus: & prius est demonstrationem componere, quam eam resolvere: quia resolutio est quasi examen compositionis: ergo de compositione potius tanquam de prima, quam de resolutione debent appellari. Respondeo. omissis aliis solutionibus: Concesso antecedente, sed negata consequentia: quia licet de compositione per se tractetur, & prior sit, resolutio tamen est perfectior: quia est quasi forma, & anima compositionis, per quam constat euidenter, factam esse secundum regulas artis, & ideo bonam esse & demonstrationem compositam esse exactam, firmam & stabilem, atque generatiuam scientiæ.

Ex quibus sequitur, non esse distinguendam resolutionem rationis in *Logicam* & *Mathematicam*: vt distinguit Toletus, in proœmio huius operis, q. 2. quia si resolutio certa sit, per veras demonstrationes fieri debet. Omnis autem resolutio facta per demonstrationes; est logica: quia ad solam logicam pertinet eam docere. Quocirca solum potest appellari Mathematica, in quantum ad hanc scientiam applicatur, sicut etiam potest appellari Physica aut Metaphysica, vt applicatur ad has scientias. Nam licet omnis scientia resoluat suas conclusiones, & demonstrationes, vsque ad prima principia, tamen modum resolvendi per veras demonstrationes, à Dialectica accipit, cuius proprium est id docere.

*Explicatur quem locum obtinere debeat opus hoc, inter
ceteras partes Dialecticæ.*

Quidam (vt Villalpandus) in proœmio lib. de priori resolutione, asserunt, *verum, & eundem, tractatum componi, ex libris priorum, & posteriorum*; & ideo eundem locum esse concedendum

16 dendum his lib. & illis. Alij verò, vt Philoponus, & Auicena, *Distinctum tractatum esse dicunt*, tamen libros Topicorum collocant immediatè, post lib. Priorum: hoc verò opus statim post lib. Topicorum.

Verùm communis sententia, duo asserit. Primum: *Opus hoc distinctum esse à lib. priorum*. Quia in eo agitur de syllogismo, secundùm formam specialem, in lib. verò priorum, de eodem, secundùm formam communem tractatur, & considerationes istæ diuersæ sunt, ideo ad distinctos pertinent tractatus. Secundum: *Hos libros immediatè, post libros priorum, & ante libros Topicorum, & Elenchorum esse collocandos*: ita D. Thom. in proœmio huius operis, Albert. Mag. 1. Posteriorum, tract. 1. Caieta. Sotus, Louanien. Tolet. Merc. & moderni omnes, in hoc proœmio: & ratio est manifesta: Quia in libris priorum, agitur de syllogismo in genere, sub qua consideratione prior est, quàm secundùm suas species: de quibus agitur in cæteris libris: ergo 17 libris priorum, debetur primus locus, respectu aliorum, in quibus agitur de syllogismo: sed inter species syllogismi, perfectissima est demonstratio (de qua agit hoc opus) & ex consequenti prima: ergo statim post lib. priorum collocari debet.

Quare dicatur iudicatiua hæc pars posterioristica, pars verò topica inuentiua.

Sed quæri tandem solet in hoc proœmio, *Quare hæc pars Dialectica dicatur Iudicatiua*? Cui omiſſis aliis opinionibus; Respondeo, ex doctrina D. Tho. in hoc proœmio posita, rationem rei huius esse: quia iudicium intellectus factum de veritate rei, est quædam sententia: & perfectum iudicium, non quæcunque sententia ab intellectu prolata, sed firma, atque certa: firmam autem, & certam sententiam, non potest ferre intellectus, nisi firmiter, & certò adhareat alteri parti contradictionis. Hoc autem consequitur per demonstrationem: cuius non solum præmissæ, sed etiam conclusio ex eis deducta, certa atque euidens est: vt docuit Arist. lib. 2. cap. 1. dicens: *Oportet scientem simpliciter à credulitate: impermutabilem esse*. Meritò ergo 18 dicitur, hæc pars posterioristica iudicatiua: quia in ea docetur modus certum iudicium ferendi, de veritate propositionum: quod perfectissimum quid est. Pars verò Topica, non vocatur iudicatiua, quia per syllogismum Topicum, non fertur iudicium certum de conclusione, sed probabile tantum: Inuentiua verò dicitur, quia ad inuentionem (vt bene D. Thom. inquit) non requiritur certitudo: quamuis loca ipsa inuenta,

per certam demonstrationem probentur in parte Topica, in quantum pars est logicæ docentis. Per Topicam quoque eadem logica docet, in cæteris scientiis, loca adinuenire, ad eruenda argumenta probabilia. Itaque quælibet pars Dialecticæ, habet aliquid inuentionis, & aliquid etiam iudicij. Sed iudicare, quasi per *αντινομιαν* conuenit huic operi posterioristici, cæteris verò per participationem eius, & inuenire loca argumentorum probabilium, eodem modo conuenit parti Topicæ, & cæteris ex eius participatione. Ideo pars posterioristica, vocatur *iudicativa*. Topica verò *Inuentiua*: quia ab eo, quod principale est, vel principalius conuenit, limitur appellatio.

Modus procedendi, & diuisio totius operis.

Circa modum procedendi: *An definiendo ac diuidendo procedat Arist. vel etiam demonstrando*, non omnes conueniunt. 19
Sed Venetus cap. 1. huius operis, affirmat, diuisionibus, ac definitionibus, vti Arist. in discursu huius operis, non demonstrationibus: quod probari potest testimonio Arist. qui in 2. c. 1. lib. duplici definitione definit demonstrationem. Et etiam hoc argum. Arist. in hoc opere, agit de demonstratione: ergo non procedit demonstrando. Probatur consequentia, quia si per demonstrationes procederet, daretur processus in infinitum: & idem probaretur per seipsum. Probatur consequentia, quia si per demonstrationem probaretur natura demonstrationis: ergo natura illius demonstrationis: qua vteretur, esset probanda per aliam demonstrationem; & ita in infinitum. Et si per demonstrationem probatur natura demonstrationis, illa eadem demonstratio, per quam probaretur, seipsam probaret, cum sit vera demonstratio: vel ignotum per ignotius: cum ante demonstrationem, per quam probatur natura demonstrationis, non sit illa demonstratio cognita.

Duo tamen dicenda sunt in hac re. Primò: *Omniem scientiam, aut omnem partem scientia, ut plurimum procedere definiendo*. 20
Quia necesse est proprium obiectum in principio definire, vt definitio eius assumi possit, tanquam medium ad probandas passionem de illo: & ideo in hoc opere non sic procedit Arist. demonstrando, quin etiam procedat definiendo. Secundò dicendum est: *Proprium modum procedendi huius operis, esse per demonstrationem*, vt in 2. & 10. cap. pluribusque aliis ostenditur, in quibus demonstrationibus vtitur Arist. ad ostendendam naturam demonstrationis, & proprietates eius; & de hoc nemo

nemo potest dubitare. Ad argu. verò: negandum est inconuenientia illa sequi: nam assignata prius definitione demonstrationis, iam per illam cognoscitur natura cuiuscunque demonstrationis: etiam illius, quæ postea adducitur ad probandum aliquid de demonstratione. Nec tamen demonstratio, quæ adducitur: indiget alia, per quam probetur: sed seipsam probat, diuersa ratione: quia in quantum conuenit cum cæteris demonstrationibus, in natura communi demonstrationis, explicata per definitionē, est id, de quo aliquid probatur: & in quantum est medium, per quod probatur, est id, quo aliquid de natura eadem communi probatur: non verò de qua id probatur. Diuersa autem ratione esse id, de quo aliquid probatur, & id, quo illud idem probatur, non est inconueniens: quia definitio, per quam explicatur natura communis definitionis, seipsam explicat diuersa ratione. vt notum est.

Generalis diuisio totius operis est in duos libros: In quorū Primo, *de natura demonstrationis, & partibus eius agit Aristo.* In Secundo: *De modo constituendi definitionem:* quæ potissimum medium est eiusdem demonstrationis: particularis autem diuisio, cuiuscunque libri, suis locis designabitur.

C A P V T I.

T E X T V S A R I S T.

Omnis doctrina, omnisque disciplina intellectiua, ex præexistenti sit cognitiōe, &c.

Breuis expositio textus.



Rimus hic liber, de posteriori resolutione, in tres partes diuiditur. In prima, docet Aristo. *Demonstrationem esse.* In secunda; *Quid sit demonstratio, & quibus partibus constet.* In tertia; *Qualis sit, hoc est, quas habeat passiones, aut proprietates.*

Intentum huius capituli, *Quod actualis rerum notitia, atque scientia, verè sit in nobis: & ex alia notitia priori generetur.* Habet autem duas partes, in quarum prima, tradit Aristo. vniuersalem quandam propositionem, prædictam veritatem continentem: eamque probat in omni genere intellectualis cognitionis. In secunda quot, & quæ sint præcognitiones, & de quibus habeantur.

Duo versabantur errores in scholis tempore Arist. circa acquisitionem scientiæ. Primus, Heracliti, & Cratylî antiquorum Philosophorum: qui non distinguentes notitiã intellectiuã à sensitiuã, nec putantes aliquid esse in rebus vniuersale, sed solum singularia sensibilia, quæ in cõtinuo motu, & fluxu sunt, consequenter asseriebant, nec dari scientiam de rebus, nec dari posse: quia scientia si esset possibilis, de vniuersalibus, atque perpetuis deberet esse.

Secundus error, fuit Platonis, vt testatur idem Arist. 1. & 7. 2. lib. Meta. concedentis quidem scientiam, non tamen de nouo acquisitam, sed à principio habitam, hoc modo: vt dum materia, ex qua generatur homo, disponitur ab agente naturali, statim per impressionem, atque virtutem ideæ hominis separatæ, infundatur anima, plena speciebus rerum omnium: per quas posset scire omnia: solum quod non exeat in actum cognoscendi, propter impedimentum corporis, & quasi ligamentum sensuum, quousque tale impedimentum exercitatione tollatur: quo sublato cognoscere incipiat anima, non ea, quæ prius ignorabat, sed quæ à principio cognouerat: impedita tamen fuerat ab actuali consideratione eorum: & ideo ita se habuit, ac si obliuioni tradidisset, quæ prius cognouerat: Vnde inferebat Plato, *Scire nostrum esse, quasi reminiscentiã quandam eorum, quæ prius cognouimus.* Quod hoc argumen. probabat, in quodam dialogo de scientia, & virtute qui vocatur *Menon*, à Menone persona quadam eiusdem appellationis in eo introducta. Dum homo vult aliquid scire: aut scire vult, id quod iam sciebat, vel quod nesciebat: primum est impossibile, quia nemo scire vult ea, quæ iam cognoscit. Nec minùs impossibile est secundum, quod scire velit id quod ignorat: nam sicut frustra aliquis quæreret hominem, quem non nouit: quia etiam si illum inueniat, cognoscere non poterit: ita frustra quæreret aliquis scientiam eius: quod non cognouit, quia non poterit illud cognoscere, etiam si ei sese offerat. Necesse est ergo dicere, quod ea velimus scire, quæ prius cognoscebamus: sed quasi obliuioni tradidimus: & ideo non de nouo, sed quasi per quandam reminiscentiã illud modo cognoscimus.

Aduersus hos duos errores, proponit Aristot. hanc propositionem vniuersalem: *Omnis doctrina; omnisque disciplina, intellectiua, ex præexistenti fit cognitione.* Cuius sensus est: Omne iudicium intellectus, non ex sola notitia terminorum habitũ, sed aliquo medio, aut ratiocinatione acquisitum, siue propria industria, aut labore, ita vt doctrinã appelletur: siue à magistro acceptum;

acceptum: & ideo disciplina vocatum, fit, hoc est, verè datur aduersus Heraclitum, & fit de nouo: ita vt res per illud cognita, non fuerit cognita priùs, sed simpliciter ignorata, aduersus Platonem. Hanc veritatem vniuersalem, probat Arist. in triplici genere cognitionis. In *Scientifica* quidem certissima, qualis est ea, quæ habetur, per Mathematicas disciplinas: in quibus euident est, iudicium ac notitiam conclusionis fieri, ex notitia præmissarum priùs habita. Et eodem modo in cæteris Artibus, non solum liberalibus, sed etiam mechanicis: in quibus vnum semper cognoscitur, ex notitia alterius priùs habita, quousque perueniatur ad primum principium illius artis, non per aliud, sed per se notum, hoc est, ex sola notitia terminorum. Probat deinde in cognitione probabili, quæ habetur per syllogismum Dialecticum, cuius conclusio cognoscitur ex notitia probabili præmissarum, vel euidenti, per consequentiã probabilem, aut per inductionem: in qua, ex notitia singularium, fit experimentum quod est iudicium vniuersale. Probat tandem in Rhetoricis argumentationibus, quæ sunt Enthymema, & exemplum: nam Enthymema, est quasi syllogismus truncatus, cui deficit maior vel minor, subintellecta tamen ab arguente: & iudicium conclusionis, fit ex iudicio alterius præmissæ priùs habita. Exemplum verò procedit, ex vno singulari ad aliud, per similitudinem: & ideo notitia vnius habetur, ex notitia alterius prius habita.

- 4 In secunda part. cap. agit Arist. de Præcognoscendis, & Præcognitis. Nam si notitia conclusionis debet fieri, ex præexistenti cognitione, necesse est explicare, quæ, & quot sint præcognoscenda, & de quibus: vt ex eis haberi possit notitia conclusionis: Duo ait esse præcognoscenda, aut duas esse præcognitiones ad notitiam conclusionis necessarias, *An sit, & Quid sit.* Tria autem esse, de quibus habendæ sunt præcognitiones, nempe, *Subiectum, Passio, & Principium*, & hæc appellantur præcognita. *Subiectum*, est illud de quo est scientia, vel scientifica conclusio. *Principia*, sunt præmissæ demonstrationis, ex quibus inferrur conclusio. *Passio est*, quæ demonstratur de subiecto in conclusione. Exempla ponit Arist. in Mathematicis disciplinis: sed nos ea afferemus in rebus nobis notioribus hoc modo: Vt habeamus euidentem notitiam huius conclusionis; Omnis homo est risibilis, necesse est, duo præcognoscamus, *An sit, & quid sit*: & de tribus quidem, nempe, de subiecto, circa quod versatur conclusio, quod est homo: de principiis, quæ sunt præmissæ istæ, per quas demonstratur, nempe, Omne animal rationale est risibile: & omnis homo est animal.

rationale: & de passione demonstrata de illo, quæ est risibilitas. Non est tamèn habenda vtraque præcognitio de singulis: sed de subiecto tantum: de principiis verò, prima, nempe, an sint, hoc est, an sint vera: de passione verò, secundum, nempe, quid sit, hoc est, quid nomen significet: nam quòd sit, probatur in conclusione: id est, quòd insit subiecto: quia cùm sit accidens, non habet aliud esse, quàm subiecto inesse.

His explicatis, responder Arist. in fine cap. ad argu. Platonis. Distinguendo maiorem: nam dum interrogatur: An qui vult scire aliquid, velit scire, quod sciebat priùs, vel quod ignorabat: Respondendum esse ait, non velle scire, quod simpliciter sciebat: nec quod omnino ignorabat: sed quod ignorabat formaliter, atque simpliciter, sciebat tamen virtualiter, & secundum quid, hoc est: non in se, sed in alio priùs cognito: in quo virtualiter continetur. Gratia exempli, dum volo scire, An homo sit capax disciplinæ: volo scire, id quod non sciebam actu, & formaliter, sed solum virtualiter; in illis duabus præmissis priùs cognitis: Omne animal rationale est capax disciplinæ, & omnis homo est animal rationale: in quibus notitia eius virtualiter continetur: & ideo dum inferitur ex eis, cognosci potest: quia non prorsus ignorabatur, sed virtualiter saltem cognoscebatur: & per illationem, cognoscitur formaliter.

QVÆSTIO I.

An de omni, & sola cognitione intellectiua, intelligatur universalis propositio Aristotelis.

PRIUS quàm diuersas sententias proponamus, paucis explicanda est propositio Arist. in qua per doctrinam, & disciplinam, item assensus intellectus significatur: qui, vt propria industria acquiritur, vel, vt à magistro procedit, doctrina dicitur: vt verò à discipulo acceptus, disciplina. Deinde per cognitionem intellectiua, non quodlibet iudicium intellectus significatur, sed illud solum, quod per aliquod medium, vel ratiocinationem habetur: nam si ex sola cognitione terminorum habeatur, certum est non fieri ex alio iudicio intellectus: quamuis fiat ex notitia apprehensua terminorum, & significationis eorum. Alioqui, si ex alio iudicio fieret, daretur processus in infinitum. Sensus igitur propositionis est: Omne iudicium intellectus, per aliquod medium, vel ratiocinationem habitum, sit ex alio, habito etiam per

per ratiocinationem, vel ex sola notitia terminorum: ita ut tandem ad aliud per se notum, aut sine medio habitum reducat. Iste est sensus propositionis, de qua inquiritur, *An de omni, & sola cognitione intellectiva accipiat, & an vera sit.*

Et prima opinio tenet; *Non solum in scientiis, sed etiam in opinione, & fide humana verum esse, ac de eis intelligi, & ex consequenti, de omni iudicio intellectus, per medium habito.* Ita Sotus quæst. 1. huius cap. in solutione ad primam confirmationem, 2. arg. probat id: Quia utraque generatur ex aliquo principio euidenti, per probabilem, aut inevidentem consequentiam: opinio quidem, dum sic argumentatur: Corpus sphericum, aut perfectè rotundum, tangit aliud corpus perfectè planum in puncto: ergo datur punctum indivisibile. Fides etiam humana, dum dicimus, Homini fide digno credendum est: ergo vera sunt, quæ ab hoc homine, fide digno, dicuntur.

Secunda opinio asserit, *Non solum ad scientias humanas, sed etiam ad scientiam angelorum se extendere, & in ea veram esse.* Ita moderni quidam: qui hanc sententiam ita probant: Quia Angelus cognoscit effectum per causam: ut quod homo sit risibilis: quia est rationalis: & cognitio causæ, est prior cognitione effectus, sicut causa est prior effectui: ergo cognitio effectus sit in eo, ex præexistenti cognitione causæ. Præterea Angeli inferiores illuminantur à superioribus: & illuminatio non videtur esse aliud quàm manifestatio veritatis, quam superior cognoscit, & ignorat inferior: ergo cognitio inferioris angeli, sit ex præexistenti cognitione superioris.

8 Nostra sententia, & communis omnium ferè expositorum Arist. in hoc capite, his conclusionibus explicatur. Prima: *Non intelligitur propositio Arist. de scientia angelorum, nec in ea potest habere veritatem.* Ut hanc explicemus, atque probemus simul, notandum est: *Aliud esse cognoscere, quàm unum sit ab alio, aut ex alio, vel propter aliud: & aliud habere cognitionem unius, ex cognitione alterius:* nam primum: non dicit distinctam cognitionem utriusque, nec ullam imperfectionem ex parte cognoscentis, sed per unam & eandem cognitionem, potest utramque cognosci, cum illo ordine, aut dependentia, quam secundum se habent: & ita cognoscuntur à Deo, & ab angelis, causa, & effectus quicunque. Ita, ut per unam simplicem cognitionem, utrumque cognoscant: & quàm unum habet esse ab alio: sic etiam cognoscunt essentiam quamcunque & omnes passionem ab ea procedentes. Habere autem cognitionem unius, ex cognitione alterius, dicit distinctionem cognitionum, & causalitatem, non solum inter obiecta cognita,

sed etiam inter cognitiones ipsas; ita ut una sit causa alterius in aliquo genere; & hæc est maxima imperfectio: quæ solum reperitur in cognitione nostra discursiua, per quam successiue plura cognoscimus: & cognitio vnius sequitur post aliam, & fit ex alia, & hoc est fieri ex præexistenti cognitione; ut asserit propositio Arist.

Ex hac ergo verissima doctrina probaturam; Nullum iudicium intellectus diuini, aut angelici, fieri ex præexistenti cognitione. Quod sic probo: Iudicium intellectus fieri ex præexistenti cognitione dicit distinctionem cognitionum: quia eadem cognitio non dicitur fieri ex seipsa: sed Deus, & Angeli, non cognoscunt effectum, & causam distinctis cognitionibus: ergo cognitio effectus in eis, non fit ex præexistenti cognitione causa.

Quod verò dicitur, Angelum cognoscere effectum per causam; Distinguendum est; nam ex parte rei cognitæ, verum est; quia verè cognoscit Angelus, effectum habere esse à causa, & propter eam esse: sed ex parte cognitionis, non est verum; quia cum cognitio causæ, & effectus sit eadem, non est verum, quòd cognitio vnius fiat ex cognitione alterius: hoc enim distinctionem cognitionum dicit, quæ non reperitur in Deo, nec in angelis, respectu causæ, & effectus. Et quod de scientia Angelorum dicimus, eodem modo intelligendum est, de scientia infusa primi Patris, quam habuit à principio, quo factus est à Deo.

De illuminatione verò; Concedimus, quòd cognitio inferioris angeli, fiat ex præexistenti cognitione superioris; propositio tamen Arist. intelligitur in eodem intellectu, non in diuersis.

Secunda conclusio: *In opinionibus non semper est verum; quòd una cognitio fiat ex alia; ut asserit prima opinio: sed solum ea quæ habetur per discursum.* Probatur hæc Conclusio: Quia opinio non solum habetur per discursum, ex propositione euidenti, sed dantur etiam opiniones per se notæ; hoc est, per se probabiles: sicut principia scientiarum per se euidentiæ: & in eis non habetur una cognitio ex alia, sed ex sola notitia terminorum: ut hæc propositio, Mater diligit filium suum, per se est probabilis: & non quia colligitur ex alia, sed sola significatione terminorum habita, necessariò iudicat intellectus esse probabilem: ergo in his opinionibus, non fit cognitio ex præexistenti alia cognitione, verum hoc ipsum ex professo explicabitur in cap. 26. huius lib.

Tertia conclusio: *Assensus fidei humana, non fit ex præexistenti cognitione.* Probatur hæc etiam, contra Sorum: Quia formalis, & proxima ratio assentiendi in fide, est testimonium fide digni, per

per quam rationem distinguitur ab opinione. Huius enim assensus; vel habetur ex sola notitia terminorum; vel colligitur ex alio assensu euidenti, per consequentiam probabilem: ergo assensus fidei, non fit ex alio, nec per discursum, sed ex solo testimonio habetur sine discursu: quare non fit ex præexistenti cognitione. Et quod de fide humana dicimus, eodem modo intelligendum est, de fide diuina, & de reuelationibus Prophetarum.

Ad arg. verò primæ opinio- nis: Respondeo, Assensum opinio- nis, habitum per illum discursum, fieri ex præexistenti cog- nitione, sed non omnem assensum opinionis, haberi discursum; vt probauimus: & ideo non semper fieri ex præexistenti cog- nitione. Quòd verò assensus fidei humanæ fiat per illum discursum negamus. Immediatè quippe habetur ex testimonio fide digni: aliàs si fieret per illum discursum, opinio esset, non fides humana.

Ex his tribus conclusionibus, sequitur, propositionem Ari- stotelis vniuersaliter esse veram, in omni scientia, humano more acquisita, & in opinione, quæ habetur per discursum tã- tum. Et ideo sensum eius hunc esse, *Omne iudicium intellectus, per discursum habitum, siue euidentis sit, vel probabile, si vi ex præexi- stenti aliquo iudicio intellectus, ex sola notitia terminorum habito: vel etiam per discursum, reducibili tamen ad iudicium aliud, ex sola notitia terminorum habendum.*

Q V Æ S T I O II.

An de subiecto sit præsupponenda actualis existentia.

52 **D**Vas præcognitiones assignauit Arist. nempe, *An res sit, & Quid sit*, & vtramque habendam esse docuit de subiecto vel obiecto, circa quod versatur scientia, & huius ratio est ma- nifesta: quia si subiectum non habet esse, neque habebit essen- tiam, aut quidditatem: & ideo nec proprias passiones: quæ de illo probentur in scientia. Nec denique habebit definitionem quidditariam, per quam probentur: quare si non sit, non pote- rit esse obiectum scientiæ. Esse autem; vt modò loquimur, non est aliud, quàm existentia in rerum natura. Sed hæc duobus modis habetur, *Actu* quidem, dum res existit extra suas causas: vel *Potentia*, dum non est extra illas, sed in virtute earum, à qui- bus produci potest. De existētia autem subiecti possibili, nemo dubitat, quin sit necessariò præsupponenda: quia si non possit illo modo eam habere, reputabitur ens impossibile, sicut Chi- mæra: quare non poterit de illo haberi scientia. Idco solum

querimus de existentia actuali: *An necesse sit de subiecto præcognoscere, quòd actu sit in rerum natura, vt de illo habeatur scientia: vel sufficiat præsupponere, quòd eam possit habere.*

Et prima opinio affirmat; *Necessarium esse quòd de subiecto præsupponatur actualis existentia:* non quam semper habeat, sed saltem temporibus à natura statutis: vt de rosa, actu non existente, habetur scientia in hyeme: quia præcognoscimus illam habituram tempore veris. Si verò eam suo tempore non esset habitura, non posset de ea haberi scientia. Ita Caiet. cap. præsentis, & Toletus, quæst. vnica ad 5.

Et probatur testimonio Arist. id expressè asserentis, lib. 2. huius operis, textu 8. his verbis: *Quærere autem Quid est, non habentis Quod est, nihil est quærere.* Quasi dicat, non esse quærendam definitionem eius, quod non habet existentiam: quia non poterit inueniri: & ideo nec poterit esse obiectum scientiæ.

Probatur etiam ratione: Quia ab eo quòd res est, vel non est, propositio dicitur vera, vel falsa: id est, ab eo, quòd actu existit: vel non existit: ergo actualis existentia subiecti, temporibus saltem, quibus eam accipere potest à causis naturalibus, fundamentum est omnium veritatum, quæ de illo possunt cognosci in scientia: quare necessariò erit de illo præcognoscenda.

Secunda opinio est opposita; Quòd non sit necessariò præcognoscenda actualis existentia subiecti, temporibus etiam à natura statutis: sed licet eam nunquam habeat, nec habiturum sit, posse haberi scientiam de illo, si præcognoscatur, quòd eam habere possit. Ita Sor. quæst. 1. de præcognitis; vbi docet, quod dum Aristot. ait de subiecto præcognoscendum esse, An sit, hunc sensum tenet, id est, An sit verum ens, habens saltem esse possibile in suis causis.

Ratio huius sententiæ est: Quia sufficit subiectum habere esse possibile in suis causis: vt veram habeat definitionem, verasque passionis: quæ de illo possint probari in scientia: ergo sufficit hoc de illo præcognoscere.

Nostra sententia duabus conclusionibus explicatur. Prima est: *Intrinseca ratio scientia, non petit actualem existentiam subiecti: ideo non est necessariò præcognoscenda de illo, sed sufficit præcognoscere existentiam possibilem.* Probatur hoc arg. Scientia ex propria natura est perpetua, & circa obiectum necessarium, & perpetuum debet versari: sed actualis existentia, nec semper conuenit subiecto, nec necessariò, sed modo quodam contingenti, cum passim res eam amittant, dum corrumpuntur: ergo non habetur scientia de subiecto; vt actu existente etiam statutis temporibus.

In lib. 1. de Posteriori resolutione, Cap. 1. Quæst. 3. 603
poribus. Nec erit necessariò præcognoscenda actualis eius
existentia, sed sufficiet præcognoscere possibilem. Hæc est
contra Caiet.

15 Secunda conclusio, *Vt habeatur scientia de aliquo subiecto à no-
bis, imperfectè cognoscentibus necesse est quòd habuerit aliquando a-
ctualem existentiam, non quocunque tempore à natura statuto, sed
vel semel.* Hæc ex parte est contra vtramque opinionem. Et
probat hac ratione: Imperfecta nostra cognitio, habetur per
sensus: ergo non possumus habere scientiam, de aliquo obie-
cto, nisi per aliquem sensum illud percipiamus: sed sensus non
percipiunt, nisi res acta existentes: ergo necesse est obiectum
aliquando habuisse actualem existentiam; vt notitiaci sci-
entifica ad intellectum perueniat mediis sensibus. Quòd verò
in tēporibus à natura statutis, eam habeat, necessarium non est:
cū possit per eam, quam semel habuit, modo scientifico à
nobis cognosci. Vtramque conclusionem nostram, tenet Fer-
rar. 1. lib. contra gentes, cap. 66.

16 Testimonium verò Arist. pro sententia Caiet. adductum,
de esse possibili intelligendum est: quod sufficit; vt quidditas
eius inueniatur. Vel, si de actuali intelligitur, de modo quo à
nobis acquirirur scientia, loquitur in eo Arist. non de sci-
entia secundum rationem intrinsecam.

Ad arg. verò eiusdem sententiæ; Distinguendum est antece-
dens: Nam ab eo, quòd res est, vel non est, id est ab eius exi-
stentia possibili accipitur veritas propositionis scientificæ:
non ab actuali: & illa est fundamentum sufficiens veritatum
totius scientiæ.

Arg. verò pro sententia Soti; Concedendum est: quia so-
lūm probat, sufficere existentiam possibilem subiecti præcog-
noscere, ad intrinsecam rationem scientiæ: vt asserit prima cō-
clusio nostra: sed ad imperfectum modum: quo eam nos com-
muniter acquirimus, necessarium est, vt eam habuerit ali-
quando, & aliquando de illo fuisse præcognitam; vt probat
conclusio secunda.

Q V Æ S T I O III.

*An de subiecto præcognoscendum sit quid rei, vel solūm
quid nominis.*

17 **D**uplex est definitio. Vna per quam explicatur essentia
rei: & hæc vocatur *definitio rei, vel quid rei*; vt animal ra-
tionale, *Alia* est definitio, seu potius explicatio vocis: vt
dum

dum dicimus; magnanimum esse, magnum habentem animum: vel infinitum; quod non habet finem. Et hæc dicitur *definitio nominis, vel quid nominis*: quia quidditas nominis, videtur esse significatio eius, per eam explicata. Et hæc, non est dubium, quin sit necessariò præcognoscenda de subiecto scientiæ: nam si ignoremus, quid significet hæc vox, homo, non poterimus habere de illo veram aliquam notitiam, nec scientiam. Sed quæstio procedit de definitione, quid rei, aut quidditatiua subiecti; *An sit necessariò præcognoscenda.*

Et prima opinio asserit: *Non esse necessariò præcognoscendam*, sed sine eius notitia, posse haberi de re scientiam. Ita Tolet. ubi supra probat hoc modo: Quia ad demonstrandum effectum per causam: non requiritur præcognoscere quid sit Causa, & quid effectus, sed solum quòd effectus procedit per se à causa: ergo non requiritur præcognitio, quòd quid est. Vnde Astrologi demonstrant lunam eclipsari, per suam causam, ignorantes definitionem lunæ & cœlorum: & Mathematici multa demonstrant de figuris, & numeris, ignorantes definitiones eorum.

Vt autem quid sit tenendum in hac quæst. decernamus: 18
Notandum est; *Duplicem esse demonstrationem, Quia, & Propter quid. Demonstratio propter quid*; est illa, per quam demonstramus effectum per suam causam: & talis est hæc: Omne animal rationale est risibile: Omnis homo est animal rationale: ergo Omnis homo est risibilis. *Demonstratio Quia*, est, per quam ex opposito demonstramus causam per effectum; vt si dicas: Omne risibile est admiratiuum: Omnis homo est risibilis: ergo Omnis homo est admiratiuus. Præterea *demonstratio propter quid*, adhuc est duplex; *Prima*, per quam demonstratur propria passio de subiecto: & talis est prima, quam adduximus; tales etiam sunt plures in scientiis particularibus, demonstrantibus passiones de subiecto vt in Metaphysica, & vtraque Philosophia Naturali, & Morali. *Alia est*, in qua demonstratur effectus per causam, cuius non est propria passio: & talis est secunda demonstratio adducta: tales etiam sunt ferè omnes demonstrationes Mathematicæ. Nam istæ scientiæ non tam demonstrant passiones de subiecto, quàm rationes quasdam figurarum, & proportionum numerorum, posteriorum per priores.

His suppositis, tribus conclusionibus explicatur nostra sententia. Prima est: *Præcognitiones, & ordo quo habenda sunt de subiecto, passione, & principijs, quæ vocantur præcognita, non habent locum in demonstratione Quia, sed solum in demonstratione Propter quid.*
Probatur

Probatur testimonio Arist. qui cap. 2. huius 1. lib. asserit, de modo sciendi à posteriori, hoc est per demonstrationem Quia, nondum se fuisse locutum, sed nec locuturum vsque ad decimum cap. ubi utramque demonstrationem distinguit. Ergo regulæ in hoc capite traditæ, de præcognitionibus, & præcognitis, solum intelligantur in processu demonstrationis Propter quid; ut etiam ostendunt exempla omnia ab Arist. adducta.

Probatur etiam ratione: Quoniam per demonstrationem Quia, sæpe demonstratur definitio, vel essentia rei, per propriam passionem: ut ostendit hæc demonstratio: Omne risibile est animal rationale: Omnis homo est risibilis: ergo Omnis homo est animal rationale. Aliquando etiam probari solet, quod subiectum sit, quando non est adeò manifestum. Sed id quod demonstratur, non potest præsupponi, aut præcognosci: ergo in demonstratione Quia, non est præcognoscendum de subiecto, an sit, neque quid sit, sed sufficiet præcognoscere quid nominis.

Secunda conclusio: *In demonstrationibus etiam Propter quid, in quibus non demonstratur propria passio de subiecto, sed effectus de sua causa, non est necessario præcognoscendum quid rei de subiecto: sed sufficit præcognoscere proprium conceptum causa, ac dependentia effectus ab ea, seu rationis, per quam demonstratur effectus.* Probatur: Quia in his definitionibus, non sumitur pro medio demonstrandi definitio subiecti, sed solum dependentia per se effectus à causa: ergo non requiritur præcognitio illius: sed huius sufficiet.

Tertia conclusio: *In demonstrationibus probantibus passionem de subiecto, necessario præcognoscenda est definitio quid rei:* Hæc est etiam manifesta: Quia in his demonstrationibus, definitio quid rei assumitur pro medio: ergo est altera præmissarum: sed præmissæ præcognoscuntur ad inferendam conclusionem: ergo necesse est quid rei de subiecto præcognoscere. Et in his demonstrationibus intelligitur præceptum Arist. de præcognoscendo quid rei, de subiecto; ut docet expressè D. Tho. 1. p. q. 1. art. 7. ad primum: ex quo desumptæ sunt omnes tres conclusiones nostræ, quas tenet etiam Caiet. cap. præsent. Ex quibus intelligitur, regulas Arist. de præcognitionibus, & præcognitis, secundum proportionem intelligendas esse, in diuersis demonstrationibus. Ita ut de subiecto præcognoscendum sit, quid rei, atque etiam, quid nominis, in his demonstrationibus, quæ probant passionem de subiecto, in aliis verò, in quibus ratio posterior, vel effectus per rationem priorem

priorem, vel causam probatur, solum conceptus causæ, & dependentia eius ab effectu est præcognoscenda, verum quid nominis in omnibus.

Argum. verò Tolet. solum probat non esse necessariò præcognoscendum, quid rei, de subiecto, in demonstrationibus probantibus effectus per causas; vel rationes posteriores per priores: quod concedit secunda conclusio nostra: ideo nihil efficit contra tertiam.

Q V Æ S T I O IIII.

An præcognitiones de subiecto, passione, & principio, haberi debeant ante demonstrationem; vel etiam in demonstratione ipsa.

VT intelligatur titulus quæstionis; Explicandum est; 21
 Quid sit *aliquid præcognoscer e de aliquo*: & qua necessitate haberi debeant præcognitiones istæ, de tribus præcognitis, *Præcognoscere aliquid de aliquo*, est, priusquam de illo disputetur, vel probetur vnum aliquid, aliud distinctum cognoscere, vel præsupponere: quod non probatur, sed tanquam certum præsupponitur. Gratia exempli: Si demonstrare velimus de homine, quod sit admiratiuus, aut risibilis: priusquam intellectus assentiat conclusioni, oportet; vt intelligat hominem esse: & etiam quid sit, quid nomen risibile significet. Nisi enim hæc cognoscantur, non poterit intellectus præmissis assentiri, nec ex eis inferre conclusionem. Et hæc est necessitas præcognoscendi. An verò hæc præcognoscenda sint, antequam formetur demonstratio: vel satis sit, dum præmissæ disponuntur, & eis assentitur intellectus, ea præcognoscere, de hoc est quæst.

Circa quam prima opinio tenet, *Ante totam demonstrationem,* 22
necessariò esse præcognoscenda: & non sufficere in demonstratione ipsa. Ita Tolet. quod probat testimonio Arist. qui exempla posuit in illo principio vniuersalissimo; Quodlibet est, vel non est: & in vnitæte, quæ est principium numeri, pro subiecto. In triangulo verò, pro passione: de quibus euident est cognosci ante totam demonstrationem: ergo intellexit Arist. præcognitiones ante demonstrationem habendas esse, & non in demonstratione ipsa.

Probat etiam ratione: Quia præcognitiones, & præcognita, præsupponuntur scientiæ acquirendæ: sed ad acquisitionem scientiæ pertinet tota demonstratio, cum scientia acquiratur per eam: ergo ante demonstrationem
 necessa

necessario habendæ sunt præcognitiones. Pro solutione quæst. notandum est, *Præcognitiones*, & *præcognita*, duobus modis considerari posse. *In communi*, & *in particulari*. vel in exercitio, aut in apprehensione vniuersali. vt si dicamus, *Principium esse*; Totum est maius sua parte: *Subiectum* verò, vnitatem: & *Communem passionem*; triangulum figuræ. Hæc enim vix, aut nunquam ingrediuntur demonstrationem, sed tanquam communissima exempla, & quasi speculatiua afferuntur. *Subiectum* verò, *Passio*, & *principium* accipiuntur in particulari, pro his, quæ ingrediuntur demonstrationem, & pertinent ad particulares scientias: vt *Subiectum* in scientia de homine, est homo. *Passiones*, quæ de illo probantur, sunt admiratio, & risibilitas. *Principium*, per quod probantur, est eius definitio.

- 23 Quo supposito, duo asserit nostra sententia. Primum est, *Præcognitiones*, & *præcognita*, *sub vniuersali ratione considerata: ante demonstrationem haberi*. Secundum, *Si considerentur in particulari*, hoc est, ea quæ pertinent ad particulares scientias, *possunt quidem ante demonstrationem haberi, & communiter ante illam habentur*: hoc tamen non est necessarium ad assensum conclusionis, nec ad acquisitionem scientiæ sed in demonstratione ipsa haberi possunt, simul ac intellectus disponit præmissas, & eis assentitur. Hæc est communis sententia, quæ tenent Themistius, in sua Paraphrasi, super 1. lib. Posterior. cap. 1. & 2. D. Tho. Caiet. Venetus, Sorus, & cæteri cap. præf. Et primum non oportet probare; cum illud concedat opposita sententia: sed probatur secundum hac ratione: *Præcognosci* dicitur illud, quod non probatur per demonstrationem sed præsupponitur ante assensum conclusionis. Sed ea quæ cognoscuntur in præmissis demonstrationis, & non ante demonstrationem integram, non probantur per demonstrationem, sed præsupponuntur ante assensum conclusionis: ergo verè, & propriè dicuntur præcognosci: & sufficit ad assensum conclusionis, & acquisitionem scientiæ; quòd intra demonstrationem præcognoscantur. Quòd verò communiter præsupponantur demonstrationi, manifestum est: quia experientia constat, ferè semper nos ea cognoscere, antequam formemus syllogisimum demonstratiuum: sed contingere posset vnum vel alterum eorum non esse nobis cognitum: & tunc sufficere inter disponendas præmissas, illud percipere.

- 24 Testimonium Arist. pro prima opinione, nihil probat contra nostram: Quia Aristot. in communissimis præcognitis, exempla

exempla posuit, quæ cum demonstrationem vix, aut nunquam ingrediantur, ante illam habenda sunt eorum præcognitiones. Ad arg. verò; Distinguendum est antecedens: nam per acquisitionem scientiæ possumus intelligere, constitutionem totius demonstrationis: & tunc negandum est: quod ante acquisitionem scientiæ necessariò debeant haberi præcognitiones. Vel solum assensum conclusionis intelligimus, in quo magis propriè consistit acquisitio scientiæ: nam præmissæ potius sunt principia acquisitionis, quàm acquisitio: & in hoc sensu magis proprio, concedendum est antecedens: quod ante acquisitionem scientiæ haberi debeant, sed ex hoc non sequitur, quod ante demonstrationem; vt per se est manifestum.

QVÆSTIO V.

An assensus conclusionis fiat, ex assensu præmissarum, aut principiorum, in genere causa efficientis, vel solum materialis.

Quæstio hæc fundamentum habet in propositione vni-²⁵uersali Arist. assertentis, *Doctrinam, vel disciplinam, que est iudicium conclusionis, fieri ex præexistenti iudicio præmissarum, vel principiorum.* Vnum autem fieri ex alio, aliquod genus causæ denotat. Et potest denotare materialem; vt dum dicimus, domum fieri, ex lignis, & lapidibus: vel cognitionem intellectuam, fieri ex sensitiua: hoc enim materialem quoque causalitatem denotat. Quia cognitio sensitiua concurrat ad intellectuam, determinando materiam, vel obiectum circa quod versari debeat. Et potest etiam denotare causam efficientem: vt dum dicimus, calorem fieri ex igne, aut ab igne: ideo quærimus; *An assensus conclusionis fiat ex assensu principiorum in genere causa efficientis, vel materialis tantum.* Et quod materialiter ex eo fiat certissimum est: quia conclusio componitur ex terminis præmissarum, nempe ex maiori, & minori extremitate: & præterea determinatur per assensum principiorum: quia ex talibus principiis: tales conclusiones deducere potest intellectus, & non alias diuersas. Hæc autem ad genus causæ materialis pertinere manifestum est. Sed, *An præter genus causæ materialis, efficiens quoque reperitur in eis:* ita vt assensus præmissarum sint causæ efficientes assensus conclusionis; de hoc est quæstio.

Circa quam est prima opinio Durandi, *negantis eis efficientiam,* in 2. d. 2. q. 2. ad quartum: propter hæc duo argumenta. Primo: Quia causa efficiens agit, in quantum est actu in rerum natura: nam quod non est, nihil potest efficere: sed
dum

dum intellectus assentitur conclusioni, iam non sunt assensus principiorum: ergo non possunt esse causa efficiens eius. Probat minorem: quia intellectus non potest simul habere plures actus, vel assensus: sed vnum post alterum: ergo dum habet assensum conclusionis, iam transiit assensus præmissarum: quare non poterit esse efficiens causa eius. Et vniuersaliter loquendo vnus actus non potest habere virtutem effectiuam alterius.

Secundò: Assensus principiorum, cum per solam noticiam terminorum habeatur, specie distinguitur ab assensu conclusionis, qui habetur per medium demonstrationis: ergo si ille sit causa efficiens huius, erit causa æquiuoca specie distincta, ab effectu: sed non potest esse causa æquiuoca: ergo nec erit efficiens. Probatur minor: quia causa æquiuoca est vniuersalis, & remota, vt cælum, vel Sol: assensus autem principiorum, est causa particularis, & proxima conclusionis: vt per se est manifestum: ergo non est æquiuoca.

- 27 Secunda opinio est opposita; Quod assensus principiorum, non solum sint causa materialis conclusionis: sed etiam efficiens: hanc tenet expresse D. Thom. cap. præsentis, lect. 3. vbi asserit, esse sententiam Aristo. 2. lib. Physic. & 1. lib. contra gentes. cap. 57. ratione 4. vbi eum exponit, & sequitur Ferra. atque etiam Gabriel q. 8. prologi dub. 2. Sotus q. 1. huius capituli, ad 2. Toletus in expositione primi textus, notab. 3. Et hæc est vera, & tenenda.

Probatur duplici argum. Primò: Quia illud quod constituit potentiam in actu primo, concurrit cum ea efficienter ad actum secundum: vt species coloris, tanquam virtus eiusdem coloris, qui est obiectum visus, constituit potentiam visuam in actu primo ad videndum: & ideo concurrit efficienter cum ea ad visionem, quæ est actus secundus; sed per species principiorum, & assensum eorum constituitur intellectus in actu primo ad assentiendum conclusioni: ergo assensus eorum concurrit efficienter ad assensum conclusionis. Minorem probo: Quia intellectus nudus, non est sufficiens, neque completa causa assensus conclusionis, nisi informetur per assensum principiorum: ergo assensus iste concurrit, per modum formæ determinantis intellectum, & constituentis ipsum in actu primo ad assensum conclusionis: sed forma determinans, atque constituens in actu primo, est causa efficiens operationis: ergo assensus principiorum concurrit effectiue ad assensum conclusionis.

- 28 Secundò: Ratio formalis obiectiua est causa efficiens actus,

ut patet, in actu videndi: cuius ratio formalis obiectiua, est visibilitas eiusdem coloris, & ideo efficiens causa. Item in fide humana, cuius ratio formalis obiectiua, est testimonium fide digni: & ideo efficiens causa actus credendi: sed ratio formalis obiectiua, propter quam assentitur intellectus conclusioni, est assensus principiorum, ut docet expressè Arist. cap. sequenti. Et probat euidens ratio: quia propter principia assentitur intellectus conclusioni: ergo erit causa efficiens assensus conclusionis.

Ad primum argum. Durandi: Neganda est minor: quod dum intellectus assentitur conclusioni, non permaneant assensus principiorum. Et cum dicitur, intellectum non posse simul habere plures assensus: distinguendum est: quia duobus modis possunt se habere plures assensus, vel per modum plurium, quando non sunt inter sese ordinati, vel per modum vnius, quando sunt ordinati. Intellectus ergo non potest habere plures assensus per modum plurium, bene tamen per modum vnius: & ita se habent assensus principiorum & conclusionis, qui ordinati sunt, cum ille sit ratio formalis assentiendi huius. Dum ergo intellectus assentitur conclusioni, perseverare potest, & perseverat in assensibus principiorum, quasi continuans eos: & ideo possunt esse causa efficiens assensus conclusionis. Quod verò vnus actus intellectus, non possit esse causa alterius, negandum est: nam saltem potest esse causa, *Qua*, licet non sit causa, *Quæ*: hoc est, ratio formalis causandi, licet, non sit id quod causat: & ita assensus principiorum, est ratio formalis assentiendi, licet non sit causa, quæ efficiat assensum conclusionis: sed hoc solus intellectus habet, ratione eiusdem assensus principiorum: & ideo assensus iste est efficiens, *Quo*, assensus conclusionis, non efficiens, *Quod*: sicut veritas rei, est causa efficiens intellectionis eius, tanquam *Quo*, non tanquam *Quod*.

Ad secundum: Concedenda est prima consequentia, quod assensus principiorum sit causa æquiua assensus conclusionis: quia specie distinctus ab eo; sed minor neganda, quod sola causa vniuersalis, & remota sit æquiua: nam omnis causa, siue vniuersalis, siue particularis: proxima, vel remota, verè est æquiua: quia ratio causæ æquiuocæ, non consistit in eo quod particularis sit, vel vniuersalis, proxima, vel remota, sed solum in eo, quod sit distincta specie a suo effectu: quod patet: quia eo ipso, quod est eiusdem speciei, est vniua.

QVÆSTIO VI.

An assensus principiorum includatur formaliter in assensu conclusionis.

30 **C**ertum est, quod intellectus diuerso actu, atque priori, assentitur præmissis, deinde conclusioni: & diuerso quidem numero, atque specie: quia principiis assentitur propter se: hoc est, sine aliquo medio: sed habita solum significatione terminorum. Conclusioni verò non propter se: sed propter principia, quorum accedit, præsupponitur assensui conclusionis: Quæstio igitur est, An postquam intellectus habuit assensum principiorum, & accedit ad assentiendum conclusioni, sic ei assentiatur propter principia, vt assensum eorum iterum repetat: vel satis sit, vt dicatur assentire conclusioni propter principia, quod assensum eorum immediatè habuerit absque eius repetitione: nam si primo modo fiat, includetur formaliter assensus principiorum in assensu conclusionis: si verò secundo modo, non includetur formaliter, sed solum præsuppositiue: quod est verè non includi formaliter, sed præsupponi.

Et prima opinio, quam sequuntur moderni quidam, tenet, *necessariò quidem præsupponi*, sed cum sit prior, realiter atque specie distinctus ab assensu conclusionis, non posse in eo includi formaliter. Probat testimonio Aristo. Et duplici argum. Aristo. enim in libris priorum, agens de forma syllogistica, asserit, *Medium bis sumendum esse in præmissis*: & ideo non esse repetendum in conclusione, sed in ea vnâ extremitatem prædicari de altera. Peccaret igitur syllogismus in forma: si medium ingrederetur conclusionem: sed hoc est necessariò concedendum, si assensus principiorum includatur formaliter in conclusione: ergo non potest includi. Minorem sic probo: Præmissæ componuntur ex medio, & extremitatibus: ergo si repetantur in assensu conclusionis, medium erit necessariò in conclusione repetendum: sed non potest includi formaliter, nisi repetatur, vt per se est manifestum: ergo falsum est, quod formaliter includatur. Asserit etiam Aristoteles cap. præsentis, agens de modo demonstrandi, notitiam conclusionis fieri ex præexistenti notitia principiorum; si ergo assensus principiorum præexistens est respectu assensus conclusionis, erit præsuppositus: & consequenter, non inclusus formaliter in eo: nam si formaliter includeretur, simul haberetur, & non prius.

Primum argum. eiusdem sententiæ est: quia si principia in- 31
cluduntur formaliter in conclusione; ergo eodem actu, quo
assentitur intellectus conclusioni, assentitur etiam principiis:
sed assensus conclusionis, est scientificus, procedens ab ha-
bitu scientiæ: ergo per actum & habitum scientiæ assentire-
mus principiis: consequens autem est falsum: quia assensus
conclusionis est notitia discursiva, assensus vero principio-
rum intuitiva, & sine discursu: ergo non potest iste formaliter
in illo includi. Quod etiam probatur impossibile: quia assen-
sus principiorum, numero, & specie distinctus est, ab assensu
conclusionis: ergo non potest includi in eo formaliter. Proba-
tur consequentia, quia quæ sic distincta sunt: non possunt for-
maliter se includere.

Probatur secundo: Quia in syllogismo evidenti infertur
aliquando conclusio vera, ex præmissis falsis. Ut patet in hoc:
Omnis arbor est animal: Omnis homo est arbor: ergo, Om-
nis homo est animal: Si ergo præmissæ includuntur in conclu-
sione formaliter, falsum includetur formaliter in vero: quod
repugnat. Confirmari etiam potest experientia: quia in con-
clusionem solum coniungitur vna extremitas cum altera, nulla
ibi facta mentione medij: coniungitur ergo propter medium
præsuppositum, non formaliter inclusum, sed ad summum vir-
tualiter. Probatur consequentia: quia formalis inclusio impos-
sibilis est, sine formali mentione, aut repetitione.

Secunda opinio; Affirmat assensum principiorum, non solum
præsupponi assensui conclusionis, sed formaliter includi in eo. Ita
D. Thom. 1. 2. quæst. 8. artic. 3. his verbis: *Primò aliquis
intelligit ipsa principia secundum se: postmodum autem intelligit ea
in ipsis conclusionibus, secundum quod assentit conclusionibus, propter
principia.* Idem etiam tenet, q. 12. art. 4. D. Tho. sequuntur
Capr. in 1. d. 2. q. 1. in solutione ad arg. cōtra 4. conclus. Ferra. 1.
lib. contra gentes, cap. 57. Soncin. 6. Meta. q. 10. Duran. in 2. 32
d. 38. q. 3. ad 3. qui omnes docent, intellectum eodem actu fie-
ri in conclusionem, & principia, cum ei propter principia as-
sentiat: quod aliter fieri repugnat, nisi assensus principio-
rum includatur formaliter in assensu concl.

Deinde probatur hoc arg. satis efficaci: Eodem actu fer-
tur potentia quælibet in obiectum, & in rationem formalem
eius; ut visus eodem actu fertur in colorem, & in rationem
visibilitatis: aut in colorem, & lucem, si lux se teneat ex par-
te obiecti in visione coloris. Et ratio huius evidens est: quia ex
obiecto, quod percipitur, & ex ratione formali illud perci-
piendi, constituitur vnum obiectum totale, atque comple-
tum

tum, tanquam ex Quo, & Quod; sed assensus principiorum, est ratio formalis obiectiua assentiendi conclusioni: ergo eodem actu fertur intellectus in conclusionem, quæ est obiectum, cui assentitur, & in principia, quæ sunt rationes assentiendi: sed non potest ferri in principia eodẽ actu, nisi in obiecto eiusdem actus includantur formaliter: ergo necessarium est formaliter includi: præsertim cum assensus conclusionis distinguatur specie, à fide humana, & opinione, solum propter diuersam rationem formalem assentiendi: quæ in opinione est, ratio probabilis, in fide humana, testimonium fide digni, in assensu scientifico, principia per se euidencia.

34 Probatur secundo; Inductione, in actibus intellectus, & voluntatis: nam in actu fidei, formaliter includitur testimonium fide digni: quia est ratio formalis credendi: vt in actu voluntatis, per quem volumus media, includitur voluntas finis, tanquam ratio volendi media: vt in actu, quo volumus sumere potionem propter sanitatem, includitur formaliter actus intentionis, quo volumus sanitatem: sed assensus principiorum est ratio formalis, & actualis, propter quem assentimus conclusioni: ergo actu & formaliter includitur in assensu conclusionis.

Sed vt veritas nostræ sententiæ intelligatur, & argu. oppositæ melius soluantur. Notandum est: *Principia, & conclusionem, & assensus utriusque duobus modis considerari posse. Primo,* in quantum intellectus assentitur Principiis per se, & ex sola cognitione terminorum: & conclusioni, tanquam alteri obiecto distincto: non considerando: quod ei assentiatur propter principia: cum constet posse ei assentire propter aliam rationem, vt propter testimonium fide digni, aut propter argumentum probabile. Et hoc modo, nec præmissæ includuntur in conclusione, nec assensus eorum. Secundo modo considerantur, *in quantum habent ordinem, ac dependentiam inter sese:* nempe conclusio, vt ei assentitur intellectus, propter principia: & principia, vt sunt causa conclusionis, tanquam formalis ratio assentiendi: & hæc dependentia, & hic ordo, essentialis est assensui conclusionis. Sicut ordo, ac dependentia assensus fidei ex testimonio, intrinsecus est ei. Euidens igitur est, assensum conclusionis, essentialiter includere ordinem dependentiæ, ad assensum principiorum, tanquam ad rationem formalem obiectiuam. Sed vbi clauditur formaliter ordo, clauditur ex consequenti illud, ad quod ordo ipse terminatur: ergo in assensu conclusionis, clauditur etiam ex consequenti assensus principiorum tanquam terminus dependentiæ essentialis

tialis: quam habet ab eo assensus conclusionis. Itaque assensus, non clauditur formaliter, aut essentialiter in assensu, cum distinguantur specie, & numero: sed ordo dependentiæ unus ab altero, clauditur formaliter: & consequenter, assensus ipse, à quo essentialiter dependet. Unde ordo dependentiæ, tanquam quid intrinsecum, & formale includitur, assensus verò, tanquam extrinsecum, à quo dependet, & sine quo idem ordo dependentiæ essentialis, necesse, nec intelligi potest. Verum actu includitur: quia actualis est ordo: nec includitur ut Quod, sed solum ut Quo: quia solum, ut ratio assentiendi. Exemplum huius possumus adducere in visione coloris, supposito quod lux sit necessaria ex parte obiecti ad videndum: tunc enim eodem actu fertur visus, in colorem, & lucem: non ita, ut lux sit, quod videtur, sed ratio formalis videndi: nec lux ipsa includitur in colore ipso, qui videtur: imò nec in obiecto actus videndi, tanquam aliquid intrinsecum: sed quia color, ut est obiectum visus, habet essentialem ordinem dependentiæ a luce: quia necesse potest, nec intelligi sine illa, propterea lux etiam actu includitur in obiecto visionis: per quam videtur color, tanquam terminus actualis dependentiæ obiectivæ. Sic ergo intelligendum est, principia & eorum assensus, includi in conclusione, & assensu eius: quia essentialis est ordo dependentiæ ab eis, assensui conclusionis: & quia ordo iste actu formaliter, & essentialiter includitur in assensu conclusionis, necesse est, principia etiam, & eorum assensum actu, & formaliter includi non, tanquam ei intrinsecum, sed tanquam id, sine quo essentialis ipse ordo, nec esse potest, nec intelligi.

Ex hac ergo doctrina: Responderetur ad testimonia Aristot.³⁶ Ad primum quidem: Concedendo, quod medium non debet ingredi conclusionem: nec id sequitur ex nostra sententia, quod formaliter ingreditur: quia principia non ingrediuntur, ut Quod: id est, ut quibus assentitur intellectus, sed solum, ut Quo. Ideo non sunt formaliter exprimenda, aut repetenda in conclusione: sed sufficit extremitates formaliter exprimere, aut repetere, atque coniungere, cum actuali dependentiæ a principis: & consequenter a medio, ut formaliter includantur, licet non exprimantur: sicut in actu fidei non exprimimus testimonium, dicentes, nos credere propter testimonium hæc digni, sed solum exprimitur illud, quod creditur: ratione tamen actualis dependentiæ ab eodem testimonio, includitur censetur testimonium, licet non exprimatur. Ad secundum

testimonium. Respondemus: Notitiam conclusionis fieri, & præexistenti notitia principiorum: præsupposita quidem, vt Quod, sed inclusa in ea, vt Quo. Hoc est, vt ratio assentiendis eidem conclusioni.

Ad primum arg. Concedendum est, quidquid assumit: & concludit præter ultimam consequentiam, quam hoc modo infert: ergo per actum, & habitum scientiæ assentiretur intellectus principiis. Hæc enim neganda est: quia principia, vel eorum assensus, non includuntur in assensu conclusionis, tanquam id cui assentitur intellectus: sed tanquam ratio assentiendi: vnde solum sequitur, quod per actum, & habitum scientiæ assentiatur intellectus conclusioni, propter principia.

Quod verò dicitur, Assensum principiorum specie, & numero distingui, ab assensu conclusionis; Verum est: sed ex hoc solum sequitur, quod non possit in eo includi, tanquam aliquid ei intrinsicum, sed tanquam extrinsecum: sine quo nec esse, nec intelligi potest essentialis ordo dependentiæ, quem includit assensus conclusionis; ab eo. Hunc enim modum inclusionis, non tollit differentia numerica, nec specifica; vt per se est manifestum.

Ad secundum; Concedendum est antecedens; neganda consequentia, quod falsum includatur in vero: quia conclusio vera, non sequitur ex præmissis; vt falsis, sed vt sic dispositis in forma syllogistica: quare solum infertur: quod illæ, vt sic dispositæ, includantur in assensu conclusionis; tanquam, Quo, modo iam explicato.

Ad confirmationem; Concedendum est antecedens; quod solum in conclusione coniungantur extremitates, nulla facta mentione medi; sed quia coniunguntur per medium: hoc est, cum actuali, & formali dependentiā ab eo, necesse est, medium includi formaliter in tali coniunctione, quæ est assensus ipse conclusionis: veruntamen: quia non includitur tanquam Quod, hoc est, tanquam id cui assentiatur intellectus, per assensum conclusionis: sed tanquam Quo, id est tanquam ratio formalis, & actualis assentiendi eidem conclusioni: ideo non exprimitur, nec expressa mentio eius fit, sed nec exprimi potest; absque peccato contra formam syllogisticam.

Q V Æ S T I O VII.

An habito assensu præmissarum, assentiatur intellectus conclusioni in eodem instanti.

SI præmissæ disponantur debito ordine, quem postulat ars syllogistica, ac demonstratiua: Certum est assensum maioris

ioris, prius tempore haberi posse, quàm assensus minoris, & conclusionis habetur: Quia vniuersalis propositio est, sub qua subiungenda est minor, tanquam particularis: & ex vtraque inferenda conclusio: ideo non dependet ab assensu minoris, & conclusionis.

Certum est etiam, quòd si non seruetur ordo disponendi præmissas, 38
etiam assensus minoris poterit haberi prius tempore, quàm assensus maioris, & conclusionis: quia dum minor non subordinatur maiori: sine illa esse potest: & si ita habeatur, non est necessarium, quòd statim ex ea inferatur conclusio. Gratia exempli: Prius tempore habere potest intellectus, hunc assensum maioris, Omne animal rationale est risibile, quàm habeat hunc assensum minoris, Homo est animal rationale: & hunc assensum conclusionis, Omnis homo est risibilis. Potest etiam nullo ordine seruatò, prius tempore habere secundum quàm primum & tertium: de his igitur non potest esse dubium.

Sed solum, An habitis assensibus, maioris, & minoris, dispositis, & ordinatis, necesse sit simul habere assensum conclusionis: vel prius haberi possint illis, quàm habetur iste. Ex de proprietate naturæ, certum est, prius illos haberi: quia sunt causa assensus conclusionis: causa autem prior est, natura suo effectui. Quæstio ergo procedit, de prioritare temporis, An possit intellectus habere assensum maioris, & minoris, dispositis in hoc instanti & non habere in eodem assensum conclusionis: vel necesse sit, quòd in eodem instanti sequatur ex eis, & cum eis simul tempore habeatur.

Et videtur non esse necessarium, quòd habeatur in eodem instanti: quia intellectus non potest simul plura intelligere, vt docet Aristot. 2. lib. Top. cap. 3. loco 33. his verbis, *Contingit enim plura scire, cogitare autem non.* Per cogitationem, intelligens actualem cognitionem: sed præmissæ, & conclusio sunt plura: ergo non poterit ea simul, hoc est, in eodem instanti intelligere. Et, si dicas plura quidem esse, sed habere modum vnius: in quantum ordinata sunt in eodem syllogismo. Adhuc duplex est aliud impedimentum.

Primum: quia potest habere errorem contrarium conclusio- 39
ni, & nimis radicum in subiecto, per plures actus: tunc ergo non poterit statim eum expellere per assensum conclusionis: & ideo, nec statim ei assentire. Secundum: quia capacitas intellectus, per quam potest multa simul intelligere, finita est: ergo si numerus eorum, quæ potest actu considerare, impleatur per assensus præmissarum, non poterit simul habere assensum conclusionis, quousque alium dimiserit.

Vera tamen sententia est, *Assensum conclusionis in eodem instanti sequi, ex assensibus præmissarum.* Cuius ratio est: Quia vt Aristot. docuit, cap. præsentis, ex terminis eorum sit, & in eis continetur virtualiter, tanquam in causa, aut tanquam arbor in semine: ideo nullum potest esse impedimentum: quin statim ex eis sequatur.

Ad testimonium Arist. Responderetur, intelligendum esse de pluribus; vt plura sunt; hoc est, diuersa, & nullo modo inter se, vel ad tertium ordinata: nam quæ per modum vnius intelliguntur, non dicuntur plura simpliciter, sed vnum: assensus autem præmissarum, & conclusiones, per modum vnius se habent: quia in eodem syllogismo ordinati sunt, ideo simul possunt haberi ab intellectu. Cui non obstat impedimentum erroris: nam cum fortior causa sit demonstratio, statim illum vincit atque expellit: & etiam si nimis sit radicatus, non impedit assensum conclusionis, neque habitum scientiæ: qui per illum produci- tur in eodem instanti, sed permanebit simul cum eo, quousque multiplicatis demonstrationibus omnino expellatur. Non enim repugnat contrarios habitus remissos, simul permanere in eodem subiecto: sicut neque contrarias qualitates remissas; vt calorem, & frigus. Aliud denique impedimentum, de capacitate intellectus finita (circa quod multa verba consumit Sotus. cap. præsentis) difficultate caret: nam licet intellectus, duo, vel quatuor tantum diuersa simul possit intelligere, & vnum, vel tria actu consideret: dum accedit ad constituendam demonstrationem, poterit assensus præmissarum, & conclusionis simul habere, cum modum vnius habeant, licet sint tres.

Q V Æ S T I O V I I I.

An habitis assensibus præmissarum, liberum sit intellectui assensire conclusioni: vel necesse sit assensum eius habere in eodem instanti.

40 **D**Vplex est libertas voluntatis, *Contrarietatis, & Contradi-
ctionis*: & illa vocatur etiam libertas, quoad specificationem, hæc verò libertas quoad exercitium. *Libertas contrarietatis* est posse voluntatem actum bonum, & malum habere, aut intellectum assensum, vel dissensum. Et dicitur contrarietatis: quia actus bonus, & malus contrarij sunt, atque etiam assensus, & dissensus intellectus. *Specificationis* verò: quia ab obiecto speciem accipiunt actus. *Libertas verò contradictionis* est, posse voluntatem, vel intellectum exercere actum, vel eum suspen-
dere:

dere: quia habere actum; & non habere; contradictoriè opponuntur. Et exercere actum, vel non exercere, denotat exercitium potentia. Intellectus autem, licet radicalem quandam rationem libertatis habeat: in quantum formalis libertas voluntatis originem habeat ab eo, quod intellectus plura potest ei obiecta proponere, & ideo ipsa operari valet, circa vnum, vel alterum; vt sibi placuerit nihilominus formalem libertatem, quæ consistit in eo, quod est velle se applicare ad operandum, vel nolle operari, sola voluntas habet: à qua eam participat intellectus, in quantum potest applicari ad intelligendum: non à se, sed à voluntate; & etiam potest ab intelligendo diuertere, aut remoueri.

Quo supposito, quærimus; *An habitis assensibus evidentibus maioris, & minoris, possit intellectus per dependentiam à voluntate assensum conclusionis suspendere: Ita vt in eodem instanti, vel non operetur; vel à voluntate diuertatur ad operandum circa aliud obiectum diuersum; ab assensu conclusionis; vel omnino necessitetur ad assentiendum eidem conclusioni.*

Certum est autem necessitari, quantum pertinet ad specificationem: ita vt non sit ei liberum assentire, aut dissentire: sed si operetur circa obiectum propositum, assentire debeat conclusioni, dissentire verò nullo modo possit: quia ex assensibus principiorum veris & necessariis, non potest, nisi assensus verus ac necessarius procedere: ergo si procedat aliquis, assensus debet esse; dissensus esse non potest. Nam sicut voluntas non potest odio prosequi bonum: vt bonum sibi representatum: ita intellectus, non potest dissentire verò ac necessario; vt tali sibi proposito. Quæstio igitur est: *An possit non assentire conclusioni; vel quod idem est, assensum suspendere, cessando omnino ab operatione, vel operando circa aliud.*

Et est prima opinio quorundam modernorum, asserentium: *Nullo modo posse intellectum suspendere assensum conclusionis, sed necessariò eum elicere.* Probant primò: Quia assensus principiorum sunt per se evidentes; & necessarij, & continent virtualiter assensum conclusionis: & continentia quidem naturali: sicut semen continet virtualiter arborem & arbor fructum: ergo conuincitur ab eis intellectus naturaliter: vt assentiat conclusioni: sed necessitas naturalis, non subditur libertati voluntatis; vt patet in actu potentia nutritiua, quem non potest suspendere voluntas, quin cibum sibi applicatum conuertat in substantiam viuientis: ergo non poterit voluntas suspendere actum intellectus, quin statim assentiatur conclusioni.

Secundo:

Secundò : Quia sicut se habet in voluntate intentio finis ad electionem mediorum, sic se habet in intellectu assensus principiorum, ad assensum conclusionis, ut D. Thom. docet, 1. 2. qu. 8. art. 3. & cum eo tota schola: sed certum est apud omnes: quod posita efficaci intentione finis & perseverante voluntate in ea non potest suspendere actum electionis, sed necessitatur omnino ad eligendum aliquod medium, pro consecutione eius: ergo habito assensu principiorum, & perseverante in eo intellectu, non potest villo modo suspendere actum conclusionis.

Secunda opinio est opposita, quod adhuc *positis assensibus premissarum*, possit intellectus suspendere assensum conclusionis, ita ut à voluntate diuertatur ad operandum circa aliud obiectum. Hanc sequitur iam maior pars modernorum, & continetur in doctrina D. Thom. & ideo a nobis tenenda est.

Sed ut eam explicemus simul, & probemus, duo sunt notanda, ex doctrina D. Thom. ab omnibus iam recepta. Primum est, quod *intellectus subditur voluntati*, quantum ad exercitium actus: hoc est, quantum ad applicationem eius ad operandum, vel remotionem ab operatione hac, vel illa: ita docet D. Tho. 1. 2. qu. 9. art. 1. ad 3. his verbis: *Voluntas movet intellectum, quantum ad exercitium actus: quia & ipsum verum, quod est perfectio intellectus, continetur sub universali bono, ut quoddam bonum particulare.*

- 43 Ex quibus deducitur hæc distinctio: Sicut bonum est duplex: *Summum & perfectissimum*, in quo continetur omnis ratio boni, quale est Deus; & *Particulare, ac limitatum*, quale est quodlibet bonum creatum. Eodem modo duplex est verum, *Summum, & perfectissimum*, continens omnem rationem veri, ut idemmet Deus: & *Particulare, ac limitatum*, quale est quodlibet verum creatum: siue sit principium evidens siue conclusio ex eo deducta. Præterea, sicut voluntas libera est circa quodcumque bonum particulare, siue sit finis, siue medium, ita ut possit operari, & non operari circa illud: circa bonum vero summum, perfecte cognitum: quale est Deus clarè visus à beatis, nullam habet libertatem, sed omnino necessitatur ad illud diligendum. Eodem modo intellectus, circa quodlibet verum particulare, liber est, per dependentiam à voluntate: ita ut possit applicari à voluntate, ad operandum circa illud, & diverti ab operatione: sed circa summum verum clarè sibi ostensum, nullam habet libertatem, nec potest diverti à voluntate, quin operetur circa illud. Et rationem huius reddit D. Tho. Quia quodlibet verum particulare, & operatio intellectus circa illud; est etiam particulare bonum: sed circa particulare bonum quodcumque,

non

non necessitatur voluntas, sed potest velle; & non velle illud; ergo liberum est voluntati, velle applicare intellectum ad operandum, circa quodcunq; verum particulare, vel diuertere illum ab operando circa illud: non tamen circa verū vniuersale; ac perfectissimum clarè ei ostensum, quale est Deus in patria. Quia omnis potentia, naturaliter determinata est ad operandum circa illud, quod perfectissimè continet omnem rationem sui obiecti: ita vt dum sibi offertur, non possit suspendere operationem: sed Deus clarè visus continet perfectissimè omnem rationem veri: ergo nec voluntas potest suspendere actum propositum circa illud sibi ab intellectu, nec intellectus circa illud sibi clarè ostensum. Quia sicut est vniuersale bonum, sic operari circa illud est vniuersale bonum potentia: & ideo clarè illud videre intellectum, summum bonum eius est, & summum bonum voluntatis, & ita nec ipsa potest eum non diligere, nec diuertere intellectum à visione clara eiusdem.

Ex tota hac doctrina colligitur hæc ratio efficaciter probans nostram sententiam: Voluntas non necessitatur ad operandum circa aliquod particulare bonum: ergo nec intellectus circa particulare verum. Probatür consequentia; supposito, quod intellectus subditur volūtatī, quantum ad applicationem, seu exercitium operandi: quia intellectum operari, circa particulare verum, est bonum particulare eius, atque etiam bonum particulare volūtatī: ergo non necessitat volūtatē ad applicandum intellectū vt operetur circa illud, sed liberum est ei eum applicare, aut diuertere. Conclusio autem demonstrationis, est verum quoddam particulare: ergo etiam habitō assensu principiorum, non necessitatur voluntas ad applicandum intellectum; vt assentiatur conclusioni, sed potest eum diuertere ab assentiendo.

Secundò notandum est ex doctrina eiusdem D. Tho. 1. 2. q. 50. art. 1. & 3. deducta ex Arist. & recepta etiam ab omnibus: *Quod potentia non est capax habitus* nisi in ordine ad obiectum, circa quod potest operari liberè: vnde potentia omnino naturalis, nullam habens libertatem in suis operationibus; saltem ex participatione voluntaris non est capax habitus: nec potest eum acquirere; quantumuis frequenter operetur vt pater in potentia visiva, quæ non est capax habitus ad videndum, neque potest illum acquirere; per frequentes actus visionis. Sed intellectus, per assensus principiorum, acquirit habitum, qui vocatur intellectus: & habitis assensibus principiorum, etiam acquirit habitum scientiæ, per assensum conclusionis.

conclusionis, secundum communem sententiam totius Scholæ: ergo aliquam habet libertatem in assensu principiorum; & eo habito, in assensu conclusionis: minima autem libertas est, posse assentire, & assensum suspendere: ergo negari non potest, quin hanc habeat.

- 47 Ad primum arg. oppositæ sententiæ; Concedendum est antecedens, cum consequentia, sed distinguendum consequens, quod conuincatur intellectus per assensum principiorum, ad assentiendum conclusioni: nam licet conuincatur quantum ad specificationem actus: quia non est ei liberum, si operatur circa conclusionem, elicere actum dissensus sed necessario assentiendum est ei: quantum ad exercitium tamen non conuincitur: quia intellectus non est potentia pure naturalis, sicut visus; nec operatur omnino ex determinatione ad vnum, sicut ille: sed subditur imperio voluntatis, circa quodcumque particulare verum, quantum ad applicationem, vel exercitium: & ita potest à voluntate applicari ad assentiendum principiis, & conclusioni (quæ vera particularia sunt) & diuertere ab assensu eorum.

- 48 Ad secundum; Distinguendum est antecedens: quia sic habet in intellectu assensus principiorum, ad assensum conclusionis, sicut in voluntate intentio finis, ad electionem mediorum, quantum ad aliquid; sed quantum ad aliud, se habet diuerso modo. Conueniunt namque in eo, quod sicut voluntas, per se primo tendit in finem, & ex intentione finis mouetur ad media, sic intellectus, per se primo mouetur ad assensum principiorum, & ex assensu principiorum mouetur ad assensum conclusionis. Differunt tamen, quod voluntas non eligit media, propter finem utcumque spectatum, sed propter consecutionem eius: & ex hoc prouenit, quod si velit persenerare in intentione finis, non possit suspendere actum electionis, sed quamuis liberum sit ei, vnum aut alterum medium eligere, non possit non eligere aliquod. In intellectu verò hoc non reperitur: quia assensus conclusionis, non ordinatur ad consequutionem alicuius finis, sed solum habet necessitatem consequentiæ: quia virtualiter continetur in principiis, ex quibus procedit per euidenter consequentiā. Sed procedere, aut non procedere, dependet ex applicatione voluntatis ad assensum eliciendum: quæ applicatio libera est, ut probauimus, cum sit circa verum quoddam particulare, & distinctum ab ipsismet principiis. Vnde liberum est voluntati applicare, aut diuertere intellectum ab assentiendo.

CAPVT II.
TEX. ARISTOTELIS.

*Scire autem arbitramur unumquodque simpliciter,
& non sophistico more, &c.*

Breuis expositio textus.



Aperte præcedenti, docuit Aristot. *Scientiam esse* 1
se, & de nouo acquiri per demonstrationem, ex præ-
existenti cognitione principiorum. In hoc autem
secundo capite intendit docere, quid *Scientia,*
& quid Demonstratio sit. Diuiditur autem in tres
partes. In prima, *Vnam definitionem scientia,* &
duplicem demonstrationis tradit. In secunda, *Definit principium,*
illudque duplici diuisione diuidit. Et in tertia, *Docet, & pro-*
bat principia, seu præmissas notiores esse conclusionem.

Pluribus verbis definit *scire*, hoc est scientiam in concreto
ex quibus pauca hæc sumenda sunt, quibus breuis definitio
assignatur, *Scire est cognoscere causam rei: & quod illius est causa*
& quod non contingit aliter se habere. Per quam solum definit
Arist. perfectissimam scientiam, quam vocat scientiam *Pro-*
pter quid: (nam de scientia Quia, minus perfecta, c. 10. hu-
ius libri se acturum promittit) ad quam habendam, triplicem
conditionem requiri affirmat. Prima est; *vt causam conclu-*
sionis cognoscamus. Secunda, *vt cognoscamus talem causam,*
non solum secundum cognitionem nostram esse causam; sed etiam se-
cundum rem: nam dum probamus hominem esse rationalem,
quia est risibilis, risibile prius est in nostro intellectu: & ideo
causa cognoscendi rationale, sed non est causa essendi eius,
verum potius est effectus. Et ideo non habemus scientiam
Propter quid, de rationali, sed solum Quia. Tertia conditio
est, *vt cognoscamus, non solum esse causam essendi, sed causam ne-*
cessariam: ita vt ea posita, necessario sequatur effectus: hoc
enim significatur illo verbo; *Et quod contingit aliter se habere.*
Integram definitionem breuissimè explicat Arist. dicens:
Scire esse, per demonstrationem intelligere: quia si vera sit demon-
stratio Propter quid, tres illæ conditiones reperiuntur in præ-
missis respectu conclusionis.

Definit deinde demonstrationem, duplici definitione, 2
quarum prima ita habet: *Demonstratio, est syllogismus sciētiālis,* siue
syllogismus faciens scire: & est definitio finalis: quia finis de-
monstrationis est, generare sciētiā: & hæc sciētiā genita per de-
monstrationē, est assensus conclusionis eius, genitus ex præmissis.

Secunda

Secunda definitio, *Materialis est*. Nam sicut ex fine, propter quem efficitur domus, nempe, ut à pluviis, aliisve temporum iniuriis nos defendat, colligimus ex quibus partibus materialibus constare debeat, nempe ex lignis, lapidibus aliisque partibus tali modo dispositis: ita Arist. ex fine demonstrationis, colligit, quibus partibus dispositis, & ordinatis, constare debeat demonstratio: quasi ita arguens: Demonstratio ordinatur ad generandam scientiam, tanquam ad finem: ergo talis debet esse; *Ut procedat ex veris, primis, immediatis, notioribus, & prioribus, causisque conclusionis*. Probat singulas particulas definitionis: & primò, quòd *demonstratio procedat ex veris*, hoc modo: Obiectum scientiæ debet habere esse: ergo quod non est, non scitur: sed falsum nihil est: ergo non potest de illo esse scientia: veram igitur esse oportet conclusionem demonstrationis, cuius essentia est scientia: ergo debet procedere ex præmissis veris, tanquam ex causa. Probat consequentia: quia falsum cum nihil sit, non potest esse causa veri. Quòd verò demonstratio procedat *ex primis*, probat secundò: quia nisi præmissæ sint principia per se eidentia formaliter: hoc est, quibus cognita significatione terminorū, statim assentiatur intellectus: vel saltem virtualiter: si is qui demonstrationem facit, sciat ea reducere ad principia per se nota, per alias demonstrationes, non habebit scientiam conclusionis: nec proinde veram demonstrationem, sed Dialecticum tantum syllogismum, & assensum opinionis de conclusione. Probat tandem tertio quòd *notioribus, prioribus, & causis conclusionis procedat*. Quia *Scire*, est rem per causam cognoscere: ergo præmissæ debent esse vera causa conclusionis, sed causa est prior & notior effectui, ergo debent esse priores & notiores: non solum quo ad nos: quo pacto, illud est prius, quod notius est nobis, licet secundum naturam sit posterius; ut effectus notior nobis est causa: & idem prior quoad nostram cognitionem: sed præmissæ debent esse priores, & notiores conclusioni. ex natura rei, quod habebunt, si secundum rem sint causæ eius; ut expositum est. In secunda part. c. 2. Quia dixerat demonstrationem debere procedere ex primis: hoc est, ex præmissis, quæ sint principia indemonstrabilia: definit principium in demonstrabile hoc modo; *Principium est, propositio immediata demonstrationis*. Explicat autem, quid sit esse propositionem demonstrationis, vel demonstrativam: & quid sit esse immediatam. *Propositio*, inquit, *est altera pars enunciationis, unum de 2. non completens*. Nam enuntiatio diuiditur in *affirmativam, & negativam*. Esse igitur propositionem demonstrationis idem est ac esse enunciationem

clationem affirmatiuam, aut negatiuam : quæ tanquam præmissa ponitur in demonstratione, ad inferendam conclusionem : & ideo debet esse vera, ac necessaria ; vt distinguatur à propositione Dialectica, quæ solum est probabilis : & ideo potest esse falsa. *Immediata verò propositio, est quia non est alia prior.* Hoc est, quæ non habet aliam, per quam demonstrari possit, sed qui intellectus, ex sola notitia terminorum assentitur.

Diuidit deinde principium in duo membra : nempe in *Dignitatem*, & *Positionem*. *Dignitas*, seu *ἀξιωμα*, est propositio immediata, atque indemonstrabilis, adeo vniuersalis, & manifesta, vt eius veritas omnibus pateat : & hac fortè ratione vocatur *Dignitas*, quia dignum est, cui assentiantur omnes. Et hac etià de causa inquit, Arist. *Dignitates cognoscere debere omnes : qui scientiam aliquam acquirere volunt ; priusquam ad eam addiscendam accedant.* Tales sunt : *Quodlibet est, vel non est : Totum est maius sua parte*, & similes. *Positio* verò, seu, *ᾠσις*, est propositio per se nota, & indemonstrabilis, sed nec vniuersalis adeo, vt *ἀξιωμα*, nec cuius veritas, omnibus sit manifesta : & ideo, quam non est necessarium, vt cognoscat prius, qui aliquam scientiam addiscere incipit, sed tunc potest per se, vel à magistro eam accipere : & talia sunt omnia principia particularium scientiarum, vt definitiones. Est autem alia differentià, inter *Dignitatem*, & *Positionem*, quod *Dignitates* vix, aut nunquam ingrediuntur demonstrationem, sed omnibus scientiis præsupponuntur : *Positiones* verò præmissæ demonstrationis sunt : & ideo *positiones* vocantur, quia ponuntur in demonstratione ad inferendam conclusionem.

Positionem rursus diuidit, in eam quæ *verum*, vel *falsum* continet : & hæc est propositio, quam appellant *Suppositiōem* : quia sub tali dispositione ponitur in demonstratione ad inferendam conclusionem. Et in eam, quo non continet, *verum, nec falsum*, sed eam illa potest suppositio fieri, & dicit esse definitionem ; vt animal rationale, est principium, quod vocatur definitio, ex qua potest fieri aliud principium, quod sit suppositio ; vt si dicamus, Homo est animal rationale, Suppositio est : quia verum, vel falsum continet.

In tertia parte, Docet, *principia, vel præmissas demonstrationis*, magis euidenter, magisque certas esse debere, quàm conclusionem eiusdem demonstrationis. Quod probat, ex communi illo axiomate : *Propter quod unum quodque tale, & illud magis.* Vt si Petrum diligo propter Ioannem, magis diligo Ioannem, quàm Petrum : sed conclusioni demonstrationis assentitur intellectus propter præmissas : ergo fortius ac certius

tius assentitur præmissis : quare certiores & notiores esse debent conclusione.

QVÆSTIO I.

An secunda definitio demonstrationis sit bona.

Quæstio hæc, non tam proponitur ad rei difficultatem discutiendam, quàm ad elucidandam definitionem Arist. atque ostendendum exactam esse. Quod ut fiat, duo erg. aduersus eam proponemus, ex quorum solutione id fiat manifestum. Primum est: *Quia definitio per genus, & differentiam dari debet, vel per aliquid, quod loco generis aut differentię ponatur: sed nihil ponitur pro genere in hac definitione, ut verba eius ostendunt, quibus ab aliis argumentationibus distinguatur, in nullo verò eorum cum eis convenit: ergo caret omnino genere: & ideo non est integra vel completa.*

7 Secundum: *Quia bona definitio, nec unum verbum debet habere superuacaneum: sed hæc habet plura eiusmodi: ergo non est bona.* Probatum minor: quia demonstrationem procedere ex primis & prioribus, idem sunt: nam prima, & priora, idem prorsus significant: ergo redundat alterum. Præterea; Causa est prior, & notior effectu: ergo qui dicit demonstrationem procedere ex causis, dicit debere procedere ex prioribus, & notioribus: sufficeret ergo ponere in definitione, particulam ex causis; & sic duæ aliæ, nempe ex prioribus, & notioribus, videntur superflue, totamque definitionem viciosam efficere; Et tandem; Quod procedat ex primis, & ex immediatis, aut indemonstrabilibus, idem est: cum idem sit principia demonstrationis esse prima, & esse immediata, aut indemonstrabilia: ergo aliquod horum verborum superfluum est.

Nihilominus definitionem hanc bonam esse ita probo: *Bona definitio est, per quam, sufficienter explicatur natura definiti, & distinguitur à cæteris: sed hæc duo præstat hæc definitio demonstrationis, explicans naturam demonstrationis, & eam distinguens à cæteris argumentationibus: exacta igitur censenda est.* Probatum minor: quia hæc definitio, explicat partes, ex quibus demonstratio constare debet, nempe, præmissas veras, necessarias: & quæ sint veræ causæ, & per se conclusionis: & quæ sic disponantur, ut ex eis euidenter inferatur conclusio. Et demonstratio ex his constituta, essentialiter distinguitur ab aliis speciebus argumentationis, cum quibus cōuenit in genere remoto argumentationis, & cum syllogismo

R R

dialectico

dialectio in genere syllogismi : quod genus subintelligitur, absque dubio ab Arist. nec necessarium fuit illud expressè in definitione ponere : quia & in libris Priorum proximè antecedentibus, syllogismum definierat : & in prima definitione eiusdem demonstrationis, præsentī capite tradita, eundem syllogismum expressè posuit pro genere, dicens ; *Demonstrationem esse syllogismum scientialem, aut facientem scire* ; Quare secunda definitio his verbis debet assignari : *Demonstratio est syllogismus procedens ex veris, primis, & immediatis, notioribus, & prioribus, causisque conclusionis* : ita vt per syllogismum, conueniat in genere immediato cum dialectico : & per eandem particulam, censeantur separatæ ab ea cæteræ argumentationes, atque etiam syllogismus sophisticus : qui dum peccat in forma, non est syllogismus simpliciter : sed secundum quid : & ideo non conuenit eum demonstratione in syllogismo : tanquam in genere : sed solum analogicè : & ob eam causam sic censetur separatus. Per cæteras verò particulas definitionis, distinguitur demonstratio à syllogismo Dialectico, qui ex aliis valde diuersis procedit : vt in Topicis dicitur. Et ex his manet explicata definitio demonstrationis. Et solutum primum arg.

- Ad secundum : Neganda est minor, quòd in hac definitione, aliquod verbum sit superuacaneum : quia licet quædam eandem rem significant, singula tamen diuersam rationem eiusdem rei significant : quod satis est, vt nullum sit superfluum. Vt principia esse prima, & esse immediata, aut indemonstrabilia, diuersas rationes principiorum denotant. Principium namque, dicitur primum in ordine ad conclusionem : quæ non est prima, sed à primo deriuata. Immediatum verò, aut indemonstrabile, respectu alterius mediij prioris, per quod demonstrari possit, quo caret. Prima quoque dicuntur principia, propter dignitatem, & priora propter causalitatem. Causa denique duplicem habet dignitatem, respectu effectus, & quòd sit prior natura illo, & quòd sit notior : & licet vna sequatur ex altera, ratione tamen distinguuntur. Quocirca nullum est verbum in definitione, quod non significet rationem aliquam, vel dignitatem principiorum, distinctam ab eà, quam significat aliud : quod satis est, vt nullum sit superfluum. Imò necesse fuit omnia illa verba in definitione ponere : vt omnes rationes principiorum exprimerentur : & ratio atque dignitas demonstrationis explicatiùs traderetur. Vnum tamen est notandum : quòd dum dicitur demonstrationem procedere ex causis : per causas, non solum intelliguntur illæ, ex quibus realiter procedit effectus, sed quæ-

cunque

cunq̃ue rationes priores aliis. Nā de ente demonstrantur proprietates, aut passionēs eius in Metaphysica, vt quòd sit vnum verum, & bonum: & de Deo demonstramus, quòd sit æternus: quia est immutabilis: idq; per veras demonstrationes: & tamen non potest esse vera causalitas, inter vnum & alterum, cū nec sit distincto ex natura rei: verū sufficit prioritas rationis, quam intellectus noster inter ea ponit, ad veram demonstrationem.

Q V Æ S T I O I I.

Quotuplex sit propositio per se nota, & an omnis immediata appellanda per se nota.

CIrca definitionem & diuisionem propositionis per se notæ, non videntur eodem modo sentire, D. Tho. & Scotus: atq; ex consequenti: nec sectatores vtriusque. Nam D. Tho. de veritate q. 10. art. 12. lib. 1. contra gentes, c. 10. & 11. & 1. p. q. 2. art. 1. sic definit propositionem per se notam: *Propositio per se nota est, cuius prædicatum includitur in ratione intrinseca subiecti: vt homo est animal.* Deinde diuidit primò propositionem per se notam: *in eam qua est per se nota, secundum suam naturam, & non quoad nos: & in eam, qua est per se nota, etiam quoad nos. Per se nota ex natura sua, & non quoad nos, est illa, cuius prædicatum verè est intrinsecum respectu subiecti, sed nos id ignoramus: & talis erit illa, in qua definitio nobis ignota prædicatur de suo definito. Per se nota verò ex natura sua, & quoad nos, erit illa, cuius prædicatum verè est subiecto intrinsecum, & à nobis cognoscitur: vt homo est animal rationale.*

Secundò diuidit propositionem per se notam ex natura sua, & quoad nos in Vnā, cuius termini omnibus patent. Et tales sunt, principia vniuersalissima, vt quodlibet est, vel non est: & totum est maius sua parte. Et in Aliam, cuius termini non omnibus sunt manifesti, sed solis sapientibus: & talis est hæc: Spirituality non sunt in loco circumscripti. Hanc definitionem propositionis per se notæ, cum vtraque diuisione, amplectuntur ferè omnes: Richar. in 1. d. 3. art. 1. q. 2. Duran. ibidem q. 3. Ferr. 1. lib. contra gentes, cap. 10. Capreol. in 1. d. 2. art. 1. & 2. Caiet. 1. p. q. 2. art. 1. & cap. præsentis. Sotus 6. præcedenti, q. 2. ad 9. & plures alij.

Secunda opinio Scoti, opposita est, quia nec definitio ei placet, nec diuisiones recipit, sed aliam definitionem ipse assignat, prolixam satis, & obscuram, his verbis: *Propositio per se nota, qua ex terminis propriis, qui sunt aliquid eius, vt sunt eius,*

hoc est, ut sic concepti, & non propter aliquid aliud, quod sit extra terminos proprios, habet euidentem veritatem. Vt omne totum est maius sua parte: & talem ait esse omnem propositionem, per se notam: & ideo non esse diuidendam illius diuisionibus traditis, à D. Thom.

Ex qua definitione colligit, distinctam esse propositionem, ¹¹ in qua prædicatur prima passio de definitione: vt animal rationale, est capax disciplinæ: & in qua prædicatur de definito: vt homo est capax disciplinæ, quod multis probat argumentis, putans forte contrarium hoc esse sententiæ D. Thomæ. Sed hæc argumenta omittenda sunt, quia id non negat D. Tho. vt videbimus. Scotum sequuntur Aureol. & Greg. quos citat Capreol. in 1. d. 2. q. 2. art. 2. qui aduersus definitionem D. Tho. sic arguunt:

Primò: Multæ sunt propositiones per se notæ in Mathematicis scientiis, in quibus prædicatum non est de intrinseca ratione subiecti: vt totum est maius sua parte: & à quolibet puncto in quodlibet punctum, possumus lineam ducere. Et in Philosophia naturali; Motum esse, atque etiam Naturam esse: imò, & hæc per se nota est: Animal rationale est capax disciplinæ: Nix est alba: Coruus est niger; Et ex opposito, aliæ sunt, in quibus prædicatum est de intrinseca ratione subiecti: vt homo est substantia. Animal est corpus: & tamen non sunt immediatæ, quia inter prædicatum & subiectum dantur alia prædicata media vt patet. Ergo definitio D. Thom. ex vtraque parte probatur insufficiens.

Secundò arguunt; Contra diuisionem: quia propositione esse ¹² per se notam, non consistit in eo, quod termini eius à nobis cognoscantur, sed solum in eo, quod ex se habeat euidentem veritatem: & multò minus consistit in eo, quod à solis sapientibus vel ab omnibus cognoscantur eius termini: sed solum in eo, quod per se sint cognoscibiles. Ergo diuisiones in per se notam ex natura sua: & quoad nos: & in per se notam sapientibus, vel insipientibus, extra rationem propositionis per se notæ sunt: & ideo admitti non debent.

Tertiò: Quia propositio per se nota est illa, quæ ex propriis conceptibus, à quocunque intellectu formatis, talis est: ergo omnis propositio per se nota, nobis etiã erit per se nota: & ideo malè diuiditur, in per se notam ex natura sua, & quoad nos. Antecedens probant, quia vel formamus proprios conceptus eius vel alios diuersos: si proprios, nobis erit per se nota: si diuersos, non erit eadem propositio, sed alia diuersa: ergo propositio per se nota; ex se cuilibet intellectu erit per se nota: nulla ergo

ergo dabitur per se nota, ex natura sua, quæ non sit etiam per se nota, quoad nos.

In hac re, nostra sententia est, *Propositionem per se notam*; definiendam esse, ac diuidendam, vt Arist. c. præsentis definiuit ac diuisit: eius autè definitioni, ac diuisionibus magis esse conformem sententiam D. Tho. & communè, quàm sententiam Scoti:

13 Verba Arist. sic habent: *Principium demonstrationis, est propositio immediata: immediata verò; qua non est alia prior*: Quibus per principium demonstrationis, intelligit propositionem per se notam: hæc enim sola principium vocari potest: nam quæ mediata est, non principium, sed conclusio vocatur. Sic ergo definienda est propositio per se nota apud Arist. vt breuis, clara, & vniuersalis sit definitio: *Propositio per se nota est, inter cuius predicatum & subiectum nullum datur medium; per quod à priori possit demonstrari*. In qua definitione, solum definitur propositio per se nota demonstrationis, aut demonstratiua: hoc est, necessaria, quod Arist. apertè significauit, dicens: *Principium demonstrationis esse propositionem immediatam*, quod dicimus, ad excludendas aliquas propositiones, quæ cum verè accidentales sint, & ex contingente, & non demonstratiuæ, ab aliquibus dicuntur per se notæ, atque immediatæ: vt nix est albâ, superficies est colorata, & similes.

14 Ex definitione autem sic intellecta; Colligitur primò: Omnino conuerti propositionem per se notam, & immediatam, atq; indemonstrabilem: quia de vtraq; verum est, nullum eam habere medium, per quod à priori possit demonstrari. A priori autè dicimus: quia nil impedit, quominus propositio sit per se nota, & per effectum demonstretur: vt homo est animal rationale, demonstratur per illâ: homo est risibilis: & nihilominus est per se nota: quia non demonstratur à priori, sed à posteriori: & hæc de definitione propositionis per se notæ.

Hanc Aristot. diuisit, quatuor diuisionibus; ex quibus tres posuit cap. præsentis, quartam verò cap. sequenti. Prima in *Dignitatem, & Positionem*. *Dignitatem* vocauit vniuersalissimam, quæ vix ingreditur scientiam, vel demonstrationem, sed quasi fundamentum est plurius, vel omnium scientiarum, & demonstrationum, vt quodlibet est, vel non est: totum est maius sua parte: quæ ideo dixit necessariò debetè cognosci ab his, qui aliquam scientiam addiscere incipiunt: *Positionem* verò, quæ est propositio per se nota non tamen vniuersalis, nec etiam, quàm cognoscere debet, qui aliquam scientiam addiscere vult: sed particularis, & propria alicuius scientiæ, ex qua fiunt demonstrationes in ea, & quæ in ipsamet scientia

traditur: & tales sunt omnes definitiones, & omnia principia propria particularium scientiarum. Hæc autem diuisio, eadem est cum secunda, quam tradit D. Thom. dicens, *Propositionem per se notam unam esse, cuius termini omnibus patent*: quales sunt vniuersalissimæ, quas appellauit Aristot. dignitates. Et in aliam, cuius termini non omnibus, sed sapientibus tantum sunt manifesti: & istæ sunt, quas vocat Aristot. positiones.

Secunda diuisione: eam diuisit in *Positionem*, & *suppositionem*: circa quam versabitur quæstio sequens.

Tertiam verò diuisionem, satis apertè insinuauit, dum notiora diuisit in ea, *Qua sunt notiora natura, & quoad nos*. Ex hac enim diuisione sequitur, per se notum, aliud esse ex natura sua, & non quoad nos, aliud verò ex natura sua, & quoad nos: & ex consequenti propositionem per se notam, eiusdem modis diuidi ab Aristot. Et probatur hoc arg. Omnis definitio constituit propositionem per se notam, cum definito: sed plures sunt definitiones nobis incognitæ: ergo propositiones, quas constituere possunt cum suis definitis, erunt ex natura sua per se notæ non tamen quoad nos: imò quæ demonstrari, quoad nos, poterunt, à posteriori, per aliquem effectum.

Quartam denique diuisionem, posuit c. seq. *In per se notam positivæ*, cuius prædicatum positivum, sine medio demonstratiuo conuenit subiecto, & *In per se notam negatiuæ*, cuius prædicatum negatiuum, sine medio conuenit subiecto: tales sunt propositiones, in quibus vnum prædicatum negatur de altero: vt Substantia non est Quantitas. Non tamen illæ, in quibus particulare genus vnius prædicamenti, aut vna species negatur de alia; vel de supremo genere alterius prædicamenti: vt Albedo non est Quantitas: Linea non est color; Habitus non est Numerus: quia istæ possunt demonstrari per supremum genus, alterius prædicamenti, negatum: vt Albedo non est quantitas: quia est qualitas: & qualitas non est quantitas: & linea non est color: quia non est qualitas. Et vna species, vel vnum genus negatur de altero: vt substantia non est quantitas: & homo non est equus. Negationes enim istæ essentielles sunt: & ideo propositiones necessarias, atque demonstratiuas, & per se notas constituunt. Verba Aristot. sunt: *Sicut quadam principia sunt indemonstrabilia. Quid sit hoc illud, & quod sit hoc in illo: sic & quid non erit hoc illud, nec quid sit hoc in illo: quare, hac quidem esse aliquid, alia autem non esse aliquid, erunt principia.*

Quod verò duæ diuisiones à D. Thom. assignatæ, sint conformes primæ, ac tertiæ diuisioni, designatis ab Aristot. vel potius

17 potius, quod sint eadem, probauimus iam. Restat igitur ostendere, quod eius definitio conformis sit definitioni Aristot.: à nobis ex verbis eius desumptæ. Quod sic probari potest: Definitio D. Thom. est, *Propositio per se nota est ea, cuius prædicatum includitur in ratione intrinseca subiecti*. Sed propositio talis non habet medium, per quod possit à priori demonstrari: vt probabitur ex solutionibus argumentorum Scoti, & aliorum: ergo consona est definitioni Aristot. Definitionem verò Scoti, non reiicimus ex eo, quod non possit reduci ad eandem: sed quia prolixa satis est, atque obscura: vt verba eius ostendunt.

Pro solutione primi arg. Duplici distinctione distinguendum est prædicatum intrinsecum. Primò quidem, *in Recto*, aut *in Obliquo*. Deinde, *Secundum esse*, aut *secundum causalitatem*. & in Recto, nulla pars est prædicatum intrinsecum, respectu totius: quamuis secundum esse sit ei intrinseca: sed in obliquo intrinsecum est: & hoc modo est propositio per se nota: Totum est maius sua parte. Præterea, effectus per se, atque immediatus, non est intrinsecus causæ: sed intrinsecus est ordo causalitatis, inter causam proximam, & per se, atque eius effectum & ex consequenti, effectus ipse quodam modo est prædicatum intrinsecum, respectu causæ, ratione eiusdem ordinis intrinseci. Dum autem definit D. Thom. propositionem per se notam; cuius prædicatum est intrinsecum subiecto: quacumque ratione intrinsecum esse debere intelligit. Hoc est, aut secundum esse, aut secundum ordinem intrinsecum proximæ causalitatis.

18 Ex his responderetur ad arg. Negando antecedens, quod aliqua sit propositio per se nota, cuius prædicatum non sit intrinsecum subiecto, aut secundum esse, aut secundum intrinsecum ordinem proximæ causalitatis: in recto, aut in obliquo: secundum se, aut secundum ordinem intrinsecum vnius ad alterum. Et cum intrinsecus sit ordo causalitatis, inter effectum & causam proximam, & per se, propositionem per se notam constituit, dum de causa prædicatur: cum sit intrinsecum prædicatum causæ: si non ratione sui: bene tamen ratione ordinis intrinseci. Et si non in recto, bene tamen in obliquo. Aliæ autem prædicationes accidentales, si aliquo modo sint per se notæ, non sunt propositiones demonstratiuæ: quia non sunt necessariæ. D. Thom. autem solum definit propositionem per se notam demonstratiuam: vt de Aristot. etiam notum est, hanc tantum eum diffinisse.

Pro aliis denique propositionibus essentialibus, & mediariis, quas adducit idem argum. alia distinctione vtendum est,

nempe, *Medium esse duplex, Reale vel rationis, aut formale, & virtuale. Medium reale*, dicitur illud, quod est re distincta à prædicato, & subiecto, inter quæ ponitur medium: ut admirativum, est medium reale, inter hominem, & risibile: & hoc etiam dicitur medium formale, *Medium verò rationis est*, quod solum ratione nostra distinguitur à subiecto, & prædicato, & dicitur medium virtuale: quia secundum rem, aut formam, non est distinctum ab extremis, sed secundum nostrum intellectum plures conceptus eiusdem rei concipientem: virtute tamen, & quasi fundamentaliter contentos in re ipsa. Et quantum pertinet ad propositiones demonstrativas; utrumque medium constituit propositionem simpliciter mediam, & simpliciter demonstrabilem. Probat ex Arist. qui concedit definitionem esse medium demonstrationis; atqui Definitio solum potest esse medium rationis, & virtuale.

Unde sequitur, Omnes propositiones, quæ possunt demonstrari per definitionem prædicati aut subiecti, esse simpliciter medias: ut sunt illæ, in quibus prima passio prædicatur de definito, atque etiam de definitione: quia illa potest demonstrari per definitionem subiecti, hæc verò per definitionem passionis, & etiam illa, in qua una passio prædicatur de alia; ut admirativum est risibile: & etiam illæ: quæ assumuntur in arg. Sed communiter dicuntur immediatæ, quia secundum rem tales sunt.

Ad secundum: Distinguendum est antecedens. Nam sicut ¹⁹ notiora, vel minis nota dicuntur talia, & ex natura sua, & etiam in ordine ad intellectum imperfectè cognoscentem: sic etiam propositio per se nota, & licet per accidens sit ad rationem propositionis per se notæ secundum se sumptæ, quod non sit per se nota, quoad nos: nihilominus sumpta in communi, quasi analogicè dividitur in propositionem per se notam natura sua, & quoad nos.

Ad tertium, negandum est antecedens, quod propositio per se nota sit, quæ ex propriis conceptibus, à quocunque intellectu formatis talis est: sed illa est, inter cuius prædicatum, & subiectum, non datur mediū, per quod à priori sit demonstrabilis: & quia hoc non est semper nobis notum, de quacunque propositione, ideo non quæcumque per se nota ex natura sua, est per se nota quoad nos. Tatis autem propositionis non formamus proprios conceptus distinctos, sed confusos: & ideo non est alia, sed eadem: non tamen per se nota nobis: quia immediate prædicati & subiecti non cognoscimus.

QUESTIO

QVÆSTIO III.

An nuda definitio sit principium, quod vocatur positio.

19 **D**efinitio duobus modis considerari potest : Primo; *Secundum rationem definitionis precisam*; vt explicat naturam definiti: vt animal rationale. Secundo; vt simul definitio *coniungitur in propositione*: : vt cum dicimus, homo est animal rationale. Et primo modo nuda sumitur, hoc est, sine definito; & de eâ sic accepta quaerimus, *An sit principium demonstrationis, quod vocatur positio*. Et rationem dubitandi ex vna parte præbuit Aristot. qui positionem diuisit in eam, quæ est propositio, verum aut falsum continens. Et in aliam, quæ non continet verum, aut falsum: qualis est definitio, nudè quidam accepta, & non cum definito: quia dum definito coniungitur, iam continet verum aut falsum, cum efficiat cum eo propositionem. Ex quo euidenter infertur pars affirmatiua, quòd nudè definitio sit principium, quòd vocatur positio.

11 Sed opposita pars, quod non possit esse positio, videtur probari euidenter hoc argum. à superiori ad inferius negatiuè: Quia principium diuisit Aristor. in *Dignitatem*, & *Positionem*: & rursus positionem, in eam, quæ continet verum, aut falsum: & in eâ quæ nihil horû dicit: qualis est definitio. Ex hoc ergo desumitur tale arg. Principium est quid superius, ratione dignitatis, & positionis, cum in hæc principia specialia diuidatur: ergo euidentis est talis consequentia, à superiori ad inferius negatiuè. Definitio non est principium: ergo non est positio. Antecedens probatur, ex definitione principij tradita ab eodem Aristor. *Principium*, inquit, *est propositio immediata*: sed nuda definitio, non est propositio: ergo nec propositio immediata, & ex consequenti, nec est principium.

Plures solutiones adhibentur huic difficultati, quas consul-
tò prætermitto: quia iam nemo eas curat. Solùm afferam solu-
tionem D. Thom. in Comment. huius cap. quam sequuntur
ferè omnes moderni: & videtur mihi necessariò admittenda.
Positionem duplicem esse, *Formalem, & Virtualem*. *Formalis*, est
propositio. *Virtualis* verò, est definitio: quia ex ea proximè po-
test effici propositio, quæ sit formalis suppositio. Aristot. ergo
vocauit definitionem positionem: non quòd formalis sit posi-
tio, sed quòd sit virtualis. Et hoc etiam modo est principium, &
immediata propositio.

11. Sed contra hanc solutionem est arg. Quia si hoc sufficit, ut
RR § definitio

definitio dicatur positio, etiam definitum poterit vocari positio. Probatur consequentia: quia sicut ex definitione adiuncta definito, potest proximè effici propositio, quæ sit formalis positio: eodem modo ex definito adiuncto definitioni: sed definitum non potest vlllo modo vocari positio, alioqui, cuiuslibet parti poterit attribui denominatio totius: ergo nec definitio vocari potest positio, propter illam rationem virtualem. Respondetur, negando consequentiam: quia specialis est ratio in definitione: vt dicatur positio virtualis, quæ non est in definito, nec in aliis. Nam definitio ex propria natura, est medium ordinatum, per quod passionēs demonstrantur de subiecto in scientia: vnde per se & proximè ordinatur; ad constituendam propositionem necessariam, & per se notam: quam non potest constituere, nisi cum definito. Per se etiam ponitur in scientia, tanquam fundamentum omnium veritatum eius, & hæc est etiam specialis ratio, propter quam vocari debet positio. Et has speciales rationes considerans Aristot. merito eam vocauit principium, & positionem, quæ non reperiuntur in definito. Nam cum non sit medium ordinatum ad demonstrandas passionēs, nec per se ordinatur ad propositionem per se notam constituendam, potius quàm ad constituendam quamlibet aliam, non ponitur, tanquam fundamentum proximum omnium veritatum eiusdem scientiæ, sed ad summum remotum. Ideo non potest vlllo modo vocari positio.

Q V Æ S T I O IV.

*An principia demonstrationis sint magis vera, quàm conclusio,
& vniuersaliter, vna propositio, an possit esse verior
altera.*

PRæsupponenda est definitio veritatis quam omnes recipiunt: *Veritas est, adequatio intellectus cum re, vel ad rem.* Adequatio intellectus vocatur: quia veritas, saltem cōplexa (quam formalem vocare solent) primò, & formaliter reperitur in intellectu, & propositione mentali, per quam enunciat vnum de altero. In propositione verò vocali, & scripta, solum reperitur tanquam in signo. Dum ergo intellectus ita enunciat per propositionem mentalem, sicut res se habet in se dicitur verus: dum verò enunciat aliter, ac res se habet in se, dicitur falsus. Nam, vt sæpè Aristot. repetit, ab eo quod res est, vel non est, enunciatio dicitur vera, vel falsa: vt si de Petro sedente enunciet, quòd sedet: verus est, si verò quòd stet; vel non sedeat,

erit

erit falsus. Veritas igitur consistit, in adæquatione conceptus cum re ipsa: vel in adæquatione rei; vt repræsentatæ per conceptum, cum seipsa; vt est in se. Quærimus ergo: *An complexa hæc veritas, suscipiat magis & minus, in ordine ad præmissas, & conclusionem:* ita vt intellectus dum assentitur præmissis, magis verus sit, quàm dum assentitur conclusioni: & ex consequenti, præmissæ in intellectu, quæ sunt propositiones mentales, sint magis veræ, quàm conclusio, etiam in mente: quæ est propositio mentalis ex eis deducta: & consequenter, eadem principia; vt sunt propositiones vocales, aut scriptæ, sint veriora conclusione vocali, aut scripta. Et vniuersaliter, intellectus per vnâ propositionem mentalem, an magis verus sit quàm per alteram: & propositio ipsa mentalis, sit verior: atque ex consequenti, vocalis, & scripta.

24 Prima opinio: *Negat præmissas esse veriores conclusione: & vniuersaliter vnâ propositionem esse veriore altera.* Ita tenent ex modernis nonnulli. Probant ex intrinseca ratione veritatis. Nam veritas consistit in adæquatione conceptus cum re ipsa repræsentata. Ita vt tunc verus sit, quando repræsentat rem, sicut se habet in se: falsus verò, cum eam alio modo repræsentat: sed adæquatio consistit in diuisibili: ita vt non possit intelligi maior, aut minor: ergo veritas propositionis etiam consistit in indiuisibili: ita, vt non possit maior, aut minor intelligi in diuersis propositionibus. Probatur minor: quia adæquatio est quædam æqualitas conceptus repræsentantis, cum re repræsentata: sed æqualitas consistit in indiuisibili: ita vt non possit esse maior vel minor. Quia si duo corpora habent æqualem magnitudinem, ita vt neutrum excedat alterum: tunc dicuntur æqualia: si verò vnum excedat alterum, quātumuis minimo excessu, non erunt æqualia, sed simpliciter inæqualia: ergo eodem modo: vel conceptus repræsentat rem, sicut est in se, vel excedit, aut deficit, quantumlibet minimo excessu. Si primo modo se habeat, verus erit: si secundo, falsus: & consequenter, si propositio enūciat rem sicuti est, erit vera, si verò excedat, vel deficiat, quantumlibet parum, erit falsa: non potest igitur intelligi, quòd sit vna magis vera, quàm alia: sed eo ipso, quòd minus vera excogitatur, erit falsa. Gratia exempli: Non minus verum erit Petrum esse album, si ei albedo inhæreat, quàm esse hominem: quia non minus adæquatur vna propositio rei significatæ, quàm altera: sicut, si duo corpora sint æqualia, non erit possibile excogitare alia magis æqualia.

Secundam opinionem tenent ex modernis alij. Affirmantes
principia

*principia esse veriora conclusionem: & vniuersaliter, vnam propositionem veriore altera. Probatur testimonio Arist. 4. Meta. tex. 18. vbi docet aliquid esse magis verum, quàm aliud, & pariter magis falsum. quod sic probat: Quia non æquè mentitur, qui dicit, quatuor esse quinque: ac ille, qui dicit, quatuor esse milia: ergo magis falsum est, quod iste asserit, quàm quod ille: sed falsum, est contrarium veritati: ergo eodem modo erit vna propositio magis vera quàm alia. Probatur consequentia: quia contrariorum eadem est ratio. Præterea cap. præfenti, docet expresse; *conclusionem esse veram propter præmissas*: ergo præmissæ erunt magis veræ: quia propter quod vnumquodque tale, & illud magis.*

Probant deinde ratione: Quia à nemine negatur principia esse certiora, euidentiora, & magis necessaria, quàm conclusionem, cum sint per se certa, per se euidencia, per se necessaria, hoc est, sine vlllo medio, sed quibus intellectus, cognita tantum significatione terminorum assentitur: conclusio verò non sit certa, euidens, aut necessaria per se, sed per aliud: hoc est, per principia, quibus mediis ei assentitur intellectus sed magis certum, magis euidens, & magis necessarium, est magis verum: ergo erit eodem modo magis vera. Et certè, si vna propositio non esset verior altera, non esset fides diuina magis vera, quàm scientia, aut quàm quælibet alia cognitio humana. Vnde, nec magis verum esset; quod Deus est trinus & vnus, quàm quod paries est albus, cui inhæret albedo: quod tamen falsum est, & contra D. Tho. 2. 2. q. 4. art. 8. vbi docet; *fidem diuinam ex propria natura certiore esse quacunque scientia nostra.*

Nostra sententia, medium tenet inter hæc extrema, & explicatur hac distinctione: Veritas duobus modis potest considerari. Primo, *Formaliter, ex parte essentia*: quæ consistit in adæquatione intellectus per conceptum, vel iudicium cum re, extrinsece existente, per eundem conceptum representata. Secundo, *ex parte fundamenti, & causarum eius*. Fundamentum, est entitas & perfectio ipsarum rerum, circa quas versatur. Nam cum verum, sit passio entis, quæ perfectiora sunt secundum entitatem, censentur etiam perfectiora secundum veritatem. Causæ autem veritatis esse possunt, necessitas, infallibilitas, certitudo, atque euidencia: pondus etiam, siue momentum rationum, quibus probatur.

Duplici ergo conclusione respondemus. Prima; *Veritas ex parte rationis formalis, & essentialis ipsius adæquationis, in qua consistit, non potest esse maior in vna propositione, quàm in alia.*

Secunda

Secunda, ex parte fundamenti, & causarum eius, maior esse potest: & ideo una propositio ex hac parte magis vera, quàm altera. Vtraque conclusio cum distinctione adducta, continetur expresse in doctrina D. Tho. quæ. 2. de virtutibus, art. 9. vbi ita ait: *Cum veritas consistat in adæquatione intellectus, & rei, si consideretur veritas secundum rationem equalitatis, qua non recipit magis & minus; sic non contingit esse aliquid magis, & minus verum. Sed si consideretur ipsum esse rei, qua est ratio veritatis, sicut dicitur in 2. Meta. eadem est dispositio rerum in esse, & veritate: unde quæ sunt magis entia, sunt magis vera: & propter hac etiam in scientijs demonstratiuis, magis creduntur principia, quàm conclusiones. Et primam conclusionem nostram probat arg. primæ opinionis. Secundam verò, probant arg. opinionis secundæ. & ideo non est necessarium illi, aut his respondere.*

29 Solum restat explicandum, quomodo sit loquendum absolute in hac re: An dicendum sit absolute; *Premissas esse veriores conclusionem: & unam propositionem veriore alia: vel absolute negandum.* Respondeo; Eodem modo loquendum esse; ut loquimur in substantia. Quia sicut substantia non habet latitudinem gradualem, sed consistit in indivisibili ratio eius, ita veritas non habet latitudinem gradualem, sed ratio eius consistit in indivisibili adæquationis. In substantiis autem, non dicimus unam esse magis substantiam, quàm aliam, sed id negamus absolute, cum Arist. dicimus autem, unam substantiam esse meliorem aut perfectiorem alia: aut secundum maiorem perfectionem specificam, aut individualement: pari ratione de veritatibus seu propositionibus veris loquendum est. Ita ut absolute negandum sit, unam propositionem esse veriore altera. Concedendum tamen, habere perfectiorem veritatem: aut essentialiter, aut individualiter. Et ideo dicendum est; *Premissas perfectiorem veritatem specificam continere, quàm conclusionem, & unam conclusionem, perfectiorem veritatem individualement, quàm alteram: quia proximior est principiis, à quibus ambae deriuntur.* Eodem modo loquendum est de falsitate. Quamvis perfectio, non bene ad falsitatem applicetur, quæ nihil est, sed loquendum est de illa, iuxta naturam eius, eodem modo, ac loquimur de veritate: quamvis distinctis terminis, aut modis loquendi. Hæc tamen ratio reperitur particularis in falsitate, quod hæc, cum sit quasi recessus à veritate, præter causas illas, propter quas una veritas dicitur perfectior alia: & una propositio perfectiorem veritatem continere, quàm alia: una falsitas dicitur etiam maior, aut ingentior alia: & una propositio continere maiorem

rem falsitatem, quàm alia: quia magis à veritate recedit. In quo sensu dixit Aristot. vbi suprâ, magis mentiri eum, qui dicit quatuor esse mille, quàm alium qui diceret quatuor esse quinque: cuius sensus est, ingentius proferre mendacium.

QVÆSTIO V.

An semper sit necessarium, utramque præmissam demonstrationis, certiore esse conclusione.

Præmissa demonstrationis, in duplici differentia possunt esse. 10
 Nam vel sunt propositiones *Immediatæ*, atque indemonstrabiles: vel *Demonstrari possunt*. Quod vt intelligatur, sciendum est, quòd omnes conclusiones totius scientiæ, continentur virtualiter in principiis eiusdem scientiæ, à quibus suo ordine procedunt, ita vt quædâ proximiores sint principiis, quàm aliæ: Vnde quædam demonstratur per alias priores: mediatas tamen, & adhuc demonstrabiles, quousq; perueniatur ad aliquam immediatè deriuatam ex principiis. Et hinc est, quòd non omnes demonstrationes habent præmissas immediatas, vel indemonstrabiles: sed plures, vnam saltem, vel alteram, quæ demonstrari potest. Gratia exempli: Ab essentia hominis procedunt plures passiones, vt capacitas disciplinæ, admiratio, & risibilitas: tali ordine, vt capacitas disciplinæ procedat immediatè, & hac media, admiratio: media verò admiratione, risibilitas: & iuxta hunc ordinem demonstrantur in scientia de illo: prima per essentiam: secunda per primam: & tertia per secundam: & ideo demonstratio illa, per quam demonstratur prima passio de essentia, habet utramque præmissam immediatam, atque indemonstrabilem: alia verò in quibus demonstrantur reliquæ, vnam quidem præmissam indemonstrabilem, & aliam quæ demonstrari potest. Prima passio demonstratur sic: Omne animal rationale est capax disciplinæ: Omnis homo est animal rationale: ergo Omnis homo est capax disciplinæ. Cuius demonstrationis vtraque præmissa est immediata, maior quidem, in qua prædicatur prima passio de essentia: & minor, in qua prædicatur definitio de definito. Sed in sequente demonstratione per primam demonstratur passio secunda: Quidquid est capax disciplinæ: est admiratiuum: Omnis homo est capax disciplinæ: ergo Omnis homo est admiratiuus. Cuius maior, est propositio immediata, in qua vna passio immediata prædicatur de altera: minor verò demonstrari potest.

His expositis, vnum præsupponit quæstio & alterum quærit. 31

rit. Præsupponit quidem, *Præmissas esse certiores conclusione sic in communi.* Quod non solum est assertum ab Aristotele, sed expressè probatum: quia certitudo conclusionis deriuatur à præmissis: & ideo certiores esse oportet. Quod præsertim verum est, ac necessarium, dum præmissæ sunt propositiones immediatæ: nam illæ ex se, & à se habent certitudinem: conclusio verò, non ex se, neque à se, sed deriuatam ab eis: at magis certum est, quod à se habet certitudinem, quàm quod habet ab alio: ergo præmissæ immediatæ certiores sunt conclusione. Quæstio igitur solum potest esse, de præmissis demonstrabilibus; *An istæ etiam debeant esse certiores conclusione?* ita vt dum demonstratio habet vnam immediatam, & alteram demonstrabilem, sufficiat conclusionem esse minùs certam, quàm illam: & possit esse æqualis in certitudine cum altera: vel necesse sit, etiam esse minùs certam, quàm præmissam demonstrabilem.

32 Et prima opinio tenet; Hoc non esse necessarium, sed *posse esse conclusionem æqualiter certam cum præmissa demonstrabili.* Ita tenent moderni quidam. Et probant, testimonio Arist. in fine huius cap. vbi non dixit necessarium esse magis credere omnibus principiis, quàm conclusioni, sed *aut omnibus, aut aliquibus:* Sentit ergo habere conclusionem æqualem certitudinem, cum aliquo eorum.

Probant deinde ratione: Quia si præmissæ debent semper esse certiores conclusione, maximè propter rationem Arist. nempe propter quod vnumquodque tale, & illud magis: sed hæc non probat, nisi in causis æquiuocis, non in vniuocis: ergo non probat de omnibus præmissis, sed solum de immediatis. Probatur consequentia: quia solum præmissæ immediatæ sunt causæ æquiuocæ conclusionis, quia differunt specie ab illa: præmissa verò demonstrabilis, cum sit assensus scientificus, eiusdem speciei est cum conclusione: & ideo non potest esse causa æquiuoca eius, sed vniuoca semper erit. Vnde non erit necessarium, quòd sit certior conclusione. Minorem verò probant: quia effectus causæ vniuocæ, æqualis perfectionis est cum ea; vt patet in homine generante, & genito.

Secundò potest probari: Quia conclusiones eiusdem scientiæ deriuantur ab eisdem principiis: ergo æqualem habent certitudinem ab eis deriuatam: sed sæpè contingit conclusionem, & præmissam demonstrabilem, pertinere ad eandem scientiam; vt ostendit secunda demonstratio à nobis adducta, in principio huius quæstionis: ergo habebit æqualem certitudinem cum ea. Quod firmitus probari potest in demon

demonstrationibus Theologicis, in quibus conclusio procedit, ex vna præmissa pertinente ad fidem diuinam, & ex altera pertinente ad Philosophiam naturalem: vt ostenditur in hac: Omnis homo est risibilis: Christus est homo: ergo Christus est risibilis. Tunc ergo vel conclusio pertinet ad fidem diuinam; vel ad habitum scientiæ Theologicæ: & vtroque modo est certior præmissa euidenti. Quia fides diuina certior est scientia. Igitur id etiam, quod à fide diuina deriuatur, certius erit; illa ergo conclusio, Christus est risibilis, certior est, quocunque modo accipiatur, maiore præmissa, nempe Omnis homo est risibilis, quare non solum conclusio æqualem potest habere certitudinem cum altera præmissarum, sed aliquando maiorem.

Nostra sententia est: *Vtramque præmissam semper, & necessarîo esse certiore conclusionem: ita, vt nullo casu possit habere æqualem certitudinem cum aliqua earum.* Et hæc est magis communis inter modernos.

Probatür duplici arg. Primo: Quia in demonstratione propter quid (de qua loquimur) præmissa demonstrabilis agit in virtute principiorum, à quibus proximius deriuatur, quam conclusio: eum hæc deriuetur mediante illa: ergo maiorem habet certitudinem. Probatür euidenter consequentia: quia quo effectus proximus deriuatur à causa, eo perfectius participat virtuti eius: præsertim comparatione alterius effectus: à quo non nisi vllò mediante participatur.

Secundo: Quia præmissæ, quæcunque illæ sint, continent vnionem extremitatum cum medio: conclusio verò continet vnionem eorundem extremitatum inter se, media vnione earum cum medio, tanquam ratione formali, ac totali: propter quam vniuntur inter se: ergo prior vnio, à qua totaliter dependet secunda, fortior est, cum sit immediatior: sed fortiorem esse vnionem extremitatum cum medio, est certiores esse præmissas, ergo maior certitudo prouenit eis, ex natura demonstrationis. Quare repugnat conclusionem, habere æqualem certitudinem cum aliqua earum.

Ad testimonium Arist. Respondet D. Thom. in Commentariis illius, non dixisse, *omnia principia certiora esse conclusionem, sed saltem aliqua*: quia licet ex virtute demonstrationis semper sit vtraque præmissa certior, contingit tamen aliquando conclusionem habere aliam certitudinem experientiæ, præter eam, quam à præmissis participat, ratione cuius habebit æqualem certitudinem cum aliqua præmissarum: vt dum, quòd luna nunc eclipsetur, experientia sensuum cognoscimus: & ideo non est minùs nobis certa, quàm quòd terra interponatur inter eam

eam, & solem, per quam demonstratur à priori : tamen per accidens contingit hoc: & ideo non tollit, quin per se, & ex virtute demonstrationis semper sit vtraque præmissa certior conclusione.

- 35 -Primum argum. petit expositionem illius vniuersalis axiomatis : *Propter quod unumquodque tale, & illud magis.* Vt constet in quo sensu verum sit: & cur ab Arist. adductum; ad probandum præmissas debere esse certiores conclusione. Et an ex illo efficaciter probetur. Plures ac variæ expositiones eius, adducuntur à diuersis interpretibus. Plures etiam, & diuersas condiciones requirunt, ad veritatem eius, quas molestum esset referre. Nos igitur tres condiciones requisitas esse dicimus, vt verum sit: quarum duas posuit ipsemet Arist. 4. lib. Meta. tex. 4. idemmet axioma referens his verbis : *Vnumquodque autem maxime tale est, præ ceteris; cuius causa nomine & ratione idem conuenit: sic ignis est calidissimus, quod ceteris caloris causa sit.* Quibus, Primò, asserit, *prædicatum debere conuenire pluribus formaliter*: & vni eorum per se primò, aliis verò per participationem eius, & non aliunde. Secundò : *Eidem primo, & ceteris nomine, & ratione*, hoc est vniuocè: & ideo essentialiter. Tertiam conditionem posuit D. Tho. 1. p. q. 87. art. 2. ad 3. quòd in eodem ordine causarum contineantur; hoc est, in eodem genere causæ efficientis, vel finalis, aut quouis alio. Ita, vt si illud cui per se primò prædicatum conuenit, sit finis, cætera sint media ad ipsum ordinata: & si illud sit efficiens, cætera sint quasi effectus ab ipso procedentes. His igitur tribus conditionibus concurrentibus verum est, ac necessarium illud axioma, *Propter quod unumquodque tale, & illud magis tale.* Cuius sensus est : Si aliquid conuenit multis, & vni eorum per se primò: quod ideo dicitur maxime, tale, aliis verò propter ipsum, necesse est magis conuenire primo, quàm ceteris. Nec potest dari aliquis casus, in quo oppositum contingat.

Ex eodem axiomate, efficax deduxit argu. Arist. ad probandum, certiores, euidetiores, magis necessarias esse, perfectioremque veritatem continere præmissas, quàm conclusionem: quia tam illis, quàm huic conuenit formaliter certitudo, euidetia, necessitas, atq; veritas: & omnes continentur in eodem ordine causæ efficientis: præmissis etiam conueniunt hæc, per se primò: conclusioni verò, vt conclusio demonstrationis est solum propter præmissas, & non aliunde: ideo euidenter infertur, quòd magis aut perfectius eis conueniant.

- 39 Ad formam etiam arg. Neganda est consequentia, quòd solum teneat verum, prædictum axioma in causis æquiuocis: &

negandum est, quòd solùm probet de præmissis immediatis, & non de demonstrabilibus. Nam licèt primò probet de illis, consequenter tamen etiam probat de his: quia præmissæ demonstrabiles, non sunt causa conclusionis ex propria virtute, aut secundùm se, sed virtute principiorum, à quibus deriuantur, & vt ab eis deriuantur: cuius euidentis signum est, quòd si is qui demonstrationem constituit, nesciat eas reducere ad primap rincipia, per euidentes demonstrationes: non efficiet demonstrationem, nec habebit scientiam conclusionis: sed efficiet argumentum probabile, generans opinionem. Vnde sequitur, prima principia: virtualiter, & vt talia, esse causam conclusionis. Et ideo per se primò, secundùm eandem rationem virtutalem, conuenire eis veritatem, necessitatem, certitudinem, & euidentiam, conclusioni verò solùm propter illa: & propterea illis perfectius.

Ad secundum: neganda est consequentia, quòd æqualem habeat certitudinem conclusio, cum præmissis demonstrabilibus, quia omnes deriuantur ab eisdem principiis, nam nò deriuantur æquè proximè: ideo non æqualiter non participant certitudinem principiorum, sed perfectiùs illæ: quia magis propriè deriuantur,

Vltimum quod additur in eo secundo arg. tangit demonstra- 37
 tiones scientiæ Theologicæ, quæ procedunt ex vna præmissa diuinæ fidei, & ex altera euidenti: & aliquando ex vtraque de fide, per consequentiam euidentem. In quibus dicimus, conuincere rationē Arist. quòd *ambæ præmissæ sint certiores cōclusionē*. Quod præterea probatur, ex cōmuni alio axiomate in scholis recepto: *Conclusio sequitur debiliorem partem præmissarum*: ergo si vna, vel ambæ sint fidei diuinæ, cum diuina fides sit obscura, non poterit esse euidentis conclusio: imò neque habere eandem certitudinem fidei, sed obscura quoque erit. Et si vtraque præmissa sit diuinæ fidei, conclusio obscura erit, & minus certa vtraque præmissa. Cuius ratio est: quia præmissæ fidei non concurrunt in demonstratione Theologica ad inferendam conclusionem, nisi media demonstratione: ergo certitudo earum, modificatur per certitudinem consequentiæ, quæ non potest esse, nisi naturalis: vnde nec poterunt producere conclusionem perfectiorem in certitudine, quàm sit perfectio certitudinis naturalis. Sed hæc est minor certitudine diuinæ fidei: ergo minorem habebit certitudinem conclusio, quàm præmissæ. Et si altera præmissarum sit certa, certitudine Philosophica, minorem habebit certitudinem conclusio. Et si cōtingeret, quòd altera præmissarū esset solùm probabilis, nò posset esse

esse certa conclusio, sed probabilis tantum. Probantur hæc omnia, duabus illis rationibus: quibus probatum est, præmissas perfectiores esse debere conclusionem, in veritate, in certitudine, necessitate, atque euidencia, & in cæteris omnibus. Ex quo deductum est hoc idem axioma: Conclusio sequitur debiliorem partem præmissarum: cuius sensus est, nullam posse habere perfectionem æqualem, cum præmissis, sed quidquid imperfectionis est in eis, manifestari debet in conclusione.

38 Ex quibus infero: Conclusionem demonstrationis Theologicæ, non pertinere ad habitum fidei diuinæ, ut quibusdam modernis placuit: sed ad habitum scientiæ Theologicæ. Quod hac ratione probō: Habitus fidei diuinæ, solum innititur testimonio, aut reuelationi diuinæ: & immediatè ei innititur, non discursui, aut ratiocinationi, seu demonstrationi: sed conclusio demonstrationis Theologicæ, innititur immediatè discursui, aut demonstrationi, per quam deducitur ex præmissis, & non testimonio, aut reuelationi immediatè: ergo non pertinet ad habitum diuinæ fidei, sed scientiæ Theologicæ. Minorem licet satis per se certam, probō: quia si vtraque præmissa syllogismi sit diuinæ fidei, vel altera euidens euidencia naturali, & syllogismus solum probabilis, certum est, conclusionem solum esse probabilem: hoc est, nec scientiam, nec fidem diuinā, sed opinionem: ergo non causatur à præmissis secundum se, sed ut modificatis per certitudinem demonstrationis: hujus ergo innititur proximè conclusio, & non testimonio, aut reuelationi diuinæ.

39 Et ex his respondetur ad argumentum: conclusionem demonstrationis Theologicæ, nec pertinere ad fidem diuinam, neque ad scientiam naturalem, sed ad scientiam Theologicam imperfectam, & obscuram: unde fit, imperfectiorem esse, & minus certam vtraque præmissa. Concedimus ergo: quod fides diuina sit certior scientia: negamus tamen, quod conclusio ab ea deriuata, sit etiam certior scientia: nam conclusio ab ea deriuata, non habet maiorem certitudinem, quam sit certitudo consequentiæ, vel illationis, per quam modificantur præmissæ ad inferendam conclusionem: in illatione verò, aut syllogismo, perfectius esse habent præmissæ, quam conclusio in certitudine, euidencia, necessitate, ac veritate, ut probauimus: & ideo, impossibile est, conclusionem esse æqualem in his, cum altera præmissarum.

CAPVT IV.

TEXTVS ARISTOTELIS.

Quoniam autem impossibile aliter se habere, cuius est scientia simpliciter, necessarium utique fuerit scibile, &c.

Breuis expositio textus.



Intentum Arist. in præsentī cap. est, docere quales debeant esse propositiones, ex quibus demonstratio componitur. Diuiditur autem in duas partes. In prima, proponit hanc conclusionem vniuersalem; *Scientiam, quæ per demonstrationem generatur, esse de rebus necessariis*: & ex ea colligit, demonstrationem debere procedere, aut componi ex propositionibus necessariis. In secunda parte: Ponit *tres conditiones, quas habere debent propositiones*, ut ita sint necessariae, quod ex eis possit componi demonstratio. Conclusio, quam proponit, est, *Scientia, quæ est conclusio demonstrationis, debet esse de rebus necessariis*. Quam sic probat: Conclusionem demonstrationis, scimus ex principiis, quæ sunt propositiones immediatæ: ergo non potest aliter se habere: sed quod non potest aliter se habere, est necessarium: ergo conclusio demonstrationis est necessaria. Probatur prima consequentia: nam cætera per se patent. *Scire*, est rem per causam cognoscere: & quod illius est causa: & non potest aliter se habere: ergo non solum scientia: sed id, quod scitur, nempe obiectum, circa quod versatur, non possunt aliter se habere, quod est esse necessaria: cum necessarium sic definiatur, quod non potest aliter se habere.

Ex hoc infert, quod demonstratio debeat componi, aut procedere ex propositionibus necessariis. Quod sic potest probari: Conclusio demonstrationis, quæ est scientia, est necessaria, & de rebus necessariis, & procedit ex præmissis, tanquam ex causis: ergo præmissæ, ex quibus componitur demonstratio, non solum veræ, sed necessariae debent esse. Probatur consequentia: quia licet ex præmissis falsis contingat colligi conclusionem veram, & ex non necessariis necessariam, tamen id fit, non tanquam ex causis, sed virtute dispositionis syllogisticæ: alioqui effectus esset nobilior sua causa, quod est impossibile.

In secunda parte: Proponit *tres conditiones, quas habere debent propositiones*, ut ita sint necessariae, quod ex eis componi possit demonstratio. Quarum prima est, ut *sint de omni*. Hoc est, ut prædica-

prædicatum in eis dicatur de quolibet contento sub subiecto, & pro quolibet tempore. Defectu primi, hæc propositio non est de omni: Omnis homo disputat: quia plures sunt, de quibus non verificatur prædicatum. Defectu secundi, neque ista est de omni: Omnis homo vigilat: quia licet prædicatum dicatur de quolibet contento sub subiecto, non tamen pro quolibet tempore: sed pro certo quodam ac determinato. Hæc verò: Omnis homo est coloratus, est de omni: quia habet utrumque, ut per se patet.

Secunda cōditio est: *Quod propositiones sint per se: id eo, ut eam explicet: diuidit per se in quatuor modos.* Primus modus, *per se* est, quando *Prædicatum pertinet ad essentiam subiecti*: quia vel est definitio eius, vel pars definitionis: unde istæ omnes propositiones, sunt in primo modo per se: homo est animal: homo est rationalis: homo est animal rationale.

Secundus modus est, *quando ex opposito, Subiectum pertinet ad definitionem prædicati*, ut homo est admiratiuus, homo est risibilis.

3 Tertius modus, *non est prædicandi, sed essendi*. & illud dicitur per se hoc modo, quod per se subsistit, & non inhæret alteri, tanquam accidens: & iste est modus proprius prædicamenti substantiæ. Quartus modus est, *per se causandi*, quando prædicatur effectus de sua causa per se. *Effectus per se* dicitur, qui sequitur ex propria virtute causæ: & non aliunde: hoc est, non casu, aut fortuna: quia effectus casuales, & fortuiti, qui non sequuntur ex virtute causæ, sed ex quodam concursu casuali, aut per accidens, non dicuntur effectus per se, sed per accidens: unde propositio hæc: Fodiens terram inuenit thesaurum, non est per se. At verò per se sunt istæ, in hoc quarto modo: Iugulatus interiit: Ædicator ædificat. Ex his igitur quatuor modis per se, duo priores sunt per se prædicandi, tertius per se essendi: quartus per se causandi: & ut propositiones sint aptæ ad demonstrationem, necesse est, sint per se in primo, secundo, aut quarto modo.

Tertia cōditio est seu terminus, *ut vniuersaliter prædicetur*: quod sic definit Arist. *Vniuersale autē dico, quod utiq; & de omni sit, & per se, & secundum quod ipsum.* Quæ definitio triplicē cōditionē continet, quam habere debet propositio, ut in ea prædicatū dicatur vniuersaliter de subiecto. Primā est, *quod dicatur de omni*: & defectu huius conditionis, in hac, non dicitur prædicatum vniuersaliter, homo vigilat: quia non dicitur de omni. Defectu secundæ conditionis, neque in hac dicitur vniuersaliter prædicatum de subiecto: Homo est coloratus: quia nec di-

citur per se. Defectu quoque tertiæ, non dicitur in hac vniuersaliter, homo est sensibilis: quia sensibile, non conuenit homini secundum quod ipsum: hoc est, in quantum homo est, sed, in quantum est animal. Conuenire enim prædicatum subiecto, secundum quod ipsum, idem videtur esse, ac conuenire illi, in quantum tale est: hoc est, non secundum rationem communem, sed secundum propriam.

QVÆSTIO I.

An demonstratio debeat procedere ex necessariis.

TRia proponam argu. quibus videtur probari, non omnem demonstrationem procedere ex necessariis. Primum sit: Hæc est vera demonstratio propter quid: Quotiescunque terra interponitur inter solem, & lunam, & sequitur eclipsis: sed dum duo hæc astra, ad talem punctum perueniunt, interponitur terra inter vtrumque: ergo eclipsis sequitur. Minor verò non est necessaria, sed contingens. Quia, quòd ad talem punctum perueniant, vel non, accidentale omnino est naturæ eorum, cum possit eis adesse, & abesse præter corruptionem: ergo non omnis demonstratio constat ex propositionibus necessariis.

Secundum; Quia hæc etiam est vera, & propria demonstratio: Omne album est disgregatum visus: sed corpus habens albedinem, est album: ergo est disgregatum visus. Et tamen minor non est necessaria, sed contingens: quia contingens est, quòd corpus habeat albedinem, & quòd sit album: unde neque etiam conclusio necessaria est: quia sicut non est necessarium, corpus esse album, ita neque est necesse, quòd cum sit album, sit etiam disgregatum visus: ergo non omnis demonstratio procedit ex necessariis.

Tertium; Quia *necessarium est, quod non potest aliter se habere*: sed in Philosophia naturali, & morali, dantur multæ propositiones demonstratiuæ, multæ etiam conclusiones demonstratæ, quæ possunt aliter se habere: & aliquando aliter se habent: vt quòd futura sint pluuiæ in hyeme, & calores vigeant æstate: ergo non omnes demonstrationes procedere debent ex necessariis.

Sententia tamen Aristo. vniuersaliter vera est, & tenenda; quòd non possit ulla demonstratio procedere, ex propositionibus contingentibus, aut non necessariis. Quod hac ratione, deducta ex doctrina eius, euidenter probatur: Conclusio cuiuslibet demonstrationis, est scientia: sed scientia habetur per causam necessariam; vt constat ex definitione eius: quæ talis est: *Scire, est rem*

est rem per causam cognoscere: & quòd illius est causa: & quòd non potest aliter se habere, quin ea posita sequatur effectus: ergo debet procedere ex necessariis. Probatur consequentia: quia præmissæ ex quibus procedit, sunt causa per se, & necessaria conclusionis: ergo debent esse necessaria.

Ad primam arg. diuersis modis respondetur. Nam Venetus cap. præsentis respondet, non demonstrari lunam eclipsari actu, sed potentia, vel aptitudine: hoc est, non demonstrari, quòd eclipsetur, sed quòd sit eclipsabilis. Et licet actu eclipsari non sit necessarium, esse tamen eclipsabilem necessarium est: & parè ratione, licet non sit necessarium, quòd ad talem punctum ipsa, & Sol perueniant, tamen quòd peruenire possint, necessarium est. Vnde propositiones illius demonstrationis ita sumptæ, necessariae sunt. Hæc tamen solutio falsa est propter duo.

Primum: quia Astrologi non solum demonstrant lunam esse eclipsabilem, sed tali die, tali hora, & tali puncto eclipsandam esse: ergo secundum actum accipi debent propositiones illius demonstrationis. Secundum: quia causa per se, & effectus per se, non solum secundum aptitudinem, sed etiam secundum actum constituunt propositionem per se, in quarto modo: ergo secundum actum constituunt propositionem necessariam. Probatur consequentia: quia omnis propositio per se, est necessaria apud Aristot. & apud omnes.

- 6 Ideo est secunda solutio aliorum modernorum; Quòd demonstratio illa non procedit de hac luna, & de hoc sole; vt singularibus, sed secundum rationem communem, & specificam, aut genericam eorum: quam constat multis possibilibus esse communem: nam plures possunt soles, plures etiam lunæ à Deo fieri. Licet ergo contingens sit, quòd Sol iste, & hæc Luna, ad talem punctum perueniant, tamen quòd Soli, & Lunæ: vt sic conueniat, non est contingens, sed necessarium. Sed hæc etiam solutio, aut nihil dicit, aut non est minus falsa quàm præcedens. Quod ita probo: quia vel ad talem punctum peruenire, & eclipsari, accipiuntur secundum actum, vel secundum potentiam; si secundum actum, eo ipso, quòd sunt prædicata accidentalialia, & contingentia, respectu horum indiuiduorum, euidenter probatur esse accidentalialia respectu speciei: nam si albedo contingenter inest Petro; euidenter sequitur, contingenter inesse homini, & animali: ergo si prædicata illa contingenter insunt isti soli, & huic lunæ: contingenter etiam conuenire debent soli, & lunæ, sub ratione communi, aut specifica acceptis. Et præterea effectus per se, non solum in cõmuni, sed etiã in singulari prædicatur per se, & necessariò de sua causa,

etiam in singulari, & actu accepta; vt ostendunt propositiones istæ: Iugulatus interiit: Ædificator ædificat.

Nostra igitur sententia duo asserit. Primum: Demonstrationem illam, per se primò procedere de sole, & luna secundum rationem communem: vel certè de communi ipsa ratione, & specifica. Nihilominus etiam de hoc sole & hac luna, per applicationem. Quemadmodum passio demonstrata de specie, applicari potest ad hoc, vel illud indiuiduum: vt si de homine demonstramus, quòd sit risibilis, eandem demonstrationem possumus applicare Petro, sumpto pro minori extremitate, ac dicere: Omne animal rationale est risibile: Petrus est animal rationale: ergo Petrus est risibilis. Ita ergo, quòd ad talem punctum perueniant sol, & luna, & hæc eclipsetur per interpositionem terræ, de ratione eorum communi demonstratur primò, at per applicationem, de his singularibus.

Secundò dicimus: Non secundum potentiam, sed secundum 7 actum demonstrari eclipsim, per actualement interpositionem terræ: & nihilominus vtramque propositionem esse per se. Non quidem in primo, aut secundo modo, sed in quarto: & ideo sicut sunt per se, perfecte causality; sic etiam sunt necessariae, necessitate causality. Nam prædicatum, duobus modis potest comparari ad subiectum, vel prædicari de illo, atque ei conuenire, aut secundum rationem essendi, vel inhærendi, aut secundum rationem causandi. Et secundum primam rationem, sumuntur in propositionibus primi, & secundi modi per se. Iuxta secundam verò, in propositionibus quarti modi: Quia primus, & secundus modus, sunt modi per se prædicandi, tertius per se essendi, & quartus, per se causandi; vt docuit Aristot. Vnde intelligitur, quòd si propositiones quarti modi accipiantur in ratione prædicandi, nulla ferè erit per se, sed omnes erunt per accidens: vt patet in his: Iugulatus interiit: Ædificator ædificat. Actum enim ædificare, accidit planè ædificatori, & de illo prædicatur prædicatione quinti prædicabilis; vt constat: sed in ratione causandi, per se sunt: quia effectus per se, etiam secundum actum, per se prædicatur de sua causa, actu causante, perfecte causandi.

Ad formam igitur argu. Distinguenda est minor: Quia so- 8 lem & lunam ad talem punctum peruenire; vt interpositio terræ sequatur: per se eis conuenit perfecte causandi: & eodem modo, per se sequitur ex interpositione eclipsis: nam impossibile est rem aliter se habere, quin ex motu horum astrorum sequatur, quòd ad talem punctum non perueniant, & vbi peruenierint quòd non eueniat eclipsis lunæ. Si ergo in ratione causandi

sandi sumantur, necessariae sunt propositiones: & ita sumuntur hic: Si verò in ratione essendi, vel prædicandi, non sunt necessariae, sed accidentales, & contingentes. Verum non accipiuntur hoc modo. Pro solutione aliorum argumentorum notandum est, propositionem necessariam esse, quæ enunciat rem necessariam: hoc est, quæ non potest aliter se habere. Sed rem esse necessariam, duobus modis contingit: *Simpliciter*, vel *ex suppositione*. *Necessarium simpliciter* est illud, quod ex propria natura tale est; ut non possit non esse: ut quod homo sit animal, vel rationalis. *Necessarium verò ex suppositione*, quod ex propria natura potest non esse, aut non esse tale: ut corpus disgregare visum, non esse necessarium secundum naturam corporis, sed contingens: ex suppositione verò, quod sit album, necessarium est. Præterea *necessarium simpliciter*, adhuc est triplex.

Primum, quod nullo modo potest non esse, sed implicat contradictionem, quod non sit; ut hominem esse animal, vel rationale. Secundum quod non potest non esse, per virtutem naturalem causarum, bene tamen potest per supernaturalem Dei: ut quod ignis sit calidus, vel homo sit risibilis. Nam per potentiam supernaturalem Dei, separari potest calor ab igne, & risibilitas ab homine. Tertium quod non potest non esse, per virtutem naturalem causarum, ut plurimum, quamvis raro possit per eandem virtutem non esse.

9 Et secundum hos quatuor modos necessarij, distinguendi sunt quatuor alij modi, propositionum necessariarum: dicendumque, demonstrationem debere procedere ex necessariis propositionibus, vno, vel alio modo: sed perfectior erit, si procedat ex propositionibus necessariis simpliciter, quam si solum procedat ex propositionibus necessariis ex suppositione: & perfectissima, si procedat ex necessariis simpliciter, iuxta primum modum: minus perfecta, si iuxta secundum: imperfectissima verò, si iuxta tertium. Et ideo demonstrationes Philosophiæ naturalis, & moralis ex quibus plures constat propositionibus, quæ solum, ut plurimum veræ sunt, imperfectissimæ censentur: & scientiæ ipsæ, infimum locum certitudinis inter omnes tenent.

Ex his ergo solutum est secundum, & tertium arg. Nam licet demonstrationes illæ, non procedant ex necessariis, simpliciter, tamen procedunt ex talibus ex suppositione: ut ea quæ adducitur in secundo argumento: vel si ex necessariis simpliciter, non tamen semper euenientibus, sed ut plurimum tantum. Sufficit autem aliquo modorum istorum, procedere ex necessariis. Et quod sufficiat procedere ex necessariis, ut plurimum euenientibus, docuit expressè Arist. cap. 24. huius primi libri, & recipiunt id omnes: Quia omnes recipiunt utramque

que Philosophiam pro vera scientia : & meritò : quia necessarium reputatur, quòd vt plurimùm euenit, necessitate naturali, aut morali : ergo obiectum scientiæ esse potest. Nec est periculum errandi, in tali modo demonstrandi : quia non demonstratur effectum semper euenire, sed vt substat virtuti, aut modo operandi causarum : hoc autem deficere non potest : ideo nec erroris periculo se exponit, ita procedens. Quòd verò sufficiat propositiones esse necessarias, ex suppositione, probatur : Quia sic acceptæ, non possunt aliter se habere : quare cùm in tali processu demonstrandi sic accipiantur, conclusionem euidenter inferunt : quæ vt substat præmissis, non potest aliter se habere : & ideo scientifica est, atque necessaria.

Q V Æ S T I O II.

An demonstratio debeat constare ex propositionibus, de omni, per se, & vniuersaliter.

TRia propono argumenta aduersos hos tres terminos ; vt 11
eorum occasione explicentur singuli. Primum erit, *aduersus primum terminum de omni*. Quòd propositiones singulares, necessariae, atque per se, possunt demonstrationem componere, & tamen non sunt de omni : ergo non omnes propositiones demonstratiuæ debent esse de omni. Maior satis est per se manifesta, cùm in Philosophia demonstretur de Deo, quòd sit, & quòd sit vnus : nec solùm à posteriori, vel demonstratione, Quia, sed etiam demonstratione Propter quid, demonstrare possumus de eo, quòd sit æternus : quia est immutabilis. Et de Christo Domino demonstrantur plura in Theologia, suppositis principiis fidei : quæ omnia non possunt, nisi per propositiones singulares demonstrari. Nam cùm Deus & Christus sint termini singulares, non possunt ex eis fieri, nisi propositiones singulares. Minor verò, quòd tales propositiones non sint de omni, euident est, cùm repugnet propositionem esse de omni, & non esse vniuersalem : quomodo enim in propositione singulari conuenire potest prædicatum, cui libet contento sub subiecto, & pro quolibet tempore, cùm nihil sub subiecto singulari contineatur.

Secundum arg. *Contra primum & secundum modum per se*, hac ratione : Primus modus per se est, quando prædicatum est definitio, aut pars definitionis subiecti : ergo hæc propositio, Risibile est homo, & similes, erunt in secundo modo per se, quod

se, quod est falsum : quia indirectæ sunt, & ex quibus demonstrationes, saltem propter quid, non possunt componi. Præterea, secundus modus per se est, quando subiectum pertinet ad definitionem prædicati : sed omnia accidentia definiuntur per subiectum aliquo modo, cum habeant intrinsecum ordinem aptitudinalis in hærentiæ ad illud, qui non potest explicari, nisi posito eodem subiecto in definitione accidentium : ergo omnia accidentia prædicabuntur de subiectis, in secundo modo per se. Et ita, hæc propositio, corpus est album, & similes, erunt in secundo modo : cum album definiatur per corpus, quod tamen patet esse falsum : Quia omnes sunt accidentales, & contingentes, ex quibus demonstrationem componi repugnat : ergo secundus modus per se, falsus est, & ad demonstrationem ineptus.

Tertium argum. est *contra modum vniuersaliter*, quem sic exponit Aristot. *Vniuersaliter dicitur prædicatum de subiecto, si ei conueniat secundum quod ipsum* : hoc est secundum rationem propriam, vel ut tale est : quod patet non habere, nisi conuertatur cum eo : ergo nulla propositio superioris prædicati, quales sunt istæ, Homo est animal, Homo est corpus, erunt vniuersales : sed constat esse has in primo modo per se, & ex eis posse demonstrationem Propter quid componi : ergo modus vniuersaliter diminutus est, non cõprehendens omnes propositiones, ex quibus perfectissima demonstratio potest procedere.

- 12 Circa ordinem horum trium terminorum, D. Thom. cap. præsentis, & cum eo Sotus, & iam ferè omnes moderni, asserunt, *ita se habere, tanquam prædicata superiora, & inferiora* : ita ut Vniuersaliter sit inferior cæteris, & post ipsum sequatur Per se : tandem De omni. Itaque se habent hoc modo, sicut Homo, Animal, & Viuens. Nam quidquid dicitur vniuersaliter, est per se, & de omni : & quidquid est per se, est etiam de omni : non tamen quidquid est de omni, est per se, nec omne per se est vniuersaliter. Quod colligitur ex Aristot. definiente *Vniuersaliter, quod sit de omni, & per se* : & quod conueniat prædicatum subiecto, secundum quod ipsum, vel ut tale est : quibus apertè satis significatur Per se, aliquid addere supra Vniuersaliter : sicut Vniuersaliter, aliquid addit supra per se, & De omni : quod non potest esse verum, nisi tanquam quid superius, & inferius se habeant, modo explicato. Et hæc est vera sententia, & tenenda.

Licet contrarium teneat Toletus, quantum ad modum Per se, & De omni : affirmans plures propositiones esse per se, quæ non sunt de omni : ut hominem esse grammaticum, est in secundo modo, per se, & non est, de omni : cum non conueniat omni

omni homini actu habere grammaticam. Nam de aptitudine, euidens est cōuenire omnibus; & curuitas etiam cōuenit naso, Per se, non tamen omni. Falsum est enim, quod propositiones istæ sint per se. Nam neque grammatica, proximè ac per se definitur per hominem, sicut nec reliquæ scientiæ, aut artes: neque curuitas definitur per nasum adæquatè & per se: cū constet aliis etiam subiectis conuenire eam posse, præter nasum, & hominem: vnde ad quintum prædicabile pertinent similes propositiones, tanquam purè accidentales.

Circa terminum, *De omni*, notandum est, cum D. Thom. 13 lect. 9. horum Commentar. Themistio cap. 9. suæ Paraphrasis, & Soto, c. præsent. Quod *dici de omni*: duplex est, *Prioristicum* & *Posterioristicum*. *Prioristicum* vocatur in eo sensu, quo adducitur ab Arist. in lib. priorum, & à Sūmulistis in 4. lib. Summularū, & significatio eius est: quod nihil sit sumere sub Subiecto, de quo non dicatur Prædicatum, non quidem secundum veritatem propositionis, sed secundum modum enunciandi. Nam ad formam syllogisticam impertinens est, quod propositiones sint veræ, vel falsæ; & solum per se requiritur forma aut modus enunciandi vniuersalis: ex quo habetur; vt si prædicatum dicitur de subiecto distributo, necesse sit dici de quolibet assumpto sub eo: cū pro omnibus distribuatur. *Dici verò de omni, Posterioristicum* vocatur, in eo sensu, quo adducitur ab Arist. in hoc opere, nempe in ordine ad demonstrationem: quæ cū ex veris propositionibus constare debeat, necesse est; vt Prædicatum de omni, dicatur de quolibet contento sub Subiecto: non solum secundum modum enunciandi, sed etiam secundum veritatem propositionis. Et in eodem sensu accipiendum est, *Dici de nullo*: de quo non fecit mentionem Arist. in hoc cap. quia facilè intelligi potest, idem esse in propositionibus negatiuis, prædicatum negari de omni subiecto, ac in affirmatiuis dici. Vnde negatiuæ omnes propositiones, in quibus prædicatum negatur de omni subiecto, & quolibet contento sub eo, & pro quolibet tempore, etiam sunt de omni modo negatiuæ.

Circa terminum *Per se*: notanda est ratio, propter quam, 14 in quatuor modos diuiditur ab Arist. ita vt nec sint plures, nec pauciores: & est hæc: Res de qua aliquid demonstramus, quatuor tantum potest habere considerationes. Primam; *vt est in se*, & *per se*. Secundam, *In ordine ad prædicata essentialia*, Tertiam, *In ordine ad proprias passiones*. Quartam, *In ordine ad propriam operationem, cuius est causa per se*. Et prima consideratio, constituit tertium modum, qui non est prædicandi, sed essendi.

essendi. Secunda consideratio, constituit primum: & Tertia constituit secundum: qui sunt modi prædicandi: Quarta verò, constituit quartum: qui nec est modus essendi, nec prædicandi, sed per se causandi. De termino verò *Vniuersaliter*, dicemus quæstione sequenti.

His suppositis: Sententia Arist. est, quam sequuntur omnes expositores: *Quod omnis demonstratio Propter quid, debet constare propositionibus, de omni, & per se: sed non omnis debet constare propositionibus, quæ sint vniuersaliter: sed solum perfectissima inter has: illa, inquam, quæ procedit ex causa adæquata conuertibili cū effectu; & vtrumque probari potest efficaciter.* Primum quidem hoc arg. *Omnis demonstratio debet procedere ex necessarijs; ut* asseruit, & probauit Arist. in principio huius cap. sed omnis propositio necessaria, debet esse aliquo modo de omni, atque etiam per se: ergo omnis demonstratio debet constare propositionibus de omni, & per se. Quod verò non omnis demonstratio Propter quid, procedere debeat ex propositionibus, in quibus prædicatum dicatur vniuersaliter de subiecto, in sequentibus erit manifestum.

- 15 Circa solutionem primi arg. *Distinguenda sunt diuersa singularia*: nam quædam sunt, in quibus indiuidualis differentia non distinguitur à specifica; ut plures tenent de angelis: vel certè à prædicatis essentialibus; ut in Deo: in quo sicut esse, & essentia, non distinguuntur; eadem ratione, nec distinguuntur prædicata essentialia ab indiuidualibus. Alia sunt singularia, in quibus certum est distingui indiuidualem differentiam aliquo modo, à specifica, cum indiuidua multiplicentur sub eadem specie. Sic autem & in angelis etiam apud alios distinguitur: & in his indiuiduis in quibus non distinguitur, dantur propositiones singulares, quæ sint per se, & ex quibus demonstratio componi potest: & istæ æquivalent vniuersalibus, quia essentielles sunt; & si plura darentur indiuidua illius essentia, essent de prædicato communi. Vnde virtute saltem sunt de omni: & hoc sufficit; ut verum sit, omnem propositionem demonstratiuam esse de omni. In indiuiduis verò, in quibus differentia indiuidualis distinguitur à specifica, nulla potest dari propositio, ex qua possit fieri demonstratio propter quid: quia de his indiuiduis, sub ratione talium indiuiduorum acceptis; ut de Petro; ut Petrus est, non potest dari demonstratio, nec scientia propter quid: ut expressè docet Arist. 7. lib. Meta. cap. 24. & pluribus alijs locis. Et D. Tho. quæ. 9. de potentia, art. 2. ad 1. & 1. p. q. 29. art. 1. ad 5. negat singularia posse definiri, & proinde esse obiectum scientiæ: quia definitio est medium

medium demonstrationis, & scientiæ. Vnde sequitur, nec in his dari propositionem, quæ propriè sit, per se, neque de omni: sed dum aliquid demonstratur de eis, demonstratione propter quid, solum demonstrantur passiones communes speciei, per essentiam quoque communem: & hoc est de illis demonstrari, in quantum participant naturam speciei, non ratione differentię indiuidualis: & est quasi applicatio scientię de specie, ad illa. Et hoc modo demonstrantur in Theologia de Christo, passiones hominis: & etiam diuina attributa, & proprietates, in quantum habet vtramque naturam, Diuinam & Humanam, quasi per applicationem scientię de Deo, & homine, illi personæ, illique indiuiduo esse habenti vtramque naturam. Et hoc esse verum, ostendunt demonstrationes ipsæ: quod certè, non est dari scientiam, vel demonstrationem, propter quid, de singulari naturę corruptibilis; vt talis, sed vt habente naturam specificam, vel etiam simul diuinam de qua vera scientia esse potest vt explicatum est.

De his tamen indiuiduis potest dari scientia à posteriori, quæ vocatur scientia, *Quia*, atque etiam demonstratio, *Quia*: ex effectibus per experientiam cognitis procedens: & ideo tam scientia ipsa, quam demonstratio *Experimentalis* vocatur. Qualis de Petro daretur, etiam si de homine nullam scientiã à priori haberemus: quia per experientiam cognoscimus, Petrum, & Ioannem esse capaces disciplinæ: & consequenter, per eandem experientiam, quod homo, sit capax disciplinæ, quod admiratiuus, atque risibilis: talem ergo demonstrationem possumus constituere de Petro: Omne illud, quod assequitur noticiam alicuius rei, est capax disciplinæ: Petrus consequitur noticiam huius, aut illius rei: ergo est capax disciplinæ, & etiam Quidquid admiratur, est admiratiuum: Petrus admiratur: ergo est admiratiuus. Et pariter probare possumus, quod sit risibilis, & rationalis. Sed demonstrationes istæ nimis sunt imperfectæ, vt cap. 10. ostendit Aristo. Quare non est necessarium constare eas propositionibus per se, aut de omni, sed satis est, constare propositionibus, vtrumque necessariis. Quia hos tres terminos, de omni, per se, & vniuersaliter, solum adduxit Arist. pro demonstrationibus perfectis, quæ vocantur propter quid. Et ex his constat solum esse primū arg.

Circa propositiones indirectas; de quibus procedit prima pars secundo argum. diuersæ sunt opiniones. Prima, Caiet. cap. præsentis, qui dicit, *esse se in secundo modo*, cum conueniat eis definitio: nam prædicatum est de definitione subiectis; vt in hac: Risibile est homo: aut Rationale est homo. Alij
verò

verò, negant omnino, ullam propositionem indirectam esse, per se, aut ex ea posse fieri demonstrationem, propter quid. Et hoc mihi videtur probabilius: Quia propositiones indirectæ, carent forma, & modo naturali propositionum: in quibus prædicatum habet modum formæ, subiectum verò modum materiæ. In indirectis verò, oppositum videmus, cum illud habeat locum prædicati: quòd verè subiectum est: & ideo sunt quasi propositiones contra naturam: ergo non conuenit illis ratio, per se, vel de omni: qui modi, cum pro demonstrationibus, Propter quid, traditi sint ab Aristo. non conueniunt, nisi propositionibus naturalibus, & habentibus veram formam propositionum: ex quibus demonstratio, propter quid, fieri potest. Nilominus quandam habent similitudinem cum propositionibus, per se, & de omni.

Ad formam igitur arg. neganda est consequentia: quia definitiones horum modorum, præsupponunt rationem directam propositionum: vnde sensus eorum est, primus modus per se est, quando prædicatum pertinet ad definitionem subiecti, directæ propositionis: & secundus, quando subiectum directæ propositionis, pertinet ad definitionem prædicati.

Ad aliam partem eiusdem arg. neganda est consequentia, quòd *omne accidens prædicetur de subiecto, in secundo modo per se*: quia modi, per se, præsupponunt propositionem necessariam sicut diximus modo, præsupponere propositionem directam. Vnde sensus definitionis secundi modi, per se, est; Secundus modus, per se, est, quando subiectum pertinet ad definitionem prædicati, in propositione necessaria. Ita sentiunt communiter expositores, c. præsentis, præsertim Sotus, & Caic. & colligitur ex Arist. qui priusquam definiuisset modos per se, probauit demonstrationem procedere ex necessariis: & explicatis 18 primo & secundo modo, per se, subdit; Cætera omnia esse accidentia, quasi præsupponens, hos modos non reperiri, nisi in propositionibus necessariis. Cap. etiam 6. huius libri, docet expressè, quòd, ea quæ conueniunt, per se, his modis, necessario conueniunt. Falsum est ergo, & superius à nobis refutatum, quòd Toletus asserit, *Quasdam propositiones accidentales, esse in secundo modo per se.*

Ad formam igitur argum. Concessò antecedente, neganda est consequentia, quòd accidens prædicetur de subiecto, in secundo modo: non enim satis est, quòd ad definitionem accidentis pertineat subiectum; vt prædicetur per, de illo: sed requiritur, quòd necessario ei conueniat, & non contingenter, vel purè accidentaliter.

Ad tertium arg. Concedimus, non omnem demonstrationem, propter quid, constare propositionibus, in quibus prædicatum dicatur de subiecto vniuersaliter: sed solum perfectissimam, quæ procedit ex causis adæquatis, & conuertibilibus cum effectibus: vt in sequentibus constabit.

QVÆSTIO III.

Quidnam significetur per terminum vniuersaliter, & an conueniat propositionibus superiorum, vel solum his quæ sunt in terminis conuertibilibus.

Circa primum, quod quærit titulus quæstionis, notandum 19
est; Vniuersale duobus modis sumi. Primò, vt est *modus subiecti*, ratione cuius constituitur propositio vniuersalis: Vt omnis homo est animal. Secundò; Vt est *modus prædicati*, constituentis propositionem de prædicato communi, aut vniuersali. Certum est autem, non sumi hoc loco ab Arist. vt est *modus subiecti*, sed *prædicati*: cum accipiatur comparatione subiecti. Sed adhuc; vt est *modus prædicati*, dupliciter sumitur. *Communi quidem ratione*, pro quolibet prædicato multis communi, in qua acceptione sumitur à Porphyrio in prædicabilibus: & definitur ab Arist. *quod sit unum in multis*, 2. lib. de interpretatione. Sed in arte posterioristica, specialius accipitur, non pro quolibet prædicato multis communi, sed solum pro eo, quod conuenit subiecto, *secundum quod ipsum, vel primò*. Quale est prædicatum huius propositionis; Homo est rationalis: & in hac acceptione, sumitur ab Aristotele cap. præsentis, atque in titulo quæstionis.

Quo supposito, quærit secundò: *An conueniat propositionibus de prædicato communi, pertinente ad essentiam rei*; Ita vt omnes propositiones, in quibus prædicatur genus proximum de specie, sint vniuersaliter: vel solum illæ, in quibus prædicatum conuenit per se subiecto, & cum eo conuertitur.

Prima opinio asserit: *Idem esse vniuersaliter conuenire prædicatum subiecto, quod conuenire ei, per se primò, atque immediate*: & ideo prædicationes generis, tales esse. Ita Ferr. 2. lib. contra gentes, c. 15. & Sotus c. præsentis, qu. vnica. Probant testimonio Aristot. cap. præsentis: vbi sic ait: *Per se autem, & secundum quod ipsum, idem; vt per se, linea inest punctum, & rectum*. Sed propositio, in qua prædicatur genus proximum de specie, est per se: ergo erit etiam secundum quod ipsum. Et secundum quod

quod ipsum, est idem, quod vniuersaliter: vt idemmet Aristot. docet explicans, quid sit vniuersaliter: ergo erit etiam vniuersaliter. Et idem asserit D. Thom. 2. lib. contra gentes, c. 15. vbi prædicatum, quod ita conuenit per se alicui: vt non conueniat ei per aliquam causam, sed immediatè, & per se: docet conuenire secundum quod ipsum: & idèò vniuersaliter. Sic autem conuenire animal homini, patet; ergo sentit D. Thom. conuenire vniuersaliter.

Probant deinde ratione: Quia idem est, prædicatum conuenire subiecto vniuersaliter, ac ei conuenire primò, vel secundum quod ipsum: nempe, vt tale est, aut non per aliud: sed tota definitio, conuenit speciei, vt tali, & non per aliud mediū, sed immediatè: quod est conuenire ei primò: ergo conuenit ei vniuersaliter: & ex consequenti, quælibet pars definitionis vniuersaliter conueniet: at altera est genus: ergo, &c.

- 12 Secunda opinio, est expressa D. Thom. asserentis, *illud solum prædicatum conuenire vniuersaliter, quod non excedit subiectum, sed per se ei conuenit, & cum eo conuertitur.* Verba eius sunt: *Impossibile est, aliquod vnum duobus conuenire, & vtrique secundum quod ipsum: quod enim de aliquo secundum quod ipsum dicitur, ipsum non excedit: sicut habere tres angelos aequales duobus rectis, non excedit triangulum, de quo prædicatur, sed est idem conuertibiliter, &c.* Ita etiam Albertus Magnus, 1. lib. Posteriorum, tractatu 2. cap. 12. Venetus, Caietanus, Toletus, & moderni omnes. Et hæc est vera sententia, & tenenda.

- 22 Probatur testimonio Arist. qui explicans terminum, *Vniuersaliter*, docuit expressè, aliquid addere vniuersaliter, supra duos alios terminos, nempe de omni, & per se: ergo sentit non sufficere quòd sit prædicatum, per se, in primo, aut secundo modo, vt dicatur vniuersaliter. Asserit præterea, addere supra terminum, de omni, & per se, quod conueniat subiecto, secundum quod ipsum, vel vt tale est: sed genus proximum, non conuenit speciei, vt talis est, cum sit commune cæteris speciebus: ergo non conueniet ei secundum quod ipsum, nec vniuersaliter.

Probatur etiam ratione: Quia prædicatum conuenire subiecto, secundum quod ipsum, est conuenire ei, vt tale est, quod expressè docet Arist. & concedunt aduersarij: sed animal non conuenit homini, vt talis est: ergo neque secundum quod ipsum. Probatur minor, homo, vt talis est distinguitur ab equo, & leone, ac cæteris speciebus: At per genus animalis non distinguitur ab eis, sed potius cum eis conuenit: ergo animal non prædicatur de homine, vt talis est, atque adèò nec se-

cundum quod ipsum, nec vniuersaliter. Secundo: Nihil
 conuenit alicui, secundum quod ipsum, vel vt tale est, nisi
 quod est sibi proprium, & non commune aliis: non quod cō-
 mune est, potius conuenit illi, vt communicat cum eis.
 Gratia exempli, quod conuenit homini, vt talis est, nempe, vt
 est homo, conuenit illi, vt est tale animal, & non vt habet na-
 turam sensituiam communem ceteris animalibus: sed vt est
 animal, non est tale animal: ergo animal non conuenit ei vt ta-
 le, nec secundum quod ipsum, vel vniuersaliter. Itaque nostra
 sententia duo asserit. *Primum est, quod vt pradicatum conueniat*
subiecto vniuersaliter, non requiritur, nec sufficit quod conueniat ei
essentialiter, aut in primo modo per se, vel etiam immediatè. Nam
 bene potest his modis conuenire, & non conuenire vniuersali-
 ter: & ex opposito, bene potest conuenire in secunda mo-
 do, & non essentialiter, nec immediatè, & conuenire vni-
 uersaliter. Vt substantia conuenit homini essentialiter, &
 in primo modo per se: & animal etiam immediatè: & tamen
 neutrum conuenit ei vniuersaliter: & capacitas disciplinæ vel
 admiratio, non conueniunt homini his modis, nihilominus ei
 conueniunt vniuersaliter. Secundo asserit: *Illud pradicatū con-*
uenire subiecto vniuersaliter, quod conuenit ei primo, & secundum
quod ipsum, vel vt tale est: & hoc modo conuenire, est esse adæ-
quatam rationem eius, vel secundum adæquatam rationem
ei conuenire: & eius ratione, quibuscunque aliis, quibus at-
tribuitur. Gratia exempli: Sensibile non conuenit homini
 ratione sui: quia non conuenit ei, vt homo est: sed, vt est
 animal, nec conuenit ei secundum adæquatam rationem: sed
 secundum inadæquatam: neque animal conuenit homini, vt
 homo est, cum sit ei commune cum aliis animalibus: nec est
 adæquata ratio eius. Et vt vno verbo hoc explicetur: Illud so-
 lum pradicatum conuenit vniuersaliter subiecto: quod con-
 uenit illi per se, & cum eo conuertitur: tales autem sunt pro-
 positiones, in quibus prædicatur tota definitio de definito,
 vel etiam differentia: tales etiam in quibus prædicatur propria
 passio, de sua specie, vel genere, à quo proximè & adæquate
 procedit. Et quotiescunque aliquid conuenit alicui, cum redup-
 licatione dicitur conuenire ei vniuersaliter, aut secundum
 quod ipsum.

Ad testimoniū Arist. Responderetur primò: Quod dum dici-
 cit vniuersaliter idem esse, quod per se: non est sensus, quod cū
 eo conuertatur, sed quod sit idem cum eo, secundum rem: sicut
 prædicatum inferius cum superiori. Vel secundò, idem esse vni-
 uersaliter asserit, quod per se conuertibiliter: quod enim non
 intelligat

intelligat esse idem simpliciter, patet ex eo, quod statim docet: nempe, addere supra vtrumque terminum, de omni & per se, quod sit secundum quod ipsum.

Ad argu. Concessa maiori, & minori, negatur consequentia: quod quælibet pars definitionis, per se sumpta, prædicetur vniuersaliter de definito: quia non conuenit ei vtraque vt tale est: sed sola differentia.

C A P V T X.

TEXTVS ARISTOTELIS.

Quia verò differt, & propter quid scire; primum quidem in eadem scientia, & in hac dupliciter.

Breuis expositio textus.



Intentum Aristo. in hoc decimo c. est distinguere demonstrationem, Quia, & demonstrationem, Propter quid, & rationem vtriusque explicare. Diuiditur caput in duas partes. In prima, docet differre demonstrationem, Quia, à demonstratione Propter quid, in eadem scientia. In secundis, differre in diuersis scientiis.

Differunt, inquit, scire, Quia, & scire, propter quid: & consequenter demonstrationes ipsæ, in eadem scientia, duobus modis. Nam demonstratio, Propter quid, procedit à causa proxima & adæquata: Demonstratio: Quia, à causa remota, & inadæquata: quia non infert positiuè effectum, sed solum per modum negationis. Et ponit duplex exemplum. Primum, in hac demonstratione; Quidquid respirat, est animal: Paries non est animal: ergo Paries non respirat, in qua patet, esse animal, non esse causam proximam respirandi, sed habere pulmonem: nec etiam esse adæquatam: quia multa sunt animalia, quæ non respirant: quia pulmone carent. Exemplum secundum adducit, ex dicto cuiusdam Philosophi: qui cum Scythia esset, & Athenis videret mulieres saltantes: rogatus, an in Scythia essent similes saltatrices, respondit, non esse vites. Causam remotam, & inadæquatam reddens: ex qua talis demonstratio constitui potest: Vbi non sunt vites, non sunt saltatrices: sed in Scythia non sunt vites: ergo non sunt saltatrices. Proxima verò causa esset, negatio vini: quod cum sit causa lætitiæ, ex qua saltatio prouenit: negatio eius, causa esset negationis saltandi. Et quia demonstrationes istæ, procedunt per negationem, asserit Ari. fieri sepe in secunda figura,

quia medium quoque eis , debet esse prædicatum. Secundo differunt: Quia in eadem scientia demonstratio, propter quid, semper procedit à causa : & cùm causa sit prior effectui , dicitur demonstratio à priori: sed demonstratio, quia, procedit ab effectu; qui cùm sit posterior , dicitur demonstratio à posteriori. Duo alia exempla demonstrationis, quia , adducit Aristo. Primum in stellis, quæ sunt in duplici differentia : nam aliæ sunt fixæ, vt illæ quæ sunt in octauo cælo : quod firmamentum appellatur, aliæ verò, quæ sunt in corporibus cælestibus inferioribus. Et istæ dicuntur Planetæ. Illæ igitur quia longè distant à nobis , videntur habere motum quendam tremoris : & ideo videntur micare vel scintillare, cùm tamen nullum talem motum habeant : sed propter imperfectionem visus, putamus stellas illum habere. Planetæ verò, non apparent cum tali motu, quia minùs distant à nobis. Ex hoc igitur effectui, talis demonstratio , Quia , constitui potest. Stellæ non scintillantes sunt prope nos : Planetæ non scintillant: ergo sunt prope nos. Aliud exemplum adducit in Luna : de qua probare possumus, quòd sit circularis, aut rotunda, ex hoc effectui : quia augmentum lucis modo circulari suscipit. Erit autem talis probatio: Quidquid circulariter illuminatur, totundum est: sed Luna illuminatur circulariter à Sole: ergo est rotunda.

Sed distinguit duplicem effectum: *Adequatum* , qui conuertitur cùm causa: & *Inadequatum* , qui non conuertitur cum ea: & inquit, quòd si effectus sit adequatus , ex demonstratione, quia, procedente ab eo, potest fieri demonstratio, propter quid: & ex opposito , ex demonstratione , propter quid, demonstratio , quia , vt patet in rationalitate, & risibilitate. Nam illam possumus probare, per hanc, & erit demonstratio , quia: & rursus hanc per illam, & erit demonstratio , propter quid. Si verò effectus sit inadequatus, poterit ex eo fieri demonstratio, quia, per quam probemus causam: non tamen demonstratio propter quid, per quam ex causa probemus effectum. Et ratio huius differentie est , quia effectus adequatus, conuertitur cum sua causa: sed inadequatus non conuertitur, & ideo in illo potest vtraque demonstratio fieri: in hoc verò , solum demonstratio, quia. Nam causa inadequata, non necessariò infert effectum. Vt si dicamus , quidquid mouetur motu progressiuo, est animal: homo mouetur motu progressiuo: ergo est animal. non licebit demonstrationem , propter quid, à causa procedentem constituere : quia non est verum dicere, quidquid est animal, mouetur motu progressiuo: nam quædam sunt animalia: quibus talis motus non conuenit.

2 In secunda parte docet Aristot. Differre *demonstrationem*, propter quid, à *demonstratione*, quia, in diuersis scientiis : sed diuersas esse scientias, duobus modis contingit ; vel subordinatas, ita vt vna collocetur sub altera ; & tales sunt Geometria, & Perspectiua: illa agit de linea, & hæc, de linea visuali ; & ideo illa vocatur subalternans, hæc verò subalternata. Et eodem modo Arithmetica, agens de Numero, dicitur subalternans : Musica verò, agens de numero sonoro, ei subalternata. Aliæ sunt diuersæ scientiæ non subalternatæ ; vt Geometria, & Medicina. Afferit ergo Arist. differre *demonstrationem*, quia, & propter quid, in scientiis subalternatis : quia demonstratio propter quid, pertinet ad scientiam subalternantem : quæ cum sit superior, reddit causam principiorum scientiæ subalternatæ, & ea probat à priori: demonstratio verò, quia, pertinet ad scientiam subalternatam, procedentem ab effectu.

Differunt etiam in diuersis scientiis non subalternatis: Quia aliquando contingit, quod aliqua propositio in vna scientia sit euidens : quæ tamen non reddit causam eius, sed ad aliam scientiam pertinet reddere talem causam, per demonstrationem, Propter quid: & ideo ad illam scientiam pertinet, demonstrare talem propositionem per demonstrationem ; Quia, ad hanc verò, per demonstrationem, Propter quid. Vt, in Medicina, aut Chirurgia, euidens est hæc propositio: Vulnus circulare difficilius sanatur, quàm oblongum. Eius tamen causam, non reddit hæc scientia, sed geometria: quia latera circuli magis distant : & ideo difficilius coniunguntur. Distinguuntur ergo in his scientiis diuersis, demonstratio, quia, & propter quid.

Q V Æ S T I O I.

An demonstratio procedens à causa remota sit, quia, vel propter quid.

3 Circa remota duplex est; *Adequata*, & *Inadequata*. *Adequata* quæ conuertitur cum effectu : vt rationalitas, est causa remota risibilitatis, conuertibilis cum ea. Causa remota *inadequata*, est, quæ non conuertitur cum effectu: vt natura sensitiua, est causa remota respirationis: quæ non conuertitur cum effectu, cum constet non omne animal respirare. Et de causa remota adæquata certum est, non constituere demonstrationem, quia: sed propter quid. Questio igitur procedit, de causa remota inadæquata; *An demonstratio ab eo procedens, sit demonstratio, quia, vel propter quid.*

Et quòd non sit demonstratio, quia, sed propter quid, probatur testimonio Aristo. cap. 2. huius lib. vbi agens de demonstratione, propter quid, asserit, *procedere ex primis*, vel ex his quæ reducuntur ad prima: & cùm principia sint causa conclusionis, idē est, ac si dicat, *procedere ex causa proxima, aut remota*, quæ ad proximam reduci possit: sed causa remota, etiā inadæquata, potest reduci ad proximam, cùm respectu illius dicatur remota: ergo demonstratio ex ea procedens erit, propter quid.

Probatur etiam ratione. Primò: Quia demonstratio propter quid, est demonstratio à priori: demonstratio verò, quia, à posteriori, non alia ratione, nisi, quia illa procedit à causa, quæ prior est effectui, & hæc ab effectu, qui posterior est causa: sed, causa remota vera causa est, & prior effectui: ergo demonstratio ab ea procedens, à priori est, & causam conclusionis reddit: ideo est demonstratio propter quid.

Secundò: Omnis demonstratio procedens ab effectu proximo, vel remoto, adæquato, vel inadæquato, est demonstratio quia: ergo omnis demonstratio procedens à causa proxima, vel remota, adæquata, vel inadæquata, erit demonstratio propter quid. Probatur consequentia, quia sicut se habet effectus ad demonstrationem, quia, ita se habet causa ad demonstrationem propter quid.

Pro solutione huius quæst. notandum est, *Causam remotam, & inadæquatam*: de qua quæritur, *duplicem esse, Superiorem, & inferiorem*. Superior est, ex qua quidem procedit effectus, mediante proxima: non tamen ab omni ea procedit: sed ab aliqua. Vt esse animal, est causa remota, & inadæquata respirationis, quia ab ea procedit respiratio, media proxima: quæ est habere pulmonem, & sanguinem calidum: sed non ab omni animali procedit, cùm sint multa, quæ his carent: & ideo natura sensitiva in eis, non est causa respirationis, *Alia est causa remota & inadæquata inferior*, à qua quidem semper procedit effectus, & ab omni ea, sed non à sola: cùm possit etiam ab alia procedere: vt patet in exemplo saltationis, adducto ab Aristo. cuius causa remota, & inadæquata, sunt vites & vinum: non tamen ab his solum procedit, sed ab aliis etiam causis letitiæ: quæ proxima causa saltationis est.

Hæc est autem differentia inter has duas causas: Quòd inferior infert effectum. Bene enim sequitur, ex vitibus, & vino, saltatio aliqua, sed non infertur ab illo: cùm non sequatur, si saltatio aliqua est, vinum esse, & vites: nam ex causa alia provenire potest saltus, etiam si neutrum horum sit. Negatio tamen effectus, bene infert negationem causæ. Vnde bene respondit

respondit Anacharasis Philosophus ille Scythia, dum rogatus, cur in Scythia non essent saltatrices, & tibicines: Respondit ideo non esse, quia non sunt vites: causam reddens inadæquatam, per modum negationis.

- 5 Secundo, notandum est; Quod dum Aristot. asserit, *demonstratiæ em procedentem à causa remota*: non solum de adæquata non loquitur, sed nec de inadæquata inferiori: & ideo de sola inadæquata superiori, quod colligitur euidenter ex verbiseius: nam postquam propriam sententiā proposuit, & eam exemplis comprobauit: hæc verba subiunxit: *Assimilantur autem tales causæ his, quæ secundum excessum dicuntur*. Id est, prædicatis superioribus, quæ inferiora dicuntur excedere: ergo de solis causis superioribus loquitur. Ex quibus solum potest inferri effectus, per modum negationis.
- 6 Notandum item est tertio, quod adhuc non infertur effectus ex his per modum negationis; tanquam ex causis formaliter: sed sicut, ex negatione prædicati superioris, infertur negatio inferioris: & ex negatione generis, negatio differentię: atque ex opposito; ex negatione differentię, negatio generis, absque ulla causalitate propria. Quod probari potest efficaciter, his exemplis: Quidquid est homo, est viuens: sed Paries non est viuens: ergo Paries non est homo. Quidquid est rationale, est animal: Lapis non est animal: ergo non est rationalis. Sed in his non infertur; tanquam ex causis, sed tanquam ex puris negationibus superioris prædicati: ergo nec in illis causis remotis infertur ratione alicuius causalitatis, sed solum ratione negationis superioris prædicati. Probatur cōsequentia, quia sicut probamus de pariete, quod non respiret: quia non est animal, probare æquè possumus, non esse rationalem: quia non est animal: hoc modo, Quidquid est rationale; est animal: Paries non est animal: ergo non est rationalis. Imò quod non respiret, ex sola negatione risibilitatis; dicentes, Quidquid est risibile, respiret: Paries non est risibilis: ergo non respirat. Vbi nulla interuenit ratio causalitatis: sed ex sola negatione generis, sequitur negatio differentię. Aut ex negatione proprietatis, negatio eiusdem respirationis. Vnde sequitur, quod sicut per demonstrationes procedentes ab effectibus, non redditur causa conclusionis, nec propter quid eius; sed solum probatur, quod hoc, vel illud sit: ut quod homo sit rationalis, per risibilitatem: & ideo appellantur ab Arist. demonstrationes, Quod hoc est. Ita per negationem causæ remotæ superioris, solum probatur, quod in aliquo non sit effectus eius: non posito propter quid, talis negationis,

& absque vlla causalitate. Sicut ex negatione vnius prædicati, probatur negatio alterius, etiam absque causalitate. Quare ratio causæ in his solum reperitur materialiter: & ideo valde similes sunt demonstrationes istæ, procedentes à causa remota, & inadæquata, per negationem, demonstrationibus, Quia: vel, Quod hoc est. Et propterea Aristot. eas reduxit potius ad demonstrationes, quia, quàm ad demonstrationes, propter quid.

Duo igitur asserit nostra sententia, Primum; *Omnem demonstrationem procedentem à causa; ut causa est, siue sit proxima, vel remota, siue sit adæquata, vel inadæquata, esse propter quid, seu diôn.* Quod euidenter probant testimonium Aristot. & rationes adductæ pro hac parte.

Secundum; *Demonstrationes procedentes à causa remota inadæquata, & superiori per negationem, de quibus solum loquitur Arist. cap. præsentis, merito fuisse ab eo connumeratas inter demonstrationes, Quia, siue ñ; potius quàm inter demonstrationes, Propter quid.* Cuius est ratio: quia non procedunt ex negatione talis causæ per modum causalitatis, sed solum per modum negationis superioris prædicati, sicut in simili forma, probantur negationes quorundam prædicatorum, per negationes aliorum: imò etiam negatio eiusdem effectus causæ remotæ, per negationem alterius, absque vlla causalitate: ergo negatio causæ, solum concurrat materialiter. Quare per tales demonstrationes, non dicitur, propter quid, sed solum probatur, quod negatio effectus talis causæ conveniat alicui: sicut probatur ex effectu, & per demonstrationem, quia, quod homo sit animal, vel rationale. Quare argumenta non sunt soluenda, cum efficaciter probent, quod intendunt.

Q V Æ S T I O II.

Andiuisio demonstrationis in demonstrationem, quia, & propter quid, sit generis in species; vel analogi in analogata.

Præsupponit titulus quæstionis tanquam certum, hanc diuisionem esse sufficientem, quod admittunt omnes: Et potest probari hac ratione. Illa diuisio est sufficiens, cuius membra continent omnia, quæ sub diuiso comprehenduntur: Sed membra huius diuisionis, comprehendunt quaecumque demonstrationem: ergo continent quidquid continetur sub demonstratione in communi, quæ est diuisum eiusdem diuisionis. Probat minor, nam præter demonstrationem procedentem à causa, & ab effectu, enumeratur ab Aristot. in sequentibus demon

demonstratio ad impossibile: per quam probatur, vnum esse alterum; vel non esse, deducendo ad impossibile. Ab aliis etiam additur demonstratio à signo: per quam ex signo nobis euidenter noto, probamus rem ita se habere: vt Lunam eclipsari: quia videmus lumen amittere: sed vtraque hæc demonstratio comprehenditur, sub demonstratione: *ἐν*, vel *διὰ*; atque etiam alia quæcumque excogitabilis: vt bene docet Sotus, & Tolerus, cap. præsentis: ergo hæc diuisio, comprehendit omnes demonstrationes. Probo iterum minorem: Quia demonstrationes ad impossibile, semper procedunt per viam causæ, aut effectus; & ideo reducuntur ad demonstrationem, quia, vel propter quid; vt ostendunt duæ sequentes. Si homo non esset risibilis, non esset rationalis: sed consequens est impossibile: ergo & antecedens. Cuius sensus est: si homo non esset risibilis, non esset rationalis: sed verum est esse rationalem; ergo verum est esse risibilem. Et hæc alia: Si homo non esset rationalis, non esset admiratiuus: sed consequens est impossibile: ergo antecedens. Illa enim procedit à causa, hæc verò ab effectu, vt patet. Demonstratio verò à signo, semper procedit ab effectu: quia signum nobis notum per experientiam, semper est effectus: vt exemplum eclipsis lunæ adductum manifestat: Duo autem membra huius diuisionis, nempe demonstratio, quia, & propter quid, communia sunt: sub quibus comprehenduntur diuersæ demonstrationes procedentes à causis; vel ab effectibus. Vnde malè Caiet. dixit: aliud membrum demonstrationis, propter quid, esse distinguendum: nam quodcunque illud sit, comprehenditur sub vno membro huius diuisionis, tanquam species sub genere. Supposito, quòd diuisio sufficiens sit, querimus, An sit vniuoca, ita vt demonstratio diuidatur, in hæc duo membra, tanquam genus in suas species. Vel, an sit analogà? ita vt tanquam analogum porius, in sua analogata.

Et prima opinio asserit, Analogam esse diuisionem, & non vniuocam. Ita Themistius, in sua paraphrasi super 1. lib. posteriorum, cap. 7. Venetus cap. præsentis. Et probatur testimonio Aristot. qui definiens demonstrationem cap. 2. huius libri *solum demonstrationem, propter quid*, duplici definitione explicauit: quæ definitio non potest vllò modo conuenire demonstrationi, quia. Imò ipsemet Aristot. eodem cap. quasi cum conditione asseruit, de demonstratione, quia, loquens. Si autem alius modus sciendi, dicemus postea. Ad hoc nimirum decimus cap. se referens secundum communem sententiam expositorum. Ex quo inferitur, demonstrationem non esse vniuocam, nec genus ad vtramque. Nam si vniuoca esset; vt communis vtrique defi-

nienda esset, & nō pro vna eius specie tātū: cū ergo sola demonstratio propter quid definita sit: hanc solam demonstrationem simpliciter sentit Arist. Demonstrationem verō, quia, non nisi secundū quid, & per attributionem ad illam, tanquam ad principale analogatum. Cuius signum est etiam, quōd Arist. nunquā eam definiuit, satis esse putās definisse præcipuā, ex cuius similitudine, & attributione, facillē intelligitur alia.

Tandem ratione probatur. Primō: Quia demonstratio est instrumentum acquirendi scientiam: sed scientia acquisita per demonstrationem, quia, non potest esse talis simpliciter, sed solum secundū quid: ergo nec demonstratio, quia, erit demonstratio simpliciter, sed secundū quid. Probatur minor ex duobus. Ex primo quidem: Quia non scimus simpliciter aliquid, cuius naturam, & essentiam ignoramus: sed habita demonstratione, quia, ignoramus naturam, & essentiam rei: & solum cognoscimus eam esse talem, ex aliquo effectu extrinseco, ex quo procedit demonstratio, quia: vt dum demonstramus hominem esse rationalem, ex effectu ridendi, quem experimur: ergo non potest esse demonstratio simpliciter. Ex secundo verō: Quia de primis principiis, non habetur scientia simpliciter, cū ex terminis sint nota: sed nullum est principium, quantumuis immediatum, quōd non possit probari aliquo modo, per demonstrationem, quia: ergo hæc non generat scientiam simpliciter sed quandam aliam notitiam conclusionis, scientia inferiorem: & ideo non erit simpliciter demonstratio, sed secundū quid.

Secundō: Si demonstratio genus est ad demonstrationem, ^{II} quia, & propter quid: ergo scientia erit etiam genus, ad eam, quæ generatur per vtramque: distinguunturque specie, tã scientia actualis, quia, & propter quid: quæ sunt assensus vtriusque demonstrationis, quàm habitualis, genita per vtrumque assensum. Sed consequens est falsum: ergo etiam antecedens. Probatur minor: quia vtræ demonstratio habetur sæpe de eodem obiecto; vt de homine, aut quouis alio: sed scientiæ distinguuntur specie, per obiecta: ergo nec scientiæ actuales, nec habituales genitæ per has demonstrationes possunt distingui specie. Atque aded nec demonstrationes ipsæ, sed solum vt quædam analogata demonstrationis in communi quæ in eas diuiditur.

Secunda opinio, tenet; *Demonstrationem diuisam esse ab Aristot. in demonstrationem quia, & propter quid, tanquam vniocum quid, & verum genus in suas species.* Ita videtur sentire Ammonius super 1. libr. de Anima, textu 21. & 34. & Flandria ibid. quest. 29. artic. 3. Sed expressè Sotus, & Tolerus,

letus, cap. præfenti, & omnes moderni interpretes; & videtur mihi vera, & tenenda. Prob. primò: Quia demonstratio, quia, procedit ex principiis certis, & eidentibus, & per consequentiam eidentem in modo & figura constitutam; ergo est syllogismus necessarius, & euidens, specie distinctus à probabili, & sophistico; Quod est, esse speciem syllogismi demonstratiui, distinctam ab ea quam constituit demonstratio, propter quid, vtraque ergo specie syllogismi demonstratiui; abstrahi potest ratio communis syllogismi demonstratiui vniuoca, atque generica, sub qua distinguuntur specie.

- 12 Quod probatur secundò; Ex principiis vtriusque, & assensibus conclusionum, per vtramque genitis. Nam demonstrationes, distinguuntur per principia, ex quibus procedunt, & per assensus conclusionum, quos generant: cum principia sint rationes formales assentiendi conclusionibus: & conclusiones, effectus proprii principiorum, ac demonstrationum: sed principia demonstrationis, quia, & propter quid, distinguuntur essentialiter: Quia hæc continent causam conclusionis, & reddunt propter quid eius: illa verò effectum: & ideo solum probant conclusionem à posteriori. Et etiam assensus conclusionum distinguuntur essentialiter, per eadem principia diuersa, tanquam per diuersas rationes assentiendi, quæ sunt quasi obiecta formalia earum: ergo vtraque parte distinguuntur speciei demonstratio, quia, & propter quid: ideoque demonstratio in communi diuidetur in eas, tanquam genus.

- 13 Ut autem explicetur testimonium Aristot. & soluatur primum argumen. *Notandum est;* Quod licet genus ex parte sua æqualiter participetur ab speciebus, nihilominus ex parte differentiarum inæqualis perfectionis, per quas descendit ad illas, constituit easdem species inæquales in perfectione: ut constat in genere animalis. Ita ergo demonstratio in communi, abstracta ab vtraque æqualiter participatur ab eis ex parte sua, sed differentia vtriusque diuersa sunt perfectionis: quia longè perfectius est reddere causam conclusionis: & ideo, propter quid eius, quàm solum eam probare ex effectu. Ideo demonstratio, propter quid, longè perfectior species demonstrationis est, quàm demonstratio, quia: non ratione generis, sed ratione differentia perfectissimæ: sicut homo inter species animalis. Et sicut hæc maior perfectio speciei humanæ, non tollit rationem vniuocam animalis: eodem modo, nec maior perfectio demonstrationis, propter quid, tollit rationem vniuocam, aut genericam respectu vtriusque demonstrationis.

Aristo. ergo, solum definitit præcipuam speciem demonstrationis in secundo capite: quia illa est potissimum instrumentum artis demonstratorie, ad generandam scientiam, explicaturus aliam speciem imperfectam, capite præsentis: quod & fecit, dicens talem esse, ut procedebat ab effectu: non reddens propter quid conclusionis, sed ostendens ita esse. Negamus igitur Arist. sentire, quod sola demonstratio, propter quid, sit demonstratio simpliciter: demonstratio verò, quia; tantum secundum quid: quamvis sentiat, perfectissimam speciem demonstrationis esse illam, hanc verò imperfectissimam ratione differentiarum.

Ad primum arg. neganda est minor, quod assensus demonstrationis, Quia, non sit scientia simpliciter. Et dum primò dicitur, per illam nos non cognoscere naturam, & essentiam rei. Respondeo, essentiam rei, non cognosci per demonstrationem etiam propter quid, sed cognitam præsupponi, per habitum principiorum, cum definitio sit principium ex se indemonstrabile, & non cognoscibile, per scientiam propter quid, in suo genere: sed ex sola notitia terminorum. Vnde nec est defectus demonstrationis, quia, quod per eam cognoscatur essentia rei: sed officium utriusque demonstrationis est, tradere cognitionem obiecti, ex aliqua eius proprietate: quod facit demonstratio propter quid, probans à priori, & ex causa proprietates subiecti. Officium verò demonstrationis, quia ex proprietate ipsa, per experientiam cognita tradit cognitionem eiusdem subiecti: nullam causam reddens, sed solum probans, quod talis sit naturæ ex illa proprietate. Negandum igitur est, quod scientia genita per demonstrationem, quia, non sit simpliciter talis: quamvis concedamus esse valde imperfectam. Quod verò secundò dicitur, *de principiis non haberi scientiam*. Distinguendum est, quia perfecta scientia, & à priori, non potest de illis haberi: quia per se nota sunt, & à priori indemonstrabilia. Esse autem per se nota, non tollit, quin à posteriori possint demonstrari, per demonstrationem, quia, per quam habebitur scientia de illis. Imperfecta quidem, tamen uniuocè talis, cum scientia à priori, & propter quid, quare & demonstrationes ipsæ, uniuocam, atque genericam habebunt conuenientiam.

Secundum arg. duo petit. Primum; *An assensus demonstrationis, quia, & propter quid, qui dicuntur scientiæ actuales, distinguantur specie*. Secundum; *An per assensum generentur habitus scientiæ, specie distincti*. Circa primum, est prima sententia Soti, q. 1. huius cap. qui licet teneat demonstrationes ipsas distinguere

distingui specie, negat tamen assensus specie distingui, sed vult esse eiusdem speciei. Quod probat hoc arg. Principia demonstrationis, sunt causa æquioca conclusionis, cum distinguantur specie ab ea: sicut sol est causa æquiocæ caloris, sed idem effectus secundum speciem, potest procedere à causis æquiocis diuersæ speciei; vt idem calor a sole, & igne; ergo idem assensus conclusionis poterit procedere, à diuersis principiis diuersisque demonstrationibus secundum speciem. Licet ergo demonstrationes sint specie distinctæ, non sequitur, quod assensus conclusionis vtriusque specie distinguantur. Quod videtur sibi necessario concedendum, de eclipsi lune, demonstrata per demonstrationem, propter quid, ex causa, & per demonstrationem, quia, ex effectû: non enim habemus ex eo assensus specie diuersos, sed eundem secundum speciem: & solum accidentali quadam, atque extrinseca ratione distinctum, vt per vnam & aliam demonstrationem procedit.

15 Hæc tamen sententia falsa est. Quod ita probo: Assensus conclusionis sumit suam speciem ex principiis, à quibus procedit, tanquam ex medio formali assentiendi, vt concedunt omnes, & probat euident ratio. Nam assensus huius conclusionis, terra est rotunda, genitus ex principiis philosophicis, hoc est, motus physici, & ex principiis mathematicis, distinguitur specie: etiam si sit eiusdem propositionis, & ab eodem intellectu habeatur: sed media assentiendi conclusioni demonstrationis, quia, & propter quid, (quæ sunt principia continentia causam eius, vel ab effectû eam probantia) constat distingui specie: sicut de demonstrationibus, quia, & propter quid probatum est: ergo assensus conclusionum vtriusque demonstrationis, etiam si de eadem re habeatur specie, distinctus erit: quia per diuersa media formalia habetur.

16 Nostra igitur sententia est, *Assensus vtriusque demonstrationis, specie distinguui.* Quod euidenter probatur, supposita distinctione specifica demonstrationum quam admittit Sorus. Nam repugnat per diuersa media assentiendi, quæ sunt obiecta formalia eo: undem assensuum, non generari diuersos assensus secundum speciem.

Nec arg. Soti probat oppositum. Sed minor distiguenda est; nempe, quod à causis æquiocis specie diuersis, possit procedere idem effectus, secundum speciem: nam si inadæquate sint, potest: si verò sint adæquate, repugnat. Et ratio huius distinctionis est: quia à causis inadæquatis indifferenter procedit idem effectus: à causis verò adæquatis, determinatè & necessariò.

Quia

Quia causa adæquata, conuertitur cum suo effectu: ideo repugnat, eundem effectum secundum speciem procedere à causis adæquatis, diuersæ speciei. Ignis verò & sol, causæ sunt æquiuocæ caloris, diuersæ speciei, sed inadæquatæ: & ideo potest calor, ab vtralibet indifferenter procedere, & ab vtraque calor idem secundum speciem: at assensus conclusionis, procedit à demonstratione, & principiis eius, tanquam à causa adæquata: & ideo repugnat, quòd idem assensus secundum speciem procedat ab vtraque, supposita distinctione specifica earum à nobis probata, & ab eodem Soto concessa.

Secundum, quod petebat idem arg. est, An per has demonstrationes, non solum generentur assensus diuersi, qui vocantur diuersæ scientiæ actuales: sed etiam diuersi habitus, qui vocantur absolutè diuersæ scientiæ. Circa quod est prima opinio multorum, ex his qui nobiscum tenent, *diuersos esse assensus vtriusque demonstrationis*, assentientium non generare diuersum habitum scientiæ secundum speciem: si tales demonstrationes circa eandem rem versentur; vt circa hominem, vel circa ens naturale, quod est obiectu naturalis Philosophiæ. Sed assensum vtriusque demonstrationis, esse inadæquatum, respectu eiusdem habitus: & solum differre ab alio, quasi specie partiali, & inadæquata. ideo posse procedere ab eodem habitu scientiæ, secundum speciem. Quia habitus solum diffringuntur specie, per actus adæquatos, sicut etiam per adæquata obiecta: & non per inadæquatos.

Probant testimonio Aristo. qui cap. præsentis docet, *demonstrationem, quia, & propter quid, differre, in eadem scientia atque in diuersis. Quod non potest esse verum, nisi pertineant aliquando ad eandem scientiam: sed eadem scientia est, idem habitus: ergo nec verum esse potest, nisi pertineant ad eundem habitum. Quare non potest defendi in doctrina Arist. quòd per demonstrationem, quia, & propter quid, circa eandem rem, generentur diuersi habitus scientiæ: alioqui de eodem homine habebit quis plures scientias: & de eodem ente naturali, plures philosophias, si per demonstrationes, quia, & propter quid, naturam & proprietates eorum cognoscat: quod inauditum est in scholis.* 17

Probant deinde ratione: Quia sicut potentia habet maiorem extensionem, quàm habitus, & ideo potest eadem secundum speciem, intra latitudinem sui obiecti, habere plures habitus, specie distinctos, qui sint quasi inadæquati respectu illius: eodem modo habitus, habet maiorem extensionem, quàm actus, cum videamus eundem habitum scientiæ, plures atque diuersas habere demonstrationes: & ideo plures assensus

18

assensus diuerfos, qui sunt plures actus: etiam si solum procedat à causa, vel solum ab effectu: ergo poterit habere plures actus, vel assensus, quorum quidam procedant à causa, per demonstrationem, propter quid, alii verò ab effectu, per demonstrationem, quia. Et sicut demonstrationes, ita assensus erunt inadæquati, respectu eiusdem habitus. Non est ergo necessarium; plures multiplicare habitus, circa idem obiectum, propter demonstrationes, quia, & propter quid, & assensus earum specie distinctos: sed idem habitus poterit se extendere ad illos, tanquam ad diuerfos, sed inadæquatos.

Nostra sententia est; *Per has demonstrationes, non solum generari diuerfos assensus secundum speciem, sed etiam diuerfos habitus scientie.* Quod ex distinctione specifica assensuum vel actuum (quam admittit opposita scientia) sic probō: Habitūs generantur ex actibus, & ab eisdem sumunt unitatem, & distinctionem specificam: sed assensus conclusionum vtriusque demonstrationis, qui sunt proprii actus, ex quibus generantur habitus, distinguuntur specie: ergo generantur habitus distinctos. Et si dicas; Eīse partiales actus, & inadæquatos. Ex hoc imprimis sequitur euidenter, generare habitus distinctos specie partiali: vnde iam teneris concedere, circa idem obiectum plures habitus, & plures scientias partiales: quod falsum probauimus in quæst. præcedentibus. Idem præterea probō; Quod non solum assensus distinguantur specie partiali, sed etiam totali.

Quia ea quæ distinguuntur partialiter, debent esse partes alicuius totius: ergo si assensus distinguuntur partialiter, & inadæquatè, cum distinguī debeant per rationem formalem obiectiuam, dabitur aliqua ratio obiectiua totalis, atque communis, cuius sint partes: sed hæc est impossibilis: ergo impossibile est, quod distinguantur specie partiali. Probatur minor: quia principia sunt ratio obiectiua assensuum, sicut sunt ratio assentiendi conclusionibus: sed principia quæ continent causam, & quæ continent effectum, sunt quasi opposita, & omnino diuersa: nec dantur alia superiora, vel inferiora, quorum sint partes: ergo non possunt distinguī specie partiali, sed totali debent distinguī: & ex consequenti non possunt generare habitus specie partiali distinctos, sed totali.

Sed vt testimonium Arist. explicemus & argu. soluere possimus; notandum est, *Virumque genus demonstrationis, quia, & propter quid, versari aliquando circa eandem rem, aliquando circa diuersas.*

diuersas. Res autem circa quam versatur scientia, solum est obiectum materiale: formale verò sunt principia, per quæ demonstrantur passionēs de illo: vnde licet versentur aliquādo circa idem obiectum materiale, semper habent diuersa obiecta formalia. Neque hoc vllam continet repugnantiam, cum circa idem obiectum materiale, versari etiam possint scientia, & opinio, per diuersa media, aut principia: quæ sunt rationes assentiendi, & quasi obiecta formalia. Non est ergo nouum, circa eandem rem ponere diuersos habitus scientiæ, cum plus differant scientiæ, & opinio: & tamen sint aliquando etiam de eadem re. Isti autem diuersi habitus, geniti per demonstrationem, quia, & propter quid, circa eandem rem, sub nomine eiusdem scientiæ comprehenduntur propter identitatem obiecti materialis, & abstractionis à materia. Et hoc est, quod voluit Arist. significare, dum dixit; *Scire, quia, & propter quid*: & ex consequenti, demonstrationes differre in eadem scientia, & in diuersis: per eandem scientiam vtrumque habitum intelligens, qui intra latitudinem eiusdem obiecti materialis, & eodem modo abstrahentis à materia, continentur: per scientias verò diuersas, eas etiam intelligens, quæ versantur circa res diuersas, & diuerso modo abstrahentes à materia; vt exempla eius ostendunt. Itaque non est sensus eius, quod scire quia, & propter quid, differant intra eundem habitum, sed intra cognitionem scientificam eiusdem rei, circa quam versari solent, & quam nomine eiusdem scientiæ intelligit. Et eadem ratione, sub nomine eiusdem Philosophiæ, intelligitur vterque habitus: quia Philosophiam naturalem vocamus, in communi modo loquendi, cognitionem scientificam entis naturalis: siue per plures assensus, vel habitus distinguatur scire quia, & scire propter quid, siue non.

Ad arg. verò; Concedimus primum, quod in antecedenti 20 assumitur: nempe maiorem habere extensionem potentiam, quam habitum: sed negamus secundū: quod habitus maiorem habeat extensionem, quam actus, vel assensus. Et huius ratio est, quia habitus proximè specificatur ab actu, secundum rationem formalem, quia per illum attingit obiectum: & cum hæc sit limitata, non habet maiorem extensionem habitus, quam actus. Potentia verò vniuersalior est: & sub vniuersaliori ratione attingit obiectum: & ideo per actus & habitus diuersæ speciei id fit. Vnde sequitur non esse superfluum multiplicare habitus, ubi actus distinguuntur specie, sed omnino necessarium; vt iam probauimus.

TRACT.

TRACTATUS DE SUBAL-
ternatione scientiarum.

*Quid nomine scientia subalternantis, & subalternata
intelligatur.*

21 **I**N secunda part. cap. docuit Arist. Scire quia, & pro-
pter quid: & consequenter, demonstrationes differre in
diuersis scientiis, non subordinatis, sed totaliter diuersis,
& quasi disparatis. Atque etiam idem fieri in diuer-
sis scientiis subordinatis tamen, quas vocat subalternatas, in
eodem sensu, quo propositiones docuit, 2. lib. de interpretatio-
ne, quandam habere oppositionem: quasi Subalternam: quando
sunt ex eodem prædicato, & subiecto, sed vna collocatur sub
altera, vna est vniuersalis, & particularis altera. Tales igitur
asserit esse quasdam scientias, quarum vna versatur circa rem
aliquam vniuersalem, alia verò circa rem particularem, sub ea
contentā, vt Geometria, quæ versatur circa lineam, & perspe-
ctiua, circa lineam visualem, sic Arithmetica circa numerū, Musi-
ca verò circa numerū sonorum. Et vniuersalem vocat *Subal-
ternantē*: particularem verò *Subalternatam*: aut illam continentē,
& hanc contentā. De natura igitur, & ratione harum scientiarū,
nobis est, de qua agunt omnes interpretes Arist. cap. præsentī,
agendum, differentiam demonstrationis, quia, & propter quid,
in eis designatam intelligamus. Nam quæ sint scientiæ totali-
ter diuersæ, & quomodo in eis differant, satis notum est.

Expositis nominibus *Subalternantis* & *subalternata* scientia,
quatuor de illis explicanda sunt. Primum, *Quidnam sit, vnam
scientiam esse subalternatam alteri?* Secundum, *An talis subalter-
natio sit possibilis?* Tertium, *Quonam modo dependeat scientia sub-
alternata à subalternante, & an sine illa esse possit, & veram habere
rationem scientiæ?* Quartum, *An subalternata intra proprios limi-
tes, demonstret, propter quid, suarum conclusionum.*

Quidnam sit subalternatio scientiarum.

22 **C**IRCA condiciones requisitas, & sufficientes ad subalterna-
tionem scientiarum, diuerso modo loquuntur authores;
nā quidam plures: alij verò pauciores assignant: quidam easdē,
alij diuersas. Inter omnes verò, optimè eas videtur enumeras-
se Caie. in tract. de subalternatione scientiarū, vbi ad quatuor,
aut quinque præcipuas reduxit omnes. Prima est, *Quod subiectum
vnius, contineatur sub subiecto alterius: cuius defectu Medicina nō*

V V

subalte

subalternatur geometriæ: nam corpus sanabile, non continetur sub linea, sed disparata sunt. Secunda; *Quod subiectum inferioris, includat subiectum superioris*: & addat supra illud aliquam differentiam accidentalem. Cuius defectu scientia de specie, non subalternatur scientiæ de genere. Nam licet species sit sub genere, non addit tamen supra genus conditionem accidentalem: sed essentialem differentialem: unde ferè semper eadem est scientia de utroque. Tertia conditio est; *Quod differentia, quam addit, non sit propria passio eiusdem subiecti*; Quia licet passio sit differentia quodammodo accidentalis: non est tamen purè accidentalis: & ideo non pertinet ad distinctam scientiam, ac subiectum: sed ad eandem, in quademonstratur de illo. Quarta conditio est; *Quod principia scientia inferioris, probentur à priori, & per causam à scientia superiori*. Principia autem, quæ assumit scientia subalternata ad probandum suas conclusiones, sunt in duplici differentia: quædam enim sumit ex subiecto scientiæ subalternantis: alia verò ex materia alterius scientiæ, ad quæ per se pertinet cōditio accidentalis, quam addit obiectum eius supra obiectum scientiæ subalternantis.

Et illa omnia, & sola, debet probare à priori scientia subalternans, non alia. Quia cum ad materiam alterius scientiæ pertineant, non possunt ab illa probari. Exempli gratia: Perspectiva, assumit vnum principium, quasi geometri cum ex materia lineæ, quæ obiectum geometriæ est, & aliud philosophicum, ex materia visualis: nam visuale ad philosophiam naturalem pertinet. Geometria igitur, cui subalternatur: solum probare debet illa, quæ ex eius materia, aut obiecto deriuntur: non, quæ pertinent ad philosophiam naturalem. Ex his cōditionibus una, vel altera reperietur aliquo modo in diuersis scientiis, non subalternatis, sed omnes simul in solis subalternatis reperiri possunt: & ideo omnes simul sunt requisitæ, & sufficienter ad veram, & propriam subalternationem. Ita, ut solum illæ scientiæ, & omnes in quibus reperiuntur, veræ, & propriæ sint subalternatæ. Et sic est explicatum, quid sit subalternatio scientiarum.

An subalternatio scientiarum explicata, sit possibilis vel sola imaginatione excogitata.

TRia arg. proponemus, quæ videtur probare subalternationem scientiarum non esse possibile, & est primum tale: *Quia si obiectum scientia subalternata, addit conditionem accidentalem, supra obiectum scientia subalternantis, sequitur subalternatam non esse unam scientiam per se*. Probatur consequentia: quia scientia sumit suam unitatem

vaitatem per se ab obiecto : sed obiectum eius non est vnū per se, sed per accidens, cū constet ex duplici ente in actu, vt ostendit linea visualis, aut numerus sonorus : ergo nec ipsa erit vna scientia per se, sed per accidens. Secundum: *Scientia subalternās, & subalternata, debent esse distincta specie*: sed non possunt distinguī specie, si vera est eadem conditio : ergo nec erit possibilis subalternatio. Probat̃ur minor : quia scientiæ distinguuntur specie per obiecta: sed obiectum scientiæ subalternatæ, solum distinguitur accidentaliter, ab obiecto scientiæ subalternantis: cū solum addit supra ipsum differentiam accidentalem, vt linea visualis, solum distinguitur accidentaliter à linea, ergo scientia ipsa subalternata, solummodo distinguetur accidentaliter à scientia subalternante. Quod etiam videtur probari, ex vltima conditione subalternationis, quod subalternans debeat probare à priori principia scientiæ subalternatæ : nā si hoc verū est: principia subalternatæ erunt conclusiones subalternantis: sed conclusiones pertinent ad eandē scientiam, in qua probantur à priori: ergo eandē scientiam efficiet subalternata cum subalternante. Tertium: *Si subalternata addit in suo subiecto conditionem accidentalem, supra obiectum subalternantis, sequitur obiectum eius habere duplicē partem* : vna erit obiectum subalternantis, alia verò accidentalis conditio, addita supra illud, & pertinaens quidem ad aliam scientiam, quo supposito, non erit maior ratio : quare dicatur magis subalternata vni, quàm alteri: & ideo nec vni, nec alteri subalternata erit, sed subalternatio ipsa impossibilis reputabitur. Gratia exempli: Obiectum perspectiue, quod est linea visualis, includit duplicem partem: nempe lineam, pertinentem ad Geometriam, & conditionē accidentalem visualis, pertinentem ad Philosophiam naturalem: ideo nō erit maior ratio, ob quam vni earum quàm alteri subalternetur, & ita non erit alicui earum subalternata.

- 25 His tamen non obstantibus, omnes tenent cum Arist. *possibilem esse subalternationē scientiarum, & quasdam esse scientias subalternatas aliis*: in quibus quatuor illæ conditiones cōcurrunt, vt perspectiua subalternatur geometriæ, & musica arithmeticiæ.

Sed circa solutionē primi arg. est prima opinio Sonc. 4. Met. q. 9. asserentis, *Scientiam subalternatam, esse vnā per se, atque distinctā à subalternante*: quia differentia, quam obiectum eius addit, supra obiectum subalternantis, non est accidens commune, sed propria passio eiusdem obiecti subalternantis: vt visuelle, inquit, non est accidens commune lineæ, sed propria passio eius: quia linea est quantitatis: & quantitas est per se sensibilis, vt docet Aristot. 2. lib. de anima : ergo linea est per se visibilis,

ita vt visibilitas sit propria eius passio, ex subiecto autem, & propria passione, sit vnum per se, & non per accidens: sicut fit ex subiecto, & accidenti communi, vt ex corpore, & albedine.

Hæc tamen sententia falsa est: & vt talis refutatur à Caiet. 26 cap. præsent. Probatur euidenter, quia duo quæ asserit, sunt apertè falsa. Primum: quòd *visuale sit propria passio lineæ*, vt est obiectum geometriæ. Nam geometria est scientia mathematica, abstrahens à materia sensibili: ergo agit de lineæ, vt abstrahit à materia sensibili: sed visuale est conditio per se sensibilis, cum dicat respectum ad visum: ergo euidenter est non conuenire lineæ, vt est obiectum geometriæ: quare falsum erit, quòd conditio, quam addit perspectiua supra geometriam, sit propria passio obiecti geometriæ. Imò etiam si concederemus, esse propriam passionem eius, falsum est. Secundum, quòd asserit, *efficere vnum per se cum lineæ*: quia propria passio verum accidens est, & extra essentiam subiecti: ergo si accidens commune non potest facere vnum per se cum subiecto, nec poterit accidens proprium efficere vnum per se cum eo. Quia non minùs risibile, constabit duplici ente in actu, nempe subiecto, & accidente, quàm aibum. Et tandem: Si conditio addita obiecto scientiæ subalternatæ, sit propria passio obiecti subalternantis, ad eandem scientiam pertinebit cum eo. Probatur consequentia: quia propria passio obiecti alicuius scientiæ, probatur de illo in eadem scientia, cuius est obiectum.

Nostra igitur sententia in primis asserit: *Conditionem, quam addit obiectum scientiæ subalternatæ, non esse propriam passionem obiecti subalternantis, sed accidens commune.* Obiectum tamen includens talem conditionem, vt lineam visualem, dupliciter sumi posse. *Vnum modum, prout includit utrumque, per modum aggregationis.* Et hoc modo euidenter est, quòd sit vnum per accidens: & non possit esse obiectum scientiæ. Quia vt sic sumptum, non habet vnā naturam, vel essentiam, sed duplicem essentiam: nec vnā definitionem, nec determinatas passiones, quæ de eo probari possint. *Alio modo sumitur prout includi vnum cum ordine ad aliud:* vel vt determinatum per illud; aliud verò vt determinans. Et ita est vnum per se, non entitate, sed ordine, quæ vnitas sufficit vt definiti possit, & per se considerari ab vna scientia, & vt determinatæ passiones de eo probari possint in ea. Et hoc modo consideratur obiectum scientiæ subalternatæ, ab eadem: quare vt vnum per se, ex quo habebit illa, quòd sit vna scientia per se. Et ideo ex hac parte, non erit impossibilis subalternatio scientiarum.

Secundum

Secundum argumentum soluitur alia distinctione: Nam conditio, quam addit obiectum scientiæ subalternatæ, duobus modis sumi potest: vel, *ut est accidens obiecti* subalternantis, ei inhærens: vel, *ut per se consideratur*, à tali scientia, & primo modo, solum accidentaliter illud determinat, vel contrahit, sicut quodlibet aliud accidens subiectum, cui inhæret. Secundo verò modo, contrahit illud per se, ad considerationem talis scientiæ: quia linea per se consideratur à perspectiua, ut visualis est. Itaque, licet visuale sit accidens lineæ, ut sumitur secundum propriam entitatem, vel essentiam: tamen ut ad obiectum perspectiue pertinet, per se coniungitur cum visuali: quia per se consideratur à tali scientia, in ordine ad visuale: vel ut per talem conditionem determinatur. Vnde quamuis linea, quæ est obiectum geometriæ secundum entitatem, solum distinguatur à linea visuali, quæ est obiectum perspectiue, etiam secundum entitatem sumptæ, accidentaliter: nihilominus si vtraque sumatur, ut per se consideratur à sua scientia, per se, & essentialiter distinguuntur: vel ut vno verbo dicatur, solum distinguuntur accidentaliter in esse rei: in esse verò obiecti essentialiter, & per se: & ideo possunt distinguere scientias specie.

29 Ad formam ergo secundi argu. distinguenda est minor secundi syllogismi, quòd obiectum scientiæ subalternatæ, solum distinguatur accidentaliter ab obiecto subalternantis: nam inesse rei accidentaliter solum distinguitur, sed in esse obiecti scibilis, per talem scientiam, essentialiter. Et ideo scientia subalternata non accidentaliter: sed essentialiter distinguitur à subalternante.

Pro solutione terrij notandum est: Quòd ex duobus, quæ includit obiectum subalternatæ scientiæ, nempe, obiectum subalternantis, & accidentalem conditionem superadditam, primum ac præcipuum est obiectum: conditio verò, quasi limitatio eius est, per quam determinatur: & imperfectior quidem, quia materialis, atque sensibilis: obiectum verò subalternantis, ut magis à materia abstractum, perfectius est. Et ex hoc sequitur ratio eius: eandem scientiam esse subordinatam superiori, & vocari subalternatam, & non ratione conditionis: quod ex alia conditione colligitur euidenter: quia principia subalternatæ scientiæ, superior probat à priori: potius, quàm illa scientia, ad quem conditio pertinet. Et ideo potius illi subalternatur, quàm huic. Gratia exempli: Obiectum perspectiue includit lineam & conditionem visualis: ex quibus linea est primum, & principale, ratione

cuius subordinatur geometriæ: est etiam magis abstracta à materia, & quia demonstrare, propter quid, conclusionum, potius pertinet ad illam scientiam, quæ magis abstrahit à materia sensibili: cum scientiæ respicientes materiam sensibilem, ab effectu potius demonstrare soleant: hinc est, quod perspectiua potius subalternatur geometriæ: quàm philosophiæ naturali.

Hoc est enim principium perspectiue, *Visio facta secundum lineam rectam, est perfectissima*: quod licet præsupponat aliud, per se notum in philosophia, nempe agens naturale fortius agit in proximum, quàm in remotum: tamen à priori demonstratur à geometria: quia linea recta est perfectissima, & breuissima.

Ad formam igitur arg. neganda est consequentia, quod non sit maior ratio, propter quam scientia inferior magis dicatur subalternata uni, quàm alteri scientiæ: quia cum obiectum superioris scientiæ sit primum, quod includit, & ratione cuius subordinatur scientiæ superiori, agenti de illo, ad quam etiam pertinet probare à priori principia eiusdem scientiæ inferioris: potius quàm ad aliam scientiam, ad quam conditio pertinet: ideo potius illi, quàm huic subalternatur.

An subalternata scientia, existens sine subalternante, sit vera scientia, vel potius opinio.

PRæsupponit titulus quæstionis tanquam certum, quod *scientia subalternata, possit esse separata à scientia subalternante*, & omnino sine ea esse: quod constat experientia, cum plures cognoscamus musicos, ignorantes Arithmeticam. Quærit autem hoc supposito, *An musica in his sit vera scientia, vel solum opinio.*

Et prima sententia tenet, *Non esse scientiam, sed opinionem*: ita Soncinas 4. Metaph. quæst. 9. quem sequuntur plures moderni: quorum hæc est ratio: Quia ut docuit Aristot. 2. cap. huius libri; ut aliquis habeat scientiam alicuius conclusionis, necesse est, quod principia sint ei certa, ita, ut ex terminis ea cognoscat: vel si demonstrabilia sunt, sciat ea reducere ad prima indemonstrabilia: & qui hoc non scit, (inquit Aristot.) non habet demonstrationem, nec scientiam conclusionis: atqui principia scientiæ subalternatæ non sunt immediata, sed demonstrabilia, per scientiam subalternantem, quam cum non habeat musicus, nescit ea reducere ad immediata, sed solum ea credit propter testimonium Arithmeticorum: ergo non habet scientiam conclusionum eius, sed opinionem.

Secunda opinio est aliorum: *Quod vera sit scientia, quamvis imperfecta.* Et ratio horum est opposita: quia si non esset scientia, sed

sed opinio, maximè hoc esset propterea, quia is qui eam habet sine subalternante, non habet certitudinem principiorum, sed fides humana potest esse certa, propter frequentia testimonia; vt patet in hac propositione, Roma est: cui, licèt multi assentiantur, solùm propter testimonium eorum, qui eam viderūt, tot tamen testimonia multiplicantur: vt certum efficiant assensum eorum: cuius signum est: quia nemo est qui dubitet de veritate eius.

- 32 Pro explicatione nostrę sententię, notandum est, *Duobus modis posse contingere, quòd scientia subalternata sit sine subalternante.* Primò; Ita, vt principia eius solùm sint accepta, per testimonium habentium scientiam subalternantem. Secundò; Ita vt etiam sint ab eo, qui habet eam sine subalternante nota, per experientiam euidentem multorum singularium: ex quibus colligitur euidenter, experimentum vniuersale principiorum.

Hoc supposito; Tria asserit nostra sententia. Primum est: *Sive subalternata scientia, sine subalternante existens, sit vera scientia siue non, certum est, non esse actu, & formaliter scientiam subalternatam: prout sic habetur, sed solùm materialiter.* Quod sic probò: Scientia dicitur subalternata, quia subordinatur subalternanti, à qua principia eius accipiunt certitudinem, & euidentiam requisitam ad veram scientiam: sed scientia inferior existens sine superiori, vt sic existens, non subordinatur actu superiori scientiæ, nec ab ea participat euidentiam suorum principiorum: ergo non est actu, & formaliter scientia subalternata: sed solùm materialiter, & quasi in potentia: in quantum cum ea coniungi potest; in eo, qui vtramque habeat.

- 33 Secundum, quod asserit, est, *Quòd scientia subalternata, sine subalternante, erit vera scientia (licèt imperfecta,) si ei, qui eam habuerit, nota sint principia per experientiam.* Probatur hoc: Quia tunc erunt certa, atque euidentia principia: ex quibus per demonstrationem à posteriori, colligitur euidenter conclusio: quæ ex sequenti erit certa, & euidens, & per cõsequens, verè scientifica.

Tertiò dicimus; *Quòd si principia eius solùm cognoscantur per testimonium eorum, qui habent subalternantem scientiam, non erit vera scientia, sed opinio.* Et hoc probat efficaciter argum. primæ opinionis, quam in hoc sensu veram esse existimamus. Argu. verò secundæ opinionis nihil probat: Quia testimonium humanum, per se loquendo, non potest generare assensum certum cum non repugnet ei subesse falsum. Quòd verò per frequentiam testimoniorum, sublatum sit actuale dubium, per accidens est: quia hoc non obstante, assensus illius propositionis, Roma est, ab intrinseco est incertus: & cui potest subesse falsum.

Et eo igitur non potest per se colligi certa conclusio, nisi ratione quadem materiali, & accidētali. Per se autem, est incerta: quod repugnat scientiæ. Quemadmodum dicimus, Conclusionem non esse per se, & formaliter certam, nec scientificam, quæ colligitur per aliquam consequentiam, solum necessariam in his, aut illis terminis: quod est, esse necessariam solum materialiter, formaliter verò, & per se incertam: cum in simili forma, possit dari antecedens verum, & consequens falsum.

An scientia subalternata, intra proprios limites, demonstret propter quid, vel solum quia.

IAm hoc intelligitur de scientia subalternata, non sine subalternante: sed illi actu coniuncta in eo, qui habet utramque: & tunc habet statum scientiæ subalternatæ, de qua quærimus, *An intra proprios limites*, hoc est, in quantum solum se extendit, usque ad principia à se indemonstrabilia: sed quæ possunt demonstrari à priori, & verè demonstrantur, à subalternante: cui quasi continuantur: an, inquam, intra hos limites, *veras habeat demonstrationes, propter quid*, per quas demonstret à priori suas conclusiones, ex propriis principiis: vel solum dicatur demonstrare ea, quasi per demonstrationes, quia. Exempli gratia: Hæc est conclusio perspectivæ scientiæ, *Res ad maiorem distantiā visa minor apparet, quàm ipsamet exstat in se*. Perspectiva eam demonstrat per hanc, *Res à longè visa, minori, aut acutiori angulo mouet potentiam*: & ideo apparet minor. Sed illius secundæ propositionis, per quam probat primam, nescit reddere causam: eam verò reddit geometria: quia angulus, eo est acutior, quo magis protrahitur: esse verò acutiorem est esse minorem.

Et ideo res visa ad maiorem distantiā, minori angulo mouet potentiam. Quærimus ergo, *An demonstratio illa*, per quam perspectiva probat, quòd res à longè visa minor apparet: quia minori angulo mouet potentiam, (hoc est enim intra proprios limites demonstrare suas conclusiones) sit demonstratio propter quid, & à priori: vel solum demonstratio, quia.

Prima opinio est Soti, & Veneri cap. præsentis, asserentium, *verè demonstrare, propter quid, intra latitudinem propriam*: quam tamen sine limitatione, videtur tenuisse Albertus Magnus tracta. 2. de usu principiorum, cap. 7. ubi negare omnino videtur, quòd propria principia subalternatæ scientiæ, demonstrètur à scientia subalternante. Quia cum subalternans abstrahat à materia sensibili, & principia subalternatæ respiciant materiam sensibilem, non potest se extendere, aut descendere ad illa

illa demonstranda. Quod si verum est non solum intra proprios limites demonstrabit, propter quid, suarum conclusionum, scientia subalternata, sed omnino. Nam si principia eius non demonstrantur à subalternante, neque ab alia, erunt prorsus indemonstrabilia: ex quibus perinde demonstrabit subalternata proprias conclusiones, atque quælibet alia scientia etiam subalternans.

Probatur hæc sententia. Primò: Quia scientia subalternata, licet non reddat causam primam suæ conclusionis: nec demonstrat illam; usque ad principium primum, reddit tamen causam proximam eius: ergo eam demonstrat à priori, per causam proximam: ut patet in exemplo designato.

36 Et certè si sola scientia subalternans demonstraret à priori, conclusiones scientiæ subalternatæ, solus Arithm. diceretur Musicus: & solus Geometra, perspectivus. Quod patet esse falsum. Probatur consequentia: quia sciens, & scientia, denominationem accipiunt à conclusionibus, quas demonstrant: cum in eis consistat, vera, & propria ratio scientiæ: ergo sicut dicitur philosophus, qui scit demonstrare conclusiones philosophiæ: ita dicitur perspectivus, qui scit demonstrare conclusiones perspectivæ: præsertim si à nullo alio demonstrantur, sed ab eo solo.

Secundò: Quia si scientia subalternata non demonstrat à priori suas conclusiones, maximè id facit, quia non reddit causam earum, usque ad primam, sed solum reddit proximam, relinquens primam reddendam à subalternante: sed hoc est impossibile: ergo non est negandum, quod demonstrat à priori suas conclusiones. Probatur minor: quia si hoc ita esset, sequeretur subalternantem demonstrare à priori principia subalternatæ: & ideo principia subalternatæ esse conclusiones subalternantis. Quod repugnat fieri propter duo. Primum, *Quia subalternans abstrahit à materia sensibili*: principia verò subalternatæ, respiciunt materiam sensibilem: ergo repugnat: quod hæc illis coniungantur, in eadem demonstratione coniungi autem necessarium est, si sunt conclusiones per illa demonstratæ.

Secundum: Quia si principia inferioris essent conclusiones superioris, non essent distinctæ scientiæ, superior & inferior, sed eandem efficerent. Probatur consequentia: Nam conclusiones ad eam scientiam pertinet, in qua demonstrantur: sed principia inferioris, sunt conclusiones demonstratæ à superiori: ergo ad hanc pertinebunt, & non efficient scientiam subalternatam distinctam.

Secunda opinio; *Negat subalternatam, aut simpliciter demonstrare proprias conclusiones à priori, aut etiam intra proprios limites:*

sed solum auxilio superioris, & vt continuatur cum illa, veras demonstrationes efficere posse. Hæc est communis, quam tenent D. Tho. in Comment. huius cap. Soncinas 4. Meta. quæ. 9. Caiet. tract. de subalternatione scientiarum circa finem, Louanienfes, & Tolet. in expositione huius cap. Et videtur nobis in doctrina Arist. necessaria, & in ratione vera.

Probatum primum: Quia Arist. cap. præfenti in principio, docet expressè, *differre demonstrationem quia, & propter quid, in diuersis scientiis subalternatis*: quia demonstratio, propter quid, pertinet ad scientiam subalternantem: demonstratio verò, quia, ad subalternatam. Quæ differentia, non potest esse vera, si scientia subalternata demonstrat proprias conclusiones demonstratione, propter quid, etiam intra proprios limites: vel etiam reddens causam proximam earum, licet non primam. Nam si hoc verum est, ad eam pertinebit demonstratio propter quid, & non quia. Præterea loquens Aristot. de vtraque scientia in particulari, & vocans subalternantem Mathematicam, & subalternatam sensibilem; quia illa abstrahit à materia sensibili, hæc verò respicit illam, expressè docet: subalternatam solum demonstrare, quia: ad subalternantem verò pertinere demonstrationem, propter quid, his verbis: *Hic enim, ipsum quidem sensitiuorum est scire, ipsum verò, propter quid, Mathematicorum.*

Secundum verò, quod vera sit nostra sententia, probatur hoc argum. Vt aliquis habeat scientiam alicuius conclusionis, & veram demonstrationem eius, necesse est, quod præmissis assentiatur ex sola notitia terminorum: vel si demonstrabiles sint, eas sciat reducere vsque ad principia omnino indemonstrabilia: alioqui si sic eas reducere nesciat, non habebit veram demonstrationem conclusionis, nec veram scientiam eius. Sed principia propria scientiæ subalternatæ, per quæ demonstrat suas conclusiones, non sunt immediata; sed demonstrabilia: cum possint demonstrari à scientia subalternante: ergo non fiet vera demonstratio alicuius conclusionis ex eis, nisi ab eo, qui sciat ea reducere vsque ad prima omnino indemonstrabilia, per veras demonstrationes. Atqui subalternata scientia, intra proprios limites, nescit ea sic reducere, vt patet, à solaque subalternante reduci possunt: ergo subalternata intra proprios limites, non potest veram demonstrationem, propter quid, suarum conclusionum efficere, nisi auxilio scientiæ subalternantis aut in quantum cum ea continuatur.

Sed vt explicemus, quonam modo fiat continuatio hæc, quo etiam modo demonstrantur à subalternante: notandum est, *Quod in quacunque demonstratione, necessarium est medium con-*
iungi

iungi cum extremitatibus in præmissis; ut ratione talis coniunctionis, extremitates ipsæ coniungantur in conclusione: & hoc est fundamentum totius artis demonstratiuæ. Ut ostenditur in hac demonstratione: Omne animal rationale est risibile: Omnis homo est animal rationale; ergo Omnis homo est risibilis. In qua animal rationale, quod est medium, coniungitur in præmissis cum homine, qui est maior extremitas, & cum risibilitate, quæ est minor: & virtute huius coniunctionis, coniunguntur homo, & risibile in conclusione.

Secundò notandū, Medium in demonstratione propter quid, continere causam conclusionis. Vnde sequitur nō posse scientiam subalternantem demonstrare à priori principium scientiæ subalternatæ, per medium sibi proprium nudè acceptum: hoc est, in propria abstractione à materia sensibili consideratum; sed necesse est, ut tale medium coniungatur extremitatibus, ex quibus constat principium eiusdem subalternatæ scientiæ demonstrandum, tanquam conclusio; alioqui non erit medium.

40 *Sed extremitates eius respiciunt materiam sensibilem: ergo necesse est medium scientiæ subalternantis, quasi descendere ad materiam sensibilem, ad eamque determinari; ut per talem coniunctionem cum extremitatibus in præmissis, efficiat, ut coniungantur extremitates ipsæ in conclusione: & ita conclusio ipsa, quæ principium est subalternatæ scientiæ, à priori demonstretur. Et talis coniunctio mediij cum extremitatibus, ex quibus constat principium scientiæ subalternatæ demonstrandum, est cōtinuatio inferioris sciētiae cum superiori: in qua cōtinuatione, cōsistit formalis ratio subalternationis. Quæ omnia hoc exemplo fiunt manifesta. Principium sciētiae subalternatæ, nēpe perspectiuæ: quod ipsa, nec scit, nec potest demonstrare intra proprios limites, est hoc: Res à longè videtur sub minori, vel acutiori angulo. Demonstratur autē sic, à scientia subalternante, nēpe à geometria: Res quæ videtur sub angulo magis protracto, videtur sub angulo minori, (nam angulus magis protractus acutior est, & ideo minor:) sed res visā à longè videtur per angulum magis protractum, aut longiorem ut est manifestum; ergo videtur sub angulo minori. Ecce medium geometricum, nēpe angulū magis protractum, esse minorem, quod nō posset demonstrare principium illud perspectiuæ nisi coniungeretur cum extremitatibus, ex quibus cōponitur, videlicet cum re à longè visā, & cum minori angulo: & nisi ita cōiunctum efficeret cum eis utrāque præmissam eiusdem demonstrationis per quam demonstraretur idem principium, tanquam conclusio, composita ex eisdem extremitatibus.*

Et ecce

Et ecce continuatam scientiam subalternatam, cum subalternante, in eadem demonstratione, per tales coniunctiones. Continuatiuum autem, est medium scientiæ subalternantis, vt coniunctum in præmissis cum extremitatibus, ex quibus conponitur, principium scientiæ subalternatæ, per illud demonstratum.

Et continuatio hæc, non tollit distinctionem vtriusque scientiæ, vt statim probabitur.

Ex his intelligitur, primò, quomodo sit possibile, quòd scientia subalternans, probet per demonstrationem à priori, principia scientiæ subalternatæ, etiam si abstrahat à materia sensibili, & principia probanda eam respiciant, id enim facit, per visionem proprii mediij, cum extremitatibus principij probandi, cum quibus coniungitur in præmissis & per coniunctionem, quasi descendit, & contrahitur per eas, ad materiam sensibilem: & per talem contractionem continuatur cum ea.

Iam ergo soluuntur facilè argum. oppositæ opinionis. *Nam ad primum;* Concedimus antecedens, quòd subalternata scientia reddat causam proximam suæ conclusionis: sed negamus consequentiam, quòd demonstrat eas intra proprios limites. Nam ad veram demonstrationem, non sufficit reddere causam proximam, sed requiritur reddere omnes causas, vsque ad primam: alioqui non habebit certum assensum præmissarum, cum nesciat eas reducere vsque ad principia per se nota, & indemonstrabilia: & ideo nec habebit veram scientiam conclusionis, nec veram demonstrationem eius.

Ad aliud verò, quod additur in eodem argum. nempe, solum Arithmeticum esse musicum, & solum geometram, perspectiuum: si hi soli demonstrare dicuntur à priori conclusiones musicæ, & perspectivæ, negandum est, quia principia alicuius scientiæ, per quæ demonstrantur conclusiones eius, non pertinent ad habitum talis scientiæ, sed ad alium distinctum, qui dicitur habitus principiorum: & ideo nec suscipiunt denominationem scientiæ: nec ea habent denominationem à scientiis. Principia autem scientiæ subalternatæ, quæ demonstrantur à scientia subalternante, comparantur ad principia eius, per quæ demonstrantur, tanquam conclusiones eorum: & ideo non pertinent ad eam, sed ad alium habitum inferiorem, qui est scientia subalternata.

Quare nec Geometra denominatur perspectiuus, nec Arithmeticus denominatur musicus, sicut nec conclusiones musicæ, dicuntur geometria, quamuis verum sit, non denominari musicum verè scientem, nisi simul sit Arithmeticus: nec scientem perspe

perspectiuum, nisi simul sit geometra.

Ad secundum; Concedimus primam & secundam consequentiam, quod principia subalternata, sunt conclusiones subalternantis, negamus tamen, quod non possint eis coniungi in eadem demonstratione. Nā licet principia subalternantis, abstrahant à materia sensibili, determinari tamē possunt, & quasi contrahi, per principia subalternata, ad conficiendam eandem demonstrationem: vt explicatum est. Per hanc autem vnionē principiorum vnus, cum principiis alterius; vt conclusionibus eorum, non tollitur distinctio vtriusque scientiæ: sicut per vnionem principiorum cuiuslibet scientiæ, cum conclusionibus eiusdem, in eisdem demonstrationibus, non tollitur distinctio habitus scientiæ, ab habitu principiorum. Præsertim cum semper scientia subalternata, & subalternans, habeant diuersa obiecta, & diuerso modo à materia abstrahentia, ex quibus distinctio habituum apertè colligitur. Et si aliquis querat; Quid ergo, aut quomodo dicendum est, demonstrare scientiam subalternatam, intra proprios limites, aut quomodo loquendum? Respondeo; Si intra proprios limites, accipiat præcisè, nullam demonstrationem propter quid, habere posse, neque etiam, quia, neque aliquam posse demonstrare cōclusionem. Vnde neque esse scientiam, hoc modo sumptam: quia sub hac præcisione accepta, nescit demonstrare propria principia, verè demonstrabilia: ergo non habebit certum assensum eorum: & idèò, non poterit certam conclusionem, aut scientificā colligere. De demonstratione verò, quia, certum est, eam non habere, sub ratione formali scientiæ subalternatæ: quia vt talis est, non procedit ab effectu, sed à causa. Solum igitur demonstrat suas conclusiones: demonstratione propter quid, auxilio subalternantis; vt continuatur cum ea, quare solum hoc modo est vera scientia subalternata.

CAPVT XXVI.

TEX. ARISTOTELIS.

Scibile autem, & scientia differunt ab opinabili, & opinionones: quoniam scientia quidem vniuersalis.

Brevis expositio textus.



Ntendum Arist. in hoc cap. est, *distinguere scientiam ab opinione*; postquam scientias distinxit inter se, in his capitulis intermediis, à decimo vsque ad hoc vigesi

vigesimum sextum. Diuiditur autem in duas partes. In primas; Asserit, & probat scientiam, & scibile, distingui ab opinione & opinabili. In secūda; Duo proponit dubia in cōtrarium solui.

Conclusio Arist. est hæc: *Scientia, & scibile, ex una parte, differunt ab opinione, & opinabili, ex altera.* Quam probat hac ratione: Scientia versatur circa vniuersale, & necessarium: ergo scibile est vniuersale, & necessarium: opinio verò circa contingens, & sæpe particulare, aut etiam singulare: ergo opinabile est contingens, & particulare: ergo diuersa est scientia ab opinione: & scibile ab opinabili. Antecedens probat, ex parte scientiæ, quia vt cap. 2. dictum est; *Scientia est de his, quæ non possunt aliter se habere:* ergo de necessariis, quia necessarium est, quod non potest aliter se habere. Præterea: *Scientia est de his, quæ sunt de omni, per se, & vniuersaliter, aut secundum quod ipsum:* ergo est de vniuersalibus. Probat deinde idem antecedens, de opinione, & opinabili. Nam quædam ait vera sunt in existimatione, quæ in re possunt esse vera, aut falsa: de quibus non est scientia: neque intellectus, qui est notitia principiorum: ergo de his erit opinio. & cū possint aliter se habere, quod est esse contingentia: erit de contingenti: & ideo opinabile erit contingens. Probatur antecedens; Quod² de his, quæ possunt aliter se habere, non sit scientia, neque intellectus, quia scientia, est de his, quæ non possunt aliter se habere: intellectus verò, quasi scientia quædam immediata est: & sic definiri potest; *Intellectus est certa cognitio immediata propositionis:* quod est, esse certam cognitionem, ex sola significatione terminorum habita, sed certa cognitio ex terminis habita, non potest esse de re contingenti, nisi tantum de necessaria: ergo repugnat, quod intellectus, & scientia sint de re contingenti. Consequentiam verò, quod de re contingenti sit opinio, probat, quia si certa cognitio dari non potest, de re contingenti, dabitur incerta, & fallibilis. Hoc est talis; quæ licet vera esse existimetur, tamē nō repugnet ei subesse falsum.

Vnde infert, sic esse definiendam opinionem: *Opinio est acceptio, vel existimatio, seu assensus immediata propositionis, & non necessaria.* Et per primam particulam, *Immediata propositionis,* distinguitur opinio à scientia; quæ est cognitio propositionis mediata: & conuenit cum intellectu. Per secundam verò, nempè, *Non necessaria,* distinguitur ab utroque, videlicet intellectu, & scientia: quia vtrumque est de necessariis; vt probatum est.

Sed hæc definitio opinionis, non traditur ab Arist. de omni opinione, sed solum de immediata. Datur enim mediata
opinio

opinio, quæ ex immediata colligitur, per euentem, aut probabilem consequentiam: vel ex propositione euenti, per consequentiam non necessariam, vt Arist. docet in hoc eodem cap. Sed solum voluit immediatam definire; vt cum notum sit dari opinionem mediatam, definitione ipsa ostenderet, dari etiam opiniones immediatas, quibus assentitur intellectus probabiliter, ex sola notitia terminorum: sicut dantur propositiones necessariae, quibus ex sola notitia terminorum assentitur, assensu certo, ac necessario.

Sed contra differentiam probatam, inter scibile, & scientiam, & opinabile, & opinionem, proponit duo dubia in secunda parte capitis. Primum est, ad probandum; *quod non differant scibile, & opinabile*: quia sæpe contingit; vt quod vnus scit, alter opinetur: ergo idem erit scibile, & opinabile. Respondet, quod de eadem re simplici, aut incomplexa, possunt esse scientia, & opinio; vt de homine. Non tamen de eadem re complexa; vt de propositione. Nam de homine, potest esse scientia, & opinio, sed non de propositione: vt de hac; *Quod diameter sit commensurabilis, aut aequalis costa*: opinio fortè esse poterit, non scientia.

- 4 Secundum dubium est: Quia sicut scientia procedit ex immediatis principiis, ad mediatam conclusionem, ita opinio potest procedere, ex propositione immediata probabili, ad mediatam, quam de ea colligit. Præterea; Sicut demonstratio, si procedat à causa, erit propter quid: & si ab effectu, erit quia: eadem ratione opinio, si procedat ab immediata, continente causam conclusionis, dicetur, propter quid: si verò ab ea, quæ continet effectum, dicetur, quia: ergo conueniunt in his duobus, scientia, & opinio: quare non distinguuntur. Respondet; Verum esse antecedens, sed negandam esse consequentiam. quia diuersus est modus procedendi vtriusque. Nam scientia procedit per medium necessarium, hoc est, ex necessariis principiis, & per necessariam consequentiam: opinio verò, per medium contingens, hoc est, vel ex principiis non necessariis, vel per consequentiam non necessariam, sed probabilem: & hoc est, distinguuntur essentialiter, per diuersa media assentiendi. Vnde sequitur, scientiæ non posse subesse falsum; opinionem verò falsam esse posse.

TRACTATUS I.

De habitu principiorum.

- DE tribus agit Arist. cap. præsentis, *De Intellectu*, qui est notitia principiorum. *De Scientia*, quæ est notitia conclu-

conclusionum: quæ demonstrantur ex principiis. Et de *Opinione*: quam ab his differre docet. De quibus eodem ordine agendum nobis est, & de singulis singulos tractatus instituimus: in quibus ea, quæ necessaria sunt ad intelligendam eorum naturam, & rationem, breuissimè explicamus. Ut sic meliùs possimus intelligere, differentiam, quam inter ea posuit Aristot. Et primò de habitu principiorum quatuor explicabuntur. Primum, *An sit*, hoc est, an præter potentiam intellectiuam, & species intelligibiles, per quas principia, hoc est, propositiones immediatas apprehendimus, ponendus sit habitus, per quem facile possit intellectus iudicare de veritate eorum, eisdemque assensum præstare. Secundum, *Quid sit habitus iste*. Tertium, *An sit naturalis*; Ita, ut illum receperit anima, simul cum potentia intellectiua, dum creata fuit à Deo: vel an acquisitus per proprios actus. Quartum, *An sit unus secundum speciem*, pro principiis omnium scientiarum; vel diuersus pro diuersis principiis.

An præter intellectum, & species intelligibiles, detur habitus principiorum.

Primò præsupponendum est, tanquam certum in doctrina Aristot. & in schola Peripatetica, *Quod in intellectu, & voluntate, dantur habitus virtutum moralium, & intellectualium.*

Secundò præsupponendum est; *Hos habitus ponendos esse in intellectu, distinctos à speciebus intelligibilibus.* Quod eorum, & illarum officiū efficaciter probat. Nā officiū speciei intelligibilis, solū est vnire obiectum intelligendum, cum potētia intellectiua, ex qua vnione sequitur apprehensio eius, quæ est prima operatio (Intellectus) vel vnio ipsa est apprehensio. Vnde sequitur, species intelligibiles, solū ad apprehendendum obiecta proximè deferuire. Sed cum post apprehensionem, sequatur iudicium de veritate, aut falsitate propositionum: in qua principaliter consistit secunda operatio intellectus: & in quo potest esse aliqua indifferentia, aut etiam difficultas, ad iudicandum, additur alius habitus ab Arist. & omnibus (solis exceptis nominalibus) qui species ipsas intelligibiles, dicunt esse habitus: & ideo, nihil aliud præter illas ad iudicandum ponunt.

His suppositis; Primum dubium est: *An præter species intelligibiles, per quas principia apprehendimus, necessarius sit habitus principiorum, ad iudicandum de veritate eorum*: quod est eis assentire. Et est prima opinio Duran. in 3. d. 33. q. 1. ad finem. & Soti 1. lib. de Iustitia, & iure, q. 4. art. 2. qui licet habitus scientiarum, in intellectu ponant, præter species intelligibiles, ad assensum conclu

conclusionum: nihilominus ad assentiendum principiis, nullum habitum esse ponendum asserunt: sed sufficere aiunt lumen naturale, quod est potentia ipsa intellectiua. Probant hoc argu. 7 Ad operationes naturales, in quibus nulla est indifferentia, vel libertas, non ponuntur habitus, vt in potentia visiua: imò nec in voluntate, respectu vltimi finis, in quem naturaliter tendit, per amorem; sed intellectus, naturaliter assentitur principiis, cum sint veritates immediatæ, ac necessaria: ita vt eis propositis, non possit non assentire: ita enim se habet ad illa: sicut voluntas ad vltimum finem, vel visus ad colores: ergo nullo indiget habitu, ad eis assentiendum.

Opposita sententia tenet, *præter intellectum, & species intelligibiles, ponendum esse habitum, ad assentiendum primis principiis indemonstrabilibus.* Hæc est expressa apud Arist. 6. lib. Ethic. cap. 3. vbi inter virtutes intellectuales, quæ sunt habitus superadditi potentiis, enumerat intellectum, qui est habitus principiorum. Et D. Tho. in Commentariis eiusdem loci, declarat: non de intellectu pro potentia, sed pro habitu superaddito potentiæ, loqui Arist. his verbis: *Accipitur autem hic intellectus, non pro ipsa intellectiua potentia, seu pro habitu quodam quo homo ex virtute luminis intellectus agentis, naturaliter cognoscit principia indemonstrabilia.* Et 1. 2. q. 94. art. 1. inquit, *Principia indemonstrabilia in speculatiuis, non sunt ipse habitus principiorum, sed sunt principia, quorum est habitus:* quam sententiam sequuntur, Henricus quodlib. 5. 28. Caie. 1. 2. q. 51. art. 1. & ibidem Conradus Ferr. 1. lib. contra gentes, c. 94. Medina 1. 2. q. 49. ar. 2. & moderni omnes. Et videtur nobis vera, & tenenda.

8 Probatur primò: Necessitas ponendi habitum in potentia: circa aliquod obiectum, est indifferentia eius, ad bene, vel malè operandum, circa illud: vt cum vtroque modo possit operari, determinetur ad bene operandum, per habitum: *Nam habitus, vt vidimus apud Aristot. in prædicamento qualitatis, est dispositio subiecti,* per quam bene vel malè se habet in ordine ad propriam naturam, vel operationem: sed intellectus circa primâ principia, potest bene vel malè operari: cum possit errare circa illa: ergo indiget habitu ad bene operandum: & ideo necesse est eum ponere.

Secundò: Quia si intellectus non indiget habitu ad assentiendum principiis: quia sunt euidentia, & naturaliter cum mouent: sequitur nec indigere habitu, ad assentiendum conclusionibus. Probatur consequentia: quia habito assensu principiorum, euidentem veritatem continet conclusio in eis contenta, & etiam naturaliter mouet intellectum: sed opposita

opinio ponit habitum pro conclusionibus: ergo necessario debet cum ponere circa principia.

Et ad argu. eius: Distinguenda est minor, quod intellectus naturaliter assentiatur primis principiis. Nam quantum ad specificationem, verum est: quia supposita debita apprehensione eorum: si iudicium ferat certa illa, non potest esse iudicium dissensus, sed assensus debet esse: quantum verò attinet ad exercitium, libertatem habet circa illa, dependenter à voluntate: & ideo potest assensum suspendere, ut superius probauimus, quam libertatem non habent sensus, nec voluntas circa bonum in communi: ideo non sunt capaces habitus.

Quidnam sit habitus principiorum.

Natura & essentia habitus, ex proprio actu, & obiecto, circa quod natus est, operari intelligenda est. Nam ab his sumunt speciem potentiae, & habitus, ut docet Arist. lib. 2. de Anima, c. 4. Explicare igitur oportet: *Quodnam sit proprium obiectum huius habitus; & quem habeat actum circa illud.* Obiectum, proprium habitus, est euidens, & immediata veritas: siue vniuersalis sit illa, siue particularis. Proprius modus: tendendi in obiectum, à quo formalis, & vltima ratio habitus desumitur, est per immediatam comparisonem ad ipsam veritatem euidenter, quam sine vilo medio respicit. Vnde, sicut alij habitus intellectus, constituuntur, & distinguuntur specie, per tale, vel tale medium assentiendi: ut scientia, per medium demonstratiuum: opinio, per medium probabile, & fides per testimonium: ita habitus principiorum, qui dicitur intellectus, talis est in propria specie, & à ceteris habitibus distinguitur, quia per se immediate comparatur ad euidentiā veritatis. Vnde proprius actus eius est, *sine vilo medio ei assentire*, sicut actus scientiae, assentire per medium demonstratiuum. Definitio igitur eius talis erit: *Habitus principiorum, est virtus intellectualis, per quam potentia intellectiva, determinatur ad assensum principiorum per se euidenter, & facile eum meliciendum.* In quo autem consistat hæc facilitas, dicemus inferius.

An habitus principiorum sit naturalis, vel acquisitus ab intellectu, per proprios actus.

Habito iam quod habitus intellectus sit, & quid sit: sequitur tertium explicandum: *Quor. am modo generetur, aut ut in nobis.* Videlicet, an eum accipiat anima simul cum propria natura, & intellectu, dum creatur à Deo: vel sicut in ipsa

in ipsa creatione, accipit intellectum sine vlla specie intelligibili, sed tanquam tabulam rasam: in qua nihil depictum est, vt asseruit Aristo. eodem modo eum accipiat, sine vlllo habitu principiorum. Nam de cæteris habitibus scientiarum, & virtutum, certum est, nullum habere intellectum à principio tales habitus: & ita sicut eos acquirit successu temporis, per proprios actus, pari ratione acquirat habitum principiorum. Nam si cum intellectu eum accipiat anima, naturalis dicitur: hoc est, à natura inditus, si verò per actus eum acquirat: non naturalis. sed acquisitus dicitur, sicut cæteri.

Prima opinio affirmat, *Esse natural. m. & non acquisitum.* Ita Conradus 1. 2. q. 94. art. 1. & Bannes 1. par. q. 1. artic. 6. notabili 3. & videtur expressa apud D. Th. 1. 2. q. 49. artic. 1. ad 3. vbi sic ait: *Puer non potest vti habitu intellectus principiorum, vel etiam lege naturali, quæ ei habitualiter inest propter defectum ætatis.* Quibus verbis, habitum principiorum ponit in puero, nondum habente vsum rationis, & addit, non posse eo vti, propter defectum ætatis: ergo sentit in eis ei à natura, & non esse acquisitum per actus, & in 2. d. 24. q. 2. artic. 3. ad 3. Vocat eum *naturalem*, his verbis; *Habitus naturalis nunquam amittitur, sicut patet de habitu principiorum.*

Et ratione probatur: Quia habitus acquisiti, sunt facilitates quædam: & ideo ponuntur, ad vincendam difficultatem: quam habet potentia ad operandum, circa tale obiectum, sed intellectus nullam habet difficultatem, in assentiendo primis principiis, præsertim vniuersalissimis, vt his; *Quodlibet est, vel non est.* Totum est maius sua parte; ergo neque aliquam acquirit facilitatem in assensu frequenti eorum: imò neque ea indiget. Probatur consequentia: Quia facilitas difficultati opponitur, & ad eam superandam ordinatur, vnde sequitur: vel non esse ponendum talem habitum, vel esse naturalem, & non acquisitum. Et talem eum appellat communis modus loquendi, fundatus fortè in nomine ipso: quia intellectus vocatur: sicut potentia ipsa, in qua recipitur: quia naturalis est ei.

Secunda opinio est, Cai. 1. 2. quæst. 51. art. 1. d. 1. *Vbi negat esse acquitum:* sic autem esse naturalem docet, vt eum non accipiat anima à principio, cum ipso intellectu: sed sicut intellectus nullam accipit speciem intelligibilem, dum creatur anima, & infunditur corpori: ita nullum accipit habitum: sed acquisitis speciebus primorum principiorum, per abstractionem intellectus agētis, statim ait, profluere naturaliter habitum principiorum ac ipsa natura intellectus passibilis: cui tribuitur,

ut statim per ipsum assentiat eisdem principiis, apprehensis per species. Et hoc modo, ait, vocandum esse naturalem.

Tertia sententia, asserit: *Habitu principiorum cum natura, neque ab eadem natura intellectus fluere, eo ipso, quod habet species principiorum, per quas ea apprehendit: sed esse acquisitum per actus ipsos; quibus intellectus assentitur principiis.* Sicut habitus scientiæ, & virtutum, acquiruntur per proprios actus: ita Ferrar. 2. contra gentes, capit. 78. Et est communis modernorum: & videtur nobis vera, & tenenda. Probatur primò, expresso testimonio Aristot. cap. ult. huius 1. lib. ubi explicans modum, quo habitus iste generatur in nobis, ita ait, *Neque itaque insunt determinati habitus, neque ab aliis habitibus sunt notioribus, sed assensu.* Quibus verbis, docet non inesse nobis à natura: neque ex aliis notioribus notitiis fieri, sicut habitus scientiæ, sed per assensum immediatum veritatis per se notæ. Quod est acquiri per proprios actus. 14

Probatur deinde ratione: Quia natura non concedit rebus, nisi ea quæ necessaria sunt ad essendum, & operandum simpliciter: quæ verò ad melius, vel facilius operandum seruiunt, acquirenda eis relinquit propria industria, & labore, tribuens principia, quibus possint operari, & operando ea acquirere: & hac de causa non concessit hominibus habitus virtutum: quia non requiruntur ad operandum simpliciter bona opera, sed ad melius, hoc est, cum facilitate & promptitudine operandum. At habitus principiorum, non est necessarius ad assentiendum simpliciter, primis principiis: sed solum ad assentiendum cum facilitate: ergo non est nobis à natura datus: sed propria industria, & labore acquisitus. Probatur minor: quia assensus principiorum, non excedit facultatem intellectus: sed is informatus per species intelligibiles, per quas apprehendit terminos, ex quibus principia fiunt, dum cognoscit significationem eorum: potest ipse propria virtute iudicare de veritate eorum; quod est eis assentire: ergo ad assentiendum simpliciter, non indiget habitu. Probatur antecedens: quia principia sunt veritates quædam naturales, per se evidentes: ergo sunt proportionatæ lumini naturali, eiusdem intellectus: quare per propriam virtutem potest circa eas operari, per assensum.

Sed ut hæc nostra sententia melius intelligatur, & ut testimonia D. Thom. iuxta mentem eius explicentur: notandum est; *Quod licet habitus principiorum, non sit nobis à natura datus, maximum tamen habet principium in natura ipsa, ratione cuius naturalis etià aliquo modo dici potest.* Quod non habent alij 15

alij habitus. Vt enim ſuperiùs dicebamus, propria ratio huius habitus ſumitur, per immediatam comparationem, ad ipſam veritatem per ſe euidentem: quam nec reſpicit, neque attingit per aliquod medium, ſed ſolùm indiget notitia terminorum: quam item habet per ſpecies terminorum, ex quibus principia ipſa componuntur. Iſtæ autem ſpecies, producuntur ab intellectu agente, & imprimuntur intellectui paſſibili, mediis ſpeciebus ſenſibilibus obiectorum: quæ vocantur phanthaſmata. Operatio porro ſenſuum, & eiſdem intellectus agentis: per quam efficiuntur ſpecies, naturalis eſt, & ſine habitu efficitur. Informatus autem intellectus patiens per has ſpecies principiorum, & intellecta per eas ſignificatione terminorum, ſine vlla arte, vel induſtria, ſine vllò medio, vel diſcurſu, aſſentitur principiis: & per talem aſſenſum, generatur habitus principiorum: qui poſtea intenditur, & perficitur, per frequentem repetitionem eiſdem aſſenſus. Et ideo, tam ex parte ſpecierum, naturaliter productarum: quàm ex parte aſſenſus principiorum, dicitur habitus iſte naturalis: quamvis liber ſit aſſenſus, & ex conſequenti, liberè producatur habitus per eum. Et tandem, quia aſſenſus principiorum, & habitus ipſe, producuntur ſine medio, ſine diſcurſu, ſine arte, ſolùm per naturale lumen eiſdem intellectus: ideo non eſt nomen aliud ei inditum, ſed nomine eiſdem intellectus ſignificatur: dum dicimus, eſſe intellectum principiorum.

- 16 Hæc autem non habent alij habitus intellectuales, vt habitus ſcientiæ. Is enim præter operationem intellectus agentis, præter ſpecies conſuſionis, quas imprimit intellectui patienti, prærequirit artem, per quam diſponantur principia: prærequirit aſſenſum eorum, tanquam medium formale, quo intellectus aſſentitur conſuſioni: & per talem aſſenſum generatur. Et ideo neque habitus ſcientiæ, neque alij ſimiles dicuntur naturales.

Ex quibus intelligitur: Vtrumque habere habitum principiorum: & quòd naturalis ſit, & quòd ſit acquiſitus per proprios actus: non tamen ſicut acquiruntur cæteri habitus: ſed ſine vllò medio, ſine vlla arte, vel induſtria, per ſolam virtutem naturalem vtriuſque intellectus, agentis, & patientis, ac ſenſuum, quorum naturales operationes præſupponuntur. Et in hoc ſenſu loquitur D. Thom. dum vocat naturalem hunc habitum: vel dum dicit à natura haberi: non negans per hos modos loquendi, quòd ſit acquiſitus per proprios actus: quia vterq; ſenſus verus eſt, & neuter contradicit alteri. Hunc autem eſſe ſenſum eius, colligitur euidenter ex proprio loco,

ubi ex professo agit D. Thom. de hoc habitu inquirens, *An sit naturalis*, nempe 1. 2. q. 1. artic. 1. asseritque esse naturalem secundum inchoationem, quod non habent cæteri habitus: & nihilominus esse acquisitum, per operationem intellectus agentis, & sensuum, præsuppositam assensui intellectus passibilis, per quem proximè acquiritur. In quo etiam sensu, dixit Arist. *ex sensibus, & non à natura haberi hunc habitum.*

In eodem etiam sensu, intelligitur aliud testimonium D. 17 Th. de puero: quem dicit habere hunc habitum: sed non uti eo propter defectum ætatis. Intelligit autem eum habere secundum inchoationem: quia hoc modo est naturalis: quem tamen non habet formaliter: quousque per primum assensum principiorum in eo generetur, & per sequentes perficiatur.

Circa solutionem primi argumen. Asserunt moderni quidam: Non esse ponendum habitum: pro assensu principiorum vniuersalissimorum, quæ vocantur dignitates: quia cum sint nobis notissima, absque vlla difficultate eis assentimus: & ideo per frequentem assensum eorum, non acquirimus habitum. Sed solum esse ponendum: pro principiis particularibus scientiarum, quibus non facile assentitur intellectus, cum non sint adeò nobis nota: ideo facilitate acquisita pro iis indigemus: quæ vocatur habitus. Et hæc sententia videtur mihi satis probabilis: quamvis etiam sit probabile: quòd in assentiendo his principiis, nonnihil difficultatis habeat intellectus: licet minus longè, quàm in assentiendo principiis particularibus, & hoc satis est, ut indigeat habitu ad assentiendum, & ut nouam acquirat facilitatem per frequentem repetitionem assensuum.

Et ex hac doctrina respondetur ad argum. Concesse maior, sed minori negata, quòd intellectus nullam habeat difficultatem in assensu primorum principiorum, & ideo nec vllam acquirat facilitatem, per repetitionem assensus. Nam experientia, docet oppositum: & quòd aliquam habeat intellectus difficultatem, quem per exercitationem vincit: & ex consequenti, quòd nouam acquirat facilitatem.

Quid autem sit hæc facilitas: aut in quo consistat, diuersis modis explicatur ab auctoribus. Quibus omissis, dicendum est, *Facilitatem*, non esse aliud, quàm modum quandam, per quem potentia efficitur expedita, atque prompta ad operandum, aptaque, ut cum delectatione operetur, quod non habet ex se, vel à natura: & hunc modum tribuit ei habitus, tanto perfectiorem, quanto magis intenditur, atque perficitur, per repetitionem actuum.

An habitus principiorum sit idem secundum speciem, pro omnibus principijs, vel diuersus pro diuersis.

DE distinctione specifica huius habitus nihil inuenitur apud auctores. Ideo sola ratione agendum nobis est. Videtur autem vnum esse ponendum pro omnibus, quod sic probatur: *Habitus distinguuntur per diuersos actus*; vt sæpè diximus: sed habitus principiorum habet actum eiusdem speciei, circa omnia principia: ergo est idem secundum speciem pro omnibus.

19 Probatur minor, quia actus huius habitus, est assensus principiorum: & assensus sunt eiusdem, vel diuersæ speciei, per eandem, vel diuersam rationem assentiendi: quæ est quasi formale obiectum eorum: sed eadem est ratio formalis assentiendi semper primis principiis: ergo omnes assensus sunt eiusdem speciei, & ideo idem quoque erit habitus, secundum speciem. Probatur minor: quia semper assentitur intellectus primis principiis, sine medio, habita solùm significatione terminorum: ergo semper eodem modo.

Nostra tamen sententia duabus conclusionibus explicatur, hoc modo. Prima est, *Habitus principiorum practiorum, & speculatiuorum, specie distinguuntur*: quam tenet D. Tho. 1. p. quæst. 79. art. 12. Et probat euidens ratio: Quia actus, & habitus distinguuntur specie, per diuersa obiecta: sed veritas practica, quam continent principia practica, & circa quam versatur habitus, tanquam circa proprium obiectum, est diuersa specie à veritate speculatiua: cum illa ex propria natura ordinetur ad operandum, hæc verò non: ergo distinguuntur habitus isti specie. Principia practica sunt hæc, & similia: Bonum est prosequendum, & Malum fugiendum. Virtus est amplectenda, & Vitium est repudiandum. Quæ per se patet ordinari ad operandum. Speculatiua sunt: Totum est maius sua parte. Homo est animal rationale: & similia, de quibus manifestum est nullum ordinem dicere ad operandum.

20 Secunda conclusio: *Habitus etiam principiorum speculatiuorum, distinguuntur specie, secundum quod in diuersis materiis inveniuntur*: hoc modo; vt habitus principiorum vnius scientiæ, distinguatur specie ab habitu principiorum alterius. Et si pro principiis vniuersalissimis, ponendus est habitus, pro diuersis etiam ponendus est habitus distinctus specie. Ita, vt alius sit habitus, per quem assentimus huic principio: Quodlibet est, vel non est, ab eo per quem assentimur illi: Totum est maius sua parte. Hanc conclusionem sic probatur: *Habitus distinguuntur per diuersos actus, & actus sunt*

diuerſi per diuerſa obiecta: ſed aſſenſus principiorum vnius ſcientiæ, ſpecie diſtinguitur ab aſſenſu principiorum alterius: & aſſenſus vnius principij vniuerſaliſſimi, diſtinguitur etiam ſpecie, ab aſſenſu alterius: ergo habitus etiam erunt diſtincti ſpecie. Probatur minor: quia diuerſa principia, continent diuerſam veritatem, quam reſpiciunt aſſenſus, tanquam proprium obiectum: vt diuerſam veritatem ſpecie continet, hoc principium, Homo eſt animal rationale, ab illo, Natura eſt principium motus, & quietis; eius in quo eſt: ergo efficiunt aſſenſus ſpecie diſtinctos, in intellectu, & diuerſi aſſenſus, efficient habitus etiam diuerſos. Et idem exemplum adduci poteſt, in diuerſis principiis vniuerſaliſſimis.

Et ſi dicas; Diſtingui ſpecie aſſenſus: ſed tamen pertinere 21
ad eundem habitum: quia ſunt actus inadæquati, reſpectu illius, ad omnia principia, & ad omnes aſſenſus eorum ſe extendentis. In contrarium eſt, quod ſi diſtinguuntur ſpecie: licet inadæquata, neceſſe eſt eos generare habitus partiales ſpecie diſtinctos. Quia quælibet cauſa, producit effectum ſecundum ſuam ſpeciem, (licet inadæquatum) ergo à cauſis ſpecie diſtinctis, (licet inadæquatis) neceſſe eſt effectus ſpecie diuerſos (licet inadæquatos) procedere. Quare iam dabuntur diuerſi habitus, ſaltem partiales, ſpecie diſtincti. Verum probatur, debere diſtingui ſpecie totali: quia habitus principiorum, non habet tantam extensionem, ac intellectus: vt poſſit idem ſe extendere ad omnes veritates, nec habet maiorem extensionem: quàm habitus ſcientiæ, cui proportionatur, ac neceſſariò præſupponitur: ſed habitus ſcientiæ, diſtinguuntur ſpecie per diuerſa obiecta formalia: ergo habitus principiorum, qui eis correfpondent, debent etiam diſtingui ſpecie, per diuerſas veritates principiorum, circa quas verſantur, tanquam circa propria obiecta.

Ad arg. oppoſitæ opinionis, neganda eſt minor: quod habitus principiorum habeat aſſenſum eiufdem ſpeciei, circa omnia principia: nam licet omnibus aſſentiat, intellecta ſignificatione terminorum ſine medio, modus tamen iſte aſſentiendi, & ratio formalis generica eſt: ſicut etiam eſt generica in ſcientiis, aſſentire concluſionibus, per medium demonſtratiuum. Sicut ergo in ſcientiis, ſpecie diſtincta eſt ratio aſſentiendi, ſecundum diſtinctam rationem principiorum per quæ aſſentitur intellectus concluſionibus, huius aut illius ſcientiæ: & ſicut per hanc diſtinctam rationem ſpecificam: diſtinguuntur habitus ſcientiæ ſpecie, ita in aſſenſu principiorum diſtincta eſt ratio aſſentiendi ſpecifica, ſecundum diſtinctionem ſpecificam diuerſarum veritatum, quas diuerſa principia continent. Nam ratio
aſſen

assentiendi principiis, ipsamet veritas principiorum per semet ipsam est, & non per aliud medium: diuersa igitur veritas immediata cum sit, diuersa etiam ratio assentiendi erit, & diuersum assensum secundum speciem efficiet: & diuersi assensus secundum speciem, diuersos habitus principiorum generabunt.

TRACTATUS II.

De habitu scientiæ.



Irca habitum scientiæ explicanda sunt, An sit, & Qui sit, & An sit de singularibus, & contingentibus, atque entibus per accidens.

An præter habitum principiorum, ponendus sit pro conclusionibus alter habitus distinctus, qui appelletur scientia,

23 **P**rima opinio est, quorundam modernorum, qui cum pro *uniuersalissimis principiis non ponant habitum principiorum*: sed solum pro particularibus huius aut illius scientiæ: asserunt nihilominus, talem habitum principiorum, postquam assensum eorum habet, habita notitia terminorum extendere se ad assensus omnium conclusionum eiusdem scientiæ: & ita præter habitum principiorum, non esse ponendum habitum scientiæ, ab eo distinctum.

Probant testimonio Aristot. 6. lib. Ethic. cap. 3. vbi enumerans habitus intellectuales, de sapientia, quæ est habitus vnus Intellectus, asserit, esse scientiam, & intellectum, simul eorum. quæ honorabilissima sunt: ergo sentit eundem habitum, sufficere pro principiis, & conclusionibus: quare non est necessarium multiplicare alterum.

24 Probant deinde ratione: Quia assensus, quorum vnus dependet ab altero non possunt generare distinctos habitus: quia diuersi habitus indepentes esse debent, sed assensus conclusionum, præsupponit assensum principiorum, à quo intrinsecam habet dependentiam, vt ex se patet: ergo non generat distinctum habitum ab eo, sed idemmet habitus, qui principiorum est, se extendit ad conclusiones. Maiorem probant, exemplo vniuersaliorum scientiarum; vt Dialecticæ, atque Philosophiæ, quæ licet diuersas habeant conclusiones: non ideo tamen ponuntur in eis, pro singulis singuli, ac diuersi habitus, sed vnus qui se extendat ad omnes, propter intrinsecam dependentiam

vnus conclusionis ab alia : cui præsupponitur necessariò , vel quam præsupponit : quod nos asseruimus , atque probauimus quæst. 3. Proœmiali : ergo cum magis intrinsecam dependentiam habeant: conclusiones eiusdem scientiæ, à principiis eiusdem, quàm possint habere inter sese conclusiones ipsæ, sequitur non esse ponendum habitum distinctum pro conclusionibus, ab habitu principiorum: sed hunc se extendere ad omnes.

Hæc tamen sententia manifestè contraria est eidem Arist. in eodem loco: cap. 6. vbi expressè docet: Non solum habitum principiorum: qui dicitur intellectus, esse distinctum ab habitu scientiæ, & aliis: sed neque posse cum aliquo eorum coincidere, his verbis: *Intellectus neque est scientia, nec ars, nec prudentia. Scientia: quia ipsum scibile demonstrabile est: ars, & prudentia: quia in his versantur, quæ sese aliter habere possunt. At nec sapientia est: est enim sapientis de quibusdam demonstrationem habere. Quod si ea quibus verum dicimus, & nunquam falsum, in his quæ possunt, aut non possunt aliter se habere: & hæc sunt, scientia, prudentia, sapientia, intellectus: horum autem trium habituum, nullus esse potest, atque tres dico, prudentiam, scientiam, sapientiam, restat intellectum esse principiorum.*

Est etiam contra rationem. Quod sic probo: ²⁵ Habitus distinguuntur per actus: qui in intellectualibus, sunt ipsi assensus: sed assensus principiorum eiusdem scientiæ, & conclusionum eius distinguuntur specie: ergo ad habitus specie distinctos: quos generabunt, pertinere debent. Probatur minor: quia assensus distinguuntur specie, per diuersas rationes formales assentiendi: sed assensus conclusionum habet diuersam rationem, ab assensu principiorum: vt ex se est manifestum, cum assentiatur intellectus principis sine medio, propter ipsam veritatem per se euidenter: conclusionibus verò, propter principia in demonstratione disposita: ergo assensus ipsi distinguuntur specie. Et si dicas, distingui specie, tanquam actus inadæquatos eiusdem habitus: Contra hoc est: quòd si inadæquati sunt assensus, dabitur aliqua ratio assentiendi vniuersalior vtroque, sub qua comprehendantur: & quæ adæquata sit habitui, qui ponitur pro vtroque. Sed talis ratio est impossibilis: ergo impossibile est eundem esse habitum. Probo iterum minorem: quia talis ratio communis vtrique assensui, esset assensus necessarii, aut euidētis, abstrahentis ab vtroque: quæ non potest esse vna, nisi vnitatem generica, comprehendente sub se diuersos assensus secundum speciem. Præterea: Etiam si inadæquatos esse darem: assensus principiorum, & conclusionum, cum sint specie distincti: necesse est, distinctos habitus, saltem partiales, & inadæquatos generare:

generare:& ita distinctus iam erit ponendus habitus pro conclusionibus, specie saltem partiali.

Testimonium Aristot. pro opposita sententia exposuit egregiè D. Thom. non solum in Commentariis eiusdem, sed etiam 1. 2. quæst. 57. art. 1. ad 2. ubi ait: *Sapientiam propriè sumptam*, de qua ibi loquitur Aristot. esse *quendam habitum, verè quidem scientificum, sed vniuersalissimum*, qui circa conclusiones etiam vniuersalissimas, sibi proprias versatur: & simul de principiis, & conclusionibus scientiarum particularium, quodammodo iudicat, tanquam de inferioribus: Quia considerat altissimas causas, ad quas reducuntur inferiores, & à quibus dependent: atque etiam vniuersalissimas rationes entis; vt essentiam, totum, partem, ac similes: à quibus particulares conclusiones, omnium scientiarum dependent: & quas aliquando demonstrat, per rationes vniuersales extrinsecas, vel ducentes ad impossibile. Et propter has excellentias, quodam modo se habet ad alias scientias, tanquam intellectus, qui est habitus principiorum, & simul est etiam habitus scientiæ, respectu suarum conclusionum, non tamen est idem habitus, cum eo, qui ponitur pro principiis eius: sed diuersus. Et eiusmodi vniuersalis scientia, non est alia, præter Metaphysicam, cui prædictæ excellentiæ conueniunt.

Ad arg. eiusdem sententiæ; Respondetur, Maiorem esse falsam, absolute: quod probant scientia subalternans, & subalternata. Nam obiectum huius, continetur sub obiecto alterius: & conclusiones eius habent intrinsecam dependentiam, à conclusionibus alterius, per quas probantur, quasi per principia, & nihilominus, sunt habitus & scientiæ specie distincti, apud Ar. & omnes. Et multò meliùs distinguuntur, habitus scientiæ, & principiorum, licet assensus conclusionum, habeat intrinsecam dependentiam, ab assensu principiorum: cum habeant rationes formales diuersas; vt probatum est. In scientiis verò vniuersalioribus, alia est ratio: quia conclusiones, non solum se præsupponunt, & intrinsecam habent dependentiam à principiis, eodem modo se præsupponentibus, ac dependentibus: sed omnes etiam conclusiones, habent eandem rationem formalem assentiendi, per medium demonstratiuum, & nihilominus etiam in his scientiis: distinctus ponitur habitus, pro principiis, & conclusionibus, apud Arist. & omnes.

An euidèntia pertineat ad essentiam scientia.

27 **H**Oc est secundum explicandum de scientia, pertinens ad essentiam eius, *An videlicet euidèntia sit ei essentialis*. Et quia prædica

prædicata essentialia cuiuscunque rei, ex eius definitione constat, necesse est definitionem scientiæ afferre, eamque explicare; ut ex eius explicatione, constare possit, an inter prædicata essentialia eius numerari debeat evidentiæ: quia si numeranda non sit, nec essentialis ei censebitur.

Arist. 2. cap. huius libri definiuit scientiam in concreto, dicens: *Scire, est rem per causam cognoscere, & quod illius est causa: & quod impossibile est, aliter se habere*; quam definitionem, si ad scientiam in abstracto applicemus, sub forma quidditatiæ definitionis, hoc modo assignari potest: *Scientia, est cognitio vera & certa rei necessaria, per propriam causam.* In qua *Cognitio*, habet rationem generis, quia in ea conuenit scientia cum cæteris actibus intellectus. Potest autem cognitio sumi, pro actuali, vel habituali, vel pro utraque: & sic definietur utraque scientia, actualis, & habitualis. *Actualis*, est assensus conclusionis. *Habitualis* verò, habitus per eam genitus. In communi autem modo loquendi, pro habituali potius sumitur. *Reliqua* verò particulae ponuntur pro differentiis; ut per eas distinguatur à cæteris habitibus intellectus. Nam *Vera*, dicitur cognitio ut distinguatur ab errore. *Certa*; ut distinguatur ab opinione, & cæteris cognitionibus, quibus non repugnat subesse falsum: per *Rem necessariam*, separatur à prudentia, & arte, quæ versantur circa contingentia. Particula denique *per causam* distinguit scientiam ab habitu principiorum, qui non procedit per medium, sed immediatè assentitur veritati, habita notitia terminorum. Distinguitur etiam à scientia, quæ habetur à posteriori, & per effectum: quam non comprehendit Aristot. sub hac definitione: sed solam scientiam perfectam, quæ vocatur propter quid. Possumus autem definitionem utriusque communem, & quasi genericam designare, comprehendentem utranque, mutata solum vltima particula: *per causam*, & posita eius loco, particula, *per demonstrationem*: & erit hæc: *Scientia est cognitio vera, rei necessaria, per demonstrationem.*

Sed an completæ sint istæ definitiones, vel desit eis particula, euidens, saltem subintelligenda: de hoc est præsens quaestio. Quæ ut melius intelligatur, explicandi, ac distinguendi sunt isti tres termini, *Certitudo*, *Necessitas*, & *Evidentiæ*. *Certitudo*, est firma adhesio intellectus alicui obiecto, absque dubitatione, vel formidine. Ita eam definiunt Scholastici Doctores, in 3. d. 26. præsertim D. Tho. quæst. 2. art. 4. Bonau. q. 4. Duran. in 4. d. 37. q. 8. Cæterum firma adhesio intellectus duplex est: *Appar. ns.* & *Vera.* *Appar. ns.* est, quando intellectus, ex aliqua ratione probabili, atque ex efficaci applicatione

plicatione voluntatis, tenaciter inhæret alicui objecto : & de hac apparenti adhæfione, intelligitur illud axioma, positum ab Arist. 7. lib. Ethic. cap. 3. *Ita firmiter adherent nonnulli suis opinionibus falsis, aut erroribus, sicut alij adherent scientiis.* De hac verò firma adhæfione, non intelligitur definitio : sed de *Vera*, qua intellectus propter veritatem ipsam rei, aut solidam, ac firmam rationem, seu infallibilem auctoritatem, adheret alicui objecto. Certitudo autem sic explicata, habet illos tres gradus, quos superius explicuimus.

Necessitas verò, in ordine ad propositionem sumpta, de qua non loquimur, est determinatio intellectus ad veritatem : & propositio necessaria erit, quæ ita est vera : vt repugnet esse falsam. quod explicuit Arist. illo verbo, *impossibile aliter se habere.* Habet autem necessitas eisdem gradus quos certitudo.

Evidentia denique, addit supra firmam adhæfionem manifestationem veritatis, sub claritate alicuius luminis : ita vt euidens dicatur objectum, quasi clarum, ac perspicuum, seu manifestum. Hanc evidentiam seu claritatem habent principia ex se, scientia verò participatam à principiis. Et de certitudine, ac necessitate, nemo potest dubitare, quin sint essentielles scientiæ, cum vtraque sit expressè posita in definitione Arist. De sola igitur evidentia, cum non sit expressa, quaestio esse potest : *An sit ei essentialis ?* & ideo in definitione subintelligenda, aut declaranda.

Et prima opinio negat *essentialem esse* : ita Massius cap. præfenti, q. 3. conclusione 1. & 2. Probat, primò : Quia scientia subalternata, est vera scientia, & tamen non est evidens : ergo evidentia, non est de ratione scientiæ. Minorem probat : quia potest contingere, quòd sit sine subalternante, & solum habeat principia accepta, per testimonium eius, qui habet subalternantem : & tunc patet non esse evidentem. Et, etiamsi cum subalternante sit ; intra tamen proprios limites, nescit reducere sua principia vsque ad prima & indemonstrabilia : ergo nō habet evidentiam eorum, & ex consequenti neque conclusionum, quæ ex eis deducit. Nihilominus utroque modo vera scientia est, cum sit de re necessaria, per evidentem consequentiā.

Secundò probat : Quia Theologia, quæ deducitur ex principiis diuinæ fidei, per veras demonstrationes, non est evidens cum ex principiis obscuris fidei, non possit colligi evidens conclusio : & tamen est vera scientia ; vt est manifestum : ergo evidentia non pertinet ad essentiam scientiæ.

Hæc tamen sententia duo asserit falsa. Primum ; *Quod scientia subalternata, existens sine subalternante, & habens principia solum*

solum accepta per testimonium eius, qui habet subalternantem, sit vera scientia. Nam si principia solum habentur, per testimoniū illius, assensus eorum solum erit fides humana, cui potest subesse falsum: ergo non possunt esse causa conclusionis certæ, aut scientificæ: alioqui effectus esset perfectior, quam propria causa.

Secundum quod asserit, est, *Scientiam subalternatam, etiam dum cum subalternante existit, in eo tem homine, esse scientiam, intra proprios limites: sed non esse euidētem*: quia nescit reducere suas conclusiones, vsque ad principia indemonstrabilia. Hæc autem duo, manifestam continent repugnantiam: quia si nescit reducere principia: ergo non erit scientia. Probatur euidēter consequentia ex his verbis Aristotelis, quæ habentur cap. 2. huius libri: *Non scit, qui demonstrationem horum non habet, &c.* Hoc est, præmissarum, ex quibus constat demonstratio: quas si non scit reducere, non erunt sibi certæ: ergo nec certam conclusionem ex eis deducere vllō modo poterit.

Subalterna igitur scientia, simul cum subalternante existens duobus modis consideratur. Primo: *Intra proprios limites præcisè*: hoc est, non considerando continuationem, aut unionē, quam habet cum subalternante: & hoc modo, nec est scientia; vt probauimus capite 10. nec est euidens. Sed erit opinio quædam. Secundo consideratur; *vt continuata, vel unita cum subalternante*: in qua continuatione consistit formaliter subalternatio: & ideo solum, vt sic sumpta, est formaliter subalternata: & hoc modo vera scientia est, & euidens: quia per talem continuationem auxilio subalternantis, reducit sua principia, vsque ad prima indemonstrabilia.

Et, si dicas: Ipsam non reducere sua principia: sed subalternantem. Respondeo, Subalternantem reducere; vt sibi continuatur subalternata: & non alio modo: & hoc idem est, ac subalternatam reducere; vt continuatur cum subalternante. Ita enim fit; qui habet vtramque, habeat euidētiā principiorum subalternatæ, ratione continuationis: & ideo subalternata sit in eo vera scientia, & euidens.

Vt igitur nostram sententiam explicemus, notandum est, *Scientiam* duobus modis sumi posse. Primo, *In quantum per lumen naturale intellectus haberi potest*: & hanc tantum definiuit Aristoteles: quia hanc tantum potuit cognoscere. Secundo modo, potest considerari vniuersaliter, prout solum dicit assensum conclusionis, habitum per demonstrationem ex præmissis, siue per lumen naturale, siue per aliud quodcunque cognitis: quarum tamen certum habeat assensum

sensum, siue per reductionem ad prima indemonstrabilia, siue alio modo.

Quia distinctione supposita, duabus cōclusionibus continetur nostra sententia. Prima est; *Ad essentiā scientiæ primo modo cōsiderata, pertinet euidētia*. Probatur: Quia, si quis demonstrat conclusionem, per causam, vel effectum, cognitum per lumen naturale intellectus, necesse est, habeat euidētiā præmissarum: cum sibi sint manifestæ sub claritate luminis naturalis: & consequentia, etiam eodem modo est sibi euidens: ergo conclusio, ex eis deducta, etiam est euidens. Probatur consequentia: quia ex causa per se, omni ex parte euidēti, euidens quoque effectus debet sequi: sed ex tali assensu conclusionis euidēti generatur habitus scientiæ: ergo erit etiam euidens essentialiter. Quamuis autem euidētia, sit prædicatum essentialē scientiæ, eam tamen non expressit Arist. in definitione quia satis manifestum erat, in verbis eiusdem definitionis hanc contineri. Si autem quis velit eam exprimere, sic dicet: Scientia est, cognitio vera, certa, & euidens, rei necessariæ per causam. Et si velit definire omnem scientiam, quia, & propter quid, sic dicet: Scientia est cognitio vera, certa, & euidens, rei necessariæ, per demonstrationem.

Secunda conclusio: *Ad essentiā scientiæ sub vniuersaliori illa acceptione sumpta, non pertinet euidētia*: sed ita potest definiri: Scientia est cognitio rei certa per demonstrationem. Probatur hæc: Quia Theologia, quæ habetur ex principiis diuinæ fidei, est cognitio rei certa, per veram demonstrationem: ergo aliquo modo est scientia. Propter consequentiam, quia non est opinio, nec fides humana, cum sit certa: nec est fides diuina, quia fides non innititur demonstrationi, nec alteri argumentationi, sed solum testimonio diuino: conclusio verò Theologica, non innititur immediatè testimonio sed demonstrationi: licet altera præmissarum, vel vtraque innitatur testimonio diuino, & sit assensus fidei.

Sed nec eadem conclusio Theologica, pertinet ad intellectum, qui est habitus principiorum: cum sit deducta per demonstrationem: ergo pertinet ad habitum scientiæ. Probo iterum consequentiam, quia nec datur, nec dari potest alius habitus ad quem possit pertinere. Si ergo Theologia est scientia, licet imperfecta: quia non est euidens: aliquo modo cōuenire debet, cum scientia primo modo accepta: & ideo aliqua ratio scientiæ communis vtrique, abstrahi potest, ad cuius essentiā non pertineat euidētia. Et hæc est: quæ sub hac ratione communi considerata, definita à nobis est.

An scientia sit de singularibus, de contingentibus & entibus per accidens.

DE his tribus separatim breuissimè dicemus quid tenendum sit. Et primò *de singularibus*, distinguendum est: nam quædam sūt, singularia quæ simul sunt species, vel eminenter, ac perfectissimè continent perfectionem specificam: vt Deus, & Angeli: & vt plures tenent, in Angelis, non distinguitur differentia specifica ab indiuiduali. Et de his singularibus: certum est apud omnes, perfectissimam scientiam haberi posse. Alia sunt singularia, in quibus distinguitur differentia indiuidualis ab specifica, & extra rationem illius est: vt sunt corruptibilia: & fortè etiam Angeli id habent: nam valdè probabile est, multiplicare eos posse, sub eadem specie: & de his, potest esse dubium; *An possint esse obiecta scientia? vel, An scientia solum possit esse de vniuersalibus.*

Deinde distinguenda est *scientia*: quia tribus modis sumi potest. Primò, *pro certa & euidenti cognitione rei per discursum habita*, aut sine illo, per simplicem intuitum: & de scientia hoc modo sumpta, certum est, quòd versetur circa singularia quæcunque. Nam Deus, & Angeli, per notitiam intuitiuam, sine discursu, perfectissimè cognoscunt singularia omnia: & talis eorum notitia intuitiua, perfectissimam habet rationem scientiæ. Nos quoque de Deo, & Angelis possumus habere scientiam: & mediis sensibus, habemus intuitiuam cognitionem singularium sensibilium: quæ secundum hanc acceptiorem, vocari potest scientia. Secundo modo, sumitur scientia, *pro sola discursiua, habita per euidentem consequentiam*, siue vera sit demonstratio, siue non. Tertiò sumitur *pro discursiua, habita tamen per veram demonstrationem*. Dubium igitur procedit de scientia his duobus modis sumpta; *An de singularibus corruptibilibus haberi possit.*

Sed adhuc duobus considerantur *singularia* hæc. Primò, *Vt participant naturam specificam*, in qua coueniunt: nempe, humanam, vel aliam. Secundò, *Vt sunt distincta per proprias differentias indiuiduales*: & hoc est considerare ea; vt singularia sunt formaliter, & reduplicatiuè. Et si primo modo considerentur, certum est, etiam de illis posse esse aliquo modo scientiam. Nam cum de specie possit esse, per se primò & immediatè scientia, erit etiam de singularibus per participationem, & applicationem eiusdem scientiæ de specie, ad illa: quia, si de homine probatur, per demonstrationem, quòd sit sensibilis, etià potest

potest probari de Petro, aut Ioanne, applicando eandem demonstrationem ad illum, probandoque per eam quod sit risibilis.

- 36 Et hoc modo in scientia Theologica, demonstrantur aliqua de Christo Domino, ut homine: ex principiis fidei, & propositionibus simul eidentibus. Ut quod sit risibilis: quia est homo, per hanc demonstrationem ei applicatam: Omnis homo est risibilis: Christus est homo: ergo Christus est risibilis.

Tota ergo difficultas est, de eisdem singularibus, ut singularia sunt, & distincta, per proprias differentias indiuiduales, *An de illis possit esse scientia discursiua, secundo aut tertio modo sumpta.* Et quidam dicunt esse posse, alij verò omnino repugnare id, aiunt. Interim nostra sententia duabus conclusionibus explicatur. Prima est: *Scientia discursiua, per veram demonstrationem habita, non potest esse villo modo, de singularibus sic acceptis.* Probat eidenter: quia vera demonstratio, est verus syllogismus, dispositus in modo, & figura, & procedens ex principiis vniuersalibus indemonstrabilibus, cuius medium, est vera definitio, composita ex genere, & differentia: sed hæc non potest ex terminis singularibus fieri: ergo nec potest de singularibus haberi.

- 37 Nam dispositio in modo, & figura, nõ potest reperiri in terminis singularibus: sed solus syllogismus expositorius: qui nimis improprie syllogismus est, per quandam similitudinem ad eum, qui fit in terminis vniuersalibus.

Secundò; Quia de singulari, ut singulare est, non potest probari, nisi proprietas singularis, sibi soli cõueniens: sed per principia vniuersalia, non potest probari, nisi vniuersalis, aut communis proprietas: cum æqualiter conueniat omnibus singularibus, hoc est, non magis vni quàm alteri: ergo talis scientia non potest esse villo modo de singularibus, ut singularia sunt. Et cum scientia discursiua, de hac solùm dicatur proprie, & simpliciter: etiam est dicendum simpliciter, quod de singularibus non possit esse scientia discursiua. Ideo Arist. pluribus suæ doctrinæ locis, expressè negat, & absque vlla distinctione, *quod scientia possit esse de singularibus*, & communis modus loquendi, totius Scholæ ita sentit.

- 38 Secunda conclusio: *Naturaliter loquendo, non potest dari scientia de singularibus, ut singularia sunt: etiam per eidentem consequentiam qua non sit demonstratio.* Probat hac ratione: Dari scientiã de aliquo, est probare aliquã proprietatem de illo, per eidentem consequentiã: sed de singulari, ut tali, non possumus naturaliter probare aliquam proprietatem, per eidentem conse-

quantiam: ergo nec habere veram scientiam de illo. Minorem probō: quia proprietas singularis, ut singularis est ea, quæ sequitur ex propria differentia indiuiduali: vel ex eo: ut per eam constituto: sed nullam differentiam indiuidualem determinatam, certò cognoscimus, neque ullam talem proprietatem: nec potest à nobis certò cognosci naturaliter, ut omnibus est manifestum: ergo nec possumus eam probare de singulari ipso per euidentem consequentiam: neque hoc modo habere scientiam adhuc impropriad, de illo.

An de ente per accidens possit dari scientia.

ENs per accidens vocatur illud, quod componitur ex pluribus entibus in actu: ut album, aut musicum: de quo dubitamus: *An possit dari scientia per veram demonstrationem habita?* Et quidam distinguunt, duplex ens per accidens: Vnum, quod resultat 39 ex duobus entibus in actu, casu, aut fortuito concurrentibus: ut musicum, & aut ædificator, vel etiam inuentio thesauri. Et de hoc negant scientiam dari posse, quia non solum secundum esse, est ens per accidens: sed neque per se cadere potest, sub consideratione intellectus: sed sicut casu coniunguntur ea, ex quibus constat: ita per accidens omnino se habent ad considerationem intellectus. Aliud est ens per accidens: quod resultat, ex duobus naturaliter concurrentibus, & unitis: ut Album: Quantum, &c. & de hoc dicunt posse esse scientiam: quia licet sit ens per accidens secundum esse, tamen per se potest considerari ab intellectu, per se definiti, & per se possunt demonstrari passionēs de illo. Nam album definimus: quod sit disgregatiuum visus: & quantum: quod sit corpus habens partes extensas.

Noltra tamen sententia est; *Quod de nullo ente per accidens, ut ens per accidens est, possit dari scientia:* & de ente per accidens, resultantē ex duobus, casu, aut raro concurrentibus, ita sentit expressē Aristot. 6. lib. Meta. textu 5. 6. & 7. Verum ut de alio etiam quocumque id probemus: Notandum est, duobus modis posse considerari. Primò: *Ut componitur ex duobus entibus in actu, per modum aggregationis*, hoc est nullo ordine in eis considerato: talis est cumulus, tale album, & musicum: ut solum in eis consideramus, vnum aggregatum ex multis actualibus. Secundò: Considerari potest, *ut duobus constat ordinatis*: nempe, vno ut determinabili, alio ut determinante. Et primo modo consideratum, dicitur *unum per accidens omnibus modis*. Quare de illo non potest esse scientia.

Prob. hoc. Quia nec habet vllō modo vnam naturam, nec 40 vnam rationem: quare non potest vna definitione explicari:

nec

nec habere determinatas passiones: quæ de illo demonstrari possint. Ideo doctrina Arist. loco citato, ad omne ens per accidens se extendit: Si verò consideretur secundo modo: licet sit vnum per accidens entitate, est tamen vnum per se ordine: & ideo potest definiri vna definitione, quo pacto definitur album, & quantum, illis definitionibus, quas adduximus. Potest etiam habere determinatas passiones: quæ de illo probentur. Et de numero sonoro, hoc modo sumpto, ac de linea visuali, tanquam de propriis obiectis, agunt musica, & perspectiua, vt vidimus c. 10. quæ sunt veræ scientiæ.

An de casualibus & fortuitis detur scientia.

41 **C**asuale vocatur illud, quod ex duobus casu concurrentibus constat: vt quod æstiuum tempus, frigidum sit, ac pluuio-
sum. Fortuitum verò: quod sit ex duobus, à fortuna (vt dicitur) concurrentibus: vt inuentio thesauri, cum effusione terræ. Hæc autem duobus modis considerari possunt. Primo, *in communi*, vt dicuntur casualia, aut fortuita. Alio modo, *in particulari*, vt est hoc vel illud. Et de eis primo modo consideratis, potest esse scientia: quia ratio casualis, aut fortuiti in communi considerati, per se vna est, & per se considerabilis. Ideo Arist. de casu, & fortuna, sic consideratis, agit 2. lib. Physicorum. Sed de eisdem consideratis in particulari, nulla scientia dari potest: quia nullam rationem habent per se considerabilem, sed prorsus contingentia sunt, & per accidens. Quare nec definiri per se possunt, nec vllam habere passionem, de se demonstra-
bilem.

TRACTATUS III.

De opinione, & fide humana.

Quidnam sit opinio, & quid fides humana.

Ria sunt explicanda, de opinione, & fide humana:
Primum: *Quid utraque sit.* Secundum: *Quomodo distinguatur.* Tertium: *An opinio, & consequenter fides humana possit esse simul cum scientia?* Opinione sic definire possumus: *Opinio est assertus alicuius propositionis, non necessaria, per mediū probabile, aut sine illo. In assensu, conuenit cum scientia, & aliis notitiis intellectualibus:*
42 & per eandem particulam, censetur exclusa à ratione opinionis, quacunque cogitatio, aut existimatio, seu suspicio, vel dubium, per quod intellectus non determinatur

ad aliquam partem contradictionis, nec assentitur ei: sed vel leuiter cogitat, vel quasi hæret, aut pender, inter vtramque partem. Assensus enim, determinationem eius dicit ad vnam partem, vel alteram, quam veram reputat, vel saltem probabilem. Dicitur autem *Probabilis*; vt distinguatur à scientia, & intellectu, qui sunt assensus euidentēs. A fide autem humana distinguitur, per illas particulas; *Per medium probabile: aut sine illo*: quia fides humana non habetur per medium probabile, nec sine illo: sed per testimonium fide digni.

Per medium etiam probabile, aut sine illo, dicitur; vt intelligamus duplicem esse opinionem. Vnam, quæ habetur sine medio per solum simplicem intuitum ipsius veritatis probabilis, quæ sic definiuit Aristoteles, cap. præsentī, dicens: *Opinio est acceptio immediata propositionis; & non necessaria*. Alia est, quæ habetur per medium probabile. Nam, vel colligitur ex immediata opinione, per consequentiam euidentem, aut probabilem: vel ex propositione euidenti, per consequentiam tantum probabilem: & vtroque modo dicitur haberi per medium probabile. Quia vel ex parte propositionis, ex qua colligitur, solum est probabile: vel ex parte consequentiæ. Itaque sicut assensus certus, & euidens, duplex est, nempe, aut per se euidens, quem intellectus habet cognita significatione terminorum; & dicitur *Intellectus*, aut euidens per medium demonstratiuum: & dicitur, *Scientia*: Eodem modo, duplex est assensus probabilis; Vnus, qui habetur sine medio, cognita significatione terminorum: vt dum intellectus, cognita significatione terminorum huius propositionis, omnis mater diligit filium suum, statim nulla expectata ratione, assentitur ei probabiliter, & potest vocari, *Intellectus opinionis*. Alter assensus probabilis est, qui habetur per medium probabile, vt expositum est. Et ita duplex est opinio, distincta absque dubio specie, per diuersum modum assentiendi, ex sola notitia terminorum, vel per medium; & vtramque comprehendit definitio assignata.

Fides autē humana, sic potest definiri: *Fides humana est assensus probabilis, propter testimonium fide digni habitus*. Ita vt per *Assensum probabilem*, conueniat cum opinione, & distinguatur à cæteris notitiis, aut assensibus intellectus: sicut de opinione diximus, per *Testimonium* verò, ab opinione; & hæc de primo.

An formido sit de intrinseca ratione opinionis, & humana fidei.

HOc etiam pertinet ad explicationem quidditatis opinionis, & humanæ fidei. Quod vt intelligatur, explicandum imprimis

imprimis est : Quidnam per formidinem significetur. Et nihil aliud est, quàm timor, ne falsa sit pars, cui assentitur intellectus, aut vera opposita. Opinio enim, vt diximus, est assensus probabilis, cui non repugnat subesse falsum : quod est esse assensum quendam debilem, de cuius veritate meritò timetur, aut timeri potest : quia sic ei adhæret intellectus : vt fundamentum propter quod ei adhæret : quod est veritas ipsa per se probabilis, aut ratio per quam deducit conclusionem ex præmissis, non sit omnino solida, nec firma, sed quæ ex propria natura deficere potest, & aliter se habere. Dubium igitur est, *An timor iste, quem vocant formidinem, pertineat ad essentiam opinionis, vel humana fidei.*

- 44 Prima sententia; Distinguit duplicem opinionem, *Perfectam* & *Imperfectam*. *Perfectam* opinionem vocat eam : quæ innititur testimonio fide digni : *Imperfectam* verò : quæ innititur rationibus probabilibus. Et ad essentiam illius asserit, nullo modo pertinere formidinem : quia non solum dicit assensum determinatum vnius partis, sed firmum, ac certum : non propter firmitatem testimonij, sed propter efficacem determinationem voluntatis, ratione cuius intellectus firmiter adhæret eidem parti : nec solum firmiter, sed etiam tenaciter : vt superius ex Aristot. adduximus. *Imperfecta* verò opinio, formidinem habet assentialiter annexam, sine qua, nec reperitur, nec reperiri vlllo modo potest. Ita Durand. in 1. quæst. prologi, Masius cap. præfenti, qui, ita ait tenere Capreolum, & Caiet. quos ipse citat : & quod amplius est, D. Tho. pluribus suæ doctrinæ locis, præsertim 1. 2. quæst. 67. art. 3. vbi ita ait : *De ratione opinionis, est quod accipiat unum, cum formidine alterius oppositi, &c.*

Probat etiam ratione. Nam qui opinatur, iudicat, opinionem, quam ipse sequitur, posse esse falsam : ergo ex propria ratione opinandi, timet, ne falsa sit : quare timor iste aut formido, intrinseca est opinioni.

Pro solutione huius quæ. distinguenda est duplex formido. Nam alia est, *Actualis*, quæ est actualis timor : Alia *Virtualis*, seu radicalis, quæ non consistit in aliquo actuali timore, aut dubitatione : sed in eo solum, quod est talem esse assensum opinionis, ex parte obiecti, aut mediij assentiendi, cui non repugnat subesse falsum. Et ex hac radice, nascitur aliquândo actualis timor, aut formido, ne opposita pars vera sit, aut falsa illa, cui intellectus assentitur : & ideo dicitur virtualis, aut radicalis formido.

- 45 Hac supposita distinctione ; Nostra sententia est, *Virтуalem aut radicalem formidinem, ad essentiam opinionis, aut humana fidei*
Y Y 3
pertinere,

pertinere: Actualem verò, omnino esse ei accidentalem: ita ut sæpe reperitur sine illa. Hac est communis sententia ferè omnium expositorum, Arist. cap. præsent. Et probatur expresso testimonio Aristotelis, 7. libro Ethicorum, cap. 3. ubi de opinione ita loquitur: Nam si vera opinio, & non scientia sit, ex qua continenter agunt homines, nihil ad rationem id refert: cum nonnulli ex his qui opinantur, non ambigant, sed certò se scire existiment.

Et probatur evidenti experientia: Quia plures sunt opiniones, non solum in Dialectica, sed etiam in Philosophia, & Theologia, communi ferè totius scholæ consensu approbata, & efficacibus argumentis confirmata: quas sequimur, absque vlllo timore, vel formidine actuali. Et aliquando videmus, aliquos ex principiis evidentibus, deducere aliquam conclusionem, per syllogismum, quem putant evidentem verè non nisi probabilem. & tales, certam esse existimant talè, conclusionem, licet vera sit in eis solum opinio: ergo repugnat simul habere timorem; ne sit falsa, aut vera opposita: quare evidens est, actualem formidinem, non esse intrinsicam opinioni, cum sæpe inveniatur sine illa. Virtualis tamen, aut radicalis formido, his etiam opinionibus intrinseca est: cum ex parte medij assentiendi, non repugnet eis subesse falsum.

Testimonium autem D. Tho. de hac virtuali formidine, intelligitur, non de actuali.

Ad arg. verò; Concesso antecedente cum consequentia, distinguendum est consequens. Nam si de actuali timore, aut formidine intelligatur, falsum est. Si verò de virtuali, aut radicali, verum: & ideo hanc solum esse opinioni intrinsecam probat arg. non illam.

*An opinio possit esse simul cum scientia, de eadem propositione
& in eodem intellectu.*

Certum est opinionem simul esse posse cum scientia, de eadem re. Quia de linea, habet scientiam Geometra, & opinionem Dialecticus, aut Metaphysicus, *An distinguatur realiter à substantia.* Nec solum est certum, quòd in diuersis hominibus, aut intellectibus, simul esse possint de eadem re, sed etià in eodem intellectu. Nam idem geometra, habet scientiam de linea. & potest simul habere opinionem, de distinctione eius à substantia. Ideò, non quaerit titulus quaest. An de eadem re simplici, possint esse simul in eodem intellectu, sed, *An de eadem propositione.* De qua certum est etiam, in diuersis intel

intellectibus posse esse scientiam, & opinionem.

- 47 Nam fieri potest; ut aliquis habeat assensum alicuius conclusionis per veram demonstrationem, quam alter deducat ex eisdem, vel aliis principiis, per syllogismum probabilem: & ideo solum habeat opinionem. Difficultas igitur est, *An idem homo de eadem propositione, possit simul habere scientiam, & opinionem.*

Sed adhuc de scientia, & opinione est distinguendum: quia quatuor modis excogitari potest, quod simul sint. Primò; *Secundum habitus*: ita ut idem homo simul habeat habitum scientiæ, & opinionis, de eadem conclusione. Secundò; *Ita ut simul habeat assensus utriusque*. Tertiò; *Ut simul habeat habitum scientiæ, & assensum opinionis*. Quartò; *Ut simul habeat habitum opinionis, & assensum scientiæ*. & secundum omnes comparationes, videtur procedere quemadmodum præsens.

- Circa quā est prima opinio negans, Scoti in 3. d. 24. q. vnica, §. contra hæc 1. Caiet. & Soti cap. præfenti, & Masij. ibidem. q. 5. Probant testimonio Arist. in hoc c. ubi eandem ferè qu. proposuit, *An idem obiectum, possit esse scitum & opinatum, ab eodem*. Cui respondit, non posse. Probauitque hac ratione, *Scibile est, quod non potest aliter se habere, opinabile verò, quod potest aliter se habere; ut opinabile est*. Sed repugnat, eandem rem posse aliter se habere, & non posse aliter se habere: cum sint contradictoria: ergo repugnabit, quod aliquid simul sit scibile, & opinabile, aut scitum, & opinatum. Atqui hæc sunt propria obiecta scientiæ, & opinionis: ergo etiam repugnabit vtramque esse simul, in eodē intellectu, de eadem propositione, ex mente Arist.

Probant deinde ratione. Primò, *de actibus, vel assensibus*. Deinde, *de habitibus*. De actibus quidem: Quia impossibile est, eundem hominem, iudicare simul, quod res eadem potest aliter se habere: & non potest aliter se habere: cum hæc sint iudicia contradictoria. Sed assensus scientiæ, est iudicium actuale de conclusione, quod non potest aliter se habere: & assensus opinionis, est iudicium de eadem, quod potest aliter se habere: ergo actualem repugnantiam continent: quare non poterunt esse simul in eodem intellectu. Et quod amplius est, assensus isti repugnant, tanquam euidens, & ineuidens: quia de intrinseca ratione vnus, est euidens; alter verò ex propria natura ineuidens est: cū sit cōtingēs; aut ex parte principij, ex quo deducitur; aut ex parte mediij probabilis, per quod deducitur. Sed euidens, & ineuidens opponitur priuatiuè; sicut lumen, & tenebræ: quia euidens est manifestatio obiecti, sub claritate luminis: ergo repugnat esse simul in eodē intellectu: sicut repugnat simul esse

lucem, & tenebras: in eadem parte aeris.

De habitibus verò, probant secundò: Quia actus, & habitus, 49
versantur circa idem obiectum, & per idem medium: & habitus,
est inclinatio ad actum, circa tale obiectum, & per tale mediū:
ergo eandem prorsus repugnantiam habent cum actibus: quare
nec simul esse poterunt.

Secunda opinio est Durand. in 1. quæst. prologi, num. 20. Vbi
distinguit *opinionem*: quia duobus modis, inquit, haberi potest.
Primo, *ex præmissis probabilibus*, aut eidentibus, per medium
probabile: & vt tale cognitum ab opinante. Secundo, *ex præmis-*
sis necessariis, atque eidentibus, & per medium; verè quidem
probabile: sed euidens reputatum ab opinante. Et si primo mo-
do habeatur, repugnat simul esse cum scientia: tam secundum
actum quàm secundum habitum: vt asserit prima opinio: cum
qua conuenit in hoc. Si verò habeatur secundo modo, simul
esse possunt: tam secundum actus, quàm secundum habitus: in
quo eidem opinioni contradicit.

Ideo probat hoc secundum tali arg. Tota repugnantia assen-
sus opinionis, & scientiæ, prouenit ex eo, quòd per vnum iudi-
catur, conclusionem non posse aliter se habere, per aliud verò,
posse aliter se habere: sed dum opinio habetur, per mediū eui-
dens existimatum, & ex præmissis eidentibus, iudicatur, con-
clusionem non posse aliter se habere: sicut per assensum scienti-
æ: ergo nulla restat in eis repugnantia, vel oppositio, propter
quam simul esse non possint. Quinimo conformantur omnino:
quia per vtrumque iudicatur conclusio necessaria: & ideo, quòd
non possit aliter se habere. Duæ autem causæ conformes, bene
possunt ad eundem effectum concurrere: &, si assensus hoc mo-
do non repugnant, euidens erit non repugnare habitus: qui
propter assensus tantum repugnare possunt.

Tertia opinio est, quorundam modernorum omnino oppo- 50
sita his duabus: Quia affirmat, *scientiam, & opinionem simul esse*
posse, circa eandem propositionem, in eodem intellectu, tam secundum
actus, quàm secundum habitus, & siue opinio habeatur per mediū
probabile; vt tale reputatum ab opinante, siue reputatum ne-
cessarium. Solùm de propositione, de qua est vterque assensus,
distinguit hoc modo: nam duobus modis considerari potest.
Primò, *Vt propositio quadam est, circa quam versatur vterque habi-*
tus, vel assensus. Secundò; *Vt est conclusio demonstrationis, vel syl-*
logismi probabilis. & prima consideratio, inquit, quasi mate-
rialis est: secunda, quasi formalis: Quia vna & eadem est pro-
positio, circa quam versantur: sed illa eadem, est conclusio
vtriusque syllogismi, qui cum distinguantur specie, propositio
eadem,

eadem, est quasi duplex conclusio formaliter, atque specie distincta: vnde fit, de eadem quidem propositione, esse vtrumque assensum, & habitum. Sed non de eadē conclusione, at de diuersis formaliter. Et hanc dicunt esse sententiam Alexandri Alensis. 3. p. quæst. 79. memb. 3. D. Bonau. in 3. distinct. 24. quæst. 2. art. 3. Durand. quæst. 1. prologi, & in 3. dist. 31. quæst. 4. Altiſiodorensis lib. 3. Summa, tit. 3. quæst. 4. & 5. Rich. in 3. dist. 25. quæst. 1. & Villalpandei cap. præſenti, atque etiam D. Tho. 1. 2. quæst. 67. art. 3. vbi concedit eandem propositionem posse cognosci, per diuersa media: euidens, & probabile: tanquam per medium perfectum, & imperfectum, quæ non omnino repugnant, quod repetit 3. p. qu. 9. art. 3. ad 2. vbi P. Franciscus Suarius eandem sententiam sequitur.

51 Probant primò: Quia tota repugnantia, ob quam simul esse non possunt assensus opinionis & scientiæ, de eadem propositione est, quia repugnat, quod simul iudicetur, posse aliter se habere, & non posse: cum duo hæc iudicia sint contradictoria: hoc autem ita esset, si per idem medium vtrumque esset iudicandum. Sed cum id fiat, per diuersa media, nullam contineret repugnantiam, aut contradictionem: quia intellectui iudicare, propositionem non posse aliter se habere; vt est conclusio demonstrationis: & posse aliter se habere; vt est conclusio probabilis syllogismi, nullo modo repugnat: nec opponuntur contradictoriè, duo hæc iudicia, comparata ad diuersa media. Quod præsertim verum est, cum actualis formido, non sit opinioni intrinseca: nec sit necessarium opinantem actu iudicare, quòd possit aliter se habere conclusio. Imò possit iudicare contrarium; vt notauit Durand.

Secundò: Quia simul cum demonstratione, adduci potest, & solet, probabilis ratio, ad probandum eandem conclusionem: sicut cum fide diuina, ad credendum eandem veritatem: ergo assentitur simul intellectus, propter vtrumque medium: & ideo vtrumque habebit suum effectum, qui est assensus probabilis, & scientificus, simulque erunt, alioqui frustra adduceretur vtrumque medium.

52 Nostra sententia, quasi media est, & vnica conclusione explicatur: *Scientia, & opinio, secundum habitus, possunt simul esse in eodem intellectu, de eadem propositione, non tamen secundum assensum vel actus.* Per primam partem; Excluditur prima opinio, & ex parte secunda. Per secundam verò partem; Excluditur etiam ex parte secunda, & etiam ex parte tertia. Cæterum nostram sententiam tenet auctores illi, quos pro se citat vltima opinio: vt constabit eos legenti: videbit namque (nisi ego fallor) de so-

lis habitibus concedere, quod simul esse possint, non de assensibus. Et hic est sensus, D. Thom. præsertim in ultimo loco si verba eius attentè considerentur.

Vt autem eam simul explicemus, & probemus, notandum est, *Scientiam, & opinionem, dum affirmant veritatem eiusdem propositionis, non esse oppositas contradictoriè; nec priuatiuè, imò, neque ullo genere oppositionis: Quia* contradictoriè non possunt opponi ea, quorum vtrumque affirmat: sed nec iudicia vtriusque necesse est contradictoriè opponi: ita vt per iudicium scientiæ, dicatur propositionem non posse aliter se habere, per iudicium verò opinatiuum, posse aliter se habere. Nam vt bene probant secunda & tertia sententia, necessarium non est; vt tale iudicium reperiatur in opinante: sed sæpè non reperitur; & aliquando reperitur contrarium. Porro, nec opponuntur priuatiuè: quia assensus opinionis, non caret euidencia, nec ea propriè priuatur; sed quandam negationem eius dicit: sicut quælibet species, dicit negationem alterius: & tamen non propterea dicuntur priuatiuè, aut contradictoriè opponi; sed disparatæ esse. Et ita se habent scientia & opinio.

Ac nec omnino disparatæ aut diuersæ sunt; sed valde similes: cum in eundem finem ordinentur; qui est firmare veritatem in intellectu. Nisi quod scientia id omnino efficit; opinio verò aliqua ex parte, non plenè, aut perfectè. Ideo solum distinguuntur; tanquam perfectum, & imperfectum: vt egregiè D. Thomas ait in ultimo loco: quia scientia, est quasi forma perfecta; opinio verò quasi dispositio ad illam: & has rationes perfecti & imperfecti, habet ex propria natura, & essentia. Sed *perfectum*, & *imperfectum*, duobus modis repugnant, vel respectu duorum. Primo quidem, respectu eiusdem formæ: quia repugnat eandem formam esse; ex propria natura habitum, & dispositionem: & ita repugnat eandem qualitatem, vel habitum; simul esse scientiam, & opinionem. Secundò, repugnat in ordine ad idem subiectum: quia impossibile est; quod idem corpus simul sit perfectè & imperfectè calidum: aut eadem pars aëris perfectè & imperfectè illuminata. Et hanc repugnantiam absque dubio habent scientia, & opinio, respectu eiusdem subiecti, circa eandem propositionem. Quia opinio, non omnino, vel non plenè determinat intellectum, ad veritatem eius; nec firmum, aut stabilem efficit: sed determinat quidem infirmo quodam, ac debili modo, & quasi indeterminatum aliqua ex parte relinquit: & hoc habet opinio quæcunque ex sua natura, & essentia; quomodo

quomodocumque habeatur, etiam per medium probabile, reputatum necessarium. Scientia verò, plenè, atque perfectè, & omnino determinat intellectum, ad veritatem propositionis demonstratæ, omnino etiam firmum, ac stabilem reddit.

54 Ex quibus utraque pars nostræ sententiæ efficaciter probari potest. Primò quidem; Quòd scientia, & opinio simul esse non possunt secundum actus, vel assensus contra secundam & tertiam opinionem, hoc argumento: Impossibile est, aliquid simul esse plenè, atque omnino determinatum, & non plenè, atque omnino determinatum circa eandem rem, cum contradictoriè hæc opponantur. Sed per assensum scientificum, plenè atque omnino determinatur intellectus, ad veritatem propositionis demonstratæ, firmusque & stabilis in ea redditur: & per assensum opinionis, nec omnino determinatur, nec firmus, & stabilis efficitur: ergo repugnat simul esse hæc duo in intellectu, circa eandem veritatem. At dices pro tertia opinione: concludere argu. hoc, respectu eiusdem medij, non verò ratione diuersorum repugnare, quod utroque modo simul se habeat. Igitur probatur efficaciter, quod etiam per diuersa media repugnet: quia simul esse coniunctum intellectum, & non esse coniunctum, circa eandem veritatem: vnde cumque id proueniat, siue per idem, aut diuersum medium, planè repugnat, cum sint esse simul, & non esse respectu eiusdem: ergo non tollit difficultatem argumenti, quòd id fiat per diuersa media. Et si per diuersa media id fieri potest, sequitur assensum scientificum, & erroneum simul esse posse, circa eandem propositionem: ita, vt simul iudicet intellectus, veram esse, & falsam: veram quidem per demonstrationem, falsam verò per syllogismum probabilem. Tunc enim cessabit oppositio: quia solum esse dicitur respectu eiusdem, non verò respectu diuersorum mediorum: quæ tamen absurda sunt.

De habitibus verò, facilè probari potest quia non dicunt actualem determinationem intellectus, ad veritatem, sed quasi potentialem, & habitualement. Non repugnat autem, intellectum esse imperfectè determinatum actu, & posse plenè determinari, licet plena determinatio actualis, repugnet non plenæ. Vnde diuersis temporibus, esse in eodem intellectu plenam, & non plenam determinationem, nullam continet repugnantiam. At eodem tempore id fieri, maxime repugnat.

55 Ad arg. Scoti, quo probabat repugnantiam habituum; Neganda est consequentia: quia licet actus, & habitus versentur circa

SELECTA QVAEDAM EX LIBRIS TOPICORVM

ARISTO. QVIBVS LIBERALIVM

Artium studiosi, florentissimæ huius Academix

Complutensis, satisfacere possint consuetis

Magistrorum interrogationibus; in

examine, pro Baccalaureatus

gradu subeundo.

De fine, ac diuisione horum librorum.

IN IS, quem in his octo libris Topicorum intendit Aristoteles, est; *Methodum tradere probabiliter disputandi, de quocunque themate, seu problemate oblato.* Et quia vniuersale, ac præcipuum instrumentum Topicæ disputationis, est ratiocinatio Dialectica, quam vocamus Topicum syllogismum, duo agit in toto opere; vt vniuersalem eius diuisionem proponamus. Primò, explicat naturam syllogismi dialectici: & partes, ex quibus componitur. Secundò: Quia syllogismus iste Topicus, hoc est localis dicitur: locos omnes, ex quibus argumentorum probabilium copiam deducere possimus copiosè tradit, & explicat, vt ita instructus Dialecticus, quamcunque disputationem, de rebus probabilibus instituire possit. Nos igitur breui quadam summa, tradere cupientes, ea, quæ necessaria sunt ad artem Topicam intelligendam, & liberalium artium studiosos instruendos; vt satisfacere possint consuetis interrogationibus subeundi examinis. Duo alia eodem ordine præstabimus. Primum; Quidnam Dialecticus syllogismus sit, explicabimus: quæ, & quot sint partes, ex quibus componi debeat: tam simplices, qualia sunt prædicata Topica, quam etiam compositæ: vt problema Dialecticum, & Dialectica propositio: de quibus Aristoteles agit, per octo priora capita primi lib. Deinde loca, ex quibus eruenda sunt probabilia argumenta, summam colligemus, enumerabimus, atque explicabimus.

Quodnam sit obiectum huius operis, & ordo eius, cum cæteris partibus Dialecticæ explicatur.

2 EX his facillè potest intelligi; Quodnam sit obiectum huius operis. Nam si omnia, quæ in eo tractantur; vel sūt partes

partes syllogismi Dialectici; vel loci, ex quibus argumentorum probabilium copia deduci possit, quæ etiam ad compositionem eiusdem syllogismi ordinantur. Scopus totius operis, cuius naturam & proprietates intendit Aristoteles in eo explicare, idem syllogismus erit: & ex consequenti, subiectum, seu obiectum eius proprium. Nam præcipuæ conditiones obiecti istæ sunt. Ordinem etiam, quem Libri Topicorum seruent, inter ceteras partes Logicæ, & locum eis inter ceteras debitum, non erit difficile intelligere, sequuntur enim proximè libros de posteriori resolutione, nuper à nobis explanatos. Cuius ea est ratio: Quia inter species syllogismorum, post demonstrationem in posteriorum libris, explicatam, dignior est, syllogismus dialecticus cæteris: ideo tractatus iste de eo, tanquam de proprio obiecto agens, statim post eosdem libros debet collocari.

Quid sit prædicatum Dialecticum.

Simplicia, ex quibus proximè componuntur problema, ac ³propositio Dialecticæ; & remotè Dialecticus syllogismus, sunt *Prædicata Topica, seu Dialectica* (quod idem est:) de quibus agit Arist. cap. 4. primi libri, ubi ea enumerat, & singula propriis definitionibus explicat. *Prædicatum Topicum*, sic possumus in genere definire: *Est præcipua pars, ex qua componitur problema, ac propositio Dialecticæ. Præcipuam partem*, illud vocamus, ad distinctionem subiecti, ex quo eadem propositio Dialecticæ componitur. Nam copulam propositionis, non tam partem nunc vocare volumus, quàm nexum utriusque partis, quo copulatæ propositionem componunt.

Quotuplex sit prædicatum Dialecticum.

Videntur ex vna parte *prædicata Dialecticæ* esse quinque, propter hoc argum. Quia prædicatum distinguitur a prædicabili, tanquam actus a potentia: sed actus, & potentia, eodè modo numerari debent: quia potentia sumit unitatem, ac distinctionem ab actu: ergo tot erunt prædicata, quot prædicabilia. Constat autem ex Porphyrio, prædicabilia esse quinque: ergo quinque etiam debent esse prædicata.

Ex alia verò parte *videntur esse decem*, propter secundum argum. Quia prædicamentum non est aliud, quàm prædicatorum series, & ordinatio: ergo idem erit numerus prædicatorum & prædicamentorum. Constat autem decem esse prædicamenta

dicamenta, ex Arist. ergo ponenda sunt decem prædicata.

- 5 His tamen non obstantibus: Nostra sententia est; *Quatuor tantum esse prædicata Topica*. Vt Aristoteles expressè docet, 1. li. c. 4. quæ sunt; *Definitio, Genus, Proprium, & Accidēs*, ita; vt nec plura addenda sint, neque aliquod ex his auferendum. Tota autem difficultas huius rei, consistit in assignanda ratione, propter quam Arist. quatuor hæc prædicata posuit. Pro cuius explicatione, notandum est; Finem huius artis topicæ, vt diximus, esse *methodum tradere, probabiliter disputandi de quacunque re proposita*. Disputatio autem tribus partibus constat, ita ordinatis. Primò, *Quæstione*, seu interrogatione, quam titulum disputationis solemus vocare, sic dicentes; Vtrum cælum sit incorruptibile, vel non? aut quid simile. Deinde *Locus*, ex quibus eruenda sunt argumenta probabilia, quibus mediis dubiam reddamus quæstionem: & tertio loco, *Argumentis ipsis*, quæ sunt syllogismi Dialectici, ex propositionibus Dialecticis compositi. Propositio autem Dialectica, (vt postmodum dicitur) est altera pars problematis. Problemata verò, & ex consequenti propositiones Dialecticæ, ex prædicatis fiunt: quia non est aliud problema, quàm quæstio, vel interrogatio, *An aliquod prædicatum conueniat tali subiecto*: vt dum dicimus, *An cælum sit incorruptibile, vel non?* idem est, ac si queramus, *An hoc prædicatum incorruptibile, conueniat cælo, vel non*. Vnde sequitur: prædicatum topicum non esse aliud, quàm id quod de re aliqua queri potest. Tot igitur erunt prædicata, quot quæstiones possunt de realiqua fieri: & tot etiam quæstiones, quot prædicata. Et cum quæstio idem sit, ac problema: idem erit numerus prædicatorum, ac problematum. Et tandem cum propositio, & problema, forma tantum interrogationis differant, quia problema est interrogatio vtriusque partis contradictionis: vt si dicas; Vtrum cælum sit incorruptibile, vel non, problema efficiis. Propositio verò, interrogatio alterius partis tantum; vt putasne cælum est, incorruptibile: tot sunt propositiones Dialecticæ, quot problemata. Et ita intelligitur, prædicatum Dialecticum esse primum, ex quo numerus problematum desumi debet. Deinde ex numero problematum, numerus propositionum Dialecticarum. Et ita, ex ordine ad problemata, & propositiones constituendas, desumitur numerus prædicatorum. Et discursus iste deducitur ex 4. cap. 1. lib.

- 6 Quo supposito, hac ratione probatur ab Arist. *quatuor tantum esse prædicata*. Prædicatum est id, quod de re aliqua queri potest, ad disputationem Dialecticam instituendam: sed quatuor tantum

tantum quæri possunt : ergo quatuor tantum sunt prædicata. Minorem probat : Nam vel quærimus de aliquo definitionem ut intelligamus naturam eius , vel genus ; ut intelligamus , in quonam prædicamento sit : vel proprietates , aut communia accidentia : Et nihil aliud quæri potest , quod ad hæc non reducat : ergo quatuor sunt prædicata : ita , ut nec plura , nec pauciora. Et hæc sunt , *definitio , genus , proprium , & accidens* , quæ suis definitionibus sic explicat cap. 4. 1. lib. *Definitio , est oratio , quid erat esse significans . Oratio , em* esse dicit : quia non est propositio , cum nec verum contineat , nec falsum ; ut animal rationale. Vocat etiam definitionem terminum , sumpta metaphora ex terminis agrorum . Nam ad quemlibet , solum , & totum pertinet illud , quod intra terminos eius clauditur : ita ut nihil eius extrâ sit , sed totum , quod habet , intra terminos comprehendatur . Sic definitio continet , quidquid pertinet ad essentiam rei : ita ut nihil eius sit extrâ , nec aliquid sit eius , quod intra illam non comprehendatur : & ideo vocatur ab Arist. terminus . *Genus* verò , inquit , est , *quod prædicatur pluribus differentibus specie in quid* : Ut animal : *Proprium* , quod non indicat , quid est esse rei , soli autem inest , & conuersim prædicatur : Ut risibile , respectu hominis . *Accidens* est ; quod nec est definitio , nec genus , nec proprium , inest autem rei . aut etiam , *Accidens* est , quod inesse eidem potest : ut albedo , respectu parietis .

Si autem dixeris ; Ultra has quatuor quæst. aut interrogationes , seu problemata , quæ generalia esse videntur , plura possunt specialia quæri de re : ut , an sit homo : an sit leo : an sit substantia & innumera alia : ergo plura quàm quatuor , imò innumera prædicata debent concedi . Et præterea , generalia prædicata adhuc sunt plura : quia sicut quærimus de genere aliquius rei ; ut , utrùm Animal sit genus hominis , nec ne : ita possumus quærere de eius differentia , nempe , an Rationale sit differentia hominis : atque etiam de specie ; ut an Homo sit species Petri , aut Ioannis : vel etiam an sit species animalis : ergo duo alia prædicata generalia sunt addenda , nempe ; Species , & Differentia .

Circa primam partem arg. de interrogationibus specialibus asserit Rodolphus Agricola , lib. 1. de Inuentione Dialectica , cap. 3. errasse Arist. in assignando numero prædicatorum : quia sicut plura sunt genera problematum particularium , ita plura debent constitui prædicata , quàm quatuor . Sed plus mihi videtur errasse hic author reprehendendo Aristotelem : quia vera solutio ex doctrina eiusdem Aristot. 1. lib. Topicorum , cap. 4. & lib. 5. cap. ultimo , sub finem , colligenda est . Quibus locis duo

duo asserit. Primum; *Quòd cum problemata ordinentur ad disputationem dialecticam*, cuius finis est determinatio eiusdem problematis, circa quod disputatur: ita ut præiactis probabilibus argumentis pro utraque parte, tandem decernatur: utra earum sit probabilior: hinc sequitur, omnia problemata, quæ eisdem argumentis, & eodem modo determinantur, ad idem genus problematis pertinere: & omnia prædicata eorundem sub aliquo ex quatuor designatis comprehendi. Et ideo in hoc primo loco asserit, differentiam, si generalis sit, hoc est, si de pluribus speciebus prædicetur sicut genus, cum genere esse connumerandam, & non esse addendum pro ea aliud prædicatum. Secundum est, quod secundo loco docet, *Questionem accidentis finire, aut determinari, ex eo solum, quod quis probet convenire subiecto*. Ex qua doctrina deducimus nos, omnia problemata specialia, quæcumque illa sint, reduci ad problema accidentis: Et omnia prædicata eorundem, ad prædicatum accidentis. Et ratio huius deductionis est: quia in omni problemate speciali quæritur: An hoc prædicatum conveniat tali subiecto, vel ei insit, necne, quod patet habere modum interrogationis, aut problematis accidentis: quo solum quærimus, *An accidens conveniat, vel insit subiecto*. Et eisdem prorsus argumentis finiuntur, aut determinantur: quia si inquiras, an animal conveniat homini, necne, vel an homo conveniat Petro, necne, sufficienter determinatur, & disputatio eius finita erit: si probemus utrumque ei inesse: quamvis nec probetur esse de essentia eius aut cum eo converti: nec alio modo speciali ei convenire. Ergo ad formam problematis accidentalis reducuntur: & prædicata eorum, sub prædicato accidentis comprehenduntur, nec opus est alia multiplicare.

Ex eadem doctrina: Respondere possumus ad aliam partem eiusdem argumenti de specie, & differentia. Quòd si differentia sit subalterna, ad prædicatum generis reducitur: si verò infima, ad prædicatum definitionis. Species verò, ad prædicatum generis. Et ratio omnium est: quia iisdem argumentis definitur quæstio generis, & differentie subalternæ, cum utrumque prædicetur, de pluribus differentibus specie, in quid. Eisdem namque argumentis probamus, animal esse genus hominis, & sensibile, differentiam subalternam eius: atque etiam, hominem esse speciem Petri, & Ioannis. Quia sicut genus prædicatur, in quid de speciebus, ita species, de indiividuis. Iisdem etiam probamus: Animal rationale esse definitionem hominis, & rationale, esse differentiam atomam eius. Quod verò ad speciem attinet, satis

etiam probabiliter respondent, Albertus Magnus, tract. 2. Topicorum cap. 8. in fine, & Sotus quaest. 5. vniuersalium ad primum: Non esse inter praedicata enumerandam: quia praedicata sumuntur per respectum ad subiectum commune, quod non respicit species, sed singularia. Et ratio huius est: quia praedicata, ut dicebamus, ex propria ratione ordinantur ad constituenda problemata, & propositiones dialecticas: & vtrumque horum ad constituendum syllogismum dialecticum: qui non constituitur per se ex propositionibus singularibus, sed constantibus subiecto communi: in quibus solis reperiri potest forma syllogistica, ex modo, & figura constans, ut per se est manifestum.

Ad primum argum. de praedicabilibus: Distinguendum est ¹¹ antecedens. Nam praedicatum vniuersaliter sumptum, distinguitur a praedicabili, sicut actus a potentia: & ideo eodem modo numeratur, ac praedicabile. Verum praedicatum sumptum specialiter, pro Topico, non respicit praedicabile, ut potentiam, sed solum pro actuali sumitur: & modo quidem speciali, a generali praedicato distincto, hoc est, in ordine ad quaestionem, seu problema instituendum. Vnde alio etiam modo diuerso praedicata numerantur, diuersumque sortiuntur numerum a praedicabilibus, atque etiam a praedicamentis: quae sunt ordinationis praedicatorum, ut sub ratione generali considerantur: non ut speciali, & Topica, ad specialem etiam finem iam explicatum ordinata. Quare non sequitur ex eo, quod praedicamenta sint decem, tot debere esse praedicata Topica. Et haec est solutio secundi argumenti.

Quid sit, & quotuplex problema dialecticum.

Aristoteles 1. libro, capit. 3. definit problema dialecticum, ¹¹ adicens: *Esse in interrogationem, seu questionem vtriusque partis contradi. tionis*: ut si dicas: Vtrum animal gressibile bipes, sit definitio hominis, necne? Quatuor autem sunt genera *problematum*. ut cap. 3. & 4. asserit idem Aristoteles: sicut quatuor sunt praedicata; Vt *Problema definitionis*: quale est illud, ex definitione hominis assignatum. *Problema Generis*: ut si dicas, Vtrum animal sit genus hominis, necne? *Problema Proprij*, ut dum dicimus, Vtrum risibile sit proprium hominis; necne, & tandem, *Problema accidentis*, Vtrum albedo sit accidens parietis, necne; Cap. etiam 9. eiusdem lib. diuidit problema dialecticum vniuersaliter Aristo. dicens: Aliud esse *Practicum*: Quod pertinet ad electionem, vel fugam, vel aliquid de prosequendo

quando, aut fugiendo. Hoc enim, inquit, ad praxim, aut operationem ordinatur: & ideo dicitur practicum. Tale est hoc: Vtrum voluptas sit eligenda, vel non. Aliud verò est *Speculativum*; Quod nihil de prosequendo, aut fugiendo continet, nec ad operationem ordinatur: sed solum ad cognitionem veritatis; vt si dicas: Vtrum cœlum sit incorruptibile: vel non? Alia etiam diuisione, potest diuidi problema, secundum materias diuersarum scientiarum, in quibus reperitur: qua ratione dicimus: Aliud esse *problema Physicum*, vt, An principium motus, & quietis, eius, in quo est, sit definitio natura, necne? Aliud *Metaphysicum*, vt si dixeris: Vtrum ens sit vniucum respectu substantiæ, & accidentis, necne? Veruntamen formalis consideratio omnium problematum secundum quam reducuntur ad quatuor illa, ex diuersis prædicatis desumpta, dialectici propria est: quia ad solum dialecticum pertinet, docere omnes, quonam modo disputatio sit instituenda, & quibus instrumentis in ea vtendum, ad consequendam notitiam veritatis, de qua disputatur.

Quidnam sit propositio dialectica, & quotuplex: & quomodo distinguatur à problematica.

14 **T**Ria hæc tradit Aristoteles, lib. 1. cap. 3. in fine: sic in primis definiens propositionem dialecticam, quod sit, quasi *propositio alterius partis contradictionis*: vt si dicas: Putasne animal rationale, esse definitionem hominis? Differre autem à problemate ait: non re, sed modo: quia *Propositio*, vt vocabuli etymologia ostendit, proponit alteri aliquid: vt eidem rei propositæ respondeat, explicans, quidnam de illa iudicet, vel sentiat. *Problema* verò: Modum habet quæstio. & vtramque partem, per modum quæstionis agitandæ proponit: vt si dicas: Vtrum animal rationale sit definitio hominis, necne? Itaque propositio dialectica, interrogat per modum simplicis propositionis: non per modum quæstionis: & assumit vnâ tantum partem: cum problema vtramque, & per modum quæstionis interroget. Id duobus modis solet præferri, vel *formaliter* vtramque partem interrogando: vt in assignato sit exemplo: vel *formaliter* vnâ, & *virtualiter* alteram: vt si solum dixeris: Vtrum animal rationale, sit definitio hominis? Et hoc modo proferuntur problemata, in communi vsu scholarum, quoties quæstio aliqua disputanda proponitur: quod breuitatis studio, absque dubio fit, eo quod iam ab omnibus intelligitur altera etiam pars interrogata, ex modo ipso problematicæ interrogationis.

Vbi aduertere debemus, quòd Aristoteles 1. libr. priorum, 15 cap. 1. non distinxit propositionem dialecticam à problemate: imò neque à propositione probabili: cùm dixerit *esse interrogationem contradictionis*: quod problemati proprium est, & rursus, propositionem dialecticam, percontanti esse interrogationem contradictionis: ratiocinanti verò, esse summptionem apparentis, & probabilis. Ideo remisit distinctionem horum trium, ad capit. 3. lib. 1. Topico. quem citauit dicens: vt in Topicis dictum est. Ibi siquidem proprius erat locus distinguendi hæc: eo modo, quo à nobis distincta sunt. *Propositio dialectica* quadruplex est, sicut de problemate diximus: *Definitionis* est hæc: Putasne animal rationale est definitio hominis? *Proprij*, Putasne risibile est propria passio hominis? *Generis*, Putasne animal est genus hominis? *Accidentis*, Putasne albedo est accidens hominis?

Sed valde notandum est in hac parte, *Propositionem* sub hac 16 generali ratione sumptam: solùm significare enunciationem; vt proponitur in syllogismo ad inferendam conclusionem. Quæ si proponatur primo loco, dicitur *Propositio simpliciter*, aut *Propositio*, seu *præmissa maior*, vel Prima pars antecedentis. Si secundo loco, dicitur *Assumptio*: quia sub propositione maiori: sub qua continetur, assumitur: dicitur etiam, *Minor propositio*, aut *Præmissa minor*, ac Secunda, vel posterior pars antecedentis. Et si in syllogismo demonstratiuo proponatur, dicitur *Principium*: si in syllogismo dialectico, *Propositio probabilis*: & *Propositio apparentis*: si in syllogismo sophistico. *Propositio verò dialectica* præter enunciationem, addit modum propositionis, quasi per modum dubitantis: & problema, modum interrogantis: vt explicatum est.

Ex quibus intelligitur, tam propositionem Dialecticam, quàm problema, atque etiam propositionem probabilem, deferuire ad disputationem instituendam: sed diuersa ratione: nam problema dialecticum deferuit per modum quæstionis propositæ ad disputandum: & ideo primum locum tenet, & quasi caput totius disputationis vocatur. *Propositio verò* 17 *dialectica*, deferuit, quasi pro interrogatione ad respondentem facta; vt per eam respondens proferat aliam: qua media, quid de re proposita sentiat, explicet: & ex data responsione; possit interrogans occasionem sumere, disputandi in vnâ per alteram partem propositæ quæstionis. *Propositio verò probabilis*, deferuit iam ad constituendum syllogismum, quo possit intentum probari, & quæstio terminari, aut definiri. Itaque problema & propositio dialectica, sub propriis rationibus formalibus,

malibus, ad instituendam disputationem pertinent, non tamen ad syllogismum dialecticum: nisi solum antecedenter, & quasi præsuppositiue. Sola autem propositio probabilis, pertinet ad eandem disputationem, tanquam pars syllogismi dialectici. Vbi advertere debemus, quod Arist. hoc loco distinguit propositionem à problemate, dicens, problema utramque partem interrogare.

Quid sit, & quocumque propositio probabilis.

18 **P**robabile definit Arist. lib. 1. c. 1. his verbis: *Probabilia autem sunt, quæ videntur omnibus aut plurimis, aut sapientibus: & his vel omnibus, vel plurimis, vel maxime familiaribus, & probatis.* Quod intelligitur: aut propter rem ipsam, quæ ex se apparet vera: vel propter verisimilem aliquam rationem. Itaque probabile, non est idem, quod verum: nec etiam, quod necessarium, aut certum: sed quod apparet verum omnibus, aut pluribus, aut sapientibus. Sunt enim *propositiones in triplici differentia.* Nam quædam sunt euidenter veræ, & quarum veritas euidenter est cognita. Aliæ *euidenter falsæ*, & quarum etiam falsitas euidenter cognoscitur. Aliæ *verò medium tenent*: quia veræ sunt, aut falsæ, sed veritas, vel falsitas earum non est euidenter nota: quia causa earum, aut ignoratur, aut non plene cognoscitur: & ideo pluribus apparent veræ, aliis verò etiam contingit apparere falsas, quia verisimilis ratio, pro utraque parte esse solet. Et istæ dicuntur probabiles. Pater igitur, quo pacto probabilis propositio distinguatur à propositione, Vera, Certa, Necessaria, & falsa. Quia fieri potest, ut secundum rem sit necessaria, veritatem habens necessariam: vel in re sit necessario falsa, habens necessariam causam suæ falsitatis: & tamen probabilis videatur, propter verisimilitudinem, apparentiam veritatis, quam habet: vel propter verisimilem rationem, qua probari potest. Vt intelligatur, formalem rationem probabilis propositionis, non tam in re ipsa consistere, quam in apparentia, vel apparenti ratione, respectu plurium, vel sapientum, ut docuit Aristoteles.

Vnde sequitur, quod quamvis repugnet, duas contradictorias esse simul veras, non tamen repugnat esse simul probabiles: quia sæpe contingit, ut utraque habeat pro se viros doctos, quibus vera appareat, & etiam verisimiles rationes: quibus probetur. Verum in ipsa re, necesse est alteram earum esse falsam. Non tamen est necessarium (ut aliqui decepti existimant) quod si una propositio est probabilis: eo ipso probabilis etiam sit eius contradictoria: cum manifestum sit, posse contingere:

causam nec effectum conclusionis necessarium, sed solum probabilem: hoc est, quæ talia apparent pluribus, aut sapientibus, ut explicatum est. Itaque non distinguuntur per solam materiam, ut probauimus in posterioribus, sed etiam per formam specialem, ex modo speciali concludendi desumptam: cum in forma generica dispositionis syllogisticæ conueniant. A syllogismo verò sophistico, distinguitur per formam veram, aut apparentem: atque etiam per probabiles, aut apparentes propositiones. Nam ex illis procedit dialecticus, sophisticus verò ex his. Sed diuersum quid est procedere, ex probabilibus, aut ex apparentibus: nam licet probabilis propositio sit illa: quæ apparet vera, quamuis fortè vera non sit, non tamen cuiuscumque id apparet, sed tantum sapientibus, idque propter fundamentum verisimilis rationis: vel propter verisimilitudinem eiusdem veritatis. Apparentia verò, ex quibus procedit syllogismus sophisticus, nec respectu sapientum dicuntur talia: nec etiam vera apparent, cum fundamento rationis probabilis, aut cum verisimilitudine eiusdem veritatis, sed cuiuscumque, & sine his fundamentis. Vnde solam, & nudam habent apparentiam veritatis, & ideo deceptorie propriè dicuntur: & syllogismus ipse, ex sic apparentibus procedens, vocatur etiam deceptorius.

Enumeratio, atque explicato locorum, ex quibus deducuntur arg. probabilia, pro disputatione ineunda.

22 **H**Oc solum restabat explicandum ex his, quæ pertinent ad disputationem dialecticam instituendam: nempe *Locus*, ex quo desumenda sint probabilia argum. vel syllogismi. Explicatis namque & cognitis huiusmodi locis, facile erit cuique argumenta probabilia inuenire, quibus in disputationibus uti possit. Et licet vsus locorum, ad quamcumque scientiam pertineat, secundum applicationem ad propriam materiam: eorum tamen explicatio, ad solam spectat dialecticam, cuius proprium munus est, methodum præbere omnibus scientiis, ac disciplinis, ad disputationem instituendam.

23 *Locus* autem, ex quo eruuntur argumenta, diuiditur in *Intrinsicum*, & *Extrinsicum*. *Locus Intrinsicus*, vocatur ille, qui ad substantiam rei pertinet, vel substantiam eius comitatur. Quæ ad substantiam pertinent, sunt hæc, Definitio, Genus, Differentia, aut Pars aliqua rei, ut Materia, & Forma: vel Partes integrantes, ut Caput, Manus, aut Brachium, Quod verò comitatur substantiam, aut est Torum: (quod ideo comitari dicitur substantiam rei: quia includit partes:)

Si verò quæstio sit Comparatiua, nempe, *An necessitas ad alias scientias, magis conueniat dialectica, quàm cæteris artibus;* vti possumus definitione subiecti, atque etiam prædicari; vel vtriusque deducendo ex eis Maximas quasdam, similes superioribus, cum his aduerbiis magis, & minus. Vt si dicamus, Cui magis conuenit definitio, magis conuenit definitum: & Cui minùs conuenit definitio: minùs conuenit definitum, & sic de cæteris.

Secundus locus à Genere.

25 **E**isdem ferè modis vti possumus, loco à genere. Nam propter necessariam connexionem: quam habet cum speciebus, deducuntur ab hoc loco plures Maxima. ex quibus instituire possumus argumenta: vt sunt istæ, *Quicquid essentialiter conuenit generi, etiam conuenit essentialiter speciebus;* & *Quod repugnat generi, repugnat etiam speciebus.* sicque de aliis, iuxta modos arguendi à definitione explicatos. Et ad hunc locum generis, reducitur locus Speciei: quia similem habet connexionem cum indiuiduis: & ideo non additur alter locus à specie, sed eadem ferè Maxima deduci possunt, atque à genere: & eodem modo debent applicari, ad formanda argumenta à specie.

Tertius locus à Differentia.

Valde similis est locus à Differentia, duobus præcedentibus à definitione & à genere. Nam duplex est differentia *Subalterna*, & *Atoma*. Et si *subalterna* sit, de eisdem speciebus prædicatur ac genus: & eandem habet connexionem intrinsecam cum eis. Quare eadem Maxima, ex ea deduci possunt, ac ex genere. Si verò sit *Atoma*, cum definitione conuenit in duobus. Primò, In eo, quod intrinseca est speciei. Secundò: Quia cum ea conuertitur. Vnde similes etiam Maxima ex ea deduci possunt: ac deducuntur ex definitione, & eisdem modis applicari debent ad syllogismos dialecticos conficiendos.

Quartus locus à Partibus.

Partes sunt in triplici differentia, *Subiectiua*; vt species respectu generis. *Essentiales*; vt materia, & forma: aut genus, & differentia: & *Integrantes*; vt caput, manus, & brachium. Et ex his: Quædam sunt necessaria ad consistentiam totius, sine quibus esse non potest: vt caput, cor, & similes. Aliæ non sunt necessaria, sed sine illis esse potest: vt manus, digitus, pes. Et à primis potest deduci argum. à secundis deduci non potest: quia neque

inferunt consistentiam totius, nec eam tollunt. A partibus plures Maximæ deduci possunt, propter necessariam cōnexionem, quam habeat cum toto, & cum eis totum: vt sunt istæ: *Quod necessario comitatur partem, necessario etiam debet comitari totum: &, Quod repugnat parti, etiam repugnat toti.* Et hæc accipiuntur ex parte subiecti propositæ quæst. Aliæ verò possunt sumi, ex parte prædicati secundum proportionem.

Quintus locus à Toto.

Totum duplex est. Aliud *vniuersale*, quod est vniuersale prædicatum respectu inferiorum, quæ sunt partes eius subiecti: vt genus respectu specierum: & terminus distributus signo vniuersali: vt omnis homo, respectu particularium, quæ sub eo continentur. Et ab hoc toto, ad eius partes, sumuntur omnia argumenta quæ fiunt à superiori ad inferius negatiuè: & in summulis sunt manifesta. Aliud est *totum Essentiale, aut integrale*: vt homo, equus, domus. Et ab hoc toto deduci possunt plures Maximæ, & ex eis confici plures syllogismi: vt, *Posito toto necesse est poni omnes partes necessariae.* Vnde valet arg. à positione totius, ad positionem cuiuscunque partis necessariae: & etiam *Ablato toto, necesse est auferri aliquam partem necessariam.* Vnde valet arg. à negatione totius ad negationem alicuius partis necessariae, sub distinctione: vt si deficit domus aut non est fundamentum, aut non est tectum, aut non est aliqua alia pars necessaria.

Locus sextus à Descriptione.

Descriptio est definitio, quam appellare solent *descriptiuam*: 28 quia non explicat essentiam rei, nec per genus, & differentiam traditur, sed per propriam passionem, conuertibilem tamen cum re descripta: vt animal, aptum ad ridendum cum homine: & ideo omnes Maximæ, quæ ex definitione deducuntur, ex descriptione deduci possunt, & eodem modo applicari ad syllogismos constituendos. Et quod de descriptione dicitur, de definitione, quid nominis, intelligi debet: cum conuertatur etiam cum re, non tamen de etymologia nominis: quia sæpe contingit, diuersa esse, id à quo nomē imponitur, & illud quod significat: quare non potest argumentum firmum duci ab etymologia ad rem significatam.

Locus septimus à Proprio.

Proprium est, quod non indicat, quid est esse rei: soli autem inest, & conuersim prædicatur: vt definit Aristot. cap. 4. 1. lib. quasi dicat,

dicat, propriam passionem, non pertinere ad quod quid est, seu rei essentiam, conuerti tamen cum ea, sicut definitio conuertitur cum definito. Et ideo iisdem ferè modis, eadem ferè arg. deduci possunt à proprio, atque à definitione: quia, *Cui conuenit definitio, conuenit propria passio: & Cui non conuenit propria passio, nec definitio conuenit.* Et sicut bene colligitur, Rem esse perfectiorem, quo perfectiorem definitionem habet: Ita quò perfectiorem habet passionem: cum hæc procedat ab essentia, tanquam à propria causa.

Locus octauus ab Accidente.

- 19 **A**ccidens est, quod adest, & abest subiecto, præter corruptionem eius: vt definit ibidem Arist. Sed hæc definitio, solum videtur conuenire accidentibus verè inhærentibus, quæ ideo vocantur intrinseca: nihilominus etiam alia quæ solum videtur extrinsecam denominationem significare, sub nomine accidentis hoc loco debet intelligi: vt dextrum esse, vel sinistrum parietem: aut visum vel intellectum esse: quia in modo denominandi, similia sunt accidentibus intrinsecis. Ab accidente, deduci possunt plures Maxime, & ab his plura arg. Vt, *Si accidentia prædicati, non conueniunt subiecto, non coherere prædicatum subiecto:* quo arg. vsus videtur beatus Petrus, Actor. 2. probans discipulos non fuisse ebrios: quia tempus illud, tertie horæ diei, non erat conueniens ebrietati, & ideo, nec discipulis, cum eadem hora eis imponeretur ebrietas. Et bene probatur, aliquem non occidisse alterum, si probatur eo tempore, quo occisus est, in eodem loco occisionis non fuisse, sed alibi.

Locus novus à Subiecto.

DE subiecto inhærentis, intelligitur locus iste, cui inhærent accidentia non de subiecto prædicationis, cui potest prædicatum essentialiter conuenire: & ideo meritò numeratur inter locos intrinsecos. A subiecto possunt deduci Maxime istæ & similes: *Cui repugnant accidentia, etiam repugnat subiectum:* vt si alicui repugnat intellectus, etiam anima, & si repugnant corporea accidentia, etiam repugnabit corpus. *Vbi subiectum est, ibi debent esse accidentia: & Vbi non sunt accidentia, nec est subiectum:* & *Motis nobis mouentur omnia, quæ sunt in nobis:* id est accidentia. Et ex his, & aliis Maximis, multa possunt effici arg. à loco Subiecti: & isti sunt omnes loci intrinseci. Sequuntur extrinseci.

*Locus decimus, & primus inter Extrinsecos,
à Coniugatis.*

Coniugata dicuntur voces, quæ sub diuersa terminatione, ean-
dem formam significant, atque participant : & propterea quasi
idem iugum ducere videntur ; vt Iustus, Iustitia, & Iuste : &
omnes casus per quos variatur idem nomen : & verbum. Ad
hæc reducuntur alia quæ eandem formam significant, licet di-
uersæ omnino sint voces : vt Iustus, & Studiosus : quæ ita se
habent, quantum ad rem significatam, sicut iustitia, & iustus.
Ex his deducuntur istæ maximæ, & similes : *Quæ dicuntur de uno
coniugatorum, suo etiam modo, & cum debita variatione, dicuntur
de alio ; vt si Philosophus est sciens ; Philosophia erit scientia :
& de quo dicitur unum coniugatorum, dicitur etiam suo modo al-
terum.* Et ex his, ac similibus propositionibus possunt fieri
multa argumenta à coniugatis.

Locus 11. à Simili.

Similia sunt, quæ participant eandem formam : vt omnia alba.
Ad quæ reducuntur, quæ habent eandem proportionem :
vt auriga, & dux, quia similem curam ei, quam habet auriga in
suo curru, debet habere dux in exercitu. Ad similia etiam re-
ducuntur æqualia, & ab eis deducuntur Maximæ plures, pro
argumentis instituendis, similes huic ; *Cygnus disgregat visum :
ergo etiam paries albus.* Sed semper debet fieri in his argumen-
tum à ratione formali similitudinis, & non ab aliis materiali-
bus, quæ habere possunt similia : non est enim bonum argu. si
dicamus ; *Cygnus est avis, ergo etiam paries albus est avis.*

Locus 12. à Causa.

Quadruplex est causa ; Finalis, Efficiens, Materialis, & Forma-
lis. Verum locus iste, cum sit extrinsecus, solam Finalē,
& Efficientem complectitur : non Materialem, & Formalem,
quæ cum sint partes rei Intrinsecæ, potius ad locum partium
pertinebunt. *Causa finalis est*, cuius gratia operatur efficiens,
& producit effectum : & *Causa efficiens*, à qua effectus procedit
Maximæ, quæ ex eis deduci possunt, similes sunt his : *Posita
causa, necessario ponitur effectus : quæ intelligitur de causa actua-
li, & sufficienti, & Non posito effectū, non ponitur causa : quæ si-
mili modo intelligitur.* Verum quæ ad naturam, & proprie-
tatem harum causarum pertinent, in secundo lib. Physic. à
nobis explicantur.

Locus

Locus 13. ab Effectu.

Valde similis est locus iste præcedenti: quia eadem Maxima, à causa, & effectu deducitur: idem est modus arguendi in eis; ut, à *Posi iōne effectus*, ad *posi iōnem causa*: v.g. Si dies est, sol est in nostro hemisphærio. *Ab isto effectū, auferitur causa*: ut, non est dies, ergo nec sol est in nostro hemisphærio. Sed intelliguntur istæ, & aliæ similes, de causis necessariis, & sufficientibus.

Locus 14. à Maiori, & 15. à Minori.

- 32 **S**imiliores sunt duo isti loci, à maiori, & minori: & ideo de illis simul loquendum est. A maiori, sumitur hæc Maxima: *Quod potest efficere maius, potest efficere minus.* & à minori hæc, *Quod non potest efficere minus, nec potest efficere maius.* Sed utraque debet intelligi, de maiori & minori, eiusdem conditionis. Nam si diuersæ rationis sint, non valebit argumentum. v.g. Angelus potest intelligere, quod est maius: ergo potest ambulare, quod est minus. Quia diuersæ conditionis sunt, intelligere, & ambulare. Item non potest ambulare, ergo nec intelligere.

Locus 16. & 17. ab Authoritate Diuina, & humana.

- T**estimonium fide digni, cui fides innitur, valde extrinsecum est rebus testificatis vel creditis; ut ex se est manifestum: Vnde locus ab authoritate fide digni, maximè extrinsecus est. Sed si sit ab authoritate Diuina, infallibilem veritatem tribuit rei: quia cum Deus sit summa, & prima veritas, non potest falli: & cum sit summa bonitas, fallere non potest. Vnde quæ Deus testificatur, ea infallibilem veritatem habent: & tales sunt res nostræ fidei, quas propter Diuinam auctoritatem credimus, & argumenta Theologica, ab hoc præcipue loco deducuntur.
- 33 *Ab humana verò authoritate aut testimonio, non adeo firmum argum. deduci potest.* Sed valet plurimum, ad explicandas res diuinæ fidei. Nam licet sacri Doctores, homines fuerint, tamè expositio sacre Scripturæ, quam omnes, vel plures eorum adferunt (etiam si dissentiat vnus, vel alter) maximam facit fidem: quia non est credendum, permisisse Deum eos in hac re decipi, ad quos pertinet Scripturam exponere, & expositam aliis tradere. Valet etiam multum in rebus, quæ dependent ex libera hominum voluntate; ut ad impositionem, & significationem nominum: quia nominibus vtendum est, vt plures vtuntur.

videntur. Præterea in rebus quæ per sensus euidenter cognoscuntur: atque etiam in his, quæ ad historiam pertinent: quæ inniti debent euidenter alicuius, vt plurimum, per assensus habita, ex quâ ita contigisse, credunt alij. Sed non valet in his, quæ cognoscuntur per discursum, in quibus præcipuum locum ratio tenet, quanquam adhuc in his multum valeat communis consensus omnium. Semper ergo ducitur argum. probabile, ab authoritate humana: & quo plures sint, qui aliquid testificantur, eo efficacius argum. deducitur. Negatiue tamen, non est ab authoritate humana arguendum, quasi probetur, rem non ita esse, quia a nemine narratur: quia non est necessarium scripta fuisse omnia.


Locus 18. & 19. ab Oppositis, & Repugnantibus seu Disparatis.

Non multum differunt duo isti loci, ab Oppositis & Repugnantibus, seu Disparatis. quia eadem ferè argumenta ab vtriusque deducuntur. *Oppositio quadruplex est: vt in Postprædicamentis diximus. Contraria, quæ est inter Album, & Nigrum. Contradictoria: Inter album, & Non album. Priuatiua: Inter cecum, & videns: & Relatiua, Inter Patrem & Filium. Et in contradictoriè oppositis; Maxima hæc semper est vera: Quod tibi conuenit vni, non potest conuenire alteri. & Cui non conuenit vni, necessario conuenit alterum: quia immediata est eorum oppositio. Et idem est in priuatiue oppositis: non quidem absolute, sed circa subiectum aptum; vt Cui conuenit cecitas, non potest simul conuenire visus: nec, Cui conuenit visus, potest simul conuenire cecitas. Et si visus non conuenit, necesse est conuenire cecitatem: & Si non conuenit cecitas, necesse est visui conuenire.* In contrariis vero, valet atq. ab affirmatione vnius, ad negationem alterius: vt, est album: ergo non est nigrum. Sed non valet a negatione vnius, ad negationem alterius: vt, non est album, ergo est nigrum. quia oppositio contraria, non est immediata. Et similia argumenta deduci possunt, a repugnantibus, aut disparatis, quorum exempla satis sunt manifesta.

Locus 20. de Dissimili.

Dissimilia appellantur, quæ diuersam habent formam, aut naturam: vt albedo, & dulcedo: album, & nigrum: homo, & leo: ad quæ reducuntur ea, quæ licet eandem formam habeant, non tamen in eodem gradu, sed diuerso, qualia sunt, calidum vt vnum, & calidum vt octo. Et ab vtriusque desumi possunt argumenta. Quia, quæ vni conueniunt, non possunt conuenire alteri. Sed semper sunt accipienda formaliter, hoc est, in

est, in quarum dissimilia in natura, vel gradu: & non secundum alias rationes materiales, in quibus, manifestum est, posse conuenire. Et hæc annotasse sufficiat, circa librum Topicorum.



PRO LIBRIS ELENCHORVM.

Tractatus de syllogismo Sophistico.

I Vo agit Arist. in duobus libris Elenchorum, vt vniuersali diuisione, totum hoc opus comprehendamus. Explicat naturam syllogismi Sophistici, & partium eius, ex quibus componitur: tãquam obiectum proprium. Deinde locos omnes enim erat, ex quibus fallacia argumenta deducuntur, aut occasionem sumunt: qui sunt Fallaciæ tam in Dictione, quàm extra Dictionem. Nos verò ea, quæ ad fallacias pertinent, ad summulas remittentes, in quibus copiose explicantur, aliquid de natura syllogismi sophistici dicemus: quæ intellecta, quidquid in præsentis opere tradit de eo Aristoteles, aliqua saltem ratione percipi possit.

Quidnam sit syllogismus Sophisticus, & quatuorplex: & an verus sit syllogismus, vel non?

2 Syllogismus Sophisticus, si etymologiam nominis sequamur, idem significat ac syllogismus sapientis, cum *sophos* sit sapiens: vsu tamen philosophicæ scholæ factum est; vt iam non syllogismus sapientis, sed decipientis, aut decipere volentis, per eum intelligatur. Quia per sophisticam, non iam verum sapientem, sed eum, qui sapiens videri vult, omnes intelligunt. Definitionem, & Diuisionem syllogismi sophistici tradit Arist. i. lib. Topic. c. i. Sed vt tria illa, quæ de eo considerari possunt, commodius explicentur, à diuisione incipendum est. Diuidit autem Arist. syllogismum sophisticum, in tria membra; & primum ita definit: *Lirigiosus autem est syllogismus, ex his, quæ videntur probabilia, non sunt autem.* Secundum verò, his verbis; *Et qui ex probabilibus quidem, aut ex his quæ videntur probabilia est apparens.* Et paulo inferius, de utroque in particulari loquens asserit; Primum, esse verum syllogismum: Secundum, nõ verum, sed apparètem. Postremum membrum, vocat paralogismum: & ait eum esse, quia assumit propositiones proprias alicuius sciëntiæ: quæ vt ab ea sciëntia assumuntur, necessariae sunt: sed vt ab eo assumuntur, solũ apparèt necessariae; & sunt falsæ. Et talis est syllogismus iste: Lineæ ductæ ab eodem puncto, in idem punctum, sunt æquales: Chorda, & arcus ducuntur ab eodẽ puncto, ergo sũt æquales. Syllogismus iste cõstitutus est in materia

teria geometriæ, sed maiorem propositionem sic accipit geometria: Omnes lineæ rectæ, ductæ ab eodem puncto, in idem punctum, sunt æquales. Et sic vera est, ac necessaria: sed cum accipiat in illo syllogismo, sine illa voce, recta, apparet quidem necessaria, quia apparet eadem: sed falsa est, & valde diuersa; ut constat, & ideo procedit ex propositionibus illius scientiæ apparentibus necessariis, non tamen verè necessariis, sed falsis.

Ex his autem tribus syllogismis, primus, qui dicitur *Litigiosus*, & tertius qui dicitur *Paralogismus*, cōueniunt in eo, quòd uterque seruat formam syllogisticam, cum in Figura, & Modo constituatur: vnde ex hac parte non peccat: sed differunt in his ex quibus procedūt. Quia prior ille procedit ex his, quæ apparet probabilia, sed probabilia non sunt: paralogismus verò, ex necessariis, ac propriis alicuius scientiæ, sed quæ nec sunt necessaria, nec ad illam scientiam pertinent, sed sunt falsa. Secundus verò, qui etiam litigiosus vocatur, in utroque differt ab aliis duobus. Nam primò non seruat formam syllogismi, sed peccat in ea: & ideo dixit de eo Arg. esse litigiosum syllogismum. Nec verò esse syllogismum, hoc est, non habere veram formam syllogismi, sed solum apparentem.

Et ex his intelligitur, *Primum, & tertium, veram habere formam syllogismi*: & ideo veros esse syllogismos. Nam procedere ex apparentibus, aut etiam ex falsis, non tollit veram formam syllogismi. *Secundum verò non esse verum, syllogismum, sed apparentē.* & tales sunt omnes, qui regulas syllogismorum non seruant: sed vel ex medio æquiuoco procedunt, vel non distributo, vel ex negatiuis præmissis: aut alios defectus patiuntur circa formam.

Secundò intelligitur, *Hos tres syllogismos, essentialiter esse diuersos*: quia vel differunt ratione formæ syllogisticæ: vel ex parte præmissarum. Ex parte quidem formæ, differt secundus a primo, & tertio: & cum differentia ex parte formæ, sit essentialis, euidens est, differre essentialiter ab eis. Tandem primus, & tertius, licet cōueniant in forma syllogistica, & quasi generica, differunt tamen in forma speciali, ex modo cōcludendi desumpta.

Nam primus procedit, & concludit ex his, quæ solum apparent probabilia. Tertius verò, ex his quæ apparent necessaria. Ideo primus & tertius differunt tanquam veræ species syllogismi. Secundus verò, non differt ab eis, tanquam vera species quia cum non habeat veram formam syllogismi, nec vera species eius esse potest: sed solum secundum apparentiam. Vnde
duo

duo illi, sunt syllogismi simpliciter, iste verò non, nisi secundum quid: quia solam habet apparentiam syllogismi, eo modo quo homo pictus, solam habet apparentiam hominis: differt ergo ab eis analogicè.

Quocirca intelligitur tertia, *Diuisionem syllogismi sophisticam in hæc tria membra, esse Analogi in Analogata*. Verum respectu duorum membrorum, nempe primi, & tertij, esse generis in suas species: & ideo Arist. non definiuit omnes vna definitione: sed diuersis: simul diuidens syllogismum sophisticum, in hæc tria membra: & singula definiens, propriis definitionibus.

Quartò intelligitur: *Generalem diuisionem syllogismi, in Demonstratiuum, Dialecticum, & Sophisticum, esse diuisionem generis in suas species*, si sophisticus solum sumatur pro eo, qui non peccat in forma, quo pacto primum, & tertium solum comprehendit. Nam solum hoc modo sumptus, vera species syllogismi est: subalterna tamen, cum in duas alias species diuidatur. Tertius verò syllogismus, non est species vera syllogismi, cum forma careat: sed solum secundum apparentiam. Vnde si sophisticus sumatur, prout omnes tres comprehendit, eadem diuisio generalis ex parte eius, erit analogica: cum vnum membrum comprehendat, quod non est syllogismus, nisi secundum quid.

- 6 *Præter hanc diuisionem syllogismi in tria illa membra, quæ essentialis est, diuiditur diuisione accidentali, in membra, secundum duos diuersos effectus, vel fines, quos per eum intendere potest sophista. Primus finis est, ostentare scientiam, & aucupari gloriam: & tunc dicitur syllogismus sophisticus tantum, vel litigiosus: quia sophista per eum, non tam intendit disputationem instituere, quam litem, aut litigium, verbisque fallacibus conuincere respondentem, & ideo sapiens haberi, in opinione vulgi. Secundus finis est, periculum facere: vel experimentum sumere de scientia alterius: & tunc dicitur syllogismus Tentatiuus.*

- Deinde diuiditur etiam *accidentaliter, in quinque alia membra, secundum quinque inconuenientia, ad quæ sophista intendit deducere respondentem. Et inconuenientia hæc, solent vocari metæ, vel termini: quia quasi ad illa: tanquam ad metâ, scopum, vel finem suæ disputationis, alium deducere intendit: Prima est, meta Redargutionis: Quando respondens cogitur, vi syllogismi apparentis negare: quod prius concesserat: vel concedere, quod negauerat. Secunda est meta falsæ: Quando cogitur aliquid apertè falsum concedere, vt quod ipsemet non sit homo, illo syllogismo: Quod ego sum, tu non es: Ego sum homo. ergo, Tu nō es homo: Tertia est meta inopinabilis,*

seu *Paradoxa*: Quando cogitur concedere rem aliquam, inopinabilem à sapientibus, vel opinione vulgi inauditam, quamvis fortè non sit falsa. Quarta est *meta Solæcismi*: Quando aliquam incongruam locutionem compellitur concedere. Quinta dicitur *meta Nugationis*: Quando cogitur ad inutilem minus ornatam locutionem, per quam nugari videatur. Vt si cogatur dicere: Nasum, esse nasum curuum, aut simum: Et hæc de syllogismo sophistico annotasse sufficiat: ex quibus cognoscemus naturam eius, atque etiam quot species, & membra habeat: & quorundam ex membris eius, sint veri syllogismi, quotque non veri, sed solum apparentes. Fallaciæ verò omnes: quæ sunt quasi loca, ex quibus varij syllogismi fallaces deduci possunt, satis sunt in Summulis explicatæ: & ideo, non putamus, enumerationem & explicationem singularum, in hac parte repetendam.

Hactandem qua circa uniuersam Logicam Aristotelis annotauimus in nostris Commentationibus, dilucidam satis, reor, ac breuem eam efficient: ut faciliè, & breui tempore possit liberalium Artium studiosis, huius florentissima Academia, à suis Magistris in Gymnasiis explicari, & ab eis percipi. Faxit Deus Opt. Max. ut labor hic noster in gratiam eorum assumptus in gloriam eius, sacrissimæque

*Deipara, ac B. Thome, in maximamque
eorum studiosorum utilitatem
(uti speramus)
cedat.*

FINIS TOTIVS LOGICÆ.

INDEX

I N D E X.

vel propter quid.	661
Quæstio 2. an diuisio demonstrationis in demonstratione, quia, & propter quid, sit generis in species; vel analogi in analogata.	664
<i>TRACT. De subalternatione scientiarum.</i>	673
Quid nomine scientiæ subalternantis, & subalternatæ intel- ligatur.	ibid.
Quidnam sit subalternatio scientiarum.	ibid.
An subalternatio scientiarum explicata, sit possibilis; vel sola imaginatione excogitata.	674
An subalternata scientia, existens sine subalternante, sit vera scientia: vel potius opinio.	678
An subalternata scientia, inter proprios limites, demonstret propter quid; vel solum quia.	680
<i>CAP. XXVI. Cum exposit. text.</i>	680
<i>TRACT. I. De habitu principiorum.</i>	687
An præter intellectum, & species intelligibiles detur habitus principiorum.	688
Quidnam sit habitus principiorum.	690
An habitus principiorum sit naturalis; vel acquisitus ab intel- lectu, per proprios actus.	ibid.
An habitus principiorum sit idem secundum speciem, pro omnibus principiis: vel diuersus pro diuersis.	695
<i>TRACT. II. De habitu scientia.</i>	697
An præter habitum principiorum, ponendus sit pro conclusio- nibus alter habitus distinctus, qui appellatur scientia.	ibid.
An euidencia pertineat ad essentiam scientiæ.	699
An scientia sit de singularibus, & de contingentibus, & enti- bus per accidens.	704
An de ente per accidens, possit dari scientia.	706
An de casualibus, & fortuitis detur scientia.	707
<i>TRACT. III. De opinione, & fide humana.</i>	
Quidnam sit opinio, & quid fides humana.	ibid.
An formido sit de intrinseca ratione opinionis & humanæ fidei.	708
An opinio possit esse simul, cum scientia de eadem propositi- one, & in eodem intellectu.	710
<i>Selecta ex libris Topicorum.</i>	717
De fine, ac diuisione horum librorum.	ibid.
Quodnam sit obiectum huius operis, & ordo eius, cum cete- ris partibus Dialecticæ explicatur.	ibid.
Quod sit prædicatum Dialecticum, & quotuplex.	718
Quid sit, & quotuplex problema Dialecticum.	ibid.


INDEX.

Quidnam sit propositio dialectica, & quotuplex, & quomodo distinguatur à problemate.	723
Quid sit, & quotuplex propositio probabilis.	725
Quidnam sit syllogismus topicus, aut dialecticus.	726
Enumeratio, atque explicatio locorum, ex quibus deducuntur argumenta probabilia, pro disputatione incunda.	727
<i>Pro libris Elenchorum.</i>	735
<i>TRACT. De syllogismo Sophistico.</i>	<i>ibid</i>
Quidnam sit syllogismus Sophisticus, & quotuplex: & an verus sit syllogismus, vel non.	<i>ibid.</i>

FINIS.



QVÆST



Dialect
sci
dis
Diale
tu
rio
Diale
con
14
Diale
con
rio
15
Diale
spe
23
Deu
di
uè
Ang
pe
su
In A
ti
u
ru
In
ti
Den
P
Den
q
b
a
ti
Den
q
a
p
a
Den

R E R V M.

Dialectica utens, ut utens, non est scientia, nec habitus à docente distinctus. num. 6. 9

Dialectica est unus, simplex habitus quoad speciem, & numerum. num. 11. 16

Dialectica habet modum, & finem componendi, & resoluendi. nu. 14. 21

Dialectica modum speculandi & componendi, sub ratione superiori formaliter continet. num. 15. 22

Dialectica formaliter est scientia speculatiua, & practica. nu. 16. 23

Deus, & Angeli.

Deus, ut Deus est, ad nullum predicamentum per se, & reductiue pertinet. num. 14. & 15. 286

Angeli & corpora caelestia, per se pertinent ad predicamentum substantia. num. 18. 289

In Angelis non reperitur compositio ex materia & forma, reperitur tamen ex potentia, & actu reali. nu. 19. & 20. 289. & seq.

In Angelis datur compositio Metaphysica. ibid.

Demonstratio.

Demonstratio ex necessarijs debet procedere. num. 5. 624

Demonstratio qualibet propter quid debet constare propositionibus de omni, & per se: solum autem perfectissima de propositionibus vniuersaliter. n. 15. 630

Demonstratio quia, & propter quid, in hoc differunt, quod illa à causa remota, & inadæquata procedit, hac vero à proxima, & adæquata. num. 1. 659

Demonstratio in communi genus

est ad demonstrationem, quia, & propter quid. num. 12. 601

Demonstratio utramque pramissam necessario certiore conclusionem continet. num. 34. 640

Differentia.

Differentia in communi, in propriam & propriissimam adæquate diuiditur. num. 5. 145

Differentia prima intentionaliter sumpta, ad prædicta membra est analogia. num. 9. & 12. 149. & seq.

Differentia ex perfectiori gradu natura, quam genus sumitur. num. 17. 153

Differentia à genere distinguitur ratione ratiocinata. nu. 29. 161

Differentia alia superior, alia inferior. num. 34. 164

Differentia inferior materialiter superiorem includit, non verò formaliter. num. 35. 165

Differentia qualibet perfectior est genere quod contrahit. num. 45. 172

Differentia superior solum per secundam definitionem definitur. num. 50. 175

Ens rationis.

E*ns rationis est materia proxima Logica nu. 17. 25*

Ens rationis, aliud quod directè fit ab intellectu, aliud quod indirectè. ibid.

Ens rationis indirectè factum ab intellectu est obiectum Logica. num. 27. 32

Ens rationis se habet ad modum formæ inhaerentis. num. 4. 74

Ens rationis aliud quod habet fundamentum in re, aliud quod non habet. num. 7. 76

INDEX

Ens rationis cum fundamento aliud negatio, aliud priuatio, relatio aliud, num. 8. ibid.
Entia rationis habentia fundamentum in re, solum sunt per operationem intellectus reflexam. ibid.
Entia rationis, alia per primam, alia per secundam, alia per tertiam operationem intellectus sunt. ibid.
Entia rationis, nec diuinus, nec angelicus intellectus efficit, nu. 11. 81
Ens rationis consideratur à Logica, ut est denominatio ab intellectu attributa nature. ibid.
Enunciatio.
Enunciatio vniuersalis negatiua in seipsam, vniuersalis affirmatiua in aliam particularem, particularis affirmatiua in se: particularis negatiua in nullam conuertitur. nu. 8. & 11. 562, 564
Enunciationes de modo contingenti sumpto pro possibili, faciunt sensum capulatiuum. nu. 16. 569
Enunciationes de modo possibili & contingenti opponuntur propositionibus de necess. nu. 17. 570
Enunciatio mentali; vocalis, & scripta formaliter sunt entia rationis, nu. 31. 534
Enunciationis essentia est predicari vnum de alio. nu. 35. 539
Enunciatio genus est ad affirmantem, & negantem. nu. 38. 549
Enunciationes singulares de futuro contingenti, continent determinatam veritatem, aut falsitatem. nu. 42. 545
Ens reale.
Ens per accidens ex duplici ente in

actu constat. tract. 2. de hab. & scient. nu. 39. 7. 6
Ens per accidens, aliud ex entibus casu concurrentibus, aliud ex naturaliter cõponitur, & aliud ex non ordinatis, aliud ex ordinatis & solum de hoc ultimo datur scientia. num. 39. & 40. ibid.
De ente fortuito in communi considerato scientia potest dari. nu. 41. 707
Ens reale analogum est ad substantiam, & accidens. nu. 56. 716
Ens completum, adhuc est analogum ad substantiam & accidens completum. nu. 61. 232
Ens comparatum, ad res eiusdem predicamenti est idẽ cum genere supremo illius, & vniuocum. nu. 64. 234
Ens comparatum ad substantiam finitam, & infinitam, analogum est. nu. 67. 235
Ens dicitur de substantia, & accidente, & de Deo, & creaturis, analogia solum attributionis. nu. 70. 238
Genus.
Genus duplicem habet acceptionem realem. cap. 2. de gene. nu. 1. 95
Genus definitur, in quantum est species vniuersalior. nu. 5. 98
Genus per predicari de pluribus descriptiue definitur. numc. 12. 102
Genus est definitum, ut natura ordinata ad secundam intentionem. nu. 14. 105
Genus dupliciter potest considerari, & ut pars, & ut totum. nu. 19. 108

Genus



INDEX RERVM

NOTABILIVM, QVÆ

in vtraque parte Dialecticæ
continentur.

*Prior numerus marginem; posterior pagi-
nam denotat.*



*Abstractū de con-
creto nullo mo-
do predicatur.
nu.13. pag.86*

*Abstractum ge-
neris de abstra-*

*cto differentia non predicatur:
neque è conuerso. ibid.*

*Abstractum superius de abstracto
inferiori: predicatur ordine phy-
fico, non verò metaphysico. 87*

*Abstractum superius de abstracto
inferiori: in secundis intentioni-
bus predicatur. nu.18. 90*

*Abstractio alia simplex, alia com-
posita. nu.8. 188*

*Abstracta physica accidentium ad
predicamenta pertinent. nu.27.
269*

Ascensus.

*Ascensus predicamentalis per col-
lectionem generum, & specie-
rum: descensus verò per diuisionem
fit. nu.3. 116*

Assensus.

*Assensus premissarum, sunt causa
materialis, & efficiens conclu-
sionis. nu.27. 609*

*Assensus premissarum, formaliter
includuntur in assensu conclu-
sionis. nu.33. 613*

*Assensus conclusionis in eodem in-
stanti ex assensibus premissa-
rum sequitur. nu.38. 616*

*Assensibus premissarum positis, po-
test intellectus suspendere assen-
sum conclusionis. nu.43. 619*

*Assensus principiorum ex cognitio-
ne terminorum habetur. nu. 22.
687*

Accidens.

*Accidens in cōcreto constituit quin-
tum predicabile per ordinem ad
subiecta, à quibus sola ratione
distinguitur. nu.5. 186*

*Accidens primò intentionaliter
sumptum, in separabile, & in
inseparabile diuiditur. nume.8.
188*

*Accidens per adesse, & abesse se-
cundum inherentiam realem
definitur. nu.12. 190*

*Accidens dupliciter sumitur pro
accidente predicabili, & predi-
cam. nu.15. 192*

*Accidenti aptitudinalis inherentia
AAA 2 est*

INDEX

est essentialis. num. 19. 194
Accidens tam extrinsecis acciden-
tibus, quàm intrinsecis sub-
stantia, analogum est. num. 78.
 243

Analogia.

Analogia est proportio inter multa
eodem nomine significata. nu.
 12. 203

Analogum medium tenet inter
aquinocum, & uniuocū. ibid.

Analogum efficere non sufficit pro-
portionalitas, etiam per nomen
significata. nu. 18. & 22. 207.
 209

Analogum habet conceptum vocis
unum. nu. 26. 212

Analogis non datur unus cōceptus
reis sed multiplex. nu. 28. 213

Analogum aliud cuius significa-
tum formaliter xperiur in
omnibus, aliud cuius solū in
principaliori, & extrinsecē. nu.
 30. 214

Ab analogatis, quæcunque illa sint,
non est abstrahibilis simpliciter
communis conceptus. num. 31.
 & 40. 215. 219

Analogum immediate significat
analogata: qua actu confuso cō-
tinet. nu. 43. 221

Analogum quo modo verificetur
de singulis analogatis. num. 45.
 223

Analogum predicatur de analo-
gatis, predicatione formali se-
cundum quid, & simpliciter
æqualis. nu. 46. ibid

Analogum predicatur de analogi-
is, ut dicunt inter se attributio-
nem. n. 51. 226

Analogum habet unitatem secun-
dum quid, quæ sufficit. n. 52 ibid.

Analogi diuifio simpliciter, est vo-
cis secundum quid rei. ibid.

Ad efficiendum nomen analogum,
sufficit attributio multorum ad
unum, etiam ad significatum
per nomen. num. 79. 244

Concretum.

Concretum tam essentialē,
 quàm accidentale, de in-
 feriori, vel æquali concreto præ-
 dicatur. num. 15. 89

Concretum accidentale, resultans
ex natura accidentali, & ex
modo inherendi in subiecto, est
unum per se, & pradicamentale.
 num. 24. 267

Compositio.

Compositio Metaph. in Deo non re-
peritur. num. 33. 164

Compositio Metaphysica ex conce-
ptibus obiectiuis fit. num. 16. 152

Compositio realis petit extrema
realia, & realiter distincta. nu.
 23. 157

Conceptus.

Conceptus significant naturaliter,
voces verò, & scriptura, ad pla-
citum. num. 5. 500

Complexa.

Complexa non pertinent ad pradi-
camentum. num. 16. 264

Dialectica.

Dialectica non diuiditur pro-
 priè in naturalem, & ac-
 quisitam. num. 1. 1

Dialectica ad alias scientias perfe-
ctè comparandas est necessaria,
non verò ad quomodocunque.
 num. 2. 2

Dialectica docens est scientia. nu.
 4. 5

Dialectica diuiditur in docentem,
& utentem. num. 5. 7

Diale

ctior
 Proble
 etu
 ut
 pa
 &
 Probl
 zio
 per
 mo
 ter
 Propo
 est
 cia
 Propo
 su
 ne
 st
 pe
 li
 pa
 Prob
 aa
 fo
 m
 Pra
 f
 C
 Qu
 t
 t
 Esse
 b
 d
 Qu
 h
 f
 Qu
 p
 t

R E R V M.

tionis.nu.12. 722

Problema dialecticū, aliud practi-
ctum, aliud speculatiuum : &
utrunque diuiditur secundum
particulares scientias.nume. 12.
& 13. ibid.

Problema distinguitur à proposi-
tione dialectica in hoc:quod illa
per modum compositi, hac per
modum simplicis questionis in-
terrogat.num.15. 724

Propositio dialectica quadruplex
est, generis, speciei, proprij, & ac-
cidentis. ibid.

Propositio sub vniuersali ratione
sumpta solum dicit enunciationem:
qua si in syllogismo demon-
stratiuo ponitur, principium ap-
pellatur: si in dialectico, probabi-
lis propositio: si in sophistico, ap-
parens.nu.16. ibid.

Problema, & propositio dialectica,
ad instruendam disputationem
formaliter seruiunt, ad syllogis-
mum anteccedenter.nu.20. 726
Prædicatum.

Prædicata topica quatuor tantum
sunt.nu.5. 719

Quantum.

Quantum se aliud cōtinuum,
aliud discretum. 313

Qualitas alia molis, alia virtu-
tis: prior constituit prædicamen-
tum.nu.8. 316

Essentia quantitatis molis, est ha-
bere partes extra partes secun-
dum magnitudinem. ibidem

Quantitatis continua sunt species:
linea, superficies & corpus, inter
se distincta.nu.22. 321

Quarum linea longitudinem, su-
perficies latitudinem: corpus
profunditatem solum de forma-

li dicunt.

ibid.

Quantitas distinguitur realiter à
substantia.nu.86. 361

Qualitas.

Qualitas in communi, ut proprie
denominat substantiam qua-
lem, est supremum genus præ-
dicamenti qualitatis.nu.7. 442

Sub genere qualitatis, habitus &
dispositio specie distinguuntur.
nu.14. 446

Potentia, & impotentia non sunt
species distincta qualitatis: sed
vna.nu.24. 451

Qualitas vniuocè dicitur de passio-
ne, & passibili qualitate, qua
non sunt diuersa, sed eadem spe-
cies.nu.30. & 33. 455.457

Passiones anima secundum forma-
lem, & materialem rationem
pertinent ad prædic. qualitatis
nu.37. 459

Ad prædicamentum qualitatis ob-
iecta sensuum externorum, sub
diuersis rationibus pertinent.
nu.46. 463

Sub qualitate, forma, & figura,
vna tantum sunt species.n.52. 466

Relatio.

Relatio constituit speciale præ-
dic.nu.8. 367

Relatio secundum conceptum cō-
munem, subiectum absolute re-
spicit: at secundum particulare
subiectum in ordine ad termi-
num.num.16. 371

Supremum genus in abstracto, est
relatio in communi, & in con-
creto relatiuum in communi
num.25. 375

Terminus relationis, supremi gene-
ris, abstrahit ab absoluto, & re-
latiui.nu.27. 376

AAA ; Rela

INDEX

Relatio secundum esse, imponit in subiecto rationem communem, secundum esse ad particularem. num. 32. 379

Relatiuum & relatum secundum rem, & rationem idem sunt. num. 35. 380

Relatio predicamentalis extra essentiam subiecti est. nu. 40. 383

Relatiuum aliud mutuum, aliud non mutuum. num. 48. 387

Relatio sumit speciem à termino. num. 50. 388

Relationes non mutua terminantur ad absolutum formaliter. num. 64. 395

Unum relatiuum per unam numero relationem cum extensione refertur ad plures terminos eiusdem speciei. num. 80. 403

Relatio predicamentalis non mutua, non datur entis realis ad ens in potentia, vel ens rationis. nu. 89. 408

Relationes similitudinis, & aequalitatis immediate fundantur in qualitate, identitatis vero in substantia. numer. 97. & 99. 412. 414.

Relatio formaliter habet esse rationem referendi, & materialiter esse eiusdem, vel diuersa speciei, & primo modo sumpta non est fundamentum relationis, bene tamen secundo. nu. 102. & 104. pag. 416. 417

Fundamentum proximum relationum secundum generis est potentia reducta ad actum. nu. 115. 424

Relationes mensurabilis ad mensuram, & reales, & predicamentales sunt. num. 120. 426

Relatio realis predicamentalis à

suo fundamento realiter distinguitur. num. 129. 431

Relatio posito fundamento in utroque extremo per potentiam Dei absolutam potest separari ab illis non permanens, sed destructa. num. 137. 434

Relatiuis nec formaliter, nec ratione fundamenti, conuenit propria contrarietas. num. 139. 436

Relationi predicamentali ratione sui non conuenit suscipere magis, & minus proprie, nec improprie, bene tamen aliquibus ratione fundamenti. nu. 143. 438

Substantia.

S*ubstantialia suo nominibus cretis ad predicamentum pertinent.* num. 9. 260

Substantia completa, & finita in communi est supremum genus predicamenti substantia. nu. 10. 283

Diuisio substantia in primam, & secundam sumitur realiter, & est analogi in analogata. nu. 30. 294

Definitum formale in definitione prima substantia, est ratio realis communis primis particularibus. num. 39. 299

Substantia sumpta essentialiter, perfectius reperitur in secunda, at secundum proprietatem substantiandi perfectius in prima, quam in secunda. num. 43. 301

Secundae substantiae significant quale quid secundum communem rationem qualitatum. num. 50. 303

Substantia priuatiuam, relationem contradictoriam oppositionem formaliter habet: contrarium

R E R V M.

*Genus continet oppositas differen-
tias in potentia, per quas contra-
hitur.* *ibid.*

*Genus predicatur de specie, ut to-
tum potentiale. nu. 24.* 112

*Genus distinguitur à differentia,
per predicari in quid. nu. 26.* 113

*Genus non predicatur immediatè
de indiuiduis generis, ut genus,
bene tamen ut species, num. 24.*
132

*Genus distinguitur à differentia,
per predicari in quid. nu. 26.* 113

*Genus non predicatur immediatè
de indiuiduis generis, ut genus,
bene tamen ut species, nu. 24.* 132

*Genus habet significatum mate-
riale adequatum, & inadæ-
quatum, num. 10.* 122

*Genera subalternatim posita ea
sunt, quorum unum sub altero
collocatur, & ambo sub 3. cap. 3.*
pradicament. esse. nu. 3. 116

*Genera subalternatim posita p f-
sunt habere differentiam com-
munem diuina, qua verò
non sic sunt posita, nullam ha-
bere possunt. num. 5.* 118

Habitus.

Habitus acquisitus per demon-
strationem quia, & propter
quid, etiam circa eandem rem
specie differunt. num. 16. 670

*Habitus principiorum, præter intel-
lectum, & species intelligibiles
dantur. num. 8.* 689

*Habitus principiorum practico-
rum, & speculatiuorum, specie
differunt. num. 20.* 695

*Habitus principiorum, & scientia-
rum, etiam circa eandem scien-
tiam specie distinguuntur. num.*
25. 698

Indiuiduum.

Indiuiduum per collectionē pro-
prietatum primò intentiona-
liter definit. num. 32. 137

*Indiuidua, ut talia habent conue-
nientiam modalem. num. 35.* 138

*Indiuiduum vagum non constituit
distinctum predicabile, sed re-
ducitur ad predicabile speciei.*
num. 89. 70

Infinitum.

*Infinitum aliud essenziale, aliud
accidentale: hoc ad pradicamen-
tum pertinet, non verò illud. nu.*
18. 268

Mors.

Mors & corruptio accidentia
sunt, aut modum acci-
dentis habent. num. 14. 198

Motus.

Motus non est species quantitatis.
num. 47. 337

*Motus à termino habet successio-
nem.* *ibid.*

Motus est entitas incompleta. *ibid.*

Motus sex habet species. nu. 1. 493

Modus.

*Quot modis unum dicatur altero
prius, num. 1.* 499

Habere septem modis dicitur. nu. 1.
494

Numerus.

Numerus est unum per se. nu.
53. 341

*Numerus est species quantitatis
distincta à cæteris.* *ibid.*

*Numerus est obiectum arithmeti-
ca, independens ab intellectu, nu.*
56. 342

*Differètia essentialis numeri, sumi-
tur ab omnibus unitatibus, ut
habentibus specialem rationem
quantitatis discreta. nu. 67.* 349

INDEX

In numero, ut toto integrali, forma
sumitur ab ultima unitate ut
terminabili. nu. 68. 349.
Numerus rerum spiritualium non
est pradicamentalis. nu. 71. 351
Numerus infinitus non pertinet ad
pradicamentum. nu. 85. 360
Nomen.

Nomen definitur per vocem non
significatiuam, tanquam per
subiectum. nu. 9. 506

Nomen significat ad placitum. nu.
11. 509

Nomen infinitum de materiali res
omnes prater negatam: de for-
mali verò, puram negationem
significat. ibid.

Nomen infinitum à ratione veri
nominis excluditur. ibid.

Nomina transcendentia possunt
infinitari. nu. 17. 517

Oratio.

O Ratio est species quantitatis
discreta distincta ab aliis.
nu. 75. 354

Oratio pertinet ad pradicamentum
quantitatis, secundum exten-
siones syllabarum ordinabiles ab
intellectu. nu. 78. 356

Oratio definitur ab Arist. ut com-
prehendit perfectam, & imper-
fectam, simplicem, & composi-
tam. nu. 79. 357

Obiectum.

Obiectum habet unitatem, & ma-
terialitatem. nu. 11. 16

In omni obiecto non est quarenda
eadem unitas. nu. 58. 344

Opinio.

Opinio alia, quæ ex sola cogni-
tione terminorum, alia quæ ex
medio probabili habetur. num.
43. 708

Opinio essentialis est formido vir-
tualis, non actualis. nu. 45. 709

Opinio & scientia secundum ha-
bitum: non actus in eodem in-
tellectu, & de eadem re simul
esse possunt. nu. 52. 713

De sex prædicamentis.

Qua genera, species, & proprie-
tates habeant actio, &
passio. numer. 2. & 4. 467. &
seq.

Quid sint, & qua genera, species,
& proprietates habeant quan-
do, ubi, & situs. 484

Habere, quod, & qua genera, &
species habeat. nu. 3. 470

Ratio formalis horum præd. non in
sola denominatione extrinseca
consistit. 484

Pars.

Partes nominis compositi separata
ab eo, ut partes non sunt signifi-
cativæ. nu. 13. 511

Posterioristica partis obiectum est
demonstratio. nume. 4. 586

Posterioristica pars dignior est ca-
teris. nu. 16. 593

Partis rei, aliæ physica, aliæ meta-
physica: ex illis nulla ad prædi-
camentum, ex his solum genus
pertinet. num. 12. & 14. 262.
263

Principium.

Principium aliud dignitas, aliud
positio. nu. 5. 624

Principia subalternantis, & sub-
alternata scientiæ, uniuntur ad
inferendam conclusionem. num.
40. 683

Problema, & propositio Dialectica.

Problema dialecticum est interro-
gatio utriusque partis contradi-
ctionis

I N D E X.

Quæst. vnic. An singulares enunciationes de futuro contingenti habeant veritatem, aut falsitatem determinatam.	548
An effectus contingens, quando est, sit necessarius; vel adhuc contingens.	555
De priori resolutione.	557
Proœmium huius operis.	ibid.
De inscriptione huius operis.	ibid.
Quodnam sit obiectum huius operis.	558
Diuisio totius operis.	559
C A P. I. Cum Exposit.ione text.	ibidem
C A P. II. Cum expositione text.	582
Notabile circa literam.	563
Notabile 2.	ibid.
Notabile 3.	564
C A P. III. Cum exposit. text.	565
Dubium 1. circa conuersionem propositionũ de necesse.	566
An vera sit secunda Regula conuersionis, vniuersalis affirmatiuæ, de necesse.	ibid.
Dubium 2. An bene probauerit Aristot. regulas conuersionis propositionum de necesse.	568
Circa conuersionẽ propositionũ de modo contingenti.	569
Notabilia 3.	ibid. & sequen.
Notabile vnicum circa conuersionem propositionum de possibili, & impossibili.	574
C A P. IIII. Cum exposit. text.	ibid.
Quid sit figura, & quoruplex, & qui modus.	576
An præter tres figuras enumeratas ab Arist. addenda sit quarta.	577
C A P. V. Cum exposit. text.	578
C A P. VI. Cum exposit. text.	581.
Traditur ars inueniendi medium, ad cõficiendos syllogismos, & probandum quodlibet genus propositionum.	583
De posteriori resolutione.	585
Proœmium totius operis.	ibid.
Quodnam sit subiectum huius operis.	586
Dignorem esse hanc partem dialecticæ cæteris omnibus ostenditur.	587
Finis huius operis, & titulus, seu inscriptio eius explicatur.	589
Explicatur quem locum obtinere debeat opus hoc inter cæteras partes Dialecticæ.	592
Quare dicatur iudicatiua hæc pars posterioristica, pars vero topica inuentiua.	593

I N D E X.

Modus procedendi, & diuifio totius operis.	394
<i>C A P. I. Cum expofit. tex.</i>	395
Quæftio 1. An de omni, & fola cognitione intellectiua, intelligatur vniuerfalis propositio Aristotelis.	398
Quæftio 2. An de fubiecto fit præfupponenda actualis exiftentia.	601
Quæftio 3. An de fubiecto præcognofcendum fit quid rei, vel folum quid nominis.	603
Quæftio 4. An præcognitiones de fubiecto, paffione, & principio haberi debeant ante demonftrationem; vel etiam in demonftratione ipfa.	606
Quæftio 5. An affenfus conclufionis fiat, ex affenfu præmiſſarum, aut principiorum in genere cauſæ efficientis; vel folum materialis.	608
Quæftio 6. An affenfus principiorum includatur formaliter in affenfu conclufionis.	611
Quæftio 7. An habito affenfu præmiſſarum, affentiatur intellectus conclufioni in eodem instanti.	615
Quæftio 8. An habitis affenfibus præmiſſarum, liberum fit intellectui affentire conclufioni, vel neceffe fit affenfum eius habere in eodem instanti.	617
<i>C A P. II. Cum expofit. text.</i>	622
Quæftio 1. An fecunda definitio demonftrationis fit bona.	625
Quæftio 2. quoduplex fit propositio per fe nota, an omnis immediata fit appellanda per fe nota.	627
Quæftio 3. an nuda definitio fit principium, quod vocatur positio.	633
Quæftio 4. An principia demonftrationis ſint magis vera, quam conclufio: & vniuerſaliter, vna propositio, an poſſit eſſe verior altera.	634
Quæftio 5. an ſemper fit neceſſarium, vtrâque præmiſſam demonftrationis, certiore eſſe conclufione.	638
<i>C A P. IV. Cum expofitione textus.</i>	644
Quæftio 1. an demonftratio debeat procedere ex neceſſariis.	646
Quæftio 2. an demonftratio debeat conſtare ex propositiõibus de omni, per fe, & vniuerſaliter.	650
Quæftio 3. Quidnam ſignificetur per terminum vniuerſaliter & an conueniat propositiõibus ſuperiorum de inferioribus, vel ſolum his, quæ ſunt in terminis conuertibilibus.	656
<i>C A P. X. Cum expofitione textus.</i>	644
Quæftio 1. an demonftratio procedens à cauſa remota ſit, quia vel pro	

R E R V M.

trarium verò virtualiter. num.
54. 306
Suscipere contraria omnibus pri-
mis conuenit. numer. 59. & 64.
309. 311.
Species.
Species subijcibilis, ut talis, non est
uniuersalis. num. 9. 121
Species prius respicit genus, quàm
indiuidua. num. 11. 122
Species nobiliori respectu respicit in-
diuindua, quàm genus. ibid.
Species, & genus physicè considera-
ta in unico indiuinduo conserva-
ri possunt: Logicè verò plura re-
quirunt. num. 12. 123
Species Metaphysicè sumpta in u-
nico indiuinduo conseruatur: ge-
nus autem in pluribus specie-
bus. num. 15. 126
Species qua unicum tantùm indi-
uiduum habere possunt, non sunt
uniuersales. num. 19. 129
Species distinguitur à genere per il-
las particulas, de pluribus diffe-
rentibus numero formaliter ac-
ceptas. num. 27. 134
Scientia.
Scientia de subiecto, non actualem,
sed p̄tentialem existentiam pe-
tit. num. 16. 603
Scientiarum subalternatio possibilis
est. num. 26. 608
Scientia alia actualis, habitualis
alia. num. 3. 4
Scientia habet unitatem numeri-
cam, specificam & genericam.
num. 11. 16
Scientia sumit unitatem specifi-
cam ab obiecto formali & prin-
cipij, quod idem est. ibid.
Scientia subalternata intra pro-
prios limites non efficit demon-

strationem propter quid. nu. 37.
681
Scientia & scibile differunt specie
ab opinione & opinabili. nu. 1.
685
Scientia sub uniuersali ratione
considerata non est essentialis e-
uidentia. num. 34. 703
Syllogismus.
Syllogismus in communi ad de-
monstratiuum, Dialecticum &
sophisticum, pro habente veram
formam sumptum, genus est.
num. 5. 737

Tempus.

Tempus est species quantitatis
continua. num. 31. 327
Tempus non dicitur tardum aut
velox, sed motus, num. 32. 328
Tempus est numerus motus secun-
dum qualitatem, non quanti-
tatem. num. 33. ibid.
Tempus est quantum successiuum.
num. 36. 339
Tempus non accipit complementum
essentiale ab intellectu. num. 37.
343

Vniuoca.

Vniuocorum definitio denomi-
natiuis non competit, nu.
6. 209
Vniuocum aliud proprium, aliud
improprium. num. 7. 201
Vniuersale.
Vniuersalium notitia necessaria est
ad predicamentorum cognitio-
nem, cap. 1. vniuer. numer. 28.
33
Vniuersale aliud complexum, aliud
incomplexum. num. 29. 34
Vniuersale incomplexum quadru-
plex. ibid.
Vniuersale

INDEX RERV M.

Vniuersale est in singularibus, à quibus non distinguitur realiter. nu.

31.

35

Vniuersale in utraque definitione secundum potentiam, est intelligendum. num. 33.

36

Vniuersalis essentia est esse in multis, passio verò predicari de multis.

ibid.

Vniuersale fundamentaliter est ens reale, formaliter ens rationis. nu.

36.

38

Vniuersalia secundum essentiam, non secundum existentiam aeterna sunt. nu. 37.

39

Vnitatis natura, alia numerica, alia specifica, alia generica: prima illi conuenit à parte rei, dua posteriores per intellectum. num. 38.

40

Vnitatis formalis positiua nec negatiua datur à parte rei. nu. 46.

44

Vniuersale formaliter non datur à parte rei, bene tamen fundamentaliter. nu. 54.

48

Vniuersale aliud Logicum, aliud Metaphysicum, illud per comparisonem possibilis, hoc per abstractionem agentis fit. numero 58.

Cap. 71.

50. 58

Vniuersale est concretum accidentale. nu. 76.

61

Vniuersale est genus remotum ad quinque predicabilia. nu. 78.

63

Vniuersale est obiectum lib. predicabilium. nu. 81.

64

Vniuersalium numerus ex modo se habens predicati ad subiectum desumitur. nu. 88.

70

Vniuersalia sunt species atomae. nu. 89.

ibid.

Verbum.

Verbum distinguitur à participio per ultimas particulas definitionis. nu. 3.

497

Verbum substantiuum existentiam significat per modum actus. nu. 20.

523

Verbum est pars formalis enunciationis. nu. 25.

527

Verbum tam in propositione, quam extra existere potest. nu. 28.

530

Veritas.

Veritas ex parte adaequationis una non potest esse maior altera, bene tamen ex parte fundamenti, & causarum. nu. 26.

636

F I N I S.



